





TANNERI  
Societas  
JESU  
Milicans.

H.S.

III.

20.















430. H.E.  
Tanner

J. L. Linn.

\* B. 11. 20

as 6930.

Mealy

✓




83-5




Joseph Gillow,  
PRESTON.
























*Collegij Societatis Jesu Monachij 1700*

SOCIETAS  
JESU  
*USQUE*

AD SANGUINIS  
ET VITÆ PROFUSIONEM  
MILITANS.

IN EUROPA, AFRICA, ASIA,  
ET AMERICA,

*CONTRA*  
GENTILES, MAHOMETANOS,  
JUDÆOS, HÆRETICOS,  
IMPIOS,

*PRO*  
DEO, FIDE,  
ECCLESIA,  
PIETATE.

*SIVE*  
VITA, ET MORSES  
EORUM,

*QUI*  
Ex Societate Jesu in causa FIDEI, & Vir-  
tutis propugnatae, violentâ morte toto Orbe  
sublati sunt.

AUCTORE

R. PATRE MATHIA TANNER Æ SOCIETATE JESU,  
SS. THEOLOGICÆ DOCTORE.

---

PRAGÆ, Typis Universitatis Carolo-Ferdinandæ, in Collegio Societatis  
JESU ad S. Clementem, per Joannem Nicolaum Hampel Factorem.  
Anno M. DC. LXXV.



THE SOCIETY OF THE FRIENDS

OF THE AMERICAN METHODIST  
EPISCOPAL CHURCH

IN THE CITY OF NEW YORK

FOR THE PUBLICATION OF  
THE AMERICAN METHODIST

EPISCOPAL CHURCH  
OF THE CITY OF NEW YORK

OF THE AMERICAN METHODIST  
EPISCOPAL CHURCH

OF THE CITY OF NEW YORK

FOR THE PUBLICATION OF  
THE AMERICAN METHODIST

EPISCOPAL CHURCH  
OF THE CITY OF NEW YORK



ADMODUM REVERENDO PATRI,  
IN CHRISTO PATRI  
NOSTRO  
JOANNI PAULO  
OLIVA,  
SOCIETATIS JESU PRÆPOSITO  
GENERALI.

**P**roprio Sanguine purpuratos Socie-  
tatis nostræ Heroës, & gloriosis ab impugna-  
ta Idololatria, Hæresi, ac quolibet Vitio, tri-  
umphis nobiles, cùm spectâssem calamis va-  
riorum Historicorum, & Encomiastarum  
pennis depictos: merito, ut debebam, gra-  
tulatus fui, ad ceteram rerum præclarè gestarum gloriam,  
eximios ijs fortitudinis Christianæ præcones; atq; ut Achillē  
Alexander ab encomiaste Homero, ità istos ego singulos à suis  
præconibus felices existimavi. Sed tamen nescio quid ultrà,  
sive ad illorum gloriam, sive ad legentium utilitatem deside-  
rari mihi videbatur. Rebar quasi in nebula adhuc præclaros  
hos pancratiastas, post eam illustrium Scriptorum lucem, ver-  
sari; & cupiebam de facie intueri, quos pennâ descriptos lege-  
bam; quasi illo Divi Augustini voto incitatus, quo non con-  
tentus Christi Salvatoris sermones, & Pauli conciones è charta  
legere, ipsum Christum in carne conversantem, & Paulum  
concionantem optabat videre: Cùm

*Segniùs irritent animos immissa per aures,  
Quàm quæ sunt oculis subjecta fidelibus.*

Unde mihi persuadebam, potentiùs animos ad omnem vir-  
tutem incitandos, si facie ad faciem spectarentur, & quodam-  
modo viventes in tabula proponerentur, quorum res gestæ



pennâ relata, & veluti solâ famâ acceptâ, tantopere moverent. Succurrebat menti id, quod Rhodijs, admirantibus & laudantibus orationem Demosthenis, quâ reum se peregerat, dixit Æschines, suspirans: *quid si, aiebat, ipsummet audiissetis sua verba resonantem?* Utî nescio quid latentis energizæ habet viva vox, itâ habet vultus virorum à facinoribus præstantium, ad vivum repræsentatus. Animum igitur sumsi, omnémq; curam eò conferre conatus sum, ut illos æri incisos redderem, & modo quodam viventes loquentésq; repræsentarem, quibus in eruditis illis chartis vita deesse videbatur.

Hos verò cui potius, quàm Admodum Rev: Paternitati Tux deferrem, ac dicarem, in cujus domo, tanquam vernæ, in hoc opus nati sunt? Tot purpuratorû è Societate Heroum, cui Præpositus Generalis summo cum imperio præes, pretiosissima purpura, non una in parte Orbis, terrâ mariq; nata, Româ (quæ innumerorum Christi testium sanguine tota colorata est, & Purpuratorum Ecclesiæ Præfulum sedes) deferri debuit, atq; elegantissimum hoc Societatis JESU ornamentum in sinum ejus Patris deponi, cui decor hujus Domûs DEI, ipsius summi Numinis arbitrio est commendatus. Sed & optimam purpuram, ut gratior venustiorque appareat, altè collocandam monet Seneca: *sunt (ait Natur. quæst: l. i. c. 5.) quidam colores, qui ex intervallo vim suam ostendunt. Purpuram Tyriam, quò melior saturiorque est, eò oportet altiùs teneas, ut fulgorem suum ostendat. Non tamen ideo non habet illa colorem: quia quem optimum habet, non quomodocunq; explicetur, ostendit.* Excelsus locus est, in quo divinis consilijs Admodum Reverendæ Paternitatis Tux Sapientia Virtúsq; collocata est: non visus est dignior, quo pretiosissimam hanc, & omni Tyriâ nobiliorem purpuram extollerem, quæ etsi colore proprio quidem polleat, quo exornet pulcherrimum hoc Societatis Corpus, & splendore suo perstringat oculos intuentium, fulgorem tamen suum ad illam sublimitatem & altitudinem, mirum quantò liberaliùs copiosiùsq; explicatura est.

Deinde tot Victorum lauream, cui convenientiùs sociâsem, quàm Olivæ? quarum altera Pacis, altera Victoriæ (quæ utraq; belli finis) est symbolum. Propensione quâdam naturali



turali feruntur in Olivas Lauri, & in earum societate, Plinio teste (*lib. 10.*) uberiùs crescunt. Lacedæmonij docuisse videri possint, quid faciendum mihi esset: *eos, qui se strenuè gessissent, & fortiter agendo occubuisissent, olivâ coronare; qui verò perfectam & absolutam virtutem præstitissent, eos etiam amictos purpurâ gloriosè sepulchris mandare soliti.* (*Ælian. var. hist. l. 6.*) Perfectissimâ fortitudine præstantes Heroas nostros, & sanguinis sui purpurâ exornatos, non potui nobiliore coronâ decorare, quàm si Nomini Admodum Reverendæ Paternitatis Tuæ subijcerem, plùs quàm Spartano ferto ab hoc decore gloriaturus. Veteres Romanorum Imperatores, laurum in gremio Jovis collocasse memorat Plinius (*lib. 10.*) quoties novæ victoriæ lætitia nuntiaretur. Tot fortissimorum Athletarum victorijs non tantùm nuntiatis, sed præconio omnium gentium celebratis, decebat nimirum me quoque lauros deponere in sinum Tuum, Admodum Reverende Pater, qui unus velut omnium Jupiter, id est, omnes *juvans*, à nobis omnibus coleris & celebraris. Oliva fructifera in domo DEI, laureis novis hanc quoque gloriam Societatis JESU augeri ipse vidisti, ad quam nonnulli Tuis monitis ac præceptis instructi, strenuè ac generosè processerunt, plurimum suæ fortitudinis ad Tuam institutionem ac monita grati referentes, imò & gloriam suam in beata illa æternitate tecum communicaturi.

Immortalis dicitur laurus carminibus Poëtarum: & verè immortalis est laurea Martyrum: congruentissimè igitur sociatur Olivæ, quam annis ducentis vivere asserunt Scriptores. Ut Admodum Reverenda Paternitas Tua annos ducentos, & ultrà vivat, precatur tota, quam sapientissimè placidissimèque, prorsus Olivæ ingenio, gubernas, Societas. Tam optatæ longævitati commendare Laureas illas immortales jure oportebat, in quibus in tabulas æreas incidendis, meum hoc quale quale studium, si benevolo annutu probare dignabitur Tua Admodum Reverenda Paternitas, magnum me operæ pretium retulisse arbitrabor, & purpuratis hisce Victoribus gratum ad posteros me transmisisse rebor monumentum: vel hoc uno argumento, quòd la-



bor meus Admodum Reverendæ Paternitatis Tuæ oculis  
probetur. Iterum precor, ut optimus DEUS Admo-  
dum Reverendam Paternitatem Tuam, ad commune totius  
Ecclesiæ, ac Societatis nostræ incrementum & ornamen-  
tum, diutissimè conservet incolumem.

Pragæ An. 1675. die 1. Maij.

Adm. Rev. Paternitatis Tuæ

*Minimus Filius*

MATHIAS TANNER. S.J.




# FACULTAS R. P. PROVINCIALIS

Soc. JESU, Prov. Bohemiæ.

**C**um Librum, cui titulus est: *SOCIETAS JESU*  
*usque ad sanguinis & vitæ profusionem militans*, à P. MATHIA  
TANNER Societatis nostræ Sacerdote conscriptum, tres ejusdem  
Societatis Sacerdotes recognoverint, ac in lucem edi posse judicaverint:  
potestate à Patre nostro JOANNE PAULO OLIVA Præposito  
Generali ad id mihi datâ, facultatem concedo, ut liber typis mandetur.

In quorum fidem has literas manu meâ subscriptas, & sigillo Officij  
mei munitas dedi. Pragæ 22. Aprilis, Anno 1675.



Georgius Hohenegger.

Imprimatur.

MATTHÆUS FERDINANDUS

Archi - Episcopus Pragensis, &c. &c.

## PROTESTATIO AUCTORIS.

**C**um Sanctissimus D. N. URBANUS Papa Octavus, die decimâ tertiâ  
Martij, Anno millesimo sexcentesimo vigesimo quinto, in Sacra Congre-  
gatione S. Rom. & Universalis Inquisitionis Decretum ediderit, idemq;  
confirmaverit die quintâ Julij Anno millesimo sexcentesimo trigesimo quarto,  
quo inhibuit imprimi libros, hominum qui Sanctitate, seu Martyrij famâ cele-  
bres è vita migraverunt, gesta, miracula, vel revelationes, seu quæcunq; benefi-  
cia, tanquam eorum intercessionibus à DEO accepta, continentes, sinè recogni-  
tione, atq; approbatione Ordinarij; & quæ hætenus sinè ea impressa sunt,  
nullo modo vult censeri approbata. Idem autem Sanctissimus die quintâ Ju-  
nij Anno 1631. itâ explicaverit, ut nimirum non admittantur Elogia Sancti,  
vel Beati absolutè, & quæ cadunt super personam, bene tamen ea, quæ cadunt  
supra mores, & opinionem, cum protestatione in principio, quòd illis nulla adsit  
auctoritas ab Ecclesia Romana, sed fides tantum sit penes Auctorem. Huic de-  
creto, eiúsq; confirmationi, & declarationi, observantiâ & reverentiâ, quâ par  
est, insistendo, profiteor me haud alio sensu, quidquid in hoc libro refero, accipere,  
aut accipi ab ullo velle, quàm quo ea solent, quæ humanâ duntaxat auctoritate,  
non autem Divinâ Catholicæ Romanæ Ecclesiæ, aut Sanctæ Sedis Apostolicæ  
nituntur; ijs tantummodo exceptis, quos eadem Sancta Sedes, Sanctorum, Bea-  
torum, aut Martyrum Catalogo adscripsit.

Mathias Tanner S. I.

A

PRÆ.



# PRÆFATIO.



**N**IL ita gloriosam, & toto latè propagatam Orbe reddidit Christianam Religionem, quàm persecutionum atrocitas, & continuata infestatio, ex qua se ipsâ semper fortior evadebat & auctior, sic ut meritò Sanguis Martyrum semen crederetur esse Christianorum. Voluit Ecclesiam suam Dominus toto Orbe diffundi, & ex omni Natione quæ sub Cœlo est colligi: ubique ergo infestissimis illam contradictionibus, adversis, mortibus exagitari permisit: testantibus ipsis illius hostibus Act. 28. v. 22. *De Secta hac notum est nobis, quia ei ubique contradicatur.*

In eandem hanc sortem pari eventu admissa est singulari Numinis providentiâ minima Religionis Christianæ portio Societas JESU, quæ ne vacuum hoc Nomen, vanâ solùm inter mortales jactantiâ circumferre videretur, facta est non tantùm Nominis, sed etiam Passionum JESU Societas. Frustra enim tam gloriosâ appellatione insigniretur, nisi etiâ iisdem insignibus cum Domino gloriaretur. *Absit enim à Socio JESU gloriari, nisi in Cruce Domini nostri JESU Christi: ad Galat 6. cum quo in laboribus plurimis, in carceribus abundantius, in plagis supra modum, in mortibus inveniri debet frequenter. 2. Cor. 11. Non est scilicet Servus major Domino suo. Joan. 15. & si Patrem familias Beelzebub vocaverunt, quantò magis domesticos ejus? Matth. 10. Contestante idipsum pro solatio fervorum suorum Domino, Joan. 15. Si me persecuti sunt, & vos persequuntur: si Mundus vos odit, scitote quia me priorem vobis odio habuit. Ut adeo non tantùm persecutiones veluti pretiosam hæreditatem Apostolis, laborum suorum socijs relinquere, sed summam in ijs felicitatem & beatitudinem constituere voluerit: beati, inquit Luc. 6. eritis cùm vos oderint homines, & cùm separaverint vos, & ejecerint nomen vestrum tanquam malum propter Filium hominis: cùm dixerint omne malum*



*lum adversum vos mentientes, & persecuti vos fuerint. Sic enim persecuti sunt Prophetas, qui fuerunt ante vos. Matth. 5.*

Cujus Beatitudinis tam copiosè participem facere minimam suam Societatem placuit Divinæ Majestati, ut vix invenire facilè sit Ordinem Religiosum, qui diris magis insectationibus ubique terrarum, ab omni genere & conditione hominum fuerit exagitatus. Sanè odijs hominum usque eò exposita semper fuit, ut Gentiles quidem & Hæretici Vatiniano illam odio persequentes, quosvis alios Religiosos faciliùs patiantur, JESUITAS veluti pestem Orbis, malorum omnium Architectos execrentur. Nec inter Catholicos capitalia illi defunt odia; inter quos prodigio pene simile est, si quis laudibus eam celebret & commendet, plerisque passim eam insectantibus; atque illis potissimùm, quibus plura per ipsam commoda & beneficia obvenerunt. Ut non immeritò usurpare possit illud S. Ignatii Martyris, in Epistola ad Romanos querentis, se inter mortales veluti leopardos versari, *quibus & cum benefeceris, peiores fiunt.* Quanto non gaudio in malis & adversis illius quidam exiliunt! quanto non studio alij nævos ejusdem, si quos subinde, ut inter homines, evenire contingat, quàm latissimè vulgare, propalare student! non alio magis genere librorum delectati, quàm ad illius lacerandum nomen procusis. Quorum nonnulli eam odisse minimè contenti, alios quantùm possunt in ejus execrationem inducere conantur: societatem hominum pseudopoliticorum, superborum, sceleratorum esse jactantes: sic ut ante non multos annos unus aliquis, professionis aliàs sanctæ, etiam in typis professus sit, se in odienda Societate non esse liberum, sed necessitatum, eò quòd ita certus esset illam esse congregationem hominum nequam, ut citiùs negaturus foret Trinitatem in Dei Unitate, quàm crediturus Jesuitas esse homines probos.

Quot deinde Regna & Provinciæ Societatem à se separarunt, & nomen ejus tanquam malum ejecerunt! Vix in ullam Regionem admissa fuit, quin de ejus inde ejectione rursus ageretur. Ejecta autem, & reipsa infamiter proscripta fuit



ex Gallia, Venetijs, Bohemia, Hungaria, Livonia, Moravia, Belgio, Transylvania, Anglia, Scotia, Svecia, Grizonibus, Japonia, China, Æthiopia, Congo, &c. additis plerumque probrosi exilij decretis publicâ auctoritate firmatis, columnis & pyramidibus ad æternam infamiam; additione etiam domuum & rerum ipsius in direptionem, & propositis in vitam & caput Sociorum, veluti facinorosorum perduellium, præmijs.

De *malis*, quæ adversus Societatem *mentientes dixerunt*, & etiamnum dicere & scribere pergunt, infinitus sim si prosequi velim. Vulgati enim contra illam sunt omnis generis libri, Historici, Poëtici, Fabulosi, Mercuriales, Censorij, Forenses, Provocatorij, Satyrici, Philippici, Anatomici, Prophetici, & qui non? certè Bibliothecam bene grandem soli impleturi sint, quorum vel sola in syllabum redacta Auctorum nomina, typis nuper Rupellæ vulgata, justum volumen conflârunt. His porro quàm exóticos prorsus titulos præfigunt! & ut lectorem ad evolvendum permoveant, doctrinam illis scitu privatis æquè ac Regibus pernecessariam tradi profitentur. ubi hic torquet, hic interpretatur, hic damnat Societatis JESU vitæ methodum & constitutiones: alius nec nomen quidem ipsum, & appellationem Societatis Jesu sustinendam putat: alius doctrinæ ipsius adumbrat arcanum, alius reteggit: est qui physionomiæ illius describit notas, componit horoscopum, subtili anatome spiritum dissecat, scrutatur fibras & interiora vitalia: non deest qui latentia examinet studia, referat privata ejusdem colloquia, secreta spargat monita, arcanas evulget industrias & documenta: ille aphorismos illius enumerat, à primævo defluam spiritu repræsentat, peculiarem ejus agendi modum, artes aperit. Sunt qui flagitia illius enarrent, infantes videlicet sexcentos ut minimùm domi sacrilegio natos, & parricidio merfos in piscinis: deprehensas in Bibliothecis puerperarum partui destinatas sedes: congesta in Templorum cameras perduellionibus concitandis arma: nocturnos cum Dæmone tractatus, & exinde quatuor cornibus, ut olim Moyse ab affatu Divino,



vino, deformatos in singulis vultus: thesauros undiq; in sepulchra defossos. Ad hæc Provinciarum rebelliones, cædes Regum, Orbis deprædationes & ruinas: deq; Instituto, moribus, doctrina, consilijs & actionibus tam varia simul & contraria, ut nec de monstris plures olim fabulæ à Poëtis prodierint.

Quid de persecutionibus dicam? nullus locus, nulla Provincia, vix Civitas ulla, ubi non publicis aut privatis exercita fuerit, ac veluti aurum in fornace probata. Solas illas referet hic liber, quæ ad mortem usque & sanguinis effusionem pervenerunt: ex quibus patebit nullum esse elementum, nullum genus tormenti & pœnæ, cum quo non invictissimi Societatis JESU pugiles pro causa Dei decertârint. *Alij distenti sunt, alij ludibria & verbera experti, insuper & vincula & carceres, lapidati sunt, secti sunt, tentati sunt, in occisione gladij mortui sunt: circuiêrunt in melotis, in pellibus caprinis, egentes, angustiiati, afflicti.* Hebr. ii. Verbo, *transiêrunt per ignem & aquam.* Psal. 65.

Neque est quod de enumerandis persecutionum ejusmodi fructibus, & ex ijs secuta Societatis dilatatione atq; incrementis laborem. Res seipsâ in aperto est, quando totus Orbis terrarum (id quod moriens ingenti stupore & dolore querebatur Philippus Melanchton) Jesuitis impletur, neque ulla Regio, nulla Orbis habitabilis portio est, in quam non *exi-  
verit sonus ejus, & quam non calcaverint pedes ejus, pedes speciosi,* quia *evangelizantis pacem, evangelizantis bona;* tam feliciter *Domino cooperante, & sermonem sequentibus signis confirmante,* ut illi; Pontifices Gentium conversionem; Imperatores, Reges, & Principes, Orthodoxæ Fidei in suis Ditionibus conservationem, & A catholicis omnes suas ruinas & damna potissimum adscribant. Nimirum quia pars nulla Orbis est, in qua non Socij JESU *euntes semina* sui sanguinis *miserint*, dignum erat, ut ex omnibus simul Orbis regionibus *venientes, cum exultatione portarent manipulos suos.* Quod ut tantò evidentius pateret, placuit in his mortibus Pugilum Christi recensendis, non annorum seriem & successionem, sed locorum diversitatem



titatem sectari, & in quatuor partes, totidem Mundi portionibus respondentes, librum partiri, ita ut primus referat omnes in Dei causa per Europam, alter per Asiam, tertius per Africam, quartus demum per Americam cruentam morte sublato.

Quibus ne terreamini, o invicti talium Heroum in Societate Jesu posteri, sed contra tantum audentius ite. Ne putetis vos melioris esse conditionis, verbis vos alloquor Pauli 4. Pontificis Max. quibus ad congregatos primi Conventus Generalis Patres vestros usus est, *quam Legis utriusque Sanctos Dei Legatos. Similiter vobis continget: multi enim non recipient vos, neque doctrinam vestram; sed persequentur vos & interficient, obsequium se prestare Deo arbitantes: non tantum à Fide alieni, barbari, & qui in novis Insulis Christianum nomen hostiliter insectantur, sed etiam illi, qui communi nobiscum Christianorum nomine gloriantur. Perturbatissimum enim seculum hoc est, quo Dominus vocavit istam Beatam Societatem. Mementote Societatem hanc in Monte Martyrum, per vota ab Ignatio & Socijs primo nuncupata, natam, sanguine pro Christo toties fuso alitam & roboratam, non aliter quam adversis & infectionibus (qui sensus erat IGNATII, XAVERII, & BORGIE) constitutam, & in majus ac melius profecturam. Atque adeo omne gaudium existimate, cum in tentationes varias incideritis:*

*Jac. I. quia si exprobramini in nomine Christi, beati eritis: quoniam quod est honoris, gloria, & virtutis Dei, & qui est ejus spiritus, super vos requiescit. I. Pet. 4.*









# SOCIETAS JESU EUROPÆA.



PRIMA & potissima totius Orbis, non quidem molis magnitudine, sed humanæ Politicæ prærogativâ, est Europa; tota aliquando Catholicæ Religioni, & Vicario Christi subiecta, nunc autem majore adhuc sui parte Christiana, licet passim Acatholica, præterquam ubi Mahometana lues pestilenti dogmate Græciam, & vicinas illi Provincias intoxicavit. In hac nata Societas Jesu, plurimum sibi laborandum existimavit, tunc potissimum à Domino suscitata, cum maximè *Ecclesia militans novo indigeret subsidio roborari*: quod sibi per Ignatium contra Lutherum, Calvinum, aliósque Fidei Hostes in tempore à DEO submissum esse, grata semper agnovit Ecclesia, prædicavere Romani Pontifices, *DEum, sicut alios alijs temporibus Sanctos viros, ita à Luthero, ejusdemque temporis Hæreticis, Ignatium, & institutam ab eo Societatem objecisse*. Brev. Rom. in festo S. Ignatij. In hos quàm feliciter depugnaverit, & depugnet etiamnum hodie, perpetui de attrita Hæresi reportati loquuntur triumphi. Hæresis etenim impunè ante conscriptam Ignatij Legionem grassata, secundis armis omnem, in quam irrupisset Regionem, totum pene Romanum Imperium, occupabat; donec auspicijs Ignatij profligata, & plurimis Urbibus, Territorijs, Regnis, & Provincijs exacta, victoriarum cursum sistere, & in sua castra se recipere coacta est, ubi vix terminis suis securè se continens, de adjungendis pluribus sibi Provincijs & Regnis desperare cogitur.

Nec minùs fortunato successu rem Catholicam tuita est, cujus in Ditionibus suis ab Hæresi semper intactis, incolumitatem, soli Societati JESU adscribebat Serenissimus Baviaræ Dux Maximilianus: in qua Canisij & Hoffæi conatibus conservati Cantones Helveto-Catholici, illud Ecclesiæ carmen grati illis accinuerunt: *Petrus Canisius, & Paulus Hoffæus, ipsi nos docuerunt legem tuam Domine*. Quid de sacratissimæ memoriæ FERDINANDO II. dicam? In nulla Provincia, nulla Vrbe, securè habituram Fidem Romanam credebat, in quam Præsidium è Compagnia JESU non induxisset. Id quod in Vienna suæ Austriæ, Praga, Boëmiae Metropoli expertus, quamcunq; Regionem, Provinciam, ac pene Urbem debellasset, eidem de Societatis Collegio prospiciebat; eo eventu, ut omnes hodie non Catholicas solum ex integro, sed & in Fide ac Pietate ferventes, Religiosis ac Cœ-




ac Coenobitis ex Societatis scholis prodeuntibus refertissimas sese mirentur : eo Acatholicarum adhuc Urbium timore, ut nihil æquè sollicitè procurent, quàm ne quâ arte vel fortunâ Societas intra earum septa irrepât, veluti certissimam Hæresi stragem & exitium illatura. Quos ex Collegijs Societatis in Universale Ecclesiæ bonum redundantes fructus, expertus Carolus Caraffa ad eundem Cæsarem Legatus Apostolicus, plurimùm eorundem fundationes Deo gratulatus est in Comment. de Germania sacra restaurata, fol. 271. *Collegium, inquit, Znoymæ, Collegium Fglavia, utrumq; quasi firmamen & stabilimen Catholicæ Religionis erectum est. Habitat enim in illis Societas JESU, Magistra morum, hæresum vindex, vitiorum expultrix, præceprix virtutis, Juventutis nutrix.*

Atque hæc sincera Societatis suæ studia coronaturus Dominus, maximorum illi triumphorum materiam, omnibus propè Europæ Regionibus exhibuit, in quibus proprio sanguine purpurati non solum de Hæresi & crudelitate Hæretica triumpharunt inter Heterodoxos, sed etiam vitia & impietatem insectantes, gloriosam Animam posuerunt pro Virtute & Pietate inter Catholicos. Videbis hîc ab Hæreticis laqueo, securi, igne, tormentis, undis, membrorum omnium dissectione, inauditis etiam apud Barbaros Carnificinæ modis, exturbatum pro Fidei defensione Socijs JESU spiritum, in Anglia, Scotia, Hybernica, Suecia, Germania, Transylvania, Gallia, Hungaria, Boëmia, Belgio, &c. Nec minùs miraberis à malis Catholicis veneno, ferro, fustibus, scloporum glandibus, ereptam iisdem pro


Virtute propagata vitam, in Sicilia, Lusitania, &c. Quæ dum legis, ne in sola Heroum commendatione siste & admiratione, sed exemplo eorundem, *pro Iustitia agonizare, tanquam pro anima tua, & usque ad mortem certa pro Iustitia. Eccl. 4. v. 33.*











P. Emmanuel Fernandez Societatis IESU, natus in Africa Tungi, pro Christi honore interemptus, in Lusitaniâ ad Eboram. 18. Februarij A.<sup>o</sup> 1555.

C. Secreta del.

Melch. Küssell f.

## P. EMMANUEL FERNANDEZ.

**M**A&e animo Societas Jesu! lætissimo omine primitias sanguinis in Europæ cultura profundis! Ecce enim in *Emmanuele nobiscum Deus* est, pro quo usque ad sanguinem non tam decertas tu, quàm ipse pugnat in te. Natus Perillustri sanguine Emmanuel Tingi in Africa, ab infantia Divinitati capax hospitium Animam suam præparabat; siquidem *ab infantia crevit cum eo misratio* in pauperes tam singularis, ut Advocatum eorum apud parentes se constituens, stipem pro ijs eblandiretur. Pro debitoribus autem tantâ potentiâ apud eosdem exorabat, ut nollet cibum capere, nisi sua prius

illi nomina recepissent. Magni deinde Xaverij, & Simonis Rodericij virtutum exemplis captus, Societati Jesu adscribi Ulyssipone impetravit; in qua eandem illam persuadendi & perorandi vim, Apostolico Zelo itâ feliciter conjunxit, ut pervicacissimos etiam peccatores percelleret. Eboræ in Societatis morem induxit, fontes comitari ad supplicium, & illis sanctè, & piè ex sua instructione defunctis, pro summis patibuli scalis ad confertum spectatorem verba facere. Primus itidem ex Societate ad excolendum agrum transtaganum evocatus, corrogatâ stipe vitare, pedes universam Regionem percurfare, sæpius per hebdomadam ad populum



manè pro concione, plerumque semper cum lacrymis, dicere, & quotidie sub vespere catechesi rudes imbueri in more habuit, quo animarum fructu, ex sequentibus conijce.


Beja Vrbs transagana, non civium, sed infensissimorum, ob inveterata odia, hostium videri poterat habitatio. Quam suà dicendi vi ita permovit, ut vice una plures quinquagenis ad portam Vrbis habuerit obvios, inimicitias invicem mutuo amplexu condonantes; omnibus exinde Incolis in amicitia fœdera, & non jam civiles, sed fraternos affectus reductis. Audierat eundem Ulyssipone in Veneris mancipia detonantem Africanus quispiam, novennio jam à legitima Coniuge & prolibus, per alienos amores evagatus, qui salubrioribus flammis inde incensus, è vestigio conjugaliori fidem & voto firmavit, & transmissio mari ad conjugem reversus, Patris & mariti munus re ipsa implevit. Idem Helvijs, nobili Lusitania Vrbe, in evanidarum rerum sectatores invecus, ita Matronæ cujusdam ornatum muliebrem supra honestum decorem sectantis, animum permovit, ut sub ipsa concione mundum sibi diripiens, oculos omnium stupore, maritum autem, ornatu illi uxori suadentem, ira & indignatione compleverit. Sed semel peroraturum proximè audire Emmanuelem satis fuit, ut eidem placatus, & sibi ipsi, omni-que superfluo mundo infensus fieret, toti deinceps Vrbi modestiæ singularis cum uxore factus Exemplar. Deniq; tam feliciter Civium mores in melius emendavit, ut Ludovicus Granatensis, præcipuum Familiæ Prædicatorum sydus ediceret, Helvios ab illo vix primo accessu ita mitigatos, ut inveteratam ferociam dedocui, toti in alios à seipsis abirent; quos tamen ipse nullis concionibus flectere potuisset. Nec minùs Bartholomæus de Martyribus, ex eadem Familia ad Bracharenis Ecclesiæ infulas evectus, Apostolicum in eo spiritum suspexit; quin adeò universam ex una ejus persona Societatem metiens, Collegium illi amplissimum Bracharæ fundavit, & extruxit.

Atque hic ipse dicendi ardor gloriosæ illi pro DEO necis oppetendæ copiam paravit. Post totius Vrbis, apud Helvios, conversionem, unum remanebat genere & fortunis clarissimum par, obstinatè in publica stupri consuetudine, cum omnium offensio-

ne, persistens. Hoc scandalum ut tolleret, tota, quæ pollebat vehementiâ Spiritus, in Veneris mancipia, tacitis interim reorum nominibus, tam acriter è suggestu invecus est, ut turpitudinum complex fœmina, sceleris sui immanitate, poenarumque ei debitaram comminatione pavescita, à nefario consortio se divelleret. Cujus emendatione in rabiem scilicet actus inveteratus Leno, Patrem de medio tollere omnino constituit. Igitur redeuntem Eboram, manipulis inter Helvios collectis lætum & exultantem, sceleratus cum sicarijs aliquot vultu velato adoritur, qui causâ necis apertè exprobratâ, terræ allisum, pedibusque proculcatum, fustibus, & sacculis arenâ fartis, ad mortem usque contundunt. Ità confectum, & jam animæ trahendæ imparem rati, terga vertunt: quos ille blandissimè revocans, *ne fugite*, inquebat, *filioli eum qui vos amat, & vestro scelere gravius, quàm suo dolore afficitur. Redite amabè ad me, paratum pro vobis ad mortem, si visum Deo fuerit, oppetendam. Nullus est qui facinus vestrum evulget, nullus qui cadis facta insinulet. Si cum Deo, uti par est, in gratiam redire cupitis, en præsto sum, qui vobis ab admissa injuria, & contracta hinc excommunicatione, absolutionem pro potestate mihi concessa, impertiar.* Quæ charitatis plenâ oratione emollitus sicariorum unus, & facinus suum execratus, ad moribundi sese Patris pedes abiecit, & institutâ cum lacrymis confessione, ab eodem Sacramentalem veniam est consecutus; factus exinde illi Eboram, quibus posset viribus pergere connitenti, auxiliariis viæ comes; cujus lapsabundum gradum fulciens, ad Ebo-rensæ Collegium spirantem adhuc perduxit. Pauculis, quibus supervixit, diebus, à Cardinale Archi-Episcopo Infante Regio, postmodum Lusitaniæ Rege visitatus, neque ullam querimoniæ vocem emisit, neque induci ad ullum sui percussoris vel levissimâ suspicione faciendum indicium potuit; neque rei patratæ series prius, quàm ab ipso illius Auctore narrata, innotuit. Egit inter sacra

JESU & MARIÆ nomina pretiosam animam Eboræ. 18. Febr.

Anno 1555.







P. Petrus Venustus Helveticus, Soc. IESV, pro Christi honore interfectus Bibonæ in Sicilia A<sup>o</sup> 1564. 19. Octob.  
C. Scrota d. M. Küssell f.

## P. PETRUS VENUSTUS.

**V**allis Tellina, à rubore delicatissimi vini celebris Italiae ora, Palmitem hunc produxit, qui ut fructus gigneret uberri-  
mos, ab ipso S. Jenatio in vineam Domini insertus, excultusque, ita viti suae Christo firmiter inhaesit, ut ne morte quidem separari ab illo potuerit. Princeps inter virtutum ejus fructus erat Humilitas, semper in sui contemptum intenta, quæ & pueros infimæ classis maximo studio excoluit, & vin&is in carcere, ægris in publico valetudinario, privatisque domibus inopiâ pressis, omni denique calamitosorum generi, præsto semper adfuit, etiam tunc, cum Bibonense Collegi-

um in Sicilia per annos ferè octo Rector gubernavit. Cumque Urbis illius Duces Petrus de Luna, & Isabella Vega eum sibi ad sacras Confessiones delegissent, ipse tamen infima semper ambiens, Catechesim rudibus explicabat, & ex opulentis stipem per domos colligens, miseras inopum ostiatim levabat, ob æs alienum victos persolutis nominibus liberabat, moribundis & ægris aderat, milleque alias necessitatibus miserorum occurrendi vias, indefessâ Charitate inveniebat. Singularis ejusdem fervor, & zelus enituit in reducendis ad primigenium spiritum Virginum Canobijs, quæ a pristina vitæ severitate collapsa, ita feliciter



restituerebat, ut cum Monasterij Virginum Rollionensis desperatâ emendatione, Siciliae Pro-Rex, & Archiepiscopus, Panormi de integro novum formari jussissent, illi instituendo primus delectus Pater Venustus, tantâ efficacîâ & vigore rem administravit, ut ex egregijs illis initijs excellens deinde sanctitatis ejus fama emanârit. Itaq; inter præclara sanctitatis opera Martyrio maturescens, ut ad certamen mortis exemplo Dominico, & Sancti Laurentij sese præmuniret, solebat feriâ quintâ Majoris Hebdomadæ, inter alia pietatis munera, subditis sibi socijs pedes abluere, ad quos etiam pridie, quàm gloriosam mortem oppeteret, veluti divinitus illius præfagus, exhortatorium sermonem instituens, illa Domini verba pro themate assumpsit: *Ecce ego mitto vos, sicut oves in medio luporum.*

Et revera lupum expertus in se crudellissimum est Rogerium quendam Valentium, licet sub ovina pelle, Clerici veste, Sacerdotem, quem, cum ad commendationem Patris Dux Bibonensis inter familiares accepisset, ut sibi esset à sacris, haud multo post vitijs ejus, alex præsertim intemperantiâ offensus, domo ejecit. Ejectum & inopem miseratus Pater Venustus, cum præsertim omnia alia in futurum, & dignam Sacerdotio vitam sponderet, iterum Duci commendat, & hic iterum promptissimus recipit; brevi tamen ad ingenium & aleam, quod plerumque fieri amat in vitijs solâ necessitate, & humanarum rerum respectu, non autem ex timore DEI relicto, rediturum. Denuo igitur expulsus Ducis familiâ, Pater Venustus tamen curare non desijt, hortando, monendo, obsecrando, ut vitia, quæ non Deo solum, sed hominibus etiam exolum ipsum cum irreparabili damno facerent, tandem ejiceret, atque ad frugem, & dignos Sacerdote mores sese reciperet. At is monitorem, salubria, molesta tamen ingentem, ad mortem destinat, in solam ejus captandam opportunitatem intentus.

Quam ut & præcipiti consilio quantocius illi maturaret, fecit Ducis sententia, qui illum nihilo meliorem calamitate factum, in vincula per Episcopum dari petierat, ut vel poenâ correctus saperet, vel certe multitudinis è conspectu sublatus, desineret publicè offensioni esse. Quod subodoratus miser, auctorem illius consilij Patrem Rectorem dum sibi persuadet, nihil ultra explorans, ut maleficium scilicet præveniat, illum de vinea Collegij postridie S. Lucæ, quarto Cal. Novembris Bibonem reverentem, ad locum, qui vocatur pons magnus, cum ferro expectat. Redibat is lento gradu, quia orationi intentus, humili jumento vectus, locumque præteriens, sicarium suum, blandè etiam salutaverat: qui turbidum nescio quid, ut ipse postmodum fatebatur, reponens, à tergo Patrem invadit, tribusq; altè vulneribus ad cerebrum usque fisso capite, præcipitem dat in terram. Qui in sanguine proprio aliquamdiu volutatus, inter sacra JESU & MARIE invocata nomina, à viatoribus Bibonensibus paulò post repertus est, casu tam horrendo attonitis, & num facinoris auctorem in se patrati nosceret, percontantibus. Nosse equidem illum perbellè fatebatur, adduci tamen ut proderet nullatenus potuit, solum hoc subnectens: *finite illum, DEUS ei ignoscat.* Iterumque atq; iterum JESUM suavissimè appellans, expiravit, publico totius Urbis luctu elatus, quæ sacrilegum Parriæidam continuo vulgatum execrata, necem P. Petri Martyrio S. Joannis, ob increpitum scelus Herodiadis, & S. Petri è Dominicana Familia, ob impugnatam hæresim interfecti æquabat: Laureolâ etiam, & palmâ manibus illius in effigie appictâ, licet hoc tandem Patrum conatu, & studio impeditum sit. Passus est Bibone 19. Octob.

Anno 1564. ætatis 41. initæ  
Societatis 18.







P. Martinus Gutierrez, Hispanus S. I. squallore carceris & verberibus  
ab Hereticis pro Dei honore enectus Cardeliaci in Gallia. A. 1573.  
21. Febr.  
C. S. d.

M. K. f.

## P. MARTINUS GUTIERREZ.

**P**ater Martinus Gutierrez, ob insignem vitæ sanctimoniam, & prudentiam, inter primarios Societatis Viros merito computandus, in lucem hanc editus est Almodovari in Hispania A. 1524. Confecto Philosophiæ, & Medicinæ cursu, cum ejusdem Artis exercitamenta jam faceret, repente stimulis conscientiæ incitatus, Spiritualibus S. Patris Jgnatii Exercitijs, ductore Francisco Villanovâ excoli voluit, quibus non obscure ad animarum potius curam vocari se sentiens, tanto ardore Societatem amplexus est, ut obsonatorem agere jussus, prodiret quotidie in forum Complutense, totâ spe-

stante Academiâ, vili ac lacerâ indutus togâ, annuam socijs coempturus. Inde scientijs Theologicis animum Sacerdotio parare jussus, eâ ingenij doctrinæque opinione in ijs versatus est, ut æqualibus suis publicè disputaturis, ipse etiam tum condiscipulus Salmanticæ præsideret, doctissimis quibusque, etiam Professoribus contrâ arguentibus. Ad principes subinde Hispaniæ Cathedras, Cordubam, Hispalim transmissus, admirabili prorsus, & inusitatâ dicendi efficacîâ cum omnia misceret, & divinis incendijs inflammaret, primùm Placentino, tum Vallisoletano, ac Salmanticensi Collegio, ac tandè Professorum Domui præfectus est. Singularis  
in eo



in eo, planéq; filialis in Societatem vige-  
bat affectus, sic, ut centenis plures viros, doctri-  
nâ & virtute illustres ad eam adduxerit, tan-  
tâ efficacîâ solitus DEO pro illis supplicare,  
ut quotquot postulâset, unum si demas, o-  
mnes ad Societatem non multò post accesser-  
int.

Principio sui Regiminis mirè angeba-  
tur defectibus quibusdam suorum, quorum  
dum vita agitur, vix etiam eximiè perfecti  
exortes esse possunt. Dúmque; anxîe super hoc  
queritatur aliquando apud Deiparam, sub  
examinis vespertini tempus; immodicam  
illa famulo suo curam absterfura, bilancem ei  
visendam exhibuit, quæ parte unâ sustinebat  
corculum mirè angustum, & rugis contra-  
ctum, cui penitus absorbendo duæ cruoris  
stillæ sat erant: alterâ item cor vastum &  
amplum, fluminis etiam glutienti capax,  
quod docebat esse DEI, tot sceleribus Mor-  
taliū non obruendum; imitandum proinde  
illi, in præstolando patienter lapsum ad fru-  
gem reditu: simulque patefecit, omnes id  
temporis illi subiectos socios, æternæ felicitati  
destinatos esse. Ex quo tempore in alium  
penitus virum evasit, plurimum jam suo-  
rum fidei permittens, quos ad arduas & he-  
roicas virtutes ita incitabat, ut exemplo  
semper ipse præiret. Eisdem charitate pa-  
ternâ complectens, ut necessitatibus averten-  
dis opportunè obviaret, etiam prodigijs è  
Cœlo juvabatur, quibus & tentationes eo-  
rum periculosas pervidebat, & intima eo-  
rum sensa prior ipse ultro aperiebat. Sanè  
unum è Fratribus toto corpore morbis obses-  
sum, unico de more Societatis complexu, ab  
omnibus simul repente absolvit. Et alium  
tetricâ futurorum, quæ circa se annis infe-  
quentibus eventura ominabatur, cogitatio-  
ne turbatum, inopinâ hâc secreti consciâ de-  
mulsit allocutione: *Ne te fatigaveris frater,  
id per hos quinquaginta annos tecum fiet, quod  
DEO visum fuerit.*

Nec remissius fuit in extraneis juvan-  
dis studium. Ut enim consulere calamito-  
sis, quos inopia & patrocinijs destitutio ad ex-  
trema deducebat, Cætum instituit piorum  
hominum, cui cum Assessoribus ipse Senatūs  
Regij Præses, totâ Nobilitate præclarum ex-  
emplum sequente, nomen dedit: ex quo-  
rum numero alij ægros solari, alij egentibus  
præbere vitæ subsidia, alij in custodijs quoti-  
die versari, alij causas miserorum pro Tri-  
bunalibus, quantâ possent maturitate expe-  
dire, alij moribundis extrema Sacramenta  
procurare, hebdomadatim per ordinem ad-

stringebantur. Inter quos nihilominus ali-  
enæ procurandæ salutis conatus, tam collectio  
semper in DEum versabatur animo, ut per-  
petuas in DEum extases pati videretur; sic,  
ut media etiam inter colloquia spectandum  
se illi præberet Dominus, eo habitu & formâ,  
quâ ad Calvariam per compita Hierosolymæ  
raptabatur. Vnde necessariò accidebat, ut  
perpetuâ oris, modò in pallorem, modò in  
ruborem mutatione, attonito similis, vultu  
exhorrescente, improvisos exhiberet motus,  
sæpe per vim spiritūs afflicus in terram; ple-  
rumque tantis internè pressus angustijs, ut  
ad laxandos pectoris sinus, clamores ederet  
mugitibus per similes.

Inter hos tamen omnes pietatis affe-  
ctus, prima fuit incredibilis quædam in Dei  
Matrem propensio, duplici per hebdoma-  
dam Feriæ quartæ & Sabbati Jejuniō, jam  
inde à puero firmata; cujus amore eos etiam  
Cœlitum impensius coluit, qui intemera-  
tæ Virgini, sive sanguine, sive veneratione  
propinquiores fuissent. Vicissim autem Dei-  
para, sublato omni, quo pertinaciter ab oran-  
do impediabatur, capitis dolore, admiran-  
dum illi orationis donum contulit. Familia-  
rissimè interim prorsus ac otiosè contem-  
plandam se illi, in Divina quadâ forma iden-  
tidè exhibens. Obtinuerat idem apud Fran-  
ciscum Suarium, cui etiamnum Juveni in  
Theologicis subtilitatibus dexteritatē vati-  
cinatus fuerat, ut speciali tractatu evinceret,  
plus uni Mariæ virtutū & gratiæ cœlitus col-  
latū, quàm Cœlitibus & Angelis simul omni-  
bus. Quod pium ejus studium Virgo ratum  
habens, grates ei spectabilis facta reposuit,  
quòd ipso auctore tam luculentè Suarius su-  
am gloriam amplificasset. Alias eximiâ spe-  
cie, pallio in magnam latitudinem expanso,  
eidem se obtulit, sub quo Societatem JESU  
universam colligens, materno affectu com-  
plecti & confovere videbatur. His aliisque  
id genus virtutum operibus intentum,  
non omisit demon diversis machinis oppu-  
gnare, sæpe in Angelum lucis se transfor-  
mans, imò & DEI-paræ specie assumptâ, in  
fraudem illum inducere conatus. Illud pal-  
mare fuit, quod illius instinctu Muliercula,  
sacrilegi flagitij à Patre commonita, in caput  
ejus procudit. Hæc enim Placentiæ Episco-  
pum, infamis fabulæ nacta credulum, quia  
Societati privatim infensum, quidquid im-  
puritatis comminisci potuit, in puritatem  
Patris nefariè intorsit. Sed fraudem omnem  
DEIpara momento discussit, his etiam ver-  
bis innocentiam Clientis ad se recurrentis  
solata:



*solata: quid tu ita sollicitus mares? itane ignoras, nunquam me, meumque filium, hoc noxae gerere, cuius insinularis, a te esse offensum?*

Atq; hæc scilicet erant, quibus ad pretiosam pro Christo mortem oppetendam durabatur, cuius hæc fuit series & occasio. Electus è sua Provincia jam secundò, post defunctum Borgia, ad electionem novi Generalis, Romam cum jure Electoris proficisceretur, cum interceptus in Gallia ab Hæreticis, & de nece ipsi sociisque duobus inferenda deliberantibus, plagis interim, & contumelijs Cordeliaci, duròque carcere affectus, perfrigidâ tempestate, inclementer detentus est. Unde ingenti laterum dolore contracto, quintum intra diem in ipsa captivitate extinctus est, omnibus morbi lenimentis & solatijs destitutus; prout olim à Diva Matre impetraverat, ut ad Filij sui similitudinem extra omne humanum subsidium mortem obiret. Ecce autem, dum de Catholicè tumultando ejus corpore, in medio Nationis pravae, duo socij frustra deliberant, adest repentinè Matrona augustâ & verecundâ specie, & num quis eorum decessisset, cuius corpus humandum foret, prior interrogat? Quibus annuentibus, prolatâ, quam

attulerat syndone, suis ipsa manibus cadaver decentissimè involvit, & benedictione ijs impertitâ, videri subito desijt. Ut nihil dubitarent Patres, Beatissimam Virginem, quæ ante occiduum, de inferenda odio fidei morte, vix unâ ante captivitatem horâ, Martinum præmonuerat; aut aliam ab ipsa submissam Cæli Matronam, ad pietatis istud corpori exanguis exhibendum munus, descendisse. Cæterùm eadem gloriosa mors longè absenti S. Terefiæ, Filia illius jam olim spiritali, divinitus revelata fuit in Hispania, quæ datis ad Patrem Ægydium Hispaniæ Assistentem Romam literis testata est, sibi Patrem Martinum ostensum esse à Domino in cœlesti gloria conspicuum, & Martyrij laureâ decoratum. In qua eadem Martyrij laureâ alteri Sanctimoniali, prophetiæ spiritu & revelationibus conspicuæ, ipsâ necis die & horâ revelatus fuit Victoriæ, extremâ Hispaniæ in Cantabria Vrbe: uti & Patri Joanni Fernandio, sibi dum viveret, peculiari familiaritate conjuncto. Sublatus est P. Martinus Cardeliaci 21. Februarij

Anno 1573. Vitæ 49. initæ

Societatis 23.

## P. EDMUNDUS DONATUS.

**N**ihil tam validum, nihil tam sanctum est, quod non effrenis passio, & indomiti animi affectus in præceptis rueret semel permixtus, pessumdet & evertat. Quid Angliæ Regno quondam sanctius? quid innocentius? tam prodigiosum fuit decem illic sæculis reperiri Regem unum non sanctum, quam in multis modò Regnis videre unum est verè sanctum. Duobus tantummodo sæculis ad 30. fuere Reges & Reginae, qui abjecto Regno, in solitudines evasere: Reges 15. Monachos professi, Reginae 11. Moniales. 12. illustri Martyrio donati, & 10. alij ob virtutum heroicarum insignia Sanctorum Confessorum Album promeriti; reliquorum ex omni Nobilitate, gradu, statu, & conditione, Sanctorum infinitus propè numerus. Totum Regnum virtuti & sanctitati ita deditum, ut vix oppidulum fuerit invenire, quin thesaurum frueretur tutelaris sancti, aut illinc oriundi, aut apud se conscripti. Sed hoc Regnum tantis nobile glorijs, & cælum quoddam in terris Angelorum ferax, infans Henrici o-

stavi in Bolenam amor evertit, cui quod per Romanum Pontificem non liceret, abjectâ legitimâ Coniuge Catharinâ, ex qua etiam prolem jam hæredem susceperat, esse adultero, rejecto Sedis Apostolicæ Primatu, Schismate nefario Angliam ab Ecclesia avulsit, & se Caput Anglicanæ constituens Ecclesiæ, duodecim uxores intra sex annos, partim successivè, partim simul habuit, ex quibus triplicem procreatam sobolem, Mariam, Eduardum, & Elisabetham, nulla tamen proles nepotum, excepit, omnibus his sinè hærede mortuis. Justo DEI iudicio disponente, ut damnati Regis extinctâ stirpe, Regnū Angliæ in Scotiam caderet. Sic impulsus in ruinam nobilissimum Regnum, sub filio cuius Eduardo novenni puero, in apertam hæresim prolapsus est; sub Elisabetha deinde ejusdem ex Bolena filiâ, spurcissimis sectis ita corruptum, ut in una subinde domo, quot capita, tot diversis sectis adhærentium essent sententiæ; solâ religione Catholicâ undiq; exesse, sub interminatione gravissimarum penarum & suppliciorum, jussâ. Quæ cum non





P. Edmundus Donatus Hibernus S.I. pro Religione Catholica  
Corcagiæ in Hibernia suspensus, et sectus. A. 1580.

C.S.d.

M.K.f.

minis duntaxat, sed reipsâ in Catholicos omnes, Religiosos præsertim & Sacerdotes exerceret, visum fuit omnium fidelium supremo Christi in terris Vicario Gregorio XIII. periclitantibus inter tot discrimina Fidelibus in subsidium, etiam viros de Societate in Angliam & Hiberniam destinare, qui Missionem sanè arduam & periculosam maximis animis non tantùm tunc subierunt, sed per omne deinceps tempus, in hodiernum usque diem continuârunt, licet atrocissimis mortibus, exquisitissimis tormentis, & nec apud Barbaros consuetis suppliciorum generibus torquerentur, necarentur, lacerarentur.

Primi qui tam ancipiti, & quotidianæ mortis feraci negotio, caput ex Societate objecerunt, fuere P. Robertus Personius, & P.

Edmundus Campianus, mense Junio Anni 1580. in Angliam Româ appulsi. Quo eodem tempore Hiberniæ, pari calamitate, maleficio ejusdem Reginæ involutæ, prospecturus sanctissimus Pontifex, alia submisit illi ex eadem Societate auxilia. quorum P. Edmundus Donatus, à nonnullis Donallus dictus, gloriosum exitum in ipso ingressu adeptus est, & primus ex omnibus veritatem Catholicæ Religionis, sanguinis profusione in Hibernia asseruit. Is Limerici in Hibernia natus, ut vexatos dirè Catholicos erigeret ac solaretur, voluntate Pontificis in Patriam suam redijt: sed ab hostibus fidei, omnia sagacissimè observantibus, continuè deprehensus, ibidem Limerici in arcta custodia diu detentus fuit. Variè subinde tentata est ejus con-




constantia, quæ omnia pollicentibus impietatis Ministris, si rejectâ fide Romanâ, perfidiæ Reformatum accederet. Adversus quæ immobilis cum peristeret Dei Confessor, Corcagiam quadragenis passuum millibus distantem, ad ulteriorem Hæreticæ crudelitatis quæstionem pertractus est. Raptabatur toto illo itinere, manibus latronis instar revinctis, omnia illa à crudelissimis satellitibus expertus, quæ homicidis & facinorosis Patriæ proditoribus inferri solent. Donec in eorumdem communem carcerem Corcagiæ reclusus, varijs tormentis & cruciatibus excarnificatus est. Sed cum infractâ in his etiam duraret constantiâ, perduellionis scilicet arcessitus publico damnatur iudicio; infamis supplicij à sanguinario Magistratu hisce publicatis causis, quæ invidendam Martyrij sortem ipsi non immeritò asseruisse videri possunt. Quod in Fidei Catholicæ confessione, sub perduellionis pœna ab Elisabetha ex Britannia proscriptæ, pertinax constaret: quod ad eandem concives

suos, quæ verbo, quæ exemplo traducturus, & firmaturus venisset: quod Regina, Capitis Ecclesiæ Anglicanæ titulum impiè abrogaret. Quam nefariam, sibi tamen gloriosissimi triumphij decretoriam sententiam, magnâ alacritatis, & gaudij significatione excipiens, posteaquam humili capitis inclinatione iudicibus gratias egisset, tanquam reus Majestatis ad communem supplicij locum raptatus est. Hic inserto in laqueum collo, cum aliquamdiu de furca pependisset, vivens adhuc & spirans resecto fune in solum præcipitatur, & ex discisso pectore evulsum cor, manu carnificis populo ostentatur, mox in igne unâ cum alijs intestinis concremandum. Reliquum Corpus in quatuor partes dissectum, totidem palis affixum est, ut diversis locis, donec diffunderet, oculis omnium proflaret; fidelitatem scilicet in Regiam, & saniora ab eneclio consilia, spectaculo suo ingesturum. Passus est vir inclytæ memoriæ, Corcagiæ, sub annum Domini 1580.

## P. EDMUNDUS CAMPIANUS,

E T

## P. ALEXANDER BRIANTUS.



Rtus est Edmundus Campianus splendidissimum Ecclesiæ Anglicanæ Sydus, Londini 25. Januar. anno eodem, quo Romæ natâ Societate JESU, Henricus Rex Familias Religiosas omnes Angliâ exegit. In Universitate Oxoniensi studijs omnibus cum Theologia ad finem perductis, in ore omnium & æstimatione ita versabatur, ut nihil fuerit publici muneris & honorifici, quod magno assensu non gesserit; ad salutandam etiam Elisabetham, à qua in crucem postmodum ageretur, nomine Academiæ delectus. Et licet tum quidem in Fide Romana constantissimus, oblatos à Regina favores, & Pseudo-Ecclesiasticas dignitates, nè Religionem ijs irretiret, magnanimus repudiavit, subinde tamen Pseudo-Episcopi Glocestrensis Richardi Chenæi familiaritate captus, eo perfidiæ inductus est, ut etiam Diaconatu hæretico initiari se pateretur. Sed in ipso nefario consecrationis ritu, furijs quibusdam & intemperijs agi se sentiens, omnemque à mente quietem deinceps exulasse expertus, in Ecclesiæ gremium proximè se recepit;

ternis interim vicibus è manibus exploratorum, non sine prodigij specie elapsus. Nunquam tamen, etiam post iteratam sceleris expiationem, perfectâ animi malaciâ potitum se dicere solitus, donec in Societate JESU, quam multis peregrinationibus per Hyberniam, Belgium, & Italiam exactis, Romæ obtenturum se divinitus edoctus fuit, emissis Religiosis votis, characterem bestię delevisset. Accessit ad hujus Tyrocinium Brunæ Moravorum, moribus ita ab omni non solum impuritatis, sed etiam levitatis, & solutioris vitæ specie alienis, ut illibatum Virginitatis florem in eam intulerit, Angelicum deinceps eundem inter Cœlites secum illaturus, qui adhuc in sæculo, ob incredibilem omnis obscœnitatis fugam & horrorem, Angelus passim in Hybernia vocabatur & habebatur.

Præcipua post Jesum erat Edmundo in ejus Matrem devotio, quam in effigie S. MARIE Majoris Tyrocinio illi nuper à S. Borgia transmissam, enixissimè venerabatur; meritis ab eadem sibi apparente, dum in horto domestico obambulare, de beata morte, profusione sanguinis pro fide Catholica oppeten-





P. Edmundus Campianus, et P. Alexander Briantus, Angli S. I. pro Fide suspensi et secti Londini in Anglia A. 1581. 1. Decembris,

C. S. a.

M. K. f.

da præmoneri. Postmodum Viennæ & Prægæ toto sexennio, Latina, Græca, Rhetorica, Philosophica tradendo, concionando assidue, Convictum Nobilium, & Marianum Sodali-um cœtum regendo, ea gessit solus, quæ mul-tos poterant habere occupatissimos. Inde Antistiti Pragensi, & Rudolpho II. Imperato-ri, coram quo latinè perorabat sapius, unicè dilectus; Ferdinando autem Archiduci eti-am ità æstimatus fuit, ut Romam illum ad Anglicam Missionem evocatum, eodem sê-cum curru Prægâ Patavium versûs devehi voluerit, quò ejus ignitis colloquijs interim frueretur. Ecce autem quo primùm die à Summo Pontifice demandata ipsi fuit Expe-ditio Anglicana, ingens totum illud Re-gnum, sed præcipuè Londinum, terræ me-

tus concussit; luculento sanè præfagio illo-rum motuum, quibus ipse deinceps cum Socijs stabilitam in Anglia hæresim à funda-mentis tremefecit. Romæ non amplius octiduo moratus, dum à Gregorio XIII. fe-lici appreeatione cum P. Personio, in tam ar-duam Missionem inauguraretur, iter in An-gliam, undecim alijs partim Sacerdotibus partim Laicis comitantibus, per Gallias su-scepit. Sed prævolante adventûs eorum in Angliam famâ, cum non tantùm nomen Campiani & Personij, tantopere jam antè il-lie suspectum, percrebuisse, verùm etiam Regina jussu vultus utriusque ad vivum ex-pressi, portis Urbium ad mare obversis affixi prostant; visum est, ne uterque simul in ho-rum potestatem venirent, trajectum tenta-



ret alter, alter successum prioris, Audomari præstolaretur: consilium deinde ex ejus eventu, an manendum, an progrediendum foret, capturus.

Feliciter ergo sub habitu militaris Tribuni in portum Angliæ evadens Personius, continuè post se Campianum evocat; qui Mercatorem totus nomine, schemate, & professione mentitus, cum Emersono veluti famulo, ex eadem interim Societate Alumno Laico, ipso Præcuroris Domini natali die, quem totius hujus Expeditionis Præsidem jam antè electum quotidie implorabat, Dubrim Portum Angliæ appellit. Ubi continuò in genua procumbens, decussatis ad pectus brachijs, dum se DEO victimam consecrat, nihil propius fuit, quàm ut agnitus teneretur. *Continuò enim (scribit ipse de se ad Amicum) jussi sumus Gubernatori nos sistere, qui primo aspectu non falso conjecit esse revera qui eramus, confictis dissimulatos nominibus fidei causâ aliquamdiu Patriâ extorres, nunc reduces ad eam propagandam. Edicit ergo, nos esse sub militari presidio Londinum traducendos. Jamque ad Portas palatij, quibus imponeremur, equi stabant; cùm, haud scio, quo motu, in vestigio mutatus est: nisi mei Patroni Joannis Baptiste, quem interim enixè petebam, unum mihi saltem annum impetraret, quem in Religionis obsequium liber insumerem.* Quod obtinuit ita cumulatè, ut ab eo die usque ad comprehensionem, intervenerint duntaxat unus & viginti dies supra integrum annum. Repentè ergo ex oculis Gubernatoris evanescens, Londinum provolat, ubi continuò ardentissimas Conciones, quantumlibet secretò, ad Catholicos Nobiles instituens, tam numerofo eorum concursu, servidè magis & piè, quàm fortè prudenter & cautè frequentari cœpit, ut cùm nullâ videretur jam posse solertiâ ab Exploratorum indagine servari, Londino subducere se in alias partes Regni fuerit coactus. Et licèt novo edicto easdem perduellionis pœnas in receptatores Patrum Regina extendisset, ingenti tamen animo ubique à Catholicis, omnium suppliciorum contemptu, excipiebatur. Quorum immodicis, ex ejus in domos suas ingressu lætitijs, eum potissimum discrimen illi crearetur; ut avaram sacrilegorum creditorum vafritiem eluderet, varias adhibebat artes. Ego, scribit ipse de se, eodem nunquam habitu incedo, ejusdem coloris & moris; nominum verò suppellex mihi est copiosissima. Quibus conatibus cùm non fideles duntaxat aut dubios in gradu retineret, sed lapsos etiam magni nominis toto

Regno, tam ipse, quàm Personius Ecclesiæ restitueret, celeri eorum famâ Londinum pervadente perculsa Regina, in omnem artem, diligentiam, severitatem, & versutias effusa, novum Inquisitorum Tribunal condidit, Conservatorum pacis nomine; quibus nihil præterea muneris incumberet, quàm in Catholicos & Sacerdotes inquirere, capere, plectere cruciatibus, morte mulctare. Atq; hinc illico ebullijt ubiq; delegatorum, liكتورum, exploratorum exercitus, in quibus sceleratissimi desertores, pars omnium pessima, quæ cæcus omnes sacros fecit Catholicis periculosos, famulos Dominis suspectos, ergastula Regni omnia fidissimis hominibus cujusvis sexûs, ætatis, statûs, bonis omnibus exutis implevit, ut novis ædificijs veteres custodiæ, quod essent impares multitudini Orthodoxorum, augeri passim debuerint.

In hac persecutionis rabie, tantò intendendum amplius ad confortandos in gradu Catholicos ratus Campianus, ter quotidie pro Concione diversis cœtibus & locis dicebat, Sacramentis, alloquijs, rationibus firmabat, solabatur; ut præter duas plerumq; somni horas, vix spatium persolvendis sacerdotalibus precibus reperiret. Sub hac vulgata in publicum Epistolâ, & Magistratui Londinensi inscriptâ, Catholicorum innocentiam tueri, & ad publicam de rebus fidei controversis disceptationem provocare Puritanos, animum induxit. Sed cùm præter criminationes & convitia à vanissimis buccinatoribus, & æquitati causæ dissisâ Reginâ, nihil responsi acciperet, Librum denuò conscripsit prorsus aureum, è decem efficacissimis rationibus pro Catholicæ Religionis veritate confectum, quem inter summa Exploratorum, in ipsam domum, ubi sub typo versabatur, irrumpentium pericula, copiosis, exemplaribus impressum, per Oxoniensem primùm Academiam, ac sensim per totum Regnum, magnâ in diversis animorum mutatione, disperfit; quo maximè id apud Regios Ministros effecit, ut inquirentibus in caput ejus constitutis præmijs, omnium investigatorum intentissimâ sagacitate, unus pene toto conquireretur Regno, dum deniq; nefarij Apostatæ, decem aliorum Sacerdotum in manus hæreticas traditoris, perfidiâ, in casses eorum, hæc ratione, incidit.

Demandaverat illi Personius, ut ad evadendas tot scelestissimorum proditorum in illum intentas casses, in Peninsulam Norfolciæ, à mediterraneis semotam, longiùs secederet; cui pariturus Edmundus, in Lancastriam



striam prius recurrere, ad supellectilem Altaris parandam, postulaverat, & simul ex itinere divertere Lyfordium, ad solandas illic octo DEO sacras Virgines, illo veluti carcere ab Elisabetha inclusas, cum vidua Matre Lyfordij Dynastæ, causâ fidei ab eadem Regina ergastulo mancipati. Huc veniens Campianus, auditis omnium Confessionibus, & sacro Epulo, divinisq; monitis refectis, dum continuò equis consensit, cum Emersono discessum parat (nam 24. duntaxat horarum spatium illic morari Personius, quasi futurorum præcius, indulserat) ecce tibi complures adsunt à vicina undique Nobilitate Catholica deprecatores, ijs ut etiam confitentibus aures, & necessaria solatia impertiret. Sed cum Obedientiâ Religiosâ restrictus resisteret constantius, Emersonum aggrediuntur Edmundi famulum (huic enim tum ad humilitatis exercitium, tum ne Edmundus comi & obsequioso genio facile precibus amicorum assentiri solitus, moram longiorem admitteret, plenam in eum cum imperio concesserat potestatem) qui rationibus instantium expugnatus, tridui moram Lyfordij Edmundo concedit, dum ipse interim pro illo Lancastriam procurrens, sarcinulas inde referret. Ibi die postera, dum sacris operaturus se parat Campianus, adest Eliottus quidam, homo recenter à fide Apostata; & quia Catholicum exuisse nesciebatur, innocenter ut divinis unâ interfuit, quod magnopere expetebat, admittitur. Erat furcifer ille ob immania scelera publicè Londini infamis; & quia ob intentatum sibi, negatum tamen à se adulterij crimen, eqvuleo torquendus erat, ut poenam scelere majore redimeret, captivum paucos intra dies cum pluribus Sacerdotibus Campianum, in Arce Londini traditurum se adpromittit. Hic ille postquam sic à devotione Missæ sacrificium, & pene cum lachrymis dictionem perorantis Campiani audisset, mox præcipiti discessu vicinum oppidum petit, & centum expeditos equites, exhibitis Regina Chyrographo munitis literis, ad iniiciendas Campiano manus, pro potestate petit. Cum his peremptoriè, minimè tamen improvisus (jam enim Campianum cum duobus domesticis Sacerdotibus loci Domina in paratas pridem huic usui latebras abdiderat) adveniens, frustra quidem toto illo die latentem perquisivit; altero tamen, intra perfoßum parietis cujusdam cavum deprehensum extraxit, & cum socijs captivum, in comitatu ducentorum equitum, Londinum perduxit. Du-

cebatur illuc equo impositus, revinctis post tergum manibus, pedibusque sub equi ventrem ligatis, & quâ infinitæ concurrenti multitudini notus fieret, pileo inscriptâ epigraphæ: *Edmundus Campianus Jesuita seditiosus.*

Inclusus in turrim, & subterraneo carcere sepultus est tam cæco, ut auræ lucisque nil admitteret; tam arcto depressoque, ut erigere se in pedes, aut porrectus jacere non posset; donec post quatrimum ad Palatium Dudlei evocatus, à Magistratibus, ipsaque Regina quæstionibus varijs exagitaretur, offerente illi Reginâ vitam, libertatem, honores, divitias, Cantuariæ Episcopatum, si primum Papæ illi tribuere in animum induceret. Sed omnia fortiter aspernatus, ad tormenta demum serio rapitur, bis immaniter eqvuleo tortus, animo ita sereno & pacato, ut præter JESUM & MARIAM, præque cum Divis colloquia, nulla vox ei excideret. Est autem hæc Eqvulei carnificina. Trabes quatuor in quadrum compaginatæ, humi extenduntur. Extremis quadrati duobus, quâ caput & pedes rei protenduntur, insertum est hinc inde ferreis anulis versatile lignum, complurium funium spiris, & voluminibus implexum, quale attrahendis ponderibus, aut situlis in fonte, adhibetur. In vacuo harum quatuor trabium distentus reus, ligandas manus ad lignum superius, & pedes ad alterum inferius porrigit. Ligan- tur autem vel quatuor funibus manuum pedumque soli pollices infra ultimum articulum; vel distinctis quinque fidiculis singuli pedum manuumque; digiti; sic ut jaceat torquendus divaricatis cruribus, & manibus. Interim duo à capite, à pedibus totidem carnifices, lignis illis magnâ vi versatis, miserum corpus attractis funibus seu fidiculis, è pollicibus aut digitis à terra suspendunt, & omnes in eo laxant ossium commissuras, cum immenso dolore, ex continua nervorum convulsione, viscerumque interdum laceratione. Quo fit, ut nonnunquam plus palmo supra nativam ex violentissima attractione, ut Campiano factum est, excrescat corpus staturam. Sic excruciato bis Edmundo, conditionibus iniquissimis Regij, de fide disceptationem publicam, tanquam ab eo prius antè provocati, offerunt; in qua sapius iterata, magno semper illorum rubore & confutatione, palmam ipse unus de plurimis referens, tertio, ac mox quarto, ad eqvulei torturam ita immanem traducitur, ut se in ea moriturum omnino crederet. Ab hac ergo manibus alienis ad ergastulum suum reportatus, & alijs



& alijs subinde novis cruciatibus, ut unguum omnium à digitis evulsione, dītrissimē excarnificatus, tandem ad Tribunal Judicium, feralem accepturus sententiam, educitur in Aulam Veltmonasteriensē. Ibi à duodecim viris reus læsæ Majestatis iniquissimē pronuntiatus, quod Catholicam Religionem promulgando, seditiois in Reginam movisset, perduellium morte à supremo Judice condemnatus est; nimirum, ut in crate viminea ad furcas raptaretur, inde inserta in laqueum gulā suspensus, reciso mox laqueo è patibulo deiceretur, ubi amputatis quæ ventri subjacent, spiranti adhuc aperto ventre cor & intestina educerentur, atque igni cremarentur. Corpus in quatuor partes dissectum, destinatis compitis ad palos affigeretur, caput autem hastæ præfixum, ad Urbis portam, quā patet ad alluentem Tamesim, statueretur. Quam sententiam, ipso festo S. Edmundi Martyris & Regis Angliæ, in se pronuntiata, gratissimo animo excipiens Campianus, *Te Deum laudamus* altā voce concinuit; cū interim Judici eam ferenti, chyrotheca sanguine manaret, digito & annulo ita cruentato, ut nullā diligentia satis posset abstergi, aut sanguis, ne de chyrotheca, totā illā actionē durante manaret, sili. Itaq; feriā 6. quæ erat 1. Dec. in crate viminea, ab equo per Urbis plateas, aliquot passuum millia ad Tiburnum (hoc nomen est fontibus plectendis loco) raptatus, ibique ex carro, cui suspendendus institerat, multis populum ad Catholicam Religionem exhortatus, ab ijs Apostoli verbis incepit: *spectaculum facti sumus Mundo, Angelis, & hominibus.* Tum subducto carro aliquādiu pendulus, mox quadratim dissectus est; quod idem duobus ejus mortis socijs sacerdotibus, Alexandro Brianto Soc. Jesu, & Rudolpho Scerwino Clerico seculari factum fuit.

Atque hic fuit pretiosus cœlestis Viri exitus, Anno reparatæ salutis 1581. 1. Decembr. in ea ipsa, ubi natus olim fuerat, Urbe Londino, ipsorum hæreticorum sententiā Ecclesiæ magis proficiuus, quàm si centum annos victurus fuisset; quo vacillantes firmati, quatuor millia lapsi, Fidei sunt redditi; inter quos obstinatissimus Calvinī assecla, in carcere Campiani Custos. Reliquæ ex corpore ejus tanto studio sunt exambitæ, ut complures omnium bonorum jacturā, plurium annorum carceribus, eas mercati sint; alij minutam earum portionem vicenis, triginta, & pluribus aureis redemerint, quas prodigijs etiam Divinæ Bonitati placuit illu-

strare. Græcij vixerat An. 1606. primæ Nobilitatis, Campiani Prægæ olim Discipulus, & quotidianus à morte illius accepta, inter alios Patronos suos cultor. Hujus uxor gravissimis partūs doloribus oppressa, dum nullā præsente obstetrice, de vita & prole periclitatur; ad Divos ille suos convertitur, & ex ordine sapius eos uxori suæ propitios adesse invocat; sed semper unum sibi ex numero deesse animadvertit. Tandem iteratō, & diutius memoriam exequiens, stupet Edmundum Campianum, aliàs primò sibi occurrere solitum, nunc effugisse. Itaque non dubitū hic aliquid Divinū latere, o Beate exclamat (suo privato sensu) Pater Edmundè Campiane, succūrre Vxori meæ laboranti! Vix edixerat, & continuè illa facillimò enixu, nullius obstetricis auxilio, masculum peperit, Edmundi postea nomine baptizatum. Nec minus fuit, licet aliò in genere, beneficium P. Joanni Harto ab eodem collatum. Tenebatur hic adhuc sæcularis Sacerdos, eodem tum Campiano carcere, supplicij, opinionione omnium, eidem futurus socius, nisi ad ultteriores torturas crudelitas eum reservasset. Huic, post aliquod à morte sua tempus comparens in somnis, magnopere ei author fuit, ut Religionem Societatis Jesu ingrederetur; cui monito obtemperans, magnis continuo votis, donec compos fieret, admissionem expetijt. Illud etiam præceptū multis visum est prodigiosum, Tamesim fluviorum Angliæ maximum & præcipitem, qui ad æstus maris suos etiam, indies accessus habet & recessus, eo die quo Campianus morte ibidem affectus est, præter solitum omne, undis torpentibus, cohibito cursu, immotum stetisse, & defixo rei novitate Londino, nec fluxisse, nec refluxisse.

Cæterum nullus Catholicorum dubitavit, etiam in alijs per Orbem Provincijs, Campianum odio solius fidei Catholicæ fuisse cæsum. Unde privatim ex suo sensu longè plurimi eum ut Martyrem venerati sunt, & venerantur; quos inter Serenissimi etiam Orbis Christiani Principes. Sanè Serenissimus LEOPOLDUS Episcopus Passaviensis & Argentinensis; & Serenissimus CAROLUS Episcopus Wratislaviensis, uterque Archidux Austriæ, & Augustissimi Cæsaris FERDINANDI II. Filius, cū vetus Societatis Jesu Collegium Prægæ ad S. Clementem inviserent, primariò in Cubicellum deduci se expetierunt, quod aliquot annorum Prægæ habitatione Edmundus Campianus consecrasset. In quod non minore reverentiā, quàm sacra-



Sacrarium quoddam & Templum, capite nudato uterque ingressi, & in genua provoluti sunt, dignum eâ veneratione pavimentum dicentes, quod nobilis adeo Christi Martyris (itâ illis loqui ex privata devotione libebat) pes calcavisset. Ampliùs etiam idem pavimentum veneratus est ex prima Angliæ Nobilitate Henricus Ortonus, cum Ducis Lotharingiæ Oratore idem aliquando cubiculum invisens; ubi toto corpore in illud provolutus, devotissimis sæpius osculis solum libavit; beatum prædicans, quod tam venerandis plantis tritam fuisset.

Nemo tamen majore veneratione, quàm Robertus Personius, Campiano in missione Anglicana socius, & Virtutum ejus pro dignitate æstimator, pretiosam ejus mortem prosequutus est. Hic singulari DEI favore, magno pretio à Carnificibus redempta tormento-

rum nactus instrumenta, fidiculas videlicet, quibus in eqvuleo dulcissimus Sodalis Campianus summis digitorum articulis extensus, & distractus fuerat, totis 28. annis eâ magni thesauri loco circumtulit, laborumq; oranium levamen, & gravium ærumnarum solatium ab ijs hausit. Instantem demum animæ suæ sentiens Romæ discessum, collum sibi fidiculis illis obvolvi petijt: quibus prius osculum & piam reverentiam exhibens, memor felicitis periculi, quod non parùm Campiano felicitate subierat, dolensq; plurimum, non fuisse illi fundendi cruoris locum, gratias D E O egit, quod annorum saltem 30. pro Angliâ sudores non esset gravatus à se admittere. Sic preces inter & lacrymas Sociorum Spiritum D E O reddidit Personius, Anno 1610. ætatis 64. post necem Campiani 29.

## P. ALEXANDER BRIANTUS.



Agnus Christi Athleta, & Ecclesiæ Heros invictissimus Alexander Briantus, uti ore pulcherrimo, necdum 28. annum egressus Angelum quendam referebat, itâ in animo Sacerdotali castissimam innocentiam, sincerâ demissione, patientiâ, lenitate, ceterisq; Cœli divitijs ornatam servabat. Ex Rhemeni Anglorum Collegio jussus ferre suppetias laboranti sub Hæresi Patriæ à Greg. 13. Londinum appulit An. 1579. ubi post duorum annorum in utilissima animorum procuratione impensos labores, inopinatò, ac præter comprehensorum, Personium vestigantium intentionem, captus, carceri subterraneo inclusus, tam dirâ fame & siti primùm excruciatu est, ut animam sibi malis his eripiendam credens, pileum sæpius ex atrocitate fitis (licet semper conatum suum inanem expertus fuisset) extenso brachio foras porrigeret, ad excipiendas pauculas ex summo tecto depluas aquæ guttas; & vitalia coquente depascentēque ardoris æstu, exsudantem è saxi carceris humorem lamberet. Verùm quò ad supplicia atrociora duraret, sustentatus deinceps est solo pane tribulationis mucido & putrido, ac frustillo casei præduri, quantum præcisè ad mortem arcendam sufficeret, adjecto cerevisiæ haustu. Compeditibus tamen in vicem famis itâ ponderosis oneratus est, ut loco se commovere non posset, donec post biduum ad eqvulei tormentum evocatus est, ut proderet Catholicos apud quos vixerat, quibus

Missam vel Sacramenta ministrârat, quibus locis Personium viderat, &c. Distractus fuit hoc eqvuleo tam immaniter, ut solutis nervorum & ossium compagibus, membris ab invicem pene discriptis, uno & dimidio pede longiorem à se factum, quàm naturalis ejus statura fuisset, impiè gloriaretur Nortonus eqvuleo præfectus. Hammonius autem Commissarius, humum pede impatienter concutiens, exclamaret; quæ malum isthæc pertinacia est? profectò poterat hæc carnificina quemvis non obstinatum in sua religione convellere, mentemque variare. Odoenus interim Arcis Præfectus velut in rabiem actus, relicto Præsidis officio, carnificem agere turpiter voluit, Angelicum afflictissimi Alexandri eqvuleo distenti vultum colaphis crudeliter contundens: nihil tamen extundens aliud, nisi sacra JESU & MARIE nomina, in quibus, & meditatione cruciatuum Christi suavissimè acquiescens, furorem illorum etiam ridere potuit, & exprobrare. *Hocine, ajebat, totum est quod potestis? si nihil aliud sunt vestri eqvulei, accedant hujus rei causâ centum alij; ego enim Catholica Religionis causâ longè graviora ferre possum.* Ergo ad barbarum prorsus & immane torquendi genus descendunt, & acus illi sub ungues manuum pedumq; altè adigunt: quem acerbissimū dolorem etiâ hilari & reidente vultu ipse perferens, psalmū *Miserere* recitare, & veniam vexatoribus suis precari pergebat; nihil quæstiones eorum pensi habens, vel eas unius verbi responso dignatus.





P. Alexander Briantus Anglus Soc. IESV, post crudelem in Equuleo suspensus, ex summis pedum et manuum articulis, diffusionem, cum P. Campiano dissectus in Anglia Londini. A. 1583. 1 Decembris.

C. Sereta d.

M. Küell f.

Novo igitur furore postridie eqvuleum repetunt, immanitate tantâ, ut omnium officio sensuum destitutus, crederet corpus suum jam in partes scindi. Tum frigidâ perfusum ad se revocant, & nihil tamen ad quæsitâ respondentem, totam noctem in eqvuleo sic extentum relinqui, ipsi jam abeuntes, tortoribus mandant. Sed nihil eum minas pensi habere, imò & veluti pro beneficio grates reponere conspicati, eqvuleo depositum, in terribilissimum & uliginosum specum sub terram abijciunt, ubi totis 15. diebus, nullo motu, aut usu membrorum jacuit in terra. Quæ ubi nativum denuo robur, & vigorem recipere visa sunt, tertium ad eqvuleum rapitur; in quo Divinæ Bonitati, quæ neminem tentari patitur supra id quod ferre potest, placuit

eqvulei dolores, omni sensu eorum prodigiosè cohibito, in rosas & delicias ei commutare. Nam cum in eo distrahendo, ut quàm dirissimè cruciaretur, vires omnes tortores exerent, ipse nullo sensu doloris, nullâ animi perturbatione tactus fuit: nisi quod sibi videretur lævæ manûs palma disrupta sanguinem fundere. Sed unde hoc Alexandro tantum in tormentis robur? tanta animi malacia? talis cœlestium gaudiorum affluxus? juvat id ex ipsiusmet audire epistola, quâ ex hoc ipso carcere ad PP. Soc. JESU datâ, in eorundem numerum & Religionē recipi expetiit (nam antehac reipsa necdum in ea computatus fuerat, licet ante biennium firmo animi decreto, & postmodum ante tertiam torturam, etiam voto concepto, illi se addixerat)

D

quam



quam de verbo ad verbum hîc inferere placuit.

Quotiescunq; mîcum cogito R. R. PP. quàm ardentè, & quàm varijs modis DEus Opt. Max. nostram querit salutem, nostrum cupit amorem, cor nostrum possidere, & in nobis regnare desiderat; toties stupore confundor, quod nos miseri homines, vel beneficijs commoti, vel allekti premijs, vel saltem stricto DE Iudicio perterriti, totis viribus illi non obsequamur, nec offeramus illi corpora nostra in hostiam viventem, & holocaustum perfectum. Nam præter immensa ejus erga nos beneficia, creationis videlicet, redemptionis, conservationis, justificationis, & quod speramus, glorificationis: præter hac, inquam, & infinita alia, verbis suavissimis nos adhortatur, ut properemus ad ipsum. Ego, inquit, diligentes me diligo; & qui manè vigilaverit ad me, inveniet me: beatus homo qui audit me, & qui vigilat ad fores meas quotidie, & observat ad postes ostij mei. Qui me invenerit, inveniet vitam, & hauriet salutem à Domino. Ubi autem quarendus sit, ipse Dominus ostendit his verbis: Ubi duo aut tres congregati sunt in nomine meo, ibi ego sum in medio eorum. Ibi verò putandus est esse Christus, ubi multi charitate conjuncti ideo conveniunt, ut DEum honorent, DEO soli deserviant, ejusq; præcepta custodiant, & Regnum ejus gloriosissimum propagent. Qui hoc ipsum audit, veritatem discet, & non ambulabit in tenebris & errorum caligine, sed securus vadet ad fontes aquarum. In talibus Congregationibus DEO sacratis via recta in Cælum tenetur, non vepribus obsita, sed Sanctorum vestigijs incessanter attrita; non flosculis hujus amari sæculi ornata, non delitijs aut blandimentis affluens, sed legibus regulisq; sanctissimis munita; ut stulti non errent per eam, nec quisquam in illa deviet, nisi qui suam salutem prorsus negligeret. Hic cuncta in numero, pondere, & mensura, aptè disponuntur, ut verè Sapientia inhabitare dicatur, cujus opera omnia mirè ordinata sunt. Hic viget cælestis quædam fratrum correctio, suavis affectuum pravorum castigatio, & mutue Charitatis ineffabilis provocatio. Ob hac & his similia, ante biennium apud me firmiter proposueram, hoc vitæ genus suscipere, si Dominus voluerit: & cum viro docto & pio, tunc spiritali meo Patre, hujusmodi sermonem habui: An si ex patria, rationabili de causa redirem (eram enim eo tempore in transmarinis partibus) fore sperarem, ut me Patres Societatis in sanctam obedientiam reciperent? cujus sententia fuit, ut hac de re nullatenus dubitarem. Hinc agebatur spes, accrevit animus, & hoc biennio dum in An-

glia versarer, sæpius mente renovavi propositum hoc. Sed quia sperabam laborem meum & industriam in messe Domini non prorsus inutilem, distuli propositum. Nunc autem cum Divinâ dispensatione libertate priver, ut huic utili labori me ipsum diutius non possim impendere: iterum renovatur desiderium, iterum incaluit & exardescit spiritus; & tandem votum Domino DEO vovi, non temerè (ut spero) sed in DEI timore, nec ob alium finem, quam ut inde sanctius & gratius obsequium DEO præstem, ad majorem DEI gloriam, certio rem salutem meam, & ad gloriosiores de spiritali meo hoste triumphum. Vovi equidem, ut cum Domino placuerit me liberare, (si tamen aliquando placuerit) intra unum deinde annum, Patribus Societatis me totum resignaturum, & (si DEO inspirante me reciperent) libenter, & summo cum gaudio in perpetuum, voluntatem meam omnem in DEI servitium, & eorum obsequium, penitus penitusq; traditurum. Hoc votum in summis angustijs & tribulationibus meis, magno mihi gaudio & solatio fuit: & ob hoc majori cum fiducia impetranda fortitudinis & patientia, accessi ad thronum Divinæ Majestatis, patrocinio fretus B. MARIE semper Virginis, & omnium Sanctorum. Quod quidem à DEO perfectum spero, quia in ipso Orationis tempore à me factum fuit, cum mihi videbar cælestia cogitare. Sic enim res gesta est. Eodem die quo primum tormentis cruciabar, antequam ad locum proceffi, orationibus vacans, & Domino DEO me meaque omnia commendans, supernâ quadam spiritûs dulcedine replebar, dum invocarem sanctissimum Nomen JESU & B. Virginis MARIE: dicebam enim Rosarium. Hilaris erat animus, benè confortatus, & promptus ad perferenda tormenta, quæ tunc certissimè expectabam. Tandem in mentem venit prædictum propositum, & simul etiam coincidebat in animum, ut nunc voto firmarem, quod antea statueram. Peractis precibus hac animo revolvi, ratione quâ potui discussi, bonum judicavi, desiderium complevi, votum prædictâ conditione liberè emisî. Quod factum DEus ipse mihi videtur statim probasse. Nam in omnibus angustijs & cruciatibus meis, de infinita sua bonitate misericorditer mihi affuit, confortans me in necessitate, & liberans animam meam à labijs iniquis, à lingua dolosa, & à rugientibus paratis ad prædam. An quod dicam mirabile sit, nescio, DEus scit, sed quod verum sit, testis est coram DEO conscientia mea. Hoc dico, quod in ultima tortura, cum crudeliùs in corpus sequirent adversarij, manibus pedibusq; violenter extentis, omni tandem ferè doloris sensu expers eram: nec hoc solum, sed etiam quasi refocillatus à præ-

sedens-



cedentis tortura doloribus, sensibus perfectis, mente quietâ, & corde tranquillo perstiti. Quod videntes Commissarii, exeuantes iusserunt me eodem modo iterum in diem posterum cruciari: quod audiens, credebam equidem, & sperabam divino auxilio, me patienter laturum. Interea meditabar (ut potui) Salvatoris nostri acerbissimam passionem, innumeris doloribus plenam; dumque hæc ipsa agerentur, vulneratam putâram sinistram manum in medio palma, & sanguinem effluxisse existimâram; sed revera nil tale fuit, nec alius tunc dolor, præter illum manûs gravabat. Nunc ergo ut innotescat vobis petitio & postulatio mea, cum nulla spes reliqua sit, nos brevi pristina libertate ita fruturos, ut V. V. P. P. præsens alloquar, (quod utrum aliquando sit eventurum, nulli mortalium est notum) interim humiliter me vobis submitto, suppliciter rogans, ut pro me, & de me faciatis, quod vestra prudentia visum fuerit. Et, si fieri possit, ut absens in Vestram Societatem adscribi & recipi queam, supplici mente & toto corde exposco; ut sic cum humilibus humiliter sentiam, cum devotis DEI laudes personem, & continuè gratias ei pro beneficijs suis referam. Tum etiam plurimum suffragijs adjutus, tutius curram ad propositum bravium. Non ignoro infinitas esse antiqui hostis insidias: tortuosus enim cum sit coluber, mirè simplicium animas, qui fidelem ductorem non habent, suâ vafritie deludere conatur, in Angelum lucis transformans se; ut non sine causa admoneamur, ut probe nus spiritus, si ex DEO sint. Vobis igitur, quoniam spirituales estis, & huic certamini assueti, committo totum negotium istud; per viscera misericordiae DEI obsecrans, ut me vestro consilio & sapientiâ regere dignemini: & si utile videatur in oculis vestris, ad maiorem DEI honorem, Ecclesiae utilitatem, & anima mea aeternam salutem, ut promovear ad hanc sanctissimi Nominis JESU So-

cietatem: in præsentem obedientiam promitto coram DEO, in foro conscientiae meae, omnibus & singulis Praepositis constitutis, & constituendis: omnibus item regulis, legibusve in hac Societate receptis, pro mea virili, & quantum me DEUS adjuvet: testis dies iste, testis & hoc chirographum manûs mea in die Judicii. De corporis valetudine non est quod dubitetis, quia jam ferè pristinam fortitudinem & robur DEO donante recuperavi; & in dies magis magisque convalesco. De cetero me vestris orationibus commendans, vos in Domino valere jubeo, sollicitè expectans, quæ sit vestra de me sententia.

Factus itaque desideriorum à Societatis Superioribus compos, cum Societati se votis Religiosis, post tam durum in carcere Tyrocinium, legitimè adstrinxisset, non multò post judicio iniquissimo læsæ Majestatis reus pronunciatus, vimineæ crati unâ cum Rudolpho Scerwino iniicitur, atque per Londinum extra Urbem ad furcam raptatus, sublatum jam Campiano & Scerwino, plaustrum ferale animosus conscendit; ex quo pauculis, pro Religione Catholica, & innocentia sua prolatis, subtracto inter recitatum psalmum 50. curru, modicum pependit, ac paulò post fune rescisso, uti priores duo, in quatuor partes dissectus & laniatus fuit. Produciorem tamen illis in morte poenam expertus est; siquidem negligentia Carnificis, fune minimè ad gulam intercludendam inserto, ex solo mento aliquamdiu vivus pependit; hinc illo dissecto, ex casu in pedes sese denuo valenter erigere parabat; cum nihilominus à Lictoribus violentè extentus, sectus, exenteratus est, neque tum adhuc experts animæ visus, siquidem ingenti omnium stupore jam excordis corporis membra, nihilominus subfultim à terra emicabant.

## P. THOMAS COTTAMUS.



Adem cum Campiano & Brianto Patria Thomæ Cottamo, Anglia, & in ea Provincia Lancastrensis, idem vitæ genus, idem exitus fuit. Anno 1549. natus & à Protestantium hæresi operâ P. Thomæ Ponderi Societat. JESV ad Catholicam Religionem traductus, relicta Angliâ primò Duacum, ac deinde Romam, studio obtinendæ Societatis petijt. Hauferat nimirum primos ad eam ex annuis literis spiritus, quæ ab India quotannis Romam de conversione Ethnicorum à nostris mittuntur; ad quos & ipse Christo lu-

crandos desiderium traiciendi complures annos fovit; donec intellexit, nolle DEum sudores à se in India, sed in Anglia cruorem fundi. Itaq; Tyrocinium S. Andreæ Romæ trigésimo ætatis anno ingressus, non multò post in Galliam Medicorum consilio, qui pertinacem hæticam in Vrbe curare desperaverant, ac postmodum Rhemos translatus, frustra ubiq; cælum valetudini faventius quæritans, in Patrium deniq; solum, suscepto jam pridem sacerdotio, necdum tamen Tyrocinium egressus, migrare jussus est, ubi nativi aëris beneficio restauratam valetudinem, ad





P. Thomas Cottamus Anglus S.I. pro Fide Christi suspensus, et  
sectus Londini in Anglia A. 1582. 30 Majj.

C. S. d.

M. K. f.

Anglicæ culturam Vineæ impenderet. Verum in ipso portus ingressu agnitus, & comprehensus est proditione nefariâ Sleddi, qui perfidè Catholicum simulans, Cottamo in Gallia & Remis se familiariter conjunxerat, & notata per otium accuratissimè oris lineamenta, totiùsque corporis conformationem, & quæcunque ad eum cognoscendum congruere possent, in Angliam præmiserat. Nobili ergo viro Havardo Londinum sistendus à Magistratu maritimo committitur: qui Religioni ducens Sacerdotem (erat enim & ipse Catholicus) Hæreticis prodere, liberum abire permisit. Quo facto cum discrimen ipsemet capitis in se accersivisset, generoso animo Cottamus, ut impendentem suâ causâ Amico calamitatem in se averteret, ipse

spontè se Præsidi rei maritimæ, approbantibus deinde factum Personio & Campiano, sistit. Et quia in Viro innocentissimo nihil reperire erât, cujus causâ in crimen læsæ Majestatis apparenter saltem eorum vulgo traheretur (caverat enim jam à principio Elisabetha, ne ullum Religionis causâ de medio tollere, nisi ob solam duntaxat perduellionem, videretur) idcirco in intimas animi illius noxas quæstiones instituerunt.

Præcipua torturæ post eqvuleum Anglis species est, Filia Scavingeri dicta, priori omnino opposita. Cum enim ille membra, aligatis extrâctisque in diversa manuum pedumque articulis, ab invicem distrahat: hæc è contra illa violentè in unum veluti globum colligat & consipat. Trifariam hic corpus com-



complicatur, cruribus ad femora, femoribus ad ventrem appressis, atq; ita arcubus ferreis duobus includitur, quorum extrema dum ad se invicem labore carnificum in circulum coguntur, corpus interim miseri inclusum informi compressione pene eliditur. Immane prorsus & dirius eqvuleo cruciamentum, cujus immanitate corpus totum ita arctatur, ut alijs ex eo sanguis extremis manibus & pedibus exsudet; alijs ruptâ pectoris crate copiosus è naribus faucibusq; sanguis effundatur, prout Cottamo etiam tum hæcicâ miserè laboranti evenit, ampliùs horâ integrâ anulo concluso.

Hoc ei tormentum insana hæreticorum rabies intulit, cum neque carceris squallore, neque inedia vi quidpiam extorquerent, unpe sdeciem aliquam perduellionis in caput innocentis comminiscerentur. Sed quænam putamus tam diræ quæstionis fuit materia? nam quid de Primatu Reginae in Ecclesia Anglicana sentiret, quid de Pij V. Pontificis adversus eam intortâ excommunicatione, ultro ipse falsus etiam scripto fuerat, se idem in his, & omnibus alijs credere, quod sentiret Ecclesia Romana; reliqua autem alijs captivis Sacerdotibus obijci solita, velut Anglo-rum ad Ecclesiam Romanam ab Hæresi reductio, Sacramentorum & Missæ in ditionibus Reginae celebratio, prætendi adversus eum non poterant, quem ipso in aditu Insulæ captum constabat. Ne tamen viderentur Fidei solùm causâ necem inferendo Martyrem facere, quem omnino statuerant ut perduellionis reum occidere, rimari institere mentis arcana, num quid elicere possent aptum invidia constandæ. Itaq; primùm supplicio illo Scavingeri, ac deinde rursus eqvulei cruciamento extorquere adnisi sunt, ut patefaceret quali pœnæ fuisset à Confessario adstrictus, obnoxas illi pro Tribunali sacro apertas. Et cum ille nihil ultrâ gravius suspicatus, declinandis cruciatibus, quod res esset, aperuisset; urfere porrò, ut delicta etiam, quibus pœna illa Sacramentalis inflicta fuerat, ex ordine recenseret, in eorum quopiam deprehensuros se aliquid confisi, quod injuriæ suæ obvelandæ fucum faceret. Tum verò animosus Christi pugil vafritiem improbiſſimorū hominum execratus, *Equidem*, respondit, *peccata mea nulli prater DEum & Confessarium detecturus sum.*

Verùm cum decreta Cottamo, atq; alijs 6, ex Clero Sacerdotibus mors esset, sive posset illi apertè crimen affingi, sive non, capitali damnatus sententiâ, in viminea crate per Urbem ad Tiburnum extrahitur. Ubi lanienam sociorum spectare jussus, si fortè ab animi firmitudine quidpiam remitteret, frustra offerentibus illi, si desipere vellet, Reginae gratiam, Justitiæ Præsidibus; tandem ferale plaustrum conscendens; *Persuaderine*, inquit, *vobis patiemini, criminis affines & conscios tam diros posse adire cruciatus, nec exprimi per illos confessionem?* Ego certè ut fatear ingenuè quod est, teste Deo nihil in votis habui ardentius priusquam renavigarem in Angliam, quàm ad Indos proficisci, idq; tam serius agebam, ut jam tum omnia compararem ad iter, nec ab incepto desisterem, si liberum mihi fieret, quò id reipsâ præstarem. Sub hæc revulsum Richardsoni unius ex socijs caput, ostentans populo Carnifex, de more clamabat: *Vivat Regina.* Cui Cottamus subijciens: *Obtestor*, ait, *DEum, ut eam diu salvam & incolumem velit, suâq; benedictione sanctâ muniat, cui ego ut Reginae meæ exopto omnem felicitatem & pacem.* Quidni ergo, subijciunt improbi Ministri, Ecclesiæ Anglicanæ supremum Caput illam agnoscis? Hoc verò, reposuit ille, si voluisssem profiteri, abhinc jam biennio vinculis exolutus essem. Sed integritas hîc Religionis & Conscientia convellitur, quâ unâ causâ exceptâ, nunquam Regiam Majestatem offendi. Post hæc breviter DEum sibi & toti Regno propitium fieri precatus, recitatâ cum præsentibus Catholicis, quos ad id invitârat, semel oratione Dominicâ, & salutatione Angelicâ, è plaustro deijcitur; dùmque rescisso fune ad lanienam denudatur, magno omnium stupore cilicium apparuit intimo corpori appressum; generosi illius animi index, qui duorum annorum perpetuis carceris ærumnis minimè satur, saginari adscititijs etiam proprio ingenio injurijs voluit. Incidit pretiosa illius mors in diem 30. Maij. An. 1582.

ætatis 33.







*P. Thomas Mettomus Anglus Soc: IESV, post toleratas annis  
17. in causa Fidei Romanæ, Carcerum ærumnas, extinctus, in  
Anglia Visbici. Mense Iunio .A. 1592.*

## P. THOMAS METTAMUS.

**V**enerandus fuit omnibus Catho-  
licis Anglis P. Thomas Metta-  
mus, & ipse nobili prosapiâ An-  
glus, ob variam & profundam  
eruditionem: utpote qui Græ-  
cis & hebraicis, historiâ, & variâ rerum le-  
ctione eruditus, ad Philosophiæ Doctoratum,  
Licentiam simul in Theologia addiderat.  
Quibus accedens multiplex & profunda Vir-  
tus, unius DEI animarumq; æstimationem,  
& sui perinde ac nihili contemptum indu-  
cens, quantum illi apud Catholicos addebat  
æstimationis, tantum apud Hæreticos conci-  
liabat implacabilis odij. Elapsus ex Anglia,  
eum doctrinam in scholis comparatam una

eum vitæ & sanguinis impendio in salutem  
Patriæ devovisset, suscepto Sacerdotio, ocius  
in Angliam renavigavit; in cujus ingressu,  
pro amplexu vincula, pro hospitio acerbissi-  
mum 17. annorum ergastulum, ac post hunc  
sepulchrum nactus est. Primum quadrien-  
nium conclusus exegit in Turri Londinensi,  
carcere non aliunde, quàm sceditate & im-  
manitate nobili; cujus squallore ad extrema  
deductus, omnino moriturus propediem e-  
rat, nisi barbara Ministrorum lenitas, ut pro-  
ductius Viro faceret tormentum, in alium  
subinde carcerem compegisset, ubi non qui-  
dem diutiùs viveret, sed lentius moreretur.  
Hic ille paulò laxiùs habitus, postquam re-  
staura-



stauratas necessario victu corporis vires, in longiorem vitam sufficere posse speravit, ante omnia propositum animi, quod arctâ & profundâ turris custodiâ defossus significare potuit nemini, de ambienda Societate exequi constituit. Igitur datis ad P. Thomam Darbiscir Parisios literis, infinitis ei precibus negotium commendavit; quo naviter desideria Viri Romæ promovente, Mercurianus Generalis Societatis JESU Præpositus, eum Anno 1579. carceris ejus 5. die 4. Maij, non tantum in Societatem adscripsit, sed datâ etiam ad eundem epistolâ magnopere hortatus est, ut illas ergastuli vexationes tam multas atque assiduas, in argumentum & materiam virtutis traduceret, reputarétq; sibi non jam quasi uni ex turba, sed propiùs, atq; perfectiùs ex Societatis Instituto, ferendam esse post Christum crucem.

Non diu commodiore illâ carceris custodiâ frui Mettamo licuit, sed instauratis ad duriora iterum perferenda viribus, in alium atque alium sæpius translatus fuit, cum novis semper ærumnarum accessibus. Quippe cicuratis nonnihil patientiâ, & perspectâ mansuetudine custodibus hæreticis, dum licentibus ignotis, & deliberatâ barbarie in sacerdotes efferatis tradebatur, novis ita pœnis & cruciatibus exponebatur. Illud tamen has carceris & pœnarum mutationes solabatur, quod in nova flagitioforum, ad quos adungebatur, colluvie, semper inveniret quos Christo lucraretur, aut quorum ludibrijs & insolentiâ pro ipso exagitaretur. Id quod adeo bellè ipsi, & alijs ex Societate captivis tum cedebat, ut cum alij foris in libertate, propter persecutionis acerbitem, & exploratorum sagacitatem, vix aliquod operæ pretium facerent, ipsi in carceribus, conversis ad Christum novis semper & novis ob quotidiana crimina reis, dum hi in libertatem iterum carcere emittuntur, ipsi in illis maximo proventu, totidem Fidei futuros domesticis prædicatores foras mittebant. Suboluit ea pia industria Ministris verbi, & Regijs; qui proinde censuerunt, haudquaquam Mettatum diutiùs Londini ferendum, sed Wisbicum inter alios Christi sacerdotes relegandum, scholam nempe dolorum, & extremæ patientiæ. Distat hic locus quinquagenis ferè passuum millibus Londino, olim Eliensis Episcopi castrum, nunc muris undiq; fatiscientibus, sinè tecto, sublati Præfulum hæreticorum avaritiâ plumbeis & cupreis laminis, sinè laqueari, evulsis trabibus, ferro, reliquâq; materiâ, plus ruinarum, quàm fabricæ retinens

ædificium, in commune sepulchrum Catholicorum & Sacerdotum ab Elizabetha destinatum; ubi libertate & omni carorum aspectu exclusi, nullâ aliâ spe, nisi animæ inter ærumnas tantisper, dum ijs conficerentur, trahendæ agerent. Incolebant tristia rudera 35. circiter, seu morte, seu perpetuis damnati miserijs, viva certè omnes inter parietinas pensiles sepulchra. Quidam in suo cavo soli, nonnulli cum socijs, clausi omnes tam arctè, ut egrederentur nunquam, nisi omnes simul ad unam communem mensam. Neq; tunc tamen sinè testibus convivis hæreticis, quorum princeps erat carceris curator Grajus, homo ferus, & à Catholicis tam pertinaciter aversus, ut profiteretur demens, si sibi constaret, nisi apud Papistas DEI gratiam & salutem nusquam reperiri, sibi tamen fore optatius damnatum mori, quàm Papistam æternum salvari. Quod & consecutus est, horrendo ipsismet Puritanis exitu; Filiæ autem salutari exemplo, quæ ab ejus lamentabili obitu continuè Calvinum exuens, Catholicis accessit. Affari clausos fas erat nemini, nisi Ministellis acturis de Religione, & piorum stipem, quâ solâ sustentabantur, ad eos deferentibus. Excubiæ intus forisq; perpetuæ, quarum pars observabat intra muros, pars castrum totâ nocte circumibat: cujus in milites Christi odia, contumelias, injurias, non rarò lapidationibus conjunctas, facile cuilibet est conjectare. Unum in his solatium erat, clancularia Divinorum mysteriorum tractatio, quorum apparatus & materia, omnem excubitorum, quamvis improbam diligentiam, sæpius improvisò in receptacula singulorum irrumpentem, omniâque perscrutantem, semper tamen sefellere. Exacto sexennio, liberior eis ergastulis suis prodeundi concessa est facultas, & communiter invicem, veluti in libera pene custodia agendi. Quam illi libertatem, adnitentibus præsertim PP. Westono, Mettamo, & Pondo, in religiosi Cœnobijformam disciplinamq; vertentes, ad signum campanæ omnia peragebant. Sua erant meditationi, examinandæ conscientiæ, sua lectioni, literarum studio, divino cultui destinata tempora: habebantur statis horis prælectiones Sacræ Scripturæ, institutiones græcæ, hebraicæ linguæ, explanationes quæstionum fidei, & morum, adhortationes ad virtutem & perfectionem. Quibus longè latèq; per Angliam vulgatis, tantâ sanctitatis atq; eruditionis opinione, non inter Catholicos modò, sed etiam inter hæreticos celebrari Wisbicum cœpit, ut non car-



ter, sed doctissimorum hominum Academia, & omnigenarum virtutum Palæstra habetur.

His immorantem, & privatâ disciplinæ observatione ultroneis afflictiones perpetuæ adversorum perpeffioni addentem Mettammum, Deo tandem ad se evocare, & ex carcere educere placuit. Igitur non minor sexagenario, nullâ pene ægrotatione, aut lethali malo correptus, nisi quod annorum 17. carcer conscivit, ubi mortem vicinam advertit, erecto semper in D E V M animo, Sacramentis ritè se ad eam comparavit, quam in

Corona inclytorum Fidei pugilum placidissimè obiit, ipso in carcere Wisbici, mense Junio, An. 1592. Mortem illius eò severiorem, quò ab effusione sanguinis remotiorem, non tantum causa, quâ decessit, gloriosam reddidit, sed longè maximè pertinax hæreticorum, quod illam Viro D E I intulit, odium. Namq; post decennij carcerem, septennio ante illius mortem, cum 70. Sacerdotes è nervo dimitti jussissent liberos, Mettammum tamen, à beneficio illius Clementiæ, nondum ejus torquendi saturi, retinuerunt; supplicio tantò molestiore, quantò diuturniore maciandum.

P. JACOBUS SALESIUS,  
E T  
GUILIELMUS SALTEMOCHIUS.



ater Jacobus Salesius Lezofio Arvernorum in Gallia Oppido oriundus, omnibus humanis æquè ac Divinis scientijs fuit instructissimus. Prodigio simile erat, in corpufculo perpetuâ virium debilitate & invaletudine laborante, quæ eum à docenda Mussiponti Theologia post biennium retraxit, animum refedisse tam vividum & robustum, qui præter nativam Gallicam, & scholasticas Latinam, Græcam, & Hebræam, linguas insuper perfectè condidit Chaldaicam, Syriacam, & modernorum Arabicam, quibus ille in spem Martyrij inter eas gentes consequendi sese aptaverat. Et verò non semel Indicam missionem, quamvis omnino viribus fractus, Româ impetrare ardentibus literis contendebat; quod aliquando sociorum uni admiranti, & viriû languorem obijcienti, *nescis tu*, respondit, *Rudolphum Aquavivam aptum fuisse Indijs & Martyrio, qui prius valetudinarij Romæ limen assidue terebat? quis cognovit sensum Domini, an non in infirmo etiam corpore meo velit triumphare?* Verum longè majores fuere cœlestium virtutum dotes, Animi demissio tam profunda, ut observatorem omnium dictorum & factorum suorum deligeret, ubicunq; versaretur, è numero Coadjutorum quempiam, à quo liberè coargueretur, si qua in re offenderet. In DEum & Divina extatico quodam ferebatur affectu, in medio actionum sæpe exclamare illud Angelici hymni solitus: *Gratias agimus tibi propter magnam gloriam tuam.* Porro unicus flosculi, aut cuiusvis alterius creaturæ aspectus, ita animum ejus ad pul-

chritudinem Creatoris rapiebat, ut divini amoris ardore inflammandus videretur. Et cum inter meditandum divina nunquam ad aliena cogitanda mente exerraret, inter colloquia tamen familiaria perpetuò sermonem ad cœlestia, nec advertens, transferebat. Quanto unionis cum DEO flagraret desiderio, vel inde colligas, quòd januæ cubiculi pulsû ingrediendi facultatem ad eum postulantibus, priusquam dicto *Ingredere* annueret, genua prius humi fledebant dicens: *Intra DEVS meus, intra in animam meam.* Hinc plerumque ab introeuntibus genibus nixus deprehendebatur.

Atque ex hac agendi cum DEO consuetudine, ardentissimus in ejus corde exarsit in Deum amor, qui non posset nisi sanguine & morte extinguî; inde nihil magis in votis habuit, quàm per violentam in DEI causâ internecionem, fidem suam testatam facere. Hoc ille diebus singulis coram venerabili Eucharistia, quam horis propè adibat & venerabatur omnibus, supplex postulare: hoc ambitione summâ, quam celare non posset, vovere, quæ ei passim in familiaribus colloquijs, quoties de Martyrio mentio incidisset, voces illas exoptantis, nec advertenti exprimebat: *ô si daretur!* In hunc finem præcipuo ex Divis honore Martyres venerabatur, interque illos Edmundum Campianum, cujus reliquias de collo suspensas gestabat devotissimè, exosculabatur tenerrimè, & ejusdem epistolâ ad se datâ ignes hos excitabat creberimè, illis ejusdem verbis mirificè visus incendi: *Si vel canibus alendis fenerari possem Domino vivo, quis sum, aut quæ est domus Patris mei*





P. Iacob, Salesius et Guilielm, Saltemochius Galli Soc. IESV, pro fide Catholica occisi à Calvinistis Albenaci in Gallia. A. 1593. 7. Febru.

*mei, ut recusem?* Et audivit tandem benignus Dominus ardentia servi sui vota, quàmque pro fide oppetere mortem sub horæ cujuslibet sonum precabatur, ex eadem causa obituum se divinitus præsensit. Itaq; non solum uni Patrum asseveravit, non se aliter vitam finituum quàm Martyrio, verum etiam lethi genus præfagiens, aliquot antè annis disertè cuidam innuit, nullum aptius sibi mortis genus competere dicens, quàm **E** inter orandum sclopo trajiceretur. Cujus istu manu hæreticà evibrato occubiturū se, diversis vicibus edixit binis Nobilibus, cum per jocum pectori ejus sclopum admovissent; *non tu meicies, inquit, sed sectariorum aliquis.* Ejus proinde dexteræ jam tum multò antè bene omnia fausta precari solitus erat.

Denique tam apertè Rectori Turnonensi per literas impendentem sibi pro fide necem paucis antè diebus aperuit, ut is de eventu securus, domesticis tanquam jam de re facta asseveraret, Salesium Martyrem futurum. Quæ non fuisse incerta divinantis, sed divinitus accepta prædicentis vaticinia, ex alieni facti non minùs veridica patuit prænotione. Impudens quidam Nobilis atrocius Societatis innocentiam calumniatus, turbatè illam Reipublicæ, & insectarum calamitatum ream accusabat, dignam proinde, cujus alumni omnes cum Salesio virgis cederentur. Parciùs ista viris innocentibus & modestiùs obijcienda monebat Salesius, cavendum etiam atque etiam illi inculcans, ne ante anni lapsum pœnam ipse, eà corporis parte,



te, ubi virgæ incuti solent, à DEO exciperet. Et profectò currente adhuc anno, excussus Aquis sextijs, quas Dux Espernonius obsidebat, tormento globus, posticam corporis partem, quâ sedebat, & paulò post vitam illi abruptit.

Sic ergo Martyrio præparatum, & jam maturum, imperia Majorum occupant, & Albenacum, Urbem Calvinianâ peste infectam, tuendâ illic Catholicæ rei causâ proficisci jubent. Quæ imperia incredibili hilaritate, dicto *Te Deum laudamus*, excipiens, confestim se Turnone, ubi Theologiam tum docebat, comite Guilielmo Saltemochio dat in viam, Novembri exeunte An. 1592. Albenaci per sacras Dominici Adventûs ferias quotidie ad populum perorans, ingenti fructu & solatio Catholicos complevit: adjunctisq; ad eorum numerum ex obstinata Calvinii sectâ quibusdam pauculis, in rabiem scilicet & furorem Ministros eorum redegit, qui doctrinæ & spiritui in eo loquenti non valentes resistere, de medio tollere optabant; tantum in eo solo veneni esse, etiam ex pulpitis vociferantes, ut non Albenaco solum, sed universo etiam Regno conficiendo sufficiat. Et occupaverat fortè tunc improvise latrocinio, & proditione civium hæreticorum, Albenacum Chiambaudus Calvinii Assesla, oppressisq; 6. Febr. 1593. Catholicis, primò omnium Salesiæ cum socio dari jusserat in vincula, certus neq; pretio, neq; permutatione libertatem ijs concedere, quos Ministri sui veluti Baalis Prophetas, & impios Idolorum, atque Antichristi adoratores neci tradendos contendebant. Itaque toto illo die cum nocte insequenti, varijs injurijs & contumelijs affectum Salesium, postero die, qui erat Dominicus, Rabulæ sui concione in necem illius inflammati milites, exire foras in plateam jubent, in publico moriendum illi dicentes. Qui veluti ovis in occisionem sponte suâ descendens, Ego verò, inquit, *libens exeo Deo duce, cujus causâ mori paratus sum.* Et ad socium suum, *quid te, ait, frater mi, fiet? bono animo esto. vide sis quanti ex quantulis futuri simus!* Tum brevi morâ ad commendandum DEO spiritum impetratâ, flexis genibus, veniam hostibus precatus est, qui ei JESUM & MARIAM invocanti, frustra os luto complere tentabant; donec supplicem à tergo militum unus adortus, soluto sclopo humerum ejus petijt: quo ictu pronus in faciem corruens,

cùm sacra nomina invocare pergeret, ferro confoditur die 7. Febr. An. 1593. annos natus 37.

Atque hæc tam cordatè pro fide Catholica mors obita, quàm gloriosa in conspectu Dei foret, quâ ipse in beatam vitam nascetur, luculentè indicabat splendidissimum lumen, quo cubiculum ejus natale, nocte eodem illius excipiente, plus horæ spatio, admirabili splendore effulsit. Corpus ejus planè nudatum, totos 6. dies inhumatum, inhiabentibus ejus sepulturam Hæreticis, in platea jacuit; donec in ruinoso quodam templo tumulatum, ac biennio post magno honore Ruanum, tandèmq; Avenionem, unâ cum Guilielmi cineribus translatum est, syndone, quâ arida jam Christi pugilum ossa mundissimè involuta erant, sanguineum colorem referente. Cædes eorum maximâ lætitiâ ubiq; à socijs celebrata est, passimque in Collegijs hymno Ambrosiano gratiæ Deo actæ; pijs omnibus magno ambitu & certamine reliquias eorum deposcentibus, quas prodigiosis eventibus variè illustrare Divinæ Bonitati deinde placuit. Sanè lipsanis Salesij se, & quendam è S. Benedicti familia à diuturno asthma, liberatam, confessa est Domina Leonarda Chaussy, cui etiam devotam ternam è sedecim, quas habuerat, prolem servatam in vivis adscribebat. Bruxellis in Belgio Anno 1623. Dæmonem ab energumena, quam 22. annos obsederat, exigens P. Henricus Adamus, cùm manu Salesij conscriptum libellum depromens quæsisset, num illum novisset? & probè se illum nōsse, & ab hoste suo exaratum, quem Albenaci amici sui neci dedissent, aperuit, à quo se uri, & vehementer peruri fatebatur. Eiusdem lipsana clàm alteri Energumenæ P. Bartholomæus Jacquinetius Avenione applicuit, cùm subito irrugiens Dæmon insanis clamoribus, ut demortui illius ossa amolirentur, urgere cœpit; singularem hoc factio animis adstantium æstimationem Salesij imprimens, cujus exanguia licet ossa, tantis viribus in hostem infernalem polerent.






**F**ortunatissimus P. Salesio expeditionis in Hæreticos suscipiendæ comes datus erat à P. Provinciali Guilielmus Saltemuchius, eadem cum illo Patriâ Arvernâ oriundus, Vir antiquæ simplicitatis, eximiæ pietatis & obedientiæ. Literarum cum esset omnino rudis, in Societatem nihilominus receptus est ætatis anno 26. intra numerum Coadjutorum, eò quòd sutoris opificium à puero edoctus, præclarè calleret. In hac Angeli agnomen vitæ innocentia, ac præsertim obedientiæ promptitudine obtinuit, quam cæcè omnino, ut jumentum factus in Domo DEI, exequi solebat, nullâ sibi discernendi inter Superiorum imperia facultate servatâ. Quod tam sanctè obstinatum, Superiorum iussa omnia sinè discussione exhauriendi studium, uberem illi patientiæ peperit segetem, dum Mussiponti Convictorum in Contubernio januæ præpositus à Superioribus, calces & pugnos, vulnera, & cruentas à gladij dorso vibices sustinere maluit, quàm malè feriatum juvenem à Contubernio, præter Superiorum facultatem, dimitteret. In cultu S. S. Eucharistiæ quàm tener fuerit & assiduus, Turnone potissimum patefecit, nusquam ferè alibi, quàm coram illa precarios volutans globulos, reperiri solitus. Ad gentem deinde convulsam & dilaceratam Salesio comes ire Albenacum iussus, licèt non ignoraret vitæ inter Heterodoxos impendens discrimina, tamen provolvit ut Angelus velox; præmium obedientiæ nactus Martyrij corollam, quam ei fors eadem, eadem mortis conditio peperit.

In Hæreticorum manus & vincula unâ cum ipso delapsus, cum perfidi jusculem ex carne famelicis (Sabbathi dies erat) apponerent, jamque Salesius fraudis ignarus sorbere pararet, opportunè admonuit, ut videret quid ageret, id sibi jusculem, licèt sub aliena specie, ex carne videri. Ita cum eligeret famem potiùs & sitim extremam perpeti, quàm utramque cum injuria Ecclesiastici Præcepti extinguere, haustum aquæ sibi cum Patre exhiberi petijt. Sed & hunc crudeliter negantibus sectarijs, licèt copiosè per eos dies pluisset, imò importunè de ciborum delectu controversiam moventibus, severa impietatem hanc à Deo ultio consecuta est. Siquidem ipsâ illâ hebdomadâ tanta in omnibus Oppidi cisternis aquarum extitit inopia, ut vino carnes coquere cogerentur. Conatus quidem est Salesius vitam ab hostibus Guilielmo impetrare, quòd literarum experts, ni-

hil ipsorum posset rationibus officere: sed præsentem gloriæ palmam non passus sibi in manibus ille infringi, *nequaquam*, exclamat, *ego te Pater deferam, quin & pro dogmatibus à te propugnatis, ego quoque promptus occumbam.* Momentem quin etiam alium, ut se tragædiæ, in solum Salesium comparatæ subduceret, *absit à me*, respondit, *errorem hunc grandem errare. Non me sejungam unquam ab ejus latere, cui me socium S. Obedientia conjunxit. Mortem in hoc comitatu non reformido.* Ejus me beneficii si compotem Divina misratio faceret, *na ego bene fortunatus fuero; promptus etiam Deum exorare, ut percussori meo facti veniam indulgeat, cui jam nunc ego, quisquis fuerit, lubens indulgeo.* Corruerat interim ex accepto sclopi ictu Salesius; cujus casu nihil iste consternatus dum accurreret, dum valedicentis more complectitur, pugionibus crudeliter nefariorum confoditur, sortem suâ mirè sibi congratulans; donec vires & sanguinem deficere sentiens, in genua & terram subsidit, & conformatis ante pedus in crucem brachijs, felicem animam Creatori eodem cum illo die reddidit, annos natus 38.

Exhumatis post biennium utriusque Albenaci ossibus, prodigio simile omnibus visum fuit, in cranio Guilielmi incorruptum superfuisse cerebrum, nullo etiam graveolentiæ vestigio. Ad utrumque etiam prodigiosè servata Dominae Leonardæ Chauvsey vita spectat, quæ à Calvinistis Albenacensibus corpora illorum Ruanum transferenda impetraverat. Rupto siquidem inopinè tabulato, tignum capiti ejus impendens, & jam à muro revulsam, indubiè oppressisset, nisi ex ipso casu in aère pendulum, ab eorum lipsanis tigno illi intra cistam incumbens, detentum esset. Eandem opem expertus est Philip. Daudan Vir septuagenarius, lapsu ex alta turri ita contritus, ut præter linguam, alium membri usum vix retineret. Ubi tamen hos duos in vota vocavit, sanus & incolumis ante triduum surrexit. Necis administri omnes tristi & lamentabili exitu interierunt; duo à vermibus viventes etiamnum corrossi, alius inediâ confectus, alius infantiâ correptus. Joannes Sariaffius princeps tragædiæ author, à die commissi sceleris tremorem capitis perpeffus est; & filius illi unicus eadem die & horâ, quâ Parens nostros confecerat. A. 1605. ibidem Albenaci duello sublati sunt: cujus cadaver cum prætercedis illorum locum deportaretur, inde nullâ vi dimoveri horæ spatio potuit, exceptum ab obvio deliro ipsdem ludibrijs & fannis, quibus corpora ipsorum à morte affici Parens jusserat.





P. Ioannes Leleszi Vngarus .S. I. ex propinato in odium Fidei  
veneno mortuus Laureti. A. 1594. 26. Febr.

C. Sceta d.

Melch. Küßel.

## P. JOANNES LELESZI.



**P**orentissimum Hungariæ Regnum, cum Catholicam Religionem in pretio habuit, omnibus bonis ita à Deo cumulabatur, ut lacte & melle manans, terræ promissionis non immerito æquiparari posset. Eadem tum illi quæ Cælo Regina, eadem in illam Ungaris quæ Cælitibus observantia, & veneratio, & quod consequitur, tam firmum cum Cælo commercium, ut etiam Coronam inaugurando Regi manibus Angelicis fabricatam, illi submitteret. At ubi sectariorum perversis dogmatibus ingressū præbere, Regno & Civitate, æquali cum Pietate jure, donare incepit, omnis simul felicitas in exilium

emigrans, pro Sole Justitiæ, infaustissima Lunæ Ottomannicæ cornua in eam invexit, quibus ventilata, & in miseram Turcæ servitutem magnâ sui parte redacta, in stuporem hodie & portentum facta est gentibus omnibus. Nihil tamen non egere Principes Austriaci, ut ruenti in præceps Regno opportunè subvenirent, & Religionem Catholicam fulcirent; inter quos Ferdinandus I. cum auxilia illuc è Societate Jesu submittere inchoasset, successores illius tantò majore semper studio ea augere contendebant, quantò heterodoxos magis in eis regno exigendis & proscribendis laborare cernebant. Nulli penè Conventus, nulla Regni celebrabantur Comitia,



tia, quibus non agitarentur tractatus de eliminandis focijs; sic ut nullo unquam tempore, nullo Regum pijsimorum adnifu, effici toto annorum seculo potuerit, ut incolatus ijs perpetuus, publico Comitiorum statuto decerneretur. Quem amplissimum laborum suorum campum, zelo Austriacorum Cæsarium nacta Societas, latè quaquaversum suas operas per Regnum universum, non solum quàm Catholico Regi subest, sed quàm sub Tyrannico etiam Turcarum gemit jugo, dispersita est, cujus Socij Quinque-Ecclesijs, Albæ Græcæ, Regalis Budæ, Varasini, aliisque per Turco-Hungariam locis (ut taceam excursionibus & missionibus temporariis) rem Catholicam constanti Residentiarum labore procurant.

Inter hos numerandus venit primariò P. Joannes Leleszi, vir ingentis animi, Apostolus Transylvaniæ meritò appellandus. Hic exulantibus injuriâ temporum Patriâ suâ Varadino Parentibus, prodijt in lucem Leleszij: à quibus religiosè educatus, & ingenuis artibus optimè instructus, cum eximios in Patriæ suæ salutem Societatis labores & conatus prudens arbiter dispexisset, ad eorum Ordinem animum adiecit, jam duodevicensarius An. 1566. In quo post Rhetoricam & Philosophiam magno applausu doctam, jam quatuor vota professus, accersitus est à Bavaria Vienne, operam deinceps in animorum quæstum locaturus. Christophorus enim Battoreus, inclytus Transylvaniæ Princeps, adnitere unâ Stephano Battoreo fratre, jam tum Poloniae Rege, profligatam pene ditione suâ rem Catholicam, servare & restituere cum adniteretur, subsidia è Societate JESU, ad hoc maximè opportuna & efficacia, à Cæsare flagitabat. Primus in tam arduam, & discriminum plenissimam Missionem designatus est, reliquis in ea Provincia futurus Præses P. Joannes: jam enim tunc superstitiones omnes plenâ pace & tranquillitate, soli Catholice Religionis indicto exilio, in Transylvania habitabant, & plerique omnes Procerum varijs sectis infecti erant, Lutherum, Calvinum, Arrium, Anabaptistas, Antitrinitarios, Mahometem, & quæ non Religionum monstra, sectantes. Inter tot profligatæ fidei Aulicos, ne Sigismundus, in Principatu Parenti Christophoro successurus, in nefariam & ipse Hæresim, Matris præsertim versutiâ, quæ filium in sua secta educarat, pertraheretur, Patris Joannis fidei & educationi commissus est. Sacris & profanis disciplinis abundè instructum, in Catholice Fidei petra

itâ solidavit, ut ejus ad mortem usq; tenacissimus, toto etiam Principatu ruinas illius reparare studuerit. Licet postmodum beneficio perditorum hominum Principatu cedere coactus, in extrema egestate finierit vitam Pragæ; cariturus honore sepulturæ, nisi hanc ei fidus, qui ex tot unus supererat famulus, in sacello S. Sigismundi Metropolitanæ ibidem Ecclesiæ præstitisset.

Nec in solius Principis sana educatione constitit zelus Leleszij, sed aperto Claudio-poli Gymnasio, frequentissimam illuc totâ Transylvaniâ, ex omni Nobilitate Juventutē pellexit, quam feliciter literis simul & Fidei rudimentis, per magistros Societatis instrui fecit. Ipse interim quàm Concionibus sacris, quàm privatis congressibus, animis civiū hæresim extirpare pertentans, id affecutus est, ut cum sex solos sub ejus adventū cenferet Vrbs nobilissima Catholicos, ipse discedens, majore & potiore sui parte reliquerit orthodoxam. Inter hos animum quantumlibet collectum dissipantes labores, nihilominus tam erat mente in Deum intentâ, ut vix alij cum solo Deo acturi ad horam orationis collectiorem afferant. Nec inferiore studio in opulentissimi Principis Aula paupertatem noverat fervare, quàm in domestica Collegiorū penuria constitutus: nihil unquam, ne terenciū quidem, ex copiosis Principatūs redditibus, qui tamen omnes fidei suæ commissi erant, in usus proprios, etiam necessarios, derivare solitus. Verum non diu tulit Orcus damna sibi, & sectis suis per Transylvaniam illata, sed per faminam Nobilem, hæresis pertinaciter studiosam, toxicum ei miscuit, quod illi ad cænam familiariter invitato perfidè propinavit. Et non fuit quidem illa veneni rabies, quæ in vestigio hominem necaret; ab eo tamen tempore contractis venis, quasi apoplexiâ, omnibus corporis membris obrigescebat. Accessit & aliud à crudelitate hæretica malum. Mutatâ siquidem Principis fortunâ, cum toto Principatu Socij exigerentur, exturbatus est & P. Leleszy, nequidquam obnitente Principe, quantumlibet lectulo tunc ex morbo affixus, hyeme gelidâ & nivosa, initio anni 1588. Inde sensim in mortem contabescens, cum frustra essent omnia medicamenta, Lauretanum in Italia Collegium, optatissimam moriendi sedem delegit, ut ubi ponendam pro nobis Christus Dominus animam in Incarnatione assumpserat, ibi ipse suam pro illo toxici violentiâ exturbatam poneret. Quod factum est die 26. Febr. An-

no 1594.

E 3

P. JOAN-





P. Ioannes Cornelius, Soc. IESV, nobilissimâ prosapiâ Anglus, post repetitam ex manuum pedumq; articulis in equuleo distensionem, pro Fide Catholica suspensus, exenteratus, et dissectus in Anglia Dorcestriæ .3. Julij. A. 1594  
C.S. d. M.K.f.

## P. JOANNES CORNELIUS.

**N**obilissimâ Omahunorum, sive Omagaunorum Hybernæ familiâ (ut multi scriptores volunt) oriundum Cornelium, pientissimâ Comitissa Arundelia catholicè educandum sibi à Parentibus ejus obtinuit. In Collegio dehinc Anglorum Romæ studiorum cursu confecto, Sacerdos consecratus, & in Angliam An. 1583. Septembri mense remissus, primâ curâ Matrem conquistam ab hæresi revocare studuit; quam etiam miro solatio totius vitæ peccata apud se deponentem, DEO & Ecclesiæ restituit. Tum omnium utilitatibus & saluti se impendens, nullum verebatur subire discrimen, dummodo salutaria malis cujuscumque afferre pos-

set remedia: mutatis identidem stationibus convocatos Catholicos in sylvis, domibus privatis, solari, confirmare, Sacramentis munire, quotidianâ catechesi rudiores imbueri consuefcens. Constat triennio plus tricenis familijs ejus hortatu inductas esse, ut à nefaria Hæreticorum cœna, & fanis frequentandis se abstinerent. Mirè industrius erat in indagandis moribundis, & extremâ calamitate pressis, quorum innumerabilem multitudinem, pestilentia maximè grassante, ab exitio sempiterno vindicavit. Rescijt abjectum rure jacere senem hæreticum, pediculari morbo ad extrema deductum, à quo muscis, pediculis, verminibus, toto corpore scatente, omnes etiam san-



sanguine juncti, graveolentiam non ferentes, se amovissent. Huic Joannes ubi tota nocte, multis confirmans, & in spem æternitatis erigens, assedisset, ab errore quidem & peccatis sacramentaliter absolutum, & mox eadem nocte moriturum constanter solatus est; vermibus tamen & putridâ illuvie totis vestibus ita ab eo oppletus, ut mox depositæ, usui deinceps esse nequiverint. Grassante in Dorcestria lue pestilenti, nullus ægrotavit Catholicus, cui non adfuerit, nullus protestantium, cui non tentaverit insinuare animi salutem, & Catholica consilia. Præcipuum in his robur sumebat à SS. Missæ sacrificio, quod diebus singulis, nunquam sinè lacrymis, Deo litabat; in alijs etiam Divinorum commentationibus à sensibus abripi solitus, ad quos nullâ vi diu poterat revocari. Edomandi per aspera corporis perquam studiosus fuit, & plura quotannis cilicia & flagra sui diverberatione conficiebat, omnibus etiam ante incarcerationem annis, quaternos in hebdomada dies severo jejunio consecrans. Plurimum etiam ad conservandam mentis illibatæ innocentiam faciebat intenta semper sensuum custodia, quâ toto triennio nec Templum Parochiale, quod fenestris ejus cubiculi erat proximum, nec quale domicilio suo esset tectum, observavit.

Atque hæc omnia singulari fervore toto decennio in Angliâ gessit Clericus sæcularis, necdum Societati JESU legitimè adscriptus. Quo tempore multis miris eventibus labores ejus honestare Deo visum. Sanè potestas ejus in Dæmones prorsus fuit admirabilis, quos ex obsessorum corporibus solo passim accessu felicissimè exigebat. Horum unum Missæ aliquando assistentem, coëgit præsentem in Hostia D E U M publicè confiteri his verbis: *Agnosco in hoc Sacramento omnipotentiam tuam ô D E U S.* Unde multum perculsis Hæreticis, Orthodoxi mirificè fuere in fide constabiliti. Quarum rerum famâ toto Regno, vulgantibus rem ipsismet dæmonibus, apud Catholicos & Hæreticos vagante, impulsu Magistratus, eum Caypha dicebant, *quid facimus? quia hic homo multa signa facit.* Dimissisq; eodem simul tempore tricenis emissarijs, eum ubicunq; deprehensum comprehendere jubebant. Et verò in manus eorum jam inciderat aliquando, deprehensus ab ijs conclave irrumpentibus, scriptioni vacans, & calamum, ut fieri solet, ore tenens. Sed videns eos hære, oculis divinitus ne eum viderent impeditis, silentio per medios illos in campum egreditur. Defunctorum

animabus è piaculari carcere liberandis cum esset addictissimus, sæpius ab ijs rogabatur, ut litationibus suis pœnas eorum redimeret. Inter quas erat D. Hartifius, olim Præceptor suus, uti & Baro Sturtonus, quem in vastissimæ sylvæ incendijs horrendum amburi, inter luctuosissimos ejulatus, tempore sacrificij, quod pro ipso operabatur, asperxit, his editis causis pœnarum: *quod fidem nonnunquam dissimulasset, quando eam palam confiteri ex usu fuisset: quod totam ætatem in Aula, non semper bono præbito exemplo, perdidisset: quod è suffragatorum numero in necem Maria Stuartæ unus & ipse fuisset, licet sapiens de hoc reum se pro sacro Tribunali egerit.*

Postquam autem visum est Divinæ Pietati pleno gloriæ sine labores illius coronare, è mediastinis unum quempiam, & inter domestica famulitia ad infima obsequia destinatum apud Dominam, in cujus Castro sustentabatur Cornelius, sivit à malo genio ad prodicionem excitari; qui spe opulentioris fortunæ inductus, Duumviris capitalibus cum numerofo satellitio in villam adductis, indicatâ digito, quâ se condiderat latebrâ, Dei Sacerdotem in manus impiorum tradidit. Inde post varias in itinere cum Heterodoxis altercationes Londinum adductus, & tetro carceri mancipatus, paulò post Senatui Regio sistitur, ut videlicet aperiat, quibus alijs in locis, apud quos divertisset? Sed iniquam percontationem reiiciens, equivaleo, & alijs cruciamentis ad confessionem adigitur. Quibus nihilo mollior effectus, & in ergastulum scilicet retrusus, instituit jejunijs, verberationibus, vigilijs, precibus continuis, votorum religiosorum nuncupationi sese præparare. Jam enim Henricus Garnetus, Sociorum per Angliam Moderator, non longè antè literis à Cornelio exoratus, in suam Religionem illum receperat, potestate factâ, consueta Societati JESU vota in carcere nuncupandi. Quibus ille quanto animi sui solatio sese illigaverit, nemo veriùs, quàm ille dixerit, testatus in epistola ad Dorotheam, Virginitatis perpetuæ voto illigatam, Matronæ in cujus Castro sustentabatur Filiam, nunquam sibi tantum dulcium lacrymarum, tantum Divinæ voluptatis obvenisse, quantum beatus ille carcer peperisset.

Non multò post Londino Dorcestriam, in cujus territorio captus fuerat, remittitur, ut ibi judicatus, perduellium pœnas luat. Iluc itinere toto latronum more, brachia post tergum revinctus, adducitur, ternas quotidie horas precationi & corporis diverberationi impen-



impendere, apparitorum indulgentiâ permissus. In Vice-Comitis aulam receptus, & liberâ pene custodiâ honorificè habitus, bonâ ejusdem gratiâ obtinuit, ut locum supplicij sui, pridie quàm occisus est, ipsomet comitante adiret, veneraturus furcam, quæ sibi scalæ vicem in Cælum conscensuro præbitura erat. Ad judicium productus, læsæ Majestatis reus damnatus est, quòd vetitas à Regina Missas fecerit, Confessiones exceperit, & Regij edicti in Catholicos & Sacerdotes sanciti impugnatiõem, penes se scriptam habuerit. Quo eodem die, reliquis qui se inviserant dimissis, accitam sub vesperum Dorotheam, suâ suu Virginem, Cælestium jam plenus, ità affatus est: *Sæpe me Divina gloria cupiditate excerceri experta es, at ecce corpus hoc crastinò diffecabitur. Vita præsentis fastidio teneor, ad sempiternam aspiro. Fac dulcis JESU, ut verborum atque operum meorum illa sit meta. Ad hoc vides me, quod maximè expetivi, competentem à DEO factum Societatis IESU; fac amabo, ut quidquid reliqui mearum rerum, illi cedat. Tu verò vide sis, ut voto inveniendæ Religionis, quo te obligasti, quàm primùm respondeas. Obsecra, ne quid cogitem, dicam, aut spirem, præter Christum, Crucem ejus, & Paradysum. Ego vicissim IESUM obsecro, ut religiosam te faciat, plenam annis & meritis, & gratiâ celesti, ut mutuo rursus conspectu fruamur in Paradyso. Nocte ultimâ solidè in precatatione, confessionibus excipiendis traductâ, & vicienis duobus aureis à Dorothea submissis, in Catholicos egentes distributis, oblatam vitæ indulgentiam, si modò Tempia Hæreticorum frequentaret, animosè rejecit. Atque sub horam à meridie primam animosus è carcere prodiens, ultro supinus crati vimineæ incubuit; in qua ad locum supplicij raptatus, quatuor alios, qui pedites ad furcam unâ ducebantur, identidem ad constantiam firma-*

bat, exemplo ad emolliendam præcipui ejus Provinciæ Viri conscientiam pervadente, qui benedictionem à Patre sic infamè raptato flagitans, recepit se Catholicis aggregaturum.

Ad locum supplicij ubi devenit, sublati in patibulum primò latrone, quem expiatis sceleribus orthodoxè mori Pater condocesecerat, ac tum fidei causâ duobus suis famulis, & Nobili Viro Thomâ Bosgravio, postremus ipse scalas alacer conscendit, illud Apostoli Andreæ usurpans: *O bona Crux, diu desiderata, sollicitè amata!* Sociorū deinde pedes è trabe pendentium, & laqueum à carnifice porrectum exosculatus, collo induit, DEoque spiritum commendans, è scalis dejectus est, 3. Julij Anno 1594. Et quia spirans adhuc & vividus rescisso fune excarnificatus est, dum pectore fisso cor & intestina diriperentur, manum fronti admovere, veluti supremum Cruce signaturus, notatus est. Partitum quadrifariam corpus, & palis affixum est, capite ex summo patibulo ad publicum terrorem prostante. Quod dum eminus veneratura per eos dies Dorothea accedit, videt illud lucis radio cinctum mirabiliter fulgere. Sed oculorum ludibrium metuens, dum exploratura propius se admovet; quòd se conferebat viciniùs, eò clariùs radiare conspexit. Quo spectaculo vehementer animo confirmata, de gente non sancta in Belgium profugiens, sacras inter Divi Benedicti Virgines votam DEO vitam traduxit. Totos interim 15. dies, quibus in patibulo fixum prostabat Caput, tam exitiosa vis imbrum devastavit messes, ut eam incolæ vindictam crederent ignominia sacro capiti illata, impetrarèntque à Gubernatore illud deponi; quâ occasione, unâ cum toto corpore venit in potestatem Catholicorum.

## P. ROBERTUS SOUTHUUELLUS.



Esco an quis alius unquam post sanctissimum Parentem ejus Ignatium, majorem de Societate Jesu sensum, majorem vocationis suæ soverit æstimationem, quàm Robertus Southuuellus Anglus, in Comitatu Suffolciæ, illustri & perquam nobili sanguine natus. Scripsit quidem aliquando in sua ad Socios Roman epistola S. Xaverius, æternum animæ suæ exitium impreans, si unquam ab amore dilectis-

simæ suæ Religionis descisceret: *si oblitus, inquit, fuero tui o Societas JESU, oblivioni detur dextera mea.* Sed an non sublimes ejus de hoc Ordine conceptus adæquarit, si non superârît Robertus, clarissimo in Anglia gentis Southuuellæ natus sanguine, ex his quæ propriâ manu consignavit, patebit. Primum ergo ejus consequendæ studio, quòd nullibi alibi certius tergemina Virginitatis, Doctoratûs, & Martyrij lauream sibi polliceretur, post Philosophiam Duaci sub Leonardo Lessio





P. Robertus Southuuellus. Nobili sanguine in Anglia natus, Soc. I.E. S.V. pro Religione Catholica suspensus et sectus Londini. A. 1595. 3. Mar.

C. S. d.

M. K. f.

Lesio absolutam, pedes Romam tetendit. Ubi experiundæ virtutis & constantiæ gratiâ nonnihil prolatus, tanto doloris sensu moram tulit, ut scriberet: *quâ fieri potest, ne merore conficiar, cum ab illo catu me disjunctum videam, ab illa Societate segregatum, divulsum ab illo corpore, in quo sita sunt vita mea, amor meus, totum cor, & affectus meus?* Hinc tanto majore gaudio ex admittance affectus, beatitatem suam quasi non capiens, ita seipsum scriptis extimulabat: *Quot sunt, qui suspirant anhelantes die nocteque, nihil aliud cogitant, nisi quâ possint in Societatem admitti! Quoties eis felix admissorum status in mentem venit? Quoties eundem ipsi toto cordis affectu exoptant? Quot sunt, qui cum te per plateas incedentem vident, liquefacto velut corde in lacrymas solvuntur,*

*dum se tanti boni possessione orbatos vident? tu autem, qui eo frueris, quanto erga Deum amore flagrare deberes? quàm gratus esse de tanta gratiâ? saculares cum te vident, propter sanctitatem vitæ, & qua in vero Societatis filio reperiri debet virtutem, reverentur, & multo plus à te, quàm à devotissimo quolibet saculari expectant. Factis igitur & operibus eorum expectationi respondere debes. Et rursus alibi: Considera, scribit, quanta in Religioso Societatis perfectio requiratur, qui semper ac singulis momentis paratus esse debet in quasvis Mundi plagas, & ad quacumque hominum genera proficisci: cum ij sint Hæretici, Turcæ, Pagani, Barbari: & incerti finis, quo nos Deus vocaturus sit. debemus ergo omnibus virtutibus instructi esse, quæ necessariae sunt, ut cum his omnibus possimus cum fructu &*

E

edifi-



edificatione versari. Unde cogitemus, quid desideretur in eo, qui cum Indis est versaturus, quantam debeat habere patientiam, charitatem, compositionem verborum, gestuum, & omnium actionum, quantam cum DEO unionem! Item, quid requiratur ab eo, qui ab hereticis in vincula conijcitur, fame, siti maceratur, mille illecebris tentatur, aequaleo & varijs tormentis cruciatur.

Postquam autem Tyrocinium egressus, sacramentum in militia JESU Christi per vota religiosa nuncupavit, ita hanc suam felicitatem profecutus est. 1. Crucifixo desponsata est anima tua; unde & eam crucifixam cum corpore esse oportet. Sicut enim similitudo amicitiae, ita & dissimilitudo disunionis causa est. Nec certe nullo modo congruum est, ut sponso patiente, & infinitis affectu doloribus, eodemque pro ipsius Sponsa sua amore obtinendo crucifixo, sponsa delitijs affluat, sive in ulla delectatione versari permittat, vel in ulla re, quam in sponsi imitatione, qua amoris vinculum est, recreetur.

2. Membrum Societatis IESU, B. Virginis filius, unum ex visceribus Christi effectus es: cum reliquis igitur & te crucifigi oportet.

3. Factus Sanctorum socius, domus Dei incola, in Exercitu Christi miles, in Ecclesia petra fundamentalis lapis, factus es animarum piscator, secularibus vite norma, & virtutum speculum; messis Christi operarius, servus illius insolubilis; Diaboli, Mundi, & Carnis hostis declaratus, & publicus; cecorum dux, claudorum bajulus, omnia omnibus.

4. Nihil quod est, aut potest esse in te, aut spectare nullo modo ad te, potes amplius posthac dicere esse tuum; nec memoriam, intellectum, nec voluntatem: nec quidquam potes nolle aut velle de te; nec de te, nisi ex superiorum praescripto, aut de quoquam alio, aut re vel minima disporre: sed Dei & vicariorum ejus ita factus es mancipium, ut plena tui potestas penes illos semper, penes te nunquam amplius futura sit.

5. Cum iisdem plane nodis adstrictus sis, quibus B. P. N. Ignatius, Xaverius, &c. & ejusdem sis Societatis; ad eandem perfectionem, quantum ex parte tua fieri potest, obligatus es. Unde licet perfectionem aliquam aliquando videris te acquisivisse, si tamen ad illam, quam habuerunt iidem B. P. N. N. evectus non sis, nihil adhuc te fecisse intelligas, nec illi respondisse gratia, quam Societatis tibi character, & Spiritus Sanctus communicare solet; ideoque ad perfectiora semper aspirare debere.

6. Ita DEO temetipsum dedisti, ut illius perpetuo mancipium, servusque futurus sis, & de te amplius nihil velle, aut nolle possis; ideoque

quidquid tibi accidit, peculiari ejus providentia evenire certo scias. Imò tu nec in minimis etiam rebus debes ullam ratione quidquam proponere de temetipso, nec hoc aut illud velle perficere; nisi prius te commendaveris Providentia Divina; quia nihil est tam parvi momenti, in quo non possit aliquis defectus committi; & proinde etiam in minimis totam nostri curam DEO relinquere & superioribus debemus; & quidquid accidit, à manu ipsius, tanquam Patris amantissimi, incommodo alicui, quod nos nescimus, occurrentis, libenter accipere; scientes, quod quantumcunque gravia, & molesta accidere permittat, aut ad preveniendum majus malum, aut ad communicandum aliquod nobilius bonum, quod tamen requirat dispositionem pravam, permittere.

7. Sape tibi occurrit hac cogitatio: Quid responderes, si superior diceret tibi, quod non es idoneus, & utilis Societati, & ideo te debere discedere, nec te velle superiores diutius retinere, cum sis onus Societati, &c. Et hoc ijs modo respondere proponebas; si velis ut egrediar, prius tu egredere, ut aditum mihi patefacias; & postquam expertus fueris lucra, qua ex egressu invenisti, referas mihi, & si mihi magis placeant, quam qua hic experior, forte subsequar. Item, non perfectus, sed imperfectus facta est Religio; & si hic inter perfectos sim imperfectus, quomodo potest salva conscientia me dimittere in manifestum anime periculum? Item, si Christus mortem pro me subierit, & cum suo etiam damno meas misérias perpeffus sit, cur Societas Christo longè inferior, hac non prestabit?

8. Semper te ut Novitium geras, cum eo fervore & humilitate, eaque reverentia & modestia, quam in Novitio requiri existimas; & recordare semper illius quod Regula precipit, scilicet, ut omnes in animo tuo te superiores ducas, & DEUM in unoquoque, ut in illius imagine agnoscere studeas. Imò tunc te felicem existima, cum tu illis ulla in relicta prestare poteris auxilium, & occasionem ulli eorum cedendi, aut succurrendi nactus sis; Et quantum fieri potest, viliora & deteriora pro te semper elige, potiores alijs in omnibus partes deferas.

9. Considera paulò attentius quid assecutus sis, quid possideas, quantam à Deo gratiam acceperis, quod sis in Societatem adscriptus, in illa confirmatus, illius votis obstrictus! Quot sunt nobiles, elegantissimi & sanctissimi Juvenes, qui velut exules è patria, velut cervi sitientes à fontibus aquarum remoti, saepe dum tu dormis, & securus requiescis, amarissimis lacrymis, & gravi dolore conficiuntur? &c.



Crevit verò in immensum successu temporis hæc Vocationis in ejus animo æstimatio, posteaquam Theologiâ exactâ Sacerdotio initiatus, & in Collegio Anglicano Romæ studiis præfectus est, uno ante discessum in Angliam anno. Ità ergo in scripto quodam proficitur: Ego *Robertus Southwuellus*, coram DEO Opt. Max. & curia Cœlesti universa profiteor, assero, & certissimè credo ex signis evidentissimis & manifestissimis, ex toto vitæ præteritæ & præsentis cursu, re in Domino strictissimè & diligentissimè consideratâ, simpliciter & absolutè mihi meliùs esse in Societate Jesu perpetuò vivere & mori, quàm in ullo alio Religiosorum Ordine; & à fortiori quàm in seculo, aut ullo statu seculari. Et profiteor me in præsentia, sinè ulla, ut spero, passione existentem, summo propriæ salutis & finis consequendi desiderio æstuantem, hoc ratum & stabile toto vitæ meæ tempore habiturum: & peto, ut hæc ipsa scriptura, tanquam hujus desiderij testimonium, DEO Opt. Max. in die Judicij offeratur; ut si aliter impofterum diabolicâ tentatione deceptus, & hujus propositi oblitus sensero, nulla sit sententia illa, & momentum omnino non habeat; quippe quam, cum mihi optimè & securissimè coner, & rectæ rationis adminiculo adjutus, & in Dei ut spero gratia existens, sinè conscientia ullius peccati mortalis, aut ullius pravæ & perversæ voluntatis, futuris periculis providere detestor, abhorreo, abrenuncio, abjuro, execror, & omnibus modis recuso, & rejicio, & ad finem vitæ meæ inclusivè detestatam, abjuratam, execratam, & refutatam esse toto pectore, & ex intimo affectu desidero: & ità me habeo, ut etsi omnes Angeli, Cœli, omnes homines Mundi totius, omnes deniq; creaturæ annihilari deberent, nisi ego è Societate discederem, ob horum nullum egrederer.

2. Licet omnes Patres, & Fratres omnes, etiam Superiores essent egressuri, & præter me nullus in Societate esse vellet; ego solus essem, & solus in ea morerer.

3. Etsi Angelus de cœlo descenderet, & mihi diceret, non esse in Societate manendum; si vel unicum haberem superiorem, qui ut superior mihi contrarium diceret, spreto & rejecto Angeli sermone, judicium superioris sequeretur.

4. Etsi Societas tota esset contraria Superiori in rebus ad illius officium pertinentibus, & in quibus ille ex potestate, & ex jure officij statuere & ordinare posset, & ex officio justè deberet, adhærerem illi, etsi contraria

pars & rationes efficaces, & quantumvis apparentes, & præterea viros doctrinâ & pietate totius Civitatis clarissimos haberet: imò etsi superior vir alioqui sceleratus & nefarius esset; aut si temerarium esset, ex eo, quod mihi potiùs quàm cæteris constare vix posset, an ille in tali casu deberet ac posset hoc facere; suspenderem intellectum, & in neutram partem propenderem: si in alterutram tamen propendere necesse esset, omnino propenderem in partem superioris. Iterum dico & confirmo: Et ego in præsentia animi mei tranquillitate & serenitate existens, mihi ipsi perturbato & tentato, si quando, quod DEUS avertat, contigerit, in rebus præsertim ad vocationem & obedientiam spectantibus, consulo & persuadeo, ut reflectam oculos in præteritum statum, cogitem seriò & cum indifferentiâ, ad amplectendum voluntatem Dei, mihi per superiores semper, & in omni tempore, & in omni statu declarandam, me tunc quoad res animæ sensisse meliùs, verè apprehendisse necessitatem religiosæ vitæ, & pericula manifesta quæ in sæculo occurrunt; & ex hac vera, bona, rationabili, & Deo grata apprehensione firmiter & inviolabiliter statuisse, coram Deo, & Creaturis omnibus, absolutè optimum, necessarium, & convenientissimum mihi esse, in Societate Jesu, & nullo alio, qui sit aut esse possit, statu vivere & mori, ad laudem & gloriam Dei. *Hæc omnia & quæcunque alia, intelligendo juxta ipsius Societatis Constitutiones.*

Foverat quidem animo Robertus aliquot annis, ut erat animo vasto & excelso, desideria proficiscendi ad Indos & Barbaros, sed postquam in Patria sua certiore fundendi pro Christo sanguinis occasionem vidit, continuè toto animo illuc propendens, magnis votis & suspirijs eam missionem exambijt. Igitur Henrico Garneto, totius Missionis in Anglia, post Personium futuro Moderatori, datus est comes anno 1786. quàm atate juvenis, annos natus non amplius 25. tam virtute præstans, & excellissimâ sanctitate, ad vindicandos ex sempiterno exitio Populares, inextinguibili flagrantia incitatus. Spirant hunc animæ illius magnæ, & Apostolico zelo incensæ fervorem literæ, ad amicum Sacerdotem Societatis, ex ultimo portu quàm trajiceret, datæ:

*JESUS MARIA. Rev. in Christo Pater.*

Extremis jam obijciendus periculis, & mortis te vestibulo alloquar, mi Pater, tuarum implorans in his periculis subsidium orationum, ut quo impulsore moribundus



semel spiritu revixi, eodem quoque supplicante, corporis mortem aut utiliter fugiam, aut viriliter sustineam. Mittor ego quidem in medium luporum, ac utinam ut ovīs, pro illius qui mittit nomine, fidēque ad occisionem ducendus. Certē terra marique mihi, sat scio, inhiaturos plurimos, qui non solum ut lupi, sed tanquam leones circumeunt, quærentes quem devorent; quorum ego non tam timeo, quā expeto morsus; nec tam horreo torturos, quā coronaturos exposco. Caro quidem infirma est, & non prodest quidquam; imō & hæc meditati reluctatur; sed Dominus potens in prælio ipse mihi à dextris erit, ne commovear; quique instituit exemplo, non destituet auxilio: nec aberit à certante, qui ad certandum induxit. Tu verò mi Pater fulcito me floribus orationum, qui ascendant in odorem suavitatis; stipato me malis operum, ut si languere oporteat, non timore, sed amore langueam. Ego certē quidem, si (quod sperare non audeo, quanquam vehementer optem) in felici Martyrum Choro vel minimus esse possim, non ero, Deo volente, immemor mei nunc recordantium; nec ero benè merentibus ingratus in Cælo, quibus vel in terris cupio esse quā gratissimus. Age igitur mi Pater (extremum fortē jam te alloquor) age, inquam, apud communem Patrem, ac Dominum Jesum causam meam, imō causam tuam, causam totius Ecclesiæ: Ut eam, quam gero personam, ita sustineam, ut quod DEUS, quod Angeli, quod superiores à me factum cupiunt, id vel cum sanguinis ipsius vitæq; jactura, fideliter fortiterq; præstem. Quod concedat DEUS; cui te, meipsum, & nos omnes commendo. Patrem quæso Rectorem, & alios Patres fratresq; ex me saluta. Vale. è portu. 15. Julij. Anno 1586.

*R. V. frater & servus in Christo.*

Robertus Southuuellus.

Et omnino non fefellit Bonitas Divina expectationem famuli sui, sed Martyrij lauream, quam à puero semper maximis votis à Deo precabatur, concessit; idq; eā prorsus, quā gestiebat, ratione, ut prius magnos animarum quæstus annis aliquot faciens, ingentibus ærumnis & miserijs conficeretur. Si quidem post 6. annorum diurnos nocturnosque in animarum cura per Angliam quæstuosissimos labores, tres annos in carceris squalore, varijs tormentis exercitus, exegit. Nec ferè de eorum obtentu ambigere poterat Robertus, fassus amico confidenti, se ad eam

diem, quā Angliam intravisset, nihil petijisse à Deo, quod non impetraret. Neque id mirum; profundissima enim cum intima sui cognitione humilitas, defluentium è cælo gratiarum & donorum, capacissimum ejus animum effecerat. *Quid fui Domine?* his ipsis verbis nihilū suum perpendebat; *quid sum?* & *quid ero?* fui nihil; nihil sum; & ero fortē nihilo pejus. Fui conceptus in originali peccato; sum plenus peccato actuali; & quis scit an ero condemnatus pœnā gehennali? fui miserabilis in ingressu; fui miserabilis in progressu; miserimus ero in egressu; fui sperma fœtidum; sum saccus stercorum; ero esca vermium. Cum nihil essem, fui sine periculo damnationis, & sine spe salutis; & jam sum in spe dubia, & gravi periculo; ero aut ex re sperata felix, aut ex periculi successu infeliciissimus. Sic fui ut damnari non possem; sic sum ut salvari vix possim; sic ero ut in æternum damnatus, aut in æternum salvus. *Quid fuerim, scio, quod fui pessimus; quid sim nescio, quia de gratia incertus; quid ero, ignoro, quia de salute dubius.* Quod fui, Domine ignosce; quod sum, corrige; quod ero dirige; inquam dirige, à malo præterito, in bono præfenti, ad premium futurum, Amen.

Verum quantò in oculis suis vilior, tantò alijs semper fuit æstimator; qui summas animi illius dotes, & naturæ simul ac gratiæ in unum omnia effusa bona pervidentes, certatim manibus suis ei ministrare, ejus ad volvi pedibus, prensare genua, omni que officio prosequi omnes, ex omni ætate, sexu, statu, & conditione, studebant. Inter quæ ipse nullā die nocteq; admisā quiete, voce & lingua, stilo & calamo, versu ac prosa (nam venustate, atque uberrimā materni idiomatis eloquentiā, etiam hostes à morte suā, etiam Reginam Elisabetham ad lætandum nitidissima opuscula, & suis sumptibus recudenda pelliciebat) hæresim impugnare, fidem suadere, virtutem commendare, eā contentione perrexit & eventu, ut quā plurimis ad Ecclesiam reductis, judicaretur suo tempore rem Catholicam adversus impium Reginæ furorem sustinuisse. Quotidiana vitæ pericula, carcerum, & suppliciorum in momenta quælibet impendentia discrimina, incitamentum ei fuere, & ad Apostolicos labores illicium. Quæ ipse binis ad socios literis ita describit: *Hactenus vivimus, & incolumes quidem, indigni, ut apparet, carceribus.* Crebrius misimus, quā isthinc acceperimus literas, tametsi haud sine difficultate mittantur, & scimus aliquarum factam esse jacturam. *Conditio Catholicorum Recusantium*



santium est eadem, quæ adhuc fuit; misera-  
bilis, & timoris ac periculorum plena, præ-  
fertim ex quo adversarij bellum expectant.  
Nostri qui in custodia sunt gaudent, & suis se-  
se vinculis solantur; & qui liberi sunt, nec  
multum curant, nec libertatem sibi fore diu-  
turnam putant. Omnes, quæ DEI bonitas  
& misericordia est, comparant se ad durissi-  
ma quæque toleranda, quæ illis evenire pos-  
sunt, dum DEO serviatur: Cujus gloriæ &  
salutis animarum major eos sollicitudo tenet,  
quàm sui dispendij temporalis. Non diu est,  
cùm duos comprehenderunt Sacerdotes,  
qui in carcere Briduel talia passi tormenta  
sunt, qualia vix credi potest. Victus eorum  
pertenuis, & adeo nauseosus, ut solo  
aspectu fastidium cominoveret; labores con-  
tinui, & immoderati, neq; in infirma, quàm  
in prosperâ valetudine leviores; siquidem  
fusse & virgis pensum ab illis, quamvis im-  
becillibus exigebant, lectus illis stramen sor-  
didum; carcer graviter olens. Nonnullos  
suspendunt manibus integros dies, ita ut ter-  
ram vix extremis pedibus contingant. De-  
niq; qui eo carcere detinentur, degunt in la-  
cu miseriæ & luto fœcis. Hoc purgatorium  
& nos in horas expectamus, in quo Catho-  
licorum tortores Toplisus & Yongus omne tor-  
mentorum genus exercent. Verùm quid  
quid placitum DE O fuerit, veniat; tenet  
nos spes perferendi omnia, in eo qui nos con-  
fortat. Interea confundantur qui loquun-  
tur mala, & loquatur Dominus pacem popu-  
lo suo; ut (sicut ait Propheta David) habi-  
tet ipsius gloria in terra nostra. Sanctis sacri-  
ficijs R. V. & amicorum omnium demissè me  
commendo.

Posterior Epistola sic habet: *Multas Epistolas dedimus, sed videntur reddita pauca.*  
Versamur medij procellosis in fluctibus, neq;  
exiguo periculo, quo tamen adhuc liberare  
nos placitum DEO fuit. Omnes simul in-  
genti nostro solatio vota Societatis renovavi-  
mus, ex more nostro; & impensis aliquot  
diebus in exhortationibus, & spiritualibus  
colloquijs, aperuimus ora, & spiritum attra-  
ximus. Videor mihi principia vitæ religio-  
sæ videre exorsa in Anglia, cujus nos stentes  
femina mittimus, ut alij postea cum exulta-  
tione colligant manipulos pro Cælo. Can-  
tavimus canticum Domini in terra aliena, &  
in hoc deserto suximus mel de petra, oleum-  
que de saxo durissimo. Sed hæc nostra gau-  
dia luctus occupavit, & subiti timores diver-  
sè nos disperferunt. Sed demum majore pe-  
riculo quàm damno, tempestatem omnes

evasimus. Ego cum alio è nostris, dum scyl-  
lam vitamus, in charybdim incidimus; sed  
uterque, DE O miserante, citra naufragium  
enavimus, & nunc tuto in portu navigamus.  
In alteris meis descripsi postrema martyria  
Baylij & Horneri, & quantæ ædificationi po-  
pulo fuerit sanctus eorum exitus. Id genus  
roribus rigatur Ecclesia, ut in stillicidijs hu-  
jusmodi lætetur germinans. Expectamus  
& nos (nisi tanta gloria indigni sumus)  
quando veniat ut mercenarij dies nostra. *Interim me impensè commendo Orationibus R. V. ut Pater Luminum nos illuminet, & confirmet suo spiritu principali.*

Sextus jam Apostolicorum laborum Ro-  
berto decurrebat annus, cùm inopinatò à pu-  
ella, Bellemajj Viri Nobilis, ad quem ex iti-  
nere diverterat, filia proditus, & à Topliso  
judice comprehensus est. Hic in suam se-  
cum domum pertractum, quæ erat in Catho-  
licos insigni sævitiâ, suo pro unius libitu, de-  
cies eum torturæ subjecit, adeò immâni, ut  
in judicium productus Robertus, graviter ju-  
dicibus conquestus, DEI nomine interposito  
asseruerit, sibi tolerabilius futurum fuisse  
mortem inter acerbissimos cruciatus subire.  
Modus torturæ, æqvuleo longè durior, sigil-  
latim nunquam innotuit, nisi quòd in ea sus-  
pensus fuerit ex pariete utrâque manu, sed  
ferro ad arteriam utramq; obstrictâ, cui acu-  
tissimus suberat circulus, & retortis in cru-  
ratibj. Quod autem truculentâ adeo quæ-  
stione exprimi tentabatur, erat, an esset Je-  
suita? Regisne Hispaniarum, an summi  
Pontificis res curaret? sed forti silentio omnia  
elidentem, ut diuturnitate supplicij ad con-  
fessionem adigeret, domi pendentem è ma-  
nibus Toplisus reliquit, dum ipse à negotijs,  
quæ in urbe curanda habebat, reveniret. Et  
fuerat tunc omnino ex prolixitate tormenti,  
(septem enim totas horas mox primùm pe-  
penderat) expiraturus, cùm membris omni-  
bus fatiscens animo jam linqueretur, nisi re-  
vocatus confestim Toplisus tantisper depo-  
situm, stillati liquoris aspergine refocillasset;  
ubi postquam ingentem sanguinis copiam  
vomisset, eidem cruciatui à tortoribus red-  
ditus est. Fecerant siquidem Reginæ Con-  
siliarij Topliso potestatem Roberti crucian-  
di, quantis, & quibus libuisset pœnarum figu-  
ris, dum ne illum tamen occideret. Quâ  
ad satietatem illum fuisse usum, vel inde col-  
ligas, quòd sæpius jactabundus dicere audi-  
tus sit, nihil sibi accidere posse jucundius, la-  
miatione & cruciatibus Sacerdotum; in pu-  
blico etiam Judicij confessu, quo fatalis in



Robertum lata est sententia, gloriatus; *se par mihi*, inquiens, *arbitrio potestas fieret, nihil foret charius, quam quidquid Jesuitarum est, dispulveratos in auram mittere.* Impletus igitur excruciat Southuelli privatâ voluptate Toplisus, cum tamen nec hilum expressisset, in publicam demum Custodiam, ad Westmonasteriensem portam eum transtulit, ubi per duos menses ijs ærumnis, fame, ac siti emaciatus est, ut pœdore, sordibus, pediculis, & vermiculis toto corpore oblitus, ad hæc facie luridâ, exangui, & mortuo quàm spiranti similiore, in Iudicium productus, miserationem sui etiam Reginae moverit; quæ Parentis illius precibus concessit, ut ex dignitate sanguinis deinceps haberetur. Verum brevis illa indulgentia mox acerbior ergastulo in Turri Londinensi, totis tricenis mensibus repensa fuit, quibus nulli mortaliū ejus vel alloquendi copiâ factâ, quæ & quanta passus fuerit, non aliunde, quàm à tortoribus ipsis resciri melius poterit.

Robertus Cæcilius Regius Senator, & Southuello torquendo Præfectus, familiari cuidam suo asseruit, tormentum illud à Topliso excogitatum, fuisse eqvuleo longè diutius, cui nulla humana vis par esse posse videretur: in quo tamen ille animo prorsus integro, & hilari, diutissimè pendens, nihil aliud à se exprimi pateretur, nisi hæc: *Sum Sacerdos, & Religiosus à Societate JESU: trajeci in Angliam, ut meis civibus veritatem Catholicam verbo explicarem, testarer sanguine. Hæc si mortis arridet causa, proferte ferrum, satisfiet votis vestris ac meis. Mortem intendetis, Martyrium referam.* Eundem tam dirè torqueri solitum asseruit, qui illi in carcere custodiendo destinatus fuit, ut nunquam tormento eximeretur, nisi cum vitam fugituram appareretur; tuncque illum cremati fomento sibi redditum, copiosum è pectore sanguinem semper ejecisse. Ipse nihilominus inter cruciatus vultum constanter servabat ita serenum, & cœlesti suavitate delibutum, ut ipsi Custodiæ Præfecto hæretico sanctus haberi, & observari cœperit. Totum interim in his ærumnis solatium illi erat ex Breviario & S. Scriptura, quorum copiam idem Præfectus illi fecerat; inde ipse miserabilis suæ solitudinis lenire molestias, inde aspirationes ad DEUM depromere, inter quas maximè familiares illi fuere: *DEUS meus & omnia: DEUS tibi se, tu te DEO.*

Tandem ergo 2. Martij, tertio captivitatis suæ anno in iudicium productus, & quod sacerdotio per auctoritatem à Sede Ro-

mana derivatam initiari se passus, in Angliâ Missas legisset, capitis & perduellionis damnatus est. Incredibile dictu est, quanto illâ die & nocte sequente gaudio, seipso major, inceserit; ut adeo carceris custos non aliunde, quàm ex Cœlo illum prodire posse interpretatus, erudiri ab eo in Religione, ardentissimus deinceps Catholicus expetierit. Donec sub crepusculum diei tertiæ Martij, quæ erat hebdomadæ FERIA 6. à carnifice, ut ad iter se compararet, admonitus, hilaritate maximâ, nocturno pileolo, qui solus erat super, illum remuneratus, & arcto amplexu stringens, beatum nuntium excepit, atq; ad carceris fores, ubi infinitâ hominum multitudine congregatâ, textum vimineum ignobili jumento alligatum illum expectabat, vultu & animo tranquillo, velut ad liquidissimas abiturus voluptates, prodijt. Illi supinus incumbens cum alligaretur, repetebat identidem plenâ gestientis animi humilitate: *Major hæc dignitas est, quàm ut mihi, vili tuo & indigno Christe mancipio competat; sit hæc tua unius Clementia gloria; elatisq; in cœlum manibus & oculis, viam Christi ad Calvariâ ignominiosè raptati, toto ad Tiburnum usque raptationis itinere meditabatur.* Solutus trahâ, lutum, quod à jactatione resiliat in os, absterfit strophio, ipsumque strophium uni, quem procul agnoverat, ex Societate Sacerdoti projecit, à quo illud deinde Garnettus, à Garnetto recepit Aquaviva, Societatis Generalis Præpositus.

In plaustrum ferale, laqueo collum innexus, ubi conscendit, manibus revinctis, ut poterat, sacrâ Cruce se signans, ab illis Apostoli verbis exorditus est: *Sive vivimus, Domino vivimus: sive morimur, Domino morimur.* quæ deinde fuscus ita persecutus est. *Ecce hunc in locum adductus sum, ut ultimam calamitosâ hujus vita scenam agam. Itaq; DEUM Dominum & Patrem misericordiarum per JESUM Christum Redemptorem nostrum, cujus pretiosissimo sanguine & morte mihi salutem conciliatum iri confido, humillimè exoro atq; obtestor, ut anima mea misereatur, & mea mihi peccata condonet.* Eundem testor, me nihil in Regina Majestate unquam designasse; pro illa me preces quotidie fundere solitum: *Et nunc in hoc vita mortisq; confinio Deum oro obnixè, ut illi salutem sempiternam largiatur: & luctuosâ huic Patria nostra salutare lumen, quo eodem populares omnes asperant, benignus impendat. Hanc miseram animam in manus boni Domini mei & Creatoris trado, rogôq; ut dono perseverantiâ ad extremum usq; conservet.* Corpore arbitra-



*tui Regina permitto; ejus me cura nequaquam sollicitat. Hoc unum opto duntaxat, ut meo, mul-  
torumq; bono, cedat ista mea hominis infelicissimi,  
nisi causa felicem faceret, mors; & leve ac mo-  
mentaneum tribulationis hujus, supra modum in  
sublimitate aeternum in me gloria pondus opere-  
tur. Ad extremum, qui mihi titulus moriendi  
honestissimus est, confiteor, protestorque primùm,  
me Catholicum S. Romanae Ecclesiae Sacerdotem esse:  
deinde & Religiosum è Societate JESU; pro quo  
utroque beneficio, immortales & infinitas DEO  
ac Domino meo gratias refero. Monitus, ut ad-  
missum in Reginam crimen agnosceret &  
deprecaretur; Si meus huc adventus, inquit,  
Reginam offendit, illam ego, ut obliteret, etiam at-  
que etiam rogo, & hocce quod subeo supplicium,  
a quo animo fero: benignus DEUS mihi opem  
praestet, intemerata DEI Mater Virgo Maria,  
cum omnibus Angelis & sanctis DEI mihi assi-  
stant. Rogo etiam obnixè Catholicos, quotquot  
adsunt, ut pro me extremo hoc in certamine Cele-  
ste Numen implorent. Illi verò sanctè denun-  
cio, quidquid dictum, factumve ab perturbato-  
ribus hisce (Ministellos designabat) quò meum  
animum diversè trahant, deinceps fuerit, hoc me  
quantulumcunque vita, quod reliquum est, velle  
vivere Catholicè, velle Catholicè mori. Quibus  
dictis animam superis commendaturus pre-  
cari incepit: Sancta MARIA Mater DEI, &  
omnes Sancti DEI, orate, & intercedite pro me.*


*In manus tuas Domine commendo spiritum me-  
um. DEUS meus & omnia. DEUS propitius  
esto mihi peccatori. Me expectant iusti, donec  
retribuas mihi. Mihi autem adherere DEO bo-  
num est, ponere in Domino DEO spem meam.  
Sub quæ curru pedetentim subtrahit, quòd  
laqueus perperam gulæ applicitus esset, diu-  
tius spirans, & oculos in spectatores circum-  
agens, palpitabat; crebrò interim signo Cru-  
cis, ut potis erat, se muniens, & pectus tun-  
dens: donec carnifex magnà vi deorsum cor-  
pus pedibus protrahens, animam expressit, &  
rescisso fune cadaver dissectum in quatuor  
frusta partitus est, anno ætatis illius 34. Ad  
cordis verò exenterato pectore prolotionem,  
nemo de more cum Carnifice proditorem  
proclamavit, nemo Vivat Reginae precatus  
est; triste in omnibus spectatoribus silenti-  
um, & in multis etiam lacrymæ. Caput  
pontis ad turrim in hasta defixum est, mem-  
bra secti in quadrum corporis, ad quatuor  
urbis portas suspensa. Ejus de corpore re-  
liquias nacta soror illius Catholica quidem,  
sed hæresim impiè exteriùs simulans, despe-  
ratissimos quosque & fatales morbos, quibus  
nulla medicorum pharmaca prodesse pote-  
rant, eorum applicatione feliciter curabat;  
Domino fidelis sui servi merita ità demon-  
strante, & pro nomine Christi toleratam mor-  
tem, sequentibus signis confirmante.*

## P. HENRICUS WALPOLUS.

**A**nta sanguinis Sacerdotalis &  
Jesuitici, nunquam satis extin-  
guenda sitis, Elisabetham tene-  
bat, ut si tempus aliquod à sup-  
plicio illorum vacuum interce-  
deret, audiretur querula dicere: quàm du-  
dum nullus ad furcam Sacerdos? Et quam-  
vis aliquando majora hæresi suæ damna ex  
eorum morte, quàm vita provenire dolens,  
juramento se obstrinxerit, nullū in posterum  
Jesuitam neci daturam; paulò post tamen  
juramenti pœnitens, crudelitati suæ victi-  
mas eos faciebat. Sublatus erat crudelem  
in modum Robertus Southuuellus Londini  
3. Martij An. 1595. cum ecce eodem tenore  
morti addixit Henricum Walpolum, Eboræ  
ei 17. Aprilis ejusdem anni necandum. No-  
bilissimâ hic ortus familiâ in Provincia Nor-  
folciensi, operam dabat percipiendis legi-  
bus Londini annorum 21. Adolescens, quan-  
do audire contigit Campianum cum Hære-  
ticis Doctoribus disputantem, in Templo Ca-

stri Londinensis, & iniquissimâ postmodum  
morte affectum. Quibus ille spectaculis mi-  
rum in modum erga Religionem Catholi-  
cam exardescens, primùm eleganti poëma-  
te innocentiam Campiani Anglicè celebra-  
vit, extremo capitis sui periculo: poëma-  
tis siquidem talius quispiam Auctor exi-  
stimatus, post ignominiosam aurium trun-  
cationem, perpetuo carceri addictus est. Re-  
lictis deinde Legibus, totum se ad Contro-  
versias fidei exhauriendas transtulit, eo suc-  
cessu, ut jam tum 20. Nobiles juvenes è luto  
hæresis abstractos, trans mare miserit, partim  
vitam Religiosam, partim Sacerdotium, quò  
reversi Patriæ prodesse, amplexos. Ipse to-  
tum Campiani exemplo, quidquid deinceps  
totâ vitâ boni à DEO sibi affluxisset, dese-  
rens, ingenti præ omnibus desiderio exarsit  
obtinendæ similis in Societate vitæ, & obeun-  
dæ in patibulo mortis. Ad quam celeriter  
inquirendum aditum, furor etiam regni Mi-  
nistrorum illum adegit, qui in iras & rabiem  
acti,





P. Henricus Walpolus illustri sanguine Anglus Soc. I. E. S. V. post iteratum pluribus horis ex solis pollicibus suspendij tormentum, in furcam actus, et membratim dissectus odio Religionis Catholicæ, in Anglia F. boraci, A. 1595. 17. Aprilis.

C. S. J.

M. K. F.

acti, mirâ sagacitate ubique illum per emissarios venabantur, jacturam aliquot primæ Nobilitatis Juvenum per eum factam frementes. Inter quos princeps erat Eduardus Walpolus Henrici propinquus, à puero hæresi innutritus; quem frustra Parentes Calvinistæ modis omnibus in errores retrahere conati, domo & hæreditate ejecerunt. Sed eum in Societatem suam JESUS recipiens, in Apostolum Patriæ suæ educavit; in qua totos 40. annos inter continua hostium & vitæ pericula, & quotidianam mortis præsentiam, animarum lucris insudavit, beatâ morte, ætatis anno supra septuagésimum nono, incruentè defunctus.

Ceterùm ex insidijs vestigatorum feliciter in Galliam elapsus Henricus, post trien-

nium illic Theologiæ impensum, Romam petijt; ubi, absoluto, quod adhuc illi studio deerat, Societatem obtinuit. Indè ob infestam sibi Cœli gravitatem, Viridunum ad Tyrocinium missus, exaëto ibi insuper triennio, Alexandro Farnesio datur, ut illius in Belgio Milites Anglos Hybernôsque Religiosâ in Divinis operâ procuraret. Quâ occasione in Batavorum manus delapsus, unius anni tristissimo carcere ita ab Hæreticis vexatus est, ut nisi mortem in Anglia majore gloriâ optendam distulisset DEUS, vitam illic positurus fuisset. Odio siquidem in Catholicum, Sacerdotem, & super omnia Jesuitam, incensi, præter famis & frigoris incommoda, mortem illi machinati sunt. Cujus palam inferendæ, quod prætexerent jus vel causam, cum



cùm haberent nullam, homines facinorosos, qui eadem custodiâ tenebantur, promissâ impunitate conducunt, ut imprudentem de medio tollant, sparsuri deinde, impatientiâ carceris captivum sibi violentas manus intulisse. Multas ergo plurium mensium noctes, cùm diversis horis vitæ illius insidiati observassent, nunquam non deprehendere vigilem, & in vitæ custodiam arrectum. Quæ perpetua insomnia tantùm non vitam illi eripuerent, accedente præsertim Cæli inclementiâ, quæ Centurionem quamvis hæreticum, extremâ miseri egestate in commiserationem movit, ut detractum sibi ex holoserico raso thoracem ultro largiretur. Eadem Henrici calamitates in Angliam nuncio perlata, fratrem illius Christophorum movere, ut dissimulato Walpoli agnomine Bataviampeteret, ubi sexcentorum circiter florenorum litro liberaliter à Catholicis Anglis perfoluto, fratrem annuo carcere exemit. Quam charitatem pensaturus DEus, ita profundè in animum Christophori heroica virtutis Henrici exempla impressit, ut sæculo, & rebus terrenis se eximens, Societatem & ipse ingressus fuerit, magnâ sanctitatis opinione in Hispania multis post annis decedens.

Henricus interim crebris & magnis precibus Missionem, & æumnas Anglicanas à Præpositis suis flagitans, cùm tandem copiam discedendi obtinisset, bellicâ Hispanorum navi, quæ ex Scotiâ & Angliæ littoribus prædas actura, Dunkerkâ discedebat, vectus est. Et jam feliciter portum clandestinè expositus tenuit, nisi alteri ex ijs, qui secum in scapham descenderant, suspicio Catholici Sacerdotis suborta, absque mora ad Magistratum Kilhami eum detulisset. Simul ergo in Angliam & vincula delatus, post triduum Eboracum catenis onustus deportatur, ubi teterrimo carceri mancipatus, cum varijs Protestantium Theologis committitur; donec submissus à Curia Londinensi fraudium & cruciatuum præcipuus machinator Topliffus, blanditijs primùm, & fraude arcanâ, omnia expiscari studuit. Sed cùm ultro narraret omnia extra Regnum, à se gesta: Religionem susceptam, sacerdotium, conventum Regem Hispaniæ, vitam in Seminario Anglorum Romæ, Rothomagi, Remis actam, visum Alanum, Personium, ingressum in Angliam studio juvandi Catholicos, & hæc etiam propriâ manu conscripta firmaret: eorum verò, quæ cuivis Catholicorum vel Sacerdotum obesse, foris aut in Anglia possent,

exprimeret nihil: *hæc mihi sepono*, subiicit minaciter Topliffus, *ad Brenduvelum audienda* (carceri nomen est Londini omnium foedissimum) *illic certas habeo machinas, quæ loquendi usum mutis restituant.* Aderit & in Brenduvello, reposuit modestè Henricus, & in turri DEus, *tuis potentior machinis, nec sinet quidquam excidere, quod vitam aliorum, & conscientiam meam ledat.*


Offerebatur illi hic à Catholicis furtiva & certa à carcere, illorum manibus liberatio; quam ipse Martyrij cupidus cùm omnino respiceret, ut tamen charitati eorum aliquid tribueret, rem totam ad P. Richardum Holtbeijum detulit, seque illius judicio, utramque in sortem pariter accinctus, seu fugam, seu carcerem ille eligendum suassisset, sponte subiecit. Cui fugam omnimode, quatuor ex capitibus dissuadenti, quòd Martyrij certissimâ spe secuturi iacturâ faceret; quòd fugâ & timiditate scandalum regi fidelium præberet, cùm tamen fugæ eventus admodum dubius, & certa ex illo, si in cassum succederet, nominis & fidei sequeretur macula; & licet eventum fortiretur, periculum à multitudine vestigatorum inde impendere, qui ad ejus indagacionem essent infestaturi illico universa, cùm discrimine Sacerdotum, qui plures fortè ijs occurrerent, & familiarum perniciem, apud quas latuissent. Ità verò ad hæc respondit Henricus: *Amplector, inquit, eâ voluntate Reverentia Vestra consilium, ut si foret mihi de celo datum.* *Mihi quoque, in mentem venerant, quas profert, consilij sui rationes: nihilo segnius putavi Reverentia Vestra permittendas, hoc solum, ut alijs satisfacerem.* *Ceteroqui gnarus in huiusmodi dubijs qui sit Societati sensus, cujus manifestis etiam in rebus ambio ductu regi, tanquam certo JESU oraculo.* *Scio exemptum carcere ab Angelo Petrum, sed universalis Ecclesia Pastorem & Patrem, iustumque divinitus Romæ prius ejus imperium sedemque statuere, quorum certè nihil ad me attinet.* *Sit mihi pro Roma carcer meus, & pro Domine qua vadis? ex quo didicit Petrus, præter, quam de se judicasset, aliter à Christo constitutum; non esse nimirum deinceps fugiendi, sed moriendi tempus.* *Spe certè ut nullâ foverer, fore mihi hanc, quam inivi, ad bona sempiterna viam; non video qua in re possim utiliùs versari, cùm hic mihi tam multa suppetant, quibus proficere, qualem gero, talem verè ac re ipsa me esse.* *Quare nisi mihi loquatur de celo vox, ore inquam S. Obedientia aliud indicetur, fixum est non moveri, sed in eo perstare constanter: Ecce me, fiat Voluntas tua, sicut in Cælo & in terra.*



Post hæc Londinum regressurus Topli-  
sus 5. Febr. A. 1594. Henricum secum du-  
xit, sed latronis instar barbarè vexatum, &  
tanquam Reginam necaturus peregrè adve-  
nisset, ubique apud vulgus, testibus etiam  
falsò subordinatis, per viam iniquissimè dif-  
famatam. Illic carceri omnium in turri te-  
rribimo mancipatus, frigore, fame tantum  
non eneatus est, sinè strato, sinè veste, sinè lo-  
dice aut integumento, annum integrum du-  
rans; donec tandem acerbissimus, vel ipsius  
Toplisi animus miseratione tactus, aliquid ei  
straminis juberet inferri. Quæstioni inter-  
rim dirissimæ quatuordecies subiectum se  
fuisse, palàm ipse in Senatu Regio contestatus  
est; ejusnam autem generis illæ fuerint,  
resciri nunquam potuit, nisi quòd uterque  
pollex à morte faucibus, & mancus repertus,  
indiciū fecit, crudelissimè ex illis digitis  
filo ferreo atq̃tè constrictis, plures horas fuisse  
suspensum; quo pœnæ modo pluribus cum  
sanguine anima expressa est. Meditationes  
etiam quædam in carcere ab illo conscriptæ  
in manus postea venerunt, ejusmodi charac-  
tere exarata, ut Abecedarij pueri scriptura  
videretur, & vix ulla vox legi posset, debili-  
tata scilicet tormentis manûs vitio, & amissi  
digitorum usus. Sed cùm nè his quidem ar-  
tibus quidquam, unde reum Majestatis con-  
ficerent, expressissent, Eboracum judican-  
dum & plectendum remittunt. Quod mo-  
lestum sanè 140. milliarium iter, spontaneis  
etiam assumptis cruciatibus ita exegit, ut  
nudà constanter humo cubans, magnam no-  
ctis partem genibus nixus precaretur. Illic  
ad 3. diem Aprilis in Judicium, aliorum fa-  
cinorosorum in numero, catenâ gravis pro-  
ductus, & criminis læsæ Majestatis postula-  
tus: quòd Romanæ Sedis autoritate Sacer-  
dotio suscepto in Angliam redijisset; quòd  
Elisabetham Reginam Caput Ecclesiæ An-  
glicanæ profiteri nollet; perduellionis de-  
nique reus à duodecim Viris pronunciatur.  
Die insequenti integrâ sollicitando frustra ad  
defectionem Henrico, & vel semel duntaxat  
ad Calvinii adeundam synagogam insumtâ,  
postridie iterum ad Tribunal producit; ubi  
Judex Belmontius Matre sanctissimâ na-  
tus, sed post ejus obitum in hæresim, aut sal-  
tem hæresis simulationem, ambitu honorum  
actus, patibulo eum addixit, ad proximum.

lunæ diem necandum, eviscerandum, in qua-  
dras laniandum, unà cum Alexandro Rauli-  
no sacerdote. Acerbissimam sententiam Hen-  
ricus ingenti gaudio excipiens, in ample-  
xum Alexandri ruit, D E O, sibi, illiq; gra-  
tulatus; & post actas enixè judicibus gra-  
tias, manibus à tergo revinctis, in carcerem  
reductus, supremam ad Parentem dedit epi-  
stolam, pecuniæ aliquid in suos excubitores  
dividendum postulans.

Destinatus supplicio postquam illuxit  
dies, Alexandro crati vimineæ alligato, post  
duas demum horas (eiusque perpetua ade-  
untium turba illum in carcere detinuerat)  
educitur & Henricus, & eidem trahæ super-  
jectus colligatur, sed obverso ad pedes ju-  
menti & Raulini capite, ne videlicet collo-  
qui, & mutuo invicem hortatu animare pos-  
sent. Ad furcam ubi deventum est, Alexan-  
dri priorem strangulatum, & crudeli  
exenteratione discerptum, Judices Henrico  
dum frustra ostendant, membræque oculis in-  
gerunt, & ille nihilominus generoso pede  
scalarum primos gradus inscendere pergit,  
tum verò sublato clamore multitudo hortari  
promiscuè cœpit, ut vitæ suæ consuleret,  
& saltè ex parte Reginæ voluntati obsecun-  
daret. Sed ille Primatum illius in rebus  
Ecclesiasticis nefariè affectatum execratus,  
rogare porro cœpit, ne sibi ultra molesti esse  
pergerent. Orsusque pro Regina, Regno, &  
Hostibus suis precari, multis etiam hetero-  
dorum lacrymas excussit. Oculis demum  
in cælum & manibus, quantum vincula  
sinebant, sublatis, summo è scalarum gradu  
Orationem Dominicam recitavit; cui cùm  
salutationem Angelicam adnectere pergeret,  
Ministri hæretici, ac Judices, in D E I Ma-  
trem blasphemii, eum deturbari jussere de-  
scalis. Postquam non diu pependit, præciso  
fune secuta est corporis laniatio, evisceratio.  
tanto spectantium luctu ac mœrore, ut  
plura eorum millia lacrymis  
parentasse notata sint.







P. Petrus Michael Germanus Soc. IESV propinato ob Religio-  
nem Christi veneno ab Hereticis Moguntiae mortuus A. 1595.  
25. Aug.

C. Screti d.

M. K. f.

## P. PETRUS MICHAEL.



Uos in Germania subierit Socie-  
tas labores, quot adhibuerit Ope-  
ras, ut eam unitati Ecclesiae res-  
titueret, nullus magis, quam  
ipsi experiuntur Heterodoxi, cane pejus &  
angue illam idcirco exosi. Et licet non eo,  
quo Iudici illius apud Ethnicos & barbaros  
coronentur labores successu, ubi pauculae ejus  
Operae Regna & Provincias, Germaniam vastio-  
res Christo lucratae sunt; magni tamen instar  
prodigij habendum est, potuisse illius obje-  
ctu Haereticis torrentem omnia late inundan-  
tem, vel sisti. Sicut enim miraculi vicem,  
Ecclesiae Catholicae veritatem asserentis ob-  
tinet, omnium gentium, linguarum, & na-

tionum ad eam conversio, cum a sectatori-  
bus suis minimè grata & suavia exigat; ita  
portento maximo majus est, tam paucos vo-  
luptuosae Lutheri & Calvini Haereticis accedere  
discipulos, cum dogmata sua blandissima, na-  
turaliter totum Mundum in vitam illius car-  
nalem & liberrimam trahere apta sint. Inter  
hos Germaniae è Societate JESU opitulatores  
non postremus fuit P. Petrus Michael, in pu-  
blicam illius utilitatem natus, Vrbe semper  
Catholica, & Germaniae Romae, de qua vetu-  
stum illud circumfertur: *Quod Roma est Ita-  
lia, hoc sancta Colonia Tevcris.* Ubi primam  
aetatem innocenter mansuetiore in literatura  
decurrit, Societatem complexus est anno aeta-  
tis 16.



tis 16. Christi 1556. in qua præter uberri-  
mos in virtute & omnigena sanctitate profe-  
ctus, illud in scientias omnes, ac præsertim  
linguarum, adversus Hæreticos usui futura-  
rum notitiam comparandam, adhibuit stu-  
dium & conatum, ut Parisijs Joanni Maldo-  
nato, suo in Theologicis Professori, ipse è  
contra in lingua Hebræa fieret instructor.

Sacerdotio initiatus, animos simul as-  
sumpsit Apostolico muneri pares; quos in  
eo ubi notavere Elector, & plures Principes  
Germaniæ, charum scilicet habuere & fami-  
liarem, in gravissimis Legationibus ejusdem  
operâ uti soliti, nunquam sinè notabili Reli-  
gionis orthodoxæ fructu & incremento. Quâ  
occasione multis A catholicis Principibus &  
Provincijs innotuit, in quibus longè pluri-  
mos à Societate, & sincera Religione alienos,  
utrique reconciliavit. Nec operosum fuit  
id præstare viro ab omni fastu & fucō alienis-  
simo; cujus eximia Charitas, in omnes tem-  
pestiva comitas, cum insigni humilitate atq;  
modestia conjuncta, animos omnium illi de-  
vinciebat. Solos pertinacissimè sibi inensos  
expertus est verbi divini pseudo-Ministros,  
quos quia non congressibus solùm & disputa-  
tionibus convictos refutabat, sed scriptis eti-  
am lucubrationibus acerrimè insectabatur,  
in necem denique illi consciscendam, quâ  
viâ possent, conjurârunt. Stephanus im-  
primis erat quidam Isaacius, qui ex Judæo non  
melior Christianus, in Ministrum Synagogæ  
Calvinianæ evaserat, cujus librum sancta-  
rum cultum Imaginum impiè insectantem,  
itâ contrario scripto confutavit, ut loquaci-  
tatis suæ pœnitens, statuâ deinceps magis  
mutus remanserit. Alter etiam Joannes à  
Munster stolidâ audaciâ in certamen Patrem  
provocare ausus, temeritatis suæ graves pœ-  
nas dedit; apologeticâ insuper lucubratione

repressus; cujus acri stylo veluti stigmate  
confixus, nunquam caput amplius efferre,  
vel linguam, quâ ex pulpito apud suos bla-  
tero multum in Catholicos valebat, præ-  
sumsit.

His aliisque id genus religiosæ pietatis  
& ingenij partibus rem Catholicam promo-  
vere studebat, eo præcipuè tempore, quo sex  
annos Collegio Spirensi, & octonos Monaste-  
riensi Westphaliæ Rector præfuit; ubi etiam  
solâ in Divinam Providentiam nixus fidu-  
ciâ, nullis pecuniarijs instructus subsidijs,  
magnificum pro scholis ædificium aggres-  
sus, ad fastigium magnificè perduxit, eadem  
simul animi magnitudine sumptuosissimi  
Templi jactis fundamentis. Et omnino fuê-  
re hæc P. Michaëlis lucubrationes efficacissi-  
mum antidotum, quo plurimi toxicum hæ-  
reseos evomuere: ex quo apud antesignanos  
eorum Prædicantes inexplicabile illi odium  
conflatum est, ut sæpe ad necem & vincula  
quæreretur. Sed cum hostilis & aperta vis  
nihil proficeret, dolo tandem circumvêtum,  
sæpius ad mensam amicitiae obtentu invi-  
tant, interque epulas incauto venenum itâ  
virulentum propinant, ut nullâ quantavis  
Medicorum arte superari posset. Ejecit qui-  
dem ille in præsentem, validis amicorum ad-  
jutus antidotis, haustam pharmaci pestem;  
at recrudescente identidem visceribus pro-  
fundè impressâ lue pestiferâ, vitam de cæte-  
ro duxit afflictissimam, cruciatibus, & acu-  
tissimis doloribus semper refertam. Neque  
tamen sic etiam æger pedem ex campo retu-  
lit, sed in salutem aliorum semper industrius  
& pervigil, tres nobiles Matronas therma-  
rum remedio valetudinem unâ procurantes,  
ab hæresi revocavit. Donec vi mali supe-  
rante prostratus, animam Creatori suo reddi-  
dit Moguntia 25. Aug. An. 1595. ætatis 53.

## P. MARTINUS LATERNA.

**L**aterna Polonia P. Martinus (ita  
panegyrim suam demortuo illi  
concinnatam inscripserat Stanis-  
laus Niegosczewsky Regius Se-  
cretarius) primùm illuxit Dro-  
hobicij, nobili à Salinis Poloniæ oppido. Li-  
teris humanioribus probè excultus, cum  
multa & mira de Sociorum JESU moribus  
& vita referri audisset, oculis certius verita-  
tem indagaturus, Braunsbergam, ubi tunc  
primum Cardinalis Hosius medios inter Hæ-  
reticos Collegium illis in Prussia statuerat,

excurrit; & quia longè etiam auditis majo-  
ra virtutum & Religiositatis spectaverat  
exempla, Calissimum quidem paulò post ur-  
gentibus Parentibus redijt, sed non nisi alte-  
râ jam sui parte, animo & totâ mente in So-  
cietatem fixus. Cui tandè post habitis remo-  
ris & fluxis rebus omnibus, etiam corpus in-  
tegrè addixit, ex quo Albertum Morosconi-  
um, suum in literis Institutorem, exemplo  
sibi ad illam prævisse vidit. Hunc ergo ad  
Tyrocinium eodem secutus, primis statim  
Exercitijs in merum ignem exaruit, qui nun-  
quam





P. Martinus Laterna Polonus Soc: IESU pro Catholica Fide ab  
Hæreticis in mari Baltico demersus A. 1598. 30. Septembris.  
C. Scrota d. M K f.

quam deinceps sive profanis in Philosophia, sive sacratoribus in Theologia laboribus extinguere, aut imminui potuit; in quibus tamen eo profectu versatus est, ut Doctorem Vilnæ lauream ex merito reportaret. Sed hanc ille meliorem sibi in cœlis adornaturus, in parvulis potissimum & rudibus instituendis Doctoratum suum expendit, infatigabili constantiâ in Apostolicis Missionibus diu multumque versatus. Hic ille posteaquam pro concione totâ quâ valebat vi, conatu & eloquentiâ mortalium animos permovisset, mox ad pœnitentiæ Tribunal sese recipiebat, totos plerumque dies iisdem aures dare solitus. Dicebat autem sæpe, eâdem die bis ante prandium, reliquum à Confessionibus auditis tempus, ægrorum visitationi, parvulo-

rum & servitorum domesticæ instructioni ita impendens, ut nullum omitteret laborem, quo aliquem ad frugem reducendum speraret. In hæreticis insectandis licet acer esset & vehemens, eam tamen morum admiscebat comitatem, ut plurimos perfidiæ ereptos fidelibus adjungeret.

Deniq; eâ gnavi & Apostolici operarij famâ per Poloniam celebrabatur, ut eum Stephanus Poloniæ Rex adversus Moschos bellum moturus expetierit; cujus castra triennio secutus, simul illi à Concionibus latinis, simul Aulæ Regiæ fuit à Polonicis. Neque eum deinceps à se, quoad vixit, dimisit Rex; quo demortuo Procuratoris domestici obire munus Cracoviæ ad S. Barbaræ iussus, eâ promptitudine & alacri humilitate administravit,



stravit, quâ Oratoris Regij gloriosum munus paulò antè obiit. Leopolum subinde, ut Residentiæ illi præesset superior, missus, postquam insuper totis septem annis magnâ omnium satisfactione, & maiore animarum quæstu, sacris concionibus urbem illam excoluisset, ad castra denuo revocatur, Sigismundo Regi in Suecos arma moventi, ab iisdem concionibus futurus. Quanto Leopoliensium luctu & desiderio, vel inde collige, quòd abeuntem non lacrymis solùm & gemitu, sed pedibus etiam ad longissimum spatium profecuti sint cives cum Archiepiscopo universi. Et jam feliciter classis Regia in Sueciam appulerat, cum repentinè ad pacem inclinantibus rebus, Poloniam repetere à Medicis Regijs jubetur Martinus, ut profligatam, nec patientem cœli Suedici valetudinem recuperet. Sed hanc ille immortalem pro temporanea recepturus, Cœlum prius quàm Poloniam attigit, à Piratis Suecis, Sudermaniæ Ducis nomine, mare illud infestantibus, interceptus.

Postquam hi subactâ navi, despoliatis qui vehebantur omnibus, infandissimis insuper contumelijs Pontificem, Ecclesiam, ac Sanctos impetere cœperunt, suarum ille partium esse ratus Catholicæ rei non deesse, acriter in blasphemos invehi, Divorum & Ecclesiæ honorem tueri, & comites ad fidei constantiam vehementer inflammare perrexit: facile exinde arguentibus hæreticis, illum non Catholicum duntaxat, sed etiam Sacerdotem Jesuitam, juratum Lutheri hostem esse. Ergo in unum omnes incensi, certatim opprobrijs, pugnis, verberibus invadunt, panem etiam aliqui violentè in os illi ingerendo, addito convitio, ut paulò post ad satietatem usq; & nauseam bibiturus, maturè comesset. Tum vestibus exutum, & toto corpore, manibus præsertim, multo vulnere, ne natatu evaderet, faucium & debilitatum, scaphæ imponunt, atque in altum proVecti, mari demergunt 30. Sept. An. 1598. ætatis 45. Neque tum solùm morte suâ reliquis in nave comitibus saluti fuit, unus pro omnibus occumbens victima; sed deinceps etiam in periculis gravissimis patrocinator est.

Quartus à beata illius morte flebat annus 1602. cum Nobilis Polonus Laurentius Bienczowsky, comes olim P. Martino in hac navigatione, atque in iactatione maris, & ægritudinis molestijs beneficis consolator, in Tartarorum, Podoliam vastantium, manus incidit. Ab his crudelissimâ per diem servitute exercitus, per noctem manibus post

tergum ad pedes revinctis, velut in globum redactus, suspendebatur è ligno super profundam infernè, ne quâ lapsus etiam rupto fune effugeret, foveam. Hic persanctè affirmavit, sibi cum ita 7. Junij penderet, DEI opem per sancti alicujus Poloni merita, quisquis demum bello illo cecidisset, imploranti, conspectum currum splendidissimum, quatuor equis candidis super Oceani fluctus inVectum, sedente in curru P. Martino Laternâ radijs glorioso. Cui, num se nosset? interroganti, respondit Laurentius, nosse; petivitq; vicissim quid triumphus pompa illa portenderet? Tum Martinus, gloriam illâ designari asseruit, quâ Apostolicos suos labores, & mortem pro religione in mari obitam, præmiaret in cœlis DEUS. Quatuor autem equis se invehi, in præmium rectè populis explanatorum quatuor Evangeliorum. Demum quæsit, num in libertatem vinculis solutus asseri perciperet? id verò cum maximè optaret Laurentius, continuo illis sese exemptum, acceptâ prius conditione invifendi loca sacra Cracoviæ & Romæ, persensit, & turbine quodam rapidissimo per aëra deportari, sic, ut brevissimâ morâ in campis Russiæ prope Leopolum, 50. milliaribus à castris Tartarorum se constitutum deprehenderet quidem, sed ludibrium somni suspicatus non crederet, donec claro die vincula ante pedes projecta, & quatuor captivitatis socios ante quadriduum profugos, eodem iter prosequi aspexit. Tum verò post DEUM, sospitatori suo gratijs ubertim actis, Cracoviæ primùm, tum Romæ ad Sanctorum memorias se stitit, & rem totam suo illic confessario P. Matthæo Pakost, Pœnitentiario Polono, juratus aperuit, quæ etiam à Jacobo Lauro A. 1607. cum Pontificis privilegio, æri Romæ incisa est & vulgata.

Iterum autem A. 1603. 27. Sept. Polonis suis in cæcis periculis versantibus, *Laternam*, vel stellam potiùs maris se exhibuit. Exceperat hos mari navigantes tempestas adeo sæva & turbulenta, ut desperatis humanis omnibus, ad cœlestia unicè converterentur, domesticam suam Czastochoviæ Divam magnis vocibus inclamantes. Cum in medijs spississimæ noctis tenebris multâ luce coruscus eis se videndum exhibet P. Laterna, tempestatem & ventos ponere jubet, fluctus momento sedat, incolumitatèque ita demum naufragantibus spondet, ut vota DEI paræ promissa omnino exsolvant.


Verùm nulla nomini ejus devotior, nulla in accipiendis per ejus merita postulatis bene-



beneficijs frequentior est Civitate Leopoli, in qua ejus celeberrima viget memoria, publicâ etiam aliquando Concione à Joanne Demetrio Archiepiscopo commendata. Erat hic Matrona pietatis eximîæ, quæ ex eo maxime Matrem se factam beneficio Divino gaudebat, quod utramque DEO consecrasset in S. Benedicti Ordine Filiam. Jamq; professionis emittendæ dies appetebat, cum utraque gravi invaletudine correpta, unde in spiritu fieri debuisset valentior, inde evasit debiliior, eo usque fraudibus Dæmonis inducta, ut tædio vitæ Monasticæ nihil aliud anhelaret, nihil cogitaret, nisi vitæ sæcularis libertatem. Afflictiſſima Parens ubi frustra se omnia agere, atque in cassum vitæ Religioſæ amorem, Mundanæ odium, inculcare Filiabus videt, ad P. Martinum tandem, quem inter Cœlites receptum omnino crede-


bat, vota facit, ut qui adhuc mortalis illis ad virtutem & sanctitatem sæpius fuerat exhortator, nunc ab ejus studio pedem referre obstinatè parantibus, animos & vigorem restituat. Mira prorsus res, tantòque portentosior, quantò difficilius est in animi, quàm fluctuum tempestates imperium. Redux ad Monasterium postridie, quàm ancipitem Filiarum statum P. Martino commendaverat supplex Mater, ut animos earum postliminio exploraret, utramque reperit non animo duntaxat, sed & corpore firmissimam, & vocationis suæ tenacissimam. Quo inopinato eventu lata, auctorem illis mentis ad meliora illustratæ aperit, ut deinceps in obscuro & devio tentationum, Laternam habeant pro Pharo, ad quem oculos & vota, secundos in procelloſo vitæ mari cursus paritutum dirigant.

P. PETRUS BUZELINUS.  
P. LAURENTIUS EVERARDI.  
P. OTHO CAMPENSIS.

 Sanctus Patriarcha JGNATIUS, singulari DEI beneficio in salutem & auxilium commune mortalium omnium natus, cum Religionem instituisse in bonum proximi æquè ac proprium curandum intentam, vastissimo animo omnem hominum conditionem & statum, omnes illis opitulandi modos ac media complexus, hæc omnia voluit esse propria illius Munia & Ministeria. Quod recognoscentes Pontifices Romani, magnâ semper animi propensione illam specialiter prosecuti sunt, tanquam ad hoc institutam, verba sunt Julij 3. in Confirmatione Instituti Societatis, ut ad Fidei defensionem & propagationem, & profectum animarum, in vita & doctrina Christiana, per publicas predicationes, lectiones, & aliud quodcunque Verbi DEI ministerium, ac spiritualia Exercitia, puerorum ac rudium in Christianismo institutionem, Christi fidelium in Confessionibus audiendis, ac ceteris Sacramentis spiritualem consolationem, precipuè intendat. Et nihilominus ad dissidentium reconciliationem, & eorum qui in carceribus vel hospitalibus inveniuntur piam subventionem, ad ministerium, ac reliqua Charitatis opera exequenda, gratis omnino, & nullo, pro suo in prædictis labore, stipendio accepto, se utilem exhibeat. Hinc nulla proximi necessitatibus subveniendi praxis, nulla salutem eorum-

dem in quavis ætate, statu, & sexu procurandi methodus est, quæ ex officio proprio illi non incumbat, quodque illa de facto, certis è numero suorum ad omnia hæc munia designatis, non complectatur. Sic parvulis instituendis habet Magistros, Præceptores, Catechistas; Adultis, domi quidem suæ privatum, conversatores & visitatores; publicè autem in Urbibus Concionatores, Confessarios, Sodalitiorum Præsides, altiorum Facultatum Professores; foris autem inter gentiles, hæreticos, fideles, utitur Missionarijs. Jam verò ut nulla conditio hominum ejus opitulationum expers sit, alij sunt qui servitia & plebem infimam, alij qui cives & honoratiores procurant: alius est qui in carcere vineulis; in lectulo, nosocomijs morbo dentis, die nocteq; est ad obsequia; alius qui peste, fonticis morbis laborantes invisit; alius hospitalibus de eleemosynis providet. Inter quæ non postremum, periculorum autem, & ærumnarum magnitudine facile primum est, Militum in Castris procuratio, ubi præter cubationes humi, in cespite, sub dio nocturnæ sunt vigiliæ, fames, sitis, frigus, æstus, à militaribus morbis contagia, & à petulantia insolentium ferenda innumera tædia. Adde mille in his mortis pericula, mille mortes, quibus pars tormentis horrendum discerpti & la-





P. Petrus Buzelinus, P. Laurentius Everardi, P. Otho Campensis  
Belgæ à Calvinistis odio Fidei necati in Belgio 2. Iuly. A. 1600.

C. S. d.

M. K. f.

& laniati, pars gladijs, scloporum ictibus, hastis, lanceis transfixi, trucidati, membris mutilati, aquis demersi, carceribus & vinculis adstricti, fame inter captivos emaciati, hæcenus interierunt. Quibus malis tantum abest ut consternati, animos ab ardua Missione Castrensi despondeant socij, ut potius eò majore propensione, studio, certatim pro se quisque illam exambiant.

Horum è numero fuere tres magnanimi Heroës, ea etiam de causa libentiùs Militaria signa secuti, quòd illis vexillum Crucis adversus A catholicos proferri viderent. In his P. Buzelinus Cameraco Belgij oriundus, reliquis socijs Castrensis Superior præfatus, animo erat excelso, in omnia pericula, magno vitæ & commodorum contemptu, in-

citatissimus; qui ut animabus militum mederetur, corporibus etiam maximâ charitate opitulari studebat, toto semestri peste, ac dissenteria Caleti laborantibus, die nocteque assistens. Nec quidquam magis in votis illi fuit, quàm sanguinem pro Christi religione, aut vitam in proximi obsequio ponere; cujus ut tantò faciliorem magisque obviam haberet opportunitatem, ardentissimo studio professionem in Indias, & barbaras Nationes exambivit. Cùmque hoc suum desiderium non voce duntaxat, & sermone quovis inter socios loqueretur, sed calamo etiam & lucubrationibus prosequeretur, ternis de Martyrio conscriptis libellis beatam hanc in causa Christi occumbentium sortem pertractans; tandem feracissimam mortium obtinuit Militarem



litarem spartam, in qua etiam post tolerata quadriennio omnia Castrensis vitæ incommoda, animam honestissimo pro fide occubitu posuit.

Concursum erat secundissimo Marte cum Batavis ad Ostendam ab Archiduce Alberto A. 1600. & victoria penes Catholicos, eoactis pedem referre hostibus, jam steterat; cum improvido debellandi studio, arma in hostem ex desperatione pugnaturum, avidè magis, quàm consultè instaurant Hispani, & prælium ad Neoportum exitiale redintegrant. Cæditur ingenti strage victorum exercitus, & præcipuus quisque Ducum & militum occumbit. In apertam ergo jam fugam post ruptam aciem diffuso exercitu, ipsoq; Archiduce, ob acceptum in capite vulnus, ægrè discrimen evadente; P. Buzelinus tum demum campum sibi ad spirituales pugnam relictum arbitratus, timido fugæ consilio rejecto, in pedes ex equo cum socijs desilit, infinitæ fauciorum multitudini, interque vulnera cum morte & dæmone supremam luctam inituræ, opem extremam laturus. Ergo inter humi strata cadavera discurrent, & quotquot spirantes deprehendunt, exomologesi expiant, hortantur, animos addunt, beatæ vitæ spe complent; & si quibus vigor adhuc in membris major spem vitæ facit, subiectis humeris in tutum deportant. His superveniens totis ordinibus impune effusus hostis, ubi eos tam sancto operi, ac maximè sibi in viso, in oculis suis incumbere deprehendit, non ferens ulterius sibi insultare, captivos facit; ut tantò clarior necis, non ex furia & impetu Mavortio, sed animo sedato illatæ, causa elucesceret. Buzelinus ergo, magno spiritu & voce contestari hostem cœpit, non se Hispano, sed in ejus exercitu Christo militasse; non arma in hostem ferre, sed animas cælo inferere solitum; non stipendia Archiducis, sed gratiam DEI mereri sollicitum; quibus scilicet tantò effratioribus in suum & sociorum exitium hostes reddidit. Ut enim hi animorum magis quàm corporum excidio intenti, Catholicum & Jesuitarum nomen capitali quovis hoste execrabilius habent, ità deprehensos in flagranti Sacramentorum administratione Sacerdotes Jesuitas, Hæresi suæ avidiùs immolare pergunt. Igitur laxato iteratè sclopo, duplici glande Buzelinum sternunt, 37. ætatis annum tunc agentem, prolapsum quidem ex vulnere, minimè tamen in vestigio exanimatum; qui majore diei parte, vitæ & animi compos, circumjacentia perreptans cadavera, si

quos ex doloribus gementes, aut aliter dato vitæ indicio superstites deprehendisset, suimet oblitus solabatur, morti præparabat, & meliorum in æternitate fiduciâ animans, sanguinem & vitam in Fidei causa libenter ponere hortabatur.


Necato crudeliter Buzelino, in P. Laurentium, Buscoduci ante 33. annos natum, secundo furore convertuntur: qui ut erat animarum zelantissimus, ità miro ardore & efficacîa pro concione dicens, avidissimis auribus excipiebatur, pervicacissimos etiam militum animos, & difficillimos, si qui alij, in virtutem flecti, quovis vellet, impellere potens. Quæ res salutem illi & indemnitate, si apud alios, quàm Calvinistas, preces incidissent, paritura erat. Quidam enim hostium cuneis permisti ex Hispanis transfugæ, notum sibi pridem in Regijs Castris Laurentium conspicati, ut vitam corporis in vicem toties suæ animæ morti ereptæ illi servarent, supplices Ducibus & commiliti facti, caro capiti sospitatem deprecabantur. Ignari fortè, se Sacerdoti & Jesuitæ magis exitium precibus apud hæreticos accelerare; in quem globorum veluti grandine, multisq; gladio- rum ictibus depluentes, felicem animam corpore exegerunt.

Postremus deniq; Otho Campensis, in cujus aures Ernestus Archidux animi noxas deponere solebat, dum procuratis animis, corpora etiam fauciorum exitio pertentat eripere, sub onere faucij militis, quem equorum ungulis proterendum humeris suis in tutum deportabat, circumventus, tantæ charitatis præmium recepit mortem, natus annos 43. ortus Campis Hollandiæ oppido. Singularis in eo zelus enituit, & felicitas in reducendis ad fidem Orthodoxam hæreticis, quos in militari licentia pervicaciores eâ tractabat lenitate, & conciliabat affabilitate, ut plerofque familiaritate primùm, mox etiam religione eadem sibi conjungeret. Sed non hic stetit vesana in DEI servos Orci militum rabies; in exanima demum corpora pleno furore incitati, tantis ea vulneribus deformarunt, ità mutilatis artubus membra invicem confuderunt, ut nullâ diligentîa dignosci ab invicem & separari potuerint. Apertè facto suo declarantes, quid in inermibus Jesuitis, totis cæforum militum acervis parcentes, etiam post fata persecuti sint, quorum ne corpora ad venerationem discerni possent à Catholicis, ferinâ barbarie providerunt.

H

P. CHRI-





P. Christophorus Spotecus, cum tribus Soc: IESV, Polonis, squalore carceris ab Hæreticis odio Religionis enecti Stocholmiae in Suecia: A. 1601. in Julio.

C. S. d.

M. R. f.

P. CHRISTOPHORUS SPOTECUS.  
JOANNES ESTO.  
MATHIAS VITRIARIUS.  
NICOLAUS KRZIWOZANZEWICZ.

**Q**uam latè pateat Martyrij Gloria, & non solum ijs, qui directè Tyrannorum manu, ferro, vel tormentis occubuerunt, Laureolam triumphalem imponat, sed & omnibus alijs, qui fidei aut virtutis causâ in exilium, carceres, vincula acti, pretiosam in illis animam egerunt; eleganter prosequitur Martyrum flos Cyprianus, & ex eo S. Thomas, & communiter Theologi, & SS.

PP. communisque Ecclesiæ sensus. Ità ergo habet lib. 3. Epist. 6. *Neque enim virtus eorum, qui etsi torti non sunt, in carcere tamen glorioso mortis exitu excedunt, aut honor minor est, quò minus ipsi quoque inter beatos Martyres aggregentur. Cum enim voluntati nostræ Confessioni, in carcere accedit moriendi terminus, consummata Martyrij gloria est. Et rursum, alibi: si fugientem, inquit, Christi causâ, insolitudine ac montibus latro appresserit, fera invaserit.*



*serit, fames & sitis, aut frigus ad mortem affligerit, vel per maria præcipiti navigatione properantem, tempestas aut procella submerserit; expectat militem suum Christus ubicunq; pugnantem, & persecutionis causâ pro nominis sui honore morienti premium reddit, quod daturum se in resurrectione promissit. Nec minor est Martyrij gloria non publicè, & inter multos perire, cum pereundi causa sit propter Christum perire. Sufficit enim testimonium Martyrij sui testis ille, qui probat Martyres & coronat. Sic Romanum Martyrologium præter innumeros, quos in exilio, carceribus defunctos celebrat, ut Martyres iisdem accenset 22. Dec. Cheremonem Episcopum Nicopolis, & alios plurimos, quorum, inquit, alij seviente Decij persecutione fugâ dilapsi; in solitudinibus errantes à bestiis interempti sunt, alij fame, frigore, ac langore consumpti, alij à barbaris & latronibus necati, Martyrij gloriâ coronati sunt. Id quod hæc Theologorum firmissima evincit ratio: Quia licet carcer ipse, aliâve afflictio immediatè mortem non inferat, sed illius duntaxat mediata sit occasio, cum tamen ea evitari, & liberè pro arbitrio effugi possit abdicatione Christo, is qui constanter in ea persistit ne Christo renunciet, morte mulctari pro eodem verissimè censetur.*

Atque hujusmodi exitu coronata est in victa horum quatuor pugilum in Fide constantia, qui cum libertatem & vitam ejuratione fidei redimere quovis momento possent, carceris tamen & vinculorum constanter tolerare ærumnas voluerunt, in quibus tandem peste consumpti, è carcere & corpore evolârunt. Cum enim Carolus Sudermaniæ Dux, Sueciæ Regno occupato, arma inde in Livoniam adversus Sigismundum III. Poloniæ Regem, à quo Sueciam titulo Pro-Regis administrandam susceperat, transfulisset, atque Derpatum A. 1601. proditione capisset; in Collegium veniens, socios ad se, qui septem illic remanserant, accersiri jussit. Qui ubi in conspectum adducti sunt, acerbissimis in eos probris & convitijs, in Ducum & Nobilium Corona, caput invehi, scelestos hominum seductores, ventris mancipia, Dæmonis satellites compellans, qui animas à Deo seductas Orco manciparent. Tum in Fidei Catholicæ dogmata debacchatus ea effutijt, quæ hæresis & hostilis suggerebat furor, in Christi Vicarium, Deiparæ, & Sanctorum cultum, Sacramenta Ecclesiæ, &c. Minimè toleranda visa Dei servus est, & mutuo transmittenda silentio impia Principis insolentia, quibus etiam in tempore verba sug-

geffit Dominus, confutandæ apta audaciæ, qui jubens, non esse sollicitos, quid, aut quomodo respondeant servi sui, dum steterint ante Reges & Præsides, pollicitus unâ est daturum se illis os & sapientiam, cui resistendo non sint futuri omnes adversarij. Itaq; à Pontificis suprema in terris tuenda potestate exorsus, ita efficaciter eam Divini juris esse, & ab ipso Christo in Successores Petri derivatam ostendit Pater, ut testimonijs scripturæ silentium maledicentiæ imposuerit. Sub digressum gratiam suam & favores prolixè Patribus pollicitus Princeps, eâ, quâ solent Calvini affectu Jesuitis servare fide exhibuit. Christophoro siquidem Sommerio quantum sibi charo, tantum Jesuitis infenso Duci, donatâ supellestile, & rebus Collegij omnibus, incolas simul ejusdem potestati concessit. Hic post ablata Templi, quæ fossâ humo Patres condiderant, sacra vasa, cum direptis præterea rebus cæteris minimè fatur frustra plura requireret, atrocibus minis, & levioribus tormentis exprimere conatus est. Sed cum neque sic thesauris, qui extra cerebrum illius nuspiani erant, potiretur, spe dejectus, in rabiem & furiam decidit, exturbatósque suis cubiculis Socios septem, per angustum conclavi compegit, ubi vestibus & lectis exuti, subtracito etiam quovis cibo & potu, fame & frigore cruciarentur. Adjecta simul fuere cum fœnore ludibria & verbera, quibus Princeps ipse indecoro furore caput aliquando uni Sociorum contundere, & colaphis pugnisq; mulctare non erubuit. Alias ineptè ad risum vestitos, hastâ oblongâ mensæ suæ cogeabat assistere, aut etiam æneis fistulis armatos per Urbem se commitari; sibilis interim, scommatis, à petulante militum fœce undiq; impetitos, tum præcipuè, cum equis violentè impositi, præcentore ipso Sommerio, Symbolum Apostolorum, & cantus natalitios jubebantur concinnere.

Hæc diurna ludibria, vincula sub noctem in arcto carcere excipiebant; donec toto pene semestri indignis hisce modis Derpati vexati, Rivaliam boum plaustris, & exinde lacero, malèque à necessarijs instructo navigio, in Finlandiam transportarentur. Illic in Urbem Habo dictam, ingenti populi hæretici ad insolens spectaculum concursu, velut in triumpho inveci sunt, sed ejusmodi, quo Christus in domo Herodis, & Pilati, à spineâ coronatione exceptus est. Nec Stocholmiæ minore plausu salutati, separatis insuper quisque ergastulis inclusi, tam dirè &



severè habiti sunt, ut quæ adhuc perpeffi fuerant, levia præ hisce viderentur. Nam præter summam rerum omnium indigentiam, qui Sacerdotes erant, diu noctuq; ferramenta gestare cogebantur, toto semestri. Ea erant corona ferrea, duobus altrinsecus è ferro cornibus altè eductis, atque ignito clavo commissis, sexdecim pondo gravis. Quatuor ex his fuere, quos diuturnis ergastuli calamitatibus afflictos, pestis Stocholmiæ in carceribus consumpsit; tribus reliquis, post quin-

quennales ærumnas, in libertatem assertis. Inter quos P. Christophorus Spotecus Zagoroviæ in majore Polonia natus, post absolutam Pragæ Philosophiam, Magisterij etiam laureâ decoratus fuit. Tres reliqui temporalium rerum fuere Coadjutores: Joannes Esto, itidem Polonus, annos natus 43. Matthias Vitriarius, gente Lithuanus, annorum 23. & Nicolaus Krzywozanziewicz, similiter Lithuanus annorum 36.

## P. ROGERIUS FILKOCKIUS.



Uanto fructu, & Ecclesiæ Anglicanæ emolumento, fundata sint liberalitate Pontificum, Regum Hispaniæ & Galliæ Seminaria, exulibus fidei causâ Gentis illius Juvenibus veluti in refugium erecta, vel ex eo patet, quòd eorum potissimum industria, & indefatigabili zelo, inter acerbissimas Regum & Parlamenti persecutiones ac edicta, semper tamen fides Catholica in eo Regno perstiterit conservata. In his enim maximo numero collecti Adollescentes, sub cura Patrum Societatis sanctissimè educabantur, quorum operæ, & Fundatorum piæ munificentia ex æquo respondentes, non aliud in studiorum, & totius vitæ cursu spectabant, nisi ut inimicissimam sibi & Christo repeterent Patriam, & ad Catholicam fidem reducendæ sanguinem donarent. Cujus suæ mentis votique irrevocabilis dabant in singulis seminarijs publicè certum pignus, statuto die ad Altare, teste omni, qui frequentissimus convenire solet, populo, clarâ voce jurantes super Evangelij sanctissimum juramentum, se Patriam repetituros, & suscepto Sacerdotio, Fidem orthodoxam pro virili propagaturos, & defensuros. Inde mirus in Catholico populo per Gallias, Hispaniam, Belgium, Romæ, in eorum Seminariorum Alumnos affectus & æstimatio, monstrabanturque cum prodirent digitis omnium, tanquam seminarium Martyrum. Nec vana fuere populi præfagia, plura siquidem Sacerdotum millia in egentissimam id genus operarum Angliam fuere transmissa, qui omnes calamitates, & pericula primitivæ Ecclesiæ persecutionibus non minora experti, carceribus, exilijs, equuleo, tormentis mulctati, vitam insuper & sanguinem quàm plurimi posuerunt. Solum Duacense ab Alano Cardinale procuratum Collegium, 90.

annorum tractu, suppeditavit Angliæ laboranti plus mille Sacerdotes, quorum ferè 140. vitâ & sanguine Fidei à se prædicatæ subscripsere.

Inter hæc ex præcipuis unum est Valisoleti à Philippo II. fundatum, quod Rogerium Filcockium per Theologiæ curriculum aluit, dum Sacerdotio initiatus Angliam repeteret. Et profectò ea virtutum præstantium convictoribus post se reliquit monumenta, ut quanto eum solatio & fructu recipiebat Catholica Anglia, tanto suo dolore & detrimento amittere censeret Seminarium. Ex quo Apostolici secum ferens ardorem peccatoris, & desideria fundendi pro Christo sudoris & sanguinis, omnia secum avebat in Christi, & Ecclesiæ obsequium expendere. Præcipuum autem semper habebat votum aggregandi se numero Sociorum JESU, quod cum differri sibi ad experimentum usque Angliæ laborum ferret dolentiùs, totum sese ijs impendere, & superimpendere constituit, ut aditum in Societatem apud Garnettum Provinciæ Præpositum ita extorqueret. Itaque in Cantabriæ portum, per hostium manus, & oculatissimas custodias, propè miraculo eluctatus, in media statim sese injecit pericula, quâ Catholicorum bono sacerdotalem operam navando, quâ lapsis à fide reconciliationis munus semper præfens offerendo, ut demum elapso biennio in Societatem legitimè adlectus fuerit. In qua, ut dignis Martyrio experimentis Tyronem suum duraret JESUS, vix numero lociorum adscriptum in carceris Tyrocinium transmissit, Portæ novæ nuncupatum; in quo gravissimis vinculis oneratus, à brevissimo paucorum mensium experimento, maturus jam & veteranus Christi miles, ad agonem est evocatus. Die siquidem 23. Februarij An. 1601. ad Tribunal citatus, cum nullâ prius quæ-





P. Rogerius Filcocus Anglus Soc. IESU pro Catholica Fide  
suspensus et sectus Londini in Anglia A. 1601. 22. Febr.

C. Secreta d:

M.K.f.

quæstione tentatus, nulla testium produ-  
ctione convictus esset, præter omnem judi-  
ciorum & Juris formam, ex sola præsumpti-  
one & conjectura Sacerdotij, proditorum  
damnatur supplicio. Quâ eadem informi  
Justitiæ Anglicanæ formâ, simul cum eo da-  
mnatus est P. à S. Marco Ordinis S. Benedicti,  
Virtutum Rogerij admirator simul & prædi-  
cator, de quo ita ad Amicum scripsit. *Fuit  
mibi semper in paucis amicus, & unice carus  
Confessor Christi Dominus Arturus* (hoc P. Ro-  
gerius Filcockius in Anglia latebat sub no-  
mine) *sive olim liber, sive nunc mecum in com-  
pede: Vir excellenter humilis, patientia, pietatis,  
& charitatis exquisita, dignus cujus exemplar  
vivendi norma sit. Dicat mihi animus futurum,  
ut simul moriamur, qui simul tam diu viximus.*

Neque illum conceptæ fiduciæ eventus  
fessellit Illucescente namque 27. Febr. uter-  
que ergastulo suo educus, & vehiculo crati-  
ceo injectus, per cœnosam, atque alto inse-  
pultam luto viam, ad patibulum raptatur.  
Cum interim alacres totum illud iter sacris  
concentibus expenderent, ab illo Ecclesiæ  
versu exorfi: *Hec dies, quam fecit Dominus,  
exultemus & letemur in ea.* Ad Tiburnum ubi  
ventum est, sublatus è crate sua P. Rogerius,  
videt è summo patibulo pendentem Nobi-  
lem, & heroicarum virtutum Matronam  
Annam, ex illustri & opulenta Heighami fa-  
milia oriundam. Huic quia contenti au-  
res præbere solitus erat, mirificè ejus sancto  
spectaculo recreatus est, incredibilem animi  
consolationem & robur hauriens, quod hoc  
ipso



ipso temporis momento prærogativam pugnae triumphique illi obtigisse, ut se in cœlum præiret, cerneret. Hæc Patre Calvinistâ genita, cum pro fide ejectionem e domo, privationem dotis, & totius hæreditatis damna elegisset, post pauperis mariti, sed Catholici nuptias, vidua, eò quod ad perpetuos carceres fidei causâ damnatus, vivens interierat, totam sese obsequijs Patrum consecravit. Jamque triennium effluxerat, ex quo maternâ prorsus curâ, & reverentiâ ancillari, sumptibus tamen Patrum, ijs ministrabat, ædes ab iisdem conductas instar hospitæ custodiens, & sæpius solertibus latebris vitam eorum contutata: cum denique proditoris Catholici indicio, die quodam solenni, repertis etiam apud illam sacerdotalium vestium, & Altaris apparamentis, capta, & in ergastulum detrusa est. Caverat enim sævissimo edicto crudelis Elizabetha, ne quis Sacerdotes domo exciperet, sacra audiret, divinis interesset; eodem crimine, & perduellionis poenâ involvi præcipiens domesticos cum hospite omnes, apud quem Sacerdotem divertisse, ac longè quàm maximè sacra fecisse, aut Sacramenta ministrasse comperiretur. Quod cum liberaliter, ultro etiam confiteretur Anna, id unum se dolere protestata, quod non potuisset millies plures, quàm fecerit, hospitio Sacerdotes excipere, millies plura illis levamenta & ministeria navare; in iudicium producta est. Nec iudicem misericordia movit, quod splendidis natalibus orta, quod ægritudine & annis gravis, quod alienis ma-

nibus ad Tribunal deportata, ne illic quidem in pedes sese erigere potuerit; sed criminis Majestatis postulatam, ejusdem ream pronunciatam, perduellium poenâ ad furcam damnavit. Vehementer ergo mortis illius generositate incensus Rogerius, utpote quæ dulci osculo furcâ salutatâ, ridens laqueo cœlum indiderat, præeuntem quantocius sequi cupiebat. Sed antevertit eum P. à S. Marco, quem inhumanâ & inauditâ feritate carnifices, ne ex laqueo jam pendulus mole ipsâ corporis (erat enim procerâ grandiq; staturâ) ante lacerationem strangularetur, pedibus sustentabant: atque ita resectio properè fune, viventem spirantemque eviscerârunt; tantâ barbarie, ut cum exemptis jam inferioribus intestinis, in apertum plagâ capaci pectus immisisset manum carnifex, ad revelandum ex eo cor, sensu doloris vivacissimo exclamârit: *O DEUS! miserere mei*. Spectabat hæc carro suo insistens P. Rogerius; & unde ad defectionem incitaretur alius, inde animos ipse, ut eum mox consequeretur, sumebat, exclamans cum Apostolo: *Cupio dissolvi, & esse cum Christo*. Totusque mox in cœlum animo & oculis conversus, illud solum suspirabat, multis precibus & suspirijs animam DEO commendans, in cujus manus eam esset jam jam redditurus. Itâ nihil Socij laceratione consternatus, nihil conturbatus, post non longam precationem, mirâ hilaritate fauces laqueo, pectus cultro carnificis subjecit, post eviscerationem quadripartito dissectus. An. 1601. 27. Febr.

## P. FRANCISCUS PAGES.



Postremus hic fuit ex Societate Jesu, in quem crudelis Regina Elizabethæ sævitia, implacabili in nomen Catholicum & Jesuitarum dum vixit odio incensæ, in Anglia defæviit. Quatuor jam supra quadraginta annos adversus Catholicos, 22. adversus Jesuitas æstuaverat, necdum sanguine Martyrum satiata; cum novum edictum, omnibus antehac promulgatis crudelius, in eos condit, omnes capitalibus supplicijs interneccione deleri præcipiens, nisi intra 30. dierum spatium Regnum discessu suo purgarent; omnibus qui eos tecto, aut re ullâ juvare præsumerent, proditorum morte indictâ. Cujus funestæ & ultimæ constitutionis progressus spectare non potuit, quadrimestri post abrepta, cum ageret annum ætatis 66.

De cujus lamentabili exitu nihil attinet dicere, cum illum plenum desperationis fuisse, etiam Hæreticus Historicus Camdenus satis indicet, narrans illius postremos clamores fuisse: *Va sibi misera!* & proh! se destitutam desertamq; ab omnibus! gulam sibi capistro obstringi querentis: quam scilicet in tot Christi Martyribus crudeliter elidi vivens jufferat. Ultima ergo immolata hæresi ab Elizabetha, suprema Ecclesiæ Anglicanæ, si Dijs placet, sacerdote victima, Franciscus Pages seu Pagius, ortus fuit in Anglia, honestis & locupletibus, sed Acatholicis Parentibus, à quibus in Hæresi educatus, absolutis Londini Legum studijs, ut earum etiam praxim domestico facilius condisceret usu, apud Nobilem Virum, & in eo præsertim doctrinæ genere præcellentem, suam locavit operam.





P. Franciscus Pagius Anglus Soc: IESU Londini in Anglia pro Fide Catholica suspensus et sectus A. 1602. 29. April.

C. Screti delin.

Metchior Küssell f.

operam. Erat huic Filia præcellentis formæ & indolis, sed pulchrioris à Catholica Religionis virtutibus animi, cujus in connubium potiundæ cùm natalium imparitas psem omnem præcideret, liberalis in juvene forma, & insignis morum elegantia pari modestiæ conjuncta, quæ mutuam apud Virginem ipsi conciliavit amabilitatem, fecit, ut speraret eum posse habere conjugem, si modò ad eundem cum illa Catholicæ Fidei cultum accederet. Nec conditionem abnuit Franciscus, quin P. Gerardum Tomsonum, in carcere Klinkio pene liberâ custodiâ habitum, identidem de salute audiret, à quo in fidei rebus probè instructus, cùm de incerto divitiarum, & inani spe fluxæ felicitatis differenterem perciperet, ità his, & Gerardi præ-

cipue arduarum virtutum exemplo captus est, ut Christianæ perfectionis ambitu instinctus, aulam, sponsam, spes omnes caducas animo ejecerit, & P. Gerardi antiquo hospiti famulum se addiderit, quò liberiùs magisq; inobservatus ex vicina carceri domo, magisterio ipsius uteretur.

Nec desijt interim Patribus alijs per Angliam laborantibus opitulari, servire, omni officio prosequi, periculis eorum causâ caput obijcere; donec tandem eà occasione carceres & vincula expertus est. Contigit siquidem magno Juvenis incommodo, P. Gerardum è carcere Klinkio, ubi ejus quotidie divino frui licebat alloquio, transferri in Turrim, ubi cùm nulla ejus conveniendi spes affulgeret, quod unum licebat, prospectu sal-

rem



tem mutuo orbitatem illam consolari posse confidebat. Expiscatus ergo quâ inter alias Castri illius Turri clauderetur, ad eam Tamensis præterfluentis ripam quotidie inambulare cœpit, quæ in ejus fenestræ conspectu erat; eò usque, quoad Pater sive fortuito, sive auræ captandæ gratiâ, postmodum verò observato jam agnitôque ex frequentia Page, de industria prospiceret. Tum verò conspicatus illum se exfenestra spectantem, aperto capite, ac ferme de genibus, quasi aliud agens salutabat, nec recedebat, donec capitis inclinatione vicissim salutantem, & sacro Crucis signo bene faustèque precantem sibi Gerardum advertisset. Quod officium cum iteraret quotidianus, & jam importunus utriusque; periculo saluator; cautior illo Gerardus, utpote insidiarum experientior, imposterum devitaturus erat: nisi vidisset frustra se inambulanti fenestram claudere, duranti in loco ad seram vesperam, atque apertioris suspicionis observatoribus ansam præbenti. Qui demum longo tempore eodem loci constanter inambulantem conspicati, neque ullam tot inclinationum & gestuum probabilem causam assequentes, die quodam repente in ipso P. Gerardi conspectu apprehensum, ad capitalium criminum inquisitores deducunt. Sed cum artibus & minis nullis, sive ex Page, sive Gerardo expiscari possent quidpiam, quod alterutri in præjudicium cederet & noxam, vinculis tantisper adstrictum, acceptâ non multò post multâ pecuniariâ, innoxium dimittunt.

Factus jam sui juris Pages, nihil periclitationibus hisce fractus, sed ad grandiora tentanda magis magisque convalescens, præfidia literarum sacrarum comparanda sibi omni ratione statuit, quorum ope ad sacros ordines provectus, comparatior postliminio in Patriam & aciem rediret, iusta arma hæresi moturus. Ergo in Belgium transmissio Oceano evadens, cum brevi tempore utroque potitus esset, remenso pelago Angliam feliciter tenuit. Ubi Divina Mysteria magnâ animi fortitudine atque industriâ ægris fanisque ministrando, non multò post in manus Quæstorum incidit quidem, sed prodigiosè pene evasit. Dies purificatæ Virginis Sacer illuxerat, cum in domum conductitiam Patrum, ejus hospitam agebat custodem fervens illa Anna, de qua paulò antè in P. Rogerio Filcockio recensuimus, magno numero convenere Catholici, Divinum Sacrificium celebraturi. Et jam ad instructam

Aram sacerdotali indutus apparatus P. Franciscus constiterat, Missam inchoaturus, cum Inquisitores à vicinia indicio accepto domum invadunt, tam celeri furore, ut vix sacras vestes exuendi spatium haberet. Quæ ut erant properè depositæ, unâ cum omni sacra supellestili à superveniente satellite deprehensæ sunt. Pater autem, inter promiscuum turbam se recepit. Verum non sefellisset singulari supra vulgus modestiâ, & vultus majestate Apparitores, nisi ijs fucum facturum quispiam dixisset, operiri collectos illic Catholicos magno desiderio venturum Myrtam, qui jam jam venturus esset. Accidit interim ut fausto eventu fores cubiculi casu aperiret quispiam, per quas furtivè Pater se ejecit, & reducto post se ostio, notam latebræ festinus subiit. Quem cum nullâ deinceps Quæstores industriâ vel sagacitate possent deprehendere, Annam abduxere in Custodiam, gloriosâ postmodum pro Religione Catholicâ, unâ cum P. Filcockio morte defunctam.

His aliisq; inter mille discrimina præclarè in Religionis causa gestis, cum se P. Gerardo carceri jam erepto, & P. Garneto Provinciæ Moderatori abundè probavisset, in Sociorum numerum receptus est, propediem Belgium repetiturus, ut ibi in Tyrocinio sui unius culturæ incumbens, in Operarium fingeretur minimè vulgarem. Sed enim aliter DEO visum fuit, qui in militia Christi Tyroni & Novitio, lauream Martyrij jam decreverat, multis veteranorum longo annorum, laborum, & meritum cursu, sæpe frustra quæsitam. Redibat nocte quâdam à procuratione animarum defessus, cum Muliercula paulò antè Catholica, sed tunc scelerato quæstu vitam & libertatem sacerdotum nundinari solita, eum sequitur, ita pertinaciter vestigijs, quantum vis elabi properantis inhærens, ut improbis denique clamoribus Sacerdotem, proditorem, rebellem, hostem Reginæ vociferans, concurrenti multitudini proderet, & vicinæ traditum committeret; quæ statim ad Popamum supremum Londini juris vindicem traxit, & hic Limbo teterimo omnium, Infernôque simillimo ergastulo mancipavit. Pauculis deinde interjectis diebus, causa illius acta peractaque est nullâ præviâ quæstione, nullâ rei confessione, nullo Actore, nullis testibus, sed solâ Advocati Regij accusatione, à duodecim-viris re<sup>o</sup> Majestatis læsæ pronunciatus, & à Popamo perduellium supplicio addictus est, quod auspicijs Romanæ Sedis extra Regnum suscepto Sacerdotio, in Angliam rediisset.

Hanc



Hanc mortis optatæ iniquam sententiam, tanto exuberantis animi gaudio excepit, ut peractâ à reditu in carcerem apud Henricum Floydum Sacerdotem, totius vitæ confessione, cum is Divinum Sacrificium celebrasset, Pages sui præ gaudio minimè compos, dubitaret, num sibi, quantum vis proximo mane morituro, celebrare post illud fas foret, veritus ne in sensus & voces lætitiæ, quamvis invitus erumperet, non satis condignas reverentiâ rei sacræ. Verùm animos addente Henrico, supremum illud & incruentum, ante suum cruentum, Deo obtulit sacrificium, tanto cœlestium deliciarum affluxu, & quadam intimâ prægustatione, ut nullis ex toto orbe accumulandis cruciatibus diceret se à Deo separari posse. Ut tamen disceret non hæc suis viribus, sed gratuito DEI adscribere beneficio, nec quidquam ex se, sed in Deo & gratia ejus posse, omni repente illo divinorum gustu & quiete internâ destitutus, cœpit incredibili quodam mœrore & tristitiâ percelli, pavore simul & stupore mentis affici, sic, ut toto corpore obrigescens, in eodem perpetuò duraret obtutu, Salvatoris nostri supremam in horto agoniam expertus, quâ cœpit tædere & pavere, ac tristari usque ad mortem. Duravitque atrocissima carnis & spiritûs in eo lucta, usque dum propè horam supplicij adesse denunciaturus carnifex, cubiculum ingrederetur;

hunc enimvero tanquam boni nuntij Angelum excipiens, eâ momento delibutus est cœlitus dulcedine, & ineffabilis gaudij ubertate, ut non ad supplicij, sed ad nuptiarum, & festivitatis locum progredi videretur. Et cum infinitam præ foribus invenisset multitudinem, comitatum sibi ad Tiburnum præbaturam, magnâ voce & constantiâ contestari cœpit Catholicæ veritatis sanctitatem, & ad salutem necessitatem. Moxque se ultro ne in vimineam traham componens, dum alligatur, & per longissima Londini compita raptatur, nunquam à precatatione desijt, agonem suum intensissimâ curâ, paulò antè virium suarum imbecillitatem nimium expertus, Divinæ Pietati commendans. Solutus à crate ubi feralem currum sublimis conscendit, repetitâ denuo Fidei protestatione, ejus causâ libentissimè se corpus laniandum exponere asseruit, non aliâ causâ ad necem damnatum, nisi quòd Sacerdos factus in Patriam regressus esset, ad conferendam animis ad ruinam præcipitantibus, quam valeret Religiosam opem. Palàm deinde professus Societatis Jesu Novitium, dum sacrosanctum illud nomen pronunciat, subtrac-to car-ro hæsit pendulus, donec expiraret. Extractis visceribus quadratim dissectus est, membra ad terrorem per Urbis vicos, caput autem in ponte turre sublimè affixum est. die 29. Aprilis. A. 1602.


## DOMINICUS COLINUS.



Asculi & heroici pectoris Vir Dominicus Colinus, sive cum Regia terrenorum Principum castra in Gallia & Hispania sequeretur, sive cum immortalia sub vexillo Crucis in Societate stipendia mereret, natus fuit in Hibernia claris & splendidis Parentibus, Vici, cui Labranche nomen est, Domini: Cujus etiam avitæ Nobilitatis tessera, ipso, dum sæcularis vixit, loquebatur in agnomine, vocatus more Gentis O Calanus (mos siquidem est Hiberniæ Nobilitati O literam, prærogativæ notam, agnomini præfigere) quod ipse humilitatis studio jam Religiosus, in Colini nomen mutavit. Ætatem sub pijsissima Catholicorum Parentum educatione adeptus maturiorem, trajecit in Galliam; & quia generosos in juvenili pectore fervere spiritus perfenfit, militiam continuè sequi decrevit: religiosâ etiam illâ persuasus ratione, quòd in Chri-

stianissimis castris, non tam Regis, quàm Christi auspicia sequeretur. Flagrabat siquidem tunc domestico correpta incendio Francia; quod illi seditionum ubiq; ferax Hæresis excitaverat; in quo contra Sectarios arma in Regnum & Religionem corripere ausos, quinquennio militavit Dominicus, unius Centuriæ cum laude fortitudinis Ductor, licet annos non amplius 22. natus. Eo bello confecto, alium Martis Campum quæsiturus migravit in Hispaniam, ubi à Philippo Rege in Catholicam militiam auctoratus, & dignis suo genere & virtute stipendijs auctus est. Octo integros in honestissimo Classarij Ducis munere exegit annos, pacificos tamen magis, quàm ullo diuturniore bello inquietos, quibus in Galleciæ Portu, Corunia nuncupato, consistens, cum hostis expugnandus nullus esset exterius, ipse alium, quem impugnaret internum in se invenit. Itaque stativis illis militaribus non ad quietem,





Dominic, Colinus Hibernus Soc: IESU ab Hæreticis suspensus  
et sectus Corkæ in Hibernia. A. 1602. 31 Octobris.

C. Secreta d.

M. K. f.

tem, sed ad Spiritualem pugnam usus, erem-  
berrimæ Sacramentorum usurpationi, quo-  
tidianam rerum Divinarum adjecit lectio-  
nem & commentationem, ex qua implacabi-  
bili in seipsum odio accensus, multis affli-  
ctionibus, & molestiis corpus edomare per-  
gebat. Quod dum ita constanti pietate urge-  
re non desinit, cœpit usu virtutis paulatim  
vitæ severioris cupiditate tangi, & alio jam  
oculo, quàm hætenus, vitæ perennis bona in-  
tueri. Nihil illi sublime videri & excel-  
sum, nisi cæleste; viles è contra haberi spes  
omnes, quas vastis animis ostentat fortuna.  
Certus proinde jam militiam sub Imperato-  
re JESU sequi, vexillum duntaxat inter tot  
diversa militantium Ordinum signa circum-  
spiciebat, sub quo nomen suum & sacra-

mentum diceret. Et invitabat quidem pri-  
mò illum ad se Franciscanæ Discalceatorum  
Familia rigor, tum etiam celebratæ Prædica-  
torum per Hispaniam disciplinæ vigor,  
quod præsertim utrique spiritum ejus peri-  
clitati, ultro apud se gradum sacerdotalem  
offerrent. Verùm diu multùmque re DEO  
commendatâ, & momentis omnibus matu-  
rè ponderatâ, decrevit ipse minimam Socie-  
tatem JESU complecti, inque ea minimum  
Coadjutorum inter Laicos gradum, tanquam  
Sacerdotio vel indignus, vel ineptus, con-  
stanter exambire.

Cùm autem Patres Compostellani om-  
nes (illuc enim ad Tyrocinium cultu corpo-  
ris ornatissimo, in Amicorum & Famulorum,  
pro muneris & natalium dignitate, magno  
comi-



comitatu advenerat) judicarent, quantumvis tricenario majorem, minimè tamen obsequijs & laboribus illi statui proprijs suffecturum, utpote qui servitijs aliorum uti assuetus, in tot corporis & fortunæ gaudijs vixisset. Ipse ut timidam de se opinionem, in singulorum ore ac vultu observatam, factis refelleret, necdum primam Probationem egressus, aut pro sæculari cultu veste Religiosâ donatus, cum sævâ repente lues Collegium illud corripuisset, toto bimestri promptissimam opem laborantibus exhibuit, tantoque ambitu ultima & sordida obsequia ambivit, quanto olim dignitates & officia consecutus est. Sic per omnia periclitationum genera probatam in Tyrocinio Societati vitam, postquam religiosi votis arctius illi adstrinxit, datus est socius P. Joanni Arcero, classem Catholici Regis, pro defensione Catholicorum Hybernæ instructam secuturo. Hic verò ille zelum suum in corpora æquè ac animas Classiariorum exerere, inservire agris, die nocteque omni ope instar mediastini adesse, hortari ad patientiam: salis autem svadere virtutem, inculcare Sacramentorum usum, vitiorum horrorem incutere. Quibus tamen nequaquam distineri se, aut in tantum obrui patiebatur, quin mente assidue cum DEO conjunctâ, veluti in solitudine Collegij versaretur, omne etiam macerandi castigandique sui studium, tam in Oceani cursu, quam post factam in Hybernâ exscensionem retinens, perinde quasi nihil exterius laborum exantlandum foret.

Et hæc nimirum erant spontaneæ exercitationes, quibus ad gravissimas æruminas & calamitates, mox à Fidei hostibus subeundas, animum & corpus durabat. Brevi siquidem ab exscensione in Arce Dombugenfi interceptus, & vinculis contra omne jus gentium, & Sacramenti fidem, ab hæreticis, unus ex omnibus adstrictus est. Pacti namque salutem omnium Arcem propugnantium fuerant obsidentes hostes, & fidem munitione cedentibus servandam, in manibus ipsiusmet Dominici, pacificatoris & internuncij, sacramento firmaverant. Noxæ nimirum indelebili, & fidem quolibet sacramento dejeratâ à periurij labe vindicanti erat, Jesuitam deprehensum esse. Corcam inde militari manu abducitur, manib⁹ instar facinorosi revinctus, & communi reorum ergastulo à Momoniæ Præside, Catholicorum hoste in paucis acerbissimo, includitur. Totum in hoc exegit trimestre, spontanea vinculis adjungens jejunia, & carnis macerationes, do-

nec stato Provinciæ Comitiorum tempore appetente, quibus omnes captivorum causæ publicè agitari solent, judicio & ipse sisteretur. Noluit aliter in Tribunali comparere Dominicus, quàm in consueta Societatis veste; ut si quam aliam fortè à Religionis & Fidei causa captivitatis suæ rationem obtenderent, eam ipso habitu & cultu dilueret. Monsyus Hibernæ Prorex & Comitiorum Caput, magnis eum pollicitationibus ad Reginæ sequendam militiam, partem exercitus illi cum potestate Ducis regendam offerens, pellicere conatus est; mortem è contra, & dirissima tormenta minatus, si in proposito constans, Religionem cum Fide ejurare detrectaret. Accedebant domesticorum & cognatorum deprecationes & invitamenta, vellet suorumque misereri, & tempori servire, nec pertinaciter sibi exitium, & illustrissimæ Familiæ infamiam accerferet. Posse illum secretò Fidem Catholicam in animo servare, & exteriori dumtaxat simulatione ad tempus libidini Reginæ parere. Verùm stetit infractus ad minas & blanditias Dominicus, & utrosque pari constantiâ reiiciens, negavit se in causa tam nefaria posse consilij & mandatis eorum acquiescere; excogitarent supplicia quæ vellent, inferrent tormenta quæ atrocissima possent, nihil tam immane intentaturos, quod non DE I causâ toleraturus sit. Nec alium se in factis exhibuit, quàm dictis prætulerat. acceptâ enim mortis sententiâ, ut perduellium morte Fidei constantiam lueret, plenus hilaritatis in carcerem redijt; tempus resolutionis suæ cum gaudio præstolans.

Non tulit hæc viri Deo pleni solatia crudelis Momoyus; & ut dies supplicio prævios dolorum plenos efficeret, jussit eum barbarâ immanitate, contra omne jus fasque torqueri. Cujus dirissimos cruciatus cum in delicijs etiam ipse reponeret, & veluti præcipuos Cœli favores in gratijs haberet, in furorem scilicet & rabiem acti hæretici, tempus mortis accelerarunt. Ultimâ namque Oâobris A. 1602. elucescente, nullâ habitâ diei reverentiâ, quod Dominica esset, manibus à tergo revinctis, & laqueo in collum injecto, ad furcas educunt; qui in exitu illo Civitatis probrosam Christi ab Hierosolymâ educationem contemplatus, ut dignè improperium Christi portaret, maximâ modestiâ, oculis in Cœlum, animo in DEUM semper erecto incessit, crucem suam eminus magnâ affectûs teneritudine salutans; cui factus vicinus, pronus in genua procubuit, dulcissimèque



mēque patibulum exosculatus, agonem suum D E O ardenter commendavit. Tum Martyrum omnium Exemplar imitaturus, precibus aliquamdiu pro hostibus suis, pro Regina, pro salute Patriæ fufis, magnā alacritate, & immoti vultus constantiā scalas conscendit. In harum summis gradibus consistens, velut è sublimi pulpito ( erat enim cultu Societatis ordinario indutus) cœpit ardenter si unquam aliās, Catholicos hortari, ut fidem constanter ad mortem servarent, Reginz minas, blanditias, Ministrorum furorē, hæreticorum fraudes caverent. *Suspiciate*, inquit, ad extremum, *in celum*, & *quam vestri majores Fidem constantissimè professi sunt, vos etiam nequaquam degeneres tuemini, pro qua vindicanda mortem, ut videtis, ego nunc oppeto.* Et erant hæc suprema Domini verba ad firmandos Catholicorum animos robustissima, cujus à generis claritate, & sublimis fortunæ contemptu notissimè au-

toritas, tam constanter eo loci & articuli asserta, fulminis instar mentes Acatholicorum etiam percellebat. Quod animadvertentes Ministri, nè commotos jam multitudinis animos in hæresi labefactaret, præcipitari de scalis illum præcipiunt. Neque diu in furca pependit, cū palpitan- ti etiam ac spiranti, in pœnam scilicet tam constanter assertæ Religionis, pectus carni- fex dissecuit, & direptis præcordijs elatum cor populo ostentans, solenne illud *Vivat Re- gina* proclamavit: cujus auspicijs postrema ipe ex Hybernis DEO cadens victima, tot innocentum sanguinis ream ad DEI Tribu- nal anteceffit. Corpus dilaniatum Catholici nocte insequente magnā pietate college- runt, & in Sacello, non procul à loco ubi passus fuit dissito, terræ mandā- runt.

## EMMANUEL NERI.

**M** Agnis motibus, & turbulentissi- mis casibus vexata, si quæ alia, fuit nobilis illa Hungariæ portio, Transylvania, ex quò dome- sticum hæresi præbuit hospitium. Varijs namq; vicissitudinibus confli- ctata, modò hunc, modò illum patiebatur Dominum, Tyrannos etiam in quibusdam crudelissimos experta, qui Turcarum & Tar- tarorum auxilijs oppressam, direptionibus & vastationi immaniter exponebant. Respi- rabat quidem illa nonnihil, & in pristinam attolli sortem videbatur sub Principatu Sigismundi Bathorei, trophæis ex Turca rela- tis celebratissimi, nisi progressus secundos infami parricidio turbasset Hæresis, quæ Catholico Principi phyltrum miscuit, animi simul & corporis robur ita depascens, ut gu- bernandæ impar Provinciæ, fasces illius spontaneâ deditione Rudolpho II. Cæsari, cer- tis conditionibus concesserit. Et verò op- tatissima bonis omnibus videbatur hæc in Domum Austriacam Transylvaniæ devolutio, cujus pijs- simis conatibus certa spes erat ab Hæresum immensa colluvie purgatam, ad Catholicæ Fidei puritatem reductum iri. Jamque Cæsaris auspicijs Societate eò redu- ctâ, Regio splendore & liberalitate Claudio- poli Collegium ipsi erectum stabat, Socijs undiq; ad utilem Provinciæ navandam operam eò confluentibus. Hos inter submissus fuit

Romano ex Tyrocinio, necdum Religiosis votis adstrictus Emmanuel Neri, alijs Niger dictus, juvenis ætate minimè grandi, magnâ tamen & adultâ virtute. Qui Provinciâ montibus Italiæ Alpini aditâ ( Pedemon- tium hodie dicitur ) oriundus, juvenilem ætatem optimis moribus exegit, quos ne sæ- culi vitia quandoq; corrumpere, Sanctis virtutum in Societate Jesu Regulis eos ex- colere & perficere constituit. Receptus est in eam Romæ Anno 1601. ætatis 26. ipso festo Purificatæ Virginis, adscriptus numero Coadjutorum temporalium: in quorum proprijs virtutibus ut se quàm maximè Deo & Religioni probaret, sacræ rudimenta mi- litia potissimum in sui despicientia, & Chri- stiana Humilitate posuit. Et cū Obedi- entia, virtutum aliarum in Societate Regi- næ, tribueret plurimum, nihilq; nisi ex nu- tu & præscripto illius faceret, in ijs tamen obsequium præstabat propensius, quæ sensui magis adversa, plus vilitatis & abjectionis continerent. Accedebat magna Divinæ Majestatis æstimatio, & ex illa prorumpens Divinæ charitatis ardor; cujus majorem vim cū sciret non posse exeri, quàm si ani- mam suam pro DEO poneret, ingenti cœpit flagrare fundendi pro DEO sanguinis desi- derio.

Accidit percommode tunc, ut domesti- co Adjutore opus haberent Claudiopolitani focij,





Emmanuel Neri Italus Soc: IESV, odio Fidei Catholicæ ab  
 Arrianis trucidatus Claudiopoli in Transilvania. A. 1603. 9. Jun.

C. Scireta d.

M. K. f.

socij, eumq; Italo fortè sermone magis etiam profuturum, abs Roma peterent; quem cum accuratè circumspicerent Patres, ut ejusmodi Virum in Provinciam periculi plenam, & incursionibus Turcarum Tartarorumque, famosam mitterent, cujus firmatæ virtutis tutò confidi posset, non alium delegerunt quàm Emmanuelem, æquabili semper in virtutum studio constantiâ conspicuum. Appulit eò in summo periculorum æstu, quando nimirum infestis armis Transylvaniam, sceptris Austriacis eripere injusti invasores maximè laborabant; quorum primus Michaël Weyvoda ferro flammisque omnia devastans, feliciter profligatus est, fuis universis copijs à Georgio Basta, Catholicarum copiarum Duce, etiam vitâ exutus. Successit mox pestis alia longè perniciosior, Moyfes

Szekely, sectâ Arrianus, qui Turcicis Scythicisque armis instructus anno 1603. irrumpeus, ejusdem secum farinae Hæreticos Claudiopolis incolas corripit, ut Urbem sibi deditione cederent. Præcipua inter deditionis pacta conditio erat, ut Collegium civium potestati permitteretur, cujus diripiendi, vastandi, evertendi, Patres exturbandi, necandi, jus & fas penes illos unicè foret. Patuit tunc quàm maximè, quos inter cives & vicinos, Urbem socij incoherent. Hæc enim 9. Junij hostibus deditâ, direptum civicâ manu Collegium, dirutum Templum, Gymnasium, Regio exstructum opere vastatum, Patrum alij pulsi, alij vulneribus, Emmanuel etiam morte, confecti. Ductor sacrilegæ manûs Superintendens Claudiopoli Arrianorum fuit, quem secuti Hæresum diversi ministri, &



scholarum rectores, direptis Collegij Templique rebus omnibus, ut ostenderent, in quos potissimum bellum gererent, in gloriosissimum Reginae Caelorum Nomen maledicta conferre, ejus, Divorumque ceterorum statuas obtruncare, & sacra omnia profanare institerunt; ipsum sacrosanctum Domini Corpus, ne quid impietati reliquum esset, violato sacrario in terram effundentes, ut pedibus omnium proculcatum obtereretur. Movit ea res tam immani sacrilegio tentata zelum, & laudabilem iram in Emmanuele, qui facinus intolerandum ratus, ter venerandam Eucharistiam, quam ipse tanto studio & reverentia, Sacristae munere una cum Valetudinarij officio fungens, observasset, sce-

lestissimorum hominum calcibus proteri; verbis acriter invehitus est, & atrox facinus, quod unum poterat, magno zelo exprobat. Verum hi in importunum sceleris sui objurgatorem conversi, pugnis, calcibus, & fustibus irruunt; impactaque capiti securi primum prosternunt, tum sclopo trajectum penitus interimunt. In reliquos deinde socios lymphatus bacchantium, citra mortem tamen desavit furor. Georgio Bartolichio dira verberatione duae costae confractae, Patri Petro Majorio cruentae plagae impositae, omnes, etiam aegritudine lecto affixi, civitate ejecti, & Scytharum Turcarumque feritati expositi sunt.

## EDUARDUS OLDCORNUS.



Ublata è vivis Elisabetha Anno 1602. maxima spes Ecclesiam Anglicanam meliorum incescit, praesertim ubi praconum vocibus successorem in Regno designatum esse percerebuit, Jacobum Scotiae Regem. Quid enim non sibi pollicerentur à Mariae Stuartae Filio, in Catholica Religione tam constantis, ut illius tuendae causam caput tandem ferro carnificis subjecerit? Expectabant ergo si non ejusdem Fidei professionem, venerationem saltem aliquam, & favorem Maternae Religionis, benevolentiam & indulgentiam in Catholicos, ut qui iacturam bonorum & vitae, secuti essent Matris partes. Quomodo enim crederent Anglicanam Puritanorum Religionem propagaturum, cujus Caput Elisabetha Matri vitam eripuerat, ejusdemque Haereticorum Parentem Regem immanis Parricidio sustulerant? cum è contra Catholici, omni semper obsequio & observatione fidem in Regem conservassent: ipso adeo Rege plurimum hoc nomine Clementi 8. se debere profitente, qui peculiari- bus literis Catholicos ad fidem & obedientiam illi, tanquam legitimo Regi continuandam, incitasset. Firmabant eam Catholicorum spem principio magnifica quaedam indicia, Regis ipsius pollicitatio, pari loco apud se futuros Catholicos, ut ceteros Angliae subditos: Religionis & conscientiae nomine, ne obolum quidem passurum exigi; *quin per me, dicebat, vel inde iam fas esto cuius habere domi Sacerdotem, dum ne publice sacra fiant, adeoque privatorum in Tempia convertantur.* Captivi etiam Sacerdotes omnes, qui magno

numero in varijs ergastulis tot annos, veluti sepulti, pene computruerant, morte Reginae suscitati, & Senatûs consulto, eâ lege, ut simul Angliam exirent, dimissi sunt. Inter quos P. Guilielmus Westonus fuit, 17. totos annos diversis carceribus, & per ultimum quadriennium Inferno potius quam ergastulo subterraneo conclusus, in quo, toto illo spatio faciem hominis non vidit, nisi Avernaliûm spectrorum, à quibus atrocissime saepius vapulans, tantis caeci illius specûs, in quem totius carceris sordes confluebant, afficiebatur ærumnis, ut oculis & viribus, & tantum non mente captus inde prodierit; asseverans, quidquid in universa vita passus esset morborum, dolorum, & molestiarum, diei unius & noctis ærumnas, in quadriennali illo carcere exactas, æquate non posse. Verum eò inanes Catholicorum expectationes evaserunt, ut ab inauguratione Regis in eas repente clades projectos se sentirent, in quibus crudellem & saevam Elisabethae memoriam suspicarent, ejusque ferrea tempora, praeter ipsos quibus modò ardebantur, aurea nominarent. Rex siquidem novus dulci illo fraudibus Aulicorum veneno inescatus, ut non humanam solum, sed Divinam etiam sacram potestate, supremum Caput in Regno adoraretur, statuerat, Catholicos, hoc solo quod Catholici forent, proditores esse, reosque Majestatis in primo capite, ut qui Regi ereptum Regni dimidium, Papae tribuerent. Quare uti primis Ecclesiae persecutionibus hoc unum quaerebatur, essetne quis, an non Christianus, eratque satis ad rogam & bestias confessio nominis, non examinatio criminis, sic Angli Catholici solâ





PEduardus Oldcornus Anglus Soc. IESV post atroces torturas, et in equuleo dissectiones, odio Religionis Catholicae suspensus et dissectus in Anglia Vigorniae. A. 1606. 27. Aprilis.

unâ professione suæ fidei prodicionem confiteri censebantur

Quibus calamitatibus ereptâ Catholicis æternum spe omnis fortunæ mitioris, ad desperata & cruenta remedia spectare inconsultâ perfidiâ ceperunt Nobiliorum quidam, duce Catesbyo, qui conspiratione cum duodecim alijs primariæ Nobilitatis initâ (quæ ex cuniculo igniaræ machinationis, in quam erat desitura, pulverariæ nomen accepit) extremum tollendo malo persuasit adhibere medium, ut Westmonasteriensi Palatio, ubi Parlamentum cogendum erat, subiecto cuniculo, omnes Hæreticæ Angliæ Proceres, unâ cum Rege & Principibus Filijs, in auras & fumum eijcerent. In cuius sceleris consilium cum nullum Sacerdotem,

omnia scilicet contraria suasurum, ad legissent, Machabæos idcirco sese appellabant, quos Sacerdotibus exclusis legisset olim D E U S, ad vindicandam populi fidelis libertatem armis, quæ sola tunc aliquid poterant, sola supererant. Jamque dies exequendæ machinationi destinatus aderat, & totius Regni Proceres, Episcopi, summæque Regni Capita Londinum conveniant, cum inopinatò patefactâ conjuratione, authores intercipiuntur, & crimen ultro liberaliter fassi, tormentis tamen dirissimis subijciuntur, ut Jesuitas conscios, imò primos infandæ conspirationis authores fuisse confiteantur. Quod cum constanter pernegarent & inficiarentur, tam in equuleo, quam in patibulo omnes, & magno dolore,

ac la-



ac lachrimabili purgatione sub furca revocaret Thomas Batesys, unius è Conjuratis famulus, eò quòd promissionibus servandæ vitæ inductus, tormentorùmque impatiens, P. Henricum Garnetum, cum duobus è Societate Sacerdotibus, criminis conscios fecisset; nihilominus implacabilis in Jesuitas explicandi odij hanc causam nacti Regij, tres illos pulverariæ conspirationis authores, adeoque Perduellionis reos promulgant. Toto igitur Regno sagacissimâ indagatione perquiruntur, quorum duobus Angliâ elapsis, Garnetus cum Eduardo Oldcorneo, Nobilis Catholici proditione deprehensus, Londinum in vincula adducitur.

Erat Oldcornus Eboracensi Provinciâ in Angliâ natus, à Catholicis Parentibus, post exactam in levioribus literis primam ætatem, ad Rhemense Anglorum Seminarium, ac tum ad Romanum transmissus, ubi inter ardentissima Societatis incundæ desideria, sex annos in Philosophia & Theologia exegit, in omnem interim virtutem, & eorum, quæ à Tyronibus nostris fieri observabat, imitationem intentus, donec tandem in eorundem numerum, jam Sacerdotio initatus, admitteretur Anno 1588. Et quia jam tum firmatæ in aspera quæq; habebatur virtutis, eodem simul die mittitur à Generali Aquaviva in Angliam, unâ cum Patre Joanne Gerardo, paris Virtutis socio, prima ponendo Tyrocinio stipendia, inter Martyrum exercitationes positurus. Periculosâ navigatione defuncti, in desertum septentrionalis Angliæ portum à Navarcho nocte exponuntur, quam perfrigidam, pluviam, cæcamque experti, nascente die ab invicem, ut magis lateant, neq; uterq; simul in hostium potestatem deveniant, digrediuntur, diversis itineribus interiora Regni petitori. Tenebantur tunc non solum Urbes omnes, portus, & oppida suspicacissimis custodijs, sed & silvarum deserta ac avia, pagorum & villarum aditus his septi erant, ubi in omnes alicunde advenas intenti ministri, suspiciosissimo ignotos quosvis subijciebant examini, astuq; omni & arte, an Catholici, hoc est proditores & hostes essent, inquirebant. Horum infidias devitaturus Oldcornus, cum jam aliquantum in mediterranea per cæcos sylvarum calles progressi essent, fausto consilio silvâ erumpens, ad mare regredi constituit, quasi ex mediterraneis Regni pridem domesticus Angliæ incola veniret, & navim mari Londinum trajecturus inquireret. Et juvium dolum Divina Providentia. namque

portui appropinquans, advertit navigium quodpiam Londinum vela explicare, cujus ingressum præcipiti cursu, & nutibus liberè postulans, receptus est absque omni suspitione, velut civis domesticus, qui pridem navigium, & occasionem trajiciendi præstolatus fuisset. Atque hâc arte securus loca omnia pervadens; tanquam unus foret ex nautis, & pridem Regni incola, Londinum admissus est. Ubi continuè operam omnem in salutem & animarum questum, sub directione Henrici Garneti impendit, ad ardua quælibet, & expeditu difficillima adhiberi solitus, quòd indolis fervidæ, ad intricatissima quæque perrumpenda, præfens ingenium, & sanctè pertinacem industriam afferret.

Erat inter reliquas Dorothea nobilis femina, Elisabethæ Aulam à prima ætate in Gyneceo secuta, ejusdemque Hæresi innutrita; ad quam securius conservandam, Palatio Catholici Fratris, sed tunc Fidei nomine carcere detenti, se inclusit, diurnis nocturnisq; custodijs arctè aditus omnes sepiens, ut ne accessus ullus propior Catholico, nedum Sacerdoti permetteretur. Ad hanc plurimò Medicorum artibus frustra sæpius tentatam, & præcipuam toto orbe, propriâ suâ opinione Theologam, Oldcornium etiam mittere Garnettus statuit, experturum, ecquid è saxo durissimo exprimi posset olei. Sed hæc, rationum momenta, Patrum & Scripturæ testimonia, ingenio, quo egregio pollebat, eludens si posset, sin autem, pertinaciam in errore, & arrogantiam femineam urgenti obijciens, omnem illius, uti aliorum præcedentium sefellit operam. Ergo nihil his artibus proficere se videns, in oratione & jejuniio pertinax dæmonium expugnare aggreditur, tamdiu noctes & dies oratione, mensas jejuniio transigere certus, donec manus veritati convicta daret. Spectavit eum Dorothea suæ mensæ convivam, uno & altero die integrè jejunantem, tertioque idem continuantem vehementer mirata est; donec quartâ diei inediâ expugnata, & jam mirè humilis, docilis, & modesta, bidui explanatione de omnibus quæ dubitabat instructa, genibus Patris advoluta est: cujus exemplum familia omnis secuta, totis deinde 16. annis eum instar Angeli domi suæ habuit, magno vicinorum, & totius illius Worcesteriensis Comitatus emolumento, cujus ipse habebatur Apostolus, usurpantibus de illo, quod de S. Joanne Hieronymus, Catholicis: *Omnes illas fundavit, rexitque Ecclesias.* Exinde Palatium illud tanto cœpit sacrorum, concii-



concionum, confitentium usu indies frequentati, ut faciliè majus Collegium nostrorum inter Catholicos putâsses: ita omnibus aderat ut Pater, nulli operam suam, laborem, in spiritu & corpore auxilium subtrahens. Inter quæ jejunijs, cilicio, flagris, vigilijs, pêne inhumaniter, & justo amplius in se deserviens, nimia contentione venam pectoris rupit, nec unquam satis deinde curato malo, copiosum sanguinem constanter effudit. Accessit ad extremum corporis debilitatem, quâ vix pedibus quandoque insistere potis erat, pertinaciter adhærens palato malum, gangrænæ persimile, quod cum nulla vis medica abrumpere posset, ad S. Wenefridam Virginem recurrit. Celebris illic in Walliæ tractu sanctæ Martyri sacer habetur fonticulus, eo ipso loci, ubi caput Virginis resectum deciderat, prorumpens, ad quem susceptâ peregrinatione Pater dum tendit, & peractâ in Divæ honorem Missæ Sacrificio magnâ fiducia opem implorat, repenti sublato omni malo integrè convalescit, non alio usus remedio, quàm lapilli sanguineis maculis notati (quales meros fonticulus ille vehit) ad insanabile ulcus applicatione. Quam ipse reparatam cælitus sanitatem ita integrè deinceps DEI obsequio, & animarum salutis consecravit, ut gestorum ejus famâ longè latèque divagante, magnopere perculsi Ministri, omni studio libertati ejus insidias struerent, neutiquam indagines periculosas evasuro, nisi manibus sanguinarijs ereptum, miris modis DEus liberâisset.

Accidit aliquando, ut Apparitores famosum grassatorem infecuti, Oldcornium nocte iter agentem cum viæ comitibus, qui eundem erant Sacerdotes, interciperent, & Judicis Tribunali sisteret. Qui dum quærere cæpisset, quis? cur ijs in locis, & de nocte? quo comitatu? & cur tanto iter suscepisset; ecce tibi improvisus senex, quis, vel unde fuisset, resciri nunquam potuit, repenti adstitit, tam appositè causam Patriscuitus, ut nullâ de reliquo exploratione Judex adhibita, liberos omnes dimitteret; cum tamen Pater Altaris supellestem, & comitum quisque Breviarium secum haberent. Aliàs Bromleius superatis Palatij Dorotheæ muris, apparitores quàm plurimos per hortum immiserat; qui Oldcornum in horto sibi obvium salutantes dum prætereunt, ille domum eos secutus, se condit in latebras. Quæsitus diu nec inventus, suspicionem movit, ne is ipse in horto salutatus esset, cum præsertim inter domesticos non conspiceretur. Verùm fugâ

elapsum persuasit caballus stabulo absens, quem paulò antè ibidem conspexerant; itaq; ad omittendam frustra per latebras Patris inquisitionem induxit. His digressis equus in prato inventus est, inscijs omnibus, qualiter nemine solvente vel notante, stabulo domoq; totâ exiens, ad pastum prodijisset, ideòq; rem prodigio adscribentibus. Iterum aliàs cinctum se indagine habere Patrem intra aliquam Palatij latebram certi milites, tres dies & noctes inquirebant, plus 20. locis perfosso pariete. Jamq; deprehensâ, quâ crus religabat, fasciâ, non procul illum recondi suspicantes, illummet quo latebat murum quatibant; quorum ictibus ipse signum Crucis ex adverso obijciens, ita lapidem portentose duravit, ut cum nullo recussu instar adamantis sonaret, nullam ibi subesse latebram ratus Bromlejus, infectâ re, triduanum Patri jejunium suo discessu solverit.

Tandem ubi Divinæ libuit Majestati emeritum servum post 18. annos Angliæ impensos, ad Coronam evocare, in eodem campetstri Abingtonorum Nobilium Palatio, unâ cum P. Henrico Garnetto hâc ratione tentus est. Claudebatur carcere Londini Henricus Littletonus Nobilis Catholicus, reus auxilij armato Catishyo, conjurationis pulverariæ authori, præstiti; is ubi inaudisset de tribus è Societate, Garnetto, Gerardo, & Greenvago, edicto Regio proscriptis, acriter cœpit promissis tentari, quibus ad eos indicandos proditores invitabantur. Memor itaq; Patris Oldcornei, cui paulò antè in Palatio Abingtoni ad aram facienti & concionanti adfuerat, cogitavit illic fortè aliquem ex proscriptis cum Patre Oldcorneo se abdere, cujus indicio posset ipse vitam à Senatu Regio redimere. Itaq; indicio accepto Senatus, rem exequendam Bromleyo mandat, qui ducentis equitibus domum repenti eingens, dum portam majorem quatit, Oldcorneus interim & Garnettus latebris se condunt, diversas duas subeuntibus eorum famulis, Nicolao Ovenio, & Rudolpho Asscyeo. Expertus jam antè erat iteratò Bromlejus, frustra se in latebris vestigandis insudâsse; aliâ proinde viâ elicere abditos sacerdotes constituit, acceptisq; à loci Domina clavibus omnibus, scalas omnes, portas, conclavia, porticus, aulas, excubijs complevit, donec ultima fames & necessitas latentes cogeret erepere. Et Patres quidem deliberatum habebant intus inediâ emori, ne egressu proditi, in easdem secum perduellium pœnas totam nobilem traherent Familiam. At famuli



muli eorum toleratâ septem integris diebus sâ vâ fame, mortem Patribus ab eadem metuentes, forâs prodeunt, rati videlicet se pro sacerdotibus tentos, malum ab eorum capitibus in se averfuros. At Bromleyus Oldcorneum de facie pridem notum habens, decipi non poterat; ideôq; alios 5. dies vestigationi pertinacissimâ impendens, tandem ad latebram utriusq; pervenit. Vinâum utrumq; unâ cum Abingtono Worcestrum sive Vigorniam, sed inde exploratâ jam utriusq; virtute, & excelsô animo, honesto comitatu liberaliter habitos, Londinum deducit, carceri mancipandos.

Tria fuere Oldcorneo objecta, propter quâ capitis postulabatur; nullius tamen testis, uno excepto proditore Littletono, fide probatâ, qui tamen spe vitæ, quâ inductus in prodicionem fuerat, dejectus, fassus est in loco supplicij, se accusationes adulterasse, & innocentî Patri crimina affinxisse. 1. Quod P. Henricum perduellionis à Rege damnatum, ad latebras Abingtonij invitasset. 2. Quod duobus conjurationis pulverariæ socijs receptum in Provincia Hexfordiensi per literas sollicitasset, adeôq; ejusdem cum ijs pœnæ reum se fecisset. 3. Quod Catesbeij tentatum facinus, licet eventu destitutum, ut bonum factum, approbavisset. Quæ cum Oldcorneus nullo negotio diluisset, invitatum ad suas latebras Garnettum non inficiabatur, uno tamen & dimidio mense antè, quàm à Rege proscriberetur. Quod si ejusdem occultatio crimini sibi imputaretur, libenter se eâ causâ vitam & sanguinem cum innocente daturum. Quinquies nihilominus posthæc dirissimè tortus est, & quidem vice quâlibet in quinque horas continuato eqvulei cruciatu, ut animo & mente linqueretur, nec posset deinceps manu vel digitis, tormenti acerbitate dissolutis, uti. Quare ubi ad subscribendam causam chyrographo ejus opus fuit, adstrictum inter emortuos digitos calamum, arreptâ illius manu Wadæus ducere debuit. Worcestrum post hæc remissus est, ut Urbe notâ, ad terrorem vicinæ Catholicæ à se excultæ, cum famulo Rudolpho, Abingtono Comite suo hospite, Wintero conjurationis reo, & Littletono proditore, supplicio plecteretur. Productus in judicium, quantumlibet falsò delata in illum crimina publicè denuo revocaret Littletonus, & perfidiam detestaretur, damnatus nihilominus cum ceteris à duodecimviris est, & in carcerem reductus. Detinebatur carcere eodem in grastinum cum

Patre supplicio macandus juvenis facinorosus, & scelerum omnium profligatissimus, qui Patris, & duorum Catholicorum ad mortem magnâ animi devotione, compunctione, & erratorum detestatione, se comparantium sollicitudinem deridens, carcerem joculari licentiâ cantillans obibat, cumque obvijs lusitans, diem illum vitæ postremum nugando transigebat. Hunc nempe conscientie stuporem in Calvinî fide didicerat, Salvatorem per infinita redemptionis merita itâ apud DEUM cumulatè nomina nostra exoluisse, ut velle de nostro aliquid ad obtinendam veniam peccatorum addere, crimen esset sacrilegij & infidelitatis. Cui stultam fiduciam tam efficaciter exprobravit, & fidem Catholicam persuasit Pater, ut eadem supremâ nocte generalem totius vitæ enarrationem instituens, multis lachrimis peccata desleverit, & obeundæ morti religiosissimè se compararit.

Advenit demum designatus supplicio dies. 7. April. quo in crate viminea extensus & alligatus Pater, viâ luto infectissimâ raptabatur, oculis in cælum perpetuò defixis, cum illi ab eo quem Christo lucificerat latrone, egregium accessit decus. Sequebatur ille cum duobus patibulo addictis pedes, verum ad vitandum lutum semitâ domibus vicinâ: cum repente à socijs & apparitoribus divulsus, in medium desilit lutû, cratem raptati Oldcornei proximè sequens. Cumq; ad sicciorè callem revocaretur, *finite me, respondit, quàm possum proximè Patrem meum sequi, qui in vitam æternam me genuit.* Exprobrantibus autem vetera sibi scelera; *scelestum me, inquit, fuisse non nego, sed dum vestra Religionis fui; at nunc DEI & Patris gratiâ Catholicus, summè doleo talia patrâsse.* Ad furcas ubi ventum est, sublatum omnium primò Winterum Catesbij in conjuratione socium, sequebatur Littletonus; qui denuo coram omni multitudine detestatus scelus, veniam prodicionis, & falsò afficti criminis, ab Oldcorneo ultimis precibus flagitavit. Sequebatur hos Oldcorneus, ad cujus scalas ascendentes pedes affusus Rodolphus, eos magno affectu osculari cœpit, beatum se illius viventis famulatu, & nunc morientis societate, voce magnâ proclamans. Ille DEUM pro se, hostibus, & Rege, ardentè precatus, testem DEUM appellavit, nullâ aliâ se causâ damnatum, quàm Religionis in Angliâ propagatæ, & Garnetti hospitio recepti, multò antè quàm id esset à Rege vetitum; ceterum conspirationis pulverariæ se notitiam ullam habuisse,



buisse, juramento negavit. Tandem spiritum DEO, DEI paræ, Divisique commendans, corpus carnifici permisit; qui gradu dejectum, ubi aliquamdiu pependisset, vivum spirantemque ferro laceravit, usitato in proditorum supplicijs more, anno 1606. Occisi innocentiam singulari prodigio ornare voluit DEUS. Defossa namque humo illius exusta vitalia, ignem vivum & flammæ dies 17. emisere, licet copiose cælum plueret, & satellites affusâ multâ aquâ extinguere illum conarentur. Sed & locum, ubi in vincula coniectus cum Patre Garnetto, & tentus fuit, alio decorare portento DEO visum est. Erat intra Palatium, ubi Patres vinciri contigerat, virens area, vario herbarum genere florens; in hujus medio enata est viridis, Imperatoriæ instar Coronæ her-

ba, perfectæ rotunditatis, foliorum tamen genere, colore, figurâ & magnitudine, penitus ab herbis alijs diversa. Et ut miraculo similior res evaderet, necato cum Patribus Palatii Domino Abingtono, cum portæ aræ disjectæ, multos menses omnis generis pecora in desertam arcem intromitterent, hæc alias herbas depasta, unam illam neque protritam pedibus, neque ore violatam ullius, indemnem reliquerunt. Verum cui bruta pepercant, brutalis non pepercit hæreticorum perfidia: invidens namque hoc innocentie servus DEI coronamentum, herbam humotenus resecurit, quæ tamen novâ rursus mirabilitate paulò post in eandem, sed priore formosiore & lætiore formam germinavit.

## P. HENRICUS GARNETUS.

**I**llustris penitus, & undequaque non solum per Angliæ Regnum, sed & toto Christiano Orbe, celebrata fuit mors Henrici Garnetti, odio Sacerdotalis & Jesuitici nominis, & quod intellectam pro Sacro Pœnitentiæ Tribunali pulverariam conspirationem non detexisset, ipsi illata. Patria illi fuit Notingamia, Derbyensis in Anglia Provinciæ Urbs nobilis, Parens publicus illic literarum Professor, à quo instillatam hæresim mordicus per annos juveniles, ad usq; Rhetoricæ exitum coluit, mirè Magistris suis in Collegio Wincestrensi, ob eximiam indolem, & præclaram in studijs industriam, acceptus. Factus Catholicus, licet eum miris modis certarent apud se retinere Stempus & Jonsonus, & ipsi occultè Catholici Professores, spebus tamen omnibus æternorum desiderio calcatis, primùm in Hispaniam, dein Romam transivit; ubi in Societatem JESU cooptatus, Tyrocinium sub magno illo vetustæ nobilitatis, & eximiæ sanctitatis Viro Fabio de Fabijs; superiores autem, tam humanas, quàm Divinas Disciplinas, sub Francisco Suario, Roberto Bellarmino, Benedicto Pererio, Christophoro Clavio absolvit; omnibus Virtutū Religiosarum nomine maximopere æstimatus; cujus jam defuncti innocentiam sibi intimè perspectam, purpurato etiam calamo, à scelerata Anglorum scriptorum infamia vindicandam suscepit Bellarminus jam Cardinalis. Docuit postmodum & ipse Romæ primùm linguam sacram, Methaphy-

sicam, & biennio Mathematicas pro Clavio quæstiones; cui etiam in ea schola successurus Generalis designatione fuerat, nisi recuperata Clavio valetudo, viam ipsi in Angliam referasset. Doluit nihilominus totum Romæ Collegium, ingemuere quotquot Viri excellentissimi dotes noverant; Præpositus ipse Societatis universæ Claudius Aquaviva, in tam incertos eventus illum dimitti ponderans, urgenti missionem illius Personio, dixit: Angi se mirum in modum, quod Agnum mitissimum ad crudele macellum iret expositum. Et quidem à puero cognomentum illi Agnelli apud omnes adhæserat, ob mitissimam indolis lenitatem, quâ si quis unquam mortalium fuit benignissimâ, & pene prælanguidâ, ut nec posset ullus iræ motus vel indignationis in illum cadere, etiam tum, cum de vitæ illius summa, coram injustissimo Tribunali à sanguinarijs hostibus, per conficta nefariè crimina ageretur. Vitâ deinde & conscientia tam fuit inculpata, ut præter castimoniam facto contrario quolibet, imò & cogitatione intaminatam, Deo teste affirmaverit Thomas Staunneyus, ejus in Anglia per 16. ultimos vitæ annos confessarius, eum ad Sacrum Tribunal, nævos duntaxat minimos, & vix culpæ alicui obnoxios asserre solitum.

Obtentâ igitur, quam summis precibus toto vitæ Religiosæ flagitabat tempore, professione Anglicanâ, mense Julio A. 1586. in Angliam appulit; neque ullâ captâ quiete, totum sese animarum lucris impendit.





P. Henricus Garnettus Anglus Soc. IESU. Religionis Catholicæ odio suspensus et sectus Londini in Anglia. A. 1606. 3 Maij

C. Secreta d.

M. K. f.

Post biennium in privata Catholicæ rei procuratione naviter impensum, iussus cum suprema nostris per Angliam regendis potestate præesse, onus sine ullo illic quidem honore, periculi & mortium feracissimum, magnâ fiduciâ in DEUM suscepit. Nemo enim ad necem ab hæreticis quærebatur ardentius, nemo in perpetua latebrarum mutatione vivebat angustius, qui præter proprios casus, omnium periculis afficiebatur, omnium molestijs, vinculis, ergastulis, mortibus affligebatur. Susceptam Provinciam summâ circumspeditione administravit, quâto Catholicæ rei per universum Regnum incremento, tum ex operariorum, tum ex gestorum multitudine patet; siquidem Angliam ingressus, unicum extra carceres invenit

Societatis Sacerdotem, moriens reliquit 40. fructuosissimè occupatos, quos tantâ per annos 18. rexit mansuetudine; ut nihil de illo à quoquam, toto illo tempore, nisi summa cum laude & commendatione scriptum fuerit. Hos ipse idoneis monitis in Viros Apostolicos formabat, urgebat stimulis, & statis anni temporibus in unum collectos, sacris meditationibus excolebat, velut ignem deinde spirantes, & Diabolo factos terribiles, in campum denuo emissurus. Ubi mirâ semper DEI providentiâ conservati, licet jam propè manibus hostium tenerentur, incolumes semper à solitudine sua ad colendam DEI vineam evaserunt.

Indixerat his aliquando communem, ad



ad reficiendos triduanâ solitudine animos, conventum, in quo pijs meditationibus, pœnisque spontaneis assumptis, rationes conscientiae Præposito suo candidè fidelitèrque nudarent, eamque semestri confessione, pro more Societatis, expiarent. Et jam 9. convenerant varijs ex locis ad Londini portas Sacerdotes, in suburbanum illic palatium illustri Matronæ Catholicæ à Garnetto introducti. Die S. Lucae sacro, instauratione Votorum exactâ, & jam discumbentes, sic affatur Garnetus: *Aprandio statim neminem teneo, abire illico, qui volet, potest. Hucusq; enim DEI erat peculiari tutelâ nos cingere, utpote legi ejus in Ordine nostro sanctissimâ satisfacturos; nec me quidquam habebat sollicitum, etsi duplo plures unâ fuissimus; nunc verò hoc nomine exoluti, oportet DEI cura suam unumquemq; industriam adjungere.* Digressis feliciter his, mox superveniunt alij septem, quibus eodem sacro munere perfundis, dum idem Divino planè instinctu inculcat Garnetus, omnes jam jam abituri, paratis ad iter equis fuerant; cùm repentè Sacris priùs operari volentes, multitudo armatorum circumdat. Nihil restabat effugij, præterquam si clausis portis, armatâ vi urbico satellitio se opponerent. Ergo totum Matronæ satellitium correptis armis ad portam consistit, in scarios, invasores, latrones (tales enim se eos credere, quantumvis à Senatu & Judicibus missos profiterentur, sorgebat) opem vicinæ magnis vocibus implorat; dum interim Patres nudato celerrimè Altari, subterraneo cavo recondiderent omnia, seque adeò ipsos numero septem, unâ cum omnibus, quæ eorum facere poterant indicium. Tum demum veluti primùm fori satellites ex fenestra recognosceret Filiafamilias, jussu arma ponere famulitio, portam aperit, & totâ domo præiens, ipsa circumducit. Stabant interim in area complures instrati equi, vestesque diversæ, qui Patres & eorum servos operiebantur jam jam profecturos; qui ne suspicionem hospitum unicè illis quæstorum facerent, piâ arte, ut erat ingenio velox, Puella occurrit. Cœpit enim multis dolere, & graviter queri, quòd eo temporis & diei venissent, quo ipsa iter peregrè destinâisset; jubebatque interim doctos in ejusmodi subitas occasiones famulos, reliqua in viam accelerare, dum ipsa scrutaturos domum, & rogatos ut paululùm festinare vellent, interim circumduceret. Sed in cassum futura erant omnia, quæ bello ingenio fidelissima virago excogitaverat, nisi custodem servorum suo-

rum egisset Dominus. Ferreis siquidem malleis muros ubique pertentantes, calcabant ipsissimam non semel, quæ Patres tegebant, cavernam; quin & latera circa operculum tentantes quatiebant, in cujus planum si ictu fatali vel semel incidissent, exitialis è cavo respondens bombus, latentes momento prodidisset. Sed & domesticam in penetralibus supellestem excutientibus, in manus venit elegans sacerdotis ornatus, & Dominico servando corpori sacra pixis, ex cujus usu quæsitam prædam indubiè olfecissent, nisi mente illis turbatâ hanc occultâisset DEUS.

His aliisque modis, non sinè prodigij specie, gubernationem Garneti sapissimè juvabat DEUS, tam secundis Fidei progressibus, ut totâ Angliâ Hæreticis non alio nomine, quàm parvus Papa diceretur, cui similem Ecclesiâ, & Romanus Pontifex non haberet. Accidebat sapissimè, ut cùm eo numero convenissent, quo possent grande Collegium conflare, consulturi de re illius Ecclesiæ, repentè Londino adesset anhelus nuncius, discessum ab invicem ijs festinatò indicens, ni vellent mediâ nocte armato satellitio præda fieri. Quibus ipse extemplò notas apud diversos Catholicos assignabat domos & latebras, ipse periculum exhibat ultimus. Et idcirco non falsò illi ceterorum sociorum fructus omnes quadantenus ascribi possunt, qui magnâ rerum & agendi experienciâ, non tantùm cuique suam destinabat Provinciam, sed & labores, eorûmq; præscribebat modum, artes innumeras suggererebat, mille cautiones solertis & providentissimæ circumspeditionis ministrabat. Mirâ siquidem pollebat ingenij perspicacitate, exquisitâ prudentiâ, soliditate cordati judicij, & quæ his rarò conjungitur, candidissimâ morum simplicitate, & facilitate; quibus fiebat, ut cuivis, etiam maximè inexperto, & rerum ignaro, libentissimè cederet, suûmq; judicium posthaberet. Atque his virtutibus, non suorum dumtaxat sibi devinxit affectus, sed omnium Catholicorum in Angliâ veluti uno corde amabatur Patris loco, quòd se vicissim diligere ab ipso experirentur ut Filios, certique essent, ità se illius animo insculptos, ut neq; infirmaretur quisquam, neque scandalizaretur, quin & infirmaretur ipse, atque ureretur. Neque id adversarios latere potuit; & idcirco nemo unquam tamentum hostium ambitu investigabatur; quem plus unum valere cernebant ad rem Catholicam augendam, quàm ipsi omnibus suis



fuis artibus & tormentis ad illam extirpandam. Quem cum millies delegatis lictoribus, apparitoribus, & totâ fori colluvie, frustra essent scrutati, per posticum illo sæpius evadente, cum adversarij domum portâ subirent; instituerunt in omnibus Catholicorum & Sacerdotum torturis, præcipuum articulum quærere, ubinam lateret Garnetus? *Anni sunt octo, scribit ipse de se, ex quo nullus torquetur Catholicus, quin ab eo medijs in cruciatibus quærat, ubi degat Garnetus? quibuscum agat? quam Provinciam, quâ veste incolat?* & tamen is plerumque Londini, aut non ita remotus habitabat, cum illuc nova ex Italiæ, Hispaniæ, Belgij seminarijs, auxilia communiter deferrentur; quibus omnibus ipsi de tecto, vestitu, laboris & industriæ campo, prospiciendum erat. Aderat etiam quotidianis Catholicorum per diversas domos necessitatibus, ipsos adeò in carceres Londinenses aliquando se cum satellitio penetrans, ut opportuna captivis socijs ferret solatia; in quem si attentius tunc aliquis oculum fixisset, agnitum deprehendere nullo negotio poterat, ex oris conformatione, & lineamentis in tabella ad vivum depictis, quæ locis publicis passim affixa per urbem prostabat. Prodebat quidem non semel ab illectis magnitudine præmij fidei Catholicis, sic ut scriberet ipse ad sororem suam in Belgium, prodito duplici, in quo latere solebat, hospitio, vagum & incertum sui, hospitium novum se indagare. Non tamen idcirco desinebat ipse protectionis Divinæ securus, operâ suâ Catholicis propè palàm adesse. *Festum enim nihilominus Corporis Christi, (pergit ad eandem scribens) nec sine paratu magnifico, nec sine musicis egimus, & octavo post die pium supplicantium ordinem circa hortum ingentem duximus, ignari domum proditoribus esse obnoxiam.* Quæ tot illius effugia, & frustratas suorum per annos duodeviginti toto Regno positas indagines, dedecori scilicet sibi vertebant Adversarij, & veluti injurijs indignabantur; donec tandem Cæcilius, rerum tunc in Aula facilè potentissimus, Catholicorum, & imprimis Garneti hostis juratus, desperatum, & fatale consilium, tenendi quantocyus Garnetum, Regi suggerat.

Tenebantur pulverariæ conspirationis, præter Catesbium, & tres alios in prælio subitaneo occisos, reliqui socij, & concordi confessione facinus ultro, sine cruciatibus, consciósque omnes post varia examina aperuerant; inter quos nullum ex Sacerdotibus

ac præcipuè Jesuitis nominari, dolebat magnopere Ministris; qui hac occasione immanis parricidij crimine voluissent involutos Jesuitas, non ut conscios modò vel suspectos, sed tanquam auctores & hortatores consiliorum impiorum, immanibus supplicijs totâ Angliâ extirpare, & diris omnibus devotos toti Europæ exponere. Sed cum ne vestigium quidem conspirationis similis ullâ quæstione deprehenderent ex conscijs, tormentis exprimere confessionem quantumlibet falsam aggressi, immanibus adeò cruciatibus conjuratos distenderunt, ut luxatis artibus ferale postea pegma, nisi alienis adjuti brachijs, nullatenus ascendere quiverint. Potuissent dolores humanis viribus majores à quantumlibet robusta mente, uno verbulo redemptionem sui faciendam impetrare, nisi in generosos, omnesque nobiles animos incidissent, qui pari semper constantiâ Garnetum, totâque Societatem à sceleris nedum communione, sed etiam conscientia eximebant, utpote omnis violenti remedij hostes acerrimos, qui ad patientiâ persecutionis Catholicos semper hortati, vim & arma non tantum efficaciter disvalissent, sed etiam eorundem inhibitionem cum censura, ut aliàs sæpius fecerant, Româ procurassent. Unus in reorū censebatur numero Thomas Batesius, conditione servus, cui ortus abjectior nequibat spiritus generosos afflare, faciebatque perfidiæ, si servandæ vitæ fiducia afflungeret, magis obnoxium. Quam ubi ex Cæcilio redimi sic posse speravit, dixit suspicionem sibi esse cognitæ Garneto conjurationis, cujus suspicionis duas afferebat causas, quòd uni ex conjuratis primario solitus esset confitenti aures dare, & quòd non ita pridem ante tentatum facinus, vidisset Garnetum Catesbyo Hero suo loquentem, alteriusque ad alterum tulisset epistolam, neque tamen sciret quid ea contineret. Satis hoc visum est habere evidentia Cæcilio, ut in causæ summam, pro rerum capitalium Tribunalis reis prælegendam, imponerentur Jesuitæ, veluti eorum confessione facinoris complices. Sperabant enim illos inter ea quæ de se fassi fuerant, unâ obliq; ac nihil advertentes, hoc, quod de Garneto, duobusque ejus socijs permixtum erat, asserturos, & habitum iri universâ Europâ illos tantis, & tam insignibus testibus convictos. Verum non sustinuerunt imponi sibi falsam, & Societati crudelem calumniam cordati Viri, quorum omnium una vox fuit, *nihil abs se negari eorum, quæ ad se pertinerent, sed quæ essent ijs inter-*



*interjecta ad involvendos crimini Jesuitas, hoc verò à se pernegari, & fictè falsòque à se confessis inseri. Addidit quin etiam cordatior ceteris Faukessius, prodeat ex nobis, si quis illos accusat, aut cujus testimonio rei sint, vos ipsi edite; si autem nemo est, quid agunt in causa nostra Patres? & quod tam longè à vero abest, cur confessione nostrâ verâ assertum prætexetur? Quæ eadem ex ferali deinde pegmate, in quò excarnificandi erant, ad ultimum usque spiritum constanter asseruerunt; & Batesius ipse spe falsâ condonandæ sibi vitæ delusus, lachrymabili revocatione, quam de Garneto & Socijs suspicionem fecerat, sub patibulo, & paulò ante mortem scriptâ epistolâ, totâ deinde Londinò vulgatâ, pürgavit. Ettamen Cæcilius, qui pro arbitrio versabat Regnum & Regem, persvasit illi, Patres Gerardum, Grenwayum, & Garnetum, pro totius conjurationis, non jam conscijs, sed machinatoribus & auctoribus damnare. Et quidem fatebatur Cæcilius, totum se in parandum exitium Garneto immeruisse, ut in uno ipso Jesuitas omnes, in Jesuitis Papistas universos, & Religionem Catholicam in Anglia perderet.*

*Pependit illico acerbissimum edictum 15. Januarij datum, quò ex conjuratorum, insuper confessionibus certis, totius criminis fabri nominabantur, denunciabantur proditores, capturis præmium, occultaturis aut excepturis crimen, & pœna rebellium ponebatur. Et primi quidem duo feliciter, licet non sine præfenti discrimine, ex Angliâ evasere. Garnetus autem Socijs omnibus Præfatus, ne cui gratiam hospitij exitio supremo rependeret, nec vagus in sylvis, nec securè in cavernis sub terra lateret, precibus paulò antè & invitationi Oldcornei cedens, in Palatium Abingtoni se recepit, ibidem non multò post cum ipso, ut in gestis Oldcornei retulimus, comprehensus. Ad tertium Februarij in carcerem Londini detrusus, quæsit ex captivis, num qui Religionis causâ illo detinerentur? quibus respondentibus, esse verò permultos: consoletur vos DEUS, subjecit, & me pariter vobiscum; eandem ob causam servus vobis futurus & socius venio. Non multò post in turrim conclusus, examina subiit viginti tria, primarijs Aulæ huic muneri semper destinatis, ut magni alicujus arcani estimationem in vulgo conciliarent, cui investigando præcipua Regni Capita insudarent. Spargebant interim Urbe totâ, confesum ultro conjurationis scelus; quin & excogitatum à se cuniculum, præfectum ne-*

*gotio Catesbium, inductos ad scelus conjuratos, invitatos ad occupandum, necato Rege, desertum Regnum externos Principes. Et cum similia ex ipsiusmet ore excepiisse se Viri graves asseverarent, factum est, ut non Angli solum & Hæretici, sed & Regum & Rerumpublicarum Ministri, qui Legatos agebant Londini, ejusdem nuncij Principes suos facerent certiores; fieretque ita Garnetus publicis Urbium, & privatis omnium literis, Orbe toto, conjurationis universæ confessione propriâ primus Architectus. Ad hæc infelicem etiam illum impatientiâ mæroris, dedecore sceleris, & pœnarum expectatione, mente motum; catenâ attineri ut insanum. Quæ uti narrabantur, passim credita, & ultrâ semper studiosè vulgata, magno mærore consternabant Catholicos; donèc solenni indicto Tribunali, publico judicio sistendum Garnetum ad 28. Martij diem innotuit. Ceterum cum examinibus illis juridicis omnibus (quæ non fuisse sinè acerbis quandoquæ cruciatibus retulit ipse Amico; sibi in damnatione fortè assistenti) nihil omnino exprimerent, unde, perduellionis nomine reum facerent; & aliunde nec testis ullus, vel delator saltè & accusator sceleris adesset, conjuratis omnibus ejus innocentiam, morte etiam contestantibus, fixum tamen ac firmum illis erat, Garnetum patibulo addicere, in cujus capite Catholicos omnes, & Ecclesiâ Anglicanam damnare se credebant. Neque hoc Garnetum latere potuit, qui ad Sacerdotem alio carcere pariter Fidei nomine detentum scribens, nulla me, inquit, innocentia absolvet, quò minus reus pronunciet. Obstat enim mihi illud Caypha: expedit ut unus moriatur homo pro populo. Erant quidem multa alia, quorum reus postulari, & juxta iniquas Elisabethæ leges, perduellium supplicio plecti poterat: ut quòd Patriâ Anglus, Sacerdotium auctoritate Pontificiâ suscepisset, revectus in Angliam tot annis Sacramenta ministrasset, Templâ Hæreticorum frequentari à Catholicis nefas docuisset, & scripisset; quæ & alia his adnexa, capitalia illic erant crimina. At enim quia hæc nomina nihil apud externos Catholicos continebant probri, volebant reum ejus culpæ mōri; quæ esset Rei Catholicæ maximè infamis; atque idcirco nervum omnem dexteritatis exeruerunt, ut patibulo addiceretur tanquam inventor conjurationis, & moderator consiliorum Catesbij. In hunc finem fraudem commenti sunt innocenti perdendo ingeniosam, quâ conjurationis*



nis notitiam sibi fuisse proprio ore fateretur.

Carcerem Garneti ab alio ei contiguo carcere solus paries dividebat, cavus interior, ut aliquot hominum capax esset, per quem arte simulatâ, ad similitudinem hiatus fortuiti, rima admittebat mutua utrinque carceratorum alloquia; invento ad reos ex secretis colloquijs per latentes arbitros deprehendendos & arguendos. Translato igitur in vicinum carcerem Oldcorneo, edoctus fraudem à Turris Præfecto Garneti custos, docet illum per eximij cujusdam favoris & amicitiae simulationem, posse, si velit, secreto Oldcornei uti alloquio, toties quoties aluberet; dummodo rem, capitis alioqui periculum sibi creaturam, tacitus observet, Optatissimus Garneto venit fraudulentus custodis favor, nihilque doli, ut erat animo innocenti, suspicatus, oblatam gratiam avidè arripuit. Itaque solitarius ad rimam (consulto enim perfidus excefferat) cum Oldcorneo admissus, neque ullum interesse colloquentibus ratus, ante omnia Confessione sacrâ animum expiavit. Postquam rogatus ab Oldcorneo, etiâne adhuc processus examinum conjurationis protelaretur? respondit, nihil haberi prorsus, unde possit convinci ejus fuisse conscius, quod enim de illa rescisset aliquid paulò antè quàm in lucem prodiret, neminem esse mortalium omnium, præter unum, qui hoc posset testari, conscium, quæ ultima verba in fonti fuere, mortifera. Scripto enim à latentibus in parietis cavo duobus arbitris excepta, confestim à quæstitoribus evocato Garneto fuere objecta. Passus est ingenuè Garnetus, notitiam sibi conjurationis factam paucis antequam erumperet diebus, sed non nisi intra Sacramentale Pœnitentiæ Tribunal; cujus proinde neminem præter unum esse posse testem edixerat, eundem nempe, qui hoc in Confessione sibi aperuerat. Patrem Grenwayum jussu à Catesbyo suum de eadem sensum, sub sacrosancto tamen Confessionis sigillo, exquirere. Quam proinde si non denunciasset, in causa fuisse Religionem Divini secreti, quò Sacerdotum linguas & conscientiam obstrinxit Christus. Ceterum hoc excepto, omnia alia ad everrendum Catesbij propositum se egisse, impulsèque Grenwayum, ut modis omnibus ab immani Parricidio Catesbium dimoveret; qui etiâ precibus ejus pervictus, sanctè, sed fictè spononderit, nihil se moturum, saltem quoad Pontifex de misero Catholicorum statu moneretur. Hunc itaque itera-

tis precibus à se sollicitatum esse, ut Catholicos omnes anathematis pœnâ à rebus novis, in Regem præsertim, ac Regni quietem tendendis, absterret. Et erat hæc damuando conjurationis Garneto quoad Hæreticos causa legitima, neque Religionem ullam secreti Sacramentalis, sed neque Sacramentum aliquod in Pœnitentia agnoscentibus, quia tamen mortem hoc titulo illatam, per honorificam illi apud Catholicos fore, quâ in Martyrij candidatum evaderet, pervidebant, tormentis illum atrocibus discruciare aggressi sunt, ut aliquam extra Sacramentum facinoris notitiam se habuisse, dolorum impatientiâ fateretur. Sed cum eam constanter inficiaretur, diem tandem judicio, & supremæ in eum sententiæ ferendæ indicunt 28. Martij.

Dici non potest, quantis conatibus infudârint Cognitores causæ, ut omnis omnibus, quæ reum capitis Garnetum liquidissimè in Angliâ faciebant, illud solum, quod semper negabat fortissimè, quod nullâ probatione unquam, vel testimonio asseri potuerat, conjurationis stigma illi inurerent. Volumen grande, & tædij plenum conflarent, si excuterentur omnes perplexissimi per 23. examina, in scriptis Notariorum labyrinthi, ad unum hoc evolvendum punctum frustra intricati. Huc etiam faciebat tanto apparatu, non ex plano, sed in theatro editiore institutum judicium, in Aula vexillorum, mediâ Urbe sita, cum aliâs mos esset de reis quantæcunque dignitatis, in Aula Westminsteriensis cognosci. Voluit eidem extra omnem morem, Rex ipse interjecto velo interesse, unâ cum Regina, & Primarij Regni Administris; ut nempe ex Majestate loci, & Assessorum, fucus fieret populo causæ veluti præjudicatæ, & quæ notoriâ immanitate, & ineluctabili evidentiâ, solenniore præter usum damnatione, configi mereretur. Et præferebant id palam, jactabantque impudenter cum Cæcilio Aulæ Ministri, & ad nefarij proditoris judicium exterorum Principum Oratores omnes invitârunt, audituros ex propria confessione, imò & subscripto chyrographo, conspirationis pulverariæ condemnandum Auctorem. Expectabant ergo universi causam paucis conficiendam, clara duntaxat evidentis prodicionis argumenta, & jactatam toties facinoris ex chyrographo & ore proprio confessionem: cum interim Fisci Causidicus Eduardus Cookeus horâ diei 9. in Garnetum actionem exorsus, &



per 6. continuas horas ad 3. usque pomeridianam diſtentionem protrahens, nihil præter inaniffimas conjecturas, & suspicioſas Garneti cogitationum interpretationes attulit, nullâ magis divite orationis materiâ, quàm inveſtivis in Pontificem, Jefuitas, Sacerdotes, & Catholicos recusantes, quos omnes extra cauſam penitus forenſis ſtentor Dæmonibus nequiores perſuadere ſatagebat. Patuit tum demum Legatis Principum, & quotquot aderant, non tantum Catholicis, ſed & Proteſtantibus, fraudulentum Miniſtrorum conſilium, nihilque ſub conſpirationis nomine aliud in Garneto puniri, quàm Religionem, & ex Sacerdotio Catholico ſervatum Sacramenti ſecretum: ubi præſertim Garnetum audiverunt cordatis reſponſis innocentiam ſuam ſedatiſſimâ manſuetudine aſſerentem, & vaniſſimas Cookei ſuſpiciones momento diſſantem. Reſpiravere continuo qui mærebant Catholici, & Legati Principum credulitati ſuæ non mediocriter irati, falſa, quibus Provincias implerant, nuncia revocârunt, cauſam decipiendi publici, ſictæque conjurationis tandem patuiſſe, ne ſolius Fidei & Sacerdotij odio, quod revera fiebat, necari videretur. Invitatus erat inter alios Hiſpaniæ Legatus, ut confeſſionem illius audiret ſpontaneam ( ita enim fore aſſerebant ) in os illi, velut conjurationis architecto ingerendam. Perducto ad finem judicio, cum nec mentio illius ſubſcriptæ confeſſionis interveniſſet, quâ tamen, conjurationem mordicus pernegantem Garnetum, convinci omnino oportebat, quærit Legatus, ubinam ergo illa haberetur? cui reſponſum eſt, haberi omnino; promiſſumque; ut illam videret die inſequenti: ſed hodièque adhuc videndam expectat, exhibendam ad Græcas Calendas. Tenuit iniquiſſimum judicium 10. integras horas, quo omnia verſabant Judices, ut Garnetum conſpirationis reum facerent, & licèt conveniens argumentum nullum adeſſet, damnavere tamen illius reum; re ipſâ non alio titulo, niſi quòd Sacerdos & Jefuita, ſecretum Pœnitentiæ obſervâſſet.

Reductus eſt in Turrim Garnetus, & ſpatio demum unius menſis crate vimineâ ad patibulum raptatus. Erat illud non in Tiburno, ubi communiter alijs ſupplicium irrogari conſuevit, ſed in medio Londini foro, ad majus S. Pauli Templum, ſuper elato pegmate extractum: ad quod protrahitur Garnetus, bene precantes ſibi de fene-

ſtris, ex plano, fronte lætiſſimâ ſalutabat, ingenti delibutum gaudio oſtentans animum, cui ſolius Religionis cauſâ, ceterorum innocentiffimo, ea mors inferretur. Infinita hominum omnis ſtatûs & conditionis, quanta nunquam aliàs, convenerat multitudo, in equis, ſubitaneis theatris, ex tectis, fenestris, magni Jefuitæ, & Catholicorum in Anglia Papæ ( ita loquebantur ) funus ſpectatura, cui redimendo oblata Regi garriebat 80. millia: cupidiffima audire ſcelus conſitentem, & Papiſmo remiſſâ Fide, Calvino illam ( utrumque enim religioſiſſimè pro templorum exedris promulgaverant Verbi Præcones ) obligantem. Depositus è crate, pegma conſcendit; quem ſecuti duo Decani cum alijs miniſtris, à Rege ſe miſſos dicunt, ut vel hæc ultimâ vitæ periodo faſtus conjurationem, veniam ab eo peteret. Ille placidiſſimo aſpectu è crepidine pegmatis populum univerſum conſalutans, petijt, *eſſetne faſ tantisper DEO animam oratione commendare?* Sed Montagutius Recordatoris in Aula munere fungens, ad poſcendam ex Rege prius conſpirationis indulgentiam, impotentiùs urgebat. *Nihil habeo,* reſpondit Garnetus, *cujus veniam rogem, qui ita nullo prorsus unquam Regem leſi, ut etiam omnes modos diſturbandæ conjurationi adhibuerim. Si tamen ſacro illum ſecreto mihi in Confeſſione creditam, & ideo religioſè celatam danti vitio, peto dignentur condonare, quod absq; ſalutis æternæ jactura non licuit aliter facere. Hæc cauſâ, iniquo veſtro jure aequiſimâ, Divino & Catholico injuſtiſſimâ morte, libenter morior.* Hic Montagutius, ſceleſtiſſima fraude verbis Garneti abuſus, quaſi agnitum his verbis crimen retractâſſet; *Audite,* ait magnâ voce ad populum, *Quirites, Garnetus à Rege veniam petit conjurationis.* Sed excepit mox ſceleſtū vaſtri hominis mendacium Garnetus, & *facis,* inclamat, *atrocem mihi injuriam.* *Negavi me Regem offendiſſe, & pernego, negavi me quidquam veniâ dignum admiſiſſe, niſi ſilentium rei in Sacramentali confeſſione accepta.* *Negas igitur, obijcit impudentiſſimus Montagutius, cujus tamen habemus tuâ manu Chyrographum, conjurationem tibi extra Confeſſionis Tribunal perſpicuè innotuiſſe.* *Nego,* inquit Garnetus, *& pernego, ullum aliunde ejus iudicium ad me perveniſſe.* Videns ſuam Montagutius coram univerſo populo ſamam in arcto poni, ſcrutatus primùm ſimulatè ſinum & ſaccum utrumque, velut illud apud ſe habere crederet; mox unum, ex famulis vocans, hoc ipſum velut in manus illius paulò antè depositum, ab illo re-



petit: negante interim audenter, ardentèrque Garneto, futurum unquam, ut tale aliquod suum chyrographum proferatur. Magna inde populo facta est expectatio, utra pars mendacij convinceretur; quæ mox infum & cachinnos, cum æterna sycophantæ infamia, evanuit. Excusante post longam faccorum scrutationem famulo, scriptum illud alicubi à se repositum, ubi verò, se nequaquam meminisse. *Neque verò meminere, aut reperiens usquam gentium*, subjecit Garnetus; *siquidem res aliter se non habet, quam in æternitatis confinijs positus nunc assero, cujus testem appello DEum, & salutem æternam pignus pono.* Atque hanc suam innocentiam dimidio ferè horæ spatio pluribus ad populum contestatus, multum etiam sibi gratulatus est de die illo inventioni S. Crucis sacro, qui erat 3. Maij, morti suæ destinato. Tandem Catholicos vehementiùs ad malorum tolerantiam exhortatus; à ciendis simul tumultibus, conjurationibus, & violentis remedijs, quæ nec Deo, nec ejus in terris Vicario probarentur, eos abstergere laboravit. Tum DEum ardentèr, licèt perpetuò à Ministrellis interPELLARETUR, precatus, vestes posuit, ut solent, quibus detrahenda sunt viscera, & longo in indusio, utrinque ad tibias colligato, constitit, ut nihil posset, etiam aurâ perflante, oculos honestos ferire. Mirum est, quàm ea tota servi DEImodestia populum conciliaverit; inter cujus optimas apprecationes liberis manibus scalas conscendens, Carnificem rogavit, ne se, nisi admonitus, gradu deijceret. Atque tum iterum populo valedicentem, & Catholicam Fidem ardentissimè supremum suadentem, interpellavit nonnemo: *Atqui sperabamus te nostrum fore, velleque, uti sponderas, protestantem mori.* Nunquam omnino, reposuit Pater, *tam exerrabilis mentem meam voluntas subjicit, qui pro Catholica Religione, mille si possem mortes subire paratus sum.* Post quæ DEO iterum animam suam, Regem, Principes, filios, Senatum & Regnum universum commendans, laqueum collo induit, & S. Crucis identidem signo se muniens, cum hac prece: *Adoramus te Christe, & benedicimus tibi: hoc signum Crucis erit in celo, cum Dominus ad judicandum venerit:* Carnifici innuit: à quo scalis dejectus, cancellatis in crucem ad pectus liberis manibus, quietissimè peependit, vultu planè renidenti, & nec mortis angustijs, nec doloribus turbato. Parabat quidem Carnifex semivivum de more discerpiturus, aliquoties laqueum abrumpere; sed populi clamoribus toties

prohibitus est, expectare jubentis, dum animam egisset. Qui etiam deinde caput cum corde exenterati proferens, neutiquam solenne illud: *Vivat Rex*, sed maestissimum retulit silentium: consentibus viris gravissimis, plus utilitatis Rei Catholicæ morte suâ Garnetum attulisse, quàm vitâ per annos 20. quantumvis Apostolicè transactâ.

Certatum deinde magno studio à Catholicis est, ut diriperent aliquid ex ejus reliquijs; cujus indusium Marchio à S. Germano, extra ordinem Regis Catholici Nuncius, magno pretio redemit: alij alia, quanti Carnifex edixisset. Præcipuum retulit Joannes Wilkinsonus, qui extraordinario penitus, nec ullâ animo quietem relinquire instigatu, quo ei procerto spondebatur, fore, ut aliquid videret in viri innocentiam mirè faciens, adactus, proximè pegma constitit; ubi dissecto quadratim corpore, dum occasionem aliquid tollendi opperitur, ecce tibi spica quædam ex stramento, quo theatrum ad imbibendum lanienæ cruorem confectum erat, Garneti conspersa sanguine, nec opinanti in manus incidit, quæ genuinam Garneti effigiem, in unica cruoris gutta perfectissimè expressum referebat. Hanc cum summi infimique certatim, etiam ex intima Regis aula magno stupore inspectam mirarentur, & Rex indignè ferret, Divino testimonio prodigiosè absolutum videri, quem ipse Majestatis reum damnarat, Inquisitionem Cantuariæ pseudo-episcopus instituit inspicere authores, & portenti promulgatores, qui non minùs constanter rem naturæ viribus majorem asseruerunt, quàm pictores hæretici, ut miraculi pondus similis in culmo Imaginis expressione eluderent, acciti. Ingenue namque pernegarunt, humano rem posse perfici artificio. Accedebat aliud totâ Londino celebratum; Caput Garneti paulo præfixum in Ponte Tamefis, cujus species, lineamenta, color, conformatio, per multas hebdomodas nativus oris habitus, nullâ re penitus à vivente diversus, universam Urbem ad sui contemplationem provocabat. Et verò cælitus etiam prodigij opinionem spicæ illi asseri judicabant, qui miraculosè per eam se adjutos existimabant. Ex quibus Matrona Nobilis periculoso enixu ad vitæ desperationem adducta, reverenti ejus spicæ attacku puerum continuè incolumis enixa est. Alia ex gravissimis morbi doloribus fato vicina, ut primum spicam religiosè manu comprehendit, momento convalescens, semihoræ spatio ad consueta munia exel-



exequenda redijt. Nobilis item Hispani filiolus anno 1611. violentâ febris Gadibus de spe vitæ dejectus, applicato linteolo Garneti sanguine delibuto, illico ab æstu recreatus, postridie ex integro sanus evasit. Sed præcipuo loco censendum est, quod meritis & precibus Garneti retulit P. Gerardus, eâdem cum Garneto proscriptione conjurationis damnatus. Hic Adversariorum manus ex Anglia fugitans, in portum evaserat, unde Hispaniæ & Belgij Legati solvebant ad reditum. At ij, quidquid Naucloero promissum esset, negant se in navim admissuros; maximo Regiæ indignationis periculo absteriti, si resciret ereptum sibi hominem,

quem habebat pro hoste & infidiatore. Dies erat Maij tertius, Garneti supplicio dictus, hora & punctum temporis idem, quo Garnetus necabatur; cùm repentè mutati animis Legati, ultro & inexpectatò accersitum, vestes non satis tutas ponere, & familiarium comitumque suorum cultu ornari jubent. Itaque adversus exploratorum insidias munitum, in navim secum adducunt, & velut unum è suis in via & Belgio habent: qui proinde annos quibus superstes vixit 31. omnes sospitatori suo Garneto debere asseruit, meritorum ejus non solum disertissimus laudator, sed & perpetuus imitator.

## NICOLAUS ODOENUS.




Idissimi, & perquam utilis famuli munus apud P. Henricum Garnetum, & P. Joannem Gerardum, 18. annos egit, magnus in pusillo corpore DEI servus Nicolaus Odoenus, sive Owenius. Hic in medio Nationis pravæ ortus in Anglia, vitam penitus vixit innocentem, & ab omnibus sæculi illecebris intaminatam; quem etiam Virginem mortuum sanctè testatus est, qui ab usque puero labe animi recensentis conscientiam inspexit. Præcipua, quam Societati in illis Regni procellis exhibebat opera erat, fabricatio latebrarum, & servandis contra repentinis hostium aggressus Sacerdotibus, cuniculorum structura. Hos ille subterraneis semitis ducere, intermedijs muris recondere, recessu impenetrabili sepelire, anfractibus & mille mæandris intricare, arte, quâ sibi parem non habuit, incomparabili noverat. Et quod erat operosius, cavernæ aditus dissimulabat, specie prætexebat tam alienâ & peregrinâ, ut nihil minùs quàm ingressum, autos latibuli loqueretur. Porro eos ipsos, quos fabricasset recessus, ita apud se occultos servabat, ut nunquam latebram unius, alteri notam faceret Catholico; unde eas designabat, & construebat solus, procul omni arbitrio, inexhaustâ industriâ & labore, licèt perrumpendi plerumque forent grandiores muri, saxa excavanda brachijs solidioribus, quàm forent ipsius in pusillo & infirmo corpusculo debilia, quod illi etiam ad ascitium nomen Joannis, Parvi cognomen attribuit. Atque hoc ejus artificio plurimi à vestigatorum rabie servati sunt Sacerdotes, nec facilè inventus est aliquis, qui non latebris illius

vitam sæpius deberet, beneficio in omnes Catholicos redundante, quorum progressus, & Divina usurpandi facultas illi debebatur. Quem ipsū in struendis, tam prosperis eventibus, cavernis, successu, eximiâ suâ mercari à Cælo videbatur pietate; quandoquidem aliquam aggressurus, à sumptione SS. Eucharistiæ sumebat initium, progressum autem juvabat continuâ precatone, exitum offerebat soli DEO, nullum unquam laboris admittens pretium, præter meritum charitatis, & solatium operæ, in Catholicorum fructum & utilitatem impensæ. Fremebant interim hæretici, tantum numerum operarum impunè toto Regno vagari, quantum nunquam aliàs, nec quantalibet proditorum & emissariorum arte, è manibus penè labentibus Sacerdotibus, deprehendi posse, latebrarum fiduciâ securos: ideoque dici non potest, quanto odio apud illos flagrârit, quanto studio earum latebrarum artifex Owenius inquisitus sit.

Hanc ejus indefessam pluribus annis operam expertus Garnetus, quâ pro Catholicis non posset Sacerdos strenuus utiliorem præstare, legitimè illum Societati auctoravit; quod etsi studiosè cealrent Patres, ne si Laicis pateret in eam aditus, cogerentur multos primæ Nobilitatis, qui admitti rogassent, repulsâ offendere, ut qui nullâ re possent utiliter in Anglia occupari. Nequij tamen Owenius ita famulum simulare, quin suâ virtute Religiosus non obscure prodertur, ideoque æmulos habuit conditionis suæ magnos viros, qui cupidè eam à Garneto ambivèrè. Eminebant enim in ipso probatissimi Religiosi virtutes, assiduum precandi





Nicolaus Odoenus Anglus Sac. IESU. odio Religionis Catholicae tormentis enectus Londini in Anglia A. 1606. 12 Nouembris.

C. Screti del.

Melchior Kufell f.

studium; paupertatis amor tantus, quantus filioli in Matrem esse potest charissimam; in afflictationum usu spontaneo ardor pene nimius; patiendi pro Christo desiderium inextinguibile, cuius multiplex dedit specimen, tribus vicibus ergastuli pœnis & tormentis ad satietatem hæreticorum afflictus. Primæ captivitati eum objecit libera Campiani, cuius etiam servus fuerat, ut innocentis pro Christi Religione necati, palàm & publica laudatio; cuius impatientiâ Ministri protestantes, sædissimo ergastulo inclusum, catenam coegerunt diu è tibia gestare ferro gravem: cui ipse pœnas spontaneas adjiciens, cilicium horridum perpetuò circumferebat. Adhæc vidit illum quandoq; Pater Gerardus colaphorum densâ grandine à famulo

Custodis operiri, silentem ad injuriam & dolorem. Translatus ex hoc ad sædus aliud, cum tribus socijs, ergastulum, tam dirâ ac diuturnâ fame tortus est, ut uni ex socijs per inediam vita erepta sit. Ipse autem spirans mihi, scribit idem Gerardus, cadaver apparuit, tam stipatis pediculorum & vermium examinibus oppletus, quàm egesta à talpis in cumulum gleba, cursantibus abundare formicis solet. Evasis nihilominus inde incolumis, P. Gerardo famularem deinceps impensurus operam: donec cum eodem comprehensus, & præter putidum denuo Londini ergastulum, quæstioni admotus est. Cùm autem neque pretio, neque minis blanditijsve induci posset, ut indicium Sacerdotum aut Catholicorum faceret, suspensus est è manibus ferreas indu-



indutis manicas, & tres amplius horas pendit sublimis, corpore convulso, nervisq; contentis, tantò atrociùs, quantò pedibus onere prægrandis ferri appenso, libratiùs gravebatur. Sed & his, divinâ spiritûs vi obarmatus, fortiter superatis, nihil unquam edidit, quod cuiquam obesse Catholicorum posset; demùmque ingenio & arte feliciter usus, iterum carcere non tantùm evasit, sed & P. Gerardo è turri Londinensiclam elapso, in tempore adfuit, sublatùmque in eqvum, ante crepusculum ad Garnetum, tunc ruri degentem, attulit, magno utriusque gaudio, & Catholicorum gratulatione. Quod quomodo acciderit, quia simul narratio exactam torturæ Anglicanæ descriptionem, à P. Gerardo confectam refert, juvat hic apone-re. Hic enim ille est Gerardus, qui & Odoëni in carcere tormentorùmque socius, ope ejusdem ergastulum & mortem evasit, & postmodum servitijs ejusdem usus, tandem cum Garneto pulverariæ machinationis falsò damnatus fuit. Ut adeo penitus ad propositum futura sit inserta de eo, quantumlibet prolixior hic narratio.

Compluribus jam mensibus P. Gerardus arcto in carcere tenebatur nullo tentatus cruciatu, donec Sacerdos quidam, ejusdem ergastuli incola, in spem libertatis adductus, apud Regios nefariâ prodicione eum insimulavit, frequentioris literarum cum Garneto, per Nicolaum Odoënum internuncium, communicationis. Nullâ poterant Ministri Reginæ accusatione ardentius incendi, ad extorquendum quovis tormento, ubinam Garnetus lateret; quem tot annis nullâ vi, nulla fraude, perfidiâ, emissarijs, sumptibus, authoritatibus deprehendere potuissent. Judices quinque ad Bartleyum Turris Londinensis Præfectum convenerant; qui cùm blanditijs se nihil proficere viderent, ad horrendam illam & formidandam specum, reis torquendis destinatam eum deducunt. *Et ibant* (placet enim verbis ipsius deinceps narrationem pertexere) velut supplicabundi procederent, portantibus funalia famulis, & prælucentibus ad subterraneum ingressum. Vastum intus & terribile armamentarium, vario instructum reorum excruciantorum apparatu, quorum singulis effem admovendus. Proin mihi maturè consulerem, hortabantur; quærebantq; num vellem deniq; mandatis parere? negavi me velle, flexisque genibus paulisper oravi. Produtor inde ad alteram ex duabus, quæ tectum fuleiebant columnis, cujus summa ex parte

porrigebant se quædam ex ferro organa, uncinis instructa & annulis, ponderi sustinendo aptis. Mihi arteria manûs divisim utriusque circulo ferreo cingitur: fulcra duo suppedanea vel tria conscendere jubeor, & sursum brachia tollere, quorum seorsim ad singula insertus utrimq; per manicas bacillus, seorsim item per columnæ anulos transmittitur. Fulcra demum, quibus institeram, paulatim subducuntur, & corporis totâ mole de manibus pendeo. DEum illic aliquamdiu precatus, interpellor à cognitoribus, vellemne, quæ poscebar, fateri? nolo, inquam, quia nefas scio. Erâtque jam tanta doloris acerbitas, ut illa quatuor efferre verba ægrè potuerim. Vexabat autem tormenti atrocitas potissimùm pectus, ventrem, brachia, & manus, in quas mihi videbar quidquid erat in corpore sanguinis mittere, & extremis expressum digitis fundere, quod tamen reipsa non fiebat. Sed intumuere tam deformi aspectu manus & brachia, ut tumoris labra manicas sepelirent: eoque tunc accrevit dolor, ut animo linquerer, nec putarem posse diutius perferri. Nunquam tamen animo succurrit efferre, quæ tacenda erant: sed magno potiùs DEI dono luctantem in extremis refovit hæc cogitatio, quòd optâssem pro Christo toties mortem oppetere; tunc tempus agi rem, nec defuturum mihi suâ ope Christum. Hoc desiderio moriendi recreatus est non mediocriter spiritus, visique sunt dolores corporis minui. Delegati meo abacti silentio, robustis custodibus me servandum relinqvunt, adjuncto mei carceris custode, qui fronte sudorem detergebat, quo totus continuò madebam. Mandatum etiam sibi ajebant, me tamdiu torquerent, donec aut animam inter cruciatus egererem, aut quod premi secreto dolebant, ederem. Precabar interim submissâ voce, ut poteram, JESUM & MARIAM, quo à verbis illorum attentionem avocarem. Post horam correptus deliquio, sed brevi, ut suspicatus sum: nam pondus corporis tantisper brachijs statim erexere, & fulcra pedibus reddidère, quoad animum recepissem. Atque hic denuo, dum animadvertunt restitutum, denuoque orantem, iterum me tormento admovent, removentque fulcra, repetuntq; has vices horarum quinque spatio, novies, prout defectiones vitæ, quibus violentis opprimebar, cogeant illos ne morerer cavere. Redit quinque post horas Vadeus, vides, inquit, tuoque experiris damno, Reginæ parandum, ejusque Consiliarijs. Dic ergo sis



vel nunc, quod tibi fuerat conducibilius antè dixisse. Ego, urgetis, inquam, idem quod antea, proin idem vobis quod antè respondeo. Saltèm, ait Vadeus, dic te Regij scribæ Cæcilij colloquium poscere. Ne id quidem, ajo, facturus sum, quòd nec illi quidquam dicendum habeam, & offensionem futurum sim suspicaturis, me victum cruciatu, aliquid ei quod erat tacendum indicasse. Ergo, inquit discedens & frendens Vadeus, illic pendens putresce, dum membra tibi frustatim defluant. Post aliquod tempus ex tormento depositus, etsi nec tibijs, nec pedibus læsus, in pedes tamen nequivi consistere, reportatus igitur sum in meum carcerem.

Postridie referor ad hesternam mei supplicij columnam: sed non potuere manibus indui circuli ferrei, nisi intra sulcos, quos grandes pridie impresserant: sic intumuerant cetera, ut nullus par ijs esset circulus. Suspenso doloris quàm prius sensus atrocior vexabat manus, ex quibus pendebam, mitior ventris & pectoris: quare mente & ore precando absque deliquio animi duravi aliquamdiu; sed supervenit defectio virium & sensuum tanta, ut ijs non possem restituui. De me solum hoc scio, uti oculis ut capere, video me in trunco sedere. Exprobrabat mihi hic Eques Bartleyus silentium pertinax: sed tantum mihi DEUS affudit vocis & pectoris, ut referrem, malle me millies, si toties possem, vitam profundere, quàm hominum gratiâ DEum offendere. Misereri me visus, admonuit tamen, nondum horam fluxisse torquendo destinatum, iterandumque sub vesperam tormentum. Ergo, inquam, eamus. Conatusq; frustra in pedes assurgere, alienis manibus ad meam columnam accessi. Et hos mihi animos suggeri in gratiam Societatis agnovi, cujus licet maximè indigna, pars tamen sum aliqua. Alligatus ut prius, summum quidem probavi corporis dolorem, sed magnam animi voluptatem, profectam, ut reor, ex desiderio moriendi. Mihi quidem certò videbar moriturus, & consolabatur me singulariter divini placiti constans amor, spretâ cujusvis mortalium voluntate. Nondum horâ integrâ pensilem me, dum custos meus lacrymosus carceri redderet, protulit pauxillum aliquid quo refocillarer: sed emortuis manibus exiguum illud quod sumebam, cogebar terere in minutal, orique indere. Reviviscentibus deinde digitis, quod carpere poteram, non tactu, sed pondere sentiebam. Post menses verò tres sensus manibus redijt, sed æger & stupi-

dus; nec nisi post menses inde sex, cum me Turri subduxi, manus ad officium integrè rediëre. Hæc autem ratione ex Turri illa evasit.

Stabat ex adverso ejus, quâ claudebatur, turris alia, horto interjecto, muro & fossis propinquior, quæ castrum cingebat. Ardenum habebat virum Nobilem, Catholicæ Fidei ergo decennem captivum, suo velut sepulchro carceris, dum absumeretur, derelictum. Is custodis sui conniventia, in plumbei tecti plano, liberiores auras dum quotidie captaret, Patri, mox ut in suo ergastulo comparuisset, flebat genua, quærens sibi ab ipso benedici. Ac Pater quidem carcere in cellulam verso, post iterata integro mense S. Ignatii Exercitia, inter continuum anni totius jejunium, quotidie pariter suam sanctam fallebat pietatem, recitabatque totam Missæ formam veluti celebrans, & spiritualiter Christi corpore reficiebatur. Sed Julij ultimo anni 1597. die S. Ignatio solenni, sanctiori instinctus cogitatione, speravit posse rem divinam ex vero in Ardenij carcere facere. Ardenij enim uxori bis quot hebdomadis licebat, recens linum, & alia privatim necessaria, marito deferre: fore igitur primum, ut supellectilem Altaris totam, paulatim ad eum deferret. His mente versatis, significavit Ardenio varijs nutibus, missurum se ad illum pia munuscula, cruculas ex mali aurei cortice effictas, & precatorios globulos, quos succisivis horis concinnabat; sed chartam explicaret, quâ involverentur, ad moveretq; illam igni, lecturum in ea quid vellet. Succo enim malorum aureorum (quæ illi subinde custos carceris largiebatur) conscripta, quod calaverat candore, ignis objectu infuscatis literis, legendum referabat. Ægrè quidem, sed tandem & nutus, & succo mali aurei velatum charactere percepit Nobilis, & Custodis gratiam nummis expugnavit. Hic postridie natalis Deiparæ Gerardum ad Ardenium introducit, sollicitè, nil suspicans, concludit: qui nocte totâ in præparatione ad sacrosancta mysteria, decem annos Ardenio frustra expectata, solidè impensâ, consecravit simul 22. hostias, quas secum in solatium, & futurum mortis viaticum referret. Posthæc dum multa inter se loquuntur, advertunt ab ea turri tam propè abesse tum fossam, tum & fossa murum, ut non videretur fuga insuperabilis, & si cui pectus non desit, etiam prona & facilis. Ergo rem ad Garnetum, ex ejus sententia, sive remanendum, sive fugiendum



endum judicasset, facturi, per internuncium deferunt. Ille ex Catholicorum Nobilium sensu, fugiendum, si tutò, & vitâ incolumi possit, respondet. Ergo hi modum fugæ intus per literas digerunt, Amici foris ex conditio apparatus curatione moliantur.

Certâ nocte adfuturi erant in scapha prono Tamesi Joannes Lillius, & Richardus Fulvodus, linum singuli ad pectus candidum, ut internoscerentur, præferentes: quibus scapham ad turrim applicaturis, Gerardus cum Ardenio funiculum demitterent, & alligatum illi ex navicula rudentis extremum, sursum ad se attollerent: cujus extremum alterum ad truncum arboris tutri oppositæ fortiter adstrictum, & quantâ posset vim maximâ tensum, cum fossam velut ponte junxisset, commendarent se Deo suisque; brachijs, quibus per funem illum fugam promoverent. Rebus ita consultis, expugnatoque iterum nummis Custode, ut Gerardo noctem in Ardenij carcere iterum indulgeret, tres scripsit Gerardus epistolas, quas esset à fuga in turri relicturus. Primam ad carceris sui custodem, quâ eum evadendo capitis discrimini ad fugam invitabat; adfuturum certâ domo (quam designabat) equum, & viæ ducem, à quo in tutum salvus subduceretur, habiturus quamdiu viveret florenos in annum ducentos, & omnia ad vitam necessaria. Alteram ad Bartleyum Castellî Præfectum, quâ omnem à custode suspicionem amovebat. Tertiam ad Regium Senatum, quâ fugæ causam recensebat: non mortis timorem, ad quam paratissimus staret, sed mortis iniquæ injustissimas causas, quibus vita & fama Garneti, Viri sancti & innocentis, coactè petebatur: se fugâ, naturæ jure innocuis concessâ, servare voluisse, ut animorum prodesset saluti. Adest interea gerendæ rei articulus, ejus eventum cælitus fortunari oratione, indictis jejunijs, elemosynis, afflictatione sui, votis etiam quidam in totam vitam factis, procurare certant Catholici. Primum ejus tentandæ conatum inanem fecit è vicinia Vir, illos in scapha conspicatus, eisque collocutus: ex quo illi putarunt, cautiùs nocte illâ nihil experiri. Sed cum prono feruntur Tamesi, pleno maris redeuntis fluente impares, abripiuntur in trabes pontis intersertas parastatis, DEum & homines in opem magnis clamoribus vocantes. Actum erat de illis, nisi grandis, & periculo par accurrisset navis, & jactis è ponte funibus emerſi constitissent. Amisſis rudentibus & scaphâ evadentes, spectabat au-

diebátque è turri cum Ardenio Gerardus: & suo se uterque carcere, Amicorum præcipuè mæsti infortunio, abdidere, omni alexæ denuo mittendæ positâ cogitatione.

Sed primo mane scribit ad Gerardum Lillius, bene omnia per DEI gratiam post naufragium habere. redirent postridie horâ eâdem, & operirentur adfuturos. Extorâ duplicato pretio Custodis veniâ Gerardus tertium cum Ardenio pernoctandi, advertunt cimbam surdo remigio propinquantem, filum projiciunt plumbo ad pondus faciendum alligatum, trahuntque ad se innoxum rudentem: quem firmis ad prostrans è turri tormentum bellicum adstringunt nodorum vinculis. Vice versâ qui erant in cimba, truncum arboris ingenti colligant, & vehementissimè intendunt. Verum haud valuit vim tantâ intendi, quin tanto, quod jungebát spatium, flaccesceret, & in arcum penderet, sic ut per eum equitaturus non satis sui pondere juvaretur, sed nervis opus esset ad superandam illam rudentis curvaturam, & dexteritate ad æquilibrium tenendum. Utrumque tamen metu æterni carceris, aut mortis indubiæ, feliciter exegit Ardenius. At Gerardus lentato jam laxiùs, quàm fuerat antè, rudenti se committens, accitâ in auxilium DEI Matre, & carceris ejusdem duobus ante se incolis Southuuello & Walpolo, aliquantum confecit viæ. Sed nervorum defectu mox in supinum everſus, pependit è cannabe, promovitque nihilominus usque ad medium. Hinc prorsus defectus viribus & halitu, nec valens transversum digitum procedere, statuebat se quis præfocandum, cum ruinæ proximus in fossam immineret. Ergo collecto quod supererat extremo spiritu, evasit ad murum extremis pedibus tangendum. Inde illum adrepens traxit Lillius in terram exanimum, & balsamo modicè recreatum cimbæ imposuit. Post secto rudente de turri pendulo, in adversam ripam eelertimè traiciunt, liberatis & liberatoribus DEO infinitas gratias cum lachrymis agentibus. Ibi eos præstolabatur cum pari equorum Nicolaus Odoenus, quibus inscensatis eò volant, ubi eos Garnetus expectabat. Ceterum Gerardus paucis, quibus vires perfectè reciperet, mensibus, Londinum redijt, ædes conduxit, Ministerij sancti labores repetijt, eò confidentiùs, quò animadvertit, tentum se iterum propè ab adversarijs sæpius, illorum semper se manibus DEI beneficio exisse.

At verò libertatis ejus administer Odoenus, his



his aliisque rudimentis DEO, & 20. annorum fidelibus obsequijs Garneto probatus, (neque enim Sociorum in numerum succenturiatus, famuli nomen aut munus omisit) unâ cum Domino suo, & P. Oldcorneo, in hostium tandem manus tertio delapsus est; solâ charitate, quâ maiorem nemo habet, ut animam suam ponat pro Amicis suis, proditus, dum latebrâ sponte, ut paulò antè in Garneto retuli, cum famulo Oldcornei erepsit, ut ab hostibus tenti, & pro Sacerdotibus habiti, utiliore Catholicis eorum vitam servarent. Incredibile est, quantis ejus capturâ inceserit gaudijs Regni scriba Cæcilius; gnarus quanta struendarum latebrarum Nicolao esset peritia, quâ innumera Sacerdotibus totâ Angliâ occultandis struxisset cæca cubilia. Certâ igitur spe polliceri sibi videbatur, Sacerdotes ad unum omnes ejus indicio deprehensos, Angliâ exterminaturum, & præcipuâ Nobilitatis opibus, quòd latibulis domesticis eos exceperissent, fisci nomine direptis, opulentiam suam locupletaturum. Hæc prima illius exultantis, ut primum Owenium captum intellexit, vox fuit; *non lentâ nunc demum agendum manu, eblandiendum ex ipso, si velit opimâ sacerdotum prædâ vitam pacisci; si nolit, tormentis urgendum exquisitis, & cruciatuum duritie exprimendum.* Acta res omni ingenio est atq; industriâ. Principio Piratico in carcere penè liberâ custodiâ habitus fuit, ut quinam ad eum inviserent, dissimulanter observarentur, unde conjectura de occultis capi posset. Sed expectatione per sagacem viri prudentiam delusus Cæcilius, in turrim Nicolaum transtulit, omni genere atrocitatis urgendum atque mactandum, donec ea, quorum desiderio impotens ardebat, edidisset. Wadæus ergo turris tum custos, infans in Religionem Catholicam suapte naturâ odijs, & Cæcilij hortatu plenis obsequijs in eam barbariem incubiturus, sex illum dies quantumvis debilem, & pridem herniâ laborantem, in atrocissimo cruciatu pendentem habuit, & horas quidem aliquando septem continuas. Nec eos à crudelitate absterrebant Leges Patriæ, herniâ laborantes reos distendi vetantes, ne pondere ruptis omentis ilia prærumpant, homine, quem necdum constitit morte mulctandum, extincto. Providit quidem opportunum periculo remedium crudelitas, & ut in carnificina duraret, ventrem illi ferreæ complexu laminæ, ne viscera prorumperent, coercuit. Sed ea fuit quæstionis atrocitas, in qua ventrem ac pectus po-

tissimum dolor vehementissimus occupat, ut nullo complexu viscera retineri possent. Cum enim patientissimus in tormento Nicolaus, ad omnia Wadæi quæsitâ magis pisce mutus, cum solo DEO loqueretur, JESUM-que & MARIAM suaviter in auxilium vocans, cætera quietus penderet, rabie ferinâ percitus Wadæus conniti jubet carnifices, & quidquid possent viriû, in distrahendo scelesto novis gravato ponderibus, exerere. Quod dum strenuè ultimo exequuntur conatu, laceratis omentis, erupere miserandum in modum rupto corpore viscera, ipsâ ferri acie in patentius vulnus ventrem discindente. Linquntur inter hæc animo Nicolaus, & supremis DEO votis spiritum commendans, in catasta moritur.

Movisset illud hominis quantumvis sceleratissimi fatum, etiam ferinum pectus; Wadæum tamen & Cæcilium in belluas pridem degeneres etiam exasperavit, ut inauditâ, eaque probrosissimâ calumniâ famam defuncti obruerent. Edidère in vulgus, typo & scalpello, eum spontaneâ morte cruciatum, quos imminere metuebat, prævertisse, & desperatione actum, dum nescio quid aliud ergastulo absens Custos agit, cultro ventrem discidisse; cujus desperati consilij causam fuisse, falsum metum tormenti gravioris, cum à Cognitoribus jussus fuisset modico duntaxat spatio pollice utroque de trabe suspendi. Verum frustra vecordissimi mortales tam aliena à veritate mendaciorum finxere argumenta; notior enim erat viri etiam apud A catholicos virtus & fortitudo, quam annis abhinc decem eadem quæstione dirissimè tentatus abundè probaverat, quàm ut persuaderentur per intolerantiam & desperationem spontaneam ferro animam exturbasse. Unde postea vili & despicabili servo cultellus mensarius, (tali enim viam intestinis aperuisse fingeant) ad scindendos cibos permissus est, quod reis etiam supremæ dignitatis illic nunquam conceditur, ut neque ab additissimo sibi Custode P. Gerardus cultellum calamarium, ad aptandam scriptioni in vicem calami festucam, impetrare potuerit? Cur deinde Custodis sive incuria, sive indulgentia in ferro permittendo, solitis pœnis non est pensata? cur non Ovveni cadaver præscripto legibus & usu, homicidarum talium affectum dedecore, & palo per medium adacto, extra Urbem rure, asini sepulturâ conditum? Quomodo etiam, ut verum foret cultrum ei permissum, totâ manu ad scindendum patenti vulnere



nere corpus uti potuit, cum palam sit, paulò vehementius eo tormenti genere tentatos, ità diu manuum impotes esse, ut ne tractare quidem cultrum, aut manum comprimere possint? atqui emissus ad fororem, ut nescio quid Owenij nomine peteret, carceris custos, excusavit emortuos illi ex immani eqvuleo digitos, cui ne duobus quidem scribendis ad illam verbis sufficerent, cum neq; ad vespendum, neq; alium vitæ usum manibus uti posset. Qui etiam veri & facti testis oculatus, quoddam præsens & coram vi cruciatuum, & viscerum ex tormentis ejectione mori vidisset, Catholicis juramento confirmavit. Et ex carnificibus, qui eum torserant, unus miraculo similem viri pati-

entiam in continuato sex diebus eqvuleo, & fortitudinem, inter illas dolorum lethalium pressuras, humanà majorem, ità deprædica- bat, ut nunquam sibi in manus venisse tantæ hominem generositatis, & Christiani spiri- tûs assereret. Nec defuere Viri magnanimi, qui populo cadaver Owenij expositum spe- ctanti, rem ut gesta erat sibi optimè perspe- ctam, animosè constantèq; narrarunt. Qui licet idcirco rapti in carcerem, veritatem loqui prohiberentur, fama tamen extra car- cerem libera suum D E I famulo nomen res- tituit, & glorioso pro fide Catholica agone, generosissimè ad ultimum usq; halitum decertasse celebravit.

## P. THOMAS GARNETUS.

**S**ublato è vivis & percusso Pasto- re, P. Henrico Garneto, dispersæ sunt à lupis oves, & universo Regno sub gravissima supplici- orum interminatione proscripti Societatis homines, & sacerdotes omnes. Deportatis extra Insulam, quos carceres vari- rij clauderant, omnibus; tentus tamen est P. Thomas Strangeus, ne immanem prorsus & barbaram ministrorum Reginum imma- nitatem, toto corpore Provinciis alijs loque- retur. Tribus enim diebus à Wadæo cru- delissimè tortus, altero triduo manicis fer- reis excruciat; totos inde, quos vixit, an- nos, elumbis, captus membris, doloribus capitis vexatus, sanationis expers egit; fa- tentibus tamen ipsismet cognitoribus, ne su- spicionis quidem, ad fulciendam contra il- lum causam, sibi fundamentum suppetere. Neque hic constitit Jacobi Regis sanctè pro- missus in Catholicos favor. Juramentum ab omnibus Catholicis exegit, quot capitibus, tot perfidiæ sacrilegijs plenum, quo omnem spiritualem Romani Pontificis in- Regem & Regnum Angliæ protestatem exe- crari, neque ullam ipsius, præter Regiam so- lam, in se, suosque jurisdictionem in rebus sacris & conscientiæ agnituros, jurare coge- bantur. Blackwellus, Sacerdotibus ex Cle- ro, Pontificiâ autoritate præpositus Archi- Presbyter, in scelus prolapsus, post quadri- mestrem carcerem juramentum admisit, & per- nicioso exemplo sacerdotes, & ex Catholicis quàm plurimos in ruinam traxit. Restitè- re constanter ex Societate operarij unus & qua- draginta, & nefarium juramentum omni


execratione fugiendum Catholicis prædica- vere. Ex quibus primus Pater Guilielmus Wrigthus, veritatem hanc Catholicam car- cere ærumnosissimo, P. Thomas Garnetus, Henrici Garneti Nepos, etiam morte asse- ruit. Natus est Londini Patre Richardo Ju- ris peritissimo, sed direptione bonorum, car- cere, ærumnis pro Fide toleratis, longè clarif- simo, à quo ad annum ætatis 16, literis & virtutibus educatus, Audomarum in Belgi- um, ac postmodum Vallisoletum est trans- missus; ubi, absolutis studijs superioribus, sacris initiatus est cum Marco Bereuvorthio, postmodum in Catholicæ Fidei testimonium, laqueo similiter in Angliam præfocato.

P. Thomas reversus in Angliam, ut vi- res & valetudinem Cælo Hispaniensi labefa- ctam, Patrio aëre restauraret, sex annos in hominum salutem, omniverborum & exem- pli efficaciam impendit, interque uberrimos fructus numeravit conjugum paria aliquot, sua persuasione ad Virginitatem in matri- monio, votâ D E O continentiam, servandam inducta, esto ætate, generis claritudine, bonis fortunæ, ad omnem commoditatem & volu- ptatem affluerent. Cum autem & ipse san- ctioris vitæ desiderio, à Patruo Henrico So- cietati Angliæ Præposito, admissionem inter suos constanter flagitaret, cooptatus tandem est post longa & multa vota, in Belgij tyro- cinium transmittendus, nisi conspiratione Catesbyana præclusis in Belgium vijs, ejus- dem suspitione tentus, in carcere prius vin- culis Martyrio, quàm in Novitiatu religionis exercitijs Societati se probare coactus esset. Suspectum conjurationis fecere solæ Henrici

M

ad il-





P. Thomas Garnettus Anglus Soc. IESV, pro Fide Catholica suspensus et dissectus Londini in Anglia Anno 1608. 27. Iunij.

C.S.d.

M.K.f.

ad illum datæ literæ, & interceptæ, quâ causâ ergastulo conditus est arcto, frigido, sordium & putredinis pleno; ex cuius situ glisciente in medullas contagio, per omnem deinceps vitam doloribus acutis laboravit. Cùm autem neque interceptæ literæ, neque ullus aliunde rumor de Thoma quidquam loqueretur, quod ex eo per Iudices de conspiratione quæri posset, minis tormentorum, & examinum perplexitate exprimere conatus est Cæcilius. Sed omnibus in cassum adhibitis, squallore ærumnosi carceris absumendum, suo sepulchro restituit; è quo proscriptione Regiâ post novem menses protractus, & in Belgium, quod antè non licebat, ultro nunc Regio navigio ad Tyrocinium Religionis transvectus est. Vixit Lo-

vanij, eo conatu & profectu ad summa virtutis connisus, ut Novitijs Socijs posset Magisterium præstare; qui ab heroica virtute ductis indicijs, gloriosâ morte occubiturum olim, tanquam præfagio jam tum diutabant. Quâ consummatæ perfectionis æstimatione, mox anno vertente, necdum absoluto tyrocinio, remissus est in Angliam, mirum quàm opportuno & necessario Catholicis firmamento, ad recusandum fidei Regiæ iusjurandum, Christi Vicario infidele.

Vix Regnum ingressus, prodicione Apostatæ Rovesij comprehenditur, & post non diuturnum Carcerem, Pseudo-Episcopi Londinensis Tribunali sistitur. Et cùm nihil contra recentem advenam prætendi posset, varijs de rebus promiscuè interrogatur,

num



num Sacerdos, & Jesuita esset? utrùm literas ex Anglia ad P. Gerardum conjurationis in Regem damnatum transtulisset? quotum priora duo liberali confesso, cum tertium nullo argumento, vel apparenter probari posset, severitate deposita, cepit eum verbis in omnem comitatem & blanditias effusis hortari Episcopus, ut fidelitatem Regi, indicto récenter juramento, præstaret, aboluturus hæc obedientiâ omne, capitalis etiam causæ, periculum. Renuit animosè Pater servandæ vitæ iniquam conditionem, neque ad deliberandum ullâ opus esse dicebat morâ, quam insidiosè quatuor mensium offerebat Episcopus, ut calumniæ Societatis Sacerdotes exponeret, quia & ipsi jam ambigerent de illius jurisjurandi perfidia. Cumque commotior Antistes extrema minaretur, illa non invitè subitum septo sanctis Ecclesiæ legibus respondit; cum nefas sit potestatem Vicario suo à Christo concessam, temporali Principi asserere. Excanduit adhæc, qui Examine in Episcopio aderat, Wadeus: &, juro, inquit, *hujusmodi hominum examinibus me nunquam assuturum, nisi extemplo hunc rapi jubeas ad novam portam custodiam* (est ea Tiburno vicina, ex qua rarus inclusis, nisi ad furcam, exitus) *Tuo arbitratu fiat*, subjecit mitissimus Præsul; & *si Rex jubet eum mori, per me licet*. Ad quos mitissimè Thomas: ego, inquit, Domini, & ad portam novam præsto sum, & ad Tiburnum expeditus, & mors mihi summa Votorum est, ut cui pridem cor meum mancipavi, totus à meo JESU possidear. Infren-duit scilicet ad tantam viri libertatem, veritatis omnis expers Wadeus, & insani more, terram pedibus rabidè quatiens, convitijs omnibus, quæ amenti in buccam venire possunt, innocentem proscidit. Episcopus autem gravi admonitione hortari institit, ne fucò prætextæ pietatis, & veræ religionis deceptus, æternum sibi exitium accersum iret, qui eximijs à natura dotibus ornatus, multum posset in Evangelio Calvinii DEI gloriæ prodesse. Dedit sub hæc Thomas literas ex carcere ad Præsidentem Societatis, qui in locum Garneti per Angliam suffectus erat, P. Holtbeyum, enixè rogans, ne Catholicos pateretur pro sui liberatione quidquam tentare, cum præter propriæ salutis certissimum lucrum, majus speraret emolumentum suâ illis morte, quàm longioris vitæ quantavis operâ allatum iri.

Sed timorem omnem absterfit præpropera ejusdem ad tribunal judicum, quatri-duo scilicet post privatum illud examen,

évocatio; in quo quadruplicis criminis reus peractus est, quod Sacerdos Romanæ ordinationis; quod Religiosus esset Societatis JESU; quod in Anoliam regressus Catholicos à Regis obedientia seduceret; ac demum, quod debitæ Regi obedientiæ sacramentum præstare nollet. Falsus est ingenuè priora duo, cum nullis testibus idoneè probata fuissent: tertium rejecit efficaciter, ut cui nihil in votis & conatu magis fuerit, quàm ut Catholicici omnes debitam Regi in temporalibus, penes fidelem Pontifici in spiritualibus subjectionem præstarent. Sed & obedientiæ, quæ Regi competeret, Sacramentum dicere se semper paratum; illud etiam ad testificandam subiectam mentem in scripto attulisse. Quod si authoritatem Vicario Christi jure Divino debitam, & per sacrilegium Principi terreno arrogatam, nollet juramento firmare, hoc verò non posse infidelitati in Regem imputari. Protulit exinde juramentum fidelitatis scripto à se in carcere elucubratum, ejus exemplar unum ad P. Holtbeyum transmiserat, & ex altero obedientiam Regi debitam publicè in Judicio, & iterum sub patibulo, coram omni populo recitare parabat. Verùm prohibitus tunc quidem est, erepto sibi per vim, & discripto chirographo: cujus tamen verba ex P. Holtbei autographo recitare placet. Ego Thomas Garnetus, sincerè atque ex animo, & coram celesti curia profiteor, me Regi meo legitimo Jacobo, fidelitatem omnem & obedientiam præstaturum, quæ illi Natura, Divinâ & vera Christi Ecclesiæ debetur lege. Fidei meæ testificatio se parum videtur sufficere, testis mihi sit & Judex DEUS, orbisque universus, Regum neminem posse plus fidelitatis à suis exigere, quàm quod ei lex Divina concedit: subiectorum neminem Regi posse majorem spondere ac jurare obedientiam, quàm qua ab Christi Ecclesiâ probatur. Mea hæc mens est. sic me DEUS adjuvet in hora mortis.

Damnatus læsæ Majestatis, ubi ad carcerem reductus est, certatim à Catholicis adibat, omnia penè illius, quantumvis reluctantis, in piam memoriam diripientibus. Biduum ultimum egit in subterraneo specu, Limbi nomine, manus pedesque compedibus gravis, & catenis undique circumcinctus, ne desperatè mortem, voluntariâ scilicet nece, anteverteret, qui paulò antè offerentes Catholicos ad evadendum è turri operam & funes, animosus rejecit, dicens, *malle se in aëre collo pendulum à fune subsultare, quàm manibus prehenso in terram salvum demitti*. Instante supplicij horâ ad oratorem alligandus,



lætus & alacer prodijt, proinde gestiens, acsi ad convivium & nuptias ducendus foret. Protractus Caballi caudâ ad Tiburnum, ubi crate solutus fuit, præstolantem se habuit Thomam Cæcilium, Regi ab arcanis Consiliarium; qui Regis nomine impunitatem omnem obtulit, si modò in animum induceret juramentum fidelitatis præstare. *Vel quinque mille vitas*, respondit Pater, *si crimine tam in pio lucrari possem, ne utiquam facerem.* Carum ergo de more jussus conscendere, primò omnium signo crucis se munivit; trabi, cui appendendus erat, osculum impressit; injectumque collo laqueum detraxit, & ducta desuper benedicens ritu cruce, piè itidem osculatus, statim collo reposuit. Parantem ad populum quædam dicere, indignabundus Prædicans, ut missis ludicris juraret potius fidelitatem, & religionem Calvinii, hortabatur. Cui P. pulsato amicè humero, *ne hoc loco*, ait, *amabo te inimicitias exerceamus.* Exorsusq; ad populum dicere, *sacerdotem se ex Societate JESU professus est, omnium, qui vivunt, mortalium, illa die felicissimum, quo nullum sibi, ex quo in lucem editus est, fuisse jucunditatem, Deo teste asseruit.* Detrahentem interim sibi vestes carnificem strenuè adjuvit, & invitantem denuò ad juramentum Cæcilium, gratiæ & vitæ oblatione, simpliciter rejecit. Tum dictionem ad populum resumens, *novem se annos Catholicis operam consuetis sacerdotis officiis in Anglia navasse* fassus est; quàm alienum ab omni in Regem inobedientia vel rebellione, ex juramento suo colligi velle, cujus in morte editi testem, omnem populum diceret. Recitavitque sub hæc relatam superius sacram formulam. Sublatis demum in Cælum oculis & manibus, ubi Deo pro tam beata mortis beneficio gratias egisset; *advertat ab hoc Regno*, subjecit, *iram suam*

DEUS, *nec à Rege meum sanguinem exigat. Domine ne statuas illis hoc peccatum.* Apostata Sacerdos Rovestus me prodidit, DEUS illi condonet. Apparitor Crassius comprehendit, DEUS illi condonet. Episcopus Londinensis carceri addixit, DEUS illi condonet. Ejus secretarius insensum illum mihi suis susurris reddidit, DEUS illi condonet. Wadeus mortem meam promovit, DEUS illi condonet. Montagatium, & testes falsi multa in me commenti sunt, DEUS illis condonet; detque mihi videre omnes in cælo salvos. Orare posthæc ad extremum de genibus cùm vellet Pater, Ave, & Credo, nec brevitate laquei impeditus posset, rogavit Catholicos, ut eadem secum precarentur: Quibus ipse hymnum, *Veni Creator Spiritus*, superaddens, in ijs verbis, *sermone ditans guttura*, subducto carro pependit, prohibito per Cæcilium carnifice, ne laqueum prius, quàm animum efflavisset, succideret. Id quod factum est die 23. Junij, anno 1608. ætatis 34.

Porrò inter amicos quatuor, qui protractis pendentis pedibus (id enim propinquorum in Anglia muneris est) breviorum cruciatum acceleratione mortis curare satagebant, fuit etiam unus sectâ hæreticus, quem manu altera protensa visus est Pater velle à se amovere, altera verò cruce versùs illum ductâ signare; quem cum fixo in eum obtutu postremum respexisset, vivere desijt. Laniati corporis reliquias ardentè expetièrè Catholicis, & felicissimè omnium Atkinsonus, Garneto amicissimus, frustra carnis cum vestibus à carnifice multâ pecuniâ redemit; paulò enim post morbo oppressus curationis desperatæ, applicatis pectori P. Thomæ reliquijs, momentò melius habuit, sic ut die postero integrè sanus, ad consuetam munia rediret.

## P. JOANNES OGILBEUS.

**R**egnum Scotiæ Fidei Catholicæ quondam tenacissimum, pestilente Calvinii hæresi, sub eadem quibus Anglia tempora, depravari cepit; donec Jacobo Stuarto Rege ad sceptrum Angliæ assumpto, in unam coronam coalescens, perfidiæ penitus cessit. In eo familia Nobili, Parentibus Catholicis natus est Joannes Ogilbeus, opulenti patrimonij jure primogenitura futurus hæres, nisi Fidei thesauro in hæretica Patria metuens, illum in tutiora ad externos efferre

maluisset. In Belgium itaq; trañciens, pluribus annis in suæ gentis Seminario literis operam navavit, quibus eximiè instructus, ut tantò utilior laboranti Scotiæ operam impenderet, Societatem JESU exambivit. Quàm solidam eâ Magistrâ virtutum apparatu, sublimis sanctimonie capacem animum instruxerit, exitus vitæ potissimum ostendit. Erat enim Divini Numinis reverentissimus, majoribus obsequentissimus, zelo animarum ita accensus, ut vitæ pericula flocci penderet; nullius rei majori desiderio





P. Joannes Ogilbeus Scotus Soc. IESV. pro Catholica Religione suspensus. et dissectus Glasgi in Scotia. 10 Marty A. 1615

C.S.d.

M.K.f.

rio æstuans, quàm mortis in tam nobili causa oppetendæ. Sortitus erat in hoc munus animam à DEO penitus capacem, vivaci & peracri indole, fervido ingenio præditam, in quo domicilium nacta virtus, generositate quandam & audaces spiritus induit. Absolutis à Tyrocinio, Græcij in Styria Philosophiæ & Theologiæ studijs, in Scotiam, quantumvis arctè per excubias obseratam, se penetravit; ubi maximo animarum fructu aliquamdiu laborans, Glasgi comprehensus est, prodicione nefariâ unius ex quinque, à quibus Glasgum, hæresim ejurare cupientibus, evocatus fuerat. In domum Prætoris Urbici adductus, alapâ ab Pseudo-Episcopo salutatus est. Quam secuta est, quasi dato signo, tota tempestas colaphorum, verberum, ala-

parum, à manibus ministrorum in caput & corpus ejus undique deplua, ut longo deinde spatio quasi mentis inops, ad se demum vix postliminio redierit. Alij barbam vellere, faciem unguibus lacerare, pecuniam, sigillum, Breviarium, & ex hospitio equum, sacram supellestem, & quidquid literarum erat diripere: alij vestes etiam, adusq; indusium detrahere. Quod dum Viro castissimo impudentissimus ad ludibrium elevare tentat, quid visurus es, objurgat ille audacter, bipedum impudentissime, quod, si vir es, ipse non habeas? Die insequenti ad aulam Episcopalem confessum Prædicantium, Baronum, & Regni Senatorum adductus, multa juridicè quæsitus fuit; ad quæ generosæ animositatis plena responsa, quæ ex ipso gratius percipi-



entur, ipsiusmet verbis, ex epistola ad Præpositum Generalem Societatis excerptis, referam; succinctè tamen, multis, quia fusiora sunt, prætermisiss.

Quærent an Nobilis sim? dixi esse me, & Parentes fuisse. Quærent, dixissemne missas in dominijs Regis? respondeo: si hoc crimen est, non debet examinari iurejurando, sed testibus. Probabimus ajunt testimonio illorum, qui te viderunt. R. Si vobis testes sufficiunt, esto. Cæterùm saxo, ut nec meâ infirmitate infirmetur, nec assertione roboretur ipsum testimonium, donec mihi visum fuerit. Eshè tu, inquiunt, Sacerdos? R. Si demonstraveritis me missas dixisse, convincetis me Sacerdotem esse. Quis, interrogant, vocaris? R. Cur vos id inquiritis? si vobis suspectus sum, crimen proferte. haud estis de me tam bene meriti, ut in vestri gratiam, quidquam dicam. Quærent, num Regem agnoscam? R. defuncto Jacobus est Rex Scotiæ. Dicunt, jura. R. Quorsum? dicunt, ut cognoscamus, num quid contra Rempublicam moliaris. R. frustra jurare, peccatum est, id quod ego facerem, cum scirem per leges nihil mihi hoc posse prodesse; nam leges in criminalibus excipiunt juramenta. Interdum enim amor proprius multis suadet pejerare, propter corporis salutem. Dicunt, tunc Regis nomine jurare renuis? R. quid jurabo? Ajunt, dicturum te sine æquivocatione, quidquid nos interrogabimus. R. tametsi nullo jure obstringar, jurabo dicturum me, quæ mihi fuerint visa, de alijs dicam, nolle me dicere. Et quare, ajunt, ista non dicis? R. quia non obligor, & nolo peccare; peccatam autem, si proximum innocentem læderem. Et sic post longam disputationem, jussus ea tantum jurare, quæ vellem, juravi. Et mox interrogatus nomen meum dixi, familiam, Patriam, Cognatos, Gradum, ubinam studuerim, Religionem. Interrogatus, num Missas dixerim in Regis dominijs? R. Hoc propter decreta Parliamenti mihi præjudicare & proximo, nec ad Regis forum pertinere: Judices si sunt, crimina, non sacrificia debere investigare. Dicunt, Regem non esse laicum. R. non esse Sacerdotem, ac ne primâ quidem tonsurâ insignitum. Quærent, quare in Scotiam venerim? R. ut dedoceram hæresim. Quærent, quis mihi jurisdictionem dedisset, cum neque Rex dederit, neque ullus Episcopus. Ridens R. omnes illos unâ cum Rege laicos esse, nec ullam jurisdictionem habere. Oves Christi Petro esse commissas; eas, qui velit

pascere, ab Apostolica sede jus petere debere. Ajunt; crimen est læsæ Majestatis asserere, Papam habere spirituales jurisdictionem in Dominijs Regis. R. de fide est ipsum habere. Dicunt, audesne subscribere? R. etiam sanguine, si opus fuerit; & sic subscripsi. Dicunt, possitne Papa Regem deponere? R. Legitimum, & obedientem filium Ecclesiæ, ut sic non potest. Dicunt, quid si fuerit hæreticus? R. multorum doctorum est assertio, quod possit. Quid tu, inquiunt, dicis? R. cum fuerit definitum esse de Fide, pro illa moriar; & cum Judex Regis & Papæ fuero, dicam quid hic possit, quid ille mereatur. De pulveraria conspiratione interrogatus, dixi, me detestari parricidia. Dicunt, ea, JEsuitas & Papistas docere. R. Legant, si lubet, acta Concilij Constantiensis, & videbunt similia docere cum Wicleff hæreticos, damnare Catholicos. Multa interrogant deinceps de P. Garneto. R. Ipsum fuisse innocentem, nec debuisse prodere nomen Sacramentaliter confitentis, pro totius orbis salute. Ait Archiepiscopus, si quis mihi confiteretur aliquid contra vitam Regis, etiam personam confitentis proderem. R. ideo nemo debet tibi confiteri. Dicunt, ideo Garnetum Papa canonizavit. Unde vobis id, inquam, constat? Quia pingitur, inquiunt, Romæ inter vestros Martyres. R. debile argumentum, quod à Poëtis & pictoribus desumitur. Dico tamen martyrem ipsum esse, si pro confessionis sigillo servato mortuus est: etsi Papa ipsum Martyrem declaraverit, paratus sum asserere per mortem, quod martyr sit. Archiepiscopus ait, apage cum hypothesebus tuis. Tu quid dicis? R. si vera sunt quæ ipse è carcere scripsit, & duorum Regum Legati, atq; alij multi nobiles testati sunt scripto, bene & sanctè mortuus est, innocentisq; fuit pulverariæ conspirationis. Sed ut ut sit, ego à nemine factus sum harum rerum Judex. Veni enim in Patriam ut Christum, non ut Garnetum prædicarem: ego mea nunc, uti tunc ille sua curavit: quisq; pro se, DEus pro omnibus.

Jam 26. hora erat, ex quo nihil gustaveram, & laborabam febris; & licet clamore disputationis incaluissem, paroxysmus tamen superveniens algere me fecit. Et sic ad ignem jussus sum recedere. Ibi à Scoto quodam, nequam compellor, & mendax, perjurus, qui honestum mentitus cognomen Ogilbei, scelestam professionem palliassem. Et nisi tot Nobilium, qui aderant, & Episcopalis Aulæ, rationem haberet, fore, ut me in focum



focum detruderet. *R.* nunquam id mihi commodius eventurum, cum valde nunc frigeam. Sed cavendum illi, ne cineres & carbones per domum disjicerem, quam ipse cogeretur evertere. Consul civitatis affirmavit, me non esse Ogilbeum, sed Stuartum, & suum civem; fratrem mihi Prædicantem non procul urbe esse, matrem adhuc vivere. Ego nego, illi asserunt. Adest die sequenti mater, filium non agnoscit, quod digitos non haberem concretos, nec essem hebes, sed nimis acer; sic rideo irrisores meos. Paulò post oblongo ferro, perticæ in modum ducto, librarum 200. duobus annulis innector, ita ut sedere, & supinus jacere duntaxat possem. Jubeor interim Londinò ocrearum crurifragio examinari. Veniunt à Rege Commissarij, ij damnant partim suspendio, partim rotâ, quatuordecim Catholicos mecum captos; ego Edinburgum ducor; ubi maneo in domo Episcopali. Ocreæ crurifragiales adferuntur, extrema minantur quotidie, ut loca & personas prodam; libertate proposita & lautis muneribus, si fecero. Imò si hæreticus fiam, Præposituram in Messet cum nobili matrimonio, & dona Regia pollicentur. Dixi ridens, hæc ob nominis affinitatem P. Moffeto offerri debere, non mihi. Responderunt, ipsum esse nimis simplicem. Ego contrâ, certè est me multò doctior & sapientior. Si ipse ineptus est, ego aptus nunquam ero.

Die dictâ quærunt Senatores, ubi primum diversatus sim, cum in hanc Urbem veni. Dico me non teneri personas & loca dicere. Crimina illos, non personas debere inquirere. Urgent Regem de hospitio posse interrogare. *R.* Si merè Civilis esset quæstio, responderem; at cum ipsum non agnoscam in spiritualibus Judicem, illi respondere non debeo. Ajunt, merè civilem esse quæstionem. Ego contrâ inficior. Nam finis Regis spiritualis est, quia in odium fidei quærit, ut deprehendat Papistas ac puniat. Quærunt iterum, ergo Regi parère non vis? *R.* quæ Regi debeo, omnia præstabo. Dicunt, Rex Missas prohibet, tu eas facis. *R.* Christòne an Regi parendum magis, vos judicate. Rex prohibet, at Christus Lucæ 22. instituit, & jussit Missas fieri: id si Rex damnat, quomodo non vult haberi persecutor? Pergunt Senatores, contra Regis voluntatem non debuisses venire in Regnum. *R.* Regem sine causa legitima mihi Patriam prohibere non posse, cum æquè naturalis sim subditus, atque ipse Rex. Dicunt meritò sibi & Reipublicæ

timet à vobis Jesuitis. *R.* Faciat ea tantum, quæ mater ejus, & omnes ante ipsum Reges Scotiæ fecère, nec erit cur à Jesuitis sibi magis timeat, quàm Hispaniarum Regi. Quid amplius ipsi debemus, quàm hujus Majoribus Majores nostri? si jus omne regnandi à Majoribus habet, cur ipse plus exigit, quàm ipsi hæreditario jure relictum ab illis? illi jurisdictionem spiritualem nec habuerunt, nec usurpârunt, nec aliam unquam Fidem, quàm Catholicam Romanam. Unus Senatorum iratus dixit, Magnates disputandi gratiâ non venisse. Ego illi repono, nec ego disputo, sed ostendo me Patriâ privari non debere, nec ad Regem pertinere quæ postulatis, cum crimen nullum fecerim. Si quid feci testibus probent, me in Rempubicam deliquisse. Ait unus, haud melius te purgares à suspitione conjurationis, quàm si dixeris, hic fui cum isto, hæc & illa egi in Scotia, ipsos interrogate; & si ipsi me convicerint, reus sim; at dum taces, magis te reddis suspectum. *R.* utar consilio isto, cum mihi expedierit; sed nunc non expedit, tum quia DEum offendendo, & proximum proditor perdendo, animam meam necarem: tum quia vos terroribus, & Regijs oblatiis muneribus, imbecilles adigeretis, ad imponendam mihi conspirationis alicujus invidiam, ut palliam haberetis crudelitatis in nece mea, quem nunc ob timorè infamiæ non punitis, uti velletis. Dicunt, Regem propter Religionem neminem necare. Insto, cur ergo Glasguenses ad rotas & patibula sunt damnati? Quærunt, Suariine doctrinam defendam? *R.* Non legi Suarij librum; si quid habet, quod non sit de fide, ipse defendat, qui docuit. Ego Suarij satelles non sum. Si quis ipsum vult refutatum, scribat librum de eodem argumento meliorem.

Tunc me abire jussu deliberârunt, quo me tormento cogerent omnia edicere; placuit autem vigiliâ. Igitur octo diebus, totisque 9. noctibus, stylis, aciculis, acubus, vellicationibus, coegerunt me vigilare; mira interim minitantes, grandia promittentes, si parèrem. Re desperatâ, tandem Episcopus dixit, ingenti pecuniâ sumâ se redempturum, si posset, ne quid mecum negotij suscepisset. Nobilis, qui vigilijs meis præerat, minatus est, effecturum se, ut atrocissima quæq; mihi irrogarentur. *R.* egregij carnifices: ego vos omnes in hac causa nihili facio. agite pro hæretica vestra malitia, vos non curo, neminè rogavi, neminem rogabo unquam: possum, & volo lubens pro hac causa  
plura



plura pati, quàm vos omnes potestis inferre. Definite mihi talia objicere. Me ista accendunt, non consternant; nec aliter ista rideo, quàm strepitus totidem anserum. Paulò post idem reversus, amicè me interrogat, numquid mihi desit. R. lectum deesse ad dormiendum. Redeunt die 10. Senatores, mèque accersunt. Eram autem pervigilatione tam debilis, ut vix scirem quid dicerem, velagerem, sapissimè nec ubi locorum, nec qua in Urbe essem. Commemorant clementiam suam, qui me vigilià, non crurifragio tentassent. Ego illis repono, si crurifragio me examinassent, portatus in scholam, vel templum, docendo, aut exercitia Sacerdotis in confessionali obeundo, panem lucrari potuissem: at cùm per insomnia pene extinxissent partem sensitivam, quod potuerunt pessimum, fecisse, quippe cùm ex vocatione mea non tibiarum, sed judicij exercitio, Christo serviam & Ecclesiæ. Dicunt, nisi satisfeceris Regi, atrociora venient. R. si vobis omnia dicturus fuissim, jam tamen non dicerem, ne viderer dixisse coactus, & sensu, ut bestia; non ratione, ut homo motus, atque ductus. Tentate ocreas. ostendam DEO duce, me in hac causa non pluris tibias, quàm vos tibialia facere. Existimo me ad majora natum, quàm ut sensu vincar. Verùm non in me, sed in DEI gratia confido.

Postridie Episcopus Insularum Andreas Knokius dixit, bene mihi provisum iri, vellem inventiones humanas relinquere, & Religionem ipsorum ab Apostolis prædicatam, sequi. R. Religionem ipsorum nondum esse decennem. nam me puero tenebatis pro articulo fidei, nullum esse, aut dici debere Caput Ecclesiæ, præter unum Christum; nunc omnes jurant Regem esse, Caput Ecclesiæ in suis dominijs. Tu ipse contrarium antea jurasti, & concionatus es Passeti contra Episcopatum, & confessus es palàm, Diabolum esse, & in faciem conspui dignum, quisquis Episcopus fieret: quinto decimo tamen post die factus es Episcopus; nec contentus uno, pinguiorem alterum in Hibernia occupasti. Dicite quæso, estisne secundùm Apostolum prævaricatores? Ajunt, non: sed magis innotuit veritas, & nunc videmus ampliùs, quàm antea. Infero. bene est, videtis millia Episcopi in reditibus, cùm vix centum numeraretis Prædicatores. Ait Episcopus, Domine Ogilbee spiritus habes, multos tibi similes optarem assecclas, bene ijs uterer. R. Mallem quidem Carni-

ficem ad suspendium sequi; ad Diabolum enim rectà tendis. Itane loqueris, inquit, mihi? R. ignosce Domine, non didici aulicissimos; & nos Jesuitæ loquimur, ut cogitamus; nolo adulari. Honoro te propter civilem dignitatem, & veneror canos tuos, cedens ætati: propter Religionem & Episcopatum nihili facio: laicus es, nec plus jurisdictionis spiritualis habes, quàm baculus tuus. Doleo, inquit, te ob egestatem, factum ex Prædicatore Papistam. R. tuo me pede metiris, qui duos Fidei tuæ articulos ejurasti, pro duobus Episcopatibus. Archi-Episcopus de me absente interrogatus, ait mihi similem in has partes nunquam venisse: Siq; ego evaderem, velle se pro me pendere: pulverem enim me in Olla positurum (Scotico proverbio) si evaderem.

Glasguam in pervigilio Nativitatis Domini reductus sum, & utroq; pede perticæ meæ innexus fui; nunc altero tantùm pede teneor, serà, & cuneis duobus firmantibus ferrum, ne semper supinus, malum in dorso contraham. Vocor deinde ad conventum Magnatum, ubi in mensa jacent Suarius & Bellarminus. Quærent, possitne Rex excommunicatus Papæ jussu interfici? R. Vos jurisdictionem spirituales nullam habetis: quare ne videar illam in Rege agnoscere, nolo ad quæstionem de Christiana Religione respondere. Si instructionis gratià me consulueritis, dicerem: sed cùm tanquam Judices interrogetis, non possum salvâ conscientiâ dicere, quid sentiam. Quærent, habetne Papa potestatem super Regem? R. Si Christianus baptizatus est, habet. Vrgentibus, quomodo potest excommunicare hominem, qui non est in ejus Ecclesia? R. Est in Ecclesia hæreticus, quoad possibilitatem punitionis, non quoad communionem donorum, & charismatum salutis. sicut enim bannitos & latrones potest Rex capere & punire, sic Papa rebelles hæreticos. At hoc, inquit, Archiepiscopus, faciet multos abhorere à baptismo. R. ita est. sed superbos duntaxat, qui Christi humile jugum spernunt, & cum Patre Diabolo, non Christi, sed suam gloriam quærent.

In alijs ad eundem Generalem literis commemorat, se post ejusmodi disputationes, acerbis torturis, & terribilibus supplicijs affectum fuisse; quæ tamen in specie qualia fuerint, non expressit. Tandem post carceris & ferreorum vinculorum molestias, allatæ sunt Londino literæ, mortem Ogilbeo, in articulos subscriptos fidelitatis juramento




revocaret, denunciante. Pridie quàm ad judicium, & inde ad supplicium educeretur, lotis pedibus, adstantes invitavit, ad suas postridie instituendas ( ita supplicium suum vocabat ) nuptias. Ad quod manè, post longam noctis precationem, à Pratore evocatus est, brevi & detrito pallio sub axilla semicinctus, pridem horam illam sibi exoptatam professus. Introductus in Aulam, recitatis Judicum nominibus, interrogatur, haberetne in ijs quid excipiendum? Cùmque illos sibi capitaliter hostes, diceret æquos Judices esse non posse; reponunt: Romà ergo tibi Judices, aut ij, qui Missas tuas audierunt, accersendi sunt. Hi, inquit ille, pauperum mercium distractione, sibi suisque familijs meliùs norunt prospicere, quàm criminalibus causis præsidere. Obijcit Archiepiscopus, at tu eos pauperes reddidisti. Cui ille: imò verò id ipse potiùs fecisti, dum eos carcere maceratos, rem familiarem tibi ad redimendam vexationem tradere coëgisti. Mentiri eum impudenter ait Archiepiscopus Cui ille: definias si potes mendacium; ego uti sentio, & quæ vera esse scio, loquor. Quæstus, num inter judices esse vellet virum nobilem Catholicum, qui Missis ejus interfuisse infimulatus fuerat? Ut periculo eum eriperet, respondit, sibi suspectum esse, ne sui causâ accusatus, & injuriam passus, vindictæ studio contra se incitaretur. Tum Archi-Episcopo interroganti, num esset in Patriam rediturus, si donatus vitâ in exilium mitteretur? Si ob patratum, inquit, facinus aliquod exularem, caverem utique redire; at ob hanc causam, quam sustineo, exul factus, non omitterem in patriam remeare. Atq; utinam singuli capilli capitis mei mille possent ad Fidem orthodoxam convertere, & te imprimis Archiepiscopo: neque enim iniquis hisce vestris statutis, sinè lege, sinè autoritate, contra veræ Religionis cultores editis, refragari conscientiæ duco. Quod Rex vos omnes Ministros egisset in patibulum, quando vos ei opposuistis in Conciliabulo Taiduni, aut Aberdoniæ habito, statuentes nullum debere caput Ecclesiæ in terris agnosci, tum profectò vereretur ab exilio in patriam reverti. At cùm vobis in tam iniqua causa pepercerit, curego non obediam potiùs Christo, quàm Regi? cur eum in tam justa causa non sperarem fore beneficium, qui vos in tam injusta etiamnum tolerat?

Digressi interim ad consulendum super ejus capite Viri duodecim, & paulò post regressi, capitis in eum sententiam dixerunt; quâ jubebant ex suspendio semianimum exenterari, & resectio capite quadratim dividi. Magnâ ille gratulatione sententiam excepit, eamque proferentem complexans, Judicibus omnibus, etiam Archiepiscopo dexteram junxit, ex corde se illis ignoscere, sicut à Deo sibi donari peccata optaret, protestatus. Quibus ad prandium digressis, à carnifice, cui traditus fuerat, per frequentissimum populumeductus, eum & patibulum amplexatus, atque exosculatus est, procumbens statim ad orandum. Cùm autem interim Prædicans populo vendicaret, eum non Religionis, sed perduellionis causâ interfici, neque renutu illius, aut capitis agitatione (loqui enim prohibitus erat) à maledicentia comperceretur; tum Pater Joannes, *Miror*, inquit, *vestrum agendi modum. me pro mea causa loqui prohibetis, & interim causam, meq; simul vestris mendacijs apud populum traducitis. Nihil in Regis præjudicium dixi, aut feci. Tantum asserui, Papam habere spirituales jurisdictionem in dominijs Regis, & in toto Mundo apud Christianos, & posse Regem hæreticum excommunicare. Si quid aliud dixi, populo ostendatur; nam hisce, qua retuli, subscripsi, & pro ijs mori paratus sum. Vos autem falsa de me ad Regem scripsistis, & nunc ea populo etiam persuadere vultis.* Interroganti Ministro, an mortem timeret? Non magis, inquit, pro tam bona causa, quàm tu patinas, cùm ad canam accedis. Ligatis post hæc arctissimè, ut digiti contremiscerent, manibus, dum inter precationem, & Beatissimæ Virginis sanctorumque invocationem scalas conscendit, jussus est ab indignante vice Comite sæpius è gradu deijci. Quod cùm tandem multâ compassione reuitens carnifex exequeretur, universus populus magno clamore & tumultu crudelitatem detestans, pœnam injustæ mortis in Judices iniquos averti à se postulabat. Cujus etiam intuitu factum est, ut funis pendentis, priùs quàm animam egisset, resectus non fuerit, neque cadaver, ut mos & sententia ferebat, quadratim sectum, sed loculo inclusum, & destinato reis sepeliendis loco sepultum. Id quod actum est decimâ

Martij, Anno 1615.

ætatis 34.





P. Melchior Grodecius Silesius, et P. Stephanus Pongratz Hungarus Societatis  
IESV. odio Fidei Catholica crudelissime necati à Calvinistis in Hungaria A. 1619.  
7. et 8. Septembris  
C. S. d.

M. K. f

P. STEPHANUS PONGRATZ,  
E T  
P. MELCHIOR GRODECIUS.



Xitialis illa tempestas, quæ clas-  
sico hæresis, rebellionum ma-  
tris, in Ferdinandum II. Cæsa-  
rem concitata, Boëmiam, Mo-  
raviam, Silesiam, Austriam in-  
undavit, Hungariam quoque eodem conta-  
gio involuit. Jam rebelles in Dominum  
suum subditi, præcipitatis ex Castri Pragen-  
sis fidelibus Regis Ministris, arma palàm  
corripuerant, jam Societatis Jesu homines  
omnes totà Boëmià & Moravià proscripse-  
rant; cùm remotum etiam hostem Ferdi-

nando paraturi, Transylvaniæ Principem  
Gabrielem Bethleem in sædus evocant, eiq;  
iniquissimo Marte occupandæ Hungariæ  
partes committunt. Irrupit hic validà ma-  
nu sub initium Septembris, Anno 1619. in  
superiorem Hungariam, & Cassoviam obsi-  
dione cinxit; quam etiam primo impetu,  
adjuvantibus strenuè hostem civibus Calvi-  
nistis, sinè sanguine occupavit die 5. Septem-  
bris. Rakocius pro Gabriele militiæ Dux,  
ubi duos è Societate Sacerdotes, unà cum  
Domino Marco Crisino Canonico Strigoni-  
ensi,



enſi, ibidem Catholicis civibus operam navantes, intellexit interceptos, arſtâ custodiâ in domo, ubi nunc Collegium ſtat, juſſit detineri, omni aliorum acceſſu, cibo & potu, toto triduo, donec ſcilicet vitâ exturbati ſunt, prohibitos. Nihil his conſternatus P. Pongratz, natione Vngarus, rogat per inter-nuncium Ducem, ut ſe nihil tale meritum libertati reſtituat, neque conſuetis miniſter-rijs adeſſe Catholicis prohibeat. Renunciat Rakoczi, ut paululûm præſtoletur, facturum ſe brevi, unde Pater intelligat, quid factio opus ſit. Obtulerat interim Criſino Canonicum cum libertate ampliſſimos etiam reditus, ſi ejuratâ Religione, Calvinum ſequi in animum induceret: ſed is, hortatu maximè Patris Pongratz, ſcleratam conditionem animoſè rejecit, Diaboli partes agendas à Rakoczio ſuſcipi aſſerentis, dum eum à Chriſto & Eccleſia niteretur avertere, pro qua omnes parati eſſent ſanguinem & vitam profunderere.

Moriendum ergo illis, quia Papiſtæ eſſent, die inſequenti clarè denunciatur. Quâ cauſâ mortem ſibi optatiſſimam accidere teſtatur P. Pongratz, aptatâ continuè ferro cer-vice reliquis præibat. Sed nequaquam crudelitati ſat erat tam ſiccâ morte. DEI ſervos è medio tolli; ſatiari innocentium cruciatibus, nî fidem abijcerent, volebat. Quod cum nullis promiſſis, aut conatibus obtine-ret, igne primùm & facibus agere cœpit, quarum aduſtione eoſque in latera è trabe ſuſpenſorum deſcivijt, quoad deſluente uni-verſâ carne nudatæ coſtæ, ipſâque adeò inter oſſium crates intima viſcera apparerent. Totam illam in Sabbatum euntem noctem tenuit carnificina, in qua cum nihil ampliùs exurendum reſtaret, omni ſerâ belluâ trucu-lentiores hæretici, novo tormenti genere, ſilicem inter ac rotam bombardarum interceptas carnes, ac potiſſimùm abſconditas partes corporis, caſtiſſimis hominibus im-maniter primùm comprimebant, ac tum laxatâ rotâ ſadè dilacerabant. Ità teſtata eſt vicinia, totam illam noctem ejulatibus & ſuſpirijs innocentium, diritate cruciatuum expreſſis, inſeſtata, & nonnulli carnificinæ præſentes, à quibus etiam ſequentia prodita ſunt.

Urgebant inter atrociſſimos dolores ingemifcentem Canonicum, cur ſimul cum ipſis in bonum Patriæ non conſpiraret, ſed eorum conatibus ſeſe opponeret? Negavit ille ſe ipſis opponere, qui bono Patriæ ſtuderent, ſed cum ijs & ſentire, & conſpirare velle. Suſpi-

cionem ea verba P. Stephano fecerant, animi tormentorum impatientis, & in perfidiam ex dolorum intolerantia inclinantis. Itaq; cruciatuum ſuorum incurius, licèt in ſanguine ſuo humi volutaretur, ſcîrètque longè adhuc acerbiora ideo ſibi inferenda; ut Canonicum confirmaret: *abſit*, exclamat, *Domine Criſine à te, ut ijs conſentias; abſit à te, ut relictis Chriſti ſignis, ſpe brevis & caduca vita, ad hoſtium caſtra transfugas*. Sed exemit errorem Patri Canonicus, non eo ſine aut ſenſu, talia à ſe dici conteſtatus, ut hæreticis accedere vellet, ſed cum ijs duntaxat ſentire & conſpirare, qui Patriæ bono ſtuderent, quales utiq; ſoli eſſent Catholici. In rabiem hæc tam animoſâ proteſtatione in Patrem ac Canonicum acti milites hæretici, cum hunc inter tormenta jam jam expiraturum viderent, caput gladio à corpore reſcindunt, & in proximam cloacam præcipitant. Ad Patrem deinde, veluti pertinaciæ auctorem, reſſi, ſæva tormenta furore amentes inſtaurant, ac digitos omnes ſigillatim gallo & rotulæ bombardæ ſubjectos crudeliter premunt, lacerant, diſcerpunt, oſſa comminuunt, identidem ſuggerentes, *uno verbulo, ſi Calvinî ſectam amplecti vellet, ſignificet, tormenta omnia, & mortem redempturum*. Neganti hoc tantum ſcelus admiſſurum, capiti circumactum ſunem ſuſte intercipiunt, itaque conſtrictam cervicem torquent, & coarctant, ut ipſi jam crederent animam ex doloribus efflaſſe; præſertim ante cruciatus impactâ pectori ferratâ clavâ tantum non exanimatum, certè ita debilitatum, ut in terram corruens, longo tempore vix ſpirans & palpitans, ſemianimis jacuerit. Ergo jam exanimi caput ſimiliter reſcindere parabant; ſed quia ita humi corruerat, ut commodè amputari nequiret, duobus lethaliſſimis capiti inſiſtis vulneribus, in ſuo cruore volutatum relinqvunt; dum interim Patrem Melchiorem Teſchini in Sileſia natum, ſociorum in immani carnificina otioſum hærenus ſpectatorem, ijsdem cruciatibus afficiunt. Sed cum eundem in ipſo actum agere ſe vident, properantem exire animam, multis vulneribus conſiſo capite exturbant, penitùſq; interemtum, ad eandem poſt Canonicum cloacam abijciunt.

Vivebat tum adhuc cæteris robuſtior Pater Stephanus, quem ſemimortuis etiamnum vocibus ad DEum ſuſpirare indignati hæretici, vivum & palpitantem eodem præcipitant, & partem aliquam muri ſuper eos, ut obruerentur, deiſciunt. Inter eas ſordes



acerbissimòsq; cruciatus identidem gemens, auditur ab ædituo Catholici Sacelli : à quo cùm frustra petijisset, ut suo nomine opem Domini Georgij Hoffman, Regiæ Cameræ Consiliarij, ad se inde extrahendum postularet, eò quòd Hoffmannio ab hæreticis jam necato, ipse quoque ædituus ad necem quæreretur : eundem hortari ardentè institit, ne tormentorum aut mortis metu, induci se sineret ad ejurandam fidem. Nos, inquit, *brevi hinc in Cælum ad dulcissimum JESU conspectum evolabimus, etiam tu illius miles es, certa ergo bonum certamen usq; ad mortem, ut coronam immarcescibilem adipiscaris.* Omni ergo humano destitutum se videns auxilio, totus in DEUM se convertit, & ad supremum agonem vires colligens, plenus æternorum spe, sanctissima JESV & MARIÆ nomina invocare cœpit; donec inter Seraphicos virtutum actus, ipsas viginti horas superstes, partim vulnerum & cruciatuum dolore confectus, partim intolerandis latrinæ fœtoribus suffocatus, purgatissimam animam Deo reddidit.

Atque hæc fuere victimæ, quibus crudelitati suæ hæresis Calvinii Cassoviæ parentavit, & salus Catholicorum Civium redempta fuit. Paulò antè siquidem constitutum erat, omnes Catholicos, unà cum Patribus neci dare. Obijt Pater Stephanus ipso Beatissimæ Virginis die Natali 8. Septembris, ætatis anno 36. cùm P. Melchior pridie necatus decessisset, anno ætatis 35. Christi 1619. Post aliquod tempus missi carnifices, eruta inde corpora, loco sicciore in eadem cloaca extra sordes ruderibus contexerunt; donec post quatuor circiter menses Illustrissima Comes Catharina Palsia, Regni Palatini conjunx, magnis precibus à Tyranno Gabriele obti-

nuit, ut ea sibi auferre liceret; quæ à sordibus diligenter purgata serico involuit, decen-  
tèrque cistulis imposita, curru sejugi in Parochiam Sebesensem devexit, inque templo Beatissimæ Virginis prope summum Altare religiosè tumulavit. Translata postmodum quindecim elapsis annis fuere Tyrnaviam, & magnà devotione in æde Sanctimonialiù deposita; cujus cœnobij Antistita sanctè affirmavit, juratisque testibus se probare posse pronuntiavit, frequenter Angelicos concentus in eo Templo, præcipuè per noctis quietem, audiri, ex quo ea pignora ibi reposita sunt. Retulit similiter Ladislaus Deaki, Præpositus & Canonicus Strigoniensis, se cum hæretico viro nobili locutum, qui sanctè affirmavit, se circa latrinam, in quam Christi servorum carnifices corpora abjece-  
rant, suavissimum persæpe concentum audivisse. Illud autem accidit memorabile, quòdeorum sanguis in pavementum & parietes diffusus, nullà diu potuit extersione ablui, nullà industriâ aboleri, adeò vividus recénsque conspectus, acsi tum primùm funderetur. Quo eodem aspersam vestem suam unus carnificum, cùm diu frustra omni arte & conatu eluere studuisset, tandem eà deposità aliam induit. Mirum dictu! etiam in illa, quam recenter induit, apparuere cruentæ sanguinis maculæ, neque ullà diligentia aut arte aboleri, abstergiverè potuere. Quibus permoti multi Catholicorum, quòd supra naturæ vires hæc fieri judicarent, magnà pietate, veluti opinione suâ sanctos, profecti sunt, & privatà religione invocare cœperunt; & Illustrissima Comes Catharina Palsia, Patris Stephani digitum thecæ decen-  
ter inclusum, semper ad venerationem penès se gestavit,

## P. GODEFRIDUS THELEN.



Ickradium in Juliacensi Ducatu oppidum, natale solum Patri Godefrido fuit. A parentibus pietate magis & virtutibus, quam opum affluentia nobilibus, ad omnem morum decentiam ab infantia institutus est; ex qua Divinum Numen revereri assuetus, neque per studiorum deinde cursum, vitæ poenè Religiosæ tenorem reliquit. Absoluto Philosophiæ triennio, ubi ad Societatem ingressum obtinuit, cùm in vita Religiosa profectum suimet victoriâ metiendum esse didicisset, tanto suiipsius

odio exarsit, ut jam tum mortis pro Christo oppetendæ tyrocinium ponere, & duris quibusque perferendis assueferi dixisset. Cilicij exinde usus illi perpetuus, quo summis in æstibus accinctus, scholas Magister & discipulus frequentabat. Flagris in se tum aliàs, tum præcipuè pridie synaxis, copiosius sæviebat; quam etiam severo jejunio, nocturnâ vigiliâ, aliisque asperitatibus antevertebat. Assiduo precandi studio ita mentem animûmque DEO conjunxerat, ut neque agendo cum proximis ab eo divelli posse videretur, solitus ab ijs, cùm ex nomine vocare il-





P. Godefridus Thelen Germanus Soc. IESV. Fidei Romana odio scolap-  
rum ictibus confectus ab Hæreticis in Germania Cauba. 25 Septemb. A. 1620

C.S.d.

M.K.f

re illum nescirent, ità describi : *ille Pater, qui tam frequenter, atque ardentè DEUM Morare & suspirare consuevit.* In Religiosa Vocatione acquiescebat, ut mortem subitum millies potiùs diceret, quàm ab ea descisceret ; pro cuius beneficio identidem DEO Eucharistico affusus, tenerrimas quotidie gratias agebat. Nec minor in DEI Matrem fuit devotio, quam ternà quotidie rosarij repetitione salutabat ; nihil æquè ejus interventione obtinere à suo Filio contendens, quàm copiam fundendi pro eo sanguinis. Cujus ubi asfulgere sibi occasio visa est, eo in quævis discrimina caput obijciendi ardore exarsit, quo alij pericula vitare solent. Sacris initiatus ordinibus, jam propè finem moralis Theologiæ studio imponebat ; cùm appulsus in Pa-

latinatum Catholici Regis exercitus, Ducè Ambrosio Spinolà, Sacerdotibus aliquot, procurando spiritali operà milite, indigebat. In quam periculorum & ærumnarum feracissimam sortem magno desiderio incensus, edixit, se copiosà sui diverberatione gratiam repositurum illi, qui primus tam beatæ missionis à superioribus sibi imponendæ, nunci-um attulisset. Verùm speratam illi fortunatæ ab hoste hæretico necis, alià viâ DEUS copiam ingessit, dum Novesium proficisci à Moderatoribus sub finem Septembris jussus, in hæreticorum militum potestatem incidit.

Descendebat secundo Rheno Moguntiâ per Palatinatum, cùm insequentem illorum manipulum devitaturus nauta, littori applicuit,



cuit, ut quod unum poterant, salutem pedibus vectores, in saltibus, vineis, aut oppido vicino Cauba perquirerent. Et tendebat quidem directo cursu cum nonnullis Pater Godefridus Caubam; sed conspicatus inde Calvinistas milites, qui Palatini nomine, præsidio illam tenebant, obviam prodire, vitiferos montes arduo conscensu petebat. Verùm & hinc ab hæreticis viniculis saxorum imbre repulsus, in manus denique præfidiariorum incidit. Erat jam tum Pater apud Urbem Bacharacum rebus omnibus, viatico, literis, ab hæreticis exutus, & convitijs, contumelijsque oneratus; quæ isti ex integro dum in innocentem instaurant, & tanquam omnium bellorum incentorem, Papæ satellitem, falsi Evangelij seminarem, verberibus, flagris afficiunt, unum ex suis, ad præsidij Ducem ablegant, qui sententiam & autum illius exquirat, quidnam captivis fieri velit? Revertit ille non multo post, jussisque captivis se in locum editiorem sequi, militibus in aurem tesseram insuffurat; quæ acceptâ explosis bombardis interneccioni eos dare præcipiebat. Nec latuit Patrem decretoria sententia; socios proinde ad patientiam, & cruciatuum Domini memoriam hortatus, ut pro Catholica Religione, quæ sola in mortis causam inermes, & cetera innocentes prætendi poterat, libentibus animis vitam ponerent, omnes in ascensu à noxis absolvit. Jamque in clivum Oppido proximum evaserant, cum iterato sibilo admoniti milites, sclopos in ictus expediunt, admotisque fomitibus mortem denunciant. Procumbit illico in genua Pater, oculisque ac manibus in cælum elatis, verba paulò antè inter navigandum meditata inclamat: *Domine exaudi orationem meam;*

*& non intres in iudicium cum servo tuo.* Ab excepto pectore globo humi mox sternitur; in quem furore barbaro illi irruentes, caput sclopis penitus contundunt, senasque insuper grandiores, lethales omnes plagas jacenti, & JESUM ac MARIAM ingemini infigunt. Eadem sævitie quinque alios Catholicos tollunt, exutaque ad nuditatem corpora in vicinam vallem præcipitant. Quæ apud Patrem adhuc residua, in spoliis militi præter vestem celsè, cilicium fuit setis horridum, & cum theca agni cerei flagellum è funiculis contextum, quæ illi Vulcanus veluti fastidiosa consecravit.

Ecce autem postridie, dum subulcus in vallem pecora pastum educit, videt illa tristi mugitu cædis locum implere, erutamque pedibus humum magno furore spargere. Rei tam insolitæ causam scrutatus, advertit terram sanguine sædatam, vultusque male sepulcorum cum pedibus humo prostantes. Quod cum ad oppidum recurrens obvijs quibusque nuntiat, moti ex his miseratione nonnulli, loculis ligneis necatorum corpora incluserunt, illataque in cæmeterium decenter contumularunt: donec quinquennio post Gubernator Caubensis Catholicus, in loco cædis Sacellum elegans constituit, S. Cruci dicatum, in quo necis historiam eleganter depingi curavit. Nec ullus civium dubitavit, solo Religionis odio Patrem interfectum, cum homicidæ illius nefarii palam jactarent, non aliâ causâ præter illum sævitum etiam in alios, quàm quoddam socij itineris cum Jesuita prehensi fuissent, quos omnes cuperent eodem, quo unum exitio, de medio tollere. Contigit mors hæc in

Palatinatu Caubæ 25. Septembris

Anno 1620.

## P. ARNOLDUS à BOECOP.

**S**upremum consummata Sanctitatis gradum, quem tertium humilitatis modum S. Ignatius in Exercitijs appellat, studiosè consecutus P. Arnoldus, etiam si nullo superaddito laus DEI par foret, siue in saculo vitam commodis & divitijs opulentam, siue in Religione molestijs & difficultatibus asperam duceret, ad majorem tamen imitationem Christi, elegit potius cum eo paupere, spreto & illuso, pauperiem, contemptum, & insipientia titulum in Societate ejus amplecti, quàm opes, honores, & sapientie estimationem. Unicus is erat suæ Matri viduæ filius, Patrimonij prorsus opu-

lenti, & avitæ in Geldriæ Ducatu nobilitatis hæres; unde maximæ illi ad propagandâ in posteros generis profapiâ exortæ difficultates, quemvis alium ab Religionis amplexu removissent; quæ tamen à consanguineis obiecta, tantò ampliùs eum ad despiciendum terrena excitabant. Igitur superatis remoris omnibus, Societatem JESU ingressus, in id incubuit maximè, ut virtutes à Christo ad imitandum præ reliquis propositas, suas faceret, essetque in omnes mitis, & humilis corde. Inde vilissima omnia in munijs, vestitu, & victu, præcipuo quærebat ambitu, gaudens postponi alijs, neque alio loco haberi,





P. Arnoldus à Boecop Nobili loco in Belgio natus Soc. IESV, veneno ab Hæreticis sublatus in Germania A. 1622. 19. Februarij.

C. S. d.

M. K. f.

haberi, quàm postremo omnium. Ex qua suæ vilitatis profunda æstimatione, cupiebat alios sua de se iudicia metiri, & ineptum ad præclara munia obeunda æstimari. Atq; hinc singularis Viro Majorum imperijs obsequendi promptitudo. Uno, jubentis ire, vel aggredi quidpiam, Moderatoris imperio, omnia adversa perrumpere, non retro respicere, non obducere moras; certus rem conficere, esto moriendum in parendi studio foret.

Jamque Theologiæ cursum emensus, Sacerdotio initiatus fuerat, & ad provolandum in labores Apostolicos nutum Superioris avidus expectabat; cùm jussus è Belgio Moguntiam proficisci, magnis animis periculosum iter arripuit, vias omnes militæ heterodoxo insidente. In quorum delapsus manus (quæ illorum in Jesuiticum nomen

est benevolentia) in custodiam innocens compingitur, magno studio probabilem causam inquirentibus, ut necem illi, aut malum aliud crearent. Sed cùm nullius mali vel apparenter reum, suspectumve, publicè necare possent, pharmacum illi venenato mixtum poculo propinant, itaque liberum è carcere dimittunt. Vix Coloniam attigerat, cùm gliscente in venis malo, & atrocissimas præcordiorum convulsiones ciente, coactus subsistere, totos 5. menses cum lethabilibus doloribus luctatus est; ijs invictæ patientiæ documentis, quibus socijs omnibus perpetuam heroicæ virtutis memoriam, & ad strenuè consecretandum exempla reliquit, sublatus vi immedicabilis toxicici 19. Februarij Anno 1622.

P. HER-





P. Hervæus Malvesius Gallus Soc. IESV odio Religionis Catholica crudeliter interfectus ab Hæreticis, in Gallia Cleraci. 21. Febr. A. 1622.

C. Secreta. del.

M. K. M.

## P. HERVÆUS MALVESIUS.

**M**Ucidanum Galliæ Oppidum Patri Hervæo natale solum fuit; Viro domi & foris præclarè rebus pro DEO gestis claro. Sive enim cum potestate Rectoris præesset alijs, sive privatis munijs occupatus domi ageret, constanter Religiosæ disciplinæ observans, in sui despicientia assiduus, & obedientiæ cultor prorsus eximius fuit. Foris autem verè fuit Vir zeli pro Religione Catholica, hæresis osor, ad illius sectatorum salutem, infensissimus; cum illis tamen æquè ac cùm fidelibus, animi candore & ingenuitate adèd non vulgari agere solitus, ut sibi per eam omnium animos, quibus innotuisset, arctissimè devinceret, Guber-

naculis Rhutenensis Collegij cum laude defunctus, studium & operam ad Missiones Apostolicas toto ardore convertit; itinera omnia pedes, licèt ætate omnino decessa, percurfare, & non nisi parabilem valde cibum admittere solitus. Multis interim hæreticorum odijs & insectationibus appetitus fuit, tum præsertim, cùm in Regio adversus sectarios exercitu, strenuam Catholici Sacerdotis operam militibus præstare notatus est. Horum præsidio in Urbem Cleracum imposito additus, dum Regios ad agendum fortiter in sectarios obsidentes hortatur, & omnia seduli Pastoris munia procurat; repente hostes proditione invadentes, mœnia occupant. Pater sui incurius, & saluti



## P. JOANNES SANDÆUS.

95

luti aliorum unicè intentus, dum obvijs quibusq; ad sacram exomologesim aurè commodat, tandèmq; in Aulam Episcopi delatus, eodem Sacramento domesticos ejus expiat, deprehensus agnitúsq; ab irruentibus hostibus, de nomine per ludibrium salutatur Salutationem ludicram mox seria vulnera subsequuntur, quorum primum glande plumbea ad lævam mamillam unus ei infligit, altero medium guttur alius ense transfigit, ac mox verticem tertius, odio Sacerdotalis coronæ, luculentâ plagâ consauciat. Demû certatim quisq; velut in communem odiorum scopum irru-

entes, decem faciliè vulneribus, omnibus peccatore ad verso generosè exceptis, sicâ, gladiò, lanceâ cadentem confodiunt. Qui SS. JESU & Mariæ nomina inclamans, felicissimè extinctus est die 21. Februarij An. 1622. ætatis 64. Societatis 35. Interempti corpus hostes ad usque indusum expoliarunt; quod post aliquot menses à cæde repetitum est integrum, quasi recenti tunc adhuc sanguine respersum. Affirmavit quin etiam persanctè P. Joannes Tournerius, sibi vultum ejus Clericum abeuntis, visum esse Angelicis quibusdam radijs coruscare.



P. Joannes Sandæus Belga Soc. IESV. ab Hæreticis interfectus prope Weptadium ad Rhenum A. 1622. 30. Martij.

C. Sandæus del.

Melchior Kügel f.

## P. JOANNES SANDÆUS.



Atus est P. Joannes Sandæus Harlemis in Belgio, bonisq; artibus institutus, animum ad Societatem applicuit. Cujus

compos effectus, totum se ad agendum in oratione cum D E O addixit, ut omnis ejus actio, jugis quædam dici posset ad DEUM oratio. Mundum & terrena omnia

O



omnia ita despiciēbat, ut animum ab illis penitus avulsum, nihil nisi cœlum & superna in delicijs & desiderijs habere ostenderet. Animarum lucris nihil illi fuit pretiosius, nihil optatius: harum salutem illis potissimum procurare medijs cupiebat & vijs, quæ plus discriminis haberent, & molestiarum. Unde cum obtinuisset à Moderatoribus, ut militum salus maximè neglecta, & subsidijs curaque Sacramentorum in castris destituta, sibi committeretur, nulla vitabat discrimina, interque volantia hostium tela imperterritus suis constanter aderat, ut ne ullus supremæ absolutionis expers in expiatus decederet. Infirmis, aut ex vulneribus debilitatis, paternâ sollicitudine aderat, animabus simul & corporibus prodesse contendens. Eminebat inter hæc eximium quoddam in illo patiendi pro Christo studium, sic, ut quod plura toleranda occurrerent, eò majora ipse obvenire adversa optaret; quæ si demum

plenâ cruciatibus & tormentis morte coronari contingeret, tum demum nihil sibi ad plenam in terris felicitatem defore censeret. Nec vota fidelis servi Dominus frustratus est. quam enim inter arma & tela mortem effugit, hanc bello soluto extra militiam & castra invenit. Redibat è militari sua statione à castris Cæsareis in Belgium, cum per insidias in regressu ab hæreticis interceptus: qui ex vestitu agnitum, implacabili, quo in Societatis homines ardent odio, non solum violentè captivant, spoliant, direptisque omnibus, contumelias & verbera superaddunt, verum etiam ternos in eum scelopes lethalibus glandibus displodunt; quibus immoriens, gloriosè vitam sanguinemque pro fide testanda profudit, prope Wepstadium Urbem Spirensis Diœcesis, die 30. Martij, Anno 1622. ætatis 40. quæ eadem

Urbs honorificum ei sepulchrum apud se constituit.

## P. JOANNES LA GARDE.

**D**ictum Sapientis de Justo, fati ante tempus è vita subducto, tam bellè in P. Joannem la Garde convenire videtur, ut verè de eo dici possit; *Consummatus in brevi, explevit tempora multa.* Sap. 4. *cujus vita in brevi Sacerdotio celeriter consummata, condemnat longam vitam injusti;* imò & justis, in Spiritûs languore vitam tepidam in Religione exigentis. Vitam, quam in Gallijs natus accepit à Parentibus pietate & virtutibus magis, quàm nobilitate conspicuis, ita ab omni graviore noxa, maximè quæ Castimonie adversaretur, illibatam servavit, ut creditus omnibus fuerit, liliatas illius nives in tumultum secum retulisse. Innata quædam morum facilitas omnibus illum reddebat amabilem; cui accedens candidissimæ indolis sincerum apertumq; ingenium, omnes illi obnoxios faciebat. Quas animi innocentis dotes ad DEI obsequium in Religionem cum attulisset, initio statim intimâ cum DEO familiaritate agere cœpit, totum se ad agendum per orationem cum DEO impendens, tantâ arctissimæ amicitie consuetudine, ut nunquam in oratione vel minimam animi pateretur evagationem. Constat siquidem illum totis undecim, quibus in Societate vixit annis, ita orationis tempore unum in DEUM immergi solitum, ut nullam penitus unquam mentis aberrationem

experiri eum contigerit. Nunc ea internæ mentis in pacatissimo animo secuta est malacia, ut nullâ passionum tempestate turbatus, nullo impatientie spiritu vel levissimè commoveri, nunquam in alium à se mutari, nemini unquam vel asperiori verbo, vel tristiori vultu molestiam creare notatus sit. Accedebat in eximia doctrina, & tam Theologicarum disciplinarum, quàm etiam linguarum peritia, rara adeò morum simplicitas, ut in eo sine fictione videretur Adam, minimè peccavisse. Tanta præterea animi demissio, ut non erubuerit duos circiter annos, quibus in Missionem fuit alteri adjunctus socius, omnes Coadjutoris partes magnâ cum facilitate & alacritate obire. Singularis deinde in proximum Charitas, & ardens Animarum zelus, omnium commodorum & utilitatum contemptum illi inducebat, sic, ut sui immemor, frigoris calorisque perinde incurius, nudâ humo plures hebdomadas decumberet, lætus semper & alacer, in solum animarum lucrum intentus. Adhæc tantâ morum atq; omnium gestuum erat compositione, ut in eo nullus unquam quid protervum, aut non compositum animadvertisse deprehensus sit; tantâ patientiâ, ut nunquam ad tot discrimina & labores, quos in difficillima expeditione adivit, indoluisse dicatur; eadem generosæ mentis alacritate mortem excipiens, quâ in patrocinio Virtutis,





P. Joannes la Garde Gallus Soc. IESV. pro Dei causa  
veneficio sublatus in Gallia S. Riani 1622. 15. Aug.

C. S. d.

M. K. f.

tutis, cujus per omnem vitam amator extitit, operâ nefarij venefici interijt.

Navigabat P. Joannes cum Regis Christianissimi classarijs, ut dum ipsi Patriæ littora ab hoste & pirata tuentur, ipse spirituali operâ, quoties necessitas ferret, opportunè adesset. Observavit interea in ea triremi, quâ ipse vehebatur, adesse veneficum, à quo mali quidpiam timeri classi meritò posset. Hunc postquam constituiisset quacunque demum ratione, esto incommodum inde aliquod, imò & mors ipsa subeunda foret, tempestivè exigere; ne quid temerè aggredere-  
tur, nève homo improbus solis suspicionibus præstigias sibi affingi contendens, crimen pertinaci inficiatione elideret, instituit nocte quadam ei advigilare. Et ecce deprehen-

dit illum magicis nescio quibus circulis occupatum, scelerato carmine dæmonem in veneficium evocare; ad quem proinde improvisus accurrens, in ipso nefario opere deprehensum arctè brachijs constringit, palamque magiæ convictum, libros etiam damnatæ artis producit, & ut navigio eijciatur apud militiæ Ducem omni ratione contendit. Justissimum Sacerdotis zelum injuriam suam interpretatus magus, dum è navi extrahitur, adstanti fortè Patri Joanni carmen nescio quod veneficum in aurem insusurrat, quo Pater illico persensit valetudinem sibi turbari, vertigine caput circummagi, febrim cieri. Sed nihil veneficio turbatus, etiamsi me tuus, inquit, incantationibus, DEO sic permittente, occideris, profectò beatè merum agitur, qui vel



morte meâ tam gravem à tiremibus, & contagiosam pestem averterim. Gliscente exinde in venas & viscera pernicioso malo, cum frustra essent medicorum remedia, charissimum sibi Patrem milites in Pictonibus, pecuniâ ad ejus curationem hospiti attributâ, deponunt. Sed cum robur in dies morbus acciperet, jamque ad extrema deduci Pater videretur,

biduo ante obitum in proximum S. Riani pagum, in Insula Riâis, ad Ligeris ostium delatus, magnâ charitate à Parocho excipitur, à quo Sacramentis ritè munitus, in Crucifixi complexu, inter ardentissimos Divini Amoris actus, magnâ sanctitatis opinione, expiravit, die 15. Augusti, An. 1622. ætatis 27.



P. Theodorus Riswig Belga Soc. IESV. inter Carceris arumnas odio Religionis Catholicae confectus. Neomagi in Belgio. 4. July. A. 1622.

C. S. d.

M. K. f.

## P. THEODORUS RISWIG.

**N**Oviomagus Urbs Belgij, Patri Theodoro Riswig primam vitæ usuram contulit, illâ etiam avitæ stirpis, & Progenitorum laude nobilitato, quod magni illius Patris Canisij, cujus laudem esse in Evangelio per omnes Ecclesias, Cardinalis Cæsar Baronius

asserit, civis & cognatus fuerit. Omnibus ille quidem virtutibus in Societate, quam puer amplexus est, enituit, potissimum tamen animi demissione, & corporis afflictandi studio. Quo tempore in gubernando Gochiensi in Geldria Collegio præfuit, Hæreticus Neomagi pro Hollandiæ Statibus Gubernator,



tot, per fraudem oppido occupato, ipsum in captivitatem cum socio Sacerdote abduxit. Ex qua frustra illi sese eripere, & objecta veteris Hæreticorum fraude crimina diluere conati, illud responsi à Curia Hollandiæ Hagâ Comitibus tulere: jure ac legitimè captos, in vinculis attinendos esse; abundèq; ad maleficio sufficere, quòd Jesuitæ essent. A qua sententia P. Theodorus in commune facinorosorum Neumagi ergastulum detrusus, quòd illi custodiendo parùm essent perpetuò excubantes militum vigiliæ, uni atq; eidem catenæ cum tribus alijs innectitur, ut ab se invicem longè divelli non possent. His ille custodiæ angustijs, pedore, illuvie, victus & somni incommodis, alieniore, præsertim jam supra sexagenarium ætate, superatus, vitam ipso in carcere, sexto ferè æumnarum men-

se, pietati & Religioni impendit 4. Julij, Anno 1625. Paucis ante obitum diebus interrogatus, num alieno esset animo in eum, qui calamitosæ captivitatis, atq; adeò acceleratæ sibi mortis auctor fuerat? negavit omnino. Ceterùm ad justum arbitri Numinis Tribunal propediem illum secum evocandum, ut ibi causa utriusque discuteretur. Nec vaticinium exitus sefellit: paucis liquidem ante felicem Patris obitum diebus, infelici alter ille exitio vitæ ereptus est. Quem paulò post secutus est alius, irrogatæ eidem mortis reus, qui linguâ tetrum in modum intumescente, & præ ardoribus turpiter extatâ, ac subinde in horridum atrorem deformatâ, ream sceleris animam impiè evomit.


## P. EDMUNDUS AROUSMITHÆUS.

**L**ancastria Vrbs Angliæ nobilis, Edmundum eadem & in lucem protulit, & post annos vitæ 43. luce privatum, morte perduellium affecit. Societatem JESV jam vir ætate maturâ ingressus, quinq; duntaxat annos in ea vivendo transegit; sed ita præclarè factis & meritis plenos, ut primis etiam Angliæ Apostolis meritò accenseri possit. Acer cum primis erat, & vehemens in redarguendis Hæreticorum erroribus, nihil iniquis Parlamenti edictis, aut præsentissimo mortis discrimine absteritus, quò minùs in publica etiam cum Ministrellis, & errorum doctoribus certamina descenderet. Inter quæ celeberrimum fuit, quo cum Pseudo-Episcopo Cestriæ congressus est, ubi in plurimum Ministrorum corona, Fidei Catholicæ veritatem, & Romanæ Sedis super omnes Ecclesias primatum, ita firmis asseruit argumentis, ut ad ignominiosum silentium infelicem senem cum ludibrio adegerit, victoriâ per omnem latè Lancastriæ Provinciam vulgarâ, cujus ipse præmium consecuturum non dubitabat, laureolam diu optatæ pro Religione mortis. Sed placuit tum quidè Divinæ Bonitati spem ejus tantisper differre, cujus non ita multò post compos effectus est. Cum enim Hæreseos magistri nupero certamine gloriosum, liberè intuerentur eadem in Provincia agentem, Fidèmq; orthodoxam prædicantem, Apostolicum viri zelum intolerandam audaciam, suiq; contemptum interpretati, vinculis & carceri illum manci-

pant. Sed neq; vinculis adstringi libertas potuit, quò minùs & illic spolia Hæresi detraheret. ita enim ferventer, constantèrque Religionem Catholicam alijs captivis suasit, ut deniq; unum ex illis furti convictum, Ecclesiæ adjunxerit, futurum deinde ejusdem secum supplicij socium, quantumlibet ei vitæ copiam, si Hæresim reciperet, offerrent Ministri.

Venerat per eos dies Lancastriam novus Provinciæ Præses, homo sævus, & Catholici nominis crudelis insectator, qui continuè sibi P. Edmundum pro tribunali imperans, objectare illi per ludibrium nuperum cum Episcopo certamen, & ex illo conceptam superbiam cœpit, cum tamen nihil omnino posset tuendæ asserendæque Catholicæ Fidei, quod firmum foret aut vero simile, in medium afferri. Cui cum animosè Pater, neminem se in disputatione reformidare, neminem detrectare, respondisset, contra quem veritatem Catholicam tueri, & pro ea asserenda sanguinem etiam fundere paratus esset; in tantam ille iracundiam libertate provocationis excaudit, ut DEum & sacra omnia testatus sit, non antè se Vrbe digressurum, quàm distracta quadratim Patris membra, consuetis affixa locis cerneret. Nec mora, die judicio confestim dictâ, sistitur tribunali Pater, & à duodecim viris perduellionis reus condemnatur, quòd Sacerdos, & Jesuita, & seductor esset, quoniam extra Romanam Ecclesiam haberi salutem non posse, coram duobus testibus, quibus à Parlamenti





P. Edmundus Arousmithæus Angl. Soc. IESV pro Fide Catholica suspensus, et dissectus Lancastriæ in Anglia. 7. Sept. A. 1628.

C. Secreta d.

M. K. f.

Religione defectionem suadebat, affirmasset. Petijt Edmundus, quod facinorosissimis etiam Patriæ leges concedunt, eos binos testes palàm exhiberi; sed minimè auditus, & atrocissimis è contrà contumelijs, ab impotente iræ Judice & Assessoris oneratus est. Secuta est de more Judicis extrema sententia, quâ præter suspendium & exenterationem, jussus est immanibus, atq; adeò inusitatis vinculis onerari, ut deportari in carcerem, cum illis ferendis impar, pedibus ingredi non posset, à lictoribus debuerit. Ubi ad commune facinosorum ergastulum pervenit, tanta captivos omnes illius cepit miseratio, ut confusione gemituum & lachrimarum, quas edebant, omnia personarent, & ad bis mille omnino passus exaudirentur.

Interim Judex moræ impatiens, ut erat sanguinis ejus sitientissimus, diem fontium pœnis decretum antevenit, eumque pridie, feriâ 5. hebdomadæ, quæ erat Septemb. 7. anni 1628. jussit educi; juramento se obstringens, non antè cibum gustaturum, quàm carnificis manu necatum Patrem accepisset. Ergo in viminea crate raptatus ad furcam Pater, postquam horæ circiter quartam partem DEum sub illa precatus esset, trinâ genuflexione DEum, adjunctis tertio his verbis veneratur: *ultro ac liberaliter tibi dulcissime JESU vitam hanc meam devoveo, in satisfactionem peccatorum meorum.* Et nequicquam importunâ Ministellorum & lictorum interpellatione turbatus, profequitur: *JESU, vita & gloria mea, toto tibi animo hanc vitam restituo,*  
quam



quam à te accepi, & nō tu dedisses, jam ea nequaquam suppeteret, ut restitui à me posset. Semper optavi, DEUS anima mea, tibi, & pro te, vitam hanc meam dare: & illam exhibeo nunc, & agnosco ejus pro te jacturam, lucrum esse: ejus sine te incolumitatem, esse detrimentum. Morior pro amore tuo, pro nostra S. Fide, pro tuenda auctoritate Cathedra Vicarij tui in terra, Pontificis Romani, legitimi Successoris sancti tui Apostoli Petri, veri Capitis Ecclesiæ Catholicae, à te instituta. Mea peccata, Domine, tua causa mortis exitere. Sed in hac mea morte, te solum veram vitam expeto. Ne permittes benignissime JESU, ut evadam tormenta, quò vitam habeam sine te. neque enim bonum est ibi vitam habere, ubi tu non es. Da mihi, bone DEUS, constantiam ad ultimum usq; articulum, neque me uno momento vivere sinas absque te; quia tu cum sis vera vita, malè potest hac in me esse, si tu meo in corde non vixeris. Majorem concipio dolorem, dum recogito me offendisse te, vel posse à quoquam offendi, quam ullus esse possit, quem hac ex mea morte concepero. O vita totius vita mea! quamquam qui totius, si aliquando à te alienus fui? sed tibi tamen demum devotus, toto ijs corde condono, qui eam mihi student eripere. Facta interim sapius Edmundo est vitæ potestas, atque optio, dummodo nefarium illud juramentum Fidelitatis conciperet. Sed ille conditionem Sedis Apostolicæ adeò injuriosam aspernatus, veniam Judici, decemviris, hostibus suis, ardentè à Deo expetiit, rogatis etiam si qui adessent Catholicis, ut suas secum preces conjungerent, Deumque pro se, Rege, & Patria orarent. Negavit interpellans Deus Minister, ullum ibi reperiri Catholicum. Pater, qui plurimos presentes, sed hostibus ignotos videbat, ne inficiando illis malum crearet, vel hoc ipsum est, inquit, quod me vehementius excruciat, qui optem, si liceat, toties mortem oppetere, quot hinc adsunt mortales confertissimi, hæc una sponsione, si ad Catholicam omnes Ecclesiam se conferant. His dictis, consensu alacriter patibuli scalis, è summo gradu Catholicos ad Religionem retinendam, Hæreticos autem ad complectendam, sereno explicatōque vultu hortatus est. Postque non diuturnam è deprompto libello precationem, restem collo induens, nocturnum capitis integumentum in oculos demisit, de reliquo carnificem suum munus exequi permittens.

Ubi denuo cogitationibus jam in æternitate versantem sollicitans Deus, Domine

Edmunde, inquit, Rex apprimè misericors vitam tibi concedit, dummodo vel nunc jurandum Fidelitatis prestare in animum inducas. At ille reducta ab oculis vittâ, ore & vultu severo, deciperis in me, respondet, longè ab ea cogitatione absum. Omnesque denuo ad Catholicorum partes sequendas exhortatus, veniet enim aliquando, subjecit, dies illa, cum vos hujus nec tedeat, nec pœniteat, sed permagno vobis solatio sit & adjumento. Tum verò indignum ulteriore vitâ conclamantes Ministelli, præcipitari continuè è scalis imperant, etiamnum aliquamdiu labiorum motu, & decussatis in crucem ante pectus manibus, DEUM invocantem. Judex, qui ex specula per tubum opticum carnificinam omnem spectabat, veluti religione impij juramenti solutus, tum demum cibum admisit. Post quod allatos sibi dono binos ex venatione cervos, cum laniati quadripartito Patris membris (quæ & ipsa afferri sibi volebat) crudeli petulantia componens, in adipem illius barbaro & inepto joco lusit. Sed neque vel tum innocentis necce explens rabiem, cum paulò post Urbe digrederetur, præfixum in Arcis pinnis inter alia fontium capita, Edmundi caput conspicatus, haud satis alto loco positum dixit, altiùs super reliqua attolli præcipiens, ut omnibus bene conspicuum, discerni à reliquis posset. Sequentè post appetitam gloriosam mortem nocte P. Ambrosio Barlo Ordinis S. Benedicti, decumbenti, & supplicij ejus penitus ignaro, suâ formâ conspicuus adstitit, quàmque secum fortunatè actum, esset Lancastriæ, edocuit. Ageret porrò & ipse in cultura Anglicanæ vineæ alacriter, idem præmium laborum à DEO, eodem loci, & quidem omnium post suam necem primùm consecuturus. Id quod revera Anno 1641. 20. Septembr. factum est. Quin etiam asserunt quidam, idem ipsi prænunciatum ab Edmundo in carcere, cum illum à se, postremum illi ante judicium sententiam confessus, vale dicto dimitteret.







P. Mathias Burnatius Silesius Rosenlengensis occisus ab Hæreticis Ruricolis in Boëmia prope Rowenscum 9 Augusti A. 1629.

C. Scretta. del.

Melch. Kusell. f.

## P. MATHIAS BURNATIUS.

**P**essimum malorum omnium Hæresis, quam inter pœnas ab irato Numine desperatis mortalium sceleribus ultimò immitti solitam, Dominus ipse S. Brigidæ revelare dignatus est, ex hoc vel maximè est formidabilis, quòd diuturna præ cæteris, sæcula etiam pati soleat. Experta id præ reliquis est Boëmia, Regnorum dum Catholica fuit felicissima, quæ tamen Wicleffi Hæresi per Hussium semel infecta, ità varijs deinceps erroribus, per duo & ampliùs sæcula est confictata, ut nullo quantovis Austriacorum Regum Catholico Zelo, integre Fidei restitui potuerit. In ejus instaura-

tionem præ alijs ardentius incubuit Ferdinandus II. sacratissimæ memoriæ Imperator, qui post celeberrimam de rebellibus in Albo Monte, non sinè prodigio relatam victoriam, ut rebellionum in legitimos Reges radicem excinderet, subditos non alios habere in Regno voluit, quàm Catholicos. Incredibile dictu est, quantos ea res Apostolicis ex Societate Viris, quos potissimùm in Ministeriũ hoc adhibere placuit, sudores pepererit, quot discrimina conciverit! ingente præsertim rustica, quæ uti ad rationum penetranda momenta est hebetior, ità in pertinacia retinendi erroris est obstinator. Horum pagi aliquot orthodoxâ Religione imbuendi




buendi cum P. Mathiæ, navo imprimis & pleno zeli operario commissi essent, mortem illi pro vita, quam animabus illorum afferebat, retulerunt.

Natus hic Rosenbergæ in Silesia, etiam in honestissimis litterarum studiis juventutem, ut ab illecebris sæculi immunem conservaret, duodevigesimo ætatis anno Societatem complexus est. In qua post eruditam annis aliquot in scholis humanioribus juventutem, eidem in Seminarijs Crumlovij & Gitzinij educandæ præfectus, quia amplo suo, & plurium capaci pectori hæc non sufficiebant, unâ cum his curis quinque Parochias, indefesso labore, amplius quinquennio, in summa Parochorum inopia, administravit. Ampliorem tamen messëm ultimo quadrimestri retulit; in quo reducendo ad frugem Gitzinensi Circulo adhibitus, complures pagos, oppida, civitates, in Catholicæ gremium Ecclesiæ feliciter reduxit. Has inter oppidum erat Rovenskum nomine, incolarum pertinaciâ proterviâque famosum, cui proinde si detrectaret, etiam quadam sanctâ violentiâ in Dominicum ovile compellendo, militem armatum adhibere, Cæsari placuit. Verùm non ita secretò res agi potuit, quin civibus suboleret, qui proinde certi impetum armis propulsare, multitudinem insuper ruricularum vicinam, continuato æris campani pulsu in auxilium exciverunt. Miles ubi se majori numero, desperatione & furij armato, imparem futurum vidit, irritatus importunitate pulsantium, & continuo sonitu plebæ ad arma evocantium, ignem turri subjecit; cujus violentiâ æra campana, toto eo tractu à sono celebratissima, liquata sunt. Præstolabatur interim militaris expeditionis successum Pater in pago pene contermino; ut ubi ad recipiendam verbi Divini sementem aures incolarum subactæ forent, ipse superveniens, suo concionandi docendiq; munere fungeretur. Periculum nihilominus in tam ancipiti expeditione præfagiens, socium nullum die illo, præter puerum è ludo literario, qui Sacrum facienti inserviret, admittere sustinuit, ut si quis casus ferret, solus ipse furoris victima caderet. Jamque Sacrificium peractum, & natus recens infans salutari aquâ resperfus erat; cum miratus Pater nihil Rovensko nunciari, duos tresve paganos, rem

exploratos transmittit. Quorum nullo ad Patrem reduce, ecce tibi furibunda repentè adest rusticæ plebis colluvies, omni genere telorum ruralium armata, sudibus, ferreis bidentibus, plumbatis, hastâ, sclopo.

Vix quæri se ad necem Pater intellexerat, cum jam ad fores vim facturi consistunt, nequam illum sacrificulum ad commeritas pœnas postulantes, qui Ecclesiæ Hussiticæ thesaurum, æra campana, militum scilicet manu, igne corripuisset. Evadere Pater postico in apertum campum tentavit; sed qui ad posticum observabant, properantem consecuti, lethale vulnus illi primò telo cuspidato dextro in scincipite imponunt, eodémque ictu, dum corruens dexteram objicit, duobus digitis mutilant. Efectus ex lapsu in genua Pater, dum ad se militum facinus nullatenus pertinere contestatur, interim à tergo quispiam bidente furcâ geminum illi vulnus indigit, ex quo ictu procumbenti denovo in terram, tertius glandem majore sclopo secus humerum lævum adigit per ipsâ præcordia, & sacra JESU & MARIE nomina invocantem conficit. Inde ad puerum Patris comitem, qui ad fugam equos adornabat, abrepti, 12. luculentis confossum plagis, lutulentâ fimi lacunâ demergunt. Indoluit præter Socios, tota latè Gitzinij vicinia indignâ Patris cæde, quem nulla unquam æris tempestas, non pluvie vel nives, neque frigoris ulla vis ab excursu in pagos prohibuit. Jactabant ejus in concionando zelum, quo sermonem ad hæreticam plebem erudiendam duas tresve horas continuabat: prædicabant in curando templorum decore sollicitam industriam, quibus alibi nova altaria, alibi subsellia, cathedras, vexilla, aliâque id genus ornamenta industriè providebat. Facies Patris longè, quàm dum viveret, amœnior, & in quendam veluti risum declinans, bonitatem causæ, quam morte asseruit, omnibus probare visa est. Corpus Libuno, ubi occisus est, 9. Augusti, A. 1629.

Gitzinium translatus, ibidem Societatis Templo maximâ solemnitate illatus est.







P. Ioannes Arnoldi Westphalus Soc. IESV. Religionis Catholicae odio ab Hæreticis in Germania iugulatus Visselhofda. 11. Novemb. A. 1631.

C. Secreta. d

M. Kiehl. f

## P. JOANNES ARNOLDI.

**U**od indefessâ Christiani Imperij in terram sanctam prolatione sibi commeriti sunt agnomen. Reges Franciæ, appellati Christianissimi, & Reges Hispaniæ à Catholica Religionis in Mauros, & Orbem novum propagatione dicti Catholici, hoc ab Apostolico ejusdem Fidei dilatandæ zelo, jure merito sibi vendicavit, sacratissimæ memoriæ Ferdinandus II. Cæsar, dici meritis Apostolicus. Siquidem nullo solitus est victrices Aquilas proferre, quo non continuè Religionem inferret Catholico-Romanam; ratus non esse Cæsaris Christiani, Ecclesiæ Prote-

ctoris, latiùs dominari, quàm regnaret Christus. Quocunque locorum arma Cæsarea penetrassent, internecionem afferebant Hæresi & excidium, cui profligandæ non minùs succenturiabat militem gladio spiritûs & Verbi Divini gravem, quàm subjugandis hostibus exercitum armis & ferro potentem. Perdomitis compluribus Germaniæ Urbibus, in potestatem etiam Verda devenerat, in qua continuè Religioni tuendæ præsidium ex Societate Jesu constituit, unde excurrentes in viciniam operæ, perpetuis assultibus vires Hæresis attererent, & Fidem orthodoxam promoverent. Inter primos Collegij ejus inco-



incolas fuit P. Joannes Arnoldi, Warburgi in Westphalia natus, vasti animi, & indefessi vir laboris, qui Catholicis sacris viciniam procurans, ternas simul Paræcias administrandas suscepit. Et licet valetudinis esset tantum non prostrata, obibat tamen sedulus loca sibi credita, nec hiemis rigore, nec æstus intemperie absteritus, quò minus itinera difficillima, hostibus Fidei, & supremis periculis refertissima, alacri animo percurfaret. Et licet experimentum eorū, præsentis vitæ discrimine, luculentum aliquando capisset, glande plumbeâ pileum ab insidiatoribus trajectus, nunquam tamen idcirco retineri domi passus est, donec Apostolicorum laborum promissum à DEO stipendium consecutus est, mortem pro Christo.

Inclinatis in Germania, accepta ad Lipsiam clade, Fidei Catholicæ rebus, cum salutem fugâ non Ecclesiastici duntaxat & Religiosi ex suspectis Urbibus, sed ipsa etiam Principum Catholicorum Præsidia quærent, atque adeò destituta milite Verda hostium direptioni & injuriæ pateret, fugæ tamen consilium, veluti turpe, aspernatus P. Joannes, remanere cum ijs, quos adhuc in Fide instituerat, neque omni Sacramento-


rum præsidio destitutos hosti obijcere, constituit. Dum itaq; more pristino Paræcias sui securus procurat, & festo S. Martini Divinis Visselhofdæ peractis, Verdam (vicinis quinque passuum millibus distantem) solus in essedo, aurigante puero, revehitur, repente interceptum hæreticorum paganorum occupat manus, violentè curru detrahit, terræ afflictum crudeli fustuario excipit, tantumq; non eliso clavâ cerebro exanimat. At ubi respirare, sesèq; colligere, & Cœlites oculis ac voce in auxilium vocare vident, novo furore incitati, semianimem corripunt, atque ad arborem alligant; cui unus, cæteris perditior, jugulum ferro petit, præcisèq; faucibus impiâ crudelitate oggerit: *hoc ore posthac,*

*si potes, tuum illud Dominus vobiscum inculca.* Inter quæ bonus Pater fide-

lem Domino suo animam

egit 2. Novembris.

An. 1631.




## BLASIUS SCHELLING.

**B**lasius Schelling Ingolstadio, nobili Baviaræ Civitate oriundus, relictis cum sæculo rebus & spebus omnibus, Christum sequi in ejus Societate, & quidem in statu Coadjutorum humili & postremo decrevit. Omnem pene, quam in Societate diuturnam egit, vitam, in obsonatoris, & rerum oeconomicarum Curatoris munere, consumpsit, rara humilitatis, quâ se omnibus libentissimè postponebat, de se præbens specimina. Neque tamen temporalium curâ spiritum extinguere, opprimere passus est, ita quotidianæ precationis & meditationis obeundæ tenax, ut ne superveniens repente occupationum multitudo eam interturbaret, ipse maturiore ante alios manè vigiliâ, consuetam orationis horam anteverteret. Per id tempus, quo Baviarâ repentino incurfu potitus exercitus Suedicus, omnia latè, expilatis maximè templis & rebus sacris, deprædabatur, Eberspergæ degebat Blasius, & ab annis omnino 27. æconomiam ruralem Collegij Monachienfis sedulo procurabat.

Servat ea Vrbs in maximo thesauro, ab annis jam amplius septingentis, S. Sebastiani cranium, à prodigijs celebratissimum, ideoque donarijs & anathematis magni pretij opulentum. Ejus à militum violentia custodiendi cura, socijs reliquis in tutiora dimissis, Blasio commissa est, tantò alacriore parendi studio ab eo suscepta, quantò propior fundendi in tam sancta causa cruoris spes affulgere videbatur. Nec sua illum fefellit expectatio. Miles enim hæreticus, & prædarum cumpri-  
mis avidus, ubi primùm Ebersbergam attigit, cranium Martyris, ejusdemque thesaurum sibi à Blasio exhiberi deposcit. Quem ubi nec minis, nec plagis & verberibus, nec vestium direptione, ad prodendum templi thesaurum permoveri videt, ad seria tormenta digreditur. Igitur frontem viro ad stipitem alligato recte constringit, quem fuste interceptum crudeliter contorquet. Tantumq; non dissiliente cranio oculos elidit, extremum minatus supplicium, nî proditione secreti mortem redimat. Sed ille dolores omnes in lucris reputans, nihil ad insanien-





Blasius Schelling Bavarus Soc. IESV. ob defensionem sacrarum Reliquiarum crudeliter tortus, et necatus ab Hæreticis, in Germania Ebersperga 1. Junij. A. 1632.  
C.S. d. M.N. f.

tium vocēs reponebat aliud, nisi sacra JESV & MARIE nomina, negans se margaritas ante porcos projecturum, & sacra pignora hæreticorum ludibrio expositurum. Quâ illius infractâ constantiâ militum unus acerbius irritatus, gladio caput unâ cum fune dissecut, & cerebrum disperfit; alij verò

pertinax silentium etiam in demortui cadavere ulturi, fimo illud contumeliosè obruerunt. quod tamen Catholici biduo post magno honore in Parochiali templo tumularunt. Passus est fidelis Deo & Societati per annos 53. servus 1. Junij, Anno 1632. ætat. 78.







*P. Iodocus Maiering Vestphalus. et Andreas Martini Franco Soc. IESV. crudeliter ab Hæreticis necati in Germania Rubeaci. 15. February. A. 1634*

C.S. d.

N. K. f.

P. JODOCUS MAYERING.  
ANDREAS MARTINI.

**N**atus est P. Jodocus in Westphalia, Osnaburgensis Diœcesis vicco, Mellen dicto, Andreas autem in Franconia Winckenij; juvenili uterque ætate Societatem ingressi, uterq; gradum in ea Coadjutoris, ille spiritualis, hic temporalis, consecuti. Volitabant impunè per ea tempora toto Imperio Suecorum arma, quorum auspicijs Otto Raingravius, acer cum primis hæreticus, Rubeacum Alsatia oppidum, arctâ obsidione, nequidquam animosè propugnantibus Casarianis, premebat, violento deniq; assul-

tu, post tridui impressionem Vrbe potitus 15. Februarij An. 1634. Versabatur eo tempore Rubeaci paulò antè officio Rectoris Hagena defunctus P. Jodocus, unà cum duobus Fratribus, Joanne Ascerman, & Andrea Martini, quòque tempore Vrbs expugnabatur, coram Venerabili Sacramento in Templo principe prostrati, unà cum D. Joanne Hornio loci Parocho, & alijs septem Sacerdotibus, precationi intendebant. Trucidatis per domos & Urbis plateas passim obvijs, ad Templum eodem tenore ventum est, ac multo sanguine per confertum intus populum



factâ viâ, ad ipsam usque Aram, ubi genibus illi nixi DEum ardentem in auxilium vocabant. Hic verò ubi Jesuitas adeste conspicati sunt, continuò magno furore involare, onerare convitijs, mox etiam vi ac manu rem gerere, ferali voce insultare, *prodite nebulones sacrificuli, & vos imprimis mortalium pessimi Jesuita, malorum omnium inventores, in pestem & exitium orbis nati*. Prima militum procella in P. Jodocum defæviit, cui obverso sclopeto graviter aliquot ictibus concussum caput: ipse semianimis in terram corruit. Nec dubitabant omnes eodem loci moriendum sibi esse, ideòque excipiendis sive ensium, sive bombardarum ictibus, flexo humi poplite sese aptabant; nisi decurionum unus exquirendam prius Ottonis sententiam, ne quid præcipitanter fieret, censuisset: disponente in bonum suorum suaviter DEO, ut sedato jam à furijs animo innocentissimis sacerdotibus nex conscita, constaret non alia causa, quàm Religionis & Ordinis odio inferri. Itaque pallijs, & rebus omnibus in vestigio despoliatos, Templo educunt, inque Civicam Curiam pertractos, angusto loco omnes simul concludunt; ubi longo plurium horarum spatium, donec domus omnes explata, & civitas direpta foret, hæserunt.

Redijt post hæc, qui exploratum Ottonis, acerrimi inter paucos Catholici nominis, ac Jesuitarum hostis, sententiam abierat, & vobis, inquit, *nebulones funestus venio nuntius. moriendum omnibus est. Vos vestram nunc MARIAM invocetis licet, visuri quid opis adferre hoc articulo possit*. Quibus non segniter magnâ devotione illam & JESUM, ut supremâ horâ sibi adforent, cientibus, ille procaciter insultans, *non audit*, inquebat, *altius clamandum est; & licet audierit, auxiliari tamen non potest*. Moxque ipse contentiosius exclamans, *Sancta MARIA*, quæ tessera illi cum militibus ante fores præstolantibus convenerat, signum inferendæ necis exhibuit. Quo accepto irrumpentes milites, in proximos quosq; ferro defæviunt, & P. Jodoco graviter in capite sauciato, coxendicem gladijs punctim confodiunt. Magno

hic ille & præsentem semper animo, ad patientiam hortari alios, & spem beatitudinis ingerere, donec à tergo infiliens aliquis, sicam ei ad pectus usque adegit; quo vulnere exanimatus sanctissima Nomina ingeminans, super Joannem Ascerman moribundus concidit. Eundem corpore suo Andreas Martini, lethali ictu accepto, & capite securi diffisso, contexit. Qui ternis cadaveribus (nam unius præterea Sacerdotis super eum inciderrat) sepultus, quia mortuus credebatur, vitam ex ea carnificina, post multos mortis terrores, retulit. Regressi namque horæ spatio milites, ne quis sacerdotum vivus evaderet, omnibus denuo securi capita diffiderunt. Et jam eundem Joanni feralem ictum præstolanti, & DEO ac DE Iparæ animam tacitè commendanti, omnino impacturi erant, nisi eos piguisset cadavera, quibus obruebatur, devolvere, & caput, quod subter mensam abdiderat, protrahere. Quatuor jam horis inrer cadavera latitanti, post multos demum spectatores unus aliquis incomitatus supervenit, qui ensim oleo imbuens, *experiar, ait, in istis sacrificijs, verumne sit, quod de mucrone oleo delibato vulgò jactabatur*. Jamq; omnium perfoffis jugulis Joannem petebat, cum hic repentè se erigens, vitam ab homine, si posset, exorare contendit. Tantùm non terrore exanimatus principiò miles, mox in fugam, mortuos in sese consurgere ratus, concitari cœpit; sed iteratò à Joanne interpellatus, 100. imperialibus unde unde mutuatis, vitâ redimere jubet. Quos cum in despoliata Vrbe non reperiret, sclopū ille in innocentem, nisi interventu Ducis prohibitus foret, displosurus primùm erat: quem ne deinceps auribus & naso mutilaret, multis precibus vix piæ quædam matronæ exorârunt. Tandem post acerbas plagas, pugnos, & calces, à nonnemine 50. imperialibus postridie redemptus, obscuro rustici habitu inter alios agricolas, post quartum diem ex Vrbe ad socios evasit. Corpora occisorum in cæmeterio leviter humata, Aræ Templorum omnes dirutæ, statuæ & imagines Sanctorum exultæ sunt.







*P. Ioannes Boddens, P. Gerardus Paësmā, et Philippus Nottin, Belgæ Soc:  
IESV, odio Religionis post crudelissima tormenta capite plexi à Calvinistis, in  
Belgio Traiecti ad Mosam. A. 1638. 14. et 20. Iulij.*

*C. Serret del.*

*M. K. Kusell f.*

P. JOANNES BAPTISTA BODDENS.  
P. GERARDUS PAESMAN.  
PHILIPPUS NOTTIN.

**S**ævijs in fortunatam Heroum  
istorum triadem Calvinii furor  
crudelitate immani, qualem  
nulla barbaries, etiam apud An-  
tipodas hætenus adinvenit. Ve-  
nerat in Batavorum potestatem honestis pa-  
trum conditionibus Traiectum, nobilis Bel-  
gij Civitas Mosæ imposita, inter quas ea erat  
potissima, ut sua Catholicæ rei libertas, &  
quæ hætenus tranquilla Religiosis & Ecce-  
siasticis sedes, permitteretur. Nec princi-

piò quidquam admodum contrarium pactis  
tentatum fuit; ubi tamen successu temporis  
libertas illa sensim restringi, & legibus qui-  
busdam in arctum cœpit redigi, opposuere  
se magno spiritu cum alijs, etiam Societatis  
homines; quos inter P. Paësmā, quia zelo  
ardentiore promissorum fidem urgebat, odi-  
um eorum in se hostium conscivit prorsus  
implacabile. Nec minùs illud in se accen-  
dit P. Boddens Collegij Rector, qui diu mul-  
tùmque cum Urbis Gubernatore Duce Bul-

lionio



lionio agere solitus, detectis feliciter Calvinii erroribus, orthodoxæ Religioni tandem eum adjunxit. Quo successu, & publicâ præsertim Principis hæresum ejuratione exasperati, de medio etiam Rectorem tollere statuunt, in solam deinceps causam intenti, cujus obtentu mortem odio Religionis inferendam, alio cujuscumque criminis colore possent prætexere. Nec multò post ultro illa in manus venit; cujus ut innoxios penitus viros religiosissimos fuisse constet, ex ipsius Bullionij Ducis narratione, propriâ manu gallicè conscripta, & in Tabulario Societatis Romano asservata, totius rei seriem placet breviter excerpte.

Constituerat Gubernator Catholici Belgij Trajectum quaquâ demum ratione recuperare, habebatque in ipsa Vrbe homines aliquot, qui suffossis per cellam cerevisariam mœnibus, militem Hispanum admittere promiserant. Ex quibus miles Burgundio supra conditionem gregarij pecunijs abundare conspectus, suspicionem aliquam prodicionis fecit; quo nomine comprehensus, rem totam illico patefecit, & conscium Lansmannum, cerevisiæ coctorem, ac cæmentarium quendam nominavit. Elapso fugâ cæmentario captus Lansmannus, & ad quæstionem vocatus, P. Vinckio ex Ordine S. Francisci, molitionem se aperuisse fassus est. In quo, uti & alio postmodum examine, tormentis interrogatus sæpius, neminè præterea Trajectensium Ecclesiasticorum conjurationem patefecisset? ipse constanter, nemini præter P. Vinckium, respondit. Quindecim jam à Lansmanni captivitate fluxerant dies, cum incitatus à quodam Hofmayero est, capitali Jesuitarum insectatore (eò quòd his auctoribus crederet se Bruxellis fuisse datum in vincula) ut eos in criminis societatem, ac præcipuè P. Boddens, Brugis in Belgio natum, septimum jam annum Trajecti Rectorem, vocaret; non aliâ certiùs viâ supplicium evasurus, quàm molitionem sceleris in eos derivando, qui prodicionis homini idiotæ, & talium artium ignaro, auctores fuisse crediti, pœnas ab ejus capite in suum derivarent. Hac spe Lansmannus infelix illeceus, citra quæstionem edicit, se P. Rectori, præfente ejus socio laico, & Patri Paëfman conspirationem credidisse. Patribus sub vesperam comprehensis, omnes simul Collegij socij ad Gubernatoris ædes producuntur, ut socium inter illos Rectoris Lansmannus recognoscat. Ille omnes aliquamdiu contemplatus, sacerdotem quendam pro lai-

co designat; quem quia omnibus constabat Concionatorem ad S. Nicolai agere, deprehensâ Lansmannus suâ fraude, alium quendam fratrem, Stephanum nomine demonstrat. At is atrocem calumniam præfente animo amoliturus, sciscitatur ex eo, *quam linguâ Rectori locutus fuerit, ut eam ab ipso intellectam dixerit?* quo, Flandricâ, respondente: *atqui ego Leodiensis ortu, neque ullum Flandricè verbum scio.* Adhæc cerevisiæ domi parandæ intentus, neque unquam Rectorem furas comitatus sum. Quibus dolosâ hominis technâ palàm adstantibus factâ, domum remittuntur: & nihilominus, licet designari ab illo posset nullus, quia Rectorem neci dare deliberatum erat, capitur post biduum Philippus Nottin Lovaniensis Belga, qui prodeunti è Collegio socius esse consueverat.

Inficiabatur constanter notitiam conspirationis P. Boddens, & neque P. Vinckius acerbissimis tormentis tentatus, neque ullus ex alijs conscijs, quidquam se de communicata Rectori, vel Patri Paëfman prodicione scire fatebantur; & Lansmannus ipse nunquam aliàs illum sibi cognitum dicebat. Certâ tamen vitæ promissione, dummodo in crimine Patribus imputando constans persisteret, inductus, calumniari viros innocentissimos ad mortem usque perrexit. Quod ut tantò propensius faceret, ex eo tempore liberius extra vincula in cômmodo cubiculo agere permissus est: utque crederet neutiquam se moriturum, Jacobus Fiesback Adjutor militaris, de cerevisiâ pro se suâque familia coquenda, in totum insequentem annum, pretio cum illo convenit. Itaque vitæ jam securus, esto post dies aliquot mortis in eum, fuisset lata sententia, tamen quia ad speciem duntaxat id fieri (ut constanti sub gladio etiam confessione tantò certiùs Jesuitas reos faceret) persuasus est, latus, & minimè consternatus ad supplicium prodijt. Ibi ligatis oculis, paulò antequam excipiendo ictui genua flecteret, interrogatus ab adstante Ministro: *Lansmannè, nihilne ampliùs de P. Vinckio & Jesuitis loqueris?* ille mortis suæ culpam in eos derivaturus, exclamavit: *ô P. Vinckij, & Jesuita!* Et ad eundem Ministrum conversus, submissâ voce, hæc, inquit, *ipsâ horâ domum revertar.* Sed cum Minister paululùm recessisset, carnifex Lansmanno caput momento abscidit: bis tæque infelici, quòd vitæ temporalis spe, ipsam etiam in DEum Religionem perdidit, adeò sui securus, ut ipso die Veneris Sancto carnibus vesceretur. Postrema ea Lansmanni ad Ministrum verba,



verba, à pluribus, qui sub pegmate stabant, audita, & ab illis mihi ( Verba sunt Ducis Bullonij ) relata sunt, inter quos fuit Alenthoven, Legatus Tribuni Eschelle.

Sublatis non multò post carnificis ense P. Vinckio, cæterisque quomodolibet proditiōis conscijs, quamvis nullus Jesuitas in illius noticiam vocare auderet, adducti nihilominus sunt ad quæstionem contra jus & fas omne, ad unius facinorosi conductum testimonium; eamque morte quavis & supplicio acerbiorē, ingeniosā crudelitate in servos Dei excogitatam, cujus hæc fuit ratio. Reus ad pudendam usque nuditatem exutus, sedere cogitur in humili scabello. Illud autem est ferrea crux decussata, instar cultri acuta: super quam Patri insidenti manus pedesque per digitorum extrema retro post tergum colligantur, quibus iniiciuntur manicæ compedesque aculeis ad intra obversis præarmatæ, ut omni ex parte, si ad evitandum dolorem commoveantur, atrociter compungant. Collare præterea triplici acutarum cuspidū ordine internè rigens, è quatuor angulis ergastuli funibus dependet, quod torquendo collo circumdatum, nullam in partem sinè fæda laceratione caput aut corpus declinare patitur, sed erectum semper confidere, ut æquabili undique ustulatione torreatur, adigit. Nam luculentus ignis circumaccensus, ita corpus universum ustulat, ut flammarum vi tumefacta pellis, primū in pustulas, mox immani cruciatu in hiatus divellatur, intra quos carnifices acetum, sale, pyriōque mistum pulvere, immittunt.

Primum dirissimum tormentum sustinuit Philippus Nottin, semel per horas denas, iterum deinde quaternas: tanto cruciatu, ut caro passim adusta ad pugni altitudinem ebullierit. In quo nullum omnino verbum prolocutus, nullo ejulatu dolorem testatus, ad rabiem scilicet adversarios concitavit. Ex quibus Centurio ictum pede tam validum dorso ejus impexit, ut spinā dorsi pene confractā, collum undique aculeato circulo fœdum in modum dilacerarit, cum addito: *Loquere canis mute.*

Secundo loco tortus est Pater Gerardus Paëfman 27. Martij, per horas itidem denas, & post biduum per senas: cui in tormento præter costam unam disruptam, collum undique perterebratum, mamilla insuper una fœdè adusta, & coxendicis pars ita laniata est, ut exscindi penitus, sicut & pars quædam è secretioribus membris debuerit.

Ultimò reliquis dirius excruciatatus est P. Boddens, tres continenter & viginti horas; & iterum aliquantò post per quatuor; nam diutius vitā superflite non potuit. Umbilicus illi vi flammarum elicitus, intestinum in secretioribus expressum, genua difflisa, sinistra manus torrefacta, pars ventris inferna semipedali plagā disrupta, corpus totum laceratum, fractum, & inutile penitus redditum, ut nunquam deinde pedibus consistere posset; oetiduum nequaquam supervicturus, nisi gangrænā partes illas jam invadentem, tempestivo supplicio intra quintam diem prævertissent. Cæterum nihil aliud in tam barbara laniena extorqueri ab innocentibus potuit, quàm nihil se unquam de proditiōe ejus Urbis habuisse consilij, neque conscientia. Quo non obstante, producti sunt tamen in judicium, & supplicio capitis, tanquam rei Majestatis, damnati.

Antecedit reliquos denuo Philippus; qui in ferali pegmate constitutus, dum plena falsarum criminationum sententia mortis prælegeretur, imperterritus toto capitis renutu causam inficiatus est, *Non est*, inquit, *ita: istud est mendacium: illud mihi affictum est: hæc non dixi*: constantēque se unius Catholicæ Fidei odio interfici protestatus, inter illa verba: *in manus tuas Domine commendo spiritum meum*, ictum carnificis & mortem excepit 14. Julij An. 1638. ætatis 39. Caput confixum palo, sublime in moribus expositum est, corpus sub patibulo humatum.

Sexto post die secutus hunc est 20. Julij P. Gerardus, Wesaliæ ad Rhenum natus, qui præensum conjurationis crimen pari ad extremum constantiā inficiatus, capite uti prior imminutus est, anno ætatis 50. Corpus unā cum capite Collegio illatum, inque Templo honorificè conditum est. Eodem die unā post priorem horā, elatus est à quatuor bajulis gestatoriā sellā (nam vi tormentorum fractus ingredi per sese non potuit) in theatrum P. Rector, ingenti totius Urbis ejulatu & comploratione, præsertim ubi viderunt supremam ejus petitionem, quā manus vinculis eximi postulaverat, crudeliter reijci. Collocatus in medio theatri, prælectam mortis sententiam multiplici renutu falsitatis coarguit: *ad quid ista leguntur*, inquiens, *quæ de verbo ad verbum falsa & commentitia sunt? Sed quando vobis sic collibuit, agite porrò, ac pergit.* Tum ne prius, quàm ea quæ constituerat, ad populum fuisset effatus, à carnifice caderetur, eum ante se stare voluit, ac

Q

subinde



subinde præmissâ totius populi salutatione, innocentem se, penitusq; conspirationis ignarum, solius Religionis causa occidi, multis argumentis contestatus est. Post quæ munus suum exequi carnificem sinens, altâque voce in manus Domini spiritum commendans, gladio ictus vitam gloriosâ morte consummavit, anno ætatis 42. Caput cum corpore loculo inclusum, in ædes Præfecti militiæ delatum est, ibiq; cum duobus alijs loculis pari magnitudine, parique ex ingesta arena pondere confusum est, qui alio alióque loco clâm delati, quo demum loco defossi sint, resciri non potuit. Tantopere cavit diffidens prætextæ mortis causæ hæresis, ne veluti

Martyris pignora Catholicis venerationi essent, quæ illum prodicionis reum jure casum esse credi volebat. Neq; tamen effecit, quin Lovanii, Trajecti, & passim toto Belgio privata opinione habeantur pro Martyribus, & reliquiæ eorum, funes quibus revincti, instrumenta quibus excruciatii sunt, magna veneratione asserventur. Ipsi quin adeo fœderati Belgij ordines, ejus Actionis indignitatem & injustitiam notantes, vetuerunt quidquam de illa in lucem emitti, ullâmve pro illius æquitate tuenda contra jurisperitorum in varijs Vniversitatibus ejus iniquitatem demonstrantium, Apologiam edi.

P. JOANNES MEAGH.  
MARTINUS JGNATIUS.  
WENCESLAUS TRNOSSKA.



Uo tempore Panerius, Sueciæ militiæ post Gustavum Regem Dux Generalis, ex Imperio in Bohemiam irrupit, ejusque Metropolim Pragam obsidione pressit, socij Collegij Kuttnerbergensis vicini hostis vim reveriti, tutiores & remotiores Urbes circumspicere cœperunt. Novam Domum aliquot ex ijs tendebant, cum repente ab insidentibus sylvam hæreticis ruricolis, uno Kuttnerbergâ milliario invaduntur, despoliantur, & tres insuper, reliquis fugâ dilapsis, crudeliter necantur. P. Joannes Meagh natione Hibernus, Patria Corcensis, Litanias Lauretanæ cum socio recitabat, cum primo statim vulnere plumbeâ glânde sclopi, pectus trajectus, occubuit. Martinus Jgnatius Zemeticij in Silesia natus, præter bombardæ ictum pectore similiter exceptum, graviter securi in capite casus est; utrique tamen vulnere aliquamdiu superstes, ad truncum arboris adrepit, genibus ad eundem nixus postridie exanimis repertus, Wenceslao Trnosska Prosnicensi Moravo, tempora globus ita penetravit, ut effluente cerebro animam simul eodem vulnere exegerit.

Vehebant iidem secum, ne profanis hæretici militis manibus polluerentur, innumeras sanctorum reliquias, non ita pridem Româ à P. Nicolao Lancicio (nam & ipse comes itineris & fugæ aderat) allatas, in quas hæreticum furorem impij prædones potissimum exerentes, cistis, quibus honorificè

includebantur, ejecerunt, abjectâque in terram, & impiè proculcatas, dispersis inscriptionibus ita confuderunt, ut ab invicem discerni plerâq; nunquam deinceps potuerint. Sed nihilominus post cædem devotè collectæ, multis in Boëmia Societatis JESU Collegijs in thesaurum pietatis & templorum cesserunt, hodièque passim in Altaribus publicæ venerationi expositæ visuntur. Ut autem notius fieret, quid impij latrones in Patrum cæde persecuti sint, solam videlicet Religionem & propagandæ Fidei in illa vicinia ardorem: neminem ex sæcularibus, quorum longè plures fugæ comites aut duces aderant, violârunt, aut molestiâ quovis affecerunt, quin imò bono animo & securos esse jussos, pacificè cum rebus suis dimiserunt.

P. Joannes Meagh, quem mors in Fidei causa non longè post in Hibernia fortè obunda (eò enim tunc Superiorum nutu, ad populares juvandos redibat) in Boëmia antevertit, posteaquam voluntarius Religionis causâ à Patria exul, Italiam, Galliam, ac subinde Hispaniam peragrasset, liberalibus Catholici Regis stipendijs donatus, Neapoli aliquamdiu veluti securo in portu vixit. Incidit illic aliquando felici casu, eodem quo Societatis Iesu primus Parens eventu, in librum gesta sanctorum explicantem, quem priusquam evolveret, elevatâ in DEVM mente ardentè petijt, ut ejusmodi sancti vita, fortuitò volumen aperturo, obveniret, cujus exempla vivendo à se potissimum ex-  
primi





P. Ioannes Meagh Hibernus. Martinus Ignatius Silesius. Wenceslaus Trnosska  
Moravus Soc. IESV. occisi ab Hæreticis Ruricolis in Bœmia ad Guttenther-  
gam A. 1639. 31 Maij.  
C.S.d. M.X.f.

primi DEus ordinasset. Sed cùm explicanti  
librum vita S. Dymphæ martyris, populatis  
suæ obvenisset, ratus virginis puellæ vitam  
minimè suæ imitationi appositam, aliam  
identidem novâ indagine fortiri parabat. Sed  
arcano semper impulsu retractus, nihilomi-  
nus eandem, quamvis renitens legere perge-  
bat. In cuius decursu deprehendens, quali-  
ter Virgo Regia incestuosam Parentis erga se  
libidinem, spontanea ab Regno exul effugis-  
set, & carceres & martyrium pro Fide ac Vir-  
ginitate subiisset, cogitare cœpit, quid si me  
ab eadem Hybernia hæresin fugientem, velit  
DEus insuper peccatorum occasiones ulte-  
riore in quampiam Religionem fugâ devita-  
re? quid si deinde eodem quandoque redire  
jubens, martyrio dignetur coronare? Quæ

dum paucis apud se diebus secretò delibē-  
rat, inopinatò flagitiosi criminis falsè postu-  
latus, carceri mancipatur, ubi destitutus o-  
mni hominum ope, unico S. Ignatij, cuius in  
pariete affixa erat imago, innocenter etiam  
in ergastulum dejecti, exemplo se solabatur,  
certò apud se statuens, Deo cordi esse, ut in  
ejus Religione Cœlo famularetur. Quam  
numinis esse indubiam mentem novus deinceps  
casus certum penitus illi confecit. San-  
cti namque illius patrocinio subinde carcere  
dimissus, dum Romam proficisceretur, gra-  
viter læsa tibiâ, Collegio PP. Societatis excep-  
ptus, & magnâ charitate curatus est. Quam  
Ignatij filiorum in se peregrinum benevolen-  
tiam, & vulneris in faucio crure cum eodem  
sancto similitudinem profundè ponderans,  
divinæ



divinæ vocationis jam certus, in Societatem recepi Romæ summis precibus flagitavit; unde acceptis à Præposito Generali ad Neapolitanum Provincialem literis, Tyrocinium ibidem, jam initiatus sacerdotio, magno ardore auspicatus est. Hoc ubi confecit, in Boëmiam interim, dum arduæ in Hyberniam missioni maturefceret, ad durandam vitæ Religiosæ exercitijs virtutem, missus est. Enituit hic in ipso singularis ad animarum quæstum faciendum ardor, zelusque ijs adjuvandis flagrantissimus, quem in colloquijs omnibus inducebat, nullos alios sermones miscere solitus, nisi qui Divinitatis æstimationem ingenerando, animum fervore & heroicis desiderijs incenderent. His ille plenissimus semper quidem, sed in sanctissimo præcipuè sacrificio apparebat, eam pietatis & devotionis exuberantiam, dum litaret, præferens, ut illà adstantes etiam ad ténerritudinem & fervorem inflammari se faterentur. Acceperat jam tum discessum in Hyberniam imperantes à Præposito Generali literas, & ad eum spiritualibus S. Ignatij Exercitijs animum comparaverat, tantà infundentis sese Divini spiritûs ubertate, ut certum fundendi pro Christo sanguinis pignus in ijs se accepisse diceret. Sed dum profectionem ex Bohemia in Hyberniam apparat, eam etiam fugâ maturare cum socijs mars Suecicus compulit, in qua non longiore quam unius milliaris itinere, ad terminum felicitatis æternæ pertigit, odio Religionis ab hæreticis cæsus 31. Maji. An. 1639. ætatis 41.

Reliqui duo socij fuere è numero Fratrum Coadjutorum; & Wenceslaus quidem annorum 40. Janitoris plerumque munere per annos 17. fungi solitus: Martinus autem omnia propè statûs sui munia, cum magna perfectione per 42. Religionis annos ita obiit, ut non vulgaris sanctitatis opinionem apud socios sit commeritus. Eluxit in eo vitæ integritas cum circumspectione, quâ leves etiam imperfectionum nævos procul amoliebatur: Pietas in divinam Eucharistiam tenerima, quam lachrymarum profluvia in sacra Communionem abundè testabantur. His accessit devotio in Deiparam singularis prorsus, & ad familiarem usque consuetudinem provecta, quam & aspectabilem aliquando, & se alloquentem, imò & mortis pro fide

obeundæ prænunciam, creditur habuisse. Est in Basilica Kuttnerbergenfi S. Barbaræ, statua Matris DEI, prodigijs, & in mortales beneficijs percelebris, magnâ idcirco totius viciniae devotione frequentari solita, & periculosis bellorum temporibus unicum Patrum Societatis illico refugium, non sinè miraculi specie sæpius extremam perniciem à Collegio amolita. Ejus Basilicæ curam per id tempus Æditui munere gerebat Martinus; qui illud in præcipua felicitate reprens, officium Cubicularij apud Dominam suam commissum sibi credebat, erâtque in veneratione illius assiduus. Ante cujus aram quidquid temporis occupationibus alijs supererat, genibus nixus, vel etiam, dum sinè arbitris se esse credebat, in terram prostratus, precabatur, & devotissima, veluti si cum spirante & vivente ageret, mittebat alloquia, necessitates suas confidenter aperiebat, & remedia postulabat. Cùm verò martyrij ardens desiderium semper animo circumferret, & ore quâlibet penè sermocinatione resonaret, hanc præcipuè gratiam sibi ut Mater à Filio exoraret, importunus instabat. Paucis ante cruentam cædem hebdomadis, solito ferventiùs ante dictam statuum pro incomparabili hoc beneficio supplex factus, audit ex illa voti compotem futurum, & non longè post sanguinem pro Filio suo daturum. Quo accepto, gratijs immensis DEI paræ actis, dum tardius quàm consueverat, Collegium repetit, & amœnâ hilaritate præter morem renidens, oculis etiamnum à lætitiæ lachrimis rubentibus apparet, quærît ex eo sociorum unus, singulari confidentiâ, ob morum & virtutis similitudinem eidem obstrictus (à quo id ipsum mihi alijsq; sæpius narratum accepi) tam insolitæ jucunditatis causam? Qui præ gaudij magnitudine pene exiliens, *quidni mi frater*, inquit, *latus sim & jucundus, qui à Domina mea responsum accepi, oppetende per sanguinis in Fidei causa effusionem beatissima mortis?* quæ ei feliciter obtigit anno ætatis supra sexagesimum quarto.







P. Laurentius Passokius Silesius. et P. Matthæus Cramerus Bœmus Soc.  
IESV. odio Catholica Religionis necati ab Hæreticis ad Lipsiam. 2 Nov.  
C. S. d A: 1642. M. K. f

P. LAURENTIUS PASSOKIUS.  
P. MATTHÆUS CRAMERUS.

**V** Ratislavia, princeps Silesiæ Civitas, P. Laurentium inter medias Hæreseos tenebras in lucem protulit, qui ne filius lucis unquam esse desineret, solem justitiæ quàm proximè posset sectaturus, ad ejus Societatem 24. ætatis anno accessit. Tota pene ejus, quam à Sacerdotio egit, vita, in laboriosis fuit Missionibus, vel in munijs omni genere ærumnarum & periculorum refertissimis. Minister primum Collegij Sagani, ac deinceps etiam Rector, bis in exilium, hæreticorum civium & militum violentiâ, ab Vrbe pulsus est. Vnde Glogoviam non meliore fortunâ se recipiens, dum ea

paulò post in Suecorum concessisset potestatem, interceptus etiam ipse est. Neq; præsens exitium tunc effugisset, nisi militiæ Suecicæ Præfectus Wittenbergius, hominum Societatis Patronus, & quod in Lutherano Duce meritò obstupeas, etiam non rarò Benefactor durante illo bello præcipuus, morti eum & furori suorum eripuisset. Quem etiam tam diu mensæ suæ convivam (quod & alijs focijs faciebat, quoties per captivitatem, vel aliam causam in castra Suecorum devenissent) adhibuit, donec securâ commoditate, non sinè præsidio militum ad suos transmitteret. Quam in servos suos beneficentiam, cumulatâ remuneratione pensavit illi Deus, quan-



quando in bello Sueco-Polónico in captivitate redactum, atq; in custodia Polonica ad extremum usque spiritum detentum, lumine veræ fidei paulò ante mortem illustravit, & piè Catholicèque defuncti animam, uti bene sperandum est, immortalis præmio donavit. Ereptus ità supremo discrimini P. Laurentius, mox in arenam periculosa inter Silesios heterodoxos missionis alacer redijt, eoque magno indefatigabilis animi ardore in ea versatus, dum superiorum nutu ad Cæsarea Castra sequenda, ut Religiosam operam militibus navaret, evocaretur.

In hac discriminum & incommodorum feracissima vocatione, quibus non solum vita quotidianà morte, sed etiam virtus familiaribus illic vitijis periclitatur, quam intaminatà vitæ perfiterit integritate, asseverarunt complures Legionis Webelianæ, quam procurabat, milites, fassi se illius vel solo aspectu mirificè intrinsecus solitos ad quandam pietatis sensum commoveri. Tanta Viro inerat modestia, tam sancta morum & vitæ ad omnem perfectionis legem compositio! Nec defuit exercendæ ipsi patientiæ multiplex occasio, vice-Tribuni Legionis præcipuè malevolentia, quocum mensæ illi contubernium Legionis Dux Webelius assignaverat. Hic enim odio in convivam Jesuitam, utpote A catholicus, ardens, eum frequenter negligebat, & mensa cibòq; frustratum, sæpe totos dies in ediam ferre cogeat; tolerantissimum tamen ejus injuriæ, & nè verbo quidem aut nutu, molestiam apud Ducem sui peramantem conquestum. Rudimenta videlicet hæc erant, quibus ad fortunatum in Fidei causa obitum, cujus erat appetentissimus, se Deo probare satagebat, & tandem etiam compos effectus est.


Pugnatum erat ad Lipsiam, auspicijs Leopoldi Archiducis sanè infelicer, perfidia auxiliariis Equitatibus, qui pugnare in hostem detrectans, peditatum nudo latere cladi exposuit. Fusa fugatæque acies, cæsi innumeri, resistente prope ad internecionem ingentibus animis peditatu. Integrum erat Patri cladis initio fugam capeßere, & vitam in locum securum ex acie subducere: sed certus non deferere fidem Cæsari & Deo militem, ne cum exitio corporis animæ simul vitam deperderet, inter cadavera caforum sui securus discursare, sacramentalem peccatorum veniam illis tribuere, omnesq; ad piè & Christianè moriendum hortari perrexit. Post multos ità ad beatam æternitatem sacerdotali operà transmissos, fortè Tri-

buni graviter faucij confessionem excipiebat, cum à superveniente hoste occupatur, & quisnam esset rogatus? Catholicum, Sacerdotem, & Jesuitam esse, animosus profitetur. Hic verò intentato sclopo, jussus, si vivere vellet, beatissimam DEI Genitricem execrari atq; ejurare; ille contrà omni contentione eam invocare cœpit. Quo studio furorem in se militis excitans, gladio simul confossus, & plumbeà glande trajectus, in vestigio gloriosus victor concidit 2. Novemb. A. 1642. ætatis 42.

Similem vitæ, eodem in loco, & die exitum, in eodem Exercitu missionarij Castrensis officio perfundus habuit, P. Matthæus Cramerus, natione Boëmus. Hic ubi dispersâ acie misceri funeribus omnia, & totis agminibus in fugam cohortes effundi aspexit, salutem & ipse pernici, quo vehebatur equo, sibi quærendam statuit. Jámque in tutum propè, ex hostium in cæde occupatorum conspectu evaserat, cum imploratur à Tribuno graviter saucio, & vulneribus suis immoriente. Tum verò Pater boni Pastoris zelo incitatus, ne fugitivus unam etiam Christi sanguine redemptam ovem, in persequentium, rapientium, & perdentium luporum faucibus destitueret, animam pro illa exemplo Christi ponere constituit. Ergo sine mora ex equo desiliens, ut confitenti absolutionem impertiret, interim ab ingruente hoste opprimitur. Is fuit Carolus Franciscus è Lawenburgicis Saxoniarum Principibus, obstinatè Luthero addictus, & Catholicis, atq; adeo maximè Jesuitis, insensus. An verò is talis deprehensus in actu sacramentalis, quam maximè odere hæretici, Confessionis, ignosceret? Rogabat quidem unà cum pluribus secum deprehensis militibus, vitæ veniam Pater, quam reliquis eo articulo poscentibus non gravatè ille ex more militari concedens, Patri non solum denegavit, sed propriâ ipse manu, gloriam scilicet ex nobili sacerdotis victima prensans, confecit, stratumque minoris bombardæ globo per tempora trajecit. Nec indeptam ex tam præclaro facinore gloriam animo digere apud se potuit; verum ut Evangelicum in persequendis Lutheranae doctrinæ adversarijs Jesuitis zelum ostentaret, ipse coram Dorstenfonio, totius Suecorum militiæ Imperatore, in copiosa Tribunorum corona, per ambitiosam jactantiam gloriatus est, quod zelo Eliæ, aut Phinees, zelatus pro puritate sui Evangelij, canem Papisticum in flagranti idololatricæ Religionis actu deprehensum, orco immolavisset.

P. THO.





P. Thomas Hollandus Anglus Soc: IESU, odio Sacerdotij Catholici suspensus, et in quatuor partes dissectus, Londini in Anglia. 22 Decemb. An. 1642.

C.S. d.

M.K. g.

## P. THOMAS HOLLANDUS.



**A**udomarum in Belgio exulum ab Anglia Catholicorum Civitas refugij, P. Thomam Hollandum, in Lancastrensi Provincia natum, seminario suo excepit, & per sexennium in bonis literis & pietate educatum aluit. Ubi nec Patronorum impensas, nec præceptorum expectationem ille frustratus est, non tantum improbo labore, ingenij tenuitatem ad condiscendas humaniores doctrinas compensando, sed in virtutum etiam Christianarum palæstra tantis progressibus connitendo, ut sæpius condiscipulorum sodaliūmq; suffragijs præesse Mariano Cætui iussus sit. Jam tum etiam ge-

nerosæ indolis specimina dare, & futuri adulatoribus annis zeli indicia præbere cœpit, dum, quò latius in alios pietatis semina derivaret, duobus tribusve sese horâ relaxationis adjungebat, pium aliquod argumentum colloquio suggerens, aut etiam ad Rosarij pensum communi precatone Deiparæ exolvendum inducens; hæc etiam lege inter eos stabilitâ, ut vesperi ante cubitum, suarum semutuo culparum blandè atque amicè commonerent. Vallisoletum Audomaro ad Philosophica studia digressus, Carolum Walliæ tunc Principem, postea Britanniæ sceptris potitum, & publico demum à suis supplicio internectum, Latinâ oratione, suæ Nationis nomi-



nomine, Madriti, (quo is nuptias cum Infante Maria, post Imperialis tori cum Ferdinando III. Conforte, facturus advenerat) sic compellavit, ut eam sibi gratam accidisse Princeps ostenderet, & corona Procerum secundâ admurmuratione faveret. Post biennium repetito Belgio, Societatem Iesu magno ardore exambivit, in qua Theologiâ studio, dum sivit valetudo, operam navans, & secundum ea studia sacerdotio initiatus, primum in Collegio Anglorum ministri munus Leodij, tum Confessarij in seminario Convictorum Audomari diu sustinuit, eximiâ prorsus juventutem illam tractandi dexteritate, quâ omnium constantem in se affectum promeritus, diuturnam post se in eorum animis memoriam reliquit. Mirâ pollebat tum ibi, tum in Angliâ deinde familiaribus colloquijs spiritualia inferendi facultate, in quâ cum minimè importunè aut intempestivè, sed festivè & ex occasione influeret potius, quàm ea ingereret, passim à sæcularibus hominibus idcirco dicebatur ex rebus spiritualibus concretus conflatusque, viva vivorum librorum Bibliotheca.

Gandavi posthæc in Tertiæ Probationis Domo, votis publicis Coadjutoris spiritualis illigatus, quia constanter adversâ valetudine premebatur, in natalem Angliæ auram destinatus est; in qua tamen haud secundiore fructus, quia sævissimæ persecutionis procellâ in publicum è latebris pedem vix unquam Londini efferre, neque privato in horto spatium, aut saltè apertis fenestris auram liberiùs capere per menses integros licebat, inde cibi appetentiam ferè omnem amisit, debilitate fastidiòque stomachi vix quidquam cibi retinente. Ex quo noctes plerumque ducens insomnes, à diurnis sacerdotum occupationibus molesto capitis dolore arcebat. Atque his malis annos aliquot conflictatus, vix aliter juvandis proximis operam, septem illos, quibus Londini versatus est annos, præstare potuit, nisi ostendentibus se vesperi, aut durantibus manè tenebris erepens, ad solandos & Sacramentis reficiendos Catholicos. Quod ipsum alio semper habitu & personâ facere cogebatur, capillum, barbam, amictû, colorem immutando, aliam atque aliam linguam, Gallicam, Flandricâ, Hispanicam, nativam etiam vernaculam externorum more inscitâ pronuntiatione itâ appositè adhibendo, ut quoties personam induisset alienam, ne à familiarissimis quidem persæpe, donec se ipse prodidisset, agnosceretur. Verùm incidit tandem anno

1642. in sagacissimorum, qui eum vestigijs omnibus insectabantur, exploratorum manus, inque Novum Carcerem, ex quo vix aliò, quàm ad furcas exitum concedi aliàs monuimus, compactus est.

Creverat jam per id tempus eousque Religioni Parlamentariæ impudentia, ut nesciret, quemadmodum Elisabethæ Imperio, erubescere, sed positâ fronte nullum alium necandis Catholicorum sacerdotibus perduellionis colorem prætexere satagebat, hac solâ causâ patibulis & laniationi eos addicens, si sacerdotij (quod caput inter læsæ Majestatis crimina constituerat) convinceretur. Invidendâ super priores, & meliore Athletarum istorum felicitate, quibus necem non alio, quàm Fidei Catholicæ odio consciri, persecutores ipsi palàm profiterentur. Jactabant quidem Patris Thomæ comprehensores Sacerdotem esse, decretòque huic Ordini supplicio necandum; quia tamen nullis factis revincere id poterant indicijs, perrexerit Pater, ne mortem ipse sibi accerseretur, Laici Catholici personam, quam in comprehensione adseiverat, denuo simulare. Itaq; agendi loquendique rationem ad Laici modum accommodans, latinè se convenientes magistros, capitis renutu, veluti non intelligens, expediebat; studiosè cavens, ne qua re doctrinam, aliâsve suas proderet facultates. Eâ tamen interim in victu, somno, rebûsq; cæteris agebat moderatione, tamque singulari morum innocentia, comitate, ut animis omnium, qui eâ custodiâ tenebantur, etiam à Catholicis aliàs abhorrentium, conciliatis, eos post obitum virtutis suæ nactus sit dilaudatores; afferentes, nullius unquam hominis meliùs morati, magisque innocentis consuetudine usos esse. Noctes enim ferè ducebat pervigiles, precando, & cœlestia mente retractando; ubi somnus obrepisset, non lectulo ad quietem, sed ad confidendum sella uti solitus. Interdiu porro si colloquijs diviniorebus & utilibus opportunitas deesset, solitudinem animo colligendo studiosè captabat, & in cubiculum hortumve secedens, Canoniarum illic precum officium, si vacaret arbitris, persolvebat.

Post duos carceris menses in Curiam Judicialem productus, Sacerdotij, quod unum agebatur, publicè à quatuor juratis testibus postulatur. Sed cum præter suspicionum indicia afferre nihil certi possent, eaq; P. Thomas nullo negotio refelleret; atque ad extremum adderet, si sacerdotij convinci posset, libenter se mortem appetiturum; intulit



tulit iudex, *jura ergo te sacerdotem non esse, & periculum omne momento à te depuleris. Non est en, repofuit Pater, in Anglia confuetudo, ut qui ſceleris accuſatur, ſcelere ſe ipſe jurejurando purget, cum omnem vim probationis reorum juramento Patriæ leges adimant. Sed vel evincendum eſt certis indiis, quod vocatû, crimen, vel ego abſolvendus ſum.* Seceſſere nihilominus viri duodecim, ut, convictûſne ſacerdotij, an non, P. Hollandus videretur, diſpicerent. Nec multò poſt reverſi, contra omnium, qui Judicio intererant, expectationem, convictum videri pronuntiârunt. Tam injuſtâ, neque ex iniquiſſimis etiam ejus temporis legibus, latâ ſententiâ damnatus Pater; ex præſumptione, ut aiebant, quam legitimâ & certæ probationis locum tenere dicebat iudex, in carcerem novæ portæ abripitur: palam edicente Garrowayo ſenatore graviſſimo (qui etiam Iſaaci Ponnigagnoni Prætoris ſenſus fuit) ſe ad illam Duodecim-Virum ſententiam, vel totius Orbis compendio, nunquam acceſſurum fuiſſe. Secundum acceptum triduo poſt à iudice mortis editum, inuſitatâ lætitiæ ſignificatione geſtiens Pater, ſocios carceris, ut ſecum unâ *Te DEUM laudamus*, recitarent, & infinitam DEI in ſe beneficentiam gratularentur, amantiſſimè invitavit. Biduum vitæ reliquum totum in devotionis, ac intimis Charitatis in DEUM actibus, quantum ex omni genere & conditione inviſentium Catholicorum ſinebat accuſus, expendit. Referebant illi plena pietatis & ſapientiæ à Patre documenta, & ſuam certatim, Regalis etiam Galliæ ſtirpis Principes, Londini tunc fortè agentes, avertendo ſupplicio operam addicebant. Quam ille conſtanter omni contentione deprecatus, literis etiam ad ſuperiores datis, ita averſabatur, ut enixè ſit obteſtatus, ne ullos ſibi redimendû ſumptus fieri, nullius authoritatem, interceſſionemve interponi paterentur. Rogatus à multis, ut quodpiam ſui, licèt exiguum largiretur monimentum; conſtanter renuit. Nonnullos autem lineamenta ſui vultûs pictoris penicillo excipere flagitantes, vultu etiam ſubirato ſeverè rejecit; donec à ſuperioribus obtento obedientiæ præcepto redeuntibus, ultimâ vitæ nocte, ut faciem expingerent, coactus aſſenſit. Pridie mortis (ea erat Dominica 4. Adventûs) multis conſtitentibus aures dedit, & ſacrificio Miſſæ peracto (damnatis enim ad mortem Sacerdotibus, immunitas omnis hujus muneris exercendi permittebatur) divinum Chriſti corpus diſpertivit: quo-

rum nonnullis arctiore ſibi confidentiâ junctis, verba, quibus ad contritionem niterentur, ſuggerens, tantâ ferventiſſimæ charitatis expreſſione præivit, ut vel ſolâ ejus recordatione ſe illi deinceps ad DEUM incitarent. Invitatus ad cœnam, quam ei ſupremam in carcere Amici paraverant, accubuit quidem hilaris, melioribus ſpiritus dapibus eorum animas reſecturus; induci tamen non potuit, ut præter unum ovum, & vini cereviſiâ permixti pauxillum, quidquam præterea deguſtaret; ajens, plus inde ſanguinis ſibi futurum in venis, quod craſtinò Fidei cauſâ eſſet profuſurus. Expeditis omnibus, Oratori etiam Hispaniæ, ſe, Regisque negotia enixè commendanti, precibus & interventione apud DEI conſpectum adpromiſſâ, ad modicè carpendum ſomnum, ut alacrior ad furcam compareret, ſe compoſuit: quo perfunctus, officium ejus diei (erat is dies lunæ 22. Decembris, Apoſtoli Thomæ, translata ex Dominica feſtivitati, ſacer) aliâſque preces ante horam tertiam P. Thomas abſolvit, Sacrum in apparato à PP. Capuccinis, qui in Aula Regiæ impunè degebant, Altari, poſt generalem totius vitæ confeſſionem apud unum è Societate inſtitutam, ardentiffimo pietatis ſenſu ſupremum peregit.

Sub horam deinde decimam productus è cuſtodia, trahæ vimineæ ſupinus iniicitur, cui colligatus, & ad Tiburni furcas, altero ab Urbe lapide raptatus, inter infinitam illic mortalium vim, Legatum etiam Hispaniæ ſe conſalutantem, & ſacerdotem è Societate habitu ignoto, cui paulò antè in carcere, confeſſus fuerat, prope ipſum patibulum reperit. Hic apprehenſâ P. Thomæ dexterâ, *Eja*, inquit, *bono animo nunc eſto, teque fortiter gere.* Cui ille, *non eſt per DEI gratiam, quod vereare; non deerit, ut ſpero in DEO, animus.* In pedes è crate erectus, & conſenſo animoſè carro, collum laqueo furcæ affixo indutus, ubi miro ſilentio populum in ſe defixum advertit, vivificæ Crucis ſigno, clariſ verbis prolatâ formulâ ſe ſignavit, &, *Adductus huc ſum*, inquit, *ad mortem eo nomine ſubeundam, quod ſacerdos, ac Jeſuita eſſe exiſtimmer.* Verumtamen hic affirmare poſſum, nullum hæcenus argumentum ſat firmum contra me, quo is eſſe convinceretur, allatum eſſe. Quibus inſuper ex ordine relatis, & confutatis, efflagito, ſubiicit, *ab adverſarijs meis, ſi fortè hic ad ſunt, ut ſi à vero diſcedo, liberè me hic falſi coarguant.* Jam verò ut multorum expectationi, me noſſe cupientium fiat ſatis, cum jam confeſta ſint omnia, & pronuntiatum de capite meo, ecce palam nunc



mea sponte confiteor, & Catholicum me esse, & Sacerdotem, & quæ infinita in me DEI benignitas est, Societatis JESU Religiosum; primum item ex eo Ordine, qui ab hujus Parlamenti exordio, morte multatus sum. Pro quibus omnibus indigno collatis beneficiis, immortalis DEO, quas possum maximas gratias ago. Tum magnâ libertate Catholicæ Fidei veritatem, extra quam nemini salutem obventuram affirmabat, contestari exorsus, à Ministello progredi inhibitus est, seque ad mortem comparare iussus; dum ipse interim binos latrones, qui ob sua scelera eidem cum Patre patibulo suspendendi adstabant, ad eandem disponderet. Obsecutus mandanti Pater, eam temporis moram, quam ille allocutione, & comprecatione Prædicantiæ, sanè verbosæ, & Psalmi unius alteriusque decantatione conterebat, aliorum conversus, suum DEO agonem tacitus commendabat. Ut suas nœnias Minister absolvit, nunc me vicissim, instat Pater, elatâ voce DEUM orare sine, ut ea omnes, quæ dixero, intelligant. Quo multum tergiversante, nihilominus exorsus Pater, genuaque, signo Crucis facto, reverenter submittens, sermone Anglicano in hæc verba precatus est: *Suscipe o Pater misericordiarum, qualemcumque me vides. Suscipe has indignas perpeffiones meas, quas sanctissima Vnigeniti tui, Domini mei, consortiatis morti, propensissimâ tibi voluntate represento, eorum virtute conjunctioneque, quæ passus est dulcissimus Redemptor meus JESU S, unâ cum meritum omnium, qui in lege Naturæ, in lege Moysis, & Gratia, Divinæ Majestati Tuæ accepti fuerunt, sunt, & erunt; futuras, ut spero, gratiores. Ignosco Judici, ejusque Assessoribus; ignosco Duodecim-Viris; ignosco accusatoribus meis, & qui inferenda necis mihi quoquo modo causa extiterunt. Tum precatus pro Rege, Regno, ejusque ad Fidem Catholicam reductione:*

*si tot mihi suppeterent, ait, vita, quot crines in capite, quot in Oceano gutta, quot in Cælo stellæ, quot perfectiones & excellentiæ in DEO, illas ego perlibenter omnes eum in finem impenderem. Quibus cum ingenti approbatione acclamantis populi prolatis, ubi aliquamdiu clausis oculis ad eliciendam contritionem conmissus est, mox eos apertos in adstantem carceris sacerdotem defixit; qui eo signo monitus, postremam ei peccatorum absolutionem sic impertivit, ut extrema formulæ verba potuerit exaudire. Subducto interim carro, placidissimo ipse vultu, oculis semper in Cæculum intentis pependit, nullâ oris contorsione, nullâ brachiorum, pedumve indecorâ jactatione, sed manibus ante pectus (liberæ enim illi permissæ erant) surrectis, & orantis in modum conjunctis; perinde quietus, & toto corpore modestè compositus, ac si expirasset, aut optatissimo situ vivens conquiesceret.*

Ex tam inusitato, & Angelico planè morientis Patris aspectu, notam aliquam hæresi suæ metuens Ministellus, continuò funem præcidi volebat. Sed mitior illo carnifex, id facere prius, quàm totam egisset animam, omnino renuit; quem cum lanienâ consuetâ partiretur, nullâ militem, aut carnificum vi resisti potuit, quin complures frustra carnum, stramenta, & strophia cruore Patris madefacta, unus etiam ex Gallici Oratoris familia, cor ipsum è medio rogo diriperet. Vestimenta item omnia magno pretio à licitoribus redempta, & fructatim in Catholicos, certatim ea deposcentes, divisa, singulari veneratione, privatâ cujusque devotione servata fuere. Passus est P. Thomas Londini 22. Decembris An. 1642.

ætatis 42. Societatis 22.

## P. BRIANTUS CANSFELDUS.

**V** Niverfa P. Brianti vita, quam in Societate IESU religiosissimam totos 39. annos vixit, merum fuisse cenferi potest Martyrij Tyrocinium. Ità enim asper, ne dicam crudelis, in corpus, ejusque cupiditates constanter sæviit, ut nihil, quod caro concupisceret, ei largiretur, sensibus autem abhorrentia, veluti gratissima Dominicæ Passionis analecta, magnâ cupiditate amplecteretur. Natus in Lankastrensi Angliæ Provincia, & voluntario Fidei causâ exilio in

Belgium profugus, exactis laudabiliter juventutis annis, è sæculo in Societatem IESU se recepit; in qua virtutum & excellentiæ doctrinæ merito, quatuor votorum solenni nuncupatione auctoratus est. Et quia omnia illius desideria, omnia animi vota, unam spirabant Angliam, in qua Apostolicis laboribus fortunatæ pro Christo mortis coronidem imponere posse sperabat, dimissus tandem est in campum certaminis, non minore superiorum voluntate, quàm animi sui solatio. Ubi nihilo minore cæteris conatu, sub adsci-





*P. Briantus Cansfeldus Anglus Soc. I. E. S. V. post verbera et atroces iniurias, squalore carceris in causa Fidei Catholicae à vivis sublatuſ Eboraci in Anglia A. 1643. Mense Augusto.*

adſeitiſio Chriſtophori Bertonij nomine, quotidiana inter vitæ pericula, & incredibiles perſecutionum ærumnas, conſtantem animarum lucris operam per annos complures, ad uſque 65. ætatis annum, ita impertivit, ut copioſos ex hæreticis reductis, & firmatis Catholicis, in horrea Domini manipulos reportarit. Ita meritis plenus, & Cælo maturus, dum beatæ per ſanguinis effuſionem mortis laureolam vix ampliùs ſibi obventuram ſperat, repente præter omnem ſuam expectationem, imò & comprehenſorum intentionem, eam ſibi in manus à Cælo ingeſſi deprehendit.

Erat Judici criminalium cauſarum in Eboracenſi provincia conjunx, olim Catholica, quam ex ſimulata hæreſi ingentibus ani-

mi'angoribus cruciatam, unus aliquis è Patribus Societatis Eccleſiæ reconciliaverat. Exarſit hoc auſu in graviffimas iras maritus, dimiſſiſque quaquaverſum exploratoribus, Patrem omni ſagacitate veſtigabat, non antè quieturus, quàm patibulo affixi & eviſcerati ſanguine, implacabile ejus odium reſtinxiſſet. Ecce autem dum apparitores Sacerdoti illi deprehendendo omnia rimantur, & domos, quantumlibet levibus indiſijs ſuſpectas rimantur, incidunt in Patrem Briantum, ſacris tum penitus operantem: quem uti ad Aram conſtiterat, ſacro apparatu veſtitum, ornatumque corripientes, inter ludibria & ſannas ad judicis exaſperati domum trahunt, vexant, verberibus exagitant, ac demum in tetrum ergaſtulum detrudunt. Inelementer omni-



omnino & diriter, quamdiu illic detinebatur, habitus est; sed cognito postmodum errore, & placato iudicis animo dimissus, & suo, quo vellet, ire arbitrato permixtus est. Verum non erat amplius, quo sollicitus dono acceptam vitam collocaret securam; fractas enim prostratasque acerbâ tractatione,

ærumnosi carceris situ, cibi potusque incommodis, seniles vires vix custodiâ efferens, nullis deinceps instaurare potuit fomentis. Itaque uno post ferè mense, conscitam ergastuli malis mortem, inter nostros in Eboracenâ missione oppetiit, Augusto mense. Anno 1643.

## P. RODULPHUS CORBÆUS.



Ortunata, si quæ alia, & singulari prærogativâ integrè ad suum famulatum à DEO electa fuit P. Corbæi familia. Pater & Mater cum omnibus prolibus vitam Religiosam amplexi, ille cum 3. filiis in Societate JESU, Mater cum binis filiabus in S. Benedicti familia, pleni virtutibus & meritis ad mortem usque perstiterunt. Parentes ejuratâ, quam primùm sequebantur, hæresi, voluntario extra Angliam suscepto exilio, P. Rodulphum Corbæum, aliàs Corby dictum, in Hibernia non longè Dublinio suscepere, simulatæ fictionis, & omnis dissensionis tantum ab infantia osorem, ut nunquam à veritate quid alienum, minùsve sincerum protulisse, nunquam certare, aut contendere de ulla re sit notatus, quamlibet disceptationem hisce dirimere solitus: *ergo sit ita, ut dicis & vis, nec de hoc amplius disceptemus.* Nullus illi pecuniæ amor; quam si aliunde accepisset, continuò fratri tradebat. Observantia in parentes, reverentia in DEUM ac Cœlites, ac præcipuè in Deiparam summa, quam à puero recitatione Officij Mariani, omnibus Festis & Dominicis colere consuevit. Anno ætatis 15. in Belgium, ac subinde in Italiam Hispaniamque transgressus, in varijs Anglorum seminarijs scholas omnes, cum Theologia quinquennio audita, persolvit, factusque sacerdos, & in Belgio Sociorum numero adscriptus, totum se divino obsequio addixit. Profundissima cum primis in eo enitiuit humilitas, quâ persuasus ineptum se, ad quidlibet rectè discernendum, & proprio arbitrio gerendum, esse, ad omnem superiorum nutum cerâ flexibilior evadebat. Ab his remissus in Angliam, pedes semper, scipione fultus, ruricolæ aut tabellarij habitu, pauperum Catholicorum tabernas, quos nec egestas sacerdotem domalere, neque obscuritas illum in ædibus ditiorum adire sineret, percurabat, quâ Sacramenta ministrando, quâ privatis alloquijs ad veritatem, ad virtutem, instruendo; nam-

publicè ad concionem plurium dicere, & conventus celebrare, nunquam totis 12. annis, quibus Angliam excoluit, periculi magnitudo; neque privatas has tenuiorum Catholicorum lustrationes diurno tempore fieri, acerbitas persecutionis permisit, unde non aliàs magis, quàm intendentibus se tenebris, vel nocte intempestâ, pagatim eorum intrabat domicilia, eodem cum ijs cibo, qui ex improvise occurrisset, victitare solitus. Nec eum ab humilibus & laboriosis conatibus retardabat adversa valetudo, quâ perpetuò conflabatur; cujus molestijs ultimis octo vitæ annis vires capitis usque eò prostratas sensit, ut neque diutiùs meditari, neque prolixius lectioni vacare posset. Et concurrabat tamen ille remotas etiam in medijs silvis Catholicorum domos, donec in una earum improvise interceptus, in partem beatæ pro Christo necatorum fortis devenit.

Stabat ille ad Aram, Missæ Sacrificium, in quo jam Epistolam legerat, offerens, Hampterslæi domo, in medijs silvis, in Comitatu Dunelmensi solitariè sita; cum irruentibus per vim militibus comprehensus, & ad Parlamenti Commissarios Sunderlandiam abreptus, jubetur propriæ manûs subscriptione Sacerdotem se, & in Sacerdotali functione deprehensum fateri. Quod promptissimâ voluntate executum, imò & Jesuitarum è numero unum esse profitentem, navigio nocte intempestâ imponunt, & unâ cum Joanne Ducketto Sacerdote seculari, Londinum avehendum committunt. Huc appulso continuè carcer Novæ Portæ, veluti propriâ confessione Majestatis reos excepit; nec ipsi aliò, quàm ad patibulum exitum inde sibi concedendum ominabantur: unde seclusis rerum humanarum curis, uni Deo totos sese heroicarum virtutum exercitio impendebant. Conati sunt varijs artibus Catholici P. Rodulphum morti ereptum in libertatem vindicare, quos inter Prolegatus Londini Casareus, captivi in Germania Tribuni militaris





P. Rodolphus Corbaeus Hibernus S. I. odio Sacerdotij Catholici  
suspensus, et membratum dilaniatus, Londini in Anglia 17. Septemb. A. 1644

C.S.A.

M.K.S.

litaris Scoti commutationem cum Patris capite urgebat. Sed deprecatus est ille magnopere favorem inexpectatum, ac senectutem, infirmam valetudinem, inutilem jam in vineæ Christi cultura vitam prætexens, in Dominum Duckettum viribus validum, præclaris à natura dotibus instructum, beneficium transferri oravit. Verùm & ille ingrati muneris oblatione percussus, vicissim illud à se in P. Rodulphum amoliebatur; defixis admiratione, qui aderant, concertationisque novitate stupefactis. Inter hæc bimestri captivitatis elapso, dies 14. Septemb. Exaltationis S. Crucis sacer eluxit, quo citatus uterque ad Tribunal est, & Judicium sententiâ, ex propria cujusque confessione, Sacerdotij, hoc est, læsæ Majestatis, condemna-

tus. Abducti à Tribunali, præter morem detrufi sunt, barbarâ maligni custodis inhumanitate, in tetrum ac vile ergastulum, inter homicidarum, maleficorum infandam fæcem, catenis insuper, ac ferreis compedibus onerati, tantâ inclementiâ, ut Præfectus carceris factus certior, facti atrocitatem exosus, jufferit abstineri.

Igitur honestâ custodiâ, reliquo uno ante supplicium die & nocte conclusos, certatim domestici, exterique Catholici, & in his plerique Orthodoxorum Principum Oratores convenère, ultima suis rebus consilia, salubria monita, & appreciationes postulando, negotia precibus eorundem commendando, & Sacramenta Confessionis & Communionis obeundo, Et Galliæ quidem Legatus, post-

R 3

quam



quam cum suis omnibus sacram exomologesim apud P. Rodolphum obiit, Rosarium ab eo, ac numisma benedictum, Reginae Matri dono mittendum in Gallias accepit. Quod idem praestitit Dux Guisla, quæ cum Marchione de Broissy, & utriusque comitatu, supremam noctem totam in carcere, tanquam in sacris vigilijs perstitit, sacrificantibus adfuit, & sacro Epulo ex manibus itidem P. Rodulphi, cum plurimis alijs Catholicis pasta, demum calicem, quo rem Divinam fecerat, numerato pretio comparavit, & ceu pietatis thesaurum in excelsis semper habuit. Cæterum ipsi ab accepta mortis sententia miram toto ore spirabant hilaritatem; quantoque ab excessu vitæ per intervalla aberant propius, tanto maiore teneritudine liquecebant, erumpentibus subinde præ gaudij magnitudine lachrimis: sic, ut Rodolphus Sacerdoti de Societate, qui ei habitu minimè suspecto semper in carcere tunc aderat, profiteretur, nullo se prorsus tangi, tenerive metu. Ultimo tamen sacrificio vehementer animo percelli, turbari, & consternari ita visus est, ut toto corpore succussus, nec verba satis proferre interdum posset: quas tamen mentis tristitia obnubilatae tenebras, in eodem adhuc sacrificio imploratum ab eo Numen, cum fœnore etiam, & auctario solatiorum restituit.

Appetente supplicij horâ prodire uterque alacres, raso in coronam Sacerdotalem vertice, proprio quisque, non autem alieno, ut antehac consuêrant, habitu; P. Rodolphus in veste ordinaria Societatis, & D. Duckettus in tunica talari, Catholicis Clericis usitata. In cratem vimineam simul colligati, ubi raptatione ad Tiburnum in conferta multitudine pertracti sunt, patibulum amplexu primum, atque osculo devotissimè consalutarunt; tum conscenso ferali plaustro, insertisq; laqueo cervicibus, steterè permisti quinque flagitiosis, scelerum causâ eadem poenâ se-

cum damnatis. Hic Rodolphus pauca de mortis sibi irrogandæ causâ præfatus, cum fatentem etiam Vice-Comitem Londinensem, qui ex officio neci reorum interesse solet, habuisset, eam non aliam esse, quam sacerdotium autoritate Romanæ Sedis susceptum, redditum in Angliam, & munus sacerdotale illic exercitum; tum enim vero Pater magnopere sibi in tam bona causa mortem gratulatus, Deo etiam immensas pro illa gratias se agere, magno pietatis sensu declaravit. Nec plura effatus, totus se ad roborandum in Fidei confessione Havardum quendam, unum ex ijs quinque sceleratis, convertit. Huic adulteratæ monetæ falsò, ut ajunt, postulato, & paulò ante supplicium ad Fidem Catholicam converso, plurimum negotij faceiebant eo supremo articulo Ministrelli. Verùm is tum sponte suâ, tum Patris adhortatione, palàm constanter edicebat, sinè fide Catholico-Romana, spem nullam salutis esse posse. Tandem perberevi mentis ad interna collectione, Pater indicium in turba Sacerdoti fecit impertiendæ absolutionis, quam veluti ex arena missionem adeptus, & D. Duckettum suavissimè amplexatus, subducto plaustro pependit, donec uterque animam edidisset. Dissectorum è carnibus aut sanguine, ne partem ullam, vel reliquias subducere possent Papistici (ut vocant) canes, crudeli diligentia cavit iustitiæ Præfectus, jubens cremari, quidquid eorum cruore conspersum esset, ipsa adeò lintea, quibus præcincti erant carnifices, & manicas, quas brachijs induerant, elui. Pervenit tamen in Catholicorum potestatem altera D. Ducketti manus, & P. Rodulphi toga integra. Passus est 17. Septembris, Anno 1644. ætatis 47. Societatis 20. eodem die, quo ante septenni-um Parens ejus Gerardus, Watenis in Societate piè placidèque decessit.

## P. RICHARDUS BRADLÆUS.

**B**radstrensis Angliæ Provincia. P. Richardo natale solum fuit, magni animi Viro, sanguinis & vitæ, quoties usus ferret, aut necessitas, prodigo. Societatem ingressus est duodevicensarius, à cujus disciplina, virtutibus & literis in aptissimum Divinæ gloriæ instrumentum formatus, quatuor in ea solemnia vota professus est. Quan-

tum in vinea Domini exantlaret laborum, quantum in animarum questu subierit discriminum, nihil attinet explicare, cum de eo verè dici possit: Anima ejus in manibus ipsius fuit semper. Certè in Castrensi missione, quæ animosæ illius virtuti ante Anglicam professionem campus fuit, præsentissimum sapius vitæ adiit discrimen, ita sui securus, ut in medio æstu præliorum, ordines militum per





*P. Richardus Bradlaus Anglus Soc. IESV. ærumnis et illuvie  
carceris pro Fide Catholica confectus in Anglia Marchestria.  
30. Ianuarij. A. 1645.*

per universam aciem, à fronte usque ad postrema auxilia, inter volitantes globos imperterritus percurfaret, solo armatus manum Salvatoris de Cruce pendentis signo, cuius ostento & præliantes ad fortiter in Fidei hostes pugnandum, & vulneribus prostratos ad fortiter in tam bona causa moriendum animabat. Accidit aliquando, ut dum in cruento præ alijs confictu, denso plumbeorum glandium imbre caput circumvolante discurreret, nullaque sui ratione habitâ ad milites è vulnere lapsos accidens, aures semper omnibus præsens afferret, militum quispian periculi magnitudinem conspicatus, & saluti Patris metuens, casside sibi detractâ caput illius, Angelum vitæ sacerdotis custodem fuisse suspiceris, obarmavit. Vix id per-

fecerat, cum impactus capiti illius è sclopo globus est, impetu cerebrum cum vita elisurus, nisi fidelem servum tam præsentem custodiâ servâisset Cælum.

Jam quæ in Angliæ procuratione difficillimis temporibus toleranda occurrerint, facile est ex alijs divinare, cum nunquam in luce prodeundi in publicum facultas, sed noctibus duntaxat Catholicos invisendi, solandi, roborandique fas esset. Et licet hoc ipsum cautiissimâ Richardus ageret circumspeditione, tentus nihilominus tandem est ab emissarijs Parlamenti, & in Manchestrensem carcerem in Provincia Lancastrensi detrusus. Nec aliud præstolandum ipsi manebat, nisi sacerdotibus Anglis omnibus irrevocabiliter decretum patibulum, evisceratio, exustio;

nisi



nisi calamitates ærumnosissimi carceris animam illi antè expressissent. Porro si quis avet rescire, cujuscmodi in Anglia sacerdotum fuerint custodia & ergastula, audiat unum alterumve ex ipsis illa perpeffum, & notitiâ experimentalî nobis describentem.

P. Ioannes Gerardius Societatis JESU, qui multis annis fructu incomparabili in Anglia labores Apostolicos produxit, captus tandem sub Elisabethæ imperio, *demissus sum, narrat ipse, angusto ostiolo in subtegula-neum carcerem, ægrè lectuli capacem, staturâ meâ breviorē, fenestrâ noctu diūque apertam, & quod erat gravissimum, somno, valetudini, naribus maximè infestum, tam pestilentis & acutæ graveolentiæ, quantam poterat explicare cloaca, in quam diversi & multiplicis carceris sordes omnes undiq; confluebant.* P. Guilielmus Vestonius ex eadem Societate, atrocissimis perpeffionibus totâ Angliâ notissimus, detrusus est in carcerem tam horrendâ, præter alias ærumnas, graveolentiâ, ut, quod ipsemet scri-

bit, præfocaretur ejus mephiti, sentiretque naturæ proclivius fore semel mori, quàm diu in tantis durare miserijs. Capi somnus illic non poterat, nisi defectum viribus corpus humi prostratum concidisset. cujus per 50. noctes à se capti tempus si colligeretur, scripsit ipse, non confecturum spatium horarum decem. Lumen non nisi malignum incidebat, quantum scilicet immittebat angusta, instar balistarij foraminis, fenestella: ut in beneficio duxerit, se non penitus esse excæcatum, caput & cerebrum in deliria solutum: licet ita viribus & mente exhaustus fuerit, ut ultra quatuor lineas scribendo vel legendo progredi non posset. Plura sparsim in prioribus, de incredibilibus Anglicanorum carcerum ærumnis memoravimus: quibus P. Richardus prius confectus est, quàm ad publicè propugnandam felici suspendio rem Catholicam educeretur. Die videli-

cet 30. Januarij Anno 1645.

ætatis 41.

## P. HENRICUS MORSÆUS.



Ortunatæ in Fidei causâ *mortis responsum*, in se ipso, ex nomine suo habuisse, videri potest Pater Morsæus, aliàs Mors agnominatus, in Norfolciensi Angliæ

Provincia Parentibus Heterodoxis editus, & in hæresi ad usque Jurisprudentiæ comparatam Londini notitiam, persistens. Tum enim reclamantis conscientiæ perplexa neque devitare ampliùs, neque eluctari seipso valens, in Belgio Magistros perquisivit; à quibus Catholicam veritatem edoctus, tantâ firmitate complexus est, ut mox repetitâ Patriâ, priusquam exactum à se (quo Fidem Catholicorum explorari solitam sæpius monuimus) fidelitatis præstaret jusjurandum, primum carcerem, dein etiam exilium tolerare elegerit. Romam ergo, Veritatis sedem contendens, Pontificio Gentis suæ Collegio receptus est, annos natus 23. in quo post septem annos Philosophiæ & Theologiæ navatos, sacerdotio initiatus, cum virtutum dotibus Apostolico muneri paribus jam tum instructissimus notaretur, in Angliam, Pontificiâ fultus auctoritate, ad quæstum animarum faciendum remissus est, iterum pro hospitio carceres habiturus in Patria. In ipso siquidem Insulæ portu Neocastri naufragium libertatis passus capitur, examinatur, ob Fidei professionem publicæ custodiæ traditur,

ampliùs triennio gravissimis inediæ, frigoris, squallores, ergastuli incommodis maceratur; quibus exhausto penitus corpore, & exangui macie torrido, non minùs pene vultu, quàm nomine deinceps mortem loquebatur. Ferebat ipse à Præposito Generali secum potestatem, mox ut Angliam teneret, Societatem Iesu ingrediendi; cui opportunè sanè pro Tyrocini palæstra triennalis carcer, & in spiritûs magistrum sacerdos quidam ex Societate, eadem cum illo custodiâ tentus, obigit. Sub ejus directione (erat enim in Asceticis doctrinis apprime versatus, & exercitatus) quantum in virtutum, ac præsertim zeli animarum usu profecerit, eo maximè patefecit, quòd toto eo carceris tempore, vix unus illinc maleficorum eductus sit ad mortem, cui non ipse in Catholica Religione viam feliciter ostendisset ad vitam.

Ex triennali custodia actus iterum in exilium, Belgium petijt, ubi jam ipsi inter socios computato, Anglos milites Religiosis ministerijs procurandi provincia demandata, cum ab illo extremo conatu, laboribûsq; pene citra modum, sanè ultra vires susceptis obiretur, in ruinam valetudo extremam, & tantum non in exitium præcipitata est, sic ut eum deinceps utcunque restauratum, non alijs, quàm Ministerij domestici munijs, Watenis & Leodij occupandum duxerint superiores.





P. Henricus Morsæus (alias Mors) Anglicus S. I. ob susceptos Sacrorum Ordines suspensus, et dissectus, Londini in Anglia, 1. Februar. A. 1645.

C.S.A.

M.K.f.

riores. Quod ipsum tamen magno disciplinæ Religiosæ cessit emolumento, cum ipse Regularum scita, Superiorum iussa, quam servaret ipse, tam ab alijs diligenter exigeret; ab obedientiæ præscripto, recte conscientia, ne latum quidem unguem, seu gratiâ, seu metu discedens. Namque spiritu fortitudinis robur corpori suggerente, cum infirmabatur, tunc potens erat, ardensque salutis alienæ cupiditate, unius Collegij parietibus contineri non poterat. Igitur in patentes Angliæ campos denuo superiorum annutu evadens, tanta unus corpusculo ægritudinibus fracto, & agendo perfecit, & tolerando pertulit, quanta vix plurium fortes lacerti ferendo suffecissent. Certaminis arena Londinum fuit, tum aliâs, tum præcipuè annis

supra mille sexcentessimum trigesimo sexto, & septimo: quibus pestifera lues urbem populata, contagionis metu omne auxilium subsidiumque; ab ægrotis, pauperibus præsertim, amovebat. Horum solatio, non tantum qui ex Catholicis, sed ex quolibet sectarum grege, malo corriperebantur, operam & vitam suam apud Superiorem devovit; tantis ex obtento annutu incedens lætitijs, ut vix se capere posse videretur. Igitur Exercitijs S. Ignatii, votorumque instauratione ad palæstram comparatus, domos imprimis Catholicorum, quò commodiùs conveniat singulos, sibi describit; quorum spatio quadrimetri solas contagio infectas, censuit amplius quadringentas. Has igitur dum primâ curâ (nam sectarios minimè negligebat) diu noctu-



noctūque perecurſat, incredibile eſt, quantum ærumnarum & moleſtiarum exhaueſcit. Subeunda erant cubicula odoris atque animæ gravis, agendum cominus, eo ipſo loco aſſidendum, ubi contagioſi naſcantis naturæ proluuiem profuderant: cooperti flagitijs, & ad ſalubria monita obſignati, quâ blandiendo, quâ terrendo, ad ſalutis conſilia perducendi: Confefſiones veteres corrigendæ, ab ultima pueritia repetendæ. Accedebant continuæ exploratorum inſidiæ, & tenſæ ab investigatoribus paſſim indagines, quibus repente in domo, ad quam venturum ad ægros condixerat, obruendus, ancillæ indicio periculum evaſit, eandemque trans horti parietem proſpectantem, celeriter inſtruxit, conſitentem audiit, D E O & Eccleſiæ reconciliavit.

His alijsque officijs dum prodeſt alijs, & præter multos æternitati tranſcriptos, plus quadraginta morbi beneficio ab hæreſi reducit, pro ſalute animabus inſpirata, ipſe lue, à peſtiferis eorum corporibus, aſſatur. Brevi tamen præſtantis Medici curatione ſibi reſtitutus, & ad periculolum miniſterium alacrior reverſus, quia ſibi nuſquam parcebat, luem iterum, longèq; gravioſam conſcivit. Sed neque hæc ultra periculum progreſſa, eo ipſo momento, quo Superioris literas, omnem tantisper ægrorum curam inhibentis, & propriæ valetudinis curam mandantis, perlegit, illum deſtituit, ſic, ut ad inſtitutum ægros viſendi paulò poſt redierit. Quo in munere magnâ alacritate ruſus verſantem, improvîſo apparitores occupant; à quibus cubiculo conſeſus, ante omnia S. Euchariſtiam, quam ſecreto ad ægrum deferrebat, ne impiorum deveniat in manus, abſumit: ſub veſperam tamen ad examen Magiſtratus vocatus, quia quæſtionibus nonnullis ſatisfeciſſe viſus, etiam laudatus dimittitur. Hunc ille ſucceſſum Deiparæ beneficio, quam examini Patronam invocaverat, attribuens, majore ſecuritate, DEI protectione conſiſus, ſalutari operi incumbere: cùm iterum ab emiſſario quopiam, manus illi, domos ægrotorum obeunti, ſunt injectæ; ſed oblata libertatis mercede; ut eſt illis fides pretio venalis, non difficulter laxatæ. Dum autem pergit munus ſuſceptum imperterritus præſtrenuè exequi, ruſum in Apparitores prioribus iniquiores, quia potu madidos, ab ægra quapiam revertens, incurrit, qui comprehenſum in Weſtmonaſterienſem carcerem, non ſine blaſphemis exprobrationibus, viſuros ſe, num Maria, & Sancti illum eſſent

erepturi, traducunt. Invenit hic illum, poſt longam urbe totâ conquiſitionem, ſuſpicatus, quod res erat, ab emiſſarijs carceri mancipatum, ſuus famulus, quem ille publicè (nam ſoli colloqui prohibebatur) rogavit, ut Regina, quo eſſet loco, quàm primùm indicaret. Quod Pater quidem non ſeriò, ſed ut hæc ſpe libertatis, etiam ab invitis extorquendæ, interjeçtâ, minore ſumptu cum cuſtodibus depaciſceretur, dicebat. At famulus ſeriò peti ratus, rem egit per Confefſarium apud Reginam impigrè. Cujus actionis ignarus Pater, cùm libertatem interim certâ pecuniæ ſummâ à Cuſtodibus redemiſſet, factus rei certior, parùmque conſtanter & honorificè Reginae facturum exiſtimans, ſi poſt ejus imploratam opem, ante illius eventum ereptâ libertate uteretur, ultro apparitoribus in eandem ſe cuſtodiam ſiſtit. Multis illic injurijs per dies aliquot affectus, rebuſque omnibus exutus, in carcerem Novæ Portæ, juſſu Conſilij Regij tranſfertur; unde poſt unum ſerè menſem ad Tribunal evocatus, duorum criminum, teſtimonio virorum quatuor, ac trium muliercularum, accerſitur; Sacerdotij videlicet, & ſeducorum à Fide, & obedientia Regis ſubditorum.

Primus Neotonus, jam pridem ob periurij notam è ſubſellijs, & jure teſtandi eliminatus, juramento firmavit, Patrem aliquando ſibi faſſum, eſſe ſe ſacerdotem. Inſciatus factum Pater, cur enim, inquiens, inſidiatori inſeſtiſſimo faterer, quod ſcirem ex Regni legibus eſſe capitale? obteſtabatur iudices, ne notorij nebulonis teſtimonio fidem adhiberent. At, inquit, ſupremus Jdex, fac nebulonem eſſe, fieri tamen poteſt, ut ejus teſtimonio ſuſpendaris. Jura ergo, ſi potes, te ſacerdotem non eſſe. Niſi id juraveris, reus eſſe manifeſtè convinceris. Profeçto Regni leges, reſpondit Pater, juſjurandum ab accuſatis exigi non ſiſunt, eamque probationem nullam eſſe volunt. Juravit deinde Grayus viſum à ſe Nobilem, flexis genibus Patri conſitentem; & mulier Halla nomine, addidit, ſe fatentem moribundam audiviſſe, illi eſſe conſeſſam. Maſſona autem affirmavit, inunctam ab illo quandam ægram fuiſſe, neſcio quâ re, è panniculo rubro à collo pendente. Reſpondit ille: Nobilem virum, quem Grajus conſeſſum eſſe diceret, eumſitum in colloquio idcirco elegiſſe, quòd ad levandum dolorem, cùm æger eſſet, foret illi tunc commodiſſimus; an verò conſeſſio hæc fuerit, nec ne, id ſciri à Grajo non potuiſſe, cùm conſeſſio ſit ſecreta. Hallam verò nec intelligere, quid rei ſit conſeſſio. Suaſiſſe

qui-



quidem se moribundæ, ut conscientiam examinaret, atque eam in rem, ut facilius contritionem eliceret, etiam juvisse. Ad Madisonæ testimonium, respondit, se medicamentum ægræ applicuisse, quod in panno murice tincto gestaverit. Dimissi post hæc de more sunt ad deliberandum Viri duodecim, qui mox reduces, Sacerdotij reum videri pronuntiârunt, non item seductionis subditorum. Quo accepto, comiter Judici gratias Pater egit. Qui ad Assesores conversus, *en etiam gratias, inquit, mihi agit, quod compertus sit reus.* Imò maxime mi Domine, reponit Pater, *gratias ago, idque ex intimo corde.* Comparantem se exinde ad excipiendam fortiter mortis sententiam, & mortem, ipsam, repentinus favor Regis excepit, qui intercessu Reginæ inductus, & indignatus se a Consiliarijs deceptum, fore, ut si iudicio rem permetteret, evidenter seductorum à Fide, & Regis obedientia subditorum, convinceretur; libertati Patrem restitui, & solo exilio multari præcepit.

Tertium igitur Patriâ proscriptus, suam in Belgio operam Anglicæ legioni, castrensis iterum Missionarius, navavit, eâ integritate & virtutis exemplo, ut non aliâ, quam S. Patris appellatione à legionis Tribuno Gagio indigaretur. Brevi nihilominus angustiis his impatiens concludi vastus animus, in Patriæ remitti auxilium assiduis precibus apud Superiores contendit, tantòque cordis solatio Anno 1643. nuntium obtentæ Missionis excepit, ut in genua ante Moderatores provolutus, actis gratijs, omnium continuo Patrum Gandavi cubicula obierit, gaudia illis sua impertiens, & absolutâ quâdam sponsione memoriam eorundem apud DEum, ubi sub patibulo plectendus constituerit, promittens. Hâc fiducia ad partes Angliæ Boreales renavigans, sesquiannum circiter strenui, utilisque operarij munus, cum multarum salute animarum, implere pergebat, cum in hostium potestatem etiam non quæsitus, pro alio, cui insidiabantur, denique incidit, Dunelmum in carcerem, sub militum custodia deducendus. Ex itinere, quod longiusculum erat, ad vicinam publicæ pacis in quodam vico Conservatoris domum, nocte asservandum captivum tradunt, quem omni humanitate per Viri absentiam excipiens Conjunx, clam illi Catholicam se esse aperuit; cui vicissim sacerdotium suum, prodenti, copiam evadendi, prius quam rediret maritus, ultro obtulit. Cum verò prorsus ille abnueret, tanto hospitæ incommodo

& periculo clam profugere, illa periculum nihili pendens, scelere quin potius tam atroci illam ut eximere fugâ pergeret, urgebat, quo alioqui se prodicione sacerdotis hostibus Fidei involutura esset. Cessit tandem diu reluctatus, & nocte illâ quaterdenis passuum millibus per devios tramites pedes confectis, sex circiter hebdomadis obscuro quodam Regionis ejus angulo delituit. Inde securum jam emergere posse sperans, hominem fidum, viarumque gnarum adscivit, quo ductore in aliam Regni partem, ubi ignotus rem Catholicam procuraret, transibat. Sed ille viæ ductor seu fortuito, seu divino consilio, in summa semitarum illarum gnaritate, omnem earum memoriam ita amisit, ut quâ procederet, penitus nesciret. Quod ergo restabat unum, ad conspectam in vicinia domunculam divertit, de via percontaturus, unâque ibat P. Henricus; cum in limine consistens, & quasi ex composito opperiens eos vir, ex Patre quærit, an non is idem sit, qui nuper Dunelmum captivus missus, & custodia militum elapsus profugisset? Pater improvisâ ictus percontatione, cum diffiteri nollet, capitur, vincitur, & post gravem, sædumque multarum septimanarum Dunelmi carcerem, Londinum denique navigio transmittitur.

Infandas eo itinere à nautis perpeffus injurias, & periculosa procellâ, quâ navium altera ante oculos fluctibus hausta est, defunctus, in carcerem Novæ Portæ Londini die 24. Januarij detruditur, prius aliquot tamen horarum spatium pretio à satellitibus mercatus, ut Oratorem Hispaniæ, & Comitem Egmontium ex officio saluaret, qui etiam in secretum conclave deducto, ibique Sacris operanti ministravit, & benedictionem expetiit. Advolavit interea Londinum Patris Henrici frater, D. Morseus, Vir opulentus, & inter Juris Advocatos authoritatis magnæ; qui licet sectam Protestantium sequeretur, ternis nihilominus florenorum millibus ejus libertatem redimere, sed frustraneâ licitatione contendebat. Siquidem 30. Januarij ad Tribunal evocatus, recitatâ accusationis formâ: *quod ante annos aliquot sacerdotij convictus, Regnòque egressus, revertisset:* iterum solenni formâ de sacerdotio, hoc est, de perduellione damnatus, & in perendinum diem supplicio destinatus est. Totâ illâ die & nocte, quæ illi supremæ fuere, ab omni grege hominum etiam Acatholicorum ita obruebatur, ut neque cibi capiendi spatium haberet. Omnes Viri tanti vel aspectum,



vel solatium, vel faustam apprecationem, vel in rebus perplexis consilium, esto haud modico sui periculi pretio, comparare studebant. Quorum non pauci ab irruentibus mediâ nocte militibus intercepti, & toto noctis residuo, ac die insequenti, Parlamenti jussu detenti, pecuniâ vexationem redimere coacti sunt. Magnâ etiam honoris significatione cum per se, vel internuntios convenire, Cæsaris, Catholici, & Christianissimi Regum Oratores; & Lusitanus quidem unâ cum Coniuge pedites, quamvis cæno à densa pluvia squallebant viâ. Lapsa inter hæc officia Patri nox tota infomnis jam erat, & hora quarta prope crepusculum jam matutinum. Ergo recitatis nonnullis pro Angliæ conversione precibus, inexplicabili pietatis teneritudine, Missam de Sanctissima Trinitate, in gratiarum actionem pro beneficio mortis, Christi causâ oppetendæ, celebravit; postquam per solutis ejus diei Canonicis horis, singulorum, qui eodem carcere cludebantur, circuivit ergastula, quos omnes supremum valere jubens, eâ vultûs amænitate renidere illis visus est, ut tantam animi non caperent magnitudinem. Ac præcipuè Pater Christophorus Ultanus, è Sancti Francisci Familia pro Christo vinctus, tantâ animi lætitiâ, & martyrij cupiditate, ex ejus amplexu perfusum se expertus, ut quoties deinde ejus rei mentio incidisset, lachrymis gaudio manantibus exclamaret, *bone JESU! nam qualis ille vultus erat! adijcere simul solitus; si ad id tempus in hæresum, aut gentilium errorum tenebris hæssset, uno illo Patris cælesti aspectu, & hausta ex amplexu mentis serenitate, ejus, pro qua moriebatur, Fidei veritatem agnirurum fuisse.*

Ab hoc ad solitarium conclave Pater se contulit, & uno de Societate Sacerdote, qui semper tum præsto aderat, arbitro, totum se in ardentissimos affectus, & heroicis Charitatis, Fidei, Spei, doloris, ac gratitudinis actus, yiribus omnibus impendit, quoad fatalis nuncius horam supremam instare eum admonuit. Quo audito, bone DEUS, quàm promptus & alacer provolutus in genua, oculis manibûsque in Cælum sublatis, immensas DEO, pro infinita felicitate, gratias egit! quanto affectu gratiæ hujus magnitudinem prædicavit! dùmque alter suggereret, pergeret porro in occursum Christi, & DEIPARÆ SANCTORUMQUE AMPLEXUM, exclamans excepit: *Veni mi JESU dulcissime, ut tibi indissolubili nexu vinctus, nullâ dehinc vi, nullo unquam tempore, nec æternitate divellar. Venite*

*vincula, crates, tormenta, mortis læniæna, venite! JESU Salvatoris mei causâ, grata mihi imprimis & jucunda estis!*

Eductus est ad traham craticeam quatuor equis junctam, manu Vice-Comitis Londinensis, in qua raptatum ad furcam consecutus est in via Legatus Galliæ, palamque totâ inspectante multitudine deveneratus, Regem & Regnum Christianissimum ei commendavit, & bene sibi dici demissè postulavit. Quod in loco supplicij denovo repetiturus, è curru suo desiliit, & sub furca Patri collocutus est, strophio, quod ad manum tunc solum erat, in memoriæ pignus à Patre donatus. Magno exinde animo plaustrum conscendens, laqueum ipse collo induit, confertamque multitudinem his ferè alloqui exorsus est. *Veni huc, si nescitis, Religionis causâ moriturus, illius inquam Religionis, quam Ecclesia profitetur Romana, qua à Christo fundata, ab Apostolis stabilita, per omnia deinceps sæcula, ad hunc usq; diem, Hierarchiâ semper visibili propagata fuit; Scripturarum testimonijs nixa, Sanctorum Patrum, & Conciliorum auctoritate fulta, extra quam denique spes nulla salutis esse potest. Interpellatus hic à Vice-Comite, utq; similibus missis, si quid potius proditiônû in Regem, aut Parlamentû nôisset, ediceret, monitus est. Bene mones, respondit Pater, omnino magnum arcanum adhuc dicendum habeo, quod totius Regni, & Parlamenti, permagni interest. Hoc accepto, remotiores ex Magistratu, ad motis equo calcaribus, cum propius audituri accessissent: Tunc Anglia, subiicit ille, erit beata, ubi veram Fidem Catholicam, Apostolicam, Romanam, in suas ditiones revocaverit, & Angli sub uno in terris capite, Christi Vicario, tanquam obedientes Filij, vixerint. Præter hanc, nullam ego proditiônem aliam novi, nedum ullius particeps fui. Hoc verò certissimè exploratum habeo, causam horum omnium tumultuum, calamitatum in Anglia, hæresim esse, qua quamdiu veneni instar per hoc Regnum serpserit, non vos frustra quietem, malorumve ullum remedium expectabitis.*

Jussus iterum hæc missa facere, & suâ magis in leges Regni crimina fateri; breviter annorum vitæ omnium, quos in hæresi primùm, ac deinde Catholicus & Religiosus in dilatazione Evangelij transegisset, seriem recensuit, usque ad felicissimam illam mortis horam, pro qua Divinam Majestatem, inquit, annis 30. crebris precibus supplex poposei. Habes ergo nunc, subiicit cum Ministris Vice-Comes, quod petisti. Ita est, ait Pater, edque nomine gratias immortalis DEO, quàm possum maxi-



*maximas, ago, precorq; , ut mors mea pro hujus Regni peccatis, aliqua ex parte ab eo suscipiatur. Certè si mihi tot vite forent, quot arenas mare aluit, eas ego tibi libentissimè hunc ob finem, & ob Fidei Catholica testimoniū, omnes prodigerem: quæ nimirū Fides sola est vera, sola est certa, atq; sola (hic zelo incitatus interrumpi noluit) continuū miraculis confirmata: cæci enim vident, muti loquuntur, mortui resurgunt. Quid ais Domine Vice-Comes? si ad vitam redire mortuos cerneret, nonne crederes? dic sodes, nonne veram assereres eam esse Ecclesiam, ubi hæc patrantur? enimvero testimonia tua Domine credibilia facta sunt nimis! Noluit hic pati Vice-Comes, ut progredieretur; ad mortem se precando comparare jubens. Obsecutus Pater, animum paulisper collegit, & oculis manibꝫque in Cælum intentis, elatâ voce pro se, Angliæ conversione, Regnis, & Principibus Catholicis, ac demum pro hostibus suis longiusculè*

*oravit. Ac postquam agonem suum DEO Divisq; ardentius commendasset, sublatiſ altiùs manibus, magno animi sensu pronunciavit: In manus tuas Domine commendo spiritum meum; percussioque dolentis ritu pectore, simul ab adstante clam Sacerdote, ut convenerat, sacramentaliter absolutus, simul pedibus currus subductus est. Pependit ille, quietissimus, nullo incondito motu edito, dum expirasset. In cujus deinde laniati sanguine complura sudaria, Legatorum, & Comitum Egmontij rogatu, intincta sunt, & ad venerationem partim servata, partim Catholicis Majestatibus transmissa. Partes dissecti corporis ad quatuor Urbis portas, caput ad pontem sublimè affixum est, reliqua omnia igni absumpta. Acta sunt hæc Londini 1. Februarij Anno 1645. ætatis ejus 50. Societatis circiter 20.*

## P. JOANNES GROSSUS.




Itam, quam in Anglia Norfolciæ P. Joannes divino munere accepit, ejusdem utilitatibus magno ardore, Feltoni cognomine ad securius latendum usus, per annos 27. gratus impendit. Nihil pene calamitatum & incommodorum cogitari potest, quo non exercitus, ultimis præsertim his temporibus, fuerit, quibus Parlamentum in Regem consurgens, aperto bello, nimiam illius inter reliqua in Catholicos lenitatem ultum ibat, tanto simul in Sacerdotes & Jesuitas furore læviens, ut nullo amplius Regni angulo satis securi, nullâ arte, habituve sat tecti, venalem perditissimis emissarijs animam in horas agerent. Inter has tamen quotidianas mortes animæ prodigus, dummodo pretio Martyrij eam mercari daretur, P. Joannes, ne publicis quidem conventibus & exercitijs abstinuit, nullo unquam Dominico, festivæ die (quod de nullo alio legisse memini) per tot annorum spatia ad collectos fideles concionem habere, aut doctrinam Christianam explicare intermisit. Quâ indefessâ Apostolicæ functionis contentione, non tantum utendum sibi putavit tum, cum copiosæ in Ecclesiæ horrea conferendæ messis spes affulgeret, sed vel unius colligendæ spicæ, unius reducendæ ad caulam Christi oviculæ, spem dignam judicavit, in cujus lucrum vitam & sanguinem, corpus & animam profunderet. Id quod luculenter

palam fecit, per eam, quâ in hostium, & mortis manus incidit, occasionem.

Tenebatur Lincolnia arctissimâ Parliamenti custodiâ P. Joannes Huddus, Sacerdotij reus, & proximè celebrandis illic Judicium Comitij, ut certò ferebatur, perduellium supplicio necandus. Ultimo pressum casu socium dilectissimum, durum videbatur P. Joanni, absque solatio Sacramentorum destituere; verum id efficiendi, & nedum in carcerem, sed vel in Urbem se penetrandi, via nulla succurrebat. Certus nihilominus etiam cum vitæ dispendio obstacula perrumpere, hominis rustici personam statò fori die assumit, & permistus agricolis, diversa rure venum importantibus, & sinè noxa discedentibus, manè tenebris ingreditur: in carcerem tamen toto illo die incassum fraude aliquâ se insinuare connifus est. Ergo infectâ re, dum matutino astu cum plebe rustica, quasi mercatu soluto Urbem egreditur, excubitores in porta, qui pro libidine tunc quosvis obvios, nullâ etiam probabili suspicionis ansâ præbitâ, veluti sacerdotij suspectos invadebant, detinebant, & nisi pecuniâ libertatē redimerent, dirè vexabant; prehensum Patrem sistunt, & sacerdotij, cujus tamen nullum habebant indicium, nullum fundamentum, obtentu, examinandū ad Gubernatorem ducunt. Nihil optatius eâ captivitate obtingere tunc illi poterat, quod speraret, se eodem cum Patre Huddo carcere conclu-





P. Ioannes Grosius Anglus Soc. IESV. carceris squallore in Anglia pro Religione Catholica enectus Lincolnia 27. Februarij. A. 1645

C. S. d.

M. K. f.

dendum, tantopere ex ambitu solatium hâc opportunitate illi præbere posse. Verùm militari custodiâ iussu attineri Gubernator, ingenti mœrore, jubens in alium carcerem deduci, consternavit; quem tamen omni ad P. Huddum deinceps penetrandi spe interclusum, aliqua ex parte refecerunt ferrea vincula, & carceris illius aliquot hebdomadas toleratæ calamitates, hominûmq; perditorum injuriæ, quibus ex Fidei odio quotidie, in summa rerum ad victum, vestitum, & cubitum inopia, faginabatur. Interim quia Regius exercitus Vrbi, quæ Parlamenti præsidio tenebatur, obsidionem admovere parabat, captivi milites omnes, unâq; P. Ioannes, Vrbe scaphis evecti, in deserto S. Bolephi templo, sub custodia inclusi sunt.

Egit hic Pater, sexagenario jam annis quinque major, anni tempestate perfrigidâ tres ipsos menses, loco ventis pervio, omnis auxilij, fomenti, solatij, & tegumenti, ad repellendum gelu nocturnum, expers: unde rursus ad alium commodiorem corpori locum translatus, interiorum spiritûs afflictionum tantò infestior molestia est expertus, quantò dolentiùs injurias in DEUM, blasphemias, maledicta, perditorum hominum sentiebat, præ angustijs proprijs. Tandem post captivitatem in septimum jam mensem prolatam, cùm nullum sacerdotij probabile indicium, nullum in caput ejus testimonium colligi posset, libertatis spes offerri cœpit, si numerato illam pretio redimeret. Quo ex piorum liberalitate tandem colle-



collecto, dimissus quidem ille est ex carceris custodia, ita tamen ex diuturnis illius ærumnis prostrata valetudine, ut brevi dimitteretur ex corporis ergastulo in pace. Quamquam dubium esse possit, utrum non ex carcere similiter migraverit in carcerem: siquidem hospite, cujus domicilio receptus antehac sustentabatur, belli domestici malis exaetio, & in exilium exturbato, in dirutas quasdam ædes, & à militibus expilatas, recipere

se coactus est. Ubi mensem non integrum superstes, & vix animam, tot malis pro Christo in vinculis exercitam, trahens, post celebratum die 27. Februarij, An. 1645, Missæ sacrificium, in ipsa gratiarum actione semianimis in terram concidit, ac paulò post inter edita pœnitentiæ, ac singularis in DEUM charitatis indicia, placidissime expiravit Lincolnæ.

## CURBERTUS PRESCOTTUS.




Ullibi propè terrarum gravioribus, & ipsa perpetuitate acerbioribus infectionibus pressa fuit Societas I E S V, quam in Provincijs Britannæ, cujus nulli fuere carceres, quos ipsa non implevisset, nulli eqvulei, patibula, secures, quas non cruentasset, nullæ Urbium portæ, pontium, turrium, murorum pinnacula, quæ non suorum laniatis membris, præfixis capitibus, horruissent. Verùm si unos habuisset hostes hæreticos, non foret admodum ei dolendi materia. Iacturas enim has pensabant lucra gloriosa immenso fânore, vitæ factis ingentibus, & heroicis mortes spiritibus illustratæ: ex quibus duobus ventura sæcula admirationem ducent, & exemplum. Damni majoris, & frugis nullius extitère, Catholicorum quorundam in nos factiosa molimina, & apud supremos etiam Religionis vertices intentata litigia: proinde à Protestantibus, quibus usui maximo erant, omni studio promota, Ausi fuere hi, porrectis etiam libellis, à Pontifice Clemente VIII. postulare, ut quicumq; forent in Angliâ Sacerdotes Societatis, juberentur edictione severâ Pontificis, quod neque Elisabetha, neque Parlamenta suis proscriptionibus & tormentis efficere potuere, Regno æternum faceffere. Hoc enim facto Catholicos omnes, & reliquos Sacerdotes, pacificè illic & liberè acturos, nihil fore ab Adversarijs, qui in solis Jesuitis importunum & factiosum zelum persequerentur, gravius ferendum. Mera hæc Parlamenti, & Regiorum vota fuere, quòdque illi desperabant vi ullâ in Angliâ consequi, hoc illi dolo & arte Romæ adipiscerentur, non dubitabant à se Catholicam Religionem toto Regno exigendam. Nec multò post improborum conatuum, si cessissent, eventurus fructus patuit: quando propositum Catholicis, si pacificè in Regno vivere vellent,

Fidelitatis juramentum, pessimo Archi-Prefbyteri, & quorundam Sacerdotum sæculariū exemplo, omnes Catholicos in Religionis ejurationem, ne confiscatione bonorum, & perpetuis simul carceribus mulctarentur, pertracturum erat. Cui accedens altera Parlamenti sanctio, quâ teneræ juventutis in scholas transmarinas profectio, perduellionis, & læsæ Majestatis crimen, extremo piandum supplicio statuebatur; jubebanturq; Catholicorum filioli, gremijs parentum erepti, ad usq; annum 17. Calvini Didascalis tradi, omnem Religionem eversura erat, nisi Pontificio decreto firmata in Angliæ statione Societas JESU, utrique Hæreticorum molitioni obviam ivisset. Itaque cum Fidelitatis Jurisjurandi iniquitatem fuso etiam sanguine plures è Societate stabilivissent, omnem curam in diligendo Catholicæ pueritiæ flore, mittendòq; ad seminarium Audomarense, quod Perfonius maximis sumptibus fundaverat, intenderunt.

Hujus delectûs faciendi cura commissa fuit Curberto Prescottto, Lancastriâ oriundo, & propter eximiam Viri virtutem, probatûmq; Fidei & animarum zelum, in numerum eorum Sociorum admisso, qui Sacerdotij expertes, in Marthæ ministerijs adjutoriam Societati præstant operam. Multos annos operi sanè laborioso, & curarum æquè ac discriminum plenissimo, incredibili solertiâ atque industriâ impendit; ut cuius facile est divinare, cogitanti, inter acerbissimarum legum pericula, colligendæ toto Regno pueritiæ molestias, in eadem navigijs imponenda, portibus arctissimâ custodiâ obsessis emitenda, opportuno viatico providenda, difficultates. Egit tamen munus impositum inconcusibili solertiâ; & quamvis ad Regni exitus sagacissimè satellites & excubitores in deprehendendos ejusmodi juvenes vigilarent, nullo tamen anno pauciores centenis, nro-





Curbertus Prescottus Anglus Soc. IESV. post plurium annorum arduum carcerem, eiusdem squallore miseris, pro Religione Catholica consumtus, Londini, 20 Febru. A. 1647.

C.S. d.

M.K. f.

frequenter etiam propè ducentos, ex omnibus Regni provincijs Audomarum transmissit, qui deinde longâ Societatis industriâ, per omnes doctrinarum & virtutum gradus in Viros formati, suscepto Sacerdotio in Angliam, futuri Catholicæ illic rei præsidio, postliminio remeabant. Non potuit diu Ministros Regios latere, tam copiosa coloniarum in transmarina Seminaria traductio, unde in ejus auctorem intenti, toto Regno exploratores disponunt, emissarios constituunt, à quibus semper quæsitus, sæpe captus, tractusque ad judices, ita semper rem suam ipse egit, ut in eorum potestate diu nunquam restiterit, semper è manibus & carcere, usque ad tristissima, Regnū invadentis Parlamenti tempora, incolumis evaserit.

Sub hujus mox primordia, cum atrocius in Catholicos, ac Sacerdotes potissimum, quam unquam antea inquireretur, inter primos ipse in manus incidit, atq; in facinororum ergastulum conjectus, de Sacerdotio, crimine Majestatis, ut perduellium morte plecteretur, postulatus fuit. Verum Sacerdotij expers deprehensus, cum solo Catholici nomine patibulo addici per leges Patriæ non posset, Fidelitatis præstare juramentum, hoc est omnem Christo subjectionem in suo Vicario ejurare jubetur. Quod cum frustra minis & malis omnibus à Viro cordato, & mille mortes pro Fide subire parato, exigèrent, ei pœnæ, quam *Premunire* vocant, subiiciunt; cujus est, fisco addictis bonis omnibus, æternis conclusum carceribus reum detinere.



tinere. Omnem igitur sibi, præterquam ad sepulchrum, præclusum exitum videns, prolatum hæcenus per omnem latè Provinciam animarum zelum, inter parietinas carceris ità contraxit, ut in angustum collecta, intensior ejus Virtus appareret. Hic ille omnia Vocationis suæ munia, serviendo captivis Sacerdotibus, ultima ministeria præstando Fidei causâ exercitis Catholicis, & omnibus ex animo suam operam addicendo carcere detentis, ità naviter & constanter annis aliquot exercuit, ut amorem apud omnes, &

altissimæ perfectionis opinionem apud carceris custodes sit promeritus. Certè elemosynas, quas toto Regno inter Catholicos notissimus, non parcè accipiebat, ità liberaliter in vinculorum suorum consortes partebatur, ut plures eorum vitam ipsi, per inediam alioquin enecandi, tulerint acceptam. Cujus proinde è vivis discessum non minore luctu, quàm Filij Parentis, Pupilli optimi Nutritij mortè prosecuti sunt. Obijt Londini, ærumnosâ carceris illuvie consumptus in vinctulis 20. Febr. A. 1647. ætatis 55. Societ. 23.



P. Guilielmus Boytonus Hibernus Soc. IESV pro Religione Catholica ab Hæreticis Anglis occisus in Templo, Rupes S. Patritij nuncupato, in Hibernia. A. 1647. 13 Septembris.

C. Secreta del.

Melch. Küßel f.

## P. GUILIELMUS BOYTONUS.



Rostrato Caroli Regis Angliæ exercitu, & partibus illius fractis & dissipatis, victoria penes Parlamentum stetit. Cujus fructibus non satis usum sibi visum

fuiſſet, niſi Catholicam Religionem in triumphum, omnibus Catholicis veluti ſub haſta venum expoſitis, duxiſſet. Quocunque victorica arma, ad uſque extremos Hybernæ fines circumtulit, vaſtatem unâ, &

T

ultimum



ultimum Catholicis exēdium non minabatur solum, sed re ipsā possessionum direptionibus, exilijs, cædibus, funeribus, intulit. Quis enumeret bonorum in sola Hybernia perpeffiones? ubi quia majore hætenus, quàm in Anglia libertate agebant Catholici, & Religionis exercitia pene impunè obibant Sacerdotes; eò diriozem experti sunt hæretici exercitūs sævitiem, tam implacabili in miseros odio furentis, ut neque decrepitæ senum, neque teneræ infantium parceret ætati. Est apud Casselenfes templum nobile, rupes S. Patricij communiter dictum, in quod A. 1647. 13. Septembris, irruentes septem millia Parlamentariorum, totum cædibus & sanguine repleverunt. Receperant se illuc metu hostium undiq; è vicinia Catholici, & Urbe in hæreticorum potestatem redacta, velut ad asylum refugientes, circum altaria strati jacebant cives Orthodoxi, cani senes, imbellis ætas & sexus, armata rosarijs & libellis: qui omnes diritate planè hæreticâ, & neque ægris in lectulis parcente, crudeliter trucidati sunt.

Maxima tamen sævitiæ pars in sacra DEO capita defæviit, quos inter magni zeli Vir è Societate Jesu, P. Guilielmus Boytonus, natione Hybernus, cecidit. Hic irruentibus hæreticis, magno fervore ad subeundam constanter pro Religione Catholica mortem illos adhortatus, iisdem Sacramento Pœnitentiæ expiandis unicè intentus erat. Quo in opere distentum perfidi occupantes, cruentâ internecione cum Filijs Patrem occide-

runt. Verùm ultus est indignam suorum necem DEus, & patenti ostento sceleris hujus, & aliorum deinceps immanitatem declaravit. Impositum erat in ea rupe hæreticum deinceps militum præsidium, cum nocte intempestâ adeff Præsidij Gubernatori senex, augustâ specie; & manu prehensum, ac in editam templi turrim violentè eductum interrogavit, quâ vesanâ audaciâ sacer ille locus tam impiè proffitueretur? simulque trementem, nec quid responfi daret habentem, in subiectum cæmiterium dedit præcipitem; itâ tamen, ut reliquâ nocte, confractis licet ossibus, vivus adhuc istic inter mortiferos dolores jacuerit, vitamque traxerit in lucem usque sequentem, ut ostensam in se vindicem Numinis manum, locuples ipse tantæ rei nuncius testari posset.

A cædibus hominum, ad Cœlites impugnandos versi nefarij, Crucifixum capite, manibus, pedibûsque truncârunt, imagines sacras pedibus impiè proculcârunt: ex quibus majore procaciâ nonnemo, raptam è Societatis domo Deiparæ statuam, per plateas joculariter circumferens, cibo in os ingesto edere jubebat, & alijs petulanter dictis & factis, applaudente scelestissimorum sæce, laceffebat. Quæ dum per lusum maximè joculariter securus agit, sensit seriam è Cœlo in flagranti ultionem; siquidem prægrande è vicinæ domûs pariete saxum in transeuntis caput deciduum, os impium, ac cerebrum elisit.

## P. ROBERTUS NETERVILLIUS.

**N**eesse est prima & diviniſſima gubernationis, qua Regia est, transgressionem, esse deterrimam: inquit Aristoteles, Monarchiæ præcipuus Patronus 4. Politi. c. 2. Experta id ingenti suo damno fuit Anglia, cum Regiam potestatem perosa, Parlamenti Dominationi se subjecit; tantum non in chaos quoddam, novæ Reipublicæ molitione, redacta. Et ut de Catholicorum pressuris solum memorem: à funesta, & rarissimi in Veterum annalibus exempli, Caroli Angliæ Regis An. 1648. 9. Febr. palàm Londini supplicio extremo addicti, & securi à carnifice percussi, tragœdia, nunquam in Britannicæ Regnis, ac Hybernia præsertim, ærumnoso magis salo navigavit Catholica Christi navicula, hæresi plusquam decumanis fluctibus in

Catholicorum fortunas, sanguinem, sacerdotum libertatem, vitamque grassatâ. A milite, ab incondita hæreticorum rabie, à vario Magistratu, extrema pati, & nova semper quæ imminerent metuere, in illa veluti Diocletiani tempestate, cogeatur pusillus grex. Miserabilis Familiarum Nobilissimarum calamitas! quæ avitis fortunis & domibus extorres, cum prolibus & uxoribus per sylvarum errores vagæ, per avia latebrosa palabundæ, miserabili latitatione vitam tegebant: donec tandem, nisi fidelitatis jramento se obstringerent, aut in exilium è Regno, aut in mortem ipsam deijcerentur.

Anno 1649. Dublinio Catholici omnes, jussu Parlamenti expulsi sunt, promulgatâ simul capitis sententiâ, si quis eorum vel unus noctis moram in Urbe, aut suburbijs traxisset.





*P. Robertus Neteruillius Hibernus Soc. IESV. ab Hæreticis Anglis pedibus raturatus, fustibus contusus, et quaquaversum ad mortem usque allisus. Pontani in Hibernia A. 1649. 15 Junij. C. Secreta. d.*

*M. K. f.*

xisset. Et ne in Pastores Christi mitiores forent, fortunarum simul & capitis damnabatur, si quis Jesuitæ, aut cuivis Sacerdoti, moram, quanta est vel unius horæ, domi suæ concessisset. Idem factum Corcagiæ, Urbe ab hæreticis callidè per dolum occupatâ; edictum enim est, post plurimas in Catholicos prius patratas cædes, civibus omnibus, ter exploso bellico tormento signum dandum Catholicis, ut Urbem, aut Religionem deserant. Ante signi tertij significationem, miserando certè, sed heroicis nascentis Ecclesiæ temporibus comparando spectaculo, omnes, etiam ægri ac parvuli, senes, mulieres, ac matronæ nobilissimæ, in voluntarium sese exilium effundere in campos; manè tantâ fortunâ opimi, vesperi ad inexpertas hæcenus

ærumnas abjecti, vitam deinceps sub apertò Cœlo, cujus causâ patriam linquebant, aut in scrobibus & sylvis mendicato sustentaturi. Simili, majore tamen sævitiâ, cum Urbè Pontano, involuta est excidio Residentiâ Pontanensis Societatis JESU: nam truculentâ sævitiâ stratis passim per omnes plateas, domos, & agros, Catholicorum corporibus, & indiscriminatim fusi sanguinis rivis, senum, parvulorum, foeminarum, restagnantibus vicis, nescio unde notitia apud Anglos increbuit de P. Roberto Netervillio, quod Sacerdos & Jesuita esset. Ergo 15. Junij ejusdem anni, in domum irruentes, nihil ætatem jam natu grandævam in Patre, nihil venerandum, aspectum reveriti, magno furore per pedes correptum lectulo extrahunt, per domum



raptant, quaquaversum allidunt, fustibus contundunt, effractisque ad collum & humeros ossibus, seminecem in cruciatibus relinquunt. Quibus intra quatrimum confectus, magno solatio animam, doloribus pro Christo toleratis corpore exactam, illi reddidit,

Alium Dublinij è Societate Patrum, ætate grævem, ad ipsum Altare deprehensum, detractis vestibus in tetrissimum carcerem, dejecerunt, & ærumnis sordium ac famis saturum, navigio cum alijs omnibus sacerdotibus impositum, in exilium abegerunt.



P. Ioannes Bathæus Hibernus Soc. IESV. ab Hæreticis Anglis odio Religionis Catholice plumbæis glandibus traiectus, Pontani in Hiberniâ. A. 1649. 16 Augusti.

C. Sireta. del.

M. Küsell. sc.

## P. JOANNES BATHÆUS.

**C**um pellendos Hyberniam in exilium, & navigijs in alienas terras avehendos Pastores animarum omnes, Senaculum Parliamenti jam edixisset, undique hos magnâ solertiâ conquistum dimissi sunt milites, qui debiles etiam & ægros ad emigrandum cogerent. Quo in munere, inclemente sanè usi sævitiâ, senes & infirmos gra-

batis protractos, fustibus ut pecora propellebant, vexabant, cavillis subsannabant. Dublini P. Henricus Cavellus, militum petulantia è lecto, in quo æger decumbebat, ejectus; & cum pedibus niti non posset, in cathedram per ludibrium, facturus impijs jocis & risum, est elatus, ibidemque fustibus pro applausu malè acceptus, tandem cum alijs mari in Galliam dimissus est.

Percus.



Percussis hâc ratione Pastoribus, dispersus & ejectus suis Urbibus, Dublino, Corcagio, & Pontano, qui cædibus supererat Catholicorum, ex nobilissimo etiam Senatorum, & divitum Mercatorum ordine, pusillus grex, *circuibat in melotis, in pellibus caprinis, egens, angustiat, afflicto, in solitudinibus errans, in montibus & speluncis, & in cavernis terræ.* Hebr. 11. Quam in Fide Catholica insuperabilem constantiam, intolerandam pertinaciam & dedecus suum interpretati Parlamentarij, in ultimam barbariam ex Hybernia, ne debilioribus in Religione, corruptelæ scilicet & scandalo constantiâ suâ forent, deportare in exilium constituunt. Advectæ sunt itaque navibus oneratis catenæ, manicæ, compedes, ac reliqua tristis ergastulorum, innectendis facinorosis suppellex, copioso sanè numero, usque ad 30. millia, totidem ex Hybernis Catholicis vincendis servitura: quibus adstricti, proximâ classe in ignota Indorum maria, & Tabaci Insulas securè transferrentur. In horum fundos & possessiones, decretæ sunt longè majore numero ex hæreticis ducendæ coloniæ, ducenta scilicet advenarum millia; quò sola deinceps hæresis, Catholico hæcenus Hyberniæ Regno, fide penitus extirpatâ, integrè & pacificè potiretur. Ex quo facile arguere est, quàm locupletes & opulentos necesse fuerit esse Catho-

licos, quorum residui post tot deprædationes & expilationes fundi, explendis ditandisque suffecerint tot sanguisugis.

Sive interim exorta est crudelitatis hujus ministris suspicio, sive alicunde levi primùm rumore, mox certissimis fundamentis suboluit, Sacerdotes quospiam in numero illo Catholicorum adhuc reperiri, qui eis ad perseverandum fortiter in proposito intentores essent, & hortatores; deprehensus tandem est P. Joannes Bathæus Pontanensis, unâ cum germano fratre, itidem Sacerdote sæculari. Ergo magna cum exultatione ac strepitu prædam nobilem in forum abripiunt, duobus circiter à nece P. Netervillij mensibus, ad stipites alligant, & velut Religionem Catholicam ac Societatem in ijs essent ad internecionem pessumdaturi, utrumque plumbeis glandibus ad mortem usque trah-

ciunt, Pontani 16. Augusti,

Anno 1649.




## P. MATTHÆUS GRIMES.

**R**othomago, præclarâ Galliarum Urbe, ortum traxit P. Grimes, aut Grimius, etiam Bazier nunquam cognominatus. Hic in perillustri Angli familiam adolescens etiamnum adscitus, primâ vice Societatem apud illum nôsse didicit; & ut erat jam tum ingenio & judicio acri, æstimare, ac denique maximo studio & voluntate, exambire. Voti compos 20. ætatis anno factus, itâ virtutibus simul & literis animum excoluit, ut ad quatuor Votorum solennem professionem provectus, Anglicam etiam missionem, quamlibet exterius, impetrârit. Et hæc ipsa, quòd Gallus esset, & non Anglus, conditio, majoris flagrantiae argumentum ad strenuè laborandum illi subjecit, cum se fulminantibus in solos domesticos & patrios sacerdotes legibus Anglicanis, obnoxium non esse putaret. Igitur tantò majore securitate

& impigritate, quantò minore sui periculo, Angliæ se impendere pergebat, egentioribus præsertim, ad quorum animos aditum quasi per viam argenteam, eblanditis apud opulentiores largis eleemosynis, aperiebat, quò illos efficacius ad æternorum hæreditatem pertraheret. Verùm utcunque profuerit hæcenus Sacerdotibus extraneis peregrinitas, ad evadendum pœnas huic gradui in homines patrios constitutas, ipsi tamen acerbissimis his Parlamenti temporibus suffragari non potuit.

Primus ex non gentilibus Mystis carceri hoc nomine mancipatus est, postquam non infrequenter annis aliquot insidiosas explorationum manus dextrè subterfugisset. Licet autem nullis indicijis sacerdotij indubitanter convinci potuerit, detentus tamen est in vinculis ærumnosi carceris aliquot menses, nunquam in tribunal adductus, nunquam pro se





P. Mathæus Grimes, Gallus Soc. IESV, ærumnosi carceris pædore pro Christo confectus Londini in Anglia, A. 1650. ii Augusti.

C. Sireta. d.

M. K. f.

dicere iussus : donec à pædore & situ ergustuli, lethali contractâ ægritudine, gemellam cruentæ morti palmam, miserabili tabe consumptus obtinuit 11. Aug. An. 1650. Tantam porrò in supremo illo morbo adstantibus exhibuit patientiam, quantâ suspendium, mille votis pro Christo expetitur, tole-

raturus erat : unanimi apud omnes fideles opinione in eorum numero computatus, qui in odium Fidei supplicio tantò diriore, quantò prolixarum carceris ærumnarum mors, brevi suspendio acerbior est, enecantur.







*P. Petrus Wrichtus Anglus Soc. IESV, qđio Sacerdotij Catholici suspensus, et membratim dissectus, in Anglia Londini A. 1651. 29. Maij.*

*C. Screti d.*

*M. K. f.*

## P. PETRUS WRICHTUS.

**E**nuibus, sed divitibus in Fide, parentibus ortus P. Wrichtus, alias Wrichtus, Slytonij in Anglia, illud hæreditatis loco à moriente Patre documentum accepit, ut Fidei Catholicæ, in sua familia hætenus illibatè conservatæ, ad mortem usq; tenax, illam cum virtute studiosè coleret, amplam hæc ratione apud DEUM hæreditatem consecuturus. Ipse intempestivâ orbitate, compulsus, cum domi res esset arctior, quàm ut numero tot prolium sufficeret, ne viduæ matri puer 13. annorum oneri esset, Causidicorum alicui operam ingeniũq; addixit. Ubi paterni immemor præcepti, jam magis è

numero unus Protestantis, quàm Catholicus, nuptias etiam nobiles in medio nationis pravæ exambire cœpit. Sed eâ spe DEI providentiâ ejectus, mendaces fori artes despiciere, & redeunte pristinorum memoriâ, sororis maximè, & pij cujusdam sacerdotis ductu, meliora respicere cœpit. Cœpit inquam, nam subito iterum & tempestuoso consilio in aliud periculum prolapsus, Hollandicæ militiæ nomen adscripsit, tantâ præcipitantiâ Patriam deferens, ut non vestem, non pecuniam ex hospitio secum abstulerit. Vix mensuris inter hos meruit stipendijs, cum oportunitatem naviculâ ad Hispanum præsidium per Scaldim transfugiendi nactus, palam



lām & in conspectu totius exercitus, id supremā temeritate solus aggressus est; iterum tamen DEI protegentis auxilio, inter densam globorum grandinem, à tergo in fugientem explosorum, in portum incolumis deductus.

Hāc rerum vertigine perfunctus, dum Bruxellas meliorum consilio proficiscitur, omnibus in via à latronibus despoliatus, iterum in ipsa Urbis porta, quasi præstolantem se Patronum invenit Anglum Catholicum, à quo veste, & in viaticum argento donatus, Romam iter instituit. Leodium perveniens, bonum rursus Angelum in Collegij Anglicani Societatis Jesu Janitore deprehendit, cujus hortatu peregrinandi propositum, in studia literarum resumenda postliminio convertit; profectusque cum commendatijs ad Anglos Orthodoxos Gandavum, biennio illic in scholas humaniores incubuit, tam luculentis ingenij & Religionis eximiae indicijs, ut in Societatis deniq; Tyrocinium Watenis receptus sit. Hunc ille campum, edomandæ præservidæ indolis nactus, eò præcipitem suum genium Religioso deduxit dominatu, ut ab ipsa natura factus natus ad tranquillissimam malaciam videretur. Ab eo deinceps, usque ad susceptos sacerdotij ordines, tempore, tolerandis frigoribus, inedie, asperitatibus spontaneis, corpus ad graviores Angliæ ærumnas durare studuit, nihil animo aliud volvens, quam vincula, patibula, eqvuleos, secures, in causa Fidei subeundas. His illum cogitationibus animum ad quævis ardua præparantem, excepit à Superioribus imposita Seminarij Audomarensis præfectura, quæ illius mentem, ad vastiora & magis heroica hiantem, vehementer perculit. Quam ille refractariam animi repugnacis velut querelam & renutum advertens, sibi religiosè indignatus, & rebelles Obedientiæ spiritus pedibus Superioris substraturus, de genibus Reclori Collegij suam operam ad munus hoc, tam à se hætenus alienum, promptè in omnem omnino vitam addixit. Ratum habuit DEus adeò luculentū de seipso sub jugū Obedientiæ misso Petri trophæū; nam horæ non plus unius intervallo, à Præposito Provinciæ ad difficilem in castris expeditionē destinatus, tantis eam suscepit & administravit animis, ut in promovendis rei Catholicæ, & salutis proximi negotijs, nec acies aut obsidio, nec æstus aut frigora, nec dies aut nox, illi terrori, aut remoræ fuerint. Multi per septennium in hac laboriosa missione ab hæresi ad Ca-

tholica Ecclesiæ castra per illum sunt redacti, multi ad tractanda utiliter militiæ Christi arma animati; donec Wintoniensis Marchionis accitu, castra Hispanica, cum campis Angliæ Londinensibus commutavit.

Funestissima per illud tempus Rei Catholicæ in Anglia, sub violento Parlamenti dominatu, erat facies, revocatā novo Senatusconsulto, omnium hætenus à temporibus Henrici legum, in Catholicos diritate. Exhausti pecunijs omnibus, tandemq; domibus & possessionibus ejecti; domus ipsæ spoliata, quassata, multorum etiam everse funditus. Honestissimæ, & avitæ nobilitate familiæ, per sylvas & nemora vagantes, miserabili latitatione vitam anxie in cavernis & antris contegebant. Ut de ijs taceam, in quos fidelitatis erga decollatum Regem suspectos, toto Tyrannidis pondere exaggerata tempestas incubuit. Impleti Catholicis carceres omnes, & cum eorum multitudinem vincula ampliùs, & ergastulorum claustra non caperent, Tamesis pro custodia, & naves illi impositæ carceres fuere optimorum hominum, in utroq; elemento victorum. Intermisit quidem deinde trimestris spatio ferrearum legum crudelitas, & quandam Catholicis interspirandi velut intercapedinem promittere videbatur, illis potissimum legibus abrogatis, quæ Catholicos ad templa, & liturgias hæreticas minaciter compellebant. Sed eò fortasse, ut sequentia mala docuerunt, quò securitate concessa liberius usi Catholici, certiùs deprehenderentur. Mox enim fidei datæ curâ susque deque habitâ, sævitiam ita instaurarunt, ut nullus, etiam primæ notæ Nobilium, à sagacissima vestigatorum indagatione securus esset. Domus nec una, nec semel, festis potissimum diebus, ommissa, quam non violentâ irruptione, pertinaci & accuratissimâ pervestigatione, nocturnis etiam pervigilationibus, excussissent; quò etiam inopinatè incumbentis tempestatis imbre, P. Wrichtus involutus est.

Suboluerat venaticis illis Parlamenti, ex sanguine Catholicorum viventibus, latere quidpiam in domo Marchionis Wintoniensis prædæ idoneum, & in omnem idcirco occasionem insidiosè intenti, tempus duntaxat opperiebantur, quò certiùs irretitus Mystra teneretur, ne evaderet. Imminebat Purificatæ Deiparæ festus dies, cui pro eximia sua in Virginem devotione celebrando, Marchio cum P. Petro augustiorem apparationem adornaverat. Cum ipso festo sagaciter præfenti occasionì imminens exploratorum globus,



bus, improvisò irrupit, cum penitus, cum Pater Sacrificio proximus, in sacello præparabatur. Et fuisset omnino in flagranti deprehensus, nisi ascensum rectis per gradus itineribus, magnâ locorum gnaritate, urgentibus apparitoribus, occurrisset Marchio, auctoritate suâ tantisper eosdem remoratus, dum Pater tempestivitate hæc usus, securis latebris conderetur. Repertum in Sacello Breviarium, sacer apparatus, aqua & vinum in ampullis, indicia fuere præsentis sacerdotis certissima, & reliqua patens fenestra quâ eruperat, viam insuper fugæ, nec procul absentis latebras denotavit. Per hanc puer, velut angulis penetrandis aptior catulus, venatum emissus, optatò Patrem deprehensum in retia vinculorum impulit. Fama tulit, puerum hunc Judæ sorte, prodicionem Patris infami deinde laqueo luisse. Illud certum, vitam à Patris nece morte acerbior, inter perpetuas malè consciæ mentis diras vixisse, falsumque de seipso cuidam Catholico, nihil se quietis in hac luce reperire, sperareque amplius, nisi à morte strangulatu voluntario accersitâ. Paucis ante comprehensionem diebus, præ quàm aliàs impensiorum animo suo æstimationem felicitatis eorum ingeri sentiebat P. Wrichtus, quos eo privilegio dignaretur Deus, ut pro nomine JESU digni haberentur contumeliam, carceres, & mortem pati; quo etiam de argumento geminas extremo illo tempore conciones conscripsit, plenas spiritu & nervo, quarum nempe cathedra postea patibulum fuit, & vitæ epilogus dictorum confirmatio.

Conjectus posthæc est, velut de sacerdotio suspectus, in carcerem novæ portæ, ubi jam quinque alij attinebantur fontes ejusdem criminis; ex quo certissimâ spe præconcipiens, non aliò quàm ad patibulum se educendum, universæ primò omnium vitæ noxas apud unum è captivis sacerdotibus recensuit. Nullâ molestiâ longo tempore illic affectus, nullâ quæstione tentatus, aut ad tribunal judiciorum adductus fuit, sperantibus justitiæ Britannicæ ministris, Catholicos ingenti lytro Patris libertatem redempturos: quâ etiam spe dissimulanter ferebant carcerem à Catholicis turmatim frequentari, à quorum piè affluentium quotidianis cœtibus illa facinorosorum aliquando custodia, in pœnitentium, & sacris divinæ mensæ acumbentium sacrarium, auro emptâ apparitorum negligentia, transijt. Tandem ubi P. Wrichtus hæreticorum sordes, & in exaggerando semper suæ libertatis lytro cupidita-

tem indignatus, nullam de se amplius cum illis fieri pactionem voluit, de tollendo serio è vivis deliberatum fuit. Evocatur igitur Londinum Thomas Gagijs infamis & scelestissimus, ex Sacerrimo Prædicatorum Ordine Apostata, ejus ipsius Henrici Gagij Equitis Aurati, ex prima Angliæ Nobilitate frater, cui à confessionibus P. Wrichtus in Hispanica militia partem exercitus ducenti, diu fuerat. Hic Thomas cum familiariter Patrem in Belgio, adhuc Ecclesiæ & Ordini fidus, novisset, tanquam sacerdotij ejus apprime gnarus, in testem adversus illum subornatus est. Neque scelestus transfuga, mercede prodicionis illectus, conditionem abnuit, sed veluti tot jam antea sacerdotum sanguine prodicionibus suis effuso irritatus, venenatam in P. Wrichtum linguam præ alijs exacuit. Tres præter Thomam constitere adversus Patrem Wrichtum accusatores, ij scilicet, qui in comprehensione liætorum munus obierant: quibus nil aliud ad evincendum sacerdotium afferentibus, quàm vestigia, & quædam indicia illius in Sacello Marchionis deprehensa; exorsus post illos Thomas, toto horæ dimidio accusationem suam pertexuit, nominatis locis, in quibus eum sacra fecisse; personis, quibus Sacramenta impertivisse sæpius vidit. Noluit Pater inficiari, quæ verè de suo sacerdotio à proditore dicebantur, gratulari sortem, & intimas DEO grates referre se dixit, quòd non ut homicida, neque ut fur, neque maledicus, vel alterius criminis reus, sed solius Catholicæ Religionis, ad tribunal productus esset. Cæterum judicandi & de se statuendi partes, Patriæ & Duodecimviris permittere.

Parantem secedere interpellans Tribunalis Præses, *noveris*, inquit, *Domine mi, te non Religionis causâ judicari & pati, sed quia ex Angliâ transmarinis itineribus egressus, foris Papistici Ordinis ceremonijs initiatus sacerdos, in Angliam redux, populi seductor, eandem Fidem Anglis persuadere conatus es. Hoc ipsum, respondit Pater, commune mihi est cum omnibus Apostolis, Martyribus, quippe in quos eadem à Nerone, Domitiano, aliisque Tyrannis jactata sunt. Atque ita nonnullis insuper ad defensionem Henrici Gagij, cujus defuncti nomen impudentissimè proscindebat Thomas, prolatis, secedens, & post horæ quadrantem revocatus, hanc sententiam accepit: *Ad carcerem, unde huc deductus es, remigrato, inde in locum supplicio destinatum pertrahitor; ibique donec semimortuus fueris suspenditor, semimortuo viscera extrahuntur, caput amputator, reliqua membra**



quatuor in partes divisa, in quatuor consuetis Urbis locis assignantur: & sic DEUS tui misereatur. Incredibili se perfusum lætitiâ scribit ipse, optatissimo, & tot annis desideratissimo nuncio, sic ut contentâ voce exclamârit: *Nunc ergo Omnipotens DEUS, sit sanctissimum Nomen tuum benedictum in æternum!* Nec plura locutus, injectis vinculis in carcerem reducit, post biduum ad furcam educendus. Cogebatur eo toto custodiæ tempore, eodem lecto cum pio sacerdote Domino Cheney, apud quem bis itidem universæ vitæ noxas expiârat, decumbere, qui proinde de supremis ejus duabus ab accepta mortis sententia noctibus, ad Societatis Anglicanæ Provinciam scribens, ita loquitur: *Ab accepta mortis sententia quàm primum se ad quietem recipiebat (erant autem duæ omnino noctes) ac tunc adeo dormivit, quasi ex somno non suscitandus videri posset: adeoque jacuit immobilis, quasi exclusæ penitus essent omnes illæ tristiores imagines, quas depingere vicina mors in animo solet. Ad minimam antea commotionem, quin ad ipsam respirationem evigilare erat solitus; accepto autem fatali nuncio, alitè adeo sensus ei omnis erat sopitus, quasi ab omnium accessu esset remotissimus.* Penetravit se interim ad illum sacerdos è Societate, à Præside Provinciæ submissus, qui cum latis plenum gaudijs ita circumfluere deprehendit, ut præ dulcissimo lætitiæ Divinæ sensu, lacrymas vix teneret. Agebant interim pro redemptione tam chari capitis, Marchio, Orator Hispaniæ, & Catholici omnes; quorum conatus ille quàm ingratos haberet, unico verbo ad sacerdotem illum expressit: *Vanitas est. Non est enim mihi Pater, non est ulla vite mea in hac mortalitate hæcenus acta pars, quæ tam suavi cordis incensione totum mihi animum supernè venientibus voluptatibus inundârit. Atque hoc à me R. P. Provinciali refer: non satîs capere aut scire me, quomodo in hoc mortali corpore possim tantam lætitiâ ferre, aut majorem sperare, aut experiri.*

Nihil pene deinceps temporis vacuum Patri ab interpellatoribus Catholicis fuit, à prima luce usque ad tenebras multos expiabat, etiam à totius vitæ noxis; alijs monita, consilia, solatia alijs, & supremas appreciationes impertiebat. Jamque nox ultima, quæ sacrum Pentecostes diem excipiebat, quæque ille repetitâ totius vitæ exomologesi prævenerat, adfuit, quâ post ardentissima colloquia, quietissimo somno ad usque horam quintam matutinam producto, supremum DEO sacrificium incredibili sensu animi obtulit, illam inprimis Cœlestis in se

gratiæ prærogativam tenerimè ponderans, quod ex octo ejusdem carceris sacerdotibus, & duobus quidem sacerdotij convictis, duobus etiam ad mortem condemnatis, ipse solus ad palmam evocaretur. Vix dimidium horæ effluxerat, cum pulsari fores ad se evocandum arbitratus, priusquam compellaretur se proripiens, exclamavit: *Venio dulcis Jesu, Venio!* datoque sacris in carcere commilitonibus amplexu, magnâ hilaritate foras prodijt ad supplicij, varia ob crimina socios, quos sortem suam miserabili ejulatu deflentes, ipse totus lætitijs incedens, ad fidem veram nequicquam hortatus, mediâ horâ de divinis ore quodam Cœlesti differuit. Distribuerat biduo antè Pater in Catholicos memoriæ pignus sexcentas icones, nomine suo inscriptas, quarum unam Christi nascentis ingentis thesauri loco Matrona Nobilis à se æstimatam, omnibus domesticis biduo illo ostentabat, nemine, etiam post frequentatam imaginis & chyrographi considerationem, quidquam in ea notante. Dum verò die post tertio, qui Patri fatalis erat, imaginem eximit, ut coram ea Pater noster ac Ave Maria pro felici Patris agone recitet (rogaverat enim P. Wrichtus, ut hæc quotidie coram illa, in gratiarum actionem pro beneficio suæ pretiosæ mortis, Deo & Deiparæ diceret) advertit cruentas undique circa Patris nomen insperfas maculas, quas & alij omnes, qui iconem prius intaminatam viderant, obstupentes, omen & indicium mortis pro Christo sanguineæ Patri oppetendæ legunt.

Compositum interim in cistâ viminea, non ut aliâs solum verrente, sed rotis subiectis, ut expedite & suaviter procederet, incumbente, neque supinum in eam abjectum, sed supposito abundè stramine veluti sedentem, operto capite, & sericâ vittâ leniter manus ante pectus ligatum, plures equi ad patibulum, veluti in triumpho phaleris & tintinnabulis instructi, trahebant; sequentibus tribus alijs, quæ facinorosis plebeijs onerabantur, infamibus trahis, ac rhedis duabus, Nobilium aliquot latrocinij reorum, plenis. Quorum ejulatus mœstissimos, & desperato dolore marcidos vultus, cum Patris hilaritate amœnissimâ renidentibus oculis componentes pompæ spectatores, hunc triumphatoris, illos triumphum obtorto collo sequentium captivorum imaginem referre dicebant. Ab ipso carcere, toto illo spatio, per duo milliaria Anglicana ad furcas usque porrecto, plateas, fenestras, tecta, campos,



conferti populi vistanta inundaverat, quantam Londinum nunquam, nisi in dira nuper Caroli Angliæ Regis tragœdia, vidisse meminit. Per quam tamen incredibili ardore ad traham usque irrumpentes Catholici, viri æquè ac fœminæ nobiles, semel, iterum, ac tertio accurrebant; quidam etiam duodecim vias ad Patrem accessu implevit, Magnatū postulata ferendo, & locum ubi supremam ejus benedictionem præstolarentur, indicando. Accidebant autem omnes, ex illustrissimis etiam familijs, dejecti in genua, & manibus, vesti, trahæ oscula lacrymabundi figebant, eâ voce usi, *benedic Pater*: sic, ut cum alijs atque alijs accedentibus (id enim præter omnem superiorum temporum morem minimè impediabant armati stipatores) qui Patrem vehebat auriga progredi non posset, audiens toties eadem verba precationem poscentium ingeminari, ipse pro ijs factus intercessor identidem succlamabat: *Benedic Pater*. Quibus ille omnibus lætabili oculorum perjucundè renidentium alacritate satisfaciens, Cœlestibus singulos solatijs aspergebat. Ubi verò ad Marchionis, in quibus comprehensus est, ædes prætervehebatur, sublatis in Illustrissimos Cōjuges, & totam qua cum tam sanctè versabatur familiam oculis (omnes enim in pergula foras è domo porrecta, vultum ejus opperiebantur) manus in altum, ita ut vincæ erant, sustulit, & illis in genua publicè, inter solatij dolorisque simul lachrymas provolutis, formatâ quantum potuit cruce supremum bene & vale dixit. Fuere quin adeò ex illustribus Matronæ quædam tam intrepidæ, ut ad traham penetrantes, unâ cum Patre in vimineo illo & infami texto considerent; quarum una hoc beneficii inde se retulisse grata memoravit, quòd tenebræ mentis inextricabile hætenus experta tormentum, discussâ inde tenebrarum caligine, nunquam deinceps perferent. Alia sericas fasciolas magno numero cœemptas, & raptim allatas, contactu ejus & cruce sacrari obtinuit, quæ in plures deinde distributæ, magno in pretio sunt habitæ.

Jam ad usque Tiburnum appulsis, infinito propè concursu se circumdedit multitudo, ut rhedæ ferè ducentæ, quingenti equites, hominum verò ad viginti millia putarentur adesse. Sed Patri illud omnium jucundissimum accidit, quòd sicut in carceris egressu vehiculo incubiturus, sacerdotem amicū manum porrigentem, unâque à peccatis absolventem habuit; ita hic è traha

surrecturo manum item inopinanter obtulerit è Societate sacerdos, bajuli cultu cannabino vestitus, & funibus axillæ subiectis ad portanda onera accinctus, atque is fidiissimus olim in Castrensi Missione achates, P. Odoardus Lathomus, in accusatione sui à proditore Gagio nominatus. Ab hoc, raptim institutâ exomologesi, nemine id notante iterum expiatus est; nisi quòd ministri, ut nè morituro moras homo rusticus neceret, baculi semel iterumque repetito ictu, tandem submoverunt.


Quamquam præter hunc adfuere plures è Societate, in omnes patibuli partes dispersi sacerdotes, ut quocunque se obverteret, semper in notos & fraternos vultus incideret: quorum etiam unus ut melius notari posset, rhedæ adversus positæ fornicem sive tectum conscenderat, supremam ei, inter collabendum è subducto curru momento, absolutionem, accepto ut conventum erat indicio, collaturus. Quatuor Nobiles è trabe una, tres alij ex alia pependere; P. Petrus inter ultimæ fortis fures viros tres, totidemque fœminas, in plauastro constitit. Quo loci & rerum articulo, cum varia de Fidei Catholicæ veritate, suæque felicitate differentem, filere tandem compulissent ministelli, unâ ferè horâ tacitus, oculis ac manibus in Cœlum sublatis, dum alij ad mortem impiam à ministris pararentur, in meditatione æternorum, animæque in manus DEI commendatione perstitit. Omnibus dehinc è laqueis suis jam pendentibus, unus ipse in carro, collum ambiente, sed necdum astringente fune circumdatus supererat; quem necis suæ causâ recensitâ, ardenti oratione Catholicos ad fidem retinendam, hæreticos ad amplectendam exhortantem, ausus interpellare, & ad redimendam perfidiæ professione vitam tentare Calvinī sacrificulus; illis Salvatoris verbis ab illo depulsus est: *Vade post me Sathana; scandalum mihi es, cui certum deliberatumque est pro Religione Catholica, si vel mille vitæ superessent, omnes libentissimè profundere*. Jussus tandem ad mortem se comparare, ubi aliquamdiu in alta quasi contemplatione absorptus, omnium in se conversis oculis perstitisset, subductus à pedibus carrus pendentem deseruit, 29. Maij, feriâ 2. Pentecostes, Anno 1651.

Quartâ ferè horæ parte expectatum fuit, dum eadem vultus, quâ vivus pollebas honestissimæ vultus amœnitate pendens, penitus exspiraret; tum primū enim carnis ex seisso fune, ac deinceps capite, corpus




pus exenteratum quadripartitâ divisione discerpfit, minimè prohibitis, ut aliàs solebat, Catholicis, quo minùs sudariola sanguine Patris intincta, & partes carnum in reliquias auferrent. Quin adeò Mareschallus supplicio cum potestate præsidens, inexpectatâ, & hæcenus inauditâ benevolentia concessit, ut si qui in conferta multitudine adessent, quibus cum forti & nobili hocce viro sanguinis vel amicitia necessitudo intercederet, caput sibi & quatuor corporis partes ad sepulturæ honorem asportarent. Quas ocysimè Catholici, nè quid fortè de concessio beneficio revocaretur, admoto curru impositas, securo loco, unâ cum corde flammis crepto, ad futuros honores, si hos ei quandoque à summa Sede decerni contingeret, condiderunt. Tantâ porrò odorum fragrantia locus, in quem illa pignora relata sunt, redoluit, ut faterentur omnes qui aderant, se per omnem hæcenus vitam talium odorum nihil unquam expertos, quales è pretio-

sis illis membris efflarentur, persuso iisdem non sinè ingenti stupore quodam etiam è Societate Viro, orationis omnis aliàs tantum non experte. Sed major Viri virtutum, quæ ab animo duntaxat percipiuntur, fuit fragrantia, quæ non in stuporem solum & commendationem invictæ fortitudinis pertraxit præcipuos etiam ex heterodoxis, verum etiam ad currendum in odorem unguentorum ejusdem fidei allexit. Inter quos præter Baronem unum, & Matronam diu contra stimulum calcitrantem, septemdecim fuere alij, qui sibi ad bonam mentem stimulo & lumini P. Wrichti gloriosum fuisse obitum testati sunt,



## P. HIEREMIAS FISCHER.

 Rumlovium Boëmiae Civitas, P. Hieremias Fischer patria fuit, probis atque apprimè devotis Parentibus in lucem edito, qui præter illum, quaternos alios liberos summâ voluntate DEO in Societate sacraverunt. Ab infantia doctus ab illis verbo & exemplo timere Deum, amorem simul tenerrimum erga Deiparam, quam Matris amantissimæ loco semper habuit, animo combibit: eumque maximis deinde in Cætu Mariano, ac demum in Societate, incrementis auctum, filiali in ejus patrocini-um fiduciâ ita fovit, ut in necessitatibus suis certum sibi apud eam statueret perfugium. Grassabatur A. 1623. Gracij, Styriae Urbe, pestilentia, & cum Civibus, Societatis etiam Collegium, ubi tunc Hieremias studijs operam dabat, invaserat. Primos inter afflatus est ipse venenato mortis halitu, magno Sociorum dolore, quibus ob singularem morum suavitatem, & innocentem vitæ simplicitatem, erat acceptissimus. Simul atque idem se malo Hieremias sensit, posthabitis humanis remedijs omnibus, totam in Deiparæ auxilio spem defixit, atque illico ad expertam toties in adversis suis opem confugit. Ceperant eâ tempestate, Societatis operâ, magnopere per-

Austriam celebrari, fierique in pretio fidelibus lapilli quidam, Fojenses agnominati, eò quod reperti in agro, haud procul Dionanto in Eburonibus, in quo B. V. à Foya, hoc est à Fide, imago, magnâ convenientium undique populorum celebritate colitur, contra ferè omnia morborum & malorum genera, præfens afferre solerent remedium. Hunc ergo Marianum lapillum, plenus bonæ confessionis, pestilenti admovet carbunculo, eaque religiosè invocata, nullo alio applicito remedio, mirum dictu, inopinatè convalescit. Eo beneficio magis in vindicem suæ salutis amore ac studio accensus, nunquam ex illo destitit eam singulari cultu & observantiâ prosequi. Secundum perducta ad præfinitam sibi metam doctrinarum studia, varijs Sacerdotum munijs & perfunctionibus applicatus est: in quibus cum Superiorum expectationi, magno semper animarum proventu, respondisset, Collegij Pragensis Minister constitutus fuit, & munus illud, in paucis difficile & anxium, mirâ charitate fortitudini permixtâ, annos aliquot cum laude prudentiæ obtinuit. Inde ad Glogovienfis in Silesia Collegij, nuper Saxonici belli turbine dissipati eversique, instaurationem, cum potestate Rectoris destinatus, copiosam laboris & industriae segetem,





*P. Hieronim Fischer Boëmus Crumloviensis Soc. IESU, ab Hæreticis necatus in Silesia Anno 1634. die 23. Maij.*

tem, cum inclytæ mortis corona inperatò invenit. Cujus certam se accepisse prænotionem, Olomucio Glogoviam proficiscens, fido ac familiari Amico è nostris aperuit. Habuisse nimirum olim se in propinqua amicitia parte, atque in studio pietatis, præsertim erga Beatissimam. DEI Matrem, Socium & Sodalem unum quempiam item è nostris, quem post fata sibi factum conspicuum monuisse, sibi quidem bene jam penes Sanctissimam Matrem, ac beatè esse, ipsum quoque eodem venturum propediem, sed viâ haud paulùm duriorè. Ex qua denunciatione non dubitanter asseverabat in digressu, casum iri se quapiam in sylva: perinde ac si & genus mortis, & locum, & tempus, certà notione

accepisset; quamvis pœatæ domi militiæ que tunc essent res, neque præsentanei quidquam periculi appareret. Saxoniz Dux Septemvir Elector Imperij, nuper Gustavo Adolpho Suecorum Regi fœderatus adversùs Ferdinandum II. Cæsarem Augustum, propter jussa restitui Catholicis ea Sacerdotia, facultatèsque Ecclesiasticas, quas inde usque à Passaviensi Conventu per vim invaserant alienæ Fidei Principes, & usque adhuc obtinebant; quamvis casu nuper Sueco, ejusce belli reliquias prosequeretur, & alternante, ut solet, fortunâ, copias suas in Provincias Cæsaris nunc immittebat, nunc revocabat. Anno 1634. rursus infesta in Silesiam signa intulit, & nonnullâ Cæsareis copijs ad Lignitziùm allatâ elade,



ad circumfidendam Glogoviam castra promovit. Urbs haud valde communita operibus, & pene destituta militari praesidio, ac insuper vicina belloque immunis Polonia, fugam aut receptum persuasere, non expectata obsidione, Canonicis cum Clero, Religiosis utriusque sexus, & multis Civium. P. Hieremias Collegij Rector dimissis in Poloniam Socijs, extrema opperiri cum duobus alijs constituit, neque nisi extremo adigeretur periculo, Urbe decedere. Igitur ubi e mœnibus hostilis miles conspectus est, & intus ad arma conclamari coeptum, trepidari, discurri, tum demum minimè sibi cunctandum ratus, abitum accelerat, praeterfluentem Oderam, cujus interjectu prohibitum iri militarem injuriam crederet, transmittit, & in finitimam Poloniam iter intendit. Jamque alterum ab Urbe militare promoverat in sylvam, cujus arborum densitate & umbrâ tectus, in tuto se propè jam versari rebatur, proximè limitem Poloniæ constitutus. Cum ecce improvvisi duo adequitant citato gradu, quorum alter antevolans, *hem Jesuita, Jesuita*, inclamat, nomen scilicet nefarijs id genus hæreticis hominibus exosum, & multò pessimè execratum. Præiverat aliquanto intervallo cum Civibus Urbe profugis Frater Coadjutor, neque jam, arboribus occultatus, conspici poterat: Rectorem ponè sequebatur alter Sacerdos, quem miles priorem aggressus, minorem scelopum in caput ejusdem exonerat, trajecturus plumbo tempora, nî Pater inclinatione capitis ictum devitasset. Mox incitato in Rectorem equo, rebus omni-

bus unà cum veste despoliat, nixumque humi genibus, & diloricato in vulnus thorace offerentem se morti, & SS. JESU ac MARIAE nomina appellantem, glande secundum cor transverberat, neque quidquam locutum, ampliùs, uno ictu sternit exanimem. Socius Sacerdos certam pro vita pecuniam depactus, captivus ab illis dum abducitur, abundè ex ipsorummet ore causam illatæ Rectori necis accepit, inveteratum videlicet in Jesuitarum universum nomen odium, quòd non solum Papistæ, scelesti nebulones, sed & Jesuitæ essent, extirpando Lutheri Evangelio jurati hostes: ex quo solo, cum despoliatis viatoribus alijs parcerent, his insuper vitam ipsam implacabiliter ereptum primariò ibant. Unde & exprobrabant captivo Sacerdoti Religionem suam, quæ excindendæ Lutheri sectæ unicè incumberet; *Eccur, inquiebant, vos mortaliū exosissimi Jesuita, sic ubique gentium Sacerdotes nostros Evangelicos insectamini, fugatū, proditū, perditū? & miramini, cum vobis vicissim eadem à nobis eveniunt.* Corpus cæsi Rectoris jussu Glogoviensis Abbatis in vicino pago Cursdorff honorificè tumulatum est eo in Templi loco, quem ipsa sibi Antistita, si fors extorris Glogoviâ obiret, delegerat. Percussorem ultio divina non longo intervallo secuta est: nam post mensem ferè sextum triviali in duello, simili glandis plumbeæ secundum pectus ictu, miserè stratus est. Occubuit P. Hieremias A. 1634. 23. Maij ætatis 36.







P. Joannes Vorthingtonus Anglus Soc. IESV. inter ærumnosi Carceris squal:  
lores odio Catholica Religionis extinctus in Anglia 25. January. A. 1652.

C. S. d

M. K. f.

## P. JOANNES VORTHINGTONUS.

**V**eteranus hic in exercitu Christi ad subjugandos illi Anglorum animos Miles, totis 46. annis in Regno Britannia Apostolicis laboribus insudavit. Facile hinc cogitatu est, quibus ærumnis & periculis, quantis in summa temporum difficultate calamitatibus exerceri necessum fuerit hominem, vitæ quidem & sanguinis pro salute animarum prodigum, eâ tamen circumspeditionis cautela in eorum procuracione occupatum, ut tot annos odorem venaticorum canum vim, omnes Regni angulos sagacissimâ vestigatione lustrantium, frustraretur. Latendum videlicet sæpius

cum Athanasio velut sepulto erat in desertis terræ scrobibus & cisternis, cum Felice inter ruinosas domuum parietinas, confictandum cum fame & siti, frigore & egestate: donec ex intervallo majore iterum animo erumpens in publicum, non tantum in Fidei constantia Catholicos roboraret, lapsos in hæresim Ecclesiæ restitueret, sed præfidentes etiam errorum duces ac magistros certaminibus lacefferet. Et quia singulari in his omnibus enituit prudentiâ, ob morum suavitatem etiam heterodoxis acceptissimus, præpositus tandem fuit regendis in Anglia socijs. Quod munus cum aliquamdiu plenâ omnium satisfactione, eximioque



mióque hinc redundante in Catholicorum commoda fructu, administrasset, incidit tandem in adversariorum casses, diurni laboris præmia, ex gloriosa pro Christo morte recepturus. Graves omnino plurium annorum ærumoso inclusus carcere per tulit calamitates, varijs interim & periculosis agitatus quæstionibus, de juramenti fidelitatis æquitate, de suis in Anglia in tam longa commoratione gestis, aliisque, ex quibus mors illi specioso justitiæ titulo conscisci posset. Quibus non facile dictu est, quanto ingenio satisfecerit, quàm dextrè captiones, & periculi plena interrogata eluserit, quàm circumspectè cautèque in omnibus se gesserit. Jusjurandum tamen fidelitatis constanti semper animo damnavit, mille mortibus necandum potiùs corpus, discerpendum supplicijs offerens, quàm ut rem adeò nefandam & execrandam nedum admitteret ipse, sed vel ullâ ratione probaret. Cujus tam animosæ confessionis dum solitam à manu carnificis mercedem desideratissimæ mortis expectat, hanc à diurnis ergastuli calamitatibus conscitam, tantò majore merito, quantò productiore supplicio feliciter obiit in vinculis 25. Januarij A. 1652.

Quàm felix autem fuerit invidendæ illius mortis causa, ex iniquitate sceleratissimi jurisjurandi, quod illis annis Catholicis omnibus totâ Britannia à Parlamento propositum, & ab ipso constanter damnatum fuit, conjice. Cujus quantò apertior supra juramentum fidelitatis ab Elisabetha & Jacobo editum fuit impietas, tantò clarior

mortis illius ob ejus contemptum illatæ patescit gloria. Ita enim formula Sacramenti Elisabethæ sonabat: Ego NN: prorsus testificor & declaro in Conscientia mea, Regiam esse solam supremam Gubernatricem, & istius Regni Angliæ, & aliorum omnium suæ Majestatis ditionum & Regnorum, non minùs in omnibus Spiritualibus atque Ecclesiasticis rebus & causis, quàm temporalibus. Et quod nemo externus Princeps, Persona, Prælatum, Status vel Potentatus, aut factus, aut jure habet aliquam jurisdictionem, potestatem, superioritatem, præminentiam, vel auctoritatem Ecclesiasticam, aut spirituales in hoc Regno. Ideoque planè renuncio, & repudio omnes externas jurisdictiones, potestates, superioritates, atque auctoritates. Sed execrabilior juramenti Parlamentarij forma ita habet. Ego NN. abjuro, & renuncio Papa suprematum & auctoritatem super Catholicam Ecclesiam in generali, & super meipsum in particulari: & fide teneo nullam esse transubstantiationem in Sacramento Cene Domini, aut in elementis panis & vini post consecrationem eorundem, per quamcunque personam. Et eadem fide teneo, non esse purgatorium: & hostiam consecratam, Crucifixos, aut imagines non debere coli, & nullum cultum esse jis debitum. Item credo salutem non posse mereri per opera: & omnes doctrinas in affirmationem dictorum punctorum abjuro, & renuncio sinè ulla equivocatione, mentali reservatione, aut secreta evasione quacunque, sumens verba à me dicta juxta communem & usualem sensum eorundem. Ita me Deus adjuvet.







C. Soreta del:

Melchior Kussell f.



# SOCIETAS JESU AFRICANA.



AFRICA altera Orbis portio, ab Septentrione in Meridiem latissimo tractu graduum septuaginta porrigitur, sic, ut ferè quinque & triginta à Gaditano fretto ad Æquatorem, totidem inde ad Bonæ spei Promontorium, ultimum ab Austro limitem, numerentur. Media Africæ longitudo Æquatori, Zonæque torridæ subest, quam falsò Antiquitas opinabatur exustam penitus, inhabitabilem, & imperviam esse: sed ab Henrico Ordinis Equitum Christi Magistro, sub auspicijs Joannis I Lusitaniæ Regis, Orbi nostro, & Societatis JESU operarijs aperta, magno deinceps labore ad Christianam Religionem exculta fuit. Maximâ quidem sui parte Mahometis impiæ superstitioni dedita est, Turcæ, aliorumque Mahometanorum Principum Dominatui subiecta: numerat tamen amplissima quædam Regna, & in his præcipuè totum Imperium Abissinum, sive Æthiopix, Christo initiatum; Schismate tamen Græco, aliisque Orientalium hæresibus ità pertinaciter addicta, ut nullis hæctenus Sociorum laboribus, sanguineo conatu, ad Ecclesiam Catholicam integrè traduci potuerint. Pauculæ quædam Regionες Idolorum cultui addictæ, eæque recipiendo Christi semini aptiores, numerantur. Inde nulla pars Orbis sterilem magis se agrum Evangelico fatui exhibuit, in qua ne unum quidem Regnum, præter Insulas complures Hispanæ Monarchiæ subiectas, censetur, integrè & Catholicè palàm Christo additum. Neque id mirum: siquidem insana illa sævissimi Mahometi Lex, omnem ne dicam suasionem, sed mentionem ipsam Christianæ Legis ab auribus sectatorum suorum tam procul amovet, quàm propinquum interitum omnibus hujus Prædicatoribus decernit: Lege mortis, etiam à filio parenti inferendæ, sancitâ in eum, qui verbum in Mahometem, ejusve legem ignominiosum proferre attentârit. Ut proinde meræ temeritatis, nec ullius emolumenti (præterquam certæ necis, hæc methodo quæri inconcessæ) opus aggressurus sit, quisquis suadere Christum, aut eximere Mahometem illis voluerit. Solâ idcirco ferè eâ messe solantibus se, perditionum Turcicarum missiones, Socijs, quâ mercimonijs, aut captivitate detentos ibi Catholicos, in avitæ Religionis constantia retinere satagunt. Adde, quòd neque Religionis cujuscumque cultori, ad aliam quamcunque à nativa sua diversam, præterquam Mahometanam, transire concessum sit: le-



ge vivicomburij latâ, nisi vel ad Fidem pristinam parentum redeat, vel capeſſat Mahometanam. Expertus id eſt P. Joannes Elianus noſter, Memphi in Ægypto Catholicos procurans, qui à parentibus Judæis prodijſſe deprehenſus, juſſus eſt ab Urbis Præfecto ſive Thalmud, ſive Alcoranum amplecti; vivus alioqui cremandus, niſi Italicorum Inſtitorum charitas eum in tempore discrimini ſubduxiſſet. Socius hic adjunctus erat P. Chriſtophoro Rodericio, quem Pius 4. Nuncij Apoſtolici titulo in Ægyptum ad Cophthorum Patriarcham legârat, magnis illic laboribus fruſtra perfunctum, ut Nationem illam Græci ſchiſmatis Catholicæ unitati reſtitueret.

Ceterum nihil intentatum reliquit Societas, quo duriffimum hoc novale omnibus viribus ſubigeret, ſparſâ per omnes omnino Africæ Regiones & Regna, vario quàm maximè proventu, Divini verbi ſemente. Tingi Regnum, ad extremam Mauritanix oram ſitum, primus excoluit è Societate A. 1548. Joannes Nunnius, & Ludovicus Conſalvius, qui Septam Urbem delati, ſpatio dierum 15, id profecerunt, ut cives, qui pravitate morum Saracenos ipſos ſuperabant, Religioſis viderentur (itâ ad Regem Luſitanix ſcribebat Urbis Gubernator) æquari poſſe. In Regnum Congi, quod inter Heſperios Æthyopas ab ipſo propè Æquatore exoriens, inque meridiem porrectum, in mediterranea quoque introrſum latè recedit, miſſus cum duobus ſocijs Georgius Vaſius, ſpatio quinque menſium ſupra quinque hominum millia Chriſto adjunxit, alijs ſubinde Sociorum operis, poſtquam ipſe laboribus immortuus eſt, ſubmiſſis.

Vaſtiſſimum autem inter omnia Imperium eſt Abyſſinæ, quod Preteſannes, vulgò Preſbyter Joannes (nomen eſt illic omnibus Regibus commune, Cæſaris appellationi æquivalens) toti Æthyopiæ imperans moderatur, cujus à ſchiſmate Græco ad Catholicam Eccleſiam traducendi deſiderio incitatus Julius 3. Pont. Max. aliique deinceps ſucceſſores, præter quam plurimas de Societate illuc tranſmiſſas operas, tres delegârunt cum ampliſſima Patriarchatûs Æthyopici dignitate, aliôſque Epiſcopatûs Nicæni Inſulis ornatos viros: & quidem quod mirere, ipſo volente, qui alioqui ſpeciali voto honoribus Eccleſiaſticis omnibus januam in Societate præcluſerat, S. Ignatio, & tergiverſantes ad tanta dignitatum nomina Socios, præcepto S. Obedientiæ urgente; quæ nimirum videbat ſub mero nominis ſplendore, nihil præterea niſi ingentes ærumnas, & labores illis allatura. Primus ex his Joannes Nunnius, in ipſo adeundæ Æthiopiæ conatu Patriarchatu demortuus, ſucceſſorem habuit Andream Oviedum, quotidie, ut ſic dicam, pro Chriſto morientem: qui poſt 6. menſium horridos carceres, ab ipſo Imperatore Sequedo ferro appetitus, ſed Reginæ interventu ſervatus, ne commiſſam ſibi, licet quotidie mortem interminaretur, deſertiſſimam Eccleſiam relinqueret, aratro & boum curâ, vitam ad uſque mortem ſuſtentavit, quam ibi oppetiit A. 1580. die SS. Petro & Paulo ſacrâ, multis miraculis



culis antè & post mortem à DEO illustratus. Hos in eadem Patriarchali Sede tertius è Societate P. Alphonsus Mendez secutus, præter ipsum Imperatorem Sultanum Sequedum Ecclesiæ adjunctum, supra centum millia Æthiopum, unius anni 1628. spatio, à schismate traduxit. Jam verò Melchior Carnerius Nicææ primùm Episcopus, & Oviedi in Patriarchatu Coadjutor, cum utiliùs alibi operam locaturus speraretur, primus Sinarum & Japoniæ Regnis datus est à Pio V. Episcopus; cujus in Nicæna Cathedra successor P. Apollinaris de Almeida, post 8. annorum in Abyssina labores Apostolicos, suo eandem sanguine rigavit. Nec destitère cæpta ardua deinceps Socij profèqui, præsentissimis vitæ periculis animas objectando; quibus complures eorum, dum Æthyopes Christo lucrari pergunt, involuti, in prædam Turcis cessère, atque in acerbissimam captivitatem venditi, longam mortem in vinculis & æumnis traxère.

In amplissimo Angolæ Regno, cui proprium Guineæ nomen est, Fidem Christi feliciter A. 1560. plantare incepit P. Franciscus Goveanus, laboribus ibidem suis immortalis: cujus initia profecuti Socij, Regem Banzæ cum filio natu majore, multisque Proceribus idololatri Baptismo abluerunt A. 1581. donec authore P. Balthasare Barreyrà, parta Hispanis inter paucas memorabilis, & plena prodigijs victoria, totum pene Angolæ Imperium ad Fidem Christi inclinavit. Amplissimum post Abyssinam Regnum censetur Monomotapiæ 800. in circuitum leucas patens, in cujus ingressu P. Gonsalvus Sylveria, post Cafres omnium Æthyopum nigerrimos Christianâ Fide exultos, & Tongi Regem baptisatum, Regemque Inhamioris cum Regina & octo prolibus ad eadem Sacra inductum; ipsum denique magnum Monomotapiæ Imperatorem, & complurium Regnorum Dominum, cum plurimis Satraparum Sacro fonte abluit; Mahometanorum tamen paulò post artibus ab eodem Rege crudeli nece pro Christo extinctus A. 1561.

Memorabilis etiam fuit baptisus Regis Mocumbæ, qui cum veritatem Fidei agnitam profiteri, carnalium deliciarum spinis irretitus, tergiversaretur, immedicabili à DEO ægritudine prostratus est; ast ubi primùm P. Balthasari Barreyrà, iteratò baptisum suadenti, manus dedit, prodigiosè mox revalescens, Idola omnia comminui præcepit, atque è grege Uxorum, quem Patriâ licentiâ numerosum alebat, unam selegit, cum qua Sacro fonte simul renatus, legitimum Christiano ritu Sacri Conjugij fœdus inivit, aliisque dimissis omnibus, multos suorum magnitudine exempli ad Baptisum pertraxit. Nullius tamen ex Africæ Regibus conversio plus admirabilitatis habuit, quàm Regis Fessæ & Marocchi, qui à Melitenis interceptus classe, & Beatissimæ Virginis monitu factus Christianus, Religiosum tandem etiam statum in Soc. JESU amplexus



xus est. In cuius ingressu Balthazaris de Loyola assumpto nomine, posteaquam Sacerdotio initiatus est, adeo præclara Virtutum Zelique Apostolici Romæ præbuit specimina, ut ad populares suos, aliosque Africæ & Mogoris populos Christo conciliandos dimissus sit. Verum ipso in itinere ærumnis navigationis maritimæ confectus, primos Apostolicæ Missionis conatus gloriosâ morte coronavit, A. 1668.

His accedunt Insulæ Canariæ, Tertiæ, Madagascar, Mozambicum, quæ partim Lusitanorum, partim Hispanorum armis domitæ, Christo etiâ laboribus Sociorum maxima ex parte sunt subjugatæ. Deniq; nulla etiâ Turcarum Monarchiæ subest Regio & Provincia, in quam sese conatus Societatis non porrexerint, partim in missionibus & legationibus temporarijs per omnes ejus oras, auctoritate Sedis Apostolicæ, susceptis, partim in sedibus fixis, sparsos ubique magno numero Christianos captivos, mercatores, Sacramentis & concionibus procurando, solando, confirmando, & Schismaticos lapsosque ad unitatem Catholicæ Ecclesiæ reducendo. Horum alij Mesopotamiam, Libyam, Illyricum, Cretam, Chamos, Istriam, Arabiam, Regna Tunis, Marrocho, Algeri, Barnagasso, identidem peragrârunt; alij ad omnes ferè Græcorum Schismatis Patriarchas, Archimandritas, Alexandrinum, Melchitarum, Jacobitarum, ac sæpius Cophthorum sese penetrantes, ut ab erroribus eisdem abducerent, sæpius ingentia discrimina, captivitatem, deprædationes, vincula Turcarum & carceres experti sunt. Ex quibus eos solùm jam describemus, quibus funes ceciderunt in præclaris, & hæreditas præclara obtigit Martyrij: dum veluti in Crudelitatis theatro leonibus Africanis & bestiis expositi, usque ad mortem decertârunt, tantùm ut Christo fruerentur. Tu interim benevole Lector funiculis iisdem, & vinculis Charitatis in DEUM trahi te sine, si non usque ad mortem & supplicia, certè usque ad gladij illius ancipitis penetrationem, qui pertingat ad divisionem animi & spiritûs, compagum quoque ac medullarum

Hebr. 4. cujus acie mortificato in te homine carnali, sola DEO vivat Anima, usque ad mortem certans pro  
*Justitia. Eccli. 4.*







P. Gonsalvus Sylveria Comitum prosapiâ natus in Lusitania Soc. IESV. iussu Regis Monomotapâ pro Christo strangulatus. A. 1561. 15 Martij.

C. Sereta d.

M. Küell. f.

## P. GONSALVUS SYLVERIA.

**I**ndomitis Africæ leonibus, fœdâ Mahometi lege in tygridum. sævitiam insuper efferatis, sub mite Christi jugum mittendis, destinatus à DEO Gonsalvus, antequam de utero matris exiret, cæcitatem crudelis gentis deplorare videri potuit, tertio ante ortum die matris viscera vagitibus & fletu implere auditus. Natus est in Lusitania Illustrissimis parentibus, Ludovico Sylveria Sorteliæ Comite, Regiæ Custodiæ Præfecto; & Beatrice Noroniâ Lusitanæ Marefchalli filiâ, A. 1526. 23. Febr. cui ipse liberorum decimus nascendo vitam ademit. A puero durissimæ vitæ genus auspicatus,

vinum ad mortem usque libavit extra Sacrificium nunquam, in miseros benignissimè affectus, quibus jam tum stipem ab alijs corrogabat, & ipse ad ægros & pauperes deferebat. Nullum per omnem vitam à veritate dissonum verbum, ne quidem per jocum, protulisse notatus est, etiam cum plagis & castigationi apud Pedagogum redimendæ, illud necessarium videretur. Ad condiscendam Grammaticam in Cænobium PP. Franciscanorum cum famulo datus, eorum exemplo magnam partem noctis vigilare, & reliquum noctis vestitus dormire consuevit: donec Conimbricæ altioribus studijs incumbens, Societati, tunc primùm Conimbricam à Joan-



à Joanne 3. Lusitanæ Rege introductæ, nomen dedit; quantâ animi ad Crucem Domini ferendam resignatione, optimè explicuit ejus in Tyrocinio Magister P. Jacobus Miro, ita ad S. Ignatium scribens. *Hic nobiscum Procerum unus, cui nomen Gonsalvus Sylveria, Societatem inijt rectâ admodum mente, eoque solùm permotus studio, ut DEUM quærat, & omnia pro ejus amore contemnat. Adolefcent, est alto graviq̃ue judicio, ad magna factus. Ad æternarum veritatum perceptionem ac sensum venit; & vigilantia est opus, in moderanda nimia in se ipsum asperitate. Res est exempli præclari, quomodo se gerat, intueri. Etenim qui nuper tribus famulis, Magistrôq̃ue morum viro gravi stipatus incedebat, eum jam in culina, alijsq̃ue domesticis operibus videre, velut quisquilias abjicientem se, quâmq̃ue ex animo ea facit, res est profectò, unde Deus meritò magnopere laudetur. Ingens in Aula exitit motus ejus causâ, & propinqui qui sunt magna dignitatis persona, strenuè dimicarunt; sed ejus bene fundata constantia, & fortitudo, tum illis, tum etiam nobis pro miraculo est.* Post Tyrocinij biennium, in quo continuis pene jejunijs, vigilijs, flagellationibus, omnes pravas affectiones radicitus evellere studuit, communibus votis editis, addidit ipse hæc tria insuper propria, 1. *Nunquam se directè vel indirectè, ne dissimulanter quidem, in Regulis Societatis relaxationem quæsturum.* 2. *Nihil unquam pro Spiritualis perfunçione muneris, ne stipis quidem acceptaturum.* 3. *Nunquam se Societatem voluntariè, ac ne ejectum quidem, rationem vite ejus deserturum.* Atque ex eo tempore in sui depressionem unicè incumbens, hoc in genere ea præstitit, ut admirationi potiùs, quàm imitationi proponi posse videantur. Nam & supercilia sibi abrasit aliquando, ut deformis evaderet; & amentiam simulavit, ut despiciatui duceretur; & domestica Æthyopum mancipia, instar mediaſtini lectos eorum sternendo, cibos parando, & eisdem ministrando procuravit. Obtinuerant Ulyssipone à Regina Gonsalvi consobrinæ, ut sæpius ille præ alijs ad Aulam acciretur, doctrinam Christianam Gynecæo explicaturus: quâ molestiâ ut se liberaret, institit aulicos mores, & exquisitum fæminarum cultum acerbè perstringere, ipsas nunc compta cadavera, nunc adoperta tapetibus sterquilinia vocitans: sed cum nil efficeret, Davidem imitari, & stultitiam, in earum alloquio, toto vultu & gestu simulare instituit; salivâ etiam fædè per mentum defluere permisâ. Verùm arte deprehensâ,

unde contemptum quæsit, majorem naus est æstimationem & venerationem. Adhæc eousque vestes sordescere permisit, ut prognatæ bestiolæ visu morsuq̃ue graves catervatim proreperent, non sinè intuentium, nausea. De quo monitus aliquando ab Archi-Episcopo Conimbricæ, & Jacobo Comite germano suo, respondit, se eas Comitatu ipsius longè præferre. Sæpe prodibat in publicum lacerâ veste sinè pallio, ostiatim victum mendicans; sæpe lateres & cæmentum ad structuram Collegij humeris vectabat, vel etiam asellum per mediam Urbem ad flumen præ se agebat, reveſturus inde arenam. Quo in obsequio aliquando Comes Alvarus frater ipsi obviis, cum præ pudore vultum averteret, ipse tantò magis voce & virgâ jumentum incitabat. Cui etiam aliàs in illustri & splendido comitatu pergenti factus in publico foro obviis, ut pompam illam suâ humilitate damnaret, medlum perlutum incesſit, seque totum cæno infecit. Et quia corpus fractum laboribus & inedia ita tractabat, ut perire tantum non sineret, lethalem inde morbum contraxit: ex quo tamen unico Simonis Rodericij, unius ex primis S. Ignatij Socij, Sacrificio, confestim valetudini restitutus est.

Sacerdotio initiatus, totum se ad rem Christianam inter agricolas promovendam convertit, etiam tum, cum Theologici Doctoratus honore insignitus fuit; itinera omnia non nisi pedes conficere, & solo plerumque pane & aquâ esuriem pellere solitus. Hunc autem priùs semper quàm concionaretur, ostiatim per casas paganorum emendicabat, ne per concionem agnitus, liberaliùs fortè donaretur. Unde etiam non alibi precario victum quærebat, quàm apud eos, quos sciebat præ tenuitate aliud, quàm panis particulam, aut juris modicum non posse largiri. Si se mensæ alicujus invitantis negare non poterat, corrogatum panem promebat è pera, & eo solo, vel si cogebatur appositâ non aspernari, villissimis eorum vescebatur. Tum ad Nosocomium continuè se referebat, ægris, leprosis maximè, navaturus operam, neque unquam ut alibi diversaretur, etiam Archi-Episcopi Bracharenſis interventu, adduci poterat. E Porta Urbe, quam cum vicinia aliquamdiu excoluit, ad Rectorem Conimbricam in hæc verba scripsit. *Ego quamdiu mihi DEUS in hisce peregrinationibus aderit (spero autem nunquam defuturum) cibo mendicato vivam: confessiones audiam, dum erunt qui audiri velint, nec me operi somnus, nec studo*



*dio quies, nec jejunio fames eripiet. Dum vires suppetent, iter pedibus faciam, quocunque ire contigerit. Usque ad ravim concionabor, usque ad mortem corpus persequar, & animo subijciam. Perseverabo intrepidus in hoc proposito, nec patiar aut ullo mortis terrore animum vinci meum, aut ullo vitæ fastidio torpescere. Pergam per quidquid asperum & durum se objecerit, nec sistam gradum, donec cum Christo Jesu affigat Cruci. Quanto in se ipsum odio ab ipsis vitæ initijs, usque ad vitæ extremum, sævire perrexerit, patuit ex eo, quod nunquam cilicinum thoracem corpore deposuit, addens nonnunquam alterum in femore utroque; ferreis asperatum cuspidibus. Ità acriter quotidie se verberabat, ut nihil in tergo sanum, nihil esset integrum, uno velut ulcere totum teneretur: in quem usum virgarum genus adhibebat, quas Indiarotas vocant, tam idoneas ad dolorem ciendum, ut primo ictu sanguinem cum acerbissimo sensu proluciant. Cum pars una corporis jam verbera non posset excipere ob nimiam lacerationem, aliam cedebat, & hunc in modum omnes percurrerebat. Jam verò in victu præter panem & aquam rarò aliud adhibebat, nisi fortè in missionibus adijciens aliquid cæparum, aut halecis, labori perferendo. Somno quàm parcissimo utebatur, quem aut nudà humo, & ut summum supposito sacco stramentitio, aut sedens recto corpore, nusquam acclinis carpebat, tabulà sic ad sedile applicatà, ut si capitis inclinatione tangeretur, strepitum ciceret, & soporem omnem discuteret. Conimbricæ Nosocomij curam gerens, cùm fortè uni ægrotorum sanies, quæ in crure suppuraverat, sectione chyrgi educta esset, Gonzalus lance totam excipiens, cùm nescio quid horrentis naturæ persentisceret, illico sui domitor egregius, totam ore exorbuit. Itinera omnia pedes conficiebat, neque unquam supportandæ sarcinæ, cujus ipse bajulus semper extitit, mancipium ullum admittebat: si quid melioris panis in stipem accepisset, eum viliori cum mendicis commutabat, & ut vilior fieret, omnibus intuentibus publica in platea absumebat.*

Consanguineorum amorem ità penitus animo exuit, ut Comiti Jacobo fratri, eà solà causà Conimbricam, quò Consalvum salutareret excurrenti, dici per Janitorem curàrit: se illum non nosse. Si quem alium præterea conveniendum non habeat, redeat cum bono Deo unde venerit. Idem fecit Matronæ illustrissimæ, sanguine sibi junctæ, quæ ipsam

publico in Nosocomio decumbentem invisura advenerat. Nullà siquidem ratione persuaderi passus est, ut eam, quæ jam erat in limine conclavis, ad se admitteret, sed illam cum viro suo longè clarissimo, jussit abscedere domum insalutatam. Neque unquam submissa ab illis dona & xenia admisit, quin plures aliquoties mulos talibus onustos, & à Philippa sorore Comitissæ Tovaræ Conjugæ ad se transmissos, ad carceres & xenodochia abire jussit. Coactus superiorum jussu in ejusdem Philippæ solatium ad Castrum Comitissæ se conferre, in has leges cum illo descendit: ut cibum sibi cum Socio separato in cubiculo, non autem ad suam mensam, per vilissimum mancipiorum ministraret (quod ille deinde secum assidere, & eadem ex lance comedere cogebat) idque non alium, quàm carnem bubulam solam, sine conditura omnixelixam; & diebus esurialibus duratam sole, vel fumo halecem, aquà purà coctam. Atque interim sic ibi inter suos agebat, ac si illis esset ignotus: nuda illi humus prolecto, saxum erat pro cervicali, cui ferreo cinctus cilicio incumberebat, qui etiam aliàs domibandi mos illi erat familiaris. Quibus omnia suorum beneficia aspernantis animi exemplis, non tantum non offendit, sed universo Palatio veluti religiosam in domum converso, Eleonoram etiam secundam sororem, alteramque insuper neptem, ab amplissimis utramque jam instructis nuptijs, ad Christi signa in Monasterium traduxit. Hos inter labores aliquando maleficum ad furcam comitatus, deindeque pro ejus anima Sacrificium DEO offerens, ingenti cupiditate exarsit, similis pro Fide mortis oppetendæ. Placuitque Divinæ Bonitati in eo Sacrificij æstu precanti, eam gratiam polliceri, simulque necis modum, per laqueum similiter inferendæ, revelare. Quo ostento incredibiliter exhilaratus, sæpius coram diversis gaudiorum impotens, illud aperuit; & semel etiam Ulyssipone inter concionandum, inusitato quodam gaudio exultans, collum cùm ostenderet, se illud præ toto mundo æstimare dixit, quod strictum olim fune in Religionis odium, nobilem sibi gloriam præbiturum esset. Cujus prædictionis veritas alio etiam publico ostento divinitus firmata fuit, dum Ulyssipone sub Missæ Sacrificio calicem elevanti, manus cruore perfusæ toti populo conspectæ sunt.

Perfunctus Præpositi Domus Professæ Ulyssiponenfis munere, discessit in Indiam A. 1556, designatus à S. Ignatio Provincialis, in



in qua navigatione omnium ægrorum & miserorum communis servus, illis cibos ipse coquebat, lectos sternebat, à sordibus mundabat, nec aliter quàm nudo in tabulato, inter vilissimam noctu turbam quiescebat. Goam in Septembri, cursu in paucis felicissimo appellens, licèt sub mediam Sabbati noctem Collegium primùm fuisset ingressus, sequenti tamen statim die conciones auspiciatus, omnibus deinde Dominicis & festis, cum totius Provinciæ exactissima gubernatione continuavit. Nec ulla facilè Prætoris in Ethnicos fuit expeditio, cujus ipse comes non esset, curæ eodem Ciaulum, Bazainum, Tanaam, Cocinum profectus: nunquam tamen induci se passus est, ut eadem cum Prætoris domo vel mensâ exciperetur, solo semper ostiatim emendicato cibo in pauperum tugurijs victitans. Eiusdem instinctu magnificum S. Thomæ Apostolo templum Goæ extructum est, ad cuius structuram quotquot gentilium, fuere autem ingenti numero, operam contulere, omnes tandem à superstitionum tenebris ad lucem Evangelij transiverunt. Officio Provincialis magno suo gaudio, eò quòd regendis alijs ineptissimum se duceret, liberatus, ad Novitiorum contubernium secessit, ubi orando præter solitum Deo, afflictoque amplius corpori intentus, tanquam futurorum prælagus, aliquot dies recognoscendis ijs, quæ de Martyrio tradit S. Thomas Aquinas, insumpsit. Quibus dum maximè intentus est, ecce tibi offertur inopinata occasio ad Cafres, quo nomine multa Regna continentur, proficiscendi, cujus ei copia omnium primo facta est ab Urbis Archiepiscopo, & Provinciali Quadrio, utpote eam tanto studio, ut ardentius non posset, hisce de causis expetenti: ut inter nigerri- mos illos Æthyopas tantò obscurior lateret: ut ærumnarum & calamitatum abundantia satiari posset: ut Regionibus illis ad promontorium bonæ spei aditis, totique antiquitati indeprehenfis, Christum inferret. Atque eà sorte tantopere exultavit, ut sæpius auditus sit in hæc & similia prorumpere: *O Cafrum gens non minus nunc animo, quàm corpore atra & deformis, quàm opto, quàmque etiam spero, ut purissimo sacri baptismatis liquore perfusa, nigrum animo colorem brevè depellas! Utinam jam inter vos, ac vobiscum essem, Æthyopes mihi charissimi, ut Jesum Christum DEI Filium, ejusque potentiam & Majestatem nota vobis efficerem! facit sempiternum illud Numen, cujus providentiâ Mundus gubernatur, ut mihi inter vos vita finis sit, proque salute*

*vestra mortem sustineam crudelissimam; atque ita illud assequar, quod summopere desidero, ea nimirum ut in me exerceatur crudelitas, ut omnia corporis mei membra mille in particulas minutatim concidantur. Quid pati possim tam grave, tam durum, tam asperum ac difficile perpe-ssu, quo satis queam compensare, quantum debeo optimo Parenti Christo, quantumque ejus causâ me agnosco vobis debere, pro quibus ille Crucis affixus est, & gravissimis confusus vulneribus sanguinem suum effudit? Itaque Goâ extremo jam anno 1559. cum P. Andrea Fernandio, & Andrea Acoſta discedens, navigium illud omni hominum genere refertum, ad Religiosi Cænobij normam convertit: Litanias ipse quotidie præorabat omnib⁹, ac tum elatâ voce, quidquid in mari tunc licitum erat, pronunciabat è Missa; diemque reliquum, quod privatis exercitationibus supererat, catechismo & pijs allocutionibus impendebat.*

Mozambicum appellens, omnium primò nudis pedibus Ecclesiam Deiparæ ità invisit, ut aliquot diebus in ea permaneret, expeditionis suæ successum ejus patrocinio commendans. Inde Sofalam, ac deinceps Regnum Tongense ingressus, non multo tempore, sed incredibili solertiâ continuato labore, Regem, Reginam, cum liberis, totaque Domo, ac Procerum multis, ad fidelium numerum aggregavit. Ibi relicto ad bene cæpta persequenda utroque Socio, ad magnum Caſtrariæ, seu Monomotapæ Regem, qui ob auri copiam Imperator auri vocitatur, iter intendit, quanto ejus Cælo lucrandi desiderio incitatus, optimè suis ad Præpositum Generalem exprimens, dum ità scribit: *Ego, inquit, Pater mi incidi in vineam sancta hujus negotiationis, beatæ Obedientiæ ductu; nec animus ultra est alias fodinas usquam, nec quietem aut artes cogitare. Nam si loquendum est experimento, quod in mari montanisque capitur, ibi DEUS abscondit plenitudinem ac suavitatem Divinitatis & humanitatis suæ, spiritualiter ijs repositam, qui diligunt ibi habitationem, ac requietem ad lucra Redemptoris. Eo itinere, postquam unicâ precatione gravissimam tempestatem repentè sedâſſet, ad barbarum quoddam littus delatus, primò omnium excitatâ arâ Sacrum fecit in Solis ardore tanto, ut Lusitanis, quanquam calceis tectos, torridum solum adureret pedes, Gonzalo autem sacrificanti nudum caput pustulis ab æstu oppleretur, quas tamen ille nullis medicamentis perſanare sustinuit. Refumptâ post triduum navigatione, adverſo vento ad Mingoaxanem Gilox Regem Mahometanum*



num rejectus, licet is potestatem inter suos promulgandi Evangelij ultro faceret, subsistere renuit: ratus præcipuo Casrorum Rege converso, finitimos & inferiores Reges haud magno molimine secuturos. Inde igitur ad Ivabum, ubi Monomotapæ ditio oritur, contendens, divinâ re peractâ ab Lusitanis comitibus petijt, ut quoniam fines tanti Regis ingrederentur, legationis suæ negotium eniùs Deo commendarent. Ipse autem se ab omni hominum consuetudine avellens, veluti sibi in altera navigij parte prætendi fecit, in quam veluti cellulam inclusus, oëtiduum ipsum delituit, semel tantum quotidie tosti ciceris pugillum, & perexiguam aquæ sumens. Octavo die ubi primum Sena, quæ navigationis meta erat, in conspectum venit, monitus Gonzalvus è latebra sua prodijt, oculisque in oppidum parumper intentis, continuo in Cælum eosdem, in genua procidens, cum manibus sustulit, rogatis omnibus, ut pro felici expeditionis successu semel Pater & Ave ad Deiparam, quam negotij totius Patronam delegerat, secum dicerent. Tantis enim animis plenam discriminum illam missionem aggrediebatur, ut Provincialis Quadrius diceret, ejusmodi Gonzalum esse, ut si quis suo illo tempore deligi deberet, quem Antichristo adversarium DEUS obijceret, neminem sibi Gonzalo aptiorem videri.

Substitit Gonzalvus Senæ 4. ferè mensibus, dum responsum ab Imperatoris Regia ducentas leucas distita, adveniret: neque enim procedendum sibi ulterius, nisi prius adventum suum Regi prænuñtiasset, judicavit. Quo temporis spatio supra 500 in ipsa Urbe baptismo tinxit, & ad vicinum Inhamioris Regem excurrans, ipsum cum Regina & octo liberis ita permovit, ut magnopere sacras undas expeteret, quas etiam se illi præbiturum Gonzalus spondit, ubi prius Monomotapæ Regem abluisset: causam prætendens, non decere antè illum lustrari, ne fortè prælatum sibi stipendiarium suum iniquius ferret; re ipsâ autem, quia nullum, quem Magistrum custodémque Fidei relinqueret, habebat. Adfuit interim à Rege responsum, ut Gonzalvus ad Regiam duceretur; quo ipse cum Gomio Coëllio Lusitano, linguæ eorum peritissimo, in comitatu Casrûm profectus, totum illud sexcentorum millium passuum iter pedibus emensus est, sarcinâ insuper, in quam omnem Sacrificij apparatus collegerat, onustus. Fluvios, qui multi regionem interfecant, licet aquâ col-

lotenus pertingeret, vado transibat, elatâ interim manibus aut capite sarcinâ: quamquam unum vado insuperabilem, cum in vas quoddam velut ingentem ollam, DEI Sacerdotem ad natandum invalidum immisissent, circumnatantes ipsi propellentésque, trajecere Cafres. Cum verò annona illos defecisset, Gonzalus quæ sibi paraverat, in eos benigne distribuit, ac deinceps Jangamis (pomî genus est) immaturis & acerbis visitavit. Sed miraculo tributum est, quotquot ille jangamas manu attrectâisset, repente miram induisse suavitatem. Ex oppido Mabate occurrere turmatim cives insolitis officijs, in suum quisque hospitium certatim invitantes; quibus omnibus baptismum & Sacra Christiana, aliquamdiu ibi subsistens, impertivit: abscedensque pronuntiavit, nunquam eo in oppido defore Christi cultum; & vaticinium firmavit eventus in hanc usque diem. Bambam deinde ubi ventum est, Cafrem morti propinquum, quantum ille patiebatur articulus, instructum expiat undâ salutare, & cum impositis super ægrum manibus Evangelium recitasset, illico salvus & incolumis Cafer è lecto profilijt.

Monomotapam ut primum Gonzalum attigisse Imperator accepit, continuo Antonium Cajadum Lusitanum, copijs suis omnibus Præfectum, ad salutandum illum, cum muneribus misit. Alit enim veluti prætorianam cohortem omni tempore triginta millia, circâ in vicinis pagis distributa: & si usus ferat, nunquam minus centum millibus sub signis habere solet. Munera erant auri pondus ingens, boves permulti, famulique in domesticos usus. Gonzalus officiosè remissis cum gratiarum actione donis, renuntiari jussit, nihil se Regium, sed Regem ipsum velle, quem Cœlestis Regni æternæque felicitatis compotem faciat. Excellebat animi admiratus Rex, venientem ad se Patrem in intimum conclave Regium, cum mortalium nemini, ne stipendiarijs quidem Regibus pateat eò unquam accessus, sed è foribus eum pedibus nudi alloquantur, calceatum Gonzalum introduxit, mediùsq; ipse consistens, assidente ex altera parte Matre, considere eum ex altera jussit. Antonius Cajadus, qui interpretis adhibebatur, præ foribus constitit. Gonzalus ante omnia Regi pretiosæ vestis aliquantum, quod ex India Mozambicôque vlexerat, dono dedit: & Rex vicissim ab eo petijt, quantum faminarum, quantum auri, prædiorum, agrorûmque vellet, postremò & boum, quibus illic non minus quàm auro pre-



pretium est. Ad quæ Gonzalus cùm respondisset, se pridem his omnibus æternorum bonorum cupidine spretis, eò solùm venisse, ut eadem bona Regi patefaceret: admiratus ille interpreti dixit: *profectò necesse est, qui nihil horum cupiat, quæ ceteri usque eò mortales amamus, is aliâ quâdam ab communi naturâ constet, atque adeò ex genere herbaceo sit, ex ole-ribusque prognatus.* Digressus à Rege ad mappale, quod sibi in diversorium & templum extruxerat Pater, aram etiam in illo, cum eleganti Deiparæ imagine proposuit: ad quam dum quotidie rem Divinam facit, Procerum quidam conspectâ obiter è foribus iconæ Virginis, ad Regem deferunt, pulcherrimæ formæ puellam illi domi esse, atque ut eam sibi deposcat, hortantur. Mittit absque mora Rex, qui enixè petat, ut suam Conjugem, quam speciosissimam secum adduxisse dicatur, sibi videndam præbeat. Errorem facile intellexit Pater, atque ut auspice DEI Matre opus Evangelicū ordiretur, tabulam pretiosâ involutam veste defert ad Regem. Cujus animum ut ad debitam ejus venerationem præpararet, pauca præfatur de summo & uno rerum omnium autore DEO, deque Filio ejus, qui salutis humanæ causâ de Virgine natus, vitæ & mortis, Regnorūque & Coronarum solus potestatem habeat. Ejus itaque non quidem Matrem ipsam, quæ beata cælum incolat, sed effigiem ostensurum esse; dignam proinde, in qua & ipse Rex potentissimam Cæli terræque Reginam veneretur. Mox summâ reverentiâ in genua provolutus Pater, imaginem tegumento evolvit, ad cujus conspectum commotus Rex, & ipse venerabundus prostratur. Cùmque eam sibi donari instantissimè flagitaret, Pater nihil tergiversatus, suâ manu illam in cubiculo Regis, quod Sacelli in morem aulae magnifico vestierat, collocavit. Ecce autem eadem ipsâ specie quinque deinde frequentibus noctibus, Regina Cæli conspicuam se Regi stitit, divinâ circumfulgens luce, magnâque affabilitate, sed linguâ incognitâ illum affari visa. Quod cùm ille magnopere tū apud Matrem, tum Lusitanos doleret, ac demum Gonzalvo ipsi quereretur; respondit Pater, eam nimirum linguam divinam esse, quam nemo intelligeret, nisi Sacrosanctam Filij ejus Legem per Baptismum amplecteretur. Ergo Rex percipiendæ ejus linguæ cupientissimus, biduo post per Cajadum Patri significat, se, pariterque Reginam Matrem statuiffe Christo initiari. Hic incredibili solatio gestiens, multūque DEO & Deiparæ

successum gratulatus, & impensè commendans, aliquot dies in tradenda utrique Christiana doctrina insumpsit, atque 15. circiter ab adventu suo die, magnâ pompâ & gratulatione utrumque sacro fonte perfudit, Regemque Sebastiani, Matrem autem Mariæ nomine appellavit. Eodem die Rex observantiæ causâ 100. boves Patri dono misit, quos ipse omnes cædi, intèrque pauperes distribuī curavit; obstupefactâ ad tantam liberalitatem cum Rege Aulâ universâ. Post Regem è primoribus Aulæ accessere ad sacrum fontem facilè trecenti: qui cùm & ipsi plurima donaria transmitterent, ipse omnibus in egenos dispersis, solo perexiguo cocto milio, herbis, & sylvestribus pomis vitam sustentabat.

Jamque universa Monomotapa tantorum exempla secutura nihil dubitabatur: cùm æternus Christi & virtutis hostis Satan, quatuor in Aula potentes è Mahometanis suscitavit, qui adolescentem & improvidum Regem suspicionibus in Gonzalum implerent, veneficum illum pestilentissimum esse, à Pro-Rege Lusitanorum ex India submissum, qui ipsum cum Regno intoxicatum baptismali aquâ, Dominio Lusitanorum subjiceret. Rex non ætate solùm, sed & naturâ Cafribus ingentâ mobilis, ubi maximè in eandem sententiam mater perducta est, primo quoque tempore Gonzalum tollendum decernit. Quod sive conjecturâ, sive divinitus Pater cognoscens, Antonio Cajado prædixit, Regem sibi perniciem moliri. Huic autem res ita incredibilis visa est, ut subridens rejecerit. Sed paulò post Regem in eo proposito obfirmatum penitus deprehendit: quod tamen ut dissimulatione cruentâ teget, Cajado respondit, decretum id tantum à se, ut Gonzalus procul à Regia amandaretur. At Pater futurorum divinitus præsciens, vehementer apud Cajadum instat, ut certos, quos nominabat Lusitanos, confestim ad sese adduceret. *Constitui enim, inquit, hodie Confessiones vestras excipere, & SS. Eucharistiâ reficere: quod nisi hodie fiat, postea non licebit.* Eodem die instructiores ex catechumenis circiter 50. baptizavit, iisque quidquid sive vestium, sive sacrorum supererat munusculorum, divisit, unâ sibi Crucifixi effigie, duobusque cereis servatis. Hinc tanquam ad nuptias Agni evocandus novam induit tunicam, & sacrum amiculum cum stola sacerdotali induxit. Sub vespërâ invisenti, & talem ornatum miranti Cajado, lætus Pater, & leniter manu pectus prehensens, *Antoni, inquit,*



quit, *profecto paratior ad mortem subeundam ego sum, quam inimici ad inferendam. Regi autem Matricque ejus, quod ipsi per simplicitatem Mahometanorum astu in fraudem inducti sunt, libenter ignosco, quosque, ut quidquid hac Regna penarum debent, in unum caput meum convertat.* Cajadus ægrè à Patre inductus ut domum se reciperet, duos tamen clanculum submisit famulos, qui sedulò excubantes si quid ingrueret, se admonerent. Pater in illo suo ornatu in multam noctem pro tuguriolo in area inambulat, oculis identidem in cælum intentis subsistens, manibus modò sublati, modò in crucis formam extentis, suspiria crebra profundens. Hinc tugurium ingressus, cereos duos accensos ad latera crucis collocat, prostratusque in genua aliquamdiu persistit orans. Tum in floream ex arundinibus contextam prolapsò ex fatigatione, ut videri potest, irrepsit somnus. Id ubi ex insidijs sanguinarij notant satellites, octo circiter irrumpunt; quorum Mocomes inter Cafres nobilis, frequens & per familiaris Gonzalvi conviva, in jacentis pectus toto impetu deijcit sese, opprimitque: inde bini brachia, totidem crura arripiunt, duo funem collo implicant, quo constriçto Pater, ingentem ex ore naribusque sanguinis copiam effundens, victorè spiritum Conditori suo reddidit A. 1561. ætatis 35. 15. Martij. At paricidæ in Christi signum debacchati, illud penitus comminuunt: rursùmque in viri Dei cadaver efferati, dum vestibus penitus exuunt, ferreo incinctum cilicio deprehendunt. Itaque magum penitus fuisse, qui ita ferro indueretur, interpretantes, recte alligatum ad Mosengesslem fluvium, ne malefici hominis pestilens odor veneno cuncta corrumpere, pertrahunt, & demergunt. Ex quo tempore ferunt crocodilos, qui plurimi voracissimique illo flumine gignuntur, nulli unquam mortalium, velut posita feritate, nocuisse. Alij testantur, aquis imminere visum mirabile lumen, ubi Gonzali corpus mersum fuerat. Neque hic constitit furor Regis. Quinquaginta Neophytos, pridie mortis à Gonzalo baptizatos, simul neci dari imperat; executuris sinè mora mandatum impijs ministris, nisi Proceres, qui unà cum Rege similiter baptismum receperant, monuissent, si baptismus crimini daretur, tum pariter sibi & Regi moriendum fore. Mitigatus eorum oratione, ac Lusitanorum potissimum, ubi furor deferbuit, exprobratione Rex, quod facinus tam atrox injustè patrafset, gravi profectò Cœlitum, & Regis sui

vindictà ulciscendum: repentè in adversam partem actus (ut erat ingenio penitus mobili) quò causam facinoris in alios à se amoliretur, duos ex suavoribus Mahometanis occidit, omnibus etiam reliquis, ad quos pessimi ausus causa pertinuit, seriùs quidem, justam tamen Numinis, & Regis Lusitaniæ iram expertis, cujus jussu Barettus inducto in Monomotapam exercitu, A. 1569. diligentissimè conquisitos, morte turpissimà post exquisita tormenta multavit, effecitque ut Regià Urbe Mahometani omnes proscriberentur. Excepit præterea mortem Gonzalvi inaudita agrorum calamitas, innumerabili locustarum multitudine, quæ objectu suo Solis lumen ipso in meridie tegebant, omnia latè depascente, unde etiam strages hominum immensa. Ipsam etiam Reginam matrem suam, quod neci Gonzali consensisset, aliquot post annis furiosè pœnitens Rex, occidi imperavit.

Cæterum excelsà prorsus & minimè consuetà fuit Gonzalvus virtute, in Deum ac Divina affectu penitus absorptus; hinc sæpe in cubiculo repertus est à sensibus omnimode abalienatus, & à terra sublimis in aërem elatus. Cum rem Divinam faciebat, adeò frequenter extasim patiebatur, ut quid, quove loco dicendum esset, à ministro quærere cogeretur. Ad quam ut tantò purior accederet, sæpe visus est iterum ac tertio eadem die confiteri. Multas quotidie orationi dabat diurnas nocturnasque horas, genibus semper flexis, oculisque ab obtutu in Cælum, (quo mirificè se excitari dicebat) nunquam deflexis. In Virginem immaculatam tenerimo prorsus ferebatur affectu, eamque omnium semper suarum actionum Præsidem constitutebat. Effigiem illius ubi ubi conspiceret, profundà capitis inclinatione; si solus aut in tenebris esset, genuflexione venerabatur; eodem venerationis gestu, quoties in decursu Rosarij salutationem Angelicam repeteret, eam avère jubens. Et hanc salutationem, quolibet ejus festo millies repetebat, uniuscujusque principio genua in terram submittens. Ex hac cum Divis familiaritate, nil mirum est multa eum arcana seu de absentibus, seu de futuris didicisse. Nam & Bracharæ Collegium Societati statuendum, licet omni ratione tunc obniterentur cives, ne quibus Religiosis apud se daretur sedes, prædixit: & fratri suo Alvaro classem in Turcas ducenti, eladem accipiendam prænuntiavit. Cui vaticinio hic minimè fidem adhibens dum in hostem movet, tanto illum terrore vel



vel ipso conspectu complet, ut pacem postularit. Quam aspernatus Alvarus, & victoriam sibi ex hostium timore spondens, joco etiam Gonzali dicta explosit; tandem, inquit, *compertum est, non semper fratrem meum vera predicere; en falsus vates, in hoc saltem eventu deprehenditur.* Verum mox ingenti clade ex conflictu accepta, didicit non in prosperis magis quam adversis, veridicum fuisse Gonzalum. Philippæ forori ex conclamato morbo sanitatem, & prolem simul masculam, domus tam lautæ hæredem, quam post 10. menses re ipsa enixa est, adpromisit. Obedientiæ illius, quæ nutum etiam superioris observat, tenacissimus fuit, ne ad momentum quidem iussa eorum differre solitus. Contigit eum ex Urbe Portuensi repente Conimbricam à Rectore revocari, cui ut mox obtemperaret, nullis Virorum illustrium, aut Socij argumentis induci saltem ad eam moram potuit, quæ calcei festinato refarcirentur: sed hyeme frigidâ atque humidâ iter aliquot dierum nudis pedibus arripiens, totus aquâ & luto perfusus Conimbricam ingressus est. Id quod illi in omnibus missionibus, ex peculiari paupertatis studio, semper fuit commune; in quibus si elatos domo calceos contrivisset, reliquum viæ nudis conficiebat plantis, nec ullis precibus adduci poterat, ut alios ab extraneis oblatos adhiberet. Charitatem in proximum abundè loquuntur ea, quæ in salutem eorum ad sanguinis usque profusionem gessit. Quos ut ad Cælestium curam incitaret, ter quaterque unâ die dicebat, tantâ animi contentione, ut aliquando sibi manum clavo transfixerit, dum pulpium concutit, nec tamen ipse quidquam seu doloris, seu sanguinis, qui copiosè manabat, adverterit. Binas ternasve horas dicendo extrahebat, tam suspenso auditore, ut cum in oppido Tomarense duodecim semel horas in Parasceve continenter dicendo extraheret, à nemine desertus sit. Portuensi in Urbe cum inciperet alterâ vel tertiâ à meridie horâ, ad noctem usque producebat dictionem. Pro omnibus autem in parandas conciones libris illi erant, Christi Crucifixi, & Deiparæ imagines, præter quas nullos, nisi Breviarium, Sacra Biblia, & vitas SSrumolvebat.

Incidens aliquando in unum ex Socijs perturbationibus animi, quas ipse vultuterior prodebat, agitatam, *quin tu marorem istum, inquit, ex animo depellis? qui in famulatu DEI sunt, eos lætos & hilares oportet esse.* Tu Pater, ait ille, *Sanctus es, atque ita animum*


*habes ab omni perturbatione sedatum; Certè si hisce, quibus astuo, tentationum fluctibus jactare, non posses ullo gaudio aut pace frui.* Gonzalus Socium miseratus, in secretum locum deducit, dorsumque illi suum denudans, ostendit pene fractas & ruptas verberibus costas. *Quid animum despondes, inquit, mi Frater? tene solum hostis sollicitat? quis in hac vita, quæ militia est, pacem habet, aut à damone inducias? nec flagella timet, nec plagas istas; me frequentissimè impetit; sed persto auxiliante Numine, & victurum spero.* Ne te perditum puta, aut desertum à DEO. Hoc quod calamitatem putas, DEI benignitas est, gloriæ nobis segetem ministrans; non ideo patitur hominem oppugnari, ut succumbat, sed ut ipso Duce & Commilitone vincat. Quibus verbis, sed maximè insolentè spectaculo tota subito ex corde mærentis dispulsa tristitiæ nox est, & maxima animo ingenerata fiducia de hoste triumphandi. Cum alijs gubernandis in Lusitania præesset, nihil ipso in monitis dulcius, nihil in imperio suavius, rogare videbatur dum præcipiebat. Et quemadmodum nihil de necessarijs subditis deesse, ita superfluum nihil adesse patiebatur; exceptiones maximè illas sive in victu & cultu, sive in rebus alijs quibusvis exofus, quas uti vitæ communis pestes, & Religiosæ disciplinæ quàm maximè adversas, ab Societate omnimodè ablegare laborabat. Si quem sciebat ex subditis mærore, aliòve animi morbo cruciari, non quiescebat, donec ipsum aut per se, aut alterius operâ, illo malo liberasset. Quando horâ consuetæ relaxationis ad valetudinarium non ibat, vel operam coco dabat in abstergendis vasis escarijs, vel cum illo, alijsque adjutoribus rei domesticæ, pijs de rebus sermonem conferebat.

Sexaginta & amplius annis à nece Gonzali missus ab Indiæ Pro-Rege Ludovico Atai-da Alphonfus Barbuda in Monomotapam, ut auri metalla lustraret, dum Cuamam fluvium enavigat, tribus Mauris Principibus comitatus, haud longè ab Arce Tuise, truncum in ripa validum conspexere, quem versicolore magno numero volucres infidebant, aëra cantu multiplici permulcentes; earum pars una exorto sole digressa est, alterâ suum carmen prosequente, donec illa revollasset; alternabantque, uti narrabant piscatores indigenæ, excubiarum vices. Mauri Principes cupidi rescire quid id esset, moluntur exscensionem: sed admoniti periculum ingens imminere à tigridibus, aliisque feris belluis, quæ proximos saltus infederant, nihil



temerè sunt aggressi. Aiebat senex piscator interrogante Barbudà, exundantibus aquis lignum illud in ripam esse eiectum, adalligato albi hominis (sic Europeos signat) cadavere, nigris induto vestibus, & quadrato pileo, calceis, caligis, chamyde obvoluto. Mox ab excelsa rupe in sylvam proximam profiliisse tigrides, feràsque alias, quæ unguibus pectoribusque junctis palum illum ad pedem rupis deportarint; inde distracto fune corpus dorsis subvectum intulisse in sylvam, excubarèque continuo, ne quis accedat. Duce[m] quendam exploraturum, quid illud esset cadaveris, quid belluarum, arcuisse telis feras tantisper, dum proximas in arbores evaderent duo Mauri, qui rem inde per otium specularentur. Illos toto biduo acriter in omnia intendisse, integrum illibatùmque corpus vidisse: illi feras advolvi pronis capitibus, & vices quasi vigiliarum alternâ successione mutare. Aves rari coloris, rostris ac pedibus albo rubroque distinctas, admodulari: quinas in decussim aquilas affi-

dere, quæ suas item stationes vicissim inter se varient, prope feras metus expertes. Eas se volucres belluàsque Barbuda vidisse narrabat, credique cadaver esse Gonsali Sylverriæ, cujus inter eas gentes veneratio magna sit, & benefactorum recens memoria, & videri in ea tempora tam prodigiosè fervari à DEO, quibus idoneus illi cultus designetur. Hæc ipse Alphonsus Barbuda, rebus gestis & Sacerdotio venerabilis, Ulyssipone, cum remeasset ex India, ad P. Franciscum Goveanum, hic ad P. Antonium Colassum, qui pro Lusitaniæ negotijs Madridi fuit, perscripsit: & in suam Cosmologiam sacram theoria 9.n.7. & 9. retulit P. Gasparus Ruthardus.



## P. ANDREAS GVALDANEZ.

**I**N celeberrimam illam ad Æthiopyas Abyssinos, Ecclesiæ Catholicæ à Schismate Græco conciliandos, expeditionem, quam ad instantiam Joannis Regis Lusitaniæ Julius 3. Pontifex Max. primùm quidem designavit, postea autem Paulus 4. executus est, tredecim fuere ab ipso S. Ignatio delecti à Societate viri, sanctimoniam non minùs, quàm eruditionis laude præstantes: quorum caput & dux Joannes Nunnus, in Patriarcham Æthiopiæ consecratus, præter duos sui muneris Coadjutores, & in munere Patriarchali, si satis decederet, designatos successores, Andream Oviedum, & Melchiorum Carnerium, illum Hieropolitanum, hunc Nicenum Episcopos; in reliqua selectissima sacerdotum decade numeravit etiam P. Andream Gvaldanez, ortu Castellani, Societati Conimbricæ A. 1555. adlectum. Hic ex Granatensi Collegio, ad cujus primordia insignem operam collocaverat, reversus in Lusitaniam, in Indiam solvit A. 1556. ætatis 41. navigatione exitu quidem felice, tempestatibus tamen gravissimis fætâ, quarum periculosissimam ad Promontorium Bonæ spei, solâ aquæ à se benedictæ in pelagus aspergine, Patriarcha sedavit. Goam appulsi tristia omnia, & pejora expectatione inveniunt. Nam &

P. Consalvum Rodericium ab Æthiopia reversum offendunt, difficiles loquentem aditus in eas partes, & Regis animum à recipiendo Patriarcha alienum: simulque detristi Sociorum naufragio, qui aliâ navi ab Ulyssipone Goam vehebantur, intelligunt. Dum enim à cæteris navigijs divulsa ipsorum oneraria à Mosambico vastum præcidit Oceanum, in Syrtim per tenebras noctis impingitur. Dirupto alveo nautæ vectorèsque 300. circiter in Insulam desertam, ex aggestu duntaxat arenæ in tumulum modici ambitus exurgentem, evadunt, modico vini, & cibariorum aquis fere vitiatorum, fluctibus subducto. Extemplo Navarchus opis petendæ gratiâ, scapham cum eximijs viris 30. conscendit, & leucas 500. emensus, haud sinè miraculo Goam applicuit. Mox è naufragæ onerariæ reliquis tabulis concinnato raptim navigio, 50. ferè alij conscenderunt, & post innumerabilia discrimina, aut potius continuam mortem, Cocinum incolumes tenuerunt, vulgo eos, tanquam bis natos homines spectatum, occurrente. Remansere ad 200. & in ijs è Patrum numero tres, Consalvus, Paschalis, & Alphonsus Lupius: qui suam in ratem ab antecedentibus invitati, præcipuam conditionem in communi discrimine recusarunt, ne tot animas affi-





*P. Andreas Gualdanez Hispanus Soc. IESV. pro Fide Christi à  
Turcis sagittis confixus Mazua in Aethyopia. A. 1562.  
C. Secreta del. M. K. Kügel f.*

afflictas periclitantesque destituerent. Nonus jam in arenaria illa insula miseris fluxerat mensis. jamque vitâ se ipsam absumentem, aridæ fluebant buccæ, miserabili oscitatione hiantes, neque aliud extremæ fami remedium, præter mortem expectabatur. Cum autem frustra adhuc quædam fractæ navis restarent, ratem aliam moliuntur, haud quidem spe Indiam attingendi, sed ut specularentur, si quid uspiam appareret effugij. In hanc 31. ascendunt, duobus aquæ cadis, & aliquanto aridi piscis imposito, & cum ijs uno omnium voto Patres, sperantium, si quid uspiam inveniretur auxilij, suâ illos caritate facturos, ut & ipsi participes fierent. Et jam alterum mensem per avia Oceani errabant, quatuor interim ex fame enectorum

cadaveribus in mare abjectis, cum plures numero conspicantur insulas: ad quarum unam pulcherrimis palmis prætextam excendere dum contendunt, appellere nunquam, tanta virium fuit debilitas, potuerunt. Itaque ad Insulam humilem ac propè demersam fluctibus, planèque sterilem, levandæ ratis causâ partem vectorum cum Patribus exponunt: ipsi autem ad fertilem palmarum alteram commeatûs parandi causâ applicantes, dum famem diuturnam avidius, ut ferè fit, non tam explent, quàm obruunt, gravissimo prostrati languore, tum demum ad socios in maligna insula redire potuerunt, cum præter duos vix adhuc spiritum trahentes, omnes unâ cum Patribus fame enecti sunt: quæ eadem fors naufragorum turbam in



in prima illa p̄r̄exigua insula relictam, cū ob parvitatem suam obscurior à celocibus Goanis reperiri non posset, oppressit, nec antè inventi sunt, quàm inediā omnes ad unum absumpti.

Utraq; fors Patriarchæ & Socijs dolenda visa est, & prior de profectione ad Abyssinos in consilium continuè adducta. Ac Patriarcha quidem, licèt asperis & periculosis in rebus tamen sese in omnem aleam Christi causā paratum ostendere: ceteris nequaquam, ac præcipuè Pro-Regi & Goano Archi-Episcopo, è Sedis Apostolicæ dignitate visum, ejus fastigij personam Schismaticis præbere in ludibrium & contumeliam. Ne tamen legatio penit⁹ intentata defereretur, Andream Oviedum Episcopum cum P. Gualdanez, P. Emmanuele Fernandio, & tribus Fratribus, Gonzalo Cardoso, Francisco Lupio, & Antonio Fernandio eò præmitti placuit, quos deinde omnes Oviedus sacerdotes creavit. Itaque in Martio A. 1557. iter ingressi, à Barnagazio Rege, Abyssini tributario, perhumaniter excepti sunt, indigenis undique ad manus eorum exosculandas accurrentibus. Multis passim per viam Sacramento baptismi & pœnitentiæ expiatis, cū unius jam diei tantum iter abessent à Regia, missō nuntio vetuit ultra Rex, quoad ipse advocaret, procedere. Quatriduo lapsō evocati, perhumaniter à Rege excipiuntur. Facile tamen adverterunt Regem in hæresi Dioscori obfirmatum, magnopere ab Ecclesia Catholica abhorrere, ideoque Concilium ab eo convocari ex suis, ad disceptanda Religionis utriusq; dogmata, urserunt: in quo dum felici successu errores Dioscori refellunt, Turcæ in fines Abassiae irrumpentes, Regem à cura Religionis ad armorum tractationem avocarunt. Quem ubi in hæresi obstinatum advertit Oviedus, proficiscenti in bellum, exitium & interitum, qui etiam consecutus est, prædixit. Successor Regni Adamus Sequedus Catholicis longè infestior, non tan-

tum severè interdixit, ne quis Æthyopum ad eorum Sacra accederet, sed etiam Oviedum cum Socijs, 6. circiter menses in aspera horridaque custodia habuit, ac mortem etiam, quòd Fidem prædicare non cessarent, intemtavit.

Atque in his aliisque gravissimis ærumnis, quibus ferè solis æquanimiter toleratis DEO obsequium præstabant, sextum jam annum in Æthiopia versabantur, ex quo nihil de eorum successu Patriarchæ alijsque Goæ innotescere potuit, aditu omni & commercijs cum India armis Turcicis intercluso. Oviedus ergo cupiens Indiæ Pro-Regi statum Æthiopiæ perspectum facere, ad maturanda, si qua viderentur opportuna rei Catholicæ tutandæ consilia, quia literis omnia geruntur remissiùs, per hominem qui cominus tractaret, cuiusq; fides & auctoritas plurimum polleret, id præstare constituit. Nullus Andreâ Gualdanez aptior visus, viro rerum Æthyopicarum experientissimo, sibi que percaro. Is dum petit Mazuam, quæ Urbs est Insulæ cognominis in Erythræo litore, quâ trajectus in Indiam est, in Turcas incidit; quibus ex vestitu proditus, quòd Christianus & Sacerdos esset, unâ cum Lusitano itineris comite, cū ad ejurandum Christum nullâ vi adduci possent, barbarum in morem telis confossus, viam & vitam felici exitu confecit, A. 1562. Vir fuit ut pulchro corpore, ita antiquâ simplicitate, spectatâque virtute, ut de eo passim usurparetur, quod de Nathanaele dixit Salvator: *ecce verus Israëlita in quo dolus non est.* Et cū summo juvandorum Abyssinorum desiderio æstualet, simul atque ea loca attigit, ingenti conatu gentis idioma sinè doctore, semestri adeò perfectè combibit, ut multa ex nostris ad Religionem spectantia aptè traduxerit, quæ & Catholicis ad conservandam Fidem & virtutem, & hæreticis ad depellendos errores, magno usui fuere.

### P. IGNATIUS AZEVEDIUS, cum 39. Socijs.

**I**gnatius Azevedius, citra etiam pretiosam hanc mortem, inter summa Societatis lumina memorari dignus, illustrissimâ Lusitanæ familiâ natus, Patrem habuit Emmanuelem, Regiâ familiaritate conspicuum: germanos Franciscum, cui Majoratū, & fortunas omnes transcripsit; & Hie-

ronymum, Indiæ postea Pro-Regem, cujus Imperio Zeilanum armis suis adjecit. Ignatius postquam ætatis anno 22. Paternum Dominatum ætatis prærogativâ obtinuit, DEO cor ejus tangente, humanarum rerum nauseâ, & æternorum desiderio, in ipso dominandi limine usque eò tangi cepit, ut in Exercitationibus S. Ignatij Conimbricæ animum, ad





P. Ignatius Azevedius S.I. Illustrissimâ Lusitania familiâ oriundus, in itinere Brasiliæ a Calvinistis pro Catholica Religione mari demersus A. 1570. 15. July.  
C. Secreta del. Melch. Küßell f.

ad inveniendam voluntatis divinæ exequenda viam modumque applicans, dimissis Fratrum opibus, & lautas nuptias aspernatus, totum se DEO in ejus Societate addixerit A. 1551. Tyrocinium fervore maximo auspiciatus, infra omnes se perpetuò demittebat, silentio ita deditus, ut die toto sæpe nihil proloqueretur, sed totus in DEI contemplationem intentus, lachrymas affatim funderet, quibus & humum largè, & scabellum si cui innitebatur, perspergebat. Inclementia sui corporis verberandi aspera atq; atrox, omnis denique sui habendi ratio adeò austera, ut macie deformatus vultus penitus concideret. Quarto post anno Ulyssiponenfi Collegio præesse jussus à S. Ignatio, eodem planè tempore, quo Gonsalvus Sylveria Domui Professæ Præpositus est, tanta utriusque vir-

tutis apud S. Ignatium erat opinio! ipse ad domesticam sollicitudinem, nosocomiorum simul procurationem adjunxit, & quos omnium miserrimos ac tabe defluentes notabat, suâ ipsius operâ procurabat. Quo in munere versanti, discedens ad sufficiendum demortuo S. Ignatio novum Generalem Romanum Michael Turrianus, cum insuper vices suas in administranda provincia commisisset, ille pedes obire provinciam, calceos, vestes Sociorum reficere, omniâque Coadjutorum munia tantò impensius supplere. Inde ad regendum Bracharense Collegium, tum primùm à Bartholomæo de Martyribus è Dominicana Familia Archi-Episcopo Urbis excitatum evocatus, præter alia excellentissimæ Charitatis opera, felicissimè in dissidentium capitali hostilitate, animorum



conciliatione, quos neque Archi-Episcopi, neque Regis auctoritas redintegrare poterat, quibusque tota civitas invicem distracta, rixis atque odijs diffidebat, elaboravit.

Duo imprimis erant, qui inveteratis odijs concurrentes, invicem graviter mutilaverant, & inimicitias nihilominus immortales exercere pergebant. Horum animos diu multumque versans Ignatius, eò tandè inclinavit, ut in gratiâ redituros omnino sponderent, diemque, quo in templo Collegij pax sanciretur, condicerent. Et quidem statuto die maturè adfuit alter, alterum diu morantem sollicitus Pater, missò nuncio advocandum cogitabat, cum opportunè vir vulgò bonus in templum venit. Hunc ergo per idoneum fore nuntium ratus, demissè rogat, ut laborem hunc in se suscipiat. Ad quæ vir bonus, *omnia mihi alia*, inquit, *Pater impetra: hominem illum decimum jam annum non alloquor*. Pater mente breviter ad Deum elevata, atque *Divino consilio te huc advenisse adverte, ut tecum etiam inimicitias componat*. Per ego te *Christi sanguinem rogo, ne hinc nisi redintegratâ amicitia hodie discedas*. Quo ad Collegium deducto, socijsque ut interim colloquijs eum detinerent commendato, redit ad templum, alium internuntium quæsiturus. Et incidit commodè in Civium alium, quem eadem, quâ priorem humanitate interpellans, idem penitus responsum accipit, mandaret Pater aliud quidlibet, sibi cum eo homine jam diu non convenire. Et hunc intercipit Ignatius; ac tertium in quem incidit, submissè idem preceatur; at ille nihilò secius quàm priores excusat, pridem inter illos jurgia & dissensiones intercedere. Et hoc quoque retento, tandem qui expectabatur advenit, & pro una quadruplicem pacem integravit. Accidit ibidem, ut nihil panis totâ domo haberetur, cum nihilominus Ignatius signum conveniendi ad prandium Socijs dari jussit: & ecce eodem momento pro foribus adfuit mulier, nulli antea nota, quæ canistro panis deposito disparens, nunquam postea comparuit.

Postulatus ab eodem tunc fuit concionator per Quadragesimam ab Urbe Barcella, quod onus in alium minimè deponendum ratus, ipsemet eò, & pedes accurrit. Eo in itinere ad Pradum fluvium pluvijs tumefactum ubi ventum est, post brevem precem, incertum quâ vi, modòve, ipse unâ cum socio in altera amnis parte translatum seprehendit. Cavatum ejusdem Provinciæ fluvium rapidum cymbâ cum trajiceret,

ecce immanis arbor aquis deversa jamjam incurrere, quæ neq; urgendo declinari jam, neque sistendo posset. Conclamare vectores de certo exitio inopes consilij; at Ignatius omnibus quiete confidere jussis; truncum jamjam irrudentem levi ramo apprehenso à cymba, perinde quati levem stipulam diverstit. Idem aliquot post annis in lustratione Brasiliæ actuario lembo vehebatur, cum ingens bellua è cetorum genere apparet, quæ in minora navigia incurrere solent, atque in prædam subvertere. Omnibus certum ab ea exitium præstolantibus, Pater in Dei fiduciam animis erectis, brevi preceatione monstrum abegit. Civitati Barcellæ, aliâ penitus facie, quam ternis subinde & quaternis per diem dictionibus, alijsque Societatis ministerijs excolebat, inductâ, in reditu Bracharam, asellum præ se, sarcinulis & missionum ejusmodi necessario apparatu onustum, unâ cum socio agebat. Itaque spectaculum de se Urbi facturus, optionem facit socio, malitne asello vectum se pedes capistro ducere, an contrâ præeunte se, ipse in Urbem vehi. Anxius aliquantisper socius, utri ex his despicationis inesset amplius, ut illud in se transferret, tandem præoptavit vehi. Tum Ignatius apprehenso jumentum, quàm longum erat, capistro, per Urbem mediam Collegij Rector jumentum, cum sessore socio trahit, magnâ Civitatis ignominia, quam Ignatius quærebat, loco, admurmuratione. Porro tam durus in se verberibus, perpetuo cilicio, jejunijsque emaciando fuit, ut necesse haberint superiores socium ei cum potestate adjungere, qui suo arbitrio hæc illi temperaret. Accidit aliquando, ut domesticorum quispian spurijs cogitationibus vehementius infestaretur, qui tamen ubi in Ignatij vultum oculos convertit, & ab eo vicissim blandius aspectus est, omnis momentò fæditas animo depulsa cessit.

A. 1565. demortuo Jacobo Lainez, alteri post S. Ignatium Societatis Præposito Generali suffectus S. Franciscus Borgia, cum plures in diversas provincias pro se misisset Visitatores, in Brasiliam designavit nostrum Ignatium, qui post periculosam navigationem, longè majoribus periculis obnoxia Provinciæ lustratione ex animi voto perfectâ, remensus est Oceanum, itérque Romam; & segetem quidem multam, & ad messem albam esse retulit, operarios autem paucos. Igitur eodem cum auctoritate Provincialis redire jussus est, factâ simul potestate colligendi ex Hispania, quotquot sponte se offerrent.



rent, socios, itémque tyrones, & tyrocinij candidatos, quos compertum erat in linguis barbaris perdiscendis esse aptiores, cæli item solique genio, & alimentis facilius afuescere. Antequam Româ discederet Ignatius, Pium V. ad osculum pedum accessit, à quo Indulgentias pro Socijs Brasiliæ omnibus, Agnos cereos, Sanctorum reliquias, & præter unum ex undenis millibus Virginum caput, effigiem insuper Deiparæ ex S. Lucæ prototypo expressam, perrarum eâ tempestate munus dono accepit. Indè per Hispaniam instituto itinere, socios expeditionis 71. collegit. Dum navigandi tempus Ulyssipone expectat, quia nulla nostrarum ædium tot capitum, præter sua capax erat, omnes in Collegij suburbanum prædium, situ ac solitudine exercendis animis prorsus idoneum, conduxit. Ubi vitam planè Angelicam agitare, orationi, meditationi, rerum Divinarum lætioni, suique per omnia pœnarum genera mortificationi intenti, ad omnia exemplo suo illis præeunte Ignatio. Inter hæc negotij cujuscumque causâ Eboram ipsum excurrere contigit, ubi in odæo Templi nostri fortè orationi vacans, spectavit nostros infernè sacris exorcismis nequidquam malum genium è corpore energumeni exigere conantes: cujus ipse misertus, silentio descendit, atque ex improvviso accedens, Rosarium quod manuolvebat, miseri collojnicit, cujus impatiens hostis infernalis, è vestigio hominem deferuit, nullo ampliùs mali hospitii indicio remanente. Ut conscendendi tempus adfuit, Ignatius suos omnes Ulyssiponem advocat, incredibili gestientes lætitiâ, quorum sermones, & invicem gratulationes, de cælo, de morte, de Martyrio, crebriùs quàm de Brasiliâ fuere. Quibus interna divisis navigia, cum designato Brasiliæ Præfæcto Aloysio Vasconcello, septem navium classe in Brasiliam solvit. A. 1570. die 5. Junij. Ipse rei culinariæ administratione sibi assumptâ, ita omnia disposuit, ut perinde atque in Collegijs sua orandi, legendi, meditando, conscientiam examinandi, tempora observarentur: Christiana etiam disciplina turbæ navali explicabatur quotidie, Litanie de Sanctis vespere publicè decantabantur ante iconem Deiparæ super ara collocatæ, super qua etiam Dominicis & festis omnibus Missam, ut vocant siccam, Sacrosanctæ consecrationis expertem, Ignatius faciebat. Octavo navigationis die Materiam Insulam Lusitanici Juris, non procul Canarijs seu Fortunatis tenuerunt, ubi Prætor certis de

causis aliquantisper subsistere cùm decrevisset, institores & nautæ ejus, quâ Ignatius venebatur, onerariæ, in Palmam, unam ex Canarijs, præeundi copiam, privatorum negotiorum obtentu impetravere. Ignatius ob crebra Piratarum illic latrocinia principio digredi à classe reliqua abnuebat; sed cùm nihil propinqui discriminis in exiguo illo ad Palmam trajectu appareret, & tot suorum in reliquas naves dispertiendi opportunitas, si suam defererent, vix adesset; ne videretur periculo, quod terreni lucri spe contemnebant mercatores, ipse in animarum quæstu institor absterri, precibus naviculariorum cessit. Igitur priùs publicâ communione omnibus in navi indictâ, accitis deinde suis optionem dat, malintne tantisper morari in Materia, an inferendæ in odium Fidei periculum mortis experiri? Quatuor ex omnibus cessere formidini vitæ studio, quos ipsos etiâ constantia postmodum ab incepto vitæ Religiosæ defecit. Quadraginta Ignatium secuti, eos qui cum P. Diaz remanebant, veluti gloriæ suæ præfagi, postremum amplexantur: quos omnes sacro Agni cerei amuleto Ignatius armavit. Ventus principio aspirans, medio in cursu eos destituit, cùm interim invicem omnes perpetuis ferè de Martyrio sermonibus, ad mortem se animarent.

Inter hæc vota subitus ex adverso ventus navim arcet portus ingressu, quem propè jam tenebant, & ad Insulam Tertiam propellit. Hic Ignatius oblatâ sibi terrestris itineris, utpote longè securioris & brevioris ad optatum terminum commoditate, illud amplecti cum suis constituit. Et jam complures sarcinas navigio efferri jusserrat, cùm repente consulto per Sacrificium (quod in omni deliberatione solenne habebat) Numine, & socijs sacro epulo refectis, mutatâ mente, sese cum omnibus onerariæ restituit. Miro prorsus DEI consilio ad destinatam gloriam eum impellente; cujus etiam dispositione factum credi potest, quod intervallum 80. leucarum Palmam à Materia dirimens, diebus 15. navi expeditâ, neque multum adversantibus ventis, vix decurrerint, quod tamen Jacobus Soria, nobilis Pirata, gente Normannus, ferox Calvinista, & à Joanna Navarra Regina maritimæ rei præfectus, navibus quinque onere depressis triduo permensus est. Is ad Materiam naves septem applicaverat prædabundus, sed denis adversum se Lusitanorum emissis navigijs fugere coactus, ad Canarias classem convertit, & quarto die,



qui Jovis erat, in conspectum Palmæ, & onerariæ nostræ, quæ portum capere vento destituta, neque juvari ab incolis vi maritimâ destitutis poterat, pervenit. Nostri ubi hostilem atque infestam Classem in se rectâ ferri aspiciunt, tormenta expedire, arma capere, omnia ad defensionem certatim disponere. Ignatius autem acceptâ in manus nobili suâ, quam Pontifex donârat, Deiparæ imagine, ad officium cunctos & pietatem, socios autem ad mortem fortiter pro Fide obeundam hortari, quos etiam postremum ita compellâsse fertur: *Hodie Fratres charissimi, uti mihi meus promittit animus, omnes è vita migrabimus, & Divinis in Cælo delicijs cum Christo Duce nostro, cum Beatissima Virgine Patrona, ceterisque calitibus fruemur. Præclarius certe nobiscum agetur, Celi quam Brasilia portum in-vectis. Igitur orationi intentis animis ad subeundam fortiter feliciterque mortis necessitatem nos comparemus, quando scilicet bono Deo complacuit hunc nobis supremum esse diem paranda beatitati sempiternæ: ejus amoris honorique vitam demus, qui pro nobis suam prior erogavit; & decet servis exæquatam cum suo Domino fortunam volentibus & gratulantibus esse. His dictis illi confestim protensis sublimè brachijs atque oculis in Cælum, omnes uno ore respondere: Amen, Domine fiat in nobis voluntas tua, tibi vitam ecce omnes cum sanguine libentissimi devovemus. Tibi hanc animam pro se quisque quam ducimus, & tua gloria reddimus. Interea ex applicata ad onerariam hostium nave, tres ingenti ausu insiliunt: quibus in vestigio necatis, irrumpunt glomeratim alij atque alij, ut jam sustineri amplius vis tanta non posset. Tum Soria ut Societatis homines in ea versari acceperat, quamvis paulò antè captos alios sacerdotes, & è Familia S. Francisci concionatores, indulgenter habitos*

*dimisisset, promiscuè occidi omnes, quo flagrabat in nos odio, imperat, interfice inclamans, interfice canes Papisticos, quoniam isti ad prava dogmata profeminanda Brasiliam petunt. Dein cum abesset propius: precipitentur exclamat, in fluctus Jesuita universi, Papista hostes nostri acerrimi. Ignatius interim Lusitanos ad cadendum fortiter hortatus, moriamur, inquebat, ut viros fortes & Christianos decet, & libenter ad unum omnes ob Christi nomen & Fidem occumbamus. Quas ejus voces ægrè ferentes hæretici, primò quidem in capite graviter sauciatum, & mox tribus lanceis confossum; cum neque jam enecto Deiparæ effigiem avellere possent è complexu, unà cum ea dedere in pelagus præcipitem. Ipse autem intermortuis vocibus socios affatus, Filioli, monebat, mortem nè expavescite, sed DEO gratias agite, quòd vitam vos suo impendere obsequio sinat. Porro corpus in mare projectum, nequiquam ut solet, subfidit, sed brachijs in crucem diductis, aquis innatavit, sacra imagine nunquam è manibus dimissâ. Cùmque diu exanime fluitasset, undis tandem absorptum, emerfit rursus, & nomen JESU tertio invocavit; dimissâ Deiparæ Majoris imagine, quæ cruentis digitorum, quibus eam diu strinxerat, notis signata, à præternavigante quopiam excepta, & nostris in Brasilia donata, hodièque cum sanguineis illis notis magnâ religione colitur. Eadem porro necis suæ horâ visendum se præbuit Ignatius Hieronymo Fratri suo germano, longo locorum intervallo disjuncto, radijs mirè coruscans, & cælesti fulgore gloriosus,*



### Socij 39. P. IGNATIJ AZEVEDIJ.

**D**Um ab impijs in superiore navis parte Ignatius occiditur, P. Didacus Andrada annos natus 40. interim Socios ad gloriosam mortem sub tabulatis partim animabat, partim confitentes expiabat. Qui excitus clamore & strepitu, vidensque Ignatium vulneribus suis immorientem, in amplexum illius ruit, inclamans ad alios: *pugnemus Socij fortiter, nec sanguini parcamus, qui Christi sanguine redempti sumus. In qui-*

*bus verbis pluribus confossum vulneribus, unà cum Ignatio in mare præcipitatur. Benedictus Castrius, similiter infernè cum tyronibus sibi conceditis precationi intentus, simul hostem potiri navis advertit, arrepto Christi Crucifixi signo egressus, hostibusque obviis, ultro profitebatur; Catholicus sum, Romanam Ecclesiam Matrem agnosco, ejus mori filius volo. Inter quæ verba tribus globis trajectus, cum Fidem prædicare non desineret, ferro punctim cæsique confossum, in undas etiam-*





Quadragesima Socij IESU, Duce P. Ignatio Azevedio, pro Catholica.  
Fide à Calvinistis in itinere Brasilico, mari demersi. A. 1570. 15. Iulij.  
C. Sereta del. Melch. Küßell f.

etiamnum vivens abiicitur. Emmanuel Alvarum, qui ad domestica Societatis officia à pastoritia vita transferat, vulnere in faciem inflicto, tabulatis allidunt, ossaque brachij utriusque & crura confringunt, & ad crudeliorem cruciatum lentè ità mori permittunt. Hic ubi alios atque alios Sociorum vidit è tabulatis ad lanienam protrahi, ità illos alacriter affatus est, nolite inquietari, Fratres terreri cruciatibus meis, neve mei misereri: invidete potiùs felicitati meae, cui pro suo nomine perferendi quidpiam, nunquam id promerito gratiam Dominus fecit. Jam 15. annus agitur, cum in Societatem adscitus sum: Brasiliam toto jam decennio votis sequor: sed profecto bene mecum actum est, cui tenuis opera merces tam beato fine collata est. Et verò pri-

dem ille cælitus responsum à DEO acceperat & loci, & mortis huiusmodi, quam eiectus tandem in fluctibus consummavit, totamque jam olim cum suis circumstantijs, uni ex socijs Petro Luisio patefecit. Blasio Riberæ, & Petro Fonseca, coram sacra imagine precantibus, gladiatorum capulis crania confregerunt, alteri insuper pugione per maxillam adacto. Decumbebant tunc ex morbo Gregorius Scribanus, & Alvarus Mendez, & dissimulatâ conditioe suâ poterant vitæ consulere. Sed gloriosæ mortis desiderio, injectâ sibi leviter Societatis veste, profligare in publicum seminudi, & jugula ferro præbuerunt. Simon Acoſta Tyro 22. annorum, quod dignitate corporis & indolis ostentaret profapiæ claritatem, Soris à



militibus sistitur: quo sciscitante, sitne Jesuita? cum inficiando dilabi posset, mori tamen in sanctitate Religionis maluit, in oculis suis à Soria jugulari, & in mare præcipitari jussus.

His necatis succedunt tabulatis onerariæ, quò Socios ætate juniores Ignatius abdidit, binosque ac ternos productos, togis exuunt, & adacto iterum iterumque in viscera pugione, semianimes in fluctus deijciunt, præcis etiam, quos validiores ad natandum adverterant, brachijs. Unus Joannes Sanchez adolescens, nobilem mortis sortem evasit, non suo quidem vitio, sed quòd usui Soriæ futurus esset ad coquendos cibos, illi enim muneri inter socios adscitus erat: ex quo deinde omnia hæc conformiter ad Lusitanorum relationes, intellecta fuere. In cujus locum alium Divina providentia suffecit excellentissimæ indolis juvenem, affinem classis Lusitanicæ Præfecti, nomine Sanctum Joannem, qui captus observatâ Sociorum per totam navigationem modestiâ, & virtute, vehementissimè apud Ignatium instabat ipsdem adscribi. Sed ad tempus, ut ipsâ expectatione ardentius incitaretur, dilatus, tandem communis mortis pari exitu ipsis conjunctus, numerum quadagesimum complevit. Hic ergo dum Socij necandi fecernerentur à reliquis vectoribus, ipse sæpius inter sæculares repulsus, semper iterum cumulo Sociorum se inferebat, ut quibus optabat in terris conjungi, eorum Ordini sociaretur in Cælo. Omnibus jam Socijs ità neci datis, quæsitum ex Soria est, quid reliquis vectoribus fieri vellet? ipse, ut suum in nos odium testatum præclarè faceret, manus ab illis abstinere jussit, potestate etiam quò maximè vellent, digrediendi factâ. Mox in res sacras furore converso, Sanctorum reliquias proculcant; caput unius ex undenis millibus Virginis S. Ursulæ Sociarum, è carchesij fune impiè suspendunt; Deiparæ, Sanctorumque effigies per cachinnos in scopum, in quem pugiones ejaculabantur, constituunt; Rosaria, piâmq; reliquam suppellectilem alto demergunt. Christi crucifixi signum unum quidem rogo exurunt, alterum verò sicarum ictibus, inter mille blasphemias, configunt. Unus etiam in Sacrum apparatus indutus, religiosissimas Missæ caerimonias æmulando derisit, & cum cereum Agni orbem ostentasset pro hostia, eum humi dein abjectum, ceteri pugionibus confodere.

Ceterum has flagitiosissimorum hominum crudelitates brevè secuta est vindicis

Dei ultio. Quatuor milites qui Ignatio vulnera imposuerunt, eodem temporis & loci vestigio oculis capti sunt. Ipse Soria aliquot post annos in Patria ad extrema deductus, & flagitiorum conscientiam animi impos effectus, cum neque de penitentia, neque de Deo quidpiam audire sustineret, infelicem animam orco transcripsit. Incidit hic felix Christi pugilum obitus in 15. Julij, qui eo anno Sabbathi erat, quo eodem die & horâ S. Teresa degens in Hispania, & numerum eorum occisorum, & genus, & causam necis divinitus cognovit, renunciavitque eadem ipsâ die P. Balthasari Alvarez; simul testata, se illos cum Martyrij laurea conspexisse in Cælo. Verum illustre prodigium fuit, quod plurimi è Societate in Paraquariam navigantes spectaverunt 19. Nov. A. 1616, quod omnium testimonijs firmatum, Neapolim ità descriptum transmisit P. Marius Falconius A. 1617. *Die Sabbati, inquit, 19. Nov. sub noctem ventus versus in ortum est, qui per noctem omnino posuit, secutâque malacia est usque ad pomeridianum Dominici. O malacia! ô suavisissima malacia! non qualis esse solet, quæ parit tedium navigantibus; siquidem ijs in undis constituti, quæ molle sepulchrum fuere illis undequadragesima Martyribus, quem credis nos sensum dulcedinis percepisse? spectabamus undas, quæ in hanc usque diem apparent tinctæ specioso sanguine, crystalli pulchriores; splendidiore gemmæ pretiosis videbantur ea gutta, quæ ex aquis manu haustis stillabant, nobiliores orientalibus margaritis, quæ si uno sole irradiantur illustranturque, hæc fulgent solibus undequadragesima. Aqua nobis nectare dulciores, quas degustantes, suavisimas percipiebamus. Cum igitur constitissemus, animis præ dulcedine supra ipsas aquas liquefcentibus, & vix non linquentibus, mille se nobis species exhibuerunt in undis, quas attoniti spectabamus. Jam videre videbamur Sanctos illos sauciatos; jam plenis manantes rivis, stillantesque de pectoribus sanguinem, jam discursare carnifices: cum ecce ventus exsurgens aquas turbavit, naves propevit, nostra gaudia diluit.*

Reliquorum 30. qui præter jam relatos, glorioso mortis agone decertarunt, nomina sunt sequentia. Primus, Alexius Delgadus, Tyro, annorum 15. 2. Alphonsus Vaena Tolletanus, opificio aurifex coadjutor. 3. Andreas Gonzalez Lusitanus. 4. Antonius Correa Lusit: ortu Portuensis, 14. annorum, placidissimo ingenio puer, & orationi deditissimus, qui coram SS. Eucharistia aliquando orationi intentus, certior à DEO gloriose mortis factus est. Quo nuncio lætissimus,



in cruciatus quosque acerbissimos spem erigebat. Huic cum hæretici caput illiso bis terve mucronum capulo, quasi dedignantes puerum necare, solum cruentassent, ipse ne mortem amitteret, questus coram socijs duriciem sui capitis est, ex quo vix aliquid sanguinis pro Christo elici potuisset: atque illico ubi in Socios crudeliùs sæviebatur accurrens, unà cum ijs vivens, sinè alio vulnere in altum deturbatus est. 5. Antonius Fernandez Lusit: 6. Antonius Suarez Lusit: 7. Dominicus Fernandez Lusit: 8. Emmanuel Fernandez Lusit: 9. Emmanuel Paceccus, Lusit: 10. Emmanuel Rodriguez Lusit: 11. Ferdinandus Sanchez, Castellanus. 12. Franciscus Alvarus Lusit: Coadjutor. 13. Franciscus Magallianez, nobili loco Lusit: 14. Franciscus Perez Godojus, Hispanus. Hic Salmanticæ literis deditus, cum exerceri meditationibus S. Ignatij impetrasset, Divini Spiritus instinctu ad Societatis vitam percelli cepit. Sed morabatur eum præcipuè superioris barbæ decor, studiosè hætenus ab eo procuratus, quem sibi, quod necesse erat, præcindi, vix in animum inducere poterat. Verùm obruente vi Spiritus Divini, ipse forfices de repente corripiens, barbam omnem penitus reseculit, & Methymnam, Tyrocinium sub P. Balthasare Alvarez positurus, evolavit. Luxit in eo diligentia quædam exquisita, in omni actione exactissimè adhiberi solita; ut interrogatus aliquando, cur infano calore in culinaria suppellectile ad nitorem usque expolienda se fatigaret, quæ mox iterum deturpanda foret? responderit, non præsumere se alioquin opus illud B. Virgini repræsentare, nisi numeris omnibus absolutum. Infederat genæ ipsius infestus crabro, cum peregrinationis experimentum pedes cum socio de more faceret, & jam multo prolucido sanguine, dolorem tumor, inflatiq; vultus sequebatur. Ipse interea certus vespam non depellere, patientiâ triumphabat, donec socius re animadversâ bestiolam abegit. Notatus in tyrocinio defectu finisti oculi, quem ipse cupidine adipiscendæ Societatis in primo examine reticuerat, laborare, fuerat à Societate statim dimittendus: cum P. Balthasar marore animi tabescentem solaturus, spem retinendæ facit Societatis, si in Brasiliam cum P. Ignatio proficisci animum inducat, cui multum utilis Juris Pontificij, & canendi peritiâ esse posset. Ipse conditione lætissimo animo acceptâ, tanto ardore animos ad eam colligere instituit, ut cum in eo apud Olyssiponem intra Collegij prædium secessu datus coco

adjutor, compositis aliquando à prandio omnibus culinæ instrumentis orationi se dedisset, totas septem horas genibus nixus, etiam cænâ neglectâ in ea perseveravit, quia scilicet coquus, qui id facturum promiserat, illum non advocavit. In crudeli illa Sociorum laniena identidem altâ voce exhortans, solennem illam P. Balthasaris in Tyrocinio penitus imbibitam tesseram ingeminabat: *Eja Fratres non degeneremus à præcellis cogitationibus Filiorum DEI.* 15. Gaspar Alvarez, Lusit: Coadjutor. 16. Gonzalus Henriquez, Lusit: jam tum Diaconus. 17. Jacobus Perez Lusit: hic Eboræ operam dabat Philosophiæ, adjecitq; ad Franciscanorum Ordinem mente, ad eorum cænobium aliquando admissionem postulaturus, omisso ludo literario excurrerat. Postero die Magister ab eo pœnas absentiae de more poposcit, cum neque purgaret absentiam, neq; supplicium detrectaret. Quod postquam silentio subiit, ac tum primùm absentiae causam patefecit: admiratus virtutem Magister, & idoneum Brasiliæ expeditioni ratus, conditionem illi proponit: ipse fortunâ oblatâ lætissimus, continuò nomen dedit. Cujus de glorioso exitu ubi Magister postea condiscipulis retulit, illi certatim notatas in eo virtutes enarrare, & locum ipsum, ubi inter illos sedere consueverat, in veneratione habere, & vacuum deinceps semper relinquere. 18. Joannes Baëza, Hisp: 19. Joannes Fernandez, Lusit: Bracharensis, Coadjutor. 20. Joannes Fernandez Lusit: Ulyssiponensis. 21. Joannes de Mayorgo, Vasco. 22. Joannes à Sancto Martino Hispan: 23. Joannes Zaurus Toletanus. 24. Ludovicus Correa, Lusit: 25. Marcus Caldeira Lusit: 26. Nicolaus Dinis Lusit: Is totos jam quinq; annos Grammaticæ classes nullo doctrinæ, sed maximo probitatis compendio frequentabat in Patria sua Brigantiæ. Et cum Societatem ardentissimè flagraret, ab Ignatio in Brasiliam assumptus est, 17. ætatis annu agens. Et cum eo nuncio velut impos animi gaudio exiliret, causam rogatus, respondit, nequire se animo gestienti temperare, ex quo sibi Deus paulò antè spoponderit, haud multò post quàm fuerit Societate receptus, cruentæ mortis gloriam adepturum. Mortem ejus Brigantiam nunciatam Antonius Pinheirus Mirandensis Antistes dum populo pro concione proponeret, Nicolaus ille noster inquit inter alia, *quem hæc vestras sæpenumero plateas vidistis obeuntem, jam Christi gloriosus Martyr est, ingentis gloria coronâ nunquam defesturâ redimitus: quando ego quamvis Antistes,*  
dubius



*dubius salutis mea, atque incertus inter vos sum.*  
Ità ille ex sua privata sentiebat pietate.  
27. Petrus Nunnez, Hisp: 28. Petrus Fonto-  
rus Lusit: Coadjutor. 29. Simon Lopez Lu-  
sitanus. 30. Stephanus Zurara Cantaber. hic  
in signi morum simplicitate & candore præ-  
ditus, digressurus Placentiâ, ubi vestiarius

procurabat, ad sequendam Brasiliam, Patri  
Josepho Acoftæ factus est, se ingenti gaudio  
proficisci, utpote certum Martyrij, quod sibi  
Divina Majestas, quæ fallere non potest, oran-  
ti spondisset. Cùm proijceretur in pela-  
gus *Te Deum laudamus*, altâ voce concinere  
exorsus est,



P. Petrus Diaz Lusit: S.I. cum 4. Socijs in itinere Brasilo pro Fide  
Christi ab Hæreticis in mari demersus. A. 1571. 13. Septembris.  
C. Secreta del. Melch. Küsell f.

### P. PETRUS DIAZ, cum 4. Socijs.

**Q**uodloriosum Ignatij Azevedij cum  
socijs exitum, plenâ pietatis  
epistolâ in Europam perscribens  
P. Petrus Diaz, magnopere for-  
tem suam in ejus calce deplorat,  
quodd à tanta felicitate exclusus, cum alijs  
Martyrij expers, in Materia Insula relictus

fuiſſet. *Obſtupesco sanè inquit, mecum ipse con-  
siderans mutationes, migrationesque nostrorum  
è navi in navem, Olyſſipone primam, deinde in  
hac Insula Materia: ut felix ille manipulus, ſic-  
uti Gedeonis quondam milites, pene viritim à  
Domino lecti fuiſſe videantur. Me in S. Jaco-  
bi navem imponere, (id nomen onerariæ Igna-  
tium*



tium vehenti fuerat) ipse apud Aloysium Praefectum remanere Ignatius jam propè decreverat, sed mutavit consilium, quòd ego tanto bono indignus videlicet fui. Reliqui sumus nunc è Societate ad 30. Captum iter Numinis fiduciâ persequi certum est: utrum eodem eventu, nescimus; illud quidem intelligimus, Jacobum Soriam id vehementer expetere, nobisque tendere insidias. Neque expectationem viri zelosissimi frustratus est Deus, sed ejusdem laureæ copiosius etiam fortè participem fecit, prout fusè enarrat Franciscus Henricus, Praepositus Domus Professæ Olyssiponenfis, epistolâ Romam A. 1571. perscriptâ, cujus verbis totam rei seriem narrare placet. Post obitum Ignatij cum Lusitanicæ naves è Materia Insula cursu in Brasiliam directo solvissent; aliæ alium eventum sortitæ sunt: ea verò, quâ Petrus Diazius cum Socijs aliquot vehebatur, ad Cubæ insulæ portum, cui à Sancto Jacobo nomen est, fluctibus & procellis adeò labefacta pervenit; ut eam relinquere planè sibi necessarium duxerint. Sed cum alia esset ibi nulla, ad Abanam ejusdem insulæ portum in Orientem procedere statuunt; ac tridui primum iter emensi pedibus, & quidem exalceatis, imbre denso atque perpetuo, viâ terribilissimâ, difficultatibus præterea, ut in ejusmodi regione, maximis, exiguo & aperto sese committere navigio, ventis pluviasq; adeò expositi, ut non commeatus modò corrumpetur humore nimio, sed & ipsa quibus induti erant vestimenta pene putrescerent. Eo navigio quatuor & septuaginta leucas Abanam usque provecti, majoris formæ navis in eo portu conductâ, Augusto mense denique ad insulas Tertias, Aloysium Regium Praefectum, & è nostra Societate Franciscum Castrium, & 5. fratres qui antecesserant, assequuntur. His Aloysius navali turbâ vehementius imminutâ, quòd & ex oneraria ipsius in tam difficili ac diuturna mensium quindecim navigatione viri sexaginta perierant, & ad Antillas multi substiterant; multi etiam laboribus periculisque defatigati mutato consilio in Lusitaniam inde revertentur, cum superesset vectorum & nautarum vix quod in unam satis esset onerariam (in quibus tamen ipsis faminae quinque & viginti, imbelli cum puerorum grege numerabantur) redactis in unum omnibus, captum iter unicâ navi peragere instituit; solvitque feriâ quartâ octavo idus Septembris. Porro è Societate nostra (totidem alijs fere tempestate disiectis, de quibus nihil dum certi compertum est) 14. aderant, Patres duo, Petrus

Diazius & Franciscus Castrius; duodecim fratres; Alphonsus Fernandus, Gaspar Goës, Andreas Pais, Joannes Alvarus, Petrus Diazius alter, eodem quo sacerdos nomine, Fernandus Alvarus; & ex novitiorum numero Michael Tarraconensis, Franciscus Paulus, Petrus Fernandus, Sebastianus Lupius, Didacus Fernandus, Didacusque Carvallius.

Dies octo in altum Oceanum prospero flatu provecti, naves quinque sole jam occidente conspiciunt, quarum erant Gallicæ quatuor, una Anglicæ. Eæ dissimulato in noctem usque consilio, conversis deinde repente proris, vento secundo navem nostram insequuntur. Id ut animadvertit Aloysius, ratus (id quod erat) & hostes esse & hæreticos; advocatâ statim concione socios navales ad prælium acriter ineundum hortatur, mortemque ut Christianos deceret pro Catholica religione fortiter oppetendam. Deinde arma expediri, culcitras locis opportunis prætendi, saxorum vim congeri, sulphurei pulveris cados promi celeriter imperat: dispositis denique ad pugnam stationibus, peccata ritè confessus est ipse, & cæteri, quibus eâ nocte confitendi spatium datum est. Verum inalbescente jam die rostrata hostium navis ex earum genere, quos Galeones appellant, ad nostram appropinquaverat amplior & eminentior multò, duabusque tormentorum significationibus, de more jusserrat à Lusitanis vela submitti. Cum illi nequaquam parerent, tum hostes facto ter in onerariam impetu, quinque ex eorum numero occidunt, 17. eosque ferè omnes in eruribus vulnerant, sic ut funibus ne caderent alterâ manu apprehensis, non nisi alterâ decertare possent. Et quamquam hæretici è superiore loco admodum pugnabant, haud tamen incruentum eis fuit certamen: siquidem & initio certaminis de suis 20. ferè amisere, vulneratis præterea circiter undecim, & deinceps tribus bombardæ ictibus læsi gravissimè sunt, quorum uno diffractus malus, & vela prostrata; altero perforatum carinæ latus, non sinè magno eorum discrimine aquas accepit; tertio discerpti decem simul hæretici; quæ tamen erant omnia, non levia incommoda, nihil tamen hostes æquè perturbavit ac vela dejecta, prorsus ut de se actum jam arbitrentur. Tum verò ex ipsa desperatione omnibus connixi viribus, quartum jam nostros invadunt, & minore quàm putaverant negotio superant. Decem quippe non amplius propugnatores erant relictæ, quorum 5. in prora collocati pri-



mo impetu cecidère. Itaque patefacto jam aditu, hæretici ad sexaginta vi maximâ irrumpunt, quos Aloysius, cum duas ferreas glandes, alteram accepisset in pectore, alteram in crure, quamquam exhaustis jam corporis viribus, magno tamen animo constituit opperiri; gladiôque & scuto nunquam abjecto, ad extremum usque spiritum dimicavit egregiè. Ejus morte à reliquis deditio facta, quæ tamen ad mitigandam hostium crudelitatem minimè valuit, nam diabolicis instructi furijs, obvios quosque obtruncant: Aloysium ignari quis esset, nudatum, itémque aliorum corpora, multis adhuc spirantibus, in undas projiciunt. Versus deinde in Sanctorum reliquias, & sacras imagines furor, quarum erat ingens in ea navi numerus. Has hæretici Catholicis per vim extorquere, trahere per tabulata, calcare pedibus, in ignem denique gratulabundi conijcere: simul ore impurissimo in Sanctos, quorum erant illæ reliquiæ, blasphemias evomentes, quas horret animus scribere. Quin etiam repertas vigesimo post die statuas duas, alteram Sacratissimæ Virginis, alteram Angeli, elatas in publicum sacrilegis fregère manibus, caput Angeli per ludibrium totâ navi circumferentes. Tertium & trigésimum vagati diem, capto etiam Algarbiensi navigio, prædam exposuere, postremò ad Orvium promontorium oræ Callaicæ. Classi præpositus erat Joannes Cadavilius Gallus, hæreticus vehemens, & Ecclesiasticorum Ordinum inimicus acerrimus: rostratâ vehebatur eadem, quâ Jacobus antè Soria Ignatium Azevedium & comites ceperat & occiderat. In Aloysium verò Præfectum incidere Calviniani, cum ab Insula Gomera, eam depopulati, solvissent.

Atq; is fuit Aloysij & Lusitanorum obitus, cujus viri de fortitudine virtutèq; frater noster ita multa commemorat; ut pro certo habendum sit, animam ejus in Cæleste Domitium commigrasse. Nunc veniamus ad nostræ Societatis homines, quod maximè nobis propositum est. Ii, cum hostes infesti adventarent, à media nocte ad lucem usque expiandis per confessionem criminibus quisq; suis vacarunt. Deinde tabulata subire jussi, non nisi commisso prælio ascenderunt ad animandos milites, cibo recreandos, & curanda vulnera. Sed quo tempore facta est deditio, in summa navi præter Castrum exstabat nemo eorum; namq; is paulò antè ad excipiendam unius è Gubernatoribus confessionem ascenderat, ad imam proræ turrim ex vulnere animam agentis. In eo munere oc-

cupatum, hæretici vulneribus quàm plurimis punctim cæsimq; confodiunt; irâ maximè perciti, eo quod Ecclesiæ Sacramenta ministrantem offenderant. Nam in cæteros non adeo sævière: in Castrum verò certatim omnes. Sub idem tempus Petrus Diazius, qui ad eam usque horam confessionibus eorum, qui sub tabulatis erant, operam dederat, atq; hilari semper ac sereno vultu animaverat cæteros, Gaspare Goë sequente, in apertum prodijt. Ut primùm apparuere, utrumque Galli confestim occidunt, nec puero quidem ætatis admodum teneræ parcunt, qui à Petro ægre sese divelli patiebatur. Atq; hoc maximè modo tres ij primo congressu cæsi ac nudati deiiciuntur in pelagus. Tum undecim reliqui sedato jam paulisper tumultu, sese invicem plenis pietate sermonibus adhortati, ultro in editiora navis evadunt: nec modo latendi causâ, in cæteram turbam sese non inferunt; sed etiam in unum deditâ operâ conglobati omnes, apertè profitentur, se & ejusdem esse religionis, cujus tres modò perempti, & æquè paratos ad mortem communis Domini gratiâ subeundam. Quos circumfusi confestim hæretici, dictis factisq; eo die toto, contumeliosè ac petulanter illudere ac divexare non desinunt, cum illi responderent nihil, nisi siquid ad honorem DEI, vel ad dignitatem Ecclesiæ Catholicæ pertineret. Ubi nox adfuit, manus ad terga religantur infontibus: atque inter vincendum accidit ut Michaël Tarraconensis è vulneribus, quæ in brachijs principiò acceperat, ingemisceret: quæ res tantum abfuit ut hæreticos ad misericordiam permoveret, ut etiam arreptum furenter hominem, multa ingèrentes probra, è navi præcipitaverint & ne inco mitatus abiret, Franciscum quoque Paulum (nam is erat proximus) eodem impetu deturbârint. Sic eo die 13. Septem: A. 1571. quinq; Socij ex 14. interceptis, in Fidei odiû cæsi sunt. P. Petrus Diaz annorum 54. Lusit: Socijs reliquis Præfectus. Admissus is fuit in Societatem A. 1548. Conimbricæ, ubi deinde in studijs altioribus versatus, & repente illis vale facere jussus, totum annum culinæ ministerijs magno humilitatis præbito exemplo, applicatus fuit. Sacerdotio initiatus nunquam aliter quàm de genibus horas Canonicas persolvit, etiam tum, cum Procuratoris munus magnâ accuratione obiret; ut adeò quoties eum negotiorum causâ, quod fiebat sapissimè, evocatum venirent janitores, semper ferè genibus nixum deprehenderent. Alter fuit P. Franciscus Castrus, & ipse ætate jam



jam grandior, decimum in Societate annum agens. Tertius Gaspar Goëz. 4. Franciscus Paulus. 5. Michaël Aragonius, Catalauniâ oriundus. Barcinonæ dum studeret, documentum edidit indolis Martyrio perquam accommodatæ. Innexuerat ille in publica Academiæ area æmulum scholasticum argumentorum nodis sic, ut quia se expedire ratione nullâ poterat, alapam Michaëli impigerit. Quam Scholasticorum adstans corona, cum ferro rependere hortaretur, ipse ultionem Christi arripiens, & in genua provolutus, alteram adversario maxillam præbuit. Quarto post mense in Societatis tyrocinium adscriptus, A. 1567. cum Theologiam accurate jam persequeretur, Ignatio se adjunxit,

ut in Brasilia primus Philosophiæ studia constitueret. Postremus Gaspar Consalvius, ubi advertit nullam spem vitæ relinqui Societatis hominibus, depositâ veste, calceis & galero, nauticæ turbæ se immiscuit. Sed hæretici multum in capta oneraria ejusmodi turbæ conspicati, ne in alenda tot corpora cibis abuterentur, aliquot eorum, velut inutile pondus, atq; imprimis Gasparem dant è navi præcipitem, neque speratâ vitâ quam quærebat, neq; gloriosâ morte quam fugiebat potitum.



## ALPHONSUS FERNANDEZ, cum sex Socijs.

**N**ecatis per immanem crudelitatem eo modo 5. Socijs, novem reliqui Sacerdotij expertes vinculis injectis in cubiculum unâ navis detruduntur, adhibitisque custodibus totam eam noctem, partemque sequentis diei transigunt. Quorum deinceps pretiosam mortem, & illatas à Calvinistis Gallis Anglisque injurias, ita persequitur eâdem epistolâ P. Franciscus Henricus: Interea alij super alios adsunt ad ostium carceris, tristitia nunciantes, quidam etiam truci obtutu, strictis minaciter gladijs frementes: *Papista, latrones, equis erit aliquando qui vitam vobis eripiat?* & alia ejusmodi. Interea nostri, quasi futura prospicientes, magno animo sese ad extrema quæque paraverant; nec eos fefellit opinio. Nam educi è carcere, damnantur capitis. Jamque parabantur laquei ut suspenderentur singuli è maximo navis malo; cum Præfectus majoris prædæ spe, quod eos putaret pecuniam ad templum in Brasilia exædificandum secum attulisse, rem in præsentia distulit; sed eorum compertâ denique inopiâ, Petro Diazio, Didacôque Carvallio ibidem relictis, septem reliquos in rostratam ex oneraria transferri jubet. Hic eos hæretici denuo circumstiterunt; nec solum in fratres nostros, verum etiam in Romanum Pontificem Christi Vicarium, in Ecclesiasticos ritus, in Sanctos eorumque venerationem, denique in Sacramentum ipsum Altaris, contumeliosa atque impia verba proferre; ad quæ cum illi fortiter admodum responderent, cædebantur pugnis, alapisque frequentibus defensores Catholicæ Fidei:

quin etiam exquirebantur diligenter in summis capitum verticibus, sacræ quas appellant coronæ; quarum hæretici si quas invenerant, has verò iterum iterumque singulitundere, & simul jurgiis & maledictis in eosdem in vehi, cum alijs multis, tum illis præsertim: *Canes, fures, veteratores; per vos stat, quò minus conspirent universi mortales, atque consentiant, sublatisque discordijs ac tumultibus, tranquillâ omnes pace atque otio perfruamur. Vestro scelere non modò in Germania & Gallia, verum etiam Brasilia, atque adeò toto terrarum Orbe prava doctrina diffunditur.* Erat è novitiorum numero Petrus Fernandus faber lignarius, omnium recentissimus ille quidem, sed apprimè humilis & magnâ virtute vir. Is initio deditionis pileo talarique tunicâ exutus ab hostibus, ne deinde fallente vestitu pro sæculari haberetur, & præclaram pro Christo moriendi occasionem amitteret, aggregabat se ad fratres identidem, vultu oculisque ad modestiæ religionisque significationem ita compositis, ut vel ex eo satis intelligerent hæretici hominem esse de nostris. Quo etiam vehementiùs irritati, caput ejus arreptum utraque manu subrigere, colaphis petere, digitis oculos aperire, palpebrasque distendere, paxillos denique mento subdere nè vultum demitteret, ad hæc illum contumelijs incessere ejusmodi: *Canis attolle faciem, frontem exporrigere; quæ ille nimirum excipiebat tantâ non solum animi æquitate, sed etiam oris hilaritate, ut eo bono se indignum existimans, conversus ad Deum diceret: Quo meo mihi merito hoc tribuis, ut pro te patiar Domine?*





Alphonsus Fernandez Lusit: S.I. cum 6. Socjjs pro Fide Christi à Calvinistis in mari ad Insulam Tertiam mersi A<sup>o</sup> 1571. 14. Septembris  
C. Sereta del. Melch. Küßell f.

Per hanc simul procacitatem atque savitiam hæretici eum sese miseri diutius oblectassent, alij demum aliò varios in usus digressi sunt; spatiùmque fratribus datum ad inflammandos mutuis cohortationibus animos, virésque recolligendas: quo in genere Petri maximè Fernandi, ejus quem modò dixi caritas ac virtus enituit, cum in singulos congressus, lætissimo semper vultu ceteros ad constantiam ac Fidem accenderet, atque ad agnoscendam insignem hanc in se Dei beneficentiam multis rationibus excitaret. Cujusmodi sermonibus dum se invicem confirmant fratres, magna rursus circumvenit eos hæreticorum manus. Instituitur de religione certamen: oppugnabant hæretici supplicationes & preces, quibus au-

xilium à Sanctis more Catholico exposcimus, quâ in disputatione acrior coortus quidam ex ijs: *nonne*, inquit, *cernitû in nostra potestate vos esse captivos? quin vos igitur Maria Virgo Sanctique, quorum opem implorandam affirmatis, è manibus nostris eripiunt?* cui fratres: *Si expediat nos esse superstites, Beatissima Virgo Sanctique, & vitam nobis à Domino, & libertatem obtineant utique: sed quia emori præstat, idcirco non impetrant.* Hæc & alia id genus respondebant fratres: quæ illi cum ferre non possent, amentes iracundiâ & rabie, consputabant ora subinde nostrorum: quin etiam quodam Alphonsi Fernandi responso permotus unus ex ijs furênsque: *ob id ipsum inquit, quod ità dixisti, peribis.* Cui Alphonsus utpote Prominister: *non solus ego, sed omnes pland*



*plani mori parati sumus. Atqui expectate* (ait hæreticus) *molossi canes, caput egomet vobis praecidam, vosque (meam fidem testor) in mare projiciam.* Hæc altercatione in canam usque ducta, discedunt hæretici: fratres verò tempus nauci rursus molestia vacuum, de integro adhortari se mutuo, divinam opem in tali tantoque salutis æternæ discrimine expetere; Christi morte cruciatibusque memoria repetendis, sese ad perseverantiam, atque fortitudinem incitare; Deo denique pro tam præclara sibi oblata bene moriendi occasione gratias agere. Interea hæretici expleto epulis ventre, animi quoque feritatem extremo supplicio nostrorum exsaturare constituunt: nec mora: singulos octoni denique circumstant, exutosque tunicis, quantâ maximâ vi quam possunt longissimè à navibus in altum ejaculantur. Ac Petrus quidem Fernandus & Joannes Alvarus, natandi minimè periti, fluctibus hauriuntur illico: ceteri y. unum in locum divinitus congregati, diu sese sustentant, postremum vale sibi dicentes invicem, ac veniam delictorum inter se petentes. Didacus verò Fernandus, quem una cum Sebastiano Lupio (qui deinde superstites ambo fuere) sub noctem hæretici quidam, quasi divino jussu, cibo potuque refecerant, validus viribus, classem, quod è repentina pluvia venti quieverant, tardiùs euntem assecutus, & nescio quo pacto in unam navium acceptus, Divinæ consilio Providentiæ mansit incolumis. Luctantur cum fluctibus reliqui, & quamquam in summa difficultate ac defatigatione, Apostolico Symbolo, precibusque fundendis ad Deum sese contra spirituales nequitias communire non desinunt. Jamque nox erat media, cum Alphonso Fernando in verba præeunte, certos è quinquagesimo Psalmo versiculos decantare ceperunt, atque illum præsertim: *Tibi soli peccavi, &c.* Verum lassitudine tandem victus, & aquarum vi obrutus Alphonsus extinguitur, spectatâ


probitate ac religione vir, cujus præcipuè robur animi ac virtus in hæreticis modo refundendis eluxerat. Hunc autem eo consilio è Lusitania secum abduxerat Azevedius, ut Philosophiam, cui magna cum laude vacaverat, in Brasilia Provincia profiteretur. Alphonsus secutus est mox JESUM invocans Andreas Pais: postremus omnium Fernandus Alvarus mergitur. Tum Sebastianus Lupius in mari medio, nocte intempestâ, densis tenebris, imbre maximo derelictus, elatum sortè quâdam in classe lumen eminus intuens, mille circiter & quingentorum passuum intervallo distantes consequitur naves; quarum ad unam, itémque alteram accedens, & ut admitteretur suppliciter postulans, cum acerbè minitantes hostes, intentaque in se tela sensisset quasi ad extremum perfugium contendit ad unam è scaphis: cujus ad marginem stans sortè quidam hæreticus paulò mitior, tum Sebastiani angustiis, tum etiam fortassis ab se desertæ veræ Fidei Religionisque recordatione commotus, exceptit hominem, penulâque contactum, ac furtim in navem impositum, commentis quibusdam hostium furori atque immanitati subtraxit. Duos autem illos qui in Lusitania navi relictî fuerant, eodem genere mortis, eadem animi magnitudine defunctos accepimus. Porro nobis hæc omnia Sebastianus ipsemet Lupius exposuit. Nostotam rei gestæ seriem his consignatam litteris eidem Sebastiano recognoscendam ostendimus: cujus ille narrationis veritatem ac fidem suo rursus testimonio comprobavit. Hic felicissimus DEI servorum exitus fuit. at longè diversus interfectorum: quorum coryphæus Capdevillius in oppido suo natali Salies, securi obtruncatus à privato inimico est. Crassus Petrus de Btovage præcipuus in præcipitandis in pelagus sociis, & ipse deinde prolapsus in mare, nunquam comparuit.

## P. GONZALUS CARDOSUS.

**P**ater Gonzalus Cardosus ortu Lusitanus, unus fuit è Sociis Andree Oviedi. Cum quo Ulyssipone A. 1556. solvens in Indiam, atque unâ profectus in Æthiopiam necdum sacris initiatus, ab eodem inter Abassinos in sacerdotem consecratus est; fuitque illi deinde cum alijs socijs laborum omnium, ærumnarum, carceris,

exilij fidissimus comes, & adjutor. Et quamvis lucrandis omnium Christo animis sese impenderent, in pertrahendis tamen ad veritatem Catholicam obfirmatis in schismate, Monachis potissimam operam ponebant; à quibus tamen id obtinere, ut nulli impensius ad extirpandas ab Æthiopia Catholicorum reliquias Imperatorem urgerent, quam illi pseudo Religiosi. Gonzalus nihilominus,





P. Gonzalus Cardosus Lusit. S. I. odio Fidei interfectus in  
Aethyopia A° 1574 22 May.

C. Scretta del.

Melchior Küssell f.


nus, periculorum omnium contemptor, & labores in delicijs numerans, dies & noctes hæreticis æquè ac Catholicis indefatigabilem navabat operam. Præcipuus fructus exitit à conciliatis dissidentium, animis quos eà dexteritate tractare noverat, ut arbiter videretur alienarum voluntatum. Quibus in DEI obsequio strenuis conatibus non tantum pretiosam mortem apud Deum est promeritus, sed eandem sibi obventuram cælitus edoctus, disertè alijs prænuntiavit. Contigit subinde illum à Patriarcha mitti in pagum Dambeam, itinere dierum 15. distantem, cum Francisco Lupio comite, ut Catholicos incolas Sacramentorum pabulo & prædicatione pasceret; quam ille missionem magnâ animi alacritate suscipiens, Patriar-

chæ sibi & laboribus futuris bene apprecanti dixit: *Lato atque hilari animo hoc iter suscipio, quod obedientia, qua mihi vitâ charior est, suscipiendum imponit; scias tamen neque me perventurum Dambeam, neque ad te amplius reversurum.* Nec mora; continuo in viam cum socio Francisco se dat. Et jam partem itineris majorem confecerant, cum Cardosus Franciscum monet, instare tempus moriendi: ipsum quoque in eodem periculo futurum, consulat tamen diligenter sibi, & ad communem illius afflictissimæ Christianitatis utilitatem, quam dirè vexabant Imperatores, servet vitam. Nec multò post, cum unâ in sanctis affectibus & sermonibus cæpto itinere pergerent, perdit quidam è schismaticorum secta homines sylvâ erumpunt,



punt, atque utrumq; ferociter aggressi, Cardosum quidem primo ictu contrucidant; Lupius autem vulnere minimè lethali saucius, in densam & secretam sylvam se abdidit, ac post multas ambages incolumis ad suos pervenit; diùque post reliquos Patriarchæ Oviedi locios superstes, etiam P. Emmanuelem, Fernandium, primi post Patriarcham nominis sodalem tumultu intulit. Hic obitùs sui similiter præcius, cum peregrè Fremonà Catholici hominis exceptus hospitio, egredi festinaret, hospiti ægre ferenti, *sine me*, ait, *eo pergere, ubi cursûs mei metam magnus Agnotheta Deus fixit, morituro Fremonæ; ut ibi prope cineres magni nostri Patris Oviedi Patriarchæ sepeliar.* Ut eò pervenit, caput ægrota- re: & Christianis pro viri caritate visentibus, *die*, inquit, *Natalis Christi moriar.* Eosdem nuncio recens appulso consternatos, quòd pseudomonachus schismaticus Imperatori, apud quem gratiosus erat, suaderet, ut reliquias omnes Catholicæ Ecclesiæ neci daret; bono animo esse jussit, addens Pseudomonachum brevè moriturû, antequam im-

petraret, quod petebat. Illucescente prædicto die frequentes Catholicos ad constantiam in Fide hortatus, Missæ Sacrificium celebrante Lupio, cum ijs interfuit, & S. Eucharistiam percepit. Tum vultu latissimo *ite*, inquit, *nunc in domos vestras, sed adeste à prandio frequentes.* Secundùm hæc supremo inunctus oleo, repentè versus in certum conclavis angulum, *ab Domina mea*, exclamat, *ab Domina mea!* Admiratus Lupius, *quid rei est Pater*, inquit, *quam Dominam inclamas?* ad hæc ille cælesti plenus gaudio, *vidi*, ait, *vidi, Virginem Deiparam divinâ luce radiantem: sine abeuntem, sine me vocantem sequar.* His dictis animam efflavit, & Catholici corpus extincti mixtis gaudio & dolore lachrymis rigant, ac venerabundi exosculantur.



## P. MAURITIUS SERPIUS.

**V**iana nobile Lusitaniæ oppidum P. Mauritium tulit, virum Patroni sui nominis strenuum æmulatorem, & plenum generosorum in militia Christi spirituum, cui nomen suum in ejus Societate dedit A. 1547. Videre in ipso erat exactissimam parendi promptitudinem, eâ facilitate & accuratatione ad exequenda, quæ obedientia imperabat, ferri solitam, ut in ipsos moderatorum nutus intenderet. Perpetuam cum DEO conjunctionem, & tenerrimum, quo velut infans in dulcissimæ matris sinu con- quiescebat, per orationem recursum, testabantur assidui lachrymarum imbres, quibus in omni sacrificio, precatione, quovis DEO sermone, quem solum cum proximis ferere semper solebat, suavissimè perpluebat. Magnâ fuit animi simplicitate & candore, cum eximio juvandarum animarum studio conjuncto, ex quibus eò pronior ad opitulandum illis ferebatur, quò fuissent fortunæ conditione tenuiores. In se ipso asperis modis habendo fuit omnino durus & inclemens; aspero setis cilicio plerumq; succinctus; & flagris tantâ in se duritate sæviebat, ut licet nullos in funiculis adhiberet sanguini proliciendo aculeos, membra tamen

copiosè cruentaret, siquidem nullam prope- modum horam diei à diverberatione sui liberam præteribat. Inde perfectum illi fuit in perturbationes, & effrænes naturæ impetus dominium; & simul tantus castimoniæ nitor & facilitas, ut illibatam sepulchro intulisse credatur. Missiones omnes, quas plurimas in Lusitania magno animarum proventu obiit, pedes semper instituit; non alio, quàm stipe corrogato cibo victitans. Accidit in earum una, ut fessus ac semilacer cum socio oppidum ingrederetur, ubi non multò antè sublatum quidpiam furto fuerat, dilapso authore. Ergo in hos advenas externos, quorum species attrita & lacera oportuna facinori videbatur, iniicere manus, latrones appellare, & in commune facinorosorum ergastulum in vincula detrudere. Ille ad dissimulandam personam, nè tam opportuna innocentis tolerantia dilaberetur occasio, persuaso socio, mirè patientiâ gestire, & animo esse æquissimo. Biduo ità in carceribus transacto, adducti qui facinorosos recognoscerent, dum intuentur attentius, non prædones, sed Religiosos de Societate JESU esse pronunciant, quos sola animarum, & Regni Cœlestis præda sollicitet. Tum verò consternati facinore suo cives, culpam de- precari,





P. Mauritius Serpius Lusitanus S. I. odio Fidei in Africa occisus à Mahometanis A. 1578. 4. Augusti.

C. Scrota d.

M. K. f.

precari, inauditam stupere lenitatem, nec velle sinere oppido egredi, quàm illatum dedecus pari honestamento pensarent. Verùm tum demum Mauritius velut ad injuriam erubescere, nihilq; in se immeritò admissum profiteri; dignum qui perpetuis vinculis & carcere, tanquam fera bestia attingeretur. Atq; hæc ille de se ex animo sentiebat, cùm humilitatis studium omnem ei præcellentis sapientiæ & virtutis, quâ exaggeratè fulgebat, conspectum eriperet: quâ etiam suadente, scriptum aliquando Provinciali bene longum suorum defectuum obtulit, quibus ineptus omnino ad quodvis, alios regendi munus, redderetur. Cæterùm, quæ erat ejus explorata superioribus prudentia, vitare non potuit, quin Ulyssipone Domum


Professorum Præpositus, & Eboræ Collegium atque Academiam Rector administraret: in alios porro deinceps atque alios Magistratus evehendus, nisi cum Regis Sebastiani favor, constante viri famâ allectus, ad splendida Aulæ Lusitanicæ ministeria evocasset. In qua Epheborum Regionum, qui è Lusitanæ Nobilitatis flore legi solent, curâ tantisper habitâ, postquam Ludovicus Consalvius Camara, Regijs confessionibus suam operam, Regis veniâ subduxit, assumptus ad eas Mauritius est propensissimâ Sebastiani electione. Ipse autem splendidos illos Aulæ fumos post amatam tantopere suam Religiosam humilitatē habens, itabat in Regiam paupere semper & obsoleto, cui dulciter assueverat, cultu, certus non aliter, quàm ex æviternarum Dei legum dicta-



diſtaminibus, conſcientiam Regis gubernare. Cujus ſui inconcuſſi propoſiti luculentum ſpecimen dedit tunc, quando ab Henrico Infante Cardinale, Regnum pro Sebaſtiano etiamnum impubere adminiſtrante evocatus, ut ſe quoque conſitentem audiret, prorsus diſertèque abnuìt id ſibi integrum eſſe, quamdiu ab Eccleſiaſticis hominibus, contra decreta Summorum Pontificum, vetigalia repeterentur. Sed cùm Religioſiſſimus Princeps id ſe ignaro, ſi factum ſit, accidiffe profiteretur, actis quoque pro libera admonitione gratijs, emendaturum quod peccabatur promptè ſponderet (ut mox etiam præſtitit) tum demum aurem conſitenti libentiſſimè præbuit.

Inter hæc procuratæ Regiæ conſcientiæ munia magnum in vicina Africa inter Mahometanos Principes de Regnis Feſſæ & Marocco exarſit bellum; ad cujus ſocietatem invitatus à Rege Mahomete Sebaſtianus, quia inter conditiones præcipua offerebatur, libera Evangelij per utrumque illud Africæ Regnum prædicandi facultas, ad arma provocavit. Ergo ſpecioſo dilatandæ fidei Chriſtianæ deſiderio, dum totus in reſtituendum ſolio Mahometem intentus, non ſolùm militum inſtituit delectum, verùm etiam intempeſtivo & juvenili fervore abreptus, copias in hoſtem ipſemet educere, immobili conſilio pertinax contendit, multis & magnis rationibus conniſus eſt eum ore libero ab ea expeditione Mauritius divertere. Sed immobilis in propoſito Rex perſiſtens, nullis ſummorum etiam Procerum, & Philippi Hiſpaniarum Regis conſilij de ſententia, quæ certum ſibi exitium, & Regno univerſo calamitatem afferebat, dimoveri paſſus eſt. Igitur obſtinatum ad proſeſſionem Regem certus & ipſe in omne periculum ſequi, caput ſuum DEO inter ſacrificandum pro Rege, Rêque publica ardentiffimè devovet: ubi etiam de ſecutura clade divinitus edoctus videri potuit, quam ita certò & aſſeveranter ſæpius, antequam portu ſolverent, pluribus prædixit. Indigreſſu Ulyſſipone Socijs, atque inter cæteros P. Amatori Rebello, qui & ipſe Regem Sebaſtianum, pueritiæ ejus Ma-

giſter olim inſtituerat, familiaris valedicens, *extremum te hoc Rebelle completor*, ait, *neque poſthac invicem viſuri, niſi in Cælo, ſumus*. Duodecim unà ſocij, quibus præeſſe Mauritius juſſus eſt, cum exercitu tranſmiſerunt; ubi infeliciffimè conſerto prælio, exercitus Chriſtianus internecione deletus, & pauci quidam Procerum vivi in poteſtatem hoſtium venerunt. Sebaſtianus juvenilis ferociæ prodigia edere hoſtibus, omni ratione vivum illum ſervare nitentibus, viſus eſt: ſed cùm indecoram deditionem averſatus, perpetuâ cæde manus hoſtiles à ſe depelleret, tandem vulneribus & telis debilitatus concidit exanimis, ambobus utriusque Maurici exercitûs Regibus, eodem prælij fato & nece ſimul involutis. Fuſo ac fugato Chriſtiano exercitu, cùm pro ſe quiſque ad vitam tutandam diverſè curſarent, Mauritius relicto equo vitam ſaucijs æternam, per ſtratum latè cadaveribus campum cum Chriſti Crucifixi ſigno percuſſans, aſſerere inſtitit. Quorum alios ad ſpem futurorum erigens, alios ad ſupremam luctam Chriſtianè ſubeundam exhortans, alijs ſupremam peccatorum abſolutionem imperciens, unum quempiam ſaucium, atque in vulnere ponentem animam vidit. Confeſſim accurrens humi ſe ſternit, aurem conſitenti pronus accommodat, & à noxis moriturum expiat. Inter hæc dum paſſim obvolitant Mauri victores, unus eum conſpicatus: *Ecquid tu iſthic Nazaræ canis impietatis moliris?* per contumeliam indignabundus exclamat: & librato acinace caput illi bipertito dividit. Ipſe eodem loci ſancto operi immortalis concidit, die 4. Aug. quo pugna conſerta eſt A. 1578. non aliâ cauſâ, quam odio adminiſtrati Sacramenti, in cujus exercitio deprehendi contigit, necatus. Neminem ſiquidem aliorum Patrum qui exercitum ſequebantur, occiderunt, nè pretium ſervitutis amitterent; qui repræſentatâ poſtmodum pecuniâ vindicati, luſtuofæ cladis oculati teſtes & nunciij Ulyſſiponem redièrunt.







P. Abrahamus Georgius, Alleppi in Syria natus, Soc. IESV  
pro fide Christi obtruncatus in Africa A. 1595 mense Aprili.

C. Screti del.

Melchior Küßel f.

## P. ABRAHAMUS GEORGIUS.



Eternâ gentium omnium memoriâ & gratitudine dignus celebrari Gregorius XIII. Pontif. Max: inter immortalia, quæ in nationum diversissimarum salutem molitus est opera, missis in omnes propè Orbis plagas & regiones è Societate nuncijs Apostolicis, qui eas per varios hæresum & schismatum errores dispersas, in unum Christi ovile, sub unius Pastoris curam congregarent, Maronitarum etiam gentem sinu suo complexus est: quibus nè deinceps etiam defœrent unquam veræ Fidei Doctores & Magistri, magnificum Romæ educandis gentis ejusdem adolescentibus, sumptibus

& redditibus Apostolicis extruxit Collegium, & curæ Societatis contradidit. Sunt autem Maronitæ Syriæ populus Libani montis, quatruidi ultra Hierosolymam itinere, & Damasci urbis incolæ, proprio Patriarchæ in spiritualibus subiecti, qui ex omnibus Græcæ Ecclesiæ nationibus soli constanter in obedientia sedis Apostolicæ perstiterunt quidem, multis tamen in ea gentium colluvie erroribus, Dioscori præsertim hæresi inquinati. donec A. 1581. Sergius Patriarcha ejuratis coram P. Eliano, & P. Joanne Bruno, erroribus, Catholica dogmata integrè recepit, & inter complures etiam Sergium Rîsum, fratris sui filium, Romam ad Collegium Maro-



Maronitarum transmisit. Ex hac ipsa natione ductâ origine P. Abrahamus Georgius, natus est Aleppi in Syria, præcipuo Orientis emporio An. 1563. & futuræ sanctimonie in ipsa infantia illustre præbuit specimen, quando etiam ab ubere matris pendens, omni feriâ 4. & 6. jejunantis more, suctu constanter abstinuit. Romam inter cæteros Patriæ suæ Juvenes adveniens, cum in ipso studiorum ingressu insolito ardore Societatem exambiret, apparerentq; in adolescente, præter vividam indolem, non ordinariæ virtutis præsentia, admissus est ad tirocinium A. 1582. Quo laudabiliter ad umbilicum perducto, & nuncupatis ex more votis, Florentiæ biennium condiscendis Grammaticæ præceptis impendit; atque inde Romam revocatus, post Humanitatis & Rhetoricæ studium, altioribus disciplinis ad sufficientiam imbutus est. Nec parùm ad virtutis alacriter persequendæ ardorem profuit contubernium B. Aloysij Gonzagæ, cum quo etiam minoribus ordinibus initiatus est in S. Joannis Lateranensis Basilica, A. 1588. Hos inter studiorum labores nihil æquè grave Abrahamo accidit, quàm diuturno tot annorum spatio, veluti otiosum à procuranda salute animarum quiescere, quarum profundo zelo eum exerceri cum adverterent superiores, placuit eum ad Orientis Indias destinari, ubi per linguarum, quas egregiè callebat, cum multis illarum gentium commercium, multò utilissimum fore videbatur.

Conimbricæ in Lusitania dum transmittendi tempus opperitur, interim alia sociorum manus ad navigandum eo anno delecta, excluso Abrahamo, in Indias destinatur, qui designatione hæc nihil motus, nihilo minus P. Ludovico Azevedio, uni ex destinatis in Indiam, constanter sæpius nunquam variatâ sententiâ, perinde atque acceptâ divinitus prænotione asseruit, eo ipso anno cum ipsdem illis Socijs se navigaturum. Nec prædictio fefellit, cum enim fortuitâ causâ unus quispiam è designatis ad eam expeditionem fuisset impeditus, locum ejus eventu cæteris inexpectato, sibi planè certo, Abrahamus obtinuit. Toto autem illo tempore, quod & alias semper consuetum illi fuit, omne tempus à necessarijs liberum negotijs, orationi unicè impendebat, semelque duntaxat in die, & perparcè quidem cibum capiebat. addictus impensè domandis animi perturbationibus. Ubi etiam antequam vela faceret, res contigit plena admirabilitatis, quæ illum cruentæ pro Christo mortis

certum reddere videbatur. Scalabis sive Santarena oppidum Lusitaniæ haud ignobile, Tago impositum, raro prodigio celeberrimum est. Fæmina Urbis illius civis A. 1266. viro suo alienis amoribus obnoxio factura medicinam, Divinam Hostiam veneficæ Judææ suasu clam ore à communione exemptam, atque involutam sudario, domum è Templo, in sceleratam pharmaci mixturam Judææ deferebat. Verùm stillante sanguinem sudario conterrita, domum suam defecit, & in cistam coniecit sacram buccellam. Cum verò nocte obscurâ immensam ex se lucem cista profunderet, sciscitanti marito quid eâ reconditum sit, edisserit. Accitus manè Parochus, Cælestè pignus. indictâ populo supplicatione desert in Templum, & æreo imponit Ciborio ad venerationem. Centum annos ita servata religiosè Hostia, cum Anno 1370. proferretur ex more populo adoraturo, inventa est vitreæ inserta ampullæ, ternos altæ digitos, ab imo fundo in tantas oris angustias coeunti, ut cum integra illi nequiverit ullâ humanâ industriâ immitti, Angelis authoribus id effectum credatur. Frequentatur is exhiberi solitæ S. Hostiæ dies incredibili hominum & multitudine & religione, novi præsertim & constantis hodièque miraculi expectatione, quo se Christus Servator intuendum Sacra ex Hostia aliâ atque aliâ formâ, diversis spectatorum exhibet, huic matris in gremio infantem, alij flagris cruentatum, isti sub spinea corona, illi sub gravi Cruce fatiscentem, vel etiam à sepulchro redivivum. Huc itaque de via pietatis ergò concessit etiam Abrahamus, cum socijs Ludovico Azevedio, præcipuo dein inter Æthiopas operario, Melchior Coutinio, & Octavio Lombardo: & dum pignus illud venerabile adorat, atque observat impensius, Dominum conspicatur cruce onustum, qui se macste animo esse jubet, fore olim, ut suam ipse crucem etiam portet, & sibi Martyr existat. Quâ denunciatione mirè recreatus animatusque, continere suum gaudium, quin socios faceret conscios, non potuit. Sic comparatus trajecit in Indiam A. 1592. & primam Evangelico operi manum admovit inter Christianos Thomæos.

Ea gens à Commorino promontorio ad interiora usque continentis, per Coromandelium tractum, & terras Malabarum, longè porrectos montes incolit, sub Regum Calcutani, Cocinensis, Cranganorij, Colani ad occasum: ad ortum verò, sub Regis Narfingani



gani dominatu, Ethnicis Saracenisque cincta ac permista. Ii ex Apostoli Thomæ præceptis atque institutis, à quo Thomæi nomen acceperunt, in hæc usque tempora Christi nomen fidemque tenuere, hæresi tamen Nestorij multum inquinatam, quam ex placitis Armenij Patriarchæ, à quo Episcopos accipere consueverant, hausere. Cum verò à Mahometanis acerbè vexarentur, & ab Regibus Ethnicis in servitutem redacti, cum alias indignitates & contumelias perferrent, tum verò sedem ac domicilia iniquis pensionibus redimere cogerentur, ad Lusitanorum amicitiam & præsidium refugerunt. Ab his ex quo in protectionem accepti sunt, eorum salutem PP. Societatis JESU impenso præ alijs studio, à quo pedem intulerunt in Indiam, complexi, plurimum laboris atque ærumnarum subière, obnitentibus, & circa quæstus sui detrimenta sollicitis, tum Nestoriano Antistite, tum sacerdotibus indigenis, quos Cassanaires vocant. Quorum iniquis conatibus obviam ut efficacius iretur, posterioribus annis ex designatione Philippi III. Regis Catholici, imperio Clementis VIII. Franciscus Rozius è Societate nostra Archi-Episcopi Angamalani nomen, & gentis universæ curam subivit. In hujus gentis cultura amplam meritorum segetem nactus Abrahamus, cum copiosis animarum manipulis uberes quoque patientiæ fasciculos collegit. Sæpe namque tecto omni exclusus, dum montes saltusque percurSAT, arboris alicujus umbrâ, prout temerè occurrerat, protectus, edendi ac bibendi penuriâ propè defatiscens, adeò tamen has inter æumnas exultabat, ut interna sua gaudia premere impotens, exclamaret ad socium: *proh! quæ opes, quanta delicia sanctâ huc paupertate conteguntur!* Verùm hæc homini extrema omnia Christi causâ experiundi cupidissimo, orexin duntaxat prolicere, non famem explere poterant. Itaque operosiores alteram, & alex periculosioris à DEO brevè sortitus est.

Post defunctum Andreæm Oviedum, Æthiopiarum Patriarcham A. 1577. relicti aliquot superstites socij, Lusitanorum in illo Imperio reliquias, unaque indigenas Catholicos, in gravissima persecutionis procella tantisper tuebantur, dum nova sociorum auxilia subrogarentur ex India. Agebatur jam annus 1593. quoadusque nemini sociorum, licèt complures irrepere tentârint, penetrare fas fuit. Quia tamen unicus post Patriarcham ibi reliquus P. Franciscus Lupius, ob

ætatem devexam votis omnibus suppetias posebat, licèt omnes Regni aditus firmis præsidijs obsepti, nè quis Lusitanorum irrepere, sagacissimè à Turcis observarentur, tentata res tamen iterum fuit missis duobus Sacerdotibus, Antonio Monferrato, & Petro Paëzio, paratis cuivis discrimini caput obijcere. Sed & hi in ora Arabiæ à Turcis deprehensi, duram toto septennio servitutem servièrunt. Nec infelix hic tamen sociorum eventus animos labefactavit. Placuit iterum atque iterum experiri, & pro salute periclitantium omnem adire fortunam. Igitur delectus est Abrahamus, qui præter Arabicum Chaldaicumque, Turcici etiam sermonis peritus, vultu quoque Asiatico quàm Europæo similior, cæteris magis idoneus ad eam expeditionem visus est. Goam ubi redijt à Thomæis, nè quis ad Saracenos rumor emanaret, qui turbare posset consilium, annum integrum in Professorum domo delituit, non modò clam civibus, sed multis etiam domesticorum ignaris. Rogavit hic Abrahamum aliquando P. Ludovicus Azevedius (qui à morte Patris id ipsum testis affirmavit) ut inter sacrificandum nocte natali Domini, tria pro se DEO commendaret. Cujus desiderio satisfaciens, ita postmodum ei de singulis respondit: *Vide, nè primum posthac amplius à DEO petas: alterius rei compotem te DEUS facit: tertio locus omnino non est; nam hominem illum, cujus tibi cordi perseverantia tantopere est, sua DEUS in Societate ultra esse non vult.* Nec multò post homo ille è Societate dimissus est. Eidem Ludovico roganti ut se in Æthiopiam, cum eò appulisset, à superioribus accerseret; facturum id quidem, si pervenisset in Æthiopiam, spondit, sed eò tamen se minimè perventurum asseruit; subindicando simul eidem & locum, & genus inferendæ sibi necis.

Cum primùm navigandi tempus afflisset, Armenium se mercatorem, veste, pileo, barbâ promissâ monstravit. Nocte intempestâ domo egressus, cum puero Abassino itineris socio ad Matthiam Albulquerquium Pro-Regem, qui totus in eam expeditionem incumberebat, & pactus ipse fuerat cum navarcho Saraceno, valedicturus contendit. Ille ubi hominem aliena in veste conspexit, obortis lachrymis ruit in ejus amplexum, & alto suspirio: *ha nimirum sunt artes, inquit, & technæ, quibus ad animarum compendia mortalium oculos fallere solet Societas, & suos Filios in discrimen ac certam propè mortem exponere!* tum aptis ad institutum donarijs & mercibus



bus auctum ubi à se dimisit, ille salutatis, quos pia lachrymarum opplevit invidia, socijs, navim cum suo puero conscendit in-eunte Januario A. 1595. Post varias tempestates, marisque & pyratarum pericula, Mazuam Arabici sinûs Insulam exiguam, Æthiopico littori oppositam, quam Saraceni præsidio tenebant, appulit, nemine quis esset, quidve acturus veniret, explorante. Itaque tam propinquus paucarum horarum spatio desideratæ finibus Æthiopiæ, & in omnem irrependi occasionem intentus, à Mazuæ Præfecto potestatem jam expresserat merces suas in Æthiopiam transportandi, & cum Navarcho trajectionem condixerat, cum revocatâ subito facultate, retrò redire jussus est, retractionis causâ, uti ferunt, à pueri ingluvie præbitâ. Hic à Patre, dum ipse per Urbem itineri apparando discurret, domi relictus ad sarcinas, moræ pertæsus, fame stimulante comedere aggressus est, cum dies esset severo Saracenis jejunio venerabilis, quo ante solis occubitum quidpiam degustare nefas habebatur. Ergo mirari primò puerum, quòd palàm auderet legem temerare, tum etiam sciscitari, quis esset, & unde domo? ac tergiversantem minis & flagris adigere. Sic ille compulsus, Christi se cultorem, uti & herum suum, confessus est. Id nimirum Arcis Præfecto extemplo renuntiatum, atque ab hoc delatum ad Gubernatorem Urbis, Patrem retrahi, sarcinis exui, & in custodiam compingi fecit. Postridie vocatum ad se Gubernator in magna Mahometanorum corona interrogat, quis, cujus fidei, & cujas sit? quid actum in Æthiopiam contendat? ille non ultrâ dissimulandum ratus, se, quod erat, Aleppo Syriæ oriundum, Christiana sacra profiteri, eadèmq; Æthiopiæ illatum ire, respondit. Hic illum Prætor, qui & ipse Christianus antè fuerat, omnibus comitatis officijs pollicitationibusque, ad Mahometem invitat, suas ei sarcinas reddibiturum, patefacturumq; aditus in Æthiopiam, aut si malit Mazuæ confidere, amplissimis cumulatorem honoribus spondet. Si nolit à Christo reipsa deciscere, at simulet certè tantisper, dum missione & comeatu accepto in tutum evadat, Abrahamus contrâ his omnibus despectis, Mahometem omni contumeliâ dignum nullo se habere loco, solum Christum Servatorem adeò sibi in excelso esse, ut nè vitam quidem velit simulatâ ab eò defectione redimere. Hâc libertate irritatus Præfectus, in turris arcem Patrem detrudit: unde aliquot post dies, ratus attritu

incommodis haud ægrè cessurû, rursum educit, pollicitationes iterat, & nisi obsequatur, minas. Illo renuente, conditionem dat, vel ut solenne illud carmen Mahometi pronunciet: *La ilà, ilà, Mahomet tréénlaca*, hoc est: *alius non est DEUS, quàm DEUS, & Mahomet ejus Apostolus*: vel mortem atq; exitium expectet. Constanti vultu & animo imperterrito Abrahamus malle se dixit vitam millies & sanguinem profundere, quàm sacrilego carmine Mahometem honestare. Quin ut ipse potiùs Gubernator, qui Christianis natalibus ortus esset, ejuratâ impiissimâ sectâ fidem in baptismo Christo juratam redintegraret, commonuit. Hâc liberâ constantique viri fortis exprobratione perculsus Gubernator, in tantum excanduit, ut admotâ capulo manu librârit in ejus caput acinacem. Quo nihil ictum declinante, sententiam mortis in eum tulit. Pater illâ acceptâ quantas potuit Deo gratias agens, vestes profanas deposuit, & sacerdotis de Societate habitu, vertice in coronam raso, publicè ad supplicium prodijt; educusque ex oppido, carnificis gladio cervicem subjecit. Verùm dissiliijt primo ictu gladius, perinde ac si vitreus esset, Abrahamo penitus innoxio; quod & alteri ferro, postquam majore impetu & viribus in collum Patris impactum fuit, evenit, levi solum plagâ in cervicibus ejus relictâ. Tertio demum ense caput Abrahamo resectum est An. 1595. cum ageret annum 32. omnibus adstantibus duplici illo prodigio consternatis, multis verò indignam cædem luctu ac lachrymis prosequentibus. Ipso adeò Gubernatore, qui plecti jusserat, plurimum dolente, cum negaret sibi integrum fuisse homini parcere, cujus necem vel omnibus fortunis suis redemptam vellet.

Atque hic fuit exitus P. Abrahami ob fidei odium trucidati: cujus virtutes inter navigandum observatas Navarchus, tametsi sectâ Mahometanus, & mirabatur ipse, & passim apud alios deprædicabat, ut ægrè fidem inveniret. Ipsum quin adeò Cælum virtuti ejusdem testimonium præbuit, sepulchri loco pluribus prodigijs illustrato. Nam quadraginta ipsos dies sub vesperam quotidie circa tumulum visa consistere lux frequens, tanquam funaliû; obstupefcentibus rei novitate ac miraculo, qui frequentes ab urbe prodibant ad spectaculum Saracenis. Ad hæc per eosdem illos dies tres aves ingentes miri candoris, & invisæ in ijs terris formæ, locum circumvolitare conspectæ. Quibus commoti impij sectæ Mahometanæ



Ministri, exhumatas corporis ejus exuvias volucris in escam ejecerunt, & nè unquam discerni ad venerationem possent, inter ossa profana miscuerunt: ut adeò frustra illa indagarent P. Ludovicus Azevedius & Laurentius Romanus, qui A. 1605. illac transibant in Æthiopiam. Demum ante quadragessimum diem tum Præfectus Arcis, tum quotquot necis ejus authores extiterant,

morte sublati sunt: Gubernator autem Insulæ & Urbis vix elapso semestri, à Bassa qui ei in gubernatione succedebat, capitis supplicio plexus est. Quo factum est, ut bonorum animis altius infederit opinio probitatis & virtutum illius, viveretque multis etiam post annis in illarum gentium recollectione ipsius veneratio.



P. Francisco Ribeirus Lusit. Soc. IESV. odio Fidei Christianæ à Mahometanis in ipso Missæ Sacrificio interfectus in Africa. A. 1620.

C. S. d

M. K. f.

## P. FRANCISCUS RIBEIRUS.

**I**usitania Martyrum hujus & prioris sæculi Parens, P. Franciscum Orbi dedit in Civitate Aranda, quam moderni Torres Vedras dixerunt, natum. Hic in ipsa pueritia transvectus in Indiam, Societa-

tem complexus est Goæ, anno ætatis 15. Ubi exactio Tyrocinio, & post studia omnia pro more Societatis ad calcem perducta sacerdotio initiatus, destinatus est in Africam, proximorum deinceps salutis operam illis regionibus navaturus. Susceperat ejus gen-

tio



tis curam jam inde à priori sæculo multis annis Societas, plurium capitum partim ja-aurâ, partim durissimâ inter Turcas captivitate; fructu tamen & eventu, si cum laboribus alibi impensis conferantur, exiguo; cum una prodigij plena Lusitanorum in Ambundos (hoc nomine censentur septingentæ triginta Angolæ Regni Dynastiæ) victoria, longè latèque per Africam divulgata majorem spem proventus animarum fecit.

Delatus illuc cum Prætoris Pauli Diazij classe A. 1574. P. Balthasar Barreyra cum aliquot socijs, Christianam rem feliciter, indulgente Rege, promovebat: cum repente idem Rex mutatâ mente, omnes illas plures septingentis Regni sui Provincias, ad delendum funditus Lusitanum Christianumque nomen tumultuosissimè concitavit. Itaq; ex improvviso stetere ad duodecies centena hominū millia in armis, contra trecentos non amplius Lusitanos, & triginta millia Pauli Songa Reguli Banzæ, qui solus ex Dynastis omnibus in Lusitanorum religione & amicitia constans perstiterat; adductus exhortatione P. Barreyræ, qui flagranti vultu, divino zelo, passim ordines Neophytorum Æthiopum concursans, timere illos numerum hostium vetabat, Deum enim Christum, cujus sacra suscepissent, cum innumerabili Cœlestis militiæ exercitu, ipsis affuturum. Ab his ad Lusitanos versus, *state animis*, aiebat, *nec multo pauciores estis, quàm Gedeonis milites, qui Madianitarum multitudinem etiam inermes prostrigarant. Vobis ego Deipara nunc ac nomine denuncio certam illustrèque victoriam de barbaris, à quorum sacrilego ludibrio sacram ejus effigiem paulo antè vindicastis. Crastinus dies est Deipara Purificationi sacer: ite cras auspiciatâ luce arduentes in prælium. Vincetis, spondeo, imò vobis cessantibus vincet illa, quæ aciei ordinata instar una est. Eundem me auctorem spei, & participem periculi habetis; nec cessabo pugnantis vobis, sed oratione & manuum ad Cælum protensione dimicabo.* His veluti certæ victoriæ promissis incredibiliter accensus est militum ardor, quorum excipiendis confessionibus parte noctis impensâ cum socijs Pater, curavit insuper, ut totum antemeridianum Festi tempus Sacrificijs, Eucharistiæ participatione, supplicationibus, à toto exercitu consecraretur. Ante omnes Paulus Songa, cui summam secundum se in exercitum potestatem Lusitanus Prætor esse jusserat, capere gaudium non poterat, nec tenere se, quin per suorum ordines volitans, *vicinus Commilitones*, exclamaret;

*nec nostrum hoc prælium, sed DEI est, cujus opem & ductum nobis deesse non posse planè certus sum.* Jussis interim militibus curare corpora, Paulus Songa speculandis hostium rebus intentus, advertit montium præruptorum juga, quæ Lusitanorum fronti objecta erant, ab immensa illa Æthiopum turba occupari. Quare ne nocturnâ impressione in castris opprimerentur, pugnæ signum exercitui à Prætoris, & à Barreyra *Maria victrix* in tesseram data est. Ipse directâ jam acie locum cepit, unde sublatis in cælum oculis & manibus, divinum auxilium ardentissimis votis poscebat. Hora erat post meridiem ferè tertia; quando barbari promoveri aciem Christianam versùs radices suorum montium cernentes, è cunctis simul partibus cum impetu descendunt, densissimas sagittarum nubes ejaculantes. Verum nullum è tot millibus telorum in nostros ictum pertulit, sed omnia Divinâ vi reflectebantur in authores, qui passim cadentes, fædâ strage declivia montium latera complebant. Instare Christiani tantò acrius, quorum nullus globus æneis fistulis emissus, nullum spiculum arcubus Æthiopum in prima acie cum Paulo Songa fortissimè depugnantium, evibratum, sinè noxa intendebatur. Barreyra ex his jam scilicet debellatum esse, cum nullus è nostris vel vulneratus hætenus esset, coniiciens, currit ad Prætoris victoriam gratulaturus. Ecce autem in ipso momento, fugientium passim prius Ambundorum manipulus obvertit audacter vultum, sagittas ejaculatur, unum alterumque, mox alios usque ad septem è nostris sternit. Quo aspectu ingemiscens Prætor, *redissis*, exclamat, *ad orationem Pater, redi, si nos salvos vis.* Percussit ille pectus credulitatem suam damnaus, & positis iterum genibus, profusisque lachrymis propitiare Numen institit. Hinc emendato statim Marte, cursu cœpto victoria processit, pertinacissimis quibusque hostium cæsis, reliquis fugatis. Jam sol occubuerat, & densa nox ingruens victoribus non minùs utiliter, quàm lux ipsa militavit. Clamor minax vincientium, gemitus cadentium, bombi scloporum, tormentorum ex ære tonitrua, desperatæ vociferationes fugientium, terrore per noctis horrorem multiplicato increbrescentes, extremâ consternatione superstites dementabant. Vorago habebat ingens præruptis marginibus, & prominentiâ rupium asperis, altè deorsum fidens. In eam primis quibusque fugientium per deficientis

jam



jam crepusculi caliginem lapsis, alij super ipsos acervatim simili errore, aut incumbente protrusi turbâ cumulabantur: quoad conferta multorum millium corporibus fovea cum cætera campi superficie cœquata, funestum quendam & horribilem quasi pontem Christianis insequentibus sterneret; qui longè latèque procurrentes, cæde ac strage omnia complebant: donec sæpius dato receptui signo, in castra multâ jam nocte reversi, DEUM ac Deiparam victoriæ authores, lætis vocibus celebrârunt. Insecutis diebus novem Lusitani milites longiùs in terras Ambundorum progressi, sub solis occasum clarè Crucis formam ingentem, ac lucidam in aère viderunt. Quod cùm reversi ad castra narrarent, fuerunt qui se idem eodem tempore alio in loco usurpâsse oculis testarentur. Quo omnes interpretabantur sibi à DEO ostendi, in quo signo vicissent: simulq; augurabantur conversionem ad Christum omnium illarum Africæ gentium, hoc ostento portendi. Nec eos spes sua, & favor Nutinis frustratus est. Eâ namque victoriâ omnibus per Africam regionibus, sed præcipuè sub eâdem cum Angolæ Regno zona torrida jacentibus, vulgatâ, cùm præsertim ipsimet faterentur Ambundi se non viribus fractos humanis, sed è cœlo manifestè pluentibus in ipsos jaculis debellatos, ingens nominis Lusitani terror omnes pervasit, & campus Socijs apertus est latiùs liberiùsq; fidem Christi proferendi. Itaque plures ex eo tempore ab Lusitania eas in oras enavigantes Socij, & Madagascarem, & Mozambicum, cæteraque

zonæ torridæ subdita Regna magnis Fidei progressibus excoluerunt.

Hos inter P. Ribeirus Mozambici Anno 1620. animarum lucris intentus, rogatu Præfecti Lusitanæ Arcis, expeditionem Moderatorum jussu suscepit ad eos Æthiopes, qui 250. leucis ad Austrum Mozambico diffusi, in extrema zona torrida ubi Capricorni Tropico concluditur, Promontorium accolunt, cui nomen à S. Laurentio Lusitani fecere. Post ancipitem, & ærumnarum in æstuosissimo mari fatam navigationem, multa cum indigenis, multa cum ipso Rege Idolis dedito transegit è Dei gloria: eoque hominem deduxit, ut sibi gratum futurum significaret, si suo in Regno Crucis trophæum erigeret, & Fide Christi fundatâ, Templâ excitaret. Id simul ac Saracenis suboluit, qui frequentes ibi negotiantur, & perditissimâ Mahometicæ impietatis flagrantia nomen Christianum insectantur acerrimè, & soli penè per Africam Divinæ Fidei progressibus obsistunt, deliberato consilio Patrem designant ad necem. Nec mora, in proximam suscepti facinoris opportunitatem intenti, litantem ad aras tumultuosi irruentes obruunt, improvisoque hastis transverberatum, immaniter contrucidant, ad aram ipsam factum hostiam, ubi DEO pro se hostiam viventem immolabat Anno

1620.



## P. FRANCISCUS MACCIADUS, & P. BERNARDUS PEREIRA.

**S**I Religiosus status ob continuam, quâ Mundo moritur, violentiâ, non falsò à Bernardo Martyrio comparatur, in quo duriora sunt prælia vel unius Castitatis contra spiritualia nequitia, quàm in Martyrio Patientiæ contra Tyrannos & tormenta; Felicitatis, & Machabææ Matris virtutem adæquârunt Parentes Macciadi, qui non minùs ac illæ, septem susceptos in Lusitanæ oppido Villareal liberos, omnes DEO in Religiosis Familijs consecrârunt. Quorum Franciscus Societatis Institutum sibi potissimè sequendum ducens, ætatis suæ anno 17. sæculi 1605, illud amplexus, non multò post

charitate Christi & proximi illum urgente, in Indiam, atque inde in Æthiopiam transiit. Cujus exemplo adductus alter frater ejus Antonius, non tantùm idem Religiosæ vitæ genus, sed & missionem ad Indos secutus est, pari ferè heroicæ mortis exitu in eadem Æthiopia, pestilentium obsequio vitam & animam devovens, in Regno Angolæ. Socius gloriosi pro Fide certaminis Francisco fuit P. Bernardus Pereira, qui Visei in eadem Lusitania natus, adolescens sui juris atque arbitrij trajecit in Indiam, ibique dedit Societati nomen sub annum 1609. Tractabat uterque Theologiam Goæ A. 1623. prior docendo, iste addiscendo; ità egregiè Magistri vir-





P. Franciscus Macciadus. et P. Bernardus Pereira Lusitani Soc. IESV. Capite  
plexi à Mahumetanis in Æthiopia. Ausciagurella. A. 1625. in Septembri.

C. S. d.

M. K. f

virtutem imitatus, ut aptissimus superiori-  
bus visus sit, qui in periculofam Æthiopiæ  
expeditionem comes illi adjungeretur, ubi  
planè insperantibus optatæ mortis occasio  
utrique destinata est. Post multas in eo Im-  
perio Regum, modò sinistrè, modò bene in  
Catholicam Religionem addictorum, vicif-  
situdines, tandem Sultanus Sequedus ad co-  
ronam assumptus, deliberatâ ab invetera-  
to schismate ad Romanæ Ecclesiæ unita-  
tem transitione, Regnum simul universum  
Christi in terris Vicarij obedientiæ subijcere  
statuit. Sed cùm pauculi admodum ex so-  
la Societate, ad tantam messis copiam super-  
essent operarij, licèt supra vires, supraque  
modum niterentur, tamen nec millofima ex  
uberrima segete parti, in horreum Domini

colligendæ, quam zelus Imperatoris arden-  
tissimè promovebat, sufficere potuerunt. Sed  
neque ab India, unde sola spes subsidij afful-  
gebat, sinè certo exitij aut captivitatis discri-  
mine, quisquam Sociorum penetrare pote-  
rat, omnes in Æthiopiam aditus & portus  
obtinentibus Turcis, omnique sagacitatis in-  
dustriâ, ne quis ex Lusitanis eò se insinuaret,  
intendentibus. Quia tamen instantissimè  
suppetias Goâ evocare pergebant socij Æthi-  
opici, Goanis ( nè spem tantam in manibus  
positam corrumpi messorum inopiâ pate-  
rentur) tentari omnia visum est, quò tantæ,  
tam diuturnæ, tamque exoptatæ maximi  
Imperij conversioni, quanquam per extre-  
ma omnia & asperrima, prospiceretur. Er-  
go ex plurimis competitoribus, nam Impe-  
rator

Cc

rator



rator magno numero Socios auxiliares mitti petebat, selecti sunt in præsentem duo nominati Patres, qui ingressum per novas & intentatas hæcenus vias in Abassiam molirentur, ut si ex voto res cessisset, plures deinceps eodem illo aditu penetrarent.

Conscendere navigium ingenti animi gaudio die Purificatæ Virginis sacro Anno 1624. velis in Arabiam felicem conversis, in cujus conspectum per difficilem Oceani æstum pervenere 27. Februarij. Arabiæ partem maximam Turca obtinet, & reliquos ferè ejus Principes atq; Regulos, omnes Mahometi devotos, sibi habet tributarios. Patres ut ditionem Ottomanni Lusitano & Christiano nomini capitaliter infensi devitarerent, Caxemam Urbem diverterunt, cujus Regulus Lusitano nomini apprimè favebat, licet eo ipso tempore Turcarum Tyrannus per Oratorem suum eos omnes arceri postularer. Antequam exscenderent, ex consilio Navarchi Turcicum induerunt habitum; datæque à Regulo in Urbe commorandi tantisper facultate, in designata hospitia concesserunt. Postridie per Lusitanum hominem, quem penes se Regulus amicitiae studio habebat, Patres accersit. Illi munus ex more illius & cæterarum orientis gentium (quarum Principem sine munere accedere habetur nefas) adornantes, tenue quidem illud ex Religiosæ paupertatis penu, quia tamen ex rebus Indicis conflatum, Principi longè gratissimum obtulerunt. Cujus raritate captus, mirè se illis benevolum, & supra expectationem affabilem exhibens, ad merendam etiam ex assis capellis, & alijs id genus lautitiæ Arabiæ instructam, frequentioribus cyathis ritu patrio propinans, perbenignè invitavit. Qui cum modestè, propter Quadragesimæ religionem, excusarent, & solo hauustu aquæ propinanti respondentes, modicum quid de saccharo libarent, ipse vultum eorum roseo liquore conspersit: quod erat insigne, ipsum verecundam illam repulsam haud quaquam trahere in suum contemptum, sed à se libenter volentèrque admittere. Aliquot ibi dies necessariâ captâ quiete, quia nullum offerebatur ulteriori promovendo itineri navigium, longioris moræ impatientiâ, ultro ejus sibi præstari copiam à Rege, quo Zeilam devehantur, exorant. Ille pronâ quidem voluntate postulatis assensus, sed ut fallendis Oratoribus Turcicis, qui tum in Aula Regis morantes perniciem illis in itinere moliri potuissent, aliò quàm Zeilam iter obtenderent, opportunè

commonuit. Primâ Aprilis vela fecerunt, tam concitato mari, ut secederent in momenta fluctibus obruendos: cum tertiâ ejusdem mensis die, eadèmq; quartâ sanctioris hebdomadæ, prodigiosam in ecclipsata luna crucem intuentur, quæ instantem illis pro Fide mortem portendisse meritò censeripotest. Visebatur illa in medio lunæ disco, atro colore depicta, fulgentibus reliquis circum lunæ portionibus; neque antè desijt, quàm lunæ defectio. Adenium Urbem Turcicam pene inobservati subièrunt; unde Erythræo freto transmissi, 13. die Zeilam incolumes inveniunt. Zeila Emporium est olim nobilissimum, in exteriori Africa ad Erithræi fauces situm, rebus ad vitam cæteris, si unam aquam exceperis, abundans; incolis Mahometicæ superstitionis, adeoque in fluxa fide, dum quæstum faciant, juxta fas nefasque habentibus, habitatum. Patres excensuri, Turcicum habitum permutavèrunt Armenio, qui commeantibus toto Oriente mercatoribus, quales se profitebantur, ferè pervulgatus est: sub quo faciliùs in eorundem Institutorum Caravana (itâ caterva seu multitudo mercatorum vocatur, quæ magno numero in unum securitatis ergò collecta, aliquoties per annum in Abyssinam commeat) eò penetrarent. Zeilæ Gubernator, qui Urbi pro Rege octidui spatio inde confidente præerat, lectis Caxemani Regis, quibus Patres impensè commendabantur, literis, & Regis gratiâ, & suopte ingenio, omnibus eos excepit humanitatis officijs: eò etiam præcipuè, quod Imperator Abyssinæ vehementer postulârit, ut si quos illac ad se tendentes ratio compendij, vel itineris ex India detulisset, benignè suâ gratiâ habitis, fieret expeditionis suæ copia prosequendæ. Cæterum omnia paulò post de PP. fuere ibi suspiciosissima; nam exploratores undique, quodnam sub Armenio cultu genus hominum lateret, intenti, quantumlibet omni studio Patres sua obscurarent, faciliè tamen conjece-runt, longè à quæstu atque negotiatione alienos esse, quorum proinde indicium ad vicinum Auxagurellæ Regem tempestivè prævolavit. Eò itaque quatruidui itinere cum Caravana delatis, Rex Mahometicæ infantiæ studio ardens, compedes extemplo injici jubet, perque summam injuriam in carcerem compactos, durè omnino & crudeliter habuit.

Fama interim ad Imperatorem Sequendum de PP. comprehensione perlata, ingenti animi dolore & sollicitudine complevit, ut pro-



proinde omne studium ad eos, qualicumque demum ratione eripiendos converterit. Et cum bello armisque in libertatem PP. asserere, domesticis rebellium turbis intricatus, non posset, minis autem homo barbarus permoveri se non pateretur, blandis eum officiis aggressus, per caduceatorem generosæ stirpis equum, & Palatinis primatibus mulas aliquot misit, postulavitque per literas duos Patres, quos non nesciret ad se pertinere, missos fieri. At ipse muneris tenuitatem cum fastidio aspernatus, captivos in caduceatoris conspectu producit quidē, sed illico per contumeliā retrudit in carcerem: additis ad Imperatorem præsentibus, & arrogantiam plenius literis, quibus minabatur se Patres neci, aut vānum daturum, aut certē in perpetua servitute habiturum pro mancipijs. Imperator accepto procacitatis intolerandæ responso, nē quid Patribus præsentioris incommodi periculive, par pari reddendo, accerferet, dissimulatā injuriā nuncium remittit, & quantāvis auri argenteve summā depacisci secum lubeat, verbis amicissimis lenissimisque daturum pollicetur. Quod nisi faciat, Patresque ad se liberos transire permittat, jussos in Æthiopia tantisper sisti eos omnes, qui ex ipsius dominatu per eam quæstum mercaturā faciebant: quos omnino nisi restitutis Patribus, haud esset recepturus. Sed nihil apud Tyrannum ulla valuit aut officij ratio aut æquitatis: nihil suorum quamvis complurium discrimen denunciatum: sive quoddā ab Æthiopum cum Romana Ecclesia, Patrum operā, conciliatione, Mahometanæ sectæ malè metueret, ex quorum ditione non ampliùs essent à Patriarchis Græci schismatis Episcopos & sacerdotes postulaturi; sive quoddā majus à Gabriele, homine Ægyptio, rebellium in Abassia contra Imperatorem antesignano emolumentum, tam sibi privatim, quā universim Mahometanis

speraret. Gabriel enim, Abassinis Capraël dictus, Regiam mentitus profapiam, Æthiopiarum populos ad avitum schisma, contra Imperatoris Sequedi, ejus abolendi studio defendendum undique conciebat, & validā contractā manu contra Imperatorem movere est ausus. Obiectus illi est Princeps Zelachristus Imperatoris germanus, Romanæ Fidei studio flagrantissimus; qui primo congressu fudit perduellem, & cæsis viginti duobus millibus, reliquos in fugam itā conjecit, ut nisi Ducum unus seriùs quā jussus fuerat effugij viam præclusisset, debellatum eā die fuerit. Igitur elapsus tum quidem Capraël est, & novis supplementis auctus, haud procul Auxagurellani finibus se recepit; cujus fortunæ impensius Rex studens, Patres, quos ipsi adversos in Religionis negotio fore, si se Imperatori junxissent, sciebat, tollere de medio constituit, & eorum cæde aliquid ab eo nundinari. Posteaquam ergo diu ferro compeditos in vinculis habuit, ærumnis, & vario malorum genere mactatos, intempestæ noctis silentio obtruncari jubet, atque in altam foveam præcipitatos obrui. Eodem anno 1624. ejus necis factus certior Gabriel, etsi factum laudaret, nequaquam tamen eā contentus lanienā, duos etiam Patribus à servitijs pueros neci dari, aut certē necandos ad se transmitti poposcit. Verum facinus antevertit Zelachristi de Gabriele victoria, cujus gladium effugiturus, dum apud eos ipsos Auxagurellanos asylum quærit, mortem invenit, ab ipsdem timore imminentis Zelachristi interemptus. Caput ejus hastili præfixum Zelachristo oblatum est, & ab eo Imperatori transmissum, vastatā nihilominus perfidi Regis provinciā, ut etiam in hac vita debitas vindici Numini necis infontium Patrum pœnas daret.

## P. GASPAR PAES, &amp; P. JOANNES PEREIRA.



Vo tempore P. Franciscus Macciadus cum P. Pereira ingressum in Abyssinam jussi sunt tentare per Zeilam, eodem simul anno 1623. Goā discessere 6. alij Patres, duo qui per Melinden, quatuor reliqui per mare Erythræum, & portus Turcicos molirentur eodem aditum: ut si unam & alteram expeditionem falleret successus, tertia saltem eventu optato potiretur. Et pri-

mi quidem, de quibus jam diximus, ab Æthiopia prohibiti, aditum sibi gloriosā morte aperuerunt in cœlum: alteros frustratus eventus, unde venerant redire coëgit: tertij, de quibus potissimè, ob plurium annorum experientiam, & frustra tentatam per Turcarum ditiones viam timeri poterat, feliciter perrupere. Fuere hi præter P. Gasparem, P. Emmanuel Lameira, P. Thomas Barretus, P. Hyacinthus Francisci. Natus fuit Gaspar





P. Gaspar Paës. et P. Ioannes Pereira Lusitani Soc. IESV. Fidei Catholici  
odio à Schismaticis Æthiopicis crudeliter necati Assæ prior. 28 Aprilis.  
alter. 2. Maij. A. 1635.

C.S. d

M.K. f

Gaspar Paës Covillanij in Lusitania, qui in prima statim pueritia, nescio quâ causâ vel occasione, deportatus in Indiam, Societatis tirocinium Goæ auspiciatus est anno ætatis decimo quarto, sæculi 1608. Vacabat is etiamnum Theologiæ sub Professore P. Francisco Macciado, quando facto lociorum pro Æthiopica expeditione delectu, ipse inter primos cum eodem suo Professore designatus est, alio quidem in Abyssinam usus itinere, eodem tamen ad cœlestem patriam sanguineo pretiosæ mortis calle pertingens. Discessere Goâ sub extremum An. 1623. Dium urbem & insulam Lusitanam, unde anni insequentis 27. Martij abeuntes, & Erythræi fauces inveci, Mazuam applicuere 2. Maij. Et quia multis fuere tum ab Impe-

ratore Abassinorum Sequedo, tum à Lusitanorum Dienti Præfecto, Bassæ Turcico Mazuæ commendati, excenderunt habitu consueto Societatis, excepti ab eo insolitæ prorsus & inexpectatæ benevolentia signis, quæ munerum à Sultan Sequedo spes prolieuerat. Nam & tormenta venientibus in honorem per Urbem explora sunt, & hospitia singulari curâ apparari iussa, datâ insuper spe celestis in Æthiopiam expeditionis. Patres ut indulgentiam in se Bassæ ipsi etiam quantum possent conciliarent, primo statim congressu munera ei Goâ secum advecta, more gentis, obtulerunt, quæ ipse tum pergrata habere significavit, tum quod officij & præcipuè observantiæ est, hospitalem illis propinavit potionem, expedititque illico ci-  
tum



tum nuneium ad Bassam Suaquenum, ut in Æthiopiam succedendi illis faceret potestatem. Duos circiter menses isthic Bassa eos demoratus est, ut videlicet interim eâ cunctatione ab Imperatore Sequedo Patrum cupidissimo, asellam eliceret, quam suo Turcarum Imperatori dono vicissim transmitteret. Magno studio id genus bestiae colore candido & mirabili corporis habitudine, ab omnibus illic Principibus exambitur, habeturque summo in pretio, ita ut earum una quinquaginta & amplius millibus florenorum vaneat. Ut primum asella advecta est, statim etiam abeundi copia facta, 40. Turcarum comitatu adversus latronum incursiones addito. Ità securi Daboroam, primum Æthiopiae vicum, atque inde Fremnam, ubi Andreæ Oviedi Patriarchae monumentum est, incolumes pervenere: quanto omnium Catholicorum gaudio, post tam diuturnam expectationem excepti, dici vix potest. Ad Imperatorem deinde salutandum à P. Visitatore Emmanuele Almeida deducti, post humanissimam de adventu congratulationem, & singularem Imperatoris ex adventu novi Patriarchae, quem paulò post secuturum afferebant, latitiam, in suam quisque stationem toto Imperio, quod plurima Regna complecti alibi monuimus, distributi sunt.

P Gaspar in Regnum Bargamedri, quod latissimis finibus continetur, missus, in absentia Pro-Regis, Catholicae Religioni apprime addicti, uxorem interim illius spectatissimam in rebus fidei instruxit, & baptismi Sacramento, propter ambiguum Æthiopicae formulae significationem, sub conditione lustravit. Idem praestitit plerisque Regni Optimatibus; quorum exemplo populus tantâ frequentia idem postulavit, ut orsus diluculo Pater, defessus usque ad noctem, quâ Catechismi doctrinam, quâ sacrum laticem nullâ intercapedine impertiendo, vix faceret satis. Post dies 15. ab ea multum dolente lachrymantēque digressus, alteram matronam Imperatoris neptem impenissimē piā, & Romani cultus proferendi cupidissimam, aliosque deinceps Regni Proceres, editissimis ac praecipitibus montibus superatis convenit, idēmq; omnibus officium exhibuit. Ex eo Regno ad Agaos Nili accolae, populos multitudine innumerabiles latēq; diffusos, transgressionē factā, magnam & ibi rei Catholicae accessionem fecit: donec Alphonso Mendez novo Patriarchae Æthiopum ex Societate JESU, Gorgoram cum re-

liquis socijs obviam excurrit, à quo novis inflammatus ardoribus ad stationem suam recurrit, bene inchoata ad debitam perfectionem promoturus. Rebus illic ita ex voto perfectis, ut jam sinē sua praesentia optato cursu progressurae sperari possent, in alias atque alias subinde Abyssinae regiones se transferens, magnos ubique collegit animorum fructus, non praedicando solum & docendo, sed & imagines sacras ad piorum devotionem eleganter (quam artem praclare callebat) expingendo: quarum unam B. Francisci Borgia ab eo expressam, inque ejusdem festo publico cultui propositam, magnopere Imperator cum Palatinis & dilaudavit, & in veneratione habuit.

Ecce autem paucos post annos, quam felicibus ibi progressibus Catholica Religio implantari, atque Alexandrinum schisma extirpari coepit, subita iterum in Fideles procella, & in Imperatorem rebellio, à pertinacibus haereticis sectatoribus, concitata est; cui succumbentem Sultanum Sequedum nequidquam adhortationibus suis, inq; Deum fiducia conatus est frater Imperatoris germanus Razius Zelachristus eripere; donec intempestivis insuper satis erepto Sequedo, res Catholica pene universa nefariorum astu & potentia everfa est. Quippe Faciladasius Princeps filius aetate atque animo invalidus, parenti Sequedo in Imperio succedens, à matre vidua schismati pertinacissimē, adhuc vivente marito, addicta seductus, licet Ecclesiae Romanae Sacramento pridem addictus esset, persuasus tamen non posse Imperium aliter, nisi revocatā veteri Alexandrinorum fide, & Romanā funditus extirpatā, conservari, totis in hujus excidium viribus & opibus conjuravit. Mox ad primum ingruentis procellae sonitum imbecilliores multitudinis animi concussi, partim à Religione Catholica palam descivēre, partim occultam in animo servare contenti, apertè profiteri refugiebant: quibus robustior firmitudo, ij relictis sedibus latebras, & spontaneum exilium eligebant. Patres in quos potissimum turbo concitabatur (quod nisi his dimotis evelli stirpitus Romana Religio animis Fidelium non posset) mutato habitu, identidem sedes mutare cogebantur, ut sub alieno cultu melius & tectius constantiam trepidorum toto Imperio fulcirent. Donec A. 1634. acto in exilium Alphonso Patriarcha, & in Turcarum potestatem impiè perfidiosēque contradito, lata simul in omnes Societatis homines est exilij, & nisi migrarent,



rent, capitis proscriptio. Ibi tum P. Gaspar, & Socijs qui potuere, in Urbe Tigrani Regni principe Asfa restitère, nè simul omnium pastorum curâ destitutus grex, luporum direptioni impunè pateret. Hinc dum cautissimè ad juvandos solandòsque Catholicos per intervalla procurant, accidit aliquando, ut P. Gaspari finitimos vicos & oppida, quò Catholicorum liberos sacris undis ablueret, peragranti, obviam venirent adversarij ita improvisò, ut nullus effugij amplius locus esset. Ergo subitaneo consilio Pater frontem confestim linteo obvolvitur, & voluntario casu ex jumento, quo vehebatur, tanquam à recalcitrante excussus, in terram prolabitur gemens. Hostes ad eum mox delati, quærunt ex ejus comitibus, ecquis ille miser esset, qui pronus corruisset è mula? quibus respondentibus, cæcum illum esse Lusitanum, totâ passim notum Æthiopiâ; in præsentem periculum ambiguo comitum responso (nam & Lusitanus, & velatis linteis in præsentem oculis cæcus, & totâ Æthiopiâ nominatus erat) salvus evasit.

Verùm haud multò post, ingentibus jam exantlatis laboribus, ut hostium furori tantisper cederet, unâ cum P. Joanne Pereira, & P. Bruno à S. Cruce, in solitudinem Fremonæ, haud procul Asfâ se recepit, conivente principio ejus loci Domino, quem fallere & latere, quamvis absconditi, nequiverè. At ubi ad monachos aviti schismatis flagrantissimos defensores ac vindices, Patres ibi agitare perlatum est, non prius destiterunt hominem, errorum communione secum conjunctum, inflammare, inque eadem Patrum hortando, terrendo, obsecrando, sollicitare, ac præsertim eorum antesignanus Abbâ Asfâ Christòs, odio in Fidem orthodoxam flagrans, dum denique polliceretur violentas manus eis se illaturum. Sola jam opportunitas perficiendo quærebat facinorij; locus enim seu latibulum, quò Patres se cum fida Lusitanorum manu intra desertum receperant, à natura munitum & in sublimi monte locatum, ad patrandum scelus minùs aptum, & securum ijs videbatur. Differtur itaque rei in actum vocandæ propositum, usque ad celeberrimam illam solennitatem, quam S. Marci Evangelistæ honoribus ibi ad ripam fluminis agunt Christiani. Convenère illuc cum magno numero convenarum Catholicorum è suis latebris Patres, iisque Sacro divini verbi, & Sacramentorum pabulo refectis cùm ad sua latibula malorum securi remearent, ab Dyna-

sta 150. lancearijs stipato repentinè occupantur; quorum terrore acti in fugam diversè Christiani comites, in manibus hostium Patres, cum paucis fidentioribus, & pro Fide mori paratis, destituunt. Nec mora, lanceis hastilibusque irruentes milites, P. Gasparem secundo vulnere vitâ eodem in vestigio spoliunt, die 25. Aprilis ejus A. 1635. ætatis 42. Societatis 28. Duos alios Patres dirè convulnerant, & exturbatis ut rebantur per vulnera è corpore animis, strata humi cadavera omnibus vestimentis spoliata relinquunt. Mirum verò dictu est, quod & ipsi crudelitatis authores mirabundi spectavère, & postea prodidère memoriæ; sanguinem P. Gasparis, eum è vulneribus copiosè manaret, in terram neutiquam defluxisse, sed in auras illico tenuatum vanuisse.

Cecidère cum Patribus Æthiopes ex odio Romanæ Fidei ad tricenos alios, qui eos à peracta S. Marci solennitate domum deducebant: quorum mortes & vulnera ita prosequitur P. Brunus, ipse etiam unus ex graviter faucijs, in literis ad Alphonsum Patriarcham datis 17. Julij A. 1635. *Post discessum militum ducitur ad me P. Joannes Pereira, prope cor magno vulnere accepto, supra me jacentem ac nudum nudus exclamat: moriamur simul Pater mi, moriamur simul! & utinam mortuus fuissim! Peccata ritè confitetur apud me, & ego apud illum. tum ceteri vulnerati idem faciunt, scilicet Lucas Rapasus, qui post confessionis Sacramentum emisit animam; Zena Gabriel, Leon meus famulus, Franciscus Machadus famulus Patris Pereira, Hieronymus Cosmi frater, primo aggressu necati: hic leviter vulneratus, omnibus nobis adjumento fuit cum Damiano, qui miraculosè inter ceteros relictus sospes à vulneribus, sed non à lapidibus, qui in illum jacti, non admodum noxij in eundem fuerunt. Hi postremo loco nominati nos paleis tegunt, lacrimis madentes. Non multò post incendium excitatur apud nos in paleis (nam regressi quidam ex homicidis illis, cùm fœni insuper plurimum è vicina silva comportassent, in cinerem eos redigere volebant) mortem omnibus minatur. Verùm ex Divino consilio interea temporis adventat Asfa Nebesensis, qua ad ligna colligenda ante militum adventum ad interiora deserti pervexerat. Hac incendij metum dirimit incredibili sedulitate, ingenioque virili. Post incendium de improvviso accedit ad nos Augustinus Garensis, quem optimè novit P. Didacus: vestimentum quo erat indutus scindit in partes & nos tegit. Demum ad solis occasum Xunio Ardui de Lima, Damianus Cosmi Frater*



Frater cum famulis, sepultura committunt vitam sanctos, & nos humeris impositos ad latibulum ibi proximum ferunt. Ibi secuto postea die Franciscus Machadus summam animi alacritate animam DEO reddit, cui semper placuit. Ad septimum diem P. Joannes Pereira post mediam noctem finem imposuit doloribus, quibus à vulneribus continenterangebatur; & eò perrexit, ubi nullus dolor. Die verò octavo proximum morti me putabam: deficere mihi vires sentiebam præ solito: lumen oculorum paulatim extinguere: demum cum sanguine ex quindecim vulneribus, quibus confectus eram effuso, spiritus corporis paulatim extinguere advertebam; ideoque animam prius DEO commendatam consolari ceppi, quos presentes habebam, ne ex meo interitu tristitia premerentur. Mortis autem verbum audientes, lacrimas effundunt uberrimas, ad pedes meos ruunt, precantes, nolim eos deferere. Qua nobis vita, ajunt, sine Magistro, ac Patre? Quo ibimus oves destituta, & sine pastore inter lupos? ut cum nostris Magistris viveremus ac moreremur, inter deserta remansimus; rebus ferè omnibus destituti, nè destitueremur pane caelesti. Te mortuo, quis cum nobis suppedabit? Hac & similia Damianus de Mesquita. Responsum datum est illis S. Martini Episcopi, quo lacrymis abstinuereunt, &

noctu huc me duxerunt; ubi inter Martyrum consanguineas, ac uxores, filiosque vivo semivivus, rebus ad recuperandas vires necessarijs destitutus, cum vulneratis pro Christo: pro quorum incolumitate solùm doleo. Utinam hac ad vestras manus perveniret, ut ex earum liberalitate aliquid acciperem, & Lusitanis istis consulerem, & eorum inopiam levarem. Hoc enim solùm me vulnus lacerat; cetera quibus corpus insignitur, gaudij fructus ferunt continentes. Hac ego successivis temporibus præ virium defensione; unum rogo, ut DEO me commendatum velint, & peccatorum veniam meorum mihi impetrent: hac enim indignum me Sociorum morte reddiderunt; sed spe excitator ex infinita Dei misericordia, tandem aliquando ad eandem mortem obeundam pro Christo Domino, & pro Fide Orthodoxa. Me incolumem multi esse audierunt; & præsertim Abbà Asfà Christos, ad quem scripta fuit Epistola à Gabrà Christos, in qua nos omnes à se ex humanis ereptos affirmat cum Lusitanis, qui nobiscum erant; & causam victoriam in illius refert preces, ut testatus est mihi Olda Georgius, qui epistolam legit. Finem facio scribendi, ad genua, imò ad pedes vestros provolutus, & oscula honoris debiti impertiens.

P. APOLLINARIS DE ALMEIDA, Episc: Nicenus.  
P. HYACINTHUS FRANCISCI, &  
P. FRANCISCUS RODRIQUEZ.

**I**N ipso persecutionis Æthiopice æstu P. Apollinaris de Almeida, destinatus Alphonso Mendez, si quid humanitus accidisset, in Patriarchatu successor, & consecratus Nicææ Episcopus, in Abyssinam apulit A. 1630. Is natus Ulyssipone in Lusitania circa A. 1592. penè puer, vix iustâ ætate, nomen addixit Societati, in qua ingenij atque industriæ opibus tantum profecit, ut post Eloquentiam sex annos explicatam, Philosophiam Ulyssipone, atque Eboræ sacros libros quadriennio cum laude fuerit interpretatus, creatus Theologiæ Doctor. Secundùm hæc superiorum missu destinatus in Indiam, ut unâ cum P. Didaco Sicco Niceno Episcopo laboranti Æthiopice ferret suppetias, cum in ipso navigationis cursu, priusquam pervenissent in Indiam, mors inopinata Didacum sustulisset, ipse in eundem il-

lum titulum mandato Summi Pontificis & Regio susceptus est, eo semper in Matrem suam Societatem conservato affectu, ut nunquam alio obsignandis literis & placitis suis sigillo uti voluerit, quàm consueto illi Sacrosancto nomine JESU. Goam A. 1629. ubi appulit, invenit P. Joannem Rocciam nominatum Hierapoleos Antistitem, & primum Patriarchæ Alphonsi successorem, ideo remotum à trajectu in Æthiopiam, quòd nondum fuisset nactus copiam initiandi sui in Episcopum: hinc Apollinaris jam in Lusitania consecratus, continuo maturavit eò trajicere, ut exoptatorum citò compos laborum evaderet. Quò ubi per ingentia maris & terræ pericula pervenit, deprehendit iniquissimam sortem Catholicorum, ac Patrum præcipuè, in quos toto Regno jussu Imperatoris fiebat inquisitio, ut comprehensi trans mare deveherentur, & Turcis in potestatem





P. Apollinaris de Almeida Episcopus Nicenus Soc. IESV. P. Hyacinthus Francisci Lusit. P. Franciscus Rodericus Italus odio Romana Ecclesia suspensi et lapidati à Schismaticis in Æthiopia Oinadega mense Iunio A. 1638.

C. S. d

M. K. f.

statem dimitterentur. Ipse pertentato animum integrum gentis ingenio, ubi deprehendit illud mobile penitus & inconstans, haud operæ pretium fore censuit eo in Regno diutiùs commorari, eâ etiam ratione permotus, nè si unâ cum Patriarcha, ad quem prima gregis illius cura, ad se autem succedanea pertinebat, de medio tolleretur, nemo superesset, qui tum ejus vices posset excipere. Verùm id consilium Patriarchæ minimè probabatur, existimanti Imperatorem cum schismaticis in se unum maximè intentos, suâ etiam Regno, aut fortè è vita ejunctione contentos, de reliquo non magnopere inquisituros esse, an alius quispiam successor palantes Catholicos regendos susceperit, cum id eousque ipsos latuisset, ac proinde

necessarium omnino fore, ut Episcopus in Regno persisteret, quò publicæ vexatorum Fidelium calamitati atque indigentia, quoad fas esset subvenire posset. Re tam ancipiti atque arduâ in deliberationem cum Patriarcha quotquot aderant deductâ, noluit Apollinaris suam dicere sententiam, nè nimio fortasse sui studio duci videretur: sed id se facturum professus est, quod è re publica fore plures Patrum censuissent. Censuere verò illi cum Patriarcha, utrumque in Regno oportere persistere, sed locis omnino & sedibus diversis, ut oppresso vel exacto uno, alter excipere gregis curam posset.

Itaque mense Majo A. 1634. digressi ab invicem, Apollinaris cum Patre Hyacintho Francisci in montem quendam se recepit; in



in alium iere P. Ludovicus Cardeira cum P. Bruno à S. Cruce: Patriarcham cum novem residuis Patribus in ditionem suam Barnagassus recepit; sed mox ingentibus Imperatoris pollicitationibus corruptus, navibus impositos, quasi in Indiam eos transmittere vellet, per summam inhumanitatem atque perfidiam, Bassæ Turcico, qui Suaqueno, cæterisque Erythræi sinûs præsidij imperabat, in potestatem atque arbitrium dedit. Ab illo barbarum planè sædumque in modum, ut captiva mancipia solent, habiti sunt, detractis etiam vestibus, ipsisque adeò quas è collo gestabant, sacris reliquiarnum capsellis. Demum libertas eis venalis eà conditione proposita est, si eam triginta aureorum millibus redimerent. Cujus tam immanis pretij cum nulla vel ex parte colligendi spes affulgeret, & annus jam integer interacerbas vexationes durissimæ eorum captivitatis lapsus, nullâ tamen erga infantes illos miseratione barbarum animum tangeret, quatuor aureorum millibus mutuo comparatis licentur libertatem suam. Verùm mox iterum novâ perfidiâ, cum jam navim vela facturi conscenderent, Bassa revocatâ sententiâ septem duntaxat socios eo pretio missos facit, Patriarcham cum duobus iniquissimè retinet. Cujus rei nuncio in Æthiopiam perlato, mater Imperatoris cum quibusdam Aulæ ministris capitali in eos furens odio, animum Imperatoris perpulit, ut datis ad Bassam literis tres illos in suspensionem alicujus prodicionis arcefferet, utque securi eosdem percuteret, hortaretur.

Percrebuit interim apud Schismaticos, Episcopum Apollinarem in Regno cum pluribus adhuc residuis Sacerdotibus degere; quâ eorum constantiâ efferati, qui Patres universim ejectos volebant, concitaverunt Imperatorem in eos sive Regno, sive è vita exturbandos. Quorum patrociniū suscipiens Pro-Rex Dambeensis, omnes in suam clientelam & ditionem invitavit, nisi satiùs visum fuisset Episcopo diversis potiùs ab invicem divisos locis agitare. Igitur duobus socijs Pro-Regi concessis, Episcopus ad Regionem rubro mari viciniores descendit; ubi inter pastores delitescens, lacte vitam sustentabat, & ab æris cœlique injurijs frondibus arborum defendebat. Verùm cum ab ijs ipsis pecuarijs exueretur paulatim suis quamvis exiguis impedimentis, abreptique per vim famuli venum Turcis dati essent, coactus est desperatum apud illum ipsum perfidum Barnagassum, qui Patriarcham

Turcis prodiderat, asylum Doboroæ quærere, apud quem jam antea P. Franciscus Rodriquez morabatur. Inde ad Patriarcham etiam tum vinculis Suaqueni attentum literas dat A. 1635. quibus fortunam suam, dubiam Barnagassi fidem, nullam meliorum spem, nullum operæ ex diuturniore sua inter Æthyopas commoratione pretium explicabat: satiùsne ergo videretur inde se eripere, utque unâ deinde Indiam repeterent, Suaquenum sese convertere? Verùm quantumlibet optaret Patriarcha Episcopum periculis exemptum, quia tamen responsum, quo ad profectiōnem secum in Indiam accerferetur, revnire, longè minùs ipse adesse poterat, Divinæ Providentiæ commendatus est; dum interim Patriarcha, extorto violentè à negotiatoribus Lusitanis, quantum libido Bassæ ferebat, pretio, in Indiam navigare cogitur. Pervenit interea in Æthiopiam novus ab Alexandria evocatus, in locum Catholici Patriarchæ Alphonfi, Abuna (itâ illi Schismaticos suos vocant Patriarchas) qui in transitu per Suaquenum, singulari humanitate & benevolentia Alphonfi Sociorumque captus, cum nullis suorum Pseudo-Monachorum delationibus, susurris, & querelis induci posset ad persequendum Episcopum Apollinarem; illi denuo Imperatorem aggressi, quâ minis, quâ precibus sollicitant, ut Episcopum cum duobus Patribus, apud Barnagassum morantes, neci tradat. Eâ postulatione impulsus Imperator, magnis denuo pollicitationibus Barnagassum aggreditur, eos ut suæ potestati tradat perurget; indemnes illos servaturum Regiâ fide pollicetur. Qui in reditu per Zamariani castra A. 1636. transeunt, quia macie confecti, vix ampliùs illi ipsi qui antè fuerant cognoscebantur, profusas ei cæterisque militiæ Ducibus Catholicis lachrymas exciverunt. Ibì Divinâ re in castris ab Episcopo factâ, & tam Pro-Rege quàm Ducibus, Sacrà Synaxi resectis, profecti sunt in utramque fortunam parati usque ad vicum Ondeguè, haud procul à castris Regijs. Quò ubi advenisse cognovit Imperator, catenis manus & pedes innexos, Abunæ potestati & arbitrio permitti mandavit. Verùm hic benevolentia à Patriarcha Alphonso exhibitæ memor, negavit se quidquam in eos juris arrogare velle. Itaque uni è Palatinis Magnatibus à Rege donati sunt, homini quantum schismati addicto, tantum in sacerdotes Orthodoxos crudeli, adeoque efferato, ut eos in vinculis semper ponere se, quoquo iret, libidinosè tractos, per noctem



suo sub lecto cogeret more canum cubare, datâ in victum diurnâ solâ permodicâ orizâ.

Post eas calamitates pluribus mensibus toleratas, in exilium denuo in Dambeenfis lacûs Insulam deportati, & capitalium Romanæ Fidei hostium, Monachorum Schismaticorum custodiæ traditi sunt, donec in libertatem Filiorum DEI optata mors illos hâc occasione asseruit. Venerat Romam Abissinus quidam, homo ignobilis, Imperatoris Jacobi, qui Sequedum antecesserat, filium se mentitus: & ut gratiam apud Patres Purpuratos mercaretur, legatum se Romam ab Æthiopica gente universa asseruit, postulatum ex alia, quàm Lusitanorum natione, Fidei Magistros. Æthiopus enim Religioni Catholicæ optimè addictos, eò solùm Patres insectari, quòd è Lusitana exosissima illis gente orti omnes essent, qui Sultanum Sequedum contra Parentem suum in occupando Imperio potissimùm adjuvissent. Patres Romanæ curiæ non tam quòd fidem impostori, nullâ publicâ fide legationem probanti, haberent, quàm ut experimento rem tanti ad Ecclesiæ Catholicæ incrementum momenti tentarent, duos, neque Lusitanos ortu, neque familiâ Societatis, delegerunt ex Ordine Minorû Gallos, qui ineunte A. 1638. in Abissinam appulsi, cùm intrepidè ac aperte errores Alexandrinos ubique arguerent, & instituta Romana, velut eam in rem ab Imperatore evocati, prædicarent: continuò plures Schismaticorum è monachis & proceribus aulam interpellare, Regemque fœderis & violati promissi arguere, qui dogma Alexandrinum unicè colere pollicitus, clandestinè interim Româ alterius sectæ Prædicatores accersat. Imperator eâ obnunciatione concussus, ut innoxium se ejus negotij probaret, duos illos è Franciscanis Patres suspendio interimit. Episcopum autem Apol-

linarem cum duobus socijs, quòd ijs viventibus nunquam securos se in nativâ Religione perstituros dicerent, improbißimorum hominum libidini permittit. Isti nullâ interjectâ morâ comprehensos per tumultum omnes tres, in stativa Regia ad Oinadegam vicum rapiunt, ibique temere ex rhamno suspensos, semivivos etiamnum spirantèsq; saxis obruunt A. 1638. initio Junij, quorum corpora laniatui volucrum ac ferarum exposita, in nullo fuere violata.

Sociorum Episcopi primus fuit P. Hyacinthus Francisci, Florentiæ in Italia domo illustri natus. Castimonix studio, destinatus sibi à Parentibus opulentas nuptias, generosè constantèrque aspernatus, Societatem Romæ complexus est A. 1614. profectus in Indiam Goæ studiorum cursum confecit, ejus in meta constitutus An. 1623. cum P. Gaspare Paëz aliisque in Æthiopiam tetendit. Eluxit in eo tantus modestiæ, verecundiæ, atque omnis Religiosæ virtutis fulgor, ut eum sibi præ omnibus eâ gratiâ Nicenus Episcopus in socium cooptarit: essetque totâ Æthiopiâ pervulgatum, illam ipsius formam atque indolem Imperio dignam satis ostendere, illum alicujus Italici Regis filium esse. Passus est A. ætatis 40. Societatis 24.

Alter socius fuit P. Franciscus Rodriguez Lusitanus, qui absolutâ Conimbricæ, jam Societati adscriptus, Philosophiâ, Goam enavigavit; ubi alterum annum Theologiæ impendens, suscepto sacerdotio in Æthiopiam penetravit A. 1628. Ibi constanter Patriarchæ adhæsit, exædificandis potissimùm ritu Romano templis perutilis: donec exacto Patriarchâ, ipse militari habitu inter Lusitanos apud Barnagassum remansit, eisq; omni ope ad salutem præstò fuit. Incidit gloriosa mors in annum ætatis ejus 35.

Societatis 20.

## P. BRUNUS BRUNUS à S. Cruce, & P. LUDOVICUS CARDEIRA.



Vantopere sortem suam deslevert P. Brunus, quòd interfectis pro defensione Fidei Catholicæ P. Gaspare Paës, & Joanne Pereirâ, ipse quamvis longè pluribus faucibus vulneribus, comortuus non fuerit, audivimus ex suprâ ipsiusmet, peccatis & demeritis suis id adscribentis, literis. Verùm magis

interim gloriosam illi, quia apertiore solius Religionis, & præmeditato odio inferendæ mortis lauream parabat DEUS, cujus testis esset Magoga Civitas copiosa, & celebre forum è Catholicis & Schismaticis Æthiopibus congregatum. Natus fuit in Italia Civitellæ 7. Novemb. A. 1590. Patre in eadem urbe Regio Auditore, A puero pietati addictus,





P. Brunus Brunus à S. Cruce Italus, et P. Ludovicus Cardeira Lusitanus, Soc. IESV, pro defensione S. Romanæ Ecclesiæ suspensi, et lapidibus obruti à Schismaticis in Æthiopia A. 1640. 12. Aprilis

dictus omnibus festis sacra mysteria sumebat, solutiorum sodalium fugitans, cum modestioribus nonnisi de rebus divinis colloquia miscere solitus. Eâ verò fuit in egenos misericordiâ, ut panem illis, quem pro jentaculo & merenda quotidie accipiebat, suo fraudato genio, largiretur. Corporis afflicti percupido, una puero ratio succurrebat, cingulo nimirum scorteo, quod gestabat, usque ad lachrimas diverberare sese: cum interea deriderent eum domestici, quod simul flagellantem se, simul tanquam ab alio caderetur, plorantem audirent. Sed ipse propositi tenax, exemplis arctioris vitæ, & ferventibus supra ætatem adhortationibus, sorores suas tres eò impulit, ut sæculo relicto, virginitatem Deo in diversis Partheno-

nibus consecraverint. Decimum quintum ætatis annum ubi inter hæc attigit, ad Romanum Seminarium è S. Genesio, quod oppidum eo tempore gubernabat ejus parens, transmissus est: ubi triennium Grammaticæ Poeticæque impendit, eâ legum illius contubernij observatione, ut bis solùm toto triennio in eas deliquisse ipsemet notaverit, nimirum contentiosius unâ vice cum socio egisse in cubiculo, alterâ silentium violasse in triclinio: cujus utriusque noxæ tanta eum semper tenuit detestatio, ut cum sæpe antea, tum in Æthiopia generali eas exomologesi expiare meminerit, quibus scilicet in vita profana universa nihil gravius unquam admisit.

Perferebantur interea complures ab Indijs



dijs in Europam nostrorum literæ, quibus uberrimæ gentilium conversiones, & atrociorum supplicia & mortes in fidei causa enarrabantur: quæ cum ex intervallo super mensa legi auscultasset, æmulandi cœpit ardere studio, & Societatis ineundæ sensim cupiditate flagrare, quam ferè cernebat in ejus operis parte esse potiore. Ut ergo jam tum durissimis quibusque in Dei & animarum causa ferèdis assuefieret, cœpit ter quot hebdomadis flagro membra concidere, simulque cilicio uncinis asperato corpus adstringere: omni jentaculo & merendâ, uti & quovis lusus genere abstinere: ter in hebdomada per totum annum, & quotidie per quadragesimam, nulladum legis necessitate compulsus, jejunium observare; Sacramenta frequentare assidue. Ex quibus tantum Religionis caput ardorem, tam inflammatis eam exambivit precibus, ut superiores denique Societatis, spectatis egregijs ejus animi dotibus, ad Tiocinium ex Poësi admitendum duxerint, pervigilio Assumptæ Dei paræ A. 1608. Tum ille ab ipso propemodum Tiocinij ingressu suscepit Indicæ postulandæ missionis cogitationem; ad quam ut instructior aptiorque evaderet, omnem inedia sitisque ferendæ, quam Magistri facultate subire licebat, arripiebat occasionem; nudâ incumbibat humo, durisve asseribus; deposcebat probri appeti, atque convitijs; humilioribus premi officijs; ut Tiocinij ejus Magister, cum biennio transacto Romano illum Collegio ad condiscendam Rhetoricam transcriberet, nullum se comperisse Tironum omnium diceret aut ad omnem virtutem magis incitatum, aut qui majores in ijs processus haberet. Institit ille tum longè ardentius, ac deinceps Philosophiæ tempore, Indicos sibi labores deposcere, dum denique deductis ad finem Theologiæ studijs, voti compos à Mutio Vitellesco Generali factus est, spondente, missurum se illum propediem; expediret igitur sese, & ad arripendum post paulò iter compararet. Et accidit tum penitus, ut Sultanus Sequedus Æthiopiarum Imperator, Patriarcham à Pontifice cum plurimis è Societate Patribus ad se mitti postularet, cui proinde Româ, præter eos quos Lusitania longè plures adjecit, transmissi sunt P. Alphonsus Mendez Lusitanus, consecratus Æthiopum Patriarcha, & P. Didacus Siccus itidem Lusitanus, designatus illi ea in dignitate successor, atque interea Nicenus creatus Episcopus (qui tamen in itinere Indico obiit) illiq; comes attributus est P. Brunus.

In Indiam appulsis, atque inde Goâ in Æthiopiam navigantibus evenit, ut celebrante P. Bruno coorta subito tempestas, certum omnibus afferre naufragium videretur. Hinc consternati ventorum rabie qui sacrificio aderant, metu naufragij huc illucque difflugiebant, cum Brunus animo vultuque immoto, correptis S. Hostiâ, Divinòque sanguine, se convertit ad fluctus ventosque sævientes, & per eum Dominum, quem suis præferret manibus adjurat, ut iras ponant & subfidant. Mirum dictu: quievère continuo venti, mare consedit, aer conferenavit, & abruptum ipse tantisper Sacrificium, attonitis omnibus, qui vultum ejus interea coruscum viderant, ritè peregit. Fremonam ubi attigit, totum se discendæ gentis linguæ addixit, missus inde A. 1626. ab Imperatore & Patriarcha Nebesseam in Regno Damasi, ut templum ibi Romani moris, & Societati domicilium excitaret. Ac principiò quidem instauravit ibi templum sanè magnificum, olim ab Helena Imperatrice conditum, sed ætatis hominumque injuriâ labefactum, primusque in eo Romano ritu sacrâ hostiâ litavit. Plurimis ibi Ecclesiæ conciliatis, Gorgorram abiit, ubi rursus ingens ad Romanæ fidei professionem mortalium facta est accessio, baptizati perquam multi. Paulò post accersitus à viro Principe, ut eum illius conjugæ, quæ Alexandrino in Schismate obstinatissimè hæreret, experiretur, num quid ad ejus salutem opis conferret, cum illa omnem conversionis aut confessionis mentionem admittere se nolle diceret; negavit vicissim ille se de his velle cum ipsa tractare, sed observantiæ gratiâ cupere duntaxat officiosâ salutatione defungi. Eo obtentu admissus, paucis verbis ejus animum ita pervellit, ut ipsa continuè summâ sua sponte posceret ad fidem institui, neque illum ante expiatam ritè conscientiam suam à se pateretur divelli. Cujus nobilissimæ matronæ, & uti pertinacissimæ prius, ita pientissimæ postea exemplum, mirum quantum profuerit plurimis ad salutem.

His aliisque innumeris pro salute animarum susceptis laboribus Bruno dissentio, prænunciatum fuit veluti divinitus in vico Ascio, labores illum, ærumnas, & cruces manere permultas; quo ille vaticinio mirè gestiens, Bruni Romani nomen, quo fuerat illic eatenus compellatus, cum Bruni à S. Cruce nomine commutavit. Et verò paucis annis, hoc est non integris sex elapsis, quibus Æthiopicam Ecclesiam pacificè Patriarcha guber-



gubernavit, indignatus Dæmon Catholicæ Religionis incrementa, plurimas rebelliones (quæ ibi pro mobili gentis ingenio sunt creberrimæ) in propugnationem sectæ Alexandrinæ excitavit, quibus fractus fatigatusque piissimus alioquin Imperator Sequedus, permisit imprimis ad diem 25. Junij A. 1632. suis, qui vellent, reditum ad vetera schismaticis instituta: ac deinceps, nequidquam obtinente, & fratrem Imperatorem erigente Razio Zelachristo, Ecclesias omnes, etiam quibus Patres & Patriarcha utebantur, hæreticis condonavit. Sed Imperatorem brevi pœna, & mors cita, ante evolutum trimestre secuta est. Facilladatus Filius, Patris in Imperio successor, socios sedibus suis insuper omnes exegit, & Patriarcham, receptum apud Barnagassum quærentem, in immanem Turcarum captivitatem dedi mandavit; paucis residuis Patribus, ut alibi jam memoravimus, quos inter erat P. Brunus Brunus, cum Niceno Episcopo, per ingentes æumnas & persecutiones in Æthiopia, diversis sese latebris occultantibus. A. 1635. paulò ante cædem P. Gasparis Paëz & Joannis Pereira, in qua etiam P. Brunum quindecim vulneribus saucium, evasisse tamen, ingestis eorum paulò antè memoravimus, duo illi evenerunt, quæ magnopere ad casum quemlibet fortiter ferendum, animum ejus incenderunt. Puer infans, quem in ulnis mater catholica gestabat, audiens illam de acerbitate persecutorum vitæ P. Brunus insidiantium quiritantem, & nè ille tormentis impar succumberet formidantem, explicuit tunc primum in voces linguam, disertè afferens, neque interiturum eâ quidem præsentē insectatione Brunum, neque cruciatibus unquam cessurum. Item aliàs deprecanti Bruno Deiparam, cujus à puero erat studiosissimus, ut se contra vim efferatorum hostium tueretur, nève sineret constantiam suam eorum tormentis labefactari; adfuit illa aspectabilis cum DEO infante, & suum pollicita in adversis omnibus præsidium, anulo in ejusdem digitum inserto, uti olim Filio suo Catharinam, nunc item sibi eum despondit.

Postquam subductus in tutum ex immani illa cæde P. Brunus, ex tot illis vulneribus ingenti profuso sanguine frustra medicamentis curabatur, indicta sunt pro eo publica omnibus fidelibus, etiam infantibus jejunia, unicâ per diem à matribus lactatione eis præbitâ, dum sanitas illi à DEO restitueretur; quâ recuperatâ illico se ad omnes

afflictiissimi gregis curas, omnibus contemptis periculis retulit. Contigit interesse aliquando ejus concioni virum Principem Habetem Zamarianum, Imperatori affinitate conjunctum, qui ejus oratione permotus, continuo Ecclesiæ se Romanæ conjunxit, & montem, quem in sua ditione habebat editissimum, ab incurfu cujusvis hostis abundè tutum, inhabitandum illi obtulit. Hic ille, unâ cum P. Ludovico Cardeira, solo præterea ex focijs in Æthiopia superstite, latitans, piorum vivebat eleemosynis, suosque cætus statis temporibus cum fidelibus celebrabat. Cùm verò sæpius eos sibi dedi urgeret Imperator, minatus alioqui se Zamarianum in perduellibus numeraturum, constanter renuit ille, maluitque adeò in discrimen se cum universa domo & ditione sua conijcere, quàm nefariâ proditione innocentes Dei famulos in certam necem Tyranno dedere. Tribus in eum vicibus infestas idcirco copias Duce Tigrano Pro-Rege immisit Imperator, quem semper ingenti clade fudit fugavitque Zamarianus, & ultimo prælio unâ cum Ducibus omnibus exercitus etiam interfecit. Tandem, nescitur quo casu, oppresso Zamariano, timentes Schismatici nè ea Romanæ fidei media in Æthiopia relicta scintilla, aliquando eorum hæresi deflagrationem crearet, cum mons penitus inaccessibleis armis obtineri violentè non posset, statuere ejus incolas velut indagine cinctos, fame ad deditionem cogere. Gravius obseffos sitis, corrupto ab hostibus, qui unus ad potum in montis radice scaturiebat, fonte, quàm fames habebat: sed indictâ Brunus supplicatione (eò enim præter complures Catholicos universa Zamariani receperat familia) & jejunio, ipse nudatis pedibus Ven: Sacramentum circumtulit; quo in Ædem vix relato, tanta repente montem pluvia, siccis undique atque arentibus circum agris inundavit, ut aquis omnia receptacula implerentur. Sed & hæc demum aliquantò post, omnique cibatu consumpto, coacti ex intervallo nonnulli ad plana descendere, ut cibaria compararent, ab instructis undique insidijs intercepti & contrucidati sunt, contemptâ animosè vitæ servandæ conditione, si ad impiam schismaticis communionem desciscerent. Ergo Patres ablegato ad Imperatorem certo homine petunt, ut si eos neque eo in monte, neque universim in Æthiopia morari amplius sustineat, patiaturs saltè indemnes, utpote nullius admissi criminis reos, ad suos in Indiam redire. Ille per literas respondit, descenderent porrò de



monte, atque ad suos abirent, aut si malint, loco quem ipsis in Regno suo assignaturus esset, securi manerent: divinæ se suum caput iræ devovere, si quid illis nocumenti patiatur inferri. Eo Imperatoris freti sacramento descendunt Patres, & mare Erythrum, unde in Indiam renavigent, petunt: cum sceleratè iterum à Gubernatore Tambanensi intercipiuntur. Vehementer ursère tum Monachi Schismatici Imperatorem, ut juberet eos è vita tolli, soluturos se cum juramenti obligatione, quo suum Deo caput pro eorum incolumitate devoverat. Sed cum nollet fidem datam violare Imperator, scripsitque Tambanensi, ut illos ad se continuò sub fida custodia mitteret, illi per Imperatoris matrem mortem illis paravère. Hæc literis Filij legitimis interim suppressis, alias nomine ejusdem comminiscitur, quibus jubebatur Gubernator Patres proximis Magogæ nundinis, ceu Majestatis reos, publico suspendio necare. Illi in tempore ab homine Catholico, qui rem totam exploraverat, admoniti, eam sibi felicitatem mirè gratulari, & imminenti propediem supremo certamini streuè se comparare. Magogam igitur A. 1640. 6. Aprilis qui tunc feria 6. majoris hebdomadæ fuerat, adducti, ad diem usque Jovis 12. Aprilis in carcere attentis sunt: quo producti ad fori medium, ubi truncum aridum lictores suspendio statuerant, suum stipitem flexis humi genibus devenerati sunt. Tum manibus ligatis, corpore umbilico tenus nudati, factâ loquendi potestate, P. Ludovicus Cardeira multitudinem affatus: libenter se omnino mori, dixit, & in tantæ multitudinis conspectu multò libentissimè, ut Christo Domino suo quaquâ ratione assimilari possint: & quidem pro ea fide tuenda, extra quam nemini omnino salus animæ sempiterna posset obvenire. Cum verò diceret Imperatoris Minister supplicio Præfectus, haud esse jam tempus ampliùs Romanæ prædicandæ fidei: imò verò, excepit Brunus, jam maximè id agendi tempus est, dum morte ac sanguine veritas ejus obfignanda est, ut nulli posthac dubium esse possit, quàm sincerè eam & ex animo in vita prædicarint. His dictis convertit se Brunus ad P. Cardeiram, & ejus ad pedes advolutus oravit, ut semet, & quem manu prætendebat funem, tanquam suus superior benedictione sacraret, & priorem se mori juberet, ut Dominum suum quoad posset æmulatus, ex

obedientia decederet. Cardeira & illi, & resti, & sibimetipsi bene à Deo precatus est, itémque & urbi & regno universo, Psalmo sexagesimo quarto ad finem usque gentis linguâ recitato; quâ re Catholicis magnum pietatis sensum, hæreticis admirationem confusionemque concivit. Tum restis P. Bruni prior arbori alligata est, & ipse continuò tractus & suffocatus, anno ætatis 50. Societatis 35. vultu etiam à morte haud tetro, vel ut esse suspensis solet lurido, sed qualis viventi fuerat renidente, & blandum spirante: cujus aspectu mirificè confirmatus Cardeira, eodem supplicio hilaris confectus est, anno ætatis 55. Societatis 39. Mox gentis more lapidibus appetiti, & quatrinduo toto eodem in ligno pendere permitti, cum omnis odoris corpora expertia essent, in collem belluis infamem abjecta sunt, ne à Catholicis ad venerationem subduci possent. Erat P. Bruno Colonellæ in patria superstes frater Propertius Medicinæ Doctor: is gravibus aliquando doloribus in humero afflictus, literas à fratre olim ex Æthiopia datas magnâ fiduciâ loco affecto applicat, precatus, ut si quæ de ejus Christi causâ obita ferebantur morte veritati congruerent, opem suo malo afferret. Testatusque sanctè est, sese eodem ab admota epistola momento omni fuisse dolore liberatum, neq; unquam ex eo ampliùs, cum antehac sæpius ex intervallo rediret, condidisse.

P. Ludovicus Cardeira Bruni in morte socius, Lusitanus ortu fuit, civitate Bejá, qui anno ætatis 16. impetratâ societate, A. 1611. transmisit in Indiam, atq; inde cum reliquis in Æthiopiam. Cujus plenos fructibus labores, & ingentes toleratas ærumnas, quia jam relatis P. Bruni, aliorumq; gemella sunt, tacitus prætereo. Duobus autem præ reliquis socijs specialiter profuit Æthiopiæ; canendi peritiâ tum voce, tum organo, cujus utriusq; disciplinâ institutis adolescentibus, mirè animos incolarum Fidei Romanæ conciliabat. Adhæc vernaculum gentis idioma aptissimè calluit, & Biblicæ Æthiopum linguæ, quam doctam ipsi vocant, sociorum omnium peritissimus evasit, in quam non pauca sacris è libris transtulit, & alia suo ipse ingenio, quo perspicacissimo fuit, quatuor vota unâ cum P. Bruno professus, conscripsit, mirantibus ejus facilitatem, & eloquentiam ipsismet Abassinis.





P. Bernardus Nugveira illustrissimo ortu Lusitanus, pro fide Catholica  
a Schismaticis suspensus, in Aethiopia Regno Gojama. A. 1653.

C. Sireta. d.

M. K. f.

## P. BERNARDUS NUGVEIRA.

**D**Lures ex Lusitanis nobiles fami-  
liae, tum per mercaturæ oppor-  
tunitatem, tum per varias belli  
occasiones, quibus Abissinae Re-  
gibus in Turcam, aliósque per-  
duelles, subsidarii sæpius ab India venerant,  
sedem sibi stabilem in Aethiopia fixere, Fre-  
monâ nobili ejus Imperij urbe, ac Oviedi  
Patriarchæ olim sede, deinceps autem etiam  
prodigijs claro sepulchro insignitam, majore  
parte eorum colonijs inhabitatâ. Ibî natus  
est P. Bernardus Nugveira, ductis è Bracha-  
rensi apud Lusitanos nobilitate claris origi-  
nibus inclitum nomen, quod morte deinde  
supra natales quoque illustri gloriosius red-

didit. A puero institutioni Patrum Societa-  
tis pij parentes filium commiserunt, sub quo-  
rum disciplina latinis literis ad perfectionem  
imbutus, eos etiam in omni genere virtu-  
tum profectus fecit, quibus ad publicas, eas-  
que sacras Patriæ utilitates, in Ecclesiæ  
candelabro positus, diu illic Fidem Catholi-  
cam post expulsos partim, partim necatos  
socios omnes, solus ipse utiliter sustentavit.  
Jam inde ab eo tempore, quo Sultano Seque-  
do Patriarcham à Romana Sede deposcenti,  
missus interim est P. Emmanuel Almeida,  
qui Visitatoris ac veluti Legati ad eum Im-  
peratorem munus obiret in ijs, quæ ad rei  
Catholicæ instaurationem apud Abassinos  
expe-



expedirent, Bernardus illi fidelis comes ac interpretres constanter adhæsit: cui vicissim Almeida certis quæ se à publicis negotijs vacua dabant temporum intervallis, divinæ Scripturæ mysteria explicabat, tantâ Bernardi quâ scribendo, quâ audiendo ea excipientis contentione, & totius ingenij, quo excellebat, applicatione, ut eâ sacræ disciplinæ peritiâ plenè imbutus & scholasticè doctus, magnos deinceps in omni occasione de proximis fructus retulerit. Postquam autem superveniens Patriarcha Alphonfus Mendez, Ecclesiam illam hæresum erroribus perpurgare aggressus est, neminem quem lateri suo fideliorum adjungeret seu comitem, seu interpretem, nactus est Bernardo; hinc etiam sacris initiatum ordinibus, in ardua illa tot laborum perfunctione habuit veluti adiutorem, omnibus secum prosperis & adversis exercitum, & calamitatibus iisdem, quibus alios eâ tempestate pressos memoravimus, involutum. Demum socijs omnibus universim ab Æthiopia proscriptis, Patriarchâ expulso, Episcopo necato, ipse unus Catholicus sacerdos ad fidelis ibi gregis solatium, quia necdum Societati adscriptus tolerabilius latebat, à Patriarcha relictus est: quo etiam luculento teste & laudatore omnes Vicarij, & inconfusibilis operarij partes cumulatè implevit. Quo eodem tempore assumptus est ad conscientiarum arcana ab inclito illo Regioque Principe Razio Zela Christo, quem cum optimi augustæ memoriæ Imperatoris Sultani Sequedi germanus esset, eo postea vitâ functo, Filius ejus & Imperij hæres cereo fluxoque ad consilia nova ingenio, Patrum optimum longâ viginti & amplius annorum custodiâ afflixit. Et cum promissis varijs multifariam tentatum, à Romanæ Fidei sanctitate dimovere non posset, aliquantò post necem Bruni & Cardeiræ, meliore conceptâ mente, è custodia exemptum suo permisit arbitratu vivere; unde nonnulla iterum bo-

næ in eo Imperio conversionis affulgere spes visa est. Verùm cum iterum à Monachis suis Schismaticis, qui supremum in eo Principe columnen & firmamentum Catholicæ Religionis perspiciebant, urgeretur, eundem illum ingratiſſimus nepos suspendio interemit.

Fluxerat inter hos Bernardi Apostolicos labores Annus 1650. cum P. Franciscus Piccolomineus universæ Societati Præpositus Generalis, tum ejus privatâ sollicitatione, tum Patriarchæ, virtutis ejusdem commendatione inductus, datis ad Provincialem earum partium literis 30. Octobris, eum Societati legitimè adscripsit; cujus ille tam diu exambiti favoris compos factus, novo ad rem bene gerendam capto exinde impetu, voluntatem suam omnem eorum qui regunt voluntatibus transferibat. Et erat tum omnino ipse solus, per quem Patriarcha circa oves sibi commissas, quæ fieri vellet, conficiebat; hinc naviter in Regno Tigrensi elaboranti, quædam Goâ in mandatis dedit, sacerdotalis quoque apparatus instrumento abunde submisso: adhæc aurum adjecit, pro eorum qui isthic inopiâ premebantur, Catholicorum levamento, quo sustentarentur. Ibi rebus quam optimè constitutis Bernardus, in Regnum Gojamæ transivit, ut submissorum à Patriarcha subsidiorum parte, illos etiam fideles adiutum iret. Sed non poterat diu latere tam navus supremi Abassiæ Pastoris Vicarius, quin dum animabus æquè ac corporibus undequaque juvandis intendit, ad Pro-Regem deferretur: à quo tentus, vinculis immaniter constrictus, ad tribunal ductus, Religionis Imperatori tam invise damnatus, & ad furcam, destinatum illic longâ temporum præjudicatione in Catholicos supplicium, additus est. In qua suspendio strangulatus, fortem animâ Creatori suo reddidit in eodem Gojamæ Regno. A. 1653.







C. Scireta del.

Melchior Kussell f.



# SOCIETAS JESU ASIATICA.



ASIA, reliquarum Orbis Partium hætenus cognitarum maxima, & Europam Africamque propè vastitate excedens, maximos etiam Societati JESU exhibuit labores, incredibiles attulit ærumnas, & post innumerabilium Gentium & Nationum conversiones, felicissimos ex diris mortibus peperit triumphos. Ejus ut Nationes aliquando Catholicas, sed Turcarum sub Imperio in schisma, aliasque hæreses, prolapsas Ecclesiæ restitueret, pluribus legationibus in Syriam susceptis, Maronitarum gentem, totamque Armeniam feliciter Christo ejusque Vicario subjecit, per delegatos illuc à Gregorio XIII. P. Joannem Elianum, & P. Joannem Brunum, A. 1581. aliosque deinceps. Quibus ut nunquam deessent idonei ex propria Natione cultores, quorum industriam & laboribus hodièque in obedientia Romani Pontificis persistunt, Seminaria Romæ Maronitis, Græcis, Armenisque in Fide Catholica educandis excitata sunt, in quibus pietate & doctrinâ instituendis hodièque naviter defudat Societas.

Præcipuus tamen Apostolicorum sudorum campus illi fuit tertia pars Asiæ, quam communiter Indiam Geographi nominant; quò in partem laborum Apostoli Thomæ divinitus vocata, ita feliciter in messem ipsius intravit, tam optatis successibus Fidem illic per eum prædicatam propagavit, ut jure merito ejus socij, successores magni Apostoli semper habiti, neque alio quam Apostolorum nomine (quo hodièque in illis partibus gaudent) ab incolis sint vocati. Ipse quin adeò S. Thomas successores sibi eos, & laborum socios divinitus præcivisse, & designasse videtur. Siquidem Meliapore, quæ Coromandelis Regni tum caput erat, templum Christo molitus, à Rege autem Sagamo, & Dæmonum sacrificulis impeditus, cum inusitatae magnitudinis truncum in litus mare ejecisset, eumque complures adhibiti Elephantis toto adnifu dimovere loco non possent, Apostolus Regi conditionem tulit, si truncum illum sibi ad Templum vero Deo ædificandum daret, nullis machinis, nullo mortalium adjutore, se protinus illum ad Urbem tracturum. Cum Rex insanire hominem ratus annuisset, tum S. Thomas zonam, quæ erat præcinctus, ad prominentem è caudice ramusculum annexam, signo tantum facto Crucis, immanem arborem facili ductu



ductu fequentem , in ipſo pomario Urbis ſtatuit : ibidémque defixâ lapideâ Cruce vaticinatus eſt : cùm ad eum uſque lapidem pertingeret pelagus (diſtabat autem id temporis à mari leucas ferè decem ) Divino juffu è remotiſſimis terris candidos homines , ad eadem quæ ipſe intuliſſet Sacra inſtauranda , venturos. Nec feſellit prædictio ; ſiquidem ſub Luſitanorum ap- pulſum , quorum claſſe eodém S.Xaverius aliique deinceps è Societate ad- veſti ſunt , occultis tot annorum accéſſibus locus Oceano tandem allui- cæptus eſt.

Nulla inter innumerabiles propè nationes, Regna,& Inſulas illic eſt, quam non excoluerit, colátque hodie ingenti ſudore & ſanguine ſuorum Societas J E S U , plurimis hominum myriadibus ad Chriſtum converſis. Solus S.Xaverius, qui primus è Societate durum novale excoluit, ſupra decies centena millia propriâ duntaxat manu baptiſmo eluit, non accenſendo incomparabiliter majorem mortalium vim , quam ſuis prædicationibus in- ſtructam, alijs baptizandam reliquit, & quam Greg.XV.Pont.Max. aſſerit eſſe majorem, quàm ſuo Græci Romanique ſubjecerint Imperio ; & Bogius cum multis alijs Hiſtoricis teſtatur fuiſſe numerum copioſiorem , quàm univerſi à temporibus Apoſtolorum Hæretici ad ſectas ſuas per annos 1500. tradu- xerint : inter quos fuère potentes Monarchæ , Reges & Reginae ab Idolis aut Mahomete ad Chriſtum traductæ ſupra duodecim : Rex Vlatiſ, Rex Bu- liagri, Trauancoriſ, Saxumæ, Amangucij, Maldivarum , Celebis cum Fratre, duo Zeilani Reges, Regina Ternatiſ, aliique ignoti Reges nominis. Cùm tamen penè extra ſpem eſſet, belluinam illam Principum licentiam circum- ſcribere terminis Chriſtiani pudoriſ , qui domi centum , foriſ quotquot immanis libido ſuaſiſſet , uxores alebant.

Nec ſegniore paſſu Xaverij veſtigia ſecuti ſunt ſocij, quorum Apo- ſtolico denique zelo impenetrabiles ceſſère Chinarum Imperij muri , Re- gnorum Japoniæ portus impervij, vaſtiſſimæ & innumeræ Oceano ſparſæ Inſulæ, Molucæ, Salfettæ, Anchedivæ, Philippinæ, quarum una par eſt ma- gnitudine toti Hiſpaniæ ; Zeilani, Amboini, Celebis , quarum una Macazar nomine, milliarium ambitum continet 600. Inſulæ Mauri, Sanguini, Oræ Piſcariæ , Promontorium Comorini, ampliſſima Regna & Imperia Perſiæ, Mogoriſ, Siam, Calecut, Travancoriſ, Cocini, Bengalæ, Ormuz, Cocincinnæ, Corea, Tunchinum, & quidquid demum terrarum tractibus illis hætenus in- notuit, nihil eſt quod ſe abſcondat à calore, & igneo Societatiſ zelo. Quanta porro ex igne, quæ mittere venerant in terras illas Socij, exarſerint veræ Fidei, & in DEUM Charitatiſ incendia, quàm latè porrexerint ſeſe animarum lu- cra, teſtiſ eſt Japonia, etiamnum domeſticorum pro Fide Athletarum ſan- guine reſtagnans, tantâ in Tyrannorum atrociffimis perſecutionibus con- ſtantiâ, ut omnibus ſacerdotibus , tam indigenis quàm peregriniſ, morte vel exilio ſublatis, inconcuſſa tamen in Chriſti religione, poſt plura diriffi-



mis supplicijs suorum sublata millia, hodiéque perseveret. Testis China, pluribus jam Templis vero DEO extructis consecrata; in qua præter centena Catholicorum indigenarum hætenus millia, Principes è Regio sanguine, ex amplissimo ordine Mandarinum, Duces militiæ, Eunuchi Aulæ præcipui, Illustres Imperatorij Gynæcei foeminae; Imperator quin adeò ipse Sinarum potestremus, dictus in baptismo Constantinus, cum matre Anna, & conjugè Helena, filioque unico, sacro fonte à Patre Xaverio Koffler initiati sunt. Cujus Christianitatis tanta hodie spectatur Sanctimonia, ut aurea nascentis Ecclesiæ sæcula illic redire videantur. Testes Celebis Insulæ, in quibus cum totis populis Regem Siami, & Regem Manades, P. Jacobus Magallianes: Insula Sanguini, cujus Regem & Reginam cum universa aula, & duos alibi Reges P. Mascarenia; Insulæ Baciæ, cujus itidem Regem cum tota Natione P. Antonius Vazius sacris undis abluit. Ut taceam potentissimum Japoniæ Imperium in 63. Regna divisum, quod præter alias ex Societate operas, excoluere creati à Summis Pontificibus ex eadem Societate Japoniæ Episcopi, P. Melchior Carnerus, P. Sebastianus Morales, Ludovicus Cerqueira, P. Petrus Martinez: quorum, aliorumque Sociorum indefessis laboribus vidimus ad Christum conversos, maximos Japoniæ Monarchas, Franciscum Regem Bungi, & aliorum sex Regnorum Dominum: Bartholomæum Regem Omuræ, cum undecim alijs Japoniæ Regibus, Joannem Faramondum totius Japoniæ Imperatoris consobrinum, lentis deinde vivum ignibus, post digitorum omnium in manibus & pedibus truncationem, pro Christo crematum: Franciscum & Mathæum Regis Arimæ fratres, pro eadem Christi religione mortem passos. His accessit Mater regnantis hodie Persarum Imperatoris; Filia Arabiæ desertæ Regis: Filia Mahometani Dacence Regis, illa Ormuzij à P. Barzæo, ista Goæ baptismo tincta. Hieronymus Xaverius magni Xaverij nepos, magni Mogorum Imperatoris Nepotes quatuor Christo adjunxit, quos secutus est ipse Mogoris Imperator. P. Balthasar Bareira Regem Mocumbre, & Regem Taræ centum quinquaginta annorum senem; P. Antonius de Andrada Regem Tibeti cum Regina: P. Antonius Eredia Regem Maldivarum: P. Emmanuel Diaz Reges variarum Provinciarrum tres, partim ab Idolis, partim à Mahomete Christo asseruerunt.

Quibus si accenseas non jam de vulgo Gentilitatis, sed ipsarum superstitionum, & profanissimorum Sacrorum innumeros Popas, & supremos Antistites, & tota Idololatricorum Cœnobiarcharum domicilia, & cum suprema potestate sacrificulis præsidentes Pontifices, colliges nimirum exinde incredibiles sociorum labores, exantlatos per mille difficultatum, ærumnarum, mortium pericula, insuperabiles conatus, ad subiicienda humili Christi jugo colla eorum, qui penè instar Deorum à suis colebantur. Talis erat summus ille Brachmanum in Regno Ormuz Jogus (Pontificem nos dice-




diceremus) octogenario major, tantâ sanctitatis opinione, ut Rex ipse ab eremo sua Ormuzium venienti pedes ablueret, & magnâ Religione aquam inde acceptam biberet: quem tamen in Christi rete mirâ felicitate pertraxit P. Barzæus, & præeuntis exemplum omnes Cœnobiorum illi subiectorum Brachmanes ( quorum plures erant centuriæ ) & Sacrificuli secuti sunt. Par huic alius ille Bazaini, & alius iterum in Insula Anchediva supremus Jogus fuit, alibique totis Indijs, Japoniâ, & Chinâ, innumeri superstitionum Antistites; quorum opiniones assuetus sequi populus, plurimum millium uno sæpe baptismo capitum accessu, Ecclesiæ foetum multiplicabat. His accessit Thomæorum Christianorum in Malabare Archi-Episcopus, à Nestoriana hæresi ad Catholicæ gremium Ecclesiæ A. 1577. reductus: in qua eadem Archi-Episcopali sede positus deinde P. Franciscus Garzia, totam illam gentem Romano Pontifici subjecit. Sed nimirum tam fortunati in medijs Inferorum Regnis successus, sinè multo sanguine, prælijs & necibus obtineri non poterant, ubi per plura annorum millia quietâ & securâ possessione triumphans Dæmon, omnem Inferorum objecit poenam, armavit crudelitatem, ut nè sede tam diuturnâ pulsus, subjugum Christi Regna sua mitti cernere cogeretur. Unde spectabis hîc benevole Lector, si usquam alibi, inaudita suppliciorum genera, exquisitissima tormenta, plura quàm ullâ aliâ parte Orbis funera, quibus Socij JESU dum pulcherrimam Orbis partem, ac veluti deliciarum hortum, sanguine suo in futurum Christianorum semen rigant, ab Elephantina incolarum rabie obtriti sunt. Quæ dum legis, nè mirêre solùm otiosus spectator, sed æmulare pro viribus strenuus illorum sectator! *mortes enim & supplicia Martyrum, exhortationes sunt Martyriorum, ut imitari non pigeat, quod celebrare delectat.* Qui enim ipsos, in quantum potuerit, imitari noluerit, ad eorum beatitudinem non poterit pervenire, ait S. August.

serm. 47. de Sanctis.







P. Antonius Criminalis Italus Parmensis, primus è Societa-  
te IESU, à Badagis Idololatriis, in India Orientali, quatuor lance,  
is confossus, et obtruncatus. A.º 1549 in Mayo vel Junio.  
C. Secreta del. Melch. Küssell f.

## P. ANTONIUS CRIMINALIS.

**N**emo amplius præter meritum, & sinè causa, odijs omnium usq; hodie exagitari, linguis maledicis configi, insectationibus exerceri, latronum supplicijs extirpari credat Societatem IESU. Verum quidem est, quòd Deus ejus filios novissimos Religionum ostendit, tanquam morti destinatos; ut dicere possint: usque in hanc horam colaphis cadimur, & instabiles sumus, maledicimur, persecutionem patimur, blasphemamur, tanquam purgamenta hujus mundi facti sumus omnium peripsèma usque adhuc. 1. Cor. 4. sed nunquid sinè causa? Criminis condemnat ipsa patiendi exordia, non sinè mysterij specie, pri-

mus omnium è Societate IESU Athleta Criminalis. Criminalis est, cui violenta mors primò obtigit. Primum in quovis genere, mensura est reliquorum; ait Aristoteles. Crimina plectuntur in primo, hinc de reliquorum conjice innocentia. Sed non turbetur cor vestrum socij! Crimina plectuntur in Criminale non alia, quàm quæ ad infame crucis patibulum Dominum vestrum condemnârunt! Dixerunt enim Judæi ad Pilatum: si non esset hic malefactor, non tibi tradidissemus eum, Joan. 18. & rursus Matth. 27. seductor ille, Hoc enim appellabatur nomine D. JESUS Christus, ait S. Aug. in Ps. 63. ad solatium servorum suorum, quando dicuntur seductores. Seduxit & An-



& Antonius Criminalis laudabili ab Idolis defectione ad veri DEI cultum Comorini Promontorij incolas, quò cum socio Joanne Beira à S. Xaverio missus est, socius futurus Francisco Mansillæ, qui solus è Societate cum tribus Sacerdotibus indigenis, Christianos ibidem per id tempus instituebat. Ad quos ut cum Beira accessit Antonius, novis omnia flagrare cœperunt studijs, quibus gentem illam ingenio ferocem, ad fidem Christi parum propensam, incultam moribus, in mutua odia incensam, Christo lucrifacerent.

Natus fuit Antonius Sissæ in Italia, pagoleucis circiter tribus Parmâ distito. 7. Febr. A. 1520. ubi à duobus Sacerdotibus humanioribus literis instructus, & pijsimè educatus, cum altiora studia prosecuturus Parmam concessisset, in PP. Fabrum & Lainium Ignatij socios feliciter incidit, qui plus centum civibus eodem tunc simul tempore Exercitia S. Patris tradebant. Ad vacandum ijsdem sub directore Fabro inductus Antonius, tam abundè infundentem se Spiritum Divinum hausit, ut castitatem DEO perpetuam nuncuparet; & primo sacrorum Ordinum initiatus talis foras prodiret, qualem ex talis Fabri incude exire decuisset. Insuper curiosius inspectis utriusque moribus, formam illorum, quam suspiciebat, statuit æmulari: unde anno insequente, qui fuit sæculi quadragesimus primus, idemque Societatis à Paulo III. confirmatæ primus, pedes Romam accurrit, ibidemque S. Ignatio probandum se tradens, continuè in numerum Sociorum admixtus fuisset, nisi eum Patrens in solatium orbitatis suæ, ob recens defunctam matrem, evocasset. Apud illum aliquamdiu non jam ut sæcularis, sed ut Religiosus vivens, bonâ ejusdem veniâ anno sequente, medio hiemis Romam recurrit, & à S. Patre in Societate recipi promeruit, annos natus 22. jam Subdiaconus. Non multò post in Lusitaniam ad prosequenda Conimbricæ studia cum quatuor socijs ire iussus, vilissimo habitu, & corrogatâ in diem stipe, totum quinque mensium iter pedes confecit; noctes, si bona fors tulisset, in publicis pauperum domibus, vel inter deserta mapalium rudera, vel si tenebris interciperetur, sub dio traducere solitus. Quantâ autem in socios tunc se gessisset charitate, luculentè expressit Ribadeneira, unus ex viæ Avenionem usque comitibus, eâ, quam in morte P. Antonij dedit, epistolâ. *Mirabar, inquit, persape ejus fervorem charitatis; ut mirum non sit, ijs initijs finem datum à DEO non*

*dissentaneum. Consuetum namque illi erat sociorum sarcinulas sibi imponere; quoties fluvius transmittendus, vada ambigua tentare, & frangere; debiles etiam humeris sublato transvehere; hilaritatem omnibus vivacem vegeto suo latèque ardore accendere; suam denique singulis operam paterno affectu, famulari observantiâ exhibere. Studijs Theologicis biennio absolutis initiatus sacerdotio, in Indiam solvit Ulyssipone A. 1545. datis prius his ad Parentem, quibus eum ad æterna fortiter hortabatur, salutaribus monitis: *Per Christum te obsecro, id agamus, ut videre mutuo in beata illa, ad quam conditi sumus Patria, possimus, in hac opinor nunquam amplius visuri. Saluti, dum licet, querenda incumbamus, nec enim postmodum dicere joverit: nunquam sic fore credidissem. Erit cum frustra cupiemus, quod prestare nunc ultro & facile valeamus. Si quid usquam boni, si quid mihi jucundi gratificatus es, per Christum te oro, thesaurum illum ambias Jesum Christum, veros omnes thesauros se uno concludentem. Necte filiorum aut filiarum mordax cura ab eo retardet: fortassis enim futurus es nobis omnibus superstes; tametsi optarem nos omnes jam esse mortuos, crucifixos inquam, & sæculo mortuos.**

Goam Indiæ Metropolim eodem anno 1. Septembr. appulsus, & post 6. mensium in Seminario S. Fidei, in Æditui & ægrotorum Curatoris ministerio quietem, ad excolendum Oræ Piscariæ Comorini Promontorium ire iussus, totam illam Regionem per ducenta amplius passuum millia patentem, quot mensibus nudo pede decurrebat, nuda ut plurimum in humo dormiens, ubi eum nox interciperet; nullo adversus ardores æstatis illic sævissimos, aut hibernos imbres tegumento munitus, per continua in fluvijs & torrentibus transvadandis vitæ discrimina, salutem animarum procurans; orizæ modico, & aquâ simplici victitans, nam piscis & olus summæ illic Primorum sunt delicie; tamque alacriter ærumnas omnes exhauriebat, ut ijs occalluisse videretur; & ubi omnes ipsius socios sternebat fatigatio, morbusque affligebat, charitatis illum, quam naturæ vis animosior, vegetiorem quotidie, ac velut recentiore operi reddebat. Christianos regebat ad ducentes mille, quos in oppidis, pagis, & tugurijs inter se longissimè distitos visitans solabatur, confirmabat in fide, defendebat à Ministrorum Regionum oppressionibus, & rapacitate militum, titulo custodiendæ Provinciæ miseros incolas expilantium. Ad hæc quanto eguerit Virtutum



tum præsidio, facile est cogitare; patientiæ præsertim, prudentiæ, comitatis, & hortatrici reliquarum omnium charitatis, quâ omnibus omnia fieret, transformaretque se in eorum genium, ut sibi devinctos Deo obstringeret. Ac nè linguâ velut extraneum audirent, quem re ipsa ubique experiebantur Patrem, hoc suis etiam laboribus tedium adjunxit, ut difficillimum, & valde barbarum illorum condisceret idioma. Porro in tanta, tam varia latissimæ vineæ atque itinerum occupatione, mira erat Criminali quiescentis in DEO animi tranquillitas; utque nisi pro DEO, ita nisi cum DEO agebat nihil. Præterea genua ad orandum flectebat quotidie trigesses aut quadragesses, colligendis nimirum animi viribus, & implorando Divino auxilio pro munere Apostolico. Triennio integro eam Provinciam strenuè excolebat Antonius, cum Ignatius cum in numerum Spiritualium Coadjutorum per litteras recipi jubet; pro quo beneficio impensas S. Patri egit gratias sequenti epistolâ, candido affectu, quam styli elegantia uberiore.

### JESUS sit semper cum omnibus.

**T**Ua humanitati, Venerabilis Pater, me indignum Societatis Coadjutorem benignè placuit admittere: qua in re dabo operam pro viribus, ut tuis votis respondeam: quod Domino JESU præstante, spero me facturum. Non quidem ad hoc munus me idoneum judico; nam longè me ad tanti muneris functionem distare reperio: nihilominus, sicut tibi visum est, ita censeo me ad unguem obtemperaturum. Non solum autem Coadjutorem, sed omnium bonorum, atque meritum Societatis participem facis, insuper omnibus facultatibus, gratijs, autoritatèque, non secus ac Professis, uti libere concedis. Præterea doces Pater hæc omnia ad adificationem, non ad destructionem mihi concessa; quod mihi proculdubio ubique terrarum in eodem Domino JESU Christo persuasi sequendum. Et ut melius progrediar, etsi alias Romæ Charissimo in Christo Domino Petro Landensi vota Paupertatis & Castitatis, atque Obedientiæ, tibi danda reliqui; licetque alibi idem pluries voverim: scias velim me non solum Præposito & Professis, Coadjutoribusque, sive Cooperatoribus, sed cuicumque Societatis nomine existenti, etiam servo, perpetuò adstrictum esse. Quod attinet ad illa septem, in quorum unum si quis incidisset, ad Societatem non admitteretur. Laudetur Dominus noster JESUS Christus, qui me ab illis protexit, & eri-

puit. Reliquum est ut obtentâ facultate à Magistro Francisco, quibusve expedierit, gratijs illis in Domino utar, nam absque illa abstinendum omnino duxi, perinde ac si hæc ad me nunquam pervenissent. Interim Domino DEO Optimo Maximoque gratias agam, ipsum precabor, ut omnes nos ad Cælestem Hierusalem pervenire concedat. Ex istis regionibus India, Comorini Caput appellatis, die 4. Decemb. 1548. Hæc ipse stylo simplici.

Novo jam sacramento autoratus Antonius, in oppido Punicali populis erudiendis insudabat, donec animam cum sanguine exsudasset. Occasio necis hæc erat: Joannes Fernandus Correa, in Arcæ Bedalensi Lusitani præsidij Dux, ut aditum ad Pagodem (nomen est Idoli eâ Regione celeberrimi) è Regno Bisnagæ, & Narîngæ adventantibus intercluderet Ethnicis, angustam viam, quæ sola ad Ramanancorem, Idoli ejus sedem patebat, fossâ grandi interceptit, aggeremque altum extruxit; quo brevi ab Idolo vota, à templo peregrinos, à comœatu Brachmanes, in amplissimo Cœnobio penes Idoli Templum habitantes, exclusit, quorum reditus peregrinorum donis antè pinguescebat. Fame itaq; ac irâ stimulatî Brachmanes, apud Badagas Bisnagæ incolæ injuriam queri, exaggerare probrum, damna exponere, vindictam flagitare, quam nimis pronum erat ab ijs obtinere, quibus ob assiduas prædationes & vastationes invisi evaserant & intolerabiles Lusitani. Ad arma igitur conclamatur undique; & quoscunque tangebant Religio, & Dei Ramanancoris captivi libertas, opem ferebant ad DEUM è servitute redimendum; alij etiam honoris libertatisque sensu stimulatî, commodam eam occasionem arbitrabantur excutiendi jugum Lusitanorum, quos, utpote non plures quadraginta, non laturus aspectum armatorum Badagarum, solumque conspici sat fore ad eos exanimandos, fugandosque censebant; neque alium sibi insequentibus superfore laborem, nisi conficiendi fugientes. Condictâ die stetere in acie, hastis, & Mauricis missilibus instructa Ethnicorum & Saracenorum millia sex, sublatisque signis Ramanancorem cœpere progredi, sed sparsis manipulis, nullo ordine, palantibus similes, mutis tympanis, & gradu tacito; ut prius oculis imminere sibi illos, quàm rumore strepitumque sentirent Lusitani. Dum primi subsistunt manipuli, expectantque secuturos, deliberare cœperunt Lusitani, num in naves recedendum foret; cum Arcis Præfectus Fernandus



nandius diceret, non posse nisi temerè quadraginta homines tot millibus opponi; neque auxiliares manus sperandas esse ab Oræ Piscariæ indigenis, piscando quàm pugnando aptioribus; Arcem etiam Bedalensem malè munitam, impressionique ferendæ imparè; pulveris insuper ignarij & comعات defectum, fugam suadere asseverabat. Adest interim è pago vicino (quem paulò antè baptismo lustratum divinis imbuebat) redux Criminalis, videtque Lusitanos salutem in navibus quærere, barbarorum ferro obijci Neophytos. Ducem adit, obtestatur, videat etiam atque etiam numquã viã res posset sinè sanguine cum Badagis componi, vitã saltem suorum & Neophytorum salvã. Sed Dux crudi propositi tenax, præter suos flocci reliquos habens, eos quã possent & nõssent sibi consulere iussit. Jamque infelices spe omni in Lusitanorum præsidio abjecti, quibus lembi erant, in eos cum familiolis reculisque suis se colligebant, robustiores nandique peritiores ad Cilai saxa, altero milliari à continente distita, natatu contendebant; pueri & fœminæ, quorum calamitas major, & periculum tristius, huc illuc cursabant; cùmque nullum necis aut servitutis cernerent effugium, lamentabili ejulatu replebant aëra. Pater filiorum, quos recens in Christo genuit, lamentis motus, magis autem veritus nè sub tormentis duraturi non essent, quibus eos Badagæ retraherentur erant ad cultus sacrilegos; boni pastoris functurus officio, animamque suam positurus pro ovibus, frustra reclamantibus & dehortantibus Lusitanis, navim inscendere detrectat; sed quaquaversum discurrens, ubi malè laterent, vel pejus prostarent miseri, sedulè inquirebat, verbis ignitis constantiam Fidei, & necessarium in hoc rerum discrimine vitæ unã mortisque contemptum suadebat, spe vitæ beatioris quantocyus potiundæ erigebat animos, pueros & infantes ad cymbas comportare juvabat. Sed junctis jam copijs audaciores Badagæ, vias intercipere alij, alij scrutari latebras, magna pars ad mare prorueret, quò se turba fugientium premebat. Nec tam celeres in vitando litore fuerunt Lusitani, quin sex eorum è numero faucij, tres quidem statim, duo alij paulò post expirarint, sexto solùm in vivis servato.

Pater igitur ut etiam Neophytos, qui ad templum magno numero velut ad asylum confugerant, in fide confirmaret, ad eosdem properat: mox ingenti post se exci-

tus strepitu, ut respectans vidit hostem esse, sibi ingruere, prostratus in genua, manus oculosque in cælum tulit, mortem magis invitans, quàm expectans. Substitere tantisper attoniti Barbari, quòd factum hoc viri esse magnanimi non falsò putarent, nec abstinuere solùm ab eo manus, sed etiam eorum unus illum è genibus in pedes erexit; comitem tamen Patris & interpretem, quo ad tradenda pueris Fidei mysteria utebatur, alius è Barbaris adacta in pectus hastã, in conspectu Patris interemit. Hos aliquantò post alij subsequuntur, quorum telis eodem quo prius situ ac specie offert se victimam Criminalis; & ab his quoque præteritur innoxius, pileo tantùm erepto; adeò vel ipsi Barbari speciem illam orantis verebantur. Nec multum jam aberat à templo, cùm turmã tertiã irruente, tertium sese abiecit in genua; ubi vultum & palmas in cælum tendenti, Saracenus hastam sinistro lateri immergit; alij manus vestimentis injecere, quos ipse Pater in veste detrahenda adjuturus, eandem proprijs manibus diffibulavit; & nè quid prorsus hinc auferret veræ paupertatis amicus, interiorem quoque subuculam sanguine stillantem exuit, Barbarisque concessit. Nudus jam & gravi vulnere faucis, ad Neophytos suos in templum nihilominus properat; cùm novus à tergo Badagarum fit tumultus; ad quem ille conversus, adversum pectus vulnere præbuit, & vibratum à Barbaro hastile excepit. Procumbens ergo in poplites vir sanctus, hastile ipsemet exemit pectori, avensque cruentum vitæ suæ sacrificium illic absolvere, ubi eodem die incruentum sacrificium Filij DEI-Hominis æterno Patri obtulerat, ut erat exhaustus sanguine, & nutante jam gressu, in templum nitebatur. Sed hoc supremum solatium ei abstulit alia hostium superveniens turma, à qua altero hastili humeros, costas medias altero perfossus, in genua corruit, revolutusque in alterum latus suo in sanguine jacuit, donec palpitanti adhuc caput acinace rescinderetur; quod in fano Idoli pro anathemate suspensum à Barbaris, vindictam & victoriam DEO suo gratulantibus, refert Lucena, & alij. Corpus verò post discessum Barbarorum multis eum lacrimis fabulo potiùs texere, quàm tumulto condidère Christiani, cùm præter manus ad fodendam humum instrumenta non suppetarent. Hæc Punicale accidere, extremo Oræ Piscariæ ad septemtrionem oppido, anno 1549. mense (quantum ex literis Balthasaris



Gagi colligere licet) Majo; cū annos vixisset novem supra viginti, menses tres. Dignus, qui primus ē Societate Martyrij palmam consequeretur, cū invicta esset animi corporisque patientia, obedientiae cultor eximius, simplicitate, humilitate, mansuetudine illustris; quā contemptor proprii, tam Divini honoris studiosus; verbo talis, ut adhuc vivum Xaverius Sanctum passim compellaret. In literis verò ad Ignatium, quatuor ante Criminalis martyrium mensibus, hæc de eo scripsit: *Antonius Criminalis Comorinensem agrum cum sex socijs colit. Mihi crede est Sanctus, & natus ad erudiendam gentem illam. Mitte huc ejusmodi complures, nam te istic ad manum habere plurimos arbitror. Nostri illa in Ora præst. Ethnicis juxta & Saracenis gratus; à nostris vero dici non potest quantopere diligatur: hæc Xaverius.*

Serenissimus Lusitaniae Rex Joannes epistolam, quam de morte Antonij à Goano Episcopo acceperat, prædicari palam per Lusitaniā jussit ē sacris pulpitis, & Julio III. Pontifici Maximo per Oratorem suum gloriosum Criminalis agonem exponi fecit; dignum ratus, nè Christi Vicarius tale pro Christo susceptum certamen ignoraret. Alphonsus Cyprianus, emeritæ virtutis senex, & Christianorum Choromandelium Pater, in literis ad S. Ignatium post celebratas fusæ virtutes, quas in Patre Antonio per menses decem in Ora Piscaria observarat, subdit: *singula, quæ Hymno solenni vespertino Confessoribus (iste Confessor Domini) Ecclesia tribuit, excelluisse in Antonio Criminali.* Antonius verò Gomez censuit, victoriâ sui perpetuâ, & interioribus conflantis secum animi crucibus, ærumnis præterea & vexationibus corporis, hilaritate summâ toleratis, apicem illum summi honoris à DEO promeritum, quem tandem assecutus morte clausit beatâ, invidendâque magis socijs, quàm dolendâ. Sed & P. Henricus Henriquez, nostris post necem Criminalis in Ora Piscaria præesse jussus, datis Punicali ad S. Ignatium anno 1549. literis, *Possū, inquit, R. V. affirmare, Patris Antonij Criminalis excellentem fuisse ac sublimem vitam. Nihil eo castius, nihilque purius, nihil sui, quod quidem noverim, desipientius, nihil accuratius in obediendo, spiritu pauper vivens & moriens, ut cui sepeliendo lacertum lintei segmentum defuerit. Habemus hic illum pro Martyre, & hoc tantum bonum rebus pro DEO gestis putamus consecutum. Patres nostri ac Fratres ab ejus morte in orbitate sibi videntur agere; & prorsus in eo omnium vir-*

*tutum absolutum exemplar amiserunt. Christiani quoque Patrem in eo lugent charissimum, ejusque necem ferunt ægerrimè. Denique P. Francisco Xaverio mirum in modum satisfacibat, nec possunt de eo tam multa perscribi, quin scribenda supersint multo plura.* Hæc Henriquez. Bedalæ & Ramanancoris Christiani testati sunt, se suis oculis inter sacrificantis Patris Criminalis manus vidisse hostiam rubentem, & tinctam sanguine, paulò quàm occideretur à Barbaris; ut videretur DEUS præludere cruentæ neci sacerdotis sui, qui tunc incruentum Filij sacrificium sibi offerebat. Et tunc quidem hoc portento prælusit exitio Patris, quod aliàs miraculo ab eodē averterat, & in hoc usque tempus distulerat. Idolū ille, quod Gentiles antiquâ Lucina superstitione parturientibus opitulari credebant, nil mortē suam, nil furorem Ethnicorū moratus, præcipitavit in mare, templūque solo æquavit, eo tempore, quo Ethnica Nobilis ex partu laborabat. Verius conjunx, nè ob eam causam Idolū suæ uxori opem negaret, furibundus Criminalem ad necem requirit; sed vix pedem domo extulit, cū mulier vehementissimis torta doloribus, intellexit divinitus, se eā morbi vehementiâ interituram, si quâ violentiâ Sanctus violaretur; jubet proinde maritum revocari, & tam procul manus abstinere à DEI servo, quàm salvam cuperet conjugem. Quibus minis deterritus Barbarus rabiem posuit, & uxor feliciter enixa est, & maritus Patrem postmodum & coluit vivum, tandēque etiam Martyrem, non jam suâ crudelitate factum, est veneratus.

Mortem gloriosam Criminalis ut Europæi intellexere Socij, dici non potest quanto spiritu, & alacritate ejusmodi missiones, sive in India, sive in Europa expetierint, spe martyrij adipiscendi. Consalvus Sylveria in Lusitaniâ Patrem Criminalem per martyrium imitandi desiderio incensus, extra se ferebatur; quod tandem post gravissimos in Africa labores, est consecutus. Eos verò qui in India versabantur id desiderium eò urebat impatientius, quod erant fidei hostibus viciniore, & ab ijs ad mortem ipsi quoque avidè poscebantur. De quo Gaspar Barzæus, ille Apostolico Vir igne flagrans, ita in Europam ad Socios scribit: *Non possum satis exprimere, quantus me ardor incenderit, & nunc etiam teneat, pro Christo JESU patiendi, ex quo de Martyrio accepi Fratris nostri Patris Antonij Criminalis. Spero ejus quamprimum gratia me fore competentem, quando incipit DEUS*



*eam nostris largiri, qui ejus desiderio tenentur.* Equidem affirmare ausim, sanguinem primi hujus Martyris semen fuisse non tantum Christianorum, sed & semen Martyrum, quandoquidem in sola postmodum Asia tam multi è Socijs Martyrij palmam sint consecuti. Sed & in Europa patrocinium jam vitæ sancti multum profuit ejus ex fratre nepoti, Joanni Dominico Criminali. Egrotabat hic A. 1595. vitæ à Medicis jam conclamata; cum nocte quâdam vigilans, flammam circa tectum videt horrendam erumpere, ex qua totum subito cubiculum occupante profliciens Dæmon, inque eum minax unguis insiliens, raptaturus ad infe-

ros discerptum videbatur. Tam immuni horrore extra se positum, nec Dei, nec Sancti ullius memorem, non deseruit Antonius, sed vultu sereno & hilari comparens, brachio arreptum timere vetuit, & post expulsum Dæmonem, flammamque extinctam disparens, nepotem corporis & animæ sanitati, mutatis in melius moribus, restituit.



## P. NUNNIUS RIBERIUS.

**E**odem quo P. Criminalis anno, mense Augusto, die 22. primum numerum, & par nobile Martyrum complevit, secundus ordine è Societate JESU, in odium fidei veneno sublatus in Molucis P. Nunnus Riberius. Qui vitam nobilissimis natalibus auspiciatus in Lusitania, dum anno 1543. in Conimbricensi Academia SS. Theologiæ daret operam, eximiam Consalvi Sylverie constantiam, quâ is pro obtinenda Societate adversus reluctantes præcipui in Regno nominis parentes certavit, permotus, ad eam & ipse ineundam constantem adjecit animum; & Cal. Augusti ejusdem anni, cum multis alijs insignis doctrinæ ac pietatis viris admissus est. Tertio demum post ingressum Religionis anno, cum lectissimo Sociorum manipulo, ad manipulos in albescensibus illis Regionibus colligendos, in Indiam missus est, jam tum sacerdos. Vix litora Indiæ pede contigerat, cum per literas jubetur à S. Xaverio navigare Malacam, quod ipse S. Pater propediem Amboino rediturus erat. Qui ut Nunnium primum conspexit, agnovit virtutem viri summis quibusque expeditionibus parem, ac idoneam esse. Igitur post bimestrem secum Malacæ commorationem, solum absque socio anno 1547. misit Amboinum in Molucas. Sunt Molucæ Insulæ complures subiectæ Equatori, quarum nulla plus leucas sex ambitu suo colligit. Quæ cum ingentis pretij frugem (quæ indigenis cariophyllum, Hispanis ob figuram clavus dicitur) ferant, reliqua pœne cuncta ad victum & cultum necessaria aliunde mutuari coguntur. Earundem Insularum alia

Banda nomine, sola (quod constat) in Orbe terrarum, in lautiores mensas & medicamenta mortalium, ex una eademque arbore macim & nucem myristicam progerminat. Indigenæ verò colore sunt fusco, capillo sparso & fluxo, ad bella strenui; at in Banda viri mercaturam, fœminæ agriculturam exercent: in alijs verò Insulis victitant medullâ arborum quarundâ, quam medullâ *sagum* vocant; ea lentè purgata, & testaceis incocta formis, non solum in quotidiana alimenta, sed etiâ in usum nautici panis abundè sufficit. Et ex ejusdem plantæ ramis artificiosè concisis, siti levandæ mirifici saporis simul & salubritatis candidus liquor exudat, quem vulgo *tuacam* appellant. Convenæ sunt è Sinis, Javis, & Chersoneso, origine & sono linguæ dispares, cæterum contumaciâ, scelere, perfidiâque simillimi; quippe qui non nisi malo pœnæ adacti bene agere narrant: & non ferro solum, & apertâ vi, sed & fraudibus, venenôque grassantur. Circa Amboinum autem adeò belluinæ sunt indolis, ut filij parentes decrepitos vicissim donent, ad instituendas semicrudis eorum carnibus epulas, inter nefarias choreas absumendas: in omni verò lasciviæ genere etiam belluis sunt peiores, latrocinijs terrâ marique metuendi, & nihil non perfidiæ ausuri, ubi oboli lucellum affulisset. Ex his tamen P. Nunnus per quadrimestre spatium, quo classis Lusitana ibidem morastraxit, sexcentos circiter ad Christi cultum perduxit, Idola nefaria complura evertit. Recedente postmodum classe, Lusitanos quosdam, qui scotos sancti laboris mansuro ibidem P. Nunnio obrulerant, ad æqualia studia fervore





P. Nunnus Ribera Lusitanus Societatis IESU, Amboini in Moluccis Insulis, veneno à Saracenis ex odio Fidei propinato interemptus. A<sup>o</sup> 1549. 22 Augusti.

C. Sereta delin.

Melchior Kœll f.

suo ità excitavit, ut illis adiutoribus sesqui-  
anni spatio duo ampliùs hominum millia  
aquis salutaribus abluerit. Passus inter Apo-  
stolicos hosce labores semel atque iterum  
naufragium, in mortibus versatus frequen-  
ter, quas à capitalibus Christiani nominis  
hostibus in horas expectabat; vitam interim,  
pro Insularum diversitate, nunc pusillo ori-  
zæ, nunc herbarum radicibus, nunc medul-  
là sago, misere sustentans. Solo affectu di-  
ves in Christianos pauperes; quibus (cùm  
aliud præ manibus non foret) ut opem ferret,  
suas sibi detrahebat vestes, eosque seminu-  
dos contegebat. Accidit subinde, ut men-  
dici quidam subsidium à Patre peterent, cùm  
Nunnus tenerrimo commiserantis animi  
affectu motus, quidquid ferè gerebat vestium

protinus exiit, & petentium egestati divi-  
sit, coactus ipse solà lodiculà involutus ince-  
dere, dum vestimenti quidpiam à Lusitanis  
pro se rursus emendicasset.

Hæc agentem servum DEI, circumpo-  
sitis flammis domi suæ exurere tentant Sara-  
ceni; sed cùm fraus ex voto non cessisset, Pater  
periculo divinitus subductus, paucis post  
diebus furorem hostium declinaturus, ut  
prodesset pluribus, navigium conscendit, &  
in aliam Moluccæ Insulam contendit trajice-  
re. Verùm factò naufragio in fluctus excus-  
sus, dum nando conatur in litus evadere,  
immane adiit vitæ periculum, è quo tamen  
demum, sed sædè lacer, emerfit. Nimi-  
rum undarum impetu in scopulos impa-  
ctus, capite corporèque toto confractus est  
ità,



ità, ut vix triduo in pedes confurgeret, sed reptaret humi quadrupes & semilacer, omni humanâ destitutus ope; donec à silvestri homine ( Allifuros nominant ) in pagum quendam delatus esset, ubi à Neophytis sedulò recreatus, & pristinæ restitutus est integritati. Verùm quia Saraceni pretium interfectori Patris non parvum proposuere; eorum aliquis usitatâ, ut diximus, illic gentium viâ veneni, tentavit Patrem è medio tollere. Dies erat Assumptæ in Cælos Virgini sacer, quo eodem die, quamvis ignaro Nunnio, primum Japoniæ pedem intulit Xaverius; Nunnius tamen, sive quòd in spiritu hunc ipsum in Japoniam ingressum, & apertam Evangelio viam persentisceret; sive imminentis sibi Laureolæ præfagus, & velut de triumpho adventante exultabundus, miro succensæ mentis, & elevata vocis impetu, in Missa (quam submissâ cæteroqui voce dicebat) occinere cœpit: *Gloria in Excelsis DEO*. Absolutâ deinde concione dum cibum fumeret, virus sive cibo, sive potui latenter infusum hausit; quod ubi permanavit in venas, & tota viscera permeavit, gignere ingentes æstus & febres cœpit, tetròsque stomachi dolores ciere; è quibus Nunnius sensim confici, in horas contabescere; donec septimâ

die ( qui erat 22. Aug. Anni 1549. ) depaſtis exitiali peste præcordijs exstingueretur in Amboino. Vires Patri exstinguere potuit virus, non virtutem; qui supremis adhuc septem vitæ diebus cùm ex debilitate ingredi non posset, gestari in linteo à Christianis per omnes pagos voluit, ut D. Joannis Apostoli (cum quo venenum hauserat) senescentis exemplo, inter discipulorum manus Ecclesias suas inviseret, & saluberrimis monitis tum universos, tum singulos confirmaret. Has inter curas & labores vitâ jam deficiente, spe vitæ beatioris plenus, crucemque Christi arde complexus, pro ejusdem Crucis gloria ab inimicis Crucis Christi est enectus, cùm vitam ibi egisset in perpetua ærumnosissimi laboris assiduitate difficillimam, præter herbas crudas & orizæ pugillum omni alio cibo carens, tecto etiam & lecto præter cælum & humum nullo.



## P. LUDOVICUS MENDEZ.

**A**lter in Ora Piscaria ictus piscator est P. Ludovicus Mendez. Erat hæc ipsa Ora Piscaria prima olim occasio mittendi Operarios è Societate nostra in Regiones Indiæ, albas ad messem. Cùm enim Paravæ (id genti est nomen) adempto à Mahometanis piscandi arbitrio, gravioribus in dies afficerentur injurijs, neque excutiendæ tyrannidi soli sufficerent; in summa consilij inopia, suadente Joanne Cruceio Malabare Christiano, Legatos 15, petendæ opis gratiâ Cocinum destinant, qui Gentis nomine sponderent, Paravas omnes Lusitana Sacra suscepturos, si auxilio in rebus afflictis sibi afforent Lusitani. Utque sponsioni major esset fides, mox ut mandata suorum exposuere Legati, salutaribus aquis cum alijs 70. Paravis à Michaële Vazio Indiarum Vicario abluti, Christo dedere nomina. Hoc veluti pignore cæterorum voluntatis accepto Lusitani, non dubitavere suppetias ferre laborantibus. Classe proinde à Cocino expeditâ ad litus Piscarium, Mahometanorum non

tantum repressere audaciam, sed etiam Paravis erepta piscationis jura restituerunt. Quâ eadem classe adveſti sunt Sacerdos aliquot, qui lustrandis baptismo Paravis, summis æquè ac infimis, nemine repugnante, ita institère, ut paucos post dies tota gens Christianam se esse miraretur. Ad hujusmodi veluti subitarios fidelium greges aliqua subinde mancipia, & auxiliares Indi temerè adjungebant sese; magis quòd Dominis, aut Lusitano Prætori gratificarentur, quàm quòd suis ponderibus Religionum discrimen & momenta perpenderent. Igitur multò maxima Neophytorum pars, præter intincti lymphâ corporis, & nominis immutati memoriam, Christianæ disciplinæ retinebant nihil; quod ipsum partim gentis fiebat socordiâ, partim inopiâ Cultorum, quippe qui propter paucitatem, neque probè subactò solo sererent, neque sata deinceps ab initio usque ad extremum æquali curâ prosequerentur. Ità labores in semine destituti, optatam segetem virtutis ac pietatis ferre non poterant. Inter hæc è quotidiano





P. Ludovicus Mendez Societatis IESU, Comorini in India Orientali, ab Ethnicis, Fidei hostibus, post aliquot accepta vulnera, obtruncatus. A. 1552.

C. Scretta del.

Melch. Küßel f.

commercio cum Nationibus, quæ ignorant DEUM, multa & gravia in Lusitanorum etiam mores irrepperunt vitia; propiusque aberat, ut Europæi advenæ aliquid in dies singulos ex Asiatico traherent luxu, quàm ut indigenis ipsi Christianæ sanctimonix quidpiam impertirent. Hæc Joannes Lusitanix Rex cum & literis multorum, & sermone didicisset, angebatur intimis sensibus; quippe cui salus hominum, ac præcipuè suorum popularium carissima semper fuerat. Stimulabat præterea animum illa quoque Religio, quòd ex Decretis Pontificijs, & jure Divino, non nisi tuendi augendique divini cultûs, & propagandi Evangelij nomine (si promulgationem eam impedirent) bellum ignotis gentibus inferre, & Indicarum fru-

gum opumque decimas & vectigalia sibi capere liceret. Sollicitè proinde viros doctrinæ virtutisque non mediocris famâ eximios undiq; conquissit, quos laboranti Indiæ submitteret operarios; sed frustrà; cum per id tempus tanta foret hujusmodi Virorum per Lusitaniam penuria, ut Concionatores è finitimis Regionibus accerserentur, & magnis stipendijs evocarentur è Gallia, Hispania, Italia, Germaniâve, qui in Conimbricensi Academia, tunc recens excitata agerent Professores. Hisce curis anxius, jamque ad Indiam sublevandam externa circumspectans auxilia, opportunè intelligit Societatem JESU nuper ab Ignatio institutam esse, quæ ad Evangelij prædicationem sinè ulla prorsus aut temporum, aut locorum exceptione,

coa-



coaluisset, jamque in varijs Europæ locis haud obscurum egregiæ cujusdam pietatis & doctrinæ specimen dedisset. Hoc lætus nuncio Rex, Petro Mascarenia, suo apud Pontificem Oratori mandat, etiam atque etiam agat cum Ignatio, uti Socios sex ad sese mittat, quando generis humani salutem, & Christi, Domini gloriam usque adeo sitiant; non defuturas in Asia & Africa scaturigines, quibus eam, aliqua saltem ex parte relevent sitim. Hoc mandato accepto Mascarenias Ignatium appellat: Ignatius ex auctoritate Pontificis, quod alijs quoque Regionibus consultum vellet, Oratori expetenti sex, duos tantum assignat: Franciscum Aspilquetam, cognomento Xaverium, & Simonem Rodericum Lusitanum. Simone deveccto navi in Lusitaniam, Xaverius in comitatu Mascarenia iter pedibus potissimum per Alpes, & saltus Pyrenæos emensus est. Qui ubi Regem Ulyssipone salutasset, ab eodem Pontificio diplomate instructus, quo Nuncius Apostolicus ampla cum potestate per Indicas Regionem creabatur, anno tandem 1541. Aprilis die 7. cum Paulo Camerte, & Francisco Mansilla, prætoriam S. Jacobi conscendit, in qua illum secum Alphonsus Martinus de Sosa, Indiarum pro Rege Governator, habere voluit: & Xaverium post varia navigationis & diuturna discrimina, Goam Urbem totius India Principem, Paulo & Francisco Mozambici relictis, deduxit. In ea Urbe postquam in Lusitanorum perversissimis moribus, neque multum ab Ethnicorum differentibus, corrigendis emendandisque, per menses sex summo studio, nec minore fructu defudasset, quæ erat convertendorum Gentilium succensus cupiditate, hortatu Vazij, & facultate à Prætoris Sosa habitâ, ad Oram Piscariam magnâ animi sui voluptate profectus est. In quo Oræ maritimæ tractu quantas Vir Sanctus solus per duos ferè annos conversiones, quanta miracula fecerit, nil attinet hic scribere. Id solum nunc memorandum est, ab eodem Sancto, cum is iter in Sinas adornaret, in Oram Piscariam missum esse P. Ludovicum Mendium. Qui postquam annum jam quartum ibidem excolendis doctrinâ Christianâ Paravis profuisset, præciso à Barbaris capite, charitatis & zeli sui immortalem promeritus est coronam.

Fuerat eâ tempestate mors atrox inter conterminos Piscaria Reges, vendendi populationes finitimorum, qui viribus & resistendo debiliores forent, vendebaturque conceptis ad pretij & prædarum mensuram diplomatis. His Regum muniti literis emptores, latronum conducebant turmas, armatique modò hunc, modò alium pagum repentè invadebant, ac eo direpto, in ditionem sui Regis recipiebant sese, prædam grassationis cum eo divisuri. Docebat tunc Mendez Christiana Mysteria in pago Piscaria populofo, qui Badagis tributum solvebat ex eo tempore, quo hi irruptione factâ Antonium Criminalem occiderunt, & Oram Piscaria fœdè depopulati sunt. Quem pagum cum sæpius acceptâ prædandi licentiâ devastarent latrones, indigenæ injuriam apud Badagas questu sunt, Badagæque tributarios suos à violentia invalorum vindicaturi, quàm plurimos è prædatoribus obtruncârunt. Rex prædationis, quam Badagæ ulciscabantur, nundinator, irâ rabièque furens, cum Badagis vindicibus, utpote validioribus, arma inferre non auderet, in Christianos tributarios se convertit. Pagum igitur dictum intempestâ nocte magno numero, elatisque vocibus ingressi Barbari; in plebem & Primores promiscuè sæviunt, ut in solitudines alij, alij in Templum (ubi eâ nocte Ludovicus in oratione vigilarat) diffugere coacti sint; quos Pater summâ commiseratione excipiebat, erigebat solatijs, præparabat imminenti neque dubiæ lanienæ. Observârunt concursum populi Templum versûs prædones, eoque præcipites advolant; sed confertam multitudinem aggredi veriti, lignorum strue Templum cingunt, omnes uno incendio perdituri. Hic Mendez pro foribus hosti obviare, rogare supplex, erga DEI domum, erga tot infantes, pueros ferme feminasve, causæ quam ultum irent ignaros, incrudescere nè velint. Quæ dum pro ovibus bonus Pastor orat, ferrum precantis faucibus barbarus immergit; mox prostrato la-tus iterum ferro eodem fodicat, demum palpitantis & spirantis adhuc caput abscindit: quod reduces postmodum, pauculis alijs cæsis ac saucitatis, ad Regem suum triumphabundi attulère.







Duo Sacerdotes Societatis IESU in Salsettis Indiæ Orientalis Insulis, ab Idolorum cultoribus, lapidibus obruti  
A.º 1554.

C. Scretta del.

Melch. Küssell f.

## DUO PATRES ANONYMI.

**U**dem omnino Salsettanis evenit, quod Jerosolymis Salvator prædixerat. Postquam enim Jerosalem lapidasset eos, qui mittebantur ad eam, Prophetas, jussu DEI ultrone factum est, ut non relinquerent lapidem super lapidem vastatores Jerosalem. Lapidaverunt pariter Salsettani Indigenæ A. 1554. missos ad se ex Europa divini verbi Præcones è Societate duos; quæ lapidatione eam, sed favorem sibi poenam promeriti sunt, ut aliquot post annis, dum pro Rege Indiam gubernaret Antonius Noronia, ducenta octoginta templa Pagodum in, tractu Salsettano funditus eversa sint, præ-

ter infinitas alias ædículas, quæ singulæ suum habuere, sed obscurioris nominis Pagodem. Eversionis hujus initium (ut specimen secuti ex morte Patrum proventus demus) ductum est à famosa & propudiosa Basilica, in qua Pagodi primario, in simulacro quavis giganteâ magnitudine immaniore, abominando prorsus modo sacrificabant, prostitutione scilicet publicarum meretricum, quæ illic de publico alebantur, ut promiscuè ad-euntium ad templum turpitudini paterent. Expeditionis egregiæ auspex P. Ludovicus Goëz cum Præfecto Lusitano, simulacrum Pagodis in frustra conscindunt, Basilicam subruunt, ac ne ullæ de Templo subruo Eth-nicis



nicis extarent reliquiæ ad venerationem, ejus loco Crucis trophæum erigunt. Neque hîc stetit fructus laborum è sanguinea segete lapidatorum sacerdotum prognatus. Licet enim dum viverent semen Divini Verbi seminare visi sint super petram, & lapidea Salfettanorum corda, à quibus tandem nullum reportarent fructum, nisi lapides, quibus obruti sunt; mirâ tamen metamorphosi potens DEUS de lapidibus istis suscitavit filios Abrahæ, auferens lapidea indigenarum corda, & dans eis cor carneum; ut vix ulla deinceps à nece eorum fuerit illis partibus natio ad Fidem Christi prœior; licet interdum novo Apostolicorum Virorum sanguine oportuerit eam in majorem fecunditatem quasi rigari. Id quod hâc ratione evenit.

Confecerant penè iidem sive petrum lapidibus, sive aliter, innumeris plagis affligit P. Petrum Colazzium, & ut mortuum dereliquerant: quem tamen palpitantem adhuc deprehendentes Christiani, Goam in linteo deportârunt, ubi quadraginta dierum curatione convaluit. Moxque ut ingredi potuit, in campum, ex quo saucius & semianimis elatus nuper fuerat, rediit, vitam pro salute animarum, & pro Christo mortem in promptu habens: unâ ingrati soli culturâ difficili, quod tam avarè diuturnis sudoribus responderet, affligit. Quod aliquando tacitè apud se dum queritur è monte edito civitatem despectans, & meliora desperans propè de relinquenda frustra curat Babylonè deliberat, placuit Divinæ Bonitati servum suum docere, non in vanum locatam operam, neque frustra rigatam Patrum lapidatorum sanguine terram sterilem. Audit enim ima ex valle derepente vocem pueri concinentis: *In nomine Patris, & Filij, & Spiritûs Sancti*; pergentis eodem cantu scitè pertexere reliquum sacræ doctrinæ carmen, prout à Patribus edoctus fuerat. Eâ voce mirè recreatus, animari se majorem in modum persensit ad labores, in ejus populi salutem fortiter integrandos: velut sibi ore, pueri DEUS significasset, haud quaquam eos in cassum deinceps casuros eo in solo, quod suo & duorum illorum Patrum sanguine jam emolliisset. Et verò respondit optatissimus conceptæ spei eventus, reddiditque fructum plusquam centesimum. Tantæ enim fiebant postmodum ibidem ad fidem conversiones, ut ipsi Europæi Goæ Christiani, quis credat? arrogato sibi sapientiæ cothurno, improbâre cœperint, tantos ad suscipiendum solennem baptismum accursus (se-

ptingenti enim quandoque simul adveniebant) laudem sibi Patres nostros ex tanto numero, non Dei gloriam ex salute illorum, quærere dicentes, quos ad baptismum aut allicerent promissis, aut minis intruderent. Jactabantur hæc ventosis sermonibus adversus solennes Salfettanorum in templo nostro Goano baptismos, ad quos confluebant turmatim Ethnici; cum potentiorum impugnatorum unus in agmen eorum numerosum Goam intrantium incidit, qui duce nemine, sponte ex pago, in quo Christianam institutionem audierant, ad Patres Goanos veniebant, ut baptismi tandem compotes fierent. Constitit Nobilis curiosius inspectans, hominèsque vidit omnis conditionis & ætatis ramos gestantes, hilares ducentes saltando choros, & cantu doctrinæ Christianæ, quam ab excolentibus Insulam Patribus didicerant, letos & amœnos. Perculit Nobilem id spectaculum, quod non coactos ad baptismum, sed ultroneâ voluntate à Deo motâ, illum lætissimè expetentes prodebat: ita ut non diu post obviam Patri nostro cuiuspiam factus, equo desiliens in aurem repeteret: *Credo, Pater, credo, & certò credo eos, qui manibus vestris tinguntur sacro baptismo, ultro & magnâ voluntate id agere*. Certè tantus erat Neophytorum ardor, ut vix sacro balneo tincti, fierent statim Evangelij præcones; lapsoque vix hebdomadæ unius spatio, chorum ad Patres ducebant vernaculis organis variarum tubarum, tibiârûmque festum & hilarem, cultu omnes decoro, aliquos etiam aureis torquibus insignes, omnes læto cantu baptismum poscentes, & ad eum optandum à Neophytis persuasos. Nec quiescebant, donec propinquos omnes undeunde conquisitos, ad sacrum lavacrum adduxissent: licet quibusdam magno esset redimenda ad Christum conversio, quod & frequenter domo extruderentur, ejurarentur à parentibus, à Saracenis non pauci occiderentur. Brachmanarum etiam complures in magna templi frequentia, è loco eminenti suos execrabantur errores, veniam petebant peremptarâ se animarum, superbo & avaro mendaciorû & fraudum præcio. Quorum unus opulentior, id sibi muneris perpetui injungi à nostris petijt, ut exeuntibus è Christi lavacro pauperibus suâ ipse manu calceos aptaret; quod etiâ quoad vixit, summâ animi voluptate faciebat. Itâ scilicet ædificabatur Salfettana Ecclesia super fundamentum Apostolorum & Prophetarum, quos ad se missos nuper lapidaverat.





Unus è Socijs P. Henrici Henriquez Societatis IESU in Promontorio Comorino, à Barbaris, odio Fidei trucidatus. A<sup>o</sup> 1555.

C. Secreta del.

Melch. Küssell f.

### P. HENRICI HENRICHEZ Socius Anonymus.

**M** Agnis Xaverij laboribus & sudoribus excultum Comorini Promontorium, non ità continuò subigi potuit, quin in longa deinceps tempora uberem Apostolicorum laborum campum successoribus & Filijs ejus præbuerit. Præerat Socijs Goà illic transmitti solitis Henricus Henrichez, qui leucas excolebant sexaginta oræ litoralis, in qua sunt pagi vel oppida plura quadragenis, nonnulla capitum quinque millibus habitata; gens dura & agrestis, anni maximam partem ad mare transgens. Infelicitas soli tristis, omnia occupant arenæ steriles; solis ardor intolerabilis, aquas urens, &

fabulum in tantum excoquens, ut soleas ambulantium exurat. Malorum autem cumulus mediterranei barbari, lege Deorum cultores, professione & arte grassatores. Torrentis instar subinde ex montibus subiecta inundant improvisi, direptisque omnibus, homines in servos abigunt. Aptissima denique ad fingendos probandósque Tirones Apostolici muneris regio (ut eam vocabat Xaverius) seu vitam spectes ærumnis exercitam, seu difficilem culturam, seu pericula nunquam non obvia. Versabantur in ea cum Henrico Socij aliquot, interque eos, de quo agimus, necdum sacris initiatus; partiti inter se loca, quæ sua singuli pro parte per-



peragrabant, ut se omnium votis & necessitati commodarent. Sexcentos quotannis vel octingentos ex adultis Christo adscribebant, continui erant in concionibus ad viros, doctrinæ rudimentis ad pueros, ministrandis tam numerofo populo Sacramentis, ut multis locis totus annus videretur Jubilæo coli. Magno præterea Religionis sacræ compendio Casciges & Brachmanes (religiosa Idololatriæ Magistrorum nomina) crebrâ versabant disputatione; id quod majorem in modum valebat ad stabiliendos in proposito Christianos, & rudiores ad Fidem Christi amplectendam inducendos, cum viderent scætarum suarum sapientissimos, rationibus domitos, evolvere se nullo exitu posse, sed vel mutos silere, vel ea respondere, quæ pueri etiam dicere erubuissent.

Horum unus inter Brachmanes Jogus annos egerat aliquot in eremo solus, pœnis ultroneis asperos; unde descendens, concionari passim de seipso, affirmareque se esse illum, qui tot pridem annis fato functus, imò antea sapius mortuus, Deorum gratiâ in vitam toties redisset, ut hâc arte eorum venerationem, in Brachmanes & Jogos liberalitatem, eis inculcaret. Hic tantum fidei in plebe stulta invenit, ut cum recenseret multa ab annis trecentis, quæ ipse oculis vidisse asserbat illic gesta, pro indubitato crederetur annis trecentis senior esse. Tam prodigiosæ ostentum novitatis dum spectatur tanquam cœlo lapsum, exprobrabant Christianis Ethnici, ecquem possent de suis monstrare hominem sæculorum trium, & ex mortuis vicies redivivum? si tanti fieret ad annuciandam Christi legem enavigasse illis Magistros tot maria usque ab Europa, quanti præstare, Magistrum ex orbe defunctorum toties reducem habere? Quod ubi Henrichez intellexit, misit extemplo, qui homini gratularetur in viciniam adventum, rogaretque pergere usque ad Punicalem, ubi ipse æger morabatur; cupere se vehementer tantum virum nōsse, fruique illius præsentia. Invitatio tam comis, Jogo pecuniæ avido spem fecit doni alicujus à Christianis, Patre accessum suum ita pensaturo, emungendi. Stipatus ergo densâ populi turbâ Punicalem in medio Nobilium cum pompa ingreditur, quam constabant pueri coronati, Virorum ordines, Musicorum chori, insano strepitu

aures tudentium. Occurrentem hominem Henrichez magnâ voce, quam omnes exaudirent, non jam salutavit, sed ad defendendum tam prodigiosum, cui similem mundus nunquam spectasset, vicies in orbem ex mortuis reditum, provocavit. Conturbatus insperatâ provocatione Jogus, cujus falsitatem verax conscientia objurgabat, pudore tamen metum superante, videri voluit in pugnam libenter assentiri. Ergo postridie coram tota multitudine coactus de sua tam multiplici suscitatione dicere, cum in multis ab Henrichez falsi reprehenderetur, animo tandem penitus concidit, ubi hanc sibi ab eodem conditionem proponi audivit: *Debere illum, qui vellet hominibus persuasum, se toties mortuum, toties suscitatum, ut minimum semel coram illis mortem oppetere, & palam semel resurgere.* Deprehensus enim infelix, nec futuri aleam subire voluit, nec defensionem præteriti, quod tam diu jactaverat; sed incomitatus certamini, & Oppido se inglorius subduxit.

Hæc aliâque præclarè in rem Christianam, & Idololatriæ exterminium gesta, in rabiem scilicet egere Casciges, & gentilem viciniam Bagadarum, non aliter restringendam, quàm è Socijs cujuspian sanguine Pagodibus suis immolato. Igitur in omnem, maturando uni alicui certo (Henrichez fuisse verosimile videtur, nam hic ipse Barbarorum errore pro ipso eneçtus, Henrichez socius in Actis nominatur) exitio occasionem intenti, dum sagaciter, quâ ocysimè illum deprehendant, vestigia prædicantis legunt, incidunt in hunc æmulum zeli illius socium; quem nihil dubitantes illum ipsum Henrichez, quem vestigabant (& erat omnino Idololatriæ cultûs hostis acerrimus) superstitionis avitæ everforem esse, cæco impetu irruunt, & plurimis confossum vulneribus, ad optatam, exantlatis sudoribus, lauream transmittunt Anno 1555. 6. Decembris. Cujus quidem nomen in terris posteritati intercidit; Cælestibus tamen fastis gloriosius inscriptum, bonitas causæ,

& mortis illustis titulus  
persuadet







P. Alphonsus, à Castro Lusit. S.I. post gravia supplicia mortem pro Christo subijt, à Mahometanis in Molucis occisus, A<sup>o</sup> 1558.  
C. Sereta del. Melch. Küßell f.

## P. ALPHONSUS DE CASTRO.



Alphonsum Castrum Orbi nostro dedit Olyssipona; Orbi novo & Societati P. Franciscus Viera, quo Castrus Confessario utebatur, & ejus hortatu cum alio Juvene, Societatis itidem Candidato, è Lusitania navigavit in Indiam, ut ibidem à S. Xaverio in Societatem facilius admitteretur. Ubi navem conscendit, insignem de consanguineis victoriam retulit, plus quàm navali coronâ dignam. Accurrerat ad navim cum propinquorum globo frater, & natu major, & Juris laureâ venerandus, ut fratrem ætate minorem à consilio absterret; diùque inquisitum tandem è latebris per vim ad Na-

varchum protrahit, & ab eodem sibi reddi multum exposulat. Sed Alphonsus negat se hominem nòsse, neque pro fratre habere eum, qui ad Christi sequelam properanti obicem poneret. Quà constantiâ victus Doctor, domum inanis redire coactus est. Alphonsus autem unà cum Juvene viâ & consilij socio in navi remansit constans; & ita quidem, ut sive alia obliti omnia, sive providentiâ Numinis freti effectus paupertatis voluntariè experiri cuperent, viaticum pro longinqua navigatione comparatum inferre negligerent. Imò & illud, quod filijs spiritualibus sollicitus P. Viera intulerat, magnanimi Juvenes, nè amore DEI dilatatum cor



cor earum rerum cura coarctaret, in tenuissimum quemque navalis turbæ breviter erogarent; totum reliquum iter confecturi mendicato. Universum interim tempus vel sacre lectioni, vel piæ meditationi, ac sacris inter se colloquijs, vel ægrorum ministerio tribuebant, eâ cælestium solatiorum exundantiâ, ut in conspectu Indiæ constituti, cum se invicem intuerentur, risum tenere non possent.

Advectos in Indiam Xaverius in Societatem recepit. Et Alphonsum quidem laboriosis ministerijs, & pietatis exercitijs Goæ exercitum, & quodam quasi æconomi munere functum, demum & sacerdotem creatum, secum Malacam deduxit: ubi dum Alphonsus primum sacrum facit, S. Xaverius illud concione habitâ cohonestavit. Postmodum autem Malacæ & Cocini pro concione ita se probavit Alphonsus, ut eum Cocinenses concionatorem sibi deposcerent; sed Xaverius A. 1549. ad Molucas mittendum censuit, ut Socijs ibidem sparsis præesset. Quo in munere multa & gravia, non modò à Mahometanis & Barbaris, sed etiam à domestico quodam, eodémque socio pertulit. Erat is Antonius Vazius Neophytis natus parentibus, homo alijs, quàm sibi sapientior, idémque ingenio acer, in ciendis pro concione affectibus potens, in vulgari conversatione affabilis & pius, cæterùm superficialiâ ferè pietate, cum suavitate quadam ingenij & morum conjunctâ, quâ fiebat vulgo amabilis, maximè Præfecto Oduardo, qui Vazio familiarissimè utebatur. Hæc porrò se apud Præfectum gratiâ insigni, & singulari apud populum Viri magni opinione circumspicientem, subibat quidam pudor obnoxia Alphonso Castrio obedientiæ, ferebátque durius, quòd iugo alterius subesset. Scalpsit hanc ejus pruriginem missionis longinquæ urgens occasio, quâ Rector Castrius ad infideles Mauros juvandos evocabatur; qui Ternate solvens suas regendi vices Vazio commisit. Injuncto Vazius in gradum hunc pede, per se commentus est, quâ in superiorem evaderet. Mirum planè auditu & miserabile, in Regionibus Orbe toto divisjs & barbaris, Apostolatûs muneribus insudantem sic desipuisse ambitionis levissimæ ambitu, ut confingeret literas à Provinciali, quibus Rector nostrorum (qui tamen tantum sex erant) dicebatur; reversum Alphonsum excluderet, & indignissimè Virum mansuetissimum haberet. Donec literis à Provinciali Indiæ ad populum Ternatensem

datis, doli convictus, & morbo gravissimo deterritus, suam publicè noxam fateretur, & populum ab errore deduceret. Cæterùm à Societate homotalia ausus nihilominus segregatus est; donec compluribus demissi animi datis argumentis, admissionem ad Tirocinium rursus impetrasset. Vocationis enim suæ ad Societatem amantissimus jam inde fuerat, cum dimissionem à S. Xaverio petiturus, uno in se Sancti Viri oculorum conjectu, paucisque his voculis: *Et vis filii mi à nobis discedere?* sic immutatus est, ut nunquam impofterum de Societate deserenda tentationem ullam passus fuerit.

At Alphonsus muneri jam restitutus, paulò post ex Maurica Ternatem accitur à Francisco Viera, suo olim in Lusitania Confessario, tunc Goani Collegij Rectore; & instaurato per occasionem Jubilæi, quod Viera secum attulerat, animo, ad Mauricas Insulas remittitur, deducturus secum Socios, qui per eas plagas præessent, & mox ubi res compositæ forent rediturus, ut primo quoque tempore transfret in Baccianum, ad nascentis ejus Ecclesiæ, cujus linguam in promptu habebat, statum ordinandum. Quò postquam digressus est, bello omnia tumultuque miscuntur in Molucis. Tumultûs occasio hæc erat. Multa jam pridem de perfidia & occultis machinationibus Regis Moluensis Aërij delata erant ad Odoardum de Saa, Ternatinæ Lusitanorum Arcis Præfectum; velle nimirum Aërium conjunctis cum Bornei Rege viribus Lusitanum nomen penitus in ijs oris extinguere. Ad quæ cum accessissent intentatæ per insolentiam Baccianensi Regulo Joanni (qui sub protectione Lusitanorum baptismum recens susceperat) impotentes minæ, Odoardus haud cunctandum ratus, in arcem dissimulanter Regem, ejusque fratrem Cizilgazarem totius fraudis socium evocat, & comprehendit; falsò ratus, hæc viâ tumultus comprimi, & rebellionis primos ignes extinguere posse. Egit enim amor populi erga Regem die uno, quod annis compluribus odium Regis in Lusitanos non potuit. Ad arma concurritur à Ternatensibus, Tidorensibus, Marcianis, & à conterminis etiam Insulis, quasunque incolebant Saraceni. Hi omnes ad Babum captivi Regis filium confluunt, grandique constituto exercitu, cingunt premuntque Lusitanorum oppidum & arcem; omnes conclamant aut Regis libertatem, aut Lusitanorum necem, qui fidem proditione fefellerant. Inter hos motus, venit capto Regi in mentem



de navigiolo, quod Alphonso commodaverat in Maurum transmissuro, indeque post mentem redituro rursus Ternatem; dumque sperat fore, ut capto Castrio ipse è carcere per commutationem liberetur, jubet occultè filium naviculas in excubijs habere, quæ revertentem Patrem intercipient. Sed casum fuisset hocce Regis consilium, si Viera processisset. Miserat enim & ille celoem ad P. Alphonsum, mōnens, Ternate in defectionem omnia ruere, stratum mare hostibus, populum in armis esse; proin in Mauro tantisper subsisteret, dum novis ab se literis revocaretur. Ità quidem Viera; sed DEO visum est, ut nuncijs tempori non adesset. Confectis igitur Alphonsum negotijs dierum spatio quindecim, Ternatem remeabat turbarum ignarus; incurritque in vigiles in reditum suum infidias, & ab hostibus capitur. Qui mox vincitum in oppidum Ires deportant, libris, supellectile ad rem sacram necessariā, Crucifixi effigie olim à Xaverio gestatā, & alijs rebus omnibus spoliant; Adolescentes insuper Christianos tres viæ comites, in mancipia divendunt; vestibus, ipsōque indusio intimo Patrem nudant, roganti plurimū, fragmentum lacerum vix relinquunt, quo ad pudorem cingeretur: post hæc manus in tergum retortas constringunt, funēque circa collum implicito per dies quinque in oppido asservant: inde Ternatem deducunt, sed in crucem ex decussatis duobus navigij lignis compactam, nudo corpore sublatum; ex qua deinde solum solum solum Principi Babo arcem obsidenti, qui nudi Alphonfi, antè sibi noti spectaculo motus, femoralia & indusium sibi ipse detraxit, quò ejus nuditatem obtegeret. Ipse etiam Rex in arce captus, ubi Castrium captum inaudijt, misit à quibus suo nomine officiosè viseretur. Nisus etiam est Princeps Babus Castrium suorum fidæ custodiæ tradere, sed obstitère Ireenles; causati nusquam gentium tutius, quàm apud se tenendum. Iren igitur Patrem reducant, vestibus, quas Babus donaverat, rursus spoliant, semicinctu vili ægrè illi ad pudorem tegendum relicto. Revinciunt denuo ab humeris manus; fisso arboris gravi trunco ad modum numellæ collum medium inducunt; jamque de fuga Patris nihil solliciti, abjectum humi, dies totos triginta ad solem & nocturnam auram nudum, vespis & culicibus commordendum exponunt. Quod quidem tormenti genus glorioso Athletæ longè gravissimum fuit, qui dudum valetudine tam erat affecta,

ut auræ etiam levissimæ ad nudum corpus afflatu offenderetur, eamque ob rem nè noctu quidem ad conciliandam quietem vestes deponebat unquam, nec obloletum indusium cum recenti, nisi medio ardentique sole, frigoris intolerans permutare solebat. Præterea nihil per octo omnino dies cibi ad eum allatum est; reliquis verò diebus furtivè attulère aliqui cariophyllos (quo fructu Insula abundat) recentes; sed Maurus sacrificulus, qui à Patris latere per dies octo nunquam discessit, ad defectionem Alphonsum identidem sollicitans, fassus est, Patrem etiam ijs abstinuisse; mirabaturque vitam absque alimento tamdiu à Patre protactam. Accedebat ad tantam barbariem Caciziorum insultus frequens, quā promissis, quā minis urgentium ad ejurandam Christi fidem, & professionem Mahometis suscipiendam; quod facinus Alphonsum cū execraretur, atrociter à Barbaris cadebatur. Tandem Mahometani ubi nihil proficere se vident, virūque tot cruciatibus & inedia consumptum, ut spes vitæ nulla ampliùs superesset, intuentur, statuunt eum ferro absolvere. Ergo Mauris duobus sicarijs mactandum tradunt; qui arreptum per asperas cautes secundum litus deducunt, locum qui maxime placeret, tanto sceleri delecturi. Ibat Pater specie quidem spirans cadaver, at eo animi vigore, ut abrupta saxorum, levitate mirà supervaderet, quasi tot dierum ærumnæ non consumpsissent robur, sed pondus tantum levassent corporis. Quin adeò tantum non ad necem, sed ad convivium properaret, notabat ipsemet loca idonea laniinæ, & subsistens tortoribus demonstrabat. Quod postquam semel ac iterum fecisset, occurrit demum modica planities exesæ rupi subiecta, in qua magnus jacebat truncus, quem maris undæ alluebant. Atque Alphonsum: *Nōne hic locus placet?* inquit, animo tam erecto, ut cū placere demum sibi respondissent, acinacem, quo erat conficiendus, sibi petierit ostendi; quem modicè contemplatus: *acies*, inquit, *hebes est, meliori eam cote subigite.* Tum rogat manus vinculis exui; sed negantibus id sicarijs: *agite*, inquit, *solvite; num nè fugiam timetis? nihil est quod timeatis; ad hoc manus solutas posco, ut religiosius tantisper DEUM precer.* Quod subridens, & tranquillâ oris specie cū diceret, carnifices multum invicem mirati, manus illi liberas concesserunt. Manibus Pater in Cælum sublatis, prostratus in genua, Deo se in victimam offerebat; & paulò post sur-




furgens, arboris trunco pronus incubuit, quò commodiorem iñtum carnificibus præberet: quos etiam blandâ voce affatus: *Jam verò, aiebat, quod cordi est perpetrare.* Hic alter eorum impacto dorsi spinæ in longum acinace, divisurus planè medium erat, nisi magnâ vi ambabus manibus iñtum vibrans, caput ipse sibi læsisset (sunt enim tam exquisitæ temperationis & ponderis eorum gladij, ut uno iñtu medium hominem per totum rectâ findant.) Alter igitur adhuc vivum suo acinace absolvit; tertiâque vibratione in mortui jam collum inñicto ferro, caput summum à maxillis divisit. Corpus truncum in mare devolvunt barbari, caput ludo crudeli ad instar pilæ inter se jactatum, altè tandem acuto scopulo defigunt.

Vulgatâ postmodum P. Alphonsi nece, non tam mortis immanitas, quàm occisi robur, & invicta post diuturnos carceris cruciatus morientis virtus, ipsis adeò Mahometanis admirationem, & Patris reverentiam impressit. Sanè miles quispiam Giloli aliquamdiu præfidiarius Patri Vieræ narrabat, S. Martyrem Alphonsum Castrum (sic eum nominabat miles) etiam apud Mauros plus habere venerationis, quàm apud Christianos. Addebat audisse se à Rege Giloli Mahometano miras de Castrio laudes, de illa potissimum adeundæ mortis generositate. Illud verò ejusdem curiosi & solliciti roboris de inspiciendo, & acuendo acinace argumentum, hocce sarcastico in suos epiphonemate Regem clausisse: *hoc nostri videlicet Cacizij facturi essent pro Maurorum lege!* Placuit etiam benignissimo Domino, qui nunquam liberalitate vincitur, suo heroi reddere vicem, non modò confitendo illum coram Patre Cælesti & Angelis, sed etiam coram hominibus. Nam corpus quod in rapidissimum mare projectum, & unius diei spatio ultra centum milliaria abripiendum erat, elapso tamen triduo tantum absuit ut loco motum sit, ut aliquantò etiam superiùs cerneretur, quàm quò fuerat abjectum; vulneribus adeò vividis, ut tunc inflata puta-

res; eâ denique luce perfusum, ut gummitas recens pictorum tabulas suo splendore referret. Situs ipse corporis quasi viventis erat, nam alto scopulo infederat, qui pleno æstu, aquis in fornicis speciem sinuatis ambiebatur; quo situ multos dies perstitit, quin dissolveretur. Exactis tandem mensibus octo, & obsidione Ternatensi solutâ, misit P. Viera hominem, qui reliquias ad se deferret chari sibi olim filij spiritualis, & nuper fratris. Ossa igitur consumptâ carne hærebant suis adhuc commissuris, in situ sedentis hominis, niveoque candore nitentia; ac calvaria inter eas rupes nullâ potuit sagacitate reperiri.

Porrò homicidæ Patris non tantum ij qui ferro eum violârunt, sed quicunque carceri mancipârunt, ipforumque adeò agnati, pessimo exitu brevi tempore periêre; ferro alij, alij igne, plurimi morbo nunquam antè viso, quo tumefcente in vesicas ignitâ sanie turgidas, per universum corpus nudatis carnibus defluebat cutis, viscera dirus calor depascebatur, ut omnes magnis clamoribus Alphonsum repetentes perirent. Regi Aërio vinculis soluto fassus est senex Ireensis, filios suos vendito calice, qui ablatus Patri fuerat, novo mali genere intumuisse enormiter, quo tumore brevè confecti, elatis in Cælum brachijs, ad usque ultimum halitum vociferabantur, ô DEUS! ô Domine DEUS! quamvis Gentiles essent. Idem etiam Rex totam hanc Martyrij seriem, ut eam ab ipsismet carnificibus acceperat, P. Vieræ narravit; quod totum confirmârunt etiam piscatores duo, qui ad littus piscantes, dum P. Alphonsus ad necem raptaretur excensione factâ, generosi agonis fuêre spectatores.



## P. FRANCISCUS LOPEZ.

**F**ranciscus Lopez gente Lusitanus, annorum undequadragesima, è quibus in Societate viginti, in India exegit duodecim, cum Joanne Nunnez Baretto Patriarcha anno 1556. Goam advectus est. Ex

quo tempore varijs tum Goæ, tum Cocini perfunctus est officijs, quâ catecheticis exhortationibus, quâ Sacramentorum administratione, quâ gubernando etiam Coullanum Collegium; potissimum tamen gessit Concionatoris munus, magnâ laude, & ingenti ani-





P. Franciscus Lopez Lusit. S. I. pro Fide Christi occisus à Mahometanis in mari Cocinensi A.º 1568. 29. Octobris.  
C. Screti del. Melch. Küßel f.

animarum melle; eaque vi poenitentiae & doloris sensum ab Auditoribus exprimebat, ut raro diceret, quin Auditorium in apertos fletus undique crumperet. Cocini degentem offenderunt naves quatuor Octobri medio, anno 1568. appulsae, quibus Ludovicus Ataides novus Indiae Pro-Rex vehebatur. His postmodum quinta accedens, mox Goam, reliquis Cocini subsistentibus, perrexit, Apostolorum Simonis & Judae festo die. Navi cum imperio praeerat Ludovicus Mello, vehebaturque centum quinquaginta Nobiles Lusitanos, e nostris vero quatuor, qui eandem armis & mercibus bene instructam Cocini jussu Rectoris conscenderant, Goam devehendi; scilicet ipse P. Franciscus Lopez cum tribus fratribus, Antonio Dionysio, Jacobo

Carvallio, Emmanuele Lobo, & Adolescente Candidato Societatis, qui Goam petebat, ibidem Societatem initurus. Felicem cursum laeti tenebant, cum postero die prope Cialem, celoces Mahometanorum quindecim ex insidijs invadunt Lusitanos, & Calcutio egressi, armis, velis & remigio habiles, pugnam cantu barbaro, velut praedam jam potituri, inchoant. Impressionem illam hostis primam non modo animose fregit Lusitanus, sed aliquot etiam ictibus liburnas eorum depreffit binas, tertiam uno latere mutilavit, majusque aliquod exitium minabatur barbaris pertinaciter eam aggredientibus. Cum ecce omnino miserandus casus in nostros revolvit perniciem, & victoriam abstulit, quam jam tenere videbatur,



tur. Intentis enim in prælum Lusitanis, in tormentarium pulverem, nescio cujus incuriâ scintilla delapsa, totum sulphurarij pulveris commeatum in flammam rapuit, puppim primùm, & ex ea certantes magno fragore in auras excussit; tum peste continuo diffusâ, multis locis igne concepto oneraria, fornacis instar ardebat succensa. Ercæ spectaculo hostes, navigia propiùs admovent, excepturi homines in captivitatem, & prædam, si quam liceret, è flammis subduçuri. Christiani quò se verterent, quodve præligerent mortis genus, aliquamdiu deliberaverunt; undique circumstabat mors, vel igni, vel aquâ, vel ferro pereundum erat, vel hostium arbitrio permittenda vita, morte ipsâ futura fors acerbior. Sed ut vitâ nihil est carius, levissimum malorum visum est illud, ubi spei aliquid reliquum esset. Itaque ut ad quemque flamma arreperat, in mare delapsi, ad Malabaricas adnabant celoces, ultrò se in servitium offerentes: quorum tamen pars ab hostibus suorum cæde exacerbatis occisi, pars redemptioni asservati sunt. Socij cum P. Francisco diu in angulo conflagrantis Onerariæ perstiterant, Deum orantes, ut regere se eo tempore, ac tueri vellet. Tandem & ipsi adrepente flammâ mari se committunt, si quid spei fors daret experturi. Et Franciscus quidem obesitate corporis ad natandum inhabilis, ad Maurorum celocem, à qua propiùs aberat, enititur cum adolescente Candidato, qui post elapsus è barbarorum manibus, seriem necis oculatus & propinquus testis confirmavit. Patrem videlicet ex tonsi verticis corona pro sacerdote agnitum, sublatum fuisse comiter in triremem, & admodum blandè interrogatum: an vellet Mahometi nomen dare, vitamque hac lege redimere? at P. severo vultu impium detestans facinus: Ego, inquit, *nequaquam id in animum induco meum.* Hic verò Mauris hastas in adversum pectus intentantibus, vibratòsque in caput acinaces, nisi Christum ejuraret; eâdem constantiâ respondit: *Christianus sum, mortem pro Christo libenter oppetam: vitam potestis, non Fidem, juvante DEO, eripere: stat sententia, quodvis supplicij genus subire priùs, quàm egredi Religione Christianâ.* Nec verbis ulterius acta est res. In illa Christianæ professionis illustri generositate, Saracenus hastâ medias costas transadigit, alius caput ingenti vulnere dividit, in mare provolvunt cæteri, & supernatantem pergunt lanceis configere, donec mergeretur, & vitam

glorioso certamine terminaret. Idem factum esse Carvallio & Lobo referebant ij, qui prælum spectarunt, & uni quidem eorum biremem prehendenti caput ferro depressum. Quartus porrò Antonius Dionysius, ex quo similiter per innumera vitæ pericula elapso rei series comperta est, in Diaconum jam tunc ordinatus, quàm prodigiòse tot inter mortes & æumnas servatus sit, libet ex literis P. Organtini, quas ad S. Borgia tunc Societatis Præpositum Generalem dedit cognoscere.

Hodie, inquit, Antonius Dionysius appulit, quem tenebant captivum Mauri; recensuitque nobis suos casus, Patris Francisci Lopez, & aliorum necem. Ac de se quidem narrat: sibi juxta navim ex fune prehenso pendenti, nè mari mergeretur, malum anticum in caput ruisse. Semimortuum eo ictu à Mauris tentum; quibus cum aliud ex navì nihil prædæ flamma reliquisset, in littus regressos, illic à conferta ipsorum turba qua littus compleverat, se cum ejusdem fortune socijs (ut est gentis crudelissima mos) omni convitiarum genere salutatum, cunctis ad necem captivos poscentibus. Spoliatos deinde vestibus, & prorsus nudos in varia sparsos loca; se in pagum abductum Capocatum dictum, secumque triginta Lusitanos; fuisse illic nudum in compede, summisque miserijs; tandem pro Religioso agnitum, Maurique indicio, à quo visus olim Cocini fuerat, Domino proditum. Servatum nihilominus ab hero in vivis, ne illi cum eo pretium redemptionis interiret; sed pejus quadripede tractatum. Occupari solitum purgandâ quatuor domorum orizâ; quod opus cum probe obiret, ventitasse narrat ad se Mauras anus, & purga orizam meam Pater, imperasse, spiritusque interim faciem fadasse, cecidisse pugnis, & omni contumeliâ affecisse. Herum verò pueros missitasse, qui bufones & ranas è lacunis conquirerent, iisque os comedentis aut quiescentis verberarent. Dormienti quoque subjectum ab iisdem pueris gladiolum quempiam; post verò malignè velut ab inscijs, & casu supervenientibus relictum, proclamantibus se ad necem ab Antonio designatos; pugnis, calcibus, aliisque contumelijs, confictam calumniosè injuriam ulciscantibus. Diebus aliquot elapsis, cum ad alium transisset herum (bis enim vanierat) in conservum incidit Juvenem, cui ex inopia redemptionem desperanti, Mauri persuaferant Mahometem. Jamque ad solennem circumcisionem dictus erat dies; cum eum Antonius accersit, notumque in eo erigendo solidam insumit tam prosperè, ut assurgeret miser, & in gradu Christiana Fidei firmus consisteret. Die postero Mauri fre-



quentes adsunt, deducturi ad faxum Juvenem: at is liberè Christianum se fassus, Mahometem ejurat, fixumque sibi denunciat in Christo vivere & mori. Quo frustrà modis omnibus impugnato, in Antonium denique iras vertunt, velut mutationis ejus tam subite auctore, mortemque ei idcirco intentant; quibus ille constanter dicebat, mortem sibi ex voto venturam, quæ tali de causa inferretur. Abstinnere tamen ab eo cruen-

tas manus barbari. Non tacebo, quantà vi Sacrificuli egerint, ut Lusitanorum quempiam, & nominatim Antonium impetrarent, Mahometi suo immolandum, sponsione datà victoria in perpetuum obtinenda. Sed placuit Deo eum his omnibus malis eripere, aureis centum quinquaginta redemptum. Non tamen prius dimissus est à Barbaris, donec ejus capiti Coronam Clericalem igne inurerent.



P. Georgius Fernandez et P. Gomez Damaralius Lusitani S.I. pro Religione enecti à Barbaris in Iava Insula. A. 1580. 24. Septembris

C.S. a.

M.K. f.

## P. GEORGIUS FERNANDEZ, & P. GOMEZ DAMARALIUS.



Um confitentium peccata tollunt Agni, barbarorum gladijs tolluntur & ipsi victimæ, P. Georgius Fernandez, & P. Gomez Damaralius; agone eò glorio-

fiore, quòd & victimæ charitatis, & sanctæ Fidei testes purpurati occumberent; confessionem facientes Fidei, dum alij apud eos confessionem facerent peccatorum. Ambo innum celebrem in Molucis Insulam destinati erant



erant à Rectore Goani Collegij, ut pro suo, quo ardebant, Apostolico zelo, oram illam, quâ confirmandis Neophytis, quâ convertendis ad Fidem Sanctam Gentilibus exco-lerent. Jamq; Goâ anno 1580. mense Septembri in navigio Augustini Nonnij ad desideratam missionem proficiscebantur, vento secundo usi usque ad Insulam Javam majorem; cujus incolæ jam inde à primo Lusitanorum in eas oras ingressu (ut sunt ingenio ferocissimi, & Christiani nominis jurati hostes) cum Lusitanis perpetuas exercent hostilitates, in omnem intenti eis nocendi occasionē. Et cum ex Numinis potentia multoties in præliis manifestè Lusitanis assistentis perspecta (quorum pauculi ingentes Javenium copias sæpius ingenti clade fuderunt) eorum sacra expetere debuissent, incredibili furore ex eo tempore in Christianum Numen & nomen exarsere, ut quoties deinceps Lusitani in Molucas proficiscentes Javam præterveherentur, toties ferè ab insensis incolis infestarentur. Vix igitur & hoc anno ex speculatoribus cognoverant appropinquare Lusitanam Biremem, cum mox complures naves instruunt, quibus Lusitanam invadant. Decertatum est utrinque acriter; & ut quisque sua fortius tueretur, quàm raptor invadat aliena, Lusitani magnam edebant in Javenibus stragem; sed quâ effera gens magis irritaretur ad pugnam, velut si infixæ in pectora hostium hastæ, & ferreæ glandes, stimuli forent barbaris ad victoriam aucupandam. Fessis tandem Lusitanis navis expugnatur, & captiva abducitur ad indubitatam necem. Patres igitur classiarios, mercatorésque mæstos omnes, spe melioris vitæ solari, hortari ad preces, ad confessiones invitare: quas dum in Zaënsi portu magno dolore factas excipiunt, à supervenientibus Saracenis duplici furore, quòd in ipso Christianorum Sacrorum ministerio deprehensi, in eos accensis,

per impiam crudelitatem uterque jugulatur, die 24. Septembris, anno 1580. Postquam P. Fernandez annum egisset ætatis 33. in Societate 18. Gomez ætatis 37. in Societate 20. tria solennia vota triennio antè professus.

Lusitanus natione erat uterque; Fernandez quidem vitam auspicatus Olyssipone, Gomez Visei, ad lucra animarum ficti factique ambo. Fernandez jam tunc Theologiæ Consultus, postquam Conimbricæ atque Eboræ literaturam politiolem, & Rhetorurum Cathedram docendo honestasset, omnem illam suam facultatem ad Gentilium commoda convertit, & quæ deseruit rostra Orator, invenit in Java Martyr, è navi raptus ad securim. P. Gomez autem quadriennio prius cum Alexandro Valignano Visitatore Oceanum trajecit, ut opem suam adducendis ad Christum Gentilibus impenderet. Multis ille annis eam missionem à Moderatoribus summo animi fervore expetierat: at cum Moderatores, nescio quibus de causis, in ea concedenda difficiles forent, Beatissimæ Virginis patrocinio sibi in hocce negotio utendum ratus, votivam suscepit peregrinationem ad ejus ædem, quam in Castellæ finibus sitam, ab Rupe Franciæ nominant. Ibi provolutus in genua Gomez quâ lacrymis, quâ ardentissimis precibus Matrem implorat misericordiæ, Superiorum animos in sua vota flectere sibi liceat, ipsiusque magnæ Matris honorem in gente non sancta promoveri. Et verò reperit ab eo momento faciles in desideria sua Moderatores, qui Gomezium, ut dictum est, anno 1574. in Indiam navigare jusserunt, ubi sedecim annorum fructuosos pro Fide labores, glorioso tandem fine coronavit.



## P. PETRUS MASCARENIA.

**R**at P. Petrus cum Paulo Apostolo in laboribus plurimis, in plagis supra modum, in mortibus frequentibus, priusquam semel expetitam toties pro Christo mortem oppeteret. Societati nomen Goæ dedit anno 1558. cum ætatis annum ageret ferè trigessimum. Atque ubi biennium Tyrocini perfolvisset, studiis admotus, sacrisque ordinibus initiatus est, & ad Sallertanos primò

cum Emmanuele Gomis Laico ablegatus: ubi illum DEUS gratiâ sanitatum donare dignatus est, ut gentilium animos Christianorum sacris hac viâ, illis utique perutili, conciliaret. Fœminæ enim acerrimos dolores diu perpeffa, pertinaci item alvi profluvio ita afflicta, ut morti vicina crederetur, solâ Evangelij super eam recitatione, valetudinem integram momento temporis restituit. Et viro cuiusdam annos jam duos è





P. Petrus Mascarenia Lusit: S. I. odio Fidei Christianæ in Mo-  
lucis venenô à Barbaris sublatus. A. 1582.

C. S. d.

M. K. f.

paralyfi, finè ulla salutis spe decumbenti, eâ-  
dem Evangelij recitatione malum omne pe-  
nitentius depulit. Quibus signis, & ferventi  
insuper Patris adhortatione moti Salfettani,  
ingenti numero baptismo tingi expetierunt;  
quem illis magnâ suâ voluptate per pagos di-  
scurrens conferebat; generosus omnium pe-  
riculorum, quæ in tanta barbarie occurrere  
quàm plurima necesse est, contemtor. Bi-  
ennium ferè in ea cultura posuerat, cum su-  
perioribus visum est illum laborantibus in  
Amboino & Molucis, vexatisque multum à  
Mahometano Principe Christianis, cum alijs  
socijs quinque submittere. De quorum  
adventu ubi in Mauro Insula, quadriennio  
postquam inde Patres abfuerant, auditum est,  
pagi omnes littorales ad portum confluxerunt,

sublatis in Cælum manibus, fletu,  
gaudio, cantibus, & teneritate intimæ bene-  
volentia gratulati sibi eorum adventum.  
Postridie visi turmatim è montibus patres  
matresque descendere cum liberis parvulis,  
quos Christiano lavacro initiandos defere-  
bant, præfati, nihil se habere quod Patribus  
darent præterea; sed probè animo retinere,  
horum salutem puerorum pro omni thesau-  
ro illis esse, cujus desiderio ex alio Orbe illuc  
essent advecti. Illo itaque die lustrati sunt  
supra 150, ac paucis deinceps diebus ad mil-  
le, nondum tertium ætatis annum egressi.  
Pueros adulti secuti sunt, partim Mauri,  
partim Ethnici, præ gaudio inter lætos ela-  
mores in lachrymas soluti: jurabantque om-  
nes se vitâ priùs, quàm lege Chrîsti, ejusque  
præ-



præceptis decessuros. Inter reliquos pagus erat Galelea, multis incolarum millibus frequens, ubi plures Mahometani Christianos magnopere opprimebant; donec loci Dynastæ, Fioliza dicebatur, cortangens Divinior afflatus, repente ex infensissimo hoste, adeo ferventem Legis sacræ fecit Prædicatorem, ut vocatâ ad convivium urbe universâ, omnes ad suscipiendum Baptisma exhortaretur. Itaque de Mysterijs Fidei abundè instructis omnibus, præire ipse ad sacrum Baptisma voluit; quem secuta Nobilitas, demumque ad usque infimum populus, ex discorde hætenus gente populum unum effecerunt.

Rebus ita in Mauro & Amboino utcunque compositis, P. Petrus duobus ibidem, qui capta promoverent, relictis, cum tribus reliquis Ternatem contendit, tres menses in Lusitanorum Præsidiorum culturâ positurus. Successerat ad votum morum in Lusitanis reformatio, ut jam censerent omnes in excolendis solis Lusitanis diutiùs non occupandos. Proinde tertio Pentecostes die instauratis de more Societatis votis simplicibus, reliqui aliò profecti sunt, Mascarenia cum Vincentio Diazio tyrone, quem ibidem recens adlegerant, relictis. Prima Mascarenia cura de Templo erigendo fuit, quo ad id usque tempus Ternatenfes caruerant. Igitur ex collatitia mercatorum stipe magnis animis ædificium aggreditur, tamque strenuè operas urget, ut cum die Sanctæ Annæ captum esset, quinto idus Novembris ejusdem anni primum in eo Missæ sacrificium solenni pompâ habitum sit. Post hæc ad viva DEI templa, quæ supersticio Idolis sacra verat, ædificanda conversus, totam latè viciniam circumcursabat, & viris potissimum Principibus Fidem Christianam efficaciter suadebat; quod usu jam didicisset, plebejos horum exemplo facillè Ecclesiæ aggregari. Quinetiam Deus procul aliunde Reges magnos, viròsque Principes ad Divinum fontem accerfere Ternatum visusest. Horum unus fuit Toparcha Urbium quinque, Regis Tidorensis cognatus, cujus exemplum secuti ex Proceribus Regiæ sex primarij, eodem lavacri vitalis beneficio per P. Mascareniam fructi sunt: ac demum aliquot post diebus duo Regis Tidoris fratres, tandemque Rex Bengaij, Rêxque Baciani. Cujus Christianæ rei progressus dolore perciti Calciges (Mahometis Popparum genus) insalutata Regis Matre, pertinacissimâ Mahometi cultrice, in montes profugiunt; disertè fassi, malle se profugos ab Aula & oculis homi-

num degere, quàm tam multis ad conciones Mascarenia confluentibus, Legis suæ ruinam spectare præcipitem. Tantis porrò barbarorum baptismum postulantium obruebatur P. Mascarenia cum altero Societatis sacerdote accursibus, ut de una solùm earum, quæ nostros flagitabant, Insularum scribat, si centum & plures adessent sacerdotes, operosè in ea occupatum iri, cum tamen ejusmodi Insula forent quàm plurima. Quot verò pro Dei gloriâ P. Petrus exantlaverit labores in terra Selebium, quò anno 1568. cum classe ad Regem Siani ex captivitate liberandum submissa profectus est, lubet ex ipsiusmet literis, Ternate pridie Nonas Martij anni 1569. datis cognoscere. *Quando apud Seles hoc anno versatus sum, non abs re fore existimaui, si ad vos, quæ sint ibi gesta, perscriberem: ut cum tantam messis copiam, in tanta operariorum inopia cognoveritis, cuncti Domino supplicetis, ut quàm plurimos dignetur huc mittere. Sionis Rex, quod jam audisse vos reor, conversus ad Christum est, & sacro baptismate initiatus in ora Manadi, quo tempore Didacus Magallianes ibi fuit. Ea de causa intra sexdecim menses totum Regnum ab eo defecit, uno duntaxat oppido excepto, quò ille cum parente fratribusque confugit, atque inde ad hoc Ternatis Castrum se contulit, opem à Lusitanis implorans. Interea Divinâ adspirante Clementiâ populares ejus ad sanitatem reversi, Regem in Patriam revocant, imperata facturi. Celox ad eum deportandum à Lusitanis instruitur. Unâ discessimus ipso natali die Sancti Bartholomæi. Proximo die Dominico in ora Manadi sacra Missa peregrimus. Ibi cognitum est, dimidiam tantum Regni partem ab Rege stare, ceteros in defectione persistere. Inde ad Sionem Urbem appulsi, jactis anchoris oppidanos de Regis adventu facimus certiores. Ij simul atque audierunt Lusitanorum navi delatum Regem, quamquam teneret Arcem adversa factio, nihilominus Principes ad navem usque accessere sese dedentes, ac Regis pedes multis cum lacrymis osculantes. Substiteramus ibi jam triduum, nec hostes ad pacationem adduci poterant. Quocirca Navarchus, & Consalvus Hurtadus cum sua cohorte descendunt: ad hos armati adjunguntur trecenti ex ijs, qui Regi favebant. Quare perterriti hostes arce desertâ in montes recepere sese. September mensis tunc agebatur, jamque aderat dies præfinita Navarcho, ut se cum reliqua Lusitanorum classe conjungeret. Quocirca solutis anchoris, Natali die Mariæ Virginis ex eo loco pervenimus ad pagum familiarum circiter trecentarum, quibus Consobrinus quidam Regis imperat. Ibi remansimus celoce*



abeunte, ego & Rex cum Lusitanis duobus. Nec mora, templum excitatum est: in eo Regis Patrem, qui ibidem erat, sacro baptismo ablui-mus, venerandum senem, ad Christianam Fidem valde propensum, & ingenio inprimis mitem ac docilem. Septembri exeunte cum Neophytos Manadenses invisere decrevissem, Rex ipse cum multis è suorum numero me prosequi statuit. Dum ornantur navigia, è Sanguim Insula honestissimi quique viri ad me venerunt, rogantes ut irem ad Regem suum Christianis initiandum sacris: cuius rei magnam ipsi quoque voluntatem ostenderunt, cum signis alijs, tum vero comâ extemplo tondendâ, quam alunt mulierum more valde promissam. Quorum ego studijs optimis obsequendum ratus, præsertim quod eâ ratione ad Insula Sanguim totius (qua sanè magna est) conversionem aditus patefieret, admodum latos dimisi, pollicitus me ad eos esse venturum. Ij simul ac patriam attigere, novas ades nobis excipiendis exstruere aggressi sunt. Inde paucis interjectis diebus Regis cognatus, cuiusdam viri Principis filio comite, præclarè instructo navigio venit ad me deducendum. Parata jam erant Regis quoque Sionis octo navigia. Itaque is etiam mihi cum sua cohorte se comitem præbuit. Festo die Sancti Francisci manè profecti, vespere ad Sanguim accessimus: postridie Rex Insula cum Optimatibus ingenti omnium gaudio nobis obviam prodire. Urbs Regia, & Insula totius nobilissima, Calanga appellatur. Eò sumus deducti; ac triduo post promulgavimus Evangelium: quo perattentè audito Rex & Regina, Primorèsque respondent, meam sibi orationem vehementer probari; proinde magnopere velle se fieri Christianos. Moratus igitur ibi sum, quoad fuit necesse ad præcipuam sexus utriusque Nobilitatem sacro baptismo expiandam: quo illi suscepto, Redemptionis humana mysterio dici vix potest quantum voluptatis & gaudij non solum animo ceperint, sed etiam publicè ostenderint. Neque tamen inter hæc gratulationes vel Reges ipsi, vel ceteri, de salute animarum serîo mēcum agere & querere destiterunt. Planè ut nostra domus inprimis laxa, dies noctesque auditoribus esset referta. Decretum est etiam communi consilio, ut veneranda Crucis trophæa statuerentur: eamque Crucem suâ ipsi manu viri nobiles è ligno pulcherrimo fabricati sunt. O spectaculum nostris oculis perquam jucundum! Fratres mihi carissimi, si vidissetis Regum illud par, Sionis & Sanguim, Christi Domini Crucem primum sublatam in humeros, deinde Proceribus certatim adjuvantibus defixam & erectam, nixos genibus cum universa multitudine suppliciter adorantes! Interea tempus advenerat Cauripanos

Neophytos invisendi. Ea res magno sanè more Sanguinianos affecit; quos ego, ut potui, levavi, pollicitus me revisurum ipsos in reditu. Rogatus ab ijsdem, ut ante discessum aream extruendo Templo describerem, pecuniam in id corrogatam præsto futuram in tempore; equatam & amenam agri planitiem illis ad mare assignavi, densis consitam arboribus, qua arbores intra sex horas universa (& quidem Principum manibus) prorsus sunt excisa. Tantus eos ardor animi, tantum novi Templi desiderium ceperat. Quin etiam Rex devexâ jam atate, cum propter infirmitatem corporis exercere sese ipse cadendâ sylvâ non posset, instabat tamen, ac præerat sedulus operi, ceterosque hortabatur. Regina verò jussit nuntiari, se quoque cum faminis purgando solo, herbisque vellendis, in ejus laboris ac meriti partem esse venturam. Ad extremum cum non liceret mihi apud eos esse diutius, ab Rege ipso, & à nobilissimis quibusque honoris causâ ad navem deducti conscendimus. Lusitanis duobus qui mēcum erant, singula donata mancipia. Regis præterea jussu propinquus ipsius, & alius item summo loco natus adolescens, actuario nos prosecuti sunt. Erat adhuc nobiscum Sionis Rex: cuius in Regnum simul atque pervenimus, navigia comparari imperavit, ut nos in Cauripam comitaretur ipse cum magno Principum numero. Itaque Regno bellicis copijs presidijque firmato, navibus quinque profecti Calendis Novembris, altero die Manadem attigimus: ubi versati sumus ad dies decem. Interea Bihachini (sic enim appellantur hi populi) ad me detulerunt, hominum esse plus centum millia, qui jam pridem avidè Baptismum expeterent; simulque Regem Sionis rogarunt, ut ea de re mēcum ageret. Sed ego cum cernerem ejus ora Neophytos esse permultos, nos autem ita paucos, ut non nisi raro ad eos adire possemus, excusavi me ut potui, præbuique spem fore, ut à Patribus, qui ad Selesbes erant commorandi causâ venturi, baptizarentur. Me verò non aliam ob causam eò accessisse, nisi ut factos jam Christianos inviserem. Inde cursum in Cauripam intendimus, & ex itinere ad oppidum quoddam Regis Bolonis maxime nobile naves appulimus, ut relictum ibi à Didaco Magaliane adolescentem acciperem, mecumque perducerem. Rex Bolonis Manadi Regis est filius, Mahometanus ille quidem, sed ad Christiana Sacra propensus: is aberat eo tempore passuum ferme ducenta millia. Mater autem ipsius ubi cognovit me portum iniisse, misit qui me & cibarijs, & humanissimis verbis exciperet: sed mihi nequaquam eo loco morandum existimavi. Itaque adolescente, quem dicebam, in navem accepto, Cauripam denique attigimus, magnâ




magnâ tum Neophytorum, tum etiam Ethnicorum latitiâ, cuius non obscura dedere signa, quamdiu ibi mansimus. Neque verò parum nos occupatos habuit gentis ejus religio ac pietas, ita ut nostrum hospitium celebraretur assidue vel à Neophytis, quos in Fide confirmabamus, vel ab Ethnicis, qui salutaribus rudimentis ac praeceptis imbuiebantur: quos ego tamen baptizare nolui, quanquam id ipsum efflagitantes, ob eas ipsas causas, quae mihi apud Batachinos occurrerant. Dixi aliquem è Patribus ad eos habitandi causâ venturum: atque hac spe injectâ digressi inde, Sionem ineunte Januario mense tenuimus. Consalvus Pereira Lusitanica classis Praefectus Regi Sionis receperat, se illi adversum rebelles subsidio esse venturum: jamque Januarius erat in exitu, necdum ille aderat. In ea expectatione comparuere duo navigia, quibus Rex comite me prodijt obviam, ratus esse de classe Praefecti. Sed à Lusitano Praefecto Mandornella, qui ijs navigijs vehebatur, cognitum est, Lusitanicam classem vi tempestatis in Malacam abreptam; sanè molestus fuit mihi hic nuncius. Cognitâ meroris causâ Mandornellas, ipse Regi se suosque milites liberaliter detulit, ac Divino favente Numine ita se praeclarè gessit, ut paucis diebus duo caperit oppida, vel ipso loco, vel propugnatoribus, & armatorum apparatu imprimis munita. Eâ victoriâ sedati & compressi tumulus, universa Insula in sui Regis potestatem redacta, Selebes Lusitanorum virtute porterriti. Regis hujusce Fides ac bonitas prae ter aeterna, quae (ut speramus) manent illum in Caelis praemia, felicem etiam hunc rerum exitum videtur in terris esse promerita: usque adeo nos officiosè & amanter est prosecutus, quantumcumque nobis apud Selebes contigit iter facere, nusquam à latere nostro discedens. Itaque in ejus gratiam magnus etiam nobis bonus est habitus: nec solum in deducendis nobis officio fungebatur, sed etiam Fidei Christianae praconem se praebebat, exponens quàm illam sibi frugiferam ac salutarem expertus esset. Nobis verò apud eos prosua probitate pioque animo gratias agebat ingentes: & cum alia, tum illa praecipue praeedicabat, se in exilij sui calamitate benignè à nobis exceptum ac sustentatum, denique in Regnum nostro beneficio restitutum esse. Quibus ille rebus animos hominum non mediocriter permovebat: nec apud Neophytos modo, sed apud Lusitanos ipsos magna nostrorum nomen ponebat in gratia. Pacato igitur, ut dixi, Regno, Rege salutato, Ternatem reversus sum, mecumque Regis filium duxi natu maximum, indolis egregiae, nonum circiter agentem annum, quem ipse mihi tradidit Parens educandum apud nos.

Inde renavigans Anno 1569. in Molucum, atque rursus in Amboinum, non minorem tolerantiae segetem à Mauris, quàm laborum habuit à Christianis. Legi finè lachrymis non potest alia ejus in Lusitaniam epistola, quâ socios hortatur ad opem, quàm plurimi possent, celeriter ferendam tot miseris sacrum baptismi flagitantibus, & sacerdotum penuriâ in caeca errorum nocte tabescentibus: sibi dolore rumpi solere viscera, quòd solus tot millibus sat esse suâ unius operâ non valeret, audirètque illos interim suam sortem lamentis, & luctu inconsolabili querentes. Tetendisse ad auxilium manus Insulas octo, ad Amboini maximam pertinentes; Burros duos, majorem & minorem; Zeilanum, & non exiguo numero alias: ab se verò quid eis praestari tandem potuisse? cum in ea tantum, ex qua hæc scribebat Insula, non plus 20. leucarum ambitu, pagos numeraret 60. quorum plures capita censerent ad quinque millia; quibus ut aliquo modo satisficiat, cibo sibi & somno tempus deesse. Fluxo erat & debili corpore, morbisque obnoxio: sed eorum sensum ægritudines obruebant alienæ, quibus gravius quàm suis frangebatur. Adeste (inquit, nostros Conimbricæ alloquens) adeste dilectissimi, neque vos aut metus, aut dubitatio moretur, nè fortè tot morbis & ærumnis, quibus hæc affatim abundant Ora, imbecilles sitis & impares; subinfluit enim debilitati corporis & virium Divina Virtus. Experti loquimur; nam morbis sapius redactos ad extrema, perpetuis verò circumfessos & pressos angustijs, eâ vi reficit Divina Bonitas, non modo æquo ut animo, quibus arctamur, miseria toleremus, sed optemus etiam graviores. Inter hæc non rarò à Saracenis Ethnicisque ad mortem quæsitus, singulari DEI providentiâ ereptus est. Quodam tempore comprehensuri Patrem Barbari, montem, in quem Pater sese receperat, armato circum milite velut indagine cingunt, ut nullâ humanâ ope elabi posse videretur; sensim deinde progressi circulum coarctant, & in angustum quendam salebrosûmque tramitem proserpunt. Nullam jam evadendæ morti viam superesse advertit Mascarenia, præterquam per montis quoddam præcipitium, quod conscendere barbari uti non poterant, ita defendere non curabant, cum satis suo situ fugam præpediret intercluso Patri. Qui tamen brevi prece invocato Deo, per illud ipsum præcipitium pro no corpore se devoluit, longumque postmodum iter per ignotas semitas tam vegetus con-



confecit, ut seipsum mirari non desineret. Sed paulò post ad eadem rursum à Gentilibus designatus, ad aliam sylvam profugit, hostilem in latibulis declinaturus rabiem; in qua ipsos octo dies nullo alio, quàm herbarum agrestium cibatu vitam sustentavit. Incurrerant in eum sæpè feroces Saraceni, Deo tamen oculos eorum excæcante, Patrem nunquam agnovère; feramque rati, præterierunt innoxium; ac tandem fatiscientes, re infectâ, damnatòque consilio, domum se receperunt. Accedentes verò ad desertum post gravem tentationem & octiduanam incediam, velut de Cœlo missi Angeli, Christiani indigenæ, ministrabant ei; atque ægrè pedibus ex debilitate consistentem, in manibus & brachijs ad sua domicilia deportabant, & ingenti charitatis significatione varijs fomentis vires ita integrabant, ut paucis post diebus ad opus Apostolicum periculorum securus rediret. Tandem post multos agones, & morte ipsâ graviora pericula, mortem inde hausit, unde alij salutem sibi propinant. Nam Saraceni cùm aperto furore Patrem

è medio tollere nequirent, ad dolos conversi, potui venena miscuère; ut frigido veneno quem in vivente non poterant, fervidum lucrandarum animarum zelum unà cum vita extinguerent. Quod factum est Anno 1582. magno omnium Lusitanorum & Indigenarum dolore, qui eum diligebant ut communem Patrem, venerabantur tanquam Sanctum, audiebantque velut ex Spiritu Dei loquentem, quo conversiones animorum edebat admirandas. Equidem Ternate dum aliquando concionaretur, homo publicè sceleratus pœnitudine tam seriâ confixus est, ut ex pulpito descendens Mascarenia genua complexus, ejus aurem supplex ad confessionem poposcerit: quam cum fletu peregit tam acerbo, & tam altis gemitibus, ut ab omnibus perciperetur.



### P. RUDOLPHUS AQUAVIVA cum Socijs.

**P**aterno clarus sanguine Rudolphus, eodem in obsequium Christi profuso multò clarior, Patrem habuit Joannem Aquavivam Atriæ Ducem, Claudij Præpositi Generalis Societatis JESU fratrem germanum; Matrem verò Margaretam Piam Carpensam, Rudolphi Carpensis Cardinalis sororem; fratres germanos duos, Julium & Octavium, utrumque sacrâ purpurâ insignem. Jam inde à prima ætate indoles Virtuti aptissima in Rudolpho emicabat; cùm ægotantes per Urbem incommittatus conquireret, blando alloquio in sordidis eorundem grabatis residens solaretur; mendicantibus detractas sibi vestes elargiretur. Orationi in ipsa pueritia mirè intentus, adeò totus in Deum absorberi consueverat, ut à Lucretia Palmeria Nobili Matrona aliquando in contemplatione deprehensus, apertis quidem oculis, sed sensus omnis expers esset, & neque voce compellatus, neque sæpius vestium tractu ad se revocatus, quidquam persentisceret. Persolvebat autem orationem omnem genuflexus, ut tandem neque genua fuerint paria continuando labori, intumescere primùm eorum altero; quod vero Rudolphus contentionem nil remitteret,

etiam in periculosum ulcus turgente. Hisce Pietatis exercitijs occupato vilescere capit sæculum, placere vita Religiosa, eaque potissimum in Societate JESU; eò prorsus tempore, quo Claudius Aquaviva Patruus, Rudolpho ignaro, relicta Pij V. Pontificis maximi Aulâ, cui Cubicularius deserviebat, ad eandem Societatem, attonitâ ac stupente Curia, se adungebat. Neque vota sua coram domesticis ita pressit Rudolphus, ut non ex ejusdem moribus (quibus Patres nostros ad Ducem sæpius ex itinere divertentes exprimere studebat) facile legerentur; unde & parvulus Jesuita passim ab aulicis audiebat. Inter hæc mater ejus Margareta morbo correpta diem clausit extremum: cui animam agenti Rudolphus Crucifixi effigiem manu tenens assidue astitit, ea suggerens, eoque animi sensu, ut ab exercitato sacerdote plura non requireres. Lacrymas non modò non fudit ipse ob mortem matris sibi carissimæ, sed & alios ut à fletu abstinere hortatus est, quòd perspectam matris virtutem spem certam facere diceret indeptæ jam beatitatis. Enimvero fuit illa Matronalibus abundè dotata virtutibus, ut non indigna videretur eo admirabilitatis suffragio, quo ad usque 36. post fata annum, cadaver ejus integrum pro-





P. Rudolphus Aquaviva Italus Ducis Atriæ filius Soc: IESU. cum quatuor Socijs. pro fide Christi in India crudeliter enectus. A. 1583. 15. July.  
C. Scretta del. Melchior Knecht.

prodigijsè servatum est, neque capillo quidem adhuc dilapso. Matre ad hunc modum orbatus, Patre ultro seipsum orbare cogitabat Rudolphus: sed acriter illo desiderijs sanctis obistente, moræ impatiens, Domum Professorum Romæ accedit, verbis, gemitibus, lacrimis Provincialem, Assistentes, Generalémque Præpositum fatigans, ut se in Societatem recipere velint. At Patres ubi intellexêre à Duce necdum potestatem Rudolpho factam, suaviter Juvenem hortati sunt, per aliquot præterea dies parentis resolutionem præstolaretur; ad quæ immobilis Rudolphus, cum ultra æqui bonique fines pietati paternæ se indulgisse, neque cunctationem se pati posse, lacrimabundus iteraret: subijciens Rodericius Provincialis:

*Vide, inquit, nè fortè sensus iste non perinde, ac videtur tibi, sincerus sit, sed propterea Societatem ita desideres, quòd Patruus tuus Claudius eam ingressus sit. Ad quæ veluti suboffensus Juvenis: Amandate me, inquebat, in septentrionem, vel in quamlibet aliam remotissimam Regionem, modo recipiar in Societatem; paratus sum Tiocini, & universa vita tempus eo loco ponere, unde nulla sit spes unquam sive Claudium, sive alium quem è meis revivendi. His atque alijs ex magno & divino quodam spiritu responsis ita Patres inflexit, ut eum domo violenter exigere religioni duxerint. Missò itaque uno è Socijs, qui Ducem de filij proposito commoneret, Rudolphus vix suæ capiens gaudia, Patri Alphonsò Ruiz Tironum Magistro traditur, ad S. Andrææ hospitij nomine*



nomine deducendus. Quò ut pervenit, dici non potest, quo animi & teneritudinis sensu novitios singulos complexus perfuderit, singulis etiam pedes exosculaturus, nisi Magister vetuisset. Adest interim Præsul Julius frater natus major cum tristi nuncio, ad Parentem continuè redeundum esse, sic jubente Pontifice. Ea res cum declinari non posset, ut quàm mitissimè ageretur, Claudium mittit S. Borgia Generalis Præpositus ad Rudolphum, qui eum bono animo esse jubet, horteturque, ut Christi Vicario lubens obtemperet, Divinæ dispositioni felicem rei eventum committens. Jam ad Rudolphum rumor aliquis de adventu Fratris Julij, & adventus causa, pervolarat; & cum aliud non videret effugium, latebras quæsit, quibus tegetur, dum turbo remitteret. Sed reperit eum tandem latitantem Claudius, & mandata quæ ferebat exponit. Cui lacrimabundus Rudolphus: *Tu hoc loco si esses, inquit, rogo quid ageres? quid tibi animi esset? Tunc hac facta ut probare possis? Nil equidem ajo*, respondit Claudius: *nuncium ego duntaxat P. Generalis, & ejus jussu hortatorem ago.* Cum Rudolphus nihilominus obniteretur, à supervenientibus alijs januam versùs tractus est, miserabiliorem sese diçitans, quàm si in latrones incidisset, cum hi vitam etiam animæ, quam latrones non possent, ereptum irent. Ad januam Præpositus Generalis cum alijs Patribus, & Præsul Julius Aquaviva cum aliquot Nobilibus operiebantur. Quos ubi Rudolphus conspexit: *Ecquid demum* (inquit ex abrupto) *tam malè meritis de vobis sum Domini, ut ita me insectemini? Per ego vos Deum testor, qui ad hanc me Religionem vocat, facessere mihi negotium desistite, & ejus in vos iram concitare.* Et quoniam Julius videbatur acrius agere, adversùs illum Rudolphus iratior: *Númne hoc fratris, inquit, num Consanguinei, num facinus est amici ô Juli?* Præsuli verò cuidam, qui hortabatur ut lætus ac volens iret: *Nostin'*, inquit, *Domine quid sit Religio? Nolles profecto tanto me spoliare bono, sed ipse tu quoque frui velles, si nòsses.* Et quoniam incaluerat, cum admoneret Præpositus Borgia, ut missis verbis obedienter iret: *Pace tuâ Pater, inquit, haud equidem liceret tibi reor eos ab Societate excludere, quos ad eam DEUS advocarit.* Ac respondente breviter rursus Borgia, iret, sic jubere Pontificem. *Ex ipso quoque, subjecit, si necum loqueretur, Pontifice quærerem, si semper iternis fortè damnarer ignibus, erepturus ne me inde ipse foret?* Tandem cum nulla Juvenem

expediendi via reliqua videretur, si suadendo hortandoque certaretur, sic eum vultu severiore Borgia compellat: *Cave sis fili, nè immoderato studio perditum eas id ipsum, quod tantopere tenere vis. Primas in hac Religione obtinuit semper propria voluntatis infractio. Quòd si tu statim adeò difficilem te atque intratibilem ipso in exordio præbes, parum habile ingenium ad eam te habere declaras.* His verbis quasi frigidè perfusus, confestim obmutuit; utque testaretur se velut membrum Societatis ejusdem Præpositi imperia exequi incipere, in curram fratris conscendit.

Ad paternas reditum ædes candidatum nobilem multi acriter exagitarunt; præque alijs Avia ejus Cæcilia Ursina Comes Carpenfis; quæ dum preces blanditiæque omnes in cassum cadere vidit, eò demum descendit, ut suaderet alium Rudolpho Ordinem, in quem sacris honoribus pateret aditus, quibus olim auctus ad Ecclesiæ posset emolumenta prodire. Cui Rudolphus: *Domina, aeternum ego & irrevocabile divortium, non inducias & amicum dissidium cum sæculo meditor; neque ad diversorium humilitatis, sed stabile ejusdem domicilium, qualem utique Societatem esse asseris, aspiro.* Alterius verò Matronæ nobilis, moleste præceptum obtemperandi parentibus oggerentis, loquacitatem, unicà repressit interrogatione. *Domina, inquebat, ubi, & quamdiu studium conscientie quæstionibus navasti, quòd tam scitè vim præceptorum DEI pernoveris?* Inter hæc Rudolphus, cujus anima deficiebat in atria Domini, opem sibi à Generali Præposito implorandam censuit, optato sanè eventu. Mox enim Claudius cum Joanne Polanco ad Pium V. Pontificem Maximum mittitur, qui significet Rudolphum sat jam superque probatum videri, neque ultra de constantia ambigendum esse. Dum hæc Præpositi nomine Pontifici proponit Claudius, Julius è contra Aquaviva Cardinalis nomine Parentis, eadem, quæ olim Parens ipse Pontifici obtrudebat: *Inconsultum videri Rudolphi consilium, & ab agritudine quapiam, tristitiæve animi profectum.* At interfatus Beatus Pontifex: *haudquaquam à tristi & melancholico spiritu esse Religionis propositum, sed à bene tranquillo letoque, pronunciavit.* Cæterum quoniam pauculos post dies Dux Romæ discessurus esset, indulgere se Patri dixit, ut apud eum Rudolphus interea loci maneret; simul verò atque Dux abiret, Rudolphum nemo ampliùs demoraretur. Ità demum in Ducis digressu bonâ ejusdem gratiâ, incredibili suo



suo solatio in Tirolinum receptus est 4. Non. Aprilis A. 1568.

Erat hoc ipso tempore Romano in Tirolinio B. Stanislaus Kostka, Rudolpho nostro planè geminus & germanus; sed illo consummato in brevi, partes serè virtutis obeundæ Rudolphus obtinuit. Non lubet hic recensere ea virtutum singularum decora, quæ fusè in vita Patris commemorantur; illud universim attulisse sufficiat, quod plures eum Carolo Mastrillo accurato actionum Rudolphi observatore pronuntiârunt: eo in gradu virtutes in Rudolpho fuisse omnes, totus ut modestia, totus humilitas, totus charitas, totus denique virtus videretur. Sed non satis Rudolpho erat sibi bonum esse, nisi & alios bonos faceret, eos præsertim qui veræ Fidei expertes Orientales plagas incolunt. Hos ut invisere, & in sancto conatu vitam & sanguinem fundere sibi liceret, ardentissimè à Superioribus expetiit. Duo tamen faciebant, ut Everardus Borgiæ in Generalatu jam successor, quamvis singulari studio in earum gentium conversionem incumberet, Rudolphi tamen vota differret. Primò, quòd existimaret ejus talenta tanta esse, quæ Europæ plurimum prodesse, ad eoque hoc illi columen non videretur subducendum. Deinde, quòd corpus invalidum, & labefactas vires, Indiæ laboribus impares judicaret. Ferebat pacatè eam repulsam Rudolphus, addebat tamen nihil se dubitare, quin demum vota sua optatum essent finem habitura. Degebat id temporis in Collegij Romani servitijs Bernardinus Nursinus (is, qui postea Camillo Lellio, Ordinis Clericorum infirmis ministrantium. Institutori primus adhæsit) & jam eam habebat apud Patres opinionem sanctitatis, ut in dubijs, desperatisve rebus, precum ejus suffragia passim exposcerent. Rudolphus igitur cùm de Indica expeditione, ac prope modum de valetudine etiam exclamatum foret, Bernardini precibus suam necessitatem commendat. Is postquam rem ardentè cum DEO & DEIPARA egit, Rudolphum fortè obvium arcè complexus, bono animo ac certâ spe esse jubet, non tantùm valetudinis recuperandæ, sed & Oceani tranandi, & quod optatissimum esset, sanguinis ibidem pro Christo fundendi. Ità sibi à Sanctissima DEI Genitrice significatum esse. Lætus eâ denunciatione Rudolphus; quâ orando, quâ corpus afflicto, Deum in sua vota trahebat; donec Everardus injectâ sibi divinitus (ut aiebat) luce, potestatem se-

cisset in Indiam proficiscendi cum Nicolao Spinola, Michaële Rogerio, & Petro Berno, qui & ipse postmodum in odium fidei occisus est. Mox sub navigationis initia prope portum Ligurnum eâ jactati sunt tempestate, ut nautæ omnes desperatâ salute nudos sese in mare dejicerent, universi natatu evasuri; quod idem Nicolaus Spinola natandi peritus faciendum sibi censuit. Reliqui cum Rudolpho natandi inexperti mortem quidem præstolabantur in navigio, votum tamen peregrinationis ad vicinam Matris DEI ædem concepere, si salvi litus tenerent. Ratum continuò votum fuit; tranquillatum mox mare, & Socij periculo defuncti, in novas servati sunt ærumnas. In sinu enim Lugdunensi per septem continuos dies in perpetua mortis expectatione tantâ jactati fuere tempestate, ut navi pessimè quassatâ, ex cubiculo demigrandum foret sub tabulatum, & inter equos, qui in Hispaniam eodem navigio vehebantur, stabulandum. Nec meliore usus est diversorio in alia navi, quâ Ulyssiponem appulit; de quo ipse ità inter alia scripsit ad Michaëlem Lauretanum: *Diversorium meum, inquit, in navi, tametsi mihi nunc carcer, nunc sepulchrum videtur, duos pedes latum, totidem altum, ut neque flexis genibus stare liceat, neque orare, nisi sedenti aut prostrato; tamen letor in ijs quæ dicta sunt mihi, in domum Domini ibimus; & quia conformor Crucis Domini.* In literis verò ad Everardum fusè datis, ità de se scribit: *Atque in hac provincia ità acquiesco, ac voluptatem tantam experior, ut equidem vocationem meam nunc cum toto quidam terrarum orbe mutârim.* Didici enim jam nunc aliud esse servire DEO inter ærumnas, ac citra eas; quâsque homines in conclavi suo orantes, & procul ab occasione eas exercendi positi, existimant sibi adesse virtutes, eas sæpenumero umbras potius, quam virtutes esse.

Præstolabantur Ulyssipone adventantes ex Italia Socios alij decem in eam profectiōnem designati, quibus adjunctus cum reliquis tribus Rudolphus, pridie Annunciationis anno 1578. in altum provectus, pridie Exaltationis Sanctæ Crucis Goam pervenit. Ubi ad sextum Calendas Novembris prima Rudolpho obtigit baptismi conferendi occasio. Viginti homines post meridiem privatim ab eo sacris undis aspersi sunt, sed memorabili prorsus eventu. Erat enim ex eo numero vir ævo gravis, qui cùm Mahometem sequeretur, Goam nuper nullius suavis aut monitu venerat; instabatque, ut quàm citissimè baptismo initiaretur, quòd nescire



se diceret, quantum sibi restaret usurae lucis. Ecce autem praedestinationis Divinae insigne documentum! protinus à baptismo narium vena ita illi solvitur, ut nullà ope proficiente, cum immensa copia sanguinis supremum ediderit spiritum, Deo primitias Rudolphi Indicas ita honorante. Aperuit Deus paulò post Rudolpho latum patientiae, laborumque campum apud Mogores; quorum Rex Echebar nomine, inter Orientales maximus, magnum Tamberlanum octavo gradu contingens, missis per legatum literis Regijs, duos è Societate Patres ad se mitti postulabat, quarum tenor hic erat. *Ad Patrem praeipuum, in nomine Domini. Litera Salaladini Mahometi Echebariscae, Regis manu DEI constituti. Patres Collegij S. Pauli primores, scitote me vobis valde benevolum esse. Mitto istuc Ebadolam Legatum meum, & Dominicum Petrium (erat is Christianus interpres, natione Armenus) petitem, ad me duos ut Patres doctos mittatis, librosque legis, & nominatim Evangelium; ut legem ejusque perfectionem cognoscam. Aveo enim eam nòsse. Oro igitur omnino veniant cum iisdem Legatis, & libros Legis afferant. Sciàntque Patres qui venerint, me eos excepturum quam honestissimè, & gratissimos habiturum, &c.* Exarsit inter Socios generosa cupiditas & modestissima contentio, dum sibi quilibet gloriosum laborem deposceret: tandem omnium ferè suffragijs Rudolphus ad eum deligitur, & comites duo item sacerdotes, Antonius Monserratus Catalaunus, & Franciscus Henricius Persa, genere Mahometanus, sed optimus Christi cultor, idemque Persicè doctus, quà linguà Mogorum Nobilitas utitur. Discesserant ingenti gaudio paulò post medium Novembrem, quos interim Rex in Urbe ab se condita, cui nomen Fatepulum, adeò cupidè expectabat, ut praecognito eorum Goà discessu, dies itineris numeraret, disponens suà opinione mansiones. Cùmque paulò lentius ob valetudinem Monserrati procederent, relinquendus is erat in Urbe Narvaria, sex dierum intervallo à Fatepuro dissita, quòd Rex per nuncios iter accelerari juberet. Nec minor in adventu fuit laetitia, quàm sollicitudo fuerat in expectatione. Ut primum advectos cognovit Rex, edidit mandata, ut ad se priùs, quàm compellerent quemquam mortalium, deducerentur. Qui cum venissent, omni honore acceptos per insignem benignitatem, multis diversisque in multam noctem interrogationibus tenuit. Tum jussit hospitaliter accipi, & ingentem vim pecuniae afferri, quà ute-

rentur arbitrio suo. Sed Rudolphus eà omni cum liberali gratiarum actione remissà, causam breviter adjecit, Religiosos ipsos esse, id est, homines qui ultro abdicatà rei pecuniariae possessione, devotàque Deo paupertate, necessarijs vitae contenti essent. Eam Rex professionem plurimum apud suos ac saepius commendavit; deditque eos alendi negotium Domino Petrio; ex quo Patres tantum praecisè admittebant, quantum vitae tenuiter tolerandae satis foret.

Rex erat aetate circiter quadragenarius, oris colore non admodum Europaeis absimili, ingenio sagaci & magno, Christianis ita favens, ut etiam quosdam desertores impios, ad regressum pecunià & beneficijs invitaret. Attulerant Patres, quòd ipse sacros libros postulasset, Regia quatuor linguarum Biblia, septem compacta Tomis, opere eleganti atque magnifico, ei donanda. Quos ubi primum obtulerunt, ea Echebar singula assumens volumina, detractò capitulis integumentis, nudo vertici reverenter imposuit, & osculatus est: percontatus nominatim quod esset Evangelium, praeipueque veneratus, suum in exclave omnia magnà curà recondi jussit. Sub hac, quò tranquillitati Patrum consulere, iisdemque sui copiam expeditiùs faceret, semotum intrà septa Regia domicilium attribuit. Qui cum ibi Sacellum continuo ingenti nitore cultuque, quàm id loci fas fuit, exornassent, id ultro Regi visere libuit. Proposita erat in ara Sanctissimae Dei Parentis imago, ex ea expressa, quae Romae in Exquilina Basilica colitur. Rex ut pedem in Sacellum intulit, & in sacram effigiem defixit obtutum, Majestatem admirans, & Religione perfusus, primò Mahometanorum more stans, cervice, humerisque profundè incurvatus; deinde more Christianorum, nudo vertice, flexo genu, manibus junctis; tum ritu Ethnico humi toto prostratus corpore, adoravit: adiiciens Majestatem Numinis dignam, quae gentium cunctarum ritibus adoraretur. Inter haec nullum Rex omittebat erga Patres genus benignitatis; ut ipsum adeò Monserratum, cum adhuc languens fuisset advectus, & ab suis curari medicis jussit perdiligenter, & eum ipsemet inviserit saepius, summàque comitate studuerit consolari.

His officijs eò magis Patres delectabantur, quòd ad excipiendam salutis doctrinam non alienam indolem indicarent. Sed ultra ea vix quidquam Echebar progressus est. Cognoscendae Christianorum legi, postulatu Rudol-



Rudolphi, diem certum destinavit, cujusque hebdomadae Sabbathum; quoque liquidius rem cognosceret, disputationem instituit eruditissimis Mahometanorum advocatis, quos Mulassos vocant; qui tertio congressu ita revicti sunt, ut profiterentur ultro, nihil restare sibi quod contra asferrent; neque jam cum Rudolpho, sed inter sese, in alias alij distracti sententias concertarent, non sine admiratione perpetuae inter Patres concordiae. Omitto quibus de rebus disceptatum sit, satis habeo indicare successum: qui is fuit, ut Rex jam non obscurè stomacharetur ineptias Alcorani, easque identidem Mulassis ad inurendum dolorem obiectaret. At Mulassi, pars assentiri propè palam, maximèque Abdulfasil Regiorum sacerdotum Antistes ac princeps; alij leviter repugnare, plerique fremere, irà odióque disrumpi, denique cum nulla laqueos exuendi via suppeteret, miracula postulare. Fuit quin etiam eorum de grege profundae quispiam improbitatis, qui sumpto ab audaciae ostentatione consilio, sive medicamentis fretus ac veneficijs, sive ubi ad rem veniretur, per artem & fucum elusus certamen, fieri periculum vellet, ut Rudolphus cum Evangelio, ipse cum Alcorano ardentem insilirent in rogam, & cui flamma pepercisset, ejus lex prodigij sancita suffragio, pro vera susciperetur. Quae temeraria, seu fraudulenta provocatio, egregiam Rudolpho materiam praebuit animi sui praestantissima decora expromendi; tria praecipuè, maximam Fidem, maximam obedientiam, maximam fortitudinem. Etenim ubi primum ignis mentionem Mulassus fecit, Rudolphus ut ardebat Fide, si aetum sequeretur animi sui, in conditionem laetissimus ferebatur, certus eam, quam tueretur, veritatem affici damno nequaquam posse; & adesse causam rebatur idoneam dandae in conspectu Fidei, nè tergiversatio in Religionis contemptum acciperetur. Verum cum & Socij deterrent, & ipse ad Sapientum decreta in conspectu Domini rem examinasset; facile intellexit, manifestam esse Dei tentationem. Evidentibus enim rationibus Mahometicam vanitatem redargui, ipsosque factis Mulassos, & Regem vidisse, nihil in ea solidum, nihil nisi turpissimum, atque adeò conflatum varijs è sectis colluviem, corrivatis undique quae corpori blandirentur, & quam simillimos belluis homines facerent, inveniri. Nullis igitur opus esse prodigijs, imò, nè si fierent quidem, valitura apud eos, qui ad lucem rationis idcirco caligant, quia

divelli suis à libidinibus ultro nolint. Hae atque alia istiusmodi cum Rudolpho & suggererentur à Socijs, & ipsi succurrerent; non ille tamen magis mentem subiecit rationibus, quam voluntatem obsequio, nè suam potius tanta in re, quam alienam secutus sententiam videretur. Verum enim verò cum illum ea vehementer cura coqueret, nè per eam detractionem splendor aliquando sanctissimae Legis apud Barbaros infuscaretur; dum versat animo, quid consilij sequendum foret, vide quam mirabilem invenit viam non sustinendae modò, sed etiam decorandae dignitatis Christianae. Quod tantopere semper expetiverat, venisse tempus arbitratus est, nobile Martyrium & voce faciendi & sanguine. Maledicere palam Mahometo decrevit, & asperius quam consueisset exagitare Mulassos; ut quoniam capitali supplicio Mahometani facinus illud finè mora vindicant, intelligerent omnes, nequaquam se metu mortis periculum ignis recusare, qui ad certam se mortem ita ultro ac volens offerret. Ergo post multas preces ad Deum, ut sacrificium suum in odorem dignaretur suavitatis accipere, plenus animi Divinaeque fiduciae, in Mulassorum & Procerum corona, sedente in medio Rege, in hanc sententiam prolocutus est. *Ignem ego, Rex (testis est Deus, in cujus conspectu sto) pro veritate Christianae legis non reformido; jube rogam accendi: in eum me jube vivum dimitti in testimonium Christi JESU: non paveo, non recuso; amo, exopto. Atque nè causa desit, capitale est apud vos, qui secus de Mahometo loquatur: ajo Mahometum falsum Prophetam esse; Anti-Christum esse; mendacem & fraudulentum esse. ajo Christum Jesum Filium esse DEI vivi; neque aliud nomen hominibus datum esse sub Caelo, in quo speranda sit salus. In hujus testimonium professionis vel igne me, vel ferro, vel quâ lubet nece mactato. At tentare Deum nefas est, neque opus miraculis firmare Fidem, quam ratio manifesta evincit.* Satisfecit Regi oratio, quanquam non omnes in partes; adeò miri alicujus spectaculi, quemadmodum olim Herodi, libido exarserat.

Paucis diebus intermissis, nunciari Rudolpho jubet, Mulassum jaetatorem illum esse hominem sceleratum, & supremo supplicio dignum, seque cupere conflagrantem videre; ut quando apud plebem ejus scelerum ignaram nonnulla in veneratione esset, ita redactus in cineres, absque invidia sua poenas daret. Itaque conditionem ignis intrandi verbo Rudolphus acciperet; curaturum



rum se, ut prior ille ingrederetur, quia provocaverit; eoque combusto, ne fineretur Rudolphus intrare prohibitum. Hoc Pater accepto nuncio, confestim ad Regem properat, declaratque sibi nequaquam licere necis cujuscumque participem fieri. Et ille, *non id peto, inquit, ut in necem consentias: sed ut conditionem accipere te similes.* Id quoque cum sibi licere Pater negaret, institit, ut nutu saltem consentiret; at, cum eo loco nihil à voce distare nutum, esset responsum; subiicit, *denique satis habeo, ut presens intersis, tacitus licet atque immotus; rem ego proponam, perficiamque.* Tum Rudolphus: *nè erres, ô Rex; nihil est quod intersim, si nihil in me possit inde referri; sin autem presentiam meam populus pro consensu accepturus sit, non patiar, sed publice proclamabo, testaborque dissensum.* Hinc disce quàm pura sit, quàm simplex, & sancta Christi Filij DEI Religio. *Simulationes istas & involucria non recipit. Ut ipsa vera est, ita quidquid fictum ac subdolum est, odit & vindicat.* Itaque tibi author sum, ut si quâ penâ Mulassum suas ob noxas plectere vis, lege in eum agas, & causam supplicij vulgus intelligat. Denique Christianorum si juvat experiri constantiam, me in ignem immitte. Quod attinet ad miracula, tum fuerit opportunum de ijs agi, cum Mulassi ostenderint in rationibus nostris hard satis esse firmitatis. Quamdiu illa stabunt, nè alia querant. Vias insuetas tentare, dum trita notaque patent, superbum ac temerarium est. Hæc fortissimus Christi Præco liberè modestèque, & sapienter dixit: ut ingentem à Corona plausum retulerit, & Regis vel curiosam miraculorum aviditatem, vel molestam flagitationem represserit.

Cæterum non satis noverat Rudolphus Regis animum, & erga Sanctam Fidem propensionem, cum in Aula nihil constaret magis, quàm non Mahometanum, non Ethnicum, non Christianum Regem esse. Exhibebat ille quidem Patribus benignitatem, sed in rebus Fidei inconstanter se habebat; ut qui centum concubinarum illecebris implicatus, in ludicra opera & spectacula abreptus, cogitationes divinitus injectas continuo & velut in femine suffocaret. Super omnia adversabatur saluti hominis vacors superbia. Volebat sibi Augustissimæ Triados, nec non Incarnationis mysterium ita demonstrari, ut id suâ intelligentiâ comprehenderet. Explicabat utrumque Rudolphus aptissimis symbolis, ut vel ipsi faterentur Mulassi, sic explicata continere dignam Deo Majestatem, neque valeret repugnare Rex:

sed eodem tamen hærebat in nodo, & obtentum quærere videbatur suæ perfidiæ. Fece- rat quidem potestatem subditis, qui vellent, Christiana sacra suscipiendi; sed rogatus, ut voluntatem suam Regio diplomate testaretur, pertinaciter abnuvit, suam affirmans ab- unde vocem esse: quo factum est, ut diffidentibus populis, ea potestas nullum haberet usum. Illud tamen videri potuit ingens rectæ mentis argumentum, quod tribus è filiis natu secundum, Barhium nomine, Mon- serrato tradiderit Lusitanicè loqui & scribere edocendum, imbuendumque etiam, si vellet, Christianâ Fide. Itaque perplexis Patribus, nec quid consilij capere, nec quid sperare oporteret, uspiam affulgebat; ut proinde docendus fuerit per literas Provincialis de toto Mogorum statu à Rudolpho exaratas. Ad- didit & alias ad Nunnium Rodericum Goa- num Rectorem, quas hic subnecto, ut san- ctissimi ejus animi species penitus intelli- gatur.

Ex literis, inquit, ad P. Provincialem scriptis, quæ inter nos domi, quæque foris cum Rege sint gesta, cognoscas. In his tecum, nempe cum Patre Spirituali, solummodo agam de me. Optimè nosti, quantum expetiverim hanc provin- ciam, & quantâ exultaverim latitiâ, cum missus in eam sum. Sicut audivimus, sic vidi- mus. Ad id quod optabam perveni, id est, ut testificarer coram Regibus, & Principibus hujus Mundi nomen Domini JESU Christi, cum spe præ- mium inde reportandi mortem, quam sacra li- tera in conspectu Domini pretiosam appellant. At scito Pater, non paucos esse hoc loco, qui hu- jusmodi mortem cupiunt: verum abest tantum à nobis, quantum Rex abest à funere. Interim dum illa differtur, non deest materia erumna- rum intestinarum & externarum, ut interdum tedeat me etiam vivere: placuitque Authori expeditionis hujus Deo mihi porrigere calicem, non enim qui inebrians dicitur, sed illum alie- rum, qui vini meri plenus misto. Cæterum nondum usque ad sanguinem restitimus. Itâ tamen simul consolatione abundo, ut si ad meam hanc voluptatem accederet, ut liberarer ab onere hujus qualicunque Præfecturæ, quod Sancta Obedientia mihi supra vires meas imposuit, totumque in Socium meum reijceretur, tum verâ impleretur gaudium meum, ac superabundaret; si tamen esse gaudium potest in medio nationis prave, ubi nihil nisi peccata vident oculi nostri; ubi aures nihil audiunt, nisi teterrimum, ac fe- diffimum Mahometi nomen. Nihil Pater (flens scribo) nihil hunc aërem personat, nisi illud dia- bolicum nomen: nec ferè unquam suavissimum JESU



JESU nomen ad aures nostras accidit. Namque Mahometani, si quando appellant, solum nominant JESUS Propheta, Deique Filium negant. Atqui ego talem JESUM non novi, nec scio dicere, nisi JESUS Filius DEI: idque si interdum lingua ipsa multum pronuncio, ac volo satiari dicens, Christus JESUS Filius DEI, tunc refricatur mihi pena & afflictio spiritus, quod ille, apage inquit; alius aures obturat; illi irridet; hi execrantur. Ubi verò me domum recepi, cupio ut ipsi parietes, & pauca illa Christianorum anima, quae velut in Arca Noë nobiscum sunt, undique ingeminant acclamantque, Filius DEI; sed respondere mihi videntur, quomodo cantabimus canticum Domini in terra aliena? Cum Regem allocuturi, atque ad salutem sublevaturi adimus, occupatos homines invenimus in precationibus illis funestis, quas Mahometani tantâ sedulitate modestiâque, ac reverentia simulatione exequuntur, ut mirum sit; cogimurque oculis nostris illorum videre dealbatorum abominationem sepulchrorum. Denique totum hic Mahometus est; hic Anti-Christus pollet in hac gente; ad tartarea hujus belluae honorem flectunt genua, prosterunt corpora, manus attollunt, elemosynas erogant, faciunt omnia: nobisque libertatem vocis non licet exercere, nè vitam Regis in periculum adducamus. Itaque mori non licet; nec tamen vivimus, quia tabescere nos fecit zelus noster, solumque spe vivimus, eâque incertâ, quae nunquam ad mala potius, quam ad bona vergit. Quod si spes nostra similis esset spei animarum Purgatorij, item similis consolatio esset. Nunc autem earum certa est, cum secura expectatione boni eis promissi; nostra planè habet incertum eventum, quod quidem ad conversionem Regis pertinet. Nam aliqui Deus eam sensum infundit cordibus nostris, ut labores in conspectu Majestatis ejus nihilominus acceptos confidamus esse, quam si exitum sortirentur: quia scrutator cordium & renum est DEUS. Hæc cogitatio facit interdum, ut mihi similiter atque Patriarcha olim Jacob, dies hi pauci videantur præ amoris magnitudine, cum dies ac noctes laboremus in re tanti DEI obsequij, quantum est Fidem ejus in gentibus barbaris ferere, tanto cum vita nostra discrimine. Atque hæc altera est causa consolationis nostræ, quod eo loco versamur, qui quandam nobis necessitatem imponit, quotidie vitas nostras in mortem offerendi; quem statim videtur mihi debere quivis germanus Societatis filius invidere nobis; quia majorem charitatem nemo habet, quam ut animam suam ponat pro amicis suis. Et quanquam charitatem in nobis ita magnam non agnoscimus, quod nondum usque ad sanguinem restitimus; tamen eo loco sumus, ubi

propius est, ut hanc quoque DEUS nobis concedat. Ac proinde precor te, Pater, qui me semper amasti, ut adjuves me ad gratias agendas de beneficio tanto. Et quoniam de charitate est sermo, quâ nihil est dulcius, nè ab ejus te suavitate distrabam, in ea finem dicendi faciam, tuis me Sacrificijs & orationibus ex animo commendans. Fatepuro 4. Id. Septembr. 1580. Missionis exitu tam incerto Provincialis ex literis cognito, revocandos existimavit. At Rex uni Francisco Henricio potestatem abeundi fecit, reliquos duos negavit cum bona sua gratia abituros.

Interim arma in Regem germanus ejus frater, qui Regnum Chabul citra Indum possederat, corripuit, junctis sibi Bengalensibus, qui paulò antè rebellaverant, eam defectioni prætexentes causam, quod Rex Religionem mutare vellet; ut idcirco Rex sive dissimulandi causâ, sive revera alienior, aliquamdiu pristinae in Patres benevolentiae significationem intermitteret. Jam verò cum adversus fratrem ingentes copias Rex ipse produceret, castra sequi Rudolphus statuit, ut salutis Regiæ momenta captaret omnia, & occasionibus immineret. At Rex satis fore dixit; si Monferratus, nè filij quem secum ducebat, profectus in literis retardaretur, secum iret. Fatepuri igitur relictus Rudolphus vitam planè caelestem ducere orsus est, ut etiam barbaros in sui raperet admirationem, qui sæpius ad ostium cubiculi adreptabant, dum corpus flagris malè exciperet. Ipse Regis filius natu maximus strepitu ingenti verberum noctu exaudito, è conclavi profiliens, ad cubiculum Rudolphi, sonitum flagelli sequens, accessit: cumque Pater finem pulsandi fecisset, ingressus dissimulanter, pavimentum sanguine conspersum conspiciens, quid egisset interrogabat; rem totam leni risu, & gratâ interpretatione tegente Rudolpho. At Regulo sicejus facti species inhæsit, ut post annos multos venerans, celebransque tantæ virtutis memoriam, coram Patre Hieronymo Xaverio exclamaret: O virum! ô qualis erat iste vir! Nactus etiam per Regis absentiam plus otij Rudolphus, illud limandæ linguae Persicæ, excogitandisque argumentis, quibus insaniam Mahometi quàm clarissimè refelleret, impendebat. Quo in studio ita profecit, ut totum Alcoranum egregiè calleret, & locos sibi invicem repugnantes haberet promptissimos; Mulassis vehementer mirantibus, qui defensionem nè attentare quidem jam audebant. Sed nequiverat Rex diutinum ferre

Viri



Viri desiderium, ac propterea profligato celeriter bello, ad sese eum acersivit in castra, tamque honorificè & amanter adventantem excepit, ut Aulici tantam sui Principis indulgentiam admirandi nullum facerent finem. Porro Rudolphus ut tantis gratijs redderet talionem, omnibus artibus salutem Regis procurare studuit: ipsum adeò Regem induxit ut jejunaret, jejuniòque flecteret Patrem luminum, ad elargiendum sibi verè fidei lumen. Sed barbarus cibo abstinens, portione quâdam ad mentis usque stuporem se interim ingurgitabat: itaque hærens in cæno, vitâ aternâ indignum se reddebat.

Erat per id tempus solus jam apud Mogores Rudolphus, nam Rex Patrem Monseratum Legatis suis adjunxerat, quos ad Philippum II. Hispaniæ Regem (ad quem tunc mortuo Henrico Cardinale universa Lusitanorum ditio pervenerat) ad summam itidem Pontificem, & Generalem Societatis Præpositum officiosis literis instructos, expedit. Goam ubi Monseratus pervenit, fuscusque exposuit infructuosam videri nostrorum in Mogore stationem; statuit Provincialis etiam Rudolphum inde evocare, datis ad Regem literis, in quibus ostendebat Rudolphum maximè idoneū fore Legatis in Europam comitem: addidit & alias ad Rudolphū, quibus jubebat, ut omnimode se à Rege expediret, redirétque in Indiam. At Rex urgenti abitum Rudolpho ita respondit: *Ego te plurimū diligo, & consuetudine tuâ plurimū delector. Quod pertinet ad veritatem Divinæ Legis, ita sum animatus, ut eam ex quocunque quamvis vilissimo homulo, si cognoverim, sine mora sum suscepturus. Ceterū nemo unus omnium extitit unquam cujusvis disciplina, ex quo tam multa, quæ satis mihi facerent cognoverim, quam ex te. Abire si placet, ego vim tibi non inferam, eam bona tamen venia & voluntate nunquam abibis. Denique peccatum hoc, si me destitueris, in me in caput sit.* Reposuit Rudolphus: Regem à Patribus non deferendum, sed suo tempore alios viros optimos & doctissimos submittendos; proptereaque se neque libros, neque sacram suppellectilem asportaturum. Nihil tamen de proposito suo remittebat Rex; id unum repetens: se quidem eum nolle per vim tenere, invitissimo tamen se abiturum. Perstitit nihilominus in obediendi studio Rudolphus, seque ad professionem comparavit. Tum Rex, ubi eum advertit animum planè obfirmasse ad abitum, sacramento primum adegit, ut sponderet reditum, quantum in se foret, ad Mogores. Deinde accipere jussit

quidquid in Regno suo arrideret, professus nunquam passurum se, ut abiret indonatus. Rudolphus ut morem Principi gereret, Moscovitam Christianum, qui cum Polona conjugè, & parvulis duobus liberis Regi captivus serviebat, sibi dari postulavit, & cum ijs Goam reversus est sub initia Maij, post quatuor annorum in Mogore commorationem, ingenti Sociorum gaudio, qui se Rudolphum inter homines vivum visuros desperaverant. At Rudolpho hærebat infixus animo dolor, amissi ut rebatur per eam revocationem Martyrij, quæ ipse Monserato & Henrico Mogoricæ expeditionis comitibus, cum in Indias nuncius obitæ ab Edmundo Campiano, & Alexandro Brianto in Anglia gloriæ mortis, perlatus esset, talibus verbis deplorabat: *Illi, illi sunt viri; nos verò indigni tam beatâ sorte homuli.*

Ceterū paulò post Deus viro Martyrij sitientissimo occasionem fundendi sanguinis suppeditavit in Salfettis. Deerat sub id tempus Salfettano Collegio Rector; cui muneris opportunissimum visum est Roderico Vincentio Provinciali substituere Rudolphū, cujus virtutē sapientiāque omnes & admirabantur, & amabant. Ibat ad eam expeditionem Rudolphus, Evangelicâ, si aliàs unquam inopiâ instructissimus, tribus nimirum universim codicibus; sacris Biblijs, Breviario, & vitâ, quæ jam tum manuscripta circumferebatur, S. Xaverij. Expetebant interim Neo-Rectorem avidè Salfettani Socij, inque ejus adventum renovationem votorum distulerant. Quâ Cortallini peractâ, cæpit Rudolphus domicilia Sociorum & Ecclesias omnes circumire, ipsos adeò Ethnorum pagos, quos paulò antè Idolorum everfio acrius in Christianos irritarat. Quin & oculos in Coculinum coniecit, statuitque oppidum invisere, fundamenta sacræ adis inhibi positurus. Vix itaque dies Dominicus illuxit, qui fuit pridie Idus Julij, cum Rudolphus & Paciecus in Arce Ravioli, aliique in alijs sedibus rem Divinam fecere, dixeretque ad populum pro concione, & omnes sub vespere in pagum Orliensem convenere. Inde Antonius Franciscus unus Sociorum scribit ad Coculini primarios, Rectorem postridie cum alijs Patribus eò venturum; rogare se præterea, dent operam, ut universi conveniant, habere se quæ unâ cum illis, salutis ipsorum causâ, communicet. Rescriptis ad eas literas è Principibus unus, se quidem malis domesticis impeditos (extiterat enim inter eos ex primarij viri cæde dissensio)



fin) convenire minùs commodè posse, ac prodignitate Patres excipere. Si tamen oppidum liberet inspicere, id ipsorum commodofieri licere. Hisce nuncijs Barbarorum excitata perfidia; continuò inter se deliberant quemadmodum Patres Deorum suorum everfores, suæ legis irrisores, pessimis supplicijs discruciatos interimant. Nostri Idibus Julij, quo die P. Ignatij Azevedij, & Sociorum ejus obitam heroicam necem Goani Socij piè recolebant, suo quisque Sacro peraço, adulto valde jam die, sui ignari discriminis, Coculinum rectà contendunt. Erant omnino de Societate quinque, Rudolphus Aquaviva, Alphonsus Paciecus, Antonius Franciscus, Petrus Berna, Sacerdotes; & Franciscus Aranea ad opera manûs adjutor; qui cùm reparandis, cæmentoque adversùs Barbarorum injurias ædificandis præesset ædibus in Salfettis, eundem maximè ad usum Coculinum, cùm locus ædi sacrae capiendus foret, ducebatur. Prosequebantur nostros Christiani propemodum quinquaginta, Lusitanique eo in numero duo: cùmque primos Coculini aditus attigissent, nemòque obviam prodiret, placuit primarium quendam virum accersere, qui apud suos plurimum auctoritate valebat. Is ubi accessit, & causas, cur nemo adversum procederet attulit, abeundi veniam confestim petijt. Nostri ut maneret cùm exorare non possent, quòd is occupationes nescio quas prætenderet, hominem dimiserunt. Is ubi discessit, omnium advertit aures & oculos clamor horrificus. Ariolus erat, sinè quo isti nihil moliuntur, qui fæminarum & puerorum in corona magnis stridoribus clamores edebat, & insanà totius corporis jactatione pulverem in aërem spargebat; nec quid diceret satis perspicuum erat, nisi illud; advenisse jam tempus, quo violatum ulcisci Numen Idolorum oporteret, injuriasque eas, quæ quotidie inferebantur à Patribus, vindicare. Sub hæc paratum jam sibi tugurium Patres intrant; Crucem in fastigio statuunt, & paulisper quiescunt. Nemo paganorum apparet. Mox quidam conspecti commeantes ultrò citròque, & oculos exploratorum modò in tugurium defigentes, captantèsque aure suspensà Patrum sermones. Qui cùm audissent de ædificanda æde sacra agitari, jamque positam Crucem animadvertissent, è vestigio evanescent. Ultrò accersitis duobus è primis, qui debebant in vicinia, alter tantùm venit, cui Calugus Naique nomen erat; interrogatusque quid ita principes pagi non adessent,

solemnia benevolentia argumenta præbituri; deinde, quid inconditi sibi vellent venefici clamores? Respondit perfrigide, domesticis populum conflictari discordijs: Magum, Idolorum jussu, concire multitudinem adversùs Patres; verùm jam sese rem totam disturbasse. Hæc Alphonsus Paciecus cùm audisset, hominem ad Rudolphum adducit, qui paululùm ad canonicas preces à cætu secesserat. Mirà ille hominem comitate complexus, offert operam suam ad dissensiones tollendas. Visus est Barbarus probare ille quidem consilium, sed nihil ab se, ignaris fratribus, statui posse causatus, abcessit. Etiamnum resonabant dira carmina, horrendusque venefici ululatus; quæ quò diutiùs advenarum aures verberabant, eò certiùs ipsi nòrant contra se fundi. Et quanquam vitam suam in DEI potestate positam esse meminerant, tamen horrore quodam sensim perfundebantur; atque adeò sinè eundatione retrò abiissent, nisi suborto imbre, allatisque eodem tempore cibarijs, reficiendas tantisper vires, dum deplueret, tenuissent. Curatis raptim pièque corporibus, dum quidam de comitatu, quòd allatam annona multitudini minimè sufficisset, ad quidpiam eoemendum in pagum ingressi, expectantur, Patresque interim jamjam profecturi, de aptando sacrae ædi situ sermonem conferunt, locumque describunt: ecce tibi clamor affertur ingens ex ea parte, quâ primarij Pagodi ruinæ in proximo stabant; & qui expectabantur Christiani, fugientes apparent, eosque insectans globus ingens Ethnicorum, hastas, gladiosque vibrantium, & sagittas aptantium arcubus, magnòque fremitu ingeminantium; *Macla veneficos, macla patria nostra perturbatores.* Omisà dein insectatione fugientium, intendunt cursum ad Patres. Continuò Christiani Orlienses obviam inermes, ut erant, progressi, admonere etiam atque etiam, precari, obtestarique, nè Patres innoxios, tamque ipsis benevolos violarent. Illi contrà nihil pensi eorum habitis consilijs, tela expedire. Lusitanus Regius Scriba sclopeto instructus, se ferebat adversum, speciem præbens vim vi repulsuri. Sed Paciecus hominem reprehendens: *Abstine*, inquit, *non enim ad bellum venimus*; pergensque in occursum furentium, brachijs tanquam ad complexum expansis, quiescere, ac securos jubebat esse. Inter hæc nova turba ex ea parte, quâ Patribus retro iter capeffendum erat, cum infesto clamore, velut ex insidijs dato signo cooritur.



Præibant robusti duo Barbari, feroces juven-  
tâ, nudi corpora, ore truci, sparso & inconti-  
to crine; multitudo ingens sequebatur. Hi  
prios in eum locum, ubi Patres constite-  
rant, cursu delati, quis inter eos præsit, inter-  
rogant. Rudolphus in re subita constans  
animo, equum ad fugam sibi expeditum à  
Christiano, quo utebatur interprete, obla-  
tum repudiare, Sociorum cuicumque eum se  
concedere dicere; hortari suos ad subeundam  
fortiter pro Christo mortem, quæ omni pro-  
fecto vitæ anteferenda sit; eam tantopere ex-  
petitam, & tam diuturnâ peregrinatione  
quæsitam, ecce jam esse in manu, eam non  
modò non dubitanter, sed etiam ardentè ex-  
ciperent. Inter hæc verba adfuit illico ho-  
stium manus, & ab Rudolpho ipso cædis fe-  
cit initium. Huic poplites primò succidit  
ingenti plagâ: quo ille vulnere procumbens  
in genua, oculis in cælum intentis, diductâ-  
que suis ipse manibus veste, nudam præbuit  
hostili ferro cervicem. Sed nè id quidem  
ad leniendam carnificis crudelitatem satis  
fuit. In eas ipsas cervices, quas Christi pu-  
gil nudarat, impresso mucrone, duas illi  
graves mortiferasque plagas imposuit. Huic  
immanis scenæ secundo actui præludere jam  
olim Rudolphus persæpe visus est, cum inter  
precandum exardescens, dissolutâ veste,  
nudatâque collo, perinde quasi jam tum fe-  
riendus foret, exclamaret in cælum: *Para-  
tum cor meum DEUS, & paratum collum  
meum, Deus cordis mei!* Ad has plagas ac-  
cessit nova, quæ humerum à reliquo corpore  
penè discerpit; & ad extremum jaculi vul-  
nus in pectore; quibus vulneribus animam  
suo edidit Procreatori. Supremis autem vo-  
cibus dixisse memoratur, ut esset suo Domi-  
no usquequaque persimilis: *Ignosce illis, Do-  
mine!* atque addidisse: *S. Xaveri, ora Deum  
pro me! Domine Jesu accipe Spiritum meum!*  
& hoc ubi tertio repetiverat, expirasse. At-  
que huc Rudolphum sua Virtus provexit,  
quò tanto semper ardore contenderat. Ni-  
hil enim adeò, cum ex Regno Mogoris re-  
vertit, querebatur, quàm quòd medios inter  
hostes nunquam sibi fors similis obtigisset.

Proximè Rudolphum, ac penè eodem  
tempore, invasere Franciscum Araneam,  
quem gladio vulnerarunt in gutture, & lan-  
ceam adegerunt in costas. Jacuerat is prope  
sepem, ægram trahens animam, donec Bar-  
bari reliquis interfectis, occisorum cadave-  
ra numerarent; atque ubi conspicati sunt  
Franciscum spirantem adhuc, omnis ad eum  
virorum, mulierum, ac puerorum multitu-

do convolat, magnis clamoribus præ lætitiâ  
gestientium; qui quò plus honoris haberent  
Idolo suo, bis circa illud seminecem raptant;  
deinde ut mos est gentis in reorum quæstio-  
nibus, uno tantum pede consistere jubent,  
tum etiam Idolo supplicare. Quod cum  
constantissimè facere renueret, positus est  
quasi signum ad sagittas, quas innumeras in  
eum miserunt, & sanguine imbutas Idolo  
consecrarunt. Atque is fuit univerforum fu-  
ror, ut nè pueri quidem ipsi puellæque in ejus  
corpore lacerando, suisque manibus, mucro-  
nibus, jaculis, & præacutis sudibus confi-  
gendo, animum possent satiare, cum è suis  
ulciscendis Idolis aliquam sibi quisque par-  
tem conaretur laudis appetere. Quare & a-  
rundines, & veruta, & aliâ ejusmodi tela ejus  
cruore madefacta, unâ cum reliquo occiso-  
rum sanguine, suis consecrabant Idolis: eo-  
demque ipso, ut eorum mos est, Deorum si-  
mulachra festis clamoribus inungebant. De-  
nique ita confecto laniatâque Araneâ, vul-  
neribus aliquot in cervice defixis, reliquum  
spiritum exhauferunt.

Tertio loco Petrum Bernam aggressi, in  
caput ejus transversò vulnere ita sævière, ut  
vertex avulsus modicâ penderet è cute; alter  
oculus illi telo trajectus; auris dextra ferè  
detracta. Addidère & contumeliosa tor-  
menta, verendis exsecris, & in os morientis  
per turpem contumeliam immisiss; ea de  
causa, quòd ille nuper vaccam, præcipuum  
ipsis coli solitum Numen, super ejusdem  
Aram occidisset, & Deorum fana evertis-  
set.

Similiter Pater Antonius Franciscus,  
accepto in capite gravi vulnere, & reliquo  
corpore confossus, id demum obtinuit, quod  
quotidie in Missæ Sacrificio à DEO Eucha-  
ristico enixè postulabat, scilicet ut sibi ejus  
causâ mortem oppetere liceret. Certè eo  
ipso die Sacrificanti, miro prodigio sacer san-  
guis exundans efferbuit labrotenus, haud ob-  
scurum fundendi sanguinis argumentum.

Sed & P. Alphonsum Paciecum eâ glo-  
riâ fundendi pro fide sanguinis dignatus est  
DEUS. Hic dum Barbari alios crudeliter  
laniant, veluti moræ impatiens, *me me*, cla-  
mabat: *adsum, qui feci, qui vestra Idola com-  
minui.* Hæc dicenti cum Barbari lanceam  
adegissent in pectus, ille extensis in crucem  
manibus, oculisque in cælum sublati, alte-  
ri se vulnere offert intrepidus; quo accepto:  
*Tu Domine, inquiebat, lanceâ pro me confixus  
es, per eam ego te obtestor, ut hisce parcas, & no-  
vos illis Fidei prædicatores submittas;* eumque  
hoc



hoc dixisset, concidit exanimis. Erat Alphonsus clarissimâ Principum inter Hispanos familiâ genitus, talentisque ad quævis Societatis munia egregijs instructus, quod ipsum moram illi iniecit, nè, pro eo ac optabat, in Indias mitteretur. Vicit tamen piâ importunitate Superiorum reluctantiam, sancto etiam dolo usus, ut Deum in sua vota flecteret. Instabat hora, pro qua Cordesius Provincialis Consultores suos evocârât, de Alphonso in Indiam mittendo supremum deliberaturus: tum Alphonsus singulos viritim in Collegio Socios adit, rogâtque ut eâ horâ coram Divinissimo Sacramento certum quoddam negotium Deo commendent. Convenerat in odeum constituto tempore totum prope Collegium, & ut alij alios ignorabant ab Alphonso rogatos, mirabantur insolitam id temporis suam comprecantium frequentiam. Ipse etiam interim Alphonsus in cubiculo suo impactis vehementer in dorsum flagris, cælum pulsabat. Perseverabant adhuc in oratione Socij, cum ecce Alphonsus adest, & gratulabundus: *abire, inquit, licet, jam voti compos sum.* At illi recognitâ, pro qua preces adhibuerant, partim gratulari, partim dolere, plus impetratum quàm voluissent. Egit is primum in Goano Collegio per triennium Ministrum, id est, religiôsæ œconomîæ sub Rectore custodem; inde Socius Provinciali adjunctus est; aptissimùmque judicârunt omnes, qui in gravissimis Indiæ negotijs ad Summum Pontificem, & Societatis Generalem Romam mitteretur. Quia verò metuebant, nè Europæi Virum sibi interciperent, datis ad Everardum literis petierunt, nè in detentionem Alphonsi ullatenus consentiret. Ipsum etiam Paciecum literis suis ad reditum itâ hortatus est Provincialis: *Confortare Pater, mementoque jam dudum te, cum primum has in Oras discessisti, totum eis debitum, ac dedicatum esse; non itaque permittat Dominus, ut te careamus.* Equidem pro eo, quantum rationibus Provincia hujus commodaturum te persuasum habeo, etiamsi jam vitâ excessissem, dolerem vehementer, si existimarem fore, ut hoc illa subsidio nudaretur. Ad ipsum verò Generalem Mercurianum hæc scripsit: *Mitto in Urbem, ut rerum nostrarum statum edoceat, Alphonsum Paciecum. Vir est, cui perinde ac mihi, in omnes partes tutò habeas fidem. Partes enim possidet omnes Prudentiæ, Virtutis, experientiæ: superq. omnia, est filius verus Societatis. Quam ob rem vehementer abs te peto, ut eum ad nos omnino remittas.* Nam verè magnam jacturam, si

eo careret, hanc Provinciam fecisse censerem. Redijt porrò Alphonsus confectis feliciter negotijs, atque potissimùm impeditâ facultate, quam Lusitani Præfeti pro Salfettaniâ à Rege petierant, ut ijs Idola retinere fas esset; quòd metuerent Salfettanos ad Idalcænem omnes migraturos, cum jactura reddituum Regionum. Tredecim insuper socios secum ex Europa advexit, novos vineæ operarios. Dúmque Provincialis nomine Rudolphum in Salfettas deducit, unâ cum eo, aliisque è Societate quatuor, sæcularibus verò Christianis viginti, 15. Julij 1583. pro Fide occisus est. Corpora occisorum in puteum quendam conjecerunt Barbari, quæ post triduum extracta, adeò nihil corruptionis passa sunt, ut recentem potius stillarent è vulneribus sanguinem, quasi eo die fauciatâ fuissent. De Rudolphi potissimùm corpore affirmârunt complures, odorem quandam ex eo prodijisse jucundissimum, sanguinemque, qui ex omni vulnere, tum è cervicè manabat uberrimus, ita æstuâsse, ac si succensis ignibus efferveret. Quæ res omnium animos vehementer accendit, tantusque osculantium manus, pedesque ac plagas, impetus fuit, ut jam tum cælestem eorum gloriam videre sibi quodammodo viderentur; Reliquias etiam ex ijs aliquas tam studiosè quærebant, ut alij sudaria sanguine tingerent, capillos evellerent alij, alij ungues præscinderent; itâ ut Rudolpho quidem nec in manibus nec in pedibus unguis remanserit ullus. Tanta erat apud omnes Rudolphi æstimatio. Corporibus aptè compositis, solennis instituta est supplicatio. Deportabantur ea à Patribus, crebris cum funalibus, cantûque Psalmorum, qui ad eam triumphî gloriam spectare potissimum videbantur: sed lacrimarum effusione tantâ, ex intimis ortâ lætitijs, ut nascentis velut Ecclesiæ imaginem repræsenteret. Delati sunt hâc pompâ ad Templum Oppidi Ravioli, ibique in prægrandi arca conditi: Patre Provinciali votivam Missam in gratiarum actionem solenni cantu peragente, quòd tale funus non alias desiderare videretur exequias.

Quâ die cæsus cum socijs fuit Rudolphus, eâdem ipsâ P. Joanni Ferdinando, quem & vitæ sanctimonia, & perfamiliaris cum beatis Spiritibus consuetudo clarum fecit, Deo monstrante, tota rei gestæ series in Europa patefacta est: sciscitantique ex præsentate sibi Angelo, cur itâ malè dirèque haberi suos famulos DEUS permitteret? responsum ab eodem est, id eâ re permitti, ut mor-



te suâ gloriam DEI illustriorem reddant. Anno ab istorum Herqum cæde quarto, qui fuit ejus sæculi octogesimus septimus, deliberante Petro Castrio viro nobili, cum in Lusitaniâ solvere cogitaret ex India, trèsne Salsettæ pagos, qui sibi multæ nomine obveniant, Domui Probationis Goanæ nostræ, domesticâ necessitate laboranti tribueret; an pretio divenderet alijs? Novitij, Visitatoris Alexandri Valignani admonitu, precibus institère, & hos Christi Pugiles, qui nuper in illis eisdem pagis, vitam profuderant, oravère, ut rem susciperent, cujus successus populorum utilis conversioni foret. Ea consultatio dum per dies aliquot tenet, Frater unus è Nostris exactæ ætatis, Procurator Domus Probationis, ad mulierem accedit ex tertio S. Francisci Ordine, probatæ sanctitatis; ejusque preces in rem præsentem efflagitat. Recepit illa se facturam. Hoc dum agit; cogitare secum primò inde cœpit, Paupertate magistrâ stare omnem Religionem: inde autem, non esse cur eo præsidio Novitij nudarentur. Ea versanti, offertur species Rudolphi ultra modum humanum, gemmatam habentis coronam in capite, è qua splendor admirabilis emicaret; qui ad eam, *filia, curari debet aliquid*, inquit, *Domui Probationis ad propulsandam inopiam, nè multis sit iter ad Societatem JESU obseptum: super ea re scrupulum omnem abijce; & ad Deum preces effunde.* Querenti, quis esset? Rudolphus sum, ait, quem Christi amor in illis pagis compulit ad mortem. Et multis ultro citroque auditis, & redditis, sermo finitus, magna cum mulieris lætitia; quæ visum uni è Nostris recenti gaudio aperuit. Preces verò auditas eventus edocuit; nam & Castrius liberam nobis omnem possessionem donavit, & consecutus est Salsettanorum, qui requirebatur, assensus; Prorege ipso, omnibusque Magistratibus nostrâ causâ adlaborantibus.

Anno hujus volventis sæculi tertio decimo, Neapoli quispiam è Nobilitate, nostro nomini haud satis æquus, cum Rodolphum in omni passim sermone cerneret venerationi esse, atque in concilio cætûque eorum, qui in Fidei odium cæsi fuère, collocari; improbare factum instituit, sugillare Patres qui sinerent, reprehendere qui nomini ejus ho-

norem deferrent; *qui vitam, ut aiebat, per infortunium absolvisset, quale plerisque, qui Barbarorum veniunt in potestatem, comparatum est.* Eâ nocte quæ diem illum excepit, quo importunus homo per licentiam exorbitarat, ecce quiescenti multa in luce spectabilem se Rodolphus exhibuit, & *num se cognosset?* quæsiuit. Illo inficias eunte, sciscitatus est, *quid demum hominem, quem non nosset, vellicare, ac petulanter auderet incesse?* cumque ille, ut *quis ipse esset, ediceret*, vehementer oraret; Rodolphum esse, respondit sese, quem ipse non esset pridie vituperare reveritus; eoque dicto confestim evanuit. Verùm Nobilis viso perterrefactus, postridie primâ luce rem detulit ad Archi-Episcopi Vicarium; eoque comitatus ad Patres venit, ubi conspectâ Rodulphi expressâ coloribus in tabula effigie, agnovit in illa Virum, quem nocte conspexerat; & ejus honori deinceps venerationique studuit impensissimè.

Tertium his libet inferere, prorsus ad Rodulphi gloriam & ornamentum haud parum illustre, illi nimirum debere plurima ex parte Societatem nostram egregium decus illud Ecclesiæ Japonicæ P. Carolum Spino-lam, cujus in loco certamen exponam. Is enim dum salubres de rebus deferendis humanis cogitationes cum animo suo versaret, commodum nuncijs adferuntur de morte nostri Rodulphi. Quod genus tam fortunatæ mortis cum vehementius generosum Caroli pectus percussisset, alienæ victoriæ flammis accensus, mox etiam parvis desiderio mortis exarsit. Re ergo Deo commendatâ secum statuit, Religiosum Societatis JESU Ordinem, itidem ut ille, inire, itérque in Indiam omni deinde contentione procurare. Hasce res Carolus ipse affirmat scriptis Omurano è carcere literis ad P. Mutium Vitellescum, Præpositum Societatis universæ; quibus post alia, narrans suam ob Christianæ legis præconium captivitatem, eximium hoc suæ patientiæ beneficium, maximam partem acceptum refert precibus P. Rodulphi, cujus se morte pro Christo obitâ excitatum ad Societatis, Japonicæque profectiois ingressum tam enixè flagitandum, affirmat. Tanta nimirum est vis atque efficientia exempli Sanctorum!







P. Franciscus Carrion Hispanus Soc. IESV. pro fide Christi veneno sublatuſ in Iaponia. A. 1590. menſe Auguſto.

C. Scretta del.

Melchior Kuſſel f.

## P. FRANCISCUS CARRION.

**I**dem Christianam primus in Japoniam anno 1549. intulit S. Franciscus Xaverius; inde gentis illius Apostolus ex merito appellatus, eandem etiā ferè biennio prædicatione & miraculis constabiliavit, genitis Christo per Evangelium, ex omni hominum genere quàm plurimis. Prosecuti sunt eandem Provinciam non sinè gravissimis difficultatibus Patres nostri, & grandia incepta P. Franciscus Carrion primus omnium literis consignavit, & in Europam misit, magna sancti laboris & ipse pars; cuius aliquot præcipuos successus, ex ipsomet hic delibare juvat. Fervere potissimum tunc

nostrorum zelus visus est, cùm circa annum ejus sæculi septuagesimum nonum, Alexander Valignanus Orientis Visitator, totum nostrorum in Japonia regimen in tres quasi Provincias divisisset; designasset etiam Collegia quæpiam, in quibus Juniores nostri linguæ Japonicæ, aliisque necessarijs studijs vacarent; Excitasset seminaria, & domum Probationis, in quam admitti possent è Lusitanis ibi peregrinantibus, aut etiam è Christianis Japonijs, si qui nostro instituto idonei, à DEO in Societatem vocarentur. Quibus ita constitutis, Visitator in Regnum Arimæ se contulit, ut Regis conversioni, alterius Regis Omuræ Bartholomæi Patruj, ejusdem

Kk 3

suasu



suasu de religione Catholica amplectenda deliberantis, manum ultimam imponeret. Sed reperit Regem in proposito vacillantem; ut quem avia Idolis addicta, cum avunculis ejusdem sectæ à sancta cogitatione retraxerat. Effecit tamen adjuvante DEO, ut rursus aures libenter daret sibi differenti de doctrina Christiana, & non longè post, cum uno è patruis suis, & juvene patruale tempus locumque condiceret baptismo, in quo Rex quidem Protasij nomen accepit; uxor verò paucis post diebus maritum secuta, Lucia dicta est.

Aucta per hos Principes Religione Kallendis Martij Meacum versùs iter iniit, quò eum spes convertendi Nobunangæ Japoniæ Imperatoris evocabat. Adiverat hunc Imperatorem priùs P. Organtinus, cum Laurentio Japone interprete, qui patriâ elegantia de Christianæ Religionis veritate differens, eo gustu à Nobunanga auditus est; ut Aulicos suos ei dissertationi interesse Imperator voluerit; id tamen priùs in aurem Laurentio familiariter insusurrans: *Est ego, inquit, contentius, & irato similis te questionibus laceßam, tu tamen audacter loquere.* Tum valvas pandi, & Procures suos vocari jubet. Cùmque multa ex Laurentio ferventer quæsißet, Laurentio plausibiliter omnia dissolvante; altâ voce Imperator Principes adstantes circumspiciens, *adeßte, inquit, auxilio: nam cogi me sentio ad istam adeò rationi congruam Religionem amplectendum. Quin vos ipsi ad Sacra Christi cum conjugibus & liberis suscipienda comparate.* Moxque ad Laurentium conversus, jubet cum Nobilibus viris de Fide Christiana uberiùs loqui. Quod cùm is rursus cum ingenti plausu fecisset, Imperator, subitò Organtinum cum Laurentio in intimum secum conclave deduxit; ibique exquisitis formulis utrumque obtestatus est, sibi nè mentirentur; dicerentque, an revera ea, quæ dixerant pro veris ipsi haberent? Causam dubitationis suæ asserbat; quòd posteaquam mira à suis Bonzijs de futura vita ipse audisset, iidem tamen Bonziji, sub fide secreti sibi fassi fuerint, ea quæ dicerent, falsa quidem esse, jactare se tamen illa ad populum, ut sibi quæstiosa, & politico regimini utilia: & idcirco eadem de doctrina Christiana se suspicari addebat. Hic Organtinus in seriũ composito vultu, quàm potuit efficacissimè, certissimam suam mysteriorum, quæ docebat, fidem, asseveravit. Visaque in conclavi Regio figurâ globi terrestri, eam arripiens; *vide, inquebat, Domi-*

*ne, unde quantisque marium ac terrarum spatijs, quàm horrendis periculis venerim:* (simul illi Italiam monstrat, relegitque digito viam, quâ se inde in Japoniâ contulerat) *quanta autem subjunxit foret hac dementia, si florentis Patria mea neglectâ dulcedine, sinè ulla humani commodi spe, ingentibus vita periculis huc venissem, solâ instigante inani libidine mendaciorum venditandorum? Quòd Bonziji, ut inquebas, populum fallacijs suis circumveniant, faciunt id, ut ipse etiam dicebas, tanquam sibi quæstuosum. At nos pauperiati ultro amplectamur, & ex ministerijs nostris nullum facimus quæstum; ut quos una beata vite spes sustentat & erigit.* Audivit hæc Imperator fixis Patrem intuitus oculis, & quasi satisfactum sibi foret, invitus eum à se è Regia dimisit. Sub idem tempus commissum est grande inter Bonzios Fohefcianos, & Giodofcianos de Fide certamè, cuius arbitrum elegere Nobunangam; qui eam certamini legem dixit: ut victi capite mulctarentur. Concursum rabiosissimè peracto, victores declarati sunt Judicum sententijs Giodofciani. Fohefciani verò, jussi priùs sanguine proprio subscribere oblata chartæ, quâ se convictos, & ratione ab adversarijs superatos fatebantur; demum capite plexi sunt, qui certaverant: reliqui sectæ ejusdem in desertam Insulam deportati, bona & castella eorum plurima, direptioni populari permissa. Erat Fohefciana secta omnium infestissima Catholicæ Religionis; Quare illam suam operam Nobunanga reduci ad se Organtino magnificè jactans, id se ipsius, & Christianorum amore fecisse prædicabat, confirmavitque spem de sui conversione conceptam, ut jam Organtinus plura, quæ è re Christiana essent, majori audaciâ aggrediretur. Edificabat gloriarum plenissimus, & triginta septem Regnorum Dominus Nobunanga Urbem Anzuquiamam quantâ poterat magnificentiâ, cupiens eam Regnorum omnium caput & Metropolim esse. In ea civitate censebant omnes, summi momenti institui publicam Religionis Catholicæ professionem, cui rei perficiendæ hæc commoda se obtulit occasio. Vulgaverat Imperator, Urbe jam, domoque Regiâ perfectâ, editum per omnes suas ditiones, quocunctos Dynastas ac Principes invitabat ad visendum utrumq; illud edificium. Fiebátque concursus ingens primæ Nobilitatis, quòd metuerent notandam ab homine suspicaci & jactabundo suam absentiam. Organtinus igitur gratiam Imperatoris aucupaturus eodem venit, & confestim ad salutationem



tationem Nobunangæ admissus, facile intellexit, non parum eum delectatum, quod Europæi quoque (quos Patriæ magnificentiae assuetos parvi facere opulentiam Japonicam percubuerat) suorum operum & opum spectatores cupidos, & laudatores non paucos videret. Hac opinione tumido & læto Imperatori Organtinus libellum porrigit, quo petebat sibi fieri potestatem, domus & templi suæ Religionis usibus in Urbe nova condendi. Negarat id prius pluribus præpotentibus Bonzijs Nobunanga, Patri tamen blandissimo & renidenti vultu non solum liberalissimè annuit, sed ultro amænissimum locum delegit, & ut statim ædificium in eo nostrum inchoaretur, iussit. Non defuerunt hoc rerum articulo sibi Christiani Meacenses, sed ingenti studio & sumptu partim ibi emptâ, partim Meaco apportatâ materiâ, intra unum mensem ex elegantia Japonica utriusque ædis molem ligneam erexere. Accessit postmodum & Visitator Valignanus Imperatorem, quem ipse & tres filij ejus certatim honoribus exceperunt; & domum regressis decem anates peregrini generis, rarum illic donum, quodque ipse Imperator paulò antè à Legato Regis Banduenfis acceperat, Visitatori submisit. Fecit etiam eidem petenti potestatem fundandæ in Urbe nova domus pro Seminario puerorum; quam Nobunanga paulò post ad fastigium perductam invisit & laudavit. In ea statim viginti quinque nobilissimos pueros sub cura Organtini collocatos, discedens Valignanus reliquit; qui cum in discessu gratijs prolixè actis Nobunangæ valediceret, ingentis pretij tapete donatus est, in quo eminebat phrygio opere depicta Urbs Anzuquiam: opus in paucis insigne, quod deinde à Legatis Gregorio XIII. Romæ oblatum admirationi fuit. Omnia hæc benevolentiae in Patres argumenta spem augebant de conversione Imperatoris: sed libido & superbia retinebant hominem à Fide amplectenda. Constat eum, & Filium ejus primogenitum, seriò egisse cum Organtino, ut legem, quæ libidinum licentiam prohibet, tantisper laxaret; pollicebanturque se cum Aula, ac Japonia tota confestim Christianos futuros. Superbia ejus in tantum etiam excrevit, ut Divinos honores appeteret. Locum proinde in colle novæ Urbi adjacente designat, & totam artificum, ex aëris & urbis opera perfecta feriantium, industriam adlaborare jubet in Delubro omnium, quæ unquam in Japonia fuissent, superbissimo illic erigendo.

Exiguo tempore (ut Japones sunt in ædificijs velocissimi) moles constitit omni magnificentiae genere visenda. Apparebant ibi speciosissimis in loculis exposita simulacra Camium, è totius Japoniæ expilatis Sacrarijs eò translata; supra hæc humiliora per ædis circuitum sacella, eminebat altè thronus splendidissimo ornatu radians, in quo præcipuæ venerationi saxum exponebatur, insignibus Nobunangæ sculptum, ipsumque Nobunangam Japonico usu representans, noménque Idolo novo novum impositum Xantai. Missa mox decreta, quibus ad ultimum Februarij invitabantur omnes, Natalem Nobunangæ celebraturi, & adoraturi novum numen Xantai. Addebantur promissiones obtemperantibus amplæ: fore, ut qui Xantai adorarent, è pauperibus divites, è sterilibus sæcundi, è morbidis valentes & sanifierent; qui id negligerent, supplicijs mactandos. Adfuit ergo conditâ die innummerabilis ex universa Japonia hominum multitudo, campos ingentes tabernaculis latè positis operiens, quod minimam eorundem partem tecta Urbis, alioqui amplissima, vix caperent. Primus omnium splendidissima pompâ Jonus Suquendonus, Mini & Boazi Rex, maximus natu filiorum Nobunangæ, sacrificatum exquisitis ritibus novo DEO processit. Hunc Reges & alij Principes, tum Nobiles, ac denique plebs, ingenti ambitu secuti. Non tulit impunè hominis arrogantiam DEUS. Paucis post diebus concubiâ nocte effulsit ab occidente vibrantissimus splendor, simulque supra turris apicem ardentissimè flammescens nubes apparuit, eodémque situ ac visu, ad observantium horrorem, ad solis usque ortum perstitit. Horribilis etiam paulò post Cometes longissimam, & formidolosissimè micantem caudam latè explicans, medio æthere exarsit, in dies aliquot. Lancea etiam ignita sereno excussa cælo in arcem novam intorta est, cunctis horrentibus; uno Nobunangâ, quem monstra petebant, giganteam temeritatem ostentante, & contemnente minas, quas tragico suo mox sanciturus erat exitu. Etenim adulto Majo, Faxibæ primario suo Duci, adversus Amanguccianum Regem, & Bonzium Ozacæ Principem bellum gerenti, poscentique auxilia, totum copiarum suarum robur, quosque in comitatu suo fidelissimos habebat, ire suppetias iussit. Numerosissimam horum auxiliorum manum ductabat Aquechius, vir manu promptus, & Nobunangæ percarus. Hic Meaco profectus, re-

putare



putare secum cœpit, quàm destitutus viribus præter morem Imperator esset; adeoque oppressioni, quâ ipse cresceret, opportunus. Duces igitur quosdam sibi addictos, Nobunangæ infensos, clàm advocat; consilium exponit; omnes probant. Hinc subito ignavis militibus pronuntiatur nocturnum iter Meacum versùs, arcano, ut mentiebantur, Nobunangæ jussu, quendam sibi suspectum Dynastam opprimere studentis. Sub lucem adsunt Meaci 14. Junij, palàmque jubentur Palatium Nobunangæ oppugnare. Nec mora in quoquam fuit. Surgenti è strato Nobunangæ, & manus ad faciem lavandam levanti, trepidus adfertur nuncius, Regiam armatis obsessam esse. Ille audacissimus nihil credere, & solita superbiâ mirari. Donèc prodeunti ad fenestram, sagitta humerum transfixit; quâ ille extractâ ensẽ stringens, fortissimè aliquamdiu multis restitit: donec glande plumbeâ trajectus, sanguine ac vitâ deficiente, in conclave secretum profugit, forèsque clausit; ibique, ut quidam referunt, usitato in Japonia desperatorum more, ventrem sibi dissecuit. Sed vix id sciri pro certo potuit: nam flamma undique à conjuratis palatio subjecta, statim illud cubiculum unâ cum cadavere absumpsit, extinxitque simul Suquendonum Nobunangæ primogenitum, & primum nuper ad Idolum Xantai sacrificulum. His ita Meaci peractis, tota militum vis Anzuquiamam Urbem novam convertitur Aquechio Duce. Arx capitur, sparguntur avarissimè cumulati thesauri, & quod per vim ac rapinas victrix quindecim annorum licentia corrâlerat, tri-duo per profusissimas largitiones dissipatum est. Quo rerum articulo emersus è latebris Oxaquenus secundo genitus Nobunangæ, dum Sanxius frater tertius cum exercitu ad ultionem necis paternæ properat; Arci, Urbi, Templòque Anzuquiamo flammis subjecit, omniâque horrendo incendio delevit. Hic finis fuit primi Japonicæ Monarchiæ Imperatoris, qui felicitatẽ Augusti in vita, Cæsaris tragicum exitum in morte repræsentare videbatur. Deo justo Judice superbiam hominis, & in profitenda Fide agnita

focordiam ita plectente. Occiso Nobunangâ, cum amicorum ejus proscripio fieri cœpit; nostri Meacenses nil mitiùs sibi, quàm cruentam necem, utpote Imperatori notoriè familiaribus, templo autem & domui triste incendium ominabantur. Sed fuere curæ DEO Patres adeò, ut Organtino filium suum in præsidium submitteret ipse Aquechius. Brevique interfecto Aquechio pax Japoniæ, rebùsque Fidei apprimè necessaria redijt. Hæc aliâque plurima in annuas literas suo studio redacta, primus, ut dictum est, in Europam transmisit P. Franciscus Carrion, oculatus gestorum testis, & magnâ parte Apostolicorum laborum socius, dum Scium Insulam, atque ipsam Urbem Meacensem (in qua relata tragœdia peracta est) gnâvus operarius excoleret. Cùmque sapius desideratam pro Christo mortem spe devorâset, anno demum 1590. ejus calicem ebibit, dum in Firandum ad opus Evangelij missus, tantam ibidem impietatis fecisset stragem, ut eam æquis oculis Ethnici ferre non valentes, toxicum ei miscuerint genti familiare, quod viscera haurientis contorta, disruiat, & provocato priùs copioso per vomitum sanguine, tandem & animâ ipsam corpore exturbat. Id cùm incautus sumpsisset Franciscus, nec domare posset pharmacis, triduo per ingentes cruciatus exacto, vitam in Firandensis Insulæ vico Ikizuk dicto, beatâ morte coronavit anno 1590. Oriundus ille erat Methymnâ Campi, exactoque Philosophiæ curriculo, & susceptis Baccalaureatûs insignibus, ad Societatem anno ejus sæculi septuagesimo primo, ætatis undevigesimo accessit, & quo jam tum flagrabat divinæ gloriæ studio, Alexandrum Valignanum Orientis Visitatorem anno 74 secutus est primùm in Indiam, ac porrò in Japoniam post biennium progressus, repetitâ aliquantisper Philosophiâ, aliisque studiis celeriter, ut respicebat, instructus, manum

Apostolico operi admovit, quod non-nisi à vita priùs derelictus deseruit.







P. Georgius Carvalhal Lusitanus, et P. Iosephus Furlanettus Venetus, S. I. ex propinato in odium Fidei veneno mortui A. 1592.

C. S. d.

M. K. f.

## P. GEORGIUS CARVALHAL, & P. JOSEPHUS FURLANETTUS.

**P**rovidit Ecclesiæ, & Societati suæ optimus DEUS continuam operatorum successi-  
nem, velut si mortes ac Marty-  
ria, novæ forent virorum Apo-  
stolicorum geneses, per quas uno avulso, non  
deficit alter. Sublato igitur per venenum  
Patre Francisco Carrion, in illius locum &  
labores mox suffecti sunt P. Georgius Car-  
valhal, & P. Iosephus Furlanettus. Viseum,  
Urbs Lusitaniæ non ignobilis P. Georgio Pa-  
tria fuit, qui in Societatem admissus A. 1568  
mense Majo, ætatis florentis anno 18. ma-

gnos statim in virtute fecit progressus. Suo  
rogatu destinatus in Indiam, comes factus  
est Rudolpho Aquaviva, aliisque magni no-  
minis Viris, quibus ille permisceri & vi-  
tæ merito, & mortis gloriâ meruit. Goæ Ty-  
ronibus datus Magister, cum eas partes lau-  
dabiliter sustineret, accersitus est in Japo-  
niam, & operam perutilem, ut erat navus  
& impiger, in Scimo Insula procurandæ sa-  
luti mortalium præstitit, Bungeni præser-  
tim in Regno, quod turbatum deprehende-  
rat. Tradiderat Franciscus Rex Bungenis  
filio suo præmaturè Regni administratio-

LI

nem,



nem, qui licet magnum Christianæ Religionis propagandæ zelum, parentis Catholici hortatu, prætulisset, propositum tamen non tenuit, Riozogi terroribus, & Bonziorum suasu in transversum actus. Concepit infelix, seditiosè id flagitantibus Idololatriæ, sacramentum impium, quo se obstrinxit ad reddendos Bonzijs ereptos census, permitteudæque sacra Camium, ac Fotoquium. Tantæ idcirco perfidiæ sibi conscius, Magistrorum Fidei congressus occursumque declinabat, nullius majore, quàm Parentis sui Francisci, Regis senioris dolore, pudorèque. Qui cum in morbum periculosum incidisset, accedentes ad se officij causâ Principem filium, cum nuru ipsius conjuge, admittere in conspectum noluit: auditusque est cum diceret (id quod eventu deinde comprobatum, spiritu Prophetico prævisum fuisse apparuit) stirpem suam, quæ quingentis jam annis in Bungo regnabat, in isto suo adversus Deum rebeli filio, sic ejus peccatis exigentibus, finem habituram. Mox bello invalescente, brevi tempore Fungense, Chicungense, ac Buygense Regna, quæ Franciscus Parens Bungeni adjunxerat, amisit. Bungeni ipsum vix tenebat, Proceribus plurimis rebellantibus. Interea Rex senior studijs Religionis se totum addicebat, & in domo privata degens, octavo quoque die ritè confessus, Eucharistiam sumebat. Quotidie manè statis horis mysteria vitæ ac mortis Christi commentabatur: vespere autem cum congregata familia in Sacello domestico, flexis ante aram genibus, coronam Deiparæ recitabat. Votis insuper tribus in hoc secessu se Deo devinxit; Castitatis conjugalis, Obedientiæ mandatis DEI, & suis in spiritu directoribus, constanter exhibendæ; postremò honorum honorumque omnium prius jacturæ subeundæ, quàm in Fide Christi titubaret. Operæ pretium est audire, quibus verbis hoc postremum votum expresserit. *Promitto tibi Jesu Christe, Fili DEI, me te, unum verum, aeternumque DEUM agniturum, adoraturum semper, & quæ docuisti crediturum: etiamsi Patres Societatis, quos mihi dedisti Magistros, à te deficerent: etiamsi (quod fieri non posse arbitror) Vicarius tuus, in terris, Romanus Pontifex, & tota Christianitas Europæ tuum cultum alijcerent.* In his pietatis officijs ac cogitationibus versantem, circumfistunt rebus jam perditis Regni proceres, & missi à filio, qui enixè precarentur, ut tenuium Imperij reliquiarum Regimen, & Patrocinium susceperet. Diu reluctabatur: sed pietate,

misericiordiâ victus, tandem annuit. Principiò quatuor Principes, qui Regem juvenem pravis suis consilijs perverterant, exilio multavit. Tum exercitu instructo Chiracuram factiosorum Ducem oppugnare orsus, brevi tempore à conspirantibus destitutum oppressit, & acie occidit. Sic Regno Bungeni pax reddita, Deo, quàm sit ad omnia utilis pietas, exemplo illustri demonstrante.

Profuit hæc pacificatio P. Georgio, aliisque è Societate operarijs ad uberiores fructus ex eo agro carpandos, cum indies novos, etiam è prima Nobilitate, ad Baptismum pertraherent. Jam verò cum laborantem Firandi P. Franciscum Carrionem veneno sustulissent barbari, ejusque socium P. Theodorum Mantels, eadem arte laboribus Apostolicis inutilem effecissent, suffectus est illis cum socio Patre Josepho Furlanetto, P. Georgius Carvalhal. Verùm nec illis diu licuit esse superstitibus; quippe quos ante exatum ibidem, à quo venerant, annum, eodem toxico infecere barbari; ex quo acerbis primùm capitis dolor, tum febrium ardor, demum cruentus vomitus subsecutus, P. quidem Georgium intra octiduum confecit Iki-zuki die 5. Maij 1592. Josephum verò uno post haustum venenum anno, cum Arimam ad Obamenses balneas experiundas profectus esset, eadem mali vis ingenti Christianorum luctu peremit, postquam in Societate vixisset annos 22. in Japonia quindecim. Vir, qui dum valuit, comitate & robusta charitate; postquam valere desijt, tolerantia, & pietate in sui amorem omnes trahebat. Natione & patriâ Venetus erat, in Indiam profectus A. 1576. jam tum sacerdos, navigatione difficillimâ, quâ mille quingenti morbis consumpti fuere. In Japoniam anno 1578. provectus, laudabilem in Scimo operam posuit Gentilibus ad Christi Fidem adducendis. Subinde Superiore Seminarij Facazukiensis morte sublato, in ejus locum subrogatus est. Ibi & juventutis curam egit per diligentem, & ad Christianorum eruditionem insigni fructu incubuit, & gentiles, excursionibus per vicinos populos factis, plurimos lucrificavit; tinctis aliquando uno in oppido simul sacro latice bis mille sexaginta quinque capitibus; quæ omnia unus ille indefessus præstabat. Revocatus A. 1587. in Scimum, administrandam suscepit Ecclesiam, quam toto jam sexennio dire vexarat Tonus, qui juxta Leges Japoniæ, post piam & Christianam mortem Ludovici Regis Catti, filij parvuli Ludovici itidem dicti, utpote



utpote patruus, tutorem gessit, homo Ethnicus, & in omnem vexandorum Christianorum occasionem intentus, ut qui Evangelij præcones ex Insula proscriptis, Christianis necessitatem intulit aliud migrandi, paucis ibidem in ærumnis cum laude constantiæ durantibus; quos adventus Patris, quasi è cælo missi Angeli, recreabat. Multa ibi præclarè gesta sunt à Patre Josepho clam Tono, consultumque diligenter animorum,

corporumque saluti, distributis etiam proprijs suis cibarijs in famelicos inopes, cum annus gravior annonam orizæ, quâ victitant, afflisset. Id genus Apostolicis laboribus probè excultus, destinabatur ad præmium ab Agonotheta Christo, dum Patribus per venenum in Firando infectis, ipse cum P. Georgio suffectus, eodem toxico extinctus est.



P. Theodorus Mantels Belga S.I. in Iapone ex odio Fidei veneno Sublatus. A.º 1593 5. Maij.

C.S.A.

M.A.

## P. THEODORUS MANTELS.



Rat P. Theodorus Mantels Patris Francisci Carrion socius non tantum usque ad fractionem panis, quem parvulis in Fide simul frangebant, sed etiam

usque ad bibendum calicem passionis, eodem quo P. Carrion die oblato haustu intoxicatus; sed ut erat ætate ac corpore firmior, sumto insuper confestim antidoto vim ejus retudit, per biennium vitæ inter ingentes



tes cruciatus extractâ. Octobri mense red-  
dux Macaum è Japonia P. Alexander Vali-  
gnanus Orientis Visitator, eum periclitân-  
di ex mutatione aëris remedij gratiâ secum  
duxit; sed cum illa priore nocentior videretur,  
Malacensem periclitari à medicis jussus  
est. Verùm consumptis jam per veneni vio-  
lentiam vitalibus, decimo octavo postquam  
Malacam appulisset die, vivus per biennium  
Martyr, malo victus occubuit anno sæculi  
ejus 93. ætatis 33. Leodium Urbs Belgij fre-  
quens ac celebris, Mosæ amni imposita,  
Theodoro natalis fuit: quem latinâ inflexio-  
ne Mantelium, Manteles alij nuncupant.  
Societatem anno 1580. mense Februario vi-  
cenarius ingressus est, Divinæque gloriæ in-  
ter barbaros proferendæ studio succensus, in  
Indiam post triennium profectus, inde rur-  
sus in Japoniam trajecit, eo tempore, quo Sa-  
xumanus diviso bifariam exercitu Bungum  
intravit, pagos, oppida, atque inprimis Chri-  
stianorum Ecclesias foedè vastans. Miscue-  
rant se Saxumani copijs Bonziji, tempus vin-  
dicandi Deos suos à nostris spretos sibi obla-  
tum gratulantes. Hi furore plusquam bar-  
baro in Cruces obvias, & similia Christianæ  
pietatis monimenta debacchabantur, tem-  
pla diruebant, sacras imagines, vestes, sacra  
vasa, ferro, aquâ, aut igni malè perdebant.  
Non tamen semper impune; præterquam  
enim, quodd complures ex sacrilegis in ipso  
flagranti ardore sceleris repentinâ mortē, aut  
calamitate aliâ oppressi sint, imbellem etiam  
fæmineum sexum in ultionem provocâ-  
runt.

Erat Christiana mulier, quæ ex Arce,  
Usuquienſi ardentem in Urbe capta domum  
Probationis Societatis, & duo Tempa Chri-

stianorum deflagrare videns, non magis ejus  
spectaculi acerbitate pungebatur, quàm  
æmulo zelo, quodd magnificum Cœnobium  
Bonziorum, cum specioso Idolorum delubro,  
in ora continentis ab Arce angusto freto di-  
rempta, cernebat: & indignata Christi tem-  
pla abire in cineres, nefaria verò Dæmonio-  
rum culmina stare integra; ardore quodam  
altiore stimolata, nocte concubiâ, fretum so-  
la natando trajecit; mōxque non uno loco  
ligneis (ut ferè sunt ædificia Japonum) ædi-  
bus igne admoto, repetito natatu se arcu red-  
didit; indeque undantem è Cœnobio ac tem-  
plo Bonziano per tenebras flammam, & ma-  
gno suo solatio spectavit, & pari gratulatio-  
ne alijs ostendit. Sed tolerabilior jactura fuit  
parietum tectorumque quantumlibet DEO  
sacrorum, quàm viventium DEI Tem-  
plorum, hominum videlicet Christi doctri-  
nam profitentium; quorum ingens numerus  
omnis sexûs, conditionis & ætatis, cum Fi-  
dem ejurare respuerent, vitâ spoliati sunt.  
Invidebant tam gloriosa certamina discipu-  
lis suis Magistri Fidei, Societatis nostræ Pa-  
tres, Carrion potissimè, Patris Mantels so-  
cius; sed barbaris satis erat eos, jam antè  
propinato veneno intoxicatos, Regno ejecisse,  
quos incruentæ morti servavit DEUS; si  
tamen incruenta dici potest, cum ingentem  
sanguinis copiam Christi Athletis sum-  
ptum expresseſſerit venenum.



## SANCTI TRES JAPONIÆ MARTYRES.

**N**umerosum equidem Candida-  
torum Martyrum exercitum ha-  
bet in Cœlis. ut speramus, Jesu  
Societas; sed Militans in terris  
ex autoritate sacræ Romanæ  
Ecclesiæ trifagium tantum accinere suis  
Athletis hætenus potest, dicerèque: *S. Pau-  
lus, S. Joannes, S. Jacobus.* Hi Mundo primùm,  
post etiam Cœlo in Japonia nati; primitiæ  
fuere, quas Ecclesia & Societas Japonica cru-  
ento sacrificio DEO hætenus sacravit. Per-  
secutionis occasio hæc fuit. Post Nobunan-  
gæ, quam supra memoravimus necem, Im-  
perium Japoniæ occupaverat Faxiba Cam-

bacundonus, qui post Taicosama dici voluit.  
Is Religioni Christianæ per annos complures  
impensè favit; donec anno 1587. scelestissi-  
mo Jacvini consilio, suis omnibus Fidem  
Christianam interdixisset, Patrèsque è Ja-  
ponia proseripſisset universos. Erat Jacvi-  
nus Taicosamæ Medicus & Leno, olim Bon-  
zius, qui dum Imperator Ozacâ progrede-  
retur, ne pellices suas secum ducere cogere-  
tur, virgines undique conquirebat, quibus  
Imperator libidinosis abuteretur. Com-  
morante igitur Taicosamâ in Urbe Paca-  
tensî, exhaustâ jam viciniâ, Jacvinus excur-  
rit Arimam, inde Virgines Imperatori colle-  
cturus.





S. Paulus Miki, S. Ioannes de Goto, S. Iacobus Gisi, Iapones Soc:  
IESV, pro Fide Christi Crucifixi Nangasacki in Iaponia. A. 1597.  
5. February.

M. K. f.

Eturus. Christianæ illæ erant omnes. Itaque cum vocatas ad se impudentissimus leno consuetâ impudentiâ compellâset; singulæ quasi ex composito responderunt; morituras se millies potius, quam DEI Legem talia prohibentem, violarent. Indignatus suprâ quàm credi potest infamis homo, calidè instructus nocendi artibus, ad hilariter cœnantem, merôque Lusitano æstuantem Cambacundonum ingreditur; Percontantique de more: *ecquâ duceret speciosam comitem?* ille, artificii mæstitiâ vultum obductus, contractis nonnihil humeris: vacuum se, ac graviter increpitum à puellis Christianis, Arimâ redire dixit. Exilit ad hæc audita Cambacundonus, discurret, vociferatur clamoribus horrendis, exitum minatur

Arimensibus fæminis. Astutissimus leno concessio hisce æstibus spatio, blandè rursus adrepens, ut novos, jamque perniciosiores suscitaret: *mihi vero, inquit, ô Imperator, immerito videris succensere dementatis mulierculis. Quid misera potuerunt, nisi quod edocta, quod iussa fuerant facere? ad hoc eas Europæi illi Bonziji (sic nostros vocabat) quos in delicijs habes, erudierunt. Quamvis delicias solâ tuas per illorum consilia interturbari, minima pars damni fuerit: statui ego tno, fortuna, vitæque tua (Dijomen avertant!) timeo. Tum multa sententiæ suæ confirmandæ, à Lusitanorum illic degentium, Christianorum item Principum Japoniorum, Justi Ucondoni potissimum potentia formidabili, occupatis Insulis Philippinis, & rebellione recenti Bonziji*



zij Ozacensis, mutuatus argumenta, in eam Imperatorem concitavit rabiem, ut is in tempesta mox nocte nuncios ad Justum Ucondonum miserit, per quos optionem apostasiae, aut exilij offerebat. Qui cum retulissent Ucondonum exilium & mortes mille praeligere; alios mox ad Provincialem Coellium expedit, qui ex eo quærent, quâ facultate Patres Fidem prædicarent, boves animalia innoxia, & de homine bene merita occideret, Bonzios pellerent? Respondit Pater breviter: habere se diploma ipsiusmet Imperatoris, quo potestas Patribus amplissima concederetur, propagandæ in Japonia Legis Christianæ. At furens Tyrannus nihil ea pensi habens; Justum Ucondonum prius omnibus possessionibus, sanè quàm amplissimis, honoribus item, officiisque omnibus spoliatum, unà cum fratre, conjugē, liberis, sene Patre Dario, in exilium ablegat; eandem etiam in Patres sententiam edit. Justus ad eam denuntiationem nihil turbatus, imò plurimum sibi gratulatus est, quod dignus habitus sit pro nomine JESU contumeliam pati; quin & ipse sui exilij nuncius, habitu jam ut exul fordido, ad familiares suos accurrit. Hic senex Pater: Justum non sinè lacrymis dulcissimis amplexans; *Lata, inquit, fili narras; bene nobiscum agitur, cùm familiam nostram dignam DEUS judicet, in qua Christiana constantia prima exempla constituat. Maeste istâ virtute! libenter sequimur. Utinam contingat post opes ac rem familiarem, etiam vitam pro Christo profunderē! eamus ad eum, quo DEUS vocat.* Patris vetuli auctoritatem reliqua secuta familia, omnibus palàm incessit latitijs: frater, uxor, liberi, certatim pro se quisque Ucondonum amplecti, renidenti omnes vultu, festis acclamationibus celebrare gaudium, concurrere in ædem sacram, hymno solenni gratulari felicem sortem, nec finem instantis mali optare alium, quàm oppetendam pro Christo mortem. Hinc reversi ad iter se comparant; prodeuntque parvis instructi sarcinulis, heri principes, hodie mendici; dignum Cælo spectaculum! omnes quo se reciperent ignari, passim per avia errabant: tandem in sylvis ac montibus variè quæsitis latibulis recepti: id unicum dolentes, quod etiam Patres, eadem sententiâ comprehensi, animabus opitulari deinceps in Japonia nequirent. Constituit viginti dies Tyrannus, intra quos omnes Patres è Regni finibus excederent. At cùm navis non ante sextum abhinc Mensem esset inde

solutura; jussi sunt interim omnes Firandum convenire; ibidemque præstolari navis discessum.

Erant è nostris per Japoniam sparsum viginti; qui ut ad speciem Tyranno parerent, à Provinciali evocati ad conditum locum, brevè omnes convenerunt, adductis etiam secum Seminariorum alumniis, & Catechistis juvenibus, quod hi omnes instantissimè ambirent eorundem periculorum cum Patribus, & exilij fieri participes; oblati prius ultro Patri Organtino schedulis, quæ continebant abdicationes Patriæ, opum, Parentum, Legis Christianæ gratiâ. Deliberatio habita postmodum Firandi est; an abeundum nostris è Japonia esset? Erant qui censuerant manendum solis Sacerdotibus & Catechistis; reliquis, ac potissimum Novitijs abeundum, ut in tranquillitate adolescerent, ad supplendum aliquando defectum Sacerdotum & Catechistarum, consumptorum ærumnis aut gladio Cambacundoni. Prævaluit tamen generosius consilium, judicantium, nè Tyrones quidem ab hac pulchri periculi communione segregandos esse, nec invidendam illis raram occasionem educationis nobilis inter Martyria. Mansere itaque in Japonia omnes, hinc inde per Dynastas Christianos dispersi, quod hi certatim, etiam cum præsentis capitis periculo, certos Patrum manipulos ad se mitti postularint. Interim uxor Cambacundoni, audito Patrum exilio graviter ingemuit, instantèrque urfit apud virum sententiæ revocationem. Sed barbarus, quamvis fateretur se paulò ulterius irâ prolapsum, quàm necesse fuerit, non fore tamen è dignitate sua ajebat, si à proposito, quod tanto strepitu susceperat, citò ac leviter desisteret. Procurabant interea rem Christianam strenuè, quamvis cautè, sparsi per Japoniam Patres, & præter infantes innumeros, ex adultis per eas latebras sacro recens tinxerunt lavacro quàm plurimos. Jamque paulò liberius agere cœperunt, cùm circa annum 1596. in Japoniam venit designatus ejusdem gentis Episcopus ex Societate, Pater Petrus Martinez, specie Legationis ad Cambacundonum ab Indiæ Prætoris missus, & à Tyranno comiter exceptus, permissusque in Regno sedem figere. Sed nova rursus erupit procella, unde minimè timeri potuit. Ad annum usque 1593. soli è Societate operarij vineam Japonicam excolebant, donec ex Sacro Ordine S. Francisci quatuor discalceati Patres ad Tyrannum ex Philippinis Insulis, quas eripere



eripere volebat Regi Catholico, missi essent, pacem petitori: qui ejus Legationis obtentu ad Martyrij spem, cujus erant sitientissimi, aspirabant. Eos Imperator liberaliter habuit, annuitque, ut sedem sibi Meaci, quam petierant, stabiliarent; eâ tamen lege, nè Christianæ Fidei cuiquam suorum capefendæ authores forent. At ipsi sanctiore zelo inflammati, paulò post domicilio Temploque excitato, SS. Eucharistiæ Sacramentum publicè proposuere, frustra amicis, frustra Patribus nostris dehortantibus, qui vehementer timebant suum quinquaginta annorum laborem, per ardentiorum illum zelum momento uno pessumdari. Sed flagrans illa Martyrij cupido obscurabat publici periculi magnitudinem, adeò, ut anno 94. ejusdem seculi, accitis tribus alijs focijs, novam Ozacæ crexerint ædem, & in ea perinde ac Meaci, plebi promiscue Legem DEI proposuerint. Jamque tertiam Sancti Lazari meditabantur Nangasachi; cum Jacvinus ille medicus occasionem nactus, Imperatori denunciat, Legem Christianam rursus à novis Sacerdotibus Franciscanis publicè doceri; Patresque nostros idem privatim facere. Tum excandescens Cambacundonus, homines intempestâ nocte mittit, qui Meaci & Ozacæ Patres utriusque Ordinis dent custodiæ, & illis obnoxios in catalogum referant.

Erant Meaci è nostris aliquot cum P. Organtino; sed Gibonoscius Governor optimè illis affectus, nè comprehenderentur impedit; Ozacæ verò solus è Societate per id tempus degebat Paulus Miki, cum Joanne de Goto Religionis Candidato, & Jacobo Kisai viro ævi grandis, & servilibus domus nostræ ministerijs occupato. Hi proinde cum uno è Franciscanis, tribusque ejus familiaribus comprehensi Ozacæ; Meaci verò è Franciscanis Patres quinque, Laici duodecim coniecti in vincula, numerum quatuor & viginti compleverunt. Inter eos Paulus noster præ gaudio vix capiebat sese, cum secum reputaret, quòd triginta tres vitæ annos numerans, feriâ quintâ, in utroque Domino suo similis, comprehensus & victus esset. Cumque noctem subsecutæ diei in carcere infomnem egisset, quâ præstabat dicendi facultate, ad custodes suos, aliòsque Ethnicos incarcerationis prolixam habuit orationem de Fidei mysterijs, de Domini cruciatibus, de Martyrij excellentia. Admirabantur qui aderant dicentis incredibilem ardorem, robustamque charitatem; quorum duobus carcere detentis eam Veritatis lucem

affudit, ut pollicerentur, simul ac vinculis expediti forent, baptismum se suscepturos. Diluculo diei tertiæ Mensis Januarij, revincti post terga manus, inter lictorum contumelias & probra, spectante miserantèque populo, delibuti tamen gaudio, sacris hymnis intenti, ducuntur in Vicum superioris Meaci amplum, & perfrequentem: ubi mitigatâ à Gibonoscio sententiâ, lævæ auris extremum (nam alioqui utraque refecari debebat) singulis præciditur. Refectas nostrorum, humique projectas particulas collegit, tulitque ad Patrem Organtinum Victor Neophytus, Ozacano Governatori à secretis; quibus acceptis Organtinus, inter fluentes ubertim lacrymas: *Ecce primitias, ait, Societatis in Japonia! Ecce laborum tantorum pretium, ac fructus! Hos ego flores novellæ Ecclesiæ, tibi magnè DEUS supplex represento; tu fac eos, quæ tua est consuetudo benignitas, in messem Christianorum uberrimam progerminare.* Plura conantem, & suus, & adstantium fletus prohibuit. Ternos deinde felicibus carris impositos, prisco Japoniæ more, trahente bove, circumvexere per vicos ad ludibrium in populi frequentia, quantam compita, fenestræ, tecta capiebant. Nostri vehebantur postremi: è quibus Paulus ad plebem circumfusam suâ linguâ de Christianæ Fidei mysterijs, è carro velut è cathedra, verba faciebat. Præferebatur omnibus in oblonga pertica descriptum in tabula fere, sed honestum carmen, hæc sententiâ: *Quoniam hi ex Luzonijs (ita Philippinas Insulas indigitant) venerunt specie Oratorum, & Meaci, ad Christianam legem pervulgandam, id quod severè jam olim fieri vetui, perstitere; edico ut omnes, unaque isti Japones, qui nomina sua eidem legi dederunt, è medio tollantur.* Proinde quatuor hi & viginti Nangasachi infami Cruci suffiguntur. Et quisquis ex hoc non paruerit interdicto, quo rursus eam Legem proscribo, is se unâ cum suis multatum iri sit certus.

Simul atque ad carcerem reducti sunt, Paulus Franciscanos Patres arctè, reverentèque complexus, illis impensè gratias egit, quorum sub umbra tam grandis, tam diu desiderati à DEO beneficij compos evaderet. Satellites aurigæque qui aderant, spectaculo attoniti: *Quid hoc est hominum, ajebant, prorsus insuetum atque mirabile, in suis malis atque opprobrijs, iuxta ac secundis in rebus, latitiâ exultantium?* Postero mane, hoc est die quartâ Januarij, vilibus jumentis impositi, Ozacam primùm, deinde Sacajum deducti, utrobique ad ignominiam contumeliosè



liosè per compita, sicuti Meaci, circumvecti sunt. Consilium enim Taicosamæ erat, suos infami spectaculo à capeßenda Christi Fide detertere; sed Bonzijs consilium hoc non placebat, quòd ità nequaquam opprimendam, quin magis etiam spargendam eam legem non dubitarent. Remanserant Sacai usque ad diem nonam Januarij, inde profecti sunt Nangasachum itinere terrestri, ut obvijs in locis tristi spectaculo cunctis horrorem, odiùmque Christianæ Legis inferrent: quam item ob rem causa supplicij sublimè, ut spectari legique posset ab omnibus, hastili præfixa ferebatur. Abest Sacajo Nangasachum sexcentis passuum millibus, vià difficili, & inæquali; anniq; tempestas inclemens erat, & in Japonia ventis plerumque horrida, & sæva gelu, adversus cujus incommoda Martyres malè comparati. Miserat proinde P. Organtinus Christianum solidà virtute, Petrum nomine, qui tres socios nostros ope, impendiisque, ut foret usus, prosequeretur: & Franciscanis ad idem obsequij ultro se alter addiderat, cui Francisco nomen erat; sed in viæ decursu ipsi quoque in cæterorum relati censum, Martyrio pro mercede donati sunt. Multa passim in itinere gesta præclare ab Sanctis sunt, quæ recensere singula prolixum esset. Paulus inprimis ardebat animo, socios inflammabat, & patriâ linguâ, quâ nondum promptâ Franciscani Patres atque expeditâ pollebant, verba, an verborum fulmina? ad suos custodes & obvios quosque jaciebat. Pollebat enim dicendi & vi, & copiâ singulari. Eundem & socios incescit ardens cupido sacri Mysterij pro Viatico ante mortem libandi: eà causâ monuit per epistolam P. Vice-Provincialem Societatis præmaturè, sic scribens: *Nullo alio in hac vita desiderio nunc tenemur ampliùs, præterquam confitendi, communicandique priùs, quàm Nangasachum attingamus: neque enim novimus, num qua se postmodum oblatura occasio sit. Patribus Franciscanis his, nondum idiomatis nostri sat gnaris, integram conscientia rationem nequimus exponere. Magno autem solatio esset nobis, si P. Franciscus Pafius eo munere perfungi posset.* Die postremo Januarij pervenere Facatam, ubi comiter humanitèrque, itidem ut alibi passim, ab Ethnicis ipsis, nedum à Christianis neophytis, habiti sunt. Paulus ibidem multam noctem prædicando impendit de more. Postquam eos Facatam appulisse rescivit Fazamburus, cui Regio jussu cura supplicij sumendi mandata fuerat, obviam Martyribus processit, ut morti devotos exci-

peret; & aptari per nuncium Nangasachi continuò Cruces quinquagenas præcepit. Et quoniam hic numerus patibulorum major erat, quàm captivorum, pium sanè ac religiosum certamen exortum est inter Christianos reliquos, dum pro se quisque superfluas Cruces occupare contenderet. Iplos adeò infantes, malorum insuetos, ardor invasit moriendi; visaque est ætate major eorum prudentia, interrogationibus tentata, cum se ad Martyrium offerrent. Calendis Februarij Facatâ Carazum delatis, Fazamburus Paulum nostrum ex vetere necessitudine miseratus, salutavit cum lacrymis, & ejus vicem moriendi, suamque ejus plectendi duram necessitatem dolere se, cum sensu testatus est. Cui Paulus: *Desine lacrymarum istarum, inquit, amice, & questuum: pro Divina lege & doctrina Cælesti mortalibus tradita nec illata, felix fortunataque est, neque indiga miserationis: hoc unum sine me impetrare ab te, si quid mihi gratiæ reliquum apud te est, ut Nangasachi breve mihi, ac socijs oculum facias, ad sacra Confessionis ac Communionis copiam.* Annuit ille tum quidem postulato, atque ut videbatur, ex animi sententia; sed postmodum ubi tempus ac res admonuit, parcior promisso fuit. Porro progressi venere ad Figenfis Regni vicum, cui Zucasaki nomen est. Inde discessum postridie est, & itineris reliquum, quâ terrestre fuit, pedibus emensum, quamvis argente cœlo, & fractis per incommoda corporibus, ut quàm erant propiores Martyrio, tam illi congruentiùs proluderent. Ad quartum Februarij sub meridiem appulere sacra Christi Martyrum turma Sononchum Omurano in agro, novem procul leucas Nangasacho, maris interjectu: simulque duo Societatis Patres adfuere, Franciscus Pafius, & Joannes Rodriquez. Incredibilis utrimque extitit consolatio, nec vacua lacrymis mutui amoris, ad conspectum Patris Pafij; salutem ille peramanter impertivit principiò universis à P. Vice-Provinciali, tum ad subeundum strenuè certamen verbis opportunis accendit. Paulus arcè Patrem complexus, submisso animo respondit, certam sibi firmamque constare spem Divinæ sobolis, per hanc Tyranni infectionem vehementer copiosèque augendæ; quando ipse Ozacæ in custodia, quæ Dei benignitas est, sex gentilibus coactus fuerit, propter importunitatem postulantium, vitalis lavacri copiam facere; quo maximè tempore poterat eos detertere ab ejusmodi petitione procella suboriens. Vesperis conscendere navim, trajecturi ad locum



cum supplicij, sed manibus à tergo constrictis, insertisque in restem feralem cervicibus. In brevi spatio septem emensi leucas, portum Pokizu tenuerunt, ubi noctem in navi tolerare perfrigidam. Manè vix luxerat; cum Fazamburus ad Patres Pafium, & Rodericum (qui Nangasachum præcesserant) mittit, ut venientibus occurrant, & trium suorum confessiones, turbâ dimotâ excipiant; id se amicitiae, & datæ fidei concedere; de alijs curæ illis ne sit. Communioni impertiendæ per tempus locum non fore, sed neque necessarium videri occumbentibus pro Christo suo, qui suis ipse pro viatico sit. Porro in locum supplicij venire, neque Vice-Provinciali per se fas esse, neque Episcopo. Idcirco Episcopus per certum hominem omnibus primum in commune, tum Franciscanis Patribus seorsim benedixit, benèque precatus est. Egere gratias illi magnâ religioſæ significatione modestiæ, deprecari præterea, quod minùs illi promptè exactòque, quàm fuerat æquum, obtemperâſſent. Adhæc Vice-Provincialem, cæterosq; de Societate per interpretem orare, ut quas illis creârant molestias, consuetâ sibi facilitate condonarent. Pafius Uracum usque non longè diffitum, Rodericus ultâ pauxillum processit, & certiores fecit Sanctos Martyres, paucas ipsis esse reliquas vitæ mortalis horas, successuram continuò candidissimam immortalitatem; quâ voce, vix dictu facile est, omnium animi quantâ sint lætitiâ delibuti. Pafius segregatum à cæteris, deductumq; ad Nosodochium S. Lazari Paulum nostrum, vitæ universæ errata repetentem audivit; mox etiam Joannem & Jacobum exomologesi purgatos, ad Societatis vota, & Religionem ipsam, uti jam antè per P. Organtinum flagitârunt, autoritate P. Vice-Provincialis admisit, quem illi absentem in Pafio, uti parentem, Deiq; vicarium amplexati sunt. P. Rodericius interea cæteros ad agendum fortiter, constantèrque pro Christo tolerandum cohortatus, eorum etiam nonnullis sacrâ potestate noxas condonavit.

Collis est extra Nangasachum trans militarem viam, mari imminens, atque in Urbis conspectu, cujus in ad versa parte locus est facinorosis plectendis addictus. In ejus partem alteram jussit Fazamburus, flagitantibus Lusitanis, transferri Cruces: meditabantur enim jam tum Lusitani templum S. Mariæ, Martyrum appellatione nobile, ibi olim excitare, horum Sanctorum pugilum venerandæ memoriæ, quam fontium confusione nolebant obscurari. Explicatam summo in col-

le aream cruces viginti sex, ternis, quaternisve disjunctæ passibus occupabant. Tot nimirum ad illustrem Martyrij gloriam destinabantur, cum duos illos in itinere additos, ceu Regij edicti immunes, frustra Pafius à Fazamburo repetivisset. Circum iustus sclopis & hastis stabat ad vim arcendam, multus miles: lictores pro numero Martyrum, ut dum suis cuique præsto est, moræ compendium fieret. Admissi in medium soli Pafius & Rodriguez, ad confirmandos athletas. His simul ac venere in conspectum Crucum, tanta de repente vis gaudij oborta est, ut eam in vultu, in verbis, motibus emicantem conspicatus Fazamburus, sciscitaretur admirabundus ex Pafio, ecquænam illis esset tam insolentis lætitiæ causa? Sed cum Pafius diceret, gloriam illos ab ignominia repetere, & mortem in Christi causa appetitam DEI servis dulcescere; renidens ille, hominem, animalem ea non capere quæ sunt spiritûs DEI, suo etiam exemplo patefecit. Crucem Japonij hunc in modum componunt. Tigno majori duplicem aptant trabem transversam, alteram cui manus, longiorem; brevior alteram infernè, cui pedes ferreis manicis, aut funibus adstringunt. Trunculus porrigitur medius, cui reus ponderi corporis sustinendo velut inequitat. Collum cirrus innectit ferreus. Summa brachia cubitum inter & scapulam, corpûsque medium funes affirmant. Tum erecta crux paratam in scrobem depressa, humo ingestâ saxisque firmatur. Sic ibi fontibus fieri insuevit, sic nostris etiam cum Martyribus actum est. A suo quisque lictore compactus in Crucem, sublatûsque in altum, obversis ad Urbem, ad mare, ad Austrum vultibus pependere. Medij fuere sex Patres Franciscani; illis utrimque ad dexteram lævâque, pari numero deni; tres nostri ad lævam tenuere, Jacobus quintum locum, Paulus sextum, Joannes septimum. Inde è cruce velut è cathedra Paulus, cujus æstus ne ipsa quidem proposita pœnarum facies potuit restinguere, ad suos populares convertit sermonem: *Ego, inquit, extraneus non sum, cives mei, ne cui fortassis ea opinio suspectam faciat Evangelij mei fidem. Japonia mihi patria est. Societatem JESU jam olim complexus, en agor in Crucem idcirco, quia Christi doctrinam evulgavi. O factum bene! DEO meo gratias ago ob hoc beneficium. Sed vos quando hic rerum articulus veritatis dissimulationem excludit, sic à me accipite: nullam patere, præter eam, quâ Christiani ingrediuntur, semitam ad salutem. Ego, ut in ea edoctus sum, Regi necem*

Mm

meam



*meam liberaliter perlibenterque, & ijs omnibus, qui sunt ejus authores, condono, ijsque vitam Divine gratia per salutarem Baptismum exopto.* Subinde oculis ad confortes gloriæ suæ dictio-  
nēque translata, constantiam illis ad mortem excipiendam, & pectoris robur adjunxit. Interea quatuor satellites lancearii liberatas vaginis lanceas, qualibus hanc in rem usus Japonibus est, expederunt; ancipites eæ sunt, & oblongæ, formâ atque acie macheræ per similes, hastilibus præfixæ. Quas illi dum stringunt, Christiani, qui frequentissimi aderant, salutaria JESU ac Mariæ nomina conclamarunt, & mistum gaudio ploratum ediderunt. Adactis mox per costas lanceis, à dextro in cordis latus, brevi morte omnes exanimati sunt. Si quid uspiam vitæ reliquum in ullo latere per signa compertum, id alterâ transverberatione expressum, illico fuit.

Hic felix Christi Martyrum exitus fuit, qui fortiter dimicantes retulerunt è certamine gloriam, ex hoste palmam; cujus extitit in publico testis atque assertor, decretæ à Taicosama crudelitatis titulus, & causa sævitæ in eodē scripta, omnibus palam eodem in loco supplicij ad lectionem sublimē proposita. Nangasachum locus certaminis fuit, dies quinta Februarij, annus 1597. Christiani simul atque vulnera Martyribus infligi, & jam undique derivari copiosè sanguinem conspexere, per medios satellites fecere viam, nec minis deterriti, nec fustuario coerciti, dum sudaria, vestes, sacro cruore imbuerent. Sed in amictus quoque Martyrum ab iisdem religiosè sævitum est, lacinijs ad venerationem distractis; ut honestari deinde corpora floreis circumdatis oportuerit. Fazamburus irâ succensus, veritusque tot undique confluentium agmine ad Martyrum cultum, violentam rapinam cadaverum, custodias densari jussit, & Præfectis vigiliarum vitæ minas proposuit, si quodquam cadaverum

defuisset. Verum ut prohiberi à sanctis corporibus vis potuerit, certè religiosa veneratio nullâ quivit industriâ coerceri. Ora Sanctorum Martyrum vultusque, præter solitum aliorum eâ supplicij formâ necatorum, decorè visa renidere, admirantibus Ethnicis insolentiam venustatis. Idem in sanctis corporibus nitor candorque quatuor & quadraginta post dies ab eorum obitu deprehensus à Lusitanis, dum soluturi Macaum, illuc venerationis ergo venissent; nulla tabes aut pœdor, nulla à voracibus corvis, qui perfrequentes ibi sunt, violatio, quamvis tanto ibi temporis spatio pependissent. Quin etiam sanguis S. Pauli atque aliorum trium, confusè ab Italo milite collectus in petaso, servatusque in fictili Sinico, quod Porcellanam vocant, post nonum mensem fluidus, purusque, & expers vitij ac graveolentiæ fuit. Nec multò post obitum Sanctorum die Veneris in noctem devexâ, tres lucis tractus, formâ columnarum, sublimè corporibus imminere conspecti sunt; quorum qui medius erat, supra sacram Societatis ædem suo motu delatus, ibi evanuit, & tenebricosam noctem serenavit, & viam post se, quam suo ductu signavit, scintillis luminis, quasi stellis dispersit. Diu etiam deinceps sextâ quaque feriâ flammulæ refulgentes, velut sidera locum Martyrij obivēre, ritu supplicationis ordinatæ, & ad ea usque processere domicilia, quæ prima excipendis Martyribus Nangasachi fuerunt designata. Hæc atque alia per eos dies ostenta comparuere, quæ Sanctorum Martyrum gloriam Divino visa sunt suffragio nobilitasse. Porro messis ex eorum sanguine, tanquam è semine, tam copiosa Christianorū secuta est, ut quando altera in eam Ecclesiam concitata tempestas est A. 1620. jam septingenta credentium millia, vel sola Societas in Japonia procuraret. Hæc de Martyrio; nunc pauca de singulis adnotabimus.

## SANCTUS PAULUS MIKI.

**N**atus est in Japonia, claro genere è Regum Japoniæ sanguine derivato, A. 1564. Patrem habuit Miki Fandacudonum, virum bello strenuum, & Fide Christi nobilem, apud Nobunangam olim Imperatorem Japoniæ in paucis gratiosum. Quinquennis Christo ejusque Ecclesiæ per Baptismum insertus, à puero ita modestiam, atque artes cæteras bonas secutus est, ut ad eas videretur ab ipsa sua indole, &

natura comparatus. Postquam ad undecimæ ætatis annum adolevit, P. Organtino institutus in Anzuchiamensi Seminario à parente traditus est, quo per annum 1582. vastato, ad proseguenda literarum studia delatus est ad Amacusanum Collegium. Ex illo suum nomen Augusto mense A. 1586. Parente jam Bungensi in bello sublato, in Societatem transcripsit, exactoque consueta periclitationis biennio, Religiosis sese votis in Scholasticum



sticum approbatum (ut nos appellamus) mancipavit. Latinitati deinceps aliqualem dedit operam, fructu quidem, pro ingenij ejus præstantia, minimè magno, sed ut usus erat Japoniæ, neutiquam pœnitendo. Cæterum in perdiscendis intimè, penitènsque capiendis Christianæ Disciplinæ principijs, & Japonum sectis multiplicibus, ad eas convellendas, pervestigandis, longè utiliorem operam impendit. Nam cum earum esset insignem adeptus scientiam, simulq; facundiam, quam acceperat à natura, admirabilem multarum virtutum, quibus domi forisque inclaruit, vim atque efficacitatem adjunxisset, vix credi potest, quàm secundà ubique famâ, quantis animorum motibus ad concionem diceret. Ità Omurano primùm in Regno, atque Arimensi, ac deinceps in Meacensi tractu, & Procerum sibi benevolentiam, & complures illorum veritati ac Ecclesiæ conciliavit. Eminebat in eo potissimùm domi exacta ad regulas disciplina morum, foris animi profunda demissio, despicientia fluxarum rerum, corporis ad egregiam modestiam conformatio; postremò in omni actione temperata facilitate maturitas. Cæterum & domi & militiæ nihil admirabilius in eo, neq; præstabilius extitit ardore charitatis, & omnis experte desidii studio Christianæ suos inter populares amplificandæ Religionis, ut nullus unquam illi neque locus, neque tempus, nulla ab eo opere aliena occasio videretur. Hinc ille crebrò dissertare cum Bonzijs, validèque confutare; hinc alijs eorum coarguendorum rationem ac modum tradere, hinc & commentari, scriptoque vulgare, quæ ad convellendas Japoniæ superstitiones ex usu alijs esse possent.

Paucis antè diebus, quàm ædibus nostris Ozacæ adderentur excubiæ, incurrit in Ethnicum, hominem facinorosum, quem turba licetorum ob sua flagitia rapiebat ad

pœnas. Irrupit per confertos satellites Paulus turbâ dimotâ, & fontem brevi, sed flagranti alloquio sic accendit, sic permovit subjeitque veritati, ut doctrinâ salutari, quoad res ferebat & locus, institutum, & sacro ablutum latice transcripserit Cælo. In ipsis vinculis atque carceribus quæstum faciebat animarum, semper potens pollensque animi, atque eloquentiæ vi, seu liber, seu vinculus foret, inter ludibria plebis, & publicam ignominiam, à carrucis infamibus, è jumentis, in via, in diversorijs; ad extremum deniq; ad Ethnicos & interfectores suos, ad Neophytos tribules, ad priscos Catholicos exteros, ad ipsos ejusdem secum gloriæ socios, & consortes palmæ insistebat verba facere, hortari, ac media in morte inflammare universos de Cruce. In ejus conspectum ut primò venit, eam submisso corpore veneratus est, atque exosculatus: contra verò spectantium salutationes ità admittebat, ut verbis ac vultu, quidquid aliquam sui venerationem indicaret, avertaretur. Cum per corporis parvitatem eò minimè pertingeret, ut medio Crucis tigillo posset insidere, à licetore medius linteâ sindone trunco Crucis alligatus est. Is quò linteum nisi arctius adstringeret, pedem alterum Pauli corpori, vim facturus, impressit. Corripuit improbitatem hominis Pater, qui Paulo adstabat; cui ille: *sine Pater, inquit, agat pro libidine atque arbitrio suo, mihi neque id cura, neque molestia est.* Intentâ jam in se lanceâ dixit: *In manus tuas Domine commendo Spiritum meum;* mox: *Subvenite Sancti DEI:* Et eam precationem persequens, transadacto ferro vitam præclarè actam præclariùs absolvit, natus annos 33, quorum undecim puer domi, undecim in Societatis institutione, reliquos undecim ipsa in Societate, eâ virtutum gloriâ, quam memoravi, peregit.

## SANCTUS JOANNES DE GOTO.

**A**E Infula natali nomen hoc, à familia cognomen Soan sortitus, à Christianis parentibus inde usque à puero ad pietatē educatus, simul ac potuit per ætatem Societati ad servitia Templi traditus, Dogici (nos Catechistam dicemus) partes diu præclarè egit. Ad idem muneris secutus Ozacam P. Petrum Morejoniū, dum ibi versatus est, candidissimæ mentis, nec minoris Religiosæ integritatis, ad regu-

larum nostrarum normam conformatæ, semper omnibus documentum exhibuit. Eo tempore domi erat Ozacæ, quo Taicosamæ imperio excubijs circumventa est. Potuit se ipse, si libido fuisset, tempestati subducere; sed maluit fortunam Societatis, quam habebat in votis jam pridem, præsertim tam pulchram experiri. Ergo convasatâ celeriter, sepositâque ad tutelam supellectile sacrâ, cuius ille tum quidem curam agebat, passus est



nomen suum, sicuti è Societate foret, in tabulas proscriptionis referri: atq; ne id vacuum veri, & malè gereret, continuò per literas, interprete sancto Paulo Miki, ipse unà ac Jacobus à P. Organtino adscribi tandem jam aliquando Societati flagitârunt; quibus ille serem cum P. Vice-Provinciali, Nangasachitum agente, confestim literis peracturum recepit. Quo die Meacum ad primum supplicium contumeliâmq; in propatulo subeundam Ozacâ discessit, flexis humi genibus DEO gratias pro beneficio habuit. Inde quàm læto, quàm hilari ore atque animò scenam feralem peregerit, permirum est. Votis Societatis, Patris Vice-Provincialis concessu, in manibus P. Francisci Passij nuncupatis, tanquam novo quodam imbutus spiritu, ad Crucem alacer adspiravit. Eam ut conspexit, pronus salutavit: & ad suum genitorem, qui aderat, conversus, pueritiæ suæ benè ab eo educatæ institutæque, acceptam referre se contestatus est eam boni vim, quæ jam erat in manu; egit pro ea gratias, & ad Fidei defendendæ constantiam illum, & per

illum matrem absentem hortatus, huic vitam lineam, patri rosarium sertum, quæ reliqua illi erant, extremum observantiæ pignus largitus est. Dein adstantem Christianum quempiam sibi notum oravit, ut Meacum redux sibi suam operam salutandis Patribus Societatis gratificari vellet, & P. Petro Morejonio imprimis significare, se ipsius exemplis virtutum, quæ habuisset in oculis, & præceptis optimæ institutionis ad eam, cujus jam particeps evadebat, gloriæ summam profecisse. Sublatus in Crucem confortes suos dextrâ lævâque ad animi firmitatem verbis idoneis corroborabat: & vicissim ipse à P. Joanne Rodericio ad constantiam admonitus, securum illum sui, atque expertem sollicitudinis esse iussit; per eum se constiturum usque ad extremum, per quem usque adhuc firmus constitisset. Hastâ demum transfixus, pronuntiatis hospitalibus JESU ac MARIÆ nominibus, adolescens optimus, undeviginti natus annos, ad destinatam in Cœlo gloriam coronatus abcessit.

### SANCTUS JACOBUS KISAI.

**O**riundus è Regno Bigensi, & ab infantia Christianis sacris initiatus, uxorem itidem Christianam habuit; atque ex ea suscepit filium, nomènque indidit Joannis, quem probè educatum à parvulo, decennem sibi reliquit superstitem. Conjugem ad Idolorum cultum impiè reversam diu sollicitavit ad poenitentiam. Sed ubi contumacem, & alienioris ingenij pertinaciter esse expertus est, factò legitime divortio repudiavit. Igitur postquam à maritali cura otiosus fuit, prorsus ad pietatem studium omne suum, operamque convertit. Sollicitè Societatem expetere, ambire, eò domi nostræ rem familiarem curare, adesse Januæ, hospites advenientes consuetâ Japonibus urbanitate excipere, Ciam temperare; intereâque religiosos miscere sermones. Cui pulvis est è folijs arboris toto Oriente cognita & percelebris, qui aquæ calidæ permistus haustusque, mirum in modum caput corpusque corroborat. Usus autem obtinuit, ut honestioribus hospitibus ipso in accessu porrigatur, ac sæpius etiam ex intervallo, si diuturnius sit colloquium; habeturque ad id semper in promptu aqua fervens. Pertinet verò ad officiosam sedulitatem, id promptè, mundè, urbanè exhibere. Ex quo continuæ sedulitatis, & officiosæ charitatis Jacobo nascebatur occasio. Erat in eo mira

demissio animi, quâ se postponebat omnibus, omnibus concedebat. Eâ gratiâ, dum ducebatur ad Crucem, cuiuspiam postulanti à scrophilolum, quod fortè pendens gerebat è cingulo, dare vehementer abnuvit, ne qua peccatori homini, ut se se dicebat esse, veneratio tribui videretur. Verùm qui postulaverat, vel eâ ipsâ tantæ submissionis gratiâ, sudarium, quamvis repulsus, eripuit, & venerationi servavit. Passioni & cruciatibus Christi Servatoris mente retractandis intentus impensè fuit; eamque totam feralem historiam habebat in libello manuali vernaculis characteribus eleganter descriptam, quò sibi esset ad manum evolvenda quotidie, familiaritèrque prosequenda. Ozacâ domo custodijs conseptâ, suo in tabulas relato nomine, per literas Societatem ipse quoque ab Organtino postulavit, & obtinuit. Educendus Meacum, Deo beneficium publicæ contumeliæ de genibus gratulatus est: cruciatus autem illatos & opprobria excepit animo non solum æquo, sed hilari & festivo. Toto itinere, atq; ipsa in Cruce propitiando tacitis precibus Numini potissimum intentus fuit. Demum acceptis hastâ vulneribus, pronuncians sacra JESU & MARIÆ nomina, victor in Cœlum palmâ insignis immigravit sexagenario major.

VIN-





*Vincentius Alvarus Nobili stirpe natus in Lusitania Soc: IESU,  
obtruncatus pro Fide à Mahometanis in India. A. 1606. 18. Ianuary.*

*C. Scretad.*

*M.K.f.*

## VINCENTIUS ALVARUS.

**E**licissimi Patrum Societatis in proferenda latissimis Indiæ Regionibus Christi Fide successus, & Apostolicorum laborum fructus, eum livorem in Mahometanis excitârunt, ut in eorum, veluti juratorum Prophetæ sui hostium, exterminium intenti, terrâ marique implacabili odio persequerentur. Frendebant illi se non tantum Regnorum & Insularum dominijs, in quibus infinitam gentilium multitudinem Turcico premebant iugo, conversis ad Christum indigenis, depelli, verum etiam præcipuos quosdam à suis ad suscipiendum Baptismi lavacrum traduci. In his Peripateticus erat

Mahometanus, non tantum ex conjecturis ab horoscopo Propheta nominatissimus, verum etiam Sanctimonie titulo, longissimâ intra vastam solitudinem inediâ captato, totâ Perside & Regno Ormuzij celebratissimus. Habebat uxorem è stirpe Zaidis progeneratam, qui rectâ serie ad Mahometem pertinebat, & ex ea susceptam filiam jam nubilem: quæ concionante per compita Ormuzij P. Barzeo sive doctrinâ Christi afflatæ, sive interiore Divini Spiritus magisterio edoctæ, desiderium ingens ceperunt Religionis Christianæ. Ergo rei peragendæ dum vias invicem meditantur, non multò post de mediâ nocte clam se domo subducunt, & facultatibus omnibus,

M m 3

maibus,



mnibus, hoc est quater mille aureis annuis, derelictis, sacro tingendas Baptismate Barzeo se sistunt. Maritus & parens furore percitus, dromedarijs ad Persarum Imperatorem transmissit, omnesque in itinere Mahometicæ superstitionis Principes querelis suis in Barzeum & socios accendit. His accessit Princeps sæmina, in Alcorani doctrina versatissima, & unius ex Arabiæ desertæ Reguli, ac Mechæ Præfecti ex Fratre Filia, nupta Legato Imperatoris Persarum Ormuziũ destinato; & quia de Mahometi erat prognata sanguine, verrendo ejus Mechæ fano jam olim à teneris fuerat designata, quod nisi Virginibus spuria illa Mahometanorum sanctitate ac genere claris apud Turcas non tribuitur. Exemplum igitur duarum secuta, clam familia & marito Barzeum adit, & Christiana mysteria edocta Baptismum suscipit. Maritus ad hæc veluti furijs agitatus, Barzeo & socijs funesta omnia minatur, irisque tumidus, magnis itineribus Babilonem ad Imperatorem contendit, perfidiam accusat, raptæque Conjugis contra gentium jura in Legato suo violata, ultionem deponit. Non multò post quatuor Urbes in ora Amani sitæ, quas primas infamibus suis venenis sædarat Mahometes, Legatos ad Barzeum mittunt, Religionem Christianam postulantes: quibus tandem & Rex ipse Ormuzij accessit, Legis Christianæ desiderium eidem aperiens, & certum Baptismo tempus condicens. Interim autem totâ Insulâ per præcones gravissimis pænis vetuit, ne quis Mahometem imposterum auderet inclamare, qui ipsis summus est in falsum Prophetam honor; & portas Fani Regij muro obstruxit, in quo solo (nam alia Barzeus, fixis inibi publicè cum puerorum in supplicatione ductorum manu Crucibus, occupaverat) suos conventus Mahometani peragebant.

Hi aliique ab impia Mahometi superstitione magnificè traductorum ad Christi Fidem passim per Indiam successus, tantum Patribus apud illius sectatores, Malabres præsertim, odium concitârunt, ut aliter nisi illorum sanguine restingui non posse videretur. Itaque piraticam Indico mari passim exercentes, nullis ferè mari alijs insidiabantur mercibus, quàm socijs intercipiendis, quos dolori suo & Mahometi immolarent. Conscenderat Vincentius Alvarus navem, Bazaino Goam ad studiorum cursum prosequendum vocatus, unâ cum P. Antonio Velloso; jamque Ciaulum prætervectus, non procul Dabule, quod Oppidum Idalcani pa-

ret, distabat, cùm à Malabaribus piratis Mahometi cultoribus intercipitur. Exin de pretio redimendæ captivitatis à Lusitanis unâ navigantibus agi cœptum, nec difficulter conventum: excipientibus tamen ab ea libertatis conditione Saracenis nostros homines, quos in mare cervicibus resectis se proturbaturos jurabant, quia Mahometum, ejusque legem expugnatum irent. Cui supremo actui congruè interim ut præluderent, nullum à perpetuo verberum pugnorumque grandine vacuum tempus transire sinebant. Quia tamen lytro redimendis captivis à Procuratore Regis Lusitaniæ facilius exprimendo, efficacior fore judicabatur unus ex nostris, idcirco fluvium non procul Dabule, ubi Procurator Lusitanus agebat, inventis, designatus est ad id Vincentius. Sed is ardentè institit, ut sacerdos potiùs mitteretur, cujus major futura esset auctoritas ad rem conficiendam: re ipsa autem volens Patrem subductum tempestivè malis, quæ sibi gratulabatur, & servatum animorum faciendis lucris, quibus se minimè idoneum vir humillimus rebatur. Interim dum in oppido res conficitur, dies Veneris, Mahometo inter Saracenos sacer, Vincentio gloriosus illuxit: quem ut solenni cærimoniâ facerent sacrationem, Vincentium Mahometo victimam mactare constituunt. Institère magno conatu vitam ei exorare Lusitani, & pro charo capite grandius nequidquam pretium addicere: quos ipse è contra vehementer deterrebat, ne paratam sibi Martyrij gloriam tam vili impendio averterent. Ergo vinculis insuper injectis, ad proram navigij raptatur sub vesperam, ubi locus erat impio sacrificio destinatus, & ut quidam referunt, erecta ara Mahometi sacra, ad quam piacularis hostia caderet Vincentius; tum verò ubi se mortis tam pretiosæ candidatum vidit, tanto delibutus gestire cæpit gaudio, ut cùm foris toto vultu & corpore prorumperet, humano majus esse qui aderant, opinarentur. Ad necis locum procedens, Psalmum: *Miserere mei DEUS*, decantabat, donec provolutus in genua, captivos omnes rogavit, suis ut DEUM precibus sibi redderent propitium. Demum demisso capite inclamanti: *Miserere anima mea bone JESU*: cervix à Saraceno præcisa est 18. die Januarij, vel ut alij in Aprili, Anno 1606. ætatis 27. initæ Societatis 11. Corpus in mare dejectum nunquam postea comparuit. Facinus horrore & crudelitate plenissimum incondito clamore Mahometani, veluti præclare factum, persecuti sunt, & imposteris sui



fui nomen insonantes, vultu in terram dejecto, ut eâ victimâ sibi esset placabilis, orabant. Ortus erat Vincentius Ferreriâ Lusitanæ oppido, nobilissimâ Profapiâ; exorataque Societate JESU, cum esset laborum pro Christo adeundorum avidissimus, magnâ contentione ab ipso Tyrociniopostulavit in Indiam, velut ad fertilem ærunnarum campum ab-

legari. Quo posteaquam Anno 1599. pervenit, insigni domesticorum exemplo vitam per omne pietatis genus exercuit: nec antè patiendi sitim extinxit, quàm à barbaris in odium Fidei Christianæ ipse extinctus est, factus prius cruenta DEO victimâ, quàm incruentum ad Altare DEO offerret Sacerdos.



*Franciscus Martinez Soc. IESU, natus in Sina Macai, odio Religionis ab Apostata falso delatus, et ad mortem usq. fustibus contusus, Cantone in Sina. A. 1606. die 31. Martyr.*

## FRANCISCUS MARTINEZ.

**E**X quo sanctissimum Christi Evangelium, vastissimo Sinarum Regno inferri à Socijs coepit, tranquillè semper per amplissimos ejus Provinciarum tractus disseminatum est. Acutissima namque simul & mitissima incolarum ingenia, uti ratio-

num momentis profundè & solerter pensandis, adeoque percipiendæ Fidei veritati sunt aptissima, ita à sanguine & omni violentia quàm maximè abhorrent. Tenentque pro regula communis veritatis, ferarum esse, non hominis ad manus venire: bellum autem non aliud esse, nisi feritatem, arte ac legibus, quas



quas feræ non habent, utcumque digestam: humanitate autem nihil magis homini convenire. Inde militiâ nihil abjectius est apud Sinas, nec ad illam quisquam inducit animum, qui putet se aliquid in literis posse, cum sit illic Literati & Militis discrimen, quale imperantis & famuli. Atque hinc est, quod jam integro pæne sæculo Societas Jesu ab A. 1582. laboriosâ non minùs quàm fructuosâ Imperium istud satione excolens, nullum tamen odio Fidei censeat illic interemptum, unum hunc si excipias Franciscum: quem tamen non nisi mendaci & improbâ ejusdâ Fidei desertoris atque apostatæ nequitia circumventus Magistratus Cantonienfis neci dedit.

Fuit Franciscus natione Sina, in Scholis nostris Macai Fide Christi imbutus, atque ab Alexandro Valignano Orientis Visitatore in Sinas cum Socijs immissus A. 1589. ubi post paulum in Societatem, primus ex illa gente cum Sebastiano Fernandez receptus est. In ea deinceps strenuam impendit operam convertendis gentilibus, & tam Xaucci, quàm Nanciani atque Nanchini Neophytos Apostolico zelo excoluit, tum privatis, tum publicis pro concione allocutionibus. Debet illi Sinensis Ecclesia magnum illud columen Ignatium, qui priùs Chiutaifo dictus multum rem Christianam adjuvit. Evocavit interea Macaum Valignanus Franciscum exeunte A. 1605. ducem sibi in Sinas futurum, ad lustranda coràm sociorum domicilia: qui proinde Magistratum diplomaticis instructus, ubi in Cantonienfis Provinciæ Metropolim appulit, turbata reperit omnia, vano de Lusitanis Macaënsibus dissipato rumore, quasi P. Lazaro Cataneo Viro Societatis egregio, conjurationis duce, Regnum Sinis occupare molirentur. Ea calumnia à nefarijs hominibus, & quidem, quis credat? Christianis Europæis, ut Societati pararent invidiam, quàm suis iniquis consilijs obesse videbant, conflata, faciles ad fidem imbellium Sinarum animos invenit. Adhæc auditâ morte Valignani, anceps animi, adhucne pergeret Macaum, an regrederetur, hærebat Franciscus. Monebant Amici, ut conspectum irati populi devitaturus, retrò, unde advenerat, rediret, nè pro absente P. Cataneo succedanea victima occideret. Ipse Patriæ jure & innocentia, & solenni diplomate securus, præstolari constituit motum obedientiæ à Carvallio Rectore Macaënsi, cujus imperium datis literis expetiit. Sanctiorem illic hebdomadam cum pauculis Christianis reli-

giosè exegit; nunquam domo pedem, lecto rarissimè extulit, ob vires sputatione sanguinis & febris prostratas: latebatque facilè ignotus, nisi Christi desertor sacrilegus lucri fame eum proditum perdidisset.

Convenit hic illum per eos dies, & ut aliquid emungeret nummorum, terrores cœpit verbis ostentare, & delationem ipsius ad Magistratum comminari: & cum se videret spe suâ excidere, apud unum è maris custodibus, ceu Regni cum Cataneo affectatorem, postulavit. Custos se præmium similiter à Magistratibus, velut re gravi deprehensâ, ratus accepturum, rem desert ad Urbis Pro gubernatorem. Hic finè mora liçtores mittit cum satellitio, qui sibi Franciscum, & ædium Dominum, cum omnibus comitibus sisterent. Febri jacens in lecto æstuabat Franciscus, servos secum habebat duos, pueros item duos cum patruo illorum; cum quibus vinctulis innexus, per mediæ noctis tenebras, & confertissimam populi concurrentis multitudinem ad Palatium inconditè raptatur. Ibi nullâ causæ cognitione præmissâ, è fori Sinenfis periniquo usu, omnes tormento subijciuntur, quod ita apud Sinas instituitur. Pedes rei inter duo ligna tortoris arbitrio confringuntur, quæ ingenti malleo concussâ, ipsos pedes horrendum in modum contundunt. Francisco præ ceteris crudius habito, vox nulla, vel gemitus doloris index eripit: quin imò socios adhortabatur ad tolerantiam, meminissent se Christianâ lege à mendacio prohiberi, viderent ne quæstioni cederent, per quam tormenta vitæ alterius essent redempturi. Dirè extorti, ad Vicarium Præfecti raptantur: quærit is ex Francisco: *quis esset? cur illuc Macao venisset?* Tranquillè Franciscus: *non Macao, sed Sciaocœo adesse:* idem comites affirmârunt, & quod protulit diploma; in quo legens Vicarius subscriptos Mandarinorum præcipuos, vindictæ metu cohortuit, quam non essent in eum dissimulaturi, qui sævâ illum barbarie torserat, quem ipsi suâ fide ac nomine securum voluissent. Hoc advertens scelestus Apostata, subitâ vafritie pœnam confictæ calumniæ, sceleratiori calumniâ accumulât. *Quidquid, ait, loquantur literæ (vera an falsa vestrum est discernere) sed is certo Macao huc venit ad emptionem bellici comæatus:* & testem ex pueris minorem producens, ex eo sciscitatur, *coëmisset necne medicinam aliquam Franciscus?* annuit ignarus fraudis puer, & quidem sapius emisit integro quo ægotârât mense, & sumpsisse respondit: cui diabolicâ planè audaciâ veterator vocem addidit,



addidit, quæ reum faceret; nam igniarium pulverem junctis duabus vocibus appellant Sinæ, quæ semel seorsim prolata medicinam significat, quam puer nominarat. Sed Apostata alteram adjungens, tormentarium pulverem, teste puero, probabat emptum. Obstabat vehementer, serò conscius doli, puer, ingerebátque ardentem & sapius medicinam, quam significare voluerat; Apostata autem jurans & pejerans, & diris se omnibus devovens, coram in puerum vociferabatur, qui dicto testimonio non staret. Judex ad sycophantæ contestationes puerum innocentem, sui que præ metu vix compotem torqueri jubet; cui dum acerbissimo cruciatu intra canaliculos conferti digiti adstringuntur, defecit cum animo linguæ constantia, & dolori succumbens, non solum coemptum pulverem, sed & Catanei emissarium Franciscum esse, Macao ad comparanda arma advenisse, & quæcunque Judex voluit, mentitus est, dicturus plura & pejora, si ulterius premere-  
tur. Quà à timido puerulo sævis cruciatibus expressa confessione, securus videlicet ac triumphans Judex, detectâ præsertim Clericali in vertice Francisci coronâ, *ausus es*, inquit ad Franciscum, *ad hæc perpetranda tantorum literis Mandarinorum sic abuti? cras inde senties, quid lucri feceris*. Simul jubet sejuncto singulos carcere concludi, Francisco compedes, manicas, numellam injici, aquæ ipsi nec stillam præberi, quod illum Apostata Necromantem finxisset (ut eâ fortè ratione baptismo invisentium illum gentiliû obicem poneret) qui se ad aquæ solum aspectum, oculis omniû invisibile subduceret. Quod ex angui verberibus, & febre exuoco, sitim creavit in plurium dierum carcere intolerabilem. Post die in sarcinis ejus duæ à Valignano sermone Lusitano inventæ epistolæ, cum libris aliquot latinis, visæ sunt Judici indiciû certum facere, illum Macao advenisse, tametsi Scioaceum datæ in margine, notarentur, unde Macaum vocabatur.

Digestâ post complures dies per Judicem lite, Aitaus Archithalassus duci ad se miseris imperat, ac ne frustra exterritus inanissimo belli à Lusitanis Chinæ inferendi metu, civium domos cum amplissimis suburbijs videretur solo æquasse, illorumque invidiam & iras à se defenderet, reos ad fores Palatii per totum diem stare jussit, innumerabili populo prodicionem illis exprobrante, malâque omnia imprecante. Sub noctem ad Tribunal prodiens, jussit omnes crudelissimo fustuario

excipi, duobus pueris exceptis, ac tandem semivivos morti addixit. & ad Judicem Progu-  
bernatorem remisit. Franciscus in vincula reductus, noctem ibi totam cum maximis doloribus confectus, & suo inspersus sanguine, magnâ tolerantia traduxit, in nullam se partem, ad doloris levamen, versare, per manicas & compedes, idoneus. Belluâ Judex immanior damnato jam ad mortem edicit, ut de se, Cataneo, Lusitanis, conjuratione, aut apertè nunc omnia efferat, aut sciat se exquisitis supplicijs mandandum. Cui sedatè Franciscus, *se Christianum esse, & Cæli Dominum à puero colere, Patribus annis jam 15. inservire, seque unum ex ipsis esse: literas verò commendandi handquaquam confectas, sed legitimas & veras à P. Riccio in Aula notissimo, & Mandarinis datas, sanctè affirmavit*. Quâ responsione asperior barbarus, cum humi stratum eadem quâ pridie sævitiâ cædi imperasset, ad primas plagas animo & vitâ ille linqui cœpit, præsertim quod aliud prævisset tormentum longè acerbius, quo summos illi digitos inter commissuras carnis & unguium acutissimis arundinum cuspidibus confixere. Quare Judex crimini sibi fore metuens, si quæstione illum occidisset, servorum brachijs referri jussit in carcerem, in quibus ante fores animam efflavit 31. Martij A. 1606. ætatis 33. Vir in quæstu animarum mirè ardens & utilis, & precatiori magnopere deditus: dignus qui ad tam pretiosam mortem, per iniquum Religionis & Christi desertorem, ac delatorem perveniret. Humatus est extra Urbis portam sua in veste, suisque in compedibus & manicis, de ipsius Judicis mandato, fortè nescio quid morte gravius post mortem in eum coquentis. Sed hæc ipsa honori Francisci inservierunt, quando sub novo Archithalasso, Societati addictissimo, deprehensâ illius & Sociorum innocentia effossum cadaver, è vinculis & habitu agnitum, magno cum apparatu & splendore, concursuque illius Christianitatis, primùm Sciancei, ac tandem Macai contumulatum est. Mandarinum autem duo, quorum imperio vitâ exutus fuit, muneribus, & dignitatibus omnibus in perpetuum spoliati, & infamia notati sunt. Delator apostata ad fustuarium, quo similiter ad mortem cedendus erat, damnatus, vitam ingenti numeratâ pecuniâ redemit, quâ in sempiterno exilio plenam ignominia, à carnifice Conscientia lacinatus, exegit.





*P. Jacobus de Mesquita, ex illustri Lusitanorum Sangvine. Soc. I. S. V. arumnis  
Exily ex odio Fidei confectus in Iapone 4. Nov. A. 1614.  
C. Secreta del. Melch. Kücell. f.*

## P. JACOBUS MESQUITA.

**Q**uanto plus ad promovendam DEI gloriam salutemque animarum valeat humilis simplicitas, quam superba scientia, docuit abundè P. Jacobus Mesquita ortu Lusitanus, ex Oppido Mesamfrio Diæcesis Lamecensis; qui licèt splendidis & nobilibus ortus esset natalibus, humilitatis tamen, & zeli quantocyus in animarum lucra exerendi studio, altiorum disciplinarum studia, & gradum Professorum deprecatus, solius Theologiæ moralis cursum persolvit, formatus Coadjutor Spiritualis. Mira tamen in Japonensi Ecclesia per annos 38. operatus est, Magnatibus & Regibus plerisque, ipsi

adeò Imperatori multùm acceptus, dignusque ab omnibus judicatus, qui Legatos Japonios in Europam comitaretur. Instituerant eam Legationem anno 1582. præcipui Japoniæ Reges, Bungensis & Arimensis; ut suam Romanæ Sedis venerationem, quam impij in Europa hæretici contemptui habere ceperant, honorificâ Legatione toti Orbi palam facerent. Et verò trienniali peractâ navigatione, ubi Romam tenuère, lætum, & post hominum memoriam planè novum spectaculum præbuère Romanis, singulare verò solatium SS. Patri Gregorio XIII. Qui licèt Patres nostri suaderent privatum colloquium cum Japonijs ad finem Legationis obti-



obtinendum sufficere, ex consilio tamen Cardinalium eos ut Legatos excipere, publicèque Senatui, eumque in Aula Regia dare decrevit: ratus id non solum muneri, quod obibant, deberi, sed etiam quò ornatius fieret, eò majorem in gloriam sedis Apostolicæ, in novellæ Japoniorum Ecclesiæ excitementum, ac probrum hæreticæ contumaciæ cessurum. Igitur 11. Calendas Aprilis, præcedentibus compluribus turmis Equitum Romanorum in Urbem induci sunt, ubi paratum ijs erat domicilium in Domo Professorum Soc. JESU, ibique cum ducentis è Societate personis ex Collegio convocatis, Claudius Præpositus Generalis adventum Legatorum operiebatur: cujus in sinum, complexumque Japones, velut in Parentis amantissimi, ut irruerunt, nemo adstantium potuit ad tam dulcem pietatis sensum oculis temperare. Multò plus lacrymarum fufum est, ubi exclusâ quantum potuit turbâ, ex Domo in Templum introducti, Hymnûsque Ambrosianus suaviter ac piè à Germanicis Alumnis decantatus est. Subibat animos Divina clementia, quæ ex tenebris illis Japoniæ tantam lucem fecisset, accerferetque ab extremo Oriente faces ad succendendam in Europa refrigescentem multorum charitatem. Ipsis etiam Juvenibus Japonijs magna erat gaudiorum materia, quò emensis per triennium viginti millibus milliarium, salvi & incolumes, jamjam visuri & allocuturi essent Christi in terris Vicarium.

Die postera ad Villam Julij Tertij Pontificis extra portam Flaminiam, unde mos est Legatis in Urbem solenni cum apparatu inveni, in curru testudo delati sunt; inde præeunte equestri custodiâ, & Helvetiorum cohorte, plurimæque deinceps Romæ Nobilitate, inter festum tympanorum tubarumque sonitum, tres Japonij Juvenes (nam Julianum, qui postea in persecutione Japonica gloriosus Christi Martyr occubuit, morbus prohibuerat) patrio ritu vestiti, suo quisque acinace succincti, infidentes equis holoserico nigro egregiè phaleratis, incessere. Mancij latera, qui primus ibat, Archi-Episcopi duotegebant. Michaëlem duo Episcopi, Martinum totidem è Nobilitate primores, medios ducebant. Sequebatur inde flos Nobilitatis Italicæ, plenæque erant spectantium viæ, testæ, januæ, fenestræ domorum; & dum faustæ undique voces bene precantium Japonicæ Ecclesiæ initijs resonabant, ad molem simul etiam Adrianam, & Vaticanum reboantia tormenta audiebantur. Interim Pontifex

cum Cardinalibus ad Aulâ Regiam descendit, ubi Præsules, & honoratior populus ita cuncta complerant, ut in submovenda turba, viæque Legatis aperienda laborandum operosè fuerit. Tum demum Legati in aulam introducuntur: qui ut primùm apparuere, varius animos omnium pervasit sensus admirationis, lætitiæ, pietatis. Addebat Legationi gratiam tum peregrinus, & planè ab nostro abhorrens corporum cultus, tum flos ætatis & indoles, eminensque generis, ac morum Nobilitas. Recurrebant etiam animo ærumnæ longinquæ peregrinationis, & pericula eâ ætate (nam decimum octavum annum nondum exierant) Fidei dumtaxat, & Christi Vicarium venerandi causâ suscepta; quæ perpensa Cardinalibus, ipsique Pontifici lacrymas excussere. Legati per confertam turbam sui quisque Principis literas propagalam deferentes, ad Pontificiam sedem magnâ veneratione, modestiâque progressi, Patri Sanctissimo pedes exosculati sunt. Quos ille vultu blandissimo, oculis lacrymarum plenis excipiens, semel iterumque dulcissimè quasi filios amplexatus est. Tum Mancius primùm, deinde Michaël adventus sui causam per P. Jacobum Mesquitam exposuere, Regum suorum suoque nomine, verum ac fidele obsequium, tanquam unico, ac summo Christi Vicario deferentes. Quibus cum graviter pro re Pontifex respondisset, traditis ipsi literis, in destinatos sibi gradus, extra Cardinalium confessum deducuntur. Recitatae deinde versæ in Italicum literæ, summâ omnium voluptate auditæ sunt. Gratias agebant primùm ij Reges Deo, quòd per homines Societatis ad Fidem Christi perducti essent, deinde vel ætatem suam provectam, vel turbas Japoniæ excusabant, quò minùs ipsi coram, uti volebant, pedibus Beatissimi Patris adsternerentur. Postremò significabant hos Legatos à se mitti, tanquam ad communem Pastorem ac Patrem. Recitatis literis, Legatorum nomine latinè dixit, non sinè plerorumque lacrymis, P. Caspar Confalvius è Societate nostra Lusitanus. Tum reducti rursus ad Pontificem Legati, impresso sacris pedibus osculo, recedentem in conclave Pontificem sequi, & pallij Pontificij syrma (quod Cæsarei Legati, cum adest, munus est) sustinere iussi sunt. Non satisfecerat pietati suæ publico illo congressu Gregorius; itaque secundum epulas, quas apud Cardinalem S. Sixti sumpserat, privatim cum Mesquita revocatis, liberius effusiusque totum paterni animi sui sinum, & flagrantissimæ charitatis



tatis dulcedinem exposuit; multaque de navigatione, de rebus Japonicis, de conversione, de Ecclesijs earum Regionum ex P. Jacobo Mesquita interrogavit; cumque diu tenuisset, admonitos demum, ut Divum Petrum salutarent, eique de viæ successu gratias agerent, non sine sensu dimisit. His Sabbatho gestis, die Lunæ, qui Annunciationi Deiparæ sacer erat, cum de more ad Templum B. Mariæ supra Minervam Pontifex iret, iussit adesse in comitatu suo Japonios, & proximè ante se, qui primæ dignitatis est locus, collocari. Postmodum invisuris Legatis septem Basilicas, ita patere adyta, eosque haberi honores voluit, ut ipsimet Pontifici vix quicquam fieri honorificentius posset. De Juliani autem decumbentis salute sic laborabat, ut præter curam Medicis præstantissimis demandatam, singulis diebus vellet de ejus statu edoceri. Sed dum ægrum ita curat Japonem, ipse immortalitate dignissimus Pontifex, 10. Aprilis 1585. omnium cum dolore moritur; Japoniorum maximè, qui Patri optimo parentaturi luctum induerunt, cum Claudius Sanctissimo Pontifici iusta persolveret. Erant qui dicerent: Gregorium nimiam lætitiâ ex Japonum adventu, & relationibus P. Mesquitæ de progressu Religionis in Japonia Indiâque, exanimatum fuisse. Successor ejus Sixtus V. iussit etiam sæpius ad se Legatos accedere; & ad quaterna aureorum millia à Gregorio Japonicis Seminarijs attributa, bina & ipse adjecit; Legatosque ipsos, Equites ab aureo calcari creavit; quos Romani etiam in numerum Patriciorum adscripsere. Tandem acceptâ à Pontifice benedictione, tertio nonas Junij, Japoniam rursus, viâ comite & Angelo P. Jacobo repetiverunt. In eo reditu, præter communia vulgo omnibus incommoda, P. Jacobus febribus exagitatus est; sed integratâ rursus valetudine, dum fortè ambulans pedestris compendium itineris quærit, à reliquis divulsus, duo repente barbari denso in saltu, intendentibus se nocte tenebris, truculento vultu, atri & nudi ambo, alter stricto ense armatus, alter instructus sarisâ, incautum excepere. Pater exterritus, cum nullam in humanis opem reliquam cerneret, brevem ad DEUM precationem fundit, & subito absque ulla injuria à barbaris dimittitur.

A. demum 1590. Legatos in Japoniam incolumes reduxit, à quorum ore, res à se in Europa, ac potissimum Romæ visas referentium, densis quotidie circulis auditorum o-

mnis generis multitudo pendebat. Jucundum autem spectare erat Matres Legatorum in dignoscendo suo partu laborare; nam qui juvenes discefferant, post octo annorum tractum, alio jam vultu, moribusque alijs, viri revertebantur. Porro vix dici potest, quantum iste Legatorum reditus, ad consolandos Christianos persecutione Taicosamæ pressos valuerit: cum paternam benedictionem à Pontifice singulis mitti, fierique pro illorum constantia in Europa preces Legati narrent. Sed & sensim furor Tyranni remittebat suam atrocitatem; donec cum rursus suscitasset Rex Arimæ Protasius, Christianus ille quidem, & qui ad Gregorium Pontificem suum cum reliquis Oratorem miserat, sed cupiditatibus suis contra præscriptum Christianæ legis morem gerens. Hic, ut occupatâ Imperatoris gratiâ partem finitimi Regni adipisceretur, proneptem Imperatoris filio suo Michaëli conjugij nomine pellicem induxit; usus hac in re operâ potissimum Pauli Daifachij, quem postea filius Michaël regnandi cupidus, malis artibus adortus impulit, ut parentem Protasium dominatu eijceret. Quod ipse callidè admodum instituit, Regem Protasium cum Faxegava Safioyo committens; ut demum Protasius Regnum, fortunas, caputque ipsum perdidit, extorris patriâ, gladioque cæsus. Prodito postmodum Pauli & Michaëlis facinore, Paulus quidem flammis abolitus est jussu Taicosamæ: Michaël verò ut in gratiam rediret Imperatoris, Fidem Christi ejuravit. Tandem duorum Fratrum parricidio sædatus, ex Arimenfi dejectus dominatu miserè cōtabuit. Hæc impia paucorum Christianorum, & ambitiosa consilia, in Religionis, quam præferebant, invidiam vertit Taicosama, maximè postquam ab Hollandis, implacabili in Hispanos odio flagrantibus, motæ sunt Tyranno suspitiones, quasi Hispani occupatis nuper Insulis Luzonijs, brevè ad occupandam Japoniam venturi essent, præmissis Religiosis, qui Evangelij obtentu animos Japoniorum ad defectionem sollicitarent. Sævitum proinde gravissimè est in Christianos Japones, tam ab Imperatore ipso, quam filio ejus Xoguno, qui jam tum partem aliquam Imperij gubernabat: & promiscuè omnes, nullâ sexûs, ætatisque habitâ ratione, flammâ, ferro, crucibus, exilio, honorumque publicatione exterminabantur. Toleravere supplicia incredibili fortitudine quàm plurimi, quorum constantia nostrum hoc currens sæculum primæ Ecclesiæ cœquasse videri possit. Cum autem videret



videret Tyrannus eam Japoniorum Christianorum firmitatem flecti & frangi nequaquam posse, nisi sublati Fidei Magistris; neque tamen ferocire in advenas auderet, utpote Principum plurimorum gratiâ fultos, anno 1613, omnes Religiosos Nangasachum convenire jubet, Faxegavæ Sasioyo Gubernatori curâ demandatâ, ut navigijs ocyssimè impositos, ex Imperio exportari faciat, pœnâ capitis, si quis rediisset, si quis revexisset, propositâ. Provincialis noster ad Sasioyū mitigandum P. Jacobum Mesquitam, quod is apud eum gratiâ plurimum valeret, Surungam difficillimo itinere ablegavit, qui tamen re infectâ Nangasachum redire iussus, cum nonaginta alijs è Societate 27. Octobris A. 1613, ad inculta littora exturbatus est; ubi

inter summas ærumnas præstolari omnes coacti sunt, dum Sasioyus terna navigia, quibus pars Manilam, plures Macaum veherentur, instrueret. Ipse continuò Patribus exactis templâ diruere, sollicitare Neophytos, tormentis urgere ad defectionem. Ejecti interim in littora, ærumnis, famêque enecli non pauci interiêre. Inter quos etiam fuit P. Jacobus Mesquita, qui ex persecutionis laboribus, & ærumnis morbo conscito, Medicis, medicamentisque omnibus prohibitus, casæ piscatoriæ pædore, in communi Sociorum luctu, lætus, alacérque contabuit die 4. Novembris 1614. ætatis suæ 61. Societatis 41. Nangasachenfis Collegij pluribus annis Rector.

## P. ANTONIUS CRITANA.

**N**onaginta, ut dictum est, è Societate navigijs impositi, è Japonia ejecti sunt; septem tamen supra viginti, qui se potuere inobservati subducere huic censui, ut auxilio solatioque afflictiissimis Neophytis essent, clam in latebris per Japoniam substitere, vitam morte ipsâ duriorē ducentes, ut ex fragmentis literarum ab illis datarum manifestè apparet. Unus ex ijs ita scripsit: *Habeo cellulam, cui per fenestram duorum palmorum lumen immittitur. In hac vixi clausus per dies 60. non sine ingenti dolore, propter æstum intolerabilem.* Alius scripsit: *Tantas in omnibus angustias patior in obscuris mapalibus, ut quarto die in agritudinem gravem inciderim. Noctū solū exire fas est, & solari Neophytos; contigit sapiens, cum eos conquererem, per abrupta me pede labi, & vultu lacero, pedibusque laniatis assurgere. Facile constat, hac carni parum grata ideo suscipi, ut Ecclesia hac sibi constet, & aliquando nobis Deus restituat docendi libertatem.* Alius inter cætera hæc affirmat: *Vescimur ad mensuram, ac veluti unciatim jam dudum, orizæque ferè crudâ, quæ mihi jam per foramen injicitur. Ex his tamen incommodis non solum non exij ager, sed solito valentior, & morbos, quos antea patiebar, hæc veluti diætâ decoxi.* Alius ita scribit: *Clausus vivo in tenebris, & Horas Canonicas recitaturus ad rimam accedo, quæ lucis aliquid admittit. Mapale meum stramineum est; in terra stat humida supra modum; unde intra paucos dies ingentes laterum dolores contraxi, qui neque stare me, neque jacere sinunt.* Sanè P. Mancium Firabaisci quamvis virum, ut qui an-

num agebat 44. similium latebrarum squalor, rerumque ad vitam tolerandam necessariarum penuria, brevè confecit Nangasachi. Harum igitur ærumnarum, ac potissimum Martyrij, quod in horas expectabant hærentes in Japonia Patres, participem sese facere summopere desiderabat P. Antonius Critana, sed non potuit evitare observantium oculos: ab his proinde in navim compulsus, quam expectare poterat in mapalibus, in navi reperit mortem, ex solis ærumnis exilij accitam, nullâ aliâ ægritudine confectus; quam maximo animi gaudio delibutus, nautico super fune 28. Novemb. ejusdem anni obivit.

Natus is erat in Hispania Almodovarij Toletanæ Diæcesis Oppido A. 1550. Societati dein anno 71. adscriptus, Ministrum Toletanæ Professorum Domûs septennio magna cum laude, & eximiâ in omnes charitate egit. Donec propagandæ inter infideles Sanctæ Fidei zelo succensus, trajecit in Indiam, ac paulò post in Japoniam; ubi A. 1593 gradum Spiritualis Coadjutoris sortitus est. Ibi cum reliquum ætatis, magnâ probitatis laude, flagrantissimo animarum zelo, singulari item in Sacrosanctam Triadem, Virginemq; Deiparâ pietate conspicuus, exegisset; exiliū ex odio Fidei passus, in beatam abiit Patriam.

Plures alibi iisdem vexati exilij incommodis vitam finire. Mancius Taicieu Japon Coadjutor temporalis, arte pictoriâ præstans, & ob id Ecclesiæ Japonicæ perquam utilis, ejectus ob Fidei constantiam è Patria, & navi æger impositus, morbo per navigationis ærumnas vehementer intento, vitam Macai in exilio absolvit 20. Jan. 1615. ætatis 41.





P. Antonius Critana Hispanus, Soc. IESU, Squallore Exiliꝝ pro Fide enectus in mari Japonico 28. Novemb. A. 1614.

C. Scretta del.

Melchior Kufell f.

Paulus Rio in natione Japon, Coadjutor temporalis quidem, sed quod dicendi facultate excelleret, diu Concionibus habendis adhibitus, eadem procellâ eiectus, incommodis navigationis, & insolentiâ Cœli à Japonico diversi, brevî succubuit Manilæ mortuus die 17. Februarij 1615. ætatis 64. Ibidem septimo post die extinctus est Matthias Sanga, ætatis suæ anno 43. quæ quarto post die rursus secutus est ibidē Andreas Saito, Japon uterq;.

Sed & Japoniæ in solatium relictî clandestinè socij, ante illata per carnificum manus tormenta, primitias Cœlo trans miserunt, Mancium Mizogucci. Qui cum peritiâ linguæ sibi nativæ, ingenitæque facundiâ præstaret, & Christianæ doctrinæ, quantum satis est, comparâset, tametsi ad Coadjutorum temporalium ordinem pertineret, relictus

tamen est in Japonia, solatio futurus Christianis & auxilio. Sed mole rerum, atq; ærumnarum magnitudine, cum atrocitas persecutionis nullibi securum subsistere permitteret, oppressus cessit à vita eodem anno, & mense. Hunc secutus est P. Emmanuel Barretus, ortu Lusitanus, Episcopo Japoniæ Ludovico Cerqueriæ, itidem ex Societate IESU, itineris & laborum socius, nullis unquam laboribus in procuranda salute mortalium infractus. Ac subinde P. Ioannes de Fonseca Ulyssipone natus: quos in animarum quæstu occupatos, & ob acerbitatē persecutionis in silvis plerumq; & subterraneis montium spelæis degentes, conscita tot incommodis mors pro Fide absumpsit A. 1620. illum 11. Martij, hunc verò 29. Septembr.

P. IOAN-





P. Joannes Metella Lusitanus, P. Ludovicus Pelingottus Italus. Soc: IESV, odio Christianæ Religionis lanceis confixi, et capite truncati ab Ethnicis, in Ceilano India Orientalis Insula. A. 1616. 6. Decemb.  
C. S. d.

M. K. J.

## P. JOANNES METELLA, & P. LUDOVICUS PELINGOTTUS.

**P**ater Joannes Metella Boniardi-  
ni in Lusitania natus A. 1584.  
Societatem complexus est anno  
ætatis 14. In qua suave Christi  
jugum in adeo tenera adolescen-  
tia portare consuecens, in eam maturuit so-  
lilitatem, ut duræ etiam morti Crucis post  
Salvatore ferendæ sufficeret. Et hæc quidē  
itā illi ab ipsis Tyrocinij primordiis in vo-  
tis fuit, ut nihil magis ab infinita Dei pieta-  
te precaretur, nihil æquè apud Superiores ur-  
geret, quàm missionem in feraces ejusmodi  
mortium Indiæ campos. Fortè quinto post

anno manus Sociorum colligebatur ex Lusi-  
tania, in subsidium Indicis operis cum P. Ca-  
millo Constantio transmittenda; in cujus  
syllabum nihil non egit Joannes ut inferere-  
tur, dum denique impetraret. Itaque Philoso-  
phiæ studio necdum ad calcem perducto, per-  
venit in Indiam A. 1603, ubi reliquis scien-  
tijs instructus, & sacerdotio inauguratus, to-  
tum se indigenarum salutis procurandæ im-  
pendit. Ceilanum Insula Apostolicorum ejus  
laborum campus fuit, amplitudine & glebā  
nobilis, cinnamomi omnium præstantissimi  
copiosè ferax, ad oram Malabaricam trans  
Como-



Comorinum Promontorium sita. Nulli ea certo Principi subiecta est, sed in varios dispersa dominatus, multis partim Ethnicis Regulis, partim Mahometanis Sultanis pareret, ditionis partem aliquam duntaxat obtinentibus Lusitanis. Atque hinc perpetuum Christianæ Fidei præconibus, si uspiam alibi, capitis est discrimen, laborantibus in omnem Insulæ ditionem proferre illam Socijs, & Neophytos jam baptismo renatos adversum injurias infidelium tueri: illis autem è contrà conatibus sanctis non minùs pertinaciter resistentibus.

Socius arduæ in paucis Missionis Patri Metellæ erat P. Ludovicus Pelingottus, & ipse fidelis in vinea Domini operarius. Is Sorbolongi, in Foro Sempronij Italiæ vico, fortunâ mediocri natus A. 1578. Societati nomen dedit ætatis anno 25. tum penitus, cum Frater illius eidem studijs omnibus ad eminentiam exulto, & Romæ Nobilium quorundam Juvenum Institutori, connubium lautè dotatum offerebat. Sed ille carnales amores aspernatus, pretiosam Filio Dei in hominum animabus sponsam, procul & de ultimis finibus quærere decrevit. Cui comparandæ ut necessarios sumptus provideret, Tyrocinium Societatis ingressus, tanto ardore in Apostolicarum virtutum thesauros congerendos incubuit, ut ex ipso Tyrocinio in Indiam transmissus Institutor, Cælicæ negotiationi initium

fecerit A. 1605. Ardentissimum Deo lucrandi Indorum animas desiderium vel inde conjice, quodd trimestris spatio linguam eorum non tantum perfectè condidit ut intelligeret, sed ut eadem perfectè etiam scriberet, legeret, & loqueretur. His sumptibus instructus, in animarum questum insudabat in Ceilano Insula cum P. Metella Marteingambæ, nobili ejus Regionis Urbe, quando ei desideratæ pro Christo mortis obeundæ fors obtigit. Erat Candia in ea Insula Rex potens pollensque, Lusitani, atque adeò Christiani nominis hostis & acer insectator: è cujus Regno Idolorum sacrificuli damna sua dolentes, & finitimos ad rebellionem eâ causâ concientes, à Lusitanis comprehensi, pœnas dedere commeritas. Eâ re in furorem conciti Candieneses, & in iusto rebellium Popparum supplicio Dijs suis injuriam factam interpretati, non aliter illam, quàm Christianorum sacerdotum nece expiandam decreverant. Itaque interceptos in ipso dilatandi Christi Regni fervore Patres, & ad propinquam Crucem, ut seirent ejus odio necarentur, raptatos, lanceis immaniter transfigunt, projectisque ad pedem Crucis corporibus, recisa capita hastili publico in loco sublimè appendunt. Passi sunt viri zelosissimi A. 1616. & quidem P. Metella ætatis 32. Societatis 18. P. Pelingottus autem 38.

Societatis 13.

## P. JOANNES BAPTISTA MACCIADUS.



Qui in Baptismo Joannis Baptistæ nomen acceperat, cum eodem ad gladium damnatus est, P. Joannes Macciadus, aliàs etiam Tavera agnominatus. Nec absimiles ab ejus virtute impetus habuit, dum in ipsa infantia non quidem in desertum abire, sed in Japoniam ab Insula Tertia, Patria sua, enavigare, septennis pulsio firmiter proposuit, neque unquam revocato animi decreto, Societatem JESU Conimbricæ annorum 16. amplexus, tandemque in Japoniam A. 1609. delatus, populis illis *Agnum DEI, qui tollit peccata Mundi demonstravit.* Et quia ingenitæ Nobilitatis impetu ad quævis ardua exaltanda propellebatur, gravissima passus est ærumnosissimis illis Taicosamæ, & nihilo Parente melioris Filij Xogum Imperatoris, temporibus; quando proscriptis Evangelij præconibus ipse etiam in Japonia remanens, dies totos in latibulis & speluncis latitando

transigere, solasque noctes in animarum procuracionem impendere poterat. Atque utinam eadem cautela adhibita fuisset etiam ab alijs diversarum Religionum alumnis, quibus hæc Societatis modestia, si non imprudens, certè non sat opportuna videbatur. Illi namq; post Antistitis Japoniæ obitum, dum Sede vacante parerent nemini, Divinæque liberiùs propalam tractarent, constitit demum publicè, multos Christiani gregis curatores in Japonia remansisse. Id quod contemptum suum interpretatus Xogum, deprehensos omnes non jam exilio, sed morte mulctari præcepit. Quia verò primus sævæ inquisitionis impetus in Nangasachum deservijt, dilapsis in diversa Socijs, P. Joannes in Insulam Goto, & regnum Omuræ à Provinciali mittitur. Sed ab itinere Firandum, adversâ tempestate rejectus, monetur ab amicis Nangasacho, præmissos esse in Goto Insulam exploratores ad eum perquirendum; itaque in partes





P. Joannes Baptista Macciadus, natus in Insula Tertiâ, Soc. IESV, fidei odio capite truncatur in Iaponia ad Omuram. A. 1617. 22. Majj.

M. K. f.

tes Cami, aut Nangasachum, ubi cura indagandi remisisset, sese interim recipiat. Ille consulto per orationem Deo, constituit non aliò, quàm quo jussus erat abire; duplex inde se solatium manere, inquit, gloriosæ mortis alterum, alterum obedientiæ. Itaque secundâ usus navigatione, postridie quàm exscenderat, in ipso Sacramentalis Confessionis actu deprehensus, ut pœnitentem à vinculis peccatorum absolvit, in vincula se sponte lictoribus obtulit; *hec ego vincula*, inquit, *nequaquam defugio, quin etiam inde usque ab Europa confector*; nemini propter illa succenseo, nihil queror, sed bonum Deum potius obtestor, ut noxam condonet omnibus, qui vincula mihi ista quoquo modo procurârunt. Permissus Magistratum indulgentiâ extremum Missam fa-

cere, & Sacramenta Neophytis impertiri, ardentem eisdem exemplo suo ad constantiam hortatus est, *votorum se suorum metam attigisse professus, quæ septennis pœnio in domo paterna conceperat, cum primum de Japonibus famam accepit.*

Navi conscensâ, & frustra rogatis custodibus, ut se vinculis, ad exemplum Christi, constringerent, Omurenses in carcerem deportatus est 29. Aprilis A. 1617. ubi ex confortio Fratris Petri de Ascensione Franciscani, eâ custodiâ jam antè conclusi, ita exhilaratus est, ut eam sortem cum universis Orbis Imperijs non mutaturum, ore & epistolis diceret. *Hodiernus dies est duodecimus*, scribit ad Sociorum Nangasachi Moderatorem 3. Majj, *ex quo comprehensus sum. Deo gratias ago, quod*



eam mihi quietem dederit, ut nihil magis cupiam, quam eum vita statum, quem in hoc ergastulo sum consecutus. Eidem gratias ingentes habeo, quod ex ea hora, quâ me video detineri, nihil aliud occurrit, quam quod me in Cruce fingam, aut sub ictu sica Japonensis. Benedictus sit Dominus, qui ad hunc modum suos solatur, pro se vel exigua patientes. Vim verborum sacra Scriptura, & robur spiritus, quod conferunt, nunquam aliâs sum assecutus, nisi ex quo me video in hoc rerum statu constitutum, atque ita Imperiorum Orbis in unum collecta potentia, non videtur mihi unius è terra vermiculi vires aquare. Facile intelligo me in hanc rem nihil conferre, totumque esse Dei ac Domini mei beneficium, cum quo, & pro quo, in finem decertabo. Unum dolebo, si ejus causâ parum pati me contigerit. Jam est quadragesimus dies, ex quo ingenti dolore crucior, qui ex hujus carceris, qui est in media palude, humiditate ita increvit, ut nullam quietem capiam. Id in magnis Dei beneficiis repono; ut quoniam mecum hætenus mitius agitur, hos dolores, qui similes mortis doloribus, à Deo immixtos alacriter feram, & inveniat Dominus quo me probeat, cum præter peccata mea nihil sit, quod me afficiat; non carcer, non ipsa mortis expectatio. In alijs datis 17. Maij sic ait: afficior vestrorum laborum & angustiarum recordatione. Dominus, qui hæc ita disponit, fines suos habet, quos nondum assequimur; & quoniam causa ipsius est, & ipse omnia moderatur, credi debet, eum omnia ex majori gloria sua, & hujus Ecclesiæ, nostræque omnium bono directurum. Hæc me cogitatio contentum facit, ei que gratias ago, quod mei memor fuerit; cum animum subministrat, quo labores omnes, totiusque Mundi tormenta, pauca mihi esse fingo; quam nihil sit, quod ex me possum; quam multum ejus auxilio instructus, quod nunc experior. Bonus JESUS eos, qui se ipsi tradunt, non deserit; quæ promittit, explet ad amissum; nemo eum invocavit, qui non eum invenerit, non deserit suos in vinculis, in tribulationibus non derelinquit, & ideo Divina ejus Lex jugum, quod semper est duorum, appellatur; licet soli patiamur, & ipse non patiat. Id jugum etsi naturâ sit plerumque insuave; tamen est & vocatur suave & leve, quia socium habet, qui, quod est ponderis, in se suscipit, & ita nostra infirmitati accommodat, ut non patiat nos tentari, supra id quod possumus. Gratulor igitur ex animo Deo, ejusque me Voluntati accommodo, tametsi velit me incommodiore ergastulo ad diem judicij detineri; nam si de me ita disposuerit, vires quoque in hujus itineris longitudinem suppeditabit: si me voluerit è contrario vitam hodie reddere, quam in ejus

obsequio impendendam accepi, beneficio gratus non repugnabo; satis certus, quod, utut fuerit, me tametsi peccatorem indignissimum non derelinquet; & ita cum Propheta dico: factus est Dominus Refugium pauperi, & Adjutor in tribulationibus. JESUM Christum habemus pro refugio, quotquot ejus causâ omnia relinquimus; sumus enim pauperes, habemus fidem in tribulationibus Adjutorem, qui tempore subvenit opportuno, velut amicus semper & ubique fidelissimus. Captus sum (inquit in alia epistola) in Goto, cum ad absolvendi formulam manum erexissem; eâ pronuntiata Magistratibus occurri, ea dixi, quæ Dominus id temporis in os immittebat. Huc in Cori pertractus sum, & custodior diligenter; utinam etiam aliquid in ejus causa paterer! Benedictus sit ille, à quo majora meritis beneficia suscipio. Affirmo R. V. & ipsissimam scribo veritatem, quod præsentem rerum mearum statum cum totius orbis imperijs, vel secularibus, vel Ecclesiasticis nequam permutarem. Nunquam aliâs vixi meâ sorte æquè contentus, nunquam æquè hilarem me sensi, nunquam æquè sinè cura, sinè sollicitudine me reperi. Benedictus sit DEUS, à quo ita copiose compensatur tantillum illud, quod in ejus causâ toleramus. Nunc quod vincula patior, ut Evangelij præco, videor mihi jam aliquod de munij Societatis JESU assecutus.

In suo carcere, Magistratu dissimulante, potuere Sacrificium à die Pentecostes offerro quotidie, ad usque postridie Festi SSS. Trinitatis, qui fuit dies Maij 22. Pridie jam uterque divinitus imminere sibi mortem intellexit, atque alteri alter revelationem explicuit. Dynasta mox per ministrum venisse denunciavit à supremo Senatu necis in utrumque sententiam, quam essent illâ ipsâ nocte excepturi. Illi æstu divino inflammati, in lachrymas gaudij testes resoluti sunt, & hymnum TE DEUM laudamus unâ concinuerunt, ac deinceps acriter se flagellatione exercuerunt ad certamen, & longâ de rebus Cælestibus contemplatione. P. Fr. Petrus dicebat, se per eos dies sacrificantem vel orantem, aliud nihil à Deo postulasse; & quod exauditus esset, se Domino maximopere gratulari. P. Joannes Baptista respondit, se tribus in vita sua diebus, præ cæteris maximo gaudio delibutum; quo Societatem ingressus est; quo nuper erat comprehensus; & nunc, cum de supplicio moneretur. Ipse tum extemplo magnitudinem voluptatis suæ brevissimè ad Superiorem in hæc verba perscripsit: Hæc ipsâ horâ concupitus ad me mortis nuntius advenit. Morior solatio plenius, quia pro bono JESU morior. Ago illi gratias, quod me, licet indignum, tam insigni beneficio affecerit.



*fecerit.* Inclinatâ jam die missi spiculatores, jubent Patribus cibos parari; sed illi nullo se jam ad vitam retinendam alimento indigere professi, iteratò alter alterum de peccatis confitentem excepit, & simul Litaniarum ritu sanctos in auxilium omnes evocârunt. Custodiâ educâti, & uterque manum Christi de Cruce pendentis sigillo armati, alter succedens alteri, Neophytos ex itinere multos, qui comitabantur, ad ea quæ tempori erant idonea hortabantur: quæ tamen ob immodicum planctum haud satis intellecta sunt. Cùm ventum ad locum est, breviter alter alterum jam tertio à peccatis expiavit; & rursus ultimum amplexati, ac salutatis elatâ voce Christianis, nonnihil divulsi sunt, unde se invicem intuiti, cùm nescio quid essent collocuti, quod præsentibus Neophyti non perceperant, lætissimè arriserunt. Jam hora cædis appetebat, cùm Damianus quidam Neophytus, qui vinctis magno amore ministrârat, geminam protulit stoream, super qua procumberent obtruncandi, nè eorum capita in solo volutarentur. Verùm illi pari uterque sensu, tegetem repudiârunt, *corpus è terra factum, & crediturum in terram, nusquam melius, quàm in terra volutari.* Ergo nudâ humo provolvuntur in genua, manibus in cælum surrectis, atque illico fatalem ictum gladio excipiunt. P. Petrus primo truncatus ictu corruit. At P. Joannes Baptista, cùm primum vulnus accepisset, errante carnifice, nondum truncus assurgit, atque iterum in genua ruens, JESUM ac Mariam inelamat; tum altero petitus, ac tertio ictu, tandem obtruncatus est.

Mortuos Neophyti cùm ingenti desferent ululatu, lachrymas ipsis, qui aderant, Senatoribus expresserunt, atque alius super alium ruentes ad pignorum venerationem eruperunt. Quin & ipse, qui Nangasacho venerat, Senator Ethnicus, è famulis suis unum, quem sciebat esse Christianum, ut illos imitaretur admonuit; si qua enim Lex salutem æternam pariat observatoribus suis, eam certè hanc esse oportere dicens, quæ mortem eo hilaritatis sensu docet excipere, quo vix alius quisquam acciperet vitam. Subinde capillos illorum, vestes imbutas sanguine, herbas, humum, lapillos Neophyti ad pium,

ptivatum licèt, cultum rapuère. Postridie missi sunt à Dynasta qui sepulturæ locum, honoris, ut aiebant, ergò clauderent circumducto pariete, ne qui fortè subducta clàm cadavera pro thesauro asportarent aliò venerabundi. Verùm cùm frequenti Neophytorum accessu videret Religiosum locum celebrari, postremo die Maij exhumata corpora jussit in mare demergi. Ex ministris deinde, qui ea merferant, constitit, delatos eodem navigio fuisse desertum in scopulum duos Religiosos, Fratrem Alphonsum Navarrete Dominicanum, & Fratrem Ferdinandum à S. Josepho Augustinianum, ac Juvenem quandam constantissimæ ad mortem & supplicium voluntatis, Leonem nomine, qui nostro Patri suam operam præstare consuebat: quos cùm in Fidei odium quoque trucidassent, omnium simul membra saxi illigata depreserunt in fluctus. Id ubi Nangasachi increbuit, multis navigijs, retibus & harpagonibus, tentata in cassum res est; donec putrefactis tempore funibus, ad quos alligata pondera sarcophagos deprimebant, sacra pignora è profundo enatassent, quæ Neophyti Nangasachum occultè devexerunt. Placuit autem Divinæ Bonitati causam, ob quam passi fuerant servi Dei, etiam prodigioso lumine illustrare. Nam supra locum, in quo sepultus erat P. Macciadus, duo fulgentissima sydera fuère sæpius à neophytis, gentilibusque conspecta. Cæterùm admirari deceet Divina judicia, aliter atque aliter statuentis in impios, dum alios plectit pro meritis, alios in exemplum miserationis exornat. Thomonaga Guibioye Linus, qui P. Joannem Baptistam cum alijs ceperat, jussuque Prætoris interfecerat, paulò post ipse pœnitens, ob Religionis Christianæ cultum, pridie nonas Novembris anni ejusdem Omuræ interfectus, eandem mortis gloriam adeptus est. At qui eundem prodidère ut comprehenderetur, alter sibi ventrem Japonico more dissecuit; alter vulgi fabula, & ludibrium puerorum, vagatus est incertus.







Leonardus Kimura primus ē Iaponibus à S. Xaverio baptizatus, primus ex Soc. IESU pro fide Christi lento igne exustus, consumptis igne funibus, caput reverenter prunis coronat Nangasacki. A. 1619. 18. Novemb.  
C. S. d.

M. K. f.

## LEONARDUS KIMURA.

**L**eonardus Kimura, fortunatum Japoniæ nomen! Nam primitiæ Christiani spiritus obtigere Familiæ Kimurianæ, Heroum etiam aliàs feracissimæ, dum primum omnium in ijs Insulis baptizavit unum ex Kimuris, Gentis Apostolus S. Franciscus Xaverius. Hic autem Leonardus apud nostros à prima pueritia institutus, Dogicum, hoc est, Catecheseos explanatorem egit inde usque ab anno 13. ætatis. Et in studio quidem literarum processit egregiè; quando tamen animum ad Societatem capeffendam annos natus 27. impulit; gradum in ea Coadjutoris temporalis voluit occupare. In ea

17. omnino consumpsit annos, magno pietatis & humilitatis exemplo: Proximis etiam pro virili opitulatus, eâ maximè tempestate, quâ nostris ediſſo Imperatoris universo Regno exactis, ipse à Præsidiibus suis sistere Nangasacki iussus est. Ibi dum rem strenuè Christianam procurat, homieidij postulatur, & præproperè in carcerem trahitur. Sed ejus innocentia brevè compertâ, è carcere dimittendus erat: cùm deprehensus esse Christianus, & Societati JESU adscriptus, odio deinceps Religionis habitus in vinculis est. In ijs triennium exegit, & carcerem ipsum, quem sibi squallore pœdorèque præcipuum delegerat, bono Christi odore adeò complevit, ut sacra



sacra potius ædes, quàm ergastulum videretur. Nimirum vincti omnes, qui eadem custodia tenebantur, atque in primis tredecim, quorum crimen Religio erat, Leonardo duce, quotidie horam manè precationi, quæ mente; alteram ei, quæ voce peragitur, tribuere; Sanctorum Litanias recitare; id temporis, quod ad prandium reliquum erat, piæ lectioni dare. Secundum meridiem altera precationis eos excipiebat hora, tum quaternæ deinceps lectionis, scriptionis, aliarumque piarum tractationum: quibus rursus succedebat per horæ spatium commentatio. Ter per hebdomadam corpus jejunio, & acri verberatione exercebatur. Feriâ sextâ in quinque; Christi Salvatoris vulnerum memoriam, totidem horas extra ordinem orabatur. Mensibus singulis solennes quadraginta horarum preces, pro præconibus Evangelij, præ quibus Japonibus Christianis, celebrabantur. Post hæc in alium solitariū carcerem Leonardus compactus est, tam humilem, ut vix ad senos dorantes attolleretur, neque ille humi sedere, quin verticem allideret laqueari, posset. Hic ille inediâ & verberatione quotidianâ (si dies festos eximeris) Deo gratias agere; & Deus vicissim illi omnes illas annui carceris molestias, incomparabili lætitiâ diluere. Inde verò mirâ diligentia atque ardore spiritus totum juvandis mortalibus impendit triennium. Eos qui recens ducebantur in vincula, benignè excipere, molliter tractare; tum Christianis reformare mysterijs, docere poenitentiam, capitis damnatos erigere, confirmare, solatio instruere, atque ad obeundam ex officio mortem comparare; adesse languentibus, famulari, eos qui se invisebant, cælestibus recreare colloquijs, ad Christianæ legis observationem cohortari, corrogare de aliorum benignitate egenis subsidium, & suum illis victum adèd liberaliter impertiri, ut quotidiani sui demeriti, satis aliàs exilis, parte, octogenariam anum, quæ pro custodia foribus sessitabat, anno integro, quoad vixit, aluerit. Præter multos, quos eo tempore ad Christiani hominis officium excoluit, quosque ad firmandam per effusum sanguinem Christi Fidem animavit, 86. per Evangelium genitos salutaribus undis asperxit.


Adveniens interim à Regia Imperatoris Fascegava Gonrocuus Nangasachi Gubernator, A. 1619. continuò conflagrationis sententiam in Leonardum & quatuor alios dixit; propterea, quòd nonnullos ex ijs, qui prædicabant Christum, domo exceperant.

Hos cum Leonardus in multam noctem, quæ feralis, imò feriatus ac festus dies erat excepturus, idoneis pergeret consilijs accendere; pro se magnopere sollicitus, Deum anxie precabatur: *Deus cordis mei, ne quæso me tam exoptato munere frustrari sinas!* Manè ad Præfectum rerum capitalium accitus cum cæteris, vix sui compos & gaudij potens, ubi concinuit Psalmum: *Laudate Dominum omnes Gentes*, & Canticum Simeonis: *Nunc dimittis servum tuum Domine*, provolvitur supplex in genua ante Christi effigiem in Cruce pendentis, & illi grande hoc beneficium in acceptis referens, è custodia catenis oneratus producit. Amicorum plurimi concurrere, in ejus amplexum ruere, commendare sese, & apud Superos ejus ambire deprecationem. Ipse alacritate admirabili circumspicere, resalutare, denique ad constantem in suscepta Fide perseverantiam omnes hortari. Interrogatus à Judice: *num de Societate JESU es?* respondit promptè: *Et sum enim vero, neque tu id nescire potes; quippe missu meorum Superiorum sapius ego te in ornatu habitûque Societatis salutationis causâ conveni. At ecce in Japonia, reponit Iudex, contra leges Imperatoris resististi? ut Christi Evangelium, inquit, divulgarem, id quod & præstiti adhuc sedulo, & dum super mihi fuerit hæc anima, præstabo. Hac igitur de causa, reponit sapius barbarus, vivus torrebere. Ille actis serenâ fronte gratijs, ad circumstantes sese convertens; Vos ego mihi testes, ait, imploro, haud aliâ me causâ, quàm promulgati Evangelij, in Fidei odiû damnari. Dein coram Magistratu ipso Athletas cõsortes suos ad firmitatem, perfugas ad regressum, Ethnicos ad Fidem paucis invitat. Ad stipitem, reverenti osculo prius salutatum, alligatus, ubi rursus amicis ac familiaribus suis verbis novissima dixit, aggestâ inflammataque remotiùs à stipite materiâ, sublati in Cælum oculis ustulari cœpit, tantâ inter ignes atque incendia mentis constantiâ, ut nec membra contraheret, nec ullam in partem se contorqueret. Negabat se affici ullo doloris sensu, quin etiam placidum videri, ac suave incendium. Diruptis deinde ignium vi retinaculis, candentes prunas utrâque manu collegit, & vertici venerationis ergò pro corona imposuit, Psalmum: *Laudate Dominum omnes Gentes*, decantans. Attoniti spectaculo Christiani qui aderant, sublatâ vociferatione Sanctissima JESU ac MARIÆ nomina invocârunt; multique Ethnicorum ad Christiana sacra, inauditæ exemplo fortitudinis excitati, se*



ti, se transfulere. Exustorum reliquias Barbari comminutas alto mari disperferunt; sed animosa Christianorum pietas, vel per ipsa pericula fragmenta ossium haud pauca undis per urinatores erepta, inter se ad priva-

tam venerationem partita est. Passus est Leonardus Nangasachi, ubi natus fuerat, 18. Novembris An. 1619. ætatis 44. Societatis 17.



Ambrosius Fernandez, Lusitanus Soc. IESV, carceris squallore et ærumnis pro Christi Religione confectus Omuræ in Iaponia. 7. Iunij. A. 1620. C. S. d. M. K. f.

## AMBROSIUS FERNANDEZ.

**M**ilitiam profanam secutus primum, Compagniæ Jesu nomen postmodum in Iaponia dedit Ambrosius Fernandez, gente Lusitanus, Patriâ Xisto, ex Portuensi Diæcesi. Qui in Coadjutorum temporalium humilibus officiis versatus est adeo enixè, ut multis pœnè pertinax & nimius videretur. Laborabat summâ semper contentione; ex qua lassitudine oppressus, quietem

nocturnam vestitus ubi ubi fors tulerat capiebat. Mirabantur omnes Ambrosio nihil ex militia adhæsisse martialis ferociæ, cum nunquam moveretur iracundiâ, neminem à se unquam minus familiari & affabili responsione dimitteret. Ex paupertatis studio per 30. & amplius annos, novum nihil omnino induit, cæterorum jam attritis vestibus & calceamentis semper usus; cibos pro se exquirebat vilissimos, bellaria vinumque nunquam,



quam, nisi iussus, degustavit. Remanserat ille Nangasachi, Soeij's reliquis Japoniâ expulsi; datûsque P. Carolo Spinolæ socius in laboribus Apostolicis, socius demum factus est A. 1618. carceris diuturni. Cùm enim sagaciter perquirerentur latitantes per Japoniam Patres, constituerat P. Spinola ipso vespere Festo S. Luciae die in alias ædes clam demigrare: Sed dilata certis ex causis in diem sequentem migratione, visus est sibi Pater medio noctis per somnij speciem videre latrones, perfractis parietibus domum irrumperere; quo viso excitatus, & ludicram dormientis imaginationem esse interpretatus, in somnum rursus se frustra componere laborabat. Vix lapso horæ dimidio, adsunt milites Gonroci Gubernatoris Nangasachani; & perfractâ januâ invadunt locum, in quo noster Ambrosius degebat. Hunc itaq; crudeliter vinctum domo efferentes, etiam P. Carolum in altero conclavi deprehendunt. In eo P. Carolus genuflexus fundebat ad Deum preces, & ingrediente milite, sublatis mox in Cœlum oculis, quanto maximo potuit affectu, pro captivitatis beneficio gratias Deo reddebat. At milites protinus injecto similiter fune, collum, manus, pedesque adeo arctè constrinxerunt, ut lacerata vinculis caro perpetuas retinuerit vulnerum cicatrices, livore, dum vixit, coloratas. Sic vinctos, in Prætorio Gubernatoris sub dio, prope stabulum, noctem diemque relinquunt, gravi vexatos frigore, & doloribus nexuum; quos tandem Christiani famuli aliquantum relaxarunt. Sabbatho proprium Societatis cultum induti, Gubernatori sistuntur; cum quo multa P. Carolus ad legis Christianæ sinceritatem explicandam differens, ipsummet ausus est ad eam invitare.

Nangasacho missi Omuram, ut in conspectum venire carceris, in quo jam complures è Patribus nostris tenebantur, cantu signum sui adventûs eminus dedere captivis; qui similiter canendo è custodia hilari-ter responderunt. Carcer, in quo primùm egerunt, tugurium fuit stramine malignè tectum, quadraginta palmos longum, latum viginti, impositum monti, omni tempestatum injuriæ obnoxio. Sed quia ruinam minabatur, dum alium mense Julio satellites ibidem instaurarent, per dies octodecim, exiguae casæ captivi sedecim inclusi sunt, ingenti cum incommodo, tum ob æstûs vehementiam, cui gravitas odoris, & continua nausea accedebat; tum ob victûs tenuitatem, cùm nihil inferri paterentur annonæ duri

exeubitores. Hinc omnium tentata valetudo per alvi profluvium. Septimo Augusti in novum reducti fuere ergastulum, latum palmos 16. longum 24. nullo pariete, sed ex palis distantibus ab invicem intercapedine duorum digitorum contextum, tegulis tectum, stratum trabibus, quibus tabulæ erassæ pro pavimento affixæ erant. Fores serâ clauderantur, erantque adeo angustæ, ut vix transitum darent humano corpori. A latere patebat fenestella magnitudine lancis, quâ cibus quotidie inferebatur. Circuibat hunc carcerem via lata octonos palmos, atque hanc duplex obibat seps, depacta expansis arboribus, & in cuspidem acuminatis, quas spinæ supernè coronabant. In tanta loci coarctatione captivi 28. nonnunquam 33. tenebantur conelusi; ut proinde ne quidem extendere se possent ad quietem. Sed mirum in modum vexavit Christi pugiles continuus quidam factor, ortus ex multitudine hominum tam angusto loco clausorum; ex præsentem item, intra ipsum carceris septum cloaca, in quam naturam exonerabant; ex quo fiebat, ut illâ subinde ab imbris exundante, ultra talos sordibus mergerentur: Item ex sudore corporum, quæ æstate nunquam siccabantur, cùm miles vetaret mutare recentibus linteis obsoleta, aut lavare usu inquinata; coactis per integros annos idem indusium retinere. Hinc illa quoque necessitas sequebatur, quod nemo subterfugere conspectû sodalium posset, sed omnium actionum, quas summè etiam ingenuus animus videri exhorret, cogeretur perpetuos habere testes, quotquot unâ tenebantur. Accedebat ad hæc incommoda, quod carcer edito loco situs, solisq; palis inter se distantibus compactus, æstate quidem solis radios ardentissimos admitteret, hyeme verò asperrimos ventos, gelidumque ærem non prohiberet; adeo ut P. Carolus de eo ita scripserit: *Assevero, neminem esse è nobis, qui æstimato inferioris appetentia sensu, non mallet vivus cremari, quàm hunc carcerem ferre. Nam omnes à vestibus sumus pene nudi; neque vigiles permiscere, ut denno ad nos referrentur, quas Nangasachi sarcindas locaveramus. Ablatâ etiam lodice, nihil passi sunt importari. Neque, quamvis in vertice collis objecti ventis degamus, vel tegetem concessere, flatibus, imbris, nivibusque arcendis, planè ut immane sit frigus.*

Nihilominus omnes has carceris molestias, insigni alacritate toleravit cum reliquis socijs Ambrosius noster, donec è frigore & copia deciduarum nivium, paralyti primùm, mox etiam apoplexiâ (non sinè suspitione por-



porrecti veneni) ictus, intra duodecim horarum spatium, Sacramentis omnibus munitus, felicem spiritum in manus Dei, propè septuagenarius, reddidisset, à quo mercedem expectabat laborum quidem in Societate exhaustorum per annos 43. ærumnarum verò in carcere patientissimè toleratarum per annum unum, & dies 22. cùm aliud ferè per id tempus non spiraret, quàm ingens desiderium ardendi in rogo, aut moriendi in Cruce. P. Spinola tantà eum post mortem profe-

cutus est veneratione, ut decerptos ejus capillos suæ lipsanothecæ inseruerit, appende- ritque ad collum cum aliorum Sanctorum sacris pignoribus. Ubi primùm beatum spi- ritum emisit, ille qui ex condito per hebdo- madam alijs præfuit, præcinuit in gratiarum actionem DEO Psalmum: *Laudate Domi- num omnes gentes;* cæteris inter lacrymas gau- dio fectas, gratulantibus felicem Ambro- sio exitum, sibi in Cœlo Ad- vocatum.



P. Aegydius de Abreu Lusitanus Soc. I.E.S.V. verberibus ad mortem ex odio Religionis contusus à Calvinistis, in Iava maiore Iacatræ. A. 1622.

C.S.A.

M. R. f.

## P. ÆGYDIUS DE ABREU.



Ava major, Insula est Orientis, multis divisa quidem Principi- bus, sed in quos dominatū unus, Mataranus nomine, vel usurpat, vel arrogat. Gens effera, inculta,

moribus aspera, & vel in suos levi pretio cru- delis: ut proinde nulli, ne puellæ quidem sine sica præsentissimo imbuta veneno, prodire liceat in publicum. Ut mirum sanè sit, cœ- lum aliqui mite, & per pete ventorum vicif- situdine



fitudine (quamvis sub zona torrida jaceat) temperatum, tam immites, & intemperatos gignere homines. Ad hæc solum piperis, sacchari, & omnis Indicæ frugis abundè ferax, mala aurea, sicubi terrarum, mole & sapore præstantia profert. Ferunt etiam in Java reperiri pelicanos. Et sanè si non alium, certè in P. Ægydio Pelicanum vidit Java: qui dum captivos Catholicos, velut pullos congregaret sub alas, nè sanguis ad pascendos deforet, ab A catholicis occisus, eum profudit. Erat Pater natione Lusitanus, patriâ Campo-Majorensis, absolutis Philosophicis studiis missus in Indiam. Inde cum in Japoniam iter per Javam haberet, à Batavis capte est. Occupavère locum quendam in Java Batavi, in quo & Urbem condiderunt Arcem firmatam, quam indigenæ Jacatram, ipsi à suo nomine Novâ appellant Bataviam. Urbs illa Orientis est miraculum, æmula Venetiarum; nam quamvis à Venetijs superetur ædificiorum splendore, superat tamen vicissim aquæ potabilis rivis, & Indicarum palmarum, quaquà navigaveris, ad obumbrandum abundantia. Ea supremi per Orientem Batavici Prætoris sedes est; & quidquid toto illo Regnorum Orbe contrahitur mereium, hue convehitur; indèque in Hollandiam, dispensandum ingenti compendio per Europam, in navibus transportatur. Quamvis ergo P. Ægydium ad fretum Sincapuræ deprehenderint, captum tamen in novam traxère Bataviam, ut pluribus ludibrio esset. Toto biennio in arcta custodia detentus, permissus tamen quandoque fuit per arcem circumire,

quòd elabendi nullum subesset periculum. Quà opportunitate, pro suo Sacerdotis, & è Societate quidem, instituto, Catholicos qui iisdem vinculis tenebantur, spiritualibus auxilijs recreabat, admissa sua confitentes audiebat, explicabat doctrinæ Christianæ capita, hortabatur ad retinendam Fidei, tot inter adversitates, constantiam. Ad hæc solebat aquam benedicere, excitare Oratoria, & alios Ecclesiæ, quos poterat, ritus celebrare. Et cum nequirit Japonios, ad quos plenis desiderijs festinabat, Fidei veræ imbueret Mysterijs, Catholicos saltem in iisdem aut edocebat plenius, aut confirmabat. Quinimo, ut contineri impatiens amor quævis obstacula aut ignis instar consumit, aut instar aquæ violentè perrumpit, nullâ periculi habitâ ratione ipsos etiam Batavos, Arcis & sui custodes, quâ blando affatu, quâ propositâ ob oculos Fidei nostræ veritate, ad eam pertrahere laborabat. Sed, quod de suis custodibus scripsit Sanctus Ignatius Martyr, ipsos nimirum beneficijs evasisse peiores, id expertus est etiam P. Ægydus: nam A catholici custodes reddebant pro bono malum, pro verbis salutaribus immania verbera; neq; alio passim, quàm Papistæ, & Diaboli nomine vocitabant, contumelijs appetebant; cruciabant longâ inedia. Quæ omnia cum invictâ patientiâ toleraret, tandem plagis ab impijs sectarijs confectus occubuit, & D E O victoriam reddidit animam A. 1622. persecutores in Indijs nactus Europæos.

## AUGUSTINUS OTA.



*M*ulti annos computant Religionis, sed sæpe parvus fructus est emendationis, inquit religiosissimus Thomas à Kempis. At Augustinus Ota unius diei militantis Societatis Tyro, eodem die triumphantis veteranus, Religionis fructum uberrimum carpsit in ipso flore, postquam militantem Societatem solâ morte honorasset. Natus erat Augustinus in Japonia Ogicæ, quæ Firandensis Provinciæ est civitas; à puero imbutus disciplinâ Bonziorum. Sed cum anno ætatis 15. cum parentibus in Insulam Goto profectus esset, ejuratis Bonziorum superstitionibus, ad Patrum nostrorum cohortationem, unâ cum parentibus sacro latice ablatus est. Toparcha Oræ Gotensis, Ota appellatus (à quo

nomen suum traxit Augustinus) piâ liberalitate Ædem sacram erexerat, sacris Missæ sacrificijs, concionibus, reliquisque Christianæ pietatis exercitijs obeundis peropportunam; cui dum idoneum curatorem (quem Japones Cambo appellant) inquit, Augustinum invenit muneri huic longè aptissimum; præterquam enim quòd S. Guidonis æmulus, aras frondibus floribusque exornaret, supellectilem lineam & Templi pavementum mundissimum semper asservaret; Sacerdotis insuper quandoque absentis vices, quoad fas, obibat: convocatos in sacram ædem Neophytos erudiendo, & confirmando in disciplina suscepta; præcinendo item devotos cantus, Fidei mysteria rhythmicè continentes, & certas cum illis preces recitando; ut

P p

præter





Augustino Ota Japon. Soc. IESV. pro fide Christi capite truncatus in Iaponia Ikinoscima. 10 Augusti A. 1622.

C. Secreta. d.

M. Küsel. f.

præter augustissimum Missæ sacrificium, ad solatium suum vix aliud desiderarent Neophyti. Verùm postquam exortâ persecutione Tempia Christianorum dejiciebantur, eâdem procellâ involuta fuit sacra ædes Gotensis. Mœstus proinde Augustinus Nangasachum ad Patres nostros recurrit, ibique conjugij onere, uxore demortuâ, solutus, alterius ejuspiam Ecclesiæ procurationem sibi demandari cum lacrymis postulat, unicum suum solatium esse dictitans, Templis & animarum salutem pro suo modulo deservire. Præfectus igitur Firandensi Ecclesiæ rursus Cambo, tantâ diligentia & zelo eam procurabat, ut ab omnibus pro Societatis operario haberetur. Lustrabat ille omnes oras sollicitus, & in lucrum animarum semper intentus; laborem

reputans pro quiete, pro præmio periculum, quod ea tempestate frequens subire necesse erat. Ob quæ sua merita A. 1621. datus P. Camillo Constantio socius, quamvis nondum in Societatem adscriptus, cùm in Gontenses Insulas trajecisset, unâ cum Patre ab apparitoribus Toni Firandensis comprehensus & vineulis onustus, in carcerem Ikinoscimanum compactus est. Erat arctus ille carcer, amplius virtutis campus Augustino, patientiæ præsertim, cùm in ea captivitate & fames gravissima toleranda esset, & foetores enormes hauriendi. Per quæ tolerata patienter mala, dum se comparat ad exhibendum Christo sanguinis testimonium, Xogum Imperator Cambacundoni filius certior factus de Patris Camilli & Sociorum comprehensione,



hensione, Patri Camillo rogam, socijs secures decernit. Quæ sententia ubi captivis innotuit, Augustinus impensè petijt in Societatem admitti; atque ut impetraret, supplices ad Præpositum Provinciale super ea re literas, adhibita Patris Camilli commendatione, roboravit. Erat Augustini virtus pridem cognita, & multis probata experimentis P. Provinciali; unde haud difficulter id, quod petebatur, concessit, facultate P. Camillo per literas datâ, eum in Societatem legitimè, & ad vota admittendi. Admiratione dignum

fuit; cum omnes Patris Camilli literæ ad Provinciale, & hujus vicissim ad Camillum, in manus hostium delapsæ intercidissent, has unas perlatas fuisse, idque pridie, quàm Augustinus moreretur. Ingenti ergo animi sui solatio in Religiosum statum admissus, vota fecit; & vitam, quam in Societate Jesu tracturum voverat, unius diei Tyro, virtute veteranus, pro Christo datis cervicibus prodegit. 10. Augusti 1622.



## P. CAROLUS SPINOLA.

**S**anguis Martyrum non tantum semen est Christianorum, sed etiam exhortatio Martyriorum, dum imitari non piget, quod celebrare delectat. Celebrabatur ubique secundis rumoribus gloriosa mors P. Rodulphi Aquaviva, Ducis Atriæ Filij, in odium Fidei à Salfettanis occisi, eo planè tempore, quo Carolus Spinola è Comitum Tassaliorum Illustrissima progenie, Patre Octavio, Rodulphi Cæsaris magno stabuli Magistro, Pragæ in Bohemia natus, ex assidua mortis & sæcularis vanitatis meditatione, de ingredienda Societate JESU deliberabat. Qui hâc Rudolphi victoriâ ad paris mortis desiderium succensus, spe potiundi in Orbe novo gloriosi Martyrij, sinè mora admissionem in Societatem postulare statuit; quam spem valde confirmabant dicta velut Prophetica Patris Bartholomæi Riccij, dudum antè Carolo disertè asseverantia: *eum Societatis Religiosum, Japonia Apostolum, & Christi Martyrem aliquando futurum.* Desiderium hoc suum postquam cum Moderatoribus pertractasset, jussus est deferendi sæculi veniam petere ab Amicis; qui non leviter initio repugnarunt, periclitandi, ut solent, studio, an ex DEO foret vocatio. Sed perrupit difficultates omnes ingenti constantiâ Carolus, quam insigniter expressit in literis ad patrum suum Cardinalem Philippum Neapolim datis. *Intellexi (scribit ipse) proferendum esse bene longè adventu P. Rectoris; sed obtestor Dominationem Vestram Illustrissimam, ne gravetur proximo tabulario sententiam mihi suam perscribere, ut Festo S. Thomæ ingredi in Societatem queam: neq; diutius obsecro me moretur, quia moras non fero. Adventu Rectoris jam mihi non est opus, cum hic adsit Provincialis, qui compotem me facere poterit. Si fortè Dominatio Vestra me ducat, donec re-*

*sponderit Dominus Octavius, affirmo ejus me approbationem suæque deque habere: nam seu venerit, seu manserit, desiderium meum tamen nunquam retardabit. Quod verò cum Illustrissima D. V. hanc rem tractaverim, id solius officij causâ feci; indecorum ratus, si omitterem; non quod auctoritatem veniamq; Vestram expectarem. Nam quamvis veniam mihi recuset, ego ultro mihi faciam, iboque in Collegium, neque inde discedam; neque expellere me valebunt, quando DEO potius, quam alteri debeant obedire. Ac si fortè in suorum me numerum referre nolint, scribam ad eorum Præpositum Generalem; aut etiam efficiam, ut ipse Pontifex Maximus intelligat, resciscâtque. Imò ut me deficiant omnia, spero tamen non defuturum angulum aliquem in extremis Mundi finibus, in quo vel herbarum radicibus, vel paucillo salsa aquæ vivam: nam si Deus pro me, quis contra me? Si modestia modum excessi, Dominatio Vestra queso adscribat magnitudini desiderij, quo feror in Religiosam vitam. Spero Illustrissimam Dominationem Vestram, utpote Cardinalem (hoc est Ecclesiæ Sanctæ Cardinè, ac speculum) non commissuram, ut tantum boni negetur uni nepoti suo indigno. Etenim si alijs eum Ordinem ingredientibus semper favit, mihi certè videtur etiam ampliùs adesse debere. Pluribus supersedeo, nè molestus sim. Nolæ 7. Decembris 1584.*

Ex his literis perspectâ Caroli constantiâ acquievit Cardinalis, ut Carolus annum agens vigesimum, 23. Decembris A. 1584. Societatem Nolæ ingrederetur. Ubi Tyrocinio sub P. Bartholomæo Riccio, & in contubernio P. Bernandini Realini (quo familiariter utebatur) absoluto, ad studia Philosophica Neapolim missus, in Societatem incidit B. Aloysij Gonzagæ, cujus se sanctissimâ consuetudine usum gloriari solebat. Sed quia initia mali phytici in eo apparere cœperant,





P. Carolus Spinola ex Marchionib, Italia. P. Sebastianus Kimura primus e Iaponibus Sacerdos, cum 7. alijs Soc. I.E.S.V. lento igne pro Christi fide exusti. Nangasachi in Iaponia. 10 Septemb. A. 1622.

c. s. d.

M. K. f.

salubrioris aëris gratiâ Mediolanum proficisci iussus, dum Romæ tantisper subsistit, operam dedit P. Clavio Mathematicas disciplinas docenti; eâ felicitate, ut easdem subinde Theologiæ discipulus, alijs publicè traderet Professor; eâ tamen modestiâ, ut si discipulorum scriptis suum nomen præfixum legeret, illud mox aut eraderet, aut oblitteraret. Porro inter studia adeò non elanguit fervor virtutis in Carolo, ut potiùs domesticis omnibus exemplo esset, externis admirationi. Ad statas meditandi horas adijciebat alias extra præscriptum; orationis item binas, affectu plenas, & indices illius ingentis desiderij, quo Martyrium ferventissimè expetebat, manè primum, ac subinde per diem sæpius recitabat: diebus recreationum, & per autumnas

les ferias, pagos castellâque concionabundus obibat; cui operi tam erat addictus, ut totam vitam consecraturus fuisset docendæ Catechesi, si missionem Japonicam non impetrâisset. Cùm Breræ Parthenio Sodalitio per quadriennium præesset; inter reliquos, & hunc adinvenit Beatissimam Virginem colendi modum, ut Sodales repetitâ novies salutatione Angelicâ, novem interea beneficia Virgini à Christo, per novem menses in utero gestato, concessa meditarentur. Dum vero scholas inferiores doceret Magister, formandis discipulorum moribus ita temporis intervalla distinxit, ut suâ cuique attributâ horâ, seorsim eum unoquoque tractaret, & nunc salutis negotium, nunc meditandi artem, alias puritatis amorem commendaret; eo fructu,

ut



ut complures è Nobilissimis adolescentibus in publica Gymnasij area humilitatis & mortificationis exercitia obiverint, plurimi autem contemptâ sæculi vanitate eidem valedixerint.

Sacerdotio A. 1594. initiatus, novum ad omnem virtutem concepit ardorem; preces Canonicas de genibus semper, quod & in Japonia pertinaciter observavit, persolvebat; SS. verò Missæ Sacrificium Seraphicis inflammatus peragebat affectibus, in quo pellem propelle, sanguinem pro sanguine, per Martyrium fundendum offerre solebat Deo Eucharistico, ut cupitam ad Japones impetraret missionem. Quam dum per literas absolutis studiis rursus urget, Cremonam interim suo Apostolico fervore ita ad pietatem inflammavit, ut se cives ipsi alios esse stupeant. Inter hos labores, allatæ sunt expectatissimæ literæ, de concessâ missione in Indias: quam ut adornaret, Mediolanum citissimè reversus, valerèque jussis Consanguineis, frustra iter præpedire conantibus, Genuam contendit; ubi dum occasionem navigandi in Hispaniam operitur, literas scripsit ad Socium olim suum Pompilium Lambertengum, è quibus elucet ingens desiderium difficultatis pro Christo patiendi. Eæ sic habent: *Præteritis diebus ne tempus perderem, Litaniæ collegi Nostrorum, qui hucusque pro Christo sanguinem fudère. Duxi ea Reverentiæ Vestre perscribenda, ut numerum haberet absolutum, meique subinde memor, eorum me precibus commendaret, ut & virtutes imitari quæam. Quid me vult facere? si pati aspera non poterimus, at saltem delectabit spectare quæ alij tolerarunt, eorumque nos flammâ accendere, ac parare. Ecquando erit illud tempus? O dies! O hora! O momentum! O Pater Pompili, quanta suavitas vel cogitare secunda penas mortis, pro Christo tolerata! Ecquid ergo erit ipsum mori? Jam Rev. V. hoc insigne munus meum remuneretur, visendo semel ad sacratissimum Christi Clavum, eumque deprecando, ut ille mihi cor configat, affixumque pedibus suis retineat in Cruce. Et sanè explevit aliquatenus ejus patiendi desiderium uberrima ærumnarum messis per navigationem Indicam tolerata. Nam cum eò jam provecti essent, ut Promontorium Bonæ spei se propediem superaturos crederent, clavum navigij rupit vehementia venti. Discors erat inter Nautas consilium, quid in re trepida facerent. Milites, qui Nautarum ægrotantium invaserant officia, quæstionem definivère, coacto Navarcho in Bajam Brasiliæ cursum dirigere. Quo tempore P. Carolus difficilem febrem à*

nautis, quos obsequijs & spiritualibus allocuijs solabatut, contraxit. Idibus Julijs post multa pericula, portum Brasiliæ hilares tenuère. Unde quinto post mense 12. Septemb. mare rursus ingressi, tam immanibus jactati sunt procellis, ut mortis facies omnium oculis obversaretur; quare die nocteque integrâ in excipiendis confessionibus occupatus erat cum P. Hieronymo de Angelis Carolus, pro maris tranquillitate patrociniū identidem invocans Nostrorum Patrum, qui ea ipsa maria olim suo sanguine pro fide sparsa purpuraverant. Posthæc die 25. Martij anno 1597. in portum Insulæ Boriquenæ, quæ ad occidentalem Indiam pertinet, inventi, & ab Antistite Judicæque Regio perhumaniter accepti, suam illis vicissim operam cum salute plurimorum impenderunt. Doctrinæ Christianæ explicationem per socios in summa urbis æde, & in plateis instituit ipse cum P. Hieronymo; dumque naves instaurarentur, omnes Urbes Insulæ circumvit, donec laboribus fessum utrumque duplex invassisset tertiana.

Quinto, postquam huc appulerant, mense, mutato consilio, relictaque navi Indicâ quâ venerant, aliam conscenderunt, exiguam atque inermem, & die 21. Augusti vela fecerunt æger uterque, ut neuter alteri opem ferre posset. Accessit ad ægritudinem & ille dolor, quod dum ipsi Indiam avidè peterent, tandem 3. Januarij A. 1598. se Olyssipone esse viderent. Dum enim Insulas Tertias præterveherentur, in Anglicanam navim impegerunt, cui cum resistendo non essent, rebus omnibus præter vestes spoliati, exiguo lembo, per immanes tumultuantis Oceani fluctus, longissimo spatio deportati sunt in navim Præfecti, à quo interrogati sunt de Patria & conditione. Carolus non ignarus, quanto in odio apud Anglos hæreticos esset Societas, tam insigni patientiæ occasione lætus, apertè professus est, Religiosos se esse Societatis, genere Italos. Sed contrâ, quàm sperârat, res evenit; Præfectus enim humanissimè exceptos, in Angliam secum deduxit; indeque calceis, & tibialibus, atque pileo Anglicano (ut securiores forent) donatos, in Lusitaniam Ulyssiponem remisit. Ubi intonsus crine & barbâ, in vestitu alieno & vili, nautæ quàm Religioso similior Carolus, initio non agnoscebatur. Agnitus tandem est eò majori cum gaudio, quod diutius nihil de eo vel rumoris acceperant. Optabat ille quidem mox Indiam repetere, sed Moderatoribus visum est expectare Præpositi Generalis voluntatem. Itaque



in Lusitania eo anno manere coactus, quatuor solennia vota nuncupavit. Sub extremum verò Martij anni insequentis, Indicum rursus ingressus est iter; & A. 1602. incredibili animi sui gaudio Nangasachum tenuit, quod per viginti quatuor millia milliariorum jam alterà navigatione petebat.

Annos 20. egit in Japonia Carolus, è quibus 16. Ethnicorum, Christianorumque excolendis moribus dedit, principio quidem publicè, clanculum deinde, quatuor verò non omnino integros inter incommoda maxima carceris Omurani duxit. Initio ergo ad Arimense Collegiū missus, Japonicæ linguæ discendæ causâ, administravit simul Annunciatæ Virginis in Seminario Sodalitatem. Inde post annum missus Ariam, apud se decrevit, nullum subterfugere laborem, quæ vineæ sibi commissæ vigorem tueri augerèque posset. Itaque non rarò jejunos lassusque uno aliquo è loco reversus, in alium ad plures sæpe leucas diffitum avocabatur; neque alio cibo, somnòque recreatus, atque illo, quem suggerit ardens salutis alienæ studium, spiritusque fervor, promptus se conferebat quocunque accersebatur. Ubi spiritualia egentibus subsidia ita impertijt, ut corporum quoque egestati provideret, tum pauperrimo suo peculio, tum collecto à Lusitanis, Japonibusque Christianis subsidio, quod proprijs semper ad eos humeris deportabat. Cui singularem etiam Deus gratiam conferre videbatur, adducendi ad Christianam Fidem gentiles omnes, cum quibus egisset; ut in tanta temporum iniquitate, quantam ipse invenit, ad quinque tamen hominum millia suis manibus baptismo tinxerit. Accidit ut infantem alicujus barbari abjectum, atque animam agentem plebs admirabunda circumstaret, quâ dimotâ Carolus, velut medicinam facturus, expressam strophio aquam capiti jacentis asperxit, pronuntiata sacrorum verborum formulâ, & paucas post horas lustratus infans animam exhalavit. Tantum gaudiorum attulit Patri lucrum illud animulæ alioqui fortè perituræ, ut disertè affirmaret, etiam si DEUS non aliud illi reddidisset laborum præmium, quos exhauserat, vel deinceps toleraturus erat, existimaturum tamen se plus satis recepisse mercedis, vel unicâ illius animæ salute, abs se tanquam instrumento, procuratâ. Inter has proximi adjuvandi curas, sui non negligens, redibat bimestri quolibet in Collegium, & spiritualibus auxilijs lassitudinem animi recreabat; sicque novus semper & vegetus ad labores redibat.

Exacto ferè biennio Meacum est missus, ejusque Collegij Ministrum annos 7. egit, tantâ in omnes charitate, tantâ affabilitate, morumque comitate, planè ut exemplo proponi omnibus soleret ad imitandum. In sese unum severus erat & asper, repetitis à se pœnis quotidie per flagellationem, quâ se per Quadragessimæ dies adjecto unâ cilicio cruentabat. Victus illi tam modicus, ut perpetua quædam abstinentia vocari posset; cui frequentia tamen jejunia admiscebat. Japonicos fructus, quos appetunt maximè Europæi, ne gustatu quidem multis annis delibavit; tenuissetque id propositum sui vincendi constantissimè, nisi jussus fuisset rigorem remittere. Par huic se cum pugnandi ardori erat egregia illius animæ cum DEO conjunctio: & quotannis quidem mensis spatium intra se collectus, cum DEO per Exercitia Spiritualia, ardentissimique amoris affectus consumebat; sed & inter orandum quotidie tantâ Cœlestium voluptatum dulcedine perfundebatur, ut eam per uberes lacrymas, maximè dum Sacris operabatur, cogeretur explicare. Ab hac intima cum DEO necessitudine manabat Cœlestis illa animi fortitudo, quâ generosissimè mortalem hanc vitam aspernabatur, nec non promptitudo illa tam constans, quâ nullam non amplectebatur occasionem patiendi. Erigebat ipse cæterorum animos maximis in periculis, efficiebaturque, ut prompti evaderent ad vitam vel per tormenta, si res ferret, abiiciendam, quos alioquin solæ pœnarum minæ consternarant. Per id tempus curam quoque sustinuit Sodalitij Catechistarum dirigendi, quod non exemplo minus, quàm verbis, ad omnem virtutem informavit. Post annos 7. Meaci exactos, munus Procuratoris Provinciæ suscepit; per quâ occasionem cum Nangasachum migrare cogeretur, incredibile dictu est, quàm graves acciderint Christianis omnibus discessus ejus nuncij, qui Patris instar eum & amabant, & venerabantur.

Inter hæc, gravissimæ illius persecutoris turbine Socijs omnibus Japoniâ proscriptis, coactus est simul etiam obire partes Vicarii Generalis in Ximeni tractu, pro P. Valentino Carvallio Societatis Provinciali, qui defuncto Japonensi Episcopo, jussu summi Pontificis, Administrator erat Episcopatus. Itaque ad latendum occultius, novum sibi apud exteros nomen indidit, Josephi à Cruce; quo tamen simul palam profitebatur, quid extaret in animo. Cujus temporis exantlatos pro Neophytis labores commemorat modestè ipse



ipse in literis ad P. Pompilium datis 20. Martij 1617. *Jam duo ferè anni sunt, inquit, & dimidiatus, ex quo Christianis hisce excitandis colendisque, magno cum labore incumbo. E domo in domum etiam succedo, noctu confitentes audio, simulque hic sacris operor, quia proprijs edibus careo. Plerumque solus, absque omni hominum consortio ago, nec vel unius diei relaxationem habeo, prater eam, quâ Dominus eos imperitur, qui amore sui se fatigant, adversasque res perpetiuntur. Gravissima quæ me torquet acerbitas est, non solum pampinos, florèmq; vineæ hujus adverso Tyrannidis turbidine videre prostratos, verum etiam vnas propè jam maturas, tot tantorumque laborum nostrorum spem collapsam. Inter hæc tamen valetudinem tueor, ut queo; neque vel tot rebus deficientibus, unicâque in diem refectio, eaque modicâ pastus, adhuc macresco; atque ita reipsa sentio verum esse illud: Non in solo pane vivit homo. Demum tamen, quia ob Provinciæ procuracionem minùs occultum eum esse oportebat, ad quem erat omnibus perfugiendû, exploratorum insidijs proditus, in manus incidit Imperatoris Ministrorum.*

Multorum opinio fuit, eam captivitatem P. Carolo divinitus fuisse significatam; nam diebus eam præcedentibus longior erat in sacro Saciendo, instarque hominis à sensibus abstracti; in orationibus prolixior, in familiari consuetudine lætior & affabilior. Bido etiam antè ab oratione surgens, Catechistam advocat, supellectilem illi tutò occultandam committit, pyxidemque icunculis instructam, quas in morte sua dari Patribus, amicisque jubet. Duo etiam Rosaria è scrinio extrahit, alterum pro fratre, pro sorore alterum sui Dogici. Ipsi Dogico pileolum quendam candidum donat, dicens: *Hunc in mei memoriam servato: cumque Dogicus diceret: se cum eo commori paratum esse; reposuit: Evenient omnia pro placito DEI; sed scito te mali nihil esse perpeffurum.* Inter hæc persuasus ædes mutavit; in quibus cum Ambrosio Fernandez (ut supra narratum est) captus An. 1618. & in carcerem illum Omurensem ærumnosissimum inductus, Socios ibidem jam inclusos arctè complexus, in ea D. Clementis Martyris verba prorupit: *Non meis meritis huc me misit Dominus, vestris Coronis participem fieri.* Simulque tantâ dulcedine repletus est, ut non in carcerem, sed in Paradisum Cælestem sibi ingredi videretur. Certè ad quendam hæc verba ardentissimè scripsit: *Ecquando ô DEUS meus, hoc ego beneficii meritis sum, ut dignus efficerer pro nomine JESU contumeliam pati! O bene collocatos labores meos, quos itinere*

*tam longo ex Italia in Japoniam tuli! O bene remuneratos dolores, præsertim illos, qui Tyrannidis hujus sævientis temporibus tolerati sunt! Etiam si nunquam assequerer, quod præcipuè semper expetivi, cuiusque desiderio in has Regiones profectus sum. Et tamen locus ille carceris ejusmodi fuit, ut ipse P. Carolus de eo scripserit; neminem esse, qui, aestimato inferioris appetitus sensu, non uallet vivus cremari, quàm eum ferre; uti fusiùs in vita Ambrosij Fernandez descripsimus. Angustè admodum habemur, scribit ipse ad quendam, neque enim quisquam plus habet spatij, quàm duorum palmorum & trientis: singuli corporis sensus proprijs doloribus conflantur. Ordinaria epula sunt lances duæ oriza frigida, aquâ purâ coctæ; paropsis una Xiri (Sorbitionis id genus est, herbis ingratis mixta) tam amari, ut hauriri vix queat. Ad hæc exiguum radicis cruda ac salsa, aut par unum hæcularum, aquâ calidâ, aut frigidâ salitarum.*

Mox è carcere ad plurimos Societatis Patres literas dedit ardore Cælesti plenas, quibus gaudiorum suorum copiam explicabat, omnibus epistolis deinceps subscribens: *Carolus incarceratus; aut Carolus pro Christo captus.* Earum literarum frustatim paucas delibabo, ut ipsius verbis explicem pectoris inflammati desideria: *Tandem, inquit ad quendam, venit hora mea, atque ut clarè mihi innuit voluntas Numinis, ita Divina ejus Bonitas sperare me jubet, non egressurum me hoc carcere, nisi ut in Cælum mittar. Quare consolationibus superabundo ob tam felicem conditionem, quæ mihi obtigit, expectans felicissimam exitus mei horam. Utinam ita Domino placeat, ut hinc non egrediar, nisi ad moriendum, aut ad Evangelium liberè disseminandum! O mi Pater, quante liberaliter mihi Dominus labores meos omnes vel hæc gratiâ compensavit, quod amore illius captus sim! O Pater, quam suavis & deliciosa res est pro Christo pati! Id ego, ex quo in hunc carcerem veni, liquidius experior. Hinc ingens eum anxietatis sensus urebat, quoties ei scribebatur fore, ut è Japonia proscriberetur: blandèque cum eis exposulabat, qui eum similitum rerum admonebant, obtestans tam injucundis nuncijs indicandis abstinere. E contrario si quis significasset moriendum ei pro Christo fore, perpetuòque carcere jam damnatum esse, Sacri unius munus illi pro nuncio reddebat; tantæque interim gaudiorum suavitate obruebatur, ut celare non posset. Sic loquitur scribens ad Rectorem Nangasachensem: *Magno me solatio affectè jucunda illa nova, quæ suis mihi literis nunciat: at longè certè meliora sunt, quæ ex ipso Gonroci ore**



nonnemo fide gravitatēque spectandus accepit, nimirum Octobri proximo vivos nos igni esse comburendos. Utinam veri sint nuncij! O Pater dilectissime, si palo semel alligatus, ignēque combustus pro Christo fuero, quanta erit illa mea felicitas! Equidem animadverto tanto me favore longē esse indignissimum; sed immensum quoque DEI miserationem esse non ignoro. Iterum ad eundem: Sani, inquit, incolumēsque in Paschatis ferias viximus, peractā licet cum parcissimo cibo Quadragesimā, habitaque in dies singulos bene longā corporum flagellatione. Id solum deest ad summam, ut nova illa adferantur, brevī nos abreptum iri in macellum. Etiam si verō navigijs nos non imponant, ut ē Regni finibus relegemur, certē in hoc carcere mori parati sumus. Quā verō in tam grandi praestantissimae charitatis, Divinique amoris impulsu, de se demissē sentiret; quā se indignum, qui vitam pro Christo profunderet, existimaret; quā sedulō, nē ob suas fortē culpas ab hac gloria rejiceretur, amicorum patrocinium imploraret, sic ad alium expressit. Abhinc diebus aliquot percrebuit rumor, vivos nos hoc anno crematum iri: unde fortē prius exilio hoc meo absolutus abiero, quā hē mea ad Reverentiam Vestram perferantur; quod certē quāmcitissime finire cupio, ut ego quoque finem faciam illius offendendi, cui tantum debeo. Caterū vale mi Pater charissime, dum inter nos visamus in Monte Sancto, nisi mea me peccata tam insigni occasione intercludant. Alteris ad eundem sic ait: Ternas à Reverentia Vestra accepi, ē quibus cū vestrum in me amorem, tum mei in carcerem comitandi studium intelligo. Sed fallitur vehementer, dum honestius de peccatore hoc miserrimo opinatur, qui peccator tantus sum, non quidem defectu Celestis gratiae, quā assatim mihi dari sentio, sed quia eā minus, quā decet, proficio, neque tempore utor, quod, ut morti me parem, concessum mihi est. Nihil in me boni deprehendo, praeter voluntatem multa pro DEO patiendi avidam, factamque ad omnem ejus nutum, seu centum annis velit me hoc carcere affligari, seu in exilium extra Japonem expelli. Id unum cruciat, quod vitam mihi sentiam prorogari, quā perpetuō (quā mea calamitas est) Deum offendō; mortēque expecto, ut finem aliquando faciam illius exasperandi: sperōque deprecationibus Reverentiae Vestrae, & aliorum, aut Crucem impetraturum me, aut ardentem pyram.

Illud autem prorsus admirandum, quod tot ac tantae in quadriennali carcere toleratae molestiae, adeo inexhaustam ejus patiendi sitim non sedaverint, ut voluntarias etiam poenas affligendo innocenti & semivivo cor-

pori identidem adderet; & cū solā orizā in aqua decoctā victitarent in carcere martyres, Carolus tamen affligendi sui studio, & hoc alimento pluribus per hebdomadam diebus abstinebat, eosque exigebat arctiori inedia. Cilicio ferē continenter induebatur, demptisq; festis, quotidie se cum socijs acriter verberabat, petebatque identidem à Procuratore Japoniae nova flagella, thoracēsque setaceos, quia datos frequenti usu citò atterebat; & quamvis vestem, indusumque toto triennio nunquam, haec tamen mortificationis instrumenta, mutavit aliquoties. Quo vitae tenore extremum saepius mortis subiit periculum, non semel ad supremam lucram sacro inunctus oleo; Deo tamen reddente illi virium integritatem, subinde supra spem omnem humanae opis. Cumulabat omnes morborum difficultates saevitia satellitum, qui nec guttam aquae, extra prandij cernaeque tempus, importari sinebant, ad mitigandos febrium ardores. Carolus tamen in summa humani solatij inopia, Divinis recreabatur adeo, ut ad quendam ē nostris ita scripserit: *Eo ipso arummarum tempore non capiebat pectoris mei angustia latitiam, quantam nunquam aliās expertum me memineram, sic ut praehilaritate gestirem, viderēque Celi limen introire.*

Ut à febribus paulisper convaluit, nova se illi obtulit patientiae seges; cū ipse, duoque alij, adulto jam Novembre, seminudus, & adversus Coeli frigidi injurias indefensus, vinctus catenis, & in angustum navis angulum compactus, Firandum itinere milliarium 90. contendere jussus est. Causa itineris erant duo Europaei, ē Philippinis Insulis advenae, à pyratibus Hollandis Anglisque comprehensi, & quod Sacerdotes ac Religiosi essent, per suspicionem accusati; quod cū illi dissimularent, visum est Judicibus ex Omurenſi carcere advocare aliquot, à quibus scilicet recēns captos cognitum iri expectarunt. Die 25. Novembris producti nostri, vivorum instar cadaverum pallidi, vinctulis constricti, seminudi, spectaculum vel ipsis barbaris facti ad commiserationem. Sed cū duos illos captivos, utpote nunquam antē vivos, & recēns ab Hispania advenas, non nosset, in carcerem Omurensem re vesti sunt: ac tum demum duo illi facti sunt se Religiosos esse, qui ad Christianam Fidem propagandam adnavigassent. Quod ubi Imperatori significatum fuit, irā impotens, illos, & quotquot vincti tenebantur Religiosos, vivos cremari jussit. Hujus edicti fama cū ad carcerem Omuranum perlata esset, haud facile creditu



creditum est, quantâ communiter hilaritate captivis audita sit. Carolus statim amicos salutare literis, quasi brevi è vita discessurus, instituit, quâ quia ardentibus planè sunt, ultimâque quas scripsit, prætereundâ non videntur. Rectori Nangasachenfi scripsit 26. Augusti 1622. Malè admodum me habuit febris continua, à 20. Junij in Idus Julias, absulitque quod reliquum erat virium, planè ut moriturum me opinarer: sed vivere me Dominus voluit, ut unâ cum alijs Sodalibus in holocaustum offerret. Apparet eos certè jam inde ab extremo Julio anni elapsi voluisse, ut arctius constringeremur, ut fame incommodisque majoribus vexati, paulatim Martyrio nos appareremus. Nescio cui felicem hunc successum acceptum referre debeam, nisi immensa benignitati Domini mei, qui divitias suas in servo aliquo suo indigno (qualem me agnosco) patefacere vult; ac precibus Patrum, Fratrumque Societatis. Quia autem vereor de fore qui meas impostum perferat ad Reverentiam Vestram, hisce valere eam jubeo, petoque veniam culparum mearum, obtestorque, ut me juvet in reddendis pro tam insigni beneficio gratijs, simulque mihi impetret à DEO constantiam obeunda mortis, dignam non degenerare filio Societatis. Die 28. ad Præpositum Provincialem scripsit in hæc verba, quæ carptim describo: Heri insigni furore satellites in carcerem inopinatè involarunt: credebamus proijs, quos acceperamus nuncijs, aut trucidatum nos iri, aut Nangasachum avehentos: sed mox intellectum, venisse ut numerum inirent captivorum. Audivimus felicem obitum eorum, qui venire Manilâ; puto nos brevi quoque incendio conflagaturos. In omnem casum (quæ DEI gratia est) parati sumus, felicem illam horam expectantes. Attonitum certè me habet immensa DEI bonitas ac clementia, quæ indignissimum mancipium tanti beneficii honore dignatur, quantum est, vitam pro ejus amore ac nomine fundere. Neque eâ me cogitatione expedire valeo, quin illa Apostoli verba usurpem: Non est volentis neque currentis, sed miserationis DEI! Quare existimo sacrificijs Reverentia Vestra, aliorumque Patrum, præcipuè eam gratiam exoritam esse: atque ita secundum DEI, Virginisque, & aliorum Calitum patrocinium spero, illorum ope me illud quoque corporis animique robur impetraturum, ut supremum certamen obeam, pro dignitate sincera sobolis Societatis IESU. Ceterum hisce Reverentiam Vestram valere jubeo, abjectusque ad ejus pedes, nostrarum mearum veniam deprecor, præcipuè quod parum adeò profecerim tot sanctissimorum præsidiorum auxilio, quot in carcere suppeditarunt quadriennij spa-

tio, ad perfectionem assequendam; petoque suâ me cumulet benedictione. Patres, Fratresque omnes, quos ultimùm affectu maximo complexus sum, obsecro uti me in referendis Divine Majestati, pro tanto munere gratijs adjuvent, impetrentque constantiam ad usque finem, præcipuè cum ultimus morbus adeò vires mihi exhausserit, ut agrè pedibus consistam, &c. subscribit autem; Carolus morte damnatus pro nomine IESU. In eandem sententiam dedit literas biduo post ad P. Visitatorem, & Nangasachum ad Sodales Misericordiæ, quibus eos hortabatur, ut magnis animis vim ferrent Tyrannidis sævientis: quas deditâ operâ in itinere abjecit, cum Nangasachum ad incendij supplicium proficiscebatur, ut nempe à Christianis legendi avidis tollerentur.

Post paucos dies, quàm obierant supplicium, qui Manilâ venerant, jussu Gonro-cui Nangasachenfis Gubernatoris, producti sunt ex Omurano carcere 24. Religiosi, manibus vinctis, relictis in custodia Sacerdotibus duobus, Dominicano uno, altero Franciscano, alijsque Japonibus sex, quod Nangasachi capti non essent. Post amicos complexus, Psalmos aliquot dulcissimis lacrymis mixtos alternis modulati sunt. His finitis, beata illa cohors suo tugurio excessit; hòc majoribus latitijs, quod istud supplicij sui initium in sextam feriam incidisset, quâ jejuniû præstare consueverant, memoriæ morientis Christi. Nave conscensâ, vecti sunt militibus undiq; stipantibus, & omnium ad eos alloquendos accessum prohibentibus. In itinere porrò, quod paucarum erat leucarum, alacritate maximâ nunc classarios, nunc nautas adhortabantur, ad retinendam Christi Fidem, si quidem Christiani essent; ad arripiendam, si gentiles; ad pœnitendum, si Religionem tormentorum metu deferuissent; donec ad Castellû Nangaia attingerent, tertio à Nangasacho lapide; ubi celerrimè in equos fuère sublati, ne Christiani cujuscumque colloquio interPELLARENTUR. Captivos omnes præcedebat Carolus, ceteri sequebantur indiscriminatim, occupabatque suus cujusvis latus carnifex, restim tenens captivi cervicibus innexam. Sic leucas itineris duas confecere: & cum occupasset euntes nox, in Uracamo quievère. Inclusi primò fuère septo ligneo sub dio, sed mox, cum ingens decideret pluvia, arctissimè juncti, unum in mapale eâ nocte sunt compacti. Lucescente in Sabbatum die, multi accurrere Christiani, è quibus soli tres cum eis loqui sunt permessi. Horum unus erat Dogicus P. Caroli, ex quo nuncium cer-



tæ per incendium mortis accepit, incredibili suâ lætitiâ; vicissimque illi memoriæ suæ quoddam pignus, illud ipsum flagellum dedit, quo se in custodia consueverat diverberare. Ut ergo nuptiali illo die prodiret festo quasi vestitu spectabilior, amiculum Clericale candidum sibi, Patrique Sebastiano Kimuræ; cæteris verò Societatis Sodalibus pileos vestēsque novas parari voluit. Ad hæc vexillo, cui JESU nomen esset inscriptum, manibus prælato, mori decrevit, ut vim vigorēque à fortissimo hoc Nomine inter flammās hauriret. Sed nihil ei horum permissum fuit. A meridie eodem, quo dictum est, ordine, leucæ unius iter peregrare ad supplicij locum, qui sancti cognomento (à sanguine inibi crucibus affixorum A. 1597.) est consecratus. Plurimi per viam occurrere Christiani, videndo spectaculo excitati, qui fufis lacrymis eorum benedictionem patrociniūque precum expetebant. Ad hos versi Heroes, *Filioli*, inquebant, *nolite dubitare, è Cælo (quò brevi Divinâ juvante gratiâ pertingere speramus,) opem feremus. Ad mortem usque constanter eam Fidem, quam docuimus, tenete: atque illud de Divina Bonitate sperate, quòd tanta in necessitate causam suam Deus deserturus non sit.* Reliqua confertæ Christianorum Ethnicorumque turbæ strepitum cientes, longius exaudiri non patiebantur. Ferunt numerata fuisse Christianorum dumtaxat, qui confluerant, triginta millia. Cum ad id loci venerunt sancti Athletæ, unde parata supplicio tormenta licuit intueri, sermone gestūque, quàm potuere jucundissimo, consalutârunt. Quia verò nondum advenerant Nangalacho reliqui socij 30. quibus capita erant amputanda, horâ ferè integrâ ad suam quisque columnam astricti, eorum operiebantur adventum. Erant in ijs nonnulli, qui Patres hospitio texerant, cum Uxoribus, liberis, & vicinis: conjuges præterea ac filij quaternorum, qui paucos ante annos vivi, amore Christi fuerant combusti. Utrumque agmen, suavissimâ invicem salute impertitâ, intra septum se recepit, subitòque coijt militum manus, ad tuendum adversus tumultus. Septi medio sedebat alto sublimis throno Xuquendaynus, præcipuus Gonroci administer, quæ bimestri pòst, cum sagacissimè in Religiosos inquireret, ut in eos furorem effunderet, ultio Divina secuta est; nam inter convivas accumbens, vix altero sumpto bolo, exanimis concidit, & mortui cadaver, combusti instar corporis nigrescere, teterriimūque exhalare odorem cæpit.

P. Carolus antequam vinciretur, ad columnam suam prostratus, quanto potuit affectu gratias egit Divinæ Bonitati, pro tam insigni collato in se beneficio, arctissimeque eam complexus, sæpius pectori appressit. Ubi verò se in pedes erexit, à licitoribus levissimè, & ferè in speciem palo est alligatus, ut nimirum expedire se facili modo, flammisque eripere, si liberet, posset; quam in rem, quoque apertæ patebant septorum fores; quippe hoc erat indicio conventum, ut Religionem ejurasse censeretur, quisquis incendio se eripuisset. Omnibus alligatis, cæterisque è regione in conspectum, quibus capita erant rescanda, adductis, Carolus illum Psalmi versum: *Laudate Dominum omnes gentes*, elatâ voce præcinit; carmen reliquum cantu exequentibus socijs, alacritate magnâ vocis vultusque, non sinè lacrymis spectatorum. Quoniam verò Carolus præcipuis Judicij Administris erat vicinior, oculis ad Tribunal versis, in quo præsidebat Xuquendaynus, constantissimâ morum licentiâ: *facile*, inquit, *apud vos ipsos æstimare potestis, visâ hac alacritate nostrâ, in dirissimo mortis supplicio obeundo, an Religiosi homines in Japoniam irrepant studio occupandi Regni, an verò cupiditate aperienda vobis in Cælum via, quæ sola patet per Religionem Christianam. Non ambit opes sceptræve Christiana humilitas; quin imò calcat contemnitque amore Domini sui. Nos animis solummodo salutis vestre inhiamus, quæ posita est in cognitione vivi verique Numinis (quod gens Christiana vobis indicavit) legūque ejus observatione. Nos denique (quæ Dei Clementia est) vitam feliciter absolvimus, & post breves hosce cruciatus gloriam speramus sempiternam. Infelices miserōsque vos, qui viam insistitis, quâ in æternam ruitur mortem! Atque ut plurimos trucidetis, non deerunt (quod putatis) Christiani præcones, qui Japonibus imposterum apportent veram Fidem, quos invitat nempe mors nostra, non deterret. Quin imò, unius nostrum morientium vice, centum exurgent novi (ea est DEI Providentia) audaces juxta ac fortes Evangelij Propagatores, qui felicissimos sese reputabunt, si vitam sanguinē dare poterunt pro Christo; qui, quantam extremâ hac luctû pugilibus suis fortitudinem impertiatur, ipsi intuemini.* Deinde ad Lusitanos vultum convertens, tantâ eos vi efficacique ad sectandam Christianæ vitæ perfectionem adhortatus est, ut vir quidam gravis ac locuples vi orationis & exemplo dicentis commotus, valedicere mortalibus, & se DEO in Societate dicare decreverit. Dum hæc Carolus loquebatur, gladios nudare carnifices; cæteri;



cæteri, quibus truncandæ erant cervices, in genua se submittere, ad excipiendas secures. Tum verò Isabella Fernandez, conjux Dominici Georgij Lusitani annis superioribus combusti, ob Carolum hospitio receptum, quæ eandem jam ob causam gladio erat subjicienda, verbis affectûs significatione plenissimis, Patrem ultimò compellavit: ex adverso Carolus, qui filiolum ejus præsentem non animadvertibat (quem paucis ante captivitatem mensibus sacro fonte tinxerat, & Ignatij nomine, quoddam festo illi die natus erat, insigniverat) veritus, nè quis fortè puerum abscondisset, ut felicissimam illi eriperet occasionem honorandi innocentissimi sanguinis profusione Christum, Isbellam interrogat: *ubinam est meus Ignatius? aut quid illo factum est?* Isabella filium brachijs complexa, sublimèq; elatum ostentans: *Eecce*, respondit, *præsentem teneo, quem unâ mecum adduxi; ut illi per mortem offeram, à quo & vivum accepi.* Jube, inquit ad puerum, *fili, nunc ultimum valere Patrem tuum, qui aquâ te salutari iterum genuit Christo.* Incredibile quantum multitudinis animos commoverit egregia pueri, vix quartum egressi annum ætatis, religio, benedictionem Patris supremo illo articulo flagitantis; qui mox etiam postquam oculo irretorto vidit cadentem sub ictu carnificis Matrem, suam gladio cerviculam subjecit. Triginta fuere, qui sub oculis alligatorû palis, & jamjam incendij principium expectantium, truncati sunt, & ad terrorem augendum capita omnium ex adverso illorum locata. Supremo hoc tempore Carolus sacram absolutionem impendit Luciae de Freitas, quæ, quod sæpius optaverat, DEI beneficio erat affecta, ut vicina lateri cujuspiam Sacerdotis moreretur. Aderant expediti satellites, qui circumjectam materiam inflammarent; ad quos Carolus: *Nolite*, inquit, *mirari, si videritis à quopiam nostrum signum aliquod edi debilitatis; neque enim arc, aliòve metallo constati sumus, sed mortales carne languidâ sensibilique compacti, cui à natura comparatum est, doloris cujuscunque vel levissimi sensum percipere, ne dicam atrocissimorum incendij tormentorum.* Spero tamen confidòque, nobis adfore divinitus vim, quâ constanter mortem illius amore toleremus, ad Religionis veritatem asserendam, quam tot annis hoc in Regno docuimus, propagavimusq;. In tempore profectò adhibita fuisse videtur admonitio: duo quippe Japones Christiani, Religiosam quandam Familiam paulò antè ingressi, vim ignium sustinere diutiùs non valentes, iterum tertium-

que elapsi vinculis, magno reliquorum Confessorum dolore, ex incendio ad tribunal Judicum, vitandæ mortis studio evasere. Sed eorum jussu in flammam rejeçti, necquidquam vanum Amidæ, Japonij Idoli nomen implorantes, incendio aboliti sunt. Tertius Japon, qui semel ignibus extulerat pedem, mox facti pœnitens redijt in rogum, Fidemque moriendo sancivit. Illorum à Religione defectum justâ accidisse Numinis permissione declaravit quædam Caroli præmonitio, qui flens, priusquam è custodia excederet, fore prædixerat: *non omnes ex eo numero* (perinde uti evenerat quadraginta Martyribus Sebastenis) *coronam suam è manibus Angelorum accepturos; repetendo identidem per viâ hæc verba: vehementer angor animo, vereorq;, nè aliqui nostrum turpi casu suo festa lucis hujus letitiam corrumpant!* Commoverat ad hæc dicenda DEI servum, duorum triumve illorum Japonum asperitas pertinaciâque, quam in carcere monstraverant, nolentes morem gerere in re quapiam gravi. Quâ duritie animadversâ Carolus, pro eo, quo adversus eorum salutem, Divinæque studium gloriæ ferebatur ardore, adhortari eos ex composito cepit, spiritus illos altos demitterent, seque ad aliorum accommodarent morem; comminatus etiam severam Dei vindictam in eorum præfractam asperitatem. Satelles unus è custodibus carceris Omurani, qui præsens hæc audièrat, ac deinde spectaculo tristissimi casûs intererat; certiore, inquit, testimonio mihi opus non est, ut sciam, quantus vir Divinâ estimatione sit Carolus, quam audisse illum ipsum dicentem, quod eorum aliqui, qui è carcere ducebantur ut Christo immolarentur, festa pompa letitiam essent corrupturi.

Jam ignem materiæ satelles intulerat, qui quinque & viginti palmorum intercapedine ab exurendis distabat, ut crudelior existeret cruciatus, acriùsq; ad desertionem incitarentur, & paulatim per diuturniorem doloris sensum exsolverentur vinculis, priusque torrerentur lentè, quàm arderent; quin si aliquâ parte luculentior erumperet flamma, protinus coërcebant. Interea dum languido flammarum ardore ignis in viscera penetraret, immoto stabat corpore Carolus, oculis in Cælum fixis, Deoque sui corporis victimam in holocaustum destinabat; donec scintillæ quædam materiæ accensæ ad vestem ejus circa pectus adhærentes totum flammâ subito involverunt: cùmque diutiùs cum incendio luctari non valeret, in terram prolapsus, paulatim viribus destitutus est, primusque



omnium efflavit animam, renatus Cœlo per mortem obitam, die 10. Septembris 1622. cum ageret ætatis annum 58. ab inita Societate 38. Vir illustrissimarum virtutum clarus ornamentis, quem Japones perpetuâ retro memoriâ Columnæ instar firmissimæ suspensuri sunt, quæ ultimorum temporum decursu, per diuturnæ prædicationis molestissimos labores, dum pax permetteret: per sanguinis sui effusionem, dum Tyrannis ferveret, nutantem Christianæ illius Reipublicæ statum fortissimè sustentavit. Heroum omnium cadavera, eodem loco sitûq; triduum jacuere, arcè custodita adversus accurren-

tium vim, è quibus Christiani continenter ad venerandum adventabant, nullo prætermissio studio thesauri tam divitis potiundi. Deinde in mortuos rabie inflammati gentiles, ut eorum penitus obscuraretur memoria, altissimâ fossâ, Caroli Sociorumque cadavera, unâ cum columnis quibus fuerunt alligati, depressere, supellectilem sacram, quam illis abstulerant, luculento igne combustam contumulavere, raso etiam terræ pavimento, quod cruore suo Christi milites decorarent; & procul Nangasacho per mare dissipato.

### P. SEBASTIANUS KIMURA, & septem Socij Japones Patris CAROLI SPINOLÆ.



Uemadmodum Christianæ Religionis, ita & Sacerdotij primitiæ, DEO ita disponente, Kimuris in Japonia obtigere; avum enim Sebastiani primum è Japonijs, sacris undis abluit S. Xaverius, Sebastianum verò primum Japonem Sacerdotio initiavit Ludovicus Cerqueria è Soc. Jesu Episcopus, eundemque primum è sacerdotibus indigenis martyrio affecit Imperator Xogum, aliâ dictus Cubosama. Sacerdotio jam inde à pueritia sua prælusit, quando anno ætatis duodecimo, ultroneâ voluntate Ecclesiæ cujusdam obsequijs sese strenuè addixit. Nonum supra decimum annum cum ageret, receptus est in Societatem Tyro, absolutoque cum laude Tyrocinio, Meaci & in Ximo in tradendo Catechismo Patrum administrator defudavit; donec annos natus 30. Macaum ad superiores disciplinas ediscendas navigasset. Ornaverat DEUS animam Sebastiani admirabili quadam simplicitate & candore, quo & hominibus semper erat acceptissimus, & in obsequium DEI tam simplici ferebatur oculo, ut cætera non respiceret; illustre quâ domesticis, quâ externis exemplum contemptus Mundi, & paupertatis, quam præcipuo studio colere videbatur, reliquit, adeo, ut nihil in sua supellectile haberet præter clepsydram, qua stata suarum precum tempora accuratè admetiebatur. Porro pro Concione dicebat ardentè, videbanturque sermones ejus mirabili quodam fervore zelo, quo vitia perquebatur; addebaturque sermoni efficacem actionem, ut emendatio sequeretur uberior: hinc diebus jungebat noctes, quibus salutem proximorum, nullâ mortis, quamvis sæpe præsentis, habitâ ratione, procuraret. Unde

tantus charitatis fulgor inter medias gentilitatis tenebras non potuit occultari, minùs fallere exploratorum, Præcones Evangelicos ad necem quærentium, sagacitatem. Occultaverat Patrem Sebastianum domi suæ, quasi lucernam sub modio, vel cum vitæ propriæ discrimine, Civis Nangasachenfis; qui idem domi suæ Christianum habuit mancipium mulierem Coreanam. Hæc servitutis longæ tædio, Christo simul Dominoque suo fidem fefellit, ipsumque unâ cum P. Sebastianiano, ut sunt inimici hominis domestici, prodidit in captivitatem. Ductus est ad Omuranam custodiam Pater festo S. Pauli, ubi eadem cum P. Carolo passus incommoda, eundem servavit vitæ ordinem. Manè post horam piæ meditationi impensam, Sacerdos quilibet Sacrum faciebat: singulari namque Numinis providentiâ, & acutissimâ Christianorum circumspeditione, omnem sacrificij apparatus eò secum vel intulerant, vel alio prætextu, corruptis per Neophytos multo ære custodibus, à Christianis transmissa receperant, sic ut nunquam eis panis triticeus, & vinum in hostiam Missæ defuerit: reliquum temporis usque ad prandium Horis Canonicis & Rosario recitandis, sacrisque libris legendis dabatur. A prandio postquam Spiritualibus colloquijs nonnihil sese recreassent, libri precèsque repetebantur. Cænæ præmittebatur recitatio precum matutinarum, & Officij Mariani, adjunctis etiam, si festum fortè incidisset, litanijs, & hymno Salve Regina. Somnum quadrante præibat conscientiæ examen, quod exci piebat consueta omnibus flagellatio. Hoc vitæ tenore cum se egregiè ad Martyrium cum Socijs comparasset, ingenti voluptate nuncium mortis excepit,



cepit, auditusque est dicere: *Optare se, posse vel minimum quid demonstrare illius immensi gaudij, quo animus suus esset delibutus ex ea cogitatione, quod appeteret hora, quâ sibi esset pro suo Redemptore moriendum; & aspectum illius feralis apparatus, messem sibi esse inexplicabilis voluptatis.* Et verò columnæ alligatus, igne lignis jam subjecto, manibus ipse ante pectus in crucem decussatis, oculisque in Cœlum sublati, tantâ inter ignes pace potiebatur ac lætitiâ, quasi sensum funditus perdidisset, cum tamen tres horas vivus steterit in ardente rogo, vinculis incendio pridem absumptis; donec instante jam mortis articulo, flammarum ardore in viscera recepto superatus, genibus humi fixis, & capite prono, quasi more patrio venerabundus, beatam animam, Sociorum qui simul ardebant postremus, suo reddidisset Creatori, cum annum egisset vitæ 57, Societatis 38. in qua gradum Spirituallis Coadjutoris obtinuerat.

Cum PP. Carolo Spinola, & Sebastiano Kimura, sex Societatis Tyrones, Antonius Kiuni, Petrus Sampo, Consalvus Fusai, Michaël Humpo, Thomas Acafoxi, Ludovicus Cavara, eodem incendio conflagrârunt. Ante quorum conspectû septimus, Joannes Chungocu capite prius mulctatus est. Productus ille fuit ex carcere Nangasachano, in quem ante quadriennium detrusus erat, cum facili liberare se potuisset. Dum enim cum P. Carolo, cui famulabatur, captus, & ad Judicem adductus interrogaretur; *num scivisset P. Carolum Sacerdotem & Religiosum fuisse?* Ad quam quæstionem, cum ex adstantibus aliquis, Joannem absolvere volens, respondisset: videri eum deceptum fuisse habitu externo Patris Caroli, quem communem alijs gerebat: reposuit ferventer ipse: *nequaquam deceptus fui, sed scivi Religiosum esse; cui etiam idcirco libentiùs famulatus sum.* Sic actus in carcerem Nangasachi, cum pulcherrima virtutum exempla edidisset, paulò ante supplicium adseitus est in Societatem, & cum alijs ejusdem carceris incolis, in conspectu Sociorum primus, forti constantique vultu ferrum excepit. Reliqui sex, cum ad Omuranum carcerem abrepti essent, Patrum nostrorum conspectis virtutum exemplis, in eorum admitti Societatem postulârunt, quorum prius quàm caperentur, aut Dogici, aut rei familiaris fuerant administris. Quatuor primi, Antonius videlicet, Petrus, Consalvus, & Michaël, biennio propè priusquam ad supplicium raperentur, Societatem impetrârunt. Jam enim ante captivitatem suam commu-

ni consilio decrevêre, simul aliquod religiosioris vitæ genus inire; hinc A. 1619. in monte quodam non procul Nangasacho dissito, sed ab hominum frequentia segregato, mapale posuerunt, & vitam prorsus Religiosam, per continuatas preces, per crebras sui diverberationes, per sacram lectionem, traduxerunt. Inde ad animarum negotia soliti prodire, vifabant ægros, eorûmque necessitates solatio & ope levabant. Mox ad eos magni fidelium cœtus institui cæpti, quos ipsi pijs sermonibus ad Fidem firmabant. Jussi non semel abstinere, minas riserunt; donec onusti ferro, demum in custodiam tracti sunt. Explicuit impius Judex quidquid ipsi fuit artis & indutriæ, ut chirographum ab illis exprimeret, quo sponderent, se Christianæ Religionis negotium posthac non tractaturos. Sed in casum fuêre verba; eoque fortissimos Confessores in specum tenebris horridam detrussit. Aderat Tonus quidam, qui suum ipsis præsidium patrociniûmque deferebat; verum ipsi remiserunt officium, negantes se, qui Christum haberent Advocatum, quidquam pensi facere mortalium comminationes.

Sed illustrius subiêre certamen A. 1621. Nam Gonrocuus Urbis Gubernator, cum videret illorum studio Fidem Christi latius amplificari indies, jamque illos crederet ærumnis in carcere toleratis fore perfidiæ propiores; si Christo statuant abnuntiare, liberam illis facit abeundi potestatem: sed repudiantibus illis libertatem, quæ cum Christi Fide non sit conjuncta, eam pro liberatione conditionem dumtaxat paciscitur, ne eam porrò Fidem studeant profeminare. Verum illi vitam libertatêmque execrati sunt, quæ prohiberet Divinam Christi gloriam proferre. Tum verò indignatus Gubernator, certam mortem illis intentavit. At illi nuncio læti, DEO decantârunt gratias per hymnum, *Te DEUM laudamus.* Postridiè in Tribunal acciti sunt manus revincti, primusque examen subiit Antonius Kiuni, natus in Regno Japoniæ Micava, cæteris provectior annis. Interrogatus, *essetne de Societate Jesu?* respondit: *haud esse dignum se tanto favore, quem egregijs suis servis consuevisset DEUS impertiri; hominem se esse unum de multis, qui saluti suæ atque alienæ studeret: nec aliter facturum se unquam, vel cum dispendio vitæ.* Hic Judicium unus, qui nuper Christum ejurârat, Feizo appellatus: *Sat, inquit, superque tibi esto, si tuam rem egeris; aliorum si curam relinquas, ego te meo suffragio mortis sententiâ absolvo.* Cui Antonius: *tuis haudquaquam consilijs egeo, qui,*  
Qq 3 *quid*



quid agere me oporteat, pra te habeo compertum. Cui bono sit vita pretium, si gloria Christi non impendas? Post hunc accitus Consalvus ortus è Regno Bigen, & in ejus Regiæ obsequijs diu versatus, pari constantiâ rem gessit. Petrus Sampo, ultimâ Japoniæ ad Orientem parte, quæ Oxu dicitur, oriundus, & propter egregias naturæ dotes, primoribus Imperij cum primis charus, tertius successit: qui Dogicum se Societatis professus, sibi illud incumbere asseruit, ut Japoniam universam salutaris doctrina participem faceret, quam à Patribus acceperit; nec remunerari se Patriam posse plenius pro collatis in se muneribus, quam si illi viam demonstraret ad felicitatem sempiternam. At Imperatori par est obsequi, inquit Judex, qui novitiam invahi sectam suas in terras prohibuit. Excepit Petrus: fas mihi sit exponere per similitudinem, mentis mea sensa. Si qua contagio Regnum vastaret, cui medicinam facere unicus noster; verum ille destitutus ceteris, soli sibi suæq; familia auxilium adferret, quo dignum supplicio tam inhumanum, atque imitem Medicum censeretis? Ego sanè existimo, quotquot à Christi Fide alieni sunt, non morbo duntaxat lethifero, sed ipsimet jam morti subjectos; & quisquam mihi probro vertat, quod per salutarem doctrinam meos cives vindicem ab interitu sempiterno? Efferatior brutis sim, nisi vel per capitis discrimen, tam salubrem hominibus, quotquot nactus fuero, fecero medicinam. Id ipsum est, quod Societatis Patres in Japonem ab Orbe extremo, contemptis humana vitæ commodis, per infamia naufragijs maria adduxit; id illos continet in speluncis terræ; id exponit periculis, laboribus, & continuatis ærumnis. Crebro medicina quidem porrigitur sana mente captis, nec aliud jam Patres præstant, qui deliris Japonibus sexcenta miscent pharmaca, concilianda idonea vitæ; sed ipsi, quod phreneticis solenne est, rependunt Patribus injurias, odia, persecutiones, cades. Utinam propitium Numen eo me honore dignetur, ut meos Magistros ac Patres in Christo studeam amulari. Rectè tu ista quidem, ait Judex, sed tempori servias, oportet, & verbo saltem spondeas, te posthac prædicationis officium non obiturum. Tum Petrus iterum: Nihil certè mihi gravius accidit, quàm quod Veritatis lumen paucis aperuerim: Utinam mihi vox esset, qua toto simul Regno posset audiri, profectò celsissimos mihi montium vertices facerem pulpita, atque indefumma vocis contentione pernox & perdius, ad salutis semitam universos vocarem. Petro successit Michaël Xumpo, qui fassus est, se Patribus proscriptis, in abditissimas sylvas recessisse, suis criminibus, totiusque Japoniæ per lacrymas diluendis: conatum se populis,

qui se quasi fere, eâ recessus opportunitate iter in Cælum liberius ostendere; promptum se nunc etiam paratūq; extrema pati, pro Divina gloria propaganda. Secundum hanc quaestionem ad Omurani carceris ærumnas amandati, quanto ardore anhelarint Christi causâ mortem tolerare, ex eorum literis, quas ad quendam de Societate scripserunt, cognosci licet. Quia nos valde angit commissorum à nobis peccatorum conscientia, venit nobis in mentem ambigere, num idonei simus qui pro Fide moriamur. At permittat saltem DEUS, ut vitam in his vinculis terminemus! Id assidue oramus, ut pro sua Divina Clementia nobis concedat. Quod modo vincti sumus propter Christum, beneficium est, quod Societati ferimus acceptum; cuius meritis & precibus factum est, ut S. Ignatius & S. Franciscus Xaverius, tantum nobis boni à DEO impetrarent. Immortales gratias & Sanctis illis, & Societati agimus, neque satis verbis explicari potest, quantum nos eâ gratiâ P. Carolo, nostro omnium amantissimo Patri, devinctos esse sentiamus. Deniq; si DEO Optimo Maximo bonum factum videbitur, ut in ille perpetuos annos his catenis astricti maneamus: enimvero beatos nos esse censebimus, adeoque omnibus in rebus semper erimus in ejus potestate. Idem P.R. tuis precibus nobis obtine. Ad Societatem admissi, sanctissimum mox in carcere Tyrocinium sunt aggressi, cum eos P. Carolus exemplis suis ad omnem perfectionem virtutis erudiret. In quem quàm intentos haberent oculos, vel ex unis Petri literis patescit, quibus affirmat, non novisse se hominem illustrioris tolerantiae, aut acrioris in se severitatis, adeoque continuatæ, non uno binisque mensibus, sed quadriennij ferè spatio: planè ut vehementissimè miraretur, quomodo alacritate tantâ dura omnia superaret; fingeretque se tam aptè ad tot hominum ingenium, vestitu, patriâ, sententijs quoq; non rarò dissidentium. Crebrius ex devotione, ut habet mos Societatis, etiam necdum egressi Tyrocinium, vota sua devotionis renovarunt, non sinè magna Cœlestium deliciarum copia, & adstantium documento, profectūque spirituali.

Duo reliqui, quamvis ferius ad Societatem admissi, virtute tamen prioribus fuere haud inferiores, ut animi fortitudo inter cruciatus edocebat. Erat Thomas Acafoxi vir nobilis ex Regno Tingenfi & strenuus bello: sed cupiditate salutis æternæ accensus, non dubitavit in Ecclesia nostra ministerium Dogici sustinere, muneribus humilibus & abjectis se dedens, & verum præbens specimen animi submissi, cum neminem ejus natalium



talium splendor lateret. Exactis postea nostris ex Japonia, comes exilij ijs accessit, qui Manilam in Philippinas se receperunt. Inde reversus in Patriam, cum jam haberet annos supra quinquaginta, in hac postrema persecutione magna sua cum voluptate servivit P. Sebastiano pro Dogico, & unâ cum eo ita captus est. Lictores, qui Patrem comprehenderunt, trahebant in vincula adolescentem Domus administrum, ceu Dogicus foret, Thomâ, quid ageretur ignaro. At comperto quod erat, curriculo vestigijs illorum insisit, & Juvenem raptantes assecutus, impavidus & constans animo: *Sistite gradum lictores*, inquit, *hæc vincula & catena Dogico Patris debentur, non famulo: me igitur vincite, & hunc missum facite.* Dictum factum. Mansit in his vinculis Thomas propè biennium; sed eâdem semper animi magnitudine, sui que simillimus. Paulò antè quàm educeretur ad rogam, cooptatus in Societatem est, quinquagenario major. In supplicij articulo differebat ardore maximo, omnesq; ad laudandum DEUM excitabat, qui suis Athletis tantum inter cruciatus constantiæ & voluptatis daret.

Ludovicus Cavara natus est Ariæ, non procul Arimâ. Multos annos fuit inter honorarios Ephebos Joannis Arimandoni, ejus Provinciæ Dynastæ; sed à Michaële Joannis filio, à Christo Apostata, quod Fidem Christianam nollet exuere, omnibus fortunis ejectus, solum vertere coactus est. Vixit exinde duos ferè annos Nangasachi, ac deinde se retulit Ariam; ubi non longo intervallo liberorum illi, quos habuerat, postremus, & uxor, morte sublatis sunt; ipse solus, & omnium caducorum bonorum genus, DEO gratias

agere, & quidquid accidisset adversi, velut ab eo profectum, insigni patientiâ tolerare, adeoque etiam occasionem inde sibi facere vitæ sanctius instituendæ. Remigravit Nangasachum, atque extra Urbem in secretiore quodam loco tugurium ex stramentis contexuit; ibi se rerum Divinarum contemplationi ex integro dedens, Angelicum quoddam vitæ genus coluit. Sæpe sunt illi manus à lictoribus injectæ, Sacerdotem Societatis ratis, qui sub eo schemate rem Christianam procuraret; semper, ubi constitit errasse, dimissus est. Ad extremum quando placuit DEO singulæ Ludovici merita remunerari, tertium ab Regijs Ministris captus, & quod nonnullam Europæi hominis speciem vultu præferret, pro Religioso, & de Societate quidem nostra habitus, ad Governatorem deductus est. Ibi tametsi aliàs absolutus erat, cum ei Governator interdiceret, nè ut adhuc fecerat, Fidei Christianæ præcepta pergeret explicare, magnâ libertate negavit se in hoc quidem ei dicto audientem futurum. Governator incensus irâ, mox hominem in carceres Omuranos amandat; ubi permotus Tironum nostrorum exemplis, ipsis accenseri expetijt, & paulò prius quàm necaretur, accensus est, cum annum ageret ætatis ferè quadragesimum. Adstabat ipse in bustuario proximus ijs, quos vim ignium declinatueros ex incendio se proripuisse narravi; quos ubi primùm vidit nonnulla fracti animi signa præbere, verbis & adhortatione conatus est ad constantiam erigere; animo ipse vultuque infracto, pretiosam mortem in conspectu Domini consummans.

## P. CAMILLUS CONSTANTIUS.



Uplici triumphato igne gloriosus P. Camillus Constantius, dum libidinis faces Neapoli adolescens extingueret, Corollam Virginitatis indeptus est Camillus; dumque idem ab igne Japonio extingueretur, Corollam Martyrij assecutus est Constantius. Bovolina extremæ Calabriæ oppidum, natalis fuit Camillo Constantio; parentes Mafius, seu Thomas Constantius, & Violanta Montana, familiâ perhonestâ. Humanioribus literis & Philosophiâ excultus, Neapoli versabatur jam annum alterum in Juris discenda peritia, jam tû præter alia exquisitæ pietatis exercitia, durus in se, & inc-

diâ crebrâ, ac quotidianâ flagellatione inclemens: cibi perparcus, permisâ famuli arbitrio, quem suæ semper mensæ adhibuit, conditurâ & delectu. Versabantur ibi tum adolescentes Camilli populares & amici, aleâ infames & Venere; quos cum ille crebrâ hortatione ab ijs vitijs revocaret, illi contrâ periclitandæ ipsius constantiæ facinus insigne designârunt. Dies erant Bacchanaliorum, & Camillus domi suis intentus studijs, sub horam noctis quintam tacitus confidebat; cum ecce immisâ ab illis femina, formâ atque omni ornatu spectabilis, Juvenem de nomine consalutat. Ille percussus insolentiâ salutationis, assurgit; & *quid tibi*, inquit, *hic negotij*





P. Camillus Constantius Italus Soc. IESV. Religionis odio vivus lento igne  
concrematus Tabira in Iaponia. 15 Septemb. A. 1622.

C. Secreta. del.

M. Küsell f.

gotij est? Illa respondet: hanc ego tibi noctem,  
Domine Camille, addixi. Is contra: At ego tui  
nequaquam indigeo; redi porro unde venisti. Re-  
ponit illa, certum sibi esse, noctem ibi ducere; in-  
tutum enim esse per Urbem eâ noctis horâ moni-  
libus atque auro onusta ingredi. Ille verò ex-  
pulit obnitentem, iussitque ab ijs præsidium  
querere ad reditum, à quibus fuerat eò per-  
ducta. Tum foribus obductis, apprehenso-  
que, quod habebat, æreo Christi Crucifixi  
sigillo, procumbens in genua, DEO de victa  
tentatione gratulatus est, & Deiparæ invoca-  
to præsidio supplex oravit, ne se pateretur  
unquam inquinari. Cùmque famulus secun-  
dum eas preces mussaret, sæminam potuisse  
eâ nocte admitti; duos illi colaphos infregit;  
& tunc, ait, qui meo pane vesceris, ausis me sol-  
licitare?

Sic ductâ sanctè atque innocenter ado-  
lescentiâ, annos natus 21. in Societatem die  
8. Septemb. 1591. adlectus est: & 12. post an-  
no, qui fuit 1603. mari transmissus, jam tum  
sacerdos pervenit in Indiam. Navigavit por-  
rò Macaum anno sequente, Sinicæ missionis  
desiderio; sed DEO melius illi quidpiam  
providente, destinatus A. 1605. in Japoniam  
est. Ibi 9. annos uberrimo fructu excoluit  
Domini Vineam, donec A. 1614. cum cæteris  
Patribus è Japonia proscriptus, Macaum se  
recepit; ibique 4. solennibus votis nuncupa-  
tis, ad cæteros labores, totum septennium in  
librorum Sinensium & Japoniorum studium  
adjunxit, ut eorum errores è proprijs volu-  
minibus confutaret. Quod & præstitit egre-  
giè, reversus A. 1621. in Japoniam, cum duo-  
bus



bus alijs è Societate habitum militare in-  
ductus. Primum & periculosissimum certamen illi fuit cum eo ipso, à quo transvehebatur, navis Præfecto: qui, tametsi Christianus, veritus fortunarum capitisque discrimen, si à se vectum constaret, decreverat hominem deferre ad Gubernatorem Nangasachiensem; sed preeibus Neophytorum exoratus, servante Patrem ad majora DEO, missum eum fecit Fundojamam in Regnum Figense, unde multis Christo aggregatis, in Carassu professus, præter uberem animorum messem, novum Sodalitium, ad conservandum illum Christi gregem instituit. Sed præcipuus laborum campus illi fuit Insula Firandensis, quam multa cum patientia, neque sinè vitæ periculo excoluit. In carcerem namque pene prodigiosè, tot custodibus obseptum, tamen non observatus penetrans, confitentibus sui copiam fecit, animavitque ad obeundam fortiter mortem. In Insulam Ikisuki transgressus, atque inde in Noximam, quæ per absentiam Patrum jam pridem carebat usu Sacramentorum, omnes incredibili solatio implevit. Hinc in proximam Uki dictam, quæ Gotosium Insularum caput est, transmittens, nullum Christianorum inexpectatum præterijt. Erat Joanni, Patris hospiti, & viæ comiti propinquus Ethnicus homo Nobilis; hunc uxoria femina, ob præsentiam Patris hortabatur impensius ad Christi Sacra capefenda; ille animum ad suscipiendum baptismam simulans, mox certior omnium facit Dynastam; qui celeritate usus, navigijs armatos Patrem insequi jubet. Noximæ illo frustra quæsito, pergunt in Uki, ubi navim Firandensem in statione conspicati, magno eam tumultu invadunt, atque in ea Patrem Camillum, socio pridie ad negotia dimisso, deprehendunt. Vincis ergo Navarcho, Augustino Ottâ, & Gaspare Cotendâ Patris Dogicis, cum Patri parcerent, rogavit & ipse vinculis pariter & carcere constringi. Sed illi majestatem vultûs, sanctimoniam spirantis reveriti, etiam lauti convivij honorem repudiante obtulerunt, cum Ikisuko Firandum deportandi essent. Pater in digressu hospitem suum Joannem inter mutuas lachrymas ita est affatus: *En Joannes aliquando tandem digni effecti sumus illâ beatâ sorte, quam tot annis desideravimus. Rogo te ego, atque per viscera Jesu Christi adjuro, ut Divino ejus amoris respondere studeas, & usque eo constans perseveres, ut vitam quoque & sanguinem pro Redemptore nostro.* Firandi in Ikonoiximanum, carcerem traditus, quæ ipsi evenerant, ita

ad Rectorem Nangasachensem perscripsit: *Jam cognoveris Reverende Pater me captum esse. Nè dolorem ex eo acceperim. Non morendi materia est, sed agendi gratias. Quare te oro, & omnes Patres ac Fratres Societatis, ut me agendis DEO gratijs, pro tam singulari beneficio adjuvetis. Die 25. Aprilis cum appulsus essem in Insulam Uogoto, ibi ab aliquot armatis navigijs captus sum; à militibus, per iter ita tractatus sum, ut valde me revereri viderentur. Ab ijs deductus sum ad tribunal Firandense; interrogatus quis essem, & quorsum in Japoniam venissem; respondi me Sacerdotem esse Societatis Jesu, nomen mihi esse Camillo Constantio; deinde exorsus sum multis exponere causam adventus mei in Japoniam, & obtuli Apologiam, quam de hoc argumento confeceram. Deinde percunctantur, cur non paream Principi Japonia? subjeci, Religionem Christianam jubere, ut obediatur Principibus in omnibus, quæ Dei præceptis non adversantur: quare cum edictum Principis Japonia, quo vetat prædicari Legem Christianam, pugnet omnino cum jussis Regis Cælestis, idcirco in hac quidem non posse me Regi terreno dicto audientem esse. Id cum audisset unus illorum Judicum, pronuntiavit me mortis reum esse; & confestim fune in collum meum injecto, amandârunt me in carceres Ikonoiximenses, ubi modo versor cum duobus Religiosis, qui profecti Manilâ, capti sunt à piratis Anglicis. Servamus perpetuum jejunium, utpote qui modicâ duntaxat orizâ, & herbis vitam toleramus. Sape custodes carceris doceo Christi Fidem, qui ijs quidem quæ dico assentiuntur, sed ne Christiani fiant, edictis Xogun deterrentur. Interea expectamus responsum ex Aula. Dum fiat DEI voluntas, ego fretus ejus gratiâ, ad quemvis casum paratus sum. Nè cessate me DEO vestris orationibus commendare. Saluto omnes peramanter, & quæso ut meas mihi culpas ignorent. In singulas horas mortem operior latus & sinè mora. Rursum ad P. Petrum Paulum Navarrum, Rectorem Arimensem, sic ait: Affirmabas R. P. ut recorder, postremis tuis ad me literis, sperare te, me in Cælis visurum esse vel Confessorem, vel Martyrem. Ecce mi P. in Christo charissime, dignus factus sum, qui Fidem Christi pro Tribunali Firandensi confiterer, & hac de causa carcere modo teneor in hoc Mundi angulo. Quis novit, num te non sim accessurus? sed non sum tanto favore dignus.*

Certior interea factus Imperator de comprehensis DEI servis, indignatus quòd suo edicto posthabito, Christianam Doctrinam porro in Japonia Religiosi prædicarent, continuò imperat P. Camillum vivum torreri, & socijs ejus cervicem abscindi. Edu-



Etus ergo ex carcere, in quo solus supererat, P. Camillus, socijs jam alibi sublati, funibus & catenis adstrictus, sex Dynastæ administratos in littore se præstolantes invenit: quibus cum singularis significatione benevolentiae, uti & ijs qui se comprehendissent, & qui ad mortem ducerent, gratias agens, vidit inter reliquos Gonroci primarium Ministrum, supplicij sui Præsidentem futurum. Quem de more veneratus, gratias egit, quod suâ causâ tantum viæ, nec sinè incommodo confecisset: id quod ipse dixit eâ oris hilaritate, morumque venustate, & gratiâ, ut circumstantes obstupescerent, hominem qui mortem expectaret, tam lætum esse, atque imperterritum. Ad locum necis, quia inter innumeram multitudinem multi etiam Angli & Hollandi spectatum convenerant, Flandricè ad eos præteriens Pater verba habuit, quibus eos de Christiano officio commonebat. Sic nimirum remuneratus eos, quibus auctoribus ea fuerat excitata persecutio. Ubi attigit repagula, quibus obseptus erat incendiij locus, clarâ voce dixit: *se Camillum Constantium esse, è Societate Jesu Sacerdotem, gente Italum; cujus memores vellet esse Christianos, qui adessent. Hoc dicto, mox fure lentis ex arundinibus contexto alligatus ad palum est. Tum velut è suggestu, quem optaverat dudum, concionari cœpit, postquam professus est, se nullâ aliâ de causa morte damnari, quàm quod Fidem Christianam divulgasset. Et propositis illis Evangelij verbis: nolite timere eos, qui occidunt corpus; de ijs inusitato ardore dicendi disputavit, tandemque conclusit, corpus seriùs aut citiùs inevitabili fato abiturum in cinerem; proinde sævirent in se ut liberet, animum certè suum neque legibus mortis, neque ipsorum potestati esse obnoxium. Inter hæc circumquaque succensorogo, inter flammam nihilominus voces audiebantur denunciantis, Celestem beatitudinem, præter eos qui sequuntur Christi sacra, atq; ex ejus præceptis vitam sanctè exigunt, ceteris omnibus interclusam esse: pro hujus defensione Religionis se libenter mori, & summâ voluptate agitare inter flammam: cetera secta, credite mihi, inqueiebat, sunt mera somnia, & commenta Bonziorum, fraudes & inventa Demoniorum, quibus homines in sempiternum interitum agere præcipites, & ab recta salutis via abstrahere conantur. Hic densus fumus exortus, totum prætexens aërem crescente incendio, servum Dei oculis spectantium eripuit. Et tamen inter stridores illos ardentis flammæ cum pectus ejus alio majore igne æstualet, audiebantur adhuc*


maximâ vî concionantis voces. Paulò post visæ flammæ discedere, ut inter eas ipse Camillus spectari posset, precibus piè intentus. Nec diu quievit, cum sublatâ voce caput suavissimè decantare Psalmum: *Laudate Dominum omnes gentes; eo finito exorsus, Gloria Patri, videbatur mox succubiturus supplicio, ut æternæ gloriæ initium faceret. Verum generosissimus Athleta, quasi novas de integro vires hausisset, caput denuo sermonem habere utrâque linguâ, latinâ, & Japonicâ. Et dum differit, sive spe erectus mox affuturi præmij, sive ex copia Cœlestium voluptatum, tertium ingemnavit Japonicè: O quam mihi bene est! O quam mihi bene est! idiomus is est ingentis lætitiæ index apud Japonios. Interea gliscente incendio, & horribili crepitu perstreperante, consumptis vestibus, apparuit ejus corpus nivis instar candidum; at mox ignium vi prorsus decoloratum. Tum verò existimabant circumstantes fortunatam illam animam ad æternæ vitæ requiem migrasse, quando omnibus admirantibus exauditus est validâ & canorâ voce invictus Sacerdos, qui se in illis flammis Deo sacrificium offerebat, canere quinquies hanc vocem trisagij: Sanctus, Sanctus; ut satis appareret, fortissimum pectus affluere Cœlesti gaudio. Atque ita finem vivendi fecit, ut idem sanctum carmen exordiretur unâ cum Angelis concinere, sed æternum in Cœlis. Incidit ejus pretiosa mors in diem 15. Sept. A. 1622. cum ipse quinquagesimum esset supergressus ætatis. Venerandæ ejus reliquiæ, quod ijs terra digna non esset, à sceleratis licitoribus in mari sepultæ sunt.*

Gabriel Camilli hospes, quod eum domo suâ aliquando recepisset, & ipse vitâ privatus est. Uxor verò ejusdem Maria, cum tota Gabrielis familia (sex capita erant, præter duas ancillas, & filiolum unius triennem) biennio toto sub custodia habita, tandem & ipsa pretiosam mortem sortita est. Atque ex his præcipuè fervor enituit in puella 11. annos nata, Gabrielis sorore, quæ ubi nudari enses in suam omnium necem à primoribus Urbis Firandi Proceribus vidit, ad Gratiâ Matrem conversa, ô Mater, inquit, hi quidem Paradisum nobis aperiunt, numquid par est illis gratias referre, & nos quidquid gaudiorum est gaudere? Prima quæ gladio cæsa est, Maria fuit Gabrielis avia, supra 90. annos nata: quam secutus est nepos alter Linus, 21. annorum adolescens: Post hunc Maria soror octo decennis natu major; & mox ejusdem nominis minor 11. annorum. Spectabat hæc suo-



suorum funera Gratia semper impavida, tandemque & ipsa cum nuru sua gladio cæsa occubuit, anno ætatis 50. nurus verò 19. Restabant duæ ancillæ, Cæcilia & Maria, cum trienni filiolo Michaële; is cum nondum intelligeret quid metus esset, eluctat<sup>9</sup> è bajulantium brachijs, rectà ad Cæciliæ matris, ictum jam præstolantis, sinum accurrit: quæ cum

suavissimè cum esset complexa, & pro auxilio JESUM cum MARIA invocasset, primum ipsa, secundum ictum excepit animosus pugio: tandemque beatum agmen ultimò cæsa complevit ancilla altera Maria. Corpora omnium, ne venerationi Christianis esse possent, alligatis saxi in mare demersa sunt.



P. Petrus Nauarrus Italus, Dionysius Fugixima, et Petrus Onizuccha Iapones Soc: IESV. vivi pro Fide lento igne consumti Ximabaræ in Iaponia 1 Novemb: A. 1622.  
C. S. d. M. K. f.

P. PETRUS PAULUS NAVARRUS, cum duobus Socijs.

**U**am Amanguccij fundavit Ecclesiam S. Franciscus Xaverius natione Navarrus, multis annis insigni eum fructu procuravit. Petrus cognomento, Navarrus, natus Laini oppido Calabriæ. Excurrebat

ille annis! singulis Amanguccio ad Bungen-  
ses, aliòsque finitimos Fidei mysterijs imbu-  
endos; donec prorsus exesse jussus est à Tera-  
moto Dynasta, qui sui Regni amissionem,  
Bonzijs suasoribus, sibi accidisse credidit, ob  
toleratum in suis ditionibus P. Navarrum.  
Rr 2 Abeun-



Abeuntem lachrymis & desiderio profecuti sunt Amangucciani; at gavisi Bungenfes, quòd Patrem jam integrè possessuri essent, quo hæcenus velut dimidiato fruebantur. Ergo à Moderatoribus enixè sibi dari postularunt, impetraruntque rei sacræ curatorem; neque dimiserunt prius, quàm duodecimo post anno à sæviente in Ecclesiam Daifusama Imperatore, ingenti omnium Christianorum mœrore expulsus esset; sed non multò post ipsdem restitutus, geminatis ærumnis laboribusque, præter voluntarias pœnas exceptus est. Solebat enim præter jejunium in totas hebdomadas absque omni cibo protractum, quotidie flagellis ad sanguinem in se deservire. Incertà tum veste utendum Patri erat, & noctu solum per confragosos montes, & mille discrimina vitæ nudis pedibus, multoque vulnere crebrius cruentatis invifendi, & in Fide stabiliendi Neophyti; latitandum multis diebus in fovea, dum assumpto bajuli habitu, stramineo tectus pileolo infidiantes milites eluderet. A quibus tandem nostrorum in Tacatu quartum annum jam Rector comprehensum se, ità in literis ad Rectorem Nangasachensem datis enarrat: Inveniente adventu accersitus à Rev. P. Provinciali veni Casusam. Ibi confessus generaliter, rationem illi reddidi conscientie meae. Dein trajecto mari, biduum moratus Obama, abij noctu versus Faxirao, quò me abdidi, ut spiritualibus Exercitijs vacarem; simul Christianis Arimensibus denunciavi, compararent se ad ferias Christi Natalis pœ per Sacramenta suscepta celebrandas; adfore me tempori, qui administrarem. At illi veriti, nè in manus venirem exploratorum Dynasta, sibi satius videri rescripserunt, si Natalem cum Fairacensibus celebrarem, ipsi Circumcisionis diem expectarent. Veni Arimam noctu, cum duobus viam monstrantibus, & quia deerat navigij copia, coactus sum viam Regiam insistere. Nox erat illustris. Obviam nobis factus duabus ante mediam noctem horis famulus Dynasta, obtutum in me defixit, & quod erat suspicatus, me per vestem infra pectus corripuit, jussitque subsistere; cui Ego: non est, inquam, quòd in me retinendo labores, ego enim spondeo me non abiturum. Sic dimissum ducebat ad quendam Presidem. Verum cum post paulo facti eum penitudo subisset, noluit ultra procedere; atque ità reliquum noctis exegi in domo hominis Ethnici. Postridie ubi luxit, factus certior Tonus, qui Ximabasa s. lencis ab Arima sedem habet, angi animo capit, tum quòd ad eam diem nostris rebus studuisset, tum quòd haud ità pridem Xoguno presente jactaverat, nullum in sua Provincia Re-

ligiosorum esse. Quare ut honori suo consulere, literas dat ad quendam è Gubernatoribus Japonia sibi addictum, consulens quid opus sit facto. Interea quia rem gestam rumor indies latius vulgabat, jussit me Ximabarum deduci, valido militum presidio cinctum, post dies 20, quàm Arima fueram in hominis Ethnici domo. In via hoc unum egi, disserui de Fide Christiana, adeoque me libenter audierunt, ut praeclare erga nostra Sacra animatos reliquerim. Qui militibus praeerat, fuerat olim Christianus, sed in Ethnicos errores relapsus, ex eo sermone resipuit, decrevitque ad Christum reverti. Cum detinerer Arima, facta est potestas omnibus impunè audiendi me; fructum inde cepi non modicum; & hospes meus cum conjuge visi sunt ad Fidem nostram inclinare. Præter cateram humanitatem, quàm me domi suae complexi sunt, Ximabaram etiam venerunt, ut me allocutione & donarijs recrearent. Oravi Tonum ut me publico in carcere collocaret, aut Omuram transmitteret, ad alios Religiosos; sed frustra fui. Deposuit me vadibus acceptis in fidem 4. Christianorum Ximabarensium, & 5. Arimensium, qui mei habendi curam libenter susceperunt, parati vel sua distrabere vestimenta, si ferat usus in sumptus meos. Diversor apud Andream Mongoyemonem, gratià pollentem apud Tonum, ubi quotidie sacrifico, multisque Sacramenta distribuo, libero ad me accessu Christianis facto. Inviserunt me Ethnicorum aliqui è Nobilioribus, qui, quæ cum ipsis disputavi, probare visi sunt. Ipsis eadem referentibus, Tonus accensus est desiderio res nostras audiendi. Salutavit me per Ephebium, & fructus dono misit: dolere sibi, quòd in manus inciderim; dissimulaturum se fuisse, si potuisset, quemadmodum cum alijs Patribus faciat, quorum 10. si velit, posset comprehendere, gnarus ubi versentur. Optare se ut ex Aula jubeat navigare Macaum; prestiturum se navium suarum, totiusq. commentus, & militaris presidij opportunitatem. Sed avertat omen DEUS. Ego hic aveo vitam absolvere, & profundere sanguinem pro eo, qui suum pro me prior profudit, atque ad id me comparo. Commodum accidit, ut P. Joannem Baptistam Zolam convenirem, cui semel iterumq. confessus, expecto quid jam de me asseratur ex Regia Yendo.

Interim quia Bungondonus loci Dynasta, cupidine Patrem audiendi ad se accersivit, quæ eà occasione invicem egerint, ità in alia epistola prosequitur. Accersivit me, inquit, Bungondonus in Arcem, meque excepit cum inusitati honoris significatione. Deinde postquam fructus, & alia cœcilia mihi præbuit, sermonem de aeterna salute ingressi sumus. Ostendebat difficile se assequi, quare DEUS, qui omnium Crea-



tor est, non omnes faciat salvos. Respondi, Deum ideo condidisse hominem, ut per virtutem & bonas artes ad salutem veniret; dedisse tamen illi arbitrij libertatem, quâ bonum amplecti posset, aut malum, uti libuisset, sed premium penamve sempiternam proposuisse pro meritis inferenda. Id summa Sapientia. consilium fuisse. Nam cum det unicuique auxilia & vires, quibus bene agere valeat, fit ut libere utenti, aut repudianti, sua debeatur merces, aut supplicium; & qui sponte abutatur, ipse sibi malum creet, & aeternum: comperto DEUM solos eos arcere Celo, qui sibi rebelles sunt & contumaces. Exemplum mihi est abs te ipso Domine. Tu primum servis tuis agros partiare, vel aliud congiarium des, singulorum promerita solerter expendis; premium morigeris, rebellibus penam decernis. Hoc si te mortalem decet, quomodo non magis oporteat Conditorum ac Dominum omnium, qui perfectissimus est, aquâ lance hominibus vel Justitiam exhibere, vel Misericordiam? Ad hac cum quid opponeret non haberet, annuit Tonus approbavitq;: mox subiecit: Impensè doleo plurima tibi aspera perpetienda esse, si in Japonia mori diu; quidni repetis Patriam tuam, ubi tu vivere modo possis? Gratijs prius actis respondi, gravissima me multa per immensos Oceani tractus expendisse in eam curam; atate confectum, optare me pro Christo inter Japones mori. Hæsit attonitus Dynasta; & conversus ad Ethnicum Nobilem, qui aderat, ostendebat vix se suam capere admirationem. Postea sermone delapso ad calumnias, quibus Ethnicus Christianam Religionem consueverunt aspergere, protuli Apologiam è sinu, quam exordio saviensis procella pro Fide conscripseram: eam Tonus cum secretario dedisset legendam, probabat quæ recitabantur, non sine laude scriptoris. Ubi perventum est ad refellendam calumniam, de Regnis sub jugum Christianorum compulsis: hoc vero est, inquit, quod Imperatorem angit, habetque sollicitum. Cui ego, haud egre Xogun desinat metuere, & suspicaces animos ponat, si hanc Apologiam legat. At, inquit ille, Philippina Insula in oculis sunt, testes locupletes. Dixi, de illis mihi non satis liquere, quæ Juris alterius sunt: Lusitanos autem Macai, Malaca, Cocini, Goæ, totisq; Indijs, paci cum finitimis Regibus inviolatè studere. Adjunxi de Roma multa, de Constantino Magno, de Ecclesia sub ejus Imperio felicitate. India ab Europa quanto distaret intervallo, quantis periculis, ostendi: nam ipse, ut in longè positis consuevimus, omnia sibi propinqua representabat. Audita sunt omnia cum plausu & admiratione. Tam addidit ipse: Utinam vester iste Deus Xogunum traheret ad suam Fidem; eum mihi crede, universa Japonia sequeretur. Auto-

quam mihi faceret abeundi copiam, dixit se optare, ut Patribus nostris liceret Nangasachi saltem impunè degere, ut è propinquo eos convenire, & sanctis eorum sermonibus frui posset. Jussit quàmprimùm describi Apologiam meam, & facile passus sum; spero enim brevè in Curiam Japonia pervasuram. Jam sermones ferebantur in noctem; idcirco modestè facultatem abeundi postulavi. Assurrexit ille, & honoris gratiâ in atrium usq; me prosecutus est, ibi manibus ac capite humum contigit.

Perrexit interim Pater se comparare ad mortem, continuo meditationum, verberationum, & cilicij, quod nunquam deposuit, usu. Tantus autem undique dicendi causâ ad eum concursus fiebat, Ximabarâ, Nangasacho, Tacau, imò usque è Regnis Bugen & Bungo, ut custodia videretur in Ecclesiam transisse. Omnes ille, quâ poterat benevolentia, excipiebat; operam dabat confitentibus, porrigebat SS. Eucharistiam; firmabat in Fide, baptizabat complures infantes, & clam ad ægros sæpe visibat. Quod ab oratione supererat temporis, convertendo Japonicè libro P. Petri Antonij Spinelli de laudibus B. Virginis totas noctes impendebat, dum demum absolveret. Et jam ultra dimidium anni captivo Patri effluxerat, cum desiderata ab Imperatore in eum allata est mortis sententia, jubens eum cum duobus socijs lento incendio conflagrare. Quod simul ut ad aures Patris perlatum est, tantis incescit lætitijs, ut nè succumberet gaudio, formidaret: idque maximè dum sacrificaret, post consecrationem superinfusâ Cælesti dulcedine, tantum lachrymarum & suspiriorum profundere notatus, ut peragrè absolveret. Quæ sua solatia ipsemet socijs communicans per literas. ita expressit. Credo jam tibi innotuisse, scribit ad P. Zolam, sententiam, quæ me flammis vivum addicit. Infinitas gratias DEO optimo ago, de beneficio tam singulari. Et tu R. P. pro tua in me charitate, mecum unâ gratias age magno DEO, & impetra mihi tuis orationibus perseverantiam usq; ad supremum spiritum. Millies te amplector in Domino, & precor ut meas mihi culpas ignoscas. Patri Matthæo Couros scribit in hunc modum: Lectis tuis literis R. P. non potui cohibere lachrymas, spectantibus omnibus qui conveniant, cum singularis amoris significatione, ut ultimum mihi valedicerent. Remuneret DEUS hunc insignem amorem, quem mihi cum alijs semper, tum hoc extremo tempore demonstrasti. Anni jam sunt complures, cum hoc tam insigne beneficium à DEO flagito; sed identidem verebar, nè ob mea peccata non exorarent. Nihilominus



*minus Pater misericordiarum coniecit oculos suos, non in mea crimina, sed in suam elementem Bonitatem, & compotem me fecit voti mei. Sit ipse benedictus in aeternum, & in ultimam usque horam suam mihi dexteram porrigat. Felicissimum me, si post tot annos infructuosè transactos, tandem ad me revertar; quod equidem spero me impetraturum, per Sacrificium quod fecisti hodie pro me, in Beatissima Virginis honorem, in qua sita est spes mea, & quam precor, ut post hoc exilium, & captivitatem, ostendat mihi peccatori benedictum fructum ventris sui JESU. O si aliquando mihi contingat precibus hujus magna Regina venire in conspectum Sancti Filij ejus, & totius Sanctissime Trinitatis! certò tibi persuadeas, me beneficiorum, quibus abs te sum affectus, memorem, supplicaturum DEO nostro, ut nos conjungi velit in Paradiso, ut nunquam divellamur. Nudius tertius invisit me P. Zola, cujus alloquio mirificè sum recreatus, cum usque ad seram noctem una de DEO loqueremur. Amplector te R. P. millies, & ut SS. Sacrificijs tuis DEO me commendes, rogo. Eidem 30. Octobr. Res ipsa ait: satis ostendit te R. P. imitatore esse illius boni Magistri, qui cum dilexisset suos, in fine plusquam aliàs ostendit, quantum eos diligeret. Deus rependat tibi hanc consolationem, quam mihi tuis literis charitate plenis attulisti. Si non considerem brevè inter nos revisuros in Caelo, exclamarem, mihi crede, siccine separas amara mors? sed quia spero me adjutum precibus B. Virginis, & tuis, brevè discessurum, ut fruor amplexibus Christi nostri, idcirco taceo, & unum hoc dico, me in Caelum proficisci, ubi amicum prestolabor. Heri primà luce conveni P. Zolam. Ad hunc modum comparo me quotidie diligentius ad optatas Agni nuptias. Ipse pro sua pietate me deducat ad illas Caelestes delicias, ubi nunquam mihi excidet, quantum tibi debeam. Denique pridie quàm mortem obiret, eidem sic scribit: Non est R. P. de discessu meo quod doleas. Societas me amisso jacturam non facit, qui ei annos 44. tam negligenter servivi, cujus me valde penitet: proinde jura me mi P. ut veniam à DEO impetrem. Necdum reversus est Nangasacho, qui missus est ad Gonrocnium, spero tamen hodie reversurum; negotiumque meum confectum iri. Utinam crastinus dies, qui omnibus Sanctis sacer est, meta sit votorum meorum, ut multiplicatis intercessoribus, liceat mihi fortiter mori pro bono JESU meo, qui pro me peccatore tam copiosè profudit sanguinem suum. In Caelo nos revisemus.*

Illuxerat dies omnium Sanctorum honori sacer, cum Pater primà luce, nondum conscius pridie allatum de se responsum, Sacrum fecit tam uberibus perfusus lachry-

mis, ut satis appareret, quanta vis ignis Divini eas exprimeret. Sacro facto, dixit ad 26. Christianos tanto ardore, ut omnibus fletum cieret. Tum hospitibus suis nonnulla pietatis instrumenta divisit, suum illis apud Deum promittens perpetuum patrociniū. Ubi verò rescivit venisse de sua morte decretum, contulit se ad valedicendum per literas, quibus videbatur id officij debere. Primas dedit ad P. Provinciale in hæc verba: Magno mihi solatio P. R. fuerunt literæ tuæ. Grattias tibi ago ex animo. Opportuno tempore allata sunt; cognovi enim advenisse eum, qui expectabatur, pro executione mea necis. Itaq; hodie fretus favore omnium Sanctorum, moriar pro Christo Domino & Redemptore meo. Precor te ex animo, ut aliàs quoque feci, ut quidquid erratorum admisi in Religiosa disciplina observatione, mihi ignoscas; atq; id ipsum velim ut mihi impetres à cæteris socijs, quorum orationibus me Deo commendari postulo. Ego, quæ DEI gratia est, letum me sentio, promptumq; ad moriendum pro amore & honore S. Nominis JESU, neq; ullus metus animi meum percellit. Finio, petens suppliciter tuam sanctam benedictionem, & commendans me enixè tuis sanctissimis Sacrificijs, & precibus. Ximabara 1. Novemb. 1622. Petrus Paulus Navarrus, qui in momenta expectat mori, exultus pro Christo. Alteras dedit ad P. Matthæum Couros: Pater amantissime, inquit, vive felix. Quia hic sollemnis dies erit vitæ meæ postremus; ago immortales gratias aeterna Bonitati. Moriar animo lato & securo, fretus meritis JESU Christi Domini mei, ad cuius conspectum toto animi impetu azebo. Tu mihi mea delicta ignosce, neq; intermitte tuis sanctis Sacrificijs & precibus mihi opitulari, quibus me commendo. Petrus Paulus Navarrus, qui paulo post deflagrabit pro Christo. Duabus horis ante meridiem attulit Bungondoni famulus ad Patrem mortis decretum, his verbis conceptum: Xogun Imperator Japoniæ, Patrem damnatum jubet vivum comburi, quòd remanserit in Japonia, iussus excedere, & contra Regis edicta, quæ prohibent Christi Legem vulgari, eam disseminavit. Audivit ipse sententiam, quæ solebat esse vultus hilaritatis; dixitque, nunquam dum viveret, latiore se nuntium accepisse: & gaudere, quòd possit suo sanguine doctrinam obsignare, quam 36. annis Japonibus tradidisset: hoc se fine caput objecisse periculis innumeris, reliquisse Patriam, & quæ mortalibus solene esse charissima. Ideo non habere se quod de Xoguno queratur; & se plurimum Bungondono debere. His dictis orsus est magnà rationum vi suadere ei, qui mortis decretum attulerat,



tulerat, ut se Christo adjungeret. Sed hominem sævitia persecutionis deterrebat. Tonus responso Patris accepto, lachrymas non tenuit. Processit ad certamen Christi Athleta post meridiem, pallio indutus, nudis pedibus, & Rosario de collo suspenso. Ducebantur unà Dionysius, Petrus, & Clemens, qui cum illo fuerant in via comprehensi, duoque priores jam erant in Societatem adlecti. Vultus serenitas cum inusitata quadam modestia conjuncta, omnium oculos præcipuè in Patrem converterat. Ipse litanias præcinebat, cæteris respondentibus, Ethnicis vehementer attonitis ad tantam euntium ad ignes tranquillitatem. Ubi ad locum reorum supplicij infamem deventum est, palos ibi defixos Pater detractio capiti pileo veneratus est, caputque tam festinatò ingredi, ut ægrè possent alij consequi. Ut intra repagula subijt, nixus ante suum stipitem genibus, DEO de beneficio, quod accipiebat, gratias egit. Paulò post cum surrexisset, à quaternis lictoribus columnæ alligatus est. Rosario & cingulum à lictoribus derepta, Christiani magnis donarijs redemerunt. Ubi Tonus advenit, rogo injectus est ignis. Spirabat validè ventus, ideòque correpto mox flammis pal-

lio Patris, semiustulata vestium frustra in sublime ferri visa sunt. Deinde serpente flammâ spectatus est Pater, qui modò socios ad constantiam hortabatur, admonebátque ut Jesum invocarent, modò lumina tollebat in Cælum, quò aspirabat. Denique vinculis igne consumptis, in alterum latus prolapsus est, cum identidem clarâ voce repeteret: *JESUS MARIA. JESUS MARIA.* Vari fortitudine, benedicente ipsis secundo P. Petro Paulo, triumphârunt de igne cæteri, & Petrus eò gloriosius, quò, quia longius aberat ab incendio, productius tormentum habuit. Incidit ea victoria in diem 1. Novemb. A. 1622. cum P. ageret annum ætatis 62. ab inita Societate 44. Dionysius vixerat annos 38. Petrus 18. non ità pridem Societati donati; cuius jam vota nuncupaverant. Corpus P. Petri cilicio præinctum (quod nunquam à primo captivitatis die deposuit) unà cum reliquis redactum in cineres, in mare projectum est. Christiani sacris pignoribus frustrati, dolorem leniebant carcerem invisendo, quem generosus Athleta incoluit, quò non aliter subibant, quàm nudis poplitibus prorepantes, venerationis ergò.

## P. HIERONYMUS DE ANGELIS, & SIMON JEMPO.

**P**rimum Apostolum Regni Yezo ultra Japoniam siti, meritò dixeris P. Hieronymum natione Siculum, ea in urbe natum, quâ Ennam majores, hodie Castrum Joannis vulgò vocant. Is cum Panormum Juris discendi gratiâ venisset, ad spiritualia S. Patris nostri Exercitia inductus, in illis animum concepit erga Societatem; cujus Tyrocinium Messanæ A. 1585. exorsus, domum illam amplâ Nobilis suæ Domûs hæreditate (quâ etiamnum utitur) dotavit, & egregijs virtutum exemplis illustravit; abstinentiæ imprimis, quâ nē se conficeret, sollicitè advigilandum Moderatoribus fuit. Impetratâ crebris apud Moderatores postulationibus missione Japonicâ, Ulyssipone in Indiam solvit necdum Sacerdos, cum Carolo Spinola A. 1596. in qua navigatione, præter captivitatem Anglicam, & alia incommoda cum Carolo sibi communia, in gestis ejusdem supra relata, illud habuit in secunda ab Lusitania navigatione, Sacris jam initiatus, peculiare, quòd piratico è lembo prolapsus in

mare, cum nullam prædones impij (quâ nostrum in nomen immanitate sectarij sunt) operam illi eruendo darent, à puppi unde exciderat, ad proram subter navim delatus, emerferit nihilominus Divinâ protectione incolumis, quamvis impetu ventorum turgentibus velis celerrimè raperentur. In Indiam delatus A. 1599. post triennium tandem, in expetitam tot votis Japoniam pervenit: Ubi post unius anni laborem in condiscendum gentis idioma expensum, Fuscimi nostris præesse jussus, eam curam aliquot annis exercuit. Multos ibi recens ad Fidem adduxit, multos jam prius adductos, egregiè ad omnem virtutis laudem excoluit. Inde Surungam, ubi suam eâ tempestate Regiam Imperator Daifusama collocaverat, ut stabilem ea in Urbe sedem Societati primus fundaret, se transtulit. Cùmque è sententia ea res cecidisset, placuit Yendi, quæ altera erat Regia, idem tentare. Verùm inde magnâ in se concitatâ procellâ ejectus Surungam, nec multò post Socijs omnibus totâ Japoniâ proscriptis, Meaci clandestinus remanens, totam eam





P. Hieronym, de Angelis, Siculus, Simon Iempo Iapon Soc: IESV,  
cum Ioanne Faramondo Imperatoris Iaponiæ Consobrino, vivi lento  
igne pro Christi fide exusti Iendi in Iaponia 4. Decemb: A. 1623.  
C. Sireta del. Melchior Kijell f

eam vastissimam Insulam Evangelij prædicatione ultro citroque non semel permenfus, tam ardua, tam multa sustinuit, ut ea supra conditionem esse mortalis naturæ, supraque vires credi possint. Primus in amplas 5. Provincias, primus in tria Regna, longè in extremo Japoniæ ad Orientem submota, Fidem intulit; primus extra Japoniam penetravit in regionem Yezo, quæ brevi disjuncta freto, Insula sit an pars aliqua Tartariæ Orientalis, nondum satis exploratum est. Primus item suâ visitatione Christi pugiles inelytos solatus est, quos A. 1614. Tyranni furor Meaco, Ozacà, Facoco pulsos, in extremos Japoniæ fines Tzungarum relegavit, incredibili ubiq; animarum factò proventu. In Regna Cami primùm veniens, cum vix mille mortales Sa-

cris imbutos Christianis reperisset, ipse brevi intervallo supra dena millia, ac deinceps longè plura suâ manu abluta Christo conciliavit. Cum in Regno Oxo, quod ultimum est in Japonia ad ortum solis, An. 1621. populares suos gravius Rex insectaretur ob Fidem, deliberatum Patri fuit iræ Principis semet publicè obijcere, quò vel commissum sibi gregem tueretur in Fide, vel certè ad dimicandum fortiter firmaret exemplo. Sed impeditus à Christianis, accurrit Xindajum, ut ibi contra vehementius invalescentem Tyrannidem Cives firmaret: quos ipse cultu identidem mutato, modò singulos adibat per noctis obscuræ silentia, modò designabat locum quò convenirent: modò obvios in compitis, sicut confabulaturus, per exomologesim



logesim expiabat; donec à Moderatoribus Jendum Urbem Regiam adire jussus, rem ibi Christianam ultimo biennio administravit, tot mala perpeffus, tam gravia expertus incommoda, ut qui robustus antea & succi plenus erat, jam macie tenuatus, vix idem ipse esse agnosceretur.

Opportunè per illud tempus A. 1623. aberat Jendo Xogunsama Imperator, quàm opportunè liberaliùs se P. Hieronymus in conspectum dare, augerèque incrementis egregijs Ecclesiam Dei cepit. Erat è Bonzijs præcipuus unus doctrinâ inter suos & auctoritate, qui majorem inter Christianos æstimationem, & opes consecuturum se, propter ejus opinionem doctrinæ, quàm inter Gentiles sperans, Baptismo suscepto Christianis se aggregavit. At ubi spes ea decepit expectationem, per ipsam Christianorum perniciem ad cupitas opes grassari certus, Urbis Gubernatorem admonet, multa se milia nòsse Christianorum, duòsque illorum Pastores, qui ipsa in Urbe Regiâ commorentur. Protrahat igitur in lucem indicio suo clancularios Patres, gratiam Imperatoris hoc facto, opes, honoresque, utrique sibi mercaturus. Verùm ubi cunctantem Bonzium Gubernatorem, & vanitatem consilij prætentem advertit, Meacum festinus excurrit, & quanta sit præda in manibus ipsius Tyranno explicat. Imperator indicio lætus, donatum lautè Bonzium continuò remittit, & in Patres, ne quàm elabantur, esse jubet intentum. Hæc nefarij proditoris scelerata consilia, quamvis dissimulatione maximâ agitata, subodorati Christiani, omni ratione discrimini Patrem subducere satagebant. Sed jam res illuc evaserat, ut nec illi tutus pateret ad fugam exitus, utpote qui toti Regiæ passim usu quotidiano atque occurfu notus, obstupefceret ipse, qui latere tam diu potuisset; neque posset absque multorum excidio diuturnâ occultatione defendi; atque adeò universa Christiana res extremâ stare fortunâ videbatur. Eapropter extrema quoque experiri, consilio ab omnibus approbato, constituit, ut ad multorum salutem suo unius capite redimendam (nam alioquin si in ædibus cujuscumque deprehenderetur, omnes 20. domuum suo domicilio vicinarum incolas, eum ipsis infantibus in necem, ita jubente Imperatoriâ lege, trahebat) occuparet prior ipse, & Gubernatori se ultro sisteret, vilem, ita animam cum beata commutaturus immortalitate. Ea ubi sententia stetit, ingenti delibutus gaudio, illaq; Prophetæ verba usur-

pans: *si propter me orta est tempestas, tollite me, & mittite in mare*; Japonico cultu, sub quo laquerat compluribus annis, abjecto, barbâ posita, vertice in coronam Sacerdotalem rasso, consuetam Societatis togam & pallium, unâ cum Simone Jempo, post Catechistæ munus 20. annis laboriosissimè obitum, Societati demum adscripto, induit. Sic instructus Gubernatori se animosissimè cum Simone obtulit P. Hieronymus, professus se inde usque ab Sicilia Patria sua, per innumerabiles terrarum marisque difficultates, in Japoniam eâ causâ convolasse, ut eos ignorantie tenebris obfessos niteretur quaquâ posset ope, ad lucem Veritatis, atq; æternam salutem eruere. In hæc curam multis annis à se laboratum, multum esse malorum toleratum: quibus nunc ipsam etiam vitam quoque libenter sese, dum Japoniæ profuit, adijcere. Constitit insolentiâ tantæ fortitudinis mirabundus aliquantisper Gubernator; & nonnulla deinde ex utroque sciscitatus, ambos in custodiam jussit abduci. Ibi Simon usque eâ, quâ pollebat ad persuadendum facundia vi, Divini Spiritus aurâ aspirante, 40. Japones qui vincti in eadem custodia tenebantur, ad Sacram Christianam traduxit.

Interea temporis Meaco triumphabundus, ob res bene gestas, ubi revenit Imperator, atq; ex Gubernatore intellexit tres comprehensos esse in Urbe Regia Patres proseminatores Evangelij (nam præter duos nostros interceperant etiam P. Fr. Franciscum Galvez Franciscanum) in tantum furorè & dolorem efferebuit, ut palam dictitaret, levius sanè se toleraturum, si aliquot in se correptis armis Regna movissent, quàm quòd ipsam etiam in Regiam Patres, contemptis proscriptionibus, spretis minis atque supplicijs, insinuare sese minimè formidarent. Sed facturum se palam, & severitate supplicij, & vel sui sanguinis interneçione, quo demum animo in Christianos sit; & ne sibi quisquam posthac, aut claritudinis obtentu, aut quaquâ impunitatis aliâ spe blandiatur, suum se Consobrinum Joannem Faramondum, cui odio Christianæ Fidei comprehenso jusserat in fronte Crucis signum inuri, & unâ cum illo Patres, ac circiter 50. alios, qui servabantur in carcere, flammis aboliturum. Igitur eductos sine mora omnes, imperat per vicos Urbis amplissimos ad ignominiam insanæ plebis, & Faramondum quidem cum 2. Sacerdotibus, P. Hieronymo de Angelis, & P. F. Franciscò Galvez Franciscano, equis impositos, reliquos 47. pedites circumduci, ut in subiecta



Regio Palatio area vivi concremarentur. In dorso gerebant singuli suū nomen grandibus notis descriptum. Concurrebat mortaliū infinita vis ad insolentiam spectaculi, & multi quoque Principes, qui ovantem erant Imperatorem ex omnibus Regnis profecuti. Ut ad locum supplicij perventum est, suum omnes qui pedites incesserant ad stipitem, revincti sunt: illi tres vetiti jumentis descendere, si fortē spectatis aliorū pœnis labefactatā constantiā, possent ex Imperatoris libidine ad perfidiam transmoventi. Simon Jempo, qui totā viā omnibus Christi Fidem prædicabat, alligatus ad palum, longē efficacissimē eam suadere perrexit: eo maximē lætus, quod inscriptam magnis notis in tabula supplicij causam legeret in hæc verba: *Homines isti tam grandi supplicio mactantur, eo quia Christiani sunt.* Exprimi non potest, quā invictū animum omnes in tanta tormentorū sævitia gesserint: neq; unus fuit qui ingemisceret, qui se cōtraheret, aut vultu saltem minimū doloris signū ostenderet. Ut vel ipsi gentiles dicerent, supra omnem naturam esse tantam fortitudinem. Christiani verō spectatores tantū abest ut supplicio tam immani terrentur, ut potiūs magis animarentur. Nam dum ignis fureret maximē, sponte suā ad Judicium assidentium Tribunal accurrunt Vir ac fœmina, & voce publicā Christianos se esse proclamant, ac proinde eodē cum illis incendio concremandos. Sed jubente Magistratu vincti duntaxat in præsentiarum sunt, & custodiæ traditi.

His itā crudeliter exustis, dum ad eosdem flammarum triumphos anhelarent tres reliqui, Paramondus loquendi copiā postulata, dixit ex equo ad populum confertissimū, vel ex eo posse à quovis veritatem Christiana legis agnosci, quando ipse expectata, propter communem cum Imperatore sanguinem, magna fortuna gaudia, cum adeo infami diræque morte libens ac volens commutet; idque post toleratum 14. annorum longum exilium, post truncatos sibi manuum ac pedum articulos, post frontem sibi stigmatem Crucis inustam, tantū nē eā ejuratā jacturam unā faciat sempiterna salutis. Quod si tam dira in se Principis immanitas documento est, quanto ille hanc Legem odio prosequatur, profecto suam tam instabilis sævitia tolerantiam haud levius ostendere, quantā ipse execratione detestetur ritus gentilitios, & profana sacra. Ea se inde usq; à primo ætatis diligenter accuratēq; scrutatum, haudquaquam fuisse cum Christiana disciplina commutaturum, si quidquam firmi in ijs solidi que comperisset. Esse aliquid in illa, id quod ipsorum pleriq; non nesciant, quod percellat animum, quod à caducis mentem avocet, atq; ad

æterna transmoveat; deniq; quod percellat provsus atq; convincat. Volentem plura dicere, cum jam commoveri videretur, & lachrymis annuere peroranti multitudo, interpellarunt administri qui aderant; verentes, ne quid in populo jam concitari capto, fortasse turbarum aut tumultuationis existeret. Utrique deinde Patres affari concionem permisi, eā quā præstabant ambo dicendi vi atque efficacis, quæ dixerat Paramondus, sicut impressione factā altiūs affirmarunt. Posthæc depositi jumentis alligantur ad palos, & Hieronymus quidem medius; unde socios ardentissimē ad moriendum pro Christo cohortatus, ubi utrique vale ultimum dixisset, suppositus fomiti ignis repentē corripuit pyras, & glomerato incendio, undantēque fumo itā Dei servos involvit, ut eos adstantium aspectui subdukerit; nisi quod interdum aspirantis auræ motu ab eorum corporibus tetra nubes dimovebatur. Iis autem intervallis observatum est P. Hieronymum se principiō ad Urbem convertere, atq; ad Deum preces breviter pro ea fundere; mox in eam se partem reflectere, quā vento agente ignis vehementiūs invalescebat; tum ut faceret palam flammam se neutiquam reformidare, tum ut ad multitudinem, quæ frequentior eā parte constiterat, sermonem aptiūs dirigeret; ad quam semper uno in vestigio rectus atque immotus, tam diu verba inflammatissimo spiritu fecit, donec obvolutus incendio, animā interceptā, pronus in genua concidit, & probatā ignibus auream animam Cælo reddidit 4. Decem. A. 1623. ætatis 56. Societatis aditæ 38. laborum in Japonia 22. In Paramondo autē singulare illud fuit, quod cum flammarū una vehementiūs in illum à vento impelleretur, eandem ille, tanquam rem longē sibi charissimā amplecteretur. Immobilis verō semper stetit, quoad unā eū stipite pronus cecidit, & expiravit. At verō P. Franciscus, qui longiūs animam trahebat, etiā post mortem in pedes erectus, omnibus jam consumptis vinculis, perstitit columnæ innixus, à qua ne digitum inter summa tormenta recessit. Exusta eorum corpora, quia intentissimis excubijs servari notabant Christiani, triduum quieti domi se continuere: donec illis jam securis, trecenti glomerati nocte concubia, itā omniū exuvias unā cum bustis collegere, ut tellurē ipsam pretioso sanguine coloratā abraderent. Utriusq; nostrorum capita Macai servantur in Collegio, donec possint palam aliquando ad venerationem Apostolicā auctoritate proponi.

F. DIDA-





P. Didacus Carvallius Lusitan, Soc. IESV, tolerato glacialis aquæ per 12. horas frigore pro Christo enectus Scenday in Iapo. ma 22. Febr. A. 1624.

C S d.

M. K. f.

## P. DIDACUS CARVALLIUS.

**U**m tot incendijs, quibus in Patres furor Tyranni desævijt, magis magisque aliorum zelus inflammaretur, ut refrigesceret. Charitas, glaciali aquâ sæviturum est A. 1624. in P. Didacum Carvallium. Sed oleum dixisses non aquam igni affundi, ita in amorem Christi inflammator ab aquis Didacus prodijt Conimbrica hunc Orbi dedit A. 1580. Societati 96. Indiæ 1600. hæc demum omnibus excultum disciplinis Japoniæ submisit, anno hujus sæculi nono; unde post quadriennium cum reliquis socijs è Japonia proscriptus, remetiri Oceanum, & Maccaum repetere coactus est, primâ prolusione

Martyrij factus extorris. Verùm clàm iterum, ductore Deo, in Japoniam irrepens, Omuræ primùm in pijs laboribus strenuè versatus; emissis ibi in Augusto A. 1617. solennibus 4. votis, in extremam Japoniam ad Regnum Osci, cui Dates Masamunius imperabat, sese recepit. Illic fortissimos Christi Confessores, qui propter Fidei constantiam multati exilio, egeni omnium, ærumnosam vitam agebant, quo potuit solatio recreabat. Bis deinde cum P. Hieronymo de Angelis trajecit in Regnum Jezo, ubi simul ignoto illic Deo aram posuere, & sacram primi litavere hostiam. Primus item in Akita, primus in Sciemboco Fidem Christi prædicavit. Inde

Sf 2

per-



pervagatus ad solandos afflictissimos Christianos Regnum Deua, cum aliter in Provinciam Sungarum penetrare, confirmaturus illic pro Christo exules Neophytos, non posset, tertio transiit in Regnum Jezo objectum Japoniae; unde per averfam ab attentissimis excubijs partem, in Sungarum operarij metallici cultu trajecit, Christiano vectus navigio. Matzumam primum urbe principe Jezo insperantes Christianos invisit, cohortatusque ad firmitatem est. Inde se unius itinere diei transtulit ad metalla, & ibi etiam universos Sacramentis impertitos incredibili complevit gaudio. Sic sorditatus ea fossoris illuvie Tacaocam Provinciae Sungaruanae portum, ac deinceps in Akitensem Provinciam apulit inobservatus, & late circumtulit operam atque industriam suam, dum Christi Confessoribus, diversa per loca degentibus, per Sacramenta recreandis, & gentilibus baptizandis distringitur. Secundum haec Zubotam festinus repetijt, ut moliretur aditum usque adhuc frustra tentatum, ad procurandum Christianis mysterijs Regium Gynaeceum. Sed quo ipse illabi non potuit, inde, quae foeminarum solertia est, delusis Arcis custodibus illae eruperunt, & retro pedem postquam expiatae sunt, clandestinae retulerunt. Ita quam plurimis lustratis oppidis, multisque, qui atrocitate poenarum defecerant, ad Fidem revocatis, ad ejus quoque Provinciae metalla argentaria perrexit; & opem ubique omnibus pro virili, & consolationem adhibuit. Atque his non plus trimestri, labore supra quam cuiquam credibile sit maximo, per enormia pericula gestis, aditum in Provinciam Seionai, Socijs eatenus intentatam, aperire nifus est: ac tandem sexcentis aditis, superatisque periculis, in Sacatam Urbem Provinciae caput furtim penetravit. Hic re Divina primum facta, tridui spatio non contemnendum Christo manipulum animarum colligens, Zubotam se retulit, unde rursus in Sungarum accersitus, septenundierum viam emensus est, unius ut viri nobilis Christiani, quem morbi vis in discrimen adduxerat, exomologesim audiret. Atque in his indefatigabilis viri conatibus, unicum solatium erat spes vitae pro Christo, sive per ferrum, sive flammam proijciendae, eo quod haec pleraque in medio sagacissimorum undiq; vestigatorum moliretur; ut ipse capere non posset, quonam pacto eousq; manus impiorum evasisset.

Neque diutius vota fidelis servi frustratus est Deus, sed per ipsam P. Hieronymi de

Angelis necem, aditum illi ad similem exitum paravit. Aderat Jendi, dum conflagratione saevitum est in P. Hieronymum, aliosq; ex omni ordine 52. Maramunius Rex Scendaïj, ubi majore parte P. Carvallius degere solebat, Socijs toto eo Regno ad quæstum animarum dispensandis Praepositus: per quam occasionem unus quispiam est famulatio, multos in Regno ipsius Christi Fidem profiteri, mussitando suggestit. Tum ille, qui quæstui omnia, & post Imperatoris gratiam habere consueisset, plenus curarum ac metus, celerem continuo nuntium expedit, & in Christianos inquiri universos exacta diligentia imperat. Accepto imperio Gubernatores, ante omnia sollicitare Joannem Goto, cui alias ob praecleara Viri merita, Christi Sacra palam sequi Masamunius indulserat, ad defectionem minis, pollicitationibus, ausi sunt. Quibus ille fortiter & cum stomacho rejectis, malorum tamen quasi praesagus, cum ad P. Didacum retulisset quae gesta fuerunt, uterq; se ad mortem subeundam instituit comparare. Christianorum omnium confessiones Pater illico maturavit excipere; & ne suis hospitibus noxae foret, alium in locum haud longè distitum, cui Oroscio nomen, abscessit; duobus ultro Christianis illi se comites praebentibus, qui illi etiam ad mortem usq; fortiter adhaerere. Exceptus à Mathia Itiore probo Neophyto, propter ejus domicilium perangustum sibi mapale construxit. Paucis post diebus tentata rursus est Masamunij jussu Joannis constantia, cumque ille nihil concederet, exul atque extorris à solo patrio extruditur. Mox in reliquos Christi cultores cum sagacissime indagaretur, 60 capita Oroscio deserto, in vallem tugurio P. Didaci proximam, casis tumultuario excitatis recepere sese. Interea vestigatores accepto indicio, Patrem, & ponè illum complures Christianos Oroscium commigrasse latendi causa, illico Oroscium contendunt. At ubi nullos ibi, quos quærebant, invenire, fortè inter abeundum in ejus conspectum delati vallis, ubi illi erant metati, seiscitatique *quid illud castrorum, quid hominum esset?* ut Christianos esse, qui se declinandae vexationi illuc abdidderant, renunciatum est, eo confestim evolare, miscere omnia, vexare, Christianos manu capere, trahere. Tum verò Carvallius sua ultro è latebra prodijt, & se Fidei praecoem professus, cujus unius tam impendiosa vestigatio sit, apparitoribus se ipsemet obtulit. Illi una vincum cum alijs rapuerunt ad Judices; à quibus multas primum horas



horas sub dio densas inter nives, quæ Cælo cadebant, detentus per inclementiam; tum nomen, Patriam, suæ Fidei rationem interrogatus; ubi singula per ordinem exposuit, ad extremum eam se Fidem, quam prædicaverat, perlibenter suo sanguine, & quorumcunque perpeffione cruciatuum asserturum esse, magno animi ardore professus est. Nocte illâ confessionibus suorum audiendis integrè impensâ, vix manè dies illuxerat, quando suis educi custodijs, revincti manus, per ingentes viarum nivibus & glacie oppletarum ineptias, Midrusavam biduo diffitam Urbem pertrahuntur. Illic socijs in diversa ergastula inclusis, Pater apud administratos Justitiæ diversatus est, quibus perlibentibus Apostolorum Symbolum explicuit, simulq; atrocem illam calumniam, quâ pietatis obtentu Patres ad occupandam Japoniam uti jactabantur, disertâ oratione redarguit; quippe cum se viderent Europâ, opulentissimâ Patriâ suâ posthabitâ, longâ trium annuum, perdifficili & periculorum refertâ navigatione, nihil demum aliud nancisci, quàm ut miseram animam per omnes ærumnarum formas ubi aliquamdiu traxerint, postremò per varias pœnarum facies, atrocissimâ morte projiciant. Vel ex eo uno satis constare profectò posse, non Japoniam à sese, sed Japonum salutem quærî; neque tot malorum gratuitam perpeffionem Imperij ac fortunarum pretio, sed animorum auctionari, ac venum ire. Postridie per æqualia incommoda Midrusavam tetendere, vinculis artè constricti, suo quisque custode comitatus, & humeros insigniti titulo captivitatis: *Christiani*. Verum quia duo ex ipsis ætate & laboribus itineris fracti, cadentibus perpetuò nivibus, progredi non poterant, in valle quadam 9. Febr. capite sunt multati, & in frustra concisi: maximis lætitiæ præbitis indicijs, quòd pro Fide moriebantur. Midrusavæ rursus fuerunt reliqui interrogationibus tentati, & P. Didacus, ut auctor alijs esse vellet desciscendi à Christiana Fide, impensius rogatus, eam perfidiam vehementer execratus est. Igitur catastâ Japonicâ cum duobus alijs, quia ferventiùs Judicibus resistebant, pedes constrictus est; sic ut exinde pedes illi magnopere contusi, penèque confracti essent. Desperatâ eorum perversione Judices, Scendajum victos abduci jubent: ubi Michaël quidâ Christianus illis factus obvius, per omnia sacra rogabat satellites, ut & ipse vinciretur. Sed rejectus quidem ille est, mœrens ac tristis: alter autem Julianus Fyemon idem paulò

post similiter postulans, exoravit, & magno omnium solatio numerum pro Christo victorum auxit.

Scendajum denique ut attigere, publicam in custodiam promiscuè cum facinorosis aliquamdiu compacti, ad flumen deinde, propter quod effossâ humo scrobs, duos alta pedes, defixis consepta sudibus erat, aquis è fluvio derivatis stagnans, adducuntur die 18. Febr. cum P. Didaco novem socij. Tempestas erat perfrigida, & ut est Regionis ejus ingenium, apprimè glacialis. Hic omnes ad suum quisque ligatus stipitem, exuti vestibus, confidere in aquis pectore tenus, per barbaram immanitatem, ad ipsas 3. horas coacti sunt. Omnium lento in cruciatu miram constantiam, Pater insuper nullo frigoris ostenso sensu, quâ verbis appositis, quâ tolerantiae exemplo firmare: nonnunquam oculis ad modestiam submissis, sicut cœlestibus meditandis intentus conticescere. Interea omnium eæ voces exaudiri, hilarè ingemnantium: *JESUS MARIA! Benedictum sit Venerabile Sacramentum; DEO sit semper laus & gloria*. Post 3. horas in glaciali frigore, inter assiduas satellitum contumelias, & ad defectionem provocationes, cum jam propemodum obriguissent, ut ad pœnarum redintegrationem servarentur, ex aquis educi sunt. Cæteris, quò rigorem corporum nonnihil temperarent, ad ripam fluminis sese volutantibus in sabulo & glarea, P. Didacus & frigoris & sui victor, plicatis decussatim cruribus, quemadmodum aliàs consueverat, humi confedit, & manibus ante pectus compositis, capite leniter inflexo, mentem atq; animum ad Divinarum contemplationem rerum illico transtulit, attonitis ad tam mirabilem viri fortitudinem Ethnicis. Hic dum iterum Patri proposita conditio est sui, & sociorum vitæ redimendæ, si illis ad abijciendam Fidem auctor sit; ille eadem animi integritate, authorem se priùs illis ad subeunda tormenta omnia fore respondit. Eâ responsione Gubernator concitatus, flammis illis atq; incendia comminatus, tantisper ad carcerem reduci omnes imperat; duobus exceptis, qui vix è fluvio egressi, obriguerunt mortui.

Quatriduano carcere per gravissimas injurias tolerato, die 24. Febr. A. 1624. sub meridiem rursus è custodia producti, cum se ad ignes deposci crederent, ad aquas & gelu rapti, eadem in fossa nudi, ad singulos vincti palos compositi sunt. Principiò stare jussi, aquâ genuum tenus non ampliùs ascenden-



te; deinde confidere, ut novo tormento pe-  
ctus atque prae cordia pertentarentur; deniq;  
ut crebrâ undarum reciprocatione dolor au-  
gesceret, alio identidem atque alio situ, ad  
primam usque noctis horam collocati sunt.  
Tum verò vespertino frigore & vento, den-  
sæque cadentibus nivibus, aqua sensim ad-  
stringi, & congelascere, & jam corporibus  
paulatim sensum extinguere. Igitur supre-  
mam horam sibi imminere certi, capere in-  
vicem blandissimè consalutare, & verba no-  
vissima bene precando dicere: jam accepta  
divinitus beneficia memorare; jam alia, quæ  
præsentem forent in usum postulare; aliàs  
gloriosam DEI Genitricem Virginem, ut  
sibi ab suo Filio vires ad supremum certa-  
men deposceret, exorare. Excitabat omnes  
atque erigebat P. Didacus, toto illo tempore  
nè contremiscere quidem unquam notatus:  
cùmque Mathiam Xojanum jam extinctum  
(quod Pater ignorabat) bis compellâisset, re-

spondisse fertur erigenti se Patri jam mor-  
tuus, cum ingenti omnium, qui mori eum  
viderant, admiratione. Tandem extinctis  
universis, postremus ipse superstes fuit. Quin-  
ta jam erat noctis profundæ hora, cùm dila-  
psis ad sua barbaris, pauci perstitere Christia-  
ni, donec P. Didacus haud multò ante dimi-  
diatam noctem, post toleratum 10. integris  
horis gelu tormentum, admirabili constan-  
tiâ, inter eadem illa quæ docuerat alios reli-  
giosa verba, vitam simul & tormenta finivit,  
cùm annum ageret ætatis 46. Societatis 30.  
quorum dimidium in Japonia & Cocincina  
transiegit inter Apostolicos labores, quos ad-  
mirabili mansuetudine, affabilitate, demis-  
sione animi, charitate exornavit. Eorum  
exuviae frustatim concisæ, in profluentem  
abjectæ sunt. Solùm P. Didaci, & aliorum  
4. capita, jacturæ à Christianis quibusdam  
ad venerationem religiosè subducta  
sunt.

## P. MICHAEL CARVALLIUS.



Arvalliorum alter per aquam,  
per ignem alter gloriosam Fidei  
secere Confessionem. Et Michaël  
quidem hunc felicem exitum  
inter scenicos ludos adhuc puer  
de ■ promiserat. Etenim ut Bracharenfes  
eives (inter quos natus educatusque fuit Mi-  
chaël) simul recrearet, simul instrueret Socie-  
tas JESU, historiam Abrahami, filium suum  
unigenitum Deo immolaturi in theatro ex-  
hibuerat. Michaël puerulus ad tenerum spe-  
ctatorum sensum, & copiosas lachrymas,  
Isaacum egit, & lignorum struem (in qua re  
ipsâ olim in Japonia in suave DEO Sacrifi-  
cium immolandus erat) humerulis suis de-  
portabat. Igitur ob egregias animi dotes in  
Societatem adlectus anno superioris sæculi  
97. cùm alienæ salutis & Martyrij flagraret  
amore, ad Orientales Indias quinto post an-  
no destinatus est; ubi in Goano Collegio  
Theologicis eruditus disciplinis, easdem  
postea per annos complures singulari cum  
laude alijs explanavit; donec anno ætatis suæ  
40. Japonicam exorâisset missionem. Biremis  
quâ vehebatur, posteaquam Oceani vim æ-  
grè aliquantisper sustinuit, demum ad Ma-  
lacæ oram fatiscens, vectores in mare effu-  
dit. Michaël vix nando servatâ vitâ, cùm  
nullum esset in portu navigium, quo cœ-  
ptum iter prosequeretur, ausu magno pedes  
illud ingressus est: & per ingentia viarum

incommoda Macaum usque absolvit. Inde  
militari veste irrepens in Japoniam, & Ama-  
cusam ad vernaculæ linguæ studium à Super-  
rioribus amandatus, morbo non uno tentatus  
est, quos homini alienioris jam ætatis, & vi-  
ctus insolentia, & asperitas frigoris concilia-  
vit. Ipse interim ut futuro Martyrio, quod  
unicè suspirabat, proluderet, corpori suo in-  
festus esse, atque illud diris modis vexare, fla-  
gris diverberare quotidie, & quidem sole-  
mniorum dierum pervigilijs geminatâ ad  
sanguinem verberatione; cilicio accingi  
continûe, & setoso frequenter alterum ad-  
jungere ferreum. Triduo quothebdomadis, &  
pridie festorum tolerare jejunium; & diebus  
Veneris in pane & aqua. Victum interim  
suum omnem erogare pauperibus, & in eo-  
rundem subsidia stipem undequaque colli-  
gere. Tempus reliquum omne mentali da-  
bat orationi, semper in genua provolutus: &  
ut Deo litaret religiosius (quod nunquam fa-  
ciebat lachrymarum expers) comparabat se  
ad Missam unius horæ meditatione, & tan-  
tundem gratiarû actioni impendebat. Simul  
ut gentis idioma condidicit, totus in morta-  
lium salutem incubuit, vitamque Angelicæ  
quàm humanæ similiorem, quasi præfagus  
quod velox sit depositio tabernaculi sui, cum  
omnium admiratione, nunquam remissâ  
contentione agitavit. Evocatus ad exci-  
piendas quorundam confessiones Omuram





P. Michael Carvallius Lusit. Soc. IESV, pro fide Christi inter:  
lentos ignes vivus consumptus Omuræ in Iaponia 25. Aug. A. 1624

C. Scrota d.

(Melchior) J. J. J.

A. 1623, operâ clandestinè illis ex sententia navatâ, parabat se in tutum recipere; cùm exploratori clanculario agnitus, ipso S. Magdalenæ festo, quam peculiari devotione venerabatur, recte injecto in collum capitur, jussuque Gonroci Gubernatoris Nangasachi, carceri Omurano, 16. palmos longo, ostionos lato, quo jam antè 4. alij Religiosi tenebantur, concluditur. Solatio præcipuè fuit, præter copiam quotidie DEO in carcere litandi, duos ex ipsis suis comprehensoribus ad Christum convertisse, neque suâ comprehensione ulli noxæ vel incommodo fuisse, cùm præter morem jam captus de nullo, qui aut se convenisset, aut quicum egisset, interrogaretur.

Tenuit ea custodia Patrem 13. omnino

mensēs, cujus ineffabiles delicias amicis communicaturus, nunquam satis exprimere posse sibi videbatur; ita ad Societatis in Iaponia Procuratorem scribens. *Sumus omnes infirmi, & corpore debiles; sed admodum robusti & recreati spiritu, nam DEUS qui Pater misericordiarum est, in majoribus arumnis uberiores favores, atque ad eas tolerandas auxilium suggerit. Hoc de me possum equidem affirmare, singulari quodam & extraordinario me sensu voluptatis inter patiendum affici: neque in animum unquam induxissim meum, tantam inesse in adversis pro DEO sustinendis suavitatem. Ejus Majestati laus in æternum sit & benedictio.* Multo maximè autem luculenter ad P. Benedictum Fernandium, qui nono post anno in odium Christi necatus est, in hæc verba sua solatia decla-



declaravit: Probè sciebam me servum inutilem esse, atque ad Orbis conversionem parìs in carcere atque extra carcerem, hoc est nullius usus. Atq; eò placuit DEO huc me compingere, ut purgatus penitentia criminibus, DEI servorum, qui mecum sunt exemplis, tempus malè à me otiosèq; collocatum addiscam corrigere; neque metipsum ad mortem obeundam comparare, quam profectò admodum impensè ad Divina Majestatis gloriam, in nostrarum mearum satisfactionem expecto. Haud iverim equidem inficias, multum me ac vehementer perterrefieri, quoties oculos ad illas converto. Sed ubi rursum ad eam me reflecto Benignitatem, qua solem suum oriri facit super bonos & malos, justos & injustos, non possum mihi non summa quæq; de DEO polliceri; & jam nunc mihi videor quodammodo manibus antecapere, atque complecti sanctam ejus gratiam, & animi robur, quo vitam pro ijs institutis ac lege profundam, quam tot egregij pugiles, per enormes adeò cruciatus tuentur & asserunt, quàmque a principio datis cervicibus olim Apostoli propugnârunt. O Pater mi dilectissime, quàm fortunatus essem, si me ob DEI tam boni amorem, ingenti rogo deflagrare conspicerem! Quàm felix, si honore ejus Domini minutatim conciderer, qui tot me donis suis prævenit, qui insecutus me tam diu est, patienterque sustinuit obnitentem, neque ignarus ingrati animi mei, neque adeò pertasus! O amabilis JESU mi, ecquid unquam præstitero miser peccator, quo gratificer tibi? Quibus tibi satis laboribus fecero? Quas subiisse tormenta, quò tibi placeam, sat fuerit? Quot cruces paratas habes, qua incendia constituta? O quid me vis facere Domine! da quod jubes, & jube quòd vis. Jam demum tempus est Pater mi charissime, opitulandi mihi indigno servo tuo, quàm fervidis orationibus, quàm sanctis Sacrificijs, ut ad ea omnia fortiter excipiènda mihi DEUS vires suppeditet, qua me pro meis delictis ipse pati voluerit; concedatque ad suam gloriam, atq; in contestationem suæ sanctæ Legis plurimam adversa sustineam; flammæ ferrumque, & quidquid in caput meum hostes Numinis ejus excogitare quiverint, ac moliri. Mundus, & quidquid ejus voluptatum est, quidquid opum & gloriæ, mihi jam prorsus despectui, & pro nihilo sunt. Hoc mihi sit unum post hæc gaudium, pati pro Christo; adeoque etiam si Divina sic Majestati collibitum sit, ut in hoc carcere malis confectus occumbam, fiat voluntas ejus. Et si ex adverso voluerit, ut hoc arcto & solo in loco, ad usq; supremum, & decretorium gentis humanæ diem doloribus & morbis oppressam animam traham, neutiquam obsto aut refragor. Jam verò quoniam quidem certiores Nangasacho reddimur imminenti propediem finis nostri, extre-

mun idcirco per hanc scriptionem vale tam cara Capiti! quàm est mihi R. V. dico. Tu pro me Deum ora Pater carissime; ego diligenter vices reddam. Ad R. P. Provincialem autem: Audiodio, inquit, multos Jendi mortem subiisse pro Christo. O fortunatos illos millies, felicesque athletas JESU, qui palam facere, totique Xoguni Regia testatam legum ipsius injustitiam potuere, & Legum Omnipotentis DEI aequitatem tueri, quicq; pro ejus honore atq; exultatione, minimè cunctati sunt cum sanguine vitam profundere. O felicitatem! ô sortem optimam! ô sanctam invictam! ô mortem eò beatiorè, quò mihi vita in hac valle lachrymarum sit infelicio! ut cum Paulo Apostolo nonnunquam exclamare cogar: cupio dissolvi & esse cum Christo. Miserum me, quem, quia truncus infelix & obsitus peccatis sum, haudquaquam ea manebant certamina, quæ suos destinat electos DEUS. At R. V. quoniam mihi Pater est, tantumq; gratia apud Deum Dominum nostrum communem valet, eum interpellat pro me, atq; efflagitet, ut benignos ad me oculos, & pietate plenos convertat; atq; hoc largiatur, ut quando dedit hoc loco concludi, vitam quoq; liceat ipsius gloriæ, & nostrarum mearum vindicationi depacisci.

Advenit interim felix Nangasacho nuntius, eandem communiter in P. Michaëlem, tres PP. Franciscanos, & unum Dominicanum, conflagrationis apportans sententiam. Quo incredibiliter exhilarati, die 25. Aug. A. 1624. producti sunt è custodia, Crucem singuli manu ferentes, arctè vincti, collo in rektim inserto, & brevi maris trajectu in locum supplicio destinatum trajecti, ante omnia na vicularijs, pro exantlato sui causæ labore, gratias egerunt. Tum elevatis sublimè quas gestabant crucibus, instituere Psalmos ritu sacro modulari; donec P. Carvallius ad confertam multitudinem conversus, Fideique Christianæ gratiâ perlubenter mortem se omnes oppetere contestatus, primus omnium palo, multis osculis & amplexibus antè delibuto, alligatus est: reliquis secundum ipsum, omnibus in habitu sui Ordinis, ad diversos palos laxè, pene ad speciem adstrictis, ut calor impatiètiâ victi, commovere sese & contorquere possent, & incompotis gestibus ac motibus plebi ludibrio forent. Verùm illi fixis in Cælum obtutibus stabant immoti, altâ voce Divos in auxilium vocantes, dum admotâ singulis exigua pyrâ, torrerì potius longo lentoque æstu, quàm ardere deflagratione videbantur. Ludovico Japoni è tertio S. Francisci Ordine flamma propior continuò vinculorum nexus exolvit; qui



qui jam liber ad socios Sacerdotes, medias inter flammæ, ardoris & cruciatuum potens accessit, & sacros eorum pedes venerabundè suaviatus, & circumstantem multitudinem ad Fidei Christianæ professionem, quâ solâ comparari queat sempiterna salus, vi magnâ cohortatus, ad stipitem se suum ultro retulit, & fortem animam primus in Cœlum transmissit. Hunc proximè P. Michaël secutus est, quem flamma luculentior citiùs reliquis, post grandia constantiæ documenta extinxit, anno ætatis 47. Societatis 27. Tertius succubuit victor ignium Fr. Ludovicus Saffan-

dra Sacerdos Japon, qui superstites adire Sacerdotes, combustis jam funibus suis conatus, cum pedibus ustulatis ingredi non posset, eos suo è loco profundâ corporis inflexione veneratus, excessit. Duo reliqui, ipsas tres horas constitère, nullo doloris aut infirmitatis indicio; donec & ipsi demum incendio confecti sunt. Corporibus penitus igne consumptis, & cineribus in mare dispersis, subduxère tamen Neophyti ossium ac stipitum fragmenta quædam, eaque ad veneratorem piè religiosèque servârunt.

P. JOANNES BAPTISTA DE BAEZA, &  
P. GASPAR DE CASTRO.



Odem die, septimo nimirum Maij, A. 1626. quamvis distinctis in locis, vitam, quam in maximis ærumnis tempore persecutionis Japonicæ toleraverant, felicissimè finire P. Joannes Baptista de Baëza, & P. Gasparus de Castro. Ubedæ in Hispania natus P. Baëza, ex Legum studio Societatis tyro, ac deinceps emenso Theologiæ curriculo Sacerdos factus, miram illam, quâ pollebat, dicendi facultatem salutis gentilium devovit, transmissoque sub annum 1586. Oceano, Mozambici primum, tum Goæ & Macai, cum ingenti animorum fructu eandem exercuit. Inde in Japoniam, qui votorum scopus Patri erat, missus An. 1590. in Regno Fingensi per triennium plus quam septuaginta millibus hominum natu grandium Christi Fidem persuasit, eosque omnes manu propriâ salutaribus aquis abluit, præter innumeram infantium & puerorum multitudinem. Eâ enim frequentia ad Baptismum Patris accedebant, ut is non rarò brachium ad affundendos latices eorundem capitibus attollere ampliùs non posset, adeoque differendus fuerit reliquorum Catechumenorum in diem posterum Baptismus. Secundum hanc animorum messem Scimabaræ aliquantisper substitit, donec Ludovico Cerqueria Japoniæ Episcopo socius & adjutor datus, Vicarij Generalis munus cum laude eximiæ prudentiæ, & ardentissimæ in omnes charitatis sustineret. An. 1612. pulsus cum Socijs Scimabarâ, ad Regna borealia se recepit; sed inde rursus post biennium revocatus Nangasachum, quamvis jussu Tyranni in exilium deportandus cum reliquis foret, ta-

men postulatu plurimorum, quos ipse sacris undis tinxerat, ibidem clam remansit. Non multò post invitatus à socijs in Chinam, ut eum agrum ad copiosam messem jam maturum operaretur, solâ spe vinculorum in Japonia obtinendorum impetravit nè mitteretur: ubi eas toleravit annis deinceps plurimis æumnas, & pericula tanta, quæ conflagrationis tormentum suâ longævitate superâsse videri possunt. Solos ex assiduis periculis, quos passus est terrores, aliquatenus juvat ex ipsiusmet literis, ad nostrum aliquem datis cognoscere. *Quis tibi satis* (inquit ille) *explicare possit R. P. ea quæ in hac perturbata Babylone superioribus hisce mensibus gesta sunt? cum hi Ethnici unum id anxie agerent, ut nos caperent, eaque de causa perturbarent omnia, & incredibilem cunctismetum inijcerent. Quod si ex me sciscitare, cur igitur in eorum manus non venerim? non habeo quod respondeam aliud, quam id ex DEO queri posse. Nam ex quo hac in ora versor (versor autem jam 8. ipsos annos, sic ut nusquam exceßerim) neque proditores unquam, neque exploratores in eas ades, ubi versabar, pedem intulerunt. Nocte, quæ Natalem Domini jam proximè elapsam antegressa est, tricenarij socij totam in qua degebam viciniam diligentissimè perlustrârunt, ut Patrum quempiam in latebris reperirent: omnes adire domos, præter eam unam ex omnibus, in qua ego nixus antearam genibus opperiebar, ut mihi vincula immanes illi lictores inijcerent; & à me Dogicum eâ causâ priùs ablegâram, ne in discrimen meâ causâ veniret. Nox ea universa in omnis ejus viciniae summa perturbatione consumpta est: conceptæ sacre imagines: jactata in Deum maledicta, miseri Christiani sexcentis appetiti injurijs. Idem*





P. Ioannes de Bæza Hysp: et P. Caspar de Castro Lusit: Soc:  
IESV, gravissimis Proscriptionis ærumnis à Xogunsama Impe-  
ratore confecti in Iaponia. 7. Maij. A. 1626.

C. Scretta del.

Melchior Kuffell f.

usq; mihi venit in pervigilio Dominica Circumci-  
sionis, quando paucis horis non paucas pervagari  
domos coactus, cum unâ exturbatus, aliâ non ac-  
ciperet; ad extremum sub dio, Cælo sereno, sed  
tempestate, frigore, ventisq; asperissimo, noctem  
itâ peregi, ut agrè postridie Sacrum possem facere.  
Veniebat in mentem ejus pacis tranquillitatisque,  
cujus per sacros illos dies fructum Societas cape-  
re ubique gentium solet: sed quæ benignitas Dei  
est, meam ego sortem illâ feliciorē duco. Hæc  
& similia totâ duodecim annorum serie tam  
illi fuere crebra & vulgaria, ut ærumnarum  
Fidei causâ toleratarum magnitudine tan-  
dem solveretur totis artibus fluxâ paralyti,  
nervis omnibus contractis; ut proinde mem-  
brorum impotens, lignea conclusus in cista  
domesticatim circumgestaretur, id unum

anhelans, ut suam DEO vitam daretur im-  
molare per flammās. Verum enimvero vi-  
sum aliter DEO fuit, qui lento morborum  
pœnarumque igne consumptum, siccâ vo-  
luit morte defungi, Sacramentis ritè compa-  
ratum Nangasachi, ubi diu Rector Collegij  
fuerat, 7. Maij A. 1626. ætatis 68. Societatis  
47. laborum in Japonia 36. Corpus vitâ fun-  
cti Ethnicorum furori, solertissimè illud ad  
flammas conquirentium, subduci fecit, & ad  
debitos Martyri aliquando honores recondi  
P. Franciscus Pacieus Provincialis & Gu-  
bernator Episcopatus, esto jam tum carcere  
in odium Fidei conclusus.

Patri Casparo Lusitanæ urbs Brachara  
Patria fuit; qui ad familiaria munia adle-  
ctus in Societatem. Conimbricæ primum  
vitæ



vitæ Religiosæ posuit Tirocinium, tantumq; in virtutis studio promovit, ut P. Sebastianus Morales, ex Lusitaniæ Provinciali designatus à Rege, & à Summo Pontifice confirmatus Japonensis Ecclesiæ Episcopus, cum navigationem suam in Japoniam adornaret, unum ex omnibus viæ comitem, juxta ac salutis suæ Curatorem (nam medicinam nonnihil callebat) Casparum sibi segregarit. In ea navigatione perpetuâ invaletudine confectus Episcopus, & ejus socius Sacerdos, copiosam charitatis Casparo præbuere materiam; quibus tandem ante ingressum Goæ morte sublati, in India tantisper Casparus restitit, dum P. Petrus Martinez novus ex Europa decessus in Indiam Episcopus, unâ secum acceptum transvexit Macaum. Ibi ob egregiam animi indolem literarum studijs, ac morali Theologiæ admotum, Sacris initiavit Ordinibus, deduxitque A. 1596. secum in Japoniam, tam navum deinceps, tamque flagrantem animorum Curatorem, ut ea in Vineâ, quæ illâ tempestate cultores habebat strenuissimos, primas illi passim deferrent. Et quoniam corporis habitudo firmitasque favebat, nihil non ille laborum suscipere, nihil non exhaustire, nunquam sive diu, sive noctu vacare, neque itineribus, vigiliâ, inedia, neque æstuando, neque algendo fatigari. In universali illa Sacerdotum è Japonia proscriptione, jussus navim post 22. annorum Japoniæ culturam conscendere, clam ipse in navigium, quod stabat in anchoris se conjecit; unde trimestri toto, quoad navis illic constitit, in Urbem ex intervallo regressus, multis admodum saluti fuit. Quâ digrediente & ipse migrare coactus, brevi post Japonicarum ærumnarum desiderijs actus, nemine præter Navarchum in consilij conscientiam admissio, cultu habituque variato, Nangasachi inobservatus excendit. Terram continuo pronus exosculatus est, & se cum lachrymis DEO rursus dicavit in gentis ejus salutem; quam in Arimeni primûm ditione, tum in Regno Fingeni, per præsentissima capitis pericula ardentissimè procurans, ad octona mortalium millia numerabat, quibus suam debebat præstare ex officio

operam. Interea tamen neque de precandi commentandique contentione quidquam remittere, neque laxare jejunia, neque corporis cilicio & flagellis quotidie divexandi morem, nè in morbo quidem omittere. Capto inter hæc P. Francisco Pacieco Provinciali, in vicinam sese Insulam Christianis habitatam recipere vitæ tuendæ causâ coactus est; sed non longo intervallo Aryam, firmandis in atrocissima Tyrannide Christianis revocatus, in latebram se tam arctam angustamq; compegit, ut laxitatis amplius sibi defuncto fore, quàm esset viventi tunc spirantique diceret. Et erat anni tempestas hiberna, unde tanta difficultatum accessio facta est, ut gravi morbo conscito animam vix ægrè retineret. Ecce autem necdum viribus confirmatum, subito coorta persequentium rabies Tyrannorum, instauratq; Christi Præconum investigatio, Casparum in Nacaianam villam sesqui milliari distitam ejecit. Sed inde quoque vestigio temporis, deprehenso P. Balthasare de Torres, coactus excedere, declinandæ inquisitorum improbiſſimæ diligentiae, feretro sicut sandapilâ in fruticetum elatus est; ubi diem noctemque delituit, quoad ij, qui domesticatim omnia perscrutabantur, abscederent. Ibi demum tot adversis exercitus, tam aspera ab inclementia aëris perpeſſus est, ut fugientem jam ultro non posset vitam remorari. Igitur è frondibus ramalibus tugurio sibi malè conferto, ventis ac reliquæ temporis inclementiæ pervio, à Patrum uno clam accersito ad cœleste iter Divino Viatico corroboratus, vitam incommodis periculisque pro Christo aditis gloriosam, felici clausulâ coronavit, die 7. Maij A. 1626. ætatis 66. Societatis 47. Japonicæ culturæ 24. Cadaver loculo impositum, eo in saltu quo latuerat, ex ejus voluntate, incredibili Neophytorum luctu & consternatione depositum est, jussu etiam à P. Francisco Pacieco Provinciali è custodia, honoribus futuris

servari.







P. Franciscus Paciecus Lusit. P. Balthasar de Torres Hisp. P. Ioannes Zola Ital. cum 6. Coadiutoribus Iaponijs Soc. IESV, lento igne vivipro Christo exusti Nangasacki in Iaponia 20. Iunij, A. 1626. C.S.d. M.K.f

### P. FRANCISUS PACIECUS, cum 8. Socijs.

**D**Eſæviſſe atrociffimè in Patres nostros, aliòsque Divinæ Legis præcones, ac eorundem receptatores, Japoniæ Monarcha, ea potiffimum de causa, ut illà tormentorum atrocitate Viros quidem Apostolicos à munere prædicandi, indigenas à Sacris veræ Fidei, Patribusque suscipiendis deterreret; voluitque idcirco per populosissimas Urbium plateas captivos raptari, & in maxima congregati undiq; populi frequentia extremo affici supplicio. At voti sui adeò compos factus non est, ut jam ipse adverteret constantissimam Martyrum tolerantiam multò maximè & Japonios ad veram Fidem,

& Patres ad insistendum Divinæ Legis promulgationi invitare. Ergo dum P. Franciscus Paciecus totius Japoniæ Provincialis, & Episcopatus jussu Pontificis Maximi Administrator, cum octo è Societate captivis ad locum supplicij Nangasacki duceretur, subveritus Urbis Gubernator, nè tanti viri fortitudo animos spectantium confirmaret potius, quàm labefaceret in suscepta Religione, sub gravi supplicio vetuit quemquam ad spectaculum Urbe egredi; portas etiam Urbis obserari iussit, nè quamvis vellent, possent egredi ad destinatum supplicij locum Nangasachenſes. Sed neque his artibus prohiberi potuit sive Ethnicorum curiositas,



riositas, five Christianorum pietas, quin complures utrorumque (quamvis non eâ, quâ aliàs frequentia) adessent; cum interim è finitimis undique Regionibus multò quàm aliàs copiosior afflueret spectator ad supplicium; quod ubi P. Francisci ac Sociorum egregiè gesta, atque captivitatem priùs retulero, fusiùs enarrabo.

Natus est P. Franciscus in Lusitania genere Nobili, Patre Garziâ Pacieco, matre Mariâ Mesquitâ, sorore Jacobi Mesquitæ, de quo paulò antè incendio in Japonia absumpto memoravimus; fratresque habuit ternos, qui militiam secuti, & egregios in eadem gradus consecuti, in Indiam Franciscum præcelsere; quorum ipse deinceps auctoritate cum Goæ ageret, in contubernia militum crebrò se insinuabat, ut perditos illorum mores ad leges Christianas emendaret. Nondum pueritiam excefferat, jamq; in omnem pietatem adeò erat propensus, ut cum de veterum Martyrum gloria decennis audisset, votum tantilla in ætate conceperit se Martyrem fore. Cumque videret Ulyssiponâ (ubi humaniores condiscerebat disciplinas) quotannis è Societate Patres Scholasticosq; lectissimos, Divinæ gloriæ & Martyrij studio concitatos, in Indiam Japoniamque navigare, eorundem æmulaturus gloriam, Societatem à P. Sebastiano Morales flaganter expetijt & impetravit, atque Conimbricam ad Tirocinium ablegatus est. Quantos inibi processus ad Virtutis perfectionem fecerit, uno hoc ab exemplo discere, quo multos Sanctorum si non vicit, at certè peregregiè æmulatus est. Jussus namque Tironum Societatis more experimenti causâ mendicato peregrinari, ad Pontem Limium paternum oppidum divertit. Ibi squalidus uti erat ac lacer, ad maternas aedes, atque adeò ad matrem ipsam stipem rogaturus accedit. Illa vultum mendicantis intuita, in mendicabulo quidpiam suum tacito naturæ ingenio persentiscere, commoveri, variari in vultu; denique cubiculum interius ingressa filias evocare, si fortè fratrem in peregrino agnoscerent. Quod dum mater facit, Franciscus è vestigio subducit sese, oppidòque excedit sui victor, & triumphator suorum. Philosophiâ Conimbricæ imbutus, exorata A. 1592. Indiâ, in Prætoria Francisci Melli Goam appulit, ubi post Theologiæ studium Sacris initatus, cum in Japonia primos adversus Ecclesiam æstus cieri accepisset, eò quàmprimùm evolare, & suum procellæ pectus obijcere, contendit. Ergo Macaum discedens, post-

quam annis aliquot Moderatorum jussu pro concione illic laborasset, in expetitam diu Japoniam permissus demum est transmittere, 4. priùs solennibus DEO votis A. 1603, obligatus. Primus tum labor eum excepit in gentis idiomate per annum unum condiscendo, quo utcumque eruditus, Meacum, urbem Japoniæ principem, duobus cum socijs est destinatus; adeò scdam expertus tempestatem, ut permultis Japonum mari hauistis, anchoralibus distractis, navi convulsâ, malorità diffracta, ut ejus parte alterâ P. Joannes Porticus oppressus fuerit in puppi; ipse non finè miraculi opinione diu cum mari, ventis, ac morteluctatus, sospes evaserit. Naufragus venit Ozacam; unde aliquantò post Sacajum progressus, stabilem Societati Residentiam ibi primus instituit. Sed medio excursu Macaum imperijs Majorum revocatus est, ad ejus Collegij gubernationem sustinendam; cum eo perfunctus munere, ardentius ad æumnas adspiraret Japonicas, eodem illum remitti placuit; ex quo præsertim Ludovicus Cerqueria Japoniensis ex Soc. Jesu Antistes, incurarum eum suarum Adjutorem, cum Vicarij Generalis appellatione consuit adsciscendum.

Biennium in illo munere, cum ineffabili Japoniæ emolumento posuerat, cum A. 1614. Ludovicus Episcopus, dolore magis vexatæ Ecclesiæ suæ, quàm suo, naturæ concessit; & ea mox insecuta tempestas est, quæ inexorabili Imperatoris sententiâ, omnes Evangelij Præcones proscriptos ejecit. Igitur etiam ipse, quem pervulgata gesti muneris dignitas, Magistratum oculos fallere non sinebat, Macaum deportatus; cum assidua ejus animum sollicitaret Japoniæ cõgitatio, anno vertente, adscito Infitoris habitu, cum plusculis Socijs, qui nautas vel milites cultu assimilabant, majores quàm unquam antea spiritus ad tolerandos pro Japoniæ salute labores, eodem retulit. Quantum ibi per 11. annos æumnarum exhausserit, cultu ob pericula variato, semper alieno nomine, etiam Ignatij à Cruce assumpto, facile credet, qui cogitabit vitam illi in salibus plerumque & montibus, vel si beneficium ageretur, in squalidis luridisque mapalibus traductam. Sacaij certè angustissimo in angulo, inter domorum tabulata nè proderetur, anno toto delituit, periculo tantò deinceps majore illi accrescente, quantò imposita Japoniæ Pro-Episcopi à Pontifice dignitas, unicum Christianis omnibus perfugium illum constituebat. Quo in gradu



constitutus, cum in salutem commissi gregis diu noctuque curis distraheretur, nullius tamen servitium admisit unquam: & quamvis ætate jam gravis, afflictâ valetudine, oculisque ita caligantibus esset, ut ijs captus prope modum videretur, nudis tamen semper pedibus incescit. Fixerat ille sedem, ut opportunè cum res posceret conveniri posset, in oppido Cocinotzu, ea potissimum de causa, quod Matauntra Bungus oppidi Dominus, quamvis Ethnicus, ingenio tamen miti, ad Christi Sacra connivebat. Verùm is A. 1625. ad Imperatorem Jendum profectus, ubi sævissimis passim edictis & supplicijs in Christianos agi vidit, ut favorem sibi Imperatoris conciliaret, jubet ipse quoque in ditione sua inquisitionem fieri. Quod dum fit, Cumata quidam nomine, à Fide Christiana apostata, Mondum Gubernatorem clam convenit, spondetque se illi P. Franciscum dum velit traditurum. Latus hoc indicio Mondus, navigium sub vesperam cum satellitio conscendit, & duce Cumatâ, qui in Patris diversorio frequens alioqui & domesticus erat, eò rectâ contendit. Pater audito militum strepitu, facillè quod re ipsâ erat suspicatus, adventantibus obviam processit. Quorum aliquis efferatior illum baculo excipiens, Mondus autem Gubernator præcipiti rabie etiam acinacem distringens, in loco necaturus erat, nisi Collegarum alter manu injectâ prohibuisset. Comprehenso sunt ibidem cum P. Francisco, Petrus Rinxi, qui Societatis impetrandæ studio totos 8. annos Provinciali in obsequijs fuit; Paulus Scinsuke, qui à puero Patribus nostris adhæsit, in custodia demum uterque Societate donatus. In vicinia verò cœpere Casparem Sandamatsum, qui cum sectas Japonum & characteres egregiè calleret, pro concione dicebat, quamvis domesticis addictus esset obsequijs. Excurrebat ille in viciniam Concionis habendæ gratiâ cum famulo Joanne Kifacu, de quo dum ex Fratre Caspare quærent lictores: *quisnam esset?* respondit: *famulum esse, liberum proinde dimittendum.* At Joannes elatâ mox voce, complures jam annos se Provinciali eâ spe famulari testatus est, ut aliquando Societatis & Martyrij consors evaderet. Vincit ergo unâ, & ad hospitium Provincialis deductus, sanctam eidem movit invidiam. Ubi enim illum cum cæteris, se uno excepto, vinctum conspexit, impensè oravit milites, ut sibi etiam vincula iniicerent. Sed non impetravit: Scimabaram cum reliquis exors vinculorum adductus. Ibi modis pri-

mum iniquissimis à custodibus habiti, eum ex adverso Angelicam præ se modestiam, tranquillitatem, submissionemque terrent, milites tantæ fulgore virtutis obstupescit, eam sibi Legem petierunt explanari. Datus ergo ijs est Petrus institutor, jam tum à P. Provinciali cum alijs 4. unâ comprehensis in Societatem adlectus: qui paucis diebus tam egregiè, operante in illorum animis divino Spiritu, rem egit, ut uno eorum baptismum consecuto, cæteri omnes, nisi deterreret immanitas cruciatuum, initiari baptismo velent, virtutis captivorum passim cum lacrymis facti deinceps prædicatores. Eâ re, Neophytorumque ad Patrum carcerem concursibus incitatus Gubernator Mondus, hominem præcivit eorû custodiæ, fastûs & importunitatis ipsis militibus intolerandæ. Sed & ille sanctis captivorum exemplis, & unius hebdomadæ catechesi, prorsus à se dissimilis evasit: palamque etiam Mondo, tantum non in furorem versò, asseruit, nulla esse tormenta & supplicia, nullas spes aut Principis favores, quibus ab exposcendo baptismò posset deterri.

Verfabatur hoc ipso tempore clam Scimabarâ P. Joannes Baptista Zola Brixienfis Italus, qui in Societatem anno ætatis 19. adscriptus, novennio post P. Albertum Laërtium secutus, cum 61. Socijs in Indiâ transiit; indeque absolutâ Gæ Theologiâ, in concupitam jam Sacerdos trajecit Japoniam, quam etiam indefatigabili studio per annos complures excoluit. Datus Arimensi Collegio, & Socijs in ea ditione laborantibus, in locum capti P. Navarri, Rector, eum atrocissima in viros Apostolicos vigeret inquisitio, mutatis perpetuò stationibus, tandem Scimabaram delatus est. Nec ibi quieto esse licuit. Capto namque Provinciali, & Scimabaram adducto, consilio rogatûque Christianorum, quamvis esset Martyrij sitientissimus (quod etiam per literas à P. Carolo Spinola, & P. Navarro, quas in Breviario suo circumferebat, promissum sibi habuit) tempori tamen cedens, in domum Joannis Naisen veteris & fortis Christiani, littori imminentem concessit, ut deinde mari conscenso inde se subduceret, languidus adhuc ex morbo & imbecillis. Jamque ad discessum instructo, unâ prius horâ quam conscenderet, submissi à Gubernatore accepto indicio satellites superveniunt, & horas Canonicas, epistolâsq; illas Martyrij vades fortè legentem, ex improviso occupant. Erat cum illo Vincen-  
tius Caunus Sina, in Corea natus, quam Tai-  
cosama



cosama armis occupaverat, operâ Ducis Augustini Fingendoni Christiani. Hujus aciem in suos dispositam ordines Vincentius 13. tunc annos natus, eminus ex castris Coreanis contemplatus, exarsit desiderio ejusdem cominus spectandæ. Ergo insalutatis suis, è paternis castris (Pater enim tribus equitum millibus præfectus erat) se ad hostem proripit, & in Ducis Augustini tentorium ultro se infert puer speciosissimus. Propinquus quidam Augustini liberali pueri formâ & ingenio captus, Caunum sibi vendicat, & in Japoniam abductum, Ecclesiæ Seekiensis obsequio addicit. Hic ille salutaris lavaero ablutus, linguam Japonicam brevissimè puerili facilitate condidicit, magnisque in virtute factis progressibus, in præclarum adeò concionatorem evasit, ut Coreani & Japonæ quàm plurimi suam illi salutem secundùm Deum acceptam referrent. Ardentè expectabat Vincentius Societatem, quàm ut impetraret, acceptâ à Patribus admissionis conditione in Sinas penetravit, insigni multorum ad Fidem accessione; donec in Japoniam redux, Joanni Zola adhæsit, cum quo & comprehensus fuit.

Horum captivitatem cum fama longè vulgasset, Feizo apostata, qui Nangasachi pro Gonrocuo Rempubliam administrabat, quò suam Imperatori fidem probaret, in Christianos & ipse accuratissimè inquirebat. Latebat tum Nangasachi P. Balthasar de Torres, Vir tantus, ut si singula de illo proferenda forent, justum conficerent volumen. Gravatæ, quæ Hispaniæ Bætica Urbs nobilis est, illustrissimis genere & virtute parentibus natus est 14. Decembr. A. 1563. & ubi maturuit, Oceaniam ad scholas Societatis transmissus. Cum verò complures ex illo Collegio ad infidelium salutem procurandam in Orbem novum alacres, & gaudio quodam insolito delibutos abire videret, cæpit & ipse spe similis olim Missionis Societatem ardentè exposcere, quàm etiam bonâ Parentum veniâ A. 1579. impetravit. Exauctio Navalcarneri per omnia virtutis absolutæ documenta biennio Probationis, triennio item Philosophici studij Seguræ, cum cum magis magisque ardens juvandarum animarum zelus veluti depasceretur, dimisere tandem Superiores eâ classe, quæ Japonios Oratores cum P. Mesquita Româ revexit in Patriam Goam ut appulit, ita naviter Theologorum doctrinis se impendit, ut eandem deinde primum Goæ, tum etiam Macai totos 8. annos eximiâ cum laude, & quantâ nullus antè satisfactio-

ne docuerit. Et tamen, quod mirere, publicè simul ad confertissimū populum pro concione dicebat, pœnitentibus ita assiduus, quasi nihil præterea muneris haberet, aures dabat, simulque calamitosi & mœstis omnibus certum erat perfugium. Ubi verò ad desideratas Japoniæ ærumnas transmittere A. 1600. Macao permissus est, ijs incessit gaudijs, quæ parere illi poterat primum in Indias transmittendi votū tandem opere completū; hinc tanto ad eas comparare se nisus est studio, ut eo toto in cursu divinæ commentationi, quàm antea perfamiliarem habuerat, penitus se dederet, prorsus ut jam ejus in Cœlo videretur omnis esse conversatio. Appulso prima cura linguæ vernaculæ condiscendæ fuit: dein Meacum profectus, ibi atque in circumposita vicinitate Socijs præpositus, primum Divinæ fecit sationis periculum, atque Ozacæ postea & Fuscimî egregium fecit suæ operæ pretium. Secundùm hæc in Borealia Regna transcurrit, Canga, Noto, Zu; & sex ipsos annos in ijs tractibus, nive & frigoribus asperrimis, consumpsit, maximâ frugis ubertate, cujus colligendæ copiam Fingendoni Principis in Christianos, & in Justum Ucundonum Japonensis Ecclesiæ columen, favor ac studium faciebat. Socijs post hæc omnibus Daifusamæ decreto Japoniâ exactis, habitu ementito in ejus Ecclesiæ subsidium relictus, dici non potest quanta tum demum malorum & difficultatum in illum incubuit moles! Cum enim ob intentissimam vestigatorum sagacitatem, nihil uspiam tutum, nullus, vel periculosus esset receptus, sæpe tertium Pater derepentè quartumque mutare cogebatur latibulum. Demum Christianis, quò sibi diutius servaretur, volentibus, in Regnum Sanuki, aliquantò ab communi insectationis molestia longinquius secedens, excitato è stramentis mapali, sex ipsos menses solitarius in silvis, in bestiarum contubernio confedit; donec remittente nonnihil inquirendi in Christianos ac sæviendi studio, repetitâ Ozacâ suis sese reddidit officijs. Ecce autem vix pedem eò retulit, cum instauratâ insectatione, repentè deprehensus, ita à satellitibus velut indagine cinctus est, ut eorum oculis subduci nullâ humanâ arte posse videretur: cum novum & insolens consilium capientes Neophyti, Patrem in lectum componunt, & medicamentis undique delibutum, instar valetudinarij fascijs circumligant. Ejus consilij celeritate delusi exploratores, & prædam evasisse manibus admirati, recessere; Christiani verò



verò Patrem illico Sacajum ad securitatem transtulere.

Interim grave ortum est bellum inter Daifufamam, & Findeyorum Taicosamæ nuper Imperatoris filium, quo funditus Ozaca everfa est. Igitur nè eo discrimine ope suâ civibus & militibus, qui plurimi Christiani erant, deesset, Ozacam è vestigio recurrit, retrahentibus nequidquam cum lachrymis à præsentissimo discrimine Sacaiianis. Cecidit eâ obsidione in pugna Findeyorus, urbs capta, incensa, flammis consumpta est. P. Balthasar medijs præliorum in fluctibus animo erat adeò præfente ac tranquillo, ut qui eum observabant, attoniti obstupescerent, cum fugâ salus quærenda esset per cadavera necatorum, pèrque ignes, qui tectis injecti latè omnia depascebantur. Hic illi socius Michaël Dogieus in oculis trucidatus; ipse ab grassantibus militib<sup>9</sup> primò atrociter pulsatus, dein veste omni spoliatus, nudus in propatulo relictus est. Dum ergo nuditatis suæ verecundiâ in obviam fortè casam desertam se abdit, mortem ibi certus opperiri, Dominus illi non sinè prodigij specie amicum submittit. Joannes Sacurajus, qui Patri eo in itinere adhæsit, & vitam pro Christo postmodum in flammis Nangasachi profudit, conspicatur obsoletæ vestis lacinias temerè abjectas, & præter eas funem, qui corpori cingendo sufficeret: quibus Patrem utcunq; obvolutum, per medium victorem exercitum, ab omni militari licentia immunem DEO servante deduxit, cum tamen nè à puerorum quidem alioqui aut fœminarum injuriâ temperarent. Consumpto eodem impetu flammis Sacajo, cum locum quò se reciperet non reperiret, gravem morbum ab incommodorum magnitudine contraxit. Simul atq; ab eo quoquo modo respiravit, Nangasachium primum, tum Cami & Sacaij vastissimas Regiones Evangelicis laboribus excoluit, ad usque A. 1621. cum adversâ rursus tentatus valetudine, Nangasachium denique repetere coactus est. Sæpius ibi improbâ satellitum elusâ diligentia, cum è manibus propè tenentium tanquam prodigio evasisset, tandem in casses nec quæsitus incidit. Latebat ille apud Cajum Virum optimum, cum missi à Feizo satellites viciniam totam perquisitione Religiosi cujuscumque, habitu Sinico illic occultati, infestant: cujus turbationis ignarus Pater domo egreditur, ut Caij filiam civium uni nuptui datam ritu Catholico desponsset. Eo in opere dum adhuc est, turba licitorum in ædes Caij tam improvise irrupit, ut cistæ

Sacri Apparatus claudendæ, quam Pater apertam continuo rediturus reliquerat, otium non suppetere. Igitur ex ea suppellectile comperto solitos eò divertere Sacerdotes, tumultuosè pervestigant omnia, viciniam excutiunt, tormentis prodicionem Sacerdotis extorturos minantur; risu ab ambientibus talia Neophytis excepti. Audito Pater fremitu, vacuum in parietem, eos in usus comparatum, interim se recepit, diem ac noctem integram eo in antro cibi somnique prorsus experts, & ne prætereuntes eum persentiscerent, prorsus immotus persistens. Et quia toto eo tempore duo excubitores Gubernatoris aderant, quos fallendi copia non erat, Pater inedia & internecioni se devoverat, prius quàm suis hospitibus noxæ foret. Post die excubiæ toto vico dispositæ, nequâ Pater evaderet, conclavium januæ clavis confixæ, inque ejus unius captionem intenta omnia. Verùm Infortis Christiani è Regnis Cami charitas, omnem eorum industriam delusit. Hic morbo simulato, ut ab eo loco opinionem averteret, in alteram usque noctem pro specu decubuit: ut adeò frustra alibi vestigia Patris scrutati lictores, desperato eventu recesserint. Quare nocte concubiâ perfollo extrinsecus muro Pater ereptus, contiguas primum in ædes, atque inde mox in alias, rursusque extra oppidum in alias, tandem Joannis cujusdam agricolæ in pagum Arimensem evasit; tantâ festinatione, ut præter conspiciendorum thecam, Breviarium & Rosarium, nihil omnino secum tulerit.

Jam 35. dies ibi egerat in tuto Pater, cum Dominicâ 3. Quadragesimæ, hoc est die 15. Martij A. 1626. Sacris ibi operantem gemini exploratores, sæniscij obtentu egressi, ac citra suspicionem in domum admissi, deprehendunt, & magnâ dissimulatione digressi, satellitibus qui in propinquo subliterant, indicium faciunt. Illi celeriter irruere, domesticos atrium obsidentes ad remorandos incursum, disijcere, fores perfringere; deniq; Patrem sacro jam se ornatu exuentem violenter corripere. Illum, & Michaëlem Tozo Sacrorum socium, patrem, matrêmque familias, & reliquos familiares vinculis injectis comprehendunt, & per celebres Urbis vicos, sicut in triumphum deducunt. Id cum pleno meridie fieret, ingens Christianorum ad spectandos venerandosq; heroës concursatio fuit; advolvebantur prætergradientium genibus, & offusi lachrymis sanctam à Patre, ducto Crucis signo benedictionem precabantur. Liberaliter ibi omnino à Feizo, cibus sem-



semper de propria mensa transmissis, habitus est, quod speraret à Patre eâ humanitate delinito, posse aliquid de ejus receptatoribus, & Religiosorum latibulis, per anfractus quas questionum ambages rescire. Sed inanis fuit improbi Apostatæ solertia: ut adeo ipsi Ethnici mirantes probarent ejus, & vulgatam Christianorum taciturnitatem, tantâ circumspectione, quæ Socijs nocumento forent, prementium. Nangasacho Omuram deVectus est, & carceri omnibus cœli injurijs undique aperto, oculos in quadrum palmos lato, caveæ altitium instar è lignis compacto, inclusus est, post toleratas trium Japoniæ Imperatorum 20. annorum spatio acerbissimas persecutiones. Nihil ibi aequè animum Patris excruciat, atque Divinæ mensæ penuria, quam ita luculenter in literis ad amicum de Societate testatus est. *Aman- tissime Pater, nihil aequè hac arcta in custodia mihi grave est, ac SS. Missæ Sacrificio carere, neq; eâ me esse spe, ut vel in ipso mortis articulo Sacra refici Communionem tribuatur. Unum hoc P. Joanni Baptista Baëza invideo, quod Sacramentis comparatus obierit. Ad meam sortem quod attinet, magnas Domino gratias habeo: quod me tot maris ac terræ periculis eripuit; atq; illo imprimis, quod in Civitate subij, cum per medium hostilem exercitum deduxit incolumem, quia nulla poterat humana vis sospiti mihi vitæq; compoti transitum polliceri. Sed bonus noster JESUS, quæ ipsius est infinita misericordia, hanc mihi felicissimam habebat sortem servatam, ut pro S. Evangelij sui promulgatione sanguinem profundam, & lavem stolam meam in sanguine Agni. Oret ipsum R. V. ut perficiat id, quod hoc in carcere exorsus est, neq; meis peccatis, & in ejus obsequio socordia corrumpi sinat. Incommoda & labores carceris, præter victum, quem centurio Hieronymus Macedus abundè suppeditat, non desunt; sed exiguam ea mihi, atq; adeo nullam afferunt molestiam; simul nos inter illa solatur DEUS sempiterna quietis expectatione; & id ego quidem duntaxat unum opperor, ut in busto prope diem Nangasachi deflagratus inteream. Atque hæc ipsa Divini Sacrificij inopia omnium molestissima incarcerationis cum P. Provinciali Scimabaræ accidebat; eâ insuper curâ vehementer anxijs, nè dubia P. Provinciale valitudo, quem tremula paralyfis, & dolor artuum ex ærumnis ergastuli sextum jam mensum toleratis, invaserat, ante supremum in rogo certamen ipso in carcere destitueret.*

Interea temporis Mondus frustra minis tentatâ Patrum defectione, statuit tormentis experiri, Vincentium ergo Caunum ex Si-

nis oriundum, tanquam ex gentis illius indole molliorem ad tormenta, aggreditur, jubetque exutum vestibus per ingentem frigoris inclementiam humi nudum distendi; submissis, qui ferreis comprehensos forcipibus, manuum pedumque articulos premendo contorquerent. Quem ubi nihil his moveri cruciatibus, sed Fidei veritatem etiam adstantibus suadere aspexit, percitus furore, suis ipse manibus illi brachia ac nares forcipeprehendere, dirèque totis quantis valebat lacertis distringere non erubuit. Verum neque his de constantia vel tantillum remittens Vincentius, ad novum atque insolens tormenti genus abripi jubetur. Tantam supino in os vim aquæ infundunt, quantam peccatoris cavum admitteret; eandem mox validâ stomachi verberatione, & conculcatione violentè expellunt; crudelitate toties repetitâ, donec fractus viribus fatigatusque deficeret. At Vincentius omnem illius sævitiam perpetuâ illius Psalmistæ carminis repetitione: *in manus tuas Domine commendo spiritum meum*: ita superavit, ut quamvis ingentem copiam sanguinis in manuum brachiorumque contorsione vomuisset, nihil doloris expertus præterea sit, nisi quendam manuum veluti stuporem ac debilitatem. Solitus deinde dicere, *se probè experiri, cum qui corpus & animum DEO devovit, non suis amplius adversus tormenta viribus depugnare, sed gratiâ DEI invincibilem reddi.* Nudus ergo iterum, Cœlo gelidissimo, religatus ad arborem, iterum ad defectionem sollicitatus; ille pari firmitate iterum de Tyranno triumphavit. Ergo solitarium, cumque perangustum in carcerem detrusus, manibus arctissimè semper, nisi dum cibum caperet vinculis, die noctuque per duas hebdomadas sic habitus est, inedia, alioris (nam undique auræ pervius patebat) angustiarum, omnis denique indignitatis expertus. Accitus post hæc ad Judicem unâ cum Socijs Paulo & Joanne, quò sua quisque nomina referret manibus in tabulas, quæ de captivis mittebantur in Regiam; cum calamum Vincentius argente manu continere nequivisset, Judex aliquo commiserationis sensu permotus, vestes illi primum suas restituit, tum etiam igni tantisper admovit, dum stylum posset discusso digitis rigore complecti.

Interea temporis novas Gubernator Midzunus Cavaccius ab Jendo Nangasachum appulit A. 1626. 12. Junij, habitaque cum Apostata Feizo deliberatione, Scimabarano, Omuranôq; Gubernatoribus mandat, ut 20.



Junij quos habebant vincēos ob Christi Fidem, Nangasachum mittant. Igitur die 18. Junij summo silentio per tenebras noctis Scimabarā P. Franciscum Paciecum Provincialem, P. Joannem Baptistam Zolam, Gasparem Sandamatſu, Petrum Rinkei, Joannem Kifaku, Paulum Scinsuke, Vincentium Caunum simul educi, ad evitandum Christianorum concursum visum est: qui tamen minimè delusi, ingenti frequentia accurrere, suos à se Magistros tolli acerbissimè desinentes, & supremum sibi bene precari multis utrimque lachrymis exorantes. Sacerdotes gestatorijs sellis inclusi, reliqui jumentis impositi, Nangasachum versus deportari ceperunt: jussi in via Phimi subsistere, dum alij Socij ab Omurano carcere adducerentur. Jamque illo extracti P. Balthasar de Torres & Michael Tozo, die 19. Junij Nisum Uracami vicum pervenerant, apud tenuem, sed Christianum agricolam noctem illam ducere jussi; ubi ad Patrem domus hospes nocte media clam excubitoribus adrepens, ad ejus pedes se provolvit, eo gestu & corporis inclinatione (quia verbis, nè sono proderetur, non poterat) supremum ab illo expiari deposcens: cui in digressu Pater monumentum amoris supremum dedit, Breviarium & conspicienda, solo sibi Rosario relicto, quo in certamine uteretur pro telo. Habuit ea pignora hospes, itémque ij ad quos eorum pars aliqua delata est, velut S. Martyris, in existimatione & honore præcipuo. Ubi dies Junij 20. illuxit, ab utrisque Nangasachum versus lentè processum est; ubi cum jam propè unius anni intercapedinē nemo fuisset in monte Sancto supplicio enectus, perque eam omissionem instrumenta poenarum dimota, septa convulsa, jussi continuo defigi pali, via, quā eundum erat, expediri, omnia instaurari. Quæ ut lustraret, missus à Feizo Nagascendayus cum Sancio, à Fide transfugæ, ubi longè pyras à stipitibus disjunctas conspexit, inhumanum id ratus in ejusmodi homines, & in scelerosos dumtaxat usurpandum, admoveri propius materiam, densiusque stipari jussit, approbante factum Governatore. Simul parata fuere ad supplicium omnia, & inclinata in vespere dies æstus remisit, simul Socij omnes ad supplicij locum per frequentiores urbis vias traduci ceperunt, tanto Christianorum motu, preces & benedictionem, afflictæque præsidium Ecclesiæ flagitantium, ut coerceri à licitoribus nè fustibus quidem possent: & unus aliquis ibi præsens è Societate, observatâ ex occulto Cœlesti quâdam in vultu P. Provincialis malaciâ, ita commoveri se sen-

sit, ut nè profliret in medium, seque jungeret morituris, vim sibi inferre necesse habuerit. Ubi præter eum veſti sunt locum, quo nostrum nuper Tyrocinium, Aedæque Sacra steterant, P. Provincialis sibi Socijsq; poposcit aquæ pauxillū: quā confestim à Christianis cum nonnullis fructibus allatâ refrigerati, & valētiores ad orandū redditi, ultrâ perrexere.

P. Balthasar de Torres, qui cum Michaële brevi intervallo præcesserat, ubi P. Provinciale cum suis adventare conspexit, è vestigio lecticulâ profliens, capite nudato suo Moderatori adversum ire, consalutare, complecti; & atronitis eâ utriusque hilaritate, ut si ad epulas non ad rogam irent, Ethnicis, piè festivos inter se miscere sermones. Ingens multitudo è vicinitate finitima spectandi avida accurrebat, urbana parcius, ob proposita Governoris edicto supplicia exituris, & clausas eas Urbis portas, quæ ad incendij locum ferebant. Advenere etiam multo militè comitati Feizo, & Governor Midzunus Cavaccius, quem P. Balthasar detractō sibi pileo veneratus est, indignum Feizonem Apostatam eo honore præteriens: cui vicissim ille capitis inclinatione respondit. Septem jam ingressuris, P. Balthasar, qui aberat ab aditu proximus, reverentiæ studio pedem retulit, & P. Francisco Pacieco Provinciali suo primas ingrediendi, modico de via decessu, dedit. Mox cuncti proni procubere in terram, & illam sempiternæ suæ beatitudinis matrem, tot ante se inclytorum heroum sanguine sacratam suaviati, DEO elatâ voce istud in se singulare beneficiū gratulati sunt. Tum hilari vultu, & excelsis animis, universi ad suam quisque columnam accedere, venerari, complexu stringere, donec ijs, nè commovere se possent, arcto nexu devincti, lignis undique densatis obsepirentur. Simul ignis omni ex parte sarmentis injectus est, simul insonuit una omnium vox modulantium, Psalmos, & SS. Nomina JESU & Mariæ invocantium. Involvit illos principio atræ fumi nubes, & eripuit oculis adstantium; sed eâ subito flammæ fulgore dissipatâ, conspecti sunt tam immoti, tam constantes, quàm si eos nullus ignis violasset; JESUM ac Mariam dumtaxat identidem ingeminare auditi, modico vix semihoræ spatio deflagrati depugnârunt, triumphaturi sempiternum in Cœlis. Cineres exustorum corporum in saccos operosè collecti, in alto dispersi sunt, nè quid reliqui Christianis ad eorum monumentum & venerationem existeret: Imperante in Japonia Xicogano, die 20. Junij A. 1626. P. THO-





P. Thomas Tzugi Iapon Soc: IE SV, pro fide Christi vivus lento incendio consumptus Nangasacki in Iaponia. 6. Sept: A. 1627.

G. Scrota d.

Melchior Küssell f.

## P. THOMAS TZUGI.

**M**ura, fertilis ille Martyrum & adeò ferax ager, ut quicunq; ex Religiosis cupiditate Martyrij arderet, Omurensem ditionem concionabundus circuiret, Martyrium (ut communi inter se phrasi ajebant) quæsiturus, P. Thomam Tzugi in lucem protulit, producendum subinde à tenebroso Omurenfi carcere etiam ad lucem, & ignem Nangasackensem. Erat ille mirè à natura comparatus ad eloquentiam, eaque prorsus incredibili in dicendo præstabat majestate, ut & gentiles ad fidem, & peccatores ad poenitentiam, velut pro potestate induceret. Omnem illam indolem ad suorum popula-

rium salutem summâ contentione & ardentissimo zelo conferebat; donec in turbida illa Daifusamæ dominatione, in exilium cum cæteris expulsus esset. Sed paulò post animarum stimulatus zelo, remensus Oceanum, in Insulam revertit, & orationis efficaciam populares suos in Fide confirmabat, animabat ad Martyria, quæ plurima indigenis Christianis tum irrogabantur, externi verò Sacerdotes solo multabantur exilio. Donec Omurenfis Dynasta, Imperatoris jussu, primus in exteros sævire cepit, & è singulis Religiosorum Familijs (quarum quatuor eà tempestate numerabat Japonia) singulos ad gladium damnavit. Primo tum è Societate,



ut diximus, erienta mors in Japonia obtigit P. Joanni Baptistæ Macciado, ad cujus tumulum (in quo die uno, antequam mari mergeretur, sacrum cadaver depositum est) quem admodum in primitiva Ecclesia, gregatim accurrebant venerationis causâ Neophyti, atque inter illos Marina Dynastæ Omurenfis Amita, neglectis hominum de se sermonibus, qui hâc excursionem dicebant violari superstitionem illam apud Japones nobilium foeminarum solitudinem. Præter alios id graviter sensit Nepos Dynastæ, neq; se continuit, quin misso internuntio indignabundi animi sui sensum Amitæ explicaret. Verum illa nepoti suo responderi jussit: *Si alios imposterum Sacerdotes, maximè Societatis JESU, quos Magistros semper habuerat, comprehenderet mactaretque, se unâ cum ijs ad mortem & Martyrium prodituram.* Adeo imitari non pigebat, quos celebrare delectabat Martyres. Fuere etiam ex Neophytis, qui velut dubium proditæ Fidei argumentum putarent, si de ijs spargere-tur, quod ad Martyrum tumulum nondum excurrissent. Imò cum Senatores Nangasachi Catholici concursum ad tumulum veta-rent, nè ex ea actione, quæ salvâ Religione omitti poterat, Dynastæ magis iram prorita-rent, fiebant Neophytis velut de hæresi suspen-di. Tantuserat Religionis ardor, quem eloquentiâ suâ, totâ illâ viciniâ P. Thomas identidem sufflaminabat. Nangasachium subinde transgressus, dum & illum agrum uber-rimo proventu excolere studet, repente Gu-bernatori proditus, mox à Sacrificio Missæ peracto comprehenditur, & in Omurensem deducitur custodiam; ubi ingens à suis propinquis & necessarijs, poenarum metu turpi-ter à Fide prolapsis, suscinuit hortationum,

pollicitationum, demum & minarum cer-tamen, quò illum suo exemplo ad ejurandam Christi Fidem perducerent. Sed eos ipse, quâ erat dicendi facultate, primùm exprobratâ perfidiâ castigatos, dein ad reditum & constantiam invitatos, tandem etiam, ut frustra se in illis permovendis eniti vidit, ab se repulso despexit, & sibi certum esse per enses vel flammæ, aliâque mille poenarum genera, ad gloriam sempiternam, cujus sola Christiana Fides semen sit, evadere, fortiter juxta ac liberè est contestatus. Constantissimus igitur Christi Confessor, & minimè incredulus Thomas, ex carcere Omurenfi ad supplicium ignis Nangasachium eductus est, simul cum duobus hospitibus suis Ludovico Maki, & Joanne ejus filio. Ubi ad palum al-ligatus, glorioso incendio deflagavit die 6. Septembr. A. 1627. ætatis 56. initæ Societa-tis 38. Enituit ejus egregia fortitudo, cum inter flammæ & glomerata incendia de Chri-sti Salvatoris cruciatibus, de sincero veri Dei cultu, ac Christiana Lege, ad circumstantes consuetâ dicendi majestate, & incredibili ardore verba faceret, attonitis rei spectaculo universis. Postremò Psalmum; *Laudate Do-minum omnes gentes*, occinens, ei modulationi immortuus est. Honoravit famulum suum, & ferventem Præconem DEUS ostento mirabili; statim enim à morte pectus illi ultro diffractum dissiliit, & è pectore sic hian-te, stupentibus Lusitanis & Japonibus uni-versis, rubens flamma promicuit: ut scilicet viderent omnes, quali Pater, dum viveret, flagrârit incendio, quod etiam ardentissi-mis dictionibus in alios eru-ctabat.

## P. MATTHÆUS FERNANDEZ, & P. BERNARDINUS PECCIUS.



Ocinum, opulenta Indiæ Orientalis Civitas, P. Matthæum, insignem illis Regionibus operarium tulit, Lusitanis satum Parentibus, literis, ubi ijs discendis maturuit, mediocriter imbutum, sed prudentiâ & bonis artibus instructissimum. Societati in India adscriptus, Oram Piscariam multis annis fructu uberrimo excoluit; unde jam sexagenarius in Regnum Jafanapataniæ evocatus, quinquennij spatium eo fervore in DEI cultum promovendum sese ex-

pendit, ut supra quinque millia, in illa effe-ratorum hominum barbarie, sacris undis asperferit, everfis Idolorum fanis tria templa Christo excitârit, in quibus summâ pietate & fervore Divinum cultum promovit, quo apud omnes Apostolicæ virtutis nomen obtinuit. Socius Apostolicorum laborum in ea cultura ipsi fuit P. Bernardinus Peccius, Senis in Italia nobilibus & opulentis parentibus natus, in Indiam A. 1602. unâ cum P. Laërtio, qui Indiarum nomine Procurator Romam venerat, & permultos gloriosâ pro Christo





P. Matthæus Fernandez Indus Cocinensis. P. Bernardinus Peccius Italus Societatis  
IESV. cæsi ab Idololâtris in Regno Iafanapataniâ is Septemb. A. 1628.

C. S. d.

M. K. f.

Christo morte postea defunctos secum deve-  
xerat, unus eorum & ipse futurus, transmi-  
sit 23. annos natus, quarto ab ingressu in So-  
cietatem anno. Postquam ingenti plurium  
annorum labore earum Nationum linguas  
complures (ad quas genio suo videbatur in-  
eptior) condidit, maximos fructus in ani-  
marum quæstu, Deo conatus ejus pensante,  
reportavit. E quorum medio repente à Mo-  
deratoribus, postquam frustra toto semestri  
periculosam eam ad Iafanapataniâ missio-  
nem exorâisset, evocatus, & in ipsis tumultu-  
um in Christianos à Gentilibus ibi exci-  
tatorum primordiis Iafanapataniâ conten-  
dere iussus, singulari præpotentis Dei manu  
ad eam gloriosæ mortis lauream duci vide-  
batur. Discedentem profecutus Christopho-

rus Coëllius de Loureiro ultimùm valedice-  
bat, & ex periculorum magnitudine Marty-  
rium augurans, mortem illam ipsi gratula-  
batur. Cui ille, *hoc ipsum*, inquit, *Loureiro il-  
lud est, quod tot jam annos tantopere persequor.*  
Est autem Iafanapatania Regnum in Ceila-  
no Insula, primò omnium à S. Xaverio ex-  
cultâ, præpollens, cujus prima in Christiana  
Religione institutio, S. Francisci Seraphici  
Familiæ debetur. Sed cum tantæ Regioni  
percolendæ operarum paucitate non suffi-  
cerent, Societas in partem laborum A. 1622.  
vocata, operam ibi ita strenuam exercuit, ut  
sexennio supra 50000. indigenarum tinxe-  
rit sacro Baptismo. Inter quos PP. Matthæus,  
& Bernardinus, dum maximis sudoribus in  
laboriosam culturam impenduntur, felicibus  
eorum



eorum progressibus irritatus Dæmon, ne tot sæculis possessio Regno pelleretur, felices successus non tantum sistere, sed & convellere adnissus est. Moliebatur per id tempus Ceilani pro Lusitano Rege Praefectus, ad Christianorum tutelam, arcem praemunitam, indito ei Deiparae à Rupe Francica nomine, ad quam securam Neophytis, à frequentibus idololatrarum incursum pateret refugium. Cujus structurae molitionem ut impediret insensissimus illa Insula Christiano nomini Rex Candiae, repentino exercitu se in Jafanapataniam infudit. Lanzarotus de Seixas Lusitanæ Arcis in eo Regno Praefectus improvisè obrutus, cum videret se aperto Marte hosti resistere non posse, ne conlternatos hostili impetu popularium animos ad defectionem inclinari contingeret, dedit operam spargi in vulgus jubet, collocatas jam à se, quæ possent hostes ingruere, opportunas excubias, nihil proinde turbarentur, tempestivè à se, si periculum ingruat, admonendi. Eo rumore Patres, qui refugium in arce quaerere alioqui statuerant, confirmati, ad Ecclesias suas securi revolant. Et P. quidem Bernar-


dinus, qui tribus jam noctibus in agro latuerat, veluti defunctus periculo, ad suam sedem cum P. Hieronymo Frois se retulit; cum inopinatò hostis magno impetu in aedes invadit, direpta sacra suppellectile cetera inflammat. Hieronymus ad primos impulsus, ut erat ætate firmus ac robore, saltu trans horti sepes evadens, per noctis illius varios errores in Arcem pervenit. Bernardinus ab hostibus occupatus, atque in vestigio obtruncatus est. Cujus sanguine jam efferatioris facti, continuo impetu in vicum etiam P. Matthæi, leucæ dissitum, rapiuntur, eademque sævitia deprehensum, lanceis confixum capite plectunt, die 15. Sept. A. 1628. ætatis 64. gloriati postmodum, se non alijs quàm Patribus, Templis, ac rei Sacrae bellum ac perniciem inferre, cum neque in aliud præterea quidquam ferro flammave in toto Regno grassati sint. Hoste post dies aliquot ex voto re gestà digressò, cum caesorum Patrum collecta corpora Templo nostro inferrentur, animadvertit P. Bernardini ossa insuetum quendam, planèque Cœlestem odorem spirare.

## MICHAEL NACAS CIMA.

**N**on minima Michaëlis nostri est gloria, tali genitum Matre, tali-que congenitum esse Fratri, quorum uterque Martyrij gloriam indepti sunt. Fingus Japoniæ Regnum illis & Michaëli nostro Patria fuit, ubi jam olim Sacrificuli inter se dissentientes, in Christianam Fidem propè universos inclinârunt. Imò & illi, quos Iconu vocant, quique putant animam Amidæ in Sacrificuli Ozacensis corpus, & in omnes deinde ejus stirpis primogenitos demigrasse, quos ideo non secus ac Amidam vivum venerantur, cum viderent quam Legis nostræ Decalogus passim probaretur, illum ad verbum descriptum, in Amidæ libros inferebant, sui-que sequacibus observandum proponebant. Ut jam non esset difficile ad Baptismum eos perducere, qui difficultatem præceptorum, quæ ferè à Baptismo deterrire poterant, vel Sacrificulis autoribus superassent. Tenuit igitur prosperum cursum conversio in Fingensi Regno, usque ad persecutionis tempora; quibus usus Canzive Regni Dynasta, odium suum in Christianum nomen egregiè exercuit, plurimòsque ad superstitionem Idolorum metu pœnarum retraxit. Qui tamen plerique

dum alios generosam pro Fide mortem intrepidè, imò cum gaudio subire vident, apostasiæ pœnitundine affecti, palam rursus Christianos se vivere & mori velle dicantabant. Neque tamen continuè ad atrocissima suppliciorum genera, quibus Michaël postea sublatus est, descensum, levioribus primum in constantiam Christianorum, certatum. Eminebat inter Fingenses Paulus Jafudaxu, quem dum 4. Regni moderatores quæ promissis, quæ minis, multum ad defectionem sollicitarent, mortem demum, nî jussa faceret, denuntiarunt. Paulus hoc nuntio latus, *præsto sum, inquit, hoc unum peto, nè ultra mecum tempus teratis; nihil enim est in hac vita mortali, quod me possit à proposito Fidei deterrire.* Cumque è moderatoribus quidam subjungeret: *at nisi acquieveris, tormenta remanent, quibus atrociora nemo vidit in tota Japonia.* Respondit Paulus animo jam effervescente; *videbitis etiam ea tormenta ferentem eo animo, qualem nunquam vidit Japonia universa.* Nec mora; à ministris injecto in collum fune, raptatur in carcerem hilaris, quamvis non nihil gaudium fortissimi Athletæ attemperarit privigni, qui simul vincendus erat, turpis defectio. Qui ad doloris Paulo incrementum





Michaël Nacascima Iapon Soc. IESV. ferventibus aquis montis  
Vngen, ad mortem usq; per multos dies pro fide Christi excru-  
ciatus in Iaponia 25. Dec. A. 1628.

C. S. d.

M. K. f.

mentum, visus est cum ejusdem Affine, alter pedes, brachia alter Pauli continere, dum medius à carnifice ferro diffunderetur: cujus tamen ità dissecti caput, ter Jesum ac Mariam distinctè invocavit.

Nil mitius actum est cum Maria Matre, & Jacobo Fratre Michaëlis nostri; dum ad Michaëlem demum nostrum, adultâ jam persecutionis sub Sciogunsama Imperatore sævitie, ventum est, quem majore virtutis & fortitudinis robore duratum in Societate graviora, longèque atrociora excepere tormenta. Comprehensus ille Nangasachi quòd Christianos crudiret adjuvarètque, & in vincula deductus est Scimabaram: ubi exquisitis tormentorum generibus ipsius est tentata constantia. Fustibus q̄cties tam crudeliter

vapulavit, ut confracta in corpore ossa omnia, & ipsam adedò excussam corpore animam crederent adstantes. Post hæc machinæ ejusdam artificio in sublime elatus, in subjectus aquas magno impetu præcipitabatur. Tum resupino corpore humi strato, magnam aquæ copiam per vim in os fundentes, ventrem ad instar tympani, extendebant, quam mox violentâ corporis compressione coactus est sanguine confusum rejicere, cum ingenti totius corporis cruciatu, viscerumq; convulsione. Mox ardentissimo soli torrendus expositus, inter omnes hos cruciatus, animo semper in DEUM intentus, meruit à DEO in æstu omnia circum torrente, umbraculum, prodigio (quod olim columna nubis & ignis, Israëlitis propitia, infesta Ægyptijs,



ptijs, patrauerat) repetito: obducta enim repente nubecula illum à sole defendit; & cum alij æstuarent, ipsum solum lenis auræ afflatus recreabat. Ergo cum nihil proficere se advertunt Satanæ ministri, ad nova confugiunt tormenta. Ungen editissimus in altitudinem mons est, altera ab Nangasacho leuca: is cæcis ignibus, quibus intus flagrat, aquas diversè per latera exudat, quæ in lacus & stagna collectæ adeò fervent, ut quæ fortè corpus humanum contigerint, scæda illi ulcera, doloresque acerbissimos efficiant; sæpius autem superfusæ, pellem & carnes ad ossa usque depascantur. Adhæc adeò pestilentem in aliquibus balneis (nam plura ex ijs medica sunt, omnibus pellendis morborum generibus saluberrima) aspirant halitum, ut eum neque animantia impunè excipiant, neque alites ipse citra noxam, quamvis altè pernicipiterque supervolent. Eò demum Michaël latus sæpenumero pluribus diebus interpolatim, ne brevior cruciatu exanimaretur, ferventibus aquis perfusus, aliàs per bullientia stagna traductus, immanissimè toto corpore, atque omnibus artubus discruciat, incredibili firmitate animi atque constantiâ, Christianam Fidem, usque ad efflandam in cruciatibus animam, confessus est. Quam ipsi tormentis his extorsere tandem satellites Gubernatoris Nangasachienfis, die 25. Decemb. A. 1628. Corpus in stagnum, cujus æstu confectus fuerat, ab lictoribus projectum est.

Verfi deinde A. 1629. & 30. in Neophytos varijs modis exercuciandos, per omnes ferè Japoniæ Provincias Præfeti; cum citati Cavachinouram primarij ejus municipij, fidè deferere nollent, statuit Daiquan Gubernatoris Amacusani ingeniosam, quam prior

iste adhibuerat, imitari sævitiam. Captos igitur omnium, qui accersiti fuerant, adolentes liberos, in carcerem arundineâ sepe vallatum, tectoque carentem inclusit, solis ardori atque imbribus expositos, additâ custodiâ, quæ non sineret uisi semel quotidie, lancem plenam farinæ, quam ipsimet afferre jubebantur parentes, in cibum accipere, & aquæ tantillum, quantum medio haustu posset epotari, cum interea ferveret Augustus. Cum filiolos hunc in modum excruciarî jam 12. dies vidissent honestissimi parentes, Fidem tandem ejurârunt: sed invicti constitere pueri, reculato etiam, qui subinde à custodibus eos miseratis offerebatur cibo, eum responso: *cum Daiquan ita jubeat, fas est obtemperare, & tantillum pro Christi amore perpeti.* Quæ res tam gentilibus, quàm Christianis admirationi fuit, cum præterea duo prodigij similia, quæ ijs diebus evenerant, seriò expenderent. Nam cum esset aer culicibus molestissimis confectus, vel in carcerem non iruperunt, vel si qui erant illapsi, naturæ suæ oblitî, innocenti illi turbæ non incommodârunt. Deinde cum imber maximus decidisset, ut existimarent omnes carcerem omnino inundatum, præsentî captivorum discrimine, nè una quidem aquæ gutta in eum delapsa est, ut continuè post accurrentes omnes animadvertere, ipsique pueri deinde Patri Antonio Giannonio retulere. Videns ergo Daiquan se nihil cum pueris efficere posse, satis habuit (quod primariò intendebat) Parentes eorum, aut saltem è quavis Familia unum aliquem, ad sua placita inclinasse: qui tamen ipsi paulò post pœnitundine ducti, ad Christi Sacra plerique redierunt.

## P. JULIUS CÆSAR MARGICUS.

**M**obilis Margicorum Familia, per utramque Parentis lineam Aquilæ in Vestinis propagata, nobile nomen huic Servo DEI indidit, cujus appellatione, ad majorem Julio Cæsare magnanimitatem provocaretur, quâ fortior est qui se, quàm qui fortissima vincit mania. Editus in hanc lucem veluti certaminum arenam A. 1586. ætatem illam primam adusque Societatis ingressum ita integer decurrit, ut nihil unquam reprehensione etiam perlevi dignum in eo. notasse testarentur domestici & æquales; sed ex adver-

so in omnem pietatem, & sui vincendi studium ab eo verbis & exemplis induci experirentur. Habebat enim jam tum familiarem cilicij, flagellorum, & jejuniij usum, cujus gustum suavem ei faciebat quotidiana Passionis Dominicæ commentatio, cujus etiam speciali quopiam cultu prosequendæ morem nullo die intermittebat. Ubi autem duodevigesimali ætatis annum, deductâ ad finem, & cum plausu propugnata Philosophiâ, attingit, ut suum Martyrij. & Indicos labores obtinendi desiderium prosequeretur. Societatem unicè exambivit, donec superato mul-

tiplici





P. Julius Margicus nobili loco in Italia Natus. Soc. IESV, ueneno sublat-  
tus ab Idololatriis in fructibus porrecto, Siami in India. A. 1630.

C. Sceta. del.

M. Küell. f.

tiplici Parentum & Amicorum obstaculo potiretur A. 1605. In hac edomandi hostis domesticæ palæstra, omnes rebellium affectuum motus comprimere studebat, eò semper directâ animi intentione, ut ne, dum configendum esset cum Tyrannis & hostibus externis, haberet in sinu domesticos, à quibus proditoriè infestaretur. Obtenâ multis precibus optatissimâ, quia id temporis ærumnosissimâ, missione Japoniensi, illuc enavigavit A. 1615. quam tamen non diuturnis laboribus excolere potuit, ejectus cum alijs: in eo tamen felicissimus, quòd beatam illam moriendi pro Christo sortem, quam in Japone obtenturum tantum speravit, in Siami Regno re ipsâ consecutus est. Habebat in vinculis Rex Siami Hispanos aliquot, quos ut eximeret

Philippinarum Prætor, Socios tres impetravit à Superioribus Macao, quib⁹ internuntijs & pacificatoribus, illi in libertatem asserebantur. Et verò propitio usi Numine, non tantum Hispanos vinculis absolutos Manilam remisissent, verum etiam pronissimo Regis favore ibidem remanere permitti, totos se in condiscendum gentis idioma impenderunt, quò majore facultate convertendis ad Christum indigenis pollerent. Philippinarum Pro-Rex ut grati animi vicem referret, P. Julium Margicum cum literis officiosissimis, & liberali referendæ gratiæ vicissitudine, stabiliendæque amicitiae voluntate confertis, ad Regem Siami transmittit, futurum Socijs in animarum captura adiutorem. Graves ibi omnino ærumnas & vitæ discrimina

X x

non



non semel à barbaris incurrere, cum modò ad incendia & rogos conquirentur, modò gravissimorum apud Regem scelerum infimulati, ad necem postularentur. Verùm innocentiae Patrum Rex conscius, suo eos præsidio quoad vixit tutatus est; quo demum A. 1629. è vivis sublato, omnia in perniciem Sociorum inclinari cœperunt. P. Franciscus Cardinus Missionis ejus Superior, imprimis Regno dimissus est; ut jam adeò totius ejus gentis pondus & spes ad Christum convertendæ, in solum P. Julium incumberet, socio altero Romano Nisci in suorum Japonum salute procuranda, qui ob persecutionis acerbitatem Patriâ profugi, Fidem ibi in exilio tuebantur, unicè occupato. Igitur P. Julius nondum perfectè linguæ gnarus, interpretem adsciscit quendam nuper Christianum factum: qui ut erat perfido ac mobili ingenio, desertâ non multò post Fide, Patris etiâ vitæ parabat insidias. Literas primùm quasi

à Patre conscriptas, quibus Regnum Lusitanis prodebatur, confingit, easque Judicibus deferens, inscio Patri vincula & carceres procurat. Et quia nihilominus verebatur, nè fraude detectâ innocens Pater, ut aliàs contingit, deprehensus, vivus dimitteretur, dissimulato dolo, verbis compositis, Patrem obtentu commiserationis solatur, & reficiendis nonnihil viribus fructus patrios, sed veneno illitos muneri desert. Pater fraudis atque perfidiæ incogitans, ut erat ingenio minimè suspicioso, simul cum cibo virus mortemque sumpsit; quo brevi spatio inter acerbissimas præcordiorum convulsiones confectus, felicem animam Cœlo transmissit A. 1630. ætatis 44. initæ Societatis 22. Corpus defuncti cum ad sepulturam in cymba exportaretur, juvenes ignoti vultu Angelico spectabiles comparuerunt, illudq; circumstantes, Christianas Viro DEI exequias facere visi sunt.

## P. ANTONIUS ISCIDA.



*Mirabile consecutus est iter, serviens præceptis DEI P. Antonius, ut inveniretur illesus in aquis validis. Ferventissimis enim montis Ungeni per 30. dierum intervalla perfusus aquis, cum alijs Martyrij socijs inde caro ad usque ossa deflueret, ipse præter inefabiles cruciatus, ceteroqui membris semper integer remanens, lento demum igne consumptus est; ut jure merito gloriari possit, se transivisse per ignem & aquam. Natus Scimabaræ in Japonia, atque à prima ætate in Seminario PP. Societatis JESU educatus, nomen eidem dedit A. 1589. undevicesimo suo. In qua Philosophiæ & moralis Theologiæ scientijs instructus, quia gentilium suorum sectas percalluit, validè eas concionando, singulari innatæ sibi eloquentiæ vi confutabat. Peragravit ultro citroque, inter gravissimas persecutionis ærumnas, plerasque ejus Imperij provincias, traductis ab Ethnica superstitione innumeris ad Christi Fidem; donec Novemb. mense A. 1629. Nangasachi comprehensus est, proditione vicini cujusdam famuli, qui haud ita multò post miseram animam, manifestâ perfidiæ pœnâ, lamentabili exitu edidit. Occasionem, quâ in hostium manus devenit, ipse Pater ita in suis literis descripsit. Vix Omuram veneram, ut P. Joannem Costam, quem annis compluribus non videram, convenirem; cum literæ mihi redduntur à*

*P. Provinciali, quibus Nangasachum ire confestim me jubet, ad excipiendam infirmi cujusdam confessionem. Patri Benedicto Fernandez videbatur oppido intempestiva hæc itio mea; verùm me eo ipso periculo solabar, quod pro animarum obsequio subibam. Sed enim præcepit ille mihi, ut eâ confessione auditâ reverterer illico, quia Omura tutior à vestigatorum libidine, quàm alibi forem. Deliberatâ celeri reversione, in Urbem profectus sum. Verùm cum ibi opinione plures essent, coactus sum 6. ipsos dies ibi resistere. Cum jam in procinctu ad reditum starem, admoneor multos à Gubernatoris stipulatoribus dictum locum petisse, quod Religiosos ibi commorari audierint. Hoc admonitu substiti paulisper, & interea P. Bartholomæus Gutierrez, ex Ordine S. Augustini comprehensus est, eoque me urgere cœpit hospes meus ut emigrarem. Nocte sequenti recepi me ad Jacobum quendam Cusiove, qui cum me ab hospite domo ejectum accepisset, in suam me invitavit: cui nè gravior essem, Dogicum meum postridie dimisi aliam in domum; & quarto die inter litandum magno animi sensu vitam meam Divinæ Majestati devovi. Eâ ipsâ die secundum prandium nescio quid in audio strepitus, & subito ante me conspicio Gubernatoris Vnemij apparitorem, gemino præcinctum acinace, qui ex me, ecquis sim? sciscitatur. Subsensi quid rei quereretur illico; atq; adeò Sacerdotem me & Religiosum respondi. At ego, inquit ille, veni ut comprehendam te; idq; ut dixit, ecce irrui licetor: quibus*





P. Antonius Iscida Iapon Soc. IESV, post toleratas 30. diebus ar-  
dentes montis Vngen aquas, et egvulei tormenta, vivus lento igne  
pro Christo exustus Nangasacki in Iaponia 3. Sept. 1632.

C. S. d.

M. K. f.

quibus ego protendens manus, ut me vincirent  
oravi arbitrio suo. Unus è sinu suū promptis, quo  
quanquam ligarunt me, ceterum omni me hono-  
re persecuti sunt. Sic vinctum duxere unā cum  
Jacobō ad domum Gubernatoris, ubi me Tonus  
Goroyemonus Catafuma, certā spe vita ostentatā,  
hortari cepit, ut Religioni Christiana renuncia-  
rem. Cui cum ego nil pensi me vitam, neque hu-  
mana ulla ducere dixissem, abduci me in custo-  
diam jubet, ubi grandibus compeditos catenis re-  
peri P. Bartholomaeum Gutierrez, cum suo Dogico  
Joanne, & Michaële famulo; qualibus me quoq;  
cinxerunt, & ferrea praeerea collo collaria indi-  
dere. Illuc è Proceribus plusculi me invisum ve-  
nere; interq; alia insimulabant, haud simplicis  
fuisse hominis & ingenui, sed fallacis & malitiosi,  
cultu sefellisse Gubernatorem; sed parem mereri

laudem, quod percontantibus ejus ministris, cau-  
didè responderim esse me Religiosum. Secundum  
hac me Tonus Goroyemonus accersivit ad se; cui  
ego ex occasione veritatem S. Legis nostrae pradi-  
cavi. Unemius etiam me vocavit ad se, & co-  
piosum varij generis apparatus Sacerdotalem,  
quem Evangelij Ministris in ea insectatione eri-  
puerat, commonstravit. Tum stola & super-  
pellicij ecquis sit usus? quasivit; cumq; dixissem  
Concionibus, & Divinis habendis officiis adhiberi:  
rogavit, aliquod sibi ut rei specimen exhiberem.  
Igitur amiculum mihi & stolam injeci. Placuit  
autem homini ea species, & suorum ornatu Bon-  
ziorum dixit prestare; cumque ea rursus para-  
rem deponere, vetuit, & in capite Aula consistere  
jussit. Consedi, dumq; verbum ex verbo duci-  
tur, veni in dissertationem de Fidei nostrae veri-  
tate



tate, tantâque dignitate concionatus sum, quantâ nunquam ab savissima huius persecutionis exoritur. Audivit ille sanè me perlibenter, & dubia multa percontatus est; atq; ut est excellenti ingenio, facillè capiebat & comprobabat ea, quæ fuerant à me responsa. Ad extremum nihilominus, nequeatne fieri, inquit, ut istam tu Legem dimittas? Qui possim, inquam, ei nuntium Legi remittere, cujus tibi veritatem prädico, extra quam nullus saluti locus est super? Respondes, inquit ille, ut sapientem virum & fortem, qualis tu es, decet. Vos enim verò clientes Fidei estis & integri: nos contra universi caterva latronum, qui Principum obsequijs caput grandi pretio devovimus, post vero, ubi res maximè postulat, terga vertimus, & destituimus illos. Hoc absoluto colloquio, conferri ingentem in rogum sacros omnes, quos habebat apparatus, multumque librorum imperavit, & cineres in alto dispergi, negans æquum videri, ea quæ tantam habuerant inter mortales venerationem, esse debere contemptui, & indignè haberi. Postridie me rursus sub vesperam ad se acersit, ut per complures, quos eo convocarat, aut convinceret responsiones meas, aut convicisse certè videretur. Venientem omnibus urbanitate excepit, & hospitalem potionem Cia propinavit. Tum varia proponi cepta questiones; quibus à me dissolutis, eò demum ab illis post longas ventum ambages est, oportere me missis disputationibus parere Unemio, & unam aliquam Japonicarum Sectarum complecti. Verùm ubi se vidère operam ludere, diversi abiire, & me cum Unemio solum reliquere. Multum jam noctis processerat, idcirco me à se dimisit, & postridie, hoc est 10. Decembris, iussis Omuram deportari nobis, ipse ad Regiam profectus est.

Omura itaque unà cum tribus Patribus ex Ordine S. Augustini, unum in carcerem, non ampliùs sesquiulnâ undequaque latum compactus est; ubi illi ad loci incommoda jejunium quotidianum, orizæ pauxillo manè sumpto, adjungere, quater hebdomadâ se flagellare, plurimam temporis partem in preces incumbere solebant. Ubi autem non multò post redux Gubernator deflagrationis sententiam, quod ipsi sperabant, ferre cunctabatur in vinclos, incredibilis eos doloris sensus incescit; quem suum P. Antonius datis ad quendam literis die 29. Decem. sic expressit: Persuaseram mihi ingenti animi mei voluptate certò fore, ut reverso ex Regia Unemio, incendio vitam finirem; sed quoniam ob mea peccata DEO aliter visum est, nequeo satîs R. V. doloris mei vehementiam explicare. Caterùm cum ipse ita decreverit, necesse est ejus voluntatem o-

mnî meæ cupiditati preferre; cùmque adeò jam illi pridem vitam devoverim, reliquum sit, ipsum exorare, ut de me constituat ex arbitrio suo. Neque tamen idcirco tanti beneficii adipiscendi spem deponam, quamdiu hæc custodiâ detinebor, tametsi me languor meus tanti boni reddat immerentem. Gravem hunc, & ipsâ morte acerbior rem carcerem triennio ferè sustinuit, crebris pollicitationibus ac minis frustra sollicitatus à Præfectis, ut desertâ Christi Religione ad Japonica Sacra transfret. Quorum uni aliquando atrocissima supplicia comminanti, frustra mihi, respondit, minas & verba, qui penas jam dudum & cruciatus expecto, neq; tibi reor proclive fore, satîs huic meæ facere cupiditati. Igitur si me diem unum torquere decretum tibi est, meo rogatu ac sententiâ in denos extende; si denos decretos habes, profer in centenos: proroga annum unum in denos, & ipsum porro decennium produci in omnem ætatem. Si decem cogitata tibi sunt formæ penarum, quibus me exerceas, amabo centenas excogita: certamen, si placet, utriusq; nostrum invicem sit, tibi sciendo, mihi durando, dum victus alter defatiscat. Ergo ad ferventes montis Ungeni aquas A. 1631. 4. Decemb. variè discruciatu est, carnificibus omnem in eum jussu Gubernatoris immanitatem expertis. Plurimis horribile & prolixum hoc supplicij inventum Fidem excussit, qui, cùm non reformidarent pro Christo vitam semel abijcere, eam tamen ob iteratos toties cruciatus retinere minimè sustinebant. Perfusos etenim ad usq; ossium adustionem, fomentis identidem restaurabant, ut ubi convalescent, iterum ex intervallo atq; iterum perfusi, graviùs ex renovatis vulneribus torquerentur. Igitur arreptum P. Antonium, carnifices ante aquarum tormentum, manus pedesque revinctum validè distendebant, omnes corporis juncturas veluti in equuleo distrahebant, sicq; luxatum sublimè demum suspendebant, postremò scapulis aquam ferventissimam infusuri: quæ tamen præter omnem consuetudinem, stupentibus ad prodigij novitatem carnificibus, nullam ei cicatricem inurebat. Post 30. dierum tormentum, revocatus in custodiam, ibiq; ad usq; 3. Sept. A. 1632. omnibus incommodis ærumnosè afflictus, demum Gubernatoris edicto vivus lento incendio combustus est Nangasachi cū 4. alijs, Tosciogunsamâ nuper post Parentem suum Sciogunum, & Imperij & crudelitatis ejusdem potito. 63. natus annos, actis 43. in Societate.





P. Franciscus Buldrinus Italus Soc. IESV. armis persecutionis Iaponicæ pro Christo confectus in Iaponia. A. 1633.

C. Sereta. d.

M. Kusell. f.

## P. FRANCISCUS BULDRINUS.

**I**Nter deductos in Indiam An. 1602. à P. Alberto Laërtio 60. Socios, quos in subsidium militantis illic Societatis conscripserat in Europa volones, fuit etiam P. Franciscus Buldrinus. Is Patrum nostrorum, qui sub id tempus frequentes in Anglia Martyrij laureolas indipiscebantur, exemplo stimulatus, ejusdem Martyrij cupidine Oceanum transmittere, & Regnum DEI annuntiare gentibus diu expetiit. Roma illi vitam, & Societatem duodevicensario dedit, 8. Sept. 1593. India campus fuit, ubi talenta virtutisque suas insigniter exercuit: Scripturam Sacram biennio interpres, Theologiam Scho-

lasticam quinquennio Professor, magnâ ingenij doctrinæque commendatione explanans. Quoniam verò spes Martyrij non affulgeret ab Indis, jam utcumq; sub jugum Christi subactis, missionem in Japonem impetravit. Sed inde Patrem brevè exorta Daifusamæ tempestas Macaum rejecit, donec rursus exiguo spatio ingentes afflictiissimæ ejus Ecclesiæ calamitates miseratus, mutato cultu redijt in Japoniâ, ut in tuenda veræ Fidei causa laborantes sub acerbissimis tormentis Neophytos confirmaret; cujus quàm opportuna & necessaria fuerit per illud tempus Japonensibus præsentia, quantus ab ea extiterit fructus, juvat in speciem ex certaminibus Neophytorum,



rum, in quibus doctrinâ & adhortatione suâ firmatis de Tyranno tam ipse, quàm reliqui Socij triumphârunt, recognoscere. Canzugendonus Rex Fingensis, fremens edicta sua à primarijs Regni Nobilibus contemni, Simonem quendam Virum Equitem de medio tollere decrevit, eoque amicum ejus intimum Gacuzaimonem mortis internuncium ad eum transmisit. Verùm hic lachrymis pro verbis perorans, cùm à Fidei constantia eum abduci posse desperaret, Matrem, ut id filio suadeat, aggreditur. Cui illa, ut à Patribus instructa erat, animosè, *in tali causa*, inquit, *filium meum animam ponere non laboro, aeterna enim felicitas nunquam magno emi potest; si placeat me quoque illi adjungere, summo me beneficio devinxeris.* Ergo post dies aliquot submissus Amicorum alius Jecicava, qui ei moriendum esse denuntiaret, intempestâ nocte adveniens orantem invenit; tantùmque illis novis recreavit, ut vix sua capiens solatia exclamârit: *ô letissimum nuntium!* Mox ante omnia provolutus in genua, actis DEO pro supremo favore gratijs, Matrem & uxorem adit in vicino quiescentes, lætitiæque suæ facit participes, & quasi iturus ad nuptias, Japonum more tepidâ se abluit, festo vestium cultu exornat, distributisque in famulos munusculis, vale omnibus lætissimus dicit. Tum bonâ Jecicavæ veniâ tres viros de Congregatione Misericordiæ accersit (Patres enim, quò prodesse pluribus, summo opere latere oportebat) ut adessent morienti, cū quibus recitatâ inter contritionis lachrymas confessione, ubi aliquamdiu solâ mente ad ardentissimos amoris actus fuisset connisus, unâ manu Parentem, alterâ conjugem tenens, *hoc ego*, inquit, *amantissima capita ultimum vobis vale dico, præibo itineri præparando, cūque adiero beatam illam Patriam, rogabo pro vobis, ut me modico intervallo sequamini.* Posita interim fuit super Ara, in Aula Martyrio destinata, inter duos cereos imago Salvatoris, à Pilato post flagellationem populo ostensi, ad quam mox omnes supplicantium ritu procedunt, & iteratâ ab omnibus precatione, Simon fortiter caput obtruncandum præbet: quod resecissum universi non sinè veneratione dissuaviantes, felicem sortem festo clamore aggratulantur. Ab ejus morte mæsta cum conjugē Mater timorem suum, nè Martyrij amitterent occasionem, continuis lachrymis probebant, donec novâ primùm illius spe, mox certo nuntio à quopiam perfusæ, ab eo momento dolorem posuerunt; eâ solâ curâ anxîæ, nè ab earum mortis societate abesset.

Magdalena, pro eadem causâ nuper necati Joannis relicta vidua. Quod cum à Gubernatore impetrâssent, tantâ lætitiâ invicem invisentes perfusæ sunt, ut ei explicandæ omnis impar sit oratio. Deduxerat autem Magdalena septennem puerum, fratris sui filium, à se maritòque adoptatum. Cui mater: *fili mi Ludovice, brevi ad Patrem tuum ibimus* (mos enim barbarus ibi inolevit, ut cum reo Parente omnes cum Patre liberi plectantur) *vide, ut nè tibi excidat suavissimum nomen JESU ac MARIE.* Non excidet, reponit puer, non excidet Mater. Cùm dies ille abisset in sanctis colloquijs & admonitionibus ad eos, qui lapsi erant à Fide, obscurâ jam nocte (id enim tempus Magistratus vitandæ populi frequentia elegerat) monentur, ut se ad iter & mortem parent. Illæ autem quasi ad convivium proficiscerentur, postquam inter assiduam, comprecationem ad locum, ubi pro eis crucifixæ erant, hilares pervenerunt, Joanna Simeonis mater prima Cruci alligata, quando, inquit ad carnifices, *D. meus JESUS affixus est Cruci, acerbissimos dolores tulit: quem quia imitari cupio, rogo vos ut me atrociter toto corpore Cruci alligetis.* Quod eum facerent, & collum arctius stringerent, *laxate*, rogavit, *paululum colli vincula, ut commodius orem.* Quod dum facit, unus satellitum hastam defigit in latus, sed mollius: quâ etiamnum JESUM & MARIAM inclamante, ille vulnus tantâ vi redintegrat, ut ferrum in sinistro latere impactum, à dexterâ scapulâ emineret. Deinceps Magdalena cùm immitiùs alligaretur, de carnificum inhumanitate, quasi de beneficio, gratias agebat DEO. Ludovicus autem videns Matrem alligari, ad suam ultrò Crucem accessit: cūque jam colligandus esset, quidam de adstantibus, *nihilne*, inquit, *times filii mi, tam vicinâ morte? minimè*, respondit puer, *per DEI gratiam.* Clamavit tamen paululum cū atrocius confringeretur; ad quem innocentis pueruli gemitum illachrymans Præfectus, funes modicè laxari jussit. Quia verò ponè Matrem Cruci affixus stabat, eam continuè intuens, alternis JESUM & MARIAM ingeminabant; donec prior lanceâ, incertum quo casu, solâ in carne perstrictus, neque penitus, fallente ferro, perfossus est. Ergo iteratur ictus, populòque ingemiscente nullus pueri clamor, ac nè gemitus quidem auditus, nè lachryma quidem ulla genas madefecit. Quod idem ferrum innocenti adhuc filioli sanguine destillans, in maternum pectus demersum est. Simonis uxor ultima ad palmam pervenit, quæ seipsam Cruci componens,



ponens, eum Deo gratias pro beneficio mortis in ligno obeundæ ardentissimas referret, stupefacti ejus, & jam necatarum firmitudine carnifices, eam alligare, licet ab ea invitati, recusabant. Ergo seipsam cruci aptantem, Ethnici quidam funibus adstrictam attollunt, multisque confossam ictibus vitam spoliant, 9. Decemb.

Atque hæc & similia quotidie de Tyrannis reportari à Neophytis solita trophæa, fructus erant Sociorū, undiq; è latebris & speluncis ardorem in animos eorum & ignem spargentium. E quibus nescio an quis alius P. Buldrino fuerit fortunatior, quive plures adhortationibus suis per omnes Japoniæ Provincias Cælo per Martyrium peperit Candidatos. Nemo siquidem eo felicius latuit, nemo dexteriùs omnes satellitum & proditorum, venandis Patribus insidiantium technas elusit, nemo ferè ex Sacerdotibus Europæis tam diu acerbissimâ illâ persecutione in Japonia ab A. 1612. si modicum exilij tempus excipias, usq; ad 33. subsistere potuit, eò quod totius vultus lineamenti à Japonibus diversè faciliùs deprehenderentur. Quantum autem eâ causâ difficultatum & ærumnarum

tot annis illum exhaurire necessum fuerit, nec dici, nec credi potest; utpote cui nullus locus, nulla sedes aut habitatio tuta erat, sed perpetuò delitescendum in sylvis, commorandum in petrarum cavernis, & hiantis terræ antris, conficiendum cum rerum omnium extrema penuria, quâ sæpius magnitudine famis, & æris injurijs ad extrema deductus, non tam vitam, quam longam trahebat mortem: ut adeò sæpius profligatâ vitæ ulterius servandæ fiduciâ, sese ultro vestigatoribus in vincula daturus fuisset, nisi lachrymis afflictissimorum Neophytorum cedens, necessitatibus eorum se subtrahere, religioni duxisset. Quibus demum omni conflagratione gravioribus malis oppressus, alicubi in septemtrionali Japonia Deo victima cecidit, A. 1633. ætatis 58. Societatis 40. *Et licet persecutoris gladius eum non sustulit, palmam tamen Martyrij non amisit*; computatus inter eos, qui apud Apostolum Hebr. 11. *circuiverunt in melotus, in pellibus caprinis, egentes, angustiat, afflicti, in solitudinibus errantes, in montibus & speluncis, & in cavernis terra.*

## P. IGNATIUS FIALHO.



Imperator Mogoris, omnium qui in India regnant potentissimus, Reges plures non modò subditos, sed & domesticos habet, à quibus minimum auri millionem quothebdomadis dono accipit. In bellum 50. elephantorum millia educere potest. Nuper dum septena elephantorum, cum trecentis equitum, nongentis peditum millibus numeraret, putabatur non multum instructus esse, & vulgarem potiùs belli tempore comitatū, quam justum exercitum habere. Cæterum gens numerosior est quam bellicosior, & ad res divinas valde segnis. Primus eam excoluit Rudolphus Aquaviva, ac deinceps alij è Societate, sed fructu ob gentis segnitiam, exiguo. Qui postremis his annis regnabat, cum rationum momenta, quibus Religio Christiana nititur, satis perspexisset, cupiebat nocturno viso confirmari. Demens, qui plus somnianti phantasiæ, quam judicio suo tribueret, & in somnijs, ubi nulla est, ibi Christianam Fidem vellet reperire. At nunc demum, cum hæres Regni post Parentis mortem favire in Christi cultores incipit, spes est, ut sanguine Martyrum rigata Mogorea, in

fructus germinet uberiores. Primus igitur è Societate hoc in Imperio Martyrij gloriam, quam ibidem tam anxie quærebat olim P. Rudolphus Aquaviva, invenit Ignatius Fiallius. Rei seriem lubet ex literis P. Josephi de Castro, Agræ, quæ Mogoris Urbs princeps est, & sedes Regia, die 8. Oct. A. 1633. datis, quarum partem subjungo, intelligere. *Sub Regni hujus ingressum, anno abhinc 23. offendi R. P. Hieronymum Xaverium, filium unius è sororibus S. P. Francisci Xaverij, virum magnis virtutibus præditum, cui Patres alij deinceps succenturiati sunt, omnes Viri verè Apostolici, & DEO pleni.* Subdit fufiusculè, quàm secundos habuisset res Christiana progressus, sub primo atque altero Regibus, quorum ille Lahore, hic Agræ, primarijs Urbibus, Ædes nobis sacras exstruxerat. Mox subdit. *Ecce autem post Phœbum nubila. Functo Rege, ad Regni administrationem deligitur Filius natus tertius, qui pro eo, quo erga Mahometicam sectam (quæ tenet) fertur zelo, nostra Religioni non parum est infensus; & quàmvis odij hujus fomitem 4. aut 5. continuos annos dolo cinere texerit, sexto tamen anno retexit, & ignis in apertum erupit incendium, apertòq; Marte nos, & Christianos hujus Regni*





P. Ignatius Fialho Lusitanus Soc. IESV. à Mahometanis odio Fidei Christianae gladijs confossus in Regno Mogor. A. 1633.

C. Serrea. d.

M. Kilsell. f.

Regni omnes persequi capit, atq; ob id plurimos iam Christo accensos, ritu Judaico circumcisos, ad Mahometanum vomitum compulsi redire. Potestatem nobis insuper derogavit, quâ antè valebamus, DEI verbum pro concione exponendi; constitutis etiam arctis vigilijs ante portam nostram, quæ gravi sub pœna infideles ab aditu Templi nostri arcerent; quæ etiam eò feritatis processere, ut nos sedibus nostris propellentes, unum è Patribus media in platea alapis, pugnis, fustibus malè multarent. Et ego in hac luctuosa catastrophe meas partes sustinui; nam unus è primarijs Mahometicæ sectæ administris, ubi in me curarat violentas manus injici, vinculisq; ante domum nostram constringi, militibus 4. id carnificina dedit, ut numerato 100. alapis, totidem pedum trusiones mibi impingerent, & tribus distinctis vicibus 40. verbe-

ribus funes bene contorti & crassi, dorsum meum contunderent atq; proscinderent; quo factò continuo sanguinem mibi è venis prolicuerunt, adeò ut à cingulo usq; ad caput (quod mirum in modum intumuerat) non fuerit cernere nisi unam plagam. Deinde omnes ad dies aliquot carceri traditi sumus. Et omnia hæc tam crudelia in nos exercuere, ad innatum suum odium in Christianam Religionem declarandum. Rex instruxerat portum quendam maritimum, quem incolebant novem millia circiter Christianorum, quorum partem mors clementer Tyranni di eripuit, partem fuga maturata, pars reliqua mense Junio in Aulam coacta, Regni Primoribus in mancipia cessit, hoc addito mandato, ut circumcisioni subderentur. Quod executioni mandatum est magnis & gravibus tormentis, adeò ut eorum aliqui violenta



lenta circumfifioni fubjefti, animas quidem in crudelica rnificina liquerint, non tamen heroicam Martyrii palmam. Reliqui gloriofi Agonifta adhuc in fanguinea arena perfant, pro Aris & Fide Chriftiana egregie decernantes. Durante hac perfecutione res contigere mirabiles, qua fuo tempore lucem videbunt. Ecclefiaftici duo cum duobus Religiofis Auguftiniana familia, hac illos appetente fevitia, fibi conftantes, animose pro Fide fua cum hoftibus dimicarunt: nam cum per vim illos

vellent Mauris addicere, illisq; accenfere, illi negarunt fe in illorum ituros fententiam, & mortem millies potius appetituros, quam a Chriftiana Fide recessuros. Eodem in portu vita exceffere quinq; noftroꝝ Patrum; quoru unus ad conftantiam Chriftianos exhortans, Chrifti Cruci affixi (ut mos eft) effigiem manu pratendens, plures gladii ictus excepit: quod ab illis ipsis accepi, quos Pater exhortabatur. Nomen Patri Ignatius Fialho, natione Lufitanus.



Thomas Nisciforus Japon Soc. IESV pro Chriftiana Religione vivus lento igne totius Nangasacki in Iaponia 22. Iuly. A. 1633

C. Greta. d.

M. Kürell f.

THOMAS NISCIFORUS.

**D**æluferat jam inde fub Japonicæ perfecutionis initia, tot Martyrum, in hunc potiffimum annu incidentibus victorijs, Deus, & ut magnam purpurati exer-

citûs fecuturam proceffionem demonftraret, portentofas quasdam Cruces in arboribus, potenti fuâ manu efformatas præmifit. Famo-iffima inter reliquas erat, quam Fabianus Neophytus in ficulnea fua reperit. Biennium

Y y

jam



jam arbor infrugifera frustra terram pondere premebat: eam Fabianus excindit, trunco ad domûs columnam, ramis ad focum usus. Truncus ad solem expositus, annum integrum arescebat. Tandem 8. Idus Decemb. A. 1611. ascia truncum dedolans, advertit in uno ex decussis fragmentis inesse Crucem atri coloris, in trunco candido expressam. Stupet portentum, filium advocat, & *vide*, inquit, *Paule*, *sit ista Crux nec ne? Crux planè est*, inquit filius, & *prodigio quidem similis*. Evulgato mox prodigio, venerabundi ad Crucem accurrere Neophyti, eandem ad infirmos deferre, febres eâ depellere; ut passim affirmarent, si aliud veræ Fidei non extaret argumentum, hoc unum satis sibi fore ad eam mordicus defendendam. Fama interim admirandæ Crucis etiam ad nobilem Matronam Marinam Omurandoni Dynastæ sororem, sceminam planè religiosam, & Ecclesiæ illius Columnam pervenerat; quæ Crucem ad se deferri jubet. Nocturnis horis deportanda fuit, propter accurrentium multitudinem; quamvis ne sic quidem vitari potuit frequentia. Hanc Nobilis scemina magno cultu excepit, & unâ cum Neophytis, qui numerosissimi aderant, venerata, magnificè asservavit. Ex ea Crucis veneratione, ipse truncus in pretio haberi cœpit; maxime posteaquam acceperant eo contrito dilutoq; plurimos infirmos, tertianas & quartanas excussisse. Unde qui frustulum ejus fragmenti, in quo Crux erat, obtinere non potuerunt, ad ipsum truncum, qui etiam tum humi jacebat, confugiebant; quem ita conciderunt, ut intra exiguam moram temporis, qui adveniebant, ne truncum quidem invenerint, sed ad radices conversi eas penitus extirparunt, usque adeo, ut nostri Sacerdotes duo cum eò ex itinere divertissent, optassentque arboris illius frustulum, ne radicum quidem fibras reperire potuerint; tanta fuit Neophytorum pietatis aviditas. Nec mirum Neophytos ita exarsisse, cum ipsi Ethnici, & falsorum Deorum sacrificuli, plus Veritati quàm odio tribuentes, faterentur eam Crucem rem videri humanâ majorem, planèque Cœlestem. Et subinde accidit res nova, quæ admirationem auxit: nam cum Viri primarij ædes à Dæmone nocturnis spectris ita infestarentur, ut nullum in ulla re præsidium inveniret, eam Crucem sibi concedi postulavit. Noctem unam Cruce potitus est, nec ultra Dæmon, Crucem hanc vel maxime fugiens, eas ædes infestavit. Longius deinde sese Crucis fama sensim diffundebat, ut jam

suarum partium esse judicaverit Episcopus, eam rem excutere, & ritè statuere, an pro miraculo haberi possit, uti vulgò habebatur. Itaque ex auditis juratis testibus totius rei seriem edoctus, ex præscripto Concilij Tridentini eam pro vero miraculo haberi jussit. Et quia Nangasachenses quoq; ejus visendi desiderio flagrabant, visum est Antistiti externo etiam apparatu Cœlesti hoc prodigium esse prosequendum. Ergo ritu solenni Sacrum Votivum de Cruce decanatum est, dictum pro frequentissima concione de Crucis prodigio; tum circa Templi porticus supplicantium pompa explicata, in qua Præpositus Provincialis fragmentum illud Cruce insignitum sub conopæo, quod Primores Urbis deferebant, gestavit. Atque ita Crucem portentosam præluisse videtur Nangasachi, longæ Processioni mox ibidem secutororū Martyrum. Et quamvis alijs annis copiosè sævitum sit in Christianos, hic tamen annus sæculi 33. quo eodem ætatis suæ in Crucem actus est Rex Martyrum Christus, gravior Japoniæ incubuit, & 30. omninò è Societate Operarios illi sustulit, agonali Cœli laude donatos.

Primus ordine fuit Thomas Nisciforus, qui in Regno Mino natus, atque à Patribus Societatis à puero in Seminario edueatus edoctusque, eidem se per annos complures, laborum & itinerum in animarum causa, consortem adjunxit, & in Dogici munere socium. Relegatus cum iisdem in exilium A. 1614. mox iterum in Japoniam, mutato habitu revertit, variâque ejus Imperij Regna, ut prodesset multis, peragravit. Et profectò miserabilis per illam Tyrannidis sævientis immanitatem Neophytorum status vel ferreum pectus emolliisset, ad ferendam quæ posset laborantibus opem; quando ingeniosa crudelitas novas indies procudebat tormentorum species, quibus tenellas ejus Ecclesiæ stirpes à Fide Christi penitus convelleret, & discerperet. Mitia jam illi videbantur & nimium lenia, quæ per violentiam inferrentur incendiorum tormenta; spontaneâ ultro tolerantia ferenda erant, & perseverandum sinè vinculis in rogo, nisi Fidem ejurare fortissimi Christi Athletæ cenferi vellent. Ità Simon Xeyzajemon natus annos 72. jussus à Tyranno A. 1627. vel negare Christum, vel in circum accensa pyra undique ambitum se immergere, singulari Divini Spiritûs impetu actus, continuò vestibus sibi detractis, nudus penit in ignes insiliit, quos inter medius constitit immobilis, ac si alienum, non suum corpus



corpus torreretur videret: septies præterea vel octies se circumegit, ut melius ureretur, in hoc vel illud latus, prout crudelis Tyrannus imperabat. Quo eodem tempore Nobilem familiam cum filiolo Petro annorum 13, unâque illius ephebum annorum 11, arbori alligatos, facibus crudeliter adurebant; sed cum sævitiam superaret puerorum constantia, vasculum aheneum ab igne candens manibus Petri indidère sustentandum, hoc pacto, quod si abijceret, aut aliter manibus delabi sineret, hoc ipso Fidem Christi ejurare censeretur. Accepit illud majore Spiritûs S. flammâ incensus pufio, & nudis sustinuit manibus, donec penitus extincto calore frigeret. Neque aliud interim ex ore ipsius, dum pellis & caro usque ad ossa deflueret, audire fuit, quàm SS. JESU & MARIÆ nomina, quibus identidem oculis in Cælum sublati, ceterâ immotus, hoc de se incensi Sacrificium offerebat. Eadem conditio pluribus alijs inter lenta incendia, aliquot passus igne distante totis, data fuit, quemlibet corporis motum signum fore ejurati Christi. At illi immoti perdurârunt ipsas duas horas; donec ad majora servandi supplicia, flammis exire juberentur. Hæc autem erant totius corporis, so-

lo extante capite, in terram defossio, quod diebus singulis (dum interim defossum corpus à violentis terræ qualitatibus vivens putrescebat) lignæ ferræ tractibus aliquot à corporis trunco findebatur, donec tum à vulnerum incurata sanie, tum ab urente Solis æstu progeneratis vermibus, alij decimo, alij etiam vigesimo torturæ die expirarent. Atque hæc dignissimorum Cœli Candidatorum certamina provocabant nimirum ardentissimū in Socijs zelum, ut per quantumlibet atroces ærumnas & supplicia constantiam eorum firmatum irent, ut quibus ad Fidem præluxerant verbo, ad eandem servandam præirent exemplo. Itaque in solatium & auxilium eorundem clandestinè in Japoniam irrepens, quantumvis adhuc Religionis & Sacerdotij expers Thomas, ut quoquo modo posset, in tanta Operariorum inopia illis prodesset, ingentes plurium annorum latibulis toleravit ærumnas: donec in Scimonosceki deprehensus, & post pulcherrima virtutum, Patientiæ præsertim & Pietatis, in diuturno carcere edita specimina, Societati adscriptus est, & Nangasachi, imperante Tosciogunfamâ, vivus lento incendio conflagravit 22.

Julij A. 1633.

## NICOLAUS KEYAN Fucunanga.

**E**ntilem quempiam dirè vexabat Dæmon in Japonia, cui obvius fortè Neophytus, & energumenum miseratus, benignè interrogabat: unde, & quorsum veniret? respondit ex energumeno Dæmon, se ex Anglia venire, ubi multos annos Catholicis torquendis præfuerat, eo consilio, ut Japones modum & artem Christianos torquendi edoceat. Et verò edocuit hic mille artifex novum & inauditum tormenti genus hoc anno Japonios, quod furiali Tyrannorum rabie confectum primus subiit Nicolaus Keyan. Scrobem Japonij effodiunt pedes aliquot altam, superinducunt furcam, è qua corpus undique funibus ceu fascijs arcè obligatum, (ne sanguis in caput defluens citò hominem præfocet) pedibus sursum erectis, manibus revinctis, nunc cingulo, aut umbilico, nunc genuū, aut crurium tenus depressum in scrobem suspendunt: scrobi geminam inducunt tabulam, ità excisam in medio utramque, ut commissæ, & corpus medium complexæ, omnem auræ lucisque usuram suspensio excludant, Sic tenent hominem inversum penden-

tem, impastum, vitæ ac mortis incertum, inter utriusque divortia dubium, donec eum vel delabentis paulatim in caput sanguinis oppressio suffocet, vel tabescentem conficiat inedia, vel laboriosa medios inter homines solitudo & destitutio ità fatiget, ut victus demum priusquam animam edat, Fidem abiuret. Triduum in scrobe ejusmodi è patibulo pependit Nicolaus, à vespera scilicet diei Jovis ad usque imminentem meridiem diei Dominici, quo eodem die S.P. N. Ignatij celebratur natalis. Sed qui primus tormentum illud experiebatur, ad illud fortiter constantèrque tolerandum à DEI para Virgine, egregio planè beneficio animatus fuit. Non semel pendentem invisit Beatissima Mater, & de nocte solum detigillo, ad interquiescendum deposuit, & aquâ recenti suppedatâ (ejus postmodum plenus adhuc cyathus in fovea inventus est) fovit; attonitis, & insolentiâ rei stupidis excubitoribus. Qui etiâ cum subinde ex pendente sciscitarentur, nun. quid agre haberet? respondebat: id solum agre fero, quòd Imperatorem, & universam cum illo Japoniam ad Christi Fidem perducere nequeam.





Nicolaus Keyan Fucunanga Japon Soc: IESV, primus in Scrobe angulo tenus suspensus, et in eo quater duano tormento Deipara hauritu refocillatus, Nangasacki in Iaponia 31. Iulij. A. 1633.

C. Scrota del:

Melch: Kusen f.

Hæc eum scilicet sola cura mordebat, solus hic dolor angebat Apostolici spiritus hominem. Quarto igitur suspendij, & Natalis S. Ignatij die, ipsa in fossa Nangasacki fortissimus Christi athleta gloriosam animam Cælo transcripsit An. 1633. ætatis 63. Societatis 45. Omium Japoniæ oppidum illi natale fuit, qui à pueritia institutus à Patribus Societatis Jesu in Seminario, nomen illis suum adjunxit A. 1588. natus annos 19. Triennio latinas literas didicit, & quæ erat à natura facundiâ, atque Japonicarum sectarum peritiâ, perlongam multis in Provinciis, ac per-

utilem rei Christianæ navavit operam, habendis promiscuè concionibus, rudibusque Fidei elementis & Catechismo instituendis. A. 1614. cum cæteris Patribus à Daifusama Fidei causâ proscriptus, sed post paulò remissus, simulatâ personâ multa aspera perpassus est, dum rem Christianam egregiè promovet: donec in Regno Figen captus, primus horribile scrobis tormentum, cujus novitate universa Christianitas ibi consternata fuit, victor toleravit, docuitque Divino adjutorio superari posse.







P. Antonius Vasconcellus illustrissimâ familiâ Lusitanus Soc. IESV. odio Religio-  
nis veneno sublatus in India Goa. 16. Augusti. A. 1633.

C. S. d.

M. K. f.

## P. ANTONIUS VASCONCELLUS.

**E**nus, munus, & funus, omnia illustria habuit Vasconcellus. Parentes illi fuere Franciscus de Faria, summus Palmellæ Præfectus, & Petri Menesij Viseensis Præfecti Filia. Eboræ, Deputati Sacræ Inquisitionis munus, ætate nondum ad id maturâ, sed adultâ jam sapientiâ, & bonis artibus ex- cultus, ita prudenter gessit, ut nihil eo tota in Urbe gravius, neque modestius, nihil religio- sus videretur. Multus erat in orando, & in omni actione pietatis, multus in seipso castigando macerandoque; in quem finem ducem vitæ Religiosum Virum apprimè ex-

perientem delegit; & cum familiam opti- mis institutis & exemplis temperatam ha- beret, nullam Officij partem non optimè, in- tegerrimèque explebat. Nulla illi ambitio, nulla parandarum opum, aut dignitatis al- tioris cogitatio, nulla imperij adipiscendi cu- ra. Cum autem Fidei tuendæ amplifican- dæque studio, etiam sanguine suo si posset as- ferendæ, flagraret (ad quod etiam conaturum se voto obstrinxerat, perlibenter delatum ab Inquisitore Generali munus Inquisitoris per Indiam admisit. Ut verò certam absolutæ virtutis, ad quam conniteretur, haberet nor- mam, oculos atque animum in S. Franciscum

Yy 3

Xave-



Xaverium Indiarum Apostolum coniecit, conatusque est illius in se decora summo studio referre. Indico in itinere passus est cibos exquisitiùs sibi, quàm consueverat, apparari, quos omnes in agrorum militum, nauticorumque usus expendebat, non suorum dumtaxat famulorum, sed suapte sæpe operâ manûque dispersiendo, nullâ sui, nullâ dignitatis habitâ ratione, quam non nesciebat illâ Christianæ humilitatis & caritatis specie plurimum exornari. Simul ut Goam appulsa navis est, prodijt ad illum officij causâ Comes de Linares id temporis Pro-Rex, qui Consobrinam Antonij in matrimonio habebat. Verùm ne quid ille videretur honoris admittere, quod titulo sanguinis deferri poterat, eum constanter occursum deprecatus est. Munus Sanctæ Inquisitionis administravit in India integritate summâ, diligentia incredibili, illudque perfectissimæ virtutis exemplis egregiè decoravit. Quæ ipsa in obeundo munere adeò exacta impigraque accuratio, eidem accersendæ oppetendæque pro Christianæ Fidei sanctitate mortis, exoptata votis omnibus occasio fuit. Quippe enim in nonnullos quæstionem instituit, quos oportebat ob sua facinora omnium bonorum, ad hoc & vitæ quoque & existimationis adire discrimen. Hi cum experientia didicissent, nullum ad integritatem ipsius corrumpendam aut labefactandam aditum patere, quod unum sibi reliquum esse crediderunt, hominem optimum, ac de Repub. Christiana meritissimum, de medio, malis artibus temperato illi veneno, sustulerunt. Cupiverat ille diu antè, atque impensè flagitaverat Societati adscribi, eò quia se crederet ibi plenius animarum servandarum zelo, quo flagrabat, responsurum, & S. Francisci Xaverij virtutibus ac vestigijs institurum. Sed Superioribus visum fuerat illum usque & usque differre, ut Divinæ gloriæ impensius, per munus quod gerebat, serviret. Jam verò ubi in morbum, operâ nefariorum hominum incidit, in Societatem priùs à P. Alvaro de Tavares, Goanæ Provinciæ Præposito, legitimè adscriptus est, quàm extremum vitæ diem morte pro Fide obitâ conficeret; quod demum Goæ, editis in morbo illusterrimis magnarum virtutum documentis, expiato generali Confessione animo, perceptisque Sacramentis reliquis, post nuncupata in Sociorum corona Religionis vota, inter suavissima cum DEO colloquia, præstitit die 16. Augusti A. 1633.

Et ut de virtutibus ejus pauca in exem-

plum delibemus, duas ille minimùm horas quotidie Divinarum rerum meditationi tribuebat: Sacrum quotidie per ternos horæ quadrantes faciebat, postquam duobus nostris sacrificantibus in Indica navigatione quotidie priùs ministrasset: Canonicum officium, & Deiparæ Rosarium, semper nixus genibus quotidie decurrebat. Et quamvis nihil ferè expiabilis materiæ ad Confessionem afferret, nihilò tamen seciùs quotidianâ conscientiam exomologesi levabat. Reliquum temporis, summâ desidiæ fugâ, vel explendo muneri publico, vel regendæ familiæ, vel literarum studio impendebat, neq; animi causâ vacuus unquam operis, nedum temerè otiosus. Delicias in victu cultuque omnes aspernatus, cibos non nisi communes, plebejos admittebat: vestitum eundem cum suis famulis, neque necessario ampliorem. Jam verò sagum cilicinum nunquam deponebat, bis hebdomade se acriter flagellabat: ad hæc crebra illi jejunia, longæ vigiliæ, quamvis ultra quaternas quinâsve horas vix unquam somno indulgeret, solitus etiam famulos expergefacerere primo diluculo ad studium precatationis. Nullius unquam servitio ad ponendas vestes sumendâsq; utebatur, nè minùs integrè ac decorè vestitus unquam ab ullo conspiceretur. Tantus erat castimonie amor! quam etiam voti Sacramento pridem ante susceptos Sacros Ordines sanxerat. Domum primo statim vespere non occlusisse, & famulis hac in re deliquisse, aut domi repertos non fuisse, idem erat quod loco & ejus famulatu excidisse. In pupillos, viduas, atq; omnino in quoslibet egenos & calamitosos, propensissimæ fuit liberalitatis: hinc nunquam prodire in publicum sinè nummis, quos suâ in pauperes manu erogaret. Et aliquando suâ se veste exuit, ut cadaver hominis repenti occisi involui posset ad sepulturam. In navi quidquid ipse pharmacorum intulit, in agrorum curationem exhausit: cumq; jam nihil suppetere, etiam mutuabatur ab alijs, nè cū morbo luctantibus fortè deesset; tantâq; illis contentione, non per suos dumtaxat famulos, sed suâ quoque manu serviebat, ut etiam callos sibi & ulcera, miserationis experts, servilibus munijs induceret. Morituris ipse ministrabat Sacramenta; mortuis ad tumulum stragula de suo lecto suppeditabat; sacrâ dein litatione ipsorum animas expiabat. Quibus & id genus alijs bonis moribus DEO gloriam, sibi mortem in conspectu Domini pretiosam comparavit.

P. EMMA-





P. Emmanuel Borges Lusit. Iosephus Reomuy, et Ignatius Kindo Japonæ Societ. IESV. triduo suspensio in serobem tormento pro Fide necati. in Iaponia Nangasacki 16 Aug. A. 1653. C.S.d.

M.K.f

## P. EMMANUEL BORGES, cum duobus Socijs.

**S**olitarius nuper è patibulo in subjectam serobem pendeat. Nicolaus. At P. Emmanuel, Emmanuel DEI Filium imitatus, medius inter duos pependit. Socios Nangasacki, quos in carcere auctoritate Præpositi Provincialis Societati adiunxit; Iosephum videlicet Reomuy, & Ignatium Kindo, qui ambo fuere Japones, hic Ariyensis, Figenfis ille, ambo in Seminario instituti, ambo Patrum annis compluribus comites & adiutores, ambo cum illis Patriâ extorres; ut proinde in morte separari, eodem illi die in serobe commortui, non debuerint, qui studijs in vita sua tam conjuncti

fuere. Illud tamen peculiare habuit Ignatius decus, quod & Parens ejus Adrianus in odiû Fidei olim necatus, jus quoddam hæreditarium filio reliquerit Martyrij. Cæterum Patri Emmanueli Ebora Lusitaniæ Urbs inclyta primam lucis usuram dedit, ubi jam vicenarius Societati A. 1616. auctoratus est, & octavo post transmissit in Indiam, atque inde post quarto in Japoniam; unde cum cæteris post biennium, edicto Daifusamæ Macaum ejectus, aliquantisper ibi Procuratorem Japoniæ egit, donec A. 1621. eodem peregrino habitu reversus, reliquum tempus omne in illa texcolenda Domini Vineâ strenuè, eximioque cum fructu collocavit. Periculorum quæ



quæ plurima subiit, præsertim per officij peculiaris rationem (erat enim Sociorum Nangasachi Procurator) unum hoc esto specimen, exceptum è literis, quas ipse A. 1626. ad quendam dedit in hæc verba. *Posteaquam Aprili naves solverunt, gubernationem gessit Feizo tantum trimestrem. Sed tantâ pertinaciâ Christianos, atq; imprimis Religiosos insectatus est, ut domum ubi diversabar, ter unâ die invaserit: neq; ullum fuerit Christianorum habitaculum, quod tertio minimum, quot hebdomadâ non fuerit ex improvîso lustratum. Invaserunt me primum septem homines armis instructi diluculo, priusquam surrexissẽ ex lecto: Iterum sunt aggressi septemdecim, cum ad Sacrum faciendum sacros paratus induerem: tertio demum irrupere vicieni sub horam prandij, tanto tumultu, ut permiscere omnia velle viderentur. Sed latebra beneficio, quam Japones Anam vocant, nunc etiam, ut alias crebrò feceram, vim eorum elusi.*

Ex qua efferata inquisitorum rabie cum necessitas emergeret Patri quotidie hospitia mutandi, & nè incolis noxius foret, si in eorum domibus deprehenderetur, majorem partem in sylvis & solitudinibus degendi, facile cogitari potest, quanta eum perpeti necesse fuerit. Quotquot enim Patrum aliquem domo excepisse convincerentur, omnes unâ cum prolibus & Conjugibus, totâque decem contiguarum ejusmodi hospitio domuum familia, etiam si Ethnici forent, crudeliter necabantur. Sanè post sublatum incendio P. Hieronymum de Angelis, paulò pòst 37. partim Viri & fœminæ, partim pueri & infantes illorum, quos inter 13. erant Ethnici, morte mulctati sunt, Iendi, quia Patres & Christianos domibus receperant, aut pro ijs fide-

jussissent. Octodecim pueruli Christiani, præter duos omnes, cum ridentes & exultabundi ad supplicium processissent, alij capite truncati, vertice alij ad umbilicum divisi, alij modo transverso dissecti, alij deniq; cum pede uno in altum raperentur, mebratim omnes in conspectu Parentum concisi. Ex viris autem & fœminis undecim in crucem acti, quos inter soli duo erant Christiani, ex quorum manibus cæforum puerorum capita suspendebantur: octo vivi lentis ignibus cremati, & quidem duo gentiles, quod Farandum hospitio acceperant; reliqui 19. capite truncati. Nec multò pòst iterum Iendi lentis ignibus absumpti sunt eadem causâ 10. Viri, 6. fœminæ, & charissimus aliàs Imperatori honorarius Ephœbus, quantumvis gentilis, capite plexus, quod Christianis domum elocasset. Atque hæc inaudita omnibus retro sæculis feritas, cogebat omnino Patres, nè suis in Spiritu Filijs, quos in visceribus charitatis longè teneriùs, quàm Matres suas carnales proles, diligebant, noxæ forent, antra quærere & spelæa, ex una in aliam perpetuò migrare Regionem; neque nisi extremis Neophytorum, quâ vicissim incredibili in Patres suos erant dilectione, precibus violentè adacti, in tecta eorum succedebant. Sic igitur de loco in locum perpetuâ vicissitudine commigrans Emmanuel, demum Bungeni in Provincia captus, Nangasachum pertrahitur, ibique die 13. Aug. pedibus sublimis, revinctis à tergo manibus, depresso in foveam capite suspenditur: quo cruciату triduum fortiter tolerato vivere desijt, die 16.

Aug. A. 1633. ætatis suæ 53. ab initia Societate 33.

## P. JACOBUS ANTONIUS GIANNONIUS, & JOANNES KIDERA.

**N**atus est Bitonti Urbe in Apulia nobili, Parentibus illustri & per vetusto genere, opumque inter suos gloriâ claris, die 7. Decem. A. 1577. Ex senis illius germanis, quinque itidem se Dei mancipavêre servitio, in Familijs Dominicana, Carmelitana, Theatina singuli; duo alij in Ecclesiasticis dignitatibus sublimes vixêre. Simul atque per ætatem literarum rudimentis idoneus fuit, ad publicas Scholas Bitonti transmissus, sedulitati & ingenio eam conjunxit modestiam morumque compositionem, quâ

Civitatis universæ oculos & amores in se converteret: Magister autem affirmaret, nihil unquam in illo se, quod vitio dari posset, observare potuisse. Et jam annum ætatis 15. ingrediabatur, cum Bitontina Nobilitas theatralem nescio quam actionem datura ad publicam lætitiâ, suas etiam Jacobo Antonio partes detulit: per quam occasionem, dum ad periclitandum quisque suam actionem conveniunt, unus quispiam seu per jocum, sive seriò Antonium præfidenter sollicitavit ad osculum. Ipse hominis inverecundam audaciam execratus, proculeum à se depulit,





P. Iacobus Giannoni per vetusto genere Italus, et Ioannes Kidera Japon Soc. IESV. hic quatruiduano, ille triduo in fossam suspensio pro Christo necatus, Scimabara in Iaponia. 28. Aug. A. 1633.

C. Sereta. d.

M. Kusell. f.

depulit, & Actioni remissis illico suis partibus, obfirmatissimo animo renuntiavit; neque ullis adduci momentis ultra potuit, ut inter quos integritati suæ, quam ad usque mortem illibate servavit, periculum creari sibi persuaserat, cum ijs haberet societatem actionis. Missus exinde cum fratre natu maiore Neapolim, ut bonarum disciplinarum studia in Collegio Societatis prosequeretur, ejusdem virtutis insigne dedit specimen. Diverterat fortè ad eorum hospitium Bitontinus quidam Canonicus, cujus procacior famulus animadversâ Jacobi verecundiâ, principio subturpes jocos, & scurrilia in illum dicta jacere, risumque captare; post verò cum ejus vitandæ petulantia in suum se cubiculum, atque adeò cubitum recepisset, nudus ad il-

lum procax ille succedere. Percussus obscenitate castissimus adolescens, prostravit illico, atque ut erat profugit in indusio ad patentem aream, maluitque partem noctis frigidus sub dio agere, quam cum pudicitia probro, donec ille abigeretur, ad quietem redire. Per idem tempus excurrens Neapolim Theseus Parens ipsius, puellam Jacobo paris claritudinis & opum desponderat, ut quia frater natu major Ecclesiastico sese Ordini dicaret, ipse natu proximus Familiæ nomen ad posterum derivaret. Id verò ubi ille sensit, Patrem adortus, adeò causam fortiter ac vehementer egit, ut eum à consilio dimoverit. Jam tum enim perlatis in Europam de Sociorum in Japonia contra Tyrannum triumphis vehementer accensus, cum nullum nisi Reli-

zz

giosum



giosum eò transmitti advertisset, incredibili Martyrij, Japoniæ, & Societatis desiderio flagrare cepit, nec antè desijt, donec exorato, cœptisq; bene precante Patre, aditum ad Societatis Tyrocinium impetraret, A. 1596. 18. Octob.

A Tyrocinio absoluto, nunquam deinde Missionem sollicitare apud Claudium Aquavivam destitit, donec is sanctâ Juvenis importunitate victus sponderet, se illum ubi aliquantò maturuerit, voti compotem facturum. Et prosperè omnino evenit, ut Jacobo Philosophiæ operam Neapoli navante, Claudius Generalis Præpositus, sive valetudinis, sive aliâ causâ illuc excurreret. Mox enim ibi petitores Indiarum plurimi eum circumfistere, urgere, sollicitare. Ille suorum ardore mirificè recreatus, cùm Provinciam tantâ non posset orbare sobole, id concessit, ut invocato precibus, aliisque pietatis & pœnitentiæ officijs Numine, septem ex omni eorum numero sortito legerentur. Tertia Jacobo fors obvenit; cujus ille compos effectus, nullum sibi faciebat, neque Deo gratulandi finem. Igitur expedit se confestim ad iter, & continuatâ trimestris spatio Romæ Logicâ, residuâque Philosophiâ compendio per semestre Eboræ auditâ, conscendit Ulyssipone verno anni 1604. & tam difficilem fortitus est cursum, ut bis fractâ navi ante Mozambicum, prius quidem corpora, & fortunas omnes servârint incolumes; at posterius præter corpora omnium jacturam adierint, ne Breviario quidem uno reliquo, ex quo pensum persolvi Canonicum posset. Goæ Theologiæ tantisper dedit operam, dum opportunâ Malacam navigatione extremo ferè A. 1606. oblatâ, tempestivè Malacam appulit, ut Decembri mense inaugurari Sacerdotio posset. Ibi nocte Natali Domini primam litavit hostiam, & deinceps Malacensium obsequijs usque ad insequentis anni Majum, primas Sacerdotij sui functiones impendit. Macaum appulsus, ibi toto biennio substitit, & unum annum Theologiæ prosequendæ, alterum Ministri Officio, simulque Japonicæ linguæ condiscendæ impendit. Unde Majò A. 1609. digressus, in optatam demum Japoniam procellis iterum jactatus & malis, die 29. Junij, Apostolorum Principibus sacro, sospes ac latus pervenit. Nangasacho ubi primum exscendit, Arimam haud multò post destinatus, gemino illic spectaculo, suprâ quàm dici queat, recreatus est; tum quòd adeò bene Christianis institutam elementis pueritiam cerneret, ut ea certatim alternis

expeditè, haud segniùs quàm in Europa recitarent; tum quòd aliquorum pro Fide nuper necatorum corpora tractare, deosculari, venerari datum esset, quorum aspectu liquecebat in lachrymas, orabátque sanctas eorum animas, ut suâ apud Deum suffragatione ejusdem sese certaminis consortem & gloriæ redderent.

Nec multò post novum Imperatoris edictum ab Regia perlatum est, quo Cruci suffigi jubebantur ij, qui Fidem Christi promulgarent universi, quicq; fuerant eam complexi suorum popularium. Tum verò P. Jacobus adeptæ spe felicitatis latissimus, cùm ad oppetendam eam mortem se compararet, revocato quaqua de causa ab Daifusama decreto, sedatâque tempestate, adjuncto sibi Dogico Joanne Kiderâ, Firandi nato (qui deinde in Societatem receptus, cum Patre in vincula datus, & eodem supplicio affectus fuit) Arimensem percursavit ditionem, & manipulos in horreum Domini cum exultatione portavit. Sed recruduit per Annum 1612. pristinae tempestatis cicatrix, novisque promulgatis interdictis, ut Christianos Pater solaretur, nocte potissimum & alieno cultu tectus, raso more gentis sincipite, & reliquâ in nodum ad occiput cæsarie collectâ, omnes concursabat. Verùm exeunte A. 1614. cum reliquis proscriptus, & Macaum remenso Oceano repetere coactus, antiquam ibi industriam suâ in procuranda omni studio indigenarum salute renovavit; donec A. 1617. mutatâ veste atque oris figurâ, per ingentia maris & piratarum discrimina Nangasachum reventus, Arimam è vestigio ad suos se retulit. Hic ille nonnullorum exemplo, quos odio Christianæ Fidei turbo tempestatis involverat necaveratque, quanto ejusdem sortis desiderio exarscit, nemo meliùs, quàm ejus literæ testari poterit. *Vadimus propagatum Sanctæ Fidem Catholicam*, scribit ipse ad Fratrem natu majorem in Italiam, & *utinam faxit Deus, ut pro ejus amore in illius confirmationem differamille in frustra; quippe quæ foret unica gloria mea; idq; vehementer à DEO efflagito, cupioque & te, & omnes necessarios nostros id ipsum mihi obnixè flagitare.* Et iterum ad eundem: *desidero à te, inquit, dici, vel certè curari terna aut quaterna Sacra pro anima mea, quæ pro veteris cujusdam desiderij mei adeptione proforo confido, ut nempe pro Deiejusq; Sanctæ Legis studio, non inquam in Crucem agar (nimia id enim dignitatis & honoris sit) sed ut mille in partes dilacerer. Hoc illud est quod expeto, quod desidero, & spero me compotem à DEO factum iri.* Et ad P. Fran-



P. Franciscum Pavonium Arimâ: Fateor R. V. dum me dum vivo vehementer ac sepius expetivisse, ut de Societatis incunda desiderio fileam; alterum venire in Japoniam ad harum gentium conversionem, & hujus jam compos effectus sum; alterum, emori (ô utinam!) in Cruce pro eo, qui amore mei pendit in Cruce; quo quanquam indignus, confido me tamen consecuturum, quoniam ibi quidem gentium sum, ubi irrogantur indies Martyria. Interea loci hoc satis habeo, si DEO desiderium hoc meum obtulero; sed R. V. vehementer oro, ut hanc mihi gratiam à DEO exoret pro sua gloria, & gentis hujus conversione.

Quis autem enarret infinitas calamitates, acerbissimas ærumnas, quas 20. annorum spatio in difficillima illa Japoniæ cultura exhaurire necesse fuit? in quibus trium in Japonia Imperatorum persecutiones expertus

est, Daifusamæ, Sciogunsamæ, & Tosciogunsamæ; ab isthoc demum, quam diu persequabatur, gloriam adeptus. Inter lustrandam Arimensem ditionem, haud ipsâ Arimâ procul, in apparitorum insidias unâ cum socio Joanne Kidera incidit, à quibus comprehensus, inque custodiam abductus, diuturnâ calamitate maceratus est. Postea manicis compedibusque innexus, præcone præeunte producit, perque vicos & oppida Arimensia contumeliosè circumductus, sannis ab insolente plebecula & probris appetitur. Demum Scimabaræ ferali foveæ die 25. Aug. prono capite insertus, pendens è pedibus die 28. ejusdem mensis (Kidera autem 29. tormento mirâ constantiâ tolerato) laurea- tam animam expiravit, ætatis suæ A. 56.

à suscepta Societate 37.

## JOANNES YAMA.

**S**uspensum simile elegit anima Joannis Yama, priusquam datam fidem Deo ejuraret. Quo tempore ita plerique etiam sæculares Neophyti ardebant Martyrium, ut unus ijs dolor esset, doloribus in causa Fidei non emori. Sanè æternâ dignum memoriâ est facinus cujusdam Arimensis Neophyti. Hunc amicus Ethnicus eripere sententiæ conabatur, sed cum nihil suadendo profecisset, chirographum, quàm proximè potuit, imitatus, velut Neophyti manu conscriptum ad Judices detulit, quo ille Fidem Christi ejurabat. Sensit hoc Neophytus, & mox quatuor alijs Neophytis testibus comitatus se ad Judices confert, & multis ferventer de injuria imposturæque amici questus, non Fidem, sed amicum illum, ejusque chirographum ejurare se dixit: testatus eum sibi amicum esse non posse, qui se malis artibus à Christi Cruce & Martyrio avertere conaretur. Amplius aliquid præstitum est Nangasachi ab imbelli sexu: nam cum adverterent mulieres, solos Viros à Regijs Ministris in censum Fidei causâ referri, nè idcirco à laurea Martyrij excluderentur, virilem complures vestitum induerunt, ut in Candidatorum mortis numerum & ipsæ hâc arte venire possent. Nec inferiora istis fuere puerorum Martyrij desideria. Sanè in Regno Devano Joannes Catauneme, sanguine inter suos illustrissimus, eum post varias oppugnationes victor, de inferenda sibi in Fidei odium nece nihil jam ambigeret, pridie quàm comprehenderetur

Filiolum suum septennem his verbis aggressus est: *quid facies fili, si te satellites rapiant? pati te comburi vivum, vel potius Fidem relinques? Et tu, reponit Filiolus, quid facies Pater? Ego comburi me sinam, inquit Parens. Ergo ego multo magis, subjungit Filiolus. Age ergo, inquit anxius de constantia pusionis Pater, periclitemur an vera dicas: & ad ignem adiens, hic, ait, prunas cape, & prius è manibus non abijce, quàm jussero. Aperuit mox palmulas palmaris puer, & impositas prunas, ambustâ licet ad carnem pelliculâ, immotus sustinuit; donec Pater abjici juberet. Quo rogante, an ignis ureret? respondit parvulus: *pusilli animi fore illum, qui paratus pro Fide comburi vivus, tantillo spatio tractare prunas manibus non posset.**

Atque hæc & similia ex Patrum Societatis disciplina, quotidiana penè fortitudinis prodigia, incredibiliter eorundem animos, atque inprimis Joannis Yama eorundem popularis, ne tot annos in Societatis disciplina educatus, minùs sæcularibus pro Deo posse & audere videretur, accendebant. Natus ille fuit Tzunocuni in Japonia, & Societ. A. 1586. auctoratus, 47. annis sub vexillo Christi stipendia meruit: quo toto tempore gentilium suorum saluti strenuam navavit operam, totum passim illud Imperium, quàm vastum est, pervagatus, ubique Christi Legem egregiâ, quâ pollebat eloquentiâ, asserens, nihil incommoda, nihil moratus crebra & propè quotidiana vitæ pericula. Interim extorris Patriâ propter Fidem cum cæteris Macai sub-





Ioannes Lama Iapon Soc. IESV. pedibus in scrobem pro Fide Christi suspensus, et necatus in Iaponia, Iendi in Septemb. A. 1633.

C. Sereta. d.

M. Kueell. f.

substitit aliquantisper: unde reversus ad suos, salutarem illis, sibi sanè quàm laboriosam instauravit operam, usq; ad A. 1629. quo comprehensus est in extrema ad Orientem Japonia, dum Regnum Vosciu, vexatam ibi confirmaturus Ecclesiam, peragraret. Jendum Urbem Regiam in vinculis deductus est, atq; in ijs quadriennio detentus. Cùm verò produceretur ad decretum Imperatoris sententiâ supplicium, postulato instrumento scriptorio, elegantissimâ formâ verborum exaravit sententiam, quâ Japoniam asserebat altis offusam tenebris residere, Japones ceu luce orbatos, pessumire præcipientes in exitium sempiternum, dum ab Evangelij sole oculos avertunt. Perlata continuò ad Urbis Gubernatores ea scriptura, prorogandi aliquan-

tisper supplicij, quòd eum ad Idolorum cultum magnopere averent reductum, causam dedit. Igitur in custodiam revocatus, admirabili Numinis in suos electos providentiâ, compluribus ibi salutis fuit, quos Fidei doctrinâ jam antè satis imbutos, sacro latice, quod non potuerat antea, tinxit: multos Procerum ejus cognoscendi alloquendiq; studio venientes ad carcerem, suâ prædicatione subgeit agnoscere, nulli ad salutem, nisi in Christi Fide viam patere. Sed demum Tosciogunsamæ Principis Imperio morte damnatus Jendi, supinis pedibus dependens umbilico tenus tenebroso in specu, exeunte Septembri A. 1633. triumphavit de Tyranno, annû agens ætatis 67. in Societate 47. Gradum sortitus Coadjutoris temporalis.

P. MICHAEL





*P. Michaël Pineda Iapon Soc. IESV. exclusus odio Fidei Christianæ omni hospitio, calamitatibus, et aëris intemperie triduo extinctus. Nangasacki in Iaponia. A. 1633. ex trecto Septembri.*  
C. S. d. M. X.

## P. MICHAEL PINEDA.



Macusa Regni Fingensis Insula P. Michaëlem Mundo dedit in vico Sciki, Virum magnis ornatum virtutibus, sed humilitate maximè, obedientiâ, Charitate in Deum & proximos, ardentique eorum iuvandorum studio spectatum; quo in opere totam ferè exegit ætatem. Quo tempore Daifusama fatigavit Ecclesiam, ipse in Philippinas deportatus; inde post aliquantum exilium redux, otij & desidii impatiens, ad Apostolicos labores se retulit. Quas calamitates & ærumnas longo annorum tractu, temporibus acerbissimis, inter oculatissimos undiq; exploratores fortiter toleraverit, non attinet

dicere: cum ea facile queant ex sævitia Principis insectantis æstimari. Porro tam ingeniosa tum evaserat ad misellos Neophytos à Fide deturbandos Tyrannis, ut vix ulla tormentorum, vel crudelium fraudum facies excogitari posse videatur, quæ in usum non venisset; quos ut fortiter superarent illi, necessaria penitus erat verbo & exemplo excitantium Patrum præsentia. Inter alios Titus in Regno Bungenfi vir nobilis, cum Marina conjuge duos habebat filios, Matthæum novennem, & Simonem annorum 16. & Martinam annorum 14. Hic evocatus à Rege, cum nec precibus, nec minis à Fide posset dejici, domum remissus, mox jubetur postridie



per submissum nuntium, nolit Christum ejurare, filium minorem ad Tyrannum mittere, vitâ vel Fide spoliandum. Mittit illum Parens intrepidus, fortiter antè, pro ætatis capacitate animatum. Biduo post redux nuntius, Matthæo extincto, Filiam ut mittat jubet. Quâ similiter dimissâ; post aliud biduum petitur & Simon: cui valedicens Pater, *Fili mi Simon, inquit, vade, & si qua sanguinis in Palatio aspexeris vestigia, intellige eas esse notas constantia germanorum tuorum: ac vide nê degener sis, quem ætas ipsa debet reddere fortiorem.* Aliquot lapsis diebus nunciat Tyrannus & Simonem peremptum, uxorem ergo, nî respiciat, necandam mittat. Acquiescit uxor & maritus, certus tandem illam cum liberis in tuto jam positis, & ipse sequi. Igitur evocatus ad Regiam, cùm infractum penitus animum etiam ad sua supplicia, omnium stupore, præferret, restituantur ei tum quidem cum conjuge liberi omnes: quos ubi domum reduxit, narrant singuli quid ipsis in Palatio ad frangendam constantiam evenisset. Referbat Matthæolus, præter truces carnificum aspectus, ignem & gladios intentantium, præter virgarum dirè incussa verbera, frigidissimo Cælo gelantem aquam corpusculo esse affusam. Idem tulerat conjunx Marina, adjectâ probrosâ, quæ morte durior Japoniis ac-

cidere solet, membrorum omnium denudatione. Martina insuper trium dierum fame macerata est. Simoni utrumque brachium itâ in catastra retro distorserant, ut suis fedibus crudeliter luxarentur. Quæ tamen omnia incredibili nimirum omnibus erant solatio, quia in Christi gratiam tolerata. Inter hæc in dies Tyranni augecebat rabies, in Patres potissimum, à quibus omnem hanc in Neophytos derivari firmitatem non ignorabat, penitus exterminandos, quibus percussis, non dubitabat dispergendas à se faciliè oves gregis. Itaque cum exquisitissimâ sagacitate, Michaëlem investigarent, & quolibet demigrantis vestigijs penè inhærent exploratores, hospes, ad quem ultimò Pater ægro corpore diverterat, desperans, inde quidem eum apud se occultari posse, inde autem pœnarum quæ in receptores Sacerdotum tulerat acerbissimus Imperator, atrocitatem reveritus, nocte tempestatibus ac procellis horridâ eum ab se silentio dimisit. Pater cùm quò se reciperet non haberet, omnem illam imbrium & auræ inclementiam invalido infirmoq; corpore sustinere compulsus, ad extremum inde agonem, postque triduum ad ipsam mortem deductus est Nangasachi, extremo Septem.

1633. ætatis 56. Societatis 26.

## THOMAS RIOCAN, LUDOVICUS CAFUCU, DIONYSIUS YAMAMOTO.

**I**Lurima equidem miracula evenire hæcenus in propagatione Sanctæ Fidei; at ego miraculum aliud illustrius haud esse puto, quàm quod externi aliquot & pannosi Sacerdotes, balbutiente adhuc ad Japonicum idioma linguâ, potuerint apud gentem sagacissimam juxta ac superbissimam efficere, ut sua rejicerent dogmata, externa probarent; idque tantâ firmitate, nihil ut dubitaverint ad ea tuenda fortunas, Principum favorem, carnis illecebras, vitam denique ipsam prodigere, eâ alacritate, quantâ in horum opposita à natura ferimur. Testis est cum tot exulibus Justus Ucondonus Princeps, uti olim fortunis omnibus, itâ in suo exilio virtutum ditissimus: qui etiam dum ærumnis exilij confectus, latissimus in corona Patrum nostrorum moreretur, inter reliqua & istud edixit: *Ad uxorem, filias, nepotesque quod attinet, omni curâ liber morior. Ex-*

*les Christi sunt, hoc unum satis est.* Testis etiam ille eximius Arimensium Christianorum fervor; qui dum Sacerdotes nostri in exilium agerentur, ut suum sibi retinere liceret, Legatos ad Dynastam misere, qui hoc ipsum peterent. Quod si concedere noller, certum sibi esse sciret, fortunas, uxores, liberos, Patriam, vitamque ipsam in hac causa prodigere. Evocati postmodum Arimam, cùm se morituros in odium Fidei sperarent, nemo fuit, qui non vestem sibi, uxori, liberisque etiam tenerrimis ad Crucem subeundam comparârit. Fuit quin aliquis, qui Crucem Japonicam sibi dudum fabricârat, ut si fortè in eam agi juberetur, domi paratam carnifices invenirent, nec in ea fabricanda sua vota differrent. Neque id animi robur (quod mirere) teneriori deerat ætati. Puero cui-piam, cùm nescio quis è Prætoris satellitio Corollam precatoriam è collo suspensam criminaretur, eam à puero exigit magis terrendi





Thomas Riocan. Ludovicus Cafucu. Dionysius Yamamoto Iapones. Soc. IESV. vivi lentis ignibus pro Christo cremati. Cocura in Iaponia A. 1633. in Septem

C. Sireta del.

M. Kuisell. sculp.

rendi causâ, quàm quòd id in mandatis haberet. Quo negante Christianum posse Fide integrâ res sacras Ethnico tradere; *At, ma-  
habo te*, inquit satelles, *nisi dederis: macta*, re-  
ponit generosus puer, & ingenua mox pro-  
volutus cervicem aptat, junctis ante pectus  
manibus idum præstolatur. Satelles constan-  
tiam pueri admiratus, puerumque suavi-  
ter complexus, illæsum dimittit, miran-  
dam Christianorum Fidem ubique dictitans,  
quæ vel in pueris tanta operaretur.

Nec minùs mirabile & illud est. Ad fu-  
turum Martyrium, quod unicè desiderabat,  
Thomas quidam Nobilis unâ cum uxore &  
7. prolibus se comparabat, jamque dudum  
vestes sibi consuerant ad Crucem modestè  
subeundam. E prolibus vivebat una in vici-

nio pago, conjugio jam illigata; quæ cum au-  
disset in Parentum ædes venturos milites, Pa-  
rentem captivatos, cum tribus filiis suis  
ad ædes paternas accurrit, dictitans se ideo  
venire, ut de se & filiis Sacrificium DEO  
offerret in odorem suavitatis. Interim satel-  
lites trecenti in eum vicum cum Judice ir-  
ruunt, & ad defectionem Christianos quâ  
blanditijs, quâ minis sollicitant. Filiolus  
Thomæ nondum sexennis milites adesse jam  
videns, crepundia sua inter æquales distri-  
buit, asserens ea sibi imposterum nulli usui  
fore, cum pro Domino JESU mactandus es-  
set, & in Cœlo meliora habiturus. Tandem  
cum Judex videret in Fide obfirmatos, neque  
in omnes favire vellet, jubet recedere satel-  
lites. Ex ijs quidam nè nihil omnino egisse  
vide-



viderentur, è Thomæ filijs unum terræ allidunt, eique per vim sacram Agni thecam eripiunt. Et ibant jactabundi, quasi huic suam Fidem rapuissent: verum ille cum assurrexisset, abeuntes insequitur: *Et cave, inquit, thecam per vim ereptam velut signum prodita à me Fidei ostendetis; quod si feceritis, Dynastam ipse ego accedam, & calumniam refutaturus protestabor, nos omnes in Fide persistere, vos vero imbelles in nos favere ausos non fuisse.* Quo audito ita affecti sunt, ut vel metu, vel potius virtutis admiratione permoti, suam mox adolefcenti thecam restituerint. Et hæc quidem agebat ætas tenerior. Quanta verò ex amore agnitæ semel Fidei perpeffa sit ætas provectior, longum foret singula recensere. Complures jam vel ex Societate sola recensui Japones varijs tormentorum generibus in odium Fidei enectos; nunc rursus memorandi veniunt terni, qui lentos ignes fortissi-

mè toleravère. Omnes tres nati Japones; Thomas Riocan Amucasâ Fingenfis Regni Insulâ; Ludovicus Cafucu Arimâ; Dionysius Yamamoto Firoscimâ oriundus. Omnes primum in Seminarijs Patrum Societatis in virtute ac literis instituti, diuturni postea eorundem in Apostolicis laboribus, in munere Catechistarum comites, laborum & ærumnarum, in Patria & exilio, denique periculorum etiam & triumphorum consortes. Ad extremum comprehensi sunt cum Patribus, quos comitabantur. Dionysius cum P. Acosta, Ludovicus cum P. Benedicto Fernandio, Thomas cum P. Juliano Nacaura, & in custodiam Nangasachensem compacti. Ibi legitime in Societatem cooptati, & Cocuram abducti, lentis ibidem ignibus, in odium prædicatæ defensæque Fidei triumphabundi occubère, mense Septembri.

A. 1633.

## JACOBUS TACUSCIMA.



Odem mense & anno, simili prorsus mortis gloriâ dignatus est D E U S Jacobum Tacuscima, qui Sciki Japoniæ oppido in manus adversariorum delapsus, ibidem vivus incendio deflagavit, prius in carcere Societati legitime aggregatus. Et verò merebatur ille jam dudum, quam flagitabat Societatem, egregijs suis in rem Christianam promovendam laboribus: nam in Seminario nostro à puero educus, semper deinceps Patribus adhæsit, quàm eloquentiâ disertus, tam vitæ exemplis potens: quibus artibus multos Ecclesiæ conciliavit, multos in Fide nutantes confirmavit, plurimos ad fortiter tolerandum animavit Martyrium. Quoniam verò ultimus ille ignis supplicium in Japonia è Socijs sustinuit (deinceps enim in omnes sævitum est horribili illo in subjectam scrobem suspendio) dignum hîc & pergratum lectori facturum arbitror, si pro auctario retulero, quàm magnanimitate illud perpeffi, quàm solennitate reliqui persecuti sint eos, qui primi illud ex Japonibus toleravère.

Primus ignibus in Christianos sæviit Arimensis Dynasta, & octonas ad incendium damnavit victimas A. 1613. Adrianum cum Joanna conjuge, Leonem cum Martha, & Jacobo ac Magdalena prolibus; Leonem item alterum cum Paulo Filio. Ubi de pronuntiata in eos sententia constitit, Præfecti Soda-

litiorum, jussu Sacerdotis nostri, Neophytos omnes de futuro intra dies paucos Arimæ novo spectaculo monuerunt. Vingt Christianorum millia tantâ festinatione concurrere, ut nemo de comiteatu adferendo cogitârit, vel oblivione corporis in Divina rapti, vel quod morituros se omnes sperarent. Arimenses tamen Neophyti hospites hos modestis excipiebant epulis in latissimo agro Arci subiecto, unde Dynasta ipse oculis spectare posset multitudinem. Quæ cum ejus offenderet oculos, edici jussit, nisi secederent, se directis in eos præsidij tormentis, immisisque sclopetarijs omnes confecturum. Sed illi tum demum exultare spe Martyrij, condensarèque se in globum, nè glans ulla temerè periret. Metuebatur Dynasta Christianos convenisse ut igni destinatos eriperent; sed cum inermes illos ardere malle, quàm destinatas victimas aris eripere demum videret, ad executionem latæ sententiæ processit. Ergo intra primum ab oppido lapidem, in latissima planitie lignea domus, templum dices ad exurendas victimas, extruitur, columnis octo incumbens, cujus tetrum stramine, arundine, lignisque ad concipiendum ignem accommodatis insternitur. Circum ædem ipsam crassiora repagula arcendæ multitudini altè defiguntur; spatium quod est à repagulis ad columnas, ignium pabulo completur, ut inde sensim adrepens ignis, ad columnas alligatos lentè torreret, donec





*Jacobus Tacuscima Iapon Soc: IESV, vivus pro Fide lento igne  
exustus, SciKi in Iaponia .30. Septem: A. 1633.*

*C. Screta d.*

*M. K. f.*

donec in tectum evadens, flammis omnia simul involveret. Interim monentur victimæ, aram Sacrificio futuro (dies erat 7. Octobris) instrui: ad quam vocem omnes exultabundi ingenua provolvuntur, DEO sibi que proximam sortem gratulantes. Non defuit illis in hoc agone nostrorum Sacerdotum auxilium, quorum operâ cum peccata expiâssent, seque Sacro ad hoc iter Viatico, paulò antè quàm in ultimam clauderentur custodiam, confirmâssent, admirabiliter exarserunt. Comitari tamen illos à Christianis prohibiti sunt, nè si pronuper Regno ejeçti, publicè nunc comparerent, irritatus Tyrannus acriùs in eorundem ejeçtionem, cum jactura in perpetuum talis subsidij, incumberet. Itaque per Sodalitiorum Præfectos totâ re à PP, nostris

designatâ, multitudo in sua Sodalitia dividitur. Seni incedebant, incensos cereos vel Rosaria manu gestantes, supra viginti Christianorum millia, octo victimis in medium agmen, inter duos Sodalitiorum Præfectos receptis, & qui viri inter eos erant, candidam Sodalitij vestem superindutis, mulieribus autem exquisitissimè ad diem summæ solennitatis adornatis. Manus omnes habebant revinctas, puero Jacobo annorû 11. excepto, qui ut vinciretur impetrare non potuit, negantibus ministris se pro puero vincula habere. Volebat è Neophytis quispiam eundem in humeros tollere, ad quem ille, *permitte, inquit, me peditem certare; Ducem nostrum sequimur, ille non equo, non sellâ montem conscendit, sed Cruce suâ onustus. Satîs tibi sit quòd Cruce*

*Aaa*

*careor*



*careo: labori nunc indulgendum, aternitas nobis longam & securam quietem parat.* Nemo fuit cui non lachrymas ea vox civerit; nec tamen Jacobus bajulum suum, quin violenter eum in humeros suos attolleret, exoravit. Interim universa multitudo alternis invicem Litanias omnium Sanctorum decantabant, plerisque lachrymas copiose fundentibus, donec ad locum supplicij ventum est: ubi columnam quisque suam multis osculis & amplexibus tenerimè consalutantes, ultro vincula, quibus adstringerentur, induebant, circumfusâ multitudine latis aggratulationibus eos prosequente. Sed Leo Cayemon priusquam colligaretur, in tectum evadens, magnâ vi omnes contestari cepit ad perseverandum in Christi Fide, pro qua alacres ipsi morerentur. Gaspar autem, supremum Sodalitiorum Arimensium caput, ut erat à Patribus instructus, Christi ad columnam flagellati imaginem explicans, in hastili sustulit, in hæc verba exclamans: *Ecce, quem aptissimè nunc ad columnam alligati refertis! ille, ille, cujus causâ mortem expectatis, vivit & regnat in Cælo, ille vos certantes intuetur, Fidem in se vestram coronaturus: ille vos ad gloria januam prestolatur.* Quæ ubi dixisset, simul ex omni parte incendium excitatur: cujus vim sanctissimæ victimæ, dum ad se pertingeret, votis suis prævenientes provocabant. Eorum vota circumstantis multitudo suis prosecuta, in genua provolvitur, plerique Symbolum Apostolorum pro Fide certantibus præcinebant; alij cum propius jam urgeret incendium, pectora tundentes, magnis vocibus lamentabili ejulatu permixtis, DEI misericordiam inclamabant. Victimæ interim nostræ suos ignes intrepidæ, socios gratulabundæ, Neophytos circumstantes modestæ spectabant: donec ignis, qui jam diu suâ propinquitate lentè torrebat, eas penitus involvit & incendit. Leo ille Orator ex quo co-

lumnæ alligatus fuit, oculos cælo uti semel fixit, ita nunquam revocavit. Alter Leo Suqueyemon tanto impetu flammis urgentibus animam emisit, ut inclamans Sacra JESU & MARIÆ nomina, supra omnem naturæ vim, rugisse potius, quàm locutus videatur. Si quidem non obstante flammarum crepitantium fragore, neq; circumclamantis multitudinis murmure, nemo unus fuit Ethnicus aut Christianus, quem non vox illa distinctè perculerit, & ultra spectatorum coronam procul sese in campos intulerit. Magdalena verò non ætate solum, sed & voto annis antè aliquot concepto, Virgo, cum ignis funes adhuc spiranti solvisset, non refugit incendia, horrente naturâ, sed ardentes prunas utraq; manu colligens, capiti suo venerabunda proserto imposuit, & pacatissimè succumbens, in Domino obdormivit. Quid Jacobus Magdalensæ fraterculus? cum idem ignis sua vincula dirupisset, per medias flammæ & incendia ad Matrem accurrit, ejusque complexus genua, cum ab ea hæc verba audisset: *fili mi! Cælum intuere, fili mi!* JESUM & MARIAM ter invocans, & in parentis sinum corpusculum reclinans, suavissimè expiravit. Quid inter hæc spectatores Neophyti? cum advertissent hostias jam omnes in odorem suavitatis exhalasse, ultra se non continuerunt, quin repugnantibus frustra ministris in medios ignes involarent, sacras exuvias erepturi. Et licet ambustis vestibus corporibûsque, ignis vestigia secum retulerint, nullum tamen doloris sensum fuisse referebant, cum intrepidè prunas & stillantia cadavera extraherent. Sacra eorum corpora Nangasachum ad Patres nostros delata sunt, reliqua verò quæ incendio superfuerant, ligna, columnæ, prunæ, cinis ipse collectus, in hodiernum diem à Neophytis religiosè aservantur,

P. BENEDICTUS FERNANDEZ, &  
P. PAULUS SAITO.



On distraham narratione hosce heroës, quos & triumphus junxit, & occulta quædam sympathia, ut nec mori alter sinè altero potuerit; mortuorum verò cadavera dum ad rogam comportarentur, ad mutuuum contactum, stupendo miraculo sese consalutarunt, & felicitatem suam

Lusitano Japoniôque sermone, audientibus satellitibus, sibi invicem gratulata sunt. P. Paulus Tambæ in Japonia natus, educatus fuit à PP. Societatis in Seminario; multo deinde sudore, laboribus, ærumnisque in prædicatione Fidei per annos 26. quos in Societate exegerat, toleratis gloriosus. P. Benedicto Borba Transagana Regionis in Lusitania oppidum





P. Benedictus Fernandez Lusitanus, et P. Paulus Saito Japon. Soc. IESV, suspensio ex pedibus in scrobem, et posterior quidem totos septem dies tolerato, pro Christo necati Nangasachi in Iaponia. 2. Octob. A. 1633.

C. S. d.

M. K. S.

pidum patria, & genus Nobile fuit. Præbuit hoc olim adolescens Christianæ modestiæ pulcherrimum documentum, cum hortante quopiam, ut abrogato nomine, quod vulgare esset, clarum aliquod & illustre adscisceret; constanter renuit, cum diceret: se DEI gratiam, quam in baptismo cum illo nomine suscepit, cum eodem nomine tueri, atque augere pro virili velle. Huic accepimus P. Vascum Pirez claræ virtutis Virum, pulsatis leniter humeris, aliquando futurum dixisse, ut Martyrij composevaderet: & eventu comprobatum est, non sefellisse vaticinium. Societati se pene puer, annos 16. natus in Lusitania addixit; & septimo post anno, qui fuit hujus sæculi alter, in Indiam ductore P. Alberto Laërtio transmisit. Indè quarto post an-

no, & sexto sæculi perrexit in Japoniam, ubi eum eventus Pirezianæ vaticinationis manebat. Egregiam ibi operam eximio cum fructu, tum Indigenarum, tum externorum, totos 27. annos navavit, in Regnis ejus Imperij compluribus. Celebris in paucis ea fuit excursio, quæ per annum 1620. cum essent obstita periculis omnia, pervagatus est Regna Omi, Mino, Isci, Micava, Totomi, Surunga, Quanto, Sangami, Musasei, Ovari, cujus Urbem principem Jendum, Toscioguni Regiam, eâ quoque occasione lustravit. In ea expeditione vix cuiquam credibile sit, quantum perpeffus sit famem, noctibus solis itinera, & diebus latibula in sylvis prosequens: quantum adierit discriminum, quot sustinuerit hominum eseratorum incursus. Ipse

Aaa 2

verò



verò indefessus ad omnem laborem, administrare Sacramenta, Fidem ubique prædicare, sæpe alias induere atque alias formas, ut necessitas cuiusque præsens postulabat, aut suggererat caritas. Inopem elephantiam laborantem ut solatij causâ conveniret, Medicum assimulavit, eaque specie fefellit Ethnicos familiares. Sæpe eum Gubernatores acri indagatione perquisivêre ad pœnas, quòd, cum è veterrimis esset, præcipuisque Præconibus Christianæ Fidei, toto latè Regno celebraretur. At Benedictus è medio opportunè digrediens, in cava rupium, atque abdita nemonum tantisper se abdebat, dum eorum vesanus ardor deserveret, sæpe ibi cum fame, siti, nuditate luctatus, dum armato circum satellitio tanquam indagine cingitur. Nonnunquam cum ipsis miscuit quæstitoribus sermones ignotus, & eorum sagacitatem dubiâ formâ distractam, animi præsentis ausu delusit.

Demum Nangalachi 30. Julij, & P. Paulus haud multò post Sciki comprehensus, & Nangasachum itidem ad custodiam deductus est. Benedictus inter armatas peditum acies equo sublimis, sicuti triumpharet invehctus, & ad Præsides introductus, ita eos suâ comitate demeruit, ut dicerent, ejus liberale tum genus, tum ingenium, abundè ijs in moribus elucescere. Quâ vili laudatiunculâ ac si viri fortissimi animum debilitassent, ut à Veritate ad suas partes descisceret, sollicitare cæpêre: quibus ille contracto ad severitatem vultu, mirari se, inquit, *Viros cateroqui claros, tam indigna & indecora sibi, quem crederent ingenium, ausos suadere.* Tum illis libellum Fidei suæ tesseram exhibet, cui suo sanguine, atque animâ vindicandæ & asserendæ, suum illis corpus ad omnem pœnarum atrocita-

tem ex sua libidine irrogandam, promptè ac perliberaliter permetteret. Illi videri commiserescere; sed quia verebantur Imperatoris iram indulgentiâ provocare, Benedictum pœnâ specûs damnârunt, & ejusdem confortem sententiæ P. Paulum fecerunt. Igitur die 26. Septembris ambo è custodia producti, suspenduntur inversis corporibus è trabe, mediâ sui parte humo depressi, lucis atque auræ exortes, arcu circumligati, ut lento sanguinis & viscerum in caput defluxu, tam diu fatigentur, donec inediâ contabescant. Postquam pependêre simul horas viginti sex, P. Benedictus animo visus deficere, de tigillo deponitur, ne brevem mortem miles tam generosus occumbat; & in custodia fomentis recreatur, ut cum instauraverit vires, sulphuratis excrucietur aquis montis Ungeni. At P. Paulus 7. ipsos dies, omni vescendi copiâ destitutus, in suspendio perstitit, tantâ mentis viriûmq; præsentia, ut attonitos ejus fortitudinis admiratione custodes, cum ad se propiùs accederent exploraturi, quid ageret, elatâ jubere voce abs se longiùs facessere, ne suæ gloriæ scilicet intercederent; ajebatque non antè se quàm P. Benedictum hinc excessurum, cui cupiebat ut vitæ, ita mortis etiam confortione sociari. Ergo septimus ubi dies advenit, is fuit 2. mensis Octobris, P. Benedictus in carcere sciscitatus, *ecquid ageretur cum P. Paulo? an num etiam superaret, ac viveret?* ut intellexit eum animam agere, & è vestigio editurum: *Hoc unum,* inquit, *præsolabar:* & sublati in Cælum manibus, eodem propè momento simul uterque, alter in specu, alter in carcere, felices animas edidêre.

### P. JOANNES DE ACOSTA, cum duobus Socijs.



Zeytanum nobile in Lusitania oppidum, Ducum Averensium sedes, P. Joannem de Acosta tulit, quem India mense Julio A. 1591. acceptû, & 16. ætatis anno Societati adscriptum, Japoniæ A. 1604. transdedit. Ibi vir inelytâ virtute, & inprimis sui despicientiâ, parendi studio, precationis assiduitate, castigandi sui contentione, sed multò maximè flagrantia caritatis insignis, inter ærumnas & pericula, decennio strenuam Christianis fovendis, Ethnicis erudiendis, operam indefessus attulit; donec ab Daifusama Macaum ejectus, ibi nautæ speciem con-

tinuò, quâ delitesceret, induit, & celeriter in Japoniam pro Navarcho renavigavit. Quantum reliquo ibi tempore calamitatum hauserit, quantum exantlârît laborum, evaserit periculorum, quis unquam adumbrare, nedum exæquare, dicendo queat? Dum Regna illa percurfaret, ubi eum dies defecerat, in agro, in silva, in solitudine, sub dio, sub arbore, sub antro pernoctabat: promiscuas in saltibus baccas, herbas, radices vellebat ad victum. Novem diebus in profundo delituit, quo perfunem illi cibatus fuit dimittendus. A. 1629. tres ipsos menses, ob exploratorum, qui in ipsum intendebant, numerum & sagacitatem,





P. Ioannes de Acosta Lusitanus, P. Sixtus Toruum, et Damianus Fucaye Iaponesi Soc. IESV, post toleratum, primus 4. posteriores vero 5. diebus fossa tormentum, pro Christo mortui Nangasacki in Iaponia 8 et 9. Octob. A. 1633.

C.S.d

M.K.f

citatem, coactus est in subterraneo specu inter dumeta, procul habitata loca delitescere, nunquam inde elato pede, solâ eâ veste frigus asperrium defendens, quâ consueverat uti in sole; orizæ & frigidæ pauxillo vitam retinens, quæ clâm illi suppeditabat ex intervallo pius quispiam è Christianis; unde tandem semimortuus, ubi paululûm conserenavit, eductus est. Postremò in Regno Suvo die 24. Aug. A. 1633. comprehensus, Nangasackum trahitur, atque in custodia vinculis attingitur; donec die 5. Octob. sub meridiem productus ad supplicium foveæ, obvium habuit Christianum Japonem, qui studio pietatis seu vero, seu obtento, aliquod ab eo sui monumentum poposcit. Sed acceptâ repulsâ, ferro petijt ejus auriculam, abscissâmque

Lupo Sarmento Carvallio Equiti Lusitanò, Japonicæ navigationis Præfecto, cruentam adhuc manantem sanguine, religiosi pignoris loco dedit. Pependit medius in specu Patet duos inter Socios, & quarto à suspensione die 8. Octob. ex ijs foveæ tenebris in lucem sempiternam excessit, natus annos 58. à suscepta Societate 42.

Socij suspendij fuere P. Sixtus Toeuum, & Damianus Fucaye, Japon uterque: Ille veteranus in Societate miles, natus in Regno Jyo; qui ab ineunte ætate in Seminario educus, A. 1589. in Societatem adlectus est, Vir spectatâ demissione animi, obsequendi celeritate, paupertatis ambitione, caritatis ardore. Multum suis popularibus quâ Catechismis, quâ Concionibus annos complures, varijs



varijs in Provincijs ad salutem conduxit, A. 1615. exilio cum cæteris damnatus, per eam occasionem Sacerdotio initiatus est, unde A. 1616. revertens in Japoniam, multos exinde animarum causâ labores adiit, multas ærumnas perpeffus est, cum luculento lucrispiritualis proventu. Scrobi cum P. Joanne de Acofta infertus, quinto demum die sub vesperam 9. Octob. feliciffimè expiravit, annos natus 63. in Societate 43.

Damianus Fucaye Arimensis fuit, qui educatus in Seminario, Catechismi traditio-

ne imprimis excelluit; virtute, & suorum juvandorum studio inelytus, pluribusque annis P. Provinciali comes additus. Demum ut cætera vitæ antea cæ ornamenta gloriosè coronaret, Nangasachi in vinculis ad Societatem admissus, ibique in speluncam ex pedibus suspensus, die quinto suspendij è vita discessit.



### P. JULIANUS NACAURA, cum quatuor Socijs.



Uso tot heroum sanguine, veluti efferata Tyranni rabies, rursus 18. die ejusdem mensis & anni aliquot è Societate diversis locis & tēporibus comprehensos, Nangasachi produxit ad scrobis supplicium. Agmen eorum duxit P. Julianus, qui Augusto Regum sanguine in Japonia natus, Nacauram, unde & cognomen traxit, locum habuit natalem. Admodum puer Sacris Christianis imbutus, Romam (ut in vita P. Mesquitæ dictum est) cum tribus alijs Illusterrimis adolescentibus, Mancio, Michaële, & Martino, ad summum Pontificem à Regibus Būngensi, Arimensi, & Omurensi, quos sanguine attingebant, legatus est. Qui omnes ubi in Patriam sospites rediēre, humanis rebus abdicatis, Societati nostræ se manciparunt 25. Julij A. 1591. quo tempore Julianus annum ætatis 22. attigerat. Sed erat in ea jam tum ætate tanta mentis excelstitas & fortitudo, ut dejici de sententia ingrediendæ Societatis nequirit, omnia Necessariorum invitamenta generosè despiciens, nec procellam reverens, quæ jam tum in Christianos à Cambacundono excitata gliscebatur. Post operam latinis literis, quanta sat erat, & Morali Theologiæ triennio impensam, inauguratus Sacerdotio ad animarum lucra se totum convertit, Quo in opere plurima perpeffu aspera toleravit, longissima suscipiens itinera, insequentium studia latebris & fugâ eludens. Nunquam gerulorum brachijs deportabatur ad confirmandos Neophytos, & ad Martyrium fortiter subeundum cohortandos, dum jejunijs & ærumnis victus pedibus ingredi non posset. Quanto verò fuerit emolumento pusillo gregi, reliquis nostrum in exiliū actis, satis constat ex fortitudine Neophytorum ad mortes, velut ad epulas præparantium sese.

Quis enim non stupeat gloriosum Martyrium Nobilis illius apud Arimenses familiæ, cujus non minima pars ad P. Julianum pertinet, qui per id tempus ditiones illas excolebat, facundus ad ejusmodi laureolas capeffendas cohortator? Thomam primæ Nobilitatis & magni nominis Ducem, ad defectionem Dynasta ipse, P. Juliani consanguineus, sed à Fide apostata, sollicitaverat: at P. Julianus Fidem DEO datam servandam esse impensè suadebat. Unde Thomas sollicitanti rursus Dynastæ, ita respondit: *Quam grave sit militem à vexillo sui Ducis deficere, ex me ipso didici, cum Ducis perfunctus officio, transfugas semper sum execratus. Ego sub Crucis vexillo Ducem Christum sequor, in ejus militiam ritu sacro Sacramento adscriptus: ab eo transfugere gravius puto, quam vitam ipsam, quæq; infra vitam solent æstimari, prodigere. Hoc animo meo jam diu sedet ac sedebit: velinque ut tandem hoc ita de me sciatur, ut nulla spes mutationis ultra me sollicitet ac laceffat. Hoc à me postremum habe, nec aliud ultra spera.* Quæ cum dixisset, salutato Dynastâ secessit. Satis hoc unum Japonensibus Regulis esse solet ad certissimam mortem evocandam. Sed tamen ea erat Viri virtus, non Christiana minùs quam militaris, ut ad eum gravius plectendum Reguli animus, non nisi pellicis, incentorisque sui Saffioye machinis, potuerit permoveri. Thomas interim continuis orationibus, ac voluntarijs corporis afflictationibus ad majora præludebat, se ipsum sæpius expiatus, Cœlesti pane confirmabat. Pridie illius diei, quam tot votis evocabat, sub noctem amicus ad eum adit, monet quid in se, quid in suos machinari Dynastæ assecclas spargatur, itaque seipsum suosq; nocturnis tenebris in tutum recipiat. Thomas domi suæ filios duos, filiolam, uxorem, fratrem Matthiam, & utriusque





P. Julianus Nacaura è Regum Japoniæ sanguine. P. Ioannes Adamus illustri prosapia Siculus, P. Antonius de Sousa nobilissimo Lusitaniæ stemmate, cum duobus alijs Japonibus Soc. IESV, scrobis supplicio in odium Fidei erecti. Nangasacki in Japonia. 21. 22. et 26. Octob. A. 1635.  
C.S.I.

M.K.

usque parentem Martham numerabat. Erras, inquit Thomas, toto Cælo, ab quo nos abducis, erras! Nusquam me ac meos tutiores, quam sub iclū sica Japonensis inflexos puto. Utinam ego omnium truncas cervices palpitare ad pedes meos viderem prius, quam meas inclinarem! Manè sub horam 9. ante meridiem ab uno è Moderatoribus Arimensis oppidi evocatur, causante nescio quid ædificij, ad cuius designationem opus illius præsentia esse simulabat. Sensit Thomas se ad Urbem illam, quæ con-  
struitur in Cælis vivis ex lapidibus, evocari. Lectus igitur in his quæ illi dicta erant, ad suos exclamat: in domum Domini ibimus, jam diu enim stantes erant pedes nostri in atrijs tuis Hierusalem. Itaque suorum gaudiorum parte domesticos impertitus, omnibus illi, illo omni-

bus fausta comprecantibus, post mutuos amplexus, extremumque vale discedit. Gubernator Thomam mentis vultus hilaritate excipit perurbanè: & postquam de fictis ædificijs perfunctoriè tractasset, domestico prandio excipiendum detinet. Et interim dum famuli triclinium parant, jubet afferri sibi sica, quam glorioso militi Thomæ omnia, subodorato, laudandam, aut veriùs probandam ostentaret. Accepit eam Thomas, & militari manu sæpius quatiens admirabatur, & ex animo gloriæ suæ instrumentum collaudabat. Quid tibi videtur Thoma, subridens inquit Gubernator, probè fungetur officio suo sica mea, nec iclū fallens molliter amputabit? Planè, inquit Thomas, hospitem potissimum, illius iclū cupide præstolantem. Quæ cum diceret,



ret, sicam ficario restituebat: qui nihil moratus, primo ictu altè in ejus corpus adacto, victorem interimit; ipse verò ferale convivium innoxio sanguine polluens, carnificis munere functus, Martyri meliores epulas, sibi famem æternam præparavit.

Vix bene domo abierat Thomas, cum ab alio Governatore Mathias ejus Frater accersitur; qui similiter nihil dubius quò vocaretur, super se eandem sortem cecidisse gaudet. Geminata iterum domi oscula & amplexus, faultæ quoque utrinque comprecationes. Excipitur à Moderatore pari vultu Mathias, & sciscitans, quid esset in quo illi obsecutus vocaretur? *In hoc*, reponit Governator, *advenisti*; eduçtaque sicà, dum manus ille in Cælum erigeret, eum obtruncavit. Mox à Governoribus missi ad Matrem occisorum Martham satellites, *duo*, inquit, *filij tui pertinacia sua penas, Dynasta jussu, morte exolverunt. Tibi cum duobus nepotulis Jacobo & Justo, eadem ex causa extemplo moriendum est. Justam conjugem, ac filiulam, Dynasta clementia finit intactas.* Martha gratulata sibi genuisse Martyres, quorum consortium cum nepotulis mox sperabat: accersitis Jacobo & Justo, Parentis ac Patruj mortem, mortisq; causam exponit, quibus ipsi futuri mox essent comites. *Exultate*, inquit illa, *filioli, Deoque ipsi, vobis, ac mihi sortem vestram gratulamini. Præcessit ille, nos sequimur: quid est quod nos in hac mortalitate detineat?* At illi omnis moræ impatientes, hoc unum scire urgebant, quàm citò id futurum esset, atque Avia pueriliter blandientes, Matri suaviter gratulantes, domesticis cæteris aridentes, nihil omittebant eorum, quibus exuberare solent animorum sensus. Nutricibus suis munuscula dividebant, suasque reculas inter æquales partiebantur. Tum Martha positis viduitatis vestibus, jucunditatis suæ candido induitur apparatu, eoque ipso innocentia teste pueri ornantur. Post gratias deinde impensè DEO redditas, Justam nurum suam solari aggreditur: quæ lachrymis ac singultibus pro verbis respondens, cum denique filiolos à satellitibus correptos ultimo stringeret amplexu: *Ite filij*, inquit, *fortes occumbite, nullus metus irrepit, carnifici cervices prabete, aptate vestem, ictum provocate, neque vos à Parentis fortitudine tenerior ætas excuset.* Illi verò sicca parenti figentes oscula, nisi quantum maternis lachrymis irrigabantur, his ultimis verbis pene illam affectuum variorum tumultu opprefferunt: *Imus ad Parentem nostrum, & si præcedimus, sequere; ibi te præstola-*

*bimur.* Accurrerat ad necis locum tota Arima, quo pueruli etiam saltibus exilientes properabant. Carnificem ergo suum ibi cognoscere cupientes, dum undique circumspectant, ecce in circumfusa multitudine suo se splendore sicã prodidit. Ad eam mox accurrunt; & alter alterum hilariter attentius intuiti, ultimòque osculo in amplexu salutantes, corde magis quàm ore valedicunt. Tum in genua ruentes, spectatores suos horrore complebant, alieno periculo tremantes, cum ipsi non timerent suo. Jacobus, ut erat edoctus à Parente & Avia, Justo fratre biennio junior, annos natus non ampliùs novem, fratrem prævenit, aptatæque sibi veste cervicem exporrigens, SS. JESU ac Mariæ nomina cum repeteret, nondum eà invocatione, tertio prolata, obtruncatur. Truncum caput, horribile spectaculum! fratri accidit ad genua; in quo tamen Justus æquè sibi constitit, ac si nihil præsentis morte moveretur. Igitur eodem vultu, eodem ritu se comparans agnus alter in genua procumbit, dum fratris exemplo inter primam SS. Nominum invocationem vox ictu interclusa deficeret. Spectabat hæc hilari vultu, siccisq; oculis Martha, quæ jam nepotulorum curâ libera, sibi uni attendebat. Primum sacras reliquiarum thecas collo duas exemit, alteram filia suæ Nangasachum, alteram Francisco, Joannis Arimæ Regis Filio, ipsius Tyranni Fratri transmissit, eò quòd nutriciam infantulo curam exhibuerat, velut eum ad proximum illi quoque funus imminens (quod paulò post pro Christo necatus subiit) invitaret. Et cum unius horæ spatium ad eam orationem, quæ solâ mente decurritur, impetrasset; eà expletâ Cælum intuens, Deum ad quem properabat, incluta veneratur. Sed mox genibus nixa, vesteq; compositâ cervicem fortiter præbenti, unico sicã ictu caput excutitur, quod à terra bis resiliens exultavit.

Horum ad Martyrium exhortator P. Julianus, & ipse demum Cocuræ delapsus in manus carnificum, Nangasachum in carcerem pertractus est. Ibi constantiam ejus varijs machinis labefactare conantibus Præfectis, negabat ille magno spiritûs fervore tam immane scelus, quæcunque demum supplicia irrogarent, ab se, id avi & sanguinis homine, id Fidei & prisca professionis Viro, posse concipi, nedum perpetrari. Ergo spe convellendæ constantia abjectâ, eum 18. Octobris educunt ad foveam cum quatuor alijs; quorum cum medius ipse graderetur, ad obvios firmâ ac elatâ voce dicebat, se illum Julia-



Julianum esse, quem olim Japonia mitior Romam profitendæ Fidei gratiâ Legatum, nunc furens in fossam mitteret; libenter se Fidei illius sanctitatem, quam fuerat Romæ coram Christi Vicario professus, hic interitu suo statuere, atque affirmare. Tum capite depressus in foveam, quarto suspendij die, hoc est 21. Octobris anni 1633. honestissimâ morte vitam præclare actam terminavit, natus annos 66. in Societate 43. gradum in ea sortitus Coadjutoris spiritualis, quem Religiosæ disciplinæ, modestiæ, obedientiæ, & charitatis studio magis, quàm Regio sanguine nobilitavit. E quatuor Socijs duo, eodem quo P. Julianus die, in fovea expiravêre, Petrus, & Matthæus Japones, in Seminario educati, & Patrum deinceps in itineribus comites, & operis Evangelici catechizando, & concionando strenui adjutores; tandem in ipsa custodia ad Societatem admissi.

Quinto suspendij die felicem emisit spiritum P. Joannes Matthæus Adamus, Mazzaræ Urbe Siciliæ natus, ductâ à Majoribus Nobilitate generis per utrumque Parentem, Franciscum Adamum, & Smiraldam Bandinam. Romam à Cosmo Adamo patruo suo duodennis deductus est, ut comparandæ doctrinarum bonarum scientiæ intenderet animum. Patruo non diu post è vivis sublato, in Societatem JESU nomen dedit; cùmque Divinæ gloriæ amplificandæ studio exarsisset, anno 1602. jam tum Sacerdos transmissit in Indiam, ac porrò inde anno 1604. in Japoniam. Multis animarum juvandarum causâ laboribus ærumnisque exercitus, multas ardore magno Provincias decennio pervagatus, Daifulamâ sævientem Macaum, unâ cum reliquis A. 1614. ejectus est. Sed aliquantisper ibi commoratus, impatientiâ moræ Japonibus salubris, mutatâ personâ reversus, novos exantlavit labores, eoque graviores, quò majoribus undique periculis obvallantibus intendebantur. Anno 1622. bis unâ cum P. Hieronymo de Angelis, per ingentia vitæ discrimina, & pares ærumnas, in Regnum Jecingo Septentrioni obversum, & Sando Insulam eidem oppositam profectus est; ubi magna tum temporis animarum ad Ecclesiam

facta est accessio, & ingens Evangelio porta patefacta. Triennio post in Regno Osciæ ab exploratore deprehensus in latebra, ab Iudice ipso, cui factum indicium, silentio profugere iussus, nè in Toni notitiam veniret; obscurâ nocte, per ignotas montium ac vallium salebras, nivibus atque algore horrentes, solus, locorum, quibus erraret, incertus, ut ab suis hospitibus malum averteret, vagatus est. Nec leviora mari pericula, quàm terrâ perpassus est; quippe qui Meacum cursu cum P. Francisco Paccieco inito, fractâ navi vix ægre sospes enavit. Mors illi demum obvenit Nangasachi; ubi revolutus in caput, foveæ dimidiatus immersus est, trabi affixus per pedes; donec ijs in tenebris per inediam & diros cruciatus à vita discessit die 22. Octobris, natus annos 59. in Societate 38.

Postremus occubuit P. Antonius de Sousa, qui Cavillanij in Lusitania illustri genere natus, nondum confectis doctrinarum spatijs, in Orientem anno 1609. transmissit. Ea ut Macai primùm absolvit, ad sacros suscipiendos Ordines Malacam regressus, inde clâm anno 1616. in Japoniam sive irrepsit ipse, sive ejectus per tempestatem est. Verum anno insequente obortâ Magistratibus suspitione eum è Societate esse, in exilium eorum jussu migravit. Egit deinceps per annos aliquot apud Malacenses Procuratorem Japoniæ, donec habitu peregrino nactus opportunitatem, iterum in Japoniam se insinuavit. Ibi mirâ charitatis industriâ totos quinque annos ornatu thalassico cymbâ circumvectus, multum laborum atque incommodorum toleravit, ingenti compendio animorum. Postremò cùm ad similem prædam Ozacæ descendisset in terram, occupatus, vinculus, immaniter aquæ in os infusæ violento rejectu tortus, Nangasachum, longo 150. leucarum intervallo, ferro manus & pedes innexus deducitur; ubi à die 18. Octobris tenebricoso pendens in specu, totos 9. dies immane tormentum, attonitis excubitoribus toleravit, & die demum 28. Octobris, actis vitæ annis 45. in Societate 30. mortem gloriâ cumulatam occubuit.







P. Matthæus de Couros, illustri sanguine Lusitanus Soc. I. F. S. V. gravissimis trium Imperatorum persecutionibus pro Christo enectus in leprosi tuguriolo, in Iaponia ad Fuscinum. 29. Octobris A. 1633.

C. S. 1.

M. K.

## P. MATTHÆUS DE COUROS.



Uam non sit volentis, neque currentis, sed solius DEI miserentis, sanguinis pro Christo fundendi gratia, expertus est P. Matthæus de Couros. Constituerat ille, desperans posse ulterius exploratorum undique in se unum intentorum manus effugere, ultro se ex Martyrij desiderio, Magistratui die quapiam coram sistere; sed ecce inopinatò rogatur ab homine elephantiaco, quem ab hominum consuetudine lepra procul arcebat, ut ad se inviset, fortè confitentis errata excepturus. Quod dum Pater facit, in angusto hominis leprosi tugurio, tot persecutionum in ultima senectute ærumnis

attritus, placidissimè moritur; die 29. Octobris A. 1633. ætatis 95. Societatis 50. hoc solum mærens, quod sanguineæ mortis expertus (sit tamen expertus dici potest) decederet. Ulyssiponem Lusitaniæ Urbem principem fortitus erat patriam, & in ea genus nobile, ibique vixdum egressus; pueritiam, sed valido ad virtutem ingenio, Societati JESU suum nomen inscripsit A. 1583. Quia verò ingentibus ad salutem Japonum agebatur desideriis, exoratâ multis lacrymis in eam missione, Anno 1586. eâ ipsâ quæ Japonenses ab Urbe Oratores illò revehebat, classe trajecit. Macai tantisper in Theologiæ studio moratus, Japonicam simul linguam egregiè condidicit.



didicit. Quā ad elegantiam usque perpolitus, acerbissimis illis in Japonia temporibus biennio nostros rexit in Insulis Sciki, & Amacusa, quinquennio in Arimensi Domicilio; bis præfuit novennio toti Japoniæ, ejusdem simul ex summi Pontificis decreto Pro-Episcopus: donec ultimā atate senectam incredibilibus ærumnis pro Christo exercitam, ereptamque Divinā ope sexcentis periculis, in leprosi tugurio, haud procul Urbem Fuscimum, beatā morte terminavit.

Ut verò aliquam laborum ejus & discriminum partem attingam; post reditum ab exilio, quo à Daifusama cum Socijs omnibus aliquamdiu Macai substiterat, A. 1610. jam tum Præpositus & Pro-Episcopus Japoniæ, cum Gonrocuus Nangasachi Gubernator sagacissimè in Evangelij præcones intenderet, mirabili modo manus ejus effugit. Nam cum Sacras sibi vestes ad Sacrificandum indueret, repentè nuncius advolat, qui eum à famula domestica proditum, ut ornatum detrahat, & capeffat fugam, anxius monet. Vix dies una apud vicinum Neophytum commorationis exorari potuit, reveritis passim omnibus minas, & pœnarum gravitatem. Sed enimvero ut domo prodeat, atque aliò se latitaturus conferat, quæ ratio ineunda, qui modus? Sumptum ex desperatione consilium, è sententia cecidit. Mos obtinet in Japonia, ut sellis gestatorijs & oppansis velis, solæ per Urbem circumvectentur mulieres, viris id probro sit. In unam illico se Pater injecit, & bajulis succollantibus, sed quem ferrent ignaris, elatus est, sequente ponè, sicut heram deduceret, pedissequā. Sed geruli neque quò irent, neque via quanam esset gnari, passim stare; sciscitari promiscuè Neophyti domum, quæ fuerat designata; & prætergradientium quisque, ut libido erat, adire propiùs, velum reducere, ecquæ portaretur explorare. Sic incerti viarum fortè subsistunt ante anūs viduæ fores. Illa è vestigio prodire, exclamare, vociferari, indè actutum se auferant, aberrasse à domo, nolle se eos pro sua subsistere. Famula item superveniens quò corrigat errorem, vocem intendere, objurgare, se præeuntem jubere sequi. Sic demum quò ibatur perventum est. Sed illico novum discrimen. Is qui tecto Patrem accepit, intempestā nocte in vincula abreptus est; & cum nullum Patris indicium faceret, extemplo qui invigilarent excubitores dispositi sunt, nè quā Pater posset elabi. Sed Deo tegente & latuit ille tunc, & post ejus diei diem septimum clam sospes eorum manus evasit,

A. 1625. cum Scimabaræ delapsus esset in adversariorum manus P. Franciscus Paciecus, qui P. Matthæo successerat in Provinciæ & Episcopatus cura, quantum rursus discrimen adierit, Gubernatoribus in eum potissimum incumbenibus, ipse quibusdam in literis sic refert: *Eā die, quā captus est I. Joannes Baptista Zola; ecce inopinato certior fio, milites sclopiis instructos domum, in qua tum eram, circumgredi; & brevi intervallo admoneor à socio, equites nonnullos eminus conspici, qui ad nos versus iter intendant. Igitur ego me raptim vestibus induo, Rosarium collo injicio, jamque exire in vicum festino, quò sic hospiti meo caveam, nè scilicet illi, qua in domo diverterim, resciscant. Sed hospes ipse apprehensum brachio me remoratus est, ajens, equites illos nequaquam ad me venire. Haud facile certè explicavero, quam ea mihi denunciatio displicuerit; quippe qui incredibili animi mei letitiā, nixus genibus, me jam Domino devovissem, propemodum certus fore, ut in victorum pro Christo numerum propediem adsciscerem. Prætergressis equitibus, in sylvam ab Christianis deductus sum, ibique Matutinum orsus recitare, illud me tum postremò facere arbitratus sum. Stabulum ibi erat stramento leviter tectum, promiscui juris, cui, quoniam quidem pluebat, successi, & humi feno substrato procubui. Enimvero animum meum humanissimā tum voluptate perfudit ea cogitatio, quod pervigilio Natalis Domini (nam ille tum dies erat) adeò consimili hospitio exceptus essem. In eodem illo hospitio adhuc persisto, cum hodie dies 10. Februarii sit, tantis affectus calamitatibus, ut eas affecta valetudini atq; ætati meæ noxæ fore, mihiq; gravem quempiam conciliaturas esse morbum non dubitem. Vna ea me spes solatur & fovet, futurum ut aliquando id DEum exorem, quod multis dudum votis efflagito, ut unā cum alijs ejus studio atque amore, à vita deflagratione decedam. Cum verò A. 1626. administrandam rursus Provinciam & Episcopatum suscepisset, atque vel idcirco omnis in eum cura vestigatorum intenderet, quomodo sagacitatem illorum eluserit, ita alibi edisserit. Per id temporis Gubernatores Tacacuenses militarem submiserunt manum, jusseruntq; diversos per diligentem indagare omnia. Nihil ab illis, quod non scrutarentur, præteritum est, non casa, neq; spelunca, non stabulum, aut ullum gurgustium, ipsis etiam tegetibus è domo detractis, nè quid occulerent. Fortè fortunā factum est, ut qui redactum in fscum jerant impedimenta P. Balthazaris de Torres nuper concremati, latibulum eadem ipsa in domo deprehenderent; hinc rati passim alibi haberi similia, nihil uspiam intentatum relin-*



quere, cava omnia peruestigare, omnes angulos. Ergo animis consternati, qui mei curam adhuc egerant Christiani, ut me inde conscenso navigio celerim proriperem, omnino impellebant. Ego vero, quò lenirem eorum impetus, ut me eà ipsà nocte subducerem, daturum operam spondi. Paraverat ignavis omnibus hospes meus specum sub terra, longam duodenos, latam quaternos palmos, Solis expertè ac luminis: in eam primis tenebris ego, Dogicus, famulus, nullo, prater hospitem, arbitro, successimus. Dies noctesq; agebantur in tenebris, nisi quòd advescendum, ad Horas Canonicas recitandas, ad conscribendas ex officij ratione epistolas, aliquid maligni luminis accendebatur. Cibaria porrigebantur occulto foramine, quanta scutella moles est, quod reducto propinqui iugurij, ubi senecio quidam operabatur, stramento, tantisper aperiebatur, dum illa inferrentur. Tertià quaque die ad regerenda purgamenta fovea aditus patefiebat. Victus contemptissimus; quòd hospes, nè quòd uspiam vestigium nostri linqueret, neq; pisces, neq; melioris obsonij quidquam aliud auderet coemere. Triginta quinq; dies in illa caligine commoratus sum: nisi si Paschatis pervigilium, Festum, & Octavam dempseris, quibus diebus ad faciendum Sacrum exivi. Post eos dies in alteram demigravi scrobem, magnitudine priori illi aequalem, quam ingeniosà charitate idem ille meus hospes effodit: in eaq; dego hæcenus jam exeunte Septembri. Sacrum Misse instrumentum apud me habeo. Imminet fossa iugurium, quod asservandis artis suæ instrumentis operarius ille fabricatus est. In eo mihi ostiolum est, cuius suspiciōe stramenta, & rudes storea temerè confusæq; iacentes, spectantibus adimunt. Prodeco noctis silentio, & Altari raptim composito Sacrum facio: tum prius aram, omnemq; apparatus mecum in fossam infero, quàm luxerit. Ibi diem transigo malignam ad lucem, quæ adlectionem scriptionemque permodicâ fenestrâ illabitur. Evenit die quadam, Dogicum & famulum, cùm in hospitis culina consedisent, adeò repentinò ab exploratore occupari, ut vix in silvam evadendi copia fuerit; vix mihi meum in antrum subeundi, cuius foribus id hominum genus institère plus unâ vice. Omnes huius ditionis exploratores suis quiq; locis subsident, in illum me unum, quem studiosissimè venantur, intenti. Et quia Gubernatoribus satis exploratum est quanta me spatij intercapedo contineat, omnes domorum intergerinos parietes, quotquot duabus circum leucis existunt, iussere dirui, ut quidquid universa in domo est, ingredienti protinus in conspectu sit. Famulus, qui literas aut epistolia quot hebdomadis à me Nangasachum perfert, ut oculos vicinitatis evitet, tacitâ nocte profiscitur, Is

qui mittitur indè ad nos, mandata quæ fert, apud hominem fidum hinc semileucâ deponit; is eum in locum secreto refert, quem hospes constituit. Nec tuta nobis aliter constat commercij ratio. Post P. Gasparis de Castro occubitus, post tot rerum vicissitudines, & temporum acerbitates, reliquus in his oris ego solus sum, qui scriptionibus fovea Christianos atque erigo, qui finitima quapiam in Insula rentur me delitescere, & in responcionibus suis, dum ad me rescribunt, fortes animas verbis praportant; utinam & summa tempora fortes ostendant.

Ex quibus videas illum totos 8. menses habitasse sub terra, post quos, utrùm fas illi fuerit ad auram exire, exploratum non est. Porro A. 1629. adauctis priorum temporum in Tacacu difficultatibus, vestigatorum è manibus arcta in latebra, ut olim S. Felix Nolanus opere araneo repentinè prætextâ, elapsus est. Sed quoniam eas ædes crebrò lustrabant quæsitores, nè quando in eam latebram impingerent, alias in domos, atque identidem in alias, nunc temerè, nunc consultò transferbatur: fuitque subinde delitescendum illi horrido & tenebroso in loco, ex quo morbum contraxit adeò gravem & acerbum, ut in proximo vitæ discrimine omnium egenus medicamentorum, versaretur. Anno 1630. gliscebant Aryiæ Bungondoni furor in universam Christianorum nationem; novas pœnarum facies in omnem ætatem ac sexum excogitantis. Præstò tanta in necessitate adfuit P. Matthæus Provincialis, tum per se ipse, tum per interpretes; certus, si res tulisset, in conspectum sese dare Tyrannorum. Sed enim vero hoc ejus consilium disturbavere Christiani, nè simul universo, quod ab illo capiebant, subsidio frustrarentur. Igitur conscenso navigio nocturnis tectus tenebris indè abscessit. Vix autem bene à littore solverat, cùm ecce duo advolant è famulatio Gubernatoris, eos à fuga vi retracturi. Ergo cymbæ aliquantulum provectæ manu ex littore annuere, ut regrediatur; isti contrà nihil respondere, & se vidisse dissimulare: tum alter duorum in aquas insiliit, ut abeuntes natando consequeretur: sed tenebricosa nox opportunitatem fugæ dedit. Illi postera diei diluculo ad proximum inde portum abière, cùm viderent navigium superato difficili freto, legere littus Insulæ Amacusæ. Evasis tamen omnem illorum diligentiam, & ab homine Christiano in populo Saquinatu exceptus est. Postridie expiata per Confessionem ejus familiâ, Oyen perrexit leucâ distantem, & apud ejusdem Christiani Socerum tuto divertit.



Bungondonus Arimæ Dynasta totius seriem itineris à duobus adolescentibus conscijs cognorat, quos uni de suis Aulicis adjunctos celeriter die 24. Junij ad ejus loci Gubernatorem submittit, ut Patrem fugitivum suo nomine repetant. Sed ille vacuis his remissis, sibi Patris comprehensionem cordi fore respondit. Quod profectò consilij à DEO fuit: nam si adolescentum opera fuisset adhibita, elabi Pater haudquaquam potuisset. Biduo postquam ijs excesserat ædibus, Scimadoni satellites advenere: jamque in alteris, quibus successerat, intellexit, eas omnino à sedecim obsideri. Ipse annis & morbo gravis, quid ageret demum, quid iniret consilij, si nollet vota Christianorum latebram aut fugam suadentium aspernari? Efferrî se passus est, corbe ex cannis contexto, quaternis bajulis succollantibus, in arduum montem densis impeditum vepretis. Sed vix bene progressi fuerant quantum patet equi cursus, cum rursus eum crassa substrata storea humi deponunt, alterâ item porrectâ, quâ pluviam defendat. Duabus elapsis horis curriculo reversi, iterum atque iterum, quin & quarto

etiam & quinto sedem illi eâ die mutarunt, nè fortè, cum in ædibus ab Ethnicis non fuisset deprehensus, eum interdumeta proxima, ut sunt oppidò suspicaces, quærirarent. Modicum orizæ ad vespendum datum; & sic dies illa sub tegetibus, & nox dimidia, nunquam relaxante pluvîâ, transacta est. Intempestâ nocte duodeni venere juvenes robore validi, quibus erat propositum, prærupti montis difficillimum jugum transcendere, & Patrem in alieno territorio statuere. Igitur arundineo rursus corbe exceptum, ingenti cum difficultate per calles præcipites, tandem superato supercilio, ad maris littus deponunt, impenetrabili dumeto, & arbore crassâ obscuratum. Ibi consedit septenos dies exiguo instructus orizæ demenso, expositus pluvijs, quæ nullum toto eo tempore propemodum intervallum dedere. Postea repetitis periculis & laboribus, Christiani cujusdam navigio in aliud Regnum transgressus est. Donec tot laboribus ac ærumnis fractus, in leprosi hominis, ut dictum est, tuguriolo, purgatissimum Spiritum placidissimè exhalâset, prope Urbem Fuscima.

## P. ANTONIUS DE ANDRADE.



Leiros, oppidum Lusitaniæ, non parum ortu suo A. 1580. nobilitavit P. Antonius de Andrade, Vir uti Natalium splendore, ita & abundantia ingenij, acie mentis, & limato judicio, & ad gubernandum prudentia, & ad dicendum facundia non mediocriter à Natura instructus; adhæc doctrinis Philosophicis & Theologicis egregiè perpolitus; &, quod caput est, omnibus bonis moribus, laudibusque religiosarum virtutum exaggeratè cumulatus. Societatem Jesu complexus est A. 1596. ætatis 16. atque in Indiam magnis precibus exoratum trajecit A. 1600. Illic primos annos partim in necessarijs doctrinis comparandis, partim in salute mortalium procuranda cum fructuosissime contrivisset, missus est in Regnum Mogor, ut illic Socijs præesset. Sed cum improvise occasio se dedisset Catayum, tot votis expetitam, tot encomijs deprædicatam Provinciam investigandi, commendatâ P. Francisco Corso ejus Missionis eura, uno cum socio ac duobus famulis, cultu corporis itineri per barbaras habendo gentes congruo, profectus est Delio, & ad usque Mogoris fines per Indostanum Regnum ad montes Siranagar so-

spes evasit. Ibi à limitum custodibus, quod neque Ethnicum esse, neque Institorem, quales erant è caterva cæteri, satis constaret, suspicantibus nè profugus è Mogore quispiam ob scelus, aut clancularius foret explorator, parum absuit quin detineretur. Sed Divino adjutorio, cujus serviebat gloriæ, suspicione dilutâ, primos illos montes incredibilis ad superandum difficultatis, ingressus est. Sunt autem illi editissimis fastigijs, tamque præcipiti & angusto ascensu, ut si uno pede aberraveris, in Gangem rapidissime subter fluentem, expes vitæ, altissime prolabare. Descensus etiam multò periculosior, cum sæpe cogaris aversâ facie, sicut qui scalis mobilibus descendunt, niti manibus, & apprehenso, quidquid se obtulerit, adhærescere, dum tutum aversus pedem firmaris. Sic ad Urbem Siranagaris primam perventum est, ubi à Præsidib⁹ exquisitè interrogatus, unde, quis, quod, quaque de causa iter haberet? ubi Lusitanum esse, fratrem in Tibeto quærere, quem ibi degere audierit: nigras vestes, quas in sarcinis mirabundi deprehenderant, ad luctum more suæ gentis, si fortassis obijisset, testandum secum ferre, respondit, continuo sinè noxa dimissus est. Successere montes iterum ad dies





*P. Antonius de Andrade Lusitanus Soc. IESV, propinato a nefarijs in odium Religionis veneno sublatus, et in morte aspectu Deiparæ recreatus. Goæ in India 19. Martij A. 1634.*

*C. Scretæ del.*

*M. K. f.*

quindecim; hos excepere nivosi alij, quos inter labens in profundo Ganges, qui nivibus ex alto montium jugo deciduis & mole stipatis ita consternitur, ut tanquam ponte super eas transeat; haud leviori periculo liquandarum nivium, faciendique lapsus, quam formidolosiore subter frementium horrore undarum, superandus fuit. Extremo Regionis hujus, quæ Siranagari tota paret, vico Mana nomen est; eum solitudo consequitur, quæ Tibetum determinat, nivibus, præter duos anni Menses, quibus illæ solvuntur, penitus intractabilis. Viginti dierum trajetus est ferè per excelsos, sed incultu squallidos, & vastis rupibus horrendos montes. Nullus toto eo tractu vicus, cultor nullus, frigus propemodum æternum; nix durata, & magni

crebrò ponderis patiens, exhalatio è solo gravis, & usque adeò noxia, ut quem assaret hominem, ferè nec opinantem extinguat. Nulla lignationis copia, sive ad fovenda corpora, sive ad cibi coctionem. Eò viatores tostam hordei farinam secum asportant, quæ aquæ injectu diluta simul pro cibatu, proque portione est. Ut primum cœpere nives diffuere, continuò ad Tibeti Regem Orator cum donis ablegatur, qui catervæ negotiatorum illuc subeundi potestatem petat. Interea dum eo in vico P. Antonius trajectionis ejus tempestivitatem præstolatur, ecce rumor adfertur, jubere Siranagarem victos ad se remitti Lusitanos. Eo accepto Pater, tanti pretium laboris occupare certus, decernit quamvis alieniore tempore, relicto cum sarcinis eo in Oppido



Oppido Socio fratre, iter ultrà tentare. Du-  
 ctorem mercede adsciscit expertum homi-  
 nem indigenam, & ambos secum famulos  
 crassis in algorem stragulis instructos accipit,  
 confertaque cibarijs perâ, clâm ante lucem  
 profectus est. Duos dies impatibili labore  
 per nives processit. Tertiâ die ecce tres ejus  
 oppidi, unde abierat, incolæ, ad eum retra-  
 hendum ab Gubernatore submissi, reditum  
 urgere, nî faciat, extrema minari; jam actos  
 esse in vincula ductoris liberos & conjugem,  
 publicatas fortunas; Fratris ibi relictî nec vi-  
 tam in tuto fore, nedum facultates; denique  
 confectum ærumnis iri omnes in via, si pro-  
 cedant longiùs; itaque regrediantur, si sibi  
 consultum, si suis velint. Ductor minis con-  
 territus, retrocessit. Patri cum famulis ratio-  
 nem itineris jam satis, ut sibi videbatur, edo-  
 cto, cum non auderent vim adferre emissarij  
 illi, ultrâ pergere cordi fuit. Sed pergentem  
 excepere continuo cœca nivibus altis itine-  
 ra, quibus cum genuum tenus semper, sæpe  
 umbilico, sæpe pectore, & scapulis tenus in-  
 funderentur, liberare se indè, nisi summa  
 contentione, & gelido perfusi sudore non po-  
 terant. Itaque quò minùs demergerentur,  
 interdum pronis pectoribus super nives in-  
 cumbere, seque natantium more sensim con-  
 niti promovere. Laboriosum diem laboriosior  
 occupabat nox, quæ ad quietem. & fomen-  
 tum corporum nihil adferebat subsidij. Una  
 penularum sternebatur super nives, duabus  
 reliquis omnium trium illi incumbentium  
 corpora tegebantur. Interim ab hora quarta  
 postmeridiana usque ad posteram auroram,  
 minuta nix acta vento perfrigido tam densè  
 cadebat de cœlo, ut sæpius nocte, nè obruti  
 conspicerentur, surgendum esset in pedes, ex-  
 cutienda nix, & stragula denuo prosternenda.  
 Jam manus, pedes, vultus, algore stupuerant,  
 sensus defecerat; & Patri, dum nescio quid  
 apprehendit, expers jam algore doloris pars  
 digiti decidit, non antè damni sui, quàm san-  
 guinis per manum defluentis admonitu con-  
 scio. Intumuere pedes, & adeò obriguere, ut  
 velut orbatî vitâ, cum ferro candente postea  
 ustularentur, nullum doloris sensum hauri-  
 rent. Accessere præterea duo mala prægran-  
 dia, cibi fastidium, & sitis ex labore & defati-  
 gatione peracris; quam non nisi suctu nivis  
 licebat extinguere. Sic demum usque ad  
 fastigia montium evasere, ubi amplo è lacu  
 Ganges oritur, & alter amnis, qui Tibetum  
 perlabitur. Et jam tum acies oculorum,  
 adeò candore nivium obtusâ hebetabat, ut  
 totos deinceps 25. dies Pater nihil propemo-

dum cerneret, neque valeret ad recitandum  
 breviarium distinguere characteres. Atque  
 aliud ex illo gravius incommodum nasceba-  
 tur, quòd nimirum cum solis quinis abessent  
 leucis ab Urbe Regia Tibeti Ciaparangua,  
 quia tamen neque prospicere poterant lon-  
 giùs, & ponè montes illos explicabatur am-  
 pla & æquabilis unde quaque planities obdu-  
 cta nivibus, sinè vestigio, sinè viâ nota, prorsus  
 jam de progressu desperare cogebantur.  
 Adhæc victus etiam cœpit longinquitate de-  
 ficere, & famulos ità calamitas affligere, ut  
 propter animi corporisque impotentiam, &  
 foveri eos à Patre, & componi ad quietem, &  
 indui, & cibari oporteret. Igitur deliberato  
 consilio statuit ut famuli redirent ad pagum,  
 uti facilè paucis diebus prono itinere pote-  
 rant, ipse eodem illo in loco solus, eorum cum  
 socio reditum præstolaretur. At famuli ne-  
 gare sibi vires & animum esse, quoquo sinè  
 ipso eundi; si regredi nolit ipse, sibi quoque  
 certum esse penes ipsum restare. Ubi obfir-  
 matus Pater in sententia vidit, ipse sibi quoq;  
 regrediendum cum illis censuit, præsertim de  
 nonnullo socij infortunio sollicitus.

Tertiâ regressûs die, vasta in solitudine  
 vocem hominis calamitantis exaudit; ad il-  
 lam continuo flectit gradum. Erat rusticanus  
 homo, quem cum cibarijs, & veste Socius, &  
 Gubernator submiserant, ut Patrem perqui-  
 reret, atque ea supplementa conferret. Re-  
 creatus mirificè Pater fuit & allato solatio, &  
 læto incolumitatis Socij nuncio, quem scili-  
 cet Gubernator, ut Patrem sequeretur urge-  
 bat, veritus, nè id sibi ab Rege Tibetano, si  
 quid adversi Patri evenisset, vitio verteretur  
 & calamitati. Usus eo rustico ad viam duce  
 Pater, triduo nactus est vasta sub rupe locum  
 aliquantò cæteris magis à nive liberum: ibi  
 confedit, opperturus dum institorum cater-  
 va, quam Gubernator ipsius gratiâ solitò ce-  
 leriùs jusserat adornari, perveniret. Ea ubi  
 advenit, & salvus cum ea Socius, magno ut-  
 terq; gaudio mutuo in amplexu perfusi sunt.  
 Restitère ibi dum paulò ampliùs nives diffu-  
 gerent, universi sesqui mensem; fuitque lon-  
 gè deinceps, quàm antea, iter levius atque  
 expeditius. Hoc interim spatium nuncius ad  
 Tibeti Regem allabatur, venire ad illum ho-  
 minem exterum remotissimis ex oris: cujus  
 desiderio videndi cum esset incensus, ad ca-  
 tertæ principem dat illico literas, ut ejus ho-  
 minis peculiarem curam, tanquam sui agat.  
 Idem triduo, quàm ad Urbem appellerent,  
 præmisit obviam tres equos, qui Patrem  
 & Socios veherent; sanè per opportunè, ut  
 con-



concurrentem ad eos spectandos turbam populi possent sine noxa pervadere. Ab Rege, Regina, Regioque Principe, & horum exemplo à Palatinis universim benevolè acceptus, secundum primas salutationes, mercaturæ, atque omnis ab se quæstus opinionem amolitus, Christianam illis Legem conatus est per interpretem explicare, quâ re omnium sibi tantopere devinxit animos, ut Rex ipse liberum ad se accessum quoquo tempore, etiam tum permetteret, dum nemini pateret aliorum. Submittebat quotidie aliquid annonæ vernaculæ, & pronas Evangelio præstabat aures. Ubi redeundi tempus fuit, ut Regi Mogoris Pater ex officio adesset, priusquam nives iter obvallarent, abeundi veniam ab Rege postulavit. Ille principiò videri velle silentio & dissimulatione protrahere, tergiversari: tum ubi negari non posse vidit, ita demum se eam dare paratum dixit, si iurejurando sponderet, se anno vertente redditurum. Spondidit redditum Pater, dum sui tamen Moderatores, quod facturos non ambigeret, siverent, in hæc leges. Primò, ut sibi Rex potestatem faceret Christi legem toto passim Regno, arbitrato suo, sine impedimento ac noxa vulgandi. Tum, ut locum Templo, ac domui precationis fabricandæ gratuitò concedat. Præterea nè illis negotiationibus, etiam Lusitanorum hominum, si qui fortassis isthuc deinceps advenerint, misceri se sinat, nedum cogat. Ad extremum nè garrientibus adversum se Mahometanis impostoribus, qui Kecimurensi è Regno commean, aures faciles, neu fidem adhibeat. Has illi conditiones perbenevolè Rex dato diplomate sanxit; & publicas adjecit literas ad Institores Mogorenses, quibus in Tibeto fortunæ vel commercia sunt, ut Patribus morem gererent, & eorum curarent sarcinas atque impedimenta; neque indiligentiùs quàm sua ipsius Regia, tutò & immunia vectigalium ad se perferri facerent. In digressu cum Regi Regisque, Coniugi, Filio, propinquis alijs, pia munuscula dispertisset, optima reliquit à se posita rei Christianæ bene gerendæ proferendæque fundamenta. Rex illi è suis addidit aliquos, qui deducerent trans Regni fines, & ad curanda corpora necessaria subministrarent.

Est autem Tibeti Regnum, quod & Potentis dicitur, omnino vastitatis amplissimæ, atque uno eo nomine complectitur Regna complura; Coque, ubi Urbs princeps & Regis sedes; Regnum Ciaparangua, Ladue, Mariul, Rudoc, Utsana, & ad ortum solis

ignari nominis alia duo Regna, quæ cum Imperio Sopo conjuncta, creduntur eum totum occupare tractum terrarum, qui ab Moscovia ad Sinas usque porrectus, uno Tartariæ vocabulo nobis usurpatur. Iste, quod nobis est sermo, à 32. elati Poli Arctici gradu, ad longa in Septentrionem spatia dominatum exercet. Igitur P. Antonius reditu maturato, Agram Urbem Regiam Mogoris tenuit, unde ante 7. menses abiverat; datisque de toto expeditionis negotio ad Præpositum Goanæ Provinciæ literis, ut datæ Regi fidei responderet, ineunte post anni spatium Junio, cum altero Sacerdote rursus in Tibetum profectus est; certius exploraturus, quanti spes fructus animarum olim inde capiendi existeret. Augusto mense per non multò inferiora incommoda ad Tibeti fines perventum est: quod simul atque Regi nuntiatum fuit, incredibilem animo se voluptatem capere prætulit, & jumenta ac famulos toto quatrinduo præmisit adversus, qui exciperent, qui gratularentur, & gratuita reliquo itinere hospitia præberent. Ipse venientes lætissimè complexus, ædes instructas regio Principi vicinas, & quotidianum regio è penu demensum dedit. Paucos post dies ad conficiendum nescio quod bellum profecturus, ad Patris se pedes advolvit, & sibi bene illum precari ad fortunandam expeditionem poposcit. Regiam alternis minimùm diebus se absente conveniat, & Christianæ cupidissimam disciplinæ, si nequeat plenè imbueri, certè primis interim elementis erudiat. Bello sesqui mense confecto, redijt Rex, seque integre ad Christianæ Religionis adita cognoscenda convertit. Multa hinc anni spatia ad DEI gloriam perfecta, multa in posterum inchoata sunt; sæpe cum profanis Sacrificulis, quos Lamas appellant, decertatum. Calendis Aprilibus anni sequentis ab Rege liberaliter attributa templo, & domui ædificandæ area, & post diem undecimum primus ab eo lapis ritu solenni in fundamentis constitutus est; opus paucis mensibus incredibili omnium ordinum studio perfectum, convectantibus etiam Proceribus materiam, & nobiles manus operi admoventibus: templum à B. Virgine DEI para à spe, nuncupatum, simulq; ejus patrocinium adscitum est. Plura de gentis ingenio, moribus, indole; de soli, ac cœli natura, qui volet, extat P. Antonij epistola ad Præpositum Societatis Generalem ex Urbe Regia Ciaparangua, data die 15. Augusti A. 1626.

Jam verò cum in Tibeto videretur adolefcere



lescere Christiana res, & suis quodammodo jam niti stirpibus, aduræque, si coloni, qui continuarent operam, non defuissent, altas radices; P. Antonius, ipso etiam autore Rege, remeavit in Indiam, ut statu rerum Moderatoribus coram exposito, plures operas eodem vel ipse deduceret, vel certè, si quid eum reditu prohiberet, submitti curaret. Verùm ita res tulit, ut haudquaquam necesse fuerit ad auxiliares copias aut obsecrare, aut quenquam alium fatigare; nam ipsi commodè Goana decreta Provincia est, ubi ipse suâ autoritate delectum habuit Sociorum, quos ad bene cœpta urgenda identidem in Tibetum submittebat. Susceptâ Provinciâ, simul ab Antonio Vasconcello S. Inquisitionis Præfide (quo de nobis paulò antè dictum est) ejusdem S. Officij Deputatus renunciatus est, & ad instituendam visitationem à Secretis adscitus. Quo in munere ita versatus est, ut ejus integritatem ac solertiam, nullâ largitione vel astu corrumpi facilem experti ij, qui erant obnoxij, quavis demum ratione è medio illum tollere conati sint. Interea ipse Provincialatu primùm, & mox item Goani Collegij Reçtoratu perfunctus, cum alterâ vice Rectorem ejusdem Collegij gereret, sic insperato appetitus est. Susceperat munus, Antonio Vasconcello morte sublato, Antonius de Faria Macciado. Inter alios quos sacrâ censurâ, & publicâ ignominia perstrinxit, fuere Joannes Rodriquez Ulyssiponenfis, & ejus aliquot propinqui; Antonius autem potissimus indagator ejus perfidia, ferali hoc in actu habiturus erat probrosam in perfidiosos orationem. Illi doloris atque odij impatientia, deliberavere hominem de medio tollere, & novo scelere flagitij prioris infamiam obscurare. Erat Joanni Rodriquez filius adolescens, qui nescio quomodo inter Collegij servitia assumptus, in omnem occasionem Patris veneno tollendi, & suorum ignominiam prævertendi intentus fuit. Verùm cibus illi cum Socijs omnibus erat promi-

scuus, urceus autem ad potum, licet tanquam Reçtori certo semper & eodem accumbenti loco, proprius & peculiaris, tamen in eo nè misceri virus imprudenti fortasse posset (jam tum enim moliri hoc adversarios percubuerat) P. Christophorus Atougia Collegij Minister aquam accubituro quotidie recentem ipse infundebat. Id cum unâ quadam die, incuriâ an oblivione prætermisisset, perniciem imprudens, ab adolescente conscitam hausit in aqua Reçtor Antonius. Fuit autem tam atrox & violenta medicatio, ut continuò virus in visceribus persenserit; & è mensa confestim assurgens, aliquanto epoto oleo aliisque remedijs, conatus sit illud frustra vel egerere, vel opprimere. Itaque post diros cruciatus die 19. Martij A. 1634. ætatis 54. Societatis 38. biduo triduove ante funestam illam Actionem, in qua fuerat concionaturus, abiit è vita Gœ.

Contigere quadam in morte & post mortem P. Antonij, quæ admirationem merentur. Morienti enim spectabilis adfuit DEIPARA, & suo moribundum recreavit alloquio. Demortui verò corpus seorsim ab aliorum Sociorum corporibus humatum, miro prodigio in imposito marmore suam effigiem, tanquam coloribus expressam reliquit: quæ cum aspiranti veneno, quod Pater sumpserat, à nonnullis attribueretur; ubi constitit nullis instrumentis eradi, aut aboleri posse, opus humano majus creditum fuit. Ad hæc Patri Alberto Mescinski, glorioso postea pro Fide in Japonia agone perfuncto, febris semestris, invocato P. Antonio, momento temporis depulsa est. Sed & mulier transversam in utero prolem gerens, Patris implorati beneficio, brevi & felici nixu partu soluta est. Alij cuidam tumor, quo genu vexabatur, resedit, simul atque Patris sepulchro supplex sese advolvit. Ità nimirum voluit DEUS famulum suum, ejusque sepulchrum esse gloriosum.

## P. SEBASTIANUS VIEIRA &amp; quinque Socij.



Ullum investigarunt sagaciores, coeperuntq; lætiores Gubernatores Nangasachij: sed, quod mirere, nullum tam invitus mortui adjudicavit Sciogunus Imperator. Natus est P. Sebastianus, Vir animi excelsi, & robustæ virtutis, in Lusitaniæ opido, cui Castro de Airo nomen fecere. So-

cietatem adolescens complexus, & doctrinis omnibus ab ea imbutus, in Indiam A. 1602. P. Albertum Laërtium Procuratorem, jam tum ipse Sacerdos secutus, anno vertente Ma-  
caum transmisit, & Novitiorum ibi primùm Magistrum, ac deinceps triennio Procuratorem Provinciæ gessit. Mox ubi trajecto mari pervenit in Japoniam, omnes Operarij egre-





*P. Sebastianus Vieira Lusitanus, cum quinq. Socys Japonibus Soc. IESV, triduo Scrobis tormento, et Subiecto igne pro Fide Christi necatus, in Iaponia Iendi. 6 Iuny A. 1637.*

*C. Secreta d.*

*Melch. Küßel.*

giè strenui numeros abunde implevit; donec a Daifusama cum reliquis Regno depulsus est. Deportatus exilio in Philippinas, ut erat non laborum minùs & periculorum appetens, quàm salutis Japonum suorum cupientissimus, quàm celerrimè potuit, alieno cultu in Japoniam revolavit, ibique maximo Christianæ rei emolumento fuit, donec Moderatorum accitu ad triennem rursus Provinciæ Procuracionem Macaum evocatus est.

Anno 1623. in Comitijs Provinciæ Macai designatus est Romam Procurator, qui Provinciæ negotia Præposito Generali explicaret, & nova secum auxilia Sociorum ab Europa afferret. Eum ultimo ex Orbe terrarum miris annorum 4. ambagibus ad Urbem appulsum A. 1627. non solùm Præpositus Ge-

neralis, sed Curia universa, ipseque Pontifex Urbanus VIII. gratulabundus accepit, & de Japonum Christianorum cruentis differentem victorijs cupidissimè nec siccis oculis auscultavit. In digressu donatum spiritualibus è thesauro Ecclesiæ muneribus, & Apostolicâ benedictione ad futuras pugnas confirmatum, ita ab sese lætum, & spei plenum remisit in Japoniam, ut eidem sponderit, se illum Sanctis Martyribus Sacrosanctâ autoritate adscripturum, si fortè sanguinem redux pro Fide Christi asserenda profunderet: quam ipse tanquam ab oraculo vaticinationem lætus accepit. Indè bono Sociorum numero collecto rursus Oceanum longo flexu remensus, Macaum incolumis demum obtinuit; unde regressus Manilam, indè mutato sæpius



ad fallendos exploratores corporis habitu, demum in Japoniam se iterum per ingens vitæ discrimen, sub nautici Sinensis specie penetravit. In qua ut primum pedem A. 1632. posuit, pronus humi procumbens, & tellurem complexus, deveneratus est, ex qua sibi aditum ad beatam fore immortalitatem augurabatur. Ad qualeslibet deinde cruciatus perferendos DEO sese, cum ejus gratia, offerens, addidit: *hæc requies mea in seculum seculi; hic habitabo, quoniam elegi eam, hæc est domus DEI & porta Celi.* Vix autem sui rationem itineris, actorumque in Urbe, latentibus ibi Moderatoribus cautissimâ circumspeditione reddiderat, cum subito rumor totâ latè Japoniâ dissipatur, rediisse Sacerdotem Romanum (hoc enim vocabulo posthac notabatur) ex Europa. Unemius Nangasachi Gubernator, & Nangatus Arimæ Regulus, tum suæ crudelitatis sponte, tum quod Imperatoris excidere gratiâ vererentur, plurimos quaquà versum exploratores dimittere, qui ejus imaginem tum lineamentis in ære, tum coloribus in charta expressam circumferrent, ut ex ea facilius agnitum comprehenderent, propositâ 1500. nummum aureorum mercede, quisquis eum stitisset: cujus adispiscendi pretij cupidine, & aucupandæ Magistratum gratiæ studio, in obvios quosque: si forte quoquo indicio ab indigenis dissidere viderentur, irruere confestim exploratores, & illos ad imaginem experiri. Ipse inter hæc per Japoniam Provincialis, unaque Pontificis auctoritate Pro-Episcopi munus gerere jussus, dum per totam necessariò peregrinari ex officio cogitur, multò præsentissimis semper obnoxius periculis, agitabat. Quæ ipse, quò diligentius evitaret, cum jam illi tellus esset infida, in cymbam sese conjecit, quâ item crebrò mutata, quocunque vocaret, usus circumveheretur.

Dum sic per humilia obscuriorum Christianorum gurgulia, perque ignota litora latebris quæritandis, identidemque mutantis vagatur; neque illi quisquam audet, tormentorum reformidatione, quæ sunt ad victum necessaria liberè suppeditare, ad extremam propè rerum omnium indigentiam redactus est; ut vix ad cibatum orizæ frigidæ pauxillum, atq; ad delicias conditâ sale mænam aut sardam interdum nancisceretur. Unum illi permagnum interea, & solidissimæ voluptatis solatium à quotidiano Sacrificio accedebat, cujus illi semper copia, quamvis subvili sæpè floreâ, faciendi fuit. Sed nimirum cum sagacissimis terrâ mariq;

excubitoribus omnia tenerentur, non admodum diu potuit eorum diligentiam eludere. Igitur propter Ozacæ littus cymbulâ vectum adeò celeriter improvisòque occupavêre, ut nullâ remorum contentione subducere se posset. Itaque remigibus inhibere jussis, hominem ex imagine agnitum, festâ gratulatione comprehendunt, suam gestientis animi lætitiâ de Romano capto, vibratis militariter hastis testati. Confestim eum vinculis impeditum Nangasachi Gubernatori statuunt: ille etiam prædâ immoderatè exultans, citum hominem ad Imperatorem expedit, qui Romanum in plagas incidisse tandem significet. Et verò paucis antè diebus præmoneri divinitus securitæ captivitatis & mortis visus est, quando Divinum Sacrificium in Pauli hominis Christiani domo peragenti, Sacer in calice cruor à consecratione vehementer spumare apparuit. Interim Nangasachensem primum in custodiam, post in Omurenssem, cum quinque unâ comprehensis Ecclesiæ Ministris conjectus est, quos ille in opus Evangelij secum circumducebat, & Societatis cupientissimos in eam ipsa in custodia adscripsit, habuitque postea ejusdem supplicij consortes & gloriæ.

Imperator avidus ex Romano nonnulla curiosius de Europa cognoscere, jubet eum ad se continuò Jendum mitti. Id cum divinitus innotuisset Sebastiano, pridie quam nuncius reveniret, in carcere suas instituit sub vesperum sarcinulas, sicut ad iter faciendum, componere. Custodes mirabundi, quid moliretur, sciscitanti; ille, *ad Regiam profecturus*, inquit, *propediem, maturè mea convaso.* Illi hominem insanire rati, deridere, miserari, tum hortari ut labori parcat; vana ea esse consilia. At ubi postridie jussa Imperatoris perlata sunt, tum verò illi sese invicem aspectare stupidi; quémque pridie ludibrio, nunc venerationi habere, tanquam DEO familiarum, & præscium futurorum. Jendi P. Sebastianus talarem continuò Societatis vestem & pallium induit, & in eo quoties ad Prætorium, aliòve in publicum productus est, processit, ut suæ Fidei coram Tyrannis, & omni populo, vel ipso indumento testimonium daret. Imperatoris affandi copia data non est; eò scilicet, nè Regio conspectu (ut gentis ibi lex obtinet) noxæ omnis & vinculorum immunis evaderet. Itaque per Tonos quosdam ad eum allegatos, nonnulla de rebus Europæ Imperator percontatus est. Quæ verò interim in custodia ab eo gesta sint, juvat ex ejus epistolis repræsentare. Una quæ est ad Da-



Gonzalum Silveria ita habet: Non potest gens ista ignorationem causari Divina Legis, cum nos eam clare disertèq; predicemus. Ego in toga & pallio prodivi coram Iudicibus, qui ex habitu statim dixere me Patrem esse. Veritatem Legis bene intelligunt, quanquam id prae se non ferant, cum secundum eam operari nolint. In hoc carcere quatuor & viginti degimus: Octo, qui venimus, quod Christiani simus; reliqui ob suas noxas. Omnibus predicamus, satagimusque nec doctrinâ ijs deesse, neq; exemplo. Sciogunus nobis annonam tanquam captivis ob Fidem prabet, modicam mensuram orizae atra in diem, per pauculum salis, & calidam aquam. Sed cum hisce & ceteris quotidianis laboribus & consternationibus, adeo bonam ac firmam mihi valetudinem largitur DEUS, ut nunquam commodiore sim usus. Talesq; ac tanti sunt favores, quibus nos afficit quotidie, ut satis pro eorum minimo facturus Divina Majestati nunquam sim, si vel omnia tormenta pertulerim, quae mortales universi instituere, tum qui fuerunt ante nos, tum qui post nos futuri sunt: atq; adeo si unus ego universa, quae illi omnes, perpetiar, nihil id erit prae eo, quo me plurimum DEO obstrictum agnosco. Illi centies milles gratiae sint pro tanta egestate & penuria: sed ego hunc statum minime commutavero cum totius Orbis excellentissimo.

Altera ad Vincentium Tavares sic habet: Duo Iudices huius Regiae ad alterius ipsorum domum me accersiverunt. Ibi in toga & pallio, sed victis fune pollicibus, & ad Zonam, quâ cingebam, alligato. Ubi ad illos accessi, iusserunt me solvi; & in interius conclave duxerunt, ubi longo spatio mansi, familiaribus ipsorum concurrentibus ad contuendum Romanum. Illud temporis opportunitatem dedit respondendi ipsorum dubijs, & Divina ijsdem mysteria predicandi. Applicabant mentem ad omnia, & cogebat illos evidèntia veritatis ad eam agnoscendam & intelligendam, fatendumq; nisi Tenca (id est Imperatoris) respectus foret, illico se baptizatum iri. Hac totius Japonia vox est, quacunque veni, predicans & pertractans res nostrae Sanctae Fidei. Venerunt duo Iudices ad conclave, ubi ego restiteram, & ad aliud conclave magis etiam secretum duxerunt; & allato atramento & chartâ, interrogaverunt me: cur in Japoniam venissem contra leges Scioguni? anne ad Regnum occupandum? & quenam illa Lex esset, quam predicarem? Ad omnia respondi; & scripto exceperunt omnia. Responsionibus omnibus cesserunt, fassi sunt Legem esse bonam, & rectè eos vivere, qui eam ducem sequantur. Sed Sciogunum eos execrari plus quam latrones, incendiarios, & homicidas. Et sic datus est huic actioni finis. Post tres dies alij

duo Iudices venerunt ad aream carceris; neque iussu vinciri funibus ad collum, ad brachia, & à tergo manus, eduxerunt in aream, & sedentem in storea ad conspectum tracti in fiduculas fontis Japonis, & aliorum apparatusum ad tormentum, monuerunt Scioguni nomine, ut quam predicabam Legem defererem. Allata sunt calamus, charta, atramentum ad excipiendam responsionem. Ea istiusmodi fuit. Esse me jam annos 63. natum; ijs innumera accepisse me beneficia à Domino Caeli & terrae: at à Scioguno compedes, tormenta, carceres, cum sit homo morti obnoxius perinde atq; ego. Ageret porro, & propter Fidem, quam predicarem, quibus collibitum me tormentis excruciares, vitamque adeo ipsam eriperet: eam me perquam libenter daturum pro veritate Fidei, quam Christianâ constantiâ semper esse confessurus, si ve omne mihi suum Imperium donaret, si ve omnibus quae in illo sunt tormentis afficeret. Et si cuperet huius argumentum responsionis audire, scribendi mihi apparatus praberet, id illis me scripto daturum. Ipsi interposito ad plerumq; responso, describere omnia, dictitantes meâ responsionem convincere, neque quidquam esse causa, cur me tormento subicerent, citra novum Scioguni mandatum, ad quem meam referrent responsionem. Duobus diebus elapsis atramentum mihi, calamum, chartamq; attulere; ut illico ea breviter conscriberem, quae haberem dicenda. Horis minus quam quatuordecim, confeci compendium mysteriorum nostrae Sanctae Fidei, à Mundi orsus conditione ad ejus usque finem, & iudicium extremum; idq; characteribus & lingua Japonicis; & quoniam iusserunt idem nostratibus scribi characteribus, id etiam praestiti, & totum ipsis quam primum misi, traditumq; Scioguno est; qui aliquem praestulit nostri timorem, si nos iussisset occidi, ac si nos eum ulturi essemus. Quis autem magnificentior esse Fidei nostra triumphus potest, quam si Tyranni pauperculos metuant, qui eam inculcant, & predicant? In hac Regia Fides nostra Sancta magna in existimatione, notitia, & auctoritate est, intelliguntq; Legem hanc bonam esse, & in ea duntaxat una salutem obtineri. Tertia ac postrema epistola his verbis concepta est: Omnes victi magno sunt animo ad perferenda omnia mundi tormenta pro sanctissima Fide; & reor brevi nobiscum actum fore. Ego equidem nescio quandonam ea hora affutura sit: ad illam asservo meliorem ex apparatibus albis, quos Dominatio Vestra submisit, quia ille mearum erit latitarum dies, cum vitam pro eo dederò, qui suam dedit pro me, tanto disparem intervallo meae: sed aliud nullum quod faciam, suppeditat majus Sacrificium mei; postquam tantâ libertate & integritate, verbo, scriptoque eam predicaverim in hac



hac Regia, Scioguno, ipsiusque Judicibus, quod idem nimirum est atque omnibus, qui in illa sunt; nam eam vel ipsi jam pueri sciunt. Neque eam ipsi occultè absconditèque predicarunt; sed in toga & pallio vicos Regia Jendi obivi, agnitus omnibus Religiosus Societatis Jesu, pari modo, quo quietis temporibus agnoscebamur, & eramus venerationi. Neque parum ad excitationem nostrae Sanctae Fidei pertinuit, adscivisse Dominum vile hoc instrumentum, ad liberam istam praesidentiam praedicandi Evangelij in compitiis Monarchiarum Gentiarum, & in conspectu atque auribus ferocium Tyrannorum, uti primè in Ecclesia robusti illi Heroës factitabant, qui nobis suam doctrinam atque exemplo praeiverunt. Et quanquam mihi magna gloria est Apostolicum hoc tueri munus eadem formam, quam nullus omnium hac in persecutione fecerit; certè pro eo quanti hoc beneficium facio, non possum unicam hanc vitam DEO respondere; perpaucas forent centena, perpaucas millena corporum, ut tam eximia gratia redderemur. Die 7. Aprilis 1634.

Imperator ubi admirabilem illum P. Sebastiani de Christianae Fidei mysterijs commentariolum, paucis conceptum atque absolutum horis, coram Purpuratis cepit evolvere, insistere interdum, & anceps pendere consilij, hærere, addubitare; demum ut ad eam disputationem, quam animae immortalitas afferebatur, legendo pervenit: Enimvero, exclamat, *Europaeus hic Bonzius probus est, qui sua fidenter instituta proponit; & profecto si ea veritati congruunt, quae de animarum immortalitate pronuntiat, ut videntur congruere, miseris nobis demum quid fiet?* Et videbatur animus Imperatoris ita sensim legendo pervelli, ut ambigere posset credi, quo sese inflecteret, gaudentibus Tonis, qui aderant, tacitèque gratulantibus, qui scilicet Fidei Christianae veritatem pridem ipsi quidem agnoverant, sed

poenarum reformatione dissimularant. Sed huic aestui cogitationum Oindonus intervenit Imperatoris avunculus, cujus apud adolescentem autoritas, ætate & consilio fulta pollebat. Is posteaquam Sciogunum vultu contracto dubijs jactari motibus sensit, & causam ambiguitatis percontatus, intellexit; mirari se dixit imbecillitatem consilij; Sebastianum illum mentis impotens esse; daemoniorum esse doctrinam, quam praedicaret: inconsultum, atque adeo indignum fore instituta Majorum, & avitam legem cum hominis barbari advenae deliramentis, nullam causam, nullo momento commutare. Imò senem illum exterum videri ideo noxae dedendum, nè publicae rei atque Imperio praepostera indulgentia calamitati sit. Ad hæc Imperator, ut est mobili ingenio, neque satis autoritate, neque sapientiâ validus, dejectis oculis, abripi Sebastianum jubet, & lege cum eo agi. Igitur à Judicibus morte multandus, jumento imponitur, & inscriptam vexillo papyraceo supplicij causam, *Fidem Christianam contra Imperatoris edicta predicatam*, ponè se trahens, ad foveam evehitur; ibi revinctis à tergo manibus, supinis pedibus, pronus in caput genuum tenus in scrobem demersus suspenditur, unà cum quinque Socijs, quos illum pronuper adscivisse in Societatem dixi. Ipse cum suspenderetur, negavit se quidem tormento fossae confectum iri, sed flammis atque incendio; & cum triduo pependisset immotus, & socijs omnibus morte defunctis etiamnum superstes, supposito à lictoribus igne deflagravit, ipsa in Urbe Regia Jendi die 6. Junij A. 1634. ætatis 63. Societatis initæ 45. Corpus in cineres redactum est, nè quid esset ex eo reliqui Christianis ad venerationem.

## P. JOANNES DEL CARPIO.

**I**N Oceano Orientali Insulae sunt numero propè infinitae, amplitudine quam maximè dispares, multis subjectae Principibus. Primae à nobis Molucae sunt: extremae Japonicae; inter has mediae Luzoniae, quas Hispani, quod eas Philippi II. Regis Catholici auspicijs occupavissent, Philippinas dixere. Earum Princeps ipsa Luzonia, seu Manila est, universae Hispaniae magnitudine par; secundum illam Mindanaus & Calamianes, & omnium latissima Borneus. Inter minores,

quae tamen singulae ad 100. leucas patent, potissimae ferè recensentur Mindorus, Ibaus, Bohel, Sebu, Leire. Mindanaus à Mahometanis propemodum universa tenetur, in cujus una parte dominabatur his annis Caciciles Coralatus, homo ferox ingenio, & manu strenuus; & cui potissimum in Societatis homines odium, quos Mahometanae adversari perfidiae, quantam possent ope, sciebat. Igitur cum aliquando oppressus morbo vereretur quorsum is evaderet, Mahometo, si recepisset valetudinem, Patrum quotquot cepisset, capita





P. Ioannes del Carpio Nobili ortu Hispanus Soc. I.E.S.V. à Mahometanis odio Religionis interfectus in Insulis Philippinis Ogmuci. 3 Decem. A. 1634.

C.S.d.

M.K.f

capita devovit. Et ecce DEI permisso brevi confanuit: cùmque post paulò classē ad prædam emitteret, in mandatis Præfecto dedit, nè vivum ad se Patrum quemquam, si deprehenderit, traheret, sed è vestigio Mahometo mactaret. Ex his Philippinarum Insulis ad delectus habendos Sociorum, sub A. 1612 in Hispaniam Procurator venerat P. Alphonsus Hummanes, is ipse, cujus hodie sepulchrum ijs in Insulis crebris à DEO prodigijs honestatur. Eo tempore Joannes del Carpio, ortus Riofrio in Hispania, cùm Juvenis paterno degens in prædio, Divinis motibus incitatus Sacramento se obligasset, ad intendendos in salutem animarum omnes animi sui nervos, eà gratiâ Oropesæ in Collegio Societatis Grammaticæ præceptiones condiscere

bat. Opportunè in P. Alphonsum incidit, cuius consilio animum ad expeditiones Indicas adjecit, & cum eo ipso in novam Hispaniam traiecit. Hic eum Societati adscriptum in Tepozotlano tantisper Tyrocinio collocavit, dum navigandi in Philippinas tempus appeteret. Mox factò in Philippinas trajectu, Manilæ Sacerdotio initiatus, & ad Leire Insulas destinatus, diu strenuè easdem, inter quotidiana vitæ pericula percoluit. Sed inter eostantâ morum innocentiam, tantâ sui custodiâ, attentionēque agitavit, ut nullam Societatis regulam consultò se unquam deliberatēque violasse, ipse non dubitaret, homo ceteroqui modestissimè de se loquens ac sentiens, asserere.

Demum Ogmucensē ibidem Oppidum cùm



eum Christianis suscepisset præceptionibus informandum, eodem Coralatus hostis validam classem improvisus applicuit. Conati sunt eum principio quidem propulsare magno animo incolæ; sed ubi se conspexere numero vinci, nec posse tanto pares hosti resistere, in arcem, abducto secum P. Joanne, confugerunt. Coralatus insolentiâ elatus, admove-  
 veri materiam unde quaque circum Arcem, & inflammari imperat; cujus Præfidiarij fumo & flammâ subacti, se hosti permisere. Primus in conspectum P. Joannes processit; quem simul atque Præfectus classis conspicatus est, impellente vehementer eo, qui aderat Mahometano Cacicio, genti Catholicæ infensissimo, elatâ voce trucidari jubet. Pater in genua confestim procumbere; ille in pro-

cumbentem altè demergere acinacem, & honestæ mortis jam diu cupientissimum obtruncare. Id quod factum est die 3. Decembris A. 1634. ætatis 51. Societatis 20. Postridie, Barbari, quò suos in perempto periclitarentur acinaces, truncatum capite, vulneribus scædum in morem concidunt, & in partes divulgis membris distrahunt. Interrogatus à primario quopiam Præfectus hostilis, quidni Patrem servarit necis immunem, cujus potuerat libertatem mille minimum argenti ponderibus, cujus ipsi cupidissimi sunt, vindicare? Nihil ille se dixit pensare pecunias, præconcepto in Fidei Christianæ Præcones odio; cum præsertim Rex suus eos omnes Mahometo, voti reus, jussisset interfici.

## P. DIDACUS YUKI.



Zacam multis jam antè illustrarunt constantiæ triumphis Neophyti; tantus enim erat eorundem ardor, dum Camidonus in Christianos inquireret, ut

ad eam famam multi, quos negotia alibi distinebant, ea abruptantes redirent, professuri singuli domi suæ se Christianos esse, unde Martyrum gloriam expectabant. Et verò incidit inter duos Neophytos sub id tempus lis in forensibus judicijs inaudita. Sodalitij præfectus lethali ægritudine correptus occumbebat, in cujus vicem Sacerdos noster antequam ad alios abiret, alium subrogarat. Ad ægrum pervenit nescio quis de craftina Christianorum caruificina rumor; & quoniam Præfecti Sodalitiorum primi petendi erant, suffectum sibi accersiri jubet, & coram Neophytis æger sano piam litem indicit. *Cum adhuc vivam*, inquit, *oportet me in hoc Fidei theatro personam Præfecti sustinere: non fuit ea mens Patris nostri, ut me Martyrio privaret. Et quoniam ægritudo me brevè exstinguet, alia nulli posthac occasio se mihi offeret pro Christo moriendi; tibi adhuc valenti deesse non poterit.* Hæc ille aliâque ita ferventer, quàm si de grandis cujuspiam hæreditatis possessione adeunda avarissimus quispiam litigaret. Sed dies postera litem diremit; nam cum Judices ingentem conspexissent multitudinem Martyrium unicè exoptantium, pœnituit irritasse crabrones. Et toto nihilominus numero, octo supra quinquaginta, rejectis alijs, in saccos compegerunt, & arctissimè constrictos ad publicam ignominiam secundum celeberrimos

mos pontes exposuerunt. In hoc Christiani frumenti acervo, per saccos dimenso, grana erant selectæ Nobilitatis germina; Joannes præsertim Regio sanguine genitus, Regis Ava nepos, ejusdemque conjunx Magdalena, quam à cupiditate Martyrij imminens partus abortusque periculum nequaquam deterruit. Diem totam frigidissimâ anni tempestate, solo Fidei Zelo fervidi, in hoc tormento exegerunt; tum in carceres detrusi, & arundinum ardentium manipulis lentè ambugi, atrociter torrebantur. Subducti tamen supplicio ac morti, exutique bonis omnibus exulare sunt coacti.

Tandem primus Ozacæ, autoritate publicâ gloriosam mortem subiit P. Didacus Yuki, quem Japonia produxit in lucem, productum excepit ab ipsis propemodum incunabulis Seminarium, eduxitque in Virum Societate dignum, cui A. 1594. aggregatus, Religiosarum commendatione virtutum eandem illustravit. Philosophicis disciplinis, & subinde triennio moralis Theologiæ præceptionibus institutus, humaniores Scholas quinquennio Japones docuit. Potissimus tamen ab ejus prædicatione fructus extitit, præsertim ex quo Daifusamæ proscriptione plerisque Patrum aliò deportatis, ipse inter paucos unus eo in Regno clam, dissimulatâ personâ permansit, & longinquos Japoniæ tractus, solandis firmandisque Catholicis peregrinatus est. Atque ut nemini mortalium noxæ aut calamitati foret, totos annos viginti nullo usus est hospitio, nunquam ad quemquam divertit, vagatus in silvis atque per avia; her-





P. Didacus Luxi Japon. Soc. I.E. SV. triduo in scrobem ex pedibus suspensus.  
vitam pro Christo finivit in Iaponia Ozaca, mense Februa. A. 1636. ætatis 62.

C. Secreta. d.

M. Kusell. f.

herbis, quas promiscuè tellus ultro profunderet, & agrestibus arborum brutarum pomis vitam trahens potius, quam sustentans. Ad extremum Ozacæ comprehensus, Gubernatoris Nangasachensis jussu ibidem capite prono in scrobem suspensus, asserta constanter toto triduo ad usque extremum Catholicæ Fide, labente Februario ex illius tormenti tenebris, in sempiternam lucem excessit, A. 1636. ætatis 62. Societatis 42.

Sublatis ad hunc modum propè omnibus Fidei Magistris, quantâ feritate in destitutos pastoribus greges per hos annos sævitum sit, juvat obiter insinuare: Aryiæ 280. Christiani partim viri & mulieres, partim pueri & infantes comprehensi, adeò cruentum inivêre certamen, ut nullus fuerit à gra-

vissimis tormentis immunis. Inter reliqua vacuas cannas, sulphure, absynthio, aliæque foetenti ac famosâ materiâ opplebant: quarum uno foramine naribus ejus, quem cruciabant, inserto, alteri ignem admovebant, ore interea vi obturato. Adeò grave id erat tormentum, ut non modò exanimaret eum cui admovebatur, sed totam faciem adureret, vapore cum fumo igneo erumpente ex canna, qui halitu attrahebatur. Fodicabant præterea acutis quibusdam cannis, velut terebris, carnem adusque ossa, sæpe etiam ipsa ossa penetrando: ustulabant facibus nuda corpora: manibus ac pedibus revinctis sublimes appendebant, nodosis fustibus immaniter cadebant. Si quos liquerat animus, varijs remedijs ad graviora tormenta fovebant.



bant. Alios alibi succis poplitibus enervabant, Crucis stigma candente ferro fronti inurebant: interceptas duabus trabibus tibias comprimebant, easque, toto corpore super trabes saliendo carnifices, multis penitus comminuebant. Adorti inter ceteros varijs promissis ac blanditijs sunt matronam, cui filia aderat 13. annos nata, ac nurus infantulum brachijs complexa. Sed cum Idola avertantur, acutis cannis corpora earum fodiant, ingentibus aquæ scyphis violentè ori infusus, & violentius regerere coactis eas affligunt, donec velut exanimis jacuere. Redeunte postliminio animo, cum neque sic Fidem ejurare vellent, prolem tenellam arripiunt carnifices, ejusque facie faciem matris converberant: & quantò puella flebilius vociferabatur, tantò ferocius eam torquebant, cum Mater veluti sensus expers, egregiè sibi constaret. Puellam deinde tredecennem adorti, ubi eam infusâ aquâ, cannisque acutis cruciassent, acuto fuste totum ei corpus terebrare: quod illa ita tulit, ac si omnino non sentiret. Mox viridem cannam igni injiciunt, cumque ferri instar canderet, eâ totam adurunt, tædisque accensis undique ustulant. Cujus constantiâ minimè his concussâ efferrati, fumum adhibent illum naribus pestilentem, acutas insuper cannas auribus naribusque immittunt, & comâ arreptam bacchico furore per solum raptant.

Excruciabant iidem puerulos 10. aut 12. annorum, non tam ut à Fide ipsi deficerent, quàm ut Parentes illorum commiseratione prosternerentur. Convulnerabant ijs manus, easque ut ardentibus prunis imponerent, cogeabant, quas si retraherent, indicium fore negatæ Fidei. Multi intrepidè tenuere immotas; alij estò retrahebant, exclamabant simul tamen, non ideo à se Christum negari. Eorum unus quinque vel sex annorum cum integrâ nocte fuisset tortus, quidam adstantium pietate motus, sicum aridam illi comedendam tradit. Non comedet, ait unus ex carnificibus, nisi prius Fidem mutet. Tacuit puer: sed sicum in faciem ejus coniecit, nolens omnino eam ori admoveere. Igitur efferati carnifices, inter ceteros cruciatus, carnem illi forcipibus in frustra discerpere, inciso etiam labio. Neque tamen exprimere unquam ab innocenti illo ore quidquam indignum potuere. Magnus fuit puerorum his tormentis divexatorum numerus, & pauci omnino vi cruciatuum superati sunt, plures longè pessimum Parentum exemplum emolli, ita ut 50. duntaxat superfuerint Bungo-

doni sævitiâ superiores, jussi ab illo Ximabaram deduci, ut novum à furiali ejus immanitate excogitatum supplicij genus, primò quidem in alijs exercitum spectarent, mox autem & ipsi, nisi à Christo deficerent, experirentur. Septem ex præcipuis Christianorum antesignanis illo maciandos delegit, quod Sacerdotes nostros hospitio excepissent, suisque monitis plurimos ex lapsis ad gremium S. Ecclesiæ reduxissent. Septem pro ijs in lato prope maris littus campo visebantur paratæ fossæ, altæ tres palmos, sex latæ: ex quibus lignum sursum eminebat, cum tigno transversum affixo, in figuram ferè crucis. His duobus lignis, nè se commovere ullo modo possent, corpus ac brachia alligata Christianorum quinque virorum, & duarum mulierum, qui antè confidere in illis fossis jussi: eorumque colla intra duos asseres, in semicirculum interiùs excavatos, conclusa, ut capita supernè immota furori carnificum prosterant. Ubi adfuit Bungodonus, mox Leonardo Sacuzaiemon, uni è primoribus Aryiensibus ferrâ refecari brachium jussit, quia uni è Præfatis suis dixerit, mentiri ipsum, asserentem confictam ab ipso in Fidei quæstione subscriptionem, suam esse. Omnium deinde, services caperunt ferrâ ferreâ paululum convulnerare, viam alteri lignæ ferræ facturi, quâ paulatim singulis diebus eos excarnificari oportebat. Tribus vicibus primâ die, duabus reliquis sex diebus repetita laniena, cum neque diebus neque noctibus è fossa & repagulis suis educerentur: imò quotidie sale asperso confricari vulnera, iterum paulò post ferrâ exasperandâ, jussit Tyrannus: & si quem linqueret in cruciatu animus, mox medicamenta applicabantur, quò ad majora tormenta durarent.

Adstantibus 50. Christianis nil aliud primo & secundo die factum, quàm ut immanissimi spectaculi terrore animis concuterentur, à cujus intuitu ipsimet gentiles oculos horrore avertabant. At tertio & quarto die manibus pedibusque vinâ, super acutum lignum confidere singuli ad horrendæ tragediæ spectaculum coacti sunt; inserto in os fune, & retro validè adstricto, quod JESUM & MARIAM invocassent. Mox eisdem fumo, aquæ ingestione, acutis cannis, ardentibus tædis, uti nuper excruciabant; vix uno genere tormenti expleto, aliud aliudque admoventes: adeò ut tandem, præter unum adolescentem Congâ oriundum, universi dederint manus. Sed & illi, qui fossis impositi ferrabantur, fracti tandem cessere.



5. quidem ac 6. die quinque, septimâ autem nocte Paulus Nagata 83. annos natus. Solus Thomas Chibioius magnâ vultûs serenitate perpeffus est omnia: quem accedens nonne-  
mò cum sciscitaretur, *an eos cruciatus sentiret, eum nec leviter vultu, nedum animo mutaretur?* sentio, ait Thomas, sentio; sed causa ob quam patior, & merces aterna, quæ brevi hoc supplicio exantlato me manet, sufficit ad cuncta perferenda animos. Jam ad occasum vergebat dies 31. Maij, cum Thomæ septimo tormentorum die tandem ferrâ caput præcidere carnifices, quod in terram delapsum, eandem vultûs quam in vivente alacritatem retinuit. Tres nihilominus viros, qui sublatis è scrobibus defecerant à Fide, capite plecti iussit Bungodonus, quod hospitio exceperant Patres; tanta rabies animis hos è Japonia extirpandi infederat! qui inter magna pœnitentis animi & contritionis indicia, asserentes se Christianos mori, refecandas cervices fortiter præbuerunt. Eodem ferræ lignæ tormento per quadriduum ter in singulis dies repetito, Michaëli Xozaburi, Congæ caput rescissum est: ejus constanti fortitudine animati Gonsalvus Pater ejus, & Joannes Magosquius, prius coram Præfecto testati se Christum, quem paulò antè in eodem supplicio negaverant, confiteri, fortissimè idem toleravere supplicium: uti & quinque alij partim Aryiæ, partim Facayæ, ab apostasia ferventissimè resipiscentes.

Sed minimè his satiatus Bungodonus, unicè cupiebat quempiam ex Sacerdotibus nostris occupare, quem posset vi tormentorum ad Fidem ejurandam cogere, ac deinde nihilominus ipforum Christianorum manibus necare. Parùmque aberat quia Provincialem P. Matthæum de Couros comprehenderet (ut paulò antè in gestis ejus memo-

ravimus) nisi Divina eum Bonitas mirabiliter servâisset. Igitur obtestatus est Unemem, ut quempiam è Patribus, quos in carcere detinebat, sibi excrucians donaret. Verùm non est id passus Deus, brevè meritam tantæ crudelitati mercedem rependens. Nam cum Unemem invisisset, morbo correptus puerum inclamat, vociferans, ut è conspectu suo multitudinem capitum submoveret, quæ non posset sinè maximo cruciatu intueri. Heus, subindè exclamans, *ecquid videtis unum ex Aryiensibus mihi tormenta comminari? pellite eum hinc, & capita ista amolimini.* Cucinotzum in summa morbi violentia delatus, non me, inquiebat, tam morbus affligit, quàm quod dicturi sunt Christiani, me celitus puniri ob pœnas ipsis irrogatas; at nè dubitent, ubi convalesco, acrius eos quàm antehac excruciaabo. Ximabaram ad Aram suam delatus, admotis morbo remedijs ita ille è contrâ ingravescere cœpit, ut videretur sibi penitus conflagrare. Exaudiebantur interim in Arce ululatus, ac clamores formidabiles, ingentium saxorum collisiones, nec quo hæc autore fierent cernebatur: tantusque eum & famulos pavor invasit, ut quò se horribilibus spectris liberaret, statuerit ad balnea montis Ungen, quibus crudelissimè Christianos excruciaverat, se deferri. Est illic aqua ita plerumq; fervens, ut temperari ad salubria balnea debeat multâ frigidâ: verùm ita tunc tepidam illam invenit, ut ipse simul atque advenit insilierit in thermas. Sed vix se immerferat, cum ita horribiliter aqua efferbuit, ut toto corpore amburi se clamans, foras extrahi se præceperit. Tandem paulò pòst tumultibus & ululatibus horrificis ibidem, cum intolerabili omnium consternatione, infestatus, miserabili exitu sceleratam animam efflavit.

## P. ANTONIUS SOCIRO.

**T**riginta jam annis nullo irrigata sanguine India, fructus tamen dabat uberrimos, quales tot Marti-  
tyrum effusus antehac sanguis non vanè pollicebatur. Hoc demum anno 1637. glorioso rursus purpurata est cruore P. Antonij Sociro. Hic natus in Lusitanæ oppido Borba, anno 25. ætatis Societati se adjunxit: quòq; erat mortalium juven-  
dorum studio; nondum Tyrocinio perfunctus, A. 1602. P. Albertum Laërtium in Indias se-  
cutus est: & quò maturius se illi operæ, quam

potissimùm expetebat, impenderet, auditâ Morali Theologiâ in Ceilanum Insulam se transtulit. Cùmq; in adducendis ad Fidem ejus Insulæ populis supra 40. annos laboriosissimè impendisset, magnam ejus partem in summa operarum paucitate, suâ unius curâ complexus, visitans solânsq; Neophytos, Sacramenta dispertiebat; & quia sparsim longo intervallo degebant, incommoda magna suscipiens, quippe cum pedes unâ die non rarò vicena, tricenâque passuum millia conficeret, incredibile est, quantâ apud omnes San-  
ctitatis





P. Antonius Socira Lusitanus Soc. IESV pro Fide Christi ab Idololatriis Indis  
occisus in Ceilano. A. 1637. ætatis 61.

C. S. d.

M. K. f.

Citatis existimatione floreret, Et sanè sustentabant præclarè eam opinionem ejus excelsæ virtutes; nam & horas diei complures præeando agitabat, & Religiosas paupertatis & mortificationis artes tantopere studio habebat, ut jungens utrâque, neque præter modicum oryzae coctæ quidquam vesceretur, neque aliter ipsam, quàm ficulneâ fronde exciperet, nè qua in discum, quantulacumque demum illa, impensa fieret. Nunquam Lusitanus exercitus in hostem, nisi P. Antonio comitatus, movere signa; cujus unius gratiâ sibi DEUM largiri victorias asserebant. Et revocavit ille Mosaicum illud prodigium, aliquando, cum per ardua & siticulosa mon-

tium gradiens exercitus aquæ penuriâ vehementer afflictus est. Pater enim DEUM precatus, rupem eduram scipione pulsavit, & confestim aqua tam abunde scaturivit, ut reficiendo exercitui satis esset. Signis subinde cum hoste collatis cæsi Lusitani sunt, & captus Pater. Sed cum suos Dux hostium acriter increpuisset, quòd incolumem servâssent, neque in vestigio animâ exuissent eum, qui suorum esset idolòrum osor, insectatòrque multò infestissimus; illi convitio incitati, hastas ejus pectori admovère, & continuò prolapsum in genua, confossum penitus vitâ spoliavère A. 1637. ætatis 61.

Societatis 36.

Ddd 1

P. MAR-





P. Marcellus Franciscus Mastrillus e Marchionibus Italiae Soc. IESV. post crudelissima infusionis aquae, et quatríduana in scrobe e pedibus suspensionis supplicia, capite demum tertio ictu truncatus, in Iaponia Nangasacki. A. 1637. 17 Octob.

C.S.d.

M.K.f

## P. MARCELLUS FRANCISCUS MASTRILLUS.



Xtremi Naturæ nifus dum ultimas vires exerunt, semper infuetos, & ipsâ naturâ majores effectus exhibere videntur. Idem accedit in ordine Gratiæ. Omnibus in Japonia Operarijs Evangelij per acerbissima supplicia extinctis, & uno eorum, qui Caput omnium fuerat, Christophoro Ferreirâ, per tormentorum intolerantiam in Idololatricam apostasiam lapso, supremum in P. Mastrillo illi Ecclesiæ Cælum parabat subsidium; itaque totum illius vitæ cursum, merum esse voluit miraculum, merum prodigium. Natus in Italia A. 1603. Patre Hieronymo Mastrillo Marchione, & matre Beatri-

ce Caracciolâ e prima Regni Neapolitani Nobilitate, nunquam aliò, quàm Cælum versus oculos intentos habere infans voluit. Beneficio Dèiparæ in lucem editus, primamquam loquax edidit vocē, in Mariæ appellationem resolvit, cujus deinde Officium cum fratribus puer recitans, nunquā sinè lachrymis absolvere potuit. Ejus invocatione à ferociente tauro puer in cornua sublatus, cum omnes agitatione enectum crederent, indemnus à bestia depositus est. Et cum jam tum in miseros vivos, & vitâ sanctos tenerrimæ esset misericordiæ, semel quidem in forma pauperis Angelo eleemosynam elargitus est; in subsidium autem animæ necati sui in rixa famuli



famuli procurato Missæ Sacrificio ministrans, vidit illud ipsi in flammis infernalibus ardenti, nihil profuturum. Ab ipso rationis usu vitam cœpit ducere etiam Viro austerram, noctibus totis per hyemem nudâ humo cubando, cilicijs, jejunijs, flagris durè corpus accipiendo: quibus promeritus est 14. ætatis anno, ab Angelo specie elegantissimi Juvenis comparente moneri, ut sæculo relicto Societatem Jesu amplecteretur. In qua expetenda cùm Parentis artibus, à Religione filium remorantis, sensim intepuisset, eadem Numinis violentiâ, quâ ejus Fundator, ad eam inductus est, altero illi crure confraçto. Cujus ictu sapiens ut primùm consenuit, fugâ se paterna è domo, rectâ ad Tyrocinium Neapolim proripuit; quatuor tenebriones, quasi malè sibi ab eo quondam futurum metuentes, atro ac squalido vultu obvios habens; qui ubi frustra terroribus ac minis à proposito juvenem avertere conati sunt, momento ab oculis evanuerunt, & atra nubium tempestas ab ijs conscita, subito in serenum transijt.

Igitur A. 1618. ætatis 15. Tyrocinium auspicatus, in primis statim Exercitijs cœlestibus visis à DEO recreari cœpit, quibus in omnia asperrima ejus gratiâ subeunda firmatus, continuò missionem Japonicam apud Præpositum Generalem urgere cœpit, neq; ab eo tempore deinceps, dum obtinisset, flagitare destitit. Et revera ab ipso Matris utero in eam Missionem à DEO segregatus videtur. Vix enim infantiam egressus, cùm juberetur à Pædagogo preces quotidie cum fratribus in commune recitare, lachrymis plerumque infusus eas perturbabat: quarum causas interrogatus, ingenuè edixit, videri sibi inter orandum circumgredientes se Ethnicos, qui sibi vitam ereptum eant: neq; præ animi gaudio posse idcirco lachrymis temperare. Quas cogitationes in Tyrocinio Societatis continuans, credebatur passim prænotionem secuturæ suæ felicitatis divinitus habere. Nam ingrediens aliquando per Neapolim, cùm fortuito in artificem incurrisset, qui aciem gladio inducebat, *ejusmodi*, ait ad comitem, *futurus est gladius, qui mihi caput ob Christi Fidem apud barbaros amputabit.* Cui sustinendo ut in tempore sese aptaret, jam tum flagellare se quotidie, crucem ferreis asperatam cuspidibus ad pectus gestare: & nè unquam Martyrij à DEO inter preces postulandi memoria excideret, eas dicere in Rosario conferto globulis è palo tornatis, ad quem Martyrum unus in Japonia alligatus

pro Christo conflagravit. Missus experimenti causâ, pro Societatis more, cum duobus Tyrocinij socijs mendicatò peregrinatum ad Montem Virginis, cùm amissâ in sylvis viâ, nocturnis tenebris obrueretur, repentè Juvenis formæ liberalis comparuit, qui demonstratâ semitâ, & fructuum quorundam esu supra omnem cibi mortalis virtutem confortatis, momento evanuit. Omnibus deinde annis, quibus in Europa, inter præclara omnigenarum virtutum Socijs præbita specimina, vixit, instantissimè votum suum, Japoniam petendi, apud Præpositum Generalem urisit, & supra mille epistolarum in eâ causa conscripsit; itâ ejus desiderijs absorptus, ut nullo die domi, in Scholis, in Convictorum Nobilium, quos regebat, contubernio, coram socijs, discipulis, hac de materia mentionem in colloquijs omisisse sit notatus. Quibus tot tantisque arduarum Missionum studijs, obtinuit ille quidem, ut decreta illi fuerit semel Angliâ, semel India, tum & Japonia, quam unâ cum P. Sebastiano Vieira illuc revertente erat petiturus. Verùm cùm importunâ Necessariorum intercessione semper ea consilia discuterentur, egit ille rem suam tantò instantius apud DEUM. Quod dum aliquando Missæ Sacrificio inserviens, per merita S. Eustachij, cum lacrymis ardentissimè facit, vidit ab imagine ejus Sancti fulgentissimum in se radium lucis derivari; sensitq; ab eo disertè se commoveri, optatâ gratiâ certò potiturum.

Inter hæc Marchione Patre demortuo, & Philiberto Fratre in Marchionatu successore plures annos in conjugio sterili, Amici propagationi Familiæ metuentes, Marcello semel iterumque negotium facebant, exitum è Religione suadentes: ille quo semel ijs omnem avocandi sui cogitationem detraheret, coram P. Provinciali repentè prolapsus in genua, voto sanxit, nullo se unquam quoquo suæ Familiæ eventu, Societate abiturum. Et, ut pateat, quàm diversa sint hominum in vita, & post fata sensa & judicia, ipse ille Philibertus paulò post vitâ functus, non semel candido vestitu Marcello adstare visus, illum amabili gestu ad iter, Japonicum scilicet, invitabat. Jamque annus 1633. in exitu erat, cùm iter illud adeò Marcello obseptum, inauditum prodigium aperuit. Ornaverat ille in ipsa Neapolis Regia solennitati Deiparæ sinè macula Conceptæ, splendore prorsus Regio à Pro-Rege institutæ, unam ex Aris quatuor; cujus solennijs, & supplicatione exquisitissimo cultu & magnificentiâ peractâ (cu-



jus tamen nè quidquam aspiceret Marcellus, severissimâ oculorum custodiâ caverat) aulæ de scalis refigentem artificem nescio quid monebat; & ecce malleus ex manibus fabro elapsus, ita Marcellum in dextri temporis musculo percussit, ut penè exanimem in loco relinqueret. Continuo domum devehitur; vulnus in extimo satis exiguum, at quantum esset intestinum malum, indicio fuere aliquot post diebus secuta febris, oculorum torpor, capitis acerbæ punctiones, mentis aberrationes, rigor & stupor corporis tam pertinax, ut nullis fomentis, ac nè igne quidem admoto depelli potuerit. Die autem 21. ab ictu, jam nec vesci posse, imò nè os quidem ad excipiendum cibum recludere, quod ei vi maximâ Chyrurgus geminis inter se obversis cochlearibus vix sensim aperuit, ut vel perpaucas liquidi stillas infunderet. Sed cum nè id quidem efficere ullo conatu posset, Medici pleno Collegio convocati, apertè profiteri (quod & jurejurando postea testati sunt) Marcellum humanâ arte sanari non posse, sed mortem illi in horas opperiendam. Per ipsos hujusce morbi dies sæpius se illi visendum objecit Viralbâ veste, & Sacrà Cruce in pectore insignitus (quem postliminio S. Xaverium fuisse intellexit) jam noctu, jam interdiu, sæpe vescenti, oranti, agenti etiam cum alijs, modò assidere lecto, modò vicino in abaco, solari, bono animo esse jubere, ac semper animum Cœlesti quadam jucunditate complere. Semel iterumque sciscitatus ex Marcello est: *mori mallet, an vivere? cuperetne mortualem cereum an scipionem* (utrumque enim manibus sustinens offerebat) *viatorium?* cui pari semper integritate cum reponeret æger, utrumque sibi æquè cordi esse, si DEO collibitum foret: tandem vicissim alio die ex Sancto sciscitatus est: *utra sibi tandem in Cælo, mortisne? an itineris decreta esset conditio?* negavit Sanctus adhuc sibi fas esse ea arcana retegere. Spondit nihilominus consulturum se Numen. Paucis diebus idem revenit ad ægrum, sed pluribus alijs stipatus: quos ægro interrogante: *quinâ essent? num forte Martyres Japonij?* nil aliud respondit Sanctus, quàm *amicos ipsius esse, qui impensè illum DEO commendarent.* Iisdem cereos ardentes manu gestantibus comitatus postremum hæc formâ illi adfuit, triduo antequam prodigiosè curatus est: percontantique: *num forte anima de Purgatorio essent, auxilium postulatura?* Sanctus idem quod antè respondit. Cæterum etiam animabus in lustratorio igne gravem ipsius esse morbum, quod ejus interim ope ac

*suffragijs destituerentur.* Ergo, subinfert æger, *aquum est aliena adjuvândis illis sacra, ac precatîones à me procurari.* Probavit ille, collaudavitq; consilium, atq; disparuit. Visus etiam aliàs ipse est Vir ornatu cum viridi Cruce militiæ Alcantarensis, qui se ipsi magno futurum aliquando auxilio spondit. Et æger exijs, quæ postea in Insulis Philippinis sibi ab earum Pro-Rege, hujus militiæ Heroë contingere, didicit fuisse aut ejus loco sponsores Genium Tutelarem, aut Ordinis Patronum.

His alijsq; Cœli favoribus ita replebatur Marcellus, ut deinde sibi restitutus scriberet ad amicum Sacerdotem; *fuere mihi dies illi perennis paradysus, visitationes continua, nuncia felicissima, vicissitudines admiranda, consolationes Cœlestes, spes Divina. Multa percepi, multa mihi adhuc obscura sunt.* Et jam cuncta spectabant occubitum, cum S. Xaverius monuit Matronam Nobilem sibi devotissimam, Marcellum eo morbo non excessurum, sed magnis adhuc gerendis eum servari: jussitque hæc ipsa Confessario mox referri, ut fides postea, re peractâ esset vaticinio. Marcellus interim, ut pietati duntaxat suæ obsequeretur (nam vitæ spes nulla vel cupido erat super) coram Præposito Provinciæ votum Indicæ profectionis 2. Januarij nuncupavit. Sacro deinde oleo extremum unctus, quia ob pertinacem faucium comprehensionem Divino Viatico muniri non poterat, S. Xaverium interventorem adhibere constituit. Effigiem itaque ejus aliquam lateri cubilis affigi petijt, quæ continuè vicino è cubiculo, peregrinantis habitu Divum referens, admota est. Illi supplicabat æger assidue, admotis identidem gutturi sacris ejusdem reliquijs, nè se pateretur obire Divinissimæ Eucharistiæ expertem. Manè velut exorati beneficii certus, sacram poposcit Hostiam, eamque, facto prius in altera non consecrata periculo, facilis ac lætus transmisit. Quin eâ ipsâ nocte duobus Patribus affirmavit, se Sacrum postero die facturum. *Fortasse in Paradiso*, illis reponentibus, quia mente alienâ eum loqui credebant: *id verò nescio*, subjecit ille, *nam facturum me Sacrum dixit, at ubi, non dixit, insinuans, id à S. Xaverio sibi datum, in promissis.* Et certè eadem nocte cum P. Vincentio Caraffa Rectore Collegij, qui postea toti præfuit Societati, multis de suo in Indiam itinere, tanquam illius certus, tractavit. Die Januarij tertio inter vitæ mortisque confinia traducto, instabat jam hora ab solis occasu quarta, & vix horæ quadrantem vitæ reliquum esse omnes rebantur, erantque jam



jam funeri curando parata omnia. Socij pars orando, pars pias aspirationes suggerendo, agonizanti opitulari. Affidebat illi dextrâ propter lectum P. Julius Recupitus; ad quem exili voce, *videri se in quadam quasi valle consistere*, inquit Marcellus, & *tennem è longinquo lucem radiare*. Mox: *videre se globum è Cælo promicantem*, & *in illo clarissimâ luce coruscantem* S. Xaverium, specie usq; eo blandâ & amabili, ut momento merorem sibi omnem absterferit; eamque animo suavitate, quod postea testatus est, in perpetuum infuderit, ut etiam deinde cum maximè vellet aliquem mœstitiæ sensum consciscere, non posset. Tum verò nomine suo cieri se, *Marcelle, Marcelle*, audiens; mirabundus, *Hei mihi, minùs clarè audio*, inquit: & manu silentium Socijs adgeniculantibus faciens, oculis, auribus, totòque animo tantisper arrectus repetitâ vocatione, *hinc hinc vocor*, ait: momentòque qui se nullam in partem movere nunc poterat, in alteram lecti partem, ubi parieti affixa icon pendebat, se convertit. Socijs rei novitate attonitis, cum identidem mussitantem, & veluti cuiuspiam loquenti, quem tamen nemo percipiebat, respondentem audirent, P. Marius Fontanarofa ægrientium curæ tum præfectus, & Apostolicus postmodum inter barbaros operarius, ut Marcellus quid ageret, quidque loqueretur perciperet, inter lectum parietemque se injecit. Idem præstare volens Frater agrorum curator, per stantem ibi S. Xaverium, invisâ quâdam vi prohibitus, penetrare permissus non est; prærogativam hanc (ut conjici potest) soli illi indulgente Indiarum Apostolo, qui ad Indorum salutem tantis impensis à se quæsitam, anhelaret. Marcellus igitur, ut se ad Divi imaginem convertit, à Socijs, & rebus creatis omnibus per extasim raptus, eundem propter lectum ad stare in sua virili statura, cultu imagini ipsi persimilem videt, corusco vultu, & longè supra humanum serenior. Ad quem Xaverius hilari ore: *Et quid agitur Marcelle?* inquit, *morine mavis, an Indiam petere?* ille id sibi unum cordi maximè esse respondet, quod DEI placito congruat maximè. *Tenésne memoriâ, heri te*, inquit, *coram Provinciali vovisse professionem Indicam, si vita suppeteret?* Teneo, inquit Marcellus. *Eja age igitur*, ait Xaverius, *in concepta à me verba te devove*; prævitq; statim verba; quæ cum à Marcello repeterentur, exaudita sunt; quin adeò cum aliqua bis tæruè minùs clarè excepisset, subridens Sanctus eadem iteravit. Verba autem quæ prævit hæc sunt, ex formula votorum nostrorum.

*Omnipotens sempiterne DEVS, Ego Marcellus Mastrillus, licet undecunque Divino tuo conspectu indignissimus, fretus tamen pietate, ac misericordiâ tuâ infinitâ, & impulsus tibi serviendi desiderio, voveo coram Sacratissima Virgine Maria, & te Sancto Patre Francisco Xaverio, & Curia Cælesti universa, Divina Majestati tuâ, paupertatem, castitatem, & obedientiam perpetuam in Societate JESV; & præcipuè Apostolicam missionem Indicam, quam heri pariter vovi coram meo P. Provinciali: & promitto eandem Societatem me ingressurum, ut vitam in ea perpetuò degam; omnia intelligendo juxta ipsius Societatis constitutiones, & decreta Sancti Patris Francisci Xaverij de Indica expeditione edita. A Tua ergo immensa bonitate & clementia, per Jesu Christi sanguinem, & merita Sancti Patris Francisci Xaverij, peto suppliciter, ut hoc holocaustum, & votum à me indignissimo nuncupatum, in odorem suavitatis admittere digneris, & ut largitus es ad hoc desiderandum, offerendum, & vovendum; sic etiam ad explendum, & sanguinem pro tuo amore fundendum, gratiam uberem largiaris. His absolutis S. Pater redditam ei dixit incolumitatem: quòq; de accepta vita gratias ageret, jussit eum Christi Crucifixi, quem præ manibus habebat, vulnera deosculari. Eo suavissimè præstito: *suntne tibi*, inquit Sanctus, *reliquiæ meæ?* annuente Marcello, & eas de pulvino, sub quo jacebant, promente: *habe eas animo tuo caras*, inquit, *Namque & S. Crucis reliquiæ?* fatenti rursus: *age*, inquit, *eas admove parti agrotæ*: admovit confestim ille temporis faucio. Sed abnuens capite sanctus, & rejecto è sua dextera in lævam baculo viatorio, atque extremo ægrientis occipiti admotâ manu, ibi vim morbi delitescere, & lipfanothecam applicandam, admonuit. Paruit æger, statimq; Xaverius: *sequere dicentem*, ait, atque ita subjunxit: *Ave lignum Crucis, Ave Crux pretiosissima, me totum tibi dedico in perpetuum; & oro suppliciter, ut gratiam fundendi pro te sanguinem, quam Indiarum Apostolus Franciscus Xaverius post tot exantlatos labores consequi non meruit, mihi licet indignissimo largiaris. Et paulò post: Abrenuntio parentibus, propria domui, amicis, Italia, & omnibus, quæ mihi retardare possent Indicam Missionem; & me totum in animarum salutem apud Indos dico, coram S. Patre Francisco Xaverio, meo, meo Patre; quæ duo verba extrema de suo Marcellus adjecit: iisq; blandè sanctus arrisit, & placidè subdidit: bono, ac læto, imposterum animo esto, atq; hos actus quotidie repete: simulque ex oculis evanuit; evanescente pariter & morbo, & vitâ, jam penè dimissâ, momento revocatâ. Absoluto quippe**



quippe colloquio sanus, integer, omni ex parte incolumitati restitutus apparuit, sine febre, sine paralyfi, sine defluxionibus, sine vulnere; sine languore, imbecillitate, pallore, macie, fospes, firmus, validus. Tum exportatâ fronte ad valetudinarij Præfectum; *mi Pater*, inquit, *esurio: præbe quippiam quod edam*. Dum cibus adfertur, jubet adstantes primum solennem S. Francisci Xaverij precatiunculam clarè pronuntiare; voluitque ter illum versiculum repeti: *ora pro nobis S. Franciscè Xaveri*, & ipse subiecit: *ut dignus efficiar promissionibus tuis*. Id postquam factum est, & allatus cibus, trepidare adstantes principio; & quò faciliùs dmitteret, minutim concidere. At ille erecto vultu ridere illorum formidinem, læto citra fulcrum rectus insidere, atq; ultrò periculum in solidiore cibo facere: deniq; S. Francisci Xaverij ope valentem se omnino ac firmum prædicare; tantisque se viribus jam tum pollere, ut consurgere possit è strato, & postridie, cum primum per tempus licuerit, Sacrà Hostiâ litare. Igitur ij, qui præsentés aderant, jam certi valetudinis confirmatæ, inclamare portentum, prodigium, miraculum! Confluxère omnes continuò, & celerrimè fama toto Collegio percrebuit, restitutam Marcello vitam, eò magis æstimandam, quò minùs à morte abfuerat. Itaq; coram S. Francisci Sospitatoris imagine in abaco collocata, *Te DEum laudamus*, provoluti in genua recitavère.

Interea Marcellus ubi accisas quatuor ferè dierum inedia vires cibo ac potione refecit, surgit è strato, vestes induit, & aliquantisper ingressus, ad Sancti tabulam venerabundus advolvitur, gratias suo vindici reddit, fascias & emplastra deponit; arbitrisque dimissis, totam rei gestæ seriem P. Reçtori denarrat, eamq; suâ ipse manu sat fusè describit. Postero die, atq; ejus anni 1634. die 4. in Templo ad Aram S. Francisci Xaverij religiosè celebravit, plurimis undequaq; ad celeberrimi prodigij famam excitis. Deniq; ex eo die communia Sociorum munia etiam continuò Marcellus obire, domo prodire, & perpetuis sese laboribus jam valens ac robustus atterere: ac paulò post Matri graviter ægrotanti totos octo dies, veste nunquam depositâ, diurnus ac nocturnus assedit, donec eam placidâ morte composuit, expeditior ad Indos evolaturus. Atq; hic vide mihi incredibilem in S. Xaverio erga Japoniam, & Religionem suam zelum. Nam cum hoc ipso 1633. anno, Octobri mense, Caput ibi Sociorum, Christophorus Ferreira, turpi à Fide de-

fectione triumphū corrupisset, Xaverius eisdem Japoniæ ante lapsum trimestre, Athletam alium in Europa tantis prodigijs succenturiavit: eumq; per omnes Provincias, ad quas infamiæ rumor devenerat, velut clarissimum pugilem circumduxit, ut in ipsius perfugæ obtutu, idem quod ipse exhorruerat, fossæ tormentum fortiter perferendo, Japoniæ simul, & toti Orbi palàm faceret, uno degenerare ramo avulso, nunquam aureum alterum defuturum. Marcellus in grati animi erga Divum significationem, ex ipso curationis suæ die nomen Francisci assumpsit, neque aliâ deinceps, quàm *Sancti sui* appellatione eum nuncupavit: neq; aliquid, quod ejus interposito nomine à se flagitaretur, dum tamen à se præstari posset, refragaturum voto sanxit. Litanias de eodem altissimis encomijs à se confectas dixit quotidie: singulisq; diei & noctis horis, quæ somno solvebatur, Angelum suum Custodem ad Divum ablegabat (quod etiam alijs faciendi magnopere auctor erat) salutationis ac venerationis officio vicem suam obiturum. Sed & S. Apostolus vicissim tantis eum gaudijs perfundebat, ut ipsemet fateretur, se quasi continuè Cælestibus visis perfrui. Illud præterea lumen animo ejus indidit, ut nullo manifestante continuè sentiret & discerneret, sicubi reliquiæ sui Sancti præsentés adforent, ad quarum conspectum totus accendi, lachrymis ubertim perfundi, & animo quasi abripi solebat.

Priusquam in Indiam solveret, Nolam excurrit, suorum domesticorum res quasdam supremum compositurus. Ibi inopinatò accitus in Templum, ut ab energumena malum genium depelleret, cum consuetis Ecclesiæ exorcismis nihil proficeret, clam illi Sacrum Xaverij Lipsanum admovit. Tum ille cum fremitu subito excedens, *equidem abeo nunc ego hinc*, inquit, *neque tibi possum, ut pervellem noxa esse, at paulo post Indico in itinere te operiar, ibi manus conferturi*. Quia verò omnium maximè Marcellus rescire cupiebat, utrumne transmissio mari Martyrij compos futurus esset; id ei Sanctus oranti adpromisit se manifestaturum, priusquam Neapoli digrederetur. Vocatur post hæc repentè in Templum ab ignota sibi Matrona nominatim ad suam confessionem excipiendam, quæ sui accusationem indè exorsa, quod Sancti Xaverij imperiū hætenus ad ipsum exequi neglexisset: nunc autem novis ejus imperijs (qui in Templo nostro Sacerdotali ornatu comparens, Sacrum sibi Epulum porrexe rat) adaptam eidem nunciare, sanguinem in India



India pro Fide Christi profuturum. Et nè si-  
dem sibi derogare possit, testem se suum cita-  
re Confessarium, cui pridem antè Divi ejus-  
dem nomine, restituendam prodigiosè Mar-  
cello sanitatem, iter in Indiam, & alia post se-  
cutura, prædixerit. Ergo plenus optatissi-  
mo nuncio Neapoli digreditur 28. Aprilis, A.  
1634. salutatisque Romæ Martyrum sepul-  
chris, & Vicarij Christi benedictione dona-  
tus, per Umbriam deinceps & Picenum, in-  
dèque Florentiam, Mediolanum, & Genuam  
progreditur, ingentibus ubiq; honoribus, ob  
tam omnibus certum Martyrij præfagium  
exceptus. Passim enim illi, quæ potuere, sub-  
lata sunt à viris devotis, qui sanctitatis ejus  
opinione, certaque Martyrij expectatione e-  
rant imbuti; sic, ut sola in Urbe Parmensi  
duodecim minimùm suppositæ illi fuerint  
calantica, subductis in reliquias ijs, quas ali-  
quantisper habuerat in usu. Quantis verò  
ipse tunc ardoribus viam legeret, eà, quam  
ad P. Gabrielem Mastrillum Parmâ dedit, epi-  
stolâ luculenter ita expressit: *Vado plenus dul-*  
*cedinis & consolationum spiritualium, vacuus om-*  
*nibus cogitationibus & curis terrenis; DEUM*  
*meum quarens, & illi soli serviens, tantò Paradi-*  
*so vicinior, quanto me longius abire Neapoli vi-*  
*deo; & si consolatiores eadem proportionem incre-*  
*mentum ceperint, cogar in agros excurrere, &*  
*Divini amoris admiranda proclamare. Hæc te-*  
*cum Pater non ad ostentationem. Absit, sed ut*  
*innotescant tibi Divina misericordia, & laudes*  
*auctorem Sanctissimum, qui verè infirmum ele-*  
*git, ut fortia confundat apud Indos. Infirmissi-*  
*mus ego: omnia tamen potero in Sancto meo Pere-*  
*grino. Ut clariùs loquar, quæ me confortat, cu-*  
*jus in me, & in Socios meos singularis protectio,*  
*mirum est quantum in dies, & in momenta sin-*  
*gula augeatur. Genuæ mari conscenso, feli-*  
*citer Barcinonem, ac deinde Mantuam Car-*  
*petanorum, Regum Hispaniæ sedem attingit.*  
*Ubi quibus honoribus exceptus sit, ita in E-*  
*pistola 12. Decembris indè scripta Ulyssipo-*  
*nem, enarrat. Ego jam vivere non possum am-*  
*plius, quia nullum mihi respirandi tempus conce-*  
*ditur. Majestati sue Regia placuit audire mira-*  
*culum. Audientiam mihi secretam fecit ita fa-*  
*vorabilem, ut Curiam universam in admiratio-*  
*nem rapuerit; tot interrogationibus, tanto sensu,*  
*ut propemodum lacrymaretur, adeo jam teneris*  
*ut mollioribus oculis erat. De Regina nil dicam, cui*  
*usq; adhuc hinc me affari placuit, & prolixè qui-*  
*dem differendo, præter miraculum, de tot India*  
*rebus particulatim, deq; varijs & crudelibus tor-*  
*mentis Japoniæ, ut in vultu atq; oculis satis inter-*  
*num animi affectum monstraret. In summa, ego*

*meam S. Francisci are pictam icunculam amisi.*  
*& magna contentioni quâ eam flagitavit, cum*  
*eam me penes esse crederet, ejusq; statim habenda*  
*cupiditati, quam præferebat priusquam expin-*  
*geretur, non potui ullo pacto resistere. Imò am-*  
*plius ut vidit quatuor me in sinu gerere ejusdem*  
*sancti imagines è charta, omnes cupivit, & acce-*  
*ptas manu singulas, hanc Regi confestim, inquit,*  
*datura sum, dein conversa ad Comitissam Oliva-*  
*riam ibi præsentem, harum trium una tibi cedat,*  
*ait, altera Principello, postremam nascituro ad-*  
*verte, ut diligenter asserues. Voluit deinde, ut*  
*Principellum viserem, tot benevolentia & confi-*  
*dentia indicij, ut incredibile sit. Accepit extra-*  
*ordinariâ voluptate icunculam, dicens eam se*  
*velle semper gestare pro pectore, continuòq; se cu-*  
*raturam expingi pro me alteram. Jamq; omnes*  
*Matrone & domicelle hujus Curia suas singula*  
*icunculas requirunt: ut in omnium adeo pecto-*  
*ribus S. Franciscus meus futurus sit Comes Dux*  
*prolixè mecum collocutus ipso Sancti die, qualis*  
*remanserit, indè colligite, quod in Regina præsen-*  
*tia mihi dixerit Comitissa Conjux ipsius: Comes*  
*amore captus est S. Francisci Xaverij, & tua Pa-*  
*ternitatis. Et sic etiam magnam imaginem per-*  
*didi. Enimvero dignus non eram, qui similes pe-*  
*nes me thesauros haberem. Protonotarius, hoc est,*  
*Caput omnium Secretariorum, præcipuâ nobili-*  
*tate, quæ moderatur omnia, eo quod gratiâ præ-*  
*omnibus apud Comitem Ducem valeat, eam co-*  
*ram eodem Comite miraculum audiret, nonnullâ*  
*in me voluntatis inclinatione propendere cepit.*  
*Post hoc permisit Sanctus, ut decem ab suo festo*  
*diebus periculosissima tentaretur affectione. ac-*  
*cessiri me jussit continuò, commendavit se Sancto,*  
*& die tertiâ febri exstitit vacuus, & jam lecto li-*  
*ber est. In digressu Rex pijsimus, Marcel-*  
*lum Reverentia titulo, exemplo nunquam*  
*antea usitato, dignatus est, longiusculum*  
*eum eo sermonem ita concludens: Videat Re-*  
*verentia Vestra num quid à me velit, per libenter*  
*enim quidlibet præstabo. Commendet nos DEO,*  
*nostramq; Domum, populos, & Regna nostra. Cu-*  
*jus insolentis ei exhibitæ dignationis ratio-*  
*nem postea Magnatibus attonitis reddens:*  
*Vidi in Patre, inquit, nescio quem sanctimonie*  
*fulgorem, qui me ad ipsius reverentiam adiecit.*  
*Quadraginta deinde Socios ex Hispania le-*  
*gendi copiam Patri fecit, qui Regijs impen-*  
*sis veherentur, ad fundandum Nangasachi in*  
*Japonia Collegium. Et Regina pretiosissi-*  
*mam vestem, & alia complura addidit, ad*  
*exornandum Goe S. Xaverij monumentum.*

Lapsus inter hæc illi est totus annus  
1635. agente potissimùm Comite Duce Oliva-  
rio, qui eum ad exigendos è Brasilia Bata-



vos habere in comitatu, tanquam certum victoriae obsidem cupiebat: verum ille discussis remoris, Olyssiponem tandem appulit 30. Martij, A. 1636. ubi eum feliciter Regios Ministros munificentiam Regiam praetextu inopiae ararii arctissime adstringentes, inflexisset, una illa cura fatigabatur, quod duplici effigie sui sancti Reginae in Hispanijs donata, nullam in Indias secum devehendam haberet super. In re desperata extremum tentaturus, tota una nocte cum quodam ex Novitijs in arte pictoria Tyrone se includit, ubi alter expingendo, alter verbis Xaverij vultum, lineamenta, colores, majestatem e memoria describendo, tam feliciter laboravit, ut imago extiterit qua nulla Sancto unquam similior. Haec unicum Marcello deinceps delictum, haec thesaurus fuit, quam a se divelli, nisi morte, passus non est. Die 7. April. eadem scilicet, qua Xaverius olim inde solverat ad Indos, Praetoria ingressus est A. 1636. cum novem Socijs, nam reliqui 23. in alias naves dispersi sunt. Patronus navigationis a tota classe proclamatus S. Xaverius, cujus prodigiosa iconi in puppi, praeter unam honori DEI parae, altera extructa Ara est. Explicatis in cursum velis, Marcellus & socij ante Altare Divi in genua provoluti, vota instaurare, eam formulam, quam Neapoli Xaverius illi praeiverat. Ex hinc eam religiositate tota illa navigatio peracta est, ut navis in Religiosam Domum conversa videri posset. Instituta Sodalitas sub Rectore, qui una proficisceretur, Indiarum Pro-Rege, conventusque ter per hebdomadam coactus. Supplicationes hebdomatim ductae, quotidie Christiana doctrina tradita, & sub vesperam publice ab omnibus dictae Litaniae. Adhaec menstruae communioniones publice ab omnibus obitae, & ea occasione pleraque generales ex tota vita, aut ab annis plurimis confessiones repetitae; ad quas plurimum permovebat Marcellus, quovis vespere tintinnabulo per navigium obiens, & suffragia pro defunctis, atque in peccato lethali constitutis, enarrata simul terrificam aliquam in exemplum historiam, exorans. Quoties porro ingruente tempestate, malacia, periculis, aut in scopulos aberrationibus periclitabatur navis, epistolarum Xaverianarum liber pro acu erat magnetica. Cujus invocato patrocinio fortuito reclusus liber, semper eam faciem, quae prima legenti occurrebat, locum quo venturi essent, & felicem de periculis emersionem docebat. Quod si gravius ingrueret discrimen. novendialem indicabat Marcellus toti navigio in honorem San-

cti devotionem, multiplicabat sese flagellantium supplicationes, in quibus praebat ipse nudis pedibus, caput cinere conspersus, & fune in collum injecto Crucem praeferebat, tamque vehementi eo temporis dictione utebatur, ut saepius eam interrompere, quod lachrymanti populo spatium daretur, necessum fuerit. Cum vero aliquando totos 13. dies insolita eos moraretur malacia, nec ullis posset supplicationibus & publicis corporum, diverberationibus aura faventior exorari, suspicatus Marcellus eam calamitatem operam Daemonis, qui Nolae hoc sibi minatus erat, concitavit, sumptam stolam ex Libro Sacrorum carminum daemone increpare, atque ut abscedat, navimque missam faciat, adjurare cepit. Ad insolitum exorcismum cum incredibilis omnes pavor incessisset, operarius nauticus, qui haec ex aliquo carchesij rudente audiebat, tanta repente suorum criminum poenitudine percussus est, ut velut impotens animi per confertam multitudinem ad pedes Patris acciderit, confessionis copiam, quam toto jam quinquennio omiserat, cum lachrymis postulans. Atque ex ea statim hora frendens tot animarum lucris daemone, aperte se omnium haecenus incommodorum auctorem prodere cepit. Nam cum Laurentius Sosa pius adolescens, scelerosum quendam ex nautis Marcello prodere (quod ipse omni concione flagitabat) ut emendaretur, statuisset, de media nocte atrociter illum daemone, velut omnia ejus ossa comminaturus opprimere cepit, insuper graviora minatus, si hominem illum detexisset. Verum accurrens Marcellus ubi sacra Xaverij lipsana admovebat, momento malum omne, fugiente per fenestram, specie atrae umbrae, daemone abstergit; simulque facinorosum illum patefactum ad exomologesim, & Sacram Synaxim adduxit. Postridie cum pro more navis populus omnis in se flagris defleviret, miris strepitibus conatus daemone pietatem frustra inturbare, tandem Laurentium illum Sosa solo afflictum praefocare conatus, velut exanimatum reliquit. Eum Pater per eandem Sancti reliquias sibi restituit, daemoneque immanis instar umbrae in mare abegit, tam gravi post se odore relicto, ut nihil unquam tetrius expertum se adolescens assereret.

In rabiem ergo his actus est Marcelli hostis, studuitque pluries vitam ei, sibi adeo perniciosam, abrumpere. Nam cubantem super lectulo quatuor de funibus contortis, & cuius ferendo ponderi paribus suspensus, primam statim nocte omnibus relictis, vehementer adeo



adeò solo allisit, ut crure violato, atq; in noxium tumorem inflato, misso sæpius sanguine curari debuerit. Quibus diebus autem Confessio & Communio generalis habenda fuit, quatuor dierum continuam primùm febri, aliàs sævissimos per triduum colicæ dolores, nè confessuris vacare posset, ei concitavit. Cum verò aliquando à conciliata inter duos Nobiles amicitia ad suum conclave reveniret, invadens eum dæmon, tibiam comminuere semel adnissus est, & ubi sæpius aliàs prorum in tabulata periculosè allisit, sibilis deinceps horrificis, tremendis & inconditis fragoribus eum turbare perrexit. Sed nihil hæc moratus Pater, ut è contrà quantum posset malè faceret dæmoni, post triduum 80. primæ ætatis adolescentulos, multum prius & operosè à se instructos, primâ vice Sacræ mensæ admovit. Sed & dæmon toto deinde triduo malaciam, & post impatibiles æstus, contrarios navi ventos, quibus in altum rejiciebantur, excitavit, ut ex tot vicissitudinibus in summa aquæ penuria, gravissimis contractis morbis, de tenenda hoc anno India desperarent. Jamq; Pro-Rex, nisi biduo secundior aëra spiraret, vela in Socotoram Africæ Insulâ verti jusserat ad hybernandum: quando Marcellus tam ancipiti periculo avertendo supplicationem ex solo innocentis ætatis agmine instructam, ad Sancti sui Aram per navim deducere instituit, eundem in thaumaturga icone ita palam affatus, ut ejus nunc agi honorem, aliàs in discrimen venturum, nō opitularetur, diceret: respiceret innocentium preces & sanguinē, per quos olim miracula patrare consuevisset. Ad hæc pauxillum ejus reliquiarum ubi religiosè demisit in mare, tam placidi postredie aspirare venti, ut ijs perpetuatis post 27. dies Cocinum (ubi se illos expectare, in epistola sua fortuitò consultâ, Xaverius prædixerat) incolumes inveni, Goam denique post alios 11. navigationis dies læti subiverint 8. Decembris. Adventum ejus incredibili celebritate, tanquam Viri palam Sancti, universa Civitas & Insula excepit, vestes omnes, quas cum Indicis de more permutavit, in venerationem direptæ, ut pedum ejus penè vestigia, flectentibus ad ejus occursum incolis, lambrentur. Cælum etiam magnis prodigijs gratulationem ejus adventus celebravit. Nunquam enim omnibus antea actis temporibus tot ac tā stupenda è tumulo suo Xaverius patravit miracula, quot brevi eò appulsū Marcelli intervallo. Sed & primus Indiarum Apostolus S. Thomas Meliaporæ in Choromandelis

Indiæ tractu applaudere visus est. Visitur illic quadrato lapidi insculpta Crux, sanguineis Apostoli ibidem cæsi guttis aspersa, quæ die illius Natali annis singulis, simul atq; ab Sacerdote Evangelium in Sacro legi cœptum est, modicis primò stillis, largo deinde sudore manare solet. Color etiam Crucis è candido sensim in pallidum, indè in atrum, mox in cæruleum cedere, Sacrificio autem peracto natus redire. Id prodigium si quando absit, dirum aliquid portendi, præfagium est. Postquam infestis classibus cœpère Batavi grassari per Indiam, desierat fieri. Sed 10. ab adventu Marcelli Goam die, hoc est 18. Decembris A. 1635. tantum sanguinei sudoris totas 24. horas, spectante frequenti populo stillavit, ut multa lintea imbuta sint. Auxit miraculum sudandi modus, non à summo deorsum, quod ominosum longâ experientia habetur, sed ab imo sursum, quod lætum est. Per eosdem dies Goæ duobus in Templis singula Christi Cruci affixi simulacra à frequentissimo populo visa sæpius aperire oculos, & quod accitus ipse Marcellus observavit, & in Europam perscripsit, Japoniam versùs illos convertere: perinde quasi gratulatus suorum militum adventum Imperator, quò tendere porro illos vellet, ut idem Marcellus interpretatur intuitu designaret.

Substitit Goæ ad finem usq; Aprilis anni insequentis 1636. Marcellus, perpetuò die noctēque Sancti sui tumulo ita affixus, ut tamen in Japoniam desiderijs anhelaret. *Mi Pater, scribit ipse ad quendam, quàm bono Domino servimus! cum ea quæ dixi, quàm verissima sint. (egerat de suis miserijs, & peccatis) pergit tamen usq; Divina Majestas sua, ad confusionem meam, novas adjungere novâsq; flammæ, desideria magis ardentia, cogitationes magis accensas, ferventiora consilia. Deniq; ego ubi verfer nescio, Sanctum sepulchrum amati mei Patris rapuit mihi cor; sed Japonia repetit illud, & obtinet. In Japonia nulla tormenta sunt, ad quæ non currat, inq; ijs quiescat. Non est carnifex, cui vitam non offerat; non est securis, cui collum non porrigat; non catena, compedes, carceres, labores, perpeffiones, quæ illud obsaturent. In summa, corpus Goæ, cor tot in partes distributum. Vide, quid de me agi queat.* Prævererat is jam in Hispania impenetrabilem alioquin difficultatem intrandi monumentum, & lustrandi cominus palpandiq; sacrum Xaverij corpus: eòq; mandatum à Rege, quò hujus rei copia sibi fieret, obtinuerat, tuleratq; à Regina Matre amictū incomparabilis pretij, quem



ipfa suis literis jubebat à Marcello sacro corpori imponi, & veterem ab eodem exemptum ad se remitti. Quod cum intempestæ cujusdam noctis silentio in comitatu P. Provincialis, Præpositi Domûs Professæ, & duorum insuper Patrum fieret, quis exprimat queis animum ejus solatijs & affectibus S. Apostolus perfuderit. Indumentis veteribus Reginæ transmissis, linteum, quod collo Divi circumligatum, cruore ipsius etiamnum rubebat, sibi tulit. Et vicissim devotionis suæ syngrapham, sanguine suo de pectore elicitò conscriptam, & in modum schediasmatis plicatam, sigillòq; Societatis munitam, in manu Sancti reliquit. Extimè ita erat inscripta: *Sancto Apostolo Indiarum, scriptura & juramentum perpetuum M. Fr. M.* Intrinsecus autem sic: *Sancte mi Peregrine, care Pater, Magister amate, & omne bonum meum. In Italia reliqui mundum totum, ut venirem adoratum has tuas sanctas reliquias. Tibi linquo in pignus cor. Ab eo, ut sequar tua sancta vestigia in Japonia. Me tibi dedico totum in holocaustum, in Filium, servum, & mancipium. Linquo tibi hanc signatam meo sanguine, in pignus affectus, & velut scripturam perpetuam, quam sis mihi monstraturus & exprobaturus in die Judicij, quâ me obligo ad observandam, quàm maximè potero, & imitandam tuam sanctam vitam in omnibus, & per omnia, & sic id tibi juro. Solum te precor, ut me juves ad executionem tuâ benignissimâ gratiâ, & des mihi eam mortem, quam tantopere desiderasti in Japonia. Tibi committo meos socios, amicos, propinquos, & devotos, inimicos, & mundum totum. Pater mi care, care, care, habe tibi cor & scripturam, da mihi gratiam ad exequenda omnia. In Domo Professæ Goana, hoc vespere nonâ noctis, 11 Martij 1636, Care Pater vale; Linquo te pro te.* Tentavit sæpius deinde perscribere in Europam statum, & moderna lineamenta corporis Xaveriani, sed lachrymis & singultibus semper oppressus, nullâ vi perficere potuit. Scripsere alij, qui cum eo lustraverant, corpus etiamnum perstare succidum, divinum quendam afflans odorem: jacere supinum, brachio pectori admoto (nam alterum pridem Romæ est) in habitu Sacerdotali, gemmis illuso: vultu oblongiore, colore in fuscum vergente: comâ & barbâ aliquantò promissioribus, & aliquâ canitie distinctis, apertis oculis, totum blandissimâ majestate venerabile, cujus deniq; unicum intuitum omnibus navigationis Indicæ laboribus, scripsit Marcellus, nimis vili emi. Quia verò adverterat Marcellus jacere illud, & quodammodo premi arctiori loculo, quantumvis ar-

genteo inclusum, non antè Goâ discessit, quàm plurimum millium corrogatâ summâ, laxius ei itidem ex argento curaret conditorium.

Dedit etiam Goâ complures ad diversos literas, eas, quia fervoris & sanctitatis nescio quid exuberans spirant, placet hîc reddere. Primæ Neapolim ad P. Gabrielem Mastrillû, inter reliqua hæc habent: *Age, gradum faciamus ad gaudia, voluptates, & jubilum cordis mei. Mi P. Gabriel, confiteor R. V. nescire hîc memet ipsum ubi verser, utrum in terra tantopere exoptata Indica, an in vestibulo Paradisi, quem ob peccata mea tam parum promeritus sum. In itinere tanta letitia fuit, ut mihi ea cum omnium miratione legeretur in fronte; non poteram eam continere, nec posse majorem dari credebam; ea Goam apulso ad sepulchrum mei gloriosissimi Sancti tantopere accrevit, ut eò propemodum pervenerit, ut non queamus amplius. Et hoc uno jam ego distineor eo tempore, quod mihi reliquum à confessionibus est, ad fontem illum perennem Divinæ dulcedinis perstare, immersum in illum Oceanum consolationum Cælestium, quas explicare nequeo, quanta qualisq; sint. Satis dixisse sit, videri mihi profluere etiamnum de Cælo in illud Sacrum cor, fluvium illum Divinarum voluptatum, quo exclamare cogebatur: sat est Domine! & peccari quadam indulgentiâ in adstantes quoq; refunditur. Hîc jam redardescunt fervores, acuntur desideria, inflammatur cor, in felicissimam expeditionem Japonicam, cui jam proximamus. Alteræ ad P. Nunnium Acuniam Ulyssiponem sic sonant. Quid petis, mi Pater, à paupere peccatore ob suas culpas ex Europa relegato, & in alterum, remotissimûq; Orbis angulum missò, ad concipiendum fervoris aliquid à tanto Divini amoris igne tot gloriosissimorum Martyrum, discendûq; vel ab ipsis Japonibus, Deo, sicut oportet, famulari? sic planè res sese habet. Quod si Deo deinde collibitum est sua dona spargere, & ea etiam in immeritos partiri, ea exuberantia Divinarum miserationum est. Eadem ratione, mi Pater, egisse mihi visus est gloriosissimus meus Pater, & Protector S. Franciscus Xaverius. Placuit illi hominem nullius usus assumere, quò ejus opera clariùs elucescerent; constaretq; res eas, quæ geruntur, ipsius esse. Quæ cum ita sint, R. V. nixis genibus oro, pro eo studio, quo gratificari Sancto cupit, ut magnis illis favoribus, quibus Ulyssipone me prosecuta est, hoc sigillum apponat, ut à Dea mihi suis precibus veram cognitionem ejus, in quo nunc versor, statûs exoret; quantum sit illud, quod illi debeo, quantillum id quod possum, ut saltè dum me penitus novero, quippiam inveniam, & sciam DEI misericordiam implorare. O quàm bono*



bono famulamur Domino, mi Pater! In tertijs ad P. Evangelistam de Götis (à quo principium sanctimonie Marcelli extitit, ut ipsemet his literis insinuat) ita scribit Neapolim. Plurima mihi rationes erant, nunquam obliviscendi mei cari P. Evangelista, ut saepius significavi R. V. tum per literas ad P. Gabrielem datas, tum per proprias ad ipsam; at nunc hic ad sepulchrum gloriosissimi mei Sancti, dum animum paulisper reflecto ad vitam meam peccatis refertissimam, & ad exigua mea merita pro tanta Divinarum gratiarum exuberantia, illuminata mihi mens est, & propè evidentè intellexi, omnia mihi conferri ob merita R. V. & subito excitata mihi sunt vividissima species unius Missæ, cujus mihi applicanda gratiam pro sua caritate fecit, quodam die R. V. in Domo Professæ, cui ego ministrare volui, eamq; dixit in S. Caroli sacello. Videat omnium particulatim mihi memoriam incidisse. Jam si principium mee felicitatis, mearum letitiarum, meorum gaudiorum spiritualium obtinere per unam R. V. Missam dignus fui, consequitur utrumq; nostrum grandi obligatione teneri, me quidem offerendi pro R. V. bonam meorum laborum & sudorum partem, utpote aurora tanti boni mei; R. V. verò persequendi mei ad DEUM commendationem in suis sanctissimis Sacrificijs & orationibus, quando illa tanta efficacitatis sunt. Et cum effectus ab una sola causa dependeat, scilicet ab insigni caritate R. V. idcirco nihil amplius dicam, nisi me hilarissimè, supra quam unquam concipere potuissim, prestolari Etetias, hoc est generalium ventorum tempus ad navigandum in Japoniam versùs, quod hoc Aprili fiet. Et fiducia mihi in DEO benedicto, & protectione mei Beatissimi Sancti est, fore, ut cum has receperit R. V. aut citius etiam, in campum descendero ad decertandum, eròq; jam intra confinia Paradisi. Accipiet nova omnia R. V. ex P. Gabriele, cui ea largè perscribo; & ora pro Marcello, &c. Ultimæ ad Dominum Antonium Tellez de Sylva ita loquuntur. Domine Antoni Tellez de Sylva, fili dilecte animæ meæ, comes expeditionis, atque amice ex animo, mandat mihi DEUS, ut te linguam; S. Franciscus Xaverius in Japoniam me vocat, obtemperandum nunc tantummodo est, eòq; promptius, quoad magnificentissimum Sacrificium accedimus propius, ad expiandum proprio sanguine animum, predicandūq; vulneribus, quando verbis id non permittitur. Ego te gero in pectore, insinuatū in corde, & in memet conversum, & me in te; ut quod in me est, una videamur anima in gemino corpore, ego te comitabor obsequijs Ulyssiponem, & tu venies ad fruendas letitias meas. Ego te prosequar in Patriam inter necessarios; tu mecum eris in carceribus inter car-

nifices. Tu primus in die triumphi mei particeps eris solatij, & potiore sanguinis partem, quàm jam nunc tibi offero, vendicabis. Dignare tributum admittere ab isthoc paupere, & tibi obstrictissimo seruo. Memento Marcelli tui apud te tanpere gratiosi, tantopere tibi aliquando dilecti, & in amplitudine tua, ubi resciveris à me obitā per tormenta in Japonia mortem, dignare semel Ave Maria ad Sanctum recitare, & beneficium amico collatum gratulari. Dabo operam, ut particulatim ante alios omnes rescias, nunc enim tempus non est. Sed fidem tibi meam obligo, eum tibi me semper fore, qui esse debeo; & altero in Regno pensaturum, quod in isto nequivi; & ubicunque fuero, satis erit tua mihi vota significasse; admissio tamen te etiam interea in partem eorum, quæ pauca vivens præstitero in obsequium Domini nostri, & dilecti mei P. S. Francisci Xaverij, qui te etiam invisat in veste candida, cruce in pectore, cereo, & viatorio baculo in manibus, Regio suo comitatu stipatus, ut solet. Sanctus hic gloriosus tibi adsit, te visat, & protegat per omnem vitam, in rebus tuis omnibus; eiq; supplica, ut quinq; anni panarum, vulnera in capite & cruribus &c. non differantur ob peccata mea, sed omnia quæ possunt tormenta; omnia jungantur; ut demum succedat verum bonum, si tamen superest aliquid fruendum amplius, quàm quod modo impertitur. O Deus Bone, quæ deliria scripsi! hæc tecum usq; dum nos revisamus. Vale millies; vale & salve, & perge hilaris: res enim tuæ valde bonum sortientur exitum. Marcellus Franciscus Mastrillus Indus felicissimus, servus tuus ex animo.

Institutā deinde Goæ Sodalitate Nobilium sub S. Francisci Xaverij nomine, Marcellus Macaum quidem versùs cum quatuor Patribus solvit, in Philippinas tamen nec cogitans, omnibus invitis, pervenit, agente illum occultā vi suo Sancto, ut ibi monstratum sibi per visum Neapoli transmissionis suæ in Japoniam Patronum inveniret. Malacam secundo cursu perveniens, plurimos ex vulneribus in cruenta adversum Batavos victoria ægrotos milites deprehendit, quibus tum omnibus ingenti caritate assiduus in Nosocomio adfuit, tum unum potissimè, à quo terribimus odor arcebat omnes, impensius fovit, suis ulnis & complexu, quoties curaretur, sustinens, quamvis tertio fuerit ex tetra illa illuvie animo deficiente alienatus à sensibus. Indè Sincapuræ & Campoje fretum prætervectis, repentè Hollandorum myoparones tres adversi occurrunt, quibus licet velis remisque omnibus laboraret in altum effugere oneraria, piratici tamen myoparones ad cursum expeditissimi jam ictu tormenti deditionem



tionem imperare, minari cominus, ut jam exaudiri possent, pœnas, cruciatus, ni sistant fugam, seq; submittant. Tum verò Marcellus, qui sub tabulato discriminis in seius precabatur, evocatus, effigiem sui Sancti hosti opponere, opemq; ejus omnibus indubitato polliceri. Mira res! non aliter quàm si injecta manu retinerentur Myoparones, ulterius non posse progredi, biremi, jam penè manu prehensæ, locum effugij dare, dum penitus ex oculis abiissent. Præcipiti eâ fugâ oneraria in errores à suo cursu delapsa, incertum erat quò porro dirigenda esset. Macaum petere dissuadebat periculi ab Hollandis piratis metus; in Philippinas flectere non sinebant maria, illuc vasta & ignota, Insulæ circum hostiles & infestæ, commeatus & aquæ ingens jam penuria, navis fatiscens & plurimum maris hauriens, cui exhauriendo essent impares. Re nihilominus ad Marcellum delatâ, ille consulto per Hostiam Deo, duas in calicem schedulas injicit, quarum uni Macaum, alteri Manila inscripta fuerat, certis sequi omnibus eam, quæ sortitione prima evenisset. Educta Manila, Philippinarum Urbs princeps est, eòq; statim navis obversa. Ecce autem continuo, velut resectâ carinâ, sistere sentina; biremis celerius aspirantibus auris provehi, commeatus quasi succrescere, & deniq; resectâ Manilam, quamvis viarum & locorum ignari, post undecimum diem invehi, ipso S. P. Ignatij die. Sed & ibi nova prodigia. Dederat in Hispanijs commendatitias Marcello ad Gubernatorem Philippinarum Præfectus Aula Reginae, quantumlibet neganti illac se iter habiturum, quas idcirco nullo in pretio neq; memoriâ retinebat. At dum Manilæ impedimenta sua excutit, ecce cæliteræ incogitanti veniunt ad manus; quas redditurus Gubernatori Sebastiano Hurtado Corcuera, Militiæ Alcantarensis Equiti, ut hominem conspexit, agnovit os habitumq; prorsus illum, quo in morbo Neapoli sibi comparens hujus Ordinis Eques cum viridi Cruce, magno futurum aliquando auxilio spoponderat: quod & confestim experiri cæpit. Nam licet severissimam ipse Corcuera legem capitis tulisset, nè ullus quemcunque Religiosum in Japoniam deportaret, multumq; tota Manila, ac præsertim Infitores adversum ejus consilium reclamarent, sanctè nihilominus Marcello spopondit, se eum unâ cum quatuor socijs Sacerdotibus in littus Japoniæ expositurum.

Manilæ duos & medium menses subsistens, quantò vicinior Japoniæ fiebat & Mar-

tyrio, tantò sanctius institutâ vitâ ad illud se comparare studebat. Multas diu noctûq; horas continuatâ vigiliâ Orationi tribuere, nudâ semper humo cubare, sacris eâ flagrantia operari, ut alij sui inflammandi cupidine eum tunc spectare perquirerent. Omnis ejus sermo Divinitatem spirare, eo fervore incensus, quo oculis scintillare, flammâq; modestissimo vultu vibrare videretur. Totus esse in orando pro defunctis, quibus jam pridem omnes actiones suas, uti & suffragia à morte pro se ab universa Societate de more dicenda, consecrârat. Frequens illi cum S. Xaverio in thaumaturga ejus effigie consuetudo, ex cujus vultûs colore gestûq; variante, rerum orsus atq; eventus varios legebat. Quod die tertius evolutus est annus à prodigiosa sui Neapoli curatione, Manilæ coram socijs super mensa noxas suas vice lectionis prolixè objurgavit: vilissima Domûs & culinæ officia instar mediastini totis illis mensibus obivit, & cum nihil novi vestitus admittere unquam etiam aliàs sustineret, suis vestibus, calceamentisq; sarciendis suam ipse operam adhibebat. Flagris sese quot noctibus eruentabat, idq; tam diutinâ verberatione, ut miseratus Superior illum mitius sævire in se jussit. Id quod tamen nulla carnis in spiritum rebellio exigebat, siquidem castimoniam nullis impuris unquam imaginibus, aut in compositis corporis motibus infestatam, ad usq; mortem illibatè Angelicam conservasse certò scitur. Interea cum vulgatum esset Gubernatoris consilium Marcelli in Japoniam transportandi, atq; illi universâ oblucente Manilâ turbarum aliquid metuere, coactus est Gubernator ad speciem Marcellum cum suis socijs Macaum dimittere, quem tamen illico de via Manilam retraxit. Ergo dum socijs valedicens, exosculatus omnium pedes cum lachrymis, Sanctum suum pro ipsdem consulit, advertit eum in sua icone vultu in pallorem & mœstitiam verso, grandem illis tempestatem portendere, per quam portum Macaensem non essent obtenturi. Itaq; ad eos conversus: *Solvite porro, ait, quando tempus fuerit; sed certi nos Manilam propediem revisuros.* Stetitq; suus vaticinio eventus, quando fracto navigio, multisq; demersis, vix ægre Socij ad idem littus enata vèrè. Brevi tamè resectâ biremi iterum solventes, paucis diebus Macaum tenuère, literas secum ad Provinciale Japoniæ à Marcello deferentes, quibus eos secum in Japoniam à Gubernatore transportandos, remitti Manilam etlagitabat.



Marcellus interim Manilæ totum se condiscendo Japonico idiomaticè impendebat; cum repente Gubernatori divinitus mens injicitur, movendi in Mindanaum unam ex Philippinarum Insulis belli. Imperabat illic etiamnum Catciles Coralatus, de quo supra in P. Joanne Carpio sermo fuit; homo sævus, & nomini Christiano infensissimus, continuus terræ marique latrocinij eo jam potentia provectus, ut si porro impunè grafari lineretur, in periculum amittendi omne ijs Insulis imperium Hispani inducerentur. Sed re ad militare consilium deducta, plenum temeritatis plerisque; Ducum censebatur futurum bellum, ubi in hostem viribus & numero validissimum, uni Hispano contra sexcentos & amplius hostes depugnandum esset. Quia tamen in proposito constans Gubernator mentem illam prorsus divinitus sibi injectam, Marcellumque veluti certum ejus victoria vadem, improvisè id temporis à Deo illuc directum interpretabatur, placuit omnibus rem ad Marcellum deferre. Ille consulto pluribus Sacrificijs, & maximis sui afflictationibus & precibus suo Sancto, edicit, bellum cum certo victoria obtentu suscipi posse, si S. Xaverium in ejus ducem adsciscant: eo pacto certam se illis victoriam, dum fidant, nomine Sancti polliceri. Ergo conclamato bello, ut certiùs deinde constaret illud divinis, non humanis confici viribus, vix capita colligi sub signis potuere sexcenta, ita res ibi Hispana accisa tum erat. Ante omnia die Purificatæ Virgini sacro A. 1637. omnes Sacris mysterijs expiati, undecim navigijs solvere, Marcellum Gubernatorem, veluti classis Genium Tutelarem secum Prætoriam vehi voluit: à quo dæmon, cui bellum illud magis quam hominibus movebatur, sibi malè metuens, auditus est non semel eam viâ per aërem vociferari: *quid quaris? ad quid huc venisti? quis, malum! te huc advexit? ego te vitâ expellam!* Sed & classem miris infestabat terroribus, expeditioni moras injiciebat, inde maximè irritatus, quod Marcellus omnia illa pietatis exercitia, velificante illi in omnibus religiosissimo Gubernatore, quocum Preces Canonicas aliasque pietates plerumque persolvebat, in totam classem induxit, quibus eum in oneraria, quâ ex Europa vectus fuit, usum fuisse vidimus; ut revera non milites, sed totidem Religiosi navigare jure censeferi possent. Ad diem 22. Februarii Samboangam Mindanai arcem appulsi sunt, leucis 60. ab hoste, & postridie generalis omnibus Communio, proposito Jubilæo, und

Marcello omnes expiante, in proximam Dominicam, quæ erat prima Quadragesimæ, indicta. Eâ per incredibilem pietatem religiosissimè exposito in totam diem Vener. Sacramento celebratâ, Marcellus, ut militem pro concione quàm ardentissimè ad ulciscendas Dei injurias inflammaret, Christi Crucifixi signum produxit, cui hostes brachium dextrum, & pedem utrumque truncantes, sagulum vetus ignominiosè induerant. Ejus conspectu omnes lachrymis perfusi cum incredibiliter in hostem exarsissent, Gubernator non expectatis subsidiarijs Indorum, quæ intra triduum expectabantur, copijs, in hostem movere decrevit. Voluere quidem Duces, ipso adeò inclinante primùm Marcello, ad eam moram inducere Gubernatorem; sed ubi is Sacrificio D E U M per Sanctum suum consuluit, patuit Gubernatorem impulsu Numinis agi. Postquam enim vaticinium illum Epistolatum Xaverij librum fortuito aperuit, & hæc in eo verba fortitus est: *Sape credimus nostram sententiam potiore esse; verum permittenda sunt res ijs, qui eas administrant, si errare nolimus:* nunquam deinde induci potuit, ut obniteretur inceptis. Itaque festinatâ profectione in Silinganum sinum provectis, gravem à dæmone commotam tempestatem, reliquijs Sancti Marcellus, & sacris exorcismis composuit. Ad Promontorium Sagittarum (sic dictum, quia reduces à prædatione barbari sagittis solebant illud configere, eoque ritu Mahometi consecrare) allapsis, Marcellus totâ illâ sagittarum silvâ, quæ in crepidine fixa hærebat, flammis consumptâ, nomen illi à S. Sebastiano deinceps imposuit. Inde provectos iterum cacodæmon ter objectis ventis & fluctibus, & quartò tandem etiam nullo reflante vento, adversus omnem remigij vim classem remoratus, infestavit; donec injectis in undas reliquijs iterum præstigias amolitus est Marcellus. Appulsæ ad littus hostile copię (id est, quod mirere, vix milites universim 70. nam ceteri nondum advenierant) ad oppidum Coralati, fossâ & vallo munitum admoveri cœptæ sunt, in quo supra bis mille propugnatores, tormenta erant compluria, & telorum omnis generis abunde. Marcellus ea in aggressionem primos ordines ducebat, unâ manu celebrem S. Xaverij imaginem hastili appensam, alterâ sagulum illud Christi Crucifixi præferens. Impressione factâ, & aliquot ex propugnatoribus primarijs neci datis (nam Coralatus tempestivè in arcem refugerat) vix horæ intervallo, oppido potiuntur. Præda mi-



dâ militi concessâ, sanum Mahometi, Deiparæ Marcellus consecrat. Advenire interim copiarum reliquarum, quibus iterum per Sacramenta expiatis, decernitur in diem 17. Martij Arabicis expugnatio.

Erat ea jugo prærupti montis inædificata, opere, situ, & naturâ firmata, via undiq; propemodum inaccessa. Neq; dubitabat Coralatus tam multis indè in tam paucos pugnantibus, de Hispanis triumphaturum. Facto Sacro, inflammatisq; concione militibus, præmissa pars una militum est, quæ in supercilium montis à tergo inobservata evaderet, indèque clangentibus tubis ad oppugnandam arcem descendens, signo esset Gubernatori, eodem tempore altera ex parte illam invadendi. Quo stratagemate è sententia cedente, dum illi nec opinantem hostem tumultuosè invadunt & consternant, Gubernator ex adverso per incredibiles viarum ineptias in altum egressus, simul in arcem signa admovet. Prima in aggreffione Marcellus globo tormenti majoris ictus in pectore, noxæ prorsus nihil accepit, pilâ, post lacertam leviter togam, ad ejus pedes prolapsâ. Sed & in Gubernatorem, dum Marcellus pluribus militum vulneratis opem laturus, labarum suum Crucifixi & S. Xaverij iconæ, prætextum cuiuspiam militis gestandum committit, pilâ è tormento excussa est; sed quæ S. Francisci operâ, ut Marcello postea revelatione constitit, ab illo in ipsam S. Xaverij imaginem impunè averfa est, servato Gubernatore incolumi; qui si cecidisset, & de copiis universis, & fortasse de Republica actum foret. Observatus est autem in illa sua effigie Sanctus pro vario belli successu, vultum modò mortuum, modò lætum, ingenti militum admiratione, præferre. Coacti nihilominus eâ die receptui canere Hispani opinionem, hosti fecere cæsi in prælio Gubernatoris. Qui proinde festis ignibus victoriam Mahometo gratulantes, totam eam noctem epulis & potationibus transgère. Marcellus interim dolore cæcorum (plures enim illo die dum fortiter agunt, occubuerant) & minùs prospere gestæ rei, in proximum jugum secedens, eingulotenus à vertice nudus diris in suum tergum flagris ita desævijt, ut sanguine totus manaret. Voluitq; Deo centum deinceps disciplinis quotannis citra eas, quibus se antè obstrinxerat, ut omnino bis tæve posthac indies se caderet. Cùm verò cruentandi se nullum finem tunc faceret, interventu tandem Gubernatoris modum verberandi fecit. Atq; hictum divinitus intellexit, nostros postri-

die victoriâ potituros, quamvis ab ea longissimè abesse putarent. Cognovit item, quod jam monui, Gubernatorem fuisse à S. Xaverio, averfo in suam imaginem tormenti globo, à morte servatum. At ubi primum dies illuxit, ij qui pridie per averfa montis juga subreperunt, neq; per illius diei tempus difficultatibus retardati, quod moliebantur, efficere poterant, incogitantem hostem improvisò cum tubarum & tympanorum sonitu aggreffi, brevi spatio arcem redegère in potestatem, cæsis compluribus, qui arma corripuerant, ipsòque Coralato saucio in fugam coniecto. Partâ eâ victoriâ, quâ nullus ex Christianis cæsus, & tres duntaxat quatuorve vulnerati sunt, Moneajus Coralati nepos, & legitimus Mindanai Rex, Regioni imponitur, data in certas conditiones pax, quâ indigenis omnibus recipiendi Evangelij potestas facta, & illius promulgandi præcones impositi sunt. Remenso pelago, die 24. Maij, triumphans classis Manilam invecfa est, sed quæ plurimam laborum denuo segetem Marcello attulit. Saucijs namque, quorum curam in castris totam in se unum hæctenus derivavit, in Nosocomium delatis, ipse lectos sternere, cibaria corrogare, coquere, condire, ministrare, in os inferre, dies noctesq; adesse, neq; nosocomio, donec omnes sanarentur, discedere. Et quod omnibus prodigiosum visum est, nullus eorum quibus ipse manum admovisset (nisi qui medicinam pertinaciter respuebant) non integre restitutus est, cùm multi lethaliter icti, multi venenatis essent spiculis transfixi. Ipse namq; malagmata, quæ vulneribus apponebantur, S. Xaverij admistis reliquijs temperabat; & chirurgi manus ante curationem ordiendam suis manibus complexus, præsignificavit, neminem ex acceptis vulneribus, qui ea medicamina acceptaret, moriturum: Chirurgis interim vulnerum gravitate notatâ, cùm ea viderent præter omnem expectationem coalescere, attonitis, neq; nisi prodigio id accidere potuisse, attestantibus.

Unica posthæc Marcellum tenuit sollicitudo trajiciendi in Japoniam; quæ cùm arctis adeò teneretur excubijs, ut omni penè eò se penetrandi spe destitueretur, Macaum deniq; post Socios navigare constituit. Sed amantissimus Marcelli Gubernator nullatenus eum divelli à se patiebatur; cùmq; frustra inducere laborasset, ut secum in bellum contra Joloenses (quos ab eo devincendos, licet majore quàm cum Mindanaensibus contigerat clade, prædixit) proficisceretur, tandem



dem datæ primò fidei memor, & Marcellum anxium videre non sustinens, à P. Provinciali petijt illum suæ potestati, quoad trajectum in Japoniam permitti: daturum se operam nè quid temere constituat, nève cuiquam noxæ aut calamitati, quidquid ab se susceptum fuerit, existat. Provincialis qui rem altiore, quam humanâ providentiâ geri videbat, eâ potissimum causâ, quam etiam ad Generalem perscripsit, assensum dedit, nè resistendo medicinam, quam lapso Ferreiræ parare. DEUS in Marcello videbatur, humanâ prudentiâ interverteret; nève culturam eam Societatis summis istis temporibus desereret, quoniam à lapso Ferreira nemo se potuisset adhuc in Japoniam penetrare. Et quidem Marcellus ipse Gubernatori asseveravit, idcirco se in Japoniam à S. Xaverio missum, ut Christophorum Ferreiram suo exemplo à perfidia retractum, ad tormenta animaret, vel si id non cederet, labem ab eo factam suâ morte sarciret. Ideoque non se verbis & prædicatione, sed vulneribus duntaxat & morte illic Evangelium promulgaturum. Gubernator eâ licentiâ lætus, navigium ejuscemodi silentio compingi jubet, quales Japonum Cymbæ littorales sunt, quas ipsi Funeas vocant. Tum illud dissolutum alteri grandiori navigio clâm imponit, simulatq; se illud publicæ rei causâ in Formosam Insulam destinare. Habebat eâ tempestate in vinculis nauclerum, omnis oræ Japonicæ scientissimum, sed capitis idcirco reum, quod suo injussu tres PP. Dominicanos eodem vexisset. Huic & vitæ gratiam pollicetur, & amplam præterea mercedem, si bonâ fide Marcellum in Japoniæ littus quodpiam indeprehensum exponat. Quo conditionem magnâ lætitiâ acceptante, Gubernator Marcello tantum auri comparat, quantum ad aliquot annos in Japonia sustentando satis fore videbatur. Igitur Marcello, qui generali confessione animum postremum expiârat, antè digressum valedicens Gubernator, cum præ læchrymarum copia loqui non posset, epistolam tradidit, quâ memoriam sui in Cœlis post obitum Martyrium, obnixè flagitabat; & ut fido cuipiam Christianorum committeret, ut ejus ad se occisi corpus transferret, sponderetq; suo nomine in præmium sex millia nummum, vel demum quocunq; pretio indicasset operam suam, persoluturum se quidquid convenerit. Digresso Gubernatore Marcellus cultu Japonico, & Joannis à Cruce nomine adscito, adjunctis aliquot Japonibus, quos timore persecutionis à Patria profugos, ad oppetendam

pro Christo mortem accenderat, in navim transijt, relicta in Urbe opinione, quod in Sinas; in navi, quod in Formosam tenderet, in concupitam tantopere Japoniam solvit die 10. Julij A. 1637. Ibat Marcellus tanto delibutus gaudio, ut quodam quasi modo impos sui, alienari à se ipso videretur. Qua de sua voluptate ita ad Amicum ex ipsa navi scribit: *Misericordias Domini in æternum cantabo! quando enim unquam talem mihi diem assuturum, per mea peccata, potuissem imaginari? nunc demum affirmare possum, me cum lætitia scribere.* Ceterum quam plena periculorum extiterit ea navigatio, scribens ad alium hæc ait: *Tam varia fuit navigatio, tamq; periculosa, ut venerim inter spem & metum, veritus, nè mea peccata totum corrumpere. Et jam nunc, dum ista scribo, vehemens ex obliquo ventus veli rudentem dirupit, & cursum ultro citroq; obliquamus, expectantes dum Funea compingitur.* Et fateor id quod est: omnium itinerum quæ mari confeci, gravissimum istud & periculosissimum extitisse. Sed tamen hæc omnia, jam cruce super undis lipsantheçâ Xaverij ductâ, jam eadem mari religiosè demersâ tranquillavit, promisso nautis faciliiori in reditu, uti factum est, cursu, ubi Jonam in Japoniam eiecissent, propter quem illæ tempestates sunt concitæ. Vehementur in navi is, qui Funeam molitus fuerat, Japon, ut eam ex arte dissolutam, eadem quâ pollebat iterum in loco & tempore compaginaret. Ubi autem dirigi in Japoniam cursum vidit, qui Formosam navigare credebat, magnitudinem periculi expavescens, vehementer queri, sibiq; graviter impositum jactare cepit, patefacturum se ad salutem servandam mox Magistratibus, ubi littus attigerint, quem & unde vehant. Vix hæc effutierat, cum eodem loco & momento, fœdum in modum os illi torquetur, & violentâ convulsione sub alteram aurem attrahitur. Mox tamen ut facti pœnitens genibus Patris ad volutus culpam deprecatus est, malum leniri, spasmus remittere, & os ad pristinum statum redire. Cum verò Navarchus lignationis, & aquationis causâ omnibus nervis jam ad Formosam, jam ad Lavanam Insulas appellere contenderet, magnâ vi semper, tantum non haustâ fluctibus semel navi repulsus est; solante interim omnes Marcello, neque lignorum, neque aquæ copiam unquam defuturam. Ecce autem eo ipso die copiosus è Cœlo imber vasa complevit omnia; lignorumq; in usus abunde semper fuit, attonito Navarcho, unde tantum illorum suppeteret. Omnes interim sollicitè conspectum alicujus ex Japonicis



ponicis Insulæ anhelabant; cùm Marcellus post medium noctis ex superioribus navis prospectans, unam ex ijs, Lequium majorem dictam, tam propè intueretur, ut penè contingi, nec ultra minoris scopi jactum removeri appareret, quæ tamen eo distabat intervallo, ut totâ eâ reliquâ nocte, & pluribus diei sequentis horis teneri nequirit. Tandem inexplicabili Marcelli lætitiâ 4. Augusti ad Insulam Joannoscia applicant, ubi coemptâ ab indigenis cymbâ (nam Funea compingi nequiverat) quâ ad interiora proveheretur Pater, redituri Manilam nautæ cum lachrymis ei valedicunt. Instat Marcellus magnopere suadere Japonibus, qui illum comitari ultro volebant, quasi defectionis eorum, quæ deinde secuta est, præsciis, ut reditu Manilam cruciatus & certam mortem, quibus ferendis pares fortè non essent, redimerent. Verùm firmitatem omnem spondentibus, reluctari, nè viam illis ad Martyrium præclusisse videretur, nolens, pauculas ad Manilenses Amicos dedit alijs redituris epistolas, quas illi cùm reciperent, ad pedes ejus provoluti, certatim eos & manus exosculabantur, solis lachrymis & singultibus, qui verba præcludebant, vale ultimùm dicentes. In binis earum ad Gubernatorem Philippinarum & ad P. Rodericum Dezam asseverabat, mortem se priùs appetiturum, uti res ipsa tulit, quàm illæ redderentur. Tertia ad Patrum suum inscripta, ita loquitur: *neq; unde ordiar, neq; ubi desinam scio; sed verbo complectamur omnia. S. Franciscus Xaverius tandem confecit, quod ipsius est. Miraculo mihi vitam dedit, miraculo me conduxit in Philippinas, miraculo me fecit consequi à me concupitam Japoniam. Idem spero, quod miraculo me aliquando videbo inter carnyfices. Quando talem unquam diem ipsemet pro meis peccatis imaginari potuissem? O quantam adeptus sum ejus veritatis certitudinem: non esse volentis, neq; currentis, sed misentis DEI! Cui Laus, honor in sempiternum.* Hæc eadem quæ Marcellus experiundo didicisse scribit, alteri cuiuspiam virtutis clarissimæ, miro DEUS ostento firmavit. Quo enim tempore Marcellus Japoniam petens vehementiùs alto jactabatur, fatigabât ille DEUM precibus alibi, ut cursum ejus secundaret. Cui die 21. Julij è Christi Crucifixi effigie, coram qua precabatur, allapsa vox ejusmodi est: *jam S. Spiritus lucem dimitto: & simul ab imagine ipsa radijs perfusa lux fulgentissima visa promicare.*

Digressis Manilam versùs vectoribus, Marcellus cū Japonibus suis in cymba, quàm

posset rectissimâ ad Imperatorem viâ per interiores insulas tetendit. Sed in portu Cuto agnitus à nonnullis pro advena, indicium sui pecuniâ redemit, & uno è Japonibus Socijs Lazaro Satzumano secundùm littus se fugâ pedes subduxit, reliquis suâ cymbâ idem littus legentibus. Sed à littoralibus excubijs celeriter deprehensi, & quia nullum perfidiæ symbolum gestabant è collo conspicuum, pro Christianis habiti, Nangasachum in vinculis abducti sunt. Statuerat enim totâ latè Japoniâ Imperator, ut omnes Idoli imaginem palàm de collo pendulam gestarent, sinè qua igni & aquâ omnibus interdicebatur, nec fas erat emere quidpiam aut vendere, vel testò ullo recipi, quin statim ad mortem & tormenta rapiebatur. Post clementes Nangasachi interrogationes, Marcelli comites cū aliqua in responsis variarent, quæstioni subiecti sunt; quam cū principio constanter aliquamdiu toleravissent, ubi vehementiùs torquebantur, præter Andream Cotendam, cui vitâ spoliato tormenta cessere, sex reliqui cruciatibus succubuere, factoque Marcelli indicio, ejus in Philippinis prodigia, virtutes, æstimationem, mirè extulere. Submissi continuo vestigatum 250. milites, Marcellum in profundo densòq; nemore orationi vacantem deprehendunt. Prodidit illum fumus ex igne ab illo excitato ascendens: quem tamen vultu inflammato, quasi in Deum raptus esset, conspicientes, non sunt ausi, serenissimâ oris majestate perstriati, manus injicere, dum sponte ipse precatione finitâ, conformatis pro pectore in Crucem brachijs, vultu & voce placidissimâ, in vincula se offerret; ecce me, inquit, *Filij, arbitratu vestro comprehendite.* Vix credi potest quanta militum fuerit in eoprehendendo modestia, quantus in ducendo cultus & observantia, nescio enim quid homine majus in eo suspiciebant, etiam ex eo, quòd eodem temporis, quo eum vinciebant momento, tanto terra motu concussa est, ut accolæ omnes exterruerit. Vinculis innexum Gubernatoribus Nangasachi 5. Octobris sistunt, miro quodam splendore circum caput ejus emicante omnibus spectabilem. Leniter primùm quæsitus: *Macao, an Manilâ, quem in finem venisset?* magnâ animi excellentia negavit se unquam Macai fuisse: *Europæum se, ac Italum Neapolitanum, in Indiam inde per Malacam ac Philippinas, in Japonem demum missum à S. Xaverio trajecisse, ut Imperatori agrotanti, si superstes adhuc sit, incolumitatem redintegret, eiq; legem Christi persuadent.* Quis ille est S. Xaverius? inquit Gubernatores:



Is nimirum, ait Marcellus, qui primus è Societate Jesu huc delatus, Franciscum Bungi Regem, & clientes ejus Fidem Christi condocuit. At ille pridem, inquiunt, morte appetitâ, quâ te huc legare petuit? Tum Marcellus: ille quidem mortali vitâ defunctus est, sed vivit etiamnum æternum beatus in Cælû, & mo Neapoli à medicis depositum, eâ specie, quâ depictum mecum attuli, invisens, subito vitâ viribusq; restituit. Gubernatores admirati dicentis modestiam, neminem adeò conspicuâ virtute usq; adhuc in Japoniam venisse dicebant. Sed quia leges Imperatoris ita ferebant, nè gratiâ apud illum exciderent, tormento aquæ per violentam infusionem, & tantò violentiorem ejusdem refectionem, Marcellum primò subjiunt: ac deinde aliud per aquam supplicium adhibent, quod sic exercetur. Divaricatum hominem pedibus sublimem deligant ad palum, capite subjectam in aquam narium tenus demerso. Dein funem, ex quo pendet, validè contortum remittunt, ut dū pondere corporis celeri circumactū retexitur, animæ reciprocatio intercludatur. Utrumque tormentum eodem die in Marcello exercitum est: sed in altero plus 400. aquæ mensuris, nullo intervallo, sic os illi obruere, ut libere spiritum ducendi nullâ relicta potestate, semel animis duperetur. Ut primùm ex animi deliquio ad se revenit, tortores ita affatus est: *Nulla vos mei capiat admiratio, si languere videatis in cruciatibus atq; destitui viribus. Etenim quanquam delitijs nō insueverim, sensum tamen humana imbecillitatis non exui. Constat tamen fatigante corpore sibi animus in omnia, quæ vobis irrogare libuerit tormenta.* Retrorsum posthæc in carcerem convenere Magistratûs permisso, defectionis eorum adhuc ignarum, sui Japones, vultu dejecto, luridq; postulantes, nè diversa ab ijs, quæ facti fuerant, loquendo, in nova illos tormenta præcipitatos vellet. Marcellus ad tormenta hæcenus vultu semper amœnissimus, adeò defectione illorum concussus est, ut eodem in vestigio tacitus immotusq; horam ipsam uno in obtutu constiterit manantibus interim continuè pleno vultu lachrymis. Et postquam collegit animum, graviter objurgavit admissum probrum, decessisse viros providere, quid possent: facturum quidem se quod postulant, quando ipsorum gratiâ hæcenus siluerit, quæ vereri poterat illis noxæ fore. Sed vehementer hortari, abdicatam Fidem & suas animas pretio sanguinis & pœnarum vindicent. Et fama est omnes deinde resipuisse, & Fidem sanguine fuso asseruisse. Interim Gubernatores evo-

cato Marcello atrocissima comminantur, nisi edicat, missusne à Gubernatore Philippinarum, an sponte suâ, quâve causâ, venerit. Ille tormenta se exoptare professus, venisse ulro & sponte suâ, & nentiquam à Gubernatore submissum, respondet, ex causa, quam antea jam edixerit. Eâ gratiâ si mortem obire contigerit, ecquid optabilius, inquit, evenire potest? Age vero, inquit unus Gubernatorum, quoniam mortis tam avidus es, ego certam ejus copiam tibi fecero. Sed quid istud medicamenti est, quod Imperatori spondes saluti fore? Herbas ego salutares, respondet Pater, quasdam & radices attuli, & pulverem inprimis, cujus tanta vis est, ut Imperatorem certò persanaturus sit. Erat ille pulvis è S. Xaverij visceribus in pilulas conglobatus; tantâq; fiduciâ in Sanctum suum erat Marcellus, ut non dubitaret, quin si eum sumpsisset Imperator, & corporis salutem consequeretur & animi; neq; enim videri Sancti viscera, visceribus Imperatoris quantumvis crudelissimi, permista, posse non ea pervellere, atq; in suum ingenium morèsq; transferre. Addidit ampliùs, imaginem se ejusdem afferre, quæ si in Pagodum delubrum aliquod ab Imperatore statuatur, operaturam tot ac tanta prodigia, ut omnibus magnæ admirationi futura sit. Experiantur duntaxat, & ipsi eam in delubro collocent, suo periculo, ut, si fefellerit, quibuslibet maletur supplicijs. Sed nihilominus ad feralem pœnarum locum deductus, toto corpore denudatur: ubi cùm candentibus instrumentis ustulandas eas partes peti cerneret, quarum pudore potiùs quàm dolore tangebatur, severiùs eos increpans admonuit, nè ab avita civilitate desciscant: non consuevisse Japones antehac immodestè sævire; multa sui corporis membra habere ustulationi opportuna, ipsos tam inhonestè agere dedecere. Gubernatores rubore perfusi eum pœnæ modum suo injussu attentatum præferentes, aquæ tormenta repeti jusserunt: quibus triduo sæpe iteratis, nè prorsus extingueretur, foveri semianimis in custodia aliquamdiu debuit, donec viribus redeuntibus capitalis in eum lata est fossæ sententia. Quam ubi rescivit: *bene habet*, inquit, *spiritus quidem promptus est, caro autem infirma. Et isto quidem tormento ego virum defungar, verum Catana (Japonico gladio id nomen) me manet, qua capite abscisso Cælis inserat.* Nocte ultima cùm se ad Cœlestia commendanda in carceris angulum recepisset, Divinæ consolationis vi corpus librante, visus est ab excubitoribus sublimè à terra pendere, multâ circum luce perfusus: ad cujus insolentiam



spectaculi evocati Gubernatores, & ipsi admiratione confecti hærebant, videntes eodem simul tempore ingentem lucem Cælo lapsam custodiæ imminere.

Die 14. Octobris Marcellus è custodia productus, strigoso equo imponitur, brevi togulâ genuum tenuis, cetera nudus, promissâ, manibus à tergo revinctis, lupato ferreo muricibus aspero ora constrictus, ne loqui de Christo ad circumstantes posset: dextra capitis pars rasa & rubricâ, quo nihil ibi probro-  
sius habetur, depicta. Ipse autem hilari vultu, oculis in Cælum sublatis, ubi institores Lusitanos, qui sex navibus paulò antè Macao merces advexerant, lachrymantes, seq; multâ appreciatione venerantes aspexit, ter inclinato capite eos consalutavit. A tergo alligatam trahebat chartaceo vexillo inscriptam mortis causam, his verbis: *Hoc supplicium decrevit Sciogunsama Imperator Japonia per suos Gubernatores Fidasakibara, & Poabasaburo-sayemon, in hominem istum dementem; eò quòd venerit predicatum in his Japonia Regnis exterram Legem, adversus leges Sciaca, Amida, aliorumq; Fotokium Japonia. Omnes spectatum accurrere, moriturus est enim in fovea, ut ejus exemplo sit alijs cautum.* Perductus ad fossam in Monte Martyrum, interim dum toto corpore funibus, quò diùtiùs compresso sanguinis in caput defluxu vita illi constaret, artificis-  
simè constringitur, gratias Gubernatoribus egit, pro molestia sui causâ toleratâ. Mox in scrobem genuum tenuis supinis pedibus demissus, semper immotus quietissimè pependit, ut milites, animam egisse aliquoties rati, operculum amoverint, scitantes, num quo egeret? quibus ille, unâ sibi gloriâ celesti opus esse, respondit; *sinerent se suis in fovea delicijs & Paradiso frui.* Erat jam quartus dies devexus in vesperam, & postridie festus Nangasachi cuipiam Idolorum, ideòq; nefastus supplicij dies. Igitur gladio percutiendus horâ post meridiem tertiâ extrahitur; quod ubi advertit, *bene est*, inquit, *id ego pridem opperiebar.* Omnibus miraculum visum, nihil è corpore sanguinis illi pronum in caput defluxisse, cum solita sit alijs, nè obruerentur, vena laxari. Porro cruciatum illum acerbissimum, quo viscera suis sedibus mota, atque in præcordia delapsa, suo se deinde naturali loco, dum corpus erigitur, restituunt, incredibili gaudio tulit Marcellus, humillimâ comitate veniam laboris ab excubitoribus petens, quem suâ causâ tam diu sustinuerant. Et mox flexis humi ad excipiendum ictum genibus, bis exclamavit; *Pater mi S. Fran-*

*cisce Xaveri!* creditus exinde habuisse illum extremo hoc vitæ articulo conspicuum. Secundum eam vocem carnifex validè vibravit acinacem, qui licèt, ut apud Japones solet, acie præstaret, noxæ tamen, velut in ferum impactus, nihil intulit: cumq; totis viribus iterâisset ictum, è manibus penitus in terram excidit, solo levi vestigio, sicut fricando strinxisset, in collo relicto. Cumq; carnifex sui impos, velut è cælo tactus, attonitus prodigio staret, Marcellus eum blandè affatus, exequi nunc demum Gubernatorum, jussa hortatur. Quâ velut sibi datâ facultate animosior, ferrum corripit, & JESUM ac MARIAM invocanti facillimo ictu caput amputat die 17. Oct. 1637. cum ageret Marcellus vitæ annum 35. in Societate 20. Quo tempore validè rursum terra contremuit, & sereno undequaq; Cælo, soli Gubernatorum Curia atra nubes impendere conspecta est. Corpus ejus nâ cum Andreæ unius ex Socijs, qui in fossa obierat, fædè à sicarijs discerptum, in cineres exutum, atq; in fluctus dispersum est. Ex cujus busto mirum omnibus visum est, fumum rectâ semper Cælum versum, licèt vehemens spiraret ventus sese extulisse. Pilulas tamen illas Xaverianas, medicas esse rati, unâ cum thaumaturga ejus effigie ad Imperatorem transmitti placuit, rebus alijs Marcelli omnibus igne crematis & dispersis. Simul atque nuncius mortis ejus Manilam perlatus est, incredibilis omnes pietatis sensus cum lachrymis occupavit, æra Sacra cum Hymno Ambrosiano per omnia. Templâ resonuerunt, idem factum Macai, Goæ, Ulyssipone, Madriti. Neapoli insuper cubiculum illud, in quo miraculosè confanuerat, in sacellum consecratum, in quo effigies illius visitur, à pictore, qui nunquam eum viderat, nullam verè illum exprimentem nancisci imaginem poterat, itâ ad vivum depicta, ut nihil expressius, nihil Marcello similis fingi possit. Ex eo etiam tempore certatim Navarchi suis in vexillis atque supparis ejus effigiem expingi curabant, ad servanda in procellis navigia, cursumq; fortunandum. Eâdem decollati Marcelli horâ (quod postea ex temporis supputatione constitit) Manilæ vir pius, qui præcipuam Marcello ad iter Japonicum operam navarat, inopinatò nullâ causâ antegressâ, sensit se ad studium sanctitatis maximis ardoribus inflammari, & inusitatâ quâdam animi jucunditate perfundi. Cujus unicum auctorem Marcellum interpretatus, omnem deinde superædificatæ perfectionis molem uni illi



Alii acceptam ferebat. Diximus suprà cui-  
dam personæ Christum pro Marcello in Ja-  
poniam navigante oranti, illum ex cruce di-  
xisse, Spiritus S. lucem à se eò mitti, quæ ead-  
em eventus Marcelli ignara, dum ardentis-  
simè coram eodem Crucifixo, quâ horâ Mar-  
cellus plectebatur, Deum pro Japonia exo-  
rat, ecce tibi adest Marcellus, veste quidem  
Societatis, sed capite Japonicum in morem  
rafo, qui propter illum in genua provolutus,  
eandem pro Japonia preces instantè adjuva-  
bat. Fuere complures, qui solo in cubiculum  
illud, quod Manilæ Marcellus incoluit, in-  
gressu, molestos animi scrupulos angorésq;  
deterferint, & ad sanctitatis studium vehe-  
menter impulsî sint. Eodem ipso cæsi Mar-  
celli die, Manilæ Gubernatoris ex Fratre ne-  
pos ad extrema deductus (cujus obitum an-  
te discessum suum Marcellus prædixerat) re-  
pentè totus hilarescens, eum sibi, ut indè cre-  
ditum est, præsentem alloqui cœpit, *quid re-  
rum agitur P. Marcelle? rectène ad mortem com-  
paratus sum? condonantur mihi peccata sunt?*  
obitæque, veluti admonitus, totius vitæ exo-  
mologesi, neq; quidquam præterea aliud elo-  
cutus, plenus optimæ spei mortuus est. Ejus-  
dem invocatæ ope res amissas & jam despera-  
tas improvisò recuperârunt alij, alij admotis,  
ab ejus tactu sacratis imaginibus, numi-  
smatis, aut chirographo, capitis dolores mo-  
mento depulerunt, periculosos partus è vesti-  
gio solverunt, febres sedârunt, calculos præ-  
grandes, quos finè miraculo nequivisse de-  
pelli postea Medici sensere, ejecerunt; verbo  
omnis generis morbos, solo etiam ejus nomi-  
ne invocato, abegerunt.

Nec in Europam suam beneficis mi-  
nùs extitit Marcellus. Anno 1635, dum Ma-  
driti rebus ad professionem Indicam confi-  
ciendis versaretur, filium Comitissæ Schom-  
burg Oratoris Cæsarei, nomine Regis Hun-  
gariæ è Sacro fonte Marcellus levârat, eumq;  
sub tutelam suam receptum, in articulo præ-  
sertim obeundi Martyrij, commendatum ha-  
biturum sponderat. Pertinax interim ma-  
lum constanter puerum exercuit, atq; adeò  
macie tenuatum exhaustit, ut eum diu victu-  
rum Medici Regij negarent. Ecce autem  
eodem anni & Octobris die, quo Marcellus  
gloriosam mortem obiit (& eandem horam  
prorsus fuisse deinde constitit) puerulus atto-  
nitis omnibus, nullâ præcedente causâ, subi-  
tâ corpusculi instauratione revaluit, firmâq;  
incolumitate deinceps vixit. Eodem horæ  
momento Comiti Rupis floridæ, cui similiter  
sui memoriam certò se indicaturum Mar-

cellus addixerat, quartana febris, cujus ea  
hora accessionis erat, evanuit, neq; unquam  
deinceps reversa est. Nobilis adolescens Nea-  
poli, ex gravi in caput lapsu perpaulum à  
morte absuit. Sed eo in lecto, ubi Marcellus  
æger cubuerat depositus, manè sospes, nè qui-  
dem signo mali relicto, evasit. Drepani Ca-  
tharina à Vincentio & Burgo, cum sanguinis,  
tum virtutis laude conspicua, tam atroci con-  
flictabatur malo, ut nono morbi die ab omni-  
bus deposita, susceptis rite Sacramentis, &  
procuratis crastinum in funus rebus omni-  
bus, nil nisi mortem, paralyfi & apoplexiâ  
percussa expectaret. Frustra etiam Spiritua-  
lia suere remedia, provocati muneribus & a-  
nathematis Sancti, preces exposito propalam  
SS. Sacramento multis in Templis institu-  
tæ, ipse adeò Thaumaturgus Xaverius ne-  
quidquam exoratus. Pater Antonius Ro-  
sella Virginis Confessarius morienti extre-  
mum adstiturus, epistolam à Marcello con-  
scriptam secum inter hæc attulit, jussitque  
Marcelli merita apud S. Xaverium interpo-  
nere, dicto in eundem finem cum adstantibus  
semel Pater & Ave. Ipse corpus infirmæ, du-  
ctâ in Crucis formam epistolâ, locis affectis  
signare, cum hisce verbis: *per merita S. Xa-  
verij, & Marcelli Mastrilli, protegat & salvet te*  
*D. DEUS omnipotens, in nomine Patris & Filij,*  
*& Spiritus S.* Res prodigij plenissima! admo-  
tâ brachio apoplectico epistolâ, confestim vi-  
gor ad omnem motum restitutus est: ea-  
dem digitis contractis inserta, mox eosdem  
explicuit: supposita capiti, ductâque per re-  
liqua paralytica membra, magno omnium  
stupore, quaquâ trahebatur vitam, vigorem,  
salutem integravit; ut ægra continuò sur-  
gens seipsam vestibus induerit, die sequenti  
in nostram Ædem gratias Divis actura adve-  
nerit, dum quaternis interim choris, totâ ci-  
vitate cum Senatu illuc effusa, resonantibus  
totius Urbis campanis, Te Deum laudamus  
caneretur. Quo prodigio celebris facta ea  
Epistola, certatim deinceps ægrotis expete-  
batur, restituitq; non multò post alteri cui-  
dam Matronæ in agone jam constitutæ, eâ-  
dem celeritate perfectam incolumitatem: &  
puellæ multos annos pedibus captæ, eodem  
quo applicata est vestigio, gressum & sospi-  
tatem. Alia ejusdem epistola Neapoli Anno  
1639, ægrotantis faucibus apposita, momen-  
to anginam depulit.

Verùm singulare prorsus est, quod Lu-  
xemburgi eodem anno in Joana Goudia pa-  
tratum est. Hæc post varios longosq; morbos  
ex tibiæ dolore ingrediendi facultate,



prorsus orbata, miris item ignotisq; doloribus excruciatâ est, ut per annos 12. moveri sine ingenti cruciatu, neq; sapius quàm ter quaterve per annum posset. Ad hæc ita illi ademptum est linguæ officium, ut nè mutiret quidem, sed gestu duntaxat loqueretur; omnis auræ & aëris impatiens, frustra per annos 16. in ejus cura desudantibus Mystis & Medicis. Postremò interiore impulsu se urgeri sensit, ut in B. V. Consolatricis Sacellum deportaretur. Ibi appensam S. Xaverij Marcellum curantis effigiem digito ostentans, eorum, & maximè Marcelli ope, se bene de successu sperare significat. Ergo tribus illuc continenter Sacris citrà molestiam auditis 8 Sept. Anno 1639. quia meliusculè sibi fieri sensit, totum novendium eam pietatem continuavit. Et ecce quodam die cupidò eam incessit ante Divini Corporis elevationem genibus nitendi: dùmq; tentat se moliri in pedes, sensit sibi quempiam à læva, licèt nullo tangente homine, adminiculari, quem ipsa P. Marcellum interpretata, stetit, flexit, Divino Epulo accubuit, deniq; ambulavit; donec 14. Sept. inter Sacra mysteria

perfectum fandi usum adepta, votum disertâ formulâ palàm concepit, honorem & nomen Deiparæ, ac servi ejus Marcelli, semper tutandi, ac propagandi. Et nè in recensendis speciatim miraculis prolixior sim, vix ullum morbi genus est, quod invocatus ipse non depulerit, terrâ, mariq; clientibus suis præsens sospitator; dæmonibus, quos è corporibus, & habitaculis hominum sapius exegit, in vita & morte factus terribilis. Quantum etiam Prophetiæ dono claruerit, ex multis hætenus colligi potuit. Certè Neapoli Augustino Vierræ Discipulo suo diu antè præsignificavit, ubi annum ætatis 25. exequeretur, scœatu sanguinis, uti re ipsa factum est, obituro. Madriti cuiuspiam è nostris insperanti spondidit, revisuros invicem in Philippinis: alteri, sollicitatum iri gravibus tentationibus ad desciscendû à Societate. Et cùm ejusmodi prædictiones obviæ illi penè essent & quotidiana, nunquam tamen quidquam fefellit, quin, uti dixerat, eveniret: ut verè de eo dici possit: *Non cecidit ex verbis ejus in terram.*

## P. PETRUS CASSUI.

**P**etri Petro Cassui Japonia natalis fuit Omuræ, fatalis eadem Jerudi, Regia Imperatoris sede, multo hætenus Christianorum sanguine nobilitata. Imperij enim hæres Daifusama, nè à parentis ferocia degenerasse videretur, sub ipsa gubernationis suæ initia atrociter in Christianos Jendi inquisivit; ac 16. Augusti octo Christi Athletas obtruncari fecit. Et ut tenaces iræ Principum non facillè placantur ubi semel ferrum induerint, die insequenti hesternis octo additi 14. atrocitatem & propè numerum duplicârunt. Ex eorum numero fuit Marcus Principum fatus sanguine, qui in Patrum absentia Christianos in fide ob pœnarum atrocitatem nutantes, confirmare, lapsos erigere egregiè solebat. Sequenti rursus die tres alij supra viginti obtruncandi erant; sed cùm Judices Imperatorem monuissent, lentiùs aliquantò in tanta civium cæde pergendum esse, ad quinque solum Martyrij gloria pervenit; è quibus memoranda potissimùm venit constantia Laurentij. Ducebatur ille ad Martyrium cum primis octo nonus. sed parens ejus Ethnicus ad Judices appellavit, spondiditq; se filium ad defectionem pertracturum, si mora aliqua

concederetur. Non gravatè impetrat, quod Judices ipsi exoptabant. Itaq; magno doloris sensu Laurentius frustra Fidem suam protestatus, à socijs avellitur, & in ergastulum reclusus, nova prælia, cùm victoriam se tenere crederet, auspicatur cum parente; qui licèt fideum Chirographum ejuratæ à Filio Fidei ad Judices attulisset, cùm tamen coram advocatus Laurentius parentis figmentum detestaretur, desideratæ gloriæ effectus est particeps. Quibus tandem adjectus ibidem hoc anno noster P. Petrus Cassui, gloriosè occubuit. Fuit ille à puero in Seminario institutus, & A. 1614. cùm à Patrum latere divelli non posset, exilio cum illis multatus. Ipse per eam occasionem roborandæ Pietati & Fidei suæ intentus, Hierosolymæ visenda, legendorûque Christi Servatoris nostri vestigiorum studio, Indiam atque universam Persiam emensus est: & suo illo perfunctus officio, Romam tetendit. Ibi rerum humanarum pertæsus, anno 1620. Societatem amplexus, in suam retro Japoniam Moderatorum missu remigravit: in quam, ut ementitâ meliùs personâ penetraret, biennio toto longa in navi, nudo capite, nudisq; pedibus remum duxit: & eo tamen frustratus consilio Manilam pro mancipio





P. Petrus Cassui Japon Sae IESV pro Christi Fide varijs tormentis enectus Iendi in Iaponia, mense Iulio A. 1639.

C. Secreta. d.

M. K. F.

elipio tetendit. \* Sic demum elusis excubijs ingressus Japoniam, Nangasachi complures, quos à Fide subtraxerat horror Ungensium aquarum, suis ipse hortatibus revocavit. Indè in septentrionales oras latus, cum in hostium manus incidisset, Jendum Urbem Regiam perductus est, ibique varijs atrocissimis tormentis enectus, mense Iulio A. 1639. ætatis 51. In media tormentorum acerbitate constitutus, cum inter alios spectatores Christophorum etiam Ferreiram (itã quondam in Societate dictum, postmodum autem in

sua à Fide apostasia, Joannem, seu Yendo Japonijs nuncupatum) conspexisset (hunc enim Magistratus supplicio Petri interesse, ad magis in Idololatria terrore firmandum iusserant) cœpit eum verbis ad omnem fervorem incitatissimis, & exemplo suo, ad desertæ Fidei, & mortis pro ea obeundæ gloriam invitare. Sed frustra tunc quidem iterum id fuit, DEO illius pœnitentiam, & fortissimam in Confessione S. Religionis obitam mortem, in multos posterius annos disponente.



P. ANDREAS





P. Amarus. Mourcira, Lusitanus Soc. IESV odio Religionis ab Hæreticis occisus in India ad Goam 30. Septembris. A. 1639.

C. Scereta del.

Melch. Kusell f.

## P. ANDREAS MOUREIRA.

**S**æpius experta est in Oriente Societas Hæreticos infensiores sibi, quam Ethnicos fuisse. Nam calumnijs suis Angli & Batavi Imperatoris Japoniæ animum à nostris penitus averterunt, cum dicerent: impostores illos esse, & mentitæ pietatis fucō Regna perturbare; Hispanisq; nova Regna querentibus viam parare. Quamobrem affirmabant eos in Europa Regnis pelli ab ijs Principibus, qui acutiùs eorum artes explorassent. Enimvero Imperator hæc audiens, continere se non potuit quin palàm diceret: *Si Principes Europa suis illos Regnis & Provincijs exterminant, cur Regno meo non ejiciam advenas, qui à*

*suis non feruntur?* Ejectos postmodum in exilium Patres, cum navibus in Philippinas deportarentur, duobus navigijs invadere parabant in Firandensi portu ejdem Batavi; nisi in Firandi Toparcha ethnico Catholici contra hæreticos patrocinium reperissent. Idem P. Egidium de Abreu verberibus & inedia confecerunt in nova Batavia, & hoc rursus anno ad Goam Patrem Amarum ortu Lusitanum, Domo Ulyssiponensem, Domus Professæ Goanæ Ministrum sustulere. Cum enim hi suis classibus Indica maria diu haberent infesta, ut Goanos omni exterorum commercio prohiberent, extremo Septembri duos Myoparones in anchoris pro portu collocavere. Præ-



tor Indicus hos ut abigeret, rostratam ingentem navem, cui à S. Bonaventura nomen, immiffurus, eam compleri militibus jubet; additi qui Sacris myfterijs, & hortatu rem publicam adjuvarent è noſtris duo P. Emmanuel de Lyma, & P. Amarus Moureira. Antevenère Batavi: Et ſeptem aliorum acceſſione navium auſti, in Murmuganum amnē, ubi roſtrata Luſitanorum ſtabat, inveſti, tormentis eam validè pertinacitèrque verberavère. Reſtitère contra Luſitani fortiffimè dimicantes, donec ſub noctem impulſo in eos navigio quodam inflammato, ignem etiam roſtrata concepit, & horæ momento deſagravit. Tum ſibi quiſque, quā evaderent univerſi, conſulere; plerique ſe in flumen agere, & nando experiri. In his P. Amarus fuit: quē Batavi ſubmiſſis cymbis ad excipiendos profugos concurſantes agnitum è toga, & raſa eo die capitis coronā, Jeſuitam eſſe, cum cæteros etiam Religioſos ſervarent incolumes, noſtri nominis & Catholicæ Fidei, quam ſuſtineri à nobis totā Indiā clamitabant, odio, contis & mucronibus impiè conſecerunt, die 30. Septembris anno 1639. ætatis 42. Initæ Societatis 22.

Secutus hunc eſt eodem anno 28. Decembris, diverſo tamen loco in Philippinis à Mahometanis necatus, P. Petrus de Zamora Hiſpanus. Hic poſteaquam Mindanaus Inſula bello ab Hiſpanis ſubacta, jugum Chriſti operā P. Maſtrilli ſuſcepit, bene cœpta na-

viter cum Socijs, prædicatione Evangelij promovebat, magnas ab infeſtis indigenis, ubi occultè poſſent Patrum vitæ inſidias ſtruentibus, difficultates perpeſſus. Degebat in Præſidio Bahayeni, militibus in Spiritu procurandis additus, in tanta rerum omniū penuria, ut ſuā quādam ad Moderatores datā epistolā ſic teſtetur: *opiparè ſecum agi quiſq. exiſtimat, ubi quantum vola complecti poteſt, leguminum naſtus eſt. Sed in his omnibus ſuperabundo gaudio: neq. hic unquam alias tam bene habuimus.* In hac rerum humanarum penuria, & copia divinarum, mors Patrem fortunata itā excepit. Conſtiterat ex adverſo Arcis manipulus Mahometanorum, ſædus & pacem firmaturum ſimulans: ad quos dum nimum creduli in adverſam fluminis ripam Dux ipſe cum Patre, & primores aliquot exeunt, ab hoſtibus Fidei circumventi impiè & perfidè trucidantur. Dux nihilominus cum Patre vulneribus ſaucij per amnem evadunt, ex quibus Pater tertio die conſumptus occubuit 20. Decemb. Neque illi, quibus ejus conditio mortis perſpecta fuit, cunctati ſunt cum in Fidei heroibus numerare, ut quem ideo maximè trucidatum ſcirent, quodd ſtudio haberet eos Hiſpanis conciliare, quō itā Chriſto eoſdem facilius aggregaret, cujus illi vehementer odio, ut ejus perfidiæ cultores ſolent, perditæque flagrabant.

## P. FRANCISCUS DE MENDOZA.



Equiſſimum ſemper duxit Societas, eos qui pro aris Chriſti, aut focis domeſticis, armis depugnant milites, Chriſtianæ quoque militiæ armaturā munire: hinc cum ipſis ferè Societatis primordijs Miſſio cœpit Caſtrenſis, quando Aphrodiſium obſeſſurus Vega, Jacobum Lainium unum ex primis S. Ignatij ſocijs, in caſtris ſuis habere voluit, qui ſibi, ſuisque militibus, quā precibus & Sacrificijs, quā adhortationibus ſacris, & adminiſtratione Sacramentorum præſidio foret. Bellum movebat in Mindanao Philippinarum Inſula pro Hiſpaniæ Rege illic Gubernator, contra Fidei capitales hoſtes Mahometanos, in quorum converſione impigre ibi deſudabat 16. jam annum P. Mendoza. Ij namque qui mediterranea Inſulæ ad Malanai lacum accolebant, facti Deo & Regi refractarij, arma rebellii corripuerant, tracturi

ſecum in aciem, quidquid impij dogmatis cultorum illic adhuc ſupereſſet, ut cum Hiſpanis omnem ſimul Fidem & Religionem Chriſti ab Inſula eliminarent. Et prima quidem expeditio ſecunda Hiſpanis, nec multo ſanguine ſtetit & impendio: cujus optato ſucceſſu delibuti, alteram apparabant animoſius; & ut ferè fit, ex ſecundis eventis præſidente naſci ſolitā ſecuritate, quaſi jam debellatum foret, nunquam ſuperfluam in militia cautelam & vigilantiam propè depoſuerant. Prius tamen quàm decretoria barbaris arma inferrent, legatos pacis interpretes præmiſère, eā ſolā lege & cautione pacem & quietem ferentes, ut Patres legis Chriſtianæ doctores ad ſe omni absque armorum ſtrepitu dirigendos reciperent, à quibus documenta ſalutis æternæ perciperent: cætera omnia illis cum omnibus ſuis juribus & libertate manſura integra & immunia. Sed





*P. Franciscus de Mendoza, ex illustrissimo Sanguine Lusit. Soc. IESV. odio Fidei Christianae necatus ab Idololatri in Philippinarum Insula Mindanao. 7. Maj. A. 1642.*

*C. Secreta. d.*

*M. K. f.*

illud nempe erat quod ad rebellionem animos impiorum conciverat, dolentibus & freudentibus tres jam stationes seu colonias, in totidem suorum confiniorum vicis à Patribus Societatis excitatas, in quibus singuli naviter in deserta illa vinea laborantes, Christianos mores & humanitatem illis instillare satagebant. Paucis enim & brevibus laconicâ barbarie responderunt, veniret enim vero quando luberet bonis avibus Pater, experturum profectò continuè quantum ejus gratiâ veliat. Geminas habere se clavas in promptu, queis illum pectore & tergo contusum elidant: haud alijs sibi opus præconibus, quàm suis esse Cacigijs. Mendoza igitur statione suâ, quam uno ex tribus memoratis colonijs loco, in alterum jam mensem durante

primâ expeditione Yligani procurabat, necessariò cedens, magnopere apud Socium Sacerdotem institit, ut quando ipse militarem aciem priore vice fuerat secutus, sibi jam copia fieret alternâ vicissitudine in campum prodeundi. Verebatur nimirum magnopere, nè hæc sibi tam propinqua fundendi pro Religione sanguinis occasio elaberetur, post quam vix aliam secuturâ sibi polliceri posse videbatur. Paucis siquidem antè mensibus gravi morbo oppressus, trimestres inducias sibi à DEO vitæ poposcit, quò se diligentius morti præpararet. Convaluit mox enim vero, sed Yligani tertio jam mense ad exitum properante dixit cuidam, mortem sibi videri propediem imminere, trimestres enim quas postulaverat inducias jam fluxisse. Ergo maximâ



ximâ alacritate cū militum manu ad interiora Regni profectus est, ut se cum reliquo exercitu conjungerent. Et quia nemo hostium pergentibus occurrebat, reliquūque exercitus non longè ampliùs aberat, auctâ fiduciâ ejus turmæ Ductor, adscitis duobus militibus Hispanis, totidémq; famulis, Patre etiâ in Comitē se ultro adjungente, antegredi constituit. At vix à reliquo agmine digressos, improvisus ex insidijs Mahometanorum occupat manipulus, inq; vestigio omnes contrucidat. Quidquid autem infidus hostis persecutus nece fuerit in alijs, in Patre certè nil nisi Religionem & Sacerdotium se morte plectere voluisse vel eo declaravit, quòd nudum à telo & armis longè diriùs atq; atrocius ceteris armatis tractârit; innumeris enim vulneribus totum ejus corpus cæsum & punctim discerptum ab Hispanis deprehensum est, vultu tamen ita post fata sereno, ut

arridenti esset quàm simillimū. Nec dubitavere illis locis Christiani inter cæsos pro Fide eundem computare, cujus reliquias diligentissimè ad religionem collegerunt; & militum quidam sanctè asseveravit, se gravem morbum, quo fatigabatur, epotâ, cui frustillum zonæ Patris intinxerat, aquâ depulisse. Natus fuit P. Mendoza Ulyssipone, Hispanis & clarissimi generis Parentibus 24. Augusti Anno 1602. Societatem verò in nova Hispania A. 1621. complexus, in Philippinas, etiamnum Tyro transmisit. Ubi gradum Coadjutoris Spiritualis sortitus, omnibus Apostolicis eluxit virtutibus: sui præsertim contemptu, mortificatione, & in proximos, ægros, præcipuè commiseratione, quibus medicandis & herbarum, & rerum medicarum nonnullam notitiam comparârat.

Cæsus est ad diem 7. Maij

Anno 1642.

## P. BARTHOLOMÆUS SANCHEZ.



Uam verè professus sit mortaliū omnium Sapientissimus Prov. 30. inter tria sibi difficilia, quartum penitus à se ignorari, nempe *viam viri in adolescentia*: penè evincere videtur labyrinthus adolescentis vitæ à P. Bartholomæo decursus. Prodigiosè à Parentibus DEum timentibus impetratus, & antequam conciperetur jam Divinis obsequijs devotus, idcirco nomen à S. Bartholomæo traxit, quòd ei die Sacro in lucem prodijt Murciae in Hispania Anno 1613. Hi sollicitè educatum, novis artibus ab infantia docuerunt ea aspernari, quibus illa ætas maxime capi solet. Rhedas & pilenta afferebant astu Dæmonis ab inferno extitisse, quibus properantiùs ad Tartara veherentur mortales. Quibus persuasus ille pia omnia sectari à parvo, arulas extruere, simulare Sacrificia, concionari ad domesticos, Missis libentissimè inservire, consuêrat. Verùm jam puer Grammaticæ capax, in Gymnasium Societatis traductus, licentiæ solutioris, discolorum Sodalium exemplis inductus, indicia prodere cœpit; quæ tamen gravibus Patris minis & increpationibus in semine consopita sunt, & in contrarium penitus Sacratioris incendij ardorem deinceps eruperunt, quò primùm die trium Japonicorum Societatis Martyrum festivitatem Murciae celebrari aspexit. Ab his enim conceptâ fervoris flammâ, eodem die viam & ad Crucem, & ad Societatem

Jesu arripuisset, nisi febris eum repentina tum, cū admittendus erat, inceffisset. Sed iterum fervorem Spiritûs eadem febris penitus infregit; donec paulò post majore incremento exarsit, ubi intellexit Patrem Ferdinandum Perez, cui erat perfamiliaris, in Philippinas Insulas discessum parare, unde perfacilis in Japoniam, quò illum Martyrum exemplum nuper traxerat, esset trajectus. Ergo certus eum eodem Indias, & ibidem ingressum in Societatem petere, dum Parentum consensum requirit, veniam quidem amplectendæ Religionis ab ultro volentibus nullo negotio obtinuit, ut autem longiùs ab Hispania recederet, exsculpere nullis argumentis potuit. Hispalim ergo, ut inter Societatis Tyrones reciperetur profectus, P. Ferdinandum jamjam consensurum deprehendit: simulq; novo & repentino ardore inflammatus, celerem resolutionem unâ abeundi concipit. Mox Gades, ubi naves discessuræ stabant in anchoris, provolans, in unam earum clandestinè se injicit, nec ullis suasionibus, ac penè violentiâ à naucleris adhibitâ, exigi potuit. Verùm unæ iterum supervenientes à Matre literæ, lamentis scemineis orbitatem suam graphicè deplorantibus refertæ, in transversum ita egere animum, ut excensionem illico concluderet, nisi repentè afflantibus ventis naves solvissent. Mœstissimus ab eo momento juvenis, vultu & animo dejectus, non amplius Indias, sed navigium





P. Bartholomæus Sanchez Hispanus Soc. I.E.S.V. ab Idololatriis necatus pro Christi fide in Philippinis Buhayeni, mense Iunio. A. 1642.

C.S.d

M.K.f.

quodpiam ab Indijs remeans sibi occurrere suspirabat, cujus beneficio è medio cursu remearet ad suos. Quo nuspiam occurrente, tandem omnino deliberavit ubi primum Mexicum appulissent, clàm sese subducere, & cursum ad suos relegere. Nec defuit sibi id temporis Dæmon, objectans amaricato jam aliunde animo, contemptum sui à Patribus, qui non instar ingenui, sed ut mediastinum in via habuissent, ad vilissima nautarum & ægrorum obsequia (fecerunt enim id periclitandæ ejus virtutis causâ) deprimendo: id si in liberum adhuc & sui juris agant, quid tum designaturos. cum habuerint obligatum? Talia secum turbidis cogitationibus volutantes, novum antevertit impedimentum. Patres enim omnium ignari, ab ipso portu rectâ Tepozotlanum juvenem destinant ad Tyro-

cinium. Quid agat inter sacrum & saxum deprehensus, neq; tamen, ingenuo pudore retractus, palàm defectionem profiteri sustinens? clàm cum Naclero convenit, ut ceteris Tepozotlani expositis, ipsum indè clàm secum auferat, opimam recepturus mercedem. Sed inane fuit contra Dominum consilium, qui improvidæ ætatis misertus, compedes malignæ febris illi iniecit; atq; idcirco Mexicum ad meliorem curam in Collegium delato, ubi incredibili supra maternam charitate sese haberi expertus est; ita omnes simul animo nubes absterfit, ut exinde nunquam in omnem vitam titubaret.


Animosè ergo manum ad aratrum mit- tens in Tyrocinio, & per omne virtutū exercitium edomandis naturæ inclinationibus intentus, præcipuum concepit studium imi- tandi,



tandi, & primario affectu prosequendi S. Xaverium: expertus aliquando intimè in corde sibi dici: *Stude, age, huic Sancto impense, quem tantopere vides tua indoli consentire.* Quia verò per idem tempus P. Mastrillus Japonem petens, in Philippinis, quò jam Bartholomæus immigrârat, substitit, non solum affectus hos in Divum, cujus tot ingentia beneficia in illo legebat, immensè adauxit, verum etiam desiderium petendi Japones sufflamavit, ut proinde continuò copiam eos ad eundi per literas apud Præpositos sollicitaret. Chirographum quin etiam, expresso è pectore, quâ cordi imminet, sanguine conscriptum, quo se Divo pro salute Japoniæ dedicabat, Mastrillo tradidit: vicissimq; pulverem de corpore Sancti delinatum vulneri indidit, ut exinde veluti cordis sui possessorem circumferret. Atq; hoc suo in Divum studio, quem jam modis & praxibus omnibus Mastrilli venerari satagebat, sentiebat ingentes sibi animos ad virtutes addi, obedientiam præsertim, quâ ad Superiorum nutus indifferens, ità lubens & quietus, inter tam incensa Japoniæ desideria vivebat in loco & statione qualibet, ac si ea divinitus ipsi designaretur. Paupertatis amator ut Matris, nihil novi in vestitu unquam admittens, eò quòd novos aliquando calceos indutus, ità amare & pertinaciter sibi internè Sanctum id exprobrantem fuerat expertus, ut quietem & hilaritatem recipere nequiverit, dum exisset. Idem in adversis & tentationibus omnibus, impuris maximè, certum illi erat per fugium, ità familiare, ut cum ijs aliquando videretur sibi oppressus, & ad extrema deductus, fiducialiter ei quereretur; *Sancte mi Pater*, inquit, *ecce jam huic impar certamini. sustinere ultra non valeo.* Momentòq; absterfis sædis imaginibus, vidit simul tetras quasdam umbrarum larvas à se diffugere. Laborabat aliquando sub gravi desolationis pondere, insolitâ Cælestium suavitatum penuriâ, cui medendæ ad Sancti Altare & imaginem confugiens, videt illam ingenti Cruce, à capite ad calcem prætensâ, totam propè contegi: & ex eo tempore expertus est majoribus se, quàm unquam aliàs, animi corporisq; doloribus opprimi, donec penitus Christo in Cruce per mortem configeretur. Non minima ex ijs crux fuit Sacris jam initiato, incredibilis animi angor, quo ex verisimilibus argumentisangebatur, suam in Sacerdotem inaugurationem irritam esse. Tantùmque anxietas processerat, ut eum metum, quo verebatur alijs eâ re sempiterni causa esse exitij, libentissimè morte redempturus

esset. Itaq; novendiali præmissâ apparatione, dum ipso Primitiarum die afflictissimus ante Sacrum erat, & inter querelas patrocini S. Xaverij implorat, allapsa vox illi est: *Quid tu te desertum a Sancto tuo quereris? eâne, qua in te contulit beneficia, tui deserti indicia sunt? Quoniam verò te illi semel commisisti, eidem te posthac permitte, tolerando potior, quàm fruendo futurus. Studium amulandarum ejus virtutum nova: & nunc referenda pro acceptis per eum donis gratia, Deo primam istam hostiam lita.* Absterfis ità majore parte animi cruciatibus, maxima cura eum incessit, an ostentum in Xaveriana imagine Crucis jam completum, an porrò novis in se doloribus explendum esset? Cùm superiorum jussis occupatus Buhayanam in Arcem destinatur, præfidiarijs suâ operâ adfuturus, & circumjectos Mahometanos ad Fidem allecturus. Quod dum instantissimè, sed nullo penè, ob gentis pervicaciam, effectu procurat, evocatur à P. Provinciali Samboangam, principem Hispanorum in Philippinis stationem, ad concelebrandam sæcularem institutæ Societatis memoriam. Ubi ipse instaurato per Sacra Exercitia Spiritu, quia majorem à repetenda Buhayana Colonia reluctantiâ in se sentiebat, magnopere oravit illuc remitti, Deo ipsi nec cogitanti lauream cupitæ mortis in reditu disponente. Migranti enim navigio unâ cum militum supplemento, duo Insulæ Principes Mahometani Coralatus & Manaquerius, sexaginta navibus hostiliter occurrunt. Pater arrepto Crucifixi simulachro Hispanos ad fortiter dimicandum in Christi hostes animabat, donec post bidui certamen victi tandem numero cessere Christiani. Irrumpentem stricto ense Manaquerium sibi antehac simulatâ familiaritate additum interpellans Pater, *amice Manaquerie*, exclamat; sed ille factis amicitiam negans, ejus gutturi siccam altè immergit, & alius quispiam in genua provoluto, oculosque & manus in cœlum tollenti, acinace vulnus bipartito capite superaddit. Atque ut liqueret, quem hostem in Viro Dei persequerentur, solum præterea inermem Patris puerum Ignatium ejusdem odio contrucidant, Hispanis Indisque armatis omnibus servatis. Id quod accidit Anno 1642. initio Junij, ætatis ejus 33. Societatis 11. Patris reliquias Hispani milites summâ pietate ad venerationem collegere: Manaquerius autè ante lapsum annû ab alio Principe expeditione suâ exutus, omnibus suis, etiâ forori Coralatis Conjugi exosus, per montes & sylvas vagus vitam traxit.





P. Antonius Rubinus, P. Antonius Capecius Itali, P. Albertus Mécinski Senatorio Regni ordine Polonus, P. Didacus de Morales Hispa, P. Franciscus Marquez Japon, Socii IESV, post toleratum infusa aqua, et violenter expressa tormentum, in scrobem è pedibus suspensi, et pro fide necati in Iaponia Nangasachi. A. 1693. 22. 23. et 28. Martij.  
C. Secreta. d. M. K. J.

### P. ANTONIUS RUBINUS, cum quatuor Socijs.

**R**ubinus aggredior narrare Christo gloriosum, ausu fortissimum, toti posteritati admirandum magis, quam imitandum: quod nisi speciali S. Spiritus impulsu susceptum esset, vituperationem magis mereretur, quam commendationem. Jam ex eo tempore, quo P. Mastrillum crudeli morte Japonia sustulerat, arctis adeo custodijs à Tociogunsama Imperatore clauderetur, ut nulli prorsus sive Europæo, sive Japonio illuc irrepere fas esset. Interim P. Antonius Rubinus è Cocinensi Provincia Macaum missu P. Generalis appellens, ibiq; primùm literas ejusdem referare jussus, intellexit ex ijs se Visi-

tatorem Japoniæ & Sinarum constitutum. Cujus prima statim cogitatio & cura fuit, Japoniam nullatenus deserere, sed omni, quâ fieri posset arte & modo, tot Sociorum sanguine rigatum solum quantovis periculo adjutum ire. Et quamvis id fieri posset per alias in subsidium afflictissimæ Patriæ submissas operas, avebat tamen incredibili desiderio, æstu per seipsum eam invisere, tum quia suo Visitationis Japonicæ muneri id directè & primò conveniebat, tum quia missis alijs in tam aperta discrimina se subtrahendo, judicabat sinistri rem exempli futuram; reipsâ autem, ut Martyrij gloriam per tot navigationes quæsitam, & nunc propè in manibus positam



positam consequi daretur. Cum igitur hoc in animo firmiter statuisset, Macao autem ob interdicta à Japoniæ Tyranno omnia indè commercia, id nullatenus perfici posset, continuo Manilam Philippinarum Insulam trajicere statuit. Verùm resistentibus ventis à cursu in Cocincinam actus, incredibili solatio novellis illis Christianis per aliquot menses fuit. An. 1641. resumpto cursu, difficili selqui mensis navigatione Manilam tenuit: ubi continuo de eventu votorum suorum sollicitus, nè videretur temerè & inconsultè discrimini caput objicere, à P. Francisco Colin Philippinarum Provinciali obtinuit, ut gravissimis Patribus in consilium vocatis, injungeret illis super certis à se scripto exhibendis punctis seriam coram DEO deliberationem. Convocati ergo præter, Provinciales, ejusq; Antecessorem, fuere tres Provincialis, totidemq; Manilani Rectoris Consultores, cum Rectoribus Collegij & Seminarij, duoque Theologiæ Professores, quibus scripto tradita fuere ad dierum aliquot deliberationem hæc præcipuè puncta: 1. *Liceretne Patribus in Japoniam tam asperis temporibus, tam atroci gliscente persecutione, proficisci?* 2. *An id etiam expediret?* 3. *Utrum, si qui eò destinandi essent, videretur ipsemet cum illis Visitator ire debere?* Negotio pluribus diebus à Patribus expenso, perq; Sacrificia, preces, & voluntarias pœnas DEO recommendato, iterum convocati, in hanc unanimis cõvenère sententiam, quæ scripto à P. Joanne de Bueras complexa, ita habet: Ad 1. *Ire in Japoniam ad comprehensionem & mortem manifestò certam, & nulla ex parte dubiam, censeo non licere, ob damna gravissima, quæ res indè Christiana captura sit, sine ullius utilitatis compensatione; impeditis etiam, ut est ejus gentis ingenium, opportunis in posterum remedijs. Et hoc maxime casu, si ullo unquam, illud exercendum est, quod Christus verbo & exemplo docuit, & sua in apologia S. Athanasius observavit. Neq; decet eà ratione gloriam Dei defendere, cum satis id jam præstitum sit tot inclytis martyrij;* præsertim paucis abhinc mensibus, Oratorum Regis Catholici, & Comitum, unius omnino & sexaginta, diversarum nationum, atatum, conditionum à Tyranno pro Fide interemptorū. Ad alteram; est obligatio procurandi Japonia Christianitati auxilij, omni quo potest prudenter fieri modo; eaq; P. Visitator obstringitur, cui summus Pontifex id ex Officio commendavit. Ea propter si qua spes est posse per Coream aut alià vià indeprehenso eo penetrare, illico mittendi sunt, nullo nationum discrimine, qui lingua & morum ejus gentis experti sunt; designandiq; præterea qui

sedulo linguam condiscant, ex ijs, qui se ad eam missionem divinitus excitari senserint. Ad tertiam; si Pater Visitator habet idoneum quempiam, ut habere audio, quem suo loco ad Provincie gubernationem relinquat, censeo in hisce circumstantijs expedire, ut ipse cum socijs in Japoniam iturus eat; idq; plures ob causas. Prima ea est, quia apprimè laudabile est superiorem intrā suæ jurisdictionis fines, dummodo non desit reliquo officio suo, præcedere sibi subiectos exemplo ad ea, quæ difficiliora & vehementer ardua sunt; cujusmodi est, vitam pro Christo ponere, proq; ovibus suis. Altera ratio est; quia cum Confessione Fidei turpiter defuerit miserabili defestatione unus è subditis ejus, quem item Visitator pro suo munere Vice-Provincialem in Japonia tantisper nominaverat, dum certiore faceret Præpositum Generalem, profecto futurum est è magna Dei gloria, & Patri Nostro aliquod justis doloris levamentum, itidem & universæ Societati; & aliqua Romana Curia, atq; universo Christiano Orbi satisfactio, si Visitator item quispiam nō contentus ijs, quæ Xaverianus ille Heros Marcellus Franciscus Mastrillus eum in finem præstitit, & perpeffus est, ipsemet opitulatum eat illi Ecclesia scandalum passa, & reductum, si fieri possit, ovem illam suam errantem, & si fuerit necesse, suo etiam sanguine compensatum damnum, quod illatum est, elutinq; eam maculam, quæ Societatem magnopore sedavit. Tertia ratio est; quia multa reddit facilia & expedita P. Visitatoris præsentia, quæ aliqui superata perdifficilia sunt, quantavis cura & diligentia adhibeatur, & trahunt plerumq; secum grandia impendia; & subditis insigni solatio est in rebus asperis suum habere secum Superiorem Majorem. Postrema demum causa est: quia cum Superioris officium, in his præsertim Indiarum Provincijs, admodum grave sit, haud æquum videtur eum præcipuā solatij parte arceri, quod habere possit; & si privatorum quisq; omnes itineris ex Europa suscepti labores hoc uno bene collocatos existimat, si ad Missionem adeò gloriosam designetur, profecto non videtur ab e. Superior debere excludi, quoties citra sui dispendium officij, multa opportunitates, & impensius Societatis bonum illi faciunt occasionem: imò videtur laude dignus fore, id ipsum si attentet.

Votorum summam se obtinuisse vident. P. Visitator, consilium illico Gubernatori Philippinarum Sebastiano Hurtado Corcuera, communicat, & iste omnem opem ad transmissionem compromittit. Ergo ocyssimè viam Macaum relegit, ut designato pro se absente Vicario, ne quid interim gubernationis muneri deforet, Manilam renaviget, rediā indè Japoniam petiturus. Sed non exiguam  
Maca



Macai remoram iterum passus, conantibus omni ratione iter ei in Japoniam dissuadere, tum Patre Provinciali Japoniæ, tum Socijs Macaënsibus omnibus; ipse tamē rebus omnibus bene in omnem eventū constitutis, Manilam deniq; repetit, assumtis socijs P. Petro Marquez, 66. annos nato, & Andreā Vieirā Japonæ Coadjutore. Atque itā Divino impulsu manifestē illum agente, ter sesqui anni spatium tam vasta, tam obnoxia latrocinij, tam aspera tempestatibus maria tranavit, semper integer valetudinis & virium, cum tamen senex esset 64. annorum. Manilā discessum paranti, superveniunt multiplices à Provinciali Japoniæ, & primoribus Socijs Macao literæ, omnibus modis profectiōem illam dissuadere conantibus; quibus ipse unā Epistolā ad Provinciam Japoniæ datā satisfactorius, in hæc verba respondit. *Primum propositionis caput meam ipsius personam attinet; nempe videri satius, hanc omisā transmittendi in Japoniam occasione, aliam ab hac proximam opperriri. Gratissimus mihi sanē est animus R. V. & meorum Patrum, quo persuadere student ijs argumentis quæ proferunt, ut nunc quidem profectiōe desistam. Sed ego omittere non possum, quin sequar vocantem DEUM: vererēq; si Macaum reverterer, nē mihi Jona fortuna contingeret, quando fugiebat à facie Domini, & me Oceanus absorberet. Nihil Provincijs me absente decedit; relinquo ad quem in rebus recurri possit: & anno proximo novus illis aderit Visitator, ego jam enim ab anno Patrem Nostrum admonui, me in Japoniam meditari, quò maturē mihi successorem sufficeret. Sed illud ad cumulum est, quòd qui me tali vocatione ciet, idem ille DEUS Provinciarum necessitatibus abunde subveniet. Non est mihi alligatus Deus; sed ipse suā providentiā res itā suaviter disponet, ut nullam ex mea absentia jacturam capiant. Adhuc mihi videri a fore, ut si ab hoc itinere prohiberer, Provincijs aliquod grande incommodum Deus permitteret, ob suæ voluntatis executionem neglectam. Non est alligata manus Domini ad unum. Faciamus ipsi quod ille inspirat, & ipsi cura erit eorum conficiendorum, quæ sollicitant homines. Itaque deliberatā jam certāq; profectiōe antequam Manilā solveret, varias dedit ad diversos literas, quarum aliquas, quia nescio quid Divinum spirant, placet hic attexere. Primæ ad P. Joannem de Matos, Assistentem Lusitanæ Romam datæ, sic habent: Visum fuit hoc anno mitti omnino Patres aliquos in Japoniam, ad opitulandum illi Christianitati tantopere afflicte, cui nullus jam omnino Sacerdos præsto est. In eum finem huc Manilam Macao veni, quoniam*

*apprimè propitium huic consilio sortitus sum Gubernatorem harum Philippinarum, suppeditate navigio & nautis, quorum copia Macai non est. Stamus in procinctu ad profectiōem. Qui proficiscimur, hi sumus, P. Petrus Marquez 4. Votorum Professor, P. Albertus de Polonia, P. Didacus Morales Professor 4. Votorum, P. Antonius Capicinus, P. Alphonsus Arroyus Professor 4. Votorum, P. Franciscus Cassola, P. Franciscus Marquez, P. Josephus Clara, & Frater Andreas Vieira Coadjutor Japonæ. Ego quoque cum illis unā decrevi transmittere, Deo favente, nam meis ipse oculis, quid præstari possit cupio lustrare: cumq; Japoniæ Visitator existam, ipsa videtur exigere ratio, ut id officij exerceam; fieriq; potest, ut res itā dispositas nanciscar, ut oporteat eadem me navi Macaum reverti ad nova subsidia submittenda. Deniq; in omnem fortunam comparatus eo; confidōq; Divinam Majestatem hoc in itinere nobis propitiā fore, Sanctis Sacrificijs & Orationibus R. V. quibus me impensè commendo. Sunt qui ambigant, omnēsne hoc anno transmitti expediat: sed si omnes nequiverint, certē pars eorum media ibit. Manilā 20. Junij 1642.*

Alteræ ad Socios Mediolanum inscriptæ itā sonant. Postquam adjuvanda Japoniæ Consilium diu multūq; versavi, decrevi novem eò Patres mittere, delectos è multis, magni fervoris & Spiritūs; statūq; me illis decimum adungere, & mea ipse in persona cū illis ire; arbitratus, quoniā Japoniæ Visitator constitutus sum, eū me re ipsa oportere, non verbo tantū & nomine gerere, & vexatam eam Christianitatem invisere, de qua illud usurpare possumus: Singularis ferus depastus est eam: quòdq; deterius est, his minimè contentus Tyrannus, clamat insuper: Exinanite, exinanite, usq; ad fundamentum in ea, stirpitus eam, radicitusq; nitens eruere. Et ut vobis Patres mei amantiissimi, id quod est, fatear, nec animus mihi suppedicaret, nec verba, quibus ad expeditionem adeò periculosam quenquam meorum admonerem, nisi præcederem illos exemplo, nisi primus illis viam aperirem. Cum recordor unum signorum boni Pastoris à Christo indicatum illud esse: Et ante oves suas vadit; video me bonum pastorem non fore harum ipsius ovium delectarum, nisi prior illis vestigia signem. Itaque quando me DEUS citra omne meritum meum Pastorem constituit hujus dilecti gregis sui, æquum est eam à me conditionem observari; præcedamq; alios, viam illis demonstrans. Superiores nisi ad difficiles & arduas Missiones primi fuerint, egrenanciscuntur qui se ad eas occasiones exhibeant: at si exemplo inter primos exciterint, multos habebunt qui subsequantur. Multi mihi Patres manus injecerunt, nē per me ipse in Japoniam trajicerem,



rem, & multas ad id rationes adduxere: Sed Deum de me penas sumpturum fore existimo, si efficacem ejus vocationem non sequar. Et sine quando mihi DEUS pro sua Divina misericordia ansam in manum dedit, quanta recordia foret, uti nescire tam commodè & opportuna occasione? Decrevi ergo cum novem Socijs eò transmittere, sperans per illorum merita & virtutes, DEUM aliquam etiam mihi particulam earum suarum gratiarum & favorum collaturum, qua illis praebiturus est. Conabimur, quoad fieri poterit terram inobservati capere: sed DEO si secus complacitum fuerit, ut nò pedem in solo eo ponere liceat, anima certè Cælum occupabunt, comprehensis nobis affectibus, Martyrio; qua fors si nobis obveniret, quid felicitatis amplius optari potest? Ego pro Christo mori non mereor; sed ipse dignus est pro quo omnes moriamur; ideoq; mihi prorsus diffusus, & tam boni Domini dignitate confusus, non cunctabor qualibetlibet me tormentis exponere, certus Christum in nobis, non nos pati, quidquid pro ipso patimur: ut Sanctus ait Cyprianus, idcirco Christum, cum S. Petrum admoneret Martyrij, quod erat subiturus, dixisse: Vado Romam iterum crucifigi: qua verba explicans S. Ambrosius ait, intellexit ergo Petrus, quod Christus iterum Crucifigendus erat in servulo. Et Dominus est is qui patitur in Martyribus: Truncis in Martyribus: Quid contremiscimus? Estimamus eum nobis tantum virtutis ac roboris praebiturum, quantum ad toleranda ea omnia tormenta, qua nos volet ipse tolerare, necesse sit; certumq; est, quod non patietur nos tentari supra id quod possumus, sed faciet etiam cum tentatione proventum, definitis unicuique cruciatibus pro modo virium spiritualium, non ultra eas. Qui si curam habet uniuscujusq; capilli justorum suorum, multo magis illi cura fuerit definire, qua quemq; tormenta volet sustinere. Soluturus post biduum ad mei muneris executionem, nolui prius conscendere, quam istius Collegij Patribus Fratribusq; cunctis valedicerem, invitaremq; ad ferendam nobis opem in hac magnanima Missione. Constitutum relinquimus, ut quotannis in posterum Patres in Japoniam destinentur ex ijs, qui in virtute & mortificatione progressus ampliores habuerint. Et si quis inter vos est (ut multos esse credo) qui vitam & sanguinem suum consecrare desideret benignissimo illi & amantissimo Domino, qui pretiosissimum suum dedit pro nobis; jam tempus est, & occasio est peropportuna. Christus sitit sanguinem nostrum, & ideo in Cruce fixus clamat: Sitio. Cur non restringamus sitim ipsius, oblato illi promptè, quem habemus in venis, sanguine? Non nos terreant crudelia tormenta, quibus Tyrannus Ministros Evangelij excruciat, quia

Dominus ea Celestibus consolationibus & gaudijs animi dulcia efficiet. Nos ij non sumus, qui passuri sumus, sed Christus in nobis; si glorioso Martyri S. Cypriano credimus, qui pulchris illis verbis ad martyrium nos accendit: Militate fortiter, dimiccate constanter, scientes vos sub oculis praesentis Domini dimicare, confessione nominis ejusdem ad ipsius gloriam pervenire, qui non sic est, ut servos suos tantum spectet, sed ut ipse luctetur in nobis; ipse congregitur, ipse in certamine agonis nostri & coronat pariter, & coronatur. Et si sic est, ut verè est, quid metumimus? quid dubitamus? conijciamus nos in amabilissima & tutissima brachia Christi Crucifixi, ipsiq; fidamus, dicamuscq; cum Apostolo S. Paulo: Scio cui credidi. Patres mei, non fallit nos Christus, dum nos invitat, sed pugnat nobiscum, subveniens nobis beneficijs favoribusq; extraordinarijs. Nos praecedimus aperturi viam, & accensuri pyram. Venite Patres mei, venite; succurrite nobis, non cunctemini amplius, quia appropinquavit Regnum Cælorum. Expergiscamur tandem ab omnibus commoditatibus & inanimatibus, & serio nos Christo consecremus, quia merces nostra copiosa est nimis. SS. Sacrificijs & orationibus omnium me commendo, Manila. Julij 1642.

Tertia ad Macaënse Collegium data epistola ita inter reliqua habet: Nolui postremum hoc iter suscipere, nisi vale meis amantissimis Patribus & Fratribus dicto, quos mecum fero, non dicam inscriptos, sed impressos animo & cordi meo, propter eam caritatem, qua completor singulos in Domino. Semper dilexi omnes, diligo, diligamq;, & dum in vivis fuero, & postquam desiero vivere; nam verus amor nunquam interit, sed semper viget. Decrevi transire in Japoniam ego ipse, ut satisfaciam Visitatoris Officio, quandoquidem ut id gererem DEO complacitum est. Neq; me Pater Noster Visitatorem ideo dixit, ut Macai residerem edens & bibens; sed ut loca concursarem obligationi meae, hoc est jurisdictioni subjecta; cuius cum princeps portio Japonia sit, par est ab illa ut ordiri, meisq; ipsius oculis observare, quid possit adferri remedij animis illis prorsus destitutis, & extremâ necessitate spirituali laborantibus. Et fortasse tam liberum nanciscar ingressum, ut eodem navigio remeare compellar, ad sollicitanda operarum supplementa uberiora. Et si DEO cordi non fuerit tam facilem ut ingressum habeamus, at nostro in Officio moriemur, eoq; in opere, cuius existimus debitores: & intelliget Orbis Christianus, Societatem omnino studio, quo potest, eniti, ut Operarios in Japoniam immittat, & Christianis ibi lapsis succurrat, qui nobis concrediti sunt. Et ut, quod est, dicam, ma-



acimi feci constitutum esse me ab R. P. N. Generali Visitatore hoc rerum statu, non equidem gubernandi cupidine, quâ, DEO auctore, vacuus sum; sed Japonia adveniente factâ opportunitate, & ejus exequendi desiderij, quod olim mihi DEUS ejusco expeditionis injecit; & profectò satis videri possem vecors & stolidus, si oblata divinitus occasione frui nesciam, mihiq; metipsi studere: tantòq; in me ad hoc iter impulsus experior, ut si eo dimisso Macaum reverterer, sanè metuerem, nè me DEUS mari obrueret sua vocationi renitentem, eveniretq; mihi, quod olim Jona imperium Domini detrectanti. Quapropter Patres ac Fratres mei, consilium hoc meum in bonam, non in levam partem accipite; ut sequar vocantem Deum, ipse me vocat; ipse scit, quem in finem; scit non obfuturam officio meo eam absentiam meam, & ipse supplebit omnia suavitate permagnâ. Nè quæso tantum mihi bonum impedire studeant, nève ijs me frustrari beneficijs, quæ mihi Deus destinat. Scio quid mihi, & Ordini nostro prosit. Quis scit, velintne Deus ea claustra tam pertinaciter obserata, meâ illuc itione referare? ut subinde vos omnes possitis subingredi, & vestris illis ardentissimis desiderijs satisfacere, quibus à DEO cumulamini? Nulla mei jactura est; imò levatur istud Collegium magno hoc peccatore; qui fortasse multa vobis beneficia impedit, quæ, si abessem, Deus in illud conferret. Sinite mitti in mare miserabilem hunc Jonam: sic enim fortè cessabunt omnes tempestates & procellæ. Sinite me ire & periculum exequi, ut à me DEUS exigit. Nè me amplius sollicitate ad reditum, neu scribite literas, quibus impedire susceptum meum conemini; neq; animum & cor meum amplius affligite, representandis, ut vestris in Epistolis facitis, incommodis: nè succensete huic Vestro Fratri & servo, nève querimini, nolle me sententia quorundam assentiri; sed gratulantes mihi potius, meq; vestris SS. Sacrificijs & orationibus prosequentes, dicite letis vocibus; pergas secundis avibus, Deus te sospitem perducatur, votis tuis saveat, & optatum in portum agat: his enim faustis acclamationibus recreatus ibo, & securus à Domino exauditum iri servos suos. Et quanta foret ea felicitas mea, si Domino cordi futurum esset, ut vitam amitterem, imò rectè ut loquar, servarem ipsius causâ? non sum equidem tanto bono dignus, neq; gratia tam insignis cadit sub meritâ. Sed quamvis ego dignus non sum, qui vitam impendam pro Domini amore; at certo certius est ipsum esse dignum, cuius studio omnes occumbamus. Itaq; de me ipso prorsus diffidens confidensq; promeritis Christi, in ipso me brachia divina conjicio, ut de me, quod ei placitum fuerit, hoc agat. Et quid possumus reformidare mali, loco tam tuto constituti, quam

sunt brachia Domini? nonne ipse promisit, nemo eos de manu mea rapiet? Veniant ergo quotquot excogitare tormenta potest humana malitia, non poterunt ea nos divellere à brachijs amabilissimi Domini. Verum est quidem nos pati pro Christo; sed verum item est Christum esse qui patitur in nobis: itaq; dixit S. Cyprianus: Dimiccate constanter, scientes nos sub oculis presentis Domini dimicare, qui non tantum servos suos spectat, sed & ipse luctatur in nobis; ipse in certamine agonis & coronatur pariter & coronat.

Placuit non omnes pariter periculo objici sed ut quing, nunc, quing, reliqui anno sequente transmitterent: & quibus animus fuerit hujus expeditionis, interea comparabunt se, ut post eos quing, qui jam hic resistunt, subintrare possint. Faxit DEUS, ut patefiat Japonia, idq; non operâ secularium aut mercatorum, sed Religiosorum. Reverentia Vestra, Patres mei, se comparent serio, ut succedant ijs, qui jam admoniti sunt; nos precedimus viam facturâ, referaturq; portas. Ipse magnum instruant apparatus egregia Virtutis & mortificationis. Deus se integrè Deo, factò ab omnibus suis commodis sempiterno divortio; neq; enim aliter huic susceptioni apti fuerint. Ab Patres ac Fratres mei, videre mihi videor servorem vestrum, vòsq; latantes exultare ardentissimâ cupiditate conflagrandi ob amorem Christi in rogo, aut pendendi in foveis illis immanibus. Animo magno estote. Appropinquat Regnum Cælorum. Ego si fortè in Japonia perstitero, significabo quid factò opus sit; & omnino prolixè scribam per hanc ipsam redituram, quâ jam vehemur, navem. Pax DEI quæ exsuperat omnem sensum, custodiat corda vestra & intelligentias vestras. JESUS sit refugium vestrum. Si me videre atque alloqui voluerint, desigant oculos in Christum Crucifixum, ibi me invenient ad pedes cum Magdalena abjectum, deplorantem mea grandia peccata; ijs Sacratissimis pedibus memet contradidi, in illis dormio & vivo, illos complector dicens: Da mihi, Domine JESU, ut sequar vestigia tua; mi JESU, da quod jubes, & jube quod vis. Atq; hisce finio, amplectens omnes, nunquamq; singillatim, eo amore & affectu, quo possum maximo, & pedibus omnium advolutus peto plenis lachrymarum oculis, nè hujus magni peccatoris obliviscantur & ignorent erratis meis in gubernando admisis & modica adificationi, quam præbui, dum in sanctissimo illo Collegio versatus sum: Spiritus Sanctus impleat corda vestra; Charitas Christi possideat animas vestras; Amor Christi JESU, & Beata Virginis Deipara habitet in mentibus vestris. SS. Sacrificijs & orationibus Patrum & Fratrum me plurimum commendo. Manilæ 4. Julij 1642.



Relictis ergo Manilæ quinq; in annum sequentem ex designatis ad iter Japonicum Socijs, nè si prodi eos contingeret, omnes simul in potestatem hostium venirent, quatuor cum illo profecturi, P. Albertus Mecinski, P. Antonius Capecius, P. Franciscus Marquez, & P. Didacus Morales, Sinicam induti personam Anno 1642, 5. Julij, horâ post noctis dimidium tertiâ, clam omnibus conscendere navigium. Navicularij maximis muneribus à Prætorè conducti, prospero celeriq; cursu eos exposuere in quadam exigua Satzumæ Insula 12. Augusti: ubi Patres omnes genibus nixi, osculis terram libantes, manibûsq; in Cælum levatis, infinitas Deo gratias manantibus gaudio lachrymis agebant, quòd se in eam tamdiu, tot votis cupitam terram adduxisset, unde brevem ad æternam Patriam sibi transmissionem ominabantur. Ibi tugurium è virgultis adversum aëris injurias moliri, assumptôq; Japonico, quæ attulerant, cultu, crinem etiam more gentis ad dissimulandum raserunt. Verum paulò post ab intentissimis quaquaversum excubijs observati, comprehensique, Nangasachum 21. Augusti inveci sunt. Die postero ex ergastulo, in quo ferro & nervis innexi totam noctem precando insumperant, ad Gubernatorem producti, & per interpretem quendam Jendo, sive Joannem (id nominis quædã Fidei è Societate nostrâ desertor Christophorus Ferreira, cujus revocandi, si possent, gratiâ potissimum iter illud susceperant, & quæ Divina Misericordia respiciens, tandem A. 1652. Martyrem fecerat) examinati, ore P. Visitatoris intrepidi responderunt: *Sacerdotes se esse è Societate Jesu, cujus Fidem Japonibus predicatum venissent. Dum Joannes Gubernatoris jussu, velintne, sciscitatur, ejuratâ Christi Fide, secundum Japoniæ mores institutâq; vivere? ingentibus illos cumulatâ iri opibus & honoribus, quæ Regiâ fide sponderet. Ad hæc commotior P. Visitator: apage, inquit, tenebrio, desertor, lucifuga, apage ad tartarum & avernales præstigas, quibus nunc apostata famularis. Quæ te Parca, quæ tigris, quæ viperina progenies, aut quod aliud terris infame monstrum genuit, qui tam vecordi nos audeas interrogatione experiri? Percussus miser tam robustâ reprehensione, ut qui ea ipsa interrogata coactus proposuerat, è vestigio se protipuit, neque ex eo ampliùs in conspectum Patrum venit. Ergo Gubernator ipse (erant enim omnes Japonicæ gnari) sciscitatur: pervenissetne ad eorum aures severitas proscriptionis Imperatoria, quâ omnes Christi cultores, Sacerdotes præsertim,*

*sub atrocissimis, quæ excogitari possent, tormentis arcuisset? & quâ ergo dementia ausi fuissent irrepere in Regnum, tot custodijs obseptum, ut eas fallere omnino sit impossibile? Respondit P. Visitator: edictum Imperatoris probè sibi fuisse cognitum; sed mandatis Magni Dei, Cælo terraque dominantis, magis obtemperandum fuisse. Ejus causâ nunc libenter se corpora sua offerre in omnes penas & cruciatus, in omne genus contumeliæ & injuriæ, cum aliter ob celeritatem comprehensionis, lucrandis animabus DEO obsequium præstare non liceat. His magnâ adstantium admiratione & stupore auditis, detrusi sunt in teterrimum septem mensium carcerem, modico orizæ, & aquæ dimensæ pauxillo sustentati: cum interim modò singulis, modò, nè ad ultiores cruciatus fatiscerent, alternis diebus, aquæ in os infusæ ingentem vim, & rursus violenter, compresso ventre, egestæ, sustinere cogerentur. Tandem seu defatigatâ crudelitate Gubernator, seu desperans posse eos à Fide quibusvis tormentis abducî, A. 1643. 17. Martij singulos in obscuram fossam è pedibus pubetenus suspendi, & quâ inediâ, quâ convulsis præcordiis, quâ sanguinis & intestinorum in caput defluxu, lentâ morte consumi imperat. Quâ sententiâ flexis genibus, summâ veneratione & actione gratiarum exceptâ, strigosis jumentis impositi, capitibus ad ignominiam dextrâ parte semirasis, oribus ferro frenatis, vinctis à tergo manibus, inscriptâ chartaceo vexillo, quod in dorso alligatum quisq; ferebat supplicij causâ: quia Christi Fidem contra Imperatoris vetitum predicaturi venissent in Japoniam: circumveci sunt per primarias Nangasachi plateas, inter inconditas infinitæ plebis exhibitiones: ac demum in monte Martyrum singuli in fossas singulas, exosculatis prius funibus aliisque mortis suæ instrumentis, suspensi, & toto penè corpore demersi sunt. Occubuere unus altero prius, ut sua cuique virium firmitas emolumento fuit ad produliores pœnam. Et primus quidem omniū P. Visitator 22. Martij die, sexto quàm fuerat suspensus. 23. successit P. Albertus Mecinski, reliqui duravere usq; ad 25. quos eo die adhuc spirantes, unâ cum mortuis duorum corporibus extractos, obtruncavere, & frustatim dissectos, inque cinerem flammis redactos procul in mare demersere, nè quidquam exstare posset surripiendum ad venerationem. Mors eorum celebrata est Macai ingenti Urbis lætitiâ, solenni omnium campanarum tinnitu, tormentorum tum currulium, tum manualium explosione, hymno*



Ambrosiano solenniter decantato, & festis ignibus octo per noctes ad hilaritatem accensis. Soror decrepita P. Visitatoris, quæ diurno tempore fuleris cogeatur ad gressum niti, ubi Eporodæ nuncium gloriolæ ejus mortis accepit, seu magnitudine insolentis gaudij, seu Divino prodigio ita confirmata est, ut ex eo tempore sui potens gradum firmum receperit, neque ullius opis ad incessum deinceps eguerit. Neq; ab hoc deinceps anno ullus Catholicorum Sacerdotum ingressum in Japonem tentare præsumpsit, nè pro virtute in vitium impingens, vitam aperto mortis discrimini, contra datam à Christo cautelam, temerè expositum iret. Nunc ea, quæ cuilibet illustrissimorum Heroum fuere propria prosequamur.

P. ANTONIUS RUBINUS, natus fuit Strombini in Insubria, Societatem Aronæ A. 1596. annum agens 18. complexus. Absolutâ Mediolani Philosophiâ cum P. Alberto Laërtio transmissit in Indiam, ubi auditâ Goæ Theologiâ, & eadem mox Cocini in Malabare doctâ, binis vicibus in Legatione Pro-Regis Lusitani nomine obita, manifestum vitæ periculum evasit. Sed majus utroq; discrimen fuit, quod in liberanda Meliapore, S. Thomæ tumulo celebratâ Urbe, subiit. Bisnagensis namq; Reguli conjunx impotens foemina, occasione Regis morbi, ad quem depellendum centum hominum victimas Idolo immolari fecerat, Meliaporem obsidione tumultuariâ cinxit; ad cujus liberationem missus sæcialis P. Antonius, cum in immensam auri vim, solvendæ obsidioni ab hostibus postulatam, consentire non posset, angustissimo carcere & compedibus conclusus, nudâ humo cubare, cibq; vix ad mortem arcendam sufficiente totos 65. dies vivere coactus est. Donec tandem civium Meliaporensium munificâ largitione, captivitate ereptus, pristinis suis concionum & catecheseos laboribus restitueretur. Post hæc Rectorem egit ejusdem Urbis Collegij quadriennio; postque procuratam decennali prædicatione orâ Piscariam, præfectus est Collegio Cocinensi; sub quæ tempora invitatus à PP. Chinenfibus ob eximiam Matheseos peritiam ad ejus gentis eulturam, autoritate Patris Generalis translatus est Macaum, ubi Visitatoris Chinæ & Japoniæ accepit officium, & in Japonia optatissimæ mortis, quam retulimus, gloriam. Cæterum immensa quædam in eo charitas eluxit in Deum, quâ offensis illius sumæ bonitatis ita indolebat, ut propè emoreretur. Eâ hyeme quam in Cocincina, Ur-

be Cacciani, tempestate maris illuc ejectus transegit, contigit pijsimi cujusdam Civis Christiani omnia Cœlitum signa & imagines ab apparitoribus violentè intercipi, quæ Gubernator jussit pro foribus nostræ Domus exstruâ rogo comburi. Inter has potissimum fuit Servatoris in Cruce pendentis simulachrum, cujus injuria animum ejus tantopere affecit, ut nisi novellæ illius Christianitatis everfionem fuisset reveritus, jam erat in publicum erupturus, & medijs ex ignibus Crucifixum vindicaturus. Quæ tamen ubi nostrorum conatu jam semiusta fuisset vindicata, eiq; contradita, dici non potest, quantis doloris lachrymis eâ complexus fuerit, quos osculis libaverit, quibus gemitibus injuriam deplorans in suum caput eam averti exoraverit; ut adeo plurium dierum inediam, in ejus expiationem, continuo luctu & lachrymis infusus, sibi indixerit. Ex hoc in Deum affectu processit ingens illa & inflammatissima in salutem proximi charitas, quæ unius etiam perditæ Apostatæ lucrandi studio, certissimæ morti per atrocissima tormenta inferendæ caput objecit. Injuriarum etiam gravissimarum tam fuit tolerans, ut licet eas apud Pro-Regem falsò in se concitatum nullo negotio diffare posset, facere tamen nullâ ratione voluerit. Religio in DEUM non aliàs magis se prodebat, quàm in oratione quotidiana, semper cum lachrymis & ardentissimis suspirijs conjuncta: quæ tempore Sacrificij tam copiosæ defluebant indies, ut Sacra lintea largè perfunderent; monendusque idcirco fuerit, ut vel à lachrymis temperaret, vel eas suo vulgari strophio exciperet. Ex quo Divinæ consuetudinis fonte derivabatur illud sui odium, quo ad usque inclementem corporis tractationem, & sanguinolentam diverberationem incitabatur. Semel duntaxat vescebatur per diem, & quidem sanitatis prætextu persæpe cibo nescio quo ex herbis tam ingrata amaritudinis parato, ut ejus bolum alterum Socij reliqui sustinere non possent. Cœnæ vicem supplebat oratio, in Templi odæo eoram SS. Sacramento eodem temporis semper illi obiri solita. Vinum extra Sacrificium nè rogantibus quidem, & senectutem viri obtendentibus Socijs libare sustinuit; nedum vel Cocolatam in Philippinis, vel Ciam Macai communem, & vulgaris usus degustare. Exercitijs Spiritualibus annuè obiri solitis penitus immergebatur, nec finem ijs, semper ultra consuetos dies productis, facere noverat, nisi avocaretur; vix alternis diebus tunc, idq; planè jejunè



jejunè vesci solitus. Subiectis sibi Socijs exemplo magis quam verbis præibat, accumbentibus ad mensam grandævus jam & Vifitator famulando, lances eluendo, ambulacra publicè verrendo, coco operam suam exhibendo, nihil denique humilium officiorum declinando, quoad sublimem in Martyrij gradum à Domino eveheretur.

P. ALBERTUS MECINSKI, Batavis in suo Diario de Polonia agnominatus, & ipse Poloni nomen, ut pronuntiatio facilius, inter Indos assumpsit; utroque genere tum per Patrem, tum per Matrem, illustrissimo ac Senatorio in Polonia natus, inde Mecinski, hinc Gloskowski, majores suos rebus præclare domi ac militiæ gestis, obscurasse suam gloriâ, & illustrasse videri potest. Et verò à puero, suavi DEI Providentiâ ad hanc gloriâ educatus est, quando non alijs colloquijs, quàm de India, de nostrorum ibi toleratis cruciatibus delectabatur. Scholis mansuetioribus apud nostros Lublini decursis, adjectaq; Societati sese aggregandi mente, Parenti jam viduæ eam aperuit: à qua pro sperato in propositum tam sanctum annutu, colapho insigniter mulctatur, & ad Academiam Cracoviensem tunc Societati in paucis infestam, unâ cum fratre amandatur. Sed & ibi continuata pietatis studia, multis Nobilium adolescentum in idem propositum exemplo suo traductis, longè magis intendit in Italia, Romæ tandem votorum suorum terminum consecutus. Igitur in Tyrocinium 14. Aprilis Anno 1621. ibidem admissus, ita inoffenso pede bienium ejus decurrit, ut nihil unquam in eo sive publicâ, sive privatâ corrigendum reprehensione sit animadversum. Quod an nemini præter illum usu aliquando evenerit, meritò ambigunt Annales nostri. Nullum autem genus mortificationis est, nulla praxis edomandis animi sensualis affectionibus, Societatis quidem Tyronibus usurpari solita, quam non heroicis iste adolescens usurpandam sibi duxerit: donec currente etiamnum Novitiatus tempore in Poloniam remissus, palam fecit omnibus, quàm profunda solidæ Perfectionis jecisset fundamenta. Demortuo siquidem post matrem unico, quem habebat Fratre Stanislao, adeoque omni Domûs opulentæ fortunâ ad eum devolutâ, cum propinqui & affines omnes unanimiter instarent, ut propagandæ illustrissimæ stirpis, in se unum tandem recumbentis, spem promoturus, Societatem, ipsis etiam alioqui amatam, desereret; ipse è contrâ, opulentissimâ hereditate pro amore Christi in ejus pauperes divisâ,

ubi ea de re legitimas tabulas confecit, lætus exclamavit: *jam nihil ultra habeo, quod DEO meo offeram amplius! dedi facultates, dabo & sanguinem pro nomine ipsius.* Nec ab eo momento destitit Japonicam Missionem instantissimis flagitationibus apud Præpositum totius Societatis urgere, dum denique Romam evocatus A. 1626. obtinuit, ut cum selectissimo illo Sociorum, plerorumq; deinde Martyrum manipulo, quem P. Sebastianus Vieira itidem Martyr in Indiam deducebat, mitteretur. Jamq; Primitijs Eboræ in Lusitania Anno 1628. celebratis Ulyssiponem tenebat & jamjam navigio in desideratam Japoniâ pedem inferebat, cum jubetur ejusdem Præpositi perscriptis mandatis in Poloniam recedere. Nimirum sororis ejus vir Cracoviensi Collegio diem dixerat; causatus à nobis aliâ pro Alberto, jam scilicet fatis functo, suppositam fuisse personam, neque idcirco legitimam esse potuisse hæreditatis illius pro Cracoviensi Collegio transcriptionem, sed ad conjugem suam jure sanguinis devolutam. Ivit ergo Albertus in Poloniam, quàm mœstus de omiâ tantopere cupita Japonia, tam lætus de implendo obedientiæ mandato. Scitit se judicio, agnitus ab adversario est, suum erubesciente commentum, compositaq; propter lite revolavit continuè in Italiâ, Lusitaniam, Indiam, atq; demum Japoniam, Goam Ulyssipone cum quinque mensium & dimidij navigatione, multiplici morbo per viam, confectatus, tenuisset, A. 1633. ita ad quendam in Europam perscripsit: *Hoc solum peto à Reverentia Vestra (sacrificiorum nempe & precum suffragia) & nihil amplius, quia hic nulla re egeo, etiamsi sum in egestate, cum habeam solum Deum, qui eo majores mihi communicat gratias indigno, quò longius ab omni consolatione humana absum.*

Cocinum provectus, inde alteras dedisse literas die 18. Aprilis A. 1635. his verbis: *Scripsi nuper R. V. ex Provincia Malabarica, de rebus istius gentis Indica, & de successu & periculis meis. Nunc etiam de ulteriori discessu meo hac paucis scribo. Hodie vespere ascendo navim, navigaturus Malacam. Hac est periculossima navigatio, sed quia suscepta pure ad gloriam DEI, conabor illo juvante superare omnia. Verè mi Pater multa hic aperta pericula mortis; sed scimus quod hac tribulatio pondus gloriæ operatur; & dignus est DEUS, ut omnia patiamur propter illum, qui tanta pro nobis passus est. Socius meus P. Sebastianus Vieira, qui me Româ secum duxit, & qui cum P. Generali nostro egit de mea missione, & cujus ego erâ destinatus socius perpetuus, subiit*



anno præterito gloriosissimum Martyrium in Japonia; nam viventi paulatim viscera extracta sunt, & idem alijs tormentis affectus egregiè triumphavit. Va mihi qui non fui socius in termino, nū in via! Causa fuit excursus ille in Poloniam, propter quam tam citò advolare non poteram: conabor tamen DEO duce vias querere, ut cui non licuit nunc desideratam mortem consequi, saltè postea liceat assequi. Juvet quaso R.V. hunc miserum peccatorem, querentem dilectum suum per tot Oceani spatia, ut eum saltè vel inter ignes, vel inter ferrum & sanguinem inveniat. Verùm dum suam Albertus Japoniam Cocino eadem classe cum P. Mastrillo vectus persequitur, iterum ab Hollandis effugiente in Prætoria navi Mastrillo, interceptur, & ad Insulam Formosam captivus, aliquot tempestatibus jactatus abducitur. Ibì post varia de captivorum capitibus habita consilia, damnatus demum à Gubernatore cum Navarcho, & Nobili quodam Italo, ad suorum pecorum pascua, suppeditatà ad victum orizà, cum frusto bubulæ falsæ quidem, sed ità imputrescentis, ut alioqui canibus in offam cessura esset. Cœpit interim morborum contagio illic grassari, quà etiam duo captivi Religiosi interierunt: quà occasione invenit charitas P. Alberti remedium, quo sibi suisque succurreret. Medicinam enim, cujus principia aliqua olim in Academia hauserat, & in India præstantissimarum herbarum observatione excoluerat, exercere cœpit, ità feliciter, ut desperatum è febris & dysenteria unicum Gubernatoris filium restituerit; cui cùm alterum calculo ad extrema deductum, & tertium oculis propè jam captum addidisset, æstimationem scilicet apud Gubernatorem mercatus est, à quo liberaliùs jam habitus, quidquid pecuniolæ nancisceretur, in captivorum subsidium derivavit. Sextus jam captivitatis volebatur mensis, cùm navis illuc appulit è Japonia argento gravis, in quam permissus conscendere, sex diebus in Cocincinam pervenit; ingenti Lusitanorum gratulatione illic exceptus, miserantibus informem illius aspectum, macie atq; illuvie confecti, sordidà ac planè pannosà veste induti. Indè evocatus Macaum, priusquam denuò remitteretur Cocincinam, ità de se Romam „ perscripsit A. 1638. Ego de me quid amplius dicam, nisi quòd hætenus Crucem „ Domini secter; siquidem ex quo discessi „ Romà, nil ampliùs accidit mihi præter in- „ firmitates, tribulationes, misérias, pericula „ in mari & in terra. Ultimò incidi in ma- „ nus Hollandorum, qui ceperunt navigium,

in quo eram, & P. Marcellus effugit in alio, „ navigio Manilam; indè discessit in Japoniam, & jam factus gloriosissimus Martyr. „ Videat R.V. mirabilem Dei ordinationem, „ & obstupecat. Ego qui tot annis quæro, ad- „ huc mihi restat quærendum; & illi statim, „ sponte suà tam felix est oblata occasio. Væ „ mihi, quia peccata mea impedimento sunt, „ huic tam grandi desiderio meo &c. Ego post „ aliquot dies discessurus sum in Regnum „ Cocincinæ, ad prædicandum ibì Evange- „ lium. In hoc loco libertatem assecutus sum „ ab Hollandis. Messis ibì multa: & invita- „ tus sum à Magnatibus illius Regni, ut ve- „ niam. Spero aliquem futurum gloriæ Dei „ progressum.

In Cocincina deinceps versatus est, donec in Japoniam à P. Antonio Rubino Visitatore deductus, eo ex itinere priusquam Manilâ decederet, ità Romam die 2. Julij Anno 1642. scripsit: Mitto ultimas literas „ R.V. dirigat ad eos, ad quos spectant; quia „ scripsi aliàs latè R.V. vale ultimum dicen- „ do in hac vita, nunc non scribo. Charissimo „ Zyehowicz valedico, Socio carissimo. Dum „ has accipiet, jam puto cursum meum finiero in manu carnificum pro Fide Jesu „ Christi: post dies 30. plùs minùs id futurum puto. Citò scribo, nam vocor ad me- „ tam. Vale millies amice carissime: Datum „ in itinere Japonensi. R.V. servus in Christo, „ ad mortem pro Christo designatus, Albertus „ Mecinski.

Sic ille crediderat, tricenis ab se diebus depugnatum, & victoriam reportatum iri; sed longiori 7. mensium certamine, alternis ferè diebus, ut dixi, aquæ potatione, vomitioneq; tortus, demum pendens in fovea, die 23. Martij Anno 1643. ætatis suæ circiter 42. ab inita Societate 22. Nangafachi triumphavit.

P. DIDACUS DE MORALES magnis animi ornamentis Virum futurum se demonstravit adhuc infans, ortu Hispanus, cui nulla sistendi fletus alia potior fuit ratio, quàm oblata libri cujuscumque volutandi copia. Societati ipso Nominis Jesu die A. 1620. adscriptus, omnes in ea Facultates discendo docendoque percurrit in diversis Indiæ tractibus, in quam à Superioribus missionem exoravit A. 1625. quantà humani affectus omnis abdicatione, vel indè conjice, quod in extremum illum Orbis angulum, Novam Hispaniam, recessurus, Patriam, parentes, necessarios omnes, qui bis mille vix passus aberant, insalutatos præterijt, neque ullis unquà deinceps



ceps literis, aut misâ salute revisit. Ab ea Peruani Imperij Provincia traductus in Philippinas, plurimis annis omni contentione in salutem proximorum illic defudavit, omnibus penè Societatis muneribus, in scholis, missionibus, domi, forisq; perfunctus. Neq; interim in profectum aliorum intentus, remissus erat in suum: tanta illi corporis afflictatio, verberibus, cilicijs, inedia, ut decolor vultusque extenuato semper forderet. Nulla in cubiculo sella, sed ad scriptionem unicum scabellum. Omnibus honori cum esset ob doctrinam & Virtutem, uni tamen sibi despectus apparebat & vilis: ita ad quemvis Superiorum nutum obedire promptus & facilis, ut à paucorum dierum Tyrone amplius non exigeres. In hisce præclare factis eo tempore versabatur in S. Josephi Seminario Manilæ Rector, cujus Regiam foundationem Gubernatori ipse persuaferat, cum eò P. Rubinus Visitator advenerat, aditum in suam Japoniam tentaturus: obtentaque à Superioribus unâ cum eo, quam frustra cum P. Sebastiano Vieira quondam urserat, Missionem, eadem fortunâ usus, vitam asserendæ Christi Fidei consecravit; inverso in foveam suspensio, novem ipsos dies tolerato superstes, ac tandem ferro absumptus Nangasachi 25. Martij, A. 1643. ætatis 38.

P. ANTONIUS CAPECIUS Nobili genere ortus Neapoli in Italia, Societatem complexus est A. 1624. ipso S. Ignatij pervigilio: cujus igneo spiritu inflammatus, mox anno sequente Missionem Indicam è Tyrocinio flagrantissimè exorare institit, hisce ad Generalem perscriptis: Post concessam mihi vocationem ad Societatem, dignata est Dei benedicti benignitas impertiri vocationem etiam Indiarum, tanquam illi scilicet coherentem, ut sanguinem possim profunderé pro eo, qui tantum sui sanguinis pro me misero peccatore profudit. Eam posteaquam cogitavi recogitaviq; ac demum probè maturavi; ad P. V. scribere volui, tanquam Divinæ voluntatis interpretem; ut me solari dignetur, & cum se occasio obtulerit utendi hoc minimo instrumento Societatis, & in præsentiarum aliquo certæ spei responso. Neapoli 24. Maij 1625.

Confectis Neapoli Philosophiæ spatijs, Romam ad Theologiæ studium evocatus, ut primùm se Japonicæ Missionis occasio objecit, hocce eam libello denuo sollicitare institit: Antonius Capecius minimus fratrum Societatis Jesu supplicat P. V. per viscera Jesu Christi & Beatæ Virginis, ut petiti-

nem ejus axaudire velit Indicæ Missionis, præsertim Japonicæ, quò eum vocat DEUS, benedictus. Complurium annorum vocationis est, ut ex unius ad P. V. è Tyrocinio datis liquet. Sed trium horum postremorum annorum spatium magis exarsit, & postremò, ferventissimè, re assiduè cogitata, Deoque diu per preces commendata. Nunc in tertio Theologiæ versatur anno, & de suscipiendo proximâ quadragesimâ Sacerdotio, monitus est, supplicat denuò P. V. ad pedes, S. Ignatij, & S. Francisci Xaverij, ut ejus, velit memoriam habere; eumq; exaudire, pro prima cum hoc Procuratore missione. Factus votorum compos, & properè Sacerdotio initiatus, transmisit eadem cum P. Mastrillo navigatione, casibus & eventis tum in Indiam, tum ultrâ in Philippinas; magna pars eorum gestorum, quæ de Mastrillo memorantur. Divulsus ab eo in Japoniam tendente, facto naufragio Macaum denique repetitâ navigatione tenuit: unde frustra tentatâ sæpius in Japoniam transmissione, Cambojam interim excolere cum P. Mecinski jussus est; donec cum eodem in Societatem itineris à P. Rubino excitus, cum illo excruciat & tortus, telluri vivus infossus, & vitâ in diem nonum productâ è ligno depositus, cum etiamnum spiraret, capite truncatus est die 25. Martij A. 1643.


P. FRANCISCUS MARQUEZ Lusitano patre, matre Japoniâ, nobili apud suos loco nata, ortus est Nangasachi, & ad omnem pietatem à puero educatus. Post literas Humaniores in Societatem à P. Andrea Palmerio adscriptus, ita hoc vitæ institutum adamavit, ut sortem suam cum Orbe universo non esset mutaturus. Tyranni edicto pulsus cum reliquis Socijs è Patria Macaum, Philosophiæ, Theologiæque operam impendit, eo interim tormentorū & Martyrij desiderio, ut si quando hæc materia sive in colloquium, sive in lectionem super mensa incideret, dulcissimis continuò lachrymis perplueret. Adornante iter in Japoniam P. Rubino, profunda Franciscum ejus affectandi incessit cupiditas. Sed eam rejiciebat ille scilicet velut temerariam, cum necdum Sacerdos, anni secundi Theologus, nullius frugis, nullius usûs ibi foret. Eadem nihilominus pertinaciter redeunte, nè iudicio sui unius veram fortè Dei evocationem contemneret, Fratrem germanum quæ habebat in Societate, licet ætate juniorem, consuluit. Sed & ille pro deridiculo temerarium instinctum habuit; donec post biduum Franciscus redux, non valere se ultrâ Divinis obniti



obniti impulsibus asseruit, *cogor*, inquit, *edere, quæ in animo per sentisco, & Religio mihi est nō fecero, ac metus ingens, nē officij à me neglecti rationem DEUS & penas aliquando exposcat.* Cui Frater, & ipse germanum à DEO agi suspicatus: *age ergo*, inquit, *si DEO cordi fueris, aperi pectus animi tui P. Visitatori, nec moras trabe.* Quod ubi eodem adhuc die exequitur, P. Rubinus multis quaestionibus animum ejus versans, nē fortē levitatis aliquid subesset, aut subitanei impetūs, postquam omnia Divina esse, & ardorem humano majorem deprehendit, eum pectori suo arctē adstringens, Societatem itineris pollicetur. Nec multo post conscenso Manilam versūs navigio, dum in Cocincinam rejiciuntur; resumptoq; denuo cursu ad eam laboriosè tendunt, Franciscus omnia servilis officij munia solus exhaurire, & vectoribus infima mediastini obsequia deferre perrexit. Manilæ Sacris initiandis ordinibus, repentinā ejus Archi-Episcopi morte, coactus est 80. leucarum periculosā navigatione, quā etiam navis altera in omnium oculis maris tempestate hausta interiit, Zebuanum adire Antistitem: ubi primo Sacrificio Deo litato, nunquam deinceps illud instauravit sinē ingenti lachrymarum imbre, & arcanissimis animi divinitus perceptis sensis. Quæ etiam in Fratrem suum Macai versantem derivaturus, hæc ei præcipuē inter reliqua perscripsit: Incumbe ad literas, mi carissime, dum tempus suppetit, magnā curā; sed pluri virtutes solidas ducito quā literas; neq; ulla omiseris propter illa Religionis officia: cujusmodi sunt, orare, legere, conscientiam explorare. Summa diligentia regulas observato, quoniam ex certa ad gloriam via sunt. Nulla te res humana deflectat, ut eas prætereas. Humanis respectibus nē moveare; quoniam ea Religioso viro pestis atq; perniciēs est. Iterum atque iterum studeto patientiæ, quia virtus ea summo opere necessaria est ei, qui cum alijs in commune victurus est; præsertim qui Missionibus additus sit; uti ego pronuper abundē Cocincinensi in mora expertus sum. Magnum tibi comparato solidarum virtutum com meatum; quoniam eos, qui hæc Missiones obituri sunt, Angelos in corporibus oportet esse. Redijt interim Macao, quo Provinciæ sibi commissæ res ordinaturus excurrerat P. Visitator, factio-

que recēns Sociorum delectu, nescio quā causa Franciscum excluderat. Quantā in animo ejus exterminatione, quo luctu, quis eloquatur? Soli tamen DEO illum cum lachrymis conquestus, spe suā minimē excidit. Ipsa namque, ut dicimus, professionis horā iussus cum reliquis navim conscendere, quo gaudio nuncium exceperit, paucis ad eundem germanū exaratis lineolis expressit: Ceci- dit fors super Matthiam. Prioribus ad te literis scripseram, ambigere me, iturus necne in Japoniam essem. Jam istis significo, pridie quā abeundum fuit, inter eos me fuisse constitutum, quos antea jam ituros, significāram. Deo gratias infinitas ago, quod in suorum electorum numero me descripsit: id ipsum & te quoque agere, mi charissime, justum est, quoniam delectum Martyrio fratrem fortitus es. Ego Sinæ per sonam Patribus famulaturi mentitus conscendo; & faxit pro sua infinita misericordia DEUS, ut eos ad finem usque conduceret. Tempus me deficit: Lacrymæ non sinunt. Hoc tantum dico; Divinā me misericordiā fretum præire ad Cœlestia; ibi te operiar, neque ibi pro te obsecrare prætermittam. Ora vicissim & tu DEUM atque obtestare, nē in meas miseras atque peccata convertat oculos suos, sed in suam ipsius misericordiam, meque suæ Sacratissimæ Passionis consortem efficiat, suggeratque vires & animum ad ea perferenda tormenta omnia, quæ Tyrannus excogitavit, ad gloriam suam. Sic animo comparatus navim conscendit, Satzumæ cum alijs captus, iisdemque tormentis excruciatu est. Illud tamen speciale habuit, quod consanguineis suis Nangasachi traditus, ut quaquā demum ratione à Religione suasionibus eorundem dimoveretur, importunas eorum blanditias immobilis superavit: tandemque fossæ vivus intumulatus, tolerato novem diebus immani supplicio superstes, ferro triumphum consummavit, sua in Patria Nangasachi 25.

Martij, A. 1643. ætatis circiter 35.







P. Joannes Aresius Soci. IESV. natus in Sarania, occisus in Philippinis odio  
Virtutis ab Indis. 10. Aprilis. A. 1645.

C. S. d.

M. K. f.

## P. JOANNES ARESIUS.

**N**on rã comparati sunt mortaliũ ple-  
rique, ut vitiosos esse nõ pudeat,  
pudeat dici, multoq; magis aper-  
tè scelerum redargui. At Viro-  
rum Apostolicorum ea è contrã  
est libertas, ut vel mortis ipsius contempto  
discrimine, nescientes vitia palpare, scelera  
insecantur; neque sustineant in munere suo  
esse quasi homines non habentes in ore suo  
redargutiones; quamvis cum Joanne Chryso-  
stomo relegentur in exilium, cum Præcurso-  
re Domini damnentur ad gladium; non prius  
cessaturi arguere, quàm voce ferro interce-  
ptã. Enimvero similis libertas P. Joanni mor-  
tem gloriosam conscivit. Laborabat in Phi-

lippinis Indiæ Insulis omni conatu in procu-  
randis Sacramentorum administratione Fide-  
libus, & gentilibus adhuc ad Christi Sacra in-  
ducendis: cùmq; frustra Japoniam, cujus de-  
siderium potissimè ab Europa eum traxerat,  
tunc Apostolicis viris omnino imperviam  
anhelaret, cupitãque Martyrij laureolam  
sibi jam infractam æstimaret, ipso in loco  
eamdem, pro virtutis in vitium defensione,  
indeptus est. Indum ille quempiam negli-  
gentiæ coarguebat, quòd matrem suam le-  
thaliter decumbentem, se minimè ex vicini-  
a commonito, Sacramentorum expertem  
decedere passus esset: simulque ob oculos po-  
nebat, quàm gravem hoc nomine DEO vin-  
dici



dici rationem esset redditurus, si fortè ejus vecordiâ æternis illa supplicijs maceretur. Iste reprehensione factus impatiens, iraque prorsus belluinâ in monitorē excandescens, dum Pater eo relicto nihil mali suspicatus ad orandum se flexo poplite comparat, hastâ innocentem crudeliter configit. Invenère suo natantem in sanguine fideles indigenæ, qui ad opem, voce JESUM & MARIAM invocantis excitati, properè concurrerant. Dùmque elapso jam percussore auctorem immanis parricidij sollicitè à Patre etiamnum spirante requirunt, renuit ille constanter prodere, facinus se illi, Christoque vindictam condonare protestatus. Patuit nihilominus mirabiliter non multò post sceleris artifex, dignasque facto pœnas luit. Sic honestissimâ morte, &

optima in causa consumtus est P. Joannes Cebaliæ in Philippinis 10. Aprilis A. 1645. ætatis 40. Societatis 23. Fertinianum Sardiniae oppidum ei natale fuit. Societatem annos 17. natus complexus, haud contemnendos tam in Philosophicis, quàm Theologicis doctrinis fecit progressus; gradum tamen Coadjutorum Spiritualium duntaxat, quâ erat humilitate, in ea consecutus. Et quia magno propagandæ Numinis gloriæ apud infideles zelo flagrabat, bonâ Moderatorum veniâ, cum P. Didaco Bobadilla Philippinarum Procuratore, illuc delatus, & ad animarum curam in Vicum Cebaliæ est destinatus.



## P. FRANCISCUS PALIOLA.



*Orruptio Optimi pessima*, inquit Philosophus: & S. Augustinus fatetur, se nullum hominum genus deterius, & in sordibus peccatorum protervius deprehendisse, quàm qui à sanctimonie tramite desciscientes, sive à Fide, sive à Religiosa Familia in apostasiam prolapsi sunt. Indè quotidianâ videmus experientiâ, centum citius ab Idolorum ad Christi cultum gentiles traduci, quàm unum ab Hæresi ad Ecclesiam reduci: centum prius Religiosam vitam è statu sæculari adire, quàm unicum apostatam ad eandem redire. Insudabat naviter octavum jam annum Apostolico operi in ipsâ Philippinis, ac præcipuè Insula Mindanao complures annos P. Franciscus, neque fructus labori parcè respondit. Siquidem præter Subanos ad Christi Fidem, ac Fidei consentaneos mores, à spurcijs gentilium prospere adductos, in veterem Christianorum vitam jam intepescentem, eum fervorem & pietatem reduxit, ut primævæ Christianitatis faciem referrent. Unus eâ Regione vivebat homo exitiosi publicè exempli, primæ notæ Apostata, cujus perniciofa, inque aliorum corruptelam vergentia scandala ut impediret, & ab infelici transfugio revocatum, Deo, si posset, lucraretur, omnem eò conatum adverterat. Nimirum plùs ei laborandum fuit in uno (quis credat?) ad vitam revocando perfuga, quàm in omnibus eâ Insulâ lucris Deo factis, quantumlibet principiò obstinatis gentilibus. Hunc ergo dum in omnes partes versat, & continuatis curis omni arte

industrialique allicit, hortatur, exterret: id denique extorsit, quod tam anxie, tot marium transmissione summis votis semper inquisivit, mortem pro virtutis & Fidei assertione sibi conscitam. In omnem ergo tollendi importuni monitoris occasionem intentus Apostata, funestum tamen animi propositum, nè quâ Francisco suboleret, sollicitè tegebat, commoveri etiam salubriter meliorum inculcatione animum quandoque simulans: ut adeò Pater de reducendo ad frugem homine vix jam dubius, diem certam domi suæ condiderit, quâ eum ad repetenda hætenus invicem tractata præstolaretur. Hanc ille maxime opportunam patrando facinori ratus horam, cogitati hætenus facinoris animum furibundis quibusdam capitibus aperit, quibus comitatus, ut alter Judas, domicilio Patris appropinquans sanguinarius irrupit. Sed præsciis ultimæ horæ Pater, eodem quo Martyrum exemplar Christus ad eam se ritu comparare instituit. Namque in genua provolutus, & agonem suum ardenti prece Deo commendans, Marianum Rosarium pro moriendi tessera in manus arripuit, itaque instructus parricidam suum præstolatus est. Ille cum incondita turba irruens, lato cultro primum vulnus per maxillam ad extrema usque colli adegit, atque alius Sacra JESU & Mariæ nomina supremum invocantis tergum lanceâ transfixit, humi autem inde collapsum iterum lanceâ, & reliquis armis alij atque alij per transversaria vulnera transverberarunt, A. 1648. 29. Januarij. A cæde Patris in Sacram supellectilem translato furore, Christi





*P. Franciscus Paliola Italus Soc. IESV, odio Religionis à ne-  
fario quodam Fidei Apostata hastâ transfixus, in India  
Insula Mindanao. 29. Ianua. A. 1648.*

*C. S. d.*

*M. K. f.*

Christi Crucifixi effigiem columnæ per ludi-  
brium alligant, fustibus & flagellis verbe-  
rant: Sacrificales vestes histrionicè in ca-  
chinnum induunt, patenam in scutellæ usum  
adhibent, & facerrimum omnium calicem,  
fædissimorum, proh nefas! sputorum rece-  
ptaculum faciunt. At Fideles è contrâ colle-  
cta viri innocentissimi membra, summâ pie-  
tate, veluti Christi victimæ reliquias, con-  
tumulant, & privatâ licèt, continuâ tamen  
hodièque veneratione celebrant. Patria Fran-  
cisco Nola fuit in Regno Neapolitano, qui  
Societatem anno ætatis 32. jam Sacerdos in-  
gressus, à primo statim Tyrocinij die ad Indi-

cas ærumnas ardentissimè aspirare cœpit, do-  
nec A. 1641. impetratâ professione, in OCCI-  
dentales Indias susceptâ navigatione, Philip-  
pinas postliminio petijt. Vir Deo per ora-  
tionem conjunctissimus, à qua ad agendum  
cum proximis quia velut alter Moyses à con-  
sortio DEI redibat facie ardens, & fervore  
semper inflammatus, passim apud omnes  
Sancti nomine appella-  
batur.







*P. Vincentius Damianus Siculus Soc. IESV. odio Religionis Christianae lanceâ percussus ab Idololâtrâ, in Insulis Philippinis A. 1649. 22. Nov.*

*C. Screti. d.*

*M. K. f.*

## P. VINCENTIUS DAMIANUS.

**V**nde hæcenus plerumq; in Japoniam desiderio Martyrij solvebant Socij, aditu in eam deinceps penitus intercluso, ipsæ factæ sunt Viris Apostolicis Martyrij campus Philippinæ Insulæ, iterum cruentâ nece in Christianæ Legis odium sublato P. Damiano. Natus hic in Sicilia A. 1615. Societatem impetravit anno ætatis 16. in qua post Philosophiæ & Theologiæ biennio audita spatia in Philippinas discedens, & in ipsis Indijs Indias magis reconditas & arduas perscrutatus, ad Ibabao Insulâ penetravit Quoties deinde novi laboris aut periculi quidpiâ


imminebat, ipse in se incunctanter ultro recipiebat, cursu laborum nunquam per ullam interpirationem intermisso. Sublato nuper ab Ethnicis in Palanagensi Missione, adactâ in latus lanceâ, Michaëli Ronce, jussus succedere, ingressus in ærumnarum ac sanguinis illum agrum, tam paternè quæsitissimis modis apostatas illos, ipso transfugio in calli magis duratos, tractare cœpit, ut ferociam tandem demitigati exuerent, Christumq; induerent. Indè re fortiter atq; optato eventu gestâ, missus ad Jubigenfes & Bacerenses barbaros, quibus effratioris nulli eâ tempestate habebantur, ut pauxillum ibi Christianorum gregem



gregem miserrimè fatiscientem restitueret, incredibiles ærumnas, labores, & quotidianas vitæ insidias subiit. Donec tandem redintegratis in illum odijs improborum, denique sublatus è vivis cessit. Horum ille globum in se furore armatum conspicatus, in genua continuè dimissus, & Crucifixum, pro quo & cui animam devovebat, amplexus, adventantis cruentæ mortis gloriam expectavit; à quibus lancea confixus, eam, quam ab infantiæ incorruptam ab omni graviore noxa servarat innocentiam, innocentissimi sanguinis purpurâ cumulatam nobilitavit, omnium ore in vita & à morte prædicatus vir Apostolicus, & magnus Evangelij præco. Solemne illi fuit totas noctes in oratione transi-

gere; unde consuetudinem nactus est, in Dei ubique præsentis aspectu adeò attentè semper versari, ut nihil omnino esset, quod asuetam DEO præsentem mentem posset avertere. Atque hoc illi præcipuum fuit salutis præsidium, innocentiae custos: hæc ille cogitatione agebatur in quælibet maximè ardua & periculosa, cum de auxilio DEI nunquam absentis neque diffidere, neque de viribus suis præfidere posset. Passus est A. 1649.

ætatis 34. die 11. Novembris.



## P. CHRISTOPHORUS FERREIRA.

**C**hristophorum Ferreiram, sæculi nostri Marcellinum, vulneratum, lapsum, victum, surgentem, pugnantem, vincentem, ad imbecillitatis humanæ documentum ostendit optimus DEUS, ut Justihujus naufragium fiat peccatori stabilior portus. E Lusitania Patria sua in Japoniam An. 1609. discessionem, ut quidam memorant, violentè & præsumptuosè extortam instituit, & ea quibus abundè dotatus erat animi ornamenta, pro salute animarum ita impendit, ut innumeris ad Christi Sacra suscipienda inductis, agrum Domini lætâ cum Socijs messè impleverit; fueritque adeò ob virtutis & meritorum excellentiam sparsis totâ Japoniâ Socijs, cum Provincialis potestate præfectus. Jam 23. annos in ea cultura posuerat, cum A. 1633. crudelis in omne Christianum nomen tempestas intumuit Nangasachi, in qua infelix Christophorus Fidei fecit naufragium. Etenim è tigno per pedes capite in scrobem umbilico tenus depressus suspensus, posteaquam immane tormentum horas aliquot infractus tolerasset, cruciatuum tandem & lacerationis viscerum impatiens, turpissimæ defectionis signum dedit, & illico è fossâ exemptus est. Socij non solum in Japonia, sed & in Philippinis & Macai, hoc nuncio tristissimi, per anni unius & plus quàm quatuor mensium intervallum pro eo tam preces, quàm varias easque perquam asperas corporis afflictationes continuârunt, cum lachrymis, tum epistolis sub-

indè ad illum magno rationum & verborum pondere exaratis. Parati fuere nonnulli vel idcirco iter in Japoniam intendere, ut eum adhortatione, & mortis à se ferendæ exemplo ad respiscendum incitarent: id quod etiam re ipsâ perfecit P. Mastrillum, P. Petrum Cassui, & P. Antonium Rubinum cum Socijs, in eorum gestis memoravimus. Et respexit tandem benignissimè JESUS ex sola fragilitate, & tormentorū metu lapsum peccatorem; qui etiam notatus fuit omnibus illis ruinæ lamentabilis annis, vultu incedere ad mærorem composito, latebris quoad posset se occultare, tam sæpe tamque affluenter lachrymas fundere, ut verba nonnisi tertiata proferret: & quod maximè suspectum illum reddebat, nullius unquam Sacerdotis hospitium aut latebras, quas habebat perspicissimas, prodere velle. Afferuit quin etiam Antonio de Sylva Lusitano, se de Fide bene sentire, & cum DEI adjutorio quondam factis id ostensurum: ostenditque etiam illo tristi tempore, notatus à Christianis Rosarium Deiparæ in secreto nunquam de manu dimittere, & super ægram sceminam etiam Evangelium, ut ibi fieri consuevit, recitare. In hoc miserrimò statu 80. annos supergressus, & lectulo fatali affixus, auditus est à vicinis frequenter gemere, dolenter vociferari, sortemque suam similibus verbis, quæ fideliter ex epistolis Japonicis traducta damus, deplorare: *Domine DEUS meus, ergo fieri potuit, ut ego Sacrosancta tua Fidei desertor fierem? idque brevis & caduca hujus vite*





*P. Christophorus Ferreira Lusitanus Soc. IESV. primum à fide Christi tormentorum vi factus apostata, postmodum octuagenario maior resipiscens, et pro Christo dñe raptatus, et in fovea ex pedibus suspensus necatusq̃, in Iaponia.*

*A. 1652.*

*C. Secreta. del*

*Melch. Küsell*

perdenda metu inductus? O Domine misericordiarum Pater! video me errasse, erravi, sicut ovis qui perijt! Ah mi DEUS! ab Domine mi! quam doleo, quod te offenderim! Tu Domine qui me creasti, tu qui me pretioso tuo sanguine redemisti, tu Domine parce, parce Domine peccatis meis: & novas animi vires suggere corpori huic senectâ effato, & fesso, ut te confitear, & vel in hac extrema mea aetate vitam lubens deponam pro te, pro te! Hæc atque hisce similia cum diceret, illud sæpenumero ingeminabat: Suscipe Domine mi hoc Sacrificiū voluntatis meæ, & adminiculo Divinæ tuæ gratiæ, atque auxilijs me sustenta, ut constans inter tormenta crudelia perseveranter tester meum erga te amorem usque in finem: ut hi cruciatus sint experimen-

tum fidelis amoris, quo te diligo DEUS meus. Quibus ad Gubernatores confestim delatis, missi ad eum quidam sunt ab Aula, qui obtentu officij ægrum solari, & causam tot gemituum, verbis dolosa amicitia tectis, exprimere institerunt. Quibus ille jam aperte Christianus; quia, respondit, deliqui contra verum Cæli, terræque Dominum, & instar errantis caci collapsus, illum deserui mortis metu, id quod mihi summo dolori est. Ad quæ illi cum cachinnis, apage sis, reponebant, tendo senex; delirationis hæc verba sunt, non hominis lingua mentisque compotis. Ego verò, affirmabat ille, probè mihi, planèque sum compos, adeoque affirmatè ac disertè id vobis assevero, & Gubernatori multò etiam asseverantiùs constare volo:



*volo: quòd cùm hactenus perditè defecerim à Fide illa, quam debeo Domino meo, deinceps ab hoc ipso temporis articulo sim promptus paratúsque, ope ejusdem veri DEI mei ac Domini quem supplex adoro, revereor, credo; quem unicum totius Cæli ac terræ Conditorem agnosco, cujus sola lex vera est, & extra quam nusquam est salus ulla. Vestra autem secta Japonica omnes fallacissimè vobis imponunt, earumque sectatores errore horrendo eunt in abyssum cruciatuum, & exitium sempiternum.* Hæc magno animo proferens, cùm insuper ardentissimè Fidem Christi prædicaret, suaderet, & superstitiones Japonicas detestans, earum falsitatem luculenter demonstraret, detestaretur; jussu Xoye Gubernatoris continuè lectulo dejectus; & quia præeuntes sequi non poterat, humi colligatus, & immaniter raptatus est ad fossam. Hic ille, quoties respirationis causâ à raptatione subsisterent milites, Christi Religionem veluti quodam igneo torrente, inflammatis verbis suadebat alijs, alios nè Christum omni amore dignissimum deferrent, hortabatur. Donec ad montem Martyrum Nangasacho imminem ventum est, ubi manibus retrorsum revinctis, & toto corpore, genibus pedibusque religatus, capite deorsum verso in foveam suspensus est. In ea tribus diebus superstes, nunquam cessavit brevi hoc compendio Fidem in Christum commendare: *JESUS Christus est verus DEVS, verus Homo.* Quibus etiam bea-

tè immortalis est Anno 1652. Bona illius (nam opulentos census ei assignaverat Imperator) mox ad fiscum redacta fuere, quod non nisi in Fidei odium necatis fieri amat. Felicissima autem mors celebrata fuit publicâ famâ Macai, in Philippinis, in China. Illud autem singulare prorsus est, quòd P. Marcellus Mastrillus ruinam Christophoro, & respicientiam divinitus præsentiens, P. Andree Lubellio vaticinans affirmavit, nos brevè in Japonia Marcellinum alterum habituros; uti jurejurando, tactis sanctè Evangelijs, Lubellius contestatus est. Idem Mastrillus cùm ad Sacrificium offerendum Cocini se accingeret, Coadjutorem nostrum, Bastum nomine, virtute & Cœlestibus visis summè conspicuum, sibi que sacrificanti ministraturum, impensè monuit, ut P. Christophorum Ferreiram DEO enixius commendaret. Fecit id perdiligenter Bastus, & P. Mastrillo deinde retulit, sibi eo ipso precationis suæ tempore, quo P. Divinam Hostiam promovere in altum tollebat, visum P. Ferreiram veste quidem Societatis, sed sœdum in modum sordidatâ amictum: cùm deinde super calicem Hostiam frangeret, Ferreiram in mundiore veste fuisse ostensum: cùm verò demum S. Hostiam sumpturus indignum se pectoris tusione profiteretur, conspectum esse illum in candidissima, & instar crystalli translucidâ veste.







P. Alexander Lopez Hispanus . P. Ioannes Montiel Calaber Soc. IESV. odio  
Fidei Christiana crudeliter trucidati ab Idololatriis Indis. Mindanai A. 1655.  
13. Decembris.

G. S. d.

M. K. f

P. ALEXANDER LOPEZ,  
ET  
P. JOANNES MONTIEL.



Alexander Lopez Jacæ in Arago-  
nia Anno 1604. Mundo natus,  
Societati verò Anno 1631. Stu-  
dijs Philosophiæ Theologiæque  
cum Magisterij laureâ absolutis,  
reliquam omnem vitam in procurationem  
Indorum salutis in Philippinis Insulis con-  
secravit. Quibus dum maximè fructuosè  
distingitur, & cujusvis penè regionis, in-  
quam pedem intulisset, felicissimo ad Chri-  
sti Fidem tractu, vix ampliùs inter fide-

les populos, gloriosè pro Christo oppetendæ  
mottis sibi ansam obventurâ pollicetur, ecce  
tibi illa nec opinanti ultro in manus ingeri-  
tur. Sebastianus Manrique Philippinarum  
Gubernator legationem pacificam ad Co-  
ralatum Mindanai Regem decernebat, quâ  
deletis ab Regis animo falsis quibusdam um-  
bris, pax deinceps firmior sinceriorque u-  
trimque observaretur. Placuit ad eam, in-  
clinante vel maximè P. Provincialis assen-  
su, deligere præ omnibus P. Alexandrum, ut-  
pote



pote gentis illius & locorum, in quibus Fidem fructuosissimè diu prædicaverat, optimè gnaro; ad hæc illiusmet ipsius pacis paulò antè conciliatori, & privatim Coralati tam familiariter adstricto, ut non alio quàm Fratris nomine compellaretur. Iter ergo cum reduce ad eundem suum Regem Legato Mauro Manilâ ingressus, Samboangam Urbem ejusdem nominis Regni caput, præsidio Hispanorum & Societatis domicilio nobilitatam, pervenit, ubi ei socius adjunctus est P. Joannes Montiel, anno superiore à Calabria eodem appulsus, & recens Sacerdotio inauguratus. Noluit indè Alexander, futurorum veluti præfagus, pedem in Mauro- rum fines efferre, donec prius uterque Divinis S. Ignatii Exercitationibus, magnisque corporis afflictationibus animum, veluti cote ad virtutis firmitatem exacuerent; singuli verò comitum (additi enim ad securitatem, & Legationis Majestatem indè fuerant cum Præfecto militiæ Claudio de Ribera 12. Hispani, & 60. Indi) Divina Pœnitentiæ ac Eucharistiæ mysteria obirent. Hinc illos Coralati Legatus, reipsâ merus, ut eventus docuit, proditor, ad Regem prævertere voluit, ut nuncium de eorum adventu condignè recipiendum anteferret, reipsâ ut in necem innocentissimorum virorum accenderet. Quem ipsi festo Deiparæ sinè labe conceptæ, quantâ fieri potuit devotione celebrato subsecuti, 9. Decembris fines Coralati ingressi sunt. Ecce autem in ipso navis, quâ flumen barbarum trajecturi erant, ingressu, prodigium illos excepit, quo Sol repentè è claro & splendente cœpit obscurari, circuloque majore sanguinolentus incre- scere; ut adeò exterriti, & mala maxima o- minantes Indi, reditum Patribus omnibus mo- dis persuadere, licèt in cassum niterentur. Indè à submissis obviam Aulicis quibusdam, ut per honoris speciem ad Regiam deduce- rentur, excepti, dum in eorum comitatu ad Regis conspectum se evocandos arbitratur, nuncium à Rege accipiunt, quo literas, quas Regi exhibendas afferrent, destinato à se tradere Ministro jubebantur, Regi deferen- das. Vetari enim ipsum ominoso illo Solis defectu quemquam ex Hispanis aut alieni- genis in limen Aulæ admittere. Verùm quia asseveranter negabat Alexander se Epi- stolas ulli alteri, præterquam ipsi Coralato. in manus consignaturum, admitti tandem obtinuit, unà cum Patre Joanne, duobusque præter interpretem comitibus è famulitio,

Literis Regi & muneribus traditis, Pater in omnem rei Christianæ bene gerendæ occasio- nem intentus, Coralato familiariùs secum agenti, suadere omni ratione baptismum incepit, adductâ in robur persuasionis ejus- dem sponsione, quâ nuper inter puncta pa- cis firmatæ id ipsum spononderat. Excan- duit non modicè ad illatam baptismi men- tionem Rex, indignatus id à se veluti jure, exposcere fuisse ausum Alexandrum: addi- ditque inter alia per indignationem prolata: effecturum prius se, ut Patres atque Hispani Mauritanam, quàm ipse Christianam Reli- gionem iniret. Cùmque Alexander veteris amicitiae confidentiâ pergeret modestè fir- missimis rationibus Christianam veritatem tueri, ille furore jam insaniens de sede se pro- ripuit, minaciter circumspiciens, ut ali- quid, quod in Alexandrum projiceret, repe- rirer. Cùmque adstantibus Ministris etiam innueret, ut Patrem in vestigio trucidarent, accurrens ad ejus clamorem Regina, conju- gèmq; amplexu stringens inhibuit, & pu- gione, quo erat accinctus, exarmatum ut- cunque placavit. Addidit nihilominus ad Patrem jam digredientem Rex inflammatus: *Tu verò Pater, siquid porro de hoc argumento coram me attuleris (fatale siquidem apud Ma- homietanos est Alcoranum impugnare, aut Christum suadere) te ego unà cum Socio contru- cidabo instar animalium immundorum.* Cui respondens Pater, *hec verò, inquit, in auribus Religiosorum boni nuncij verba sunt, non mina, in spe, non in metu, quippe qui per mortem Christi causâ obitam redduntur Martyres gloriosi.* Ego verò, subjungit Rex: *brevi saxo, ut tu ac socius tuus huc non tanquam Legati, verùm ceu Mar- tyres futuri veneritis.* His à se abactos, vo- catis in consilium Sultano Bunayensi Regu- lo, alijsque Principibus Mauris, Patres o- mnino neci dandos concludit. Itaque 13. Decembris ad Regiam accersuntur Regina nomine, jubenturque non nisi duobus è fa- mulitio comitati adesse, eò quòd secretò quidpiam ipsis suggerendum haberet. Illi nuncio exhilarati, mansuefactum à Regina Coralatum interpretabantur; eaque spe ple- ni Regiam ingrediebantur: cùm ecce Ale- xander inopinatò lancearij manu in hume- ris minore lanceâ vulneratur, illico armatâ Maurorum multitudine unà cum P. Joanne circumdatus, qui utrumque campelanis (fa- miliare id apud illos gladiatorum genus est) undequaque petitum creberrimis vulneri- bus confecerunt. Hic Alexander ad unum



è sicarijs: *quandoquidem*, ait, *me occidis*, age *percute ut libet validè*, nè *parce*: nam ego pro *baptismo apud vos predicato libens valde ac volens hanc mortem oppeto*. Ubi autem lethali vulnere se faucium advertit, æneum quod ab annis pluribus ad pectus gestabat Christi Cruci affixi simulachrum eximens, amanter amplexatus est, atque in ipso religioso osculo purpuream animam posuit, cum facile centum vulnera toto corpore accepisset. Idem factum cum Patre Joanne, SS. JESU & MARIÆ nomina supremis vocibus invocante. Corpora necatorum totà nocte in suo sanguine relicta sunt ubi ceciderant; quæ tamen Indorum aliquis miseratus sepelivit. Ea mensis unius spatio ut Samboangam aspotaarentur exhumata, tam integra & recentibus vulneribus purpurea reperta sunt, ac si tunc primùm occisi fuissent. Coralatus necem eorum à se in Ministros suos apud

Philippinarum Gubernatorem amoliturus, luculentum pretiosæ eorundem morti testimonium exhibuit, ità scribens: *Patres à Ministris suis interfectos idcirco fuisse, quod contra Fidei avita, atque isthic hætenus recepta jura, illos ad Fidem Christianam adducere, ac baptismo expiare studuerint*. Cæterum P. Joannes Montiel natus erat Rhegij in Calabria Anno 1631. Societatem ingressus anno ætatis 15. in qua post auditam Philosophiam ardentiore zelo transmittendi in Indiam inflammatus, necdum Theologiâ ad calcem deductâ in Philippinas pervenit: ubi non diu post Sacros Ordines receptos, Socius Missionis & mortis P. Alexandro factus, in ipso laborum ingressu præmium æternitatis obtinuit, annos natus non amplius 24.

—(S):—(S)—







Scelta del:

Melchior Kuschel f.



# SOCIETAS JESU AMERICANA.



AMERICA ultima Orbis portio, sæculo superiore primùm Europæis detecta, incolarum feritate, crudelitate, omnium immanissima, in Meridionalem & Septemtrionalem dividitur: cujus ad utrumque polum Terræ etiamnum incognitæ si pensentur, tum una America molis vastitate, & regionum magnitudine, quamvis aliam Orbis portionem, longè superatura creditur. Utraque Mahometicæ superstitionis omnino expers, eâ credo causâ, permansit, quia Veteribus penitus inexplorata, altero primùm abhinc sæculo aperiri cœpit: hinc omnibus latè Provincijs sola regnat Idololatria, abominandis ultra omnes veterum superstitiones ritibus fœdata; siquidem divinum cultum vilissimis quibusque rebus & bestijs tribuit, & Dæmonibus visibiliter in horribili forma apparentibus divinos honores concedit. Nullibi artes magicæ majore sunt in usu vel pretio, quarum artifices passim Deorum loco habentur, & adorantur. Sunt namq; Americæ populi universi, si ferè Mexicum, Peruviam, & novam Hispaniam aliquanto humanitati propinquiore, excipias, omnis omnino Politicæ expertes, nullâ lege, Societate, Republicâ, aut civilitate adstricti, promiscuè inter se ferarum more viventes, adeoque incredibili ruditate, uti omnium bonarum artium vacui, ita quibusvis impostoribus mirè creduli; & quod indè consequitur, mobilis animi, & nullius constantiæ. Plerisque ad meridiem Regionibus toto corpore nudi degunt in sylvis, & communiter cum belluis spelæa incolunt, nullo præterea cibo, nisi carnibus venatu & piscatu apprehensis, herbisque, quas sponte nativum solum suppeditat, vitam producere solliciti: nec alterius ferè edulij sunt appetentiores, quàm quod ex humanis carnibus paratur: unde perpetua inter eos latrocinia, & internecina semper sunt bella, utpote quibus nîl aliud ferè in egentissimis omnium rerum populis magis quæritur, quàm hostilium corporum occupatio, quos diligenter saginatos, gulæ deinde suæ avidi immolant, & dapsiliter depascuntur. Præcipui Meridionalis Americæ tractus sunt, Brasilia, Chica, Chile, Toucumania, Paraquaria, Peru, Omagua, Gujana, Timbuja, Acutia, Caribana, Amazonum Regio, Parabolia, Castilia, Pagua-



Paguana, Patagonia, Hispaniola, Cuba, Nicocara, & innumerabiles circa Argenteum fluvium populi. Et has plerasque efferatissimarum gentium Regiones arma Lusitanica & Hispanica vel perdomuerunt, vel fœderibus mutuis illigatas sibi obnoxias fecerunt: exceptis immensis terrarum ad Austrum spatijs, quæ ob æstuum maris violentiam explorari adhuc nequiverunt.

Quâ Septentrionem versûs eadem America porrigitur, primariò complectitur Novam Hispaniam, Mexicum, auri argentiq; fodinis ditissimum, Californiam, Novam Granadam, Floridam, Virginiam, Novam Franciam, Novam Sueciam, Hiroquios, & innumeros alios sinè nomine populos, qui pleriq; Catholici, quidam etiam Christianissimi Regis obsequijs, alijsq; Europæ Monarchijs obnoxij parent: magnâ similiter parte belluis, quàm hominibus propinquiores, & in Florida, Virginia, Canada, & Hiroquia, super omnes hætenus cognitæ Mundi plagas immanissimè barbari, & anthropophagi. *In hanc itaque frementium bestiarum sylvam*, ut cum S. Leone Papa Ser. i. de SS. Petro & Paulo loquar, *& turbulentissimæ profunditatis Oceanum, ubi diligentissimâ superstitione habebatur collectum, quidquid usquam fuerat vanis erroribus institutum, ubi solus Daemonum cultus, & omnium Sacrillegiorum impietas stabulabatur*, ingressi Socij, plusquam ullibi terrarum exhaustere laboris, ærumnarum, difficultatum; & Sanctâ quadam constantis animi pertinaciâ vexillum Crucis eò intulere, quò Regia Hispanorum signa nullis hætenus armis, nullâ vi penetrare potuerunt: sic ut vix ulla cognitæ hucûsque Americæ sit Provincia, quæ culturæ Sociorum expers, hodièque illos non habeat Veritatis Magistros, & Cœlestium mysteriorum interpretes. Verùm alia prorsus hîc à reliquis Mundi plagis agendi methodus ineunda Socijs fuit, diversa penitus barbarorum animos versandi ratio, qui omnis humani convictûs insueti, docendi priùs erant, quæ agendæ hominum vitæ competunt, quàm institutione Christianâ imbuerentur.

Principium operæ ferè collocatur in barbaris à vagabunda ex montium & sylvarum spelæis vitæ consuetudine abducendis, & ad communem humanæ Societatis convictum pelliciendis, quibus deinde in colonias pagatim & oppidatim distributis, mapalia Sociorum manibus exstrui, agriculturam & artes omnes mæchanicas tradi, & exerceri necessum est. Quarum usu & utilitate capti, pronissimas Cœlesti doctrinæ aures exhibent, & Magistros suos tenerrimo amore & veneratione privatim & publicè prosequuntur; tunc præsertim, cum aut ex Europa nova Patrum subsidia, aut illorum Superiores adveniunt. Tum enim obviam procul effusi, quatuor subinde ipsorum millia, terrâ & navigijs honoris causâ procurrunt, & modò qui-



dem ludicram ad militiæ suæ leges pugnam, divisim utrinque copiis adumbrant: modò ad vocum tibiarumque symphoniam lætis saltibus animi sui hilaritatem, è desiderati hospitis adventu ostentant: modò alia barbaræ jucunditatis spectacula, Europæis oculis ipsâ raritate gratissima, inter promiscuas applaudentis multitudinis acclamationes exhibent. Quæcunque autem incedendum est, arcus triumphales, quibus iter per intervalla distinguitur, erigunt, & latera utrinque structis aris exornant. Porro in arcubus illis nemo Parium marmor, & operosè sculpta in saxis heroum facinora expectet, etsi ob operis ac mentis tam gratæ novitatem, nè Romæ quidem suas moles & amphitheatra invidas. His enim pretiosis machinis, quia ob publicam inopiam illorum fortunæ planè sunt impares, arcus illos ex arborum ramis intextos, rerum copiâ, ut Amaltheum cornu instruunt, è quorum fornice pisces assos, crudosque, carnem ferinam, pullos gallinarius inclusos, gallinas è collo suspensas, struthionum ova, perdices, versicolores aves, quibus omnes illæ Regionibus abundant; vulpes item & canes mirabili varietate appendunt. Nec dissimili ornatu arcuum bases & columnas ædificant, quibus tigridum, serpentum, aliarumque ferarum exuvias, scæno ad viventium speciem fartas, ordine annectunt. Hisce saccos interponunt edulij repletos, fiscinas insuper gossipio, milio Indico, ac leguminibus plenas. Et nè quid ad copiam desit, ligneas scutellas, vestes, arcus & pharetras, quin corollas adeò precatorias, totamque supellectilem ad insolentem structuram accumulanti. Cujus tam liberali apparatu innuunt, se hospitis tam optati commodis, omnia sua in hoc œconomiae compendio dedicare.

Atque hic ferè mos est totâ latè Paraquariâ, Uervaiçâ, Paranâ, Amazonum & Brasiliæ Regionibus, Toucumaniâ, & reliquis pauperioris Americæ Provinciis receptus, quo ad humanitatem & mansuetudinem jam curati, Magistrorum suorum adventum honorare, & festiviores dies celebrare consueverunt. Sanè cum sæcularem ab origine sua celebraret annum Societas JESU, hi quoque alterius Orbis populi totâ contentione ad cohonestandam Societatis, tanquam Magistræ suæ, primam ætatem, singulari DEI beneficio exactam, sibi que tam fructuosam, incubuere; totque omnibus Paraquariæ Colonij & Reductionibus, ejusmodi trophæa erecta sunt, ut plausus Europææ elegantiae, simplicitatis conditurâ vel æquarent, vel etiam superarent. Et verò hæc tam pronis Americanorum animis recepta Evangelij semina, uberrimos jam pridem reddidissent Coelesti Patrifamilias fructus, si illa adolescere, & in maturitatem justam pervenire, intimè genio ipsorum innata volubilitas, & vertumno instabilior variabilitas pateretur. Quolibet enim ferè ariolantium Magorum astu dementati, facillimè in transversum aguntur, & ad cujusvis persuasionis impulsus arundine mobiliore,

normam



normam rectè vivendi deferunt, quæque heri divinâ veneratione prosequerantur Sacra, hodie pedibus calcata contemnant, & proculcant. Neque tamen durum, & sudoribus colonorum tam malignè respondens novale, deferendum unquam duxere Socij; sed sublati identidem, qui ante se missi ad repetendos fructus fuerant DEI servis, infractis animis succedentes, hodièque *perfecti prædicant ubique, Domino cooperante, & si uspiam alibi, sermonem eorum confirmante sequentibus signis.* Tot enim tamque ingentia Divinæ Bonitati placuit patrare per servos suos ibi miracula, quot nusquam alibi post S. Xaverium, ultimis hisce sæculis visa sunt: ut legere est in vita P. Josephi Anchietæ, & aliorum Americæ Virorum Apostolicorum. Quibus nos aliorum instituto relictis, non minora fortiter tolerantium pro Fide tormentorum prodigia recensimus, in quibus Christi pugiles Adamantis instar, neque incudi, neque flammis cedentis, immobiles permanentes, supplicia omnia supra Naturæ vires alacriter, cum ipsa morte tulerunt, atque ità haud paulò efficacius veritatem Religionis Christianæ asseruerunt, quàm miracula contestata sint. Quorum immortalia decora ità legamus, ut otiosa non sint: *quæ quidem tanta (concludo verbis Pontij, vitam S. Cypriani scribentis) atque tam magna & mira sunt, ut magnitudinis contemplatione deterrear, ac imparem me esse confitear, ad proferendum dignè, pro meritum honore, sermonem: nec posse sic prosequi facta tam grandia, ut quanta sunt, tanta videantur: nisi quòd numerositas gloriarum sibi met- ipsa sufficiens, alieno præconio non eget.*



PETRUS





Petrus Correa, et Ioannes Sosa, Lusitani Societatis IESU, sagittis confixi in Brasilia, apud Carigios; Mense Decembri. A 1554.

C. Scretta del.

Melch. Küssell f.

## PETRUS CORREA, & JOANNES SOSA.

**V**ales impetus habebas ad Mundum, tales habebas ad Authorem Mundi, scitè monet S. Ambrosius, conformiter ad illud Apostoli Rom 6. Sicut exhibuistis membra vestra servire iniquitati ad iniquitatem, ità exhibete membra vestra servire Justitiæ ad Sanctificationem. Cujus Apostolici moniti vim cernere est in Petro Correa luculenter expressam, quo sicut nihil fuit initio in vita sæculari immanius, & in miseros Brasilos trueulentius, ità postliminio in vita Religiosa nihil illo benignius, & commodis eorundem procurandis impensus. Natus in Lusitania clarissimo sanguine, Regia stipendia secutus est in Brasiliam, ani-

mo Provincias illas Sceptro Lusitanico subji-  
ciendi, seque & suos quâ posset arte & marte  
ex spolijs barbarorum ditandi. Nemo illo  
totâ Brasiliâ inter Lusitanos ditior, sed nemo  
etiam in indigenas sævior, quibus spolian-  
dis, & post erepta omnia durissimæ servituti  
addicendis, mille artifex evaserat. Littora  
enim Brasiliæ navi oberrans, exposito pro op-  
portunitate capturæ in terram milite, iner-  
mes Brasilos veluti indagine cingebat, fera-  
rum instar insestabatur, contrâque omne jus  
& fas comprehensos, pro mancipijs ad duris-  
simos Sacchari parandi, aliâque infimorum  
servitiorum opera Lusitanis divendebat, neq;  
meliùs quàm canes habebat. Hæc & alia id  
genus



genus patrata in miseros facinora, totâ dein-  
de Religiosâ vitâ materiam illi perpetui dor-  
loris & lachrymarum, ut olim S. Petro pe-  
pererunt: quorum vel idcirco facilem à Deo  
veniam consecutus cum Paulo credi potest,  
quia ignorans fecerit; siquidem parum Le-  
gis Divinæ, & solius militiæ homo intelli-  
gens. æstimabat se præclarum fidelis obse-  
quij genus præstare Regi, officinarum saccha-  
ri operas mancipijs augendo: nec minùs  
DEO gratum ex animabus lucrum facere,  
cùm eâ ratione Barbari Christianorum con-  
suetudine plerumque ad veram Fidem mite-  
scerent, & servitute corporis animæ liberta-  
tem lucrifacerent.

Appulère interim in Brasiliam Patres  
Societatis Jesu, ex quibus P. Leonardus Nun-  
nez, demonstratâ Petro piaculi ejusmodi gra-  
vitate, eoque illum perculit, ut nullam  
conscientiæ quietem capere posset, anxie sol-  
licitus, quo pacto in tot mortales injustitiæ  
crimen admissum, posset maximè congruè  
rependere. Cùmque non aliud melius fue-  
curreret, quàm ut sua omnia, seque ipsum,  
in ejusdem gentis lucra & commoda, cui tan-  
tum nocuisset, totum expenderet, distractâ in  
miseros omni substantiâ, seipsum Societati  
primus intra Brasiliam adjunxit, in Colonia  
S. Vincentij, A. 1549. In quo barbarorum  
lucratorum studio totos quinque annos,  
quos in Societate vixit, ita desudavit, ut ani-  
mam denique & sanguinem pro eis dederit:  
eâ etiam arte quàm maximè in conversione  
illorum adjutus, quod linguæ peritiam con-  
secutus fuerit tantam, ut ab ijs Brasiliæ elo-  
quentiæ Doctor appellaretur. Accedebat  
singularis quidam in Viri dictis & factis re-  
lucens Virtutis & Sanctitatis splendor, tantò  
validiùs animos indigenarum percellens,  
quantò deterioris ejus vitæ vigeat apud  
ipsos memoria: quo factum est, ut cùm longè  
plures eorum animas sub suave Christi ju-  
gum, quàm priùs corpora in duram homi-  
num servitutem adduxisset, jure merito gen-  
tis illius Apostoli nomen, cui primitiæ fru-  
ctuum Brasiliæ potissimum debeantur, dein-  
ceps illi adhæserit. Subsenserat interim Dæ-  
mon ex ipso Tyrocinij ejus fervore damna sua  
& futuras clades, ideòque tendentem Super-  
iorum missu ad quendam barbarorum pa-  
gum, conatus est de medio tollere, duorum  
ingentium lignorum in verticem prætereun-  
tis casu, ex quo confractum scødè caput, de-  
vita ipsius viæ comites desperare fecit. Sed  
quia iter agebatur ex obedientia, manè se-  
quenti, perinde ac si nunquam inflatum es-

set vulnus, caput integrum & sanum appa-  
ruit. Successit mox dolor oculorum acerrim-  
us, qui Regionibus illis propè incurabilis  
habetur: sed adhibito ab Socijs solo precum  
medicamento, æquè ac primum malum subi-  
tò evanuit. Et jam ventum erat ad designa-  
tum pagum, cùm in ipso introitu videt Cor-  
rea ingentem mancipiorum vim impiæ la-  
nienæ paratam, quæ è diuturna sagina Bar-  
bari illi suo ventri macianda (quod epula-  
rum genus omnibus Brasiliis in lautissimis cu-  
pedijs habetur) & dapiliter voranda educe-  
bant. Laboravit quidem omni conditione  
detestandam ingluviem illis dissuadere, mi-  
serosque macello eripere, sed cùm nihil pro-  
ficeret, copiam saltem baptismo victimas  
lustrandi expetijt. Id verò cùm æquè renue-  
rent barbari, causati, eâ Sacrifontis aspersione  
carnes vitari, & si non vorantibus noxias,  
certè inspidas palato & insuaves reddi: tum  
verò Correa cum Socijs piâ fraude usus, è  
madefactis aquâ sudarijs liquore dissimulan-  
ter expresso, universos, priusquam de more  
caderentur in epulas, baptizavit, ac saluta-  
ribus monitis, spèq; æternorum, sub ipsa cla-  
va & cultro carnario implevit.

Interea Carigij & Ibiragiari, interioris  
Americæ ultra Brasiliam populi, desiderio  
percipiendæ Christi Legis, cujus orexim ali-  
quam à vicinis Hispanis Paraquariam inco-  
lentibus acceperant, cùm diu frustra P. No-  
bregæ ad se accessum expectassent, ducenti  
circiter eorum baptismi gratiâ à sexcentis  
passuum millibus Brasiliam versùs, ignoto &  
periculoso itineri se commiserunt. Sed à  
Tupinaquinis Ethnicis trucidati plerique,  
quibusdam in vincula coniectis, in suomet  
sanguine Baptismi copiam nacti sunt; tam  
certâ beatitudinis consequendæ spe pleni, ut  
percussores suos his inter necem verbis com-  
pellarent: *vos quidem arbitrato vestro caduca  
hæc & mortalia membra concidite, animorum  
certè cursum, quò minùs hodie ad suum Create-  
rem evolent, non retardabit.* Unus dunta-  
xat Hispanus (nam aliquot eorum Carigijs se  
adjunxerant) evasit, & tristem cædis nun-  
cium ad Coloniam S. Vincentij attulit. Mis-  
sus est continuè Correa non sinè manifesto ca-  
pitis periculo: qui sanguinariæ gentis fero-  
ciâ blando mitigatâ alloquio, duos è vinculis  
exemptos Hispanos ad S. Vincentij adduxit.  
Tanto autem exinde Carigiorum salutis ze-  
lo exarsit, ut missionem ad illos sinè mora a-  
pud Provinciale Nobregam sollicitarit; quâ  
etiam eâ causâ propensius obtinuit, ut ejusmodi  
adversâ tempestate in Brasiliam Hispanos,  
qui



qui in Paraquariam tendebant, per infestas illas barbarasque gentes, pro autoritate, quâ per eas oras valebat, notitiâque sermonis, deduceret; additis ei socijs Fabiano, & Joanne Sosâ. Hic ortu Lusitanus, cum viro nobili in Brasilia famularetur, ita jam tum Divinis additus erat, ut Religiosus censeretur. Ter jejunabat per hebdomadam, in omnes ita benevolus, ut tamen nihil improbum coram se fieri vel tacitus pateretur, magnis idcirco sæpius probris & injurijs appetitus. Ut primum autem Societatis in Brasiliam appulsa notitiâ accepit, avidissimo in eam animo primus secundum Corream transgressus est, in laboribus culinæ humilitatem & charitatem erga omnes exercens, Vir excellentis poenitentiae ac patientiae. Cum duobus his socijs Sacerdotij æquè expertibus (dum horum nulla esset copia) post expiatam conscientiam Cœlesti pane refectis, itineri se dedit, Centum fere ac viginti progressi passuum millia, sparsaque liberaliter ubique Evangelij semine, inveniunt alium in hostium potestate Hispanum saucium, duosque Brasilos lanienæ & epulis destinatos. Quos gratiosè eblanditus Correa, Brasilos quidem in comitatum assumpsit, Hispano autem, qui progredi ob vulnera non poterat, curando, Fabianum in subsidium reliquit, ut simul in barbara gente semen Divini verbi jaceret. Et hic quidem confanato brevi cliente, cum acerbissimo barbaris esset odio, quod carnium humanarum quædam frustra clam subrepta in nemore sepelisset, ægrè tandem ad S. Vincentij se recepit. Correa & Sosa magnis laboribus Carigiorum fines ingressi, tantos sermonibus & exemplis in tota gente fecere motus, ut non modò plebem, verum etiam primores ad studium Christianæ veritatis pertraxerint. Non tulit diu præclara cœpta ulterius progredi Dæmon, sed per eum ipsum, cui vitam & libertatem servavit Correa, necem ei atque interitum machinatus est.

Ex duobus illis, quos à Correa barbarorum captivitate ereptos diximus, Hispanis unus, implacabile in illum jam inde à Bra-

lia efferebat odium, quod eo auctore pellex Brasilia, quam sibi nihilò melior ab infortunio factus assumpserat, erepta fuisset. Is ergo in mores barbaris ipsis vitiosiores transgressus, pro usu & autoritate quâ apud Carigios pridem valebat, mirâ calliditate cœpit liberatorem suum, unâque Sosam insimulare, & in summum odium adducere, quasi in eorum perniciem cum vicinis hostibus conjurassent, & exploratum cum armato comitatu illuc præcurrentes, paulò post à reditu integrum secum hostium exercitum in Carigios adducturi essent, Fidem mendacio fecit, tum quod Brasili duo, qui paulò antè à Correa servati eum comitabantur, arcus uterq; gentis more gestabant: tum quia Correa ad Natalis Dominici festum, qui ei reversionis terminus à Provinciali constitutus erat, reditum adornabat. Jamque aliquantum itineris à Carigijs digressi perfecerant, cum repente ab illis, duce eo ipso veteratore, qui sine Correa in epulas barbaris nuper cessurus erat, ex insidijs circumveniuntur. Ac primum comites duos Brasilos, deinde Sosam in genua procumbentem sagittis interimunt, postremò ipsum Corream, hortantem eos ad Salutis curam, & eorum quæ docuerat observantiam, ac tandem in genua provolutum, ut eorum sceleri veniam precaretur, configunt A. 1554. mense Novembri. Hæc illi gratia pro benefactis reddita est, à deceptis alienâ nequitia Carigijs, hæc merces repensa: qui interim gloriosâ morte pro asserta castimonia, & impedito pellicatu defunctus, inter inclitos Societatis viros, qui profundendâ vitâ honorem DEI tueri non dubitant, meruit connumerari. Pretiosa eorum nex ubi Brasiliis nuntiata est, novelli Christiani catechumenique ex Corree desiderio, tanquam ad amantissimi Parentis obitum, in uberes lachrymas & gemitus erupere, non privatâ solum, sed communi lamentatione, ipsum veri eloquij principem, unicum suum veritatis interpretem, qui sincero eos Parentis & Fratris amore

complexus esset, deplorantes.

## DUO FRATRES COADJUTORES.



Um Societas JESU, in ipsis sui primordijs A. 1549. à confirmatione sua decimo, in Brasiliam etiam operarios transmittere cœpisset, coacta est in Sacerdotum paucitate etiam Marthæ officijs additos, in

subsidiariam animarum culturam adhibere. Quorum opera in ea gente ex eo etiam accidit utilior, quod indigenæ nullis literaturæ, aut subtiliorum dogmatum principijs imbuti, in rebus ferè ipso naturæ lumine dictatis exerrarent. Nam neque Deum colebant ullum,





*Duo Fratres Coadiutores Societatis IESU, à Barbaris, odio Fidei, interfecti in Brasilia. A 1555.*

*C. Scrita del.*

*Nelch. Küschel f.*

ullum, augurijs tantum, veneficijs, imposturisque ad insaniam dediti. Nudi æquè viri ac foeminae prorsus incedunt, & insertos gerunt à prima ætate, deliciarum causâ, inferiore labro, nonnunquam autem totâ facie, prælongos nullius ferè pretij lapillos, tetro sanè spectaculo. Vivunt in diem, & quidquid habent in commune facillè conferunt; triduû ipsum, ubi cihorum penuria ingruerit, jejunio transigentes; & si copia rursus suppetat, à primis tenebris ad insequentem usq; lucem in convivijs & computatione persistentes. Bella inter singulas cognationes, nullo Rege vel Principe saviunt: in quibus captos multâ curâ saginant, dum in amicorum conventu ingenti cum gaudio bene farti pinguesq; maculentur. Ex optatissimæ Brasiliæ epulæ

sunt, nec alia ferè operosior Patribus cura, quàm ab ea belluinam gentem ingluvie abstinerere. Ad hos igitur delati Socij, primò omnium patentibus locis præcellsa Crucis trophæa fixere, tum suis orsi manibus ac laboribus, in MARIÆ adjutricis nomine templum, ac deinceps plura alia struxere, suis ipsorum humeris aquâ, lignis, cæterâque materiâ proximis è montibus comportatâ. Plurima deinde sollicitudo & præcipuus conatus, ut populus ferarum more sylvas nullo tecto, nullâ agrorum aut alterius rei ad vitam humanam curâ palabundus, certis sedibus, & fixis communiter pagis vellet consistere: quod ubi post ingentes demum Sociorum labores aliquantum processit, redibant tamen ferè ad ingenium adultiores barbari, & quâvis difficultate,



cultate in hominum convictu occurrente, brutalem repetebant vivendi ritum, ebrietati ad insaniam dediti; inde licet sobrij ab humana carne non difficulter abstinere, ratione tamen vino quodam factitio obruta, ad necem continuò hostilium corporum, & feralem coquinam, simulque ad vagas, nullà certà uxore, libidines redibant.

Itaque Patres suam in adultorum cura propè omnem operam ludi videntes, in exactam puerorum institutionem tantò sollicitius impendi cæperunt, extructis eorum educationi plurimis contubernijs, ut omnibus penè locis, ubi sua Lusitani propugnacula & arces habebant, certa simul pueris domicilia locarentur. Eorum erat vitæ ratio, ut manè finitis Scholis ante mensam Sanctos omnes Litanij decantatis, & vesperi alteris misericordiæ Matrem, adjectis quibusdam precibus, implorarent. Sextis feriis eruentabant se flagellis; his in die docebantur elementa Christianæ Legis; tantòque paulò post Christi flagrabant amore, ut ethnicorum parentum sensu propemodum nullo tangerentur, eosque sicubi delinquerent, accusarent, interdumque nè affarentur quidem. Sustentabantur autem publico Lusitanorum sumptu, adjectis servis, qui quotidianum illis victum colendis agris, piscandòque conquirerent. Circumducebantur per sæpe instructo agmine inter barbarorum mapalia, Litaniarum divinæque Legis carmina concinentes, cum quibusdam gentis de more crepitaculis. Animadversum quippe est, nihil tam in Brasiliensium animos influere, quàm varios canendi sonos, dum adeò cantu permovebantur, ut in eo felicitatis summam reponerent. Unde PP. ut Christianæ Legis præstantiam ad eorum captum extollerent, dicebant illam verissimum cantum esse musicum: eaq; de causa pleraq; Fidei mysteria, quò dulcius asperis mandarentur ingenijs, pijs cantibus intexebant. Eratque in ea sententia Nobrega Provincialis, potuisse perfacilè Evangelij lumen vel in ultimam inferri Brasiliam, si prima ejus prædicatio jucundis modulationibus condita fuisset. Nec rarò DEUS simplicem innocentium puerorum fidem admirandis operibus comprobabat, per quos etià ferè præcipua in conversione barbarorum Patres perficiebant. Diverterant hi fortè ad quendam ex nobilioribus, qui eum suam ad eos filiam graviter ægram adduxisset, unus è pueris præter cæteros Fide accensus, filiae salutem nihil hæsitans pollicetur. Fusis mox à toto grege pro ea precibus, meliùs sit puel-

læ, totaque sibi paulò post restituitur. Cujus eventus admiratione permotus parens infidelis, filium eis quem habebat elegantissimum, sacris imbuendum mysterijs ultro dedit; quem illi in suam acceptum disciplinam, brevè ad fontè baptismi promoverunt, in singula namq; hæc Seminaria deducebantur ab Lusitania orbatì parentibus tres quatuorve, veluti contubernio præfecti, pueri, in quos indigenæ filij intenti, similes mores induebant. Tantum autem his pueris tribuebant barbari Ethnici, ut quacunque nõssent eos iter habere, vias sternerent, & iter ornarent, eosque velut singulari quådã Sanctimoniã præditos, omni significatione honoris exciperent: nec in eorum conspectu audent vel exiguum aliquid ex humanis carnibus delibare. Occupaverat tetra lues aliquando totum Piratiningæ pagum, quã isti complures quotidie cadebant; dùmque humana nulla adessent, omni medicinã & pharmacis destitutã Patriã, remedia, supplicantium puerorum agmen instruunt Patres, non è Brasiliis modò in terga sævientium, sed ex alijs etiam, faces manibus, aut Sacras Christi Divorũque imagines sustinentium; quã supplicatione novies cum Litaniarum cantu, ad implorandos Angelos loci tutelares, perductã, lues omnis abacta est.

Jam verò quantum in hac efferatissimæ gentis cultura laborum, quid incommodorum, quid ærumnarum pertulerint Socij, specimen aliquod juvat ex Josephi Anchiætæ, illius inter Brasilos thaumaturgi Apostoli, quã Augusto mense A. 1554. ad S. Ignatium dedit, epistola recognoscere. *Ab Januario, inquit, usq; in præsens, nonnunquam plus viginti (simul enim pueri Catechistæ debebant) in pauperula domo, luto & lignis contextã, paleis cooperta, 14. passus longa, 10. lata mansimus. Ibi Schola, ibi valetudinarium, ibi dormitorium, cœnaculum item & coquina, & penus simul sunt. Nec tamen ampliarum habitationum, quibus alibi fratres nostri utuntur, nos movet desiderium: Siquidem Dominus noster JESUS in arctiore loco positus est, cùm in paupere præsepì inter bruta animalia voluit nasci, multo verò arctissime, cùm in cruce pro nobis dignatus est mori. Porro domus angustijs vita erat cætera consentiens, frustra nauticorum velorum, quæ nautarum donabat benignitas, atro colore tincta ipsimet sibi concinnabant in tunicas. Potio erat aqua ex milio cocta; esca, legumen ferme, vel aliquid mandiocæ (panis species est, ex ligno in farinam contrito pisti) vel olera. Ipse P. Anchieta, Grammaticam fratres nostros docens, cùm*



cum simul ipse Brasiliæ condiscendæ impenderetur, etiam genus quoddam calceorum intexere in usus nostros & puerorum perdidit. Idem Nobregæ Provincialis jussu, cum Brasilorum multi perirent, secare venam aggressus, vitam multis servavit. Ad hæc Socij omnes in egentissimo solo agri culturam exercere, & suis manibus ad vitam necessaria parare, unaque omnia mechanicarum artium exercitia indigenis tradere cogebantur. Cui rei maximo adjumento erant Fratres Coadjutores, quorum Noguera ferrarij operis artifex, rustica ab se condita ferramenta, Brasilis artium eousque omnium, & agricoltionis expertibus largiebatur, terramque subigere perdocebat. At Satanas dum omni ratione Socij corporibus simul & animis Brasilorum prodesse student, veneficorum Ariolorumque linguas, quorum ibi omnia plena, exacuit in nomen famamque Christi prædicatorum. Jactabant eos quocumq; vestigium

ponerent, eò morbos & luem importare. Quibus obreftationibus credulum vulgus in fraudem & errorem inductum, quàm longissimè à salutaribus refugiebat Magistris, congressum horrebat, vitabat aspectum: cumq; auditum esset eos, aliquà iter esse facturos, omnis commota vicinitas incenso pipere & sale, ut solent in abigendis præstigijs, eos conabantur arcere. Quin etiam crudelem omnibus necem sæpius minati, illos se per crudelem epulationem absumpturos jactabant; Anchietam præcipuè, nisi eundem ingentibus prodigijs ad gentis salutem servasset Deus. In eo tamen insectationis æstu duo Fratres, quorum nomina intercidere, dum paricum alijs studio in perdomandis efferis ingenijs elaborant, à barbaris intercepti, & eadem quæ priores duo crudelitate trucidati sunt, mox anno insequen-

te 1555.

## P. PETRUS MARTINEZ.

**D** Rimum hunc Floridæ Apostolicum operarium tulit Hispania A. 1533. Celdis natus, virtutis floridæ tam zelosum amatorem, ut etiamnum puer perpetuam DEO Virginitatem voto sanxerit. Disciplinas humaniores & domesticas dum decurreret, nullâ adhuc Societatis acceptâ notitiâ vel usu, ab ejus hominum consuetudine etiam abhorrebat. Sed animos cum ijs non tantum confidentius agendi, sed etiam Societati se aggregandi assumpsit, dum quatuor sodales Societatem ambientes Valentia ad Collegiû comitatus, mores Sociorum, & fraternam inter se charitatem propius advertit. Mox enim & ipse admitti in Tyrocinium postulans, cum è quatuor illis competitoribus nemo reciperetur, ipse unus ab Hieronymo Natali admissus est A. 1553. Exacto Tyrocinio Theologiæ studio applicatus, concionatoris unâ & Ministri domûs, & per ruralem viciniam Catechistæ munus implebat: dicere solitus, se etiam ad ducenta munia obeunda, si Moderatores imponant, paratum esse. Et quia non ingenio solum, sed & industriâ erat perquam accuratâ, quodcunque munus aut laborem attingeret, ejus totum artificium assequi conabatur. Itaque cum ex obedientia nunc culinæ, nunc alijs atque alijs humilibus ministerijs exercitus esset, non usui modo præsentis id exequi studebat, sed rationes

singulorum & artem penetrabat ita feliciter, ut Magistrorum peritiam adæquaret, essetq; unus ipse omnium ferè sciens operum, quacumq; ad vitæ necessitates Religiosorum manu tractantur. Quæ res magno illi usui, & exercendæ charitatis in proximum occasio fuit, in infelici illa Hispanorum in Africam expeditione A. 1558. Cum enim Martinus Corduba Alcaudali Marchio classem Regiam in Africam deportaret, datus est illi P. Martinez, & P. Petrus Domenecus cum uno Coadjutore, qui exercitui suâ operâ prodesse: cum quo feliciter Oranum, maritimam Hispanorum in ora Africæ Urbem delati, dum promovetur ad Mostaganum exercitus, ad militum in nosocomio, qui plus 500. decumbebant, animos & corpora sublevanda resistere jussi sunt. Cupiebant quidem magis illi, ac fuisset sanè militibus peropportunum, omnium casuum participes, exercitui Christiano in præsentis conflictûs discrimine præsto esse, ubi is barbarorum multitudine sinè modo prægravante, ad interuersionem deletus, & qui superfuerant, à Mauris capti sunt. Cujus cladis perlato in Hispaniam nuncio, jam eos Socij luxerant pro mortuis, & consuetis Sacrificiorum ac precum suffragijs lustrant: quos tamen Divina Providentia dies noctesque in agrorum salutem, ac Petrum præsertim multiplici illâ domesticarum artium notitiâ illis proficuum, intentos,





P. Petrus Martinez Hispanus, SI. odio Fidei Christianæ occisus à  
Barbaris Americanis in Insula Florida. A<sup>o</sup> 1566. 28. Septembris.  
C. Secreta del. Melch. Küssell f.

tentos, ad gloriosius pro nomine suo certamen reservavit. In obedientia & mandatis Superiorum mirificè acquiescebat, tum vel maximè, cùm aspera atque ardua imponebantur; dicere solitus, nihil adeò operosum ac formidandum esse, quod Dei gratiâ & obedientiâ fretus non audacter assumeret; experimento edoctus, quò plus periculi atque difficultatis haberent gerendæ res, eò affluentius Divinam opem adesse. Hinc ad Ethnicorum vel Hæreticorum destinari terras, maximè eas optabat, quibus primùm inferenda esset Christi Religio. Cujus diuturni atque ardentissimi voti tandem hac ratione compos evasit.

Petrus Menendes Floridæ sub ditionem Hispanam redigendæ à Rege Catholico An,

1565. præfectus, eâ conditione munus admisit, ut aliquot ei de Societate Evangelij promulgatores attribueret, quorum industriam in Oriente sibi olim militanti perspectam agebat. Assignati mox fuere à S. Borgia, tum Societatis Vicario Generali, tres, interq; eos Martinez: quia tamen priùs solvendum cum exercitu fuit Menendi ex Hispania, quàm illi potuissent adesse, exercebat interim se ad tam arduam missionem Martinez peracri verberatione, severaq; inedia quotidie. Toto item trimestri Compluti humillimum culinæ, rogatu suo, navavit obsequium, egregius per omnia sui contemptor, dignusque ut his proluisionibus ad illustre certamen, quod paulò post in ipso Floridæ ingressu subijt, initiaretur. Est autem Florida (ut semel id melius per-



percipiendis plurium Sociorum illic certaminibus præmittam) Americæ Provincia perampla, finitima novæ Hispaniæ, in quam primus Joannes Pontius Leonius An. 1512. ipso Dominicæ Resurrectionis die incidit. Quam quia *Pascha florum* Hispani appellant, inde nomen inventæ Regioni Floridæ indiderunt. Ingenia genti ferocia, vires magnæ, sagittarum summa peritia, & natandi currendique gnaritas super alias nationes exercitata. Lunam Solémque inter præcipua colunt Numina, quibus aliquoties in anno continuuum triduum, omni prorsus cibo ac potione, item somno abstinentes, reddunt solennes cultus. Unde qui vigilias atque jejunia fortissimè ac diutissimè perferunt, ij maximo sunt in pretio; nullo verò loco, quorum natura infirmior minimè ad ea durat. Plurimum herbis sponte nascentibus, venatu, piscatûque vescuntur, & Maizio (panis est ex eo tritici genere, quod turcicum nos communiter, ingentium granorum, dicimus) quæ usitatissima omnibus Americæ populis eica est. Qui inter eos dignitate cæteris præstant, Cacique (ut ferè alibi in novo Orbe) nominantur. Nulla adhuc facta in vastitate illa Divini Verbi sementis fuerat; Hispani, pauca ad oram maritimam habebant præsidia, quæ acerrimè oppugnantibus indigentem, extremâ fame laborabant. In quibus tamen angustijs ajebat Menendes æquissimo se animo esse, quòd sciret arma sua non nisi Divinæ gloriæ militare, confisos præsertim Societatis precibus, quarum suffragio quidquid aggrediretur, ex voluntate speraret se confecturum, eòque avidius Sociorum adventum expectabat. Exacto igitur inter summas angustias anno, in portum S. Augustini, ad auxilium ab Rege Hispano missæ naves primum 17. in Junio invehuntur: quos paulò post cum classe in novam Hispaniam tendente, Petrus Martinez & Joannes Rogerius Sacerdos, & Franciscus Villaregius vitæ domesticæ administer, secuti sunt. Et quidem quo animo irent, argumento sunt literæ, quas sub professionem Martinez, veluti beatum sibi finem vaticinans, ad S. Borgiam dedit. Per alias, inquit, literas egi jam gratias Paternitati tuæ de beneficio, quod in me per te Dei bonitas contulit; speroq; de ejus clementia, id magnopere ad obsequium ipsius casurum & gloriam: cui proprium est insignia facta, piscatorum ac vilium hominum ministerio facere, quò laudetur magis ejus nomen, & cognoscatur potestas. Ego, quæ Dei indulgentia est, magno animo iter capeſſo, valde ejus gratiâ fretus, vitâq; meâ & sanguine ad ejus

obsequium sape in hanc expeditionem oblatû. Deoque aspirante certus esto Pater, quidquid in nobis fuerit virium, eo collaturus, ut Provincia illa in Conditoris sui, ac Redemptoris notitiam veniant; nec pereant anima tam pretioso sanguine redempta. eadèmq; curâ adnifuros, ut Societas Jesu, quæ tantum bonum mihi detulit, nihil de egregio illo nomine amittat, quod nostri Patres tot tantisque laboribus pepererunt; quin potiùs dilatetur & crescat, ut æquum est, ad majorem gloriam DEI. Illud quidem vellem, alius veniret Caput & Dux, cui ego subessem; quanquam hic quoque Divina Providentia me consolatur ordo. Quamobrè Sanctæ Obedientiæ Virtute plurimum confusus, id munus accingor, præsertim tam egregios, tantâq; bonitate comites nactus, Joannem Rogerium trium Votorum professum, multa charitatis humilitatisq; Sacerdotem, firmæ cognitâq; in omni genere virtutis; & Franciscum Villaregium, vitæ domesticæ adiutorem, secundum meum cor, & (ut arbitror) Dei. Adeo rari exempli est, ac planè ejusmodi, qualem tanta res postulabat. Illi, egoque magnopere lati agimus; jamque vellemus in Provincia nostra esse, ut aliquid subiremus laborum ejus causâ, qui causâ nostrâ ad sudorem usq; cruentum, necnq; acerbissimam laboravit. Sane quoniam tanti momenti est prima Christianæ Fidei semina in regionem adeo patentem inferre, libenter coram exosculati Sanctissimos pedes, benedictionem Beatissimi Patris Pij 5. excepissimus. At id quia fieri non poterat, satis nos consolata sunt literæ, quibus cognovimus perbenignè illam nobis absentibus & bene precatum, & singularia beneficia impertisse: ac tua Paternitas poterit nostro nomine ei confirmare, præter votum proprium, quo ego tanquam Professus illi adstringor, ad novum illi querendum gregem proficisci fidelissimos Sanctæ Romanæ Ecclesiæ filios; pro quacum Divina gratia sanguinem fundent, & vitam in ea longius proferenda ponent, idq; pro summo Dei beneficio numerant. Tua simul Paternitas nobis jam jam consensurus bene precetur, ut ubique meminerimus tuos ac Societatis, cui immensum debemus, nos esse filios. Illud mihi cor vehementer excruciat (ut verum fatear, Pater) quòd parum tredecim aut quatuordecim annis profecerim, quibus me Societas tantâ curâ, tantq; excimio lacte jam educat, doctrinâ atque exemplis tam insignium piorumque herorum, regulis & constitutionibus tam absolutis ac sapientibus, tanto mortificationis usu & orationis, tot collationibus & exhortationibus piis, denique adeo prudentium studiosorumq; gubernatione Præsidum, ut spatio tot annorum jam vel saxum emoliri debuerit, ideoq; cor meum angitur, quòd eo transeo, ubi præsidij hisce cunctis propè nudabor.



bor. Quare oporteret nunc adhibere diligentiam ad comparandam annonam in eum locum, ubi erit utique usui, & campus amplissimus patiendi. O si in hac ex Hispania profectione cunctos è Societate Patres fratresque alloqui daretur, ut eo sensu, quo ego commoveor, excitarem currentes, admoneremque, ut presenti utantur tempore: ex uberrimis pretiosarum rerum fodinis atq; thesauris, in quibus versantur, sedulo capiant fructus, seponant, recondantque in tempora huic meo similia! Verum quia id negatum est, eò valeat sensus hic animi mei, ut supplicem Paternitati tuae, totisque Societati, ut me meosq; socios DEO commendent, quò iniuncto nobis munere cum DEI Domini nostri gloria, & proximorum adjumento fungamur.

Ubi prope Floridam ventum est, separati à Classe rectà in novam Hispaniam tendente, flexerunt in Septemtrionem cursum. Verum Navarcho terrarum locorumque faciem non agnoscente, cum tamen vix 10. à continente leucas distarent, visum fuit mittere in scapha viros, qui regionem explorarent. Sed quia latè indomiti immanesq; colebant barbari, nemo subire discrimen audebat: iussiq; à Navarcho ire quidam Belgæ, asseveranter negarunt ituros, nisi unà iret P. Martinez. Quod ubi relatum Patri est, nullum pro communi causa periculum formidans, atque eà charitate, quā jubemur animas pro fratribus nostris ponere, plenus, transijt primus in scapham, novem Belgis, paucioribus Hispanis sequentibus. Vix terras attigerant, cum repente coorta tempestas, navim, unde descenderant, procul à conspectu abstulit. Interim P. Martinez cum socijs egressi in littus, nullum Hispanorum vestigium, omnia latè deserta inveniunt. Cumque hinc horridum ac minacem Oceanum, hinc ignotas ac vastas spectarent solitudines, eodem loco dies 10. si fortè aliunde se navis ostenderet, præstolantur propè jejuni. Prodibant interdiu, paucisq; legebant herbas, præeunte cum Christi Crucifixi effigie Martinio, cujus de caritate mira deinde retulerunt. Sed desperato tandem navis reditu (quæ post multos errores, ad Insulam Cubam evasit) cum interiora petere barbarorum metu, locorum ignari non auderent, superq; omnia fame enecarentur, propulsà ad vicinum fluvium scaphà, adversus eum 15. ferè passuum millia subièrunt. Ubi cum item nil nisi solæ desertæque terræ offerrentur, repetito mari littora legere statuunt, si quem uspiam portum invenirent. Ad leucas 20. progressis alius occurrit amnis, quem subeuntibus, navicula vado cum inhæ-

fisset, primus Martinez delapsus in aquas, cunctis connixus viribus, duobus Hispanis adjuvantibus eam revulsit. Nocte ibi exactà, paucis ad scapham relictis, cæteri præferente Martinez Christi effigiem lanceæ cuspidi alligatam, regionem exploraturi egrediuntur, Cœlitum patrocinia litaniarum cantu poscentes. Occurrere inter pinus tuguria quædam, unus duntaxat homo conspectus est, qui statim se in proximas sylvas abdedit. Ingressi tuguria, si fortè quid inesset enectis propè fame reficiendis, grandem in uno piscem inveniunt: cujus dimidium auferentes, relictisq; in pretium, monitu P. Martinez, sago & torque ex vitris, ad scapham regrediuntur. Postero die ad flumen quinq; apparent indigenæ, nutibus invitantes ad ripam: à quibus vicissim nutibus cibum Pater deposcebat, manu ori admotâ. Recurrere itaque velociter ad sua mapalia, & quos tam liberales in solvendo pridie pisce experti erant, reficere tanquam viros bonos laborabant. Igitur egregiâ aquâ, cocto pisce, aliisque cibarijs onusti redeunt, varijs signis indicabant, nequaquam hostilem esse gentem; quibus in reciprocum munus Pater, cum aliud nil suppetere, ex detractis libro aliquot membranæ folijs coccinatas forfice figuras donavit, quas illi puerorum more majoris se facere ostendebant, quàm thoracem & femoralia, quæ duo ex Hispanis sibi detracta impertierant. Ex eo deinde loco stringentibus littora, ad singula flumina accolentes populi benignos se exhibuerunt, quorum unus centenario multum grandævior, capillo ad usque genu promisso, nutibus indicavit, ubi tres populos, totidem fluvij aditos præterveherentur, Hispanam Coloniam reperturos. Ergo instaurato cursu, & duos populos prætergressi, ad Insulam Tacatucurum in adolescentes quatuor piscantes incidunt, qui sinè cunctatione vim piscium quidem magnam obtulere, sed unus celeriter dilapsus, plus 40. indigenas excivit, quorum 12. scapham intrant, reliquis in littore subsistentibus. Hic Pater quia in truci eorum ore ac vultibus hostilem animum legebat, removeri tamen in altum flumen scapham passus non est, donec Belgæ qui exscenderant reciperentur: quæ charitas mortem illi, ut salvaretur proximus, accivit. Dum enim illi redeunt scapham subeunt, quidam barbarorum à tergo Patrem, quem ex habitu Legis tam sibi exosæ promulgatorem advenire dignoscebant, duosque Belgas repente furtim complexi, dant secum in flumen, viribusq; prævalidi in littus asportant.



Ibi Pater, omnibus è scapha spectantibus car-  
nificinam, cum in genua, ut potuit, procidens  
extulisset in cœlum manus, capite clavâ con-  
fractio, expiravit: idemque Belgis factum eo-  
dem An. 1566. 28. Septembris. Reliqui in  
scapha vix hostium sagittis elapsi, alterâ die  
in navigium Hispaniense incidunt, referunt-  
que Menendi tristem P. Martinez, non am-  
plius quinque indè leucis necem illatam.  
Cujus commendandæ charitatis, ac omnige-  
næ virtutis cum finem nullum facerent, ut

cum ipsis ad legendas herbas prodire solitus,  
ut eandem noctu coquebat in littore, ut con-  
solabatur ac sustentabat unus omnes, & qui-  
dem non hispanicè tantum, sed & belgicè Bel-  
gas, cum tamen eum sermonem nunquam  
aliàs calluerit: tum verò demum Menendes  
ingemiscere, indignum se nimirum tali au-  
xilii lamentari, suisque factum peccatis, ut  
eo viro careret, adscribere, in quo plus fidu-  
ciæ, quam in magni exercitus robore  
collocasset.

P. LUDOVICUS DE QUIROS,  
GABRIEL DE SOLIS, &  
JOANNES MENDEZ.

**S**terilis in omnia vitæ humanæ  
necessaria Floridæ Regio, in æru-  
mnas tamen & mortes servorum  
DEI perquam fertilis, novos ite-  
rum proprii sanguinis rigatione  
Martyrum flores protulit. Reversus in Hi-  
spaniam Petrus Menendes è Florida A. 1568.  
spēsque rei Christianæ amplificandæ in im-  
menlum efferens, facilè Borgiam impulit, ut  
sex è Societate in eam expeditionem designa-  
ret, Joanne Bapt. Segurâ, ijs præesse jussu. E  
Sancti Lucæ portu, commeatu & Sacra supel-  
lectile à Rege instructi, solverunt ab Hispania  
tertio idus Martias, octo secum adolescen-  
tes, quibus pro Catechistis uterentur, pleros-  
que Societatis ineunda cupidos, itemque Flori-  
danos quinque Hispali baptismo initiatos,  
ducentes, & in Floridam tertio decimo Cal.  
Quinçiles appulerunt. Excepti sunt incre-  
dibili gaudio in Præsidio S. Augustini, nam  
reliqua omnia extremâ rerum ad vitam ne-  
cessariarum penuriâ ab indigenis partim e-  
versa, partim famis intolerantiâ, quâ præsi-  
dij in vicem in S. Lucæ propugnaculo vo-  
râsse feruntur, deserta fuerunt. Promulga-  
to ibi Jubilæo, Christianisque mysterijs Præ-  
sidij animabus, & corporibus abundante  
commeatu recreatis, Habanam Segura cum  
Socijs concessit, solo Dominico Vaëzio ad so-  
latium militum, & linguam gentis ediscen-  
dam relicto. In eo Habanam trajectu coor-  
tâ tempestate, Nauclerus diris execrationi-  
bus in Numen versus, idcirco querebatur  
eam concitatam, quod Orthodoxi & Religiosi  
nave veherentur, non ita cum Lutheranis  
aut Turcis sibi evenire. Ad has execrationes  
commoti Patres, Divinæ bonitatis indulgen-  
tiam precibus fatigare cœperunt, ut daret

gloriam nomini suo, dictaque nefanda pro-  
spere eventu refelleret. Et auditæ sunt pre-  
ces: cum enim duo irent navigia, id in quo  
impius Nauclerus Patres vehebat, ab ipso eo  
loco prosperum iter tenuit, alterum per diu  
jactatum, proximè ab exitio absuit. Nè ta-  
men conviciatori sua impudentia cederet fe-  
liciter, Habanâ Floridam repetentem, eodem  
propè loco, quo in blasphema eruperat verba,  
fluctus vindices unâ cum vectoribus cun-  
ctis & mercibus hauerunt. Habanæ P. Se-  
gura Collegium Societati instituit, & Gymna-  
sium, in quo primorum Floridanorum Filij  
(abest enim haud amplius 20. leucis à Flori-  
da) literis & Christianis moribus institue-  
rentur: quibus imbuendis Rogerius relictus  
est, ceteri in Floridam reiecti, atque in di-  
versas missiones distributi sunt. In Neophy-  
tis ex Hispania reportatis erat Teguestani  
Cacique frater Jacobus nomine, quæ ejus po-  
pulares suspicati ab Hispanis occisum, ubi  
viderunt incolumem à Segura & Menende  
reduci, redintegratâ amicitia Crucem eodem  
loco, ubi nuper steterat, eximie proceritatis  
restituerunt. Advenire interim novæ Socijs  
Floridanis ab Hispania A. 1570. suppetiæ, P.  
Ludovicus Quiros cum duobus Socijs, totis-  
que viribus & ipsi in salutem indigenarum  
effusi, propè nullum retulerunt fructum, ut  
deplorata jam propè Floridanorum salus vi-  
deretur. Ad res divinas siliçe duriores: quam-  
diu annona tribuebatur (sunt enim & soli ste-  
rilitate, & innatâ segnitie mortalium egen-  
tissimi) & de bonitate ac beneficentia DEI  
sermones instituebantur, aures præbebant  
non illibenter; ad supplicia damnatorum, ad  
animæ immortalitatem planè erant surdi.  
Quin etiam Satanam detestari jussi, negabant  
M m m id





P. Ludovicus Quiros, Gabriel, de Solis et Ioannes Mendez S. I. Hispani  
in Florida pro Christi fide barbarè enecti. A. 1571. 4. Februario.  
C. Sceta del. Melch. Küßell f.

Id facturos, Deum illum juvenum esse affirmantes, cui multum obstricti essent. Pueri ipsi ad Catechesim audiendam vocati, cum audita referre jubebantur, panem è contrà cibumque, esurire se dicentes, poscebant.

Segura igitur operam Sociorum omnem ità eludi videns, ad novam expeditionem in mediterranea regionis, ubi spes majoris fructus affulgeret, animum adjecit. Erat Habanae è Provincia Axaca, de qua vulgo bona praeedicabantur, Caciquius, Reguli ejus Regionis Frater, qui in Hispania baptismo tinctus Ludovici nomen acceperat, & tunc annum circiter quinquagesimum agebat. Is cum P. Segurae magna viri boni argumenta praeuisset, credebatur Pater fore, ut gentis suae morumque, quos Fidei Christianae capacissi-

mos jactabat, & linguae gnarus, unaque polens opibus, commodè Socios deduceret, viamque muniret. Itaque re DEO plurimis Sacrificijs & precibus commendatâ, jussisq; ex Hispanica Florida, in qua frustra laborabant, Socijs, cum collectis quotquot possent Caciquarum pueris Habanam redire, ipse cum Ludovico Quiros, & septem praeterea Socijs, tertio Idus Septembris in Axacam, prospero cursu pervenit. Navibus cum milite praesidiario, qui se ultro in comites offerebant, remissis, pedibus porro ingressi, supellectilem Sacram, libellosque humeris gestantes, sylvas, loca deserta, paludesque emetiuntur. Jamque commeatus defecerat, idèò herbis & radicibus per agros obvijs victitabant, cubabant sub dio; donec tandem Ludovici Patriam



Patriam procul à mari sitam attigerunt, à sylvestribus hominibus, planèque nudis incedentibus habitatam. Illic inter quædam gentis egentissimæ, & septennium jam fame & morte miserè confictantis tuguria, domunculam Segura sibi suisque constituit. Sed Ludovicus paucis apud PP. exactis diebus (quod feris hominum industriâ mansuefactis uluvenit, si fortè patria lustra nancisci contingat) popularium invitante licentiâ, sensim redire ad ingenium & Ethnicorum mores cœpit, mallèque Judæ proditoris imitari perfidiam, quàm DEO & hominibus tam bene de se meritis fidem servare. Igitur à contubernio Sociorum in totum se auferens, ad populum indè sesquidiei itinere diffitum migravit. Semel atque iterum missò uno è Fratribus invitavit ad reditum Segura, quo scilicet ad interpretis usum, Socijs adhuc omnibus linguæ gentis ignaris, unicè egebat. Sed cum nullis precibus, nullis flecti se pateretur argumentis, jam haud dubiam pusillus ille grex, tanquam in luporum faucibus constitutus, in dies expectabat necem, cui nulla

ad effugium, hinc Oceano, indè vastâ barbarie conclusò pateret via. Quo rerum statu singuli corpora sua & animas in holocaustum DEO continuum offerentes, totum in precibus & in meditatione beatæ vitæ ponebant tempus, quatuor mensibus in his angustijs & quotidianâ mortis expectatione transactis. Jamque non solitudo, & imminens in momenta singula mors ità perturbabat, ut ciborum macerabat penuria & fames, cui proinde quærendis remedijs, & pertentando extremum proditoris animo, P. Ludovicum Quiros, cum duobus non Sacerdotibus, Gabriele de Solis, & Joanne Mendez ablegavit Segura. Ille Socios legatos inani reditus sui spe alacriores à se remittens, dum hi securi suis onusti sarcinulis viam relegunt, cum barbarorū manu inopinatè aggreditur, suaq; ipse manu Patri Quiros sagittâ cor transverberat, cujus duos Socios cæteri pari crudelitate peremerunt, die 4. Februarij A. 1571.

—DS(O)SC—

P. JOANNES BAPTISTA SEGURA, cum 4. Socijs.

**S**ublato ità truculentâ cæde tres Socios, ignarus adhuc facti, magno cum suis desiderio spè inter ac metum expectabat reduces Segura, si quid forte escarum prorogandæ vitæ afferrent. Sed ubi longiorem quàm itineris ferebat ratio moram ducere sensit, jam vix amplius dubium scelus Apostatæ hominis reputans, eò intentius cum reliquis ad geminandas pro illis, seu viverent, seu jam fato functi essent preces, & poscendam adhuc superstitibus à DEO pacem se convertit. Ecce autem quinto post trium eadem die, adest stolidâ dissimulatione proditor Ludovicus, duobus suis fratribus, & magno popularium numero stipatus, lignatum se proficisci prætendens: rogans proinde Patres, ut secures & ferramenta cædendis arboribus, quæ secum in eam regionem talium expertem attulerant, accommodata velint: eâ forsan reapse causâ, nè illis Socij, quibus alia ad defensionem arma non erant, contra vim inferendam sese tuerentur. Verùm utrâque opinione magnopere aberrabat, frustra eo artificio ad Patres exarmandos usus, qui promptiores erant ad ferendam, quàm latrones ad irrogandam necem. Nec poterat tegi

simulatis verbis mens sanguinaria, quam res loquebatur, cum detractis occiso Patri Quiros vestibus, Religiosum in morem proditor indutus incederet, ut nihil ambigeres, devorata ovis pelle indutum lupo, alijs similiter vorandis adventare. Igitur quod rogarent cum sinè mora à promptissimis accepissent, contra inermes & mitissimos homines, & de se tam bene meritos, furore converso, ipsi omnes concidère securibus, præter unum adolescentem Alphonsum, qui è Societate necdum erat. Hunc alter Apostatæ fratrum servavit, & cum illi etiam Ludovicus proditor, nè ullum patrati sceleris erumpere posset indicium, perimendo insidias strueret, finitimo Cacique tradidit, ex quo deinde totius tragiæ series innotuit.

A cæde patrata barbari, ad direptionem pauperis tugurij, quod ipsimet sibi Patres proprio labore concinnaverant, versi, profanam quidem, quæ paucula supererat, supellectilem diripiunt, Sacram autem ostentui insuper & deridiculo habent. Sacrificalem patinam unus Caciquarum de collo sibi quasi pretiosum monile suspendit, alius casulam ad mimicas gesticationes induit, calix autem in communem omnium compotationem,





P. Ioannes Bapt. de Segura, Gabriel Gomez, Petrus de Linarez, Sanctus Sauellig,  
Christoph. Rotundus, Hisp. S.I. in Florida pro Christi fide trucidati A. 1571. 8. Febr.  
C. Scripta del. Melch. Küssell. f.

nem, tanquam primum poculum transijt. Ad clausam demum arcam cum avidè complures, tanquam thesaurum reperturi, accessissent, præter pia quædam & religiosa munuscula, sacros libros, Christi etiam Crucis affixi simulachrum, nihil deprehenderunt. Quod dum contemptui quidam habent, & irreligiosè tractant, tres eorum in vestigio exanimis corruisse retulit præsens spectaculo Alphonfus, quo cæteri cõterriti in diversa dilapsi sunt. Ipse ad eò Ludovicus Apostata vindicis DEI ostentò percussus, nè in se quoque ulticem DEI manum experiretur, occisorum corpora, sua cuique in manum Crucis inserta, religiosius quàm vivos coluerat, tumulari fecit. Erat Joannes Baptista Segura, uti & reliqui septem Socij, natione Hispanus,

Toleto oriundus, qui A. 1556. Compluti in Societatem adscitus è Theologiæ studio, ita deinceps in omni genere virtutum conspicuus evasit, ut gratiosus cum primis S. Borgiæ, iusto Sanctimoniam ponderatori, & charus fuerit: quem eo prorsus tempore, quo classis in Floridam solvebat, Vallisoletani Collegij Rectoratu defunctum, velut primum arduæ illius expeditionis futurum eolumen, eò ablegavit. Socij qui cum eodem die 8. Februarij passi sunt, fuere Gabriel Gomez, Petrus de Linarez, Sanctus Savallius, & Christophorus Rotundus. Anno sequente 1572. Menendes expeditione in Axacum, contra impios homicidas suscepta, sceleris adjutores, erepto captivitate Alphonso, plerosque comprehendit, & supremo affecit suppli-



supplicio. Qui antequam morerentur, eorum sine dubio, quos necaverant, precibus placato Numine, petierunt & impetrarunt baptismum: inenarrabili DEI provisu per illatam innocentibus mortem, immortalis occasionem indepti. Apostata tamen Ludovi-

cus evasit longè in mediterranea, quem fecerunt immanis sui piaculi poenitentia & dolore percussus, per montes ac loca deserta, in assiduo ad expiandum nefas luctu, vagatum contabuisse,

## P. GUNDISALVUS DE TAPIA.

**P**rovinciae Floridae ad occidentem continuatur vasta Regio, in longitudinem 800. leucas, latitudinem ubi minimum 180. patens, longè illa felicitior, siue humanitate gentis, siue feracitate soli: quam quanti inventores fecerint, significasse videntur, cum eam novam Hispaniam dici voluerunt. Caput Regni Mexicum est, unde & Regno nomen, Urbs frequens & nobilis, in medio vastissimi dulcium & salubrium aquarum stagni sita: sedes ibi Pro-Regis & Archiepiscopi, in septem Regni Episcopos Jurisdictionem exercentis. Pridem ibi Societas desiderata & expetita, tandem A. 1572. per P. Sedennium intravit, cum jam per Oceanum secundissimo cursu nova Patrum colonia adventaret, quibus Collegium Regiæ liberalitate fundavit Alphonsus Villasecca, Regni totius facilè opulentissimus. Post complures alios eandem in Provinciam ab Hispania navigantes Socios, eodem transmisit P. Gundisalvus de Tapia A. 1585. clarè inter suos atq; apprimè Nobili stirpe, Legionenatus. Humaniores literas singulari ingenij laude, ac præcipuè in Deiparam pietate emensus, cui jam tum donatus à Parente vicus haud ignobilis Quiritana de Raneros parebat, Societatem expetijt & complexus est A. 1576. ipso Dominicæ Ascensionis die. Consecratis Philosophiæ, ac Theologiæ spatijs, jam Sacerdos in Mexicum transiens, ibi primà occupatione in Philosophia pro Magistro ægrotante tradenda laboravit, eà doctrinæ & ingenij commendatione, ut tacitis omnium votis & Superiorum suffragijs, explicandæ deinceps Theologiæ designaretur. Verùm speciosa ea munia deprecatus, ut ad barbarorum conversionem se transferre liceret, omnibus votis exoravit. Fortè per illud tempus in Pazquarenfi Collegio è quatuor Sacerdotibus, qui in vicinos gentium diversarum vicos identidem excurrabant, tres morbo correpti, munus obire non poterant; quorum ut vices unus ipse suppleret missus, ita omnium primò in gentium earum linguas, quamvis interea pro

concione ad Hispanos diceret, totus incubuit, ut dierum 15. spatio Tarascum idioma superaverit, atque apud eos per regionis montana vicatim circumeundo, hortando, concionandoque incredibilem sibi amorem & virtutis æstimationem conciliârit. Mox ad Cicimecas gentem efferam, neque unquam ab Hispanis perdomitam conversus, eorum quoque linguæ pertinaci 17. dierum studio compos evasit: simulque DEO fretus, nullo alio humano teclius præsidio, barbaris ipsis confidentiam hominis mirantibus, terras eorum adire, familiariter alloqui, & de rebus sempiternis blandè interfari instituit: tantà brevè apud eos partâ gratiâ, ut quoquo vellet eorum facilè inflecteret voluntates. Idem in Tarascorum gente paulò post mirâ felicitate perfecit, & gravissima, quibus insueverant, promiscui pellicatûs, ebrietatis, ac inhumanæ crudelitatis vitia, penitus sacrâ eloquentiâ sustulit. His veluti zeli Apostolici prolusionibus, ad majora incitatus, ad Aragos & Topianos, aliasque efferas, neque ulli eatenus tentatas nationes se conferre constituit. Est autem Topiana omnis Regio asperissima, inter continua montium juga mediâ valle, leucarum 40. latitudine, sita, viarum anfractibus, asperrimis saxorum crepidinibus, & altorum interlapsu fluminum adiri difficillima. Hieme altissimis nivibus, æstate quotidianis propè imbribus obruitur, unde grave indigenis ab immoderatis frigore & caloribus Cælum est. Et hi quidem dispersi per varia loca, nullo pago, certisve domicilijs morantur, pecudum more nullis Magistratibus, nullâ Lege adstricti. Exortas inter se rixas, evocatis in armorum societatem consanguineis, cruentâ semper cæde dirimunt: & devictorum carnes in ollis excoctas, totâ nocte in saltationibus positâ, delicias gulâ absument. Quarum ex diversis nationibus probato gustu, aiebant ipsi *Ethiopum carnes porcinas esse, ac proinde gratiores jucundioresq;: at Indorum bubulas: Hispanorum autem vervecem sapere.* Divinos honores animantibus ferè deferunt; nam cuniculos





P. Gundisalvus de Tapia S. I. illustri stemmate in Hispania natus, pro Fide Christi necatus in Mexico. A. 1594. 10. Iulij

C. Scretta del.

Melchior Russell f.

los cervósque venerantur, nè satis noceant : at venatum profecti, aquilam colunt : & ad bella prodeuntes, novaculam è filice adorant, nè filiceæ sagittarum cuspidès obtundantur. Nudi semper incedunt, tenuissimis cinctorijs & floccis sola verenda contecti. Et tamen hæc tam barbara natio, primò omnium à P. Gundisalvo excoli cœpta, ac postmodum à pluribus Socijs Evangelio subacta, tam secundis eventibus semen Cœlestè excepit, ut multi ex asperrimis montibus & sylvis ad æquiora loca descenderint, atque à fera ad humanam vitam traducti, Tempia domósque fabricârint, ampliùs 5000. salutarì baptisino tinctis. Ad hæc sublata computationes, idola plus 500. ignibus exusta ; tantus autem ad nostros audiendos conciliatus affectus, ut in-

tegros dies cibi potúsque expertes consumerent in templis, donec de Fidei dogmatis satis erudirentur: quæ multi post unicum edocti diem, catechesim etiam integram memoriæ captu (tanta est etiam in asperrimis plagis ingenij memoriæque felicitas!) perdiscebant.

Ab his Gundisalvus comite P. Martino Perezio transivit ad Cinaloenses A. 1591. quo nomine plures diversæ linguæ & moribus nationes continentur, à Mexico millia passuum ferè nongenta distitæ : à quibus patet aditus ad montanos populos penè innumerabiles, itémque ad amplissimum novi Mexici tractum, aliasque gentes vel nuper cognitatas, vel adhuc incognitas. Ex agris bis in anno fruges & fructus ( tanta est glebæ ubertas) colligunt,



gunt; victu tamen utuntur tenuissimo, incredibili in omnes liberalitate, adeoque nullus apud illos mendicus est, nullus fur. Docili omnes ingenio, & proprio quisque arbitrato sine Duce, sine Rege, pacis tempore viventes: belli tamen tempore, quod non nisi laceffiti inferunt, summa rerum ad aliquem deferuntur, cui omnes dicto audientes sunt. Et hæc quidem populorum campestris colentium indoles est: at qui ultra campestrum tractum degunt, duri imprimis & asperi, vagam ac solitariam vitam inter prærupta montium sylvasque, ferarum prorsus more ducunt, ad omnem audaciam perfidiamque, etiam postquam Evangelij lumen acceperunt, mobilitate ingenij propensi, ut quacunque levi occasione tumultuentur, & Christo datam Fidem pro nihilo ducant. Ad hos itaque Christo subigendos cum socio Patre profectus Gundisalvus, magnopere à Culiacanensibus detinebatur, ostentatione discriminum quæ subibat, ut apud se remaneret. Sed ille cum obstinatè Regionem intrasset, omnium animos mansuetudine & comitate ita conciliavit, ut quocunque venisset, summo amore ac lætitiâ exciperetur, obviam effusus vicis universis. Demum totâ illâ regione percrebuit, venisse quosdam specie Hispanis (à quorum milite insolenti licentiâ antea habiti fuerant) similes, sed vitæ ratione dissimillimos, qui nihil alienum appeterent, nihil per vim auferrent, aut minaciter postularent: quorum mores & animi moderati, sermones nonnisi de DEI cultu, & animarum salute, essent. Hinc ubi primum Christianæ disciplinæ capita tradere instituerunt, tanto concursu, tam secundis accepti sunt auribus, ut paucis diebus amplius duo millia, ac deinceps longè plura baptizarentur; Ecclesiæ plûs 20. sint excitatæ, Crucis salutiferæ signo in tectorum fastigijs, in vijs, in collibus, passim erecto, ut præ gaudio Patres lachrymas tenere non possent. His Mexico perlatis, auditus duorum Patrum subsidio à Provinciali Gundisalvus, ad populos illos montanos effratriones excurrit: maximo tamen & ab illis gaudio, fructuque præsentissimo exceptus, ut adeò desiderio multitudinis ad Sacra Fidei & Baptismi perecipienda accurrentis, sufficere unus non posset. Accedebant finitimarum nationum instantissimæ invitationes, quæ famâ Evangelij à Cinaloa recepti permotæ, eodem ad salutem excoli crebris nuntijs flagitabant: ut jam nihil dubitaret Gundisalvus, Principem tenebrarum universæ ejus regionis possessione, dummodo plures Apostolicæ

adessent operæ, pulsum propediem iri. Nè itaque spei tantæ deesset, Mexico ipse repetijt, plures à Provinciali Socios oraturus: qui dum aliunde evocandi ad novam se Provinciam compararent, ipse ad stationem præcurrit, incredibili lætitiæ significatione, effusis obviam ad usque 30. leucas populi Primoribus, receptus.

Annus jam agebatur 1594. cum unius hominis propudiosa libido omnia hætenus bene cœpta Patris si non evertit, multum certè labefactavit, dum nefariâ conspiratione, Virum innocentissimum de medio sustulit. Deboropa vicus est Neophytorum, quò frequens Ocorone, ubi residebat, commeabat Pater Tapia, firmandis in Fide indigenis, & adjacentibus undiq; Ethnicis ad Baptismum invitandis: ibidemque domunculam Sacræ Aedi conjunctam sibi in diverforium extruxerat. Erat ibi libidinosa admodum & profligata vitæ senex Nacabeba dictus, qui Baptismo quidem olim initiatus, nullâ tamen Religionis curâ, ad eandem usque ultimam ætatem per omnia flagitiorum genera voluntari, magno oppidi offendiculo pergebat. Hunc cum reducere ad frugem blandis & serijs hortamentis, & æviterni supplicij comminationibus nunquam Pater desineret, indignatus ipse in eum, quæ amare oportebat, statuit morte Patris eam molestiam redimere. Clâm itaque sollicitare populares suos, & in Religionis Christianæ, unaq; Patris odium adducere cœpit: qui cum præter gentis genium ad nova & subita consilia præcipitis, suaforem constanter rejicerent, novem solos è suis ferè cognatis in societatem sceleris pertraxit, in omnem deinceps patranda quantocyus cædis occasionem intentus. Sabbato quî in 9. Julij eo anno incidebat, Pater Deboropam venit, ut postridie Divina Neophytis perageret: totòque die Dominico erudendis illis insumpto, sub noctem ad suam domunculam regressus, Rosarium B. Virginis decurrebat. Intendentibus se tenebris adest cum conjuratis Nacabeba, cæterisque ad fores cubiculi silentio relictis, cum duobus ingressus, quasi venerabundus ad osculum manûs inclinat sese, dum interim alius exertam, quam veste occulta verat clavam, valido ictu in caput Patris adegit. Hic sui vix compos, Jesumque inclamans, titubante gressu proflie è cubiculo templum petiturus: sed qui ad ostium restiterant, illi ad terram afflicto caput ac brachium sinistrum securi abscindunt, secumque unâ cum sacro apparatu auferunt. Tentârunt & brachium dextrum, cujus



cujus digitos in Crucis formam, utpote ad osculandum, Fidemque pro qua moriebatur contestandam, composuerat, abscindere securi sæpius adacta; sed vibicibus solis relictis, nequiverunt illam, Crucis signum decussatis digitis pertinaciter facientem (quæ etiam in mortua cadaveris dextera sic efformata deprehensa est) resecare. Duo pueri qui Patri aderant, cæde exteriti, eadem nocte in oppidum Hispanorum SS. Philippi & Jacobi percurrunt, crudelitatis nuncij: ejus incolæ Deboropam profecti, corpus sinè capite & brachio sinistro truncum in suum oppidum deportant, ac sepulturæ ingenti luctu tradunt. Nec solum Hispanis tristissimæ ejus accidit occasus, sed indigenis quàm maximè: quorum necessitatibus & miserijs quàm monitis & præceptis, quàm eleemosynarum subsidij omni ope subveniundo, ita singulorum genio se accommodabat, ut planè unus ex ijs videretur. Ubi vicum quempiam subibat, apprehenso scipione domatim ægros quæsitabat, affidebat, alloquio solabatur; natu minores, suos fratres; majores, patres salutabat; serviebat eò studiosius, quò gravitas morbi majorem naturæ cieret horrorem. Cum autem DEO perpetuâ oratione & suspirijs conjunctissimum viderent Ethnici & Neophyti, Cælo lapsum hominem, & quidquid posceret à DEO, obtinere sentiebant, ejus etiam precibus fecunditatem sterili mulieri impetratam testabantur.

Non multò post gravi terræ motu afflictâ eâ Patriâ, Ethnici cum muneribus ad tumultum Patris accurrerunt, nihil dubitantes hanc cladem in pœnam indignæ ejus cædis immisissam: quam si precibus suis in Cælo averteret, spondebant se fore Christianos. Ex flagrantissimo illo, quo animarum salutem sitiebat zelo factum est, ut senas omnino barbaras linguas, brevissimo, sed improbo labore perdidicerit: dicere solitus, se faciliè quamvis aliam 20. diebus adepturum, si animarum saluti quærendæ usui, vel necessaria foret. Nunquam etiam notatus est irasci, nunquam indignari, nunquam tædio affici, aut vultum contrahere; Christi D. contemplatione didicisse se asseverans, quàm invitâ malorum patientiâ oporteret ejus Fidem doctrinamque gentibus prædicare. Puritatem in tanta illa gentium lascivarum colluvie Angelicam semper & Virginalem conservavit: cui tuendæ magnas corporis adhibuit afflictationes, nullo lecto vel culcitra ad cubatum uti solitus; ad cibatum verò adhibens plerumque sola cocta à Maizio lagana,

Impij Patris carnifices cum præda in fines Ethnicorum se receperunt, honorificè ab ijs, tanquam præclaro facinore edito, excepti. Ibi Patris caput unâ proferunt cum brachio, ut barbacoam ex illis (genus id est epularum dirissimum) faciant. Humanas enim carnes terræ infodiunt, prunarum ingenti vi superinjectâ, donec assatæ excoquantur, quas extractas adhibent ad honorem mensarum, tanquam sapidissimum barbaris dapum genus. Huic culinæ veneranda membra semel, iterum ac tertio tradita, eruda semper ac recentia extracta sunt: nec hoc tamen miraculo ab impietate sua absteritis barbaris. Quin etiam sacris vestibus per summam lasciviam induti, saltus & bacchanalia exercebant, ex despoliato carnibus Patris cranio circumpotabant, & brachio detractam pellem stramine fartam, extremis adherentibus digitis, ad ludibrium & triumphi ostentationem gestabant.

Hispani interim Neophytiq; Ocoronenses, apud quos Pater degebat, non contenti pio planctu necem Parentis optimi lugere, acerrimam in authores conquiritiorem instituere; donec compluribus carptim interfectis, ipso tandem Nacabebâ, & Oroccone sororis filio vivis potiti sunt. Quæstione paucis diebus ex forensi forma peractâ, fassus est Nacabeba, causam sibi suisque patranda homicidij eam fuisse, quòd pellicatus, ebrietates, atque alias pravas artes ex Evangelij doctrina Pater acrius, quàm ipsi vellent, insectaretur. Uterq; tamen ante supplicium peccata cum dolore detestatus, mortem non dubijs salutis suæ significationibus constanter excepit. Id quod P. Gundisalvi meritis communiter tribuebatur: sicut & alterum, quòd inter eas gentes illa præcipuè vitia desinerent penitus, ob quæ potissimum eradicanda, mors illi conscita fuit: nam & temulentia ita prorsus in ebriosissimis aliàs extincta est, ut jam continentia toto illo Orbe præcellant: maleficæ artes penitus abdicatæ, plurimique veneficorum Ecclesiæ se adjunxerunt. Quinto à morte Gundisalvi anno, in oppido Pazquarensi Mecioacanæ Provinciæ, ubi primos Pater posuerat labores, mulier ab ipso olim conversa statuerat Sacerdotem confessionis gratiâ, ubi primum luxisset, adire, in eaque cogitatione quieti se dedit. Cum ecce per visum ipsi objicitur Regia domus, auro gemmisque exculta, ad cujus aditus inter alios, quorum industriâ multi homines portis patentibus inducebantur, Pat. Gundisalvus etiâ apparuit, ad quem mulier veteri



lier veteri confidentiâ accedens, admitti etiam ipsa postulavit. At Pater severo vultu: *nondum, inquit, tibi maturum tempus advenit, & præter complura quæ tibi à me imperata per socordiam & negligentiam vilia habes, in Confessione reticisti crimina ecce illa: quæ etiam illi*

commemoravit. Mulier somno soluta, & ingenti timore doloréque percussa, ubi dilucuit, conquisitum Sacerdotem accedit, & totius vitæ exomologesi animum expiatum, Regiæ Cœlestis capacem facere instituit.




P. Antonius Lopez Hispanus Soc. IESU veneno sublatus ab Indis odio Fidei in Peruvia A. 1596.

C. Secreta d.

M.K. f.

## P. ANTONIUS LOPEZ.



Egobix in Hispania natus P. Antonius Lopez, postquam Societati nomen dedit, quærendarum studio animarum flagrans, impetratâ à moderatoribus facultate in Peruviam navigavit. Est autem Peruvia sive Peru Americae Occidentalis varium Regnum, proximè ad antarcticum ex-

currens polum, à Pizarriis Marchionibus Hispaniæ sceptris adjunctum, auri argentique potens, ex cuius Potosij Provinciæ inexhaustis fodinis, Catholicus Monarcha hodièque annuis proventibus ditatus, Orbem universum auro argentoque perpluit. Sanè Regni illius vetustiores Monarchæ divitijs superbientes, Romanam magnitudinem non parum

N n n

operum



operum molibus superârunt. Catenam auream fecit Huayna Capac Peruanorum Rex, longam septingentis pedibus, anulis connexam, quorum crassities brachij humani rotunditatem adæquabat: ducenti Viri movere illam loco non poterant. Delubrum Solis in Regis Aula undique auri tabulatione opertum micabat; nulla supellex ibi non aurea, usque ad ligones, & vilissima quæque vascula. Cadavera Regum in sellis aureis, ante ingentem Solis vultum similiter aureum locabantur. Hortus etiam totus aureus & argenteus; ex quibus metallis effictæ fuerunt ingentis altitudinis arbores, flores, areolæ, frutices, feræ, reptilia. Regum quoque infanum Palatium aureis intus laminis ubique opertum, cum tamen aliqua ejus cænacula caperent tria millia hominum: omniæque Aulæ vasa, usque ad instrumenta coquinæ, aurea & argentea. Eadem majestas in Prætorij, & hospitij per totam Provinciam regij. Ipsi adeo Regiæ muri exteriùs mille arbutis manufactis, & animalculis reptantibus avibusque variegati, ex auro erant argentoque. Duæ viæ Regiæ à Cuzco usque Quitum manufactæ incredibili laboris operâ, adæquatis profundis vallibus, humiliatis editissimis rupibus, per 50. leucas protendebantur, 25. pedes latæ. Et ut taceam Templum immane, in 78. fabricas sive partes divisum, & totidem numero Dijs consecratum: Atriû in eodem Regno visebatur spatiosum & quadratum, ex unico & integro lapide in rupe excisum, undique cinctum muris, ad duo stadia elatis, tres dodrantes latis: in ejus latere cænaculum 45. pedes longum, & 22. latum. Tectum autem ex eodem integro saxo incumbens, velut paleis opertum extrinsecus videbatur, mirâ quâdam simulatione artis.

In ejus Regni culturam evocata A. 1567. Societas JESU, novis subinde ac novis eodem missis coloniis, complura in Urbibus Collegia, & quàm plurimas ad barbaros per juga montium instituendos missiones erexit. Tota enim natio ad insaniam usque Idolorum cultui dedita, varia ex auro & argento simulachra venerabatur, effigie avium, tigridum, cervorum, aliorumque animalium expressa: quædam etiam deformi specie, quales vulgò apud nos pingi solent Dæmones, caudâ ad solum usque promissâ, quibus etiam humanis plerumque hostijs sacrificabat. Eò delatus P. Antonius, cum pro religiosæ humilitatis studio & modestia, nihil aliud quàm durissimos in locis incultis, inter efferatorum Indorum latibula prensaret & expectaret la-

bore, moderatores tamen doctrinæ, quæ excellerebat, præstantiam in eo suspicientes, Theologiam de moribus explicandam illi commiserunt. Nec longè post gubernandis alijs Rector præpositus, rarâ sui contemptione, quâ omnia naturæ & gratiæ dona celabat, ita effulfit, ut tandem demissionis ejus studio suffragati majores, Indorum procurandâ salute, & difficillimis periculosisque concursationibus satiari passi fuerint. Initium Apostolicorum laborum Cuschem Civitas, Regni olim Metropolis, fuit, in qua solennem etiam Professionem A. 1585. nuncupaverat: cujus religione ad singularem rudium & puerorum in Fide erudiendorum curam obstrictum se sentiens, quocunque spes verosimilis uberioris frugis vocabat, indefessus operarius excurrerebat. Et referebat quidem ille cum socijs Apostolici muneris fructus, pro operarum paucitate uberrimos, pro Regionum tamen magnitudine, & multitudine petentium qui sibi panem frangerent, prorsus exiguos. Hinc subinde ex arcano suæ prædestinationis consilio, Divina Misericordia ultro quosdam à longissimè distitis Regionibus Cuschem, per eos annos adducebat, qui sacris Fidei & Baptismi mysterijs imbuendos spontaneè se offerrent.

Christianus Indus ex culta Hispanis regione, nescitur quâ causâ, fugiens, quindecim dierum itinere in latam & incolis frequentem Provinciam pervenerat, in qua eum indigenis delatam secum Crucifixi effigiem ostendisset, percubuit inter barbaros, & ad Principem delatum est, adesse hominem, qui famosum illum & victorij mirificis formidatum Christianorum DEum secum ferret. Accersit eum continuò Regulus, & in corona trecentorum circiter Nobilium petit sibi pridem cupido Christum ostendi. Quem depromptum in manus sumens, *bicne*, ait, *Deus ille est, cujus ope celesti Peruviam Hispani, deleti Ingarum* (id erat omnium illie Regum commune agnomen) *Imperio subegerunt?* Afferente illo; *atqui*, subjecit Princeps, *hac quidem homunculi infirmi & miseri figura est. Absis in rem malam cum isto tuo DEO:* simulque Crucifixum conspuens, cum contemptu hospiti projecit. Qui simul ac in manus reverenter illum recepit, cunctis clarè cernentibus imago caput à dextra, in quam propendebat, parte, in sinistram flexit, minaci in Principem, adstantesque Ethnicos defixo obtutu, unde omnes in terram corruentes, sine sensu mortuis similes diu jacuerunt. Fit clamor & concursus ex Urbe universa; cum Princeps post



tres ferè horas confurgens, magnâ voce inclamat: *verè magnus est Christianorum DEUS!* ingeminantibus idem Aulicis, sensim etiam sibi restitutis. Edicitur subitò capitali poenâ propositâ, nè quis Deum Christianorum ullâ afficere contumeliâ audeat; extruitur subitârîo opere juxta Palatiû Sacellum, in quo perhonorificè collocatam eam Crucifixi effigiem primus adorat Regulus, imitantibus passim universis. Quæsit deinde tam ex hospite Indo, quàm ex alijs undique ditione suâ conquistis Peruvio transfugis, ecquid de Christianorum DEO scirent? quibus ritibus ac ceremonijs colendus foret? Sed responderunt, vix quidquam se de his nôsse: verùm esse, quosdam Cuschi Sacerdotes Europæos, humanos cum primis & benignos, qui ea edocerent. His auditis Princeps, repentè cum unico filio sexenni, tanta vis erat Divinæ gratiæ! & sex Dynastis, ducibus transfugis duobus se dat in viam, vestitu mutato, nè qui, & unde erant, agnosci possent. Cuschi Rectorem Collegij convenit, ab eoque, causâ itineris arcânò propositâ, petit aliquos secum Patres mittere nè gravetur, qui gentem suam Christianè informet. Ille paucitatem Sociorum, & absentiam Provincialis excusans, negavit aliud in præsentî, quàm eos qui advenerant primis Fidei rudimentis imbui posse. Quæsit Regulus, quantum distaret Provincialis. Milliariibus 400. respondet, nec posse ante duos menses responsum indè haberi. Regulus cum tam diu morari Cuschi, nè quid interim turbarum in Regno exciretur, non posset, filiolum in Collegio erudiendum & baptizandum relinquit: ipse quantum licuit sacris monitis instructus, domum repetit. Ubi cum eum quiescere sacri stimuli non sinerent, bimestri exacto ad conditum Cuschi comparet, sed responso, non quale optabat, à Provinciali invento. Excusavit nimirum, non adesse ullum ad manum, qui tam longinquè mitti posset; tanta erat eâ tempestate, in tot vicinarum gentium cultura, operarum inopia! præter Rectorem ipsum, quem officio dimoveri eo temporis non expediret. Conturbatus inopinâ, justâ licet repulsâ Regulus, & ad animi ægritudinem accedente invaletudine corporis, insueto itineris tanti labore fracti, filium jam baptizatum domum remittere, ipse verò Cuschi ad animi & corporis curam remanere statuit. Dimisso puero ingravescere parenti corporis morbus cœ-

pit, animus è contra vegetior quotidie è catechetica instructione evadere. Donec ad extremum non dubiè jam instante morte, ritè baptizatus, puram animam inter egregias spei & interni gaudij significationes Deo reddidit A. 1582.

Talibus animatus miræ DEI circa salutem Peruanorum Providentiæ exemplis, incredibili eorum procurandæ salutis fervore ardebat P. Antonius, quorum juvandorum causâ assiduis peregrinationibus per aspera atque inculta regionum vitam suam contrebant, donec eum naviter in opere Apostolico versantem, mors à barbaris obstinatis conciliata oppressit. Inoleverat in ea gentium colluvie præter promiscuam libidinem, nullis matrimonij, consanguinitatis, vel affinitatis legibus adstrictam, aliæque vitiorum monstra, ea etiam plusquam brutalis sese ingurgitandi intemperantia, ut, quò eâ voluptate perfruerentur, non solum immoderato potu sese ingurgitarent, sed fumo etiam quodam ebrietatem procurarent. Hunc illi ex certi generis arundinum ficcatis, ac postmodum incensis folijs, quæ ibi largè proveniunt, copiosè ore sorbent, dum adeò inebrientur, ut penitus sopito omni sensu è mentis potestate exeant. Reperiuntur etiam, qui adeò avidè ac furenter eum hauriant, ut tanquam exanimis in terram concidant, ibiq; maximam diè aut noctis partem, velut capti mente, stupefactis sensibus jaceant. Hæc itaque vitia ardentiore zelo perstringens Pater, dum omnimodo eliminare conatur, impatientiam primùm, mox indignationem & rabiem in barbarie efferatis animis provocavit, eo furoris reprehensionum intolerantiâ prolapsos, ut veneno poculum optimè de se merito Patri mistum propinantes, de medio sustulerint, A. 1596. ætatis 53. Societatis 32. Quos tamen ipsos tanta postliminio sui sceleris subiit poenitudo, ut omni honoris genere tumulum ejus persecuti, non aliter post fata quàm Martyrem, gnari quâ causâ necem illi procurassent, appellarint, & venerati sint. Clerici qui frequentes è vicinia (erat enim apud omnes incredibili Sanctimonix opinione) ad exequias convenerunt, ejus cadaver admirabilem odorum fragrantiam spirasse testati sunt, ac proinde singulariter depositum, tanquam viri planè Sancti, in magna deinceps veneratione habuerunt.





P. Michael de Urrea Hispanus Soc: IESU. ex odio Fidei à Barbaris necatus in Peruvia A. 1597. 28. Aug.

C. Scrota d.

M. K. f.

## P. MICHAEL DE URREA.

**M**ichaëlem de Urrea Fontibus in Hispania natum, eadem Peruvia, Occidentalium Indorum præcipua portio, sibi vëdicavit, jam Sacerdotio, & Philosophiæ Doctoratu initiatum A. 1585. Limam, Peruvia principem hodie urbem, appulsus, Quicivânûm & Aymarânûm idiomata statim condidicit, ut utroque concionaretur: unde confestim exercendo, quo inprimis flagrabat, zelo, inter barbaros missus, apud Julidos primum populos, tum in Cinquiabi, unde in circumfusâ latè nationes agrestes excursus est, elaboravit. Quantâ verò aviditate talium missionum necessaria incommoda non

exhauserit solum, sed etiam ultro exambiverit, ostendit in Pacensi Collegio, quod licet commodis conclavibus abundaret, ipse tamen angulum unum anno integro, vix unquam etiam de die prodeundo, incoluit, ita arctum, ut vix hominis capax esset; ita humilem, ut rectus in eo stare non posset. Cui Collegio cum se præficiendum Rectorem subsensisset, tot tantisque lachrymis deprecatus est, ut eum sibi cum difficillima ad Ciuncios missione permutari impetrârit. Sunt ij populi asperitate montium, & fluminum interluvione à reliquis disjuncti penitus, ad quos nullo jumento penetrabilis, & peditibus penè insuperabilis accessus est; commoratio autem



autem inter illos ærumnarum & periculorum, plus quàm credi possit, plenissima. Nunquam ad eos penetrare potuerunt Hispani, tum loci naturâ, tum armis bellicosæ gentis repulsi: penetravit tamen Societatis Zelus, & ex ea primus omnium P. Michael, Fratre uno Benavidio comite, A. 1596. Huic expeditioni ut legitimè se compararet, Deum primò statuit assiduâ oratione, & multâ corporis per annum integrum maceratione, suis laboribus, & indigenarum profectui conciliare. Quo toto tempore Camatâ, quæ ultima Peruvix urbs, & proxima Ciuncis est, ad perdiscendum gentis idioma resistens, herbis duntaxat, & quas ultro terra progignit radicibus vesceretur, sarmentis nocte decumberebat, quotidie cruentam adhibens flagellationem.

Camatâ die S. Jacobi, ducibus binis Ciunciorum Caciquijs, cum 40. circiter hominum comitatu egressus, iter habuit in descensu & ascensu montium asperrimum: ubi arbores tantùm non perpetuo contactu junctæ, ramis deciduis ita omnia intersepiunt, ut leporum & cuniculorum, non hominum vias esse dixeris. Post plurima flumina vado semper transmissa, à Tayrapo Aquacilium primo vico progressi, ad Zupimarim flumen rapidissimum descenderunt, quod spatio 9. leucarum plùs centies transmittere oportuit, aquis umbilico tenus, cum maximè tunc extenuatum esset, eos perludentibus. Ità in Ciuncinorum denique fines perventum est, unde pòst paulò Benavidius Limam, ut in mandatis habuerat, ad referendum missionis successum repetijt, solo Michaële in medio pravæ & indomitæ Nationis relicto. A puerorum informatione Catechesim exorsus Pater, omnes ejus gentis Caciquios indefessus invisit, & Fidem ubique prædicando, populos qui longè plurimi sunt, obivit. Sed licèt illi mysteria Christianæ Religionis non inviti explicari audirent, quando tamen ad præceptorum observantiam, & veteres ritus relinquendos, quibus mirum in modum continuatâ assuetudine tenebantur, descensum est, nullâ propè vi aut ratione pervelli poterant. Nam & plures pro dignitate & facultate opum alebant uxores, aut pellices potiùs, & Numinum loco bruta animantia, multorum sæculorum firmatâ superstitione colebant. Et quia Pater ex quodam eorum delubro simulachrum avis, ex varijs plumis versicolorib⁹ formatum, avertendo cultui idololatræ sustulerat, eam rem ita ægro animo tulit loci Caciquius, Patri alioqui inter paucos addictus, ut vultûs acerbitate non dissimulârit,

Quas inter difficultates supremo conatu elaborans, complures nihilominus ad lucem veritatis intuendam perduxit, maximis conflictibus incommodis, atque omni humano solatio destitutus. Præcipuum tamen odium erat Veneficorum & Ariolorum, qui suas artes Patris consilijs vilescere non ferentes, ejus perdendi, quam dudum circumspiciabant occasionem, tandem nacti sunt. Rogatus Pater ut Caciquij cujusdam filio, malignâ febris æstuanti, remedium si quod posset afferret, aquæ pauxillum saccharo medicatæ præbuit ad refrigerationem. Sed prævalente tantillæ potioni febrili æstu, extinctus juvenis ansum dedit insimulandi Patrem veneficis, quasi toxicum agro propinâsset. Duo Principis defuncti fratres cum subditorum comitatu, ut gens levis est & credula, arcibus armati & macanis (qui lignei acinaces sunt) securum periculi Patrem adorti, duas illi in capite lethales plagas imposuere, hospitale nomen Jesu invocanti, veniàmque percussoribus à DEO exoranti: qui mox indè barbaros inter ululatus, & crebras sagittarum ob rem bene gestam jaculationes, se receperunt in tutum.

Mortem ejus, quæ in diem 28. Aug. A. 1597. ætatis 42. incidit, ægerrimè Vici Torapo Caciquius, ubi casus est, & omnes indigenæ acceperunt, eique funus, prout ante obitum præscripserat, apparaturi, Sacerdotali amictu cadaver induerunt, quaternas Cruces ad 4. funeris latera, Christi Crucifixi signum ad caput collocârunt. Iidem postmodum referebant, sæpe se lumina per noctem sepulchro P. Michaëlis imminuentia, splendoremque mirificum conspiciatos: sæpe nebulam indè procedentem intuitos, quæ postea totam latè regionem occuparet, cum magno simul terræ motu, quo humus alicubi fatiscens irrinas, Indorum quorundam, ceu noxæ illius reorum, prædia & mapalia etiam quassaverit, & diruerit. Et cum aliquando corpus defuncti nonnemo pararet exhumare, nebula indè repente prorumpens à cœptis eum deterruit. Gravior etiam Sicarios mox ultio divina excepit: quos comessantes die quodâ & temulentos, viginti leones & tygrides è lacu vicino erumpentes, plerosq; discerpsere: pauci quos fuga subduxit, à finitimis populis homicidas execrantibus, & lapidatione à suis domibus arcentibus, suo demû in vico leprâ pestilente ad unû omnes absumpti sunt. Ossa Patris pro Fide tam patenter necati, totque prodigijs à DEO illustrati, ut loco aliquo sacro Societatis humarentur, obtinuit P. Provincialis per Camatæ Gubernatorem à Torapi Caciquio, ea



ut transferri pateretur. Quæ sine cunctatione, deducuntibus cum pompa, Caciquij jussu indigenis, Camatam perlata, ibique à Clero supplicabundo, gestantibus illa Religiosis ex Ordine Prædicatorum, excepta, & ad Aræ principis crepidinem interim deposita fuisse. Donec post annum in Pacense Collegium,

excitis famâ (Socijs nequidquam funus quod vehebant tegere laborantibus) quaqua transibant populis ad pompam, & tanti viri venerationem, translata, ante majus Altare decentissimè quidem, sed quâ oportuit modestiâ, collocata sunt.



P. Franciscus Pintus Soc: IESV, odio fidei Christianæ à  
Brasilis crudeliter occisus. A. 1608. 11 Ianuarij. Ihiapanæ.

C.S. d.

M. & f.

## P. FRANCISCUS PINTUS.

**I**nter Insulas Tertias, omnes Lusitanico juri subjectas, princeps est illa, quæ à Bono JESU cognominatur, in qua oppidum Angra natale fuit Francisco, in magnum Patriæ suæ ornamentum A. 1552. in lucem edito. In Societatem anno ætatis 16.

adlectus, & post decennium partim in Tyrocinio, partim in bonis artibus impensum, Brasilis transcriptus, totos 30. annos in efferratarum illic gentium conversionem admirabili strenuitate ita se impendit, ut & barbari idiomatis apprimè gnarus, & ad conciliandos agrestium animos natus factusque videretur.



videretur. Et quia animos gerebat periculis quibusque pectus obijciendi paratissimos, difficiles in mediterranea Brasiliæ, durasque expeditiones quater aut quinquies obivit, multis ad Ecclesiam barbarorum adductis: ex quibus periculosum adeo sibi conscivit morbum, ut graviter in Bahyensi Collegio decumbens, exiguam spem vitæ ulterioris prorogandæ relinqueret. Advenit interea eo prorsus fataliter ægrotantis Francisci tempore A. 1582. Bahyam, Collegium pro munere suo visitaturus P. Josephus Anchieta Provincialis, & confectis rebus omnibus, Pernambucum discessum parabat: prius tamen Franciscum valedicturus invisens, deprehendit eum ulterioris vitæ spe abjectâ, totum in iter æternitatis adornandum intentum. Delectatus est animi vitam aspernantis alacritate, ac simul Cœlesti Numine afflatus Anchieta, jubet de professione in Cœlum cogitationes modò ponere, & se multis adhuc exantlandis laboribus, tolerandis adversis comparare: diu enim ultrâ supervicturum, neque siccâ morte ignobiliter in lecto decessurum, sed multos demum post annos cruentâ nece Fidei Christianæ veritatem asserturum. His dictis jussit illi indumenta exhiberi, & ille cæcè obedire assuetus, dum mandanti parere connititur, repente sensit exhausto corpori vigorem pristinum & vires restitui; dumque induitur, toto abscedente morbo ita subito revaluit, ut ex eo tempore ad valetudinarium non redierit. Secundum hæc primò omnium jussus est ab Anchieta Templum petere, & Deo Eucharistico pro restituta sanitate gratias referre; vixitque ab eo die totos adhuc 26. annos, valetudine semper robustâ, donec eam unâ cum vita in manibus infidelium pro Fide cœsus reliquit.

Varios deinde domi forisque tum in propria quærenda perfectione, ad quam eminentem omnino evasit, tum in Ethnicorum curanda salute exantlavit labores, dum postremo expeditionem summè arduam, & omnium periculosissimam ad Tapojas impetravit. Censentur autem promiscuè hoc nomine gentes innumerae, natione & idiomate inter se penitus diversæ, omnium quas Brasilia alit immansissimæ minimèque tractabiles, quas sapius quidem per intermedios haud paulò crudelitate inferiores populos adire Socijs fuit animus, sed semper defuit facultas. Incolunt illæ cum terrarum tractum, qui ab 8. altitudinis Australis gradu à Pernambuco excurrent, aditus est magno illi Amazonum sive Maragnonio flumini, omnium toto Orbe

terrarum facilè principi, cujus ostium Equator determinat. Hoc demum A. 1607. spes certior eò penetrandi, & animos barbarorum pertentandi visa est; maximèque idoneus ad deliniendos sanguinarios populos delectus P. Franciscus, addito comite P. Aloysio Figheriâ. Rebus omnibus ad iter comparatis, ac ut præsertim, & omnis generis ferramentorum variâ supellestile, quæ sola apud barbaros, nullum autem pecunia, aurum, argentum vel pretium obtinent, duo adversus tartareas potestates conjurati socij mense Januario mari discedunt. Leucas 120. emensi, excensione factâ pedibus iter scipione nixi in mediterranea capiunt, paucis indigenarum quorum aliquot ex ipsa Tapojarum gente jam Baptismo initiati erant, comitantibus, tum ut per viam piscatu venatûque, ejus expertissimi sunt, Patres in itinere sustentarent, tum ut conciliatâ ipsis ad populares suos benevolentiam, interpretum munus sustinerent. Non ullibi aliàs difficiliora humanis vestigijs sunt itinera: sylvæ invia, montes asperi, horridique dumis; nulli aditus, semitæ nullæ, omnia densis arboribus obsepta; neque progredi vel pedem unum licebat, nisi quantum ferro & lacertis viæ aperiretur in diem. Ad hæc plana & declivia omnia luto & aquis latè stagnantia, ut nudis pedibus, frigido aëre incedere cogerentur. Cum his difficultatibus, & acerrimâ fame, quam solis persæpe herbis sponte natis tolerabant, annum penè integrum luctati, tandem plus 100. leucas aperti sibi, an potius perfolli itineris, emensi, perurpère demum ad montes Ibiapanæ, seu Ibi-gapabæ, leucis plus minus 100. cis Maragnonem sitos, non longè à finibus Ethnicorum, quos quærebant. Ad hos uno ex tribus, qui soli patebant, aditu, penetrandum erat: sed hi ab efferis penitus, ac omnium Tapojarum truculentissimis tenebantur, non aliter hominibus quàm ipsis feris belluis infestis, ac perpetua inter se, cumque vicinis bella gerentibus. Patres anxij misère semel ac iterum cum muneribus ad primos, qui proximi erant, ut transitum impetrarent; idemque tentatum cum secundis, sed nihil impetratum. Tertij interpellati nuncios insuper trucidârunt, uno servato 18. annorum adolescente, quo uterentur duce ad Patres in necem conquiendos.

Nuncijs non comparentibus, dum incerti quid agendum deliberant, ecce tibi die 11. Januarij A. 1608. magna barbarorum è montibus manus descendens, simul sagittis Patrum comitatum impetit, simul mapale extemporaneum, in quo sortè horas Canonici



cas Franciscus persolvebat, convellit. Prodit ille, vultuque quàm maximè potest & oratione benignâ, furentes illos sedare contendit: idem faciunt certatim comites, magnisque vocibus inelamant; *hunc Patrem illum Sanctum esse, qui ad ipsos Cœlestia docendos veniret: ejus itaque vita parcerent.* Illi è contra, *nihil sibi cum illo, respondere, esse omnino ipsorum manibus necandum.* Tandem cùm diutius impetus barbarorum à paucis sustineri non posset, uno qui validius Patrem tuebatur interempto, ad illum se penetrant, vecteque ligneo capiti impacto, multis repetitis ictibus, maxillas, oculis excussis, penitus unâ eum cranio comminuunt, cùm Pater natus esset annos 54. Non longè indè aberat Sacerdos alter, cùm puer è comitatu inter eas turbas, *Pater, Pater, Lusitanicè inelamat, consule vita tua.* Ille confestim in intimas se sylvas recipiens, frustra à barbaris ad necem quoque conquisitus, mirabiliter vitam servavit, lauitque, dum barbaros direptâ sacrâ & pro-

fanâ supelle&ile recessisse appareret: ac tum collectis viæ socijs, ad cœdis locum accedens, deformatum, nudum, luto & sordibus (nam & in mortuum sævierant) oppletum cadaver, omnium lachrymis ad montis radicem sepelivit. Pera&ctis funebribus, viam undè venerant relegens cum comitibus P. Figheria, unum è fustibus cruore Francisci infectum, & à barbaris temerè abjectum, Bahyam in Collegium secum retulit, solatio & excitemento Socijs futurum. Corpus autem aliquamdiu in ignota barbarie, medijs sylvis, nulli fidelium notum, sinè honore, sinè nomine jacuit: at posteaquam siccitatibus insuetis populus sanguinarius atrox facinus ple&cti persensit, magna in veneratione tumultum ejus, licèt adhuc infidelis, habuisse fertur, quòd illius imploratione pluvias, quoties opus esset, è Cœlo eliceret.

OS(O)SC

## P. RAPHAEL FERRER.

**N**on inane aut vacuum Raphaëlis nomen gessit, ex Catalaunia Hispaniæ oriundus P. Ferrer, natus in salutem Indiæ Occidentalis populorum, verè juxta nomen suum *medicina DEI*. Primam pueritiæ ætatem plenis maturitate actionibus ità laudabiliter decurrit, ut jam tunc adultam virtutem præferret. Quam ut æquabili semper profectu ad debitum perduceret perfectionis apicem, adolescentiam Societati Jesu An. 1587. ætatis 21. implantavit, usq; munivit, quoad in Arragoniæ Provincia vixit, virtutum præsidjs, quibus deinde in campum difficillimi certaminis eductus, certam de animabus à barbarie vindicatis, & in amabilem Christi captivitatem adductis, referre posset victoriam. Sic instructus transiit in Peruviam A. 1597. plenus desiderijs atrocissima omnia pro Christo patiendi, & vitam ipsam in obsequium Fidei immolandi. Cui fortiter exiendiæ ut prævijs assuesceret experimentis, totum se mortificationis studio impendit, & assiduâ patientis Christi cruciatuum meditatione ità animum accendit, ut vix Sacrificium ullum perficere, horas Canonicas, aliàsve preces recitare, aut pia de materia tractantes libros legere posset, quin copiosis largè inundaretur lachrymis. Pluribus post hæc adhibitus fuit inter diversos Peruviæ po-

pulos sacris expeditionibus, semper ardens, semper novas excogitans praxes, quibus eos à vitijs (nam his relictis facilè Idola spernebant) ad virtutis amorem traduceret. Cujus industriæ Charitatis eximium specimen dedit Cali, oppido Popayanæ Provinciæ. Instituerant cives actionem scenicam, quam absurdâ, illis tamen ex inolito more minimè indecente visâ, consuetudine, in sacra Ædè pro theatro dari disposuerant. P. Raphaël cùm frustra impedire Sacri loci ad non sacra spectacula abusum conatus esset, ut ea in ipso jam procinctu disturbarer, Apostolico zelo inflammatus, repentè ante ordiendum prosiit improvvisus in theatrum, Christi Crucifixi effigie dexteram armatus, tantæque contentione dixit ad concionem jam congregatam, ut cùm lachrymas omnibus conscivisset, fastidientes jam aliud præterea spectaculum, omnes domum, abrogato feliciter in perpetuum pravo more dimoverit. Inter alias magno animarum lucro susceptas excursionis, sæpius excoluerat Quitum, celebrè meridionalis Americæ Equatori subjectam Urbem; quam instituendis ad innumeras barbarorum circumfusas nationes procurfibus admodum opportunam advertens, ex ea velut stativorum suorum loco, sæpius ad diversos se inferebat. Ex his Cosanes erant, gens præ alijs immanitate barbara, & ingenio in-

tracta-





P. Raphaël Ferrer Hispanus Soc. IESV, odio Fidei Christianæ  
submersus à Barbaris in America. A. 1611. Mense Martio

C. S. d.

M.K. f.

tractabilis, 60. leucis Quito, inter montes  
conciatōsque fluvios sita. Eam igitur sibi  
post alias diligentius instituendam cum as-  
sumpisset, inchoato ad annum 1609. & per  
sequentem continuato labore, 400. undis sa-  
lutaribus ablutos, à vaga sylvestrique, extra  
humana domicilia, vitā, ad communem ur-  
banāque societatem traduxit, tribus con-  
structis oppidis, in quorum præcipuo, ut deni-  
etiam Hispani, veluti exemplar illis ritu hu-  
mano vivendi futuri, sedem figerent, perfecit.  
Ex tam prosperis initijs spes erat, aperto se-  
mel Evangelij campo, totam gentem sub sua-  
ve ipsius jugum ituram, nisi humani generis  
& salutis nostræ hostis bene cœpta pessumde-

diffet. Quidam enim seu tædio Christianæ  
vitæ, ab assuetis eos in Idololatria voluptati-  
bus retrahentis, affecti, seu mobilitate animi  
sibi innatā, ex vitæ licentiosæ & vagæ deside-  
rio in odium Patris accensi, dum ex oppido  
in oppidum vagus & fessus iter faceret, ipsi  
adventantem in ponticulo quopiam præsto-  
lantes, gratulabundos se excipere (ut toti sunt  
ex fraudibus compositi) simulant, nihilque  
adversū suspicantem, in fluvium, ubi in-  
isthmum cogitur, præcipitant, & aquis suf-  
focant, An. 1611. mense

Martio.

—S(O)—S—

Ooo


P. MARTI.





P. Martinus de Aranda Valdivia, P. Horatius de Vecchi, Didacus de Montalvan Soc. IESV pro Christo crudeliter interfecti in Chile 14. Decem: A. 1612. C. S. d. M. K. f.

P. MARTINUS DE ARANDA VALDIVIA,  
P. HORATIUS DE VECCHI, &  
DIDACUS DE MONTALVAN.



Nventis, & magna ex parte domitis Indiarum Occidentalium regionibus, quàm plurimæ ex Hispanis Illustres Familiae sedem sibi stabilem in earum coloniis fixerunt. Ex quarum una in Urbe Regni Chilenfis Villarica, Illustrissimo sanguine nat⁹ Martinus, post libata duntaxat humaniorum literarum studia militiam secutus, turmam equitum ea cum laude fortitudinis plures annos ducebat, ut totius Peruviae Pro. Rex, explora-

tæ sibi virtutis ornandæ consilio, Præturam ei Ricobambæ ultro deferret. Ipse tunc annum ætatis 31. ingressus, ut oblatum novum munus ex Divinæ magis, quàm humanæ prudentiæ legibus administraret, animum prius in S. Exercitiorum solitudine colligere, intra Limense tyrocinium constituit. Ibi rerum mundanarum caducitate, & æternarum stabilitate, per exactissimam contemplationem perspectâ, ita Divino Spiritu occupatus est, ut de capeffenda Societate voto facto, famula-

ri



ri in ea Coadjutorum servitio (indignum se-  
ratus Sacerdotum gradu) expetierit. Igitur  
A. 1592. admissus, & à Pro-Rege subitan-  
cam in viro militari mutationē stupente & com-  
mendante perhumaniter in Tyrocinio visita-  
tus, omnes illos martiales spiritus in se u-  
num persequendum, & debellandos rebelles  
animi motus convertit. A quibus spiritui  
penitus subiectis pacem interiorē nactus,  
mox ab audita per biennium, quantum pro  
Sacerdotio sufficiebat, morali de casibus con-  
scientiæ Theologia, bella externa in Dæmo-  
nem & Idololatriam quæsit. Penetrave-  
rat eo ipso tempore ad Ciuncios P. Michael  
Urrea, de quo paulò antè meminimus, & so-  
cios in partem messis ardentē evocabat: cui  
ut venire in subsidiariam opem liceret, ar-  
dentibus votis exoptans Martinus, illuc è Ju-  
lide per Camatam pedestri & laboriosissimo  
itinere discessit A. 1596. Adverso quippe an-  
ni tempore profectus, cum persæpe reptan-  
do magis quàm gradiendo, iter urgere coge-  
retur, comites penè omnes clandestinà sese  
fugâ, ærumnoso labore, & portentosa ma-  
ximè tot fluminum traiectione absterri-  
ti, subduxere. Ipse tamen studio animarum vi-  
res addente, penè solus viam constanter pro-  
secutus, præter minora flumina, jam quadra-  
gesies Zupimarim fluvium rapidissimum  
(quem centies transeundum in P. Urrea mo-  
nuimus) vado trajecerat, cum denuo amnem  
ingressus, & rapidissimo torrente abreptus,  
vires prorsus ac sensus amisit. Ejectus ta-  
men divinâ ope in eandem ripam est à qua  
discesserat; sorbendus alioqui medijs alvei  
vorticibus, si in adversam propelleretur. Ex-  
tractus ab undis est, cruribus, brachijs, toto  
corpore contusus (sæpius enim in petras eo  
æstu impingebatur) ac propè exanimis: cum-  
que frustra plurium dierum labore vadum  
commodius quæsisset, consilium cœpit ibi-  
dem cum duobus residuis comitibus hye-  
mem transigere.

Verum ad Cœli & solitudinis incom-  
moda accedebat loci insalubritas, & rerum  
omnium præter herbas sponte enascentes in-  
opia: adhæc Regio colubris, cerastis, & vene-  
natissimis hominique infestissimis viperis  
(quarum unam jam insipientē vix effugerat)  
abundans. Omnibus itaque pensatis, sta-  
tuit præteritas repetere, Camatam redeun-  
do, difficultates; quam etiam undevicesimo  
die, eodem remenso cursu, quadragies ite-  
rum amne superato, tenuit, duobus nixus  
baculis, altero pede vix prorepens, & mole-  
stissimis insuper febribus gravatus, Perla-

tum inter hæc certis nuntijs est, necatum à  
Ciuncis P. Urream: quare Limam revoca-  
tus P. Martinus, in patriam regionem Chi-  
le, ut indigenis, majorem partem adhuc in-  
domitis, Christum prædicaret, remittitur.  
Est autem Chile Regio amplissima infra Pe-  
ru, trans Æquatorem longè ad meridiem us-  
que ad angustias Magellanici freti porrecta,  
à Tucumanibus ad Orientem editissimorum  
montium interjectu determinata, quorum 16.  
instar Ætnæ aut Vesuvij sunt ignivomi, &  
per quinquies millies passuum millia pro-  
currunt. Gentes in ea sunt plurimæ, & bel-  
lo fortissimæ, cum quibus diu vario Marte &  
multis cladibus bellatum est ab Hispanis, nec  
unquam debellatum: donec interventu P.  
Ludovici Valdivia, Chilensis Regni à Catho-  
lico Rege Visitatoris, quantumcunque voca-  
tioni suæ tam adversans munus excusaret,  
constituti, pax certis conditionibus firmata  
est, & bonâ fide longo tempore utrimque cul-  
ta. Accidit interim, ut Anganamonio Ca-  
ciquio tres ejus uxores seu pellices, cum libe-  
ris ad ubera pendentibus profugerent ad Hi-  
spanos, & paucis diebus instructæ baptizaren-  
tur: quas cum Caciquius ardentē & mina-  
citer sibi restitui à P. Ludovico Valdivia fla-  
gitaret, excusavit ille quàm lenissimè potuit,  
nefas esse jam Christo initatas, ad perfidiam  
& pellicatum, invitas præsertim restitui: bo-  
ni consulat necessariam repulsam, perliben-  
ter in alijs omnibus obsecundaturum. Anga-  
namonius quia vires ad violentiam unus,  
reliquis omnibus Hispanam pacem colenti-  
bus, non habebat, dissimulatâ irâ tantisper  
quietus, opportunam ultioni occasionem  
præstolari decernit, quæ ita se illi obtulit. Ve-  
nere ad Valdiviam quindeni Caciquij è val-  
le Elieura, quæ 7. solùm leucas abest à valle  
Bellabuana Anganamonij sede, pacem simi-  
liter, & Patres ad Fidem imbuendos suos, po-  
stulantes. Valdivia suspectos illos habens,  
nè quando perfidè ab Anganamonio ultio-  
nem spirante opprimerentur Patres, cuncta-  
batur: sed quia Provincialis & alij omnes au-  
dendum plusculum, & Deo fidendum cense-  
bant, decrevit in eam missionem P. Marti-  
num Valdiviam propinquum suum, & P. Ho-  
ratiū de Vecchi, addito illis ad domestica  
obsequia, Didaco de Montalvan, Mexici in  
nova Hispania nato.

Assueti hi ejusmodi expeditionibus, &  
durati jam habebantur, magnis paulò antè  
inter Araucanos perfundi laboribus & æru-  
mnis. Cum enim eam gentem tetra latè pe-  
ssilientia incessisset, cujus timore nec conjugēs  
mari-



maritis, nec parentes liberis mutua obsequia præstare vellent, P. Martinus cum Horatio paratis edulijs, manè & vesperi longè divulgata obibant eorum mapalia, & suum singulis dimensum indefatigabili charitate partiebantur: tantà ejus rei in superstitibus æstimatione, ut se Christianis Sacris imbuendos ultro offerrent, & tanquam parentibus obsequerentur. Paicavium post hæc revocati, non diu ad novam ejusmodi quampiam missionem animos in Collegio strenuà exercitatione parare insisterent, cùm hoc eos imperium ad Elicuranos proficiscendi occupavit: cujus denuntiatione mirè gestientes, quò fructum uberiores tam ancipitis & plenæ discriminum missionis consequerentur, petierunt sibi eam addito S. Obedientiæ præcepto imperari, idque imperium eximià devotione nixi genibus exceperunt. Sed & Ludovicus futurorum timens, ut Anganamoni furor à Patribus averteret, pretium illi mulierum & liberorum jussit offerri, quantavis licitatione magnum & grande cuperet, Elicuram ut pervenire, excepti sunt populorum lætitià & celebritate, quanta nunquam ibi visa. Ipsi verò adornato in tertium diem subitaneo sacello, post mutuam noxarum exomologesim, ad primum illic Sacrificium offerendum, & Frater ad Divinum epulum se comparabant: cùm ecce inopinatò Anganamoni cum 200. equitibus, ut erat bello strenuus, advolans, occupatis Elicuranis, Cacicquios, quòd pacem & fidem ab Hispanis petissent, interficit; Patribus interceptis multa super suis uxoribus exprobrans, moriendum similiter edicit. Rogare hìc P. Martinus Anganamonium, in se quidem pro libitu sæviat, at socijs saltè innocentibus parcat, nè privata hæc injuria paci publicæ noxæ fiat. Verùm ille negare ullam sibi pacis aut Christianitatis curam esse, neque ut alijs integra sit, unquam passurum. Simulque dato suis imperio cedis, sicarii omnes tres in genua provolutos invadunt, & macanis, quæ clavæ è duro ligno sunt ferreis muricibus asperatæ, capita cõminuunt, hastis humi stratos transverberant, cervices præscindunt 14. Decembris A. 1612. Alij referunt ad diram laniationem excipiendam arboribus alligatos fuisse, dissecta pectora, & evulso corde etiamnum viventes, integro horæ quadrante utrumque Sacerdotem Christum prædicasse: ac tum primò macanis, uti retulimus, confectos esse. Corpora eorum cum stratis promiscuè Indorum cadaveribus nuda jacere à barbaris reli-


ta, cùm hæc à Peucis (avium genus est, nostraribus corvis ingluvie par) fœdè lacerarentur; mirum dictu, illa diræ immunita laniationis permansere. Morte eorum intellecta Pat. Ludovicus Valdivia incredibili solatio exultans, quòd præsertim ingenti alacritate & constantià gestientes mortem hilariter exceperisse audisset ab ijs, qui neci adfuerant, primò omnium grates DEO per Sacrificium de SS. Trinitate debitas egit, missis qui corpora linteis & oculis decore involuta reveherent. Hæc biennio post ad Urbem Conceptionis deportata, nostro in templo ad principis Arae latus, cedrinis inclusa cistis, intus & foris aureo panno inductis, honorificè collocata sunt. Ipso autem eorum occisionis die 14. Decemb. cognita divinitus eorum cædes procul in Tucumanibus fuit ab Antonio Rangeli, spectatæ Virtutis Coadjutore, qui Cordubæ inter hauriendum è puteo aquam, nostros eà horâ sanguinem ibi profunderè asseveravit.

P. Horatius de Vecchi socius Patri Martino gloriosi certaminis, natus fuit Senis in Italia, paterno Vecchiorum, & materno Lunadororum stemmate nobilis. Romæ vicenarius Societati adscriptus est An. 1597. mitissimo ingenio, & tenerriam in B. V. observantiâ. Antequam in Indias proficisceretur, dum aliquando majore devotione Sacrum epulum in Tyrocinio accederet, responsum divinitus acceperit, & certam sponsionem gloriosæ mortis pro Fide Christi optendæ. In Americam trajecit cum P. Didaco de Torres Anno 1603. Peruviam ad Urbem Procuratore, & postquam Limæ spatia Philosophiæ & Theologiæ pari laude virtutis & ingenij emensus est, in Chile concessit. Chilenium idioma brevè, sed improbo labore complexus, Araucanos cum P. Martino naviter excoluit. Vir patientiæ invictæ, qui serviendo Indorum salutem, acerbos interim calculi & lateris cruciatus sine gemitu, sine significatione ullius doloris tolerabat. Ardens illi in DEUM amor, & assiduum precandi studium, præcipuè pro gentium illarum conversione, de quibus dicere solebat, non prius Elicuranos jugum Christianæ Fidei subituros, quàm profuso Martyrum sanguine molliantur: id verò se à DEO repetitis sæpe supplicijs flagitare, ut in ejus gloriæ partem venire possit. Nec eventus vaticinium fefellit, cùm enim post aliquot ab eorum nece annos pax inter Hispanos Indosque rursus coaluisset, primi



Evangelium admisere ipsorum percussores. Cum verò Elicuram discedens socijs val-  
diceret, eorum nonnemi diserte asseruit,  
non amplius invicem in hac mortalitate  
visuros; tam certa illi mortis suæ fuit è Cœ-  
lo notitia. Excusa fuit Parisijs Anno 1656.

eleganti scalpello ejus effigies, Alexandro  
VII. Pontifici dicata, eò quòd familiam ejus  
Horatij stemma consanguinitate & affi-  
nitate continge-  
ret.



P. Ferdinandus de Tovar Hispanus, Soc. IESV. à Barbaris Ame-  
ricanis odio Fidei interemptus, in nova Hispania A. 1616. 16 Nov.

M. K. f.

P. FERDINANDUS DE TOVAR.

**S**plendidissimam clarissimorum  
natalium gloriam, eximie San-  
ctitatis, & invidendæ mortis præ-  
rogativâ ita illustravit Ferdi-  
nandus, ut plus Familiæ Tova-  
rarum & Guzmanorum splendoris attulerit,  
quàm acceperit. Culiacana novæ Hispaniæ  
pervetus Colonia, Patria Ferdinando fuit,

unigenito Filio Ludovici de los Rios, & Isabel-  
læ de Guzman & Tovar, per quam proximâ  
consanguinitate attingebat Cardinalem Du-  
cem Lermensem. Piè imprimis & lautè,  
pro generis nobilitate, & posteritatis spe uni-  
câ educatus, primos ab ipsa infantia virtutis  
igniculos concepit ex perpetuo Patrum So-  
cietatis commercio, qui Cinaloam frequen-  
ter



ter per Culiacanam ultro citroq; commean-  
tes, certum & perpetuum in paterna domo  
diversorium, libentibus planè ac pià violen-  
tià propè cogentibus Dominis, habebant. Per  
eam occasionem Ferdinandus Patrum con-  
versationi & moribus insuescens, ejusdem vi-  
tæ puerili cupidine jam tum tangi cœpit:  
erátque assiduus ad latus eorum, quò se con-  
verterent, comes; ad pulpitu & conciones  
affectator, & in Sacris mysterijs administer:  
quin adeò ægrientibus etiam aut languenti-  
bus, ad infima obsequia servulus ità ambitio-  
sus, ut P. Ferdinando de Sanctaren decumben-  
ti ministrans, nullum præterea alium in ser-  
vitij societatem admittere sustinuerit. Æta-  
tem Grammaticæ capacem adeptus, Mexi-  
cum transmissus est: in cujus & reliquæ Hu-  
manitatis literaturæ decursu, firmatum Re-  
ligionis propositum ità constanter fovit aluit.  
que, dum ad maturitatem perduceret, in So-  
cietatem cooptatus A. 1598. ætatis 17. In  
cujus tyrocinio Virginali suâ modestiâ, com-  
positorum ad omnem religiositatem morum  
elegantia, humilitatis & obedientiæ ambitu,  
Angeli nomen apud omnes vulgò obtinuit.  
Nullus illi unquam de sua profapia, etiam  
dum Philosophiæ & Theologiæ studia, ma-  
gnâ ingenij æstimatione decurreret, sermo,  
nulla cujusvis splendoris æstimatione. Et cùm  
facultate ubertatèque dicendi pro concione,  
polleret præstantissimâ, sic ut mentes Audi-  
torum, ex quo pulpitis admoveri cœpit, quo-  
quò vellet, facillimo raperet impetu; Infulas  
illi & dignitates Ecclesiasticas à propinquo  
Cardinali Duce, qui gratiâ Regis pro arbi-  
trio utebatur, ominabantur omnes; ipse verò  
certus omnes respuere, unicam miserabi-  
lium Indorum salutem excelsò animo anhe-  
labat. Hos illi sensus familiaris cum DEO  
consuetudo, crebris lachrymis & perpetuis  
suspirijs fota indidit, & assiduæ mortificatio-  
nis studium, atque Virgineæ puritatis, quam  
illibatam sepulchro intulit, procuratio, egre-  
giè promovit. Quarum virtutum, ac præ-  
sertim latendi in obscuro studio, obtinuit à  
moderatoribus, ut ab urbiu luce ac splen-  
dore ad Indorum curam, & Apostolicarum  
missionum ærumnas transire liceret.

Missus itaque est ad Parras, & Paludem  
magnam, quæ ultra novam Cantabriam sita  
est, Provinciarum septemtrionalis Americæ,  
quæ quidem Hispanis parent, postremam.  
Urbs in eadem Cantabria Hispanorum prin-  
ceps est Guadiana, sive Durango, quæ Topia-  
nos montes dominatu suo, & complures in  
ijs nationes, Acaganos, Xiximos, Tepegua-

nos, feritate animi atq; inconstantiâ insignes  
complectitur. Complures in ijs Evangelij  
prædicatione imbuendis laborabant eo tem-  
pore Societatis homines, & plectis in vitæ  
societatem identidem Barbaris, jamque am-  
plius 50. millibus eorum baptizatis, aliquot  
oppida, pagos, & vicos è fundamentis ere-  
xere. Primus ex ijs ad magni fluminis ripas  
30. leucis Guadianâ diffusus, ab S. Jacobo Pa-  
pazkaro dictus est. Alteri Cape, seu ab S.  
Ignatio nomen est: inter alios minores recen-  
sentur præcipuè Tenerapa, & qui à S. Catha-  
rina vocatur. In his cùm Christiana res cur-  
su prospero magnis incrementis procederet,  
unus veneficus, ut gens est ingenio ad omne  
novitatem mobili, omnia turbavit, atque à  
Fide, à DEO, à Rege Catholico avertit. Fi-  
lium enim Solis, qui Cœli DEUS sit, se men-  
titus, Terrarum Deum se esse fingeat, à quo  
proinde omnia bona & prospera illis expe-  
ctanda essent: tantisque pollicitationibus, &  
nî parerent, minis, animos credulorum fasci-  
navit, ut communi omnes conspiratione,  
Christi jugum universim excuterent: Fidei  
Divinæ Prædicatores correptis armis de me-  
dio tollendos constituerent, & longè latèque  
ad belli societatem pertractis finitimis po-  
pulis, arma Hispanis inferrent; idque eò fi-  
dentiùs, quòd idem ille præstigiator in vi-  
tam illico se revocaturum sponderat, quot.  
quot in ea causa prælio cecidissent. Nec de-  
erat causæ suæ Dæmon, qui facie horribili  
palàm se dabat in conspectum, dicta nefarij  
ministri confirmans, atque ex lapideo Idolo,  
quod veterator ille circumferebat, verbis for-  
matis gravissimas minas, nî obsequerentur,  
intentabat. Decreta publicæ secessionis neci-  
que Patrum, quibus sublatis omnia sibi faci-  
lia fore & obnoxia augurabantur, dies erat 21.  
Novembris, Præsentatæ Deiparæ sacra; in  
quam eandem diem è contra Patres omnium  
ignari, in vico S. Ignatij apparabant solennem  
Processionis pompam, quâ triumphabunda  
circumveheretur, publicæque proponeretur  
venerationi, elegans advecta Mexico ejus-  
dem Divæ Virginis effigies.

Per idem illud tempus evocatus à sua  
missione Mexico P. Ferdinandus, ignarus  
omnium per Tepeguanos ad suos Parras Me-  
xico revertebatur, cùm in eum primò omni-  
um turbo barbarorum desavijt. Defuncto  
enim Ferdinandi parente vidua mater, Me-  
xicum se Culiacanâ trāsferens, remisso mun-  
danis rebus nuncio, sanctimonialibus S. Lau-  
rentij unà cum nepte virgine sese junxerat.  
Illic studio filij sui supremum videndi fruen-  
di que



dique prius, quàm fortè vitâ inter Indos spoliaretur, incensa, P. Provinciale sollicitare, ejus ut sibi brevem copiam faceret, modeste juxta ac sidenter institit: ignorans se eâ postulatione, mortis ei accelerationem procurare. Provinciali haudquaquam æquum visum est, optimæ, adeoque de Societate bene meritæ, & adhuc merita continuantis Matronæ petitioni refragari: hinc sinè mora Ferdinandum à Parris evocatum jubet aliquantisper revolare Mexicum, tacitâ evocationis causâ, nè qua cunctationi & excusationi pietas religiôque, ut erat ab omni sanguinis affectu alienus Ferdinandus, obtenderetur; reditum postea, si animus fuerit, ad suam stationem. Pater, cui obedientia delicatissima pro oculi erat pupilla, omnibus sinè dilatione, postpositis, Mexicum se longissimi refert itineris remensu; ubi Matre pijs colloquijs ad Sanctitatis studium mirè accensâ, ad suos Parras lætus regreditur: & quia Collegij Mexicani Rector quædam ei Topiæ expedienda commiserat, iter deinceps per Tepeguanos tanquam expeditius prosequitur. Igitur in vicum S. Catharinæ delatus cum agasone, reficiendi corporis causâ mapale unum, inscius nefariæ conjurationis, subit die 16. Novem. qui licet necdum ille dies esset, quem universali Patrum cædi, & movendis armis destinatum habebant; sed neq; Pater inter eos Sacerdotes, qui terras eorū procurabant, censeretur: tamen quod ejusdem cum illis, quibus mors destinabatur, Religionis esset & Fidei, atque eundem Christum alibi Parris prædicaret, id causâ abunde ad cædem fuit. Curato per otium Pater cibo & quiete corpore, viam repetens, aliquantulum mulâ lento gradu procefferat, cùm armis præter solitum instructos barbaros tumultuosè propinquare, agaso observat. Ex quorum insolentia certum Patri exitium parari colligens, nî fugam celeret, magnis eum elamoribus, properaret, & violentia barbarorū se subduceret, urgere cœpit. Pater monitus retro respiciens, ut ad se versùs ire concitatiùs percussores vidit: haud istud equidem est, inquit, fuga tempus, sed mortis fortiter pro DEO oppetenda, dum ejus nobis gratia sit.

Ergo magnanimus ultro eis obviam procedens, licet missis eminus jaculis impeteretur, imperterritus tamen, atque animi potens adversum urget gressum, dum audiri à vicinioribus posset. Hic verò Fidem illis DEO obligatam ardentè inculcare, monere, hortari; donec unus jumento detractum stravit, & pectus lanceâ transfodit; ceteris incondito clamore blasphemè exprobrantibus: itane verò Sacrificiū nihil esse reliqui creditis, præterquam vestrum illud carmen nos docere: Pater noster qui es in Cælis: Ave Maria gratiâ plena? jam porro qualiter hunc Sanctum suum DEUS ipsius redivivum faciat, visuri sumus. Pater interim DEUM percussoribus suis propitium exorans, Jesuque & Mariæ nominibus imploratis spiritum in manus Dei commendans, felicem animam egit eodem die 16. Novemb. A. 1616. Et verò sui hujus beati exitus vaticinium videri potest Ferdinandus jam olim puer edidisse. Nam cùm P. Gundisalvi de Tapia à Cinaloënsibus necati caput, unus quispiam Patrum deveheret Mexicum, & Culiacani ad paternam ejus domum divertisset, mater sacro pignori includendo seriniolum suorum monilium commodatura, illud vacuabat: cui Ferdinandus: nimis illud arctum est mater, inquit, tanto capiti; serva sis illud capiti meo, qui Martyr ipse olim futurus etiam sum. Jam verò mox ab obitu suo spectandum se per quietem P. Francisco Aristæ, suo in Parrensi missione Moderatori dedit, pallente formâ, quæ mortuum referret. Attonitus ille spectaculo percontatur, quid isthoc rei est P. Ferdinande? Cui Pater vultum momentò hilaritate lucèque perfusus: bene feliciterq; respondit, mihi est: omnia mihi bona in Cælo abunde sunt: & confestim disparuit. Sed & matri ejus visus per quietem vir de Societate senio venerabilis, mortem illi à filio gloriosè pro Christo obitam nunciavit, prius quàm ullus ea de re Mexicum rumor esset allatus.

☪ (○) ☪

P. BERNAR-





P. Bernardus de Cisneros, P. Didacus de Orosco, P. Ioannes de Valle, P. Ludovicus de Alabes Hispani, Soc. IESV, à Barbaris Americanis occisi odio fidei in nova Hispania A. 1616. 18 Novemb.

M. K. f.

P. BERNARDUS DE CISNEROS.  
P. DIDACUS DE OROSCO.  
P. JOANNES DE VALLE, &  
P. LUDOVICUS DE ALABES.

**I**n Atrata in P. Ferdinandum in-  
tempestivè cædem ad S. Catha-  
rinæ vicum, adeoque vulgata,  
præproperè seditionis consilia  
ut primus rumor per Tepegua-  
norum pagos distulit, concursus simul ab  
omnibus ad arma est, & correpta in necem  
Patrum tela. Proximus aberat S. Jacobi Pa-  
pazkiari vicus, ubi P. Bernardus cum P. Di-  
daco rem Christianam curabant: ejus re-

pentino tumultu, & incolarum insolitis dis-  
cursibus excitati, facile quid ageretur asse-  
cuti sunt. Itaque quotquot Hispanorum &  
fidorum adhuc ex Indis nancisci potuerunt,  
eos in Templum domumque suam colligunt,  
quantumlibet ab annona & ab armis penitus  
imparatam, opportunam tamen ad sustinen-  
dos primos furentium barbarorum impetus,  
si fortè post eos (ut sunt omnium horarum  
animi mobilitate homines) pœnitundine cœ-  
ptorum



ptorum tacti respicerent. At barbari ciuitas continuè coronâ obfessasque ædes, telis & saxis impetere, flammâs injicere, tantâ pertinaciâ & rabie triduo toto moliri, ut cum resisti amplius vi non posset, deditione transigendum fuerit. Ad eam prius quàm descenderetur, tentandum antè visum est, si quid benignitate, & familiari gentis alloquio posset confici. Igitur P. Bernardus magno ausu præsenteq; animo templi patefactis valvis prodians, Indos ad mentem Fidemque revocare potenter exorsus est; sed imbre sagittarum pro responso obrutus, si non eum manus Hispanorum retraxisset, in loco oppressus concidisset. Aliqua tamen brachijs tela inhæserunt, quæ ipse tam sui potens, tamque doloris patiens eduxit, quàm si alieno fixa corpori starent. Post triduum ubi nulla diutius sustinendæ spes obsidionis, nulla solvendæ jam apparet, liberè abeundi ad suos copiâ deditionem paciscuntur. Prodiere positis armis quotquot erant in Templo, agmine supplicantium, P. Didaco SS. Sacramentum, & alio Deiparæ imaginem exportante. Ad cæmeterij ferè medium ubi ventum est, barbari flexis humi genibus procubuere, & Deum qui ferebatur adorare videri voluere. Ad quos eâ causâ paululùm resistens P. Didacus sermonem instituit, ad Fidem doctrinamque, quam se Magistro susceperant, retinendam cohortatus; mercedem à DEO, quem in Eucharistia præsentem cernerent, si paruissent habitori, sin resisterent, æterna supplicia recepturi. Tum illi effusâ, quam dissimulaverant, rabie, mentiri eum vociferantur, DEUM Christianorum nequaquam ac suum cum hominibus loqui, simulque impetu facto Sacras Eucharistiæ particulas primò omnium in terram effusas proculcant, imaginem Deiparæ discerpunt, totumque qui è Templo prodierat comitatum, crudeliter & nefariè contrucidant. In Patres tamen productionem lanienam exercere illis visum, ut mori se antequam morerentur sentirent. P. Didacum feruli Eucharistici portitorem jaculo pectus confossum, octo valentes barbari sublimem tollunt, per ludibrium solennem illam Ecclesiæ Sacerdotum appreciationem, *Dominus vobiscum*, alternantibus alijs pari ludibrio, & *cum spiritu tuo*, ingeminantes: & post longam raptationem humi depositum, panis in crucem brachijs porrectum tenuere, dum interim unus securi à vertice ad imum corpus ei bipertijt, blandissimè ipsos affanti: *agite porro filioli, & patrante in me quidquid lubet, mihi pro Deo mori certum, & summa felicitas est.*

Natus hic erat Placentiæ in Hispania illustri genere, à pueritia Sacerdotij & Martyrij cupidissimus, cujus utriusque consequendi studio animum ad capeffendas litterarum disciplinas applicuit: solitus in ipsa pueritia non pueriliter jactare, se Societatem olim ingressurum, ad Indos navigaturum, ac tandem glorioso pro Fide agone occubiturum. Societatem re ipsâ complexus est An. 1602. ætatis 15. ejusque Tyrocinio vix absoluto, missionem impetravit in Indiam A. 1605. frustra obnitentibus consanguineis, inter quos eminebat patruus Rodericus de Oroasco, Marchio Mortaræ. Navigationis eisdem quos mortis habebat socios, P. Bernardum de Cisneros, & Hieronymum de Moranta, cum quibus Mexicum delatus, Philosophiæ & Theologiæ studia magna cum laude ibi decurrit. Quia verò nulla vicina Martyrij spes in eo Indiarum tractu offerri videbatur, Japonicam ambivit missionem: cum repente Superiorum missu ad Tepeguanos destinatus, ingentibus eorum in cultura exhaustis laboribus & ærumnis, tandem & animam posuit in ipso ætatis flore, die 18. Nov. An. 1616. Societatis 14. Vir magnæ mortificationis, & in seipso afflicto studij: quibus præsidij conceptum Virginitatis florè intaminatum sepulchro intulit.

P. Bernardo de Cisneros, qui unâ erat in agmine veteranus ejus populi institutor, lanceam penitus in præcordia adegere, & macinæ repetitis ictibus cranium confregere. Patria illi fuit eadem Hispania, in qua Societatem ingressus A. 1599. ætatis 17. post absolutam Philosophiam navigavit Mexicum, unde Theologiâ ad calcem deductâ digressus Sacerdos, inter Tepeguanos pluribus annis laboravit, quàm incredibili conatu innumeris obsepto molestijs, & quotidie occurrentibus periculis, tam exiguo, & malignè prorsus respondente in indigenis fructu. Quis enumeret, quoties ab efferis illis hominibus, an beluis, crudeliter habitus? quoties acerbissimis plagis affectus sit? Indus quidam obstinatæ perversitatis Idolum statuerat in extemporaneo delubro, quod resciscens Bernardus postquam diruisset, ille quæ erat pertinaciâ pravitatis, rursus aliud in vico Otinapa erexit. Sed & illud cum vitæ prodigus, neque discriminis ex eo facto imminentis ignarus, solo æquasset Pater, furore percitus Idololatra stricto ferro illum invadit, & tribus plagis pectori inflictis confectum arbitratus, fugâ subducit. Evasit tamen medicorum ope in præsens Bernardus mortem, neq; tamen un-



quam ad sceleris authorem prodendum induci potuit; his veluti præsidij ad gloriosum agonem à Deo perductus, quem eodem die & anno cum P. Didaco consummavit, natus annos 34.

Dum hæc geruntur in S. Jacobi Colonia, manus alia rebellium, quibus id curæ datum, Coloniam alteram Sancti Ignatii eodem die aggreditur, ubi jam complures Hispani cum famulitijs & Æthiopicis mancipijs convenerant, ad constitutam Divæ Virginis Purificatæ celebritatem. Hos improvisâ irruptione obruentes barbari, omnes promiscuo furore contrucidant, interq; illos duos Sacerdotes, inchoandis Divinis mysterijs in Templo se accingentes, jam pridem illius Christianitatis curatores. Primus fuit P. Joannes de Valle, Viçtoriz in Hispania. Mundo natus A. 1576. Societati autem An. 1594. ætatis 18. Indicas ærumnas in ipso statim Tyrocinio ardentem exambivit, ex quo etiam continuè Mexicum dimissus est, tam exactè Regularum nunquam à se violatarum observans toto vitæ decursu, ut nihil in eo, qui penitus ipsum exploraverant, vidisse testarentur, quod alienum à perfecto Religioso videri posset. Altissimarum, quæ animæ ejus inerant, virtutum specimina tum maximè patefecit, cum inter Tepeguanos versatus omnia vilissimi mancipij munia obivit. Ipse terram aratro alendis Indis proscindebat; ligna in usum cedebat, comportabat; operam templis moliendis locabat; cibos laboratoribus coquebat; suum ipse ex Regia largitione dimensum illis præbebat; ipse interim Mai-zio, aut herbis temerè collectis victitans. Ipsos autem barbaros habebat in filiorum loco, neque aliter ac fratres verbis officiisque tractabat, salutis ipsorum procuracionem ante munerum quorumcunque claritudinem ducebat. Sed quàm dispar è contrâ fuit tam profusæ charitatis remuneratio! talis tamen, quam solam unicè rependi sibi optabat ipse: tam copiosè Apostolicis ejus laboribus reddita, ut ex assidujs quibus impetebatur ab omni hominum genere insectationibus, nemo non ei coronam Martyrij ominaretur. Recedenti aliquando ab Ara peracto Sacrificio, colaphum barbarus valenter infregit: sciscitantique causam, *hand aliam*, respondit, *nisi istam ipsam tuam Sacrificationem*. Age ergo, reponit Pater, *ea si duntaxat est causa, en alteram quoque genam, quam ferias*; & ut erat sacris vestibus indutus, & manus calice impeditus, in genua procumbit ictum operiens. Aliàs in latrunculos viatoribus infestos incidens, cum

increpatâ vesaniâ ab his eos sceleribus dehortaretur, unus cæteris efferatior tantâ violaphum infregit, ut humi straverit. Quâ eâdem colaphorum injuriâ mulctatus est à muliere Inda, cum eam à publica corporis prostitutione ad pudicitiam exhortaretur: uti & à Tepeguano alio gravissimis exceptus verberibus, quod à triplici pellicatu abstrahere illum conaretur.

Admirabilis tamen interim fuit DEI providentia, sæpius à designata illum nece servantis. Duplex cuiuspiam Indo scortum, avellere tentabat, qui idcirco furore amens, & mortem pro beneficio Patri rependere certus, tertio in mapale, ubi Patrem certò esse cognorat, infestis armis irruit: cujus tamen oculis ita semper Patrem subduxit Deus, ut cum staret in cubiculi medio, barbarus tamen undique circumspiciens, miraretur se videre non posse, quem ibi adesse nullus ambigebat. Quâ re toties iteratâ vehementer perturbatus, ubi se collegit, poenitentia scelerum ad Patrem se expiaturus accessit. Neque tamen hæ aliunde illatæ insectationes viro sibi implacabiliter infenso sufficiebant, quin tantò plures ipse per sese adjiceret. Nullus ei unquam ad usum lectus fuit, præter nudum asserem; quem si rigor hyemis, aut fatiscientis corpusculi necessitas molliorem subinde requireret, solo bubulo corio infernebat. Vestis ei semper obsoleta, & aliorum usu non solum detrita, sed etiam lacera, ut cutis per foramina promicaret, etiam argente coelo. Octonos ferè menses quotannis pererrabat deserta sylvarum ad 50. milliaria, in intentatas regiones Indorum se penetrans, ut eos ad humanitatis & salutis suæ studium pelliceret. Neque tamen etiam tum cilicium ferè deponebat, crebras adhibens ad sanguinem verberationes, idque nocte plerumque intempestâ, procul à comitibus in agro vel sylvis, nè illis obturbaret. Atque in his laboribus 12. annos apud Tepeguanos maximo fructu egit, pluribus institutis templis, & extirpatis Idolis. Inter quæ lapideum unum famosum confregit, tanto Dæmonis sensu, ut terram moverit, incendia conciverit, pluraque alia ediderit prodigia. Pacem uti ipse colebat sanctè cum omnibus, ita studiosè eandem inter dissidentes conciliabat; tantâ felicitate, ut ex facilitate odia quantumlibet inveterata componendi, mutato nomine P. Joannes à Pace vulgo nominaretur, appellatione hæc etiam post fata illis partibus hodièque perdurante. Deiparæ cultor fuit planè magnus, ad solum illius nomen lachrymis per-




perfundi solitus: quo interposito si aliquid postularetur, voto, eoque quotidie instaurato se obstrinxit, nunquam denegaturum. Eidem se chirographo sanguinis sui obligavit in servum perpetuum; & in celebri ejus imagine, sæpius per diem & noctem supplex illi adolvebatur, quæ postea unâ cum ipso sagittis confixa fuit. Cujus gloriosæ mortis sponsonem (quam inter sacrificandum quotidie ardentè flagitabat) accepisse divinitus creditur ab eadem Virgine Deipara; nam & coram nonnullis, & per literas absentibus alijs sese Tepeguanorum manibus ante trimestre occubiturum asseveravit ex vero. Ad hæc stanti aliquando, dum Missam faceret, ad Aram, è manibus S. Agnetis (cujus imago super Altari erat) lapsa palma in caput est, velut de mortis gloria illū admonens: quam affectus est anno ætatis 40. Societatis 20 perpetuo conservatæ Virginitatis flore candidam & rubicundam.

Alter P. Ludovicus de Alabes pernobili genere natus est Guaxacæ in nova Hispania, ibidemque Mexici Baccalaureatus Philosophici gradu jam insignis, Tyrocinium Societatis ingressus est A. 1607. Sacris à Theologia per soluta initiatus, continuè missus est ad Tepeguanos barbaros, vitâ universâ tam innocentè traductâ, ut primæ in Baptismo susceptæ gratiæ nunquam fecerit jaçturam; cum tamen conscientia suæ tam accuratus esset inspector, ut vel atomos erratorum, & inobservabiles penè incogitantias ad tribunal Pœnitentiæ afferret. Perpetuâ mentis collectione cum Deo conjunctus, animum in cœlestia semper intentum prodebat, tum oculorum frequenti in cœlum elevatione, tum assiduis suspirationibus, sæpe in clamoras etiam voces illi erumpentibus. Ceterum corporis afflicti studio, amore paupertatis,

animarum zelo, suâque omnia Indis pauperibus, quæ munificentia Regis illi assignaverat, distribuendi charitate, persimilis fuit Patri Joanni de Valle, cui commortuus est A. ætatis 27. Societatis 9. Et quia Virginalis pudicitia, corporis animique illibato flore servato, erat amator eximius, inde Reginæ Virginum cultor etiam fuit constantissimus: cum qua multas frequenter horas exigere, multaq; filiali cōsuetudinē, & præ alijs Martyrij copiâ cupientissimè flagitare solebat; dignus proinde ab illa habitus, cui prærogativam hanc ante illius eventum polliceretur. Nam inter fundendas coram illius imagine preces, 15. diebus antè quàm à barbaris occisus est, audita est à nonnemine clām observante major humanâ voce, clarè mortem inelytam non diu post illi condicens, atque ille promissum cum actione gratiarū admittens. Eundem Guanacæni sacrificantem adstantes audivèrè Domino ita locutum: *Itane ergo Domine eo mortis genere occubitori sumus? Eodem illo quidem universi? fiat sanctissima voluntas tua.* Quæ eadem noctu dicere à puero famulo auditus est: quem etiam interrogavit: *tantumne tibi futurum est animi, ut unâ mēcum perfungere Martyrio?* annuit puer, & re ipsâ postea id præstitit. Sed & fratri Sebastiano Montano Ord. Prædic. Guanacæni, & suam & ipsius in Fidei causa necem disertè præsignificavit, tantâ asseveratione, ut ex eo indicio Montanus datis ad Moderatores suos literis vale ipsis fecerit. Imò videri potest Martyrij præsagium inde usque à baptismo obtinuisse: cujus videlicet unius nomen in Albo Parochiali à Curione, qui Dominicanus erat, rubris descriptum grandioribusq; literis fuerit; cum id nemini vel fratrum ipsius antè natorum, vel ulli aliorum Nobilium sit factum.

## P. JOANNES DE FONTE, & P. HIERONYMUS DE MORANTA.

uemadmodum in concitato tempestatibus pelago fluctus fluctū trahit, sic in exulceratis semel ferociâ mentibus, scelus unum ad aliud tentandum gradus est.

Vix quatuor Sacerdotes 18. Novembris immani parricidio confecti fuerant, cum die insequenti 19. duo alijs à barbaris, uno ferè milliari à cædis loco intercepti sunt, venientes à suis Ecclesijs ad condictam B.V. purifi-

cantis in vicum S. Ignatij solennitatem, ignari adhuc tum seditionis atque tumultuum. Ijerant P. Joannes de Fonte, Socijs totâ eâ missione Tepeguanicâ dispersis præpositus, quoddam eam gentem ab ipso expeditionis exordio, totos 16. annos cicuraverat, & expoliaverat: & P. Hieronymus de Moranta, qui antea non semel turbida eorum consilia sui capitis periculo dissiparat. His obviam progressi barbari, primum eminus jaculis, mox





P. Ioannes de Fonte, P. Hieronymus de Moranta Hispani, Soc. IESV, odio fidei à Barbaris Americanis interfecti in nova Hispania A. 1616. 19. Novembris.

M. K. f.

è propinquo lanceis atq; macanis, odio Christiani nominis, eos immaniter contrucidant. Prior natus in Hispania, ibidemque Societati & Sacerdotio auctoratus, in Mexicum, atque indè ad Tepeguanos transivit, P. Hieronymi Ramirez, expeditionis illius auspiciis futurus successor. Hic ei ad mortem usque laborum campus fuit, in quem DEO fretus sinè comite ingressus, ad 50. milliaria per barbariem vastitatemque periculorum contemptor penetravit. Victus ut plurimum erat tostum mazium, & in ejus defectu promiscuè ex agris herbae; potus aqua pluvialis, fortuito è lacuna vel palustri cœno hausta; lectus vel dura humus, vel nuda tabula: ex his alijsq; perpetuis incommodis, in ore macies, multa in toto homine, Apostolico viro non indeco-

ra, illuvies. Ubi autem barbarorum, belluarum more montium latibula incolentium, sibi per intervalla conciliârat aliquem numerum, eos in æquiora loca deducebat: casas illis partim ipse extruebat, partim suâ manu paratis instrumentis structuram docebat: ipse lateres, ipse fornaces illis excoquendis fingeat, aratra conficiebat, arabat, boves arandis agris aliunde quæsitos suppeditabat. Quod si morbus quempiam ex ipsis incesset, ex aratore factus medicus, ægris adesse, fovere, ipse cibos parare, in os inferre, medicamenta conficere aut comparare, & suâ manu adhibere. Sicque demum delinitos effractorum hominum, ac propè dixerim ferarum animos, Christianis rudimentis imbueret, Baptismo preparare. Quantum autem ad



ad hos labores virtutum attulerit apparatus (nè jam dicta in alijs sæpius ingratè repetam) facilè hunc ei majorem etiam præ alijs adfuisse concipiet, qui tot annos illum in vastissima barbarie, indefatigabili constantiâ perstitisse cogitabit. Indorum ea natio, cui postremam operam impendit, & totam Christo per Baptismum subegit, tam fera nihilominus & sanguinis sitiens extitit, ut malo agente Dæmone ad ingenium rediens, Patrem non semel designaverit ad necem, habueritque bis clausum in custodia, diu impasum, ut inediâ conficeretur. Nunquam tamen ipse periculis ejusmodi, aut toties frustratis laboribus in tædium adductus, vel ad quietem, vel ad aliam regionem respectavit; donec eorundem, quibus optimè semper fecerat, manibus interemptus, pro tam malè repensâ in terris mercede, meliorem à DEO recepturus in Cælum abiit, anno ætatis 42. Societatis 23.

Alter P. Hieronymus de Moranta, magni illius in Societate Hieronymi Natalis nepos, in Majore Balearum Insularum ortum traxit An. 1575. & monitu venerabilis Alphonsi Rodriguez Coadjutoris nostri, primò Societatem, ejusdémque suasu deinde Indicam professionem expetiit, & impetravit. Cujus vaticinâ prædictione, Martyrij coronam illi pollicentis, incredibiliter animatus, in novam transmisit Hispaniam An. 1605. mox à suo adventu in campum ærumnarum inter Tepeguanos emissus, ut P. Joanni de Fonte Apostolicorum laborum socius esset & adjutor. Cum quo omnes deinceps calamitates, necessitates, rerum penuria, communia ipsi fuere, cum & nudâ semper humo, etiam dum apud Hispanos divertenti lectus paratus esset, cubaret, & vitam duceret in victu & vestitu longè illis veteribus Eremicis austriorem. Quanto desiderio ferretur in barbarorum salutem, tunc præcipuè patuit, cum deprehensus est in avio saltu, Crucifixi Dei manu alterâ complexus effigiem, alterâ se dirâ verberatione cruentans, & DEO profusus unâ lachrymis supplicans, suæ ut prædicationi vim, ad pervellenda Tepeguanorum corda adderet. Nec irritas fuisse preces inde conficitur; nam 500. aliquando simul conciliavit culturæ Christianæ, & alibi sæpe numero tam frequentes, ut populos aliquot ex illis, in novas colonias divis, funditus condiderit, quibus similiter ipsi, atq; alijs Socijs, aratione, messione, mapalium structurâ, omnium denique artium mechanicarum exhibitione præeundum fuit. Nec ullius ferè

ex Tepeguanis Patribus major apud Hispanos opinio, & virtutis fuit æstimatio, qui cum vix alio quàm Sancti nomine communiter designabant. Mortem, quam anno ætatis 41. Societatis 21. oppetiit, non uno præfagio pridem antè patefecit Cælum. In vico S. Josephi Sacris operanti, columba repentinò advolans, calicem consecratum effudit, & faciem illi sanguine consperxit. Quod eùm iterum in loco, cui Procas seu Ora est nomen, evenisset, ijs qui aderant stupefactis respondit: *quantum ego quidem assequor filioli, videatur complacere Deo, ut sanguinem ego meum pro ejus amore profundam.*

Post tam immanem Patrum cædem, Gaspar de Albear novæ Cantabriæ Gubernator, contracto undique Hispano milite, in regionem barbarorum homicidarum irrumpeus, dum Provinciam domitis perduellibus armatus obit, quatuor cæforum Patrum corpora ad vicum S. Ignatij nuda, & tertium jam mensum prona humi jacentia deprehendit, prorsus adhuc & recentia, omnis tabis expertia, & formâ tam suâ, ut internosci perfacilè possent; ac præ alijs P. Joannes de Valle, spirare adhuc & vivere nonnullis videretur. Corporibus PP. Joannis de Fonte, & Hieronymi de Moranta, duo assisteant canes, quales servandis in solitudine jumentis, nè diffugiant, ibi adhiberi solent, qui primi adventantibus Hispanis latratu fecere indicium. Inventus etiam penès illos concionum descriptarum fasciculus est, expers injuriæ à crebris imbribus, & densâ nive; uti & calix, cujus ipsis ad litandum in excursionibus usus erat: corpus utriusque cilicio erat præcinctum, P. Joannis de Valle, & P. Ludovici de Alabes cadavera, intra ipsum vicum prope Templum reperta sunt. Et quidem P. Ludovici mirabili situ prorum humi jacebat, solo pectore terræ incumbens; caput, manus, pedes sursum erigebat in cælum; in femorum altero ferratum cilicium, usu atque appensione in carnem aliquousq; sepultum: in altero pedum vulneris vestigium erat, & sanguis etiamnum ruber ac recens. P. Joanni de Valle thecam de collo pendulam cum Reliquijs, cetera penitus spoliato, à barbaris relictam, Gubernator suæ pietati vendicavit, in qua reperit servitij Mariani chirographum sanguine ab ipso conscriptum, & particulam ligni S. Crucis. Et quidem ab ipso, dum viveret, petierat pronuper hic ipse Gubernator aliquod Crucis Christi fragmentum, & P. Joannes spondit, non quidem tunc, sed alio tempore ac loco se illi præbiturum: quod jam in cæsi cadavere



davere inveniens, demiratus Patris conjunctionem cum vaticinio fidem, desponsum sibi pignus magnâ veneratione accepit.

Inventis his quatuor cætorum pro Fide Patrum pignoribus, exultans Gubernator (nam reliquorum partim omnino abjecta, partim defluente carne cum aliorum ossibus permixta, discerni non poterant, cum quibus ideo promiscuè, magno tamen honore sepulta sunt) ea secum ingenti pompâ & solennitate Guadianam deportavit, egressâ obviam Urbis multitudine, & frequenti Nobilitate, resonantibus Urbe totâ campanis, & reboan-

tibus militaribus fistulis. Venerandæ eorum exuvie deportatæ sunt ab Episcopi cæ in Urbe Vicario, comitante Clero & PP. Franciscanis, ad Societatis Ecclesiam, & ad Evangelij summæ Aræ latus honorificè sepulta. Indè post annos aliquot referato, nescio quâ causâ, conditorio, inventa iterum fuere eorum corpora labis expertia, & suavi odore, fragrantia, tamque firma & integra, ut P. Ludovici corpus in pedes locatum, uno duntaxat ad humeros admoto digito, rectum confisteret.

### P. FERDINANDUS DE SANTAREN.

**N**umerum felicis octonarij clausit P. Ferdinandus, licet non Tepeguanæ Vineæ, sed Xiximorum priori conterminæ cultor, & propter multorum annorum constantem navatam operam, veluti earum gentium Apostolus habitus. Quia verò per idem illud tempus Guadianam Moderatorum accitu erat abiturus, vehementer eum oravêre Patres vici S. Ignatij, ut ad eam Deiparæ purificantis publicam solennitatem, non magno itineris deflexu ad se diverteret. Ille votis amantissimorum Fratrum obsecundaturus, cum per Tepeguanos iter aggressus Tenerapam, omnis periculi inconscius, pervenisset, jumentum pabulo instaurare, ipse verò Missæ Sacrificium interim peragere decrevit. Verùm frustra campanæ sonitu evocato ædituo, Templum ingressus, aram ibi everfam, Sacras imagines violatas, impiata pollutâque omnia invenit. Indè rem, ut erat, suspicatus, jumentum celeriter repetit, & diversum Guadianam iter arripit. Sed Indi ex insidijs speculati omnia, aliquantulum progressum consecuti, ad præterfluentem amnem deprehendunt, & detractum jumento humi affligunt. Quos ille benignissimè affatus cum sciscitaretur, quid unquam ijs intulisset incommodi, quo sic interfici meruisset? satis illi ad necem causæ esse respondent, esse Sacerdotem: & valido clavæ ictu caput illi diminuunt, aliisque super alia vulneribus inflictis, cerebro viam dispergunt, corpusq; despoliatum in amnem abjiciunt. Cædem viri innocentis luxere ipsæmet Tepeguanorum mulieres, & virorum in Patres diritatem execratæ sunt. Erat P. Ferdinandus nobilissimâ prosapiâ in Hispania oriundus, in Societatem, cui maternus avus Col-

legium fundarat, annos natus 15. transgressus: in qua tantus eum ardor divinitus juvandarum animarum occupavit, ut assiduus precibus missionem Indicam, mox auditâ Philosophiâ, impetrârit. In ea navigatione delicatissimus adolescens, incredibili submissione imis etiam vectoribus famulari, quâvis vel abjectissima sordidissimâque in re institit, omnes affari blandissimè, amicissimè tractare: quibus artibus omnium animos ita sibi devinxit, ut in tanta abjectione, nobilitatis virtutisque splendore magis elucescente, perstricti militum, nautarum, mercatorum, omnium animi, ad omnem ejus vocem, monitum, nutum, cerei essent & impigri; totâque adeo navigio, ex ejus quodammodo unius, quanquam adolescentis, neque Sacris ordinibus adhuc maturi, arbitrio, ab universis viveretur, omnes ad eum controversiæ deferrentur, & ex ejus decisione, quod mirificissimum est, ratæ haberentur. Et quia præter quotidianam ad nautas Catechesim, festis omnibus ardenti concione dicebat, omnes in navigio similtates & odia extincta, ludi vetiti, blasphemie, aliâque vitia sublata, & in eorum locum crebra virtutum officia, Pœnitentiæ & Eucharistiæ frequentationes introductæ. Ipse interim tantâ sui custodiâ, tam vigili sensuum coërcitione agitare, ut cum in ea sitam innocentie summam diceret, non solum illibatam Virginitatem, ab omni etiam alio lethali peccato immunis, per omnem servârit ætatem, sed neque ullis contrarijs illi motibus unquam infestatus sit. Theologiæ spatia Mexici decurrens, doctrinam simul Christianam vicino Indorum Seminario tradebat; dum Sacerdotio initiatus, totum se illorum saluti consecraret. Itaque in Cinaloam destinatus, primus eam cum P. Gundisalvo





P. Ferdinandus Santaren Hispanus, Soc. IESV, Religionis causâ  
ab Indiæ Americane occisus. in nova Hispania A. 1616. 20. Novembris

M. K. f.

salvo de Tapia per biennium multo labore, & præsentis semper vitæ periculo, excoluit. Indè ad longè duriorē inter efferatissimos omnium barbaros expeditionem evocatus, omnem reliquam aetatem in Topianis percolendis insumpsit. Primis annis dum solus operam contulit ad eam messem, diebus Dominicis ternas in S. Andreae vico habebat conciones ad Hispanos, qui perpetuâ barbarorum consuetudine sinè ullo hætenus animarum pastore penè obbrutescebant: ad Æthiopica mancipia, ad Indos gentiles. Ad quos ubi die Mercurij iterum dixisset, ad alterum in ijs montanis Hispanorum oppidum Topiam per plura milliaria iter inibat, in quo trecenties sexagies annis unius interflui vadum, præsentissimo sæpe periculo capitis,

dum ex imbribus intumuerat, pertransire cogebatur: atque ibi die Veneris ternis similiter habitis concionibus, recurrebat illico pro Dominica ad S. Andreae. Per Quadragesimæ autem tempus circumquaque procurrens, supra millena & quingenta passuum millia, repetitis in Orbem excursibus, Evangelium promulgando conficiebat.

Atq; hæc fuere Viro Apostolicorum laborum veluti prolusiones; nam ubi latiùs suæ proferre spatia Charitatis instituit, tam multa, tam grandia unus aggressus & complexus est, ut 14. deinde operarij, quamvis navi & perstrenui, in labores ejus inducti, vix operi implendo pares fuerint. Supra 40. ædificavit ex mansuefactis jam suo congressu palatibus barbaris colonias, & amplius 50. Ethnicorum



nicorum millia suâ ipse manu aquis Baptismi perfudit; longè tamen audiore numero ad humanæ & Christianæ vitæ modum cicuravit. Idolorum vim innumerabilem confregit, superstitiones & veneficia plurima extinxit; quantis ad hæc perficienda exantlatis tot annorum continuato labore malorum iliadibus, quis enumeret? nam de vili ac pertenui, & crebrò propemodum nullo victu, paupere strato, tecto, corporis cultu, de omnis humani destitutione solatij, de longo illo, atque ab humana veluti confortione divulso inter feros mortales exilio, ipsa per se satis descriptio regionis, quid sit sentiendum, declarat. Eam P. Andreas Tutinus, qui ægro-tantem inter Xiximos Ferdinandum invisit, breviter ita descripsit. *Ubi ad locum, ubi P. Ferdinandus jacebat, accessi, visa mihi est tum via, tum loci facies tam aspera, tam ardui ascensus, tam horridus ipse populus, ob præruptas præcipitesq; scopulorum, quibus obvallatur crepidines, ut si mihi moriendum ibi foret, dicerem testamento canturum me, ut meas alio transferrent exuvias: propterea, quod locus hic situm ipso, asperitate, indigentia rerum omnium, quoddam Inferni simulacrum referret. Ipsi tamen P. Ferdinando tam ibi jucundè, tam latè erat, perinde quasi Toleti degeret aut Madriti: & consueverat dicere, ibi se suum habere Mexicum, suas delicias.* A. 1603. Topiana gens universa arma corripuit in Hispanos, & præter vicos, officinasque argentariorum, amplius 40. templa partim exussit, partim diruit. Ad quos minas spirantes & sanguinem P. Santarenius intrepidus per medias hostium turmas accurrit, præsentissimo vitæ periculo, siquidem eo ipso die grassantes barbari vias obfidebant, & obvios rebus omnibus ac vitâ ipsâ spoliabant. Jamque paterni nominis immemores, pacem offerenti Patri, *apage*, inqueiebant, *non jam parentem te agnoscimus.* Sed eos Pater suavissimâ tractatione delinitos, & invictâ injuriarum & convitiarum tolerantia fractos, brevè ad mitiora deduxit consilia, & stabili cum Hispanis & Ecclesia pace conjunxit.

Non multò post in vicina Topianis gente, Sobaiibi dicuntur, grandævus ætate venerificus, à Dæmone dictus Episcopus & Apostolorum Princeps, impellere suos in vindicandam de Hispanis libertatem instituit, se illos non minùs ac Hispani faciant, Christi legibus imbuturum; præbebâtq; jam cum duobus Apostolis, quos Joannem & Jacobum appellaverat, fidei sacramenta. Ad eos P. Santarenius impigrè per infestas hostium vias profectus, salutaribus monitis ita felieiter in

viam reduxit, ut brevè è præruptis montium latebris ingentem eorum vim secum ad plana colenda deduxerit, sexcentis periculis ereptus. Veterator ille Episcopus cum socijs captus, & supplicio addictus, auctore P. Santareno magna pœnitudinis & plenæ conversionis signa, de tota vita ritè expiatus, priùs edidit. Erat nimirum in Ferdinando mirifica quædam morum suavitas, & venusta agendi gratia, quâ sibi omnium, quibuscum ageret, animos, amorèsque conciliabat. Hinc fiebat, ut sicut olim in navi, ita nunc in metallicis Hispanorû per ea montana officinis, ubi quotidiana propè odiorum & rixarum seges est, ipse summâ partium voluntate quæreretur unus omnium controversiarum judex & dirimitor. Incredibili porrò barbaros tractabat suavitate, & charitate planè maternâ complectebatur; quos cum post aliquam absentiam revifens sibi obviam occurrentes haberet, continuè ruebat in amplexum, brachijs arctè circumligabat, vultui quamvis squallido vultum admovebat, sciscitabatur benevolè quâ valerent, venisse cupidè se quò eos reviferet, quos coactus fuerat tantisper ob gravia negotia deferere. Et major adhuc teneriorque cum infirmis & calamitosiis erat agendi ratio, quorum levare miseras tum suæ portionis impendio, tum corrogatâ stipe nitebatur, impensis in usus inopum supra 40. millia pondo argenti: nonnunquam etiam intimâ sibi detractâ interulâ, quâ egentes, suorum negligens & contemptor commodorâ, amiciret. Neque tamen his extinguebatur ardentissima, quâ flagrabat, patiendâ sitis: ipse novas adinveniebat quotidie sui afflictiandi & persequendi, tantùm non usque ad mortem, artes. Et quia molli nimium in se ipsum manu flagris & cilicijs sævire sibi videbatur, deprehensus est aliquando duobus Indis pedissequis sui verberandi copiam cum imperio fecisse, jussisse ad arborem alligari, nudari tergum, & positâ sui miseratione, totis in flagella viribus & lacertis incumbere. Has verò asperitates jucundas ei reddebat perpetua cum Deo familiarisque consuetudo, quâ non tantùm orationis tempore & loco, sed medios etiam inter hominum concursus, intus ipse se colligans, summo Bono conjungebatur. Cujus perpetuis laudibus personabant vastæ illæ terrarum solitudines, ipso humanitatis omnis silentio formidolosiores: adjungebatur sæpius diei integrè adorando uni Deo impensæ, nox etiam solidè in Numinis veneratione consumenda. Ab hac agendi cum Deo consuetudine Sraphicis



phicis plenus æstibus, quoties ad mortales ad virtutem exhortandos se transferebat, flammæ & ignes spargebat: quibus majorem corda hominum inflammandi vim addebat, perspectus omnibus in eo virtutis, ac præsertim puritatis nitor, quo nullum adversum pudicitiae verbum nutumve coram se edipatiebatur. Constat etiam auctore certissimo, totis 20. annis, quibus creberrimè viri sibi addictissimi in itu reditûq; hospitio usus est, nunquam illum in herilem filiam virginem, domi passim ante oculos obversantem, oculis flexisse.

Sed nè longior in virtutibus ejus recensendis sim, possent eæ velut in compendio legi unâ ejus epistolâ expressæ, quâ Superiori Mexicum ad quietem illum invitanti, respondet in hæc verba: *Tameñ me jam persensiscam senem & lassum, attamen stare per me nolum, quò minùs procuratio salutis istarum animarum, atq; missionum procedat, neq; postulaturus sum unquam ab illis decessum. Neq; derogatum ibo tamen idcirco quidquam obedientia, quin de me perinde quasi de cadavere constituat; quandoquidem satis id mali foret, si post annos undeviginti in missionibus exactos fecundos laborum, non esset illud indifferentia super, quod à nobis S. P. N. Ignatius exposcit. Et quanquam præclaris haudquaquam dotibus instructus sum, non omitam tamen me denuo offerre: Ecce ego; non recuso laborem; fiat voluntas Domini. Istic non experimini vos eum animi succum, illud gaudium, quod Dominus, ubi complacitum est, obeuntibus has missiones infundit. Amplius multo largitur interdum DEUS una in destitutione, quæ hic percrebra sunt, dum aberramus à via pedites in arduis montibus, in procella nivis, tenebrosa nocte, sub dio inter imbres, sine tegumento; quam horis compluribus orationis & secessûs. Apprimè magnum id solatij est, quod medijs hisce in labo-*

*ribus mihi DEUS impertit. Ea causa est; & præterea quia ab his arumnis eximi velle, genus esse quoddam videatur DEO terga vertendi, & Christum Dominum sub Cruce solum relinquendi, id quod ipse mihi quondam istic in quiete exprobraturus foret; hæc inquam me movent, ne abire hinc postulem. In hoc positus sum. Quando verò me hic occuparit fatalis dies, nã ego felix fuero; intelligamq; mortem in armis obitam atq; in acie inter hos barbaros, haud imparis meriti fore, quam si Patribus meis Fratribusq; circumdarer. Et hæc in destitutione præsidium ipse mihi Domini nostri promitto, cujus gratiâ jucundè ea toleratur. Has exaro defatigatus, nullo vel confidendi tantisper spatio totum jam triduum concessio; morbidis meâ manu venam incidens, quia qui id faciat nemo alius in promptu est; adhuc Catechismo erudiens, & salutis undâ perluens, supra septuaginta capita, qui Fidem nunc primùm capeffunt, eamq; unâ cum Patre, à quo baptizantur, palam profitentur; & in momenta dissero, ac diversè vocor. Deus Dominus noster hisce misellis sospitatem & Cælum morientibus largiatur, & Reverentia Vestra per multos in suam vineam operarios, & mihi spiritum ad obediendum, ut vero filio Societatis Jesu, qui servet Reverentiam Vestram. Sic in labores adhuc ultiores animatum invidenda mors terris eripuit, ut Cælo infereret, natum annos 51. quorum 23. in difficillima missione Topajana exegit, sociorum illie annis 14. Superior. Partem exuviarum ipsius sibi ab India impetravit Hueta, Patria ipsius, quæ in Collegio à Familia ipsius ibidem, futuris (si Deo visum fuerit) honoribus affervatur. Ejus etiam invocatione, coram ordinario loci Antistite juramento deposito, fassus est Didacus Davila Centurio Hispanus, bis terve se in lethali casu fuisse servatum.*

P. ROCHUS GONZALEZ à S. CRUCE, &  
P. ALPHONSUS RODRIGUEZ.



Uod olim fabulosè Orpheo tribuit Antiquitas, cum tam scitè modulos ad citharæ usum potuisset attemperare, ut truces etiam belluæ, omnis seu timoris, seu feritatis oblitæ, ad communem voluptatem confluerent: id longè veriùs in P. Rochum cadit, qui Divinæ gloriæ, ac animarum studio accensus, mortales belluis truculentiores, omnis humanæ Societatis, cultûsque ignaros,

è latebris nemorum evocavit, legumque ac honesti publici amore captos, communi pagorum & oppidorum septo conclusit. Est Paraquaria ab ingenti flumine, quo interluitur, immensus quidam terrarum in America tractus, inter objectam ab ortu Brasiliam, ab occasu Peruviam, multas in se vastas Provincias & Nationes continens; in cujus urbe ab Hispanis condita, & ab Assumptione B. V. agnominata, natus est Rochus parentibus





P. Rochus Gonzalez à S. Cruce Paragvariensis Indus et P. Alphonsus Rodriguez Hispanus Soc. I.E.S.V. crudelissimè ab Idololatriis Paragvariensibus pro Christo necati. 15. Novemb. A. 1628.  
C.S. d.

M.K.f.

Hispanis, & Nobilitate & Virtute claris. A puero ita nostris infuevit, ut frequentior domi Societatis esset, quàm suæ: quorum præceptis & exemplis institutus, cœpit necdum perfectè rationis compos divinarum jam tum rerum meditatione sese exercere, multis in eo studio favoribus à Deo cumulatus, quorum princeps fuit, quòd tempestivè sæculi negotijs remisso nuncio, ad Virginitatis statum in gradu Ecclesiastico sese transtulit. Vix Sacerdotio inauguratus erat, cùm importunà flagitatione eum poposcit Episcopus ad suas vices, in Cathedrali Ecclesia obtinendas, cum Provisoris & Generalis Vicarij titulis: cujus postulationem, & intempestivum opinione suâ munus, declinans vir modestissimus, post administratum aliquanto tem-

pore simplicius Curionis munus, ut omnibus deinceps in perpetuum dignitatibus caput subduceret, in Societatem, Urbe, atque universâ mirante Provinciâ, se contulit An. 1609. ætatis 33. Indorum idioma ut inter vernaculos à puero imbiberat, ita tractabat incredibili facundiâ, tantumque illi gratiæ ac leporis divinitus addebatur, ut, cùm se in novas illas belluarum magis, quàm hominum Provincias Apostolico zelo deinde inferret, effera illa barbarorum corda ejus oratione mitigata, sensim ad humanitatis cultum haud ægrè adhærescerent. Ad quam expeditionem quemadmodum ingentem virtutum attulit apparatus, ita scientiarum non nisi quæ ad sufficientiam esset penu instructus fuit, solâ Theologiâ morali eruditus. Igitur



tur post absolutum legitimè Tyrocinium ab habitata Hispanorum colonijs Paraquariæ regione, in profundiora & ferocissimis habitata barbaris, ferarum more, loca se transferens, vagos illos palantesque mortales à feritate ad humanitatem, & mox ad Christianæ Fidei lucem, itémq; ex montibus & sylvis ad æqua loca in oppida populósq; reducere instituit. Indè Reductiones cœpère dici ea loca, in quibus Indi passim antè nullà Reipublicæ specie, ut apud Inferos aut inter feras vivere soliti, nunc ad civilem & socialem vitam reducti, sedes & oppida figunt. Quæ res quantum laboris P. Rochi, & Socijs ejus exemplum sequentibus, attulerit ærumnarum, dici vix potest. Decem tamen ejusmodi Reductiones ad Paranæ vastissimi fluminis ripas, quod lato 60. leucarum alveo mare intrat; totidémque ad Urugaicæ alterius fluvij littora, Sociorum improbo conatu coalitæ hodie visuntur, quarum nonnullæ mille familijs, aliæ sexcentis aut septingentis habitantur, in justæ urbis formam, domorum & incolarum numero, perductæ. Patet autem Urugaica Provincia, à fluvio sic dicta, 300. circiter leucas in longum porrecta, inter perpetua montium juga obtenta Brasiliæ, & fluvium Urugai: in quam post excultos labore immenso Guaycuras, gentem asperam & freni impatientem, primus P. Rochus Christi signa sub annum 1620 intulit, & primam Reductionem, ab Immaculato Deiparæ conceptu nominatam constituit, ex septingentis indigenarum familijs, quæ ter mille octoginta capita continent, conflata. Quas ipse ut suis è latebris, nemorumque & montium cavis pelliceret, & socialem vitam vagis, & suo cujusque arbitratu vivere assuetis persuaderet, incredibile dictum est, quanta in hisce molitionibus dura atque adversa tolerarit, edendi bibendique penuriam, lecti, tecti, ac vestium inopiam, æstum, lassitudinem, sudorem, & defectionem virium. Accedebant innumera auctore Dæmone injecta obstacula, grassata per totum triennium in ipsa hac prima Reductione pestis, quæ vix sexaginta familias stragi superstitis fecit.

Cùm niteretur adverso flumine Urugaico cum socio P. Petro Romero in Provinciæ ulteriora pervadere, continuo magnis copijs barbari obstitère, mortem, nò regrederentur, crebris emissis sagittis minati. Sed nihilominus ille ausus experiri hominum feritatem, si flecti possent, solus pedes, inermis ad eostetendit, & suâ plus quam humanâ lenitate felicissimè, quæ intendebat, impetra-

vit. Mox igitur novâ deductâ barbarorum coloniâ, alteram à S. Nicolao dictam Reductionem ex 400. familijs inchoavit, iterumque A. 1626. tertiam à S. Francisco Xaverio, 1200. Indorum capitibus cultam; ac subinde quartam & quintam condidit, illam à tribus Regibus, 500. deductis familijs, hanc à Virgine Purificata ex 340. His sedibus statuendis, quàm sæpe caput præsentissimo discrimini objicere, sæpe vitam, barbarorum incertæ fidei credendo, prodigere coactus fuerit, non meliùs quàm ex ipsiusmet epistola ad suum P. Provincialem data, colligi poterit, enarrantis pericula, quæ in una istiusmodi Reductionum fundatione exantlavit. *Dux ex Conceptionis ad Regum Reductionem prono flumine tenderem, ut secundo in Ibicuiti proficiscerer, literas à P. Petro Romero accepi, quibus indicabat Indos Ibicuitenses ingentem exercitum coëgis, ut Regum Reductionem solo aquarent, ac de Indis penas sumerent, quod eo processissent temeritatis, ut Patrem apud se degere permitterent, neq; veriti fuerint legibus ab eo propositis seipsos mancipare. Omnes Reductiones Regum me etiam vehementer dehortabantur, nò me via committerem: certum enim me vita periculum subiturum, si ulterius progrederer. Sed ego sempiterna animarum illarum, ante temporaria mea pericula ducens, eo me conferre statui, ut quid rei subesset propè dispicerem. Patrem itaq; Romerum mihi comitem adscivi, ac viginti leucas ingressi, binas Indigenarum canoas (sic naves suas vocant) reperimus, quas P. Romerus, exploraturus quid veri haberent mina atq; terrores, pramiserat. Hi uno omnes consilio nobis auctores ut regrederemur extitère, nisi lucis hujus usurâ certo cuperemus orbari. Seditionem inter Indos esse conflata, eosque cum ingentibus copijs ad inchoatam Purificationis venisse Reductionem, ut me, quem adhuc ibi versari rebantur, armati per vim opprimerent; cùmq; paulo antè commodum indè digressum non reperissent, Templum ac Crucem disturbasse. Hæc hic aliquanti per incertus consilij; sed peracto Missæ Sacrificio, ad progrediendum incitari me sensi, ut aliquid remedij tam projecta audacia, quoad possem, adferrem. Simul locum attigi, ubi ea Reductio fuerat, finitimos Caciquios (ij gentis veluti Principes sunt) ad me convocavi, qui rem universam, uti gesta fuerat, enarrarunt; venisse copias innumeras, atq; omnia eruisse; nonnullos ex ipsis absuisse tum temporis à Reductione, sed nò si quidem adfuissent omnes, tanta Indorum multitudini ad obstandum futuros fuisse pares. Nihilominus acerbè verborum castigatione eos insectatus sum, negatig, me eo loco vestigia positurum posthac, ubi tan-*



tam fuerat scelus perpetratum. Tum Caciquios regionis Tapè, hoc est magni populi, accersitu meo frequenti Indorum comitatu ad me profectos rogavi, ad suum ut me populum deducerent. Sed illi unâ omnes sententiâ, quotquot erant, capere vehementer refragari petitioni meâ: donec partim verborum lenocinio, partim illecebrâ munusculorum, ita eorum gratiam aucupatus sum, ut mihi remiges è suis dederint, quibus Tibiquaro flumine conscenso ad Tapè pervenirem. Ipsi terrestri itinere progressi, tuguriolum in ripa construxere, quò me, cum quinto post die appuli, reciperem, neq; ultra progredere; præseferentibus illis aliorum Caciquiorum metum, eò quòd in interiora sua regionis me admisissent. Sed post multos ultro citroque sermones ijs persuasi demum, ut me lustrare patria sua penetralia sinerent; neq; tamen omnem ijs metum adimere potui. Igitur ut veni in Tapè, magnis benevolentia significationibus me protinus cum uxoribus & liberis invisere; sed exorare nullo pacto potui, ut me secum degere sinerent. Diem interim ex die ducens, affirmavi tum demum brevi me remeaturum unde veneram, ubi terram eorum omnem obivissem, designassemq; quo loco posset olim Reductio statui. Sic ab illis obtinui ut omnia perlustrarem. Lustratis omnibus cum harem progredi vellem an regredi, nuncius adfertur adventare mei interficiendi consilio Indos plurimos. Sed eorum impetum repreßere ij qui mecum erant, polliciti se suis terris me quam primum ejecturos. Asperimus eos minis Barbari tamen, eorumq; audaciam increpuerunt, quòd me fuissent ad suas sedes intrare. Cum igitur totum Infernum meis obniti conatibus cernerem, & Deum videri velle nè quid ultra tentare, cessi, & res eo statu, quo dixi, constitutas reliqui. Ac profecto illud affirmare possum, nullis me in laboribus meis atq; itineribus unquam ita undiq; arctatum fuisse. Sed quantula demum hæc sunt, is si spectetur, cujus augendo honori & gloria ea suscipiuntur? Et verò quanquam hoc in itinere aliud nihil profecissem, quam pervidisse Tapè, & designasse opportuna Reductionibus suo tempore, DEO aspirante, extruendis loca, omnemq; eam lustrasse Provinciam, haud equidem inutiliter me tempus impendisse rerer. Quid si etiam Obedientia meritum aestimetur?

Porro in constituendis ejusmodi Reductionibus hunc ipse morem, & reliqui post eum socij observabant. Ubi locus habitationi idoneus delectus est, & indigenæ tot undique è sylvis & montibus contracti, ut novo oppido erigendo sufficerent, Sacrum Crucis trophæum primò omnium erigebat, tum casas & mapalia suâ ipse manu concinnabat, &

cuique familiæ attribuebat, singulis certas agri portiones dividebat, leges populo illi omnis æqui bonique ignaro sanciebat, ac demum singulis id genus populis seu vicis, singulos è Societate viros fervidos præficiebat, qui eorum in re Politica & Christiana curam gererent, hoc est, qui Patrem, Judicem, Tutorem, Medicum, Patronum, Doctorem, & omnem prorsus personam sustinerent. Nam populus hic omnis omnino artis ignarus non arare terram, non serere, non ædificia struere, non vestem ullam concinnare, non morbis mederi, non denique ullum opus humanis usibus conveniens perficere gnarus, in omnibus à Sociorum charitate, quæ omnibus omnia sit, etiam in canabe paranda, filis duendis, texendisque telâ & panno edocendus est. Est tamen in hac ipsa laborum segete, præter illud supremum propagati honoris divini solatium, non minima laborantibus socijs consolatio, quòd videant jactum semen in tam inculta paulò antè gente tam uberes fructus progerminare. Vix enim majora reverentiæ, grati animi, obedientiæque signa sperare in cultissima gente possis, quàm Indi isti (præter aliorum morem & genium) suis Moderatoribus, pro meritum existimatione, privatim & publicè ostendunt. Ad quosvis enim Patrum nutus intenti, non agelli limites, non ædis extruendæ aream definiunt, non operas absque sociorum sententia locant. Nec aliud tribunal in animorum vel familiarum causis, quàm Patrum implorant, sinè quorum auctoritate aliquid gessisse pro piaculo habetur. Nam postquam sub ortum diei Cives omnes Divinæ rei interfuere, ante Patrum ædes, non aliter ac operarij conductitij, in quem laborem mittantur incerti à Dominis, diurni laboris pensum expectant, ubi quis illo die agrum colat, quis metat, quis peregrè, quis piscatum venatùmve exeat, ab ore Patrum excipiunt; tam in explendo imperij cujusvis apice religiosi, ut pueri Europæi ferulam Magistri nunquam ita timeant, quàm Paraquarienses Religiosi Magistratûs os revereantur. Sunt tamen etiam inter ipsos incolas certi à Patribus constituti Magistratus, nominanturque in annos singulos novi Consules, Prætores, aliâq; dignitatis simulachra, ut nominum splendore illecti plaris novam Rempublicam faciant: nulli tamen ex illis, absque Patrum auctoritate, quidquam pro potestate statuere vel abrogare fas est, nè quid parum cauti malo publico decernant. Nihilominus credi non potest quàm se illi Magistratus circumspiciant, & fasces sibi alio-



aliorum manibus præferri gaudeant, quos ipsi nuper privati ad focum è sylva tulere. Et hoc solo discrimine à vulgo differunt, cæteroquin in re omnino nulla, neque fortunis diversi: has enim ita inter se ad Platonis mentem, & primorum Christianorum morem, communes habent, ut nec divitem illic, nec pauperem invenias, quia vestium inopiâ vix tecti, cibos tamen, quibus abundat, liberaliter cuicumque petenti, inemptos, velut è communi penu largiuntur. Jam verò quâ integritate inter se mutuò amicitiam colunt, eâdem pietate Numen venerantur. Viris & Matribus interdum laborantibus, manè pueri, vesperi puellæ quotidie catechesi instruuntur, cui Dominicis ac Jovis diebus, omnes omnino etiam adulti interfunt. Cætus Dei paræ sanctioribus ferè exemplis quàm Europæi celebrant, quot mensibus animum Confessione saltem semel expiare, quotidie B. V. coronam recitare, de rebus Divinis colloqui, flagellis corpus afflictere, ægris adesse, in usum omnino jam abiit. Ut meritò obstupeas, omnis humanæ Divinæque culturæ paulò antè impatientes, tantillo spatio virtutes addiscere potuisse, quantum vix putes vitij imbibendis, ad quæ sponte à natura rapimur, suffeaturum.

Jam ut ad P. Rochum redeam, tot Reductionibus ille feliciter fundatis, socios duntaxat plures desiderabat, quos sibi novis in Reductionibus substitueret, ut ipse per nova semper pericula fines Religionis & humanitatis proferret. Ad cujus invitationem An. 1628. Sociorum 44. suppetiæ in Lusitania eum conscendissent, Dæmon extremam rebus suis ruinam imminere odoratus, Sacrificulos suos monet, novos ab Europa PP. adventare, ut illos vivendi licentiâ & pellicum grege dejiciant, à crapula priscisque moribus avertant: unde præcipuum gentis adhuc indomitæ Caciquium, Nezu dictum, maleficijs instructissimum, in necem Patris extimulat. Pergebat interim strenuè Pater novis erigendis Reductionibus insistere, & jam in Carò, ubi Quarobajus Caciquius dominabatur, unam feliciter iterum statuerat, ad quam urgendam promovendamque P. Alphonsum Rodriguez substituit. Indè quia proximus imperabat Nezu, eum crepundijs acuum, acicularum, vitreorum globulorum delinitum devinctumque expugnat, ut potestatem inchoandæ Reductionis in Yuy faciat, simulque ad ejus exordia perurgenda, P. Joannem del Castillio designat. Interim Potiravaus quidam alterius Reductionis incola, & à Fi-

de Apostata, cum Nezu in necem P. Rochi, & quotquot in omnibus Reductionibus degebant Sociorum eadem conspirat. Causa erat multitudo pellicum, quas Nezu libidini suæ clàm asservabat; & Divinitatis affectatio, quâ DEum se Conditorum rerum omnium apud suos prædicabat, cui tygrides aliæque feræ parerent; minarique meticulosa plebi, nî suæ libidini obtemperarent, solis defectum, procellas, tigrides, vastitatem solebat. Utrique huic suæ cupiditati exterminium non falsò à Patribus præfagiens, ad proximum in Carò Caciquium Caarupen mittit, ac pro imperio mandat, ut junctus germano suo Aregoati, qui Divinitatis ipse quoque opinionem per magica sacra colligebat, suæ Reductionis Patres obtruncet; ubi fecerint, sibi curriculum renuntient, obtruncaturum se quoque continuo eum, quem penes se habeat: tum porrò perrecturos unà conjunctis copijs ad omnium per Urugajam & Paranam, atque adeò universam Paraquariam, Sacrificulorum advenarum excidium. Caarupe, qui & ipse odio Patrum ob suas libidines flagrabat, in sceleris societatem facile perpulsus, solam cædis opportunitatem præstolabatur.

Dies erat 15. Novemb. in quem P. Rochus conventum Indis Reductionis Carò indixerat, ut post Missæ Sacrificium majori celebritate campanam, novum atque invisum ijs antea populis instrumentum, de trabe suspenderet, cujus pulsu deinceps ad Sacra Christiana excirentur. Peractis debitâ celebritate Divinis, P. Alphonfus in suum mapale, Canonicas recitaturus horas abscedit: P. Rochus è templo progressus, dum se in terram, funem campanæ alligandum fortè elevaturus inclinatur, Caarupe in facinoris occasionem intentus, servo suo Marangoa nutu capitis eadem imperat. Hic itaizam, hoc est, è robore clavam bicubitalem, acuto filice præferratam, Patri vibrat in caput, & uno ictu comminuit, cerebrumque dispergit: & mox alij sceleris conscij plura exanimato vulnera infligunt. Insolente eorum ululatu, quo peractum scelus sibi gratulabantur, excitus Alphonfus, è casa sua prodit, quem nîl tale sperantem continuè jubet Caarupe mactari. Ille viso socij cadavere vitam peti advertens, filij, exclamat, *quid molimini? ecquid agitis filij?* simulq; ad templum, ut ibi cruenta DEO cadat hostia, gradum accelerat. Sed acceptis primo sicariorum incurfu luculentis aliquot in capite vulneribus, & nunc repetitis ictibus saucius, ipso templi in limine



procumbit 15. Novemb. A. 1628. ætatis 31. Sævitiæ deinde versâ in cadavera, nudata sunt, concisa, lacerata, circum ædem ignominiosè tracta, & P. Alphonfi dimidiatim dissectum. Mox direpta Templi supellex, Crux Christi minutatim confracta, calix in segmenta ad monilis usum concisus, Virginis effigies, quæ P. Rocho primo semper in pretio fuerat, quàmque quia præferre semper ad novas ordiendas Reductiones insueverat, expugnatricem vocabant, frustillatim discerpta. Ac nè ullum extaret eorum vestigium, supposito ædi sacræ igne, corpora Patrum simul in eundem, ut cum reliqua duplicis Crucifixi supellectile cremarentur, injecta sunt.

Regressi postridie barbari ad immanitatis suæ spectaculum, miro prodigio innoxia deprehendere cadavera, & imagines Christi, reliquis rebus omnibus in cinerem resolutis. Quos indè attonitos, atque in obtutu defixos, affatur P. Rochi corpus exanime, cujus vox non ab ore formata, quod pridie cum capite comminutum, & ferro resectum erat, sed à corde prodibat è pectore in hæc omnino verba: *Occidistis eum qui vos diligit, occidistis corpus meum, & contrivistis ossa mea; at non animam, quæ jam inter beatos versatur in Cælo. Multa vobis calamitates obvenient ob mortem meam: quia venient filij mei panas repetituri, ob violatam DEI Matris imaginem.* Quidam addunt insuper dixisse: *venturum se ad opem ipsis ferendam.* Unanimes hæc retulere testes ex ipsis auditoribus barbaris 53. cum postmodum fuissent ab Hispanis comprehensi. At

illi ipsâ hæc miraculi excellentiâ efferati, *etiamnum*, inquiunt, *loquitur prestigator iste?* Quorum antesignanus Caarupe ut loquentis voces opprimeret, quas ex intimo pectore mitti audiebat, Marangoano præcepit, ut thorace dissecto cor ei revelleret. Quod revulsus, & teli cuspide transfixus, in luculentiorum focum, quàm pridie fuerat, cum utriusque denuo corpore exurendum injici jussit. Sed benignior barbarorum insaniâ ignis, omnibus iterum alijs incineratis, corpore utroque abstinuit: & cum ipsum teli osseum hastile, quod è trajecto corde foras extabat, absumpsisset, cor tamen, atque adactam cordi partem spiculi, integrum, inviolatumque reliquit: quæ in Sociorum deinde redacta potestatem, hodièque servantur. Cor verò unâ cum inhærente spiculo Romam An. 1633. perlatum est.

Socius P. Rocho gloriosus hujus certaminis P. Alphonfus Rodriguez, editus in lucem est tenui ortu & fortunâ Zamoræ in Hispania; vir candidissimo à pueritia ingenio, quique sinè ulla graviore noxa primæ gratiæ, in Sacro fonte acceptæ, nitorem, usque ad supremum vitæ diem tenuit illibatam. Societatem A. 1614. complexus, in ipsis Philosophiæ audiendæ exordijs transmisit in Paraquariam. Tenerrimè erga Passionem Dominicam afficiebatur, cujus assidua memoria & jugis meditatio tam frequentes illi ciebat lachrymas, ut ab illis obtusior oculorum acie evaserit.

## P. JOANNES DEL CASTILLIO.

**T**ertius, in quem furibunda Paraquariensium detumuit eodem anno biduo post sævitia, P. Joannes del Castillio fuit, natus nobili genere Belmonte in Hispania, Societatem A. 1614. duodevicensarius ingressus, votis omnibus ab ipso statim Tyrocini principio Indias, atque ex his ardentius cæteris Paraquariam exambivit, tum propter uberem patientiæ segetem, in solo ab omni commercio humanitatis quàm maximè alieno: tum verò propter certiores, quæ ibi affulgere videbatur, spem Martyrij. Huic ille expeditioni toto eo tempore, quo transmissio Indica ipsi differebatur, se aptaturus, ad omnem humilitatis & tolerantiae exercitationem, veluti proludens certamini suo, naviter condoceseri studebat. Hinc domi jus-

sus exercere per æstivos menses furnariam, quamvis ignis Cœlique ardoribus anhelus æstualet sudore, laborèque defectus, nihilominus alijs ultro pœnis adscitis, perpetuâ suarum cupiditatum expugnatione sibi vim inferre studebat. Hibernis noctibus procul à suo strato vestes dispersim locabat, ut eas cogeretur per algorem postridie quæritare, quò sensim adversus inclementiam frigoris Paraquariensis obduresceret. Pudicitia Josephi æmulator, cum procax aliquando scemina prehenso pallio ad scelus eum invitaret, fugâ se victor, relicto in manibus pallio, eripuit. Sed neque ullum minùs honestum coram se verbum, licèt blandissimæ aliàs conversationis esset, dici unquam sinè reprehensione passus est. Sic paratus processit in campum gloriæ suæ, inter lachrymas Parentum & Ami-





*P. Ioannes del Castillio illustri sanguine Hispano Soc. I. E. S. V. Fidei odio ab Idololatri in Paragvaria crudelissimâ per saxa et spinas raptatione necatus. 17. Novemb. A. 1628.*  
*C. S. d. M. K. f.*

Amicorum ad navem deductus, ipse interim gaudio & lætitiâ triumphans. Septennio, quo Philosophiâ & Theologiâ in Indijs excultus est, perdifficile simul gentis Paragvariaz idioma perfectè combibit. Secundùm hæc missus ad Reductionem S. Nicolai moderandam, cùm nimîa laborum contentione valetudinem profligasset, revocari ad ejus restorationem tantisper in Collegium debuit: quâ vix utcunque reparatâ, quietis impatiens, sinè cunctatione eodem revolavit. Ejus fervore, & majorum capace animo perspecto P. Rochus, ad novam in Yuy tum primùm ab se constitutam Reductionem illum abduxit. Hanc dum sedulitate, quâ omnia consueverat, & diligentia studiosè procurat, paulò post loci Caciquius Nezu impiâ conspiratione in

ejus & aliorum Patrum eadem conjurat. Jamque ex ejus imperio P. Rochus cum Alphonso in Carò occubuerant, cùm immanis successu facinoris elatus Caarupe, nuncium patrati sceleris ad Nezu mittit, repetitum vicissim fidem necandi Castilij. Nezu ingenti perfusus gaudio, accinxit illico sese ad ejus necem, redempturus moram atrocitate supplicij.

Illâ ipsâ nocte post 16. diem Novemb. oraculo Dæmonis per horridos ritus consulto, cùm totus in furorem abiens immaniter boaret Nezu, Indisq; minaciter intentaret, se Deorum maximum, nisi Patrem ex templo conficerent, evoluturum ipsis desertis in Cælum, dirisque supplicijs eosdem mactaturum; barbari funestæ timore denuntia-

tionis



tionis externati, orantem postridie Patrem fidei salutatione occupant, atque interim violentè comprehenso, inque terram prostrato, manus & pedes revinciunt. Ad quos Pater blandissimâ compellatione, *filij mei*, inquit, *hac si eò mihi mala infertis, ut quæ sunt penes me reliqua* (hamos intelligebat & acus, aliæque id genus summæ illic æstimationis ferramenta, quorum nonnulla eis largitus jam fuerat) *occupetis, ea vobis à me allata sunt, vos ea vobis tanquam vestri juris vendicate: imò & me quoque ipsum vobis mancipio addico, adhibete vestro arbitratu quosvis in usus.* At illi contrà negantes se ipsum, aut res ejus appetere, sed hîc ajunt, *in vestigio nostris tu manibus occides, uti Rochus & Alphonsus jam occubuerunt.* Ipse intellectâ Sociorum nece, & miserorum futurâ orbitate ingemiscens, *ecce autem*, subjicit, *filij mei, mortem mihi paratis asferre, qui vitam vobis allaturus, tot itinera pro salute vestra ab usq; Europa suscepi?* At illi obstinatione miserabili, & Quaroboray Caciquij hortationibus instigati, maledicta & verbera primùm pro responso reponunt, tum jaculis densè confixum, fustibus immaniter contundunt, extremis arcubus oculos vultumque compungunt. Quaroborayus ense, quo stricto cæteros in audaciam hortabatur, terna illi vulnera infligit: ac demum alij funibus innexum, raptant immaniter per aspera montium & vallium, bis mille passuum spatio, quod ille liberaliter profluo de vulneribus sanguine in segetem animarum rigabat. Postquam ex continuo ad saxa, spinas, ramos, & truncos arborum alisu, tota vestis discerpta à corpore est, tum passim revulsâ cute, unâ quasi plagâ undique perfluebat. Ipse autem inter raptandum Deo quàm sibi præsentior, hispanicè & latinè plena ad illum pietatis fundebat suspiria, interpositis suavissimè JESU & MARIE nominibus; cùmque nexus, quo manus constrictæ erant, impetu raptationis laxatus propemodum solveretur, *refringite*, ajebat, *hunc funem, perlibenter enim hâc morte defungor.* Sic demum per duos montes, & duos torrentes violentiâ tractum, expansis in crucem brachijs alligant arbori, percussiones ictusque repetunt, & tandem binis in caput validè impactis saxis, pretiosam animam elidunt 17. Nov. A. 1628. ætatis 33. feriâ 6. eadem quâ Christus expiravit horâ, post meridiem, tertiâ.

In exanime Joannis corpus barbari crudelitæ novâ defævientes, cranium sudibus

confringunt, viscera disceptis præcordijs diripiunt, cadaver tigridum laniatui, ubi per frequentes sunt, exponunt: cùmque abstinuissent eo belluæ, postridie flammis absumunt. His ex animi sententia perfectis impius Nezu, ignem templo injici, Crucis simulachra confringi, Sacra omnia impiari jubet: ipse Sacras vestes superindutus, in Sacri lavacri ignominia, baptizatis omnibus ad Chrisma delendum, summum verticem calidâ abluit; linguam conchylio, ad extinguendum salis benedicti saporem, deradit; pectus humerosque testâ defricat, quâ sacro fuerant delibuti oleo. Sic veluti exauguratos Christo, novo lavacro Dæmoni sacrandos admoveat, simulansque mirum è corpore suo scaturientem laticem, quem interim ex recondita sub vestibus promebat cucurbita, illo pedes singulorum tingeat, impiè gloriatus, *nonne vobis*, inquit, *videor divinitate dignissimus, qui ritum vos inusitato baptizo?* Posthæc junctis cum Caarupe ex condito copijs, Reductiones S. Nicolai, ubi P. Alphonsus Aragonius; & Candelariæ, ubi P. Petrus Romerus Christianos procurabat, confestim movère. Verùm gener Quaroboraij Caciquij, ejus qui Patres in Carò primus induxerat, annis effœtus, feritatem Caarupe, licet necdum Baptismo initiatus, palàm execratus est: quem ille infans ibidem crudeliter obtruncavit. Interim ex incolis adolescens quidâ nactus effugium, periculi indicium facit P. Romero, ac deinceps alijs in reliquis Reductionibus; qui Divinâ ope omnes servati sunt, & Ecclesiæ ab incendijs & direptionibus vindicatæ. Nicolaus verò Neengirû, Caciquius Reductionis immaculatæ Conceptionis, adjungentibus subinde se aliarum Reductionum incolis, supra 700. in campum produxit, certus non antè, quàm iniquam Patrum cædem ulciscerentur, arma ponendi. Ex alia verò parte Hispani delectu ex urbe Boni aëris habito, in ditionem Nezu & Caarupe irruperunt, & per multis indigenarum prælio cæsis (ut post facta vaticinatus eis præfago corde P. Rochus fuerat) conscios facinoris omnes interceptos meritis supplicijs affecerunt: quos inter & Caarupe proficuo sibi infortunio deprehensus est; siquidem salutaribus aquis volens libensque prius expiatus, magnâ æternorum fiduciâ, cervicem carnificis gladio subjecit.

OS (O) SO

P. BERNAR-





P. Bernardus Reus Hispanus Soc. IESV. evulso corde telis Confixus ab Idololatriæ in Peru. 17 Julij A. 1629

C. Sireta. d.

M. Kiesel. f.

## P. BERNARDUS REUS.

**E**t tenui fortuna, & infimis natalibus, in Majore Balearidum Insularum editus Bernardus, in magnum & nobilem DEI servum evasit. In Escuriali Patrum Hieronymianorum Asceterio à puero educatus, penes obsequia quæ Religioso Cœnobio præstabat, egregiè in literis & virtutibus profectum fecit. Ubi cum venustè concionatores, quos audire contigerat, naturali quâdam vocis actionisque elegantia referret, Philippi III. Regis, & Principis ejus Filij euras, sæpius imitationis ejus concinnitate distrahebat. Ubi verò rediturus in Peruviam P. Joannes Vasquez Provinciæ ejus Procura-

tor, in Hispaniam ab Urbe appulit, magnis eum sollicitare precibus Bernardus 16. ætatis annum tum ingressus, ut Societatis simul & Americanæ professionis se participem redderet, quod nescio quâ arcanâ fiducia sanguinis olim pro Christo ibi fundendi duceretur. Ille eximiâ Juvenis indole, & præclaris naturæ & gratiæ dotibus notatis, ut certiore experimento constantiam in proposito periclitaretur, tum demum copiam Societatis facturum se edixit, cum Arcticum emensus Oceanum, in Americæ continenti pedem posuisset. Ejus favoris memoriam tam grata semper animi significatione Bernardus celebravit, ut eâ die 5. Julij quotannis vel co-

R r r

ram



ram provolutus in genua, vel si longius abesset, datis ad eum literis gratias referret. Peractis à Tyrocinio cum laude Philosophiæ & Theologiæ in Peruvia spatijs, ad condiscendum Aymaranum idioma se transtulit, omnibus interim animum instruere connisus virtutibus, quibus sustinendo inter barbaras nationes Apostolico muneri idoneus redderetur. Itaque vilissimis domi vacare munijs, sæpe flexis à coco genibus veniam flagitare coquinaria detergendi vasa, corpus flagellis & cilicijs atterere, ægris adesse continuo, divinæque magno studio pluribus in diem horis commentari. Adhæc sensibus perpetuam adhibere vigilantiam, & effrenes animi motus ita spiritui subjugare, ut Virgineum Castimonie nitorem nunquam ab eo inquinatum fuisse constet. Ità præparatus ad Ciuncios, gentem in paucis barbaram, & humanitatis omnis expertem se conferre iussus est: cujus expeditionis denunciatione quantum sibi eam sortem gratulatus sit, quantis incesselet lætitijs, percipere lubet ex ejus, quam gratiæ referendæ tenerrimis conscriptam sententijs, ad P. Provincialem dedit epistolâ: *Quo pacto gratari Reverentia Vestra potero insignem illam, quam ipsi in me conferre placuit, charitatem? neq; lingua suppetit, quâ satis id eloquar, neq; affectus quo declarem: superabundo gaudio. Dominus remuneretur Reverentia Vestra amorem illum tantum, quo me prosequitur, quemq; hac occasione testata est. Dabo operam ut facta respondeant ijs meis desiderijs, qua Reverentia Vestra toties explicavi, quippe qui omnia possum in eo qui me confortat. Quis me separabit à Charitate Christi? tribulatio, an angustia, an fames, an persecutio? certus sum quia neq; mors, neq; vita, neq; instantia, neq; futura, neq; creatura alia me separabit à charitate, qua est in Christo. Libenter ergo gloriabor, in infirmitatibus meis, ut inhabitet in me virtus Christi. O nuncius lætus! ô nuncius felix! ô quis te quæat genibus humi positus, & oculis lachrymarum fonte manantibus excipere! quis mihi nuntius poterat delectabilior, quis luculentior adferri? debebat prorsus ab Reverentia Vestra tam gratus mihi nuncius dari. Reddat Dominus Reverentia Vestra semper gratissimum, pro tam bono quem mihi dedit. Utinam mea me gravia peccata nequaquam ab ejus usu impediunt; neq; enim hac in re quidquam, præter memet ipsum reformido. Sed gratiâ DEI sum id, quod modo sum, adeoq; confido, quod gratia Dei in me vacua non erit. Portabo igitur nomen tuum Domine usq; ad fines terræ. Sive mori me Christe jubes, seu vivere mavis, dulce mihi tecum vivere, dulce mori. Ad omnia prom-*

*ptus & paratus sum, nam ad omnia me obstringit scopus ille, in quem actiones meas omnes collineavi: fiat voluntas tua. Nihil in hac vita aliud appeto, Pater anima mea. Et quoniam onus mihi adeo suave placuit humeris meis imponere, impetra mihi à Domino, nè illi succumbam, sed imò ad mortem usq; perseverem. Ità confido futurum, fretus Divinâ benignitate & orationibus Reverentia Vestra, omniumq; Patrum ac fratrum istius Sancti Collegij, cui Cælestem benedictionem exopto.*

Ubi tempus profectionis adfuit, P. Bernardus unâ cum duobus ex S. Augustini familia, uno interprete, ac septem indigenis, Ciuquiabo digressus, iter ad Ciuncios capessit; & post ineluctabiles viarum, quas alibi supra descripsimus, difficultates, nisu tamen & perseverantiâ superatas, die 6. Miasine primum Ciunciorum vicum tenuit. Hic obvium habuere manipulum barbarorum, arcubus instructorum ad prælium, ductore Mulatayo Caciquio, Patribus Augustinianis quàm maximè infenso, quod parenti suo priore excursionem adpromissis, nec redditis munusculis frustrato, atque ideo mærore & indignatione tabescenti, causam mortis fuisse diceret. Cùmque illi multò nunc plura & meliora secum asferre, quin & Evangelij ex Societate Jesu præconem illis adducere excusarent, visi nonnihil deliniri barbari, etiam mapale DEI servis arcendæ pluvie, quæ totam noctem tenuit, excitârunt. Sed mutatâ noctis spatio in ferociam pridianâ lenitate, primâ luce interpretem vinciri Mulatayus jubet, ex quo necem sibi imminere Bernardus satis colligens, ad pedes P. Laureano Augustiniano provolvitur, ut expiatus occumbat. Quâ re tantò ampliùs illi Idololatræ exasperati, tela omnium primò in utrumque contorquent, quibus & alios omnes, uno puero ad servitium servato, & duobus fugâ elabentibus, conficiunt. Bernardus tribus sagittis confixus priùs quàm deficeret, arreptum è proximo Crucifixû complexus, oculos attulit in Cælum, & suum DEO commendans spiritum, felici casu, quem sibi aliquot ante annos apud Ciuncios odio Christianæ Fidei obventurum prædixerat, concidit 17. Julij, A. 1629, cùm nondum 28. ætatis excessisset. Barbari extracta exanimis corporibus corda, & telis confixa ignibus exurunt, manus cæcorum sanguine, scelus opinionione suâ expiaturi, abluunt, ac felices exuvias bestijs discerpendas relinquant.





P. Julius Pasqualis Italus, et P. Emmanuel Martinez illustri Prosapiâ Lusit.  
Soc. IESV, sagittis confixi ab Idololâtris in America apud Varohios.  
i. February A. 1632.

c. s. d.

M. A.

## P. JULIUS PASQUALIS, & P. EMMANUEL MARTINEZ.

**T**alia Fidelium omnium in spiritu, P. Julio etiam in corpore parens, nobili & locuplete domo in agro Brixienfi illum genuit, Parma & Mantua literis humanioribus & Philosophicis expolivit, Societas Jesu ad vitam Apostolicam & Martyrij gloriam eduxit. Exacto magnâ virtutis commendatione Tyrocinio, tertium jam annum Faventia præcepta Grammaticæ pueris explicuerat, ut in minimis periclitaretur, quid posset in maximis, qui nunquam intermissis precibus tantopere Indias Orientales sibi deposcebat. Appulit interea Romam Peruvia

Procurator P. Nicolaus Arnayá, cui inter reliquos in supplementum Sociorum adjectus Julius, paribus animis perrexit in Occidentem, quibus aspirabat in Orientem, gnarus Socijs Jesu omnem terram, & nullam terram Patriam esse. Mexicum appulsus postquam Theologiam, & consuetam Societati tertiam probationem decurrit, primum fervorem, apud Cinaloas, Zuaques, Teguecos, & Hiaquos, eâ virtutis, Zeli, & laborum commendatione expertus est, ut idoneus æstimeretur qui primus, atque item solus ad colligendos informandosque Cinipas, Guazaparios, Varohios, aliasque gentes adhuc intractatas, &

Rrr 2

feritate



feritate formidabiles, velut earum Apostolus mitteretur. Et inerat omnino viro virtus, quæcunque ad arduas ejusmodi expeditiones requiri solet; pietas in Deum, quæ tempus omne laboribus superfluens uni sacrabat orationi; ex qua ardore concepto, in medijs etiam occupationibus abreptus, æstuante animo gembundus suspirabat, *Deus meus cur non amo te? ô quando te perfectè Domine diligam! ô fac Deus ut amem te, ut te amari à me dignum est!* Ut ij quibus intimè perspectus erat, dicerent, eum beatitudine, quæ in terris haberi potest, perfrui, perpetuà nimirum Dei obversantis præsentia. Peculiari Superiorum licentiâ domestico in sacello, quod sibi in missionibus extruxerat, Ven. Eucharistiam servabat, ante quam noctes sæpenumero solidas transigebat. Apud Cinipas, qui majorum more è conchilijs testulisque de collo pendula monilia gestare solebant ad ornatum, effecit, ut deinceps Rosarium Marianum sic deferrent, illudque alternatim inter se, in templo, domi, ruri, per choros recitarent. Quàm porro humiles de se habebat sensus, tam viles etiam ultro se demittebat ad actiones, famulum & agazonem Sociorum per vias agere solitus, quorum jumenta ipse procurabat, infernebat, deducebat. Dùmque aliquando uni ex Socijs mulus profugisset, ipse ad illum perquirendum inclinatus jam in vespertum die secus amnem crocodilis infamem abivit, & nocte interim obrutus, vasto in loco solus remanere coactus, manè jumentum lætus ad Socios retraxit. Idem vada in fluminibus tentabat primus, præruptas crepidines primus transibat, ut in se prius, tanquam caput vilissimum, quàm in alios infortunium recideret. Paupertatem summo semper loco habuit, attritis duntaxat & jam laceris vestibus uti solitus, quas suâ ipse manu in centonem sarciebat. Quamdiu studijs vacavit, nunquam in scholastica penu plures uno calamo recensuit: cibus non nisi vilissimis utebatur, & qui toto illo Regno essent abjectissimi, neque unquam Ciocolatam, illic penitus plebejam degustavit. Castitatem in medio nationum, nudis magna ex parte corporibus ingredientium, tanto tempore versatus, integrâ non solum animi corporisque Virginitate servavit illibatam, sed nè venialem illi quidem nævum unquam aspersit. Tuebatur nimirum illam hirtis corpori admotis cilicijs, quotidianâ, sæpe tertium repetitâ, sui acerrimâ diverberatione, durâ super nudis in asseribus cubatione. Charitate in proximum, Indorum præfer-

tim nationem, immensâ quadamtenus flagrabat, illos per montium avia maximis laboribus, innumeris periculis conquirebat, tractabatq; lenissimè, donec munusculis captos ad societatem humanam colendam pellexisset: quibus tum demum Fidei mysteria solerter explicabat, mapalia struebat, agrorum culturam, & artes hominum vitæ tuendæ necessarias edocebat. Quibus modis complures nationes turmatim errabundas, exleges, libidini, ebrietati, veneficijs ad insaniam deditas, legibus Christianis adstrinxit, Deoq; lucratus est.

Primi ex his fuere Cinipæ, ad quos sub annum cireiter 1627. solus & primus à Moderatoribus ire jussus, quatuor annorum spatium ita instituit confirmavitque, ut antiqui Christiani videri possent. Collegit eos è sylvis in duos veluti populos, opportuno situ constructis oppidis, & perpulchris Templis erectis. Tum ad efferos Guazaparios, Varohios, aliòsque finitimos barbaros transgressus, eos pari felicitate ad sociabilem vitam vicòsq; traduxit, baptizavit: quos ex intervallo per ordinem in singulis vicis invisebat, confirmabat, solabatur, idem omnium institutor, nutritius, & in ægritudinibus medicus: pro quibus, si animam agerent, ut toto simul vico omnes Deum exorarent, salutarem morem induxit ut æris campani signo admonerentur. In ijs transcurribus vigesies vadandus erat amnis & amplus & rapidus, transcendendi saltus montesq; prærupti, quidam intolerabili æstu torridi, asperissimo alij frigore & nivibus gelidi, ut qui eum aliquando comitati sunt, mirarentur posse illum vitâ incolumi durare, præsertim cum & ex alto revolutus quondam in præceps unâ cum jumento fuerit; & ipsis deinde in vicis adeò crebræ conciones, catecheses habendæ, tot confessiones audiendæ, ut plures etiam impigros Sacerdotes fatigaturæ essent. Quatuor barbarorum linguas edidicit, & quintam jam erat aggressus, dum de medio sublatus est. In annonæ defectu comparabat ipse alibi quæ ad victum essent, nè cogerentur per montes & sylvas vitæ subsidia quærere: & in hoc præter subsidia emendicata, totam à Rege sibi liberaliter assignatam pensionem insumebat: fuitque aliquando ut plus 300. capitibus cibaria suâ ipse manu divideret, pueris præterea seorsim pãtis, ingestòque etiam ipsis in os infantibus cibo.

His tam diversis oppressum curis, & propè fatiscentem ut sublevarent Moderatores, socium illi P. Emmanuelem Martinez sub-



submiserunt, quicum posset curas laborésque partiri. Is in Lusitania nobili prosapia ortus, anno ætatis 19, trajecit in novam Hispaniam, & anno sequenti in Collegio Angelopolitano Grammaticam absolvit, multis protuenda castimonia prælijs insignis, quæ illi sua corporis & oris elegantia, plurimis impudicarum sollicitationibus impugnata, excivit. Quam demum ut securiore Religionis septo obvallaret, Societati Jesu nomen eodem anno dedit, tanto ad virtutes solidas connisu, ut primam à Sacerdotio missionem ad Cinipas, quæ non nisi multum aliàs probatum requirebat, obtinuerit. In eo ab Socijs digressu cum enixè à pluribus rogaretur, ut expeditionis successuum sæpius eos certiores faceret; ipse certaminis sui præfagus, negavit id ab se expectandum, primum enim de se nuncium obitæ pro Christo mortis accepturos. Idem cuiuspiam Sacerdotum affirmatè asseruit, diu jam P. Julium Pasqualem versari inter barbaros Martyrij expertem, esto id quam maximè anhelaret: sed non antè illud adepturum, quam socius ad eum ipse accessisset; quod tamen cum diceret, nihil tum erat de ipso ad P. Julium adjungendo deliberatum, cujus tandem voti compotem præclara virtutum ornamenta fecere, multa cum Deo familiaritas, quam duarum horarum post Communionem actione gratiarum continuabat: & quanta in proximum dilectio, tantum sui ipsius odium, quo præter frequens jejunium, humi cubationes, & penè continuum cilicij usum, cruentâ diverberatione propè quotidie in se desæviebat. In itinere ad Cinipas cum ad Collegium Cinaloæ divertisset, Socij ejus domicilij seu virtutis æstimatione, seu mortis gloriosæ præfugio, tacito quodam instinctu impulsos se fassi sunt, ut ejus vestem (quod inter nos fieri minimè consuevit) libarent osculis, & ejus pedibus advolverentur. Et verò necdum ille ad P. Julium accessit, cum jam ipsi pretiosa pro Christi Religione mors nefario sceleratorum consilio decreta fuit. Caciquius namque inter Guazaparios præcipuus, disciplinæ Christianæ quâ susceperat pertæsus, complures sui similes veterum libidinum & veneficiorum cupidos in necem P. Julio inferendam pertraxit: quam tamen, ubi Socium P. Julio propediem adfore accepit, differendam tantisper, ut ambo simul tollerentur constituit. Ejus conspirationis indicium ad se delatum P. Julius, quod aliorum animos ex suo mentis candore metiri soleret, vanum & inane credidit: & licèt providâ sollicitudine

Cinaloæ Gubernator sex milites Hispanos in præsidium submisisset, ipse tamen blandè & perhumaniter eos, qui conjurationis suspicionem laborabant, allocutus, cum ipsi omne officium sponderent, alienosque se tanti sceleris esse dicerent, tantam eis fidem adhibuit, ut continuò milites Cinaloam repetere jussisset. Advenit interea diu optatus P. Julio Socius laborum & solator P. Emmanuel, & per paucorum dierum quiete recreatus, in ipso muneris Apostolici ingressu felicitatis lauream invenit.

A, 1632. 25. Januarij, quæ erat Dominica, peracto uterque apud Cinipas Sacrificio, ad oppidum Varohiorum 700. circiter familijs habitatum, contendit, ubi multâ lætitiæ significatione, dissimulantibus prava sua cogitata perfidiosis hominibus, accepti sunt. Binâ interim denunciatione P. Julio conspiratio Varohiorum & Guazapariorum patefacta est, & posterior quidem eâ ipsâ die, quæ noctem utrique decretoriam antecessit. Sub ejus vespere circumfessa undiq; à barbaris est Patrum domus, quos à scelere dehortari frustra conatus P. Julius, ubi de vita conclamatum animadvertit, & semet instituit, & P. Emmanuelem ad constantiam hortari, ut DEO redderent fortiter animas suas, & cervices in tam bona causa libenter præberent. Mox invicem confessi, animum à noxis mutuò absolvère. Idem præstitum novem opificibus, quos Templo novo conficiendo elaborandoque adduxerant, & octo pueris Symphoniacis Indis, qui inter Sacra mysteria accinere consueverant. Ubi dies Dominicus 1. Februarij illuxit, Cobameajus conjurationis princeps convocatâ suorum concione, multis eos ad maturandam PP. necem cohortatus est, intolerabile servitium esse dicens, patrijs ritibus abjectis nova instituta amplecti, frequentare templum, catecheses, confessiones, unaque arceri à comestationibus, libidinibus, quibus insueverint. Poterat adhuc tum imminenti morti fugâ sese P. Julius cum suis eripere, præsidio Nicolai Caviori, gente quidem Varohij, sed ferventis & manu fortis Christiani: verum cum tempus illud asserendæ potiùs per intrepidam mortem Religionis Orthodoxæ, quam tuendæ per timidam fugam vitæ arbitraretur, etiam Nicolaum in eam sententiam pertraxit. Interim autem barbarorum corona obsessam domum premit, ad quos egressus Nicolaus gentiliùm suorum furorem dum fortiter objurgat, in vestigio fædè concisus occumbit; & P. Julius qui in conspectum barbarorum egres-



egressus, malum ab eo infimis obsecrationibus avertere studebat, jaculo trans stomachum confixus, vix intra septa domicilij retrahi vivus potuit. Hærebant enim adhuc Templi domusq; parietibus reliqui conclusi, si fortè repentina barbarorum rabies, ut mobili sunt in singula propè momenta ingenio, subsideret, vitam tuentes: sed postquam undique suppositis facibus fumo & ignibus omnia involuta sunt, *prodeamus in aciem*, exclamat P. Emmanuel, & *strenuè moriendo decertemus, nè mori pro DEO nostro reformidare videamur*. Tum unà cum P. Julio acceptis in manus Rosarijs præcedit in arcem, cui ut prior apparuit, tanto impetu sagitta inflicta est, ut brachium corpori ceu clavo adacto confixerit. Ut venè in arcem Patres, genua uterque humi flectere, oculos in Cælum attollere, seque DEO devovere: barbari ex adverso inconditis clamoribus & opprobrijs venenata addensare spicula, ac totos imbres sagittarum immittere. Sic obruti cum toto comitatu, inter Sacra JESU & MARIE nomina felices animas profudè 1. Februar. A. 1632. ætatis quidem P. Emmanuel 32. P. Julius autem 44. In corpora necatorum ubi atrociter punctim cæsimeque sævitum est, resecta utriusq; Patris capita ad ferale epularum delicias auferre parabant; cùm Chrysanedus Sinemeai DEO & Patribus fidus, quando jam non poterat vivos, mortuos contra sævam barbariem tuiturus, in percussores tanto cœpit ardore spicula intorquere, ut ex ijs primo impetu quinque dejecerit. Et quia muro se admovens circumiri à tergo non poterat, cæteri strage attoniti fugâ abièrunt; donec sub versperam advolantes Cinipæ, multis cum lachrymis collecta Patrum corpora suo in Templo honorificè condidèrunt, quorum deinde capita Mexicum translata sunt.

Hujus tam gloriosæ mortis sicuti semper cupidissimus, ita etiam præsciis fuisse videtur P. Julius. Inventæ est à morte inter ejus monumentorum reliquias scheda, quâ conceptum Deo, pro Religione sanguinè fundendi, votum continebatur. Paucis ante necem suam diebus cùm 18. Januarij apud Cinipæ Deo litaret, advertit sub ea Canonis verba, *omnis honor & gloria*, derepente corporalia linea recenti sanguine tincta: quæ in sacrario coram pluribus denuo revoluta inspiciens, similiter sanguine rubentia illis ostendit; credere se dicens, vel Reipublicæ cladem, vel sibi

necem eo prodigio portendi. Postridie verò cùm rursus ea evolvisset, deprehendit ad suum rediisse candorem. Eodem autem die, nè fortè improvidum ostensi eventus occuparet, omnes ejus vici necdum tinctos Baptismo infantes ad se conferri jussit, & lavacro salutari consperxit. Tanta autem virtutis ipsius etiamnum viventis fuit æstimatio, ut passim ab omnibus Sanctus nominaretur, multique ad eum vel idcirco literas darent, ut eblandito eâ ratione responso, chirographum illius, thecæ reliquiariæ includendum nanciscerentur, quod plurimis deinde vario morborum genere affectis salutare fuisse, plura exempla testantur. Certè militem in Arce Montesclaros referunt unius talis admotione chirographi, febrem, dolorémque capitis momento discussisse. Parabat nonnemo postulare aliquando à P. Julio, ut pro certa sua necessitate Sacrum faceret: sed occupavit ipse insperantem, & se pro ea, quam ipsi proponere volebat, intentione celebraturum ultro recepit, quo dicto hominem attonitum stupentémque vaticinatione reliquit. Aliàs inter litandum in Templo, quod rupto fornice fatiscere, jamque ruinam ducere credebatur, populum metu diffugientem jussit periculi securum esse, non enim Sacram Aedem ante Sacrificij finem ruituram. Saero peractio & dilapsis hominibus, templum repentè, velut potestate tum demum acceptâ, procubuit. Miles quidam Christophorus Martinez noxio defluxu ita repentè sideratus fuit, ut illi os momento sædè contortum, atque ad aurem usque retractum, oculorum alter obductus & retrusus in cavum, alter item malè affectus sit. Cùm ergo horâ noctis 10. mœstus jaceret in lecto, cogitabat, *ô si Pater Julius Pasqualis vir ille Sanctus adesset, procul dubio mihi redintegraret sanitatem!* Vix cogitando ea verba finierat, cùm venientis jumenti adventum mirabundus exaudit. Erat P. Julius: ad quem continuo excipiendum dum æger exilit è strato, & vultu obvoluto procurrit: *Domine Christophore*, inquit P. Julius, *ego si Sanctus forem, tu quoq; sanus fores: sed flecte genua*. Cùmque ille flexisset, recitavit super illo, ut facere consueverat, Evangelium, & malum Crucis signavit: quo facto citiùs quadriduo integræ sanitati est restitutus, nullo relicto mali vestigio.

—(O)—





P. Antonius Bellavia Siculus Soc. IESV. odio Sacramentalis Confessionis  
sublatus ab Hæreticis in Brasilia ad Pernambucum .4. Augusti .A. 1633.

c. s. d.

M. K. f.

## P. ANTONIUS BELLAVIA.

**E**licissimis progressibus res Christiana procedebat in Brasilia, Socijs jam centenis pluribus barbariem illam successibus prosperis subigentibus, ut jam insanam humanorum corporum ingluviem obliti, immaculatas è contra Agni Eucharistici carnes unicè esurirent, ad quarum degustationem nullo non anno supra 70. millia Christianorum Brasilorum accedebant. Interim hostis humani generis non cessavit tam benecepta impugnare, & ad eorum everisionem tam internas perduellium barbarorum rebelliones, quàm externas ab hæreticis ex Europa mutuatas vires admove- Excitavis

imprimis novum superstitionis phanaticæ inter indigenas monstrum, Christianæ Religionis æmulum, authoribus quibusdam veneficis, qui se à Dæmone horribili formâ apparente illud edoctos jactabant. Creavère hi ante omnia Sacrorum Dæmoniacorum Regem, quem etiam Papam dixerunt, & sub eo plures Episcopos ac Sacerdotes, ad quos peccata confessuri accederent: Scholas quoque veneficijs sinè omni mercede gratuito docendis, ad imitationem Scholarum Societatis, sub uno Magistrorum Præfecto, in quolibet pago instituerunt, & Missæ quoddam simulachrum, quo Dæmoni per conventicula litabant. Globulos filis insertos, conceptis ad

cun-



eundem per singula grana precibus, distribuebant multitudini, uti & libros stylo Diaboli conceptos, in quibus primarium hoc dogma tradebatur, venturos è remotis Insulis ingenti classe dudum mortuos majores ipsorum, ad quorum appulsum omnes repente Lusitani aut morerentur, aut in pisces, fues, aliasque malas bestias mutarentur. Baptismi etiam quâdam similitudine lavacro infernali initiatis, si qui ad eminentem perfectionem aspirare vellent, ijs palam id votum professis succus herbæ propinabatur, Petiniæ dictæ, quo hausto alienati à mente bacchabantur horrendis aspectu motibus, oris, & totius corporis: quos quò quisque immaniores & visu fœdiores ederet, eò sanctior diviniórque prædicabatur. Ex his à Pseudo-Hierarcha quoquo versum dimissi ad sectam disseminandam insanæ disciplinæ Magistri, eos in credulis barbarorum animis motus excitare, ut multis quotidie Lusitanorum crudeliter enectis, agris vastatis, contra effertorum vim & multitudinem parum Lusitanis præsidij in armis esset, sed latebris passim captatis vitam servare cogerentur.

Horum ferociâ vix utcunque, operâ præfertim Sociorum omnia latè concursantium, & lenissimis congressibus barbaros demulcentium, oppressâ, ecce tibi ab Europa Batavorum classes Brasiliam infestare, Lusitanica præsidia, adjunctis sibi Indorum animis, invadere, expugnare, & necdum bene coalitam Religionē orthodoxam extirpare cœperunt. Atque hoc ipso tempore sub annum 1620. Moderatorum jussu pervenit in Brasiliam P. Antonius Bellavia, ortu Siculus, cujus mortaliū juvandorum studio, vastoque animo, cùm minor Europa videretur, ad Indicum Orbem toto animo aspirabat. Erat illi non tantum animus in Deum integer & sincerus, sed exterior etiam corporis ac vultus modestissima species, ut qui eum contuerentur, veram se absolutæ formam virtutis habere præ oculis crederent. Ut primum Brasiliam attigit, diligenti statim studio ad linguam gentis perdiscendam incubuit, cujus egregiâ gnaritate cùm se totum deinceps in salutem Indorum impendere pergeret, jussus est à Superioribus militum Lusitanorū animos, qui Hollandorū progressibus objiciebatur, procurare. Cùm enim Hollandi Pernambuco dejectis Lusitanis, molirentur res ibi suas stabili-

re, impediendis eorū conatibus opposuere isti uno ferè ab ipsorum castris milliari, noviter excitatam munitionem, quam Arrajal nuncupavere, impositoque præsidio P. Antonius adjunctus est, qui militibus atque indigenis, ut res posceret, spiritali adesset auxilio. Biennio ferè provinciam hanc sustinuit, tam luculentâ in omnes charitate, & eximiâ Sanctitatis præbitis documentis, ut nemo esset ex omnibus, qui eum non haberet & veneraretur pro Sancto. Nunquam eo temporis spatio in hæreticos procursum est (excursum autem est creberrimè) nunquam armis & prælio decertatum, quin cum manipulis provolaret Antonius, vitæ prodigus, dummodo nè aliquis armatorum Confessionis expertus è vita decederet. Demum ingruentibus aliquando Batavis cùm erumperet obviam Lusitanorum acies, Antonius se illis, quo sauciorum excipiendis more suo confessionibus præsto esset, adjunxit: ubi inter acerrimum utrinque principio conflictum obvolitans Antonius, glande trajectus quidem & ipse est, sed nihilominus neque vulneris, neque vitæ suæ ductâ ratione, pugnantibus ubique Catholicis adesse, cadentes excipere, expiare. Donec inclinatâ ad Batavos fortunâ, recipientibus se Lusitanis hostium numero oppressis, ipse ad expiandos morientes, depositâ vitæ propriæ curâ remanens, in ipso hoc eximiâ in Deum & proximum charitatis actu circumventus, animam suam pro fratribus posuit. Demiserat fortè se in ipso momento ad expiandam prostrati, & animam agentis militis conscientiam, cùm duo illum ex hostium hæreticorum numero occupant, & quo sunt in omnia Catholicorum Sacra, & imprimis in Pœnitentiæ Sacramentum inflammati odio, Patrem inviso fungentem munere districtis mucronibus, infestis scelopis impetunt, aliquot in capite vulnera, aliquot imponunt in gutture, & hominem inermem, neque adversi quidquam molientem, impiè contrucidant die 4. Aug. A. 1633. cùm ageret ætatis suæ 41. Corpus ejus triduo insepultum, ob confertam illud certatim venerantium, deosculantium, & velut ad Sancti exuvias, pio contactu coronas, imagines, precatorios libellos admoventium, relinqui debuit; summo deinde omnium luctu & lachry-

mais tumulto ibidem impositum,





P. Christophorus de Mendoza Soc. I.E.S.V. clarissimo apud Hispanos genere  
ortus in Peruvia. crudelissimè ab Idololatriis pro Christo necatus in Paraquaria  
Ibiæ 28 Aprilis A. 1635.  
C. S. d.

M. K. f.

## P. CHRISTOPHORUS DE MENDOZA.

**C**Larum inter Hispanos Mendozarum Nomen eo etiam titulo illustrius evasit, quod magna Peruviae pars, quae montanas Regiones Civitati S. Crucis adfuit amplectitur, eorum auspicijs Catholico Regi subacta est. Ejus Regionis gubernacula quaedam veluti successionis praerogativa cum post avum, ejus Provinciae primum Administratorem, obtineret P. Christophori parens, ibi eum filium suscepit, in baptismali lavacro Rodericum appellatum. Quod ille nomen Societatis ineunda cupiditate exardescens, adseito Christophori nomine commutavit, dum clam e domo profugus, & sangui-

nis claritudine dissimulata, longo terrarum intervallo, ne à suis impediretur in Paraquariam contendit. Illic Societati auctoratus, per omne virtutis genus impigre se exercuit, intimam imprimis sui despicientiam, & miserorum tantam compassione, ut cum aliquando per somnium mendicabulum stipem deposcens cernere sibi videretur, ipsa quibus tegebatur stragula ab se verè detraheret, & somniato pauperi projiceret. Regularum Societatis, ac praesertim stata orationis & Examinum tempora observandi adeo fuit studiosus, ut in Reductionibus etiam, ubi praeter illum nemo alius aderat domicilij incolae, signum tintinnabulo ad ea obeunda sem-

ss

per



per accuratè ederet, perinde quasi plures domestici præsentes eorum commonendi essent. Adhibitus primùm est Sacerdotio jam initiatus, & barbarorum idiomatibus ad elegantiam percultus, ad tractum Gvayræ excolendum; unde transitu factò in Provinciam Tingau, omnes eos labores, & vilissimorum munerum tractationem subiit, in colligendis per montana palabundis Indis, & per certas Reductiones distribuendis, quas non semel antè in gestis aliorum memoravimus. Ejus industriæ debetur præter colonias Tingau, nova ex integro fundata Reductio ad fluvium Yneay, quam à Sancto Paulo nominavit; item Sancti Michaëlis, quam numero his mille Christianorum adauxit; Sancti Antonij, & Bityrunia, quas ita percoluit, ut frequenti Sacramentorum usu, & Christianarum exercitatione virtutum, etiam veteranis fidelibus proponi possent in exemplum. Et nisi Paulopolitanorum obstitisset immanitas, longè plures Reductiones instituisset. Sunt autem Paulopolitæ, colonie hujus nominis in contermina Brasilia incolæ, sæx hominum è transfugis Europæis, in Christiani nominis ignominiam Brasiliis fœdere juncti; qui frequentibus in Paraquariam incursionibus prædas hominum, nullo Ethnicorum Christianorumve discrimine, ex Reductionibus agere, atque in mancipia distrahere, & divendere solent: sæpius hoc nomine anathemate à Romanis Pontificibus perstricti, quòd Religionem Catholicam in Paraquaria barbarâ crudelitate pessumdarent. Quorum aliquando furoris veluti torrente undecim florentissimæ Reductiones Sociorum curâ administratæ funditus eversæ sunt, multis Christianorū millibus à nefarijs his Christianis, eòq; nomine indignissimis, partim crudelissimè necatis, partim in duriorē morte servitutem abreptis; nequidquam Patribus, Superum hominūmq; fidem obtestantibus; à quibus pro misericordia vulnera sæpius & verbera, aliqui etiam violentam mortem retulère. Ex horum tamen iniquissima captivitate & vinctis plures variarum Reductionum incolas vindicavit P. Christophorus, ingenti animi magnitudine contempto capitis discrimine, & vitâ præsensentissimo mortis periculo aliquoties expositâ. Quæ mentis excelsitas inprimis eluxit, cum eos vastatâ potiore Provinciæ parte insolentes intrepidus adiit, rogavitque, ut Christianos matrimonio junctos liberos dimitterent, neque pergerent Christo, quem & ipsi DEUM agnoscerent, atrocem injuriam irro-

gare. A quibus responsum est arcibus & bombardis, quibus comitum pars læsi, pars occisi; ipse autem duo spicula jugulo excepit, interiturus haud dubiè, nisi miraculo DEUS vitam ei prorogasset, ad tot mortalium, quos Cœlo deinceps lucratus est, salutem.

Feliciùs aliàs missu P. Petri Romeri Moderatoris Reductionum, ad eripiendam ejusmodi prædonibus captivorum multitudinem excurrit; assumptis enim omnibus Reductionis suæ viris incolis, improvise velocitèrque latrones oppressit, omnesque prædâ, & plurimorum ex Reductione JESU MARIAE captivorum numero exutos, in potestatem redegit. Quos cum non alienigenas, sed populares Christianis infensos comperissent, qui ad Christianos Brasiliis in captivitatem vendendos conspiraverant, non aliâ infacitorios (quis tantam in novellis Fidei plantulis, nuper omni barbarie efferis, erga inimicos charitatem expectaret?) poenâ animadverterunt, quàm exprobratione sceleris, & adhortatione ad pietatem nervosâ. Quos tamen unâ cum familijs suis aliò traducendos remotiùs à Brasilia decrevit Pater, tum ut sensim fidelium consortio perducerentur ad Christum, tum ut sibi securitatem ab eorum machinationibus præstarent. Maximâ verò Christianorum voluptate simul, & charitate his ipsis capitalibus hostibus ubiq; exceptis, omnia quæ ad vitæ cultum necessaria fuere suppeditata sunt, latèque fama sedulam Patrum in suis tuendis sollicitudinem pervulgavit. Quo factum est, ut ingens Indorum Fidei & humanitatis adhuc expertium multitudo concurreret, postulantes aliquem è Patribus, qui se suosque Religionem & humanos mores edoceret. Verùm Patres quoniam parvo numero vix parta hætenus tueri poterant, in præsentem quidem spe plenos dimisere: tantus enim credentium novis quotidie augescens accessionibus erat jam tum, numerus, ut in solis duabus Uruay & Parana Reductionibus ad nonaginta quinque millia vitali lavacro à Patribus expiata sint. Post hæc P. Christophorus suorū securitati quantum posset in futurum provisorius, vicinos Caciquios omnes, & populos ijs subjectos ad Societatem & amicitiam, si ad Religionem non posset, colendam, sollicitare constituit. Quos inter præcipuum quendam, & à magijs percelebrem Yeguacapanu nomine, primò omnium tentare aggressus est: eà etiam insaniâ tumidum, quòd Divinitatem sibi per beneficia concilians, rerum omnium Conditor à suis haberi & coli affectaret. Ad eam rem



rem conficiendam ultro operam suam obtulit Reductionis JESU MARIE Caciquius, Mago quondam autē susceptum Baptisma perfamiliaris; qui eum verbis mollissimis, & pretiosis donarijs (meris apud Europæos crepundijs) in omnem partem versans, non tantum ad pacem cum Patribus colendam, non inflexit, ut ē contrā in legem ab ijs divulgatam, utpote Divinitati suæ præjudicisam furiosè debacchatus, Antonium etiam ad operam secum illis de medio tollendis jungendam sollicitare præsumpsit. Pater eā spe dejectus noctes interim insomnes ducere, & super commissum sibi gregem, nè qua vis aliunde hostium improvisa ingrueret, excubare: dum iterum resumpto consilio alios ē diversis partibus confines populos experiri constituit. Itaque ad amnem usq; Tibiquarium professionem ipsemet adornat, incundæ cum accolis amicitie causā, quod suis ipsi finibus hostem arcerent, neque transitum ad Reductionem suam permitterent. Perhumaniter acceptus, & magno animorum motu auditus, datā receptaque fide ad alium populum se convertere, per quem pronior hosti, & suis periculosior patebat accessus, similis exitus confidentiā, audacter constituit.

Vallem is incolebat vastissimam Coaguape, Brasiliæ à tergo aditam, quam multi continuique montes efficiunt. Populus mitis & tractabilis ingenij, quique non multò antè grassante pestilentia Patres à Reductione JESU & MARIE poposcerat, tum ad prædicandum Evangelium, tum vel maximè ad baptizandos infantes, nè salutis expertes eā pestilentia decederent. Quæ omnia accessum Patri magnopere suadebant: sed timor unus retrahebat regionis, quā subeundum erat, hostilis animus, & latrocinij locus infamis: cui nè temerè caput obiceret, consulto multis Sacrificijs & sui afflictationibus Numine, aliorum etiam Patrum vota exploravit. Una omnium atque eadem sententia fuit, ē DEI gloria fore professionem illam: periculum enim ab interjecta natione neque adeò certum esse, posseque assumpto in tutelam animosiore Indorum comitatu evitari. His confirmatus Pater iter arripuit ipsis Paschæ diebus A. 1635. per Ibiensium Regionem, in qua plurimum discriminis formidabatur. Verum incolæ ultro obviam Patri effusi, & munusculis conciliati, pronis auribus differentem de Fidei mysterijs audiverunt, rogaruntq; ut in reditu locum apud illos Reductioni designaret, in quam se ex montibus

colligere & recipere possent. Ab his ità dispositis iter resumens, ad terminum prosperè pervenit, maximo ejus gentis gaudio exceptus: cui efficaciter persuasit, nè prædonibus ē Brasilia transitum concederent; & rationem simul edocuit, quā nefarias eorum artes à suis possent cervicibus avertere. Postquam complures dies in catechesi tradenda, & præparandis Evangelio animis apud eos insumpsit, distributis magnā copiā inter indigenas acubus, hamis, aciculis, speculis, globulis vitreis, alijsq; nugis, eandem viam ad suos relegere sub extremum Aprilis constituit.

Interea temporis Tayobay Caciquius, homo præstigijs nobilis, & P. Christophoro Religionis causā infestus, à quo tamen extremo supplicio, cui veneficiorum causā addicendus erat, subductus est, in caput ejus nefariè conjurat. Aggressus primū fuit Coaguapæos in necem Patris sollicitare; sed ab ijs constanter rejectus, ad Ibienses se contulit, à quorum plerisque cum scelerata consilia non admitterentur, sollicitandum statuit insignē, quem commemoravi suprā magum Yegucaparu, qui summam sibi Divinitatem tribuebat, & vel hoc nomine cogeatur Patribus adversari. Ille occasione tollendi Christophori, quod pridem avebat, lætus, arcu sagittam emisit; quod illis deliberati certique assensus signum est, continuo eiere Caciquios veneficosque frequentes, ad intercipiendum ex insidijs Christophorum. Redibat is lætus, conceptā messis uberrimæ spe, & transmissio Ibiā amne, defunctum se jam omni periculo credebat, ubi præsertim venefici in insidijs venientem præstolantes, nè quā suspicione fortasse aliorum deflecteret, hominem ad eum legarunt, qui gratularetur, atque ad exoptatum colloquium simulato officio invitaret. Ut ad sylvam ventum est, ubi latebant insidiæ, profiliunt ē latebris illico barbari, & confusè in Patris comitatum tela contorquent. Hic Pater socios itineris vehementer hortari, ut armis tantisper primum hostium impetum sustinerent, dum catechumeni imbelles, nè Baptismi expertes opprimerentur, tuti vicinos in montes evaderent. Primo congressu advertit Pater unum ē Catechumenis vulnus accepisse, cui sacro lavacro consulturus, citato equo se proripit ad fluvium, aquam haustrurus Indo lustrando. At quia equus ità se in voraginem cœnosam induit, ut nec progredi posset neque regredi, desiliens Pater aquā strophium imbuit, & quasi vitæ securus redit ad locum impavidus,



du. Ibi ereptâ Indo lignâ parmâ, jussuque se fugâ subducere, solus hostiles incurfus tam diu sustinuit, dum se in tuto nemoris recessu comites omnes collocarent. Tum verò parmam Pater, quam suorum, non suæ tutandæ vitæ sumpterat, multis perfossam locis, & hærentibus in ea spiculis gravem, abjecit, seque intrepidus morti obtulit: quasi dicens cum Christo: *si ergo me queritis, finite hos abire.* Nec mora, sagittam mox unam altero temporum, & duas humeris excepit, binisque in capite lignâ clavâ acceptis vulneribus, exanimi similis humi concidit. Nec dubitavêre barbari, additis prostrato compluribus ictibus, exanimatum; hinc despoliatum vestibus, mutilatum aure, calcatoque, quod pendulum de collo gestabat Crucifixi signo, nudatum in agro, quia densus urgebat imber, reliquere.

Solebat P. Christophorus dum sanus viveret, aliquando dicere, diuturnum Martyrium sibi horridum videri, adeoque nè illo percelleretur, optare se brevem exitum. Verum quando ea vis animi, quâ tormenta pro DEO subeuntur, haud nostræ facultatis, sed divinæ est, longam huic famulo suo voluit DEUS mortem obtingere. Itaque digressis percussoribus semivivus jacuit in luto cœno, sub Cœlo pluvio ad multam noctem, suo volutatus in sanguine, sensuum ac mentis expertus; Ubi tandem sibi redditus est, neque adesse quenquam animadvertit, cum ingredi per imbecillitatem non posset, in alium sese æquiorum locum, quamvis non extra uliginem, reptando pertraxit. Ecce autem simul atque diluxit, reduces ad mortui, ut rebantur, cadaveris lanienam venefici (æstimant enim barbarâ superstitione, nisi ventrem à se necati disseuerint, percussorem tumefacto, quantum ille cæso intumuerit, pariter ventre interitutum) ubi abesse comperiunt, cruoris secuti vestigia, non inde procul inter arbusa prolapsum, spirantem adhuc, & agonem suum DEO commendantem

deprehendunt. Tum verò intentare opprobria, convicia, exprobrare DEI sui infirmitatem, qui nequisset eum noxæ eripere. Quibus Pater, ad cetera mutus, Deo è contrâ Numen asserere, & vecordiam illis suam, quâ Divinitatem sibi per dementia adscriberent, objicere, collectoque extremo spiritu, veritatem Christianæ Fidei ardentè si unquam prædicare. Cùmque verbis & minis increpitus à laudibus DEI non desisteret, os illi malleo dirè contundunt, & convulsos dentes propè omnes excutiunt. Sed ille nihilò fractior verba facere; illi ex adverso dicentem verberibus impetere; quibus nihilominus & vitâ superstitem, & verbis facundum, rati in loco plano emori non posse, transverso ligno ceu phalangæ alligatum, raptant propinquum in clivum. Ibi redintegrato veluti spiritu cùm multò ardentius pergeret ille loqui, nasum ei atque aurem alteram primò præcidunt, mox labio utroque amputato linguam per casus sub mento fauces ab stirpe evellunt, pectus securi uno continente ductu per thoracem & ventrem lacerant, cor atque intestina violenter evulsa oculis ejus obiectant; nunc demum visum iri agentes, possitne mori. Ipse oculis semper inter hæc tormenta in Cœlum defixis, tandem per latè ductum vulnus magnam illam animam ad Superos emisit 5. Aprilis A. 1635. ætatis suæ 46. Societatis 19. Corpus eneati flammis absumere interfectores conati sunt, sed cùm ligna flammam nullo eorum conatu conciperent, in subterfluentem rivum pronò lapsu illud devolvunt, ac tum ad paratas epulas digressi, duos adolescentes è Patris comitatu interemptos ad ganeam patriâ feritate absumunt. Necem P. Christophori tam immanem magnâ consciorum clade ultæ sunt Reductiones, ipsius curæ aliquando subiectæ, interfectisque penè omnibus cædis authoribus, corpus honorificè translatus, in Templo Reductionis JESU & Mariæ tumulârunt.

## P. PETRUS DE ESPINOSA.



Llustris generis aviti nobilitate, sed illustrior Religionis studio Espinosarum Familia, inclytos in utroque statu heroës in Boetica Hispaniæ tulit. Rarum in paucis decus illius censendum est, quod Petri parentes, quos genuere 4. filios, omnes Societati JESU consecravêre, omnes insignes in ea

operarios, & Apostolicis laboribus claros: quorum unica soror Beatrix, sæculo similiter & opulenti sponalibus damnatis, in perpetuo cælibatu, cum egregia Sanctitatis opinione, vitam traduxit. Non degener à tam Sancta progenie Petrus, in ipsa puericia pietatem impensè coluit, frequentior inter Socios versatus, quàm cum parentibus: ita assiduus





P. Petrus de Espinosa, Soc. IESV. illustrissimis Natalibus Hispanus, necatus ab Idololatriæ odio Nominis IESV. in Paraquaria 3 Julij. A. 1637.

C. Secreta. del.

Melch. Kuehl. f.

duus in Cœlestium mysteriorum frequentatione, ut multis lachrymis, quod illis aliquando dies octo abstinuisset, se velut de atroci crimine accusaret. Desiderium intrandi Societatem, & pro animarum salute inter Indos desudandi, penè ab infantia cum illo crevit: quod tandem in firmum propositum adolevit vaticinio germani Fratris, qui illum Cordubæ in literas incumbens, epistolâ ex Peruvia datâ parentibus commendans admonuit, ut diligentem educandi Petri curam haberent, quem sciret ipse Indorum salutis, ac tandem Martyrio destinatum. Cujus vaticinij stimulo incitatus, postquam Societatem impetravit, novo iterum ostento ad spem Martyrij inter Paraquarienses obtinendi animatus est; dum Cordubæ in Templo

ferventer orans, visus sibi est à barbaris in terram prosterni, raptari, cædi; ex qua visione sensibus restitutus, humi provolutum re ipsâ se comperit, ita fatigato corpore, ac si revera inclementius vapulâisset. Appulit interea Hispalim P. Franciscus Vasquez, ex Paraquaria ad Urbem Procurator: cujus adventum, velut de cœlo submissam sibi Indias petendi opportunitatem interpretans Petrus, Augustinum Fratrem suum consulit. Qui collaudato ejus voto, missionem etiam ipse apud Præpositum Generalem pro fratre deprecator urget, & Parentes magnâ pietate approbant. Igitur Sacris initiatus Hispali Ordinibus, & feliciter emenso Oceano, ubi residuum inauditæ Theologiæ, ac tertiam Probationem absolvit, in Guagira confestim Reductiones



ductiones dimissus est. Hic ille primò omniū in barbarorum idioma condiscendum incubuit; quo exigui temporis spatio perfectè instructus, totum se in gentium illarum culturam, per omnia vilissimorum, de quibus sæpius meminimus, laborum exercitamenta expendit; felix inter paucos in cicurandis barbarorum ingenijs, & ad Fidem humanitatemque persuadendis. Et videbatur singulari quadam arte, & facili ad omne opus industrià cœlitus donatus, quâ præstantissima quatuor Templâ, in Nuatingui, Tayaoba, Caaro, & Lauretana Reductionibus, non descripsit modò, sed ad fastigium eduxit. Quorum incolis charus semper & in pretio fuit, cum tamen illi, ex quibus Tayabensem Coloniam bis mille capitibus à belluina vita reductis stabilivit, humanæ carnis voracitati ad insaniam essent dediti.

Jam verò superata his in conatibus discrimina, exantlatos humanis majores viribus labores, extremam rerum omnium indigentiam, nihil attinet hic repetere, eum ea satis ipsa Missionum hujusmodi arduitas declaret: quibus ipse voluntarias insuper pœnas, & tam arctam addebat abstinentiam, ut præter milium aquâ coctum, salis, & omnis alterius condimenti expers, nihil præterea degustaret. Ad puritatem, quam ipse Virgineam sepulchro intulit, illibatè inter tot libidinum incentiva conservandam, præter asperè semper habiti corpusculi præsidia, præcipuum fuit matris illius contestatio, quâ illum adhuc puerum aliquando decumbentem, flexis ante læculum genibus, manantibus lachrymis ità affata est: *Cave sis, fili mi, nè mortifero te unquam scelere obstrinxeris; mortuum te malim, quàm inquinatum conspicerè. Vide nè quam in turpitudinem unquam prolaberè: vide ut vel ipsam feditatis umbram præpesses, præ quavis perniciè vites. Multò maximo mihi solatio fuerit fili mi, si à te nunquam in id genus flagitij consensum iri sponderis.* Spondit verò sanctè Matri optimæ optimus filius, nec minùs sanctè servavit; ei que tuendæ non propriâ duntaxat manu incussa adhibuit flagra, sed ab alijs nonnunquam cædi se, cum Moderatorum conscientia, impetravit. Et quia Virum obedientem sciebat loqui victorias, hanc præ omnibus Societati propriam Virtutem, ipse etiam ut pupillam oculi habuit; ità unicè à Superiorum jussis, veluti ipsiusmet Christi Domini, dependere assuetus, ut eorum nutibus nè quidem primos oblutantis animi impetus experiretur. Missus in Caarum ad construendam ædem Sacram,

Socijs quoque domum suam fabricavit, descripsitque Reductionis plateas, insigni item normâ villas suburbanas. Una dies adhuc desiderabatur ad totius operis absolutionem, cum Superioris aliò ipsum evocantis nuncium accepit; & continuò, nec illius diei moram operi perficiendo indulgens, in viam se dedit. Atque hujus ipsius virtutis studium, & immensa quædam in Indorum non tantum salutem, sed & commoda externa charitatis propensio, viam illi ad gloriosam pro Christi Religione mortis victoriam aperuit.

Truculenti illi Fidelium Paraquariensium hostes, iterum ex S. Pauli Brasiliæ oppido gentilibus immixti, Provinciam totam inundaverant, atque immani sævitie Reductiones Guagiræ propè omnes devastaverant. Pars crudeliter cæsi, pars in servitutem miserimam abacti; ut adeò necessariò in eam sententiam descensum sit, ut duæ D. Virginis Lauretanæ & S. Ignatij Reductiones, ex tredecim totius Guagiræ Reductionibus florentissimæ simul & antiquissimæ, quia injurijs excurrentium magis obnoxie patebant, in alium remotiorem locum transferrentur. Acerbissima ea migratio incolis accidebat, quòd nullæ aliæ sive Sacris, sive profanis ædibus, meliùs instructæ essent Reductiones. Templâ totius Paraquariæ elegantissima, duplici columnarum ordine interiùs affabre factarum, & pictis perbellè tabulis exornata, materia operis cedrina, & ornatus supellectique omnis venustè concinnata. Oppida in quadrum extructa, plateæ rectæ & æquales, domus continentes commodæ & elegantes, suæ cuique loca, gallinis, anseribus, alijsq; avibus alendis. Ager cujuslibet grani, & gossipij imprimis ferax, ex quo pannorum in suos & alienos usus abundantia: in montibus greges, armenta in pascuis, piscatus in promptu. Hæc tamen omnia deferenda tandem afflictissimis Indis fuere, nè suam & liberorum vitam, conjugum pudicitiam, furori ac libidini perditissimorum illorum, & nomine Europæo atque Christiano indignorum relinquerent. Itaque supellectili & omni annonâ in septingentas canoas (navigij certum genus est) comportatâ, designato die conscenderunt capitum supra 12. millia; dumque secundo Parapane navigant, tertio à profectio die vacua oppida hostis occupat. Evitatum discrimen profugi dum invicem gratulantur, novū & præsentius apud Guairam Urbem incurrunt, cujus cives structo è materia vallo, fluminis angustias occupavere, quo venientes interciperent in servitutem.



tem. Quos à scelere dehortatus Pater Antonius Ruiz exulum ductor, ubi nihil nisi minas retulit, auctis sui ex desperatione animis arma expedire, & viam vi sibi facere constituunt. Quorum audaciâ è contra externati Gvayrenses, suam ipsi jam libertatem depacti, liberum Indis cursum reliquere. Ità feliciter ventum est usque ad locum, quo Parana fluvius quantus ille est, ex altissima rupe, 12. leucarum lapsu præcepit in rupes alias ruit, è quibus aquæ reverberatæ in proximam altitudinem resiliunt, tantâ collisione, ut ad quatuor leucarum spatium murmur percipiatur; ex qua violentia, totis deinde 12. leucis continente spumâ albescentes defluunt, quæ Solis repercussu intuentium aciem vehementer hebetant. Ad hoc præcipitium exscensum ab omnibus est, & onera exposita: 300. tamen canoæ aquis permissæ periclitandi gratiâ, num quæ fortè integra ad resumendam infra navigationem ad radices perferretur. Sed omnibus immani præcipitio ad scopulos contractis, iter deinceps pedestre 20. leucarum urgendum fuit, & Sarcinæ omnes cum annona per invia & confragosa montium humeris deportanda, per intolerabiles Solis ardores, quibus nulla alia orbis plagamagis exæstuat.

Adjunxere hic se ipsi P. Petrus de Espinosa, & cæteri Reductionum Gvayræ Patres cum nova exulum multitudine, & diebus octo iter pedestre consecrere usque ad flumen, ubi trajiciendum erat. Cum autem nulla adessent navigia, neque tam expeditè nova parari possent, mox fames cœpta vagari, & ex illa morbi mortisque, quibus supra 2000. sublati sunt. Ergo multi tædio malorum retrò diffugientes, hosti in prædam celsere: pars magna per montes dissipati, alij terram subigere spargendo semini, alij canoas moliri, alij temere compactis truncorum vel arundinum fragmentis se flumini credere, quorum alij undis hausti, alij prodigio evasere. Tandem delecta à Patribus sedes est exulibus ad amnem placidum, qui paulò infra Parana se miscet. Sed vacua cibarijs ora, & urgere morbi. Patres suis omnibus distractis, plùs 12. millia boum caesa viritim ac domesticatim distribuerunt: quibus licet utcunque fames, non tamen Dyfenteriae malum, quo plerique fatigabantur, leniebatur. Ecce autem miram Divinæ Bonitatis providentiam! subnasci repente in flumine cœpit herba insolens, Igau ipsi dicta, optimi saporis & alimenti, morboque illi efficacissimum remedium. Hanc cum legerent, & magnâ avari-

tate carnibus incoctam ederent universi, & profuit ad sanitatem, & quotidie tantum subnascebatur, quantum omnibus sufficeret. Quotidianum prodigium duravit usque ad adultam messem: quæ ubi maturuit, herba simul videri desijt. Ceterum quanti labores Patrum, profugos deducendum fuerint, cogitari facilius quàm explicari potest: potissimum in alendis orbis pueris fuit, pascendisque pecoribus, cum & bubulcos, & lanios, & cocos medicosque in dies agere cogerentur. Sed hæc demum mala glebæ felicitas, in qua coloniam moliebantur, temperavit, omnium ferè præter materiam ad corporis indumenta ferax. Cui occursurus indigentia P. Antonius Ruiz Reductionum omnium Superior, coemptas in Urbe S. Fidei 1800. oves lanificio destinavit: sed quæ illæ per loca asperissima & latronibus infesta adducerentur, in anticipi fuit. Hic verò P. Espinosa ingenti in miseros charitate, periculorum ambitu & sui deprimendi ardore incensus, studiosè onus hoc in se derivare, ac tam diu pecoris ejus adducendi provinciam, licet diu ad pastortiam hanc curam virum tantum deprimere exhorresceret P. Antonius, sibi deposcere, dum denique voti compos, effectus est.

Ergo ingenti lætitiâ iter cum aliquot ex indigenis ingressus, & feliciter etiam, licet maximis difficultatibus, inedia, defatigatione, fluminum latè campos inundantium vadatione emensus, receptum pecus magnâ alacritate ad suos agebat, donec ad fluvium restagnante alveo minimè in reditu vadabilem deventum est, ut proinde scaphis impositæ pecudes fuerint transvehendæ. Jamque magnam partem transmiserant, cum respiraturi tantisper & siccaturi per noctem vestes, ignem excitavere: cujus fumo admoniti finitimi Guaiquirenses, homines efferi & Idolis addicti, intempestâ nocte incurrunt, ac primâ aggreffione quinque Indos, qui propter Patrem accubabant, contrucidant. Pater expergefactus in præsentis periculo JESUM & MARIAM inclamat; quem barbari faciliè quis esset agnitum, non tam frigidè sibi necandum, utpote capitalem Deorum suorum hostem existimant, ideoque vestibus omnibus nudatum, fustibus immaniter contundunt & Cælo istic per Julium mensem frigidissimo, sub dio exponunt. Cum verò eadem Sacratissima nomina, quasi præsentem JESUM & MARIAM cerneret, Pater identidem ingeminare non desisteret, irritati vehementius barbari, verbera multiplicare, frustra eorum auxilium implorari dicere, ficta ea Numina



mina & commentitia esse, nec cuiquam posse opitulari. Sed quò crudeliùs sæviebant ipsi, hoc ardentius DEUM ille invocabat, & blasphemias homicidarum eundem Deum execrantium redarguebat: dum demum in rabiem ultimam acti, caput ei bifariam disseuerunt, & de reliquo tigris immanitati laniandum exposuerunt; à quibus discerptus, & præter crus unum, atque unum brachium, devoratus est. Digitos inventa manus adhuc habebat decussatos in Crucem, pro cuius honore tuendo passus est die 3. Julij A.

1637. Eadem quâ mortuus est horâ, uni ex Socijs Julianò apud Itatines, 200. indè leucas, immortalis gloriâ conspicuus apparuit, hisque affatus est: *bene tibi sit mi frater, ad superos ego nunc latus abeo.* Alteri quin etiam ejus familiari biduo priùs quàm neci daretur patefactum est divinitus ipsum illud periculum, quod incurrerat: & tota deinde occisionis ratio cum perageretur, distinctè eidem, cum longo indè abesset locorum intervallo, demonstrata est.

## P. DIDACUS DE ALFARO.



Mensus ille Servatoris nostri in mortales amor, in quo cognovimus charitatem DEI, quoniam ille animam suam pro nobis posuit, per dilectum ejus Discipulum 1. Joan. 3. promulgatus omnibusque DEUM diligentibus in exemplum propositus, ut si veri sectatores Christi esse velimus, & nos debeamus pro Fratribus animas ponere; tanto ardore animum P. Didaci inflammavit, ut expositis quotidianæ Paulopolitanorum luporum prædæ oviculis Christi Paraquariensibus in pastorem datus, videns lupo venientem, nequaquam eas ut mercenarius dimittens fugerit, sed ante eas vadens, animam suam dedit pro ovibus suis. Joan. 10. Natus fuit Panamæ, Urbe per celebri ad mare Pacificum, eo in Isthmò, qui utramque committit Americam, Parente Regio Senatòre, à quo Limam primùm Peruanì Imperij Caput mansuetioribus literis imbuendus, ac deinde Salmanticam ad superiores disciplinas transmissus est. Ibi injectâ divinitus mente Societate exambiens, anno ætatis 18. Tyrocinium auspicatus est, & biennio post Villagarziæ Religiosa vota DEO nuncupavit. Nec multò post ardoris illius, quo ad salutem proximi curandam agebatur, impatiens, anni insequentis Majo in Americam navigavit, ubi Cordubæ in Tucumanis Philosophiæ Theologiæque spacia cum laude decurrit. Quo tempore Sacerdotem ad ægrum extra Urbem comitatus, incidit in profluentem, jumentoque unâ secum aquarum vi abrepto, sub undis citra spem vitæ aliquanto spatio abstractus fuit. Homo Indus, qui jumentis curandis pedes sequebatur, insilivit intrepidè in fluvium, & nandi peritiâ periculi securus, quæsitum atque apprehensum protrahit in ripam, sui & sensus omnis expertem. Ubi ad se redijt, &

in se officium Indi intellexit, vitam quam ab Indo conservatam accepit, ex illo momento Indorum saluti voluit esse devotam. Igitur Sacerdotio initiatus, laboriosissimam Paraquariensium culturam precibus & lachrymis impetravit, brevique Gvayranicam linguam labore improbo condiscens, strenuam populis illis vagis operam navavit. In Reductione Conceptionis postquam aliquamdiu Apostolico muneri incubuisset, à Sacro Inquisitionis Limensis senatu jussus est sacri Commissarij operam in Urbe Assumptionis sustinere, constitutus unâ Collegij ibidem Rector. Quâ utrâque potestate ex dignitate gestâ, magnis postulationibus iterum impetravit Reductionibus Paraquariensium restitui: sed aliter non obtinuit, quàm ut constitutus Præses omnes eas colonias, quotquot in Gvayrana Paranâq; provincijs deductæ sunt, moderaretur.

Dici vix potest quantâ in ferendis barbarorum incultis moribus fuerit tolerantia, in ijs cicurandis patientia, in instituendis longanimitate. Ipse valentibus & ægris omnia fieri, tam in his quæ ad corporum, quàm quæ ad animorum spectarent necessitatem: ipse suâ manu venam infirmis incidere; grassante contagione destitutos fœditatis horrore ab ipsis summè necessarijs fovere, præstò semper adesse; egenis ad vitam necessaria conquirere; vitâ functos humare; adversus Brasilorum crudelitatem tutari, & ab obnoxijis periculo colonijs abductos, ad loca tutiora deducere. Ubi in sedium novarum molitionibus quid laborum, velut omnium antesignanus subierit, quid exhausserit ærumnarum, quis verbis exæquet? Et tamen ultro etiam in sui corporis tractatione semper asper & immansuetus, verberando, vexando, esse perrexit; in cultu atque omnium rerum





*P. Didacus de Alfaro, in America Laxamæ illustri Sangvine natus,  
Soc. IESU, in obsequio Pastoralis animarum curæ ab infideli-  
bus casus in Paraguria. A. 1639. die 17. Ianuarij.*

rum usu apprimè tenuis, sic ut ipsam reli-  
quiariam, quam de collo piè gestabat the-  
cam, non nisi ex arundinis geniculo confe-  
ctam haberet. Atque his instructum boni Pa-  
storis virtutibus invidenda mors occupavit,  
illata ipsi à crudelissimis Piratinæ (oppi-  
dum est in extrema Brasilia Paraquariæ con-  
terminum, aliàs S. Pauli dictum) incolis, qui  
armatâ promiscuæ multitudinis ex Europa  
atque America collectæ manu erumpentes,  
innoxios everfis Reductionibus, in diram ra-  
piebant servitutem, fideles juxtâ ac infideles.  
Quam violentiam sæpius experti Paraqua-  
rienses Christiani, cum occuparentur impro-  
visò, demum hostem armis excipere, liber-  
tatis ipsi suæ, & Christianæ, quâ susceperant,  
Fidei vindices, decrevère, & vim depellere  
telis adversis,

Igitur A. 1639. cum rumor adventan-  
tium latronum increbresceret, & jam in fini-  
tima vicinitate prædas egissent, Paraneses  
haudquaquam cunctandum, sed obviam  
procedendum rati; copias omnes suas in ag-  
men cogunt, & disciplinâ militari satis in-  
structi, ultro progrediuntur in aciem. P. Di-  
dacus, qui suis eo tempore deferere nefas  
putaret, priusquam exiret in campum, aut  
præfagus futuri, aut præscius, ad solidum  
mensem secessit in locum solum atq; avium,  
& spiritualibus Exercitijs se diligenter exco-  
luit. Ubi tempus prodeundi adfuit, Indos suos  
ad agendum fortiter, Deiq; gloriam, ac suam  
cum Fide libertatem vindicandam cohortat-  
us, nusquam se illis defuturum pollicitus  
est; imò se sanguinem pro illis vitamque  
per

Ttt

per



per vulnera positurum: illud meminissent duntaxat, nè suo perculsi casu à persequenda victoria desisterent. Tum scriptis ad quempiam Sociorum absentem literis, extremum illi vale dicit: exire se in prælum ad suorum Indorum defensionem, in eoque hostili se glande propediem occubiturum. Ità comparatus ubi movit in hostem, nihil in eo desideratum est, quod ad Pastoris optimi, gregem suum à luporum rabie tuentis officium pertineret. Victoria penès Indos stetit, prædones prædà cessere, pars ferro cæsi, ceteri in fugam acti. Versabatur Pater nunc media, nunc extrema in acie dimicantium, ubi res consilio vel hortatu, aut necessitas morientium extremâ absolutione egebat. Interea unus quispiam ex hostibus, qui credebat eo sublato casuros Indis animos, ut facinus egregium faceret, clàm se post vepretum abiecit: indè ubi commodum nactus est sceleris exequendi modum, ex insidijs scelopum collineat, & glande tempora lævumque oculum ità stringit, ut ipso in vestigio Pater conciderit penè exanimis. Unde mox in castra receptus, Indulgentiarum præsidio, Societati in extremo articulo concesso procuratus, vitam ibi honesto fine, plenòque æternæ gloriæ terminavit haud procul à sylva Cazapaguazu 17. Jan. A. 1639. ætatis 42. imitatus S. Desiderium & Theodardum Episcopos, quos in simili causa pro defensione creditarum sibi ovium necatos, Ecclesia veros Christi Martyres agnoscit & veneratur 23. Maij, & 10. Septemb.

Est autem tempus illud anni, quo Pater necatus est, ijs in locis maximè caloribus æstuans, nihil uspiam umbræ, quâ servari corpus, & à tæbe defendi possit. Et tamen cum postridie succollantibus Indis cadaver ejus deferretur ad Reductionem Conceptio-

nis, ad tricenarum minimùm leucas, nihil graveolentiæ adspirabat: imò occurrentes in via Paranensem suppetiæ, integrum, & quasi spirantis instar mirabundi deprehenderunt, & venerati sunt. Die tertiâ cum ad locum sepulturæ appulsum est, neque tumidum, neque tabidum, neque olens fuit, sed ea duntaxat pars frontis, quæ fuerat glande contusa, nonnihil affecta visa est. Magna comploratio extitit Neophytorum, cum Patrem suum mortuum excepere, & inter gemitus lachrymasque multitudinis, prope P. Rochi Gonzalez de S. Cruce corpus, composuere. Gloriam mortis ex officio Charitatis appetitæ, ab æmulatione atque obtreptione nonnullorum vindicavit insigni panegyri, unus ex Senatu Ecclesiastico in Urbe Assumptionis, ita orationem suam concludens, ut Pastorem verè Evangelicum, atque ex sententia Christi Servatoris verè bonum predicaret, qui pro Dei Domini sui grege certaverit contra infernos lupos, & pro ovibus sibi concreditiss fortiter animam posuerit. Siquidem à ratione Martyrij alienum non est, si Pastor non sui tuendi, vel reservandæ vitæ studio, hostisve feriendi, sed servandi gregis sui causâ, dum ad Fidei periculationem deposcitur, in aciem prodeat, & in pugna cadat: cum ad id officij obligetur, & mors ejus contestationi Fidei subserviat, utpote qui obiti ejus officij invidiâ ab impijs occidatur; neque tam suæ neci ipse repugnare, quàm suos ab injuria, & perfidiæ periculo prohibere censeatur. Hinc Ecclesia S. Ericum Regem Sueciæ ad diem 18. Maij, & S. Olavum item Regem ad diem 29. Julij refert in Martyrologio Romano, quos in bello arma tractantes, & quidem propria manu in hostem depugnando, occubuisse, vitæ illorum Scriptores tradunt.

## P. GASPAR OSORIUS DE VALDERAVANO, P. ANTONIUS RIPARIUS.



Adem Paraquaria horum Patrum conatus dum viverent, exercuit, & in præmium laborum crudeli nece irrogatâ, utrumque pro asserta Religione Christiana de medio sustulit. P. Gaspar patriâ Hispanus magnis animis Societatem ingressus, cum ardorem ingentem concepisset Indis opitulandi, in Paraquariam An. 1617. trajecit. Ibi post varia Societati consueta mu-

nia, & Rectoris etiam officium singulari subditorum charitate administratum, reliquam vitam omnem in Missionibus ad gentes incultas obeundis expendit: iisdem ærumnis, laboribus & periculis exercitus, quæ jam sæpius in alijs memoravimus. Quoties ad audiendas Confessiones accedendum illi erat, suum prius ipse animum attentâ meditatione incitabat ad peccatorum odium, ut idem penitus pœnitentibus imprimeret. Idem facie-





P. Gaspar Osorius de Valderavano Hispanus, et P. Antonius Riparius Italus Soc. IESV. crudeliter ab Idololatriis pro Christo occisi in Paraquaria apud Ciacos. A. 1639. 1. Aprilis.

C. S. d

M. K. f.

faciebat quoties ad novos populos succederet, positus humi genibus, & in amplexu Crucifixi prolixâ commentatione DEUM precatus: atque eodem deinde oris & corporis habitu, animo in Divinitatem abrepto alacer intrabat. Sed neque ad populum sive ex superiore, sive ex æquo loco dixit unquam, nisi prius ipse ferventi meditatione exarsisset: ex qua deinde tanta vis in dictionem ejus derivabatur, ut obstinatissimorum etiam corda percelleret. Eodem præsidio inter nudos plerumque mortales, & belluinâ propè libidine effrenes, diu noctûque versatus, intaminatam servavit pudicitiam, multarum etiam sollicitationum, quas à procacibus scæminis sustinuit, victtricem. Cui facilius tuendæ præter obvia semper incommoda, & rerum

ferè omnium penuriam æquanimè toleratam, graves corporis adhibuit afflictationes, quotidianam communiter ad sanguinem flagro nodis ferreis præfixo diverberationem, cilicij & jejunij perpetuum usum, durissimam noctibus super solo bubulo tergore, lapide pro cervicali supposito, cubationem, quem lecti rigorem nè in morbo quidem remisit. Servitium nullius unquam etiam Reor existens passus est, & in Missionibus nè quidem ad victûs & cibi sui condituram operam alienam admisit, sed eos coxit & paravit ipse.

Plurimas ad illud usq; tempus Societas Paraquariæ nationes, erectis passim Reductionum colonijs, humanitati & Fidei conciliaverat; sed innumeræ etiamnum super-



erant adhuc intentata, interque eas Tobarum natio in Tucumania, ferox imprimis & bellicosa, quæ Hispanica etiam arma eatenus fortiter represserat. Tentavit eos felicius P. Gaspar, solo scipione Crucem in fastigio præferente instructus: à quibus perhumaniter exceptus, & ad Molonos subinde, aliósque remotiores populos penetrans, Christum omnibus non pœnitendo fructu primus prædicavit; quem ita ipse literis ad Superiores datis describit: Tres jam menses abiēre, cū ex Esterensi S. Jacobi Collegio sum egressus, solo hoc Æthiope comite. Auspicato B. Virginis ad Nives die perveni. Miro hic gaudio fuēre affecti, ex Ara mea portatilis aspectu, sed majore ego ex ejus possessione; quandoquidem his in locis præter angustum Missæ Sacrificium nihil sit, quod solatio mihi in laboribus esse possit. Ager hic optimus ac fertilis est, multis annibus interfluentibus distinctus. Magnam Indi voluptatem percipiunt, cū me suum idioma vident addiscere. Complures hæc Caciqui in dies commeant. Varia nationes confines vario utuntur idiomate. Numerum quinquaginta millia superare dicuntur ejus solius lingua, quam mihi reddo magis familiarem. Mataguai amplius triginta millia feruntur, qui industrii quidem, sed non ijs viribus pollent, quibus Ciriguanes (alia hæc Indorum nobilium natio est à superioribus distincta, quæ Peruanis Hispanis hæcenus restitēre) & propterea quia Ciriguanes perpetuo eos bello in servitutem redigunt, Hispanorum gratiam & auxilium sibi suppeditandum student aucupari. Hujus lingua interpretē in dies opperior, quamvis Tobarum, Mocoviorum, atq; Zapitalaguarum (tres sunt Provinciae innumeris populis referta) idioma non negligo; tum quod hi magnā aviditate in Christianorum numerum adscribi expetant, tum quod hæc sit multorum populorum janua, quā pervasā innumera provincia patent: tantūq; his roboris, ac virtutis inest, ut Ciriguanes qui hæcenus Hispanis restitēre, hos sibi caverint adoriri. Ligna ad Reductiones in tribus hisce provinciis, sicut in Paraquaria faciendas, cadi cæpta. Aliud est Ciurumatis idioma, facile quidem, at gutturale nonnihil, quod frequentissimè Chuchu in eo recurrat, certis particulis tempora, modos, numerosq; distinguētibz. Hujus idiomatis, uti & præcedentis, multa indies principia in commentariolum refero. Quare spero fore, ut eas propediem linguas calleam; tanto enim discendi ardore flagro, ut laborem vix percipiam. Juxta Ciurumatas, Orochones, prægrandibus auribus degunt; quorum multitudinem robūq; facile ex eo colligere licebit, quod Ciriguanibus contermini, ab ijs se indemnes tueantur. Jam verò Tonocotæorum notitia adeo inter

hos Indos certa est ac celebris, ac inter Hispanos Madridi. Duo Hispanorum Gubernatores armatā manu in hæc Provincias sunt ingressi. Hæreo an exercitui me velim adjungere, quod mihi constet non illos animo eo proficisci, ut Indis detrimentum inferant, sed ut terra dumtaxat explorentur. Nisi tamen multis me precibus adigant, deliberatum mihi est inter hosce Tobas commorari, primæque Reductionis initium dare, ne tempus mihi aliquod elabatur; cū ita sum constitutus, ut id omne utilissimè consumere ea me cogat occasio, quā benignissimus Dominus tot animarum salutem in meis manibus reposuisse videtur. In hisce etiam Regionibus gentem adeo terso sermone utentem reperi, ut elegantia ac nitore latino parum cedere videatur: adeo copiosus est, ut quatuor DEUM synonymis exprimat. Particula ac verba sunt geminata, ita ut vehementer sim admiratus tam cultum idioma, in gente tam barbarâ reperiri. Non ij tamen se barbaros arbitrantur, pro totius enim India generosissimi atque invictissimi se gerunt. Staturâ sunt adeo præaltâ, ut extento brachio eorum vix capita attingere possim. Alacri comig, ingenio sunt, atq; incredibili in quidvis ex Europa allatum aviditate feruntur. Horum regio Tarichâ amne alluitur, quem aliquot hinc leucis quem modò transiit intercepti, adeo magnus, ut balsa (genus est majoris navigij) sit trajiciendus. Piscium mellisque copiâ regiones hæc ceteras India partes superare videntur: multis etiam silvis abundant, adeo ut ex omni parte multa in ijs promittantur.

Plurimos jam illic Christo pepererat, pueros præsertim certatim à parentibus Baptismo oblatos, cū repentē à Provinciali revocatus, illis valedicere, atque expedire redditum instituit. At Indi precibus primò & officiis certare, mox violentiam etiam adhibere, & exitium, nisi remaneat, intentare. Cūque aliquando largiter se ad ebrietatem ingurgitassent, repentē corripunt medium, & in stragulum undequaque à compluribus sustentatum dejiciunt, tum sæpius sublimè excussum, atque ex casu vicissim stragulo exceptum, citra vulnus aut sanguinem exagitant. Sed in proposito obediendi persistentem, atq; ita ad mortem animatum, ut etiam cunctantes ad eam ocyus inferendam provocaret, ipsi patientiâ viri attoniti, aliâ viâ, quæ primum apud illos officiij genus est, illum aggrediuntur. Puellam è suis formâ præ alijs liberaliore in matrimonium offerunt, si penes se sedem figere in animum inducat. Irrisit vir purissimus infanas cogitationes, & explicatâ Sacerdotum Evangelij castissimâ sanctimoniâ, majore indè attonitos admiratione deni-



denique reliquit, ne ab obedientia discederet. Hæc eum ad Ciacos, quò jam aliàs frustra ingressum tentaverat, abire iussit; quo in itinere excurrens ad Occlojas, dum interim socius Missioni destinatus adveniret, bimestri spatio institutos tinctosq; Baptismo, tanto numero ab inaccessible montium jugis ad campestria deduxit, ut Templo, & privatis circum excitationis mapalibus, non contemnendam Reductionem statuerit.

Ad Ciacorum Provinciam, socio P. Antonio Ripario auctus, quia nullus patebat aditus, viam sibi excisis ferro senticetis aperire debuit. Primos habuere obvios Palomos & Pintadillos, quos munusculis delinitos ubi sacrà doctrinà erudièrunt, læti tam auspiciis initijs iter promovent ad interiora Regionis, plurimis habitata populis, efferis quàm maximè, & inter seiplos hostiliter adversis. Hæc dum maximè deliberant, Ciriguanum copiarum in Palomos infectis armis irrumpunt; quorum furori omnia latè ferro flammæque devastantium ut sese subducatur monitus P. Gaspar, ipse è contra DEO fretus, ultro eis obviam procedere, affari constituit. Et quidem multi ipsorum crepundijs Europæis, quæ liberaliter in donum illis dispertiebat Pater, capi videbantur, neque inviti Evangelio aures præbere, ut jam crederet, illos sibi habere devinctos, possèque sinè periculo diuturniorem apud illos sedem collocare. Ideòque Sebastianum Alareonium adolescentem Paraquariensem, & Societatis jam tum Candidatum, retrò ad urbem, comitatum in tutelam duobus Ciriguanibus, pro uberiore commeatu remittit, ipse interim cum P. Antonio unicè in tradendam genti catechesim intentus. Redeuntem cum annona Sebastianum obtruncant in via Ciriguanum comites, & corpus totum depasti, caput solum ad ostentationem apportant: cuius spectaculo incitati barbari, ad similem laniationem utrumq; Patrem, qui avitas Majorum superstitiones convellerent, designant. Illi accepto machinationis indicio, latissimis animis optatam mortem præstolantur, & diem illum totum orando, Confessione mutuà conscientiam expiando, impendunt. Intendentibus se tenebris, cum diu antè pro sui tugurioli foribus inambulassent, intrò concedunt, & suis incumbentes sarcinulis carpunt aliquantulum

quietis. Nocte intempestà irrumpunt sicarii, & direptis ante oculos Patrum sarcinulis, pauperem illam gazam secum auferunt, spatiūmq; animos ad mortem colligendi relinquunt. Primo autem manè reduces, ligneis suis clavis distentos oratione Patres invadunt, contusisque capitibus sternunt, jugulum primò, tum pectus lacerant, vertices, quæ rasi coronâ Sacerdotum erant, fœdè conerpunt, ac demum rescissa capita secum asportant, die 1. Aprilis A. 1639. Eadem servorum suorum paulò post ultus est DEUS, omnibus eorum percussoribus miserando exitu sublati. Testati autem sæpius deinde sunt barbari, Patres à morte multà perusos luce visos sibi frequentius esse in cultu Sacerdotali, scelus coarguentes, & ad alios in sui locum evocandos Socios, à quibus Fidem edocerentur, exhortantes.

Hujus invidendæ mortis Osorio socius P. Antonius Riparius, natus fuit in Italia, & à puero in omnem pietatem propensus, ità humaniores & Philosophicas disciplinas decurrit, ut nihil in eo reprehensione dignum sive à domesticis, sive à Præceptoribus notaretur. Societati adscriptus, biennio literas humaniores Mediolani tradidit, eo successu, ut plerosque discipulorum ad varia vitæ Religiosæ Instituta permoverit. Quo tempore semper ille excolendorum in arduis Missionibus populorum cupiditate æstuabat, dum sui desiderij in ipso Theologiæ decursu factus compos, cum Paraquariæ ad Urbem Procuratore, in Americam transmissit. Medio in cursu fœda tempestas mari incubuit, ejus vi cum proximè exitio navis abesse videretur, ipse reliquijs S. Xaverij in mare demissis, tumentes fluctus & ventos momento sedavit. Prima illi Missio ad Ciacos cum P. Osorio oblata est, in qua consummatus in brevi, felicissimo exitu tempora multa vitæ explevit, anno ætatis 31. Caput ejus abscissum aliquoties humo sponte suâ exiliit, & corporis truncus in pedes erectus, attonitis prodigio barbaris, firmus constitit. Videbatur & multò antè sui hujus apud Ciacos agonis tacitam habuisse præsentionem, quòd ab usque Europa, quoties Ciacorum fieri mentionem audiret, insolitâ quâdam animi dulcedine imbueretur.





P. Petrus Romerus Hispanus et Matthæus Fernandez Indus Soc.  
IESV. crudeliter ab Idololatri in Paraquaria apud Itatines oc-  
cisi. 22. Martij. A. 1645.

C. S. d.

M. X. f.

## P. PETRUS ROMERUS, & MATTHÆUS FERNANDEZ.



Hispalim Urbem nactus est Pa-  
triam P. Romerus, quam in ipsa  
adolescentia voluntarius exul  
deferens, in Peruviam transivit,  
ut in primum ibi ac fundamen-  
talem Paraquariæ Provinciæ Societatis lapi-  
dem cederet. Illum enim novâ Carthagine  
studijs vacantem P. Didacus de Torres de-  
prehendens, cum ad fundandam jussu Aqua-  
vivæ Generalis novam eam Provinciam ty-  
rones conquireret, ex primis unum adlegit.  
Exacto Tyrocinio Philosophiæ cum incum-  
beret egregiâ ingenij commendatione, quia

tamen tot circum barbaræ gentes in sempi-  
ternum ruebant exitium cultorum inopiâ,  
abdicatâ ipse altiorum Disciplinarum prose-  
cutione, illarum se saluti summâ sponte, &  
P. Provincialis acceptione, totum devovit.  
Itaque Sacris initiatus Ordinibus A. 1611. à  
Guaicurvis gente barbara & sanguinaria,  
culturam Apostolicam exorsus est: apud quos  
decem circiter annos commoratus, ingentia  
& quotidiana vitæ subijt discrimina, assiduas  
peregrinationes, & molestissimos labores,  
quod adultiores in vetusta libidinum, vene-  
ficiorum, ebrietatum consuetudine obstinati,  
nullum



nulum de se fructum sponderent; sed omnis quæstus in solo ferè infantium Baptismo, post quem non pauci continuè emoriebantur, consisteret. Ab his transitu capto A. 1621. majore proventu spe ad Puranos, ibi deinceps, & apud Urvajæ populos, ac Tape montanis, per diu elaboravit ad annum usq; 1644. fundandis Reductionibus, mansuefaciendis barbaris, in fame & siti, in algore & æstu, multas ab infidelibus contumelias & verbera perpeffus, crebra vitæ pericula per lapsus è montibus & naufragia, veneficorum insidias, Paulopolitanorum incursiones & duram captivitatem, à quibus despoliatus omnibus ægre vivus evasit. Neque attinet innumera-biles animarum fructus ex tantis consecutos laboribus recensere, quorum mirifico proventu permoti Superiores, eum præ omnibus ad ordiendam inter Itatines, & plurimos circum populos adhuc inaccessos intentatōsque Missionem designavere; eò propensiore illius animo, quòd eodem tempore, quo ea Provincia ipsi in Tucumanis Cordubæ à Provinciali designabatur, ipse longissimè in Paraquaria diffusus, eam sibi demandari per literas obnixè flagitabat.

Igitur incredibili gaudio ad gentes illas convulsas & dilaceratas profectioem exorsus, comitantibus P. Justo van Sverck, & Matthæo Fernandez, peritissimo linguarum barbararum interprete, 13. Februarij An. 1645. ad primum Itatinorum vicum appulit, festo tympanorum crepitu, aliisque lætitiæ signis exceptus. Primà istic Reductione institutà sub nomine S. Barbaræ, priusquam intimas profundæ barbariæ nationes peteret, P. Justum ad reddendam Moderatoribus successuum rationem, & sollicitandas plures in messem operas remisit. Ipse interim vicinam demereri gentem, per quam patefaciendus ad ulteriora aditus erat, omni arte connisus, internuncio ejusdem gentis cui Quiracuerayo nomen erat, ad conficiendum negotium utebatur. Sed homo perfidus, qui ad conciliandos Patri suorum popularium animos mittebatur, eorum è contrà arma quantum potuit in ejus necem sollicitare studuit, eò proniore successu, quò vetustiore Christianorum odio ardebant Caciquij, pellicibus suis spoliari lege Christianà metuentes: interque eos primarius Mborosenno dictus,

veneficiorum artibus summam in ea gente omnia pro arbitratu agendi auctoritatem nativus. Is non ex vano veritus hanc suam auctoritatem per Patrem, si admitteretur ejus doctrina, excidere, simulato Patris consalutandi consilio, 40. circiter sui sceleris populares armatos secum trahit, atque ad 21. Martij haud longè à vico confidens, Patri significat, die postero ad salutationis officium, si placeat, cum suis accessurum. Suspiciosus plerisque videbatur sic instructorum adventus, & nonnemo Patri asseruit vitam haud dubiè ipsius eo armorum apparatu peti. Sed Pater, quæ erat animi constantia, *interimant*, respondit, *ut lubet in tali causa*. Postridie benè manè cum illi adventarent, periculi certissimò ab illis in caput suum parati iterum Pater admonetur: sed ille vetitis suis arma ad sui defensionem capere, ultro illis obviam hilari vultu procedit, explicatque adventus sui in eas terras consilium & emolumenta. Interim iisdem per amicorum mapalia distributis, ipse ad faciendum Sacrum parabat ire, at Jucambij primi agminis ductor, *agite*, exclamat, *Socij percutite*: & è vestigio Cherumbij designatus cædi faciendæ, macanam utraq; manu elatam in alterum Patris humerum vi validà librat; cumque Pater ictu percussus JESUM inclamaret, semel atque iterum in caput ictum iterat, humique sternit. Cæsus cum eodem est Gonzalus Indus Christianus, & Matthæus Fernandez, fidissimus multis annis Sociorum comes, cui tertius jam Provincialis copiam Societatis ingrediendæ fecerat pro mortis articulo, quoquo illum hic tempore, vel loco deprehenderet. Quia verò lethaliter quidem prostrato Patri adhuc erat anima super, redintegrato in eum furore barbari linguam sub mento radicitus eximunt, præcordia diffundunt, abscissos manuum digitos ventri imponunt, ac demum guttur cultro præscindunt, A. 1645. ætatis 60. 22. Martij. Digressis cum direpta Patris supellectile barbaris, quem inermes, & à Patre insuper inhibiti tueri vivum non poterant, humavere cum luctu & lacrymis Itatines: & Socij læto per omnes Paraquariæ Reductiones & Collegia camparum tinnitu, ac hymno Ambrosiano celebravere.





P. Isaacus Jogues Gallus Soc. IESV post evulsos ungues, praeclisos et prae-morsos articulos, innumera tolerata pro Christo ab Hurois supplicia et arumnas, feratâ clavâ caesus, et capite plexus in Canada apud Huronios 18. Octobris C.S. d. A. 1646. M.K.f.

## P. ISAACUS JOGUES.

**V**erissimum Patientiae, & in proximum Charitatis portentum. P. Isaacus Jogues, natus fuit Aurelijs in Gallia, eâ solâ spe Societatem 22. ætatis anno complexus, ut transmigrandi ad barbaras nationes, plurimâque illic perpetiendi haberet occasionem. Et primò quidem ardentissimè Missionem inter Æthiopas sollicitavit; sed eâ spe dejectus, totum se in Canadam ambiendam itâ constanter transtulit, dum denique tertio Theologiæ audito anno, sæculi autem 1636. impetravit: Patronum suum hujus & postulationis & expeditionis adsciscens Carolum Spinolam, ejus pro Fide in Japonia

exulti effigiem semper in sinu circumferebat. Est autem Canadae Americae Septentrionalis ora barbaris frequentata mortalibus, quam à Francis primùm aditam, ideo novam Franciam appellavêre. Natio multiplex est, omnes cultu agrestes, atque egentes omnium quæ ad vitam sunt, populi invicem infidi, & perpetua bella gerentes, tam inani quidam in bello captos odio, ut ubi in eos crudeliùs omni belluâ sævierint, tandem necatos horrendâ ingluvie devorent. Et hic ferè solus bellandi scopus & fructus est, cum vix alia præda raptoribus suppetat. Inter hos prima natio Huronum adeuntibus occurrit, Gallicis armis subacta, & Fide Christianâ mitigata. Huc



Huc appulsus Isaacus, paucos post dies in mediterranea iter periculosissimum suscepit, pueri insuper decennis secum deducendi curâ impositâ: quem in via ægritudine correptum, suis ipse plerumque humeris per intercurrentes fluvios, & ingentia montium præcipitia vectare coactus est. Iter 20. dierum fuit, quibus vix semel in die modicâ frumenti Indici farinâ, aquæ commistâ, refici dabatur, somnûsq; nudâ in humo capiendus erat. Hæc Apostolicæ militiæ rudimenta 40. circiter dierum excepit ægritudo, solâ patientiâ, & voluntatis cum DEO conformatione superanda, quando nulla medicamentorum, aut eduliorum commoditas suppetebat, & vix straminis modicum ad cubile. Sex annis Hurones excoluit incredibili diligentia & fervore: quo tempore singularis potissimum in eo visa est animi demissio, quâ se omnibus postponens, vilissima semper munia ambiebat, & hæc studiosè per omnem vitam aucupaturum se voto etiam speciali sanxerat. In venerando Eucharistico DEO erat inextinguibilis, hinc totas sæpe noctes ante illius tabernaculû genuflexus perfutisse notatus est.

Anno deinde 1642. visum est re Christiana unum è Patribus Quebecum mittere, qui princeps ejus oræ Gallorum vicus est, 300. circiter leucas ab Huronibus in mediterranea remotus, licet viæ crudelissimorum Hiocensium insidijs infestæ essent. Hi enim inter omnes eas nationes efferratissimi, & à Batavis fœdere sibi conjunctis, bombardis aliisque Europæis armis instructi, implacabiliter Hurones & Gallos persequuntur. Paulò antè P. Isaacus ante venerandam Eucharistiam prostratus, ardentissimè efflagitabat aliquam sibi dari copiam duri quidpiam pro Christo perferendi: & percepit intimum à DEO responsum: *exaudita est oratio tua: fiet tibi sicut petisti; confortare & esto robustus.* Et ecce continuò Pat. Hieronymus Lallemant Missionis Huronicæ Præpositus, profectiorem ei Quebecanam defert, ad quam discriminis plenissimam ut se debitè compararet, 8. dierum Exercitia cum generali totius vitæ exomologesi præmisit. Quæ tam accurata veluti ad certam lanienam properantis dispositio, quàm necessariò adhibita fuerit, ità ipse calamitates suas, multis mortibus graviores, in sua ad Patrem Provinciale latina Epistola describens, fusè enarrat.

Reverende in Christo Pater,  
Pax Christi.

Volenti mihi ad R.V. scribere, quânam linguâ id facerem primum dubium fuit.

Utriusq; enim sermonis post tam longam intermissionem penè oblitus, tam in uno, quàm in altero difficultatem patiebar. Verùm hæc me duæ rationes, & quòd liberiùs Sacræ Scripturæ verba usurpare potero, quæ mihi maximo solatio semper fuerunt in tribulationibus, quæ invenerunt me nimis; & quòd minùs communem cupio esse hanc epistolam nostram, minùs communi sermone ut scriberem impulerunt. Dabit veniam eximia illa vestra Charitas, quæ peccatorum nostrorum multitudinem aliàs cooperiebat, si quid sit ab homine, jam ab annis octo, usu, consuetudine, imò nunc habitu & vestitu barbaro, contra leges officij aut sermonis peccatum; plus timeo, nè imperitus sermone sim etiam & scientiâ, nec noverim tempus Visitationis meæ, meminerimq; quam mihi hic à DEO impositam personam sustineam, & prædicantis Evangelium, & Jesuitæ, & Sacerdotis. Hoc me impulit ut ad R.V. scriberem, ut si fortè hæc epistola in ejus manus veniret aliquando, mihi dura in Regione jacenti, inter Irokeos, & Maquoas, suis SS. Sacrificijs, & totius Provinciæ suæ orationibus optularetur. Quod (spero) impensius faciet, ubi ex lectione istius viderit, & quantum Deo debeam, & quàm opus habeam piorum virorum precibus, in quibus scio mihi magnum præsidium esse constitutum.

Ex Huronibus solvimus 13. Junij anni 1642. navigiola quatuor (Canoas vocant) animæ 23. in quibus eramus Galli num. quinque. Iter istud per se difficillimum, cum propter multa, tum propterea, quòd 40. in locis & Canoæ, & sarcinæ humeris ferendæ sunt, periculis plenum reddebat hostium metus, qui singulis annis vias ad Gallos obidentes, multos captivos abducunt, propiusq; nihil factum fuerat anno superiori, quàm ut Patrem Joannem de Brebeuf interciperent. Accedebat de novo, quòd cum recens duos Gallos captivos abduxissent, posteaque incolumes ad suos reduxissent, pacem à Gallis, sed iniquis conditionibus petentes, hostilitérque postea segerentes, tormentorum explosione fugati pronunciaverant, si aliquem deinceps Gallum captivum caperent, fore ut eum ad modum cæterorum captivorum diris tormentis excruciatum, vivum lento igne comburerent.

Hæc omnia cum sciret obedientia non ignara periculorum, quibus nos objiciebat, hujus itineris ad Dei gloriam omnino necessarii, ità mihi curam demandavit, ut si nollem, non susceperem. Ego verò non contra-



dixi, nec retrorsum abij; sed hanc mihi ab Obedientia & Charitate impositam provinciam lubens volensque suscepi; quam si abnuissem, in alium rejecissem multò me meliorem. Igitur ex Sancta Maria Huronum solventes, post varium hostium metum, diversa pericula, jacturas & naufragia, trigésimo quinto à discessu nostro die, salvis animabus, ad Conceptionem B. Virginis appulimus. Hæc est Gallorum habitatio seu Colonia, trium fluminum dicta, à vicino sibi flumine pulcherrimo, quod tribus ostijs se in magnum S. Laurentij fluvium exonerat. Gratijs Deo actis, tum ibidem, tum Quebeeci dies subsistimus circiter quindecim.

Peractis negotijs quæ nos illuc adduxerant, celebratòque S. P. N. Ignatij festo, 1. Augusti nos rursus itineri Huroniam versus committimus. Secundus à discessu nostro dies illuxerat, cum summo manè socijs nostris aliqui recentia in littore vestigia conspiciunt: cumque ex his aliqui inimicorum, alij amicorum esse contendunt, Eustachius Ahatstiar, cui omnes ob egregia in bello facta primas deferrebant, hostium, inquit (sint licet in ijs fortissimi) quantum ex vestigijs conjicio, non amplius quam tres Canoæ sunt, nos verò eo sumus numero, qui talem hostium manum non pertimescamus: eramus autem circiter 40. aliqui enim se nobis adjunxerant, Igitur cœptum prosequentes iter, vix milliare unum confeceramus, cum in hostes incidimus, qui nos partito agmine ex utraque fluminis ripa opperiebantur 70. numero, Canoæ 12.

Hi in herbis & arundinibus latitantes, ubi ad eum locum pervenimus, in quo nobis insidias paraverant, bombardas, quas satis magno numero habebant, exploserunt, occiderunt tamen neminem. Ad primos bombardarum ictus Hurones penè omnes, relictis Canois (ad littus enim, quod medio in alveo concitator sit amnis, adnavigabamus) concitatà fugà se in penitissimas sylvas abdiderunt. Relicti igitur nos Galli quatuor cum paucis, partim Christianis, vel Catechumenis, præmissa ad Christum oratione hosti resistimus. Sed cum pauci, id est vix duodecim aut quatuordecim, cum triginta confli-gimus, obruimur numero: pugnamus tamen, donec videntes socij nostri alias Canoas ex adversa fluminis ripa sibi imminere, animis cadentes aufugerunt. Tunc Gallorum unus, qui inter primos decertabat. Renatus Goupil nomine, & aliqui ex Huronibus capti sunt. Ego autem hæc videns, nec fugere

volui, nec potui; quò enim nudis pedibus fugissem? potuissè me Gallorum unum, aliosque Hurones jam captos, aut capiendos non baptizatos relinquere? Itaque cum hostes, ut fugientes insequerentur, me in loco ubi pugnatum fuerat stantem præterisissent, unum ex his qui ad captorum custodiam remanserant, advoco, moneoque me captivum captivo Gallo adjungat, velle me sicut itineris, ita etiam periculorum & mortis ipsius esse socium; ille vix credens, multumque sibi timens accedit, meque jam captivis conjungit.

Tum ego; charissime mi frater, mirè nobiscum egit Deus! sed Dominus est, quod bonum est in oculis suis, hoc fecit; sicut ipsi placuit, ita factum est; sit nomen ejus benedictum: ipsique absolutionem post Confessionem impertiens, mox ad Hurones captos accedens, ipsos singillatim instructos baptizo, & ut novi semper à fuga retrahebantur, novus mihi semper labor incumberebat. Tandem & adductus Eustachius Ahatstiar dux ille egregius Christianus, qui ubi me vidit: Enimvero tibi sanctè juraveram (mi frater) fore ut tecum aut viverem, aut morerer. Quid ad hæc responderim nescio, adeò animum meum mœror contraxerat. Novissimè & ex fuga retractus Guilielmus Constore, qui mecum ex Huronibus discesserat. Is ubi turbata vidit omnia, cum alijs in sylvam aufugerat, & ut est adolescens non solum egregij animi, sed etiam corporis dotibus insignis, maximèque agilis, longissimè aberat ab hostibus: cum se circumspiciens, meque non videns, egone, inquit apud se, charissimum Patrem meum captum à Barbaris deferam, & sinè ipso aufugiam? minimè verò; tum eadem quæ fugerat viâ rediens, se hostibus capiendum objicit. Qui utinam aufugisset, nec miserorum auxisset numerum! nam hac in re non est consolatio habere pares, potissimum ex his, quos sicut te ipsum diligas. Sed tales sunt homines, sæculares licet, qui nullo intuitu terrenæ mercedis Deo & Societati apud Hurones deserviunt. Quæ & quàm gravia passus fuerit, difficile est cogitare. Ipsorum enim odium in Gallos omnes, & maximè in ipsum, à quo sciebant ex præcipuis unum in pugna interfectum, exarserant. Primò igitur ipsi vestimentis omnibus nudato, ungues omnes mordicus abstulerunt, digitos dentibus contriverunt, & ensen latissimè per mediam manum dextram adegerunt; quem dolorem licet acutissimum, memor vulnèrum Domini Nostri Jesu Christi, magno gaudio, ut ipse postea mihi referebat, sustinuit. Ut ergo ipsum



ipsum sic nudum & ligatum vidi, continere me non potui, sed relictis custodibus meis, per medios hostes, qui ipsum adduxerant, ipsum sum amplexatus tenerimè, monuiq; hæc omnia Deo ut offerret, in suum, & eorum à quibus hæc patiebatur emolumentum. Mirari primò Barbari quæ faciebam, deinde quasi resumpto spiritu, & collectâ rabie, me pugnis, vectibus, & clavâ percussum, semianimem abjecerunt. Reductus ergo à duobus ad eum locum in quo priùs eram, vix respiraveram, cum alij advenientes mihi etiam ungues penè omnes mordicus avulserunt, indices duos dentibus mihi contriverunt ingenti doloris sensu. Idem Renato Goupil fecerunt, intactis reliquis omnibus alijs Huronibus captivis.

Ubi omnes ex fuga redièrè, in qua Hurones duos occiderunt, nos in aliam fluminis partem trajiciunt, ibique duodecim Canoarum prædam inter se partiuntur, multam nimis: & nos quidè in ijs præter id, quod Gallorum unusquisque secum habebat, viginti sarcinas habebamus, in quibus & sacra suppellex, & vestes, & libri, & alia id genus continebantur, divitiæ sanè multæ, habitâ ratione nostræ apud Hurones paupertatis. Dum prædam partiuntur, reliquos non baptizatos planè instructos baptizo, atque inter alios grandævum senem octuagenarium, qui jussu Canoam conscendere ut cum alijs abduceretur, quonam, inquit, ibo grandævus senex, in terram longinquam & peregrinam? minimè verò: hîc moriar. Itaque cum discedere recusaret, in eo loco, ubi recens baptizatus fuerat, est interfectus.

Latè igitur clamore complentes omnia, quasi victores qui exultant captâ prædâ, nos captivos viginti duos, præter tres quos interfecerant, abducunt in terram suam. Multa sanè DEI gratiâ passi sumus in illo itinere, quod dies triginta octo nos tenuit, & famem, & æstum, & minas, sæva Barbarorum odia, & ex plagis nostris non curatis & putrescentibus, imò vermes producentibus, acres doloris sensus; sed nihil mihi magis durum videbatur, quàm cum post quinque aut sex dies viâ lassos accederent, sedato jam ab iracundia animo, nobisque frigidè capillos & barbam evellerent, unguesque quos acutissimos habent, in partibus teneris, & ad levissimæ punctationis sensum mollioribus, altè infigerent. Sed illa externa: multò me magis interna movebant, cum nimirum videbam funebrem illam Christianorum pompam traduci ante oculos meos, in quibus erant quinque

veteres Christiani, præcipua nascentis Huronicæ Ecclesiæ columnina.

Certè ut ingenuè fatear, semel aut iterum lachrimas tenere non potui, illorum & sociorum meorum vicem dolens, & multum sollicitus expectatione futurorum. Videbam enim ab Iroqueis istis Fidei Christianæ apud Hurones, & alias innumeras nationes intercludi aditus, nisi peculiari quâdam divinæ dispensationis providentiâ obviaretur.

Octavus dies venerat, cum in turmam ducentorum Barbarorum advenientes, qui ad bellum proficiscebantur, & ab Domino Governatore novæ Franciæ Præfecto, Carolo de Montmagnij Equite Melitenfi, fugati sunt, duobus ex ipsis occisis, pluribus vulneratis, licèt multis partibus numero plures essent. Et quia solemne est Barbaris ad bellum euntibus crudelitate quasi præludere, tantò se feliciores futuros credentes, quantò fuerint crudeliores, hac ratione nos exceperunt. Primò Soli gratias agentes, quem bellis præesse credunt, festâ catapultarâ explosione suis gratulati sunt. Tum eorum unusquisque ex primo saltu baculos decerpere, quibus nos exciperent. Ubi igitur exscensionem ex Canois fecimus, in nos hinc & inde duas divisi in turmas fustibus ità desævierunt, ut ego qui omnium postremus eram, ac proinde magis eorum verberibus expositus, medio in itinere, quod nobis ad collem, in quo theatrum construxerant, faciendum erat, ictuum multiplicitate & atrocitate obrutus corruerim. Sub illis brevè me moriturum credebam: itaque partim quia non poteram, partim quia negligebam, non surrexi, donec diu multumq; in me sævitum est; ille scit, pro cuius amore & gratiâ hæc pati & jucundum, & gloriosum est. Tandem crudeli misericordiâ moti, volentes me vivum in suam terram deducere, à verberando cessârunt. Itaque semianimis in theatrum illatus sum, totus respersus sanguine: fortè enim mihi inter alios ictus aliquos in facie dederant, qui indusium meum, quod solum mihi reliquum erat, totum sanguine repleverunt. Vix respiraveram, cum jusserunt ut descenderem, mèque probris & contumelijs onustum, innumeris etiam alijs ictibus in capite, in collo, & reliquo corpore onerârunt. Longus essem, si, quæ nos Galli pertulimus, vellem singula recensere: mihi digitum unum combusserunt, alium dentibus contriverunt, alios jam contritos disruptis nervis contorserunt, ut etiam nunc utcunque sanati, sædè deformati remanserint.



Nec verò multò potior fuit sociorum meorum conditio. Verùm nostri curam gerere Deum, & nos probare potiùs quam abjicere, hoc declaravit: inter Barbaros sanguinem & crudelitatem spirantes, unus ad me vix pedibus insistentem accedit, unaque manu mihi apprehensas nares, altera cum ingenti cultro eas parat abscindere. Quid facerem? Ego qui me brevì lento igne comburendum credebam, immotus Deo meo gemens interiùs ictum expecto: cùm divinà quãdam vi repressus, manum in ipsa abscissione sustinuit. Interposita quasi quartâ horæ parte ad me iterum accedit, seque timiditatis quasi & ignaviae damnans, idem facere apparat: cùm simili invisibili quãdam potestate retentus abscessit, bis lassæ cecidèrunt manus. Quòd si perfecisset quod habebat in animo, actum erat de me: cùm non soleant ita mutilatis vitam dare. Tandem serà sub nocte, & omniù postremus ad eos, qui me abducebant, reductus, sinè cibo, quem jam vix à multis diebus attigeram, reliquam noctem non sinè magno doloris sensu transegi. Verùm hæc omnia multò acerbiora fecerat in Christianos Hurones penè similis, & in Eustachium major crudelitas: ipsi enim utrumque pollicem ademerant, & per resectum sinistræ pollicem præacutum baculum ad cubitum usque crudeliter adegerunt, quod quidem generosè & Christianè admodum pertulit. Sequenti die in alias Canoas incidimus, ad bellum itidem euntes, qui socijs nostris digitos aliquos absciderunt, non sinè magno omnium nostrum timore.

Tandem decimo die sub meridiem Canoas reliquimus: & reliquum iter, quod quatuor dies tenuit, pedites confecimus. Ad solitas itineris molestias novus ferendarum sarcinarum labor accessit, quanquam hac in parte mecum satis remissè actum est, & tum quia non poteram, tum etiam quia dedignabar (ego enim in captivitate, & morte, altis spiritus gerebam) leve onus mihi ferendum datum est. Augebatur tamen fames ex majori semper penuria ciborum. Itaque totum triduum traduxeramus: quarto verò die, quo nobis ex pago obviàm ventum est, nihil præter paucos fructus, quos semel in via collegimus, comedimus. Et quidem ego, cùm initio itineris ex Canoas nostris suppeterent cibi, ferè comedere neglexeram, ne nimis robustum & vegetum corpus igni & tormentis traderem (quæ enim infirmitatis meæ sunt, libenter fatebor) ubi verò jejunijs exhaustum corpus cibos expetijt, nullos reperit

præter aquam; secundo enim die, cùm de via lassì essemus, lebetem igni exposuerunt, quasi cibum parare vellent, sed ex sola paululùm tepesacta aqua, unicuique quantum voluit bibendi facta est potestas.

Tandem decimo octavo die, qui in vigiliam Assumptionis Beatæ Mariæ Virginis incidebat, ad primum pagum Irokenium pervenimus. Gratias ago Domino nostro Jesu Christo, quòd eo die, quo orbis Christianus de Assumptæ in Cœlos Matris suæ gloria lætatur, nos in partem aliquam & societatem dolorum & Crucis suæ vocavit. Et quidem illum diem in via semper nobis acerbum & funestum fore prævideramus, quem diem quidem, sicut & ignem vitare Renato Goupil, & mihi facilè fuit: sæpe enim nullis ligati vinculis longè à ductoribus nostris sera sub nocte divertere potuimus, & si ad nostros minime redire, saltem in sylvis mitiùs mori. Sed ille hoc facere recusavit, & ego extrema quæque potiùs pati volui, quàm Gallos, & Christianos Hurones in morte derelinquere, eosque consolatione illâ, quam Sacerdos potest impertiri privare. Vigiliâ igitur Assumptionis, circa horam tertiam ad amnem illorum Pago vicinum pervenimus. Nos ex utraque fluvij ripa præstolabantur tum veteres captivi Hurones, tum Irokei; & illi quidem pro salute, nos lento igne comburendos vivos admonuerunt; hi verò nos baculis, pugnis, & lapidibus exceperunt: ac ut rarum & rasum capillitium oderunt, ita illa tempestas in me, & nudum caput meum potissimum desævijt. Reliqui mihi erant duo ungues, hos mihi mordicus avulserunt, subjectamque carnem acutissimis suis unguibus ad ossa usque denuclârunt. Ubi satis ad fluvij ripam illorum crudelitati datum est, & ludibrio patuimus, nos ad illorum pagum in edito colle positum deducunt. Ante Pagum nos totius regionis juvenus fustibus armata hinc & inde ex utraque viæ parte expectabat.

Nos autem scientes, quia si nos eximeremus à numero flagellatorum, eximeremus etiam à numero filiorum, Deo nostro paternè sævienti, ut in nobis tanquam in filiis suis complaceret sibi, prompto animo nos obtulimus. Hunc autem ordinem servârunt: in fronte turmæ Gallum unum nudum omnino, etiam sinè subligaculo constituerunt: Renatum Goupil in medio; ego omnium novissimus postremum agmen claudebam: & quidem Renato & mihi indusia reliquerant, & femoralia. Inter nos & Hurones captivos, medij sese infuderunt Hirokenses, & ut cursum



sum remorarentur, & plus temporis & otij darent, nos ab invicem separatos diverberandi. Diu & sanè immaniter supra dorsum nostrum fabricaverunt peccatores, non baculis tantum, sed etiam virgis ferreis, quibus ob Europæorum vicinitatem abundant; imò unus inter primos masâ ferreâ pugni crassitudine è fune pendulâ tam validum mihi, sicut & socijs, ictum impegit, ut semianimis corruissem, ni similis iterationis metus vires mihi & animos addidisset. Longam igitur viam sub tam immani verberum grandine decurrentes, vix ad theatrum in medio Pago exstructum pervenimus. Et quidem cum cujuscunque nostrum miserabilis esset facies, certè Renati inprimis. Is ut erat minimè agilis, & in currendo celer, tam multos ictus ad corpus universum, sed maximè in faciem sustinuit, ut nihil in vultu præter album oculorum appareret; eò nimirum formosior, quò ei similior, quem pro nobis vidimus sicut leprosum & percussum à Deo, in quo non erat species neq; decor. Vix in theatro respirationi datus erat locus; cum unus grandi fuste ter ictus nobis Gallis in nudata dorsa impegit; mox barbari cultros promere, theatrum conscendere, & multis è captivis digitos amputare cœperunt: & quia quò captivus aliquis plus habet dignitatis, plùs eorum crudelitati patet, à me, quem inter Gallos & Hurones, tum ex ipsorum relatione, tum ex mea agendi ratione eminere videbant, initium fecèrunt. Ad me ergo senex unus accedit cum muliere; is illam, ut pollicem mihi abscindat, monet: illa initio reluctatur, tandem ter quaterq; à sene id facere quasi compulsâ, sinistrum pollicem, quâ manui committitur, adimit. hæc mulier Algonquina erat, id est, ex ijs barbaris, qui prope Gallos in nova Francia habitant, & ipsa paucos ante menses capta, & Christiana, Ioanna nomine. Certè jucundum est te talia ab ijs pati, pro quibus moreris, & quos nè hostium visibilium & invisibilium crudelitati expositos relinquant, eligis potiùs extrema quæque pati. Tum ego resectum pollicem manu alterâ capiens, illum tibi Deo meo vivo & vero obtuli, memor Sacrificiorum, quæ tibi per septennium in Ecclesia tua obtuleram; donec monitus ab uno è socijs meis, id facere desisterem, nè illum mihi in os ingestum crudum comedere me cogerent, nescio quò abjectum in theatro reliqui. Renato dextrum pollicem ad primam commissuram absciderunt. Gratias Deo, qui dextrum pollicem mihi relictum

voluit, ut hæc epistolâ possem rogare RR. PP. & FF. meos, ut pro nobis fiant SS. preces, postulationes, & orationes, in sancta Dei Ecclesia, cui scimus nunc duplici novo titulo nos esse maximè commendatos, cum illa sæpe oret pro afflictis & captivis.

Postera die, quæ erat Assumptionis B. Virginis, ubi matutinum tempus in theatro transegitur, circa meridiem nos in alium Pagum, duobus milliaribus à primo illo distantem, deducunt. Sub discessum, qui me adduxerat Barbarus, dolens sibi perire indusium meum, nudum me omnino, excepto malo & veteri subligaculo, dimittebat; cum me sic nudum circumspiciens, enimvero mi frater, dixi, me sic nudum dimittis, tu qui tam multa ex nostris rebus lucratus es? Ille misericordiâ motus, ex tela cannabina, quibus sarcinæ nostræ involvebantur, tantum mihi dedit, quantum tegendis humeris, & parti corporis sufficeret. Sed tot plagis & verberibus exulcerati humeri, crudum illud & rude textum sustinere recusabant: itaque in via dum me malè, aut omnino non tegit, accedente ardentissimo solis æstû, pellis mea quasi in clibano aruit, & quæ collum, humeros, & brachia vestiebat, paulò post arefacta decidit. In ingressu secundi Pagi illius, præter consuetudinem, quæ fert, ut captivos baculis semel excepisse sufficiat, à verberibus minimè temperarunt: nimirum Dominus cum Apostolo suo, qui se ter virgis caesum gloriatur, nos aliquam hac in parte similitudinem habere voluit, & licet multò paucioribus, quàm antea nos exceperint, eò tamen atrocioribus, quò qui id faciebant, à circumfusa multitudine liberiores, meliùs ictus suos metiebantur, quorum aliqui in anteriores tibiæ partes magno nostro dolore impacti sunt.

Reliquum diei in theatro, noctem in tugurio super nuda humo, nudi & vinculis alligati transegitur, & ut omnis sexus, ita etiam omnis ætas nos exercuit: pueris enim & adolescentibus illudendi traditi sumus, qui carbones, fervidos cineres in nudata corpora injiciebant, quibus mederi nobis ligatis erat difficile; sic nimirum rudimenta ponunt crudelitatis, & per minora ad majora consuescunt. Duos ibidem dies, & totidem noctes, sinè ullo penè cibo & somno traduximus, maximo animi mei interno angore. Subinde enim theatrum conscendebant, qui ex socijs meis Huronibus digitos amputabant, durissimos funes circa pugnos tantâ vi contorquebant, ut in deliquium deciderent animi;



animi; & dum sua quemque tantum, me omnium clades premit, tanto dolore sum affectus, quanto par est credere amantissimi parentis viscera, filiorum suorum (hos enim omnes, paucis exceptis veteribus Christianis, per Baptismum recens in Christo genueram) casibus commoveri.

In his tamen satis virium mihi dabat Dominus, ut & Gallos, & Hurones, qui in pressura erant, ego ipse in pressura possem consolari. Itaque sicut in via, ita & in theatris, ubi molesta illa salutantium turba defluerat (sic enim eos vocant, qui in captivos in adventu deserviunt) modò singulos, modò universos adhortor, patientiam retineant, non amitterent confidentiam, quæ magnam haberet remunerationem; meminissent, quia per plures tribulationes oportet nos intrare in regnum Cælorum: advenisse nimirum tempus, nobis à Deo prænunciatum, cum dixit: plorabitis, & flebitis vos, mundus autem gaudebit, sed tristitia vestra vertetur in gaudium: parturienti mulieri nos esse similes, quæ cum parit, tristitiam habet, quia venit hora ejus, cum autem peperit, non meminit pressuræ propter gaudium, quia natus est homo in mundum; ita sibi persuaderent, fore ut post dies paucos, momentaneos istos dolores gaudia æterna exciperent. Et certè mihi jure latandum erat, cum eos tam bene paratos conspicerem, atque inprimis veteres Christianos, Josephum, Eustachium, & reliquos duos. nam Theodorus illo die, quo ad primum Pagum pervenimus, se vinculis exemerat; sed quia in pugna clavâ catapultæ humerum unum illi fregerant, medio in itinere, cum ad Gallos se reciperet, occubuit.

Nusquam hætenus captivos Gallos, nusquam Christianos barbarica theatra conspexerant. Itaque præter morem, ut omnium curiositati satisfaceret, per omnes Pagos traducti sumus. Tertium quidem pacificè sumus ingressi, sed in theatro spectaculum vidi omni supplicio acerbius: quatuor nimirum Hurones, quos alij alibi captos illuc adduxerant, aucturos numerum miserorum. Et his quidem omnibus, præter cætera, digitos aliquos, & seniori utrumque pollicem ademerant. His me adjungens, ubi eos seorsim de rebus Fidei nostræ instruxi, duos ex his in ipso theatro ex pluvia, quæ soliis Turcici frumenti inerat, cujus culmi nobis masticandi dabantur; reliquos duos, cum in alium Pagum deduceremur, ex prætereunte rivulo baptizavi. In hoc Pago, de

pluvioso in frigidum converso cælo, nudi ut eramus, frigoris multum sustinimus. Itaque in theatro sæpe frigore contremiscens, etiam injussus descendebar, tuguriūque aliquod ingressus, in eo vix paululum me calefeceram, cum theatrum iterum conscendere jubebat. Nullum adhuc Guilielmo Cousture digitum absciderant: id molestè ferens unus ex eo Pago, indicem dextrum in medio ipsi eò majori doloris sensu amputat, quò ad id non cultro, sed conchâ quorundam conchiliorum, quibus abundant, ferræ in modum utitur; quæ cum nervos, propterea quòd duri & lubrici erant, abscindere non posset, ipse tantà vi attraxit, ut disruptis nervis brachium patientis usque ad cubitum, scedè intumuerit. Aliquis misericordiâ illum domi suæ toto illo biduo, quo in Pago substitimus, continuit, me quid de illo factum esset ignaro, & plurimum sollicito.

Nox advenerat, cum in tugurium admissi sumus, in quo nos juvenus præstolabatur. Hæc ubi ut cantaremus, sicut solent ceteri captivi, imperavit, tandem (quid enim aliud faceres?) cantamus, sed de Canticis Domini in terra aliena. Post cantus ventum est ad cruciatus, & quidem in Renatum & me pars illius procellæ deservijt: nam Guilielmum Barbarus Domi suæ asservabat. In me igitur, sed magis Renatum, fervidos cineres, ardentes carbones injecere: cumque in pectore graviter combusserunt.

Me autem medio in tugurio, hinc & inde ad duos palos, cubitum inter & humeros sublimem alligârunt duris corticibus, quos in funes ex arboribus depexunt. Tunc me comburendum credebam; sic enim solent agere cum id faciunt. Et ut scirem, quia si quid fortiter, si quid patienter hætenus sustinuissem, id non à me, sed ab eo esse profectum, qui dat fortitudinem lassis, in eo supplicio quasi mihi redditus, ingemui (libenter enim gloriabor in infirmitatibus meis, ut inhabitet in me virtus Christi) & propter ingentem dolorem tortores meos rogavi, paululum de vinculorum asperitate remitterent. Sed justè faciebat Deus, ut quòd plùs eos rogarem, eò plùs illa astringerent. Tandem ubi quartam circitèr horæ partem in illo statu fui, me brevè deliquium passurum animi, vinculis exemerunt. Gratias tibi ago Domine Jesu, quòd aliquà levi experienciâ didici, quantum pro me in Cruce pati dignatus es, cum non in funes, sed in manus pedesque tuos durissimis clavis perforatos, totius tui sacratissimi corporis pondus incumbere.



beret. Priora illa vincula, alia consecuta sunt: nos enim ut reliquum noctis transigerent, humi colligârunt. Quæ & qualia nobis sic ligatis non fecerunt Huronibus socijs meis? quæ & qualia mihi facere non tentarunt? Sed iterum gratias ago tibi, Domine mi, quod me Sacerdotem tuum, purum semper ab impuris Barbarorum manibus servaveris. Ubi duos dies itidem in illo Pago degimus, nos in Pagum illum, quem secundum ingressi eramus, ut tandem de nobis statueretur, deducunt.

Jamq; septimus dies venerat ab eo tempore, quo de Pago in Pagum, de theatro in theatrum deducebamur, spectaculum facti Deo & Angelis, ut de divina bonitate par est credere; hominibus autem, & vilissimæ barbariei ludibrium & illusio; cum tandem moniti sumus, fore ut dies ille vitam nostram incendio concluderet. Certè etsi aliquid horrois habebat extremus ille actus, illum tamen lætorem reddebat beneplacitum Dei, & melioris, nullisque peccatis obnoxia vitæ expectatio. Itaque tum Gallos, tum Hurones socios meos extremum allocutus, bono animo esse rogavi: in corporis & animi sui doloribus recogitare eum, qui talem à peccatoribus adversus semetipsum sustinisset contradictionem, ut non fatigarentur animis suis deficientes; sperarent, quod crastinus dies nos Deo nostro in æternum regnatos adjungeret. Et quia verebamur, nè ab invicem abstraheremur, Eustachium maxime monueram, ut cum unà esse minimè possemus, me intuens, admotâ pectori manu, & sublati in cælum oculis, se de factis suis dolere testaretur, ut illi absolutionem, quam sæpe in via, & ab adventu nostro post Confessionem dederam, etiam tunc impertirer: quod non secus ac monitus fuit pluries præstitit. Verùm maturius re consideratâ, censuerunt seniores, nihil in hac re Gallorum esse præcipitandum, nosque in Concilium ubi advocârunt, vivere pronunciarunt. Reliquis item Huronibus penè omnibus vitam dedere; tribus exceptis, Paulo, Eustachio, & Stephano, quos tribus in Pagis, qui nationem istam constituunt, occiderunt: Stephanum in eodem quo eramus Pago, Andagorân appellant; Paulum in alio, Ossernenon; Eustachium, Teonontogen. Et Eustachio quidem, ubi eum toto penè corpore ustulârunt, cultro cervices amputârunt; quæ omnia Christianè admodum pertulit; cumq; soleant captivi alij moriendo cum illa dicere, Exoriare aliquis nostris ex ossibus ultor; ille

contrà Christiano spiritu, quem à Baptismo altè imbiberat, astantes Hurones concives suos rogavit, nè ipsius consideratio, stabilis eundem cum Irokeis illis paci officeret. Paulus Ononhoraton qui in Pago Ossernenon dicto, post solitas ustulationes securi percussus fuerat, juvenis erat 25. circiter annorum, & maxime animosus: hos enim potissimum occidunt, ut hostium vitas succidant; is egregius mortis contemptor spe melioris vitæ, ut palàm loquebatur in via, cum ad me accederent Irokenes, ut aut mihi ungues detraherent, aut aliud aliquid agerent, se illis offerebat, rogans, ut me derelicto, in ipsum potius desævirent: reddat illi Dominus centuplicia cum fœnore, pro eximia illa charitate, quâ animam suam dabat pro amicis suis, & ijs qui eum in vinculis in Christo genuerant. Sub vespere Guilielmum Cousture, quem Juvenem præstantem viribus intuebantur, in ultimum regionis Pagum Teonontogen dictum deducunt, eumq; cuidam Barbarorum familiæ adscribunt. Solemne est his Barbaris, cum captivo alicui dant vitam, eum in familiam aliquam adlegere, in qua demortui alicujus locum suppleat, in cuius etiam jura quodammodo succedit, nec quispiam alius ipsius Dominus est, quàm is, qui familiæ illius caput est: ob id enim munera aliqua exhibet. Me verò & Renatum, quos non ità firmis viribus conspiciebant, deducunt in Pagum primum, in quo ij qui nos captivos cœperant, manebant; ibique nos, quoad aliud statueretur, constituunt.

Ergo post tam multos & longos dies inediâ traductos, post tam vigilatis ordine noctes, post tot plagas & verbera, ac potissimum post tot penitissimos animi cruciatus, ubi nobis licuit quasi per otium dolores nostros persentiscere, tum ægras trahere animas, vix ingredi, vix pedibus insistere, nullam habere, neque diurnæ, neque nocturnæ partem tranquillitatis, cum propter alia, tum præcipue ob vulnera, quæ hæcenus incurata remanserant; quæ omnia duriora reddebat pulicum, pediculorum, & cimicum copia, quibus mederi cæsis truncatisque digitis erat difficile. Accedebat ciborum penuria. multò enim veriùs de his regionibus potest dici; non cibus utilis ægro. Itaque cum ad frumentum hujus Americæ, quod in Europa Turcicum appellant, inter duos lapides negligenter attritum, nihil præter multas & præcoces cucurbitas obsonij adhiberetur, penè ad extremum adducti sumus. Renatus in primis, qui cibis illis non assueverat,



rat, & qui ex acceptis plagis vix quidquam videbat. Itaque videntes Barbari nos paulatim deficere, conquisitos in Pago pisciculos paucos, & aliqua carnis frustula, ad ignem & solem exsiccata, in pulverem redacta, obsonij loco polentæ nostræ immiscuerunt. Post tres hebdomadas utcunque ex malo recreati sumus, cum ad necem conquirimur.

Ducenti illi Barbari, qui nos malè exceperant in via, ad eum novæ Franciæ locum venerant, quò Irokenfium amnis, ab ijs sic dictus, se in magnum Sancti Laurentij fluvium exonerat; cum Gallos aliquos, qui munitio- nis de Richelieu initia ponebant, conspicati, crediderunt se posse faciliè, occisâ eorum parte, aliam captivam secum adducere. Itaque ducenti, ut erant magnâ parte catapultis armati, uno facto agmine in Gallos diversis in rebus occupatos, penè improvisi incur- runt. Ad primum hostium adventum ad arma Galli, paucissimi licet habitâ ratione barbaricæ multitudinis, concurrentes, tam fortiter felicitèrque influentes Barbaros repre- sserunt, ut duobus ex ipsis occisis, pluri- bus vulneratis, reliquos fugere compulerint. Frementes igitur redibant, & quasi injuriam magnam sustinuis- sent, qui iverant ut inferrent, nos qui adhuc vivebamus, ad mortem deposcebant. Turpe nimirum esse dicebant, tres Gallos quietè apud se vivere, cum Iro- kei tres nuperrimè ab eis essent interfecti. Certè his querimonijs Renati salus potissi- mum & mea ad extremum discrimen addu- cta est, illèque solus ictum sustinuit, qui ut vitæ largitor, ita protector est.

Vigiliâ Nativitatis B. Virginis unus ex præcipuis Batavis, qui in Colonia viginti tantum leucis ab his Barbaris diffita manent, cum duobus alijs venit, de liberatione nostra acturus. Multos dies ibi substitit, multa ob- tulit, plura promisit, nihil obtinuit. Verum quia maximè vafrum & callidum est hoc Bar- barorum genus, ut aliquid roganti amico dedisse, nè omnia ejus desiderio abnuisse vi- derentur, nos post paucos dies nostris restitu- endos mentiuntur: & fortè id ipsorum ali- qui volebant, sed sub finem Septembris (in- gruentes enim pluvie rem in illud usq; tem- pus protraxerunt) ubi parato commeatu, destinatisque ijs, qui nos reducerent, extre- mum de rebus nostris concilium agitur, pau- corum bene sentientium opinio victa est: vi- cit tumultus, & turbulenti homines nega- runt se passuros unquam Gallos ad suos redu- ci. Itaq; ingenti timore solvitur concilium, & unusquisq; fugienti similis domum auc-

Pagum, ex quo ad concilium venerat, repe- tit. Igitur truculentorum hominum sævi- tiæ relictæ, ubique ad necem quærimur: ij securibus instructi domos lustrant, ut inven- tos occidant. Fortè sub finem concilij, ne- scio quam mihi tunc mentem Deus injece- rat, socios meos, in suburbanum agrum do- mûs, in qua degebam, deduxeram; ubi igna- ri eorum quæ agebantur, tuti quodammodo delitescimus, turbo ille interim, qui nos om- nes, si in Pago fuisset, sustulisset, paulu- lum conquievit.

Postea reducto à suis in suum Pagum Guilielmo, ego & Renatus, ubi de reditu no- stro conclamatum esse cognovimus, in col- lem vicinum, qui Pago plurimus imminet, orationis causâ secedimus: ibi remoti ab ar- bitris, & molesto interpellatore, nos Deo, ejusq; sanctæ voluntati totos committimus: in itinere pagum versùs coronam B. Virgi- nis recitamus; jamq; quatuor decades per- curramus, cum Juvenes duos obvios habe- mus, qui nos ut Pagum repeteremus, admo- nent. Tum ego, mi frater, dixi, quid ve- lint homines isti in tanta perturbatione re- rum, ignoramus. Nos Deo impensius, San- ctissimæq; Virgini bonæ matri nostræ com- mendemus. Orantes ad Pagum pervene- ramus, cum in ipso aditu unus ex his duo- bus, quos obvios habueramus, extractâ, quam veste occultatam gerebat, securi, tam validum in Renati caput ictum impexit, ut semianimis corruerit, Sanctissimum nomen J E S U inclamando (& fortè sæpè invicem monueramus, ut memores Indulgentiarum, Sacratissimum illud nomen vocem vitæque nostram concluderet.) Ego vero sangui- neam illam securim conspicatus, in eo ubi eram loco positus humi genibus, detraçtoque è capite quem gerebam pileolo, D E O meo me commendans, simile ictum præstolabar. Vbi in eo statu fui aliquamdiu, jussus sum surgere, se me occidendi potestatem non ha- bere cum diceret, utpote alteri familiæ man- cipatum. Tunc surgens properè, ad cha- rissimum meum socium spirantem adhuc accurro, ipsique absolutionem, quam sem- per alternis quibusque diebus, cum peccata deponeret, dabam, etiam nunc impertior: tum illi alij duo ictus me præsentè impa- cti, illum Beatorum numero adjunxerunt. Vir erat triginta quinque annorum, simplicita- te, vitæ innocentia, & patientia in adversis singulari, Deo, quem præsentissimum semper in omnibus intuebatur, ejusque sanctissimæ voluntati per amorem maximè subiectus; dignus



dignus sanè Rev. mi Pater, qui à te ut tuus agnoscat, non tantum quia plures menses in Tyrocinio Societatis cum laude posuerat, & imperio Superiorum ejusdem, quibus se totum regendum dederat, Hurones petebat ut Christianis chirurgicâ arte, quam noverat, opitularetur, sed maximè quod paucis antequam occideretur diebus, impulsus desiderio se Deo magis uniendi, nuncupatis Societatis votis, eidem quantum potuit mancipârit. Et certè tum in vita, tum in morte, quâ extremum locutus sacratissimum nomen Jesu pronuntiavit, non degenerem se Societatis filium comprobavit: imò ego eum non ut fratrem tantum, sed ut Martyrem (*ita illi piè loqui tunc placuit*) non obedientiæ tantum, sed & fidei, & Crucis, amo & veneror. Ut erat maximè pius, & cum ijs Barbaris solitus agere, qui aut Christiani, aut Christianorum intimi sunt, longas quotidie ad Deum orationes fundebat, id mirantibus, & propter rei insolentiam aliquid supplicantibus Barbaris. Ad hæc tanquam cumulus accessit, quod quâdam die detractio è capite pileolo puerum tugurij, in quo diversabatur, ingenti signo Crucis à fronte ad pectus munivit; tum verò id conspicatus senex quidam maximè superstitiosus avus pueri, maleficium aliquod esse ratus, nepoti suo eum ut occideret imperavit; sed mihi totum ipsiusmet pueri mater postea narravit, eumque hac de causa à sene occidi jussum.

Sed ut institutum sermonem persequamur ubi in tugurio nostro, in quo quietè satis vixeram, paululum resedi, in aliud deductus sum; illius nimirum, qui mihi pollicem ademerat, hostis Algonquinorum, ac perinde Gallorum insensissimî: ibi me singulis momentis securi percutiendum & ego credebam, & cæteri sibi persuadebant Irokei: quorum qui mihi aliquid, ut quoquo modo vestire, concesserant, jam illud repetierant, nè id me moriente sibi periret. Sequenti die ingens me sollicitudo cœpit. quidnam de corpore Charissimi mei socij factum esset, quod proposito quovis periculo quærere, illudque terræ mandare, si possem, constitui: illud autem nudatum omnino, indignè ligato circa collum fune, per pagum pertractum in torrentem sat longè projecerant. Pago egressus in senem, cujus in tugurio antea manebam, incidi; ille, me domi continerè, admonuit: Quo properas, inquit, vix vivis: ubique quæreris ad necem, & adhuc mortui corpus jam semiputridum quæris, num vides ferocientes hos juvenes (aliqui cum ar-

mis è pago me paululum antecedeabant) qui te modò interficient? Ego nihil veritus, utpote cui tantis in angustiis vivere pœna erat, & tali in officio charitatis mori lucrum, cœptum persequer bar iter: ubi me videt obfirmato ad id animo, alium Barbarum rogat me comitetur. Hujus igitur auxilio repertum corpus, quod jam canes circa renes absumpserant, in ipsomet torrente, ubi erat profundior, lapidum acervo tumulo; proponens sequenti die cum ligone venturum, ut illud solus, & occultè defoderem: verebar enim, nè illud exhumarent. Domum regressum me præstolabantur duo juvenes, ut me in suum Pagum, ibi nimirum occidendum deducerent. Ego non ignarus quid vellent, me in illorum potestate esse dixi, apud quos manebam: illi si vel minimùm annuerent, me comitem illis adjuncturum; itaque revera fecissem. Ubi nihil hoc modo profecisse vident, sequenti die alter illorum, qui cum capti fuëramus cum fratre vulneratus fuerat, acceptâ securi in agrum, in quem jussu meorum nescio quid facturus iveram, properabat, ut ibi me occideret, cum in itinere ab sene nostræ familiæ, id nè faceret, est prohibitus. His me instruebat Dominus, ut omnem meam sollicitudinem projicerem in ipsum, sciens quia ipsi cura esset de me, nec timerem à facie hominis, cum Omnipotens esset protector vitæ meæ, sinè cujus nutu ne capillus quidem è capite meo deflueret. Verùm quia eo die perficere non poteram quæ proposueram, subsequenti diei manè accepto ligone seu sarculo, ut corpus humo defoderem, perrexî: sed tulerant fratrem meum. Eo, redeo: montem ad cujus radices torrens ille decurrit ascendo, descendo; saltum qui ex altera parte erat lustrò, sed frustra: torrentis qui ex nocturna pluvia plurimùm increverat fundum, tum baculo, tum pede pertento, non prohibitus aut aquæ altitudine, quæ ad medium corpus pertingebat, aut frigiditate (erat enim 1. Octob:) si fortè vis torrentis illud aliò tulisset: obvios quosq; interrogo, nū aliquid de illo sciunt: sed ut est maximè mendax hoc hominū genus, & semper ad assentationē loquitur, nil ad veritatem, in fluvium remotissimū protractū esse mentiuntur: non enim hoc verum erat. Quos ego gemitus non dedi? quas non fudi lacrymas? quas cum aquis torrentis miscebam, cantans tibi Domino meo de psalmis usurpari solitis ab Ecclesia sancta tua, in funeribus mortuorum. Verùm ubi liquefactæ sunt nives, audiivi ab adolescentibus videri sparsa defuncti Galli ossa.



ossa. Itaque eò me conferens, semirosa ossa, reliquias canum, vulpium, ac cornuorum, & præcipuè caput multis in partibus confractum collegi, quæ omnia reverenter osculatus terræ mandavi, ut ea si vellet aliquando Deus in terram sanctam & Christianorum, tanquam ingentes divitias, exportarem.

Multis sanè periculis alijs, quæ scio, & quæ nescio, invitis licèt & tumentibus Irokeis, me exemit Dominus. Sed illud minimè prætermittendum. Ineptus quidam erat domi nostræ, qui ex panniculo septem palmorum, quo utcunque tegebar, duos sibi ut decerperet, à me postulavit: cum ego, mi frater, dixi, vides me sub brevi illo & levi panno totis noctibus frigore contremiscere, tamen fac ut volueris: ille modestà meâ excusatione offensus, ubi postea in baptizatorum Huronum tuguria ingressus sum (hos enim quotidie instruebam, iterumque parturiebam donec in eis formaretur Christus) me quærît, severèq; denuntiat, domum repetam. Me ingressò, Renati interfectò accersitur, ut eadem manus quæ ipsum, me etiam occideret; quæsitus minimè inventus est. Itaque sequenti die cum duabus mulieribus in ipsius agrum, in quo tunc manebat, mitor; specie quidem aliquid afferendi causâ, revera autem, ut me ipsi occidendum offerrent (duobus etiam ante diebus domi nostræ mortuus fuerat unicus filius mulieris cuiusdam nobilis, cujus manibus me etiam immolabant) & ferebant hæ mulieres cucurbitas, spicas, & alia id genus pretium interfectionis. Ego autem tanquam surdus non audiebam quæ meditabantur inania, & sicut mutus non aperiëbam os meum, & factus eram sicut homo non audiens, nec habens in ore suo redargutiones; quoniam in te Domine speravi: sed memor illius mansuetudinis, qui tanquam ovis ad occisionem ductus est, ibam ad mortem rogans Dominum cum Davide, ut averteret mala inimicis meis, & in veritate sua illos disperderet. Medio in itinere obvium habuimus interfectorem, quem quærebant. Itaq; illum à longè conspicatus, Deo meo extremum me commendans, animum meum tot curis & angoribus confectum susciperet, rogabam; sed necdum illud peccata mea meruerant. Ubi igitur ille quietè transijt, in ipsius matrem incidimus, quæ nescio quid cum ijs, quæ me ducebant, locuta: illæ trepidæ & fugientibus similes medio me in itinere (satis enim videbant me quæ vellent perspicere) destituerunt.

In his igitur pavoribus & frequentibus

mortibus dum quotidie morior, imò vitâ omni morte duriorè vivo, duo menses elapsi sunt ab adventu nostro: in ijs nullum mihi linguæ studium, ut quid enim eam addiscerem, cum me singulis momentis moriturum crederem? Pagus mihi carcer erat, celebritatem fugiebam, amabam solitudines, in quibus rogabam Dominum, nè dedignaretur loqui ad servum suum, ut robur mihi tantis in angustijs adderet, in quibus sanè si prodigium factus sum multis, Deus fuit adjutor fortis, qui proluxâ suâ bonitate sapienter morientis animum erexit. Recurrebam ad præsidia sacrarum Scripturarum, unicum meum refugium in tribulationibus, quæ invenerant me nimis: has venerabar, cum his volebam mori. Et fortè ex omnibus libris, quos in usum Gallorum apud Hurones versantium ferebamus, unica venerat in manus meas Epistola Beati Pauli ad Hebræos, paraphrastâ Reverend: Domino Antonio Godeau Grassensi Episcopo: hunc ego libellum cum imagine Beati Brunonis illustrissimi Carthusianorum Ordinis Fundatoris, cui applicatæ erant Indulgentiæ, quibus Crucem quam mihi ex ligno utcunq; confeceram addidi, ferebam semper mecum, ut ubicunque memors, quam præsentissimam semper ante oculos habebam, oppressisset, cum Scriptura Sacra, quæ mihi maximo semper solatio fuerat, cum donis, & Indulgentijs Sanctissimæ matris meæ Ecclesiæ, quam cum maximè semper, tunc tenerrimè diligebam, & cum Cruce Domini mei libentissimè morerer.

Jamque medius October venerat, quo Barbari omnes relictis Pagis, eunt ad venationem cervorum, quos partim laqueis capiunt, partim bombardis, quibus tractandis peritissimi sunt, interficiunt. Itaq; tempus illud quod sibi Barbari genio, & relaxationi animorum assumunt, mihi dolorum novorum augmento fuit: aliquibus enim datus comes sum; illi primò me mirari, tum ride-re, postremò odisse cœperunt. Ut memineram quam mihi à Deo hic impositam personam sustinerem, eos de colendo uno Deo, ejusq; servandis mandatis, de Paradiso, Inferis, alijsq; Fidei nostræ mysterijs, ut poteram, modestè docere cœpi. Et illi quidem initio me audiebant; ubi verò me in ijs satis assiduum viderunt, præsertim ubi venatio eum non habuit successum, quem volebant, tum me Dæmonem queundam, causamq; eorum parum venationis acciperent pronuntiârunt. Sed illud eos maximè de malevolis rabidos & furiosos, ut ita dicam, effecit. Solemne est

omni-



omnibus Populis istis in venatione, piscatione, bello, morbis, & similibus, ad Dæmonem quendam, quem Aïreskoi appellant, confugere. Qui faustam vult sibi venationem, piscationem, & similia, acceptis carnibus & optimis quibusque quibus vescuntur homines, antiquissimum domûs vel totius Pagi rogat, ut sibi, ut ita dicam, benedicat (& sunt quorum benedictiones plûs alijs prodesse credunt) ille stans ex adverso tenentis carnes, contentâ & distinctâ voce in hæc verba loquitur: Dæmon Aïreskoi, ecce, carnes illas tibi offerimus, & ex his tibi convivium paramus; ut ex his comedas, nobisq; ostendas quonam in loco sint cervi, eos in laqueos nostros inducas; (si extra venationem) ut per te rursus vernum tempus videre possimus, novas fruges degustare, rursus venationi autumno interesse; (si in morbo sunt) ut per te valetudinem possimus recuperare. Vbi igitur primò talibus verbis conceptam formulam audivi, magnum me odium cepit barbaricæ illius superstitionis, firmiterq; statui ejusmodi oblati carnibus in perpetuum abstinere. Illam igitur meam abstinentiam, Dæmonis sui contemptum, causamq; cur parùm caperent interpretati, in quo odio habuerunt me gratis. Ego in tam offenso illorum odio, quo nec me illos instruente audire, aut me interrogante de lingua, quâ ineptias illorum confutabam, docere volebant, totum illud tempus spiritualibus exercitijs dare decrevi. Singulis igitur diebus manè exibam de medio Babylonis, tugurio nimirum ubi perpetuus ferè cultus Dæmoni, & somnijs exhibebatur, & salvabar in monte, colle nimirum vicino, ibi in ingenti arbore ingentem Crucem, detracto cortice mihi efformaveram, ad cujus pedem, quâ meditando, & orando, quâ librum de imitatione Christi, quem paulò antè receperam legendo, totos penè dies cum Deo meo, quem solus penè in tam vastis Regionibus & colebam, & amabam, transigebam. Id eos aliquamdiu latuit: verùm ubi aliquando in me ad Crucem solito meo more orantem inciderunt, tum invehi in me vehementius, odisse se Crucem illam, cum dicerent, & sibi & vicinis Europæis amicis suis incognitam. (Hollandos intelligebant hæreticos) ego qui de industria in eorum tugurio apertè orare, & genua flectere destiteram, nè ipsis aliquam occasionem darem etiam levem querimoniam (semper enim maximè inter Barbaros, rebus istis minimè assuetos, prudenter agendum est) ab illis pietatis officijs quibus vita spiri-

tualis, quam longè temporali anteponebam, continetur, minimè abstinendum existima- vi: profutura nimirum credebam illa suo tempore, cum illorum conversionis momenta, quæ Pater posuit in sua potestate, venissent.

Certè in tanto illo Barbarorum odio multa passus sum, & famem, & frigus, & vilissimorum hominum contemptum, & sæva muliercularum odia, quarum in emolumentum cum venatio omnis penè cedat, illæ me ut inopiæ suæ auctorem & paupertatis intuebantur. Et famem quidem magnam sustinui: Cum enim omnes penè carnes, quibus ferè solis tunc vescuntur, ejusmodi oblationibus Dæmoni offerrentur, multos dies inedia traduxi, fiebatque ferè quotidie, ut cum impransus domum sub nocte repeterem, viderem Ægyptios nostros sedere super ollas carniû, quas nè attingerem, severâ lege mihi interdixeram; & licet aliquæ mihi rationes succurrerent, quæ nè id facerem, utcunq; persuadebant, tamen nunquam Dei gratia de proposito meo passus sum dimoveri; sed famelicus dicebam Domino meo: Replebimur bonis domus tuæ, satiabor cum apparuerit gloria tua, cum nimirum replebis desiderium esurientium servorum tuorum, in civitate illa sancta tua Hierusalem, quam in perpetuum adipe frumenti satiabis.

Frigus etiam maximum toleravi, altis jam nivibus sub brevi illa, & jam detrita lacerata, cum præcipuè noctibus nudus super nuda humo, aut duris arborum corticibus cubare juberet: & licet multæ essent pelles Cervorum, etiam quæ nulli usui erant, nullæ mihi dabantur; imò si quando intempestâ nocte, cogente vi frigoris occultè aliquam caperem, illico surgentes illam mihi detrahebant. Tantum erat illorum in me odium! Cutis ergo mea, quæ jam in illo statu, ut cum Davide loquar, sordibus pulveris aruerat, frigore fatilcebat, sentiebat toto penè corpore magnum dolorem. Verùm ubi ad externa illa se interiora adjunxerunt, tum verò intolerabilis factus est dolor meus. Memineram me nuper sanguine charissimi socij mei respersum: & qui ex Guilielmi Pago ad nos veniebant, eum exquisitis tormentis occisum, me ubi in pagum redijsssem similiter interficiendum dicebant. His adhuc se jungebat antea actæ vitæ, tam multis peccatis obnoxia, tamq; Deo infidæ recordatio; dolebamq; me quasi medio in cursu, nullis præmissis bonis operibus à Deo meo projectum, eripi sinè ullis Sacramentis. Sanè in illo statu,



statu, quo & vivere volebam, & mori perhorrescebam, jactabam voces miserabiles, & dicebam Deo meo, quandonam finis miseriarum, & dolorum meorum? Usquequo oblivisceris inopiae, & tribulationis nostrae? quandonam post tempestatem tranquillum facies, & post fletum gaudium & exultationem infundes? & nisi breviati fuissent dies illi, non salva fuisset mea caro.

Recurrere ad solita praesidia scripturarum, solitum refugium meum, quorum loca memoriter tenebam, docebantque me, ut sentirem de Deo in bonitate, etsi non adesset sensibilis ille devotionis affectus, scirem justum ex fide vivere. Scrutabar eas, rimabar rivulos earum, quasi diurnam sitim explere cupiens, & in lege Dei meditabar die ac nocte; quae quidem Dei lex nisi fuisset meditatio mea, fortè perissem in humilitate mea, & pertransisset anima nostra aquam intolerabilem. Sed benedictus Deus, qui non dedit nos in captionem dentibus inimicorum nostrorum, quorum hora venerat & potestas tenebrarum, in qua supra modum gravati sumus, ita ut nos tæderet vivere, diceremque; cum Job contrario sensu: Etiam si me non occiderit, sperabo in eo.

Elapsis igitur duobus mensibus in illo secessu, in quo cum Bernardo sagorum discipulus, nihil præter Deum cogitabam, omnibus invisum, cum me amplius ferre non possent, in pagum ante tempus remiserunt. In itinere, quod nos octo dies tenuit, sub magno carniū quas ferebam pondere, tanquam jumentum apud Deum factus, cum illo semper esse conabar, quae mihi in pago ventura essent ignorans. Jam enim aliqui nos præcesserant, qui multis de me omnia rumoribus repleverant. In itinere penè nudus, ut eram, ingenti frigore ut plurimum sub dio pernoctans, molestiae multum sustinui, non curatis adhuc digitorum vulneribus, quae vix medio Januario coaluerunt. In pago ad detritam lacernam, quā induebar, tenue corium adjunctum est: eo igitur malè tectus circueibam plateas Pagi nostri, rogans me aliquando sanctis suis conjungeret Dominus, qui in pellibus & melotis quondam gementes & angustiiati illi servierant, quibus dignus non erat mundus. Et videbam quotidie barbaros panno, & vestibus quas sarcinae nostrae multas continebant bene tectos, cum diebus & noctibus frigore obrigescerem: sed illa parum. plūs me movebat, cum videbam profanos illos homines sacra suppellectili indignè abuti, quorum unus tibialia sibi ex duo-

bus velis, quorum usus est in Missa, consecratur, non hos servatum munus in usus. Certè de illo omni tempore, quod ad medium usque Januarius effluxit, verè coram Deo possum dicere, usque in hanc horam esurimus, & sitimus, & nudi sumus, & colaphis caedimur, & instabiles sumus, laborantes manibus nostris: Maledicimur, & benedicimus; blasphemamur, & obsecramus; persecutionem patimur, & sustinemus: tanquam purgamenta hujus mundi facti sumus omnium, peripsema usque adhuc.

Circa medium Januarius ubi rediēre ex venatione qui mei curam habebant, pellibus me utcumque vestierunt: donec Lotharingus quidam, qui cum Batavis vicinis nostris manebat, vestemque ex his quas barbaris solent divendere, ad me, quem multa à frigore pati audierat, dono misit. Ista paululum dolorem meum levabant, sed maximè annosae cujusdam mulieris, cujus unicus filius paulò antè obierat, cura: hæc inter suos maximè nobilis (habet enim & nobiles suos Barbaries) curam mei gerebat, deditque mihi Dominus gratiam in oculis ejus. Sed hæc sunt solatia mea lucis exigua ingentis.

Ubi tandem vidi me utcumque vivere; me studio linguae addixi: & quia domi nostrae non solum pagi, sed totius penè regionis consilia agitabantur, coepi antiquissimos quosque de rebus fidei nostrae edocere. Illi plurima à me de sole, luna, & facie in globo ejus apparente, de terræ ambitu, vastitate Oceani, de ejus accessu & recessu, an alicubi, sicut audierant, cælum terræ conjungeretur, & similibus, sciscitabantur: quibus cum ex Philosophia ad eorum captum me accommodans satisfacio, tum verò mirari, cum dicerent: Enimvero jacturam maximam fecissemus, si hunc, ut nihil sæpe propius factum fuit, occidissemus. Tum eos à creaturis ad Creatoris cognitionem conabar deducere: rejiciebam aniles, quas habent de Creatione orbis, quem à testudine conditum dicunt, fabulas: solem, (quem nec ingenio, imò nec vitā præditum ostendebam) Deum aliquem minimè esse, quod si specie illius delectati, Deum aliquem esse crederent, intelligerent quantò Dominator illius speciosior esset: illum Aireskoi non Deum, sed Dæmonem esse, qui se vitæ authorem, & conservatorem, & tot honorum, quibus fruerentur, largitorem mentiebatur. Si quàm facile convincuntur, tam facile crederent, res citò conficeretur. Sed princeps mundi, qui virtute Crucis ab omnibus penè orbis partibus eje-



Atus est foras, in has regiones tanquam in-  
munitissimam arcem videtur confugisse; ita  
ut non possit regnum illud, quod à tot anno-  
rum millibus fortis ille armatus possidet, nisi  
processu temporis, & invictâ Christi mili-  
tum constantiâ labefactari. Subinde tamen  
CHRISTUS illius sicut & cæterorum verus  
Dominus, aliquos sibi deligebat, non tan-  
tùm ex infantibus, quos multos cælum tenet,  
sed etiam ex adultis, quos in morbo aut  
captivitate baptizavi. Plures alios adultos  
indigenas in morbo instruxi: sed aut illi me  
non audierunt, alij rejecerunt, alij labijs tan-  
tùm, & urbanitate quâdam, quâ ijs, quæ di-  
cis, refragari rusticitatis esse putant, quæque  
incautos deciperet, consenserunt. Excurre-  
bam etiam aliquando ad vicinos pagos, ut  
Christianos Hurones, qui non flectebant ge-  
nua coram Baal, solarer, instruerem, eosque  
post peccatorum Confessionem absolverem,  
Deum ubique, quantum poteram annuntia-  
rem, morientibus succurrerem, sed maximè  
infantibus periclitantibus subvenirem. Hoc  
erat unicum meum in penitissimis animi  
mei cruciatibus solatium: contigitque ali-  
quando, ut cum in pagum vicinum hac de  
causa excurrissem, ibiq; quinque pueros bap-  
tizassem, eos omnes paulò post in alio excursu  
cælum petisse cognoverim.

In his igitur & similibus exercitijs, &  
qualicumq; studio linguæ (quale enim sinè  
scriptura esse poterat?) duo menses abie-  
rant; cum medio Martio, solutis jam nivi-  
bus, me secum ducunt ad piscationem. Abi-  
mus igitur, & senex, & annosa mulier, & pu-  
erulus, & ego, viam quatuor dierum, ad la-  
cum in quo præter pisciculos paucos nihil  
capiebamus, quorum exta ut plurimum, quod  
piscæ in Pagum deferendi reservaban-  
tur, polentæ pro obsonio & condimento erant.  
jam enim hæc omnia, sicut & intestina cer-  
vorum cum sanguine & fœcium parte semi-  
putrida, & fungos aquâ coctos, & mala ostrea,  
& ranas, quas integras, nè excoriatas qui-  
dem, aut exenteratas, cum capite vorant &  
pedibus, tolerabilia, nè dicam suavia fecerat  
consuetudo, fames, & penuria meliorum.  
Quoties in illis itineribus & quieto secessu,  
super flumina Babylonis sedimus, & flevi-  
mus, dum recordaremur tui Sion, non solùm  
in cælo exultantis, sed etiam in terris lau-  
dantis Deum tuum? Quoties, licèt in terra  
aliena, cantavimus canticū Domini; & syl-  
væ & montes resonuerunt laudibus sui Cre-  
atoris, quas à constitutione sua non audive-  
rant: quoties in proceris sylvarum arbori-

bus Sacratissimum JESU nomen inculpsi,  
ut eo viso fugerent, quo audito contremiscunt  
Dæmones? quoties in eisdem Sanctissimam  
Domini Crucem detractō cortice efformavi,  
ut ad ejus aspectum fugerent partes adversæ,  
& peream Domine mi Rex, dominareris in  
medio inimicorum tuorum, inimicorum  
CRUCIS tuæ, hæreticorum, & pagano-  
rum hominum has terras incolentium, &  
Dæmoniorum in eis latè imperantium? gau-  
debam itaq; me à Deo esse deductum in soli-  
tudinem eo tempore, quo Ecclesia Passionem  
ejus recolit, ut liberiùs memorarer transgres-  
sionis ejus, amaritudinis & fellis, & tabesce-  
ret anima mea recolens. Itaq; expletis his  
quæ Dominis meis in quantum servus, &  
Barbarorum servus, debebam præstare (eis  
autem in cædendis ut poteram lignis, iisque  
in usum tugurioli deferendis inserviebam) omne  
tempus ferè ad Crucem, quam mihi  
remotè à tugurio in ingenti Pinu efforma-  
veram transgebam. Sed non licuit mihi  
diu illo sancto otio meo frui: nimirum ni-  
mis multi dies sinè solitis meis pavoribus  
abierant. Feriâ secundâ Hebdomadæ sanctæ  
quidam è Pago nostro ad nos venit. Illius  
autem adventûs hæc causa fuit. Decem  
Irokei, inter quos erat filius illius qui mihi  
pollicem absciderat, & cujus in tugurio ma-  
nebam, mediâ æstate ad bellum profecti fue-  
rant. Nihil de illis reliquâ æstate, nihil au-  
tumno, nihil totâ hyeme audierant. Itaque  
de illorum salute adum esse credebant, cum  
potissimum circumpositæ nationes eos ho-  
stium crudelitati patuisse nuntiarent. Ve-  
rùm ubi initio veris, nobis absentibus, capti-  
vus adductus, de iisdem interrogatus, ita esse  
respondit, eosq; occisos confirmavit; tum  
verò illud, quod verum antea credebant, in-  
dubitatum tenentes, illum ipsum captivum,  
illius adolescentis, filij illius in cujus eram  
tugurio, manibus immolârunt. Sed vilior  
erat illius captivi anima, quàm ut illius no-  
bilis adolescentis vitæ componeretur. Itaq;  
ex illo lacu in quo eramus, accersabar, ut  
priori conjunctus, sequentis mortem com-  
pensarem. Sic nimirum muliercula una,  
aut altera, & vetulus senex concluderant.  
Sequenti igitur die fugientibus similes disce-  
dimus: & in speciem dicebant vagari ho-  
stes: & feriâ quintâ in Cœna Domini sub  
vesperam ad Pagum pervenimus. Sequens  
dies, qui Salvatoris vitam concluderat, de-  
bebat & meam; cum illi placuit, qui illo die  
moriendo mihi vitam spiritûs dederat, illam  
etiam & corporis largiri. Illo igitur die quo  
debe-



debebam occidi, primò murmur aliquod auditur, quasi incerto authore, quod vivere illos qui perierant referebat, postremò eos alteri turmæ conjunctos, viginti duos captivos secum adducere. Hac ratione Deus infesta Barbarorum consilia dispulit, qui his me instruebat, ostendebatq; securam mei habere, ut totum me in ipsum projicerem, sciens, quia non se subtraheret ut caderem.

His igitur aliisq; periculis ereptus, etsi naturaliter nonnihil gaudebam, dolebam tamen me novis semper doloribus, penitissimisq; cruciatibus redditum, vitam vivere omni sanè morte acerbiorum. Nam istorum hominum prosperi, aut adversi casus, in me unum recidebant: si eorum aliquis occideretur in pugna, ego tanquam victima aliqua deponerebar ipsius manibus immolanda. Si verò, quod fiebat ferè semper, captivos aliquos alijs occisis adducerent, cum aut Galli, aut Gallorum amici essent, magnus semper erat dolor cordi meo.

Amabam itaq; naturaliter secessus, & solitudines, in quibus longè à Pagis non offendebar solitè Barbarorum istorum crudelitatem, & liberiùs Deo vacabam, & meliùs. Verùm sciens aliunde, Liam etsi lippientem oculis, Rachele esse fecundiorum, plurèsq; parere; memor insuper instituti Societatis, quæ proximorū salutem privatæ illi dulcedini anteponebat, non invitum domi me continebam: in Pago enim præter adjumenta ad linguam majora, meliùs & puerorum Baptismo, & adultorum saluti consulebam: dolebam enim ut plurimùm me absente aliquem aut non instructum adultum, aut non baptizatum puerum obijisse. Qui redibant ergo ex bello Barbari nostri, viginti duos captivos adducebant: sex ex ijs cum quibus hætenus bellum nullum gesserant, quos contra fas omne, & justiciam, fustibus, & verberibus, & digitorum abscissione solito more mutilarunt. Quinq; ex his erant occidendi (nam reliqui omnes pueri erant, & puellæ, & mulieres, qui in servitute reservabantur) de illorum ergo salute eram sollicitus: nam linguam illorum non noveram, tamen Dei gratià eos aliquibus verbis, quæ ex illorum lingua sciebam, sed maximè beneficio unius, qui linguam utramq; callebat, instructos baptizavi: hæc festis Paschalibus contigerunt. Festis Pentecostes alios captivos adduxerunt, tres nimirum mulieres cum puerulis (mares enim propter Gallos nostros occiderant) & nudas quidem omniùs, etiam sinè subligaculis in Pagum verberibus malè mulcta-

tas induxerunt, ipsiq; pollices ademerunt. Unam ex ijs, quod hætenus factum non fuerat, toto corpore ustulatam, in ingentem rogam postea iniecerunt. Hoc novum, & notatu dignum vidi; cum combusta fuit hæc mulier, ad unamquamque combustionem, quam ardentibus facibus admotis faciunt, antiquus quidam contenta voce in hæc verba loquitur: Dæmon Aireskoi offerimus tibi hanc victimam, quam tibi comburimus, ut ipsius carnibus satieris, faciàsque semper de novo hostium nostrorum victores. Ipsius corpus in partes dissectum, in varios Pagos delatum voratum est: medià enim hyeme dolentes quasi abstinuissè à quibusdam, quorum carnes non voraverant, in solemnium sacrificio duorum urorum, quos Dæmoni suo offerebant, in hæc verba locuti fuerant: Justè nos punis, Dæmon Aireskoi, quòd jam à longo tempore hostes nullos cœperimus captivos; æstate autem, & Autumno nullos ex Algomquinis (quos propriè hostes suos dicunt) acceperimus. Tibi peccavimus, quia ultimos captivos projectos non comeditimus; sed si in posterum aliquos capiamus pollicemur tibi, nos eà ratione eos devoratos, quàm sumus duos istos ursos modò consumpturi; sicq; præstiterunt. Hanc autem mulierem medijs in rogis, quia antea non potueram, cum ipsi sitienti potum præberem, baptizavi. Vigilià Nativitatis Beati Joannis Baptistæ (de quo dictum est, & multi in nativitate ejus gaudebunt) ad dolores meos solitos maximus cumulus accessit, cum & captivi adducti sunt Hurones undecim, Gallus unus, præter tres occisos, quorum calvarias aut comas, quas ex mortuis cum cute detrahunt, afferebant, & decem Hurones, quos perfidè deceptos specie amicitie occiderant, atq; inter eos Christianos aliquos maximè celebres. Certè sentiebam in me hanc, quam peccata mea meruerant, punitionem, olim populo suo prænunciatam à Deo, cum dixit fore, ut eorum neomeniæ, celebritates, & festa, in luctum & dolorem verterentur, eum & in Paschate, & in Pentecoste, & in Nativitate Beati Joannis Baptistæ, novi dolores in me incurrissent, quos postea centum Huronum clades, quorum pars diris tormentis exearnificata, in vicinis nobis nationibus igne combusta est, auxit vehementer. Væ mihi misero, ut quid natus sum videre contritionem populorum meorum.

Certè in his, aliisq; similibus penitissimis animi cruciatibus, defecit in dolore anima



ma mea, & anni mei in gemitibus. propter enim iniquitates meas corripuit me Dominus, & tabescere fecit sicut araneam animam meam. Replevit me amaritudinibus, inebriavit me absynthio, quia longè factus est à me consolator meus, consolans animam meam; sed in ijs omnibus superamus, & favente Deo superabimus propter eum, qui dilexit nos, usque dum veniat qui venturus est, & qui non tardabit, donec veniat sicut mercenarij dies mea, aut fiat immutatio mea. Licet enim satis probabiliter possem vel per Europæos, vel per alios Barbaros nobis vicinos, si vellem, aufugere, tamen in hac Cruce, cui me Dominus secum confixit, & vivere, & mori favente ejus gratiâ constitui. Quis enim captivos Gallos me absente posset solari? contentes absolvere? quis Hucos captos & baptizatos monere de officio? quis eos, qui de novo subinde captivi adducuntur, instruere, morientes baptizare, corroborare in tormentis? Quis pueros sacris aquis ablueret, quis morientium adulterorum salutem providere, sanorum instructionem? Et sanè non sine peculiari quadam divinæ bonitatis providentia factum esse arbitror, ut cum hinc à Catholica, & vera Religione alieni, aditum ad Fidem istis Regionibus, illinc atrox bellum inter Barbaros, & eorum occasione inter Gallos intercluserint, pervenerim in istorum Barbarorum manus, qui me nolentes, ut ita dicam, & inviti hætenus, Deo sic volente, conservârunt, ut per me licet indignum instruerentur, crederent, & baptizarentur, quotquot sunt præordinati ad vitam æternam. Septuaginta autem ab eo tempore, quo captus sum, baptizavi, & pueros, & adolescentes, & senes, ex quinque diversis nationibus, & linguis, ut ex omni Tribu, lingua, & Populo stent in conspectu Agni.

Hac de causa quotidie flecto genua ad Dominum, & Patrem Domini mei, ut si est ad ipsius gloriam, infatuat omnia tum Europæorum, tum Barbarorum consilia, qui de me aut retrahendo, aut ad nostros reducendo cogitant. Multum enim locuti sunt de me reducendo Barbari. Et Batavi, apud quos hæc scribo, multa obtulerunt, & etiamnum offerunt, ut me retrahant cum meis socijs. Apud eos bis diverti: & me humaniter tractârunt, nihilque intentatum relinqvunt, ut me, meosque extrahant. Imò & Barbaris, apud quos sum, multa elargiuntur, ut me humaniter tractent.

Sed jam me tedium capit tam longæ, & tam prolixæ Epistolæ: rogo igitur ex ani-

mo Rev. V. ut me indignum licet, semper tui suum agnoscat: licet enim habitu, & vestitu Barbarus, imò & penè in tam tumultuosa vita sine Deo meo, semper tamen & Sanctissimæ Romanæ Ecclesiæ, & Societatis filius, ut vixi semper, ita & mori cupio. Obtine mihi à Deo, Reverende mi Pater, sanctis Sacrificijs tuis, ut cum mihi multa adjumenta ad eximiam sanctitatem dederit, quibus hætenus malè usus sum, saltèm hæc postremâ occasione, quam mihi præbet, bene utar. Certè hoc debet bonitas tua filio tuo ad te confugienti: vitam enim vivo sanè miserabilem, in qua virtutes omnes periclitantur. Fides quidem in tam spissis infidelitatis tenebris; Spes in tam longis, & duris sanè probationibus; Charitas in tanta carnalitate, & Sacramentorum omnium carentia. Castitas quidem licet non multum hæc periclitetur in delicijs, periclitatur tamen in promiscuo illo & intimo utriusque sexus convictu, in quidlibet audendi, & faciendi univrsi; libera facultate, & maximè in nuditatibus. Multa enim sæpe velis nolis videas necesse est, quæ alibi non modò curiosos oculos excluderent, sed etiam errantes. Hæc de causa gemo quotidie ad Deum meum, rogans eum, nè me relinquat inter mortuos sine adjutorio; rogans, inquam, eum, ut inter tot carnis spurcicias, & superstitiosos Dæmonum cultus, quibus me nudum quasi & inermem exposuit, fiat cor meum immaculatum in justificationibus suis, ut cum venerit bonus ille Pastor, qui dispersiones Israël congregabit, congreget nos de nationibus ad benedicendum nomini sancto suo. fiat, fiat.

Reverentiæ Vestræ

Humillimus in Christo servus  
& filius

Isaacus Jogues.

Licebit mihi per R. V. omnes meos RR. PP. charissimos FF. quos unice omnes in Christo diligo & colo, salutare, meque eorum SS. Sacrificijs & precibus commendare. Colonia Renferalianæ in Neo-Belgio 5. Augusti Anno 1643.

Humillimus in Christo  
servus & filius

Isaacus Jogues.

Ad id temporis, quod recitata P. Isaacii complectitur epistola, pertinent aliqua, quæ pro sua ipse modestia noluit literis fortasse committere. Sed ubi redijt in Galliam, Moderatorum autoritate compulsus, ea patefecit: quæ quoniam ipsius verbis Latine descripta nactus non sum; quàm optimâ fide con-



consequi ex Gallico potui, interpretata reddam. Itaque sic ait:

Post amantissimi mei socij, faustæ memoriæ, mortem; eo tempore, quo ad mortem ipse etiam quotidie quærebar, & angustijs repleta erat anima mea, accidit in somnis mihi, quod nunc edisseram. Egressus eram è pago nostro, sicut erat meus mos, ut tibi, DEus meus, liberiùs gemerem, exhiberemq; orationes meas, & cataractam adducerem coram te meis angustijs, & querimonijs. In reditu meo nova omnia comperio, valla, queis pagus noster cingebatur, in turre, in mœnia perelegantia, in propugnacula videntur esse mutata; quamvis nihil de novo videretur esse fabricatum, sed urbs appareret egregia, & veteris ævi. Dum anceps animi hæreo, isne pagus noster esset, necne; cerno prodeuntes Hirocensium aliquos mihi pernotos; sique nostrum eum esse pagum asseverant. Igitur accedo ad urbem plenus admirationis; & primam portam ingressus, conspicio in columna dextera portæ secundæ duos istos characteres L. N. grandi forma incisos; & deinceps agnum pusillum neci datum. Obstupui spectans; neq; satis capere poteram, qui potuissent characteres illos Barbari, nostrorum ignari literarum, incidere; cumq; eorum sententiam cum animo meo reputarem; conspicio in volumine sursum hæc tria verba descripta, *Laudent nomen ejus*: simul ingenti luce, penitissimo in sinu animi collustratus, eos intellexi verè nomen Agni laudare, qui in pressuris & tribulationibus eniterentur ejus imitari suavitatem, qui tanquam Agnus non aperuit os suum coram ijs, qui despoliatum vellere ducebant ad necem. Eo conspectu recreatus, alteram portam ingredior, ingentibus saxis quadratis structam, grandi porticu, seu fornice ad ingressum ornatam. In ejus medio stationem militarem conspicio, armorum omnis generis refertam, sed milite vacuum: arma quidem ego reveritus sum, ejus observantiæ memor, quæ eis deberetur. Quo facto, exclamat excubitor, eo loco, quò fortè contendebam collocatus, ut starem: verum ego, siye quòd aliò vultum aversum haberem; siye quòd elegantiam rerum, quibus eram intuendis intentus, animum occupasset, clamantem neq; vidi, neq; audiui. Itaq; rursus altiùs vigil inclamat, ut sistam gradum. Ego illico in vestigio restiti. Tum ille: Siccine voci ejus obtemperas, qui ante Regiam exuebat, ut bis clamandum fuerit, quò subsisteres? Age, ad Judi-

cem, ad Capitaneum nostrum, ut meritâ te meritis tuæ poenâ defungare. Cui ego; crede sis, inquam, amice, neque te videram ego, neque audieram. At ille purgatione repulsâ, intrò me rapit. Palatij porta paulò infra stationem erat. Locus ille speciem mihi earum aularum deauratarum exhibuit, ubi exercentur in Europa judicia; vel qualia priscis in Monasterijs visuntur fuisse Capitula. In eo palatio vidi senem plenum majestatis, Antiquo dierum persimilem, togâ oblongâ vestitum è spectatissima purpura; non sedentem illum; sed leniter inambulantem, suòq; populo jura dicentem, quem pretiosi ab ipso cancelli separabant. Ad portam conditionis ejusq; multitudo confiterat. Ut Judicem miles, qui me induxerat, affatus est; ille virgam è fasce depromit, quales præferri consueverant Romanis Consulibus. Eâ virgâ me diu, inclementerq; diverberat, humeros, & collum, & caput feriens; & quamvis alterâ dumtaxat id manu faceret; tanta tamen erat doloris acerbitas, quantam in primo Hirocensium pago fueram expertus, cum primum sub ingressum universæ juventutis atroci sustuario exceptus sum. Nullus mihi sub ijs verberibus gemitus exiecit; nulla conquestio: toleravi dolorem meum, haustâ ex humilitatis meæ consideratione patientiâ. Demum Judex veluti meam mirabundus patientiam, virgâ positâ, meum in collum se dejecit, & complexu stringit, omni animi detersâ ægritudine, & divinâ quâdam, ac prorsus inexplicabili consolatione perfusum. Hac cælesti dulcedine redundans, exosculabar eam manum, quæ me verberaverat; & quâdam quodammodo velut extasi oppressus, exclamavi: Virga tua, Domine mi Rex, & baculus tuus, ipsa me consolata sunt. Atq; his actis, reduxit me, & in limine portæ destituit. Ego verò, cum ad me redisset, dubitare non potui, quin meo in animo Deus mira quædam esset operatus; non eò duntaxat; quia res eæ sibi aptè cohererent; sed multò maximè ob ardentissimum amoris ignem, quem in profundo cordis mihi Judex meus accenderat; ejus vel sola recordatio lachrymas dulcissimæ consolationis mihi post menses etiam complures ciebat.

Fuit mihi etiam dilata meæ mortis opinio non semel in animo secundum quietem impressa. Nam cum ego me carum meum socium jam cælo receptum sequi arbitrarer; currebam post eum per limites & anfractus, qui mihi mox ejus conspectum adi-



adimebant. Aliàs inter eum persequendum templa superba offendebar; in quæ cum me intulissẽm, eorum specie, & pulchritudine pelleretur, vocibusq; canentium, quas audiebam, delinitus, orando precandq; tantisper ejus solabar absentiam. Verũ ijs suavitatibus simul atque exhibam, in ejus sequendi cupiditatem rursus intrabam. Hæc ille tunc temporis haud satis dum intellecta suæ mortis præfagia divinitus habuit. Sed in eo quoq; secessu, cum in tumultum pago imminentem egrediens, longa spacia cum Deo precando ducebat, ut in epistola nuper recitata commemorat, abdita nonnulla Divinæ benignitatis argumenta percepit.

Videbar, inquit, mihi die quãdam in conventu esse complurium Patrum nostrorum, quorum, cum viverent, colueram virtutem: tres tantum ex ijs distinctè recognovi, P. Jacobum Bertric, P. Stephanum Binet, P. Petrum Coton; & eorum quemque eò clariùs agnovi, quò mihi cum illis major fueat in Europa consuetudo. Eos ego toto animi mei impetu deprecatus sum, ut Cruci me commendarent, quò me ipsa reciperet, discipulum ejus, qui pependerat inter brachia ipsius. Causam attuli postulationis, quæ neq; unquam mihi aliàs, ac nẽ tum quidem etiam, cum de Cruce meditarer, in mentem venisset; nempe, civem me Crucis esse, ea scilicet in urbe natum, cujus Ecclesia princeps ac Metropolitana Sanctæ Cruci dicata sit.

In hoc eodem secessu deprehendi me, inquit, derepentè in officina Librarij, sita in porticu, seu claustro S. Crucis in urbe mea natali. Sciscitatus ex eo sum, ecquem haberet librum de pietate, & officio tractantem? Ille sibi unum esse quempiam respondit, quem haberet in pretio. Is mihi cum præberetur in manus, unà vocem inaudij hujuscemodi: Liber iste continet illustres pietate viros, & fortia bello pectora: quæ verba veritatem istam animo meo impresferunt; Oportere me scilicet per multas tribulationes ingredi in regnum Dei. Ecce, autem, ut ex officina egressus sum, eam ipsam undique Crucibus opertam conspexi. Dixi librario, rediturum me isthuc propediem, coempturumq; ex eis, quod satis foret, cupere enim me earum copiam; vidi autem omnis generis, & magno numero Crucēs. Adeo scilicet vir optimus nihil, nisi Crucem, spirabat, nihil optabat: & confecerat ipse sibi Litanias de S. Cruce, quæ post ejus excessum in chartæ fragmentis inventæ sunt.

In eadem ista solitudine, quã supra modum à Barbaris vexabatur, Deus eum quoq; maximã destitutione consolationis exercuit. Verũ sic eum rursus solatus est. Cum altæ jam nives essent, inquit, eram inediã, frigore, nuditate semimortuus: eram Barbarorum lutum ac cœnum, opprobrium, & ludibrium hominum: mortiferos in animo meo angores, ex conspectu negligentiarum, & delictorum vitæ meæ retroactæ; dolores mortis, quam de Barbarorum manibus, ut ipsi mihi denunciabant, cogebar expectare propediem; & pericula inferni circumdabant me undique. Inter hæc verò vocem distinctè percepi, damnantis pusilli cordis mei contractionem, jubentisq; *Sentire de Deo in bonitate*, meq; in ejus sinum plenè, integrèque conjicere. Percepi & ista alia verba, quæ S. Bernardi esse credidi: *Servite Domino in illa charitate, qua foras mittit timorem; meritum non intuetur*. Tempestiva prorsus ea monita fuere: neq; enim ego tum agebar liberali atque amico, seu filiali timore; sed vernili potius, serviliq; dejectione: neque satis habebam spei atque fiduciæ; & pro gemitibus, quos pro malè factis in Deum debueram, eo tristabar, quia me de medio vitæ tolli cernebam, sistiq; Judicio, priusquam ulla præ me misissẽm opera bona. Itaq; ea verba me momento mutârunt; eadem dispulere molestias; meq; in amoris adeo vehementem conjecere flammam; ut prius ea Bernardi verba magno impetu pronunciarerim, quàm ad me revenirem: *Non immerito vitam ille vindicat nostram, qui pro nobis dedit & suam*. Denique tantopere servi sui pauperis animum Deus dilatavit, ut in pagum, cujus in introitu me mactandum rebar, gaudij plenus redierim.

Per idem illud captivitatis suæ tempus, quoties venationis aut piscationis causâ prodirent pago suo indigenæ, Isaacus vice jumentis sarcinarij ad deportanda foras quidem alimoniarum necessaria, domum autem revehendas carnes ferinas, illis adhibebatur, nudis semper pedibus per altas nives, & concretum glacie solum incedens. Durante autem pluribus subinde hebdomadis eã excursionẽ, lignandi cura illi incumbibat, & apparandi foci, cui necessaria ligna cedere, & suis humeris convehere cogeatur. Ipse autem media in sylva mapale sibi è ramalibus in modum Sacelli interim contexebat, & Cruce in illo collocatâ, quidquid temporis suffurari poterat, coram eadem prostratus contemplationi impendebat. Accidit ali-



quando, ut ingenti carniū sarcinā onustus in aliorum comitatu domum per 30. leucas remitteretur, cū mulier pręgnans infante ulnas, & carniū pręterea onere pręgrandi dorsum impedita, ex angusto ponticulo in rapidum profundūque flumen delapsa est: cujus miseratione P. Isaacus in aquas ē vestigio defiliit, & pondere liberatam, ad ripam ingenti suo periculo pertraxit; infantem verò ex hausta aqua & gelido frigore morientem sacris undis elutum, Cælo transmisit. Attonuit ea charitas nonnihil barbaros, donec ad pagum perventum est, ubi nullā concessā quiete jubetur pręgrandem frumenti faccum ocyus ad venatores portare. Cohorruit viro animus magnitudine oneris, quod tamen supremis viribus conatus aliquousq; deferre, cū & virium imbecillitas, & glaciati soli lubricitas prohiberet ultrā progredi, coactus est domum redire. Ibi convicijs exceptum, & canem, jumentum iners, nihil nisi edere sciens, compellatum, damnant ad servitium hominis, ē fatidissimo morbo in angusta casa computrescentis, ejus ipsius scilicet, qui Patri ungues crudeliter evulserat: cui ipse charitate, quā filius amantiſſimo Patri posset, diebus 15. inservivit; quod idem obsequij genus paulò post alteri sædā illuvie diffuenti, qui præ alijs crudelius in se defævierat, spontaneā charitate exhibuit. Aliās ex simili venatione fraudulenter senecio quidam domum illum revocabat, ut scilicet Manibus sui familiaris, quem diu ab expeditione in Huroniam non revertentem necatum credebat, Patrem immolaret. Jamq; is ignarus technæ, velut ovis ad occisionem, pagum repetebat, cū repente de incolumi amico allapsus nuncius, & mox cum captivis ex gente Abnakiensibus revertens victor ipsorum manipulus, improbum senis consilium iterum discussit, & in captivos furorem convertit, quos gaudio elati certatim cum fene omnes carnificant, torrent, macerant, ac demum per diram ingluviem devorant.

Quoties verò quies à venationibus, aliſque excursionibus dabatur, continuè Pater tres eorum pagos, quos Agneronons vocant, concurſabat, Hurones captivos posthabito sui capitis evidenti periculo solando, expiando, & in Fidei constantia roborando. Unde paulatim ejus hospita ac Domina, quam Pater suam amitam ex beneficio vocabat, virtutum ejus admiratione capta, binas ei pelles cervinas commodavit, unam quā se obvolveret, alteram cui incubaret. Sed paulò post iterum extremum vitæ subiit pericu-

lum: nam rabidus homo inopinatò irruens, duos ei validos ictus militari clavā in caput infixit, ut eliso serè cerebro corruerit: conficiendus ab eo penitus, nisi ab accurrentibus prohibitus esset. Amita Patrem miserata, copiosè profusis lachrymis, quidquid deinceps in eum molirentur barbari, syncerè aperiebat, & ad subducendum se fugā tam dirę immanitati hortabatur. At ipse patiendi pro Christo atrocissima cupidissimus, sibi verberum & cruciatuum sibi illatorum instrumenta nancisci poterat, ea devotis osculis & lachrymis venerabatur; præsertim verò theatri illius fulcra, in quo fuerat tam dira perpeſſus, non poterat absq; gestientis animi lætitia intueri, quia divinæ in sua crimina ultionis fuerant instrumentum. Circumductus etiam aliquando ab hero suo per vętigalium pagos est, ad vanam victoriarum suarum etiam de Europæis ostentationem; quam ei mentem DEUS evenire videri potest permisisse, ut per eam suorum in ea barbariæ electorum salutem operaretur. Nam Pater cujuslibet ejus vici domos singulas excutens, quotquot moribundos reperit infantes (reperit autem in una aliquando domo quinque) baptizabat; idemq; adultis compluribus, ubi diuturnior mora præviæ instructioni favebat, beneficium impertiebat. Inter alios tum in Juvenem languentem incidit, à quo sic compellatus est: *Ondeſſon* (id Patri nomen inter barbaros erat) *ecquid me agnosciſ?* *meminiſſine ejus beneficij, quod tibi primo in hanc Regionem Hirocenſium ingreſſu præſtiti?* neganti meminisse unquam illum sibi viſum: *meminiſſin'*, ait, *hominis ejus, qui in tertio pago Hirocenſium, cui Agnerononſium nomen, cum ſuſpenſus animi defectione penè fatiſceres vinculorum quibus tenebare nexus incidit?* *Equidem rectè commemini,* respondit Pater, *sed cum ego nuſquam adhuc deprehendi; pro eo tamen Deum crebrò ſupplex interpellavi. Ego ipſe ſum is,* inquit æger. Quem illico Pater complexu ſtringens, ab quā dolet, ſubjicit, *quòd tui juvandi hoc in morbo copia mihi non ſit! vides egeſtatem meam. Cupio tamen aliquid tibi, ſi libet, quàm quod tu mihi, conſerre præſtantius.* Annuentem extemplo docet Fidei myſteria, erigit ad cupiditatem & ſpem beatitatis; institutum, & ſcelera dolentem, Baptiſmo abluit, nec multò poſt plenum Deo & cæleſti ſolatio, ad Superos tranſmittit. Tantà viciffim ſuā voluptate, ut illum 80. leucarum laborioſum circumductum, omnēſque hætenus exantlatas moleſtias abunde ſibi ejus partā ſalute penſatas duceret. Toto eo

itine-



itinere victus ei fuit sola agrestis portulaca, temerè per agros collecta, citra ullum condimentum calidâ duntaxat aquâ macerata.

Vix domum redierat, cum iterum indicitur ex more piscatio, in locum septem octoſe leucas ab Hollandorum statione remotum. Ibi dum consueta lignatione piscatoribus famulatur, nuncium elam accipit, ipsum in pago reducem, ut vivus affetur expectari. Igitur multum deliberans, utrum periculo semet eximeret, tandem eâ solâ causâ, quod vitâ modò servatâ posset ad eorundem salutem postliminio regredi, consilium suscipit præsentî discrimini caput subducendi, evaditq; in unam Hollandicarum navium, receptus, nequidquam querentibus injuriam barbaris, in Præsidij Præfecti domum, restituendus tamen eis in omnem carnificinam, nè sædus violaretur, si non barbari muneribus & blanditijs pacarentur. Hic senas hebdomadas avarissimo, unâq; immiti annonæ militaris curatori in custodiâ commissus, sub tegularum tectum conclusus est, ubi locum alium solis disclusum asseribus habebat, sed adeò latè diductis, ut inferi juncturis digitus posset. Cum igitur quotidie Hirocenſes illuc induceret annonæ distrahendæ causâ, miraculo ducebat Pater, se illis sexcenties non fuisse proditum, cum alioqui omnes domûs aditus pertinaciter obſeſſos tenerent, ut fugitivum deprehenderent: siquidem eos ipse distinctè semper videns, nè ab illis vicissim observaretur, laboriosè contracto conglobatq; corpore, ternas quaternâsq; continenter horas compresso omni screatu ac propemodum halitu, post fragmenta vetustorum vasorum deliteſcebat, nullò unquam per 6. illas hebdomadas prodians. Ad hæc victus ei nequitia curatoris non amplior suppeditabatur, quàm sufficeret præcisè vitæ fame non amittendæ; aquæ verò mensura quinto quoq; die afferebatur, quæ caloribus æstivis corrupta, ingentes stomachi cruciatus bibenti ciebat. Accedebat gravissimum tibiæ ex morſu canis, dum ad Hollandos profugeret, acceptum vulnus, ex quo illa jam cancro occupata immanem ei dolorem, & certum exitium afferebat, nisi peritus chirurgus accessisset.

Sedato jam nonnihil apud barbaros recuperandi Patris desiderio, Manatam, primariam illic Hollandorum arcem 60. leucis distitam, navigio transmittitur: & perhumaniter à Præfecto, ipsiq; Batavorum Ministris acceptus, veste nigrâ, rebûsque omnibus necessarijs liberaliter instruitur. Cer-

tatim accolæ omnes accurrebant, visum hominem tam crudeliter deformatum, totiesq; extrema expertum: & ex præſidiarijs adoleſcens Polonus etiam pedibus Patris advoli non dubitavit, articulos pedum & manuum Christi causâ mutilatos exosculans, & Dei Martyrem appellans: quem Pater libentissimè à Luthero traductum ad Catholicam Fidem voluisset, nisi ignorantia linguæ, & defectus inter meros hæreticos interpretis vetuisset. Quæ eadem causa non sivit eum plenè solari Catholicam mulierem Lusitanam, in cujus domicilium Arci vicinum, aliquando descendens, maximam consolationem accepit, visis duabus sacris, Deiparæ videlicet & B. ALOYSII imaginibus, quas ipsa, nè deprehensæ eriperentur, in camini testudine suæ devotioni affixerat. Inter hæc ineunte Novembri navigium de more in Hollandiam soluturum erat, cui etiam Pater se committens, multis in via exercitus calamitatibus, in Angliæ portu quodam, ad quem adulto Decembri applicuerant, etiam vitæ periculum adiit, despoliatus vestibus omnibus, & sclopo jam pectori admoto interimendus, nisi repentè Gallum se professus fuisset. Indè carbonario Gallorū navigio discedens, postridie in pervigilio Nativitatis Dominicæ portum inferioris Britannicæ, quæ prima Gallicæ Angliæ obversa regio est, tenuit; ac primò omnium in templum divertit, peccata confessus Sacro interfuit, & Divinum epulum, quantâ cordis exultatione post tantum illius fruendi intervallum! libavit. Acceptus deinde est liberaliter à tenuibus pagi incolis pro exule ab Hibernia Catholico: ac ubi laceratarum sædè manuum causam edixit, incredibile dictum est, quanto eum studio universi recreare conſiſi ſint. Duæ virgines illi duos ternosve solidos in stipem contulere, & mercator Rhedonenſis illac fortè transiens eqvum, quo ad proximum Societatis Collegium veheretur, concessit.

Die 5. Januarij bene manè An. 1644. pulsavit fores Collegij Rhedonenſis, & alieniore habitu minimè agnitus, Rectorem, novorum Canadenſium obtentu accersit. Is patentium de more literarum ab Hollando Gubernatore, quibus persona Patris & nomen indicabatur, incuriosus, interrogare multa de rebus Canadicis, atque adeò sciretne superesse P. Isaacum Jogues, an trucidatum à barbaris, à quibus captum audisset. Cui Pater, super est, inquit, ille, & hic ipse est qui cum colloqueris; & ex templo ad pedes Rectoris procumbens, bene ut sibi precaretur oravit.



vit. Rector novitate spectaculi æquè lætus atque attonitus in domum inducere, arctis amplexibus adstringere pectori; gestire domestici, & diversa mirabundi, quisq; pro ingenio, universi percontari, & veluti hominem redivivum pendentes oculis atq; auribus circumstare. Profectus indè post paulò Parisios, ibi pari spectaculo fuit: neq; Regina potuit dissimulare commiserationem, Barbarorum rabie in tanta crudelitatis indignitate conspectâ. Porro haud admodum diu demoratus in Gallia, cum triumphalis Provinciæ cupido urgeret, simul ac sui spectandi copiâ, quibus ex officio decuit, abunde fecit, otioso ab rebus alienis animo Rupellam concessit, indèq; factâ transmissione iterum ad Hurones, Montrealem Gallicæ potestatis arcem, ubi pristinarum ejus virtutum odor etiamnum fragrabat, applicuit. Interea temporis dum abest in Gallia P. Isaacus, Gallos inter & Hiocenses de pace convenit; cui firmandæ, suôq; nomine & autoritate honestandæ, Gubernator è suis eò duos ablegare cum decreisset, unum itidem ut è nostris adjungeret consilio futurum & solatio, Moderatorem in ijs oris Sociorum oravit. Idoneus præ alijs P. Isaacus & gentis, & morum ejus, ac linguæ prudentiâ visus, invitatur à P. Hieronymo Lallemand Superiore per literas ad eam itionem. Ipse literis acceptis in hæc verba respondit: *Litera, quas mihi R. V. scribere dignata est, versantem in Exercitijs me occupaverunt, qua fueram aggressus in digressu lintris, qui literas nostras vehit; eo delecto tempore propter silentium, quo intentis venationi barbaris frui conceditur. Crederesne Pater in apertione literarum tuarum contremuisse principio cor meum, tanquam vereretur, ne quod avidè concupisco, quòdque in pretio debet esse spiritui meo, illud ipsum eveniret! Miserabilis natura conditio retroactorum recordatione corroboruit; sed eam Dominus noster, qua est ejus benignitas, illico tranquillavit, tranquillabitq; imposterum amplius. Ità Pater; id unum quodcumque vult DEUS, & ego volo, vel cum vitarum mille periculo. O quam me peniteret, olim tam honesta neglecta occasionis! possemne aequo animo pati per me stetisse, ne ulla quæpiam animarum salutem adipisceretur? Confido bonitatem ejus, qui mihi præteritis casibus nunquam desuit, deinceps quoq; præsto fore. Ipse mecum cunctas qua se possunt obicere difficultates calcare potentes sumus. Arduum id est quidem obversari in medio nationis prava, sine Missa, sine Sacrificio, sine Confessione, sine Sacramentis: verumtamen ejus sancta voluntas suavisq; disposi-*

*tio eo pretio digna est. Idem ipse qui nos absq; hisce praesidijs menses vicanos aut duodeviginti suâ gratiâ tutatus est, eundè nobis favorem minimè denegabit; quippe qui nos nequaquam ingerimus, neq; hoc iter alio, quàm illi placendi studio, adversus omnem naturæ propensionem, subimus. Eum qui mecum venturus est oporteret bonum hominem esse, virtute praditum, tractabilem, atq; imperij patientem, juxta & animosum, & cupientem pati quippiam pro Dei gloria. Conduceret item si lintres cavare nōset, ut citra Sylvestrium opem possemus ultro citroq; commeare.*

Deliberato itaq; itinere, à loco cui trium amnium nomen est, per munitionem Richelieu navigio discessere 30. Maij, Anno 1646. & post aliquot dierum navigationem pedibus iter ingressi sunt, suis onusti sarcinis & impedimentis, donec aliquot superatis amnibus Arcem Auriacam, quæ prima Hollandorum statio est, 5. Junij tenuere. Indè 17. ejusdem digressi ad primum Hiocensium pagum bidui spatio, pace mutuis firmatâ fœderibus, eadem viâ, iisdemq; incommodis ad Triamnem rediverunt. Verum P. Isaacus vix trimestri inter suos commoratus, impotens ejus desiderij, quo flagrabat prædicandæ Hiocensibus Fidei, vel fundendi eâ causâ sanguinis inter ipsos, denuo se in omnes eas ærumnas injicere statuit, hisce prius ad quendam Sociorū in Galliam datis literis. *Hæu mi charissime Pater, ecquando tandem ei servire ordiar, eumque amare, qui nos amare nunquam exorsus est? Ecquando me illi ex integro tradere incipiam, qui se mihi sine exceptione totum tradidit? At ego quanquam summè miserabilis sum, & collatis mihi à Deo hæc in Regione benefactis perperam malignèq; respondi, animum tamen minimè despondeo; quoniam illi quidem video cura esse novas identidem opportunitates, quibus mihimet ipsi moriar, meque cum ipso individue jungam, suppeditare; quò me scilicet meliorem efficiat. Unde mea in Deo sita fiducia est, qui ad exequenda consilia sua nostra opis non eget. Nostrum est operam dare, ut ei fideles existimamus; neq; per socordiam ejus opus corrumpamus. Confido abs te mihi eam gratiam impetratum iri à Deo. Et post tantam in ejus obsequio segnitiam, tandem ei servire diligentius inchoabo. Quòd si ei missioni impendar, ibo, nec (itâ præagitur animus) redibo. Verum bene mihi beatèq; fuerit, si collibuerit Deo ibi sacrificium, ubi occepit, explere; & perparum illud sanguinis, quod ibi fudi, pignora veris illi eum omnem, quem venis omnibus corporis cordisq; fundendum gero. In summa, populus ille Sponsus mihi sanguinum est, hunc mihi despondi*

san-



*sanguine meo. Bonus Magister noster & Dominus, qui eum sibi acquisivit sanguine suo, eidem portam, si placet, aperiat Evangelij sui, unâque quatuor alijs nationibus illi fœderatis, quæ finitima sunt. Vale michare Pater, DEûmque obsecra, ut me sibi nunquam separandum conjungat.*

Igitur 24. Septemb. ejusdem anni 1646. unâ cum adolescente Gallo Joanne Lande profectus, paucis comitatus Huronibus & Hiocensibus, à quorum istis in itinere paulò post perfidiosè destitutus est. Ecce autem, vix dum patriam illorum ingressus, unâ cum Joanne adolescente malè verberibus excipitur, & ad nuditatem usque despoliatus, perlevi duntaxat flocco, quo pudori consuleret, concessò, ad oppidum pertrahitur. Incesserat enim, mali genij rebus suis timentis instinctu, stulta illa barbaros opinio, diabolum in suas terras à Patre pro Christo inferri, qui morbos pestesq; crearet: unde efferatâ perfidiâ mortem illi in diem sequentem decernunt. Is erat 18. Octobris, quo sub vespeream evocato ad cenam, percussor post januam tugurioli latens inopinanti Patri, dum limen subit, ferrum illisit in caput, & humistrato cervicem illico præcidit, atq; in vallo sublimi hastâ defixit, unâ cum Joannis adolescentis capite, quorum corpora in profluentem abjecta sunt.

Hic exitus fuit ærumnosissimæ Patris Isaaci vitæ, inter tam atrocia supplicia nihil

se unquam pati cogitantis, inter tam pretiosa merita mortalium omnium se inertissimum, & Societatis veste indignum, sincerè æstimantis. Nihil illi esse gravius atq; molestius, quàm laceras manus spectandas efflagitari: quod ut postulanti Regina Christianissimæ faceret, oportuit à Superioribus id imperari. Nullos unquam in vita propensius amavit, quàm à quibus atrocissima pertulisset; hinc medias inter barbarorum atrocitates nunquam averso ab illis animo fuit, sed eâ commiseratione spectavit, quâ Mater filium furem amentia solet: alias tanquàm divinæ in sua peccata ultionis ministros venerabatur; quo etiam more jam indè à pueritia suæ correctionis authores impensissimè amare consueverat. Quin & ipsas injurias solebat pro ijs, à quibus patiebatur, Deo offerre: unde creditum est salutem æternam percussori ab ipso impetratam, qui comprehensus à Gallis summâ voluntate Baptismum suscepit, & commertum supplicium lætus etiam, & beatitatis spe hilaris subiit. Tanta autem vitæ illius fuit innocentia, ut cum à diuturna illa Hiocensium captivitate redux omnia pectoris sui arcana ex more Societatis Superiori patefecisset, is sanctè asseveraverit, nihil in eo deprehendisse gravius, quàm spectatæ mortis oblectatum aliquantisper fuisse, tanquam eximi calamitatibus immoderatiùs desiderasset.

## P. ANTONIUS DANIEL.



Osteaquam crudeli barbarorum Hiocensium perfidiâ violatum per necem P. Isaaci cum Gallis & Huronibus est pacis fœdus, novo veluti furore & æstro perciti, in agros atque oppida Gallicana cœpere incursiones facere, sædèq; grassari terrore, cadibus, rapinis. Oppidum primò quoddam sat frequentatum adorti cum devastassent, universos ibi præter paucas mulieres, horrendis cruciatibus priùs excarnificatos, magnâ parte suæ gulæ immolârunt. Nihil proinde sequentibus annis inter Hurones amplius securum, nihil immanissimis latronibus impervium, non tantùm itinera viatoribus, sed ipsa etiam oppida hospitibus suis intuta. Versabatur in Huronia per idem tempus P. Antonius Daniel, natione Gallus, unus ex primis Apostolicis gentis illius operarius, qui A. 1633. ad Fidem Christi præ-

dicandam eò penetraverant. Quindecim ipsos annos ea in expeditione laboraverat, invictâ patientiâ, excelsòque in rebus arduis animo; ea omnia perpassus, quæ citra mortem pati quisquam in humanis potest. Viæ illi communis cum barbaris, insuetus & pertenuis, qui perpetuam inter Europæos in ediam æquaret: peregrinationes assiduæ aquâ terrâque, neq; alia in ijs diurna nocturna hospitia, quàm obviarum rupium cavernæ, aut exesarum arborum foramina. Ad hæc onera omnia & sarcinæ proprijs semper vestanda humeris, & per amnem S. Laurentij, qui creberrimis scopulis interruptus triginta minimùm ex intervallo locis navigabilis esse desinit, ipsa navigia cum oneribus ad bina sæpe milliaria transportanda, & plus quinquagesies, ubi minor aquarum copia est, vadandus. Per hunc Antonius ultro citroque assiduè commeando, inter perpetua ab





*PAntonius Daniel Gallus Soc. IESV, Sagittis et bombardis  
ab Hirocensibus Idololatriis confixus, et unâ cum Templo com-  
bustus, apud Hurones in Nova Francia. 4. Julij. A. 1648.  
C. S. d. M. K. f.*

Hiroquijs pericula, Apostolicis laboribus plus 1700. barbarorum capita paucis annis ferociam dedocuit, & salutari lavacro Christo peperit: cùm insperata Hirocensium in eas partes incursio, bene cœpta omnia perturbavit.

Captatâ namq; per Huronum ab oppidis suis absentiam opportunitate, quorum pars Quebecum ad nundinas, pars in alios conterminos hostes bellum secuta discesserat; repentè oppidum S. Iosephi, completum familias supra 400. invadunt, cui procurando per illud tempus impositus Pater, incolas ad insignem morum innocentiam, & eximie Religionis supra ceteros pagos famam provexerat. Instauraverat ille paulò antè, veluti imminenti supremi certaminis præfagus, animum oâiduanis S. Ignatij

Exercitijs, & die 4. Julij, qui item quartus à sacro secessu finito erat, manè ad primam lucem Deo Sacrificium in magna oppidanorum frequentia peregerat; cùm illis etiamnum in Æde sacra comprecantibus clamor hostium exaudiri, totòq; oppido cœptum trepidari & discurri, alijs arma, fugam alijs corripientibus. Pater in publica trepidatione impavidus, ante omnia illos, quos catechesi jam imbutos à Baptismo tantisper distulerat, aquâ simul conspersos (nam singulos ablueret, temporis & multitudinis circùm se confertæ angustia prohibuerat) lustravit: tum per singulas casas discurrens, quotquot erant infantes, decrepiti, ægroti, iisdem mysterijs æternitati præparavit. Interim hostis superato vallo oppidi potens, obvios quosque cedere, ferro, catapultis, & omni telo ferire,



rire, trucidare: per quorum medium elapsus Pater, in Ædem sacram properat, quo plerofq; Christianorum spes salutis æternæ, & multos catechumenorum metus Inferni, omnes desiderium in loco sacro vitam ponendi perpulerat. Igitur omnes misericordiam Dei implorantes, & peccata sua amarissimis lachrymis descentes, catechumenos quidem Baptismate ritè abluit, reliquis autem sacræ absolutionis donum impertit; tum ardentissimo charitatis fervore inflammatus, omnes ad moriendum pro Christo exhortabatur: *Agite fratres mei, hodie erimus in Paradyso! hoc credite, hoc sperate, ut vos Deus æternum amore suo beatos efficiat.*

Hoc dum maximè agit, subiectis toto oppido jam ignibus ardebant casæ, & barbari à privatis mapalibus, in sacram Ædem inconditis horrendisq; clamoribus ruebant. Quos ubi Pater glomerari advertit, fugam, quâ liber etiamnum patebat exitus, suis imperat; ipse ut hostem tantisper, dum illi evadant, demoretur, adversum procedit, & quod meritò stupeas, unus barbari militis impetum divinâ quâdam vi infringit, circumstantibus, neque ultrâ proruere audentibus Hiroquijs. Et cum armati inermem tot unum nullo negotio opprimere, & vivum in potestatem & vincula redactum, ad immania supplicia servare possent, arcano quodam divinitus horrore consternati formidârunt accedere; sed denso imbre sagittarum & plumbeâ glande eminens obruere tutius habuere. Earum unâ icu lethali per medium

pectus transactus, & amabile JESU nomen identidem ingeminans, felicem pro oviculis suis, & supremo earum Pastore animam edidit, eâdem 4. Julij, A. 1648. Multis dilectissimorum sibi Huronum ea circa Patrem hostium demoratio ad fugam & salutem fuit: in cujus demum exanime corpus securè desævitur, tantâ rabie effusi sunt, ut nè unus quisquam hostium fuerit, qui non ei vulnus intulerit, dum vulnere locus fuit. Ignis demum Templo illatus, injectum Patris cadaver ad cineres usque consumpsit, ut nulla vel tenuissima ossis particula, quæ servari ad venerationem posset, inventa fuerit. Cujus rei causam indaganti Sacerdoti cuidam nostro, sanctitatis præcipuæ, & probatissimæ humilitatis, cui semel iterumq; post mortem gloriosus comparuit: *ecquid consilij fuerit divino Numini, in ea tam indigna barbarorum sevitia, ad abolendum penitus servi sui corpus permittenda?* respondit P. Daniel: *magnus Dominus, & laudabilis nimis! qui horum sui servi opprobriorum contumeliarumq; respectu, multas mihi animas è purgatorijs ignibus erutas dedit, quæ meum in celos triumphum ornarent.* Visus autem tunc est augustiore, & quodam cælesti vultu, annos ætatis circiter 30. præferens, quanquam 52. egisset in vivis. Patribus autem in exilium, Hirocensium ferociâ exactis, sollicitèque in medium consultantibus de re Christiana promovenda, conspicuus idem adfuit, cælestique ardore hortatus est, ut salutem eorum barbarorum strenuè pro Dei Gloria procurarent.


## P. JOANNES DE BREBEUF. P. GABRIEL LALLEMANT.



Quod in propera & mitiore P. Antonij nece crudelitatis omissum est à Barbaris Hirocensibus, id eum sænore pensatum est anno sequente, in atrocissima duorum istorum Christi pugilum carnificina, quorum certamen enarrare nunc aggredior. P. Joannes de Brebeuf honestâ in Gallijs familiâ natus, & in Societate Coadjutor Spiritualis, postquam in novam Franciam quinquennio ante P. Antonium, id est A. 1625. trajecit, tyrocinium Apostolicæ missionis posuit in montanis Quebeco aditis, quorum sylvestres incolas totam hyemem, per loca salutisque altâ nive rigentes, linguæ eorum etiamnum ignarus concursando, majorem pa-

tientiæ quàm animarum fructum, omnis esculenti cui insueverat expertis, reportavit. Primus deinde labor fuit novæ atq; insolentis linguæ studium, nullo neq; doctore, neq; interprete, per suam solius industriam: quâ sufficienter instructus, primus omnium fuit, qui ad Hurones populos Evangelium Christi pertulit A. 1626. meritò Apostolus eorum cognominatus, utpote qui nullum in aditu Christi cultorem reperiens, amplius septem millia in decessu reliquit. Occupato violentis Anglorum armis A. 1631. Quebeco, in Galliam ejectus est; ijs autem, recuperatâ à Gallis munitione, iterum pulsus, quartum post annum stationem repetiit, totamq; deinceps ætatem Huronum saluti expendit: majore





P. Ioannes de Brebeuf, et P. Gabriel Lalemant. Galli Soc. IESV. excoriato vertice, subulis sub ungues infixis, ferventibus aquis baptizati in locum evulsorum oculorum ardentibus prunis inditis, ignitis appensis securibus, toto corpore ustulati, ac demum plurium horarum tormentis, rescissis undiq; et voratis eorum carnibus, membratim pro Christo discepti ab Iroquesijs in nova Francia. A. 1649. 16. et 17. Maij.

maiores animarum zelo, an moriendi pro Christo desiderio, merito ambigas, ut cuius in scriptis nihil crebrius occurrat, quam similia verba: sentio me vehementer impelli ad moriendum pro Christo. Ardentissima decem continenter diebus in me persensi Martyrij desideria. Quibus demum scilicet incitatus, hisce verbis Martyrij exequendi votum concepit: quid retribuam tibi Domine mi Iesu, pro omnibus que retribuisti mihi? Calicem salutaris accipiam, & nomen tuum invocabo. Voveo ergo in conspectu aeterni Patris tui, sanctique Spiritus, in conspectu Sanctissime Matris tue, castissimique ejus Sponsi Josephi, coram Angelis, Apostolis, & Martyribus, Sanctisque meis parentibus Jonatio & Francisco Xaverio: voveo, inquam, tibi Domine mi Iesu, si mihi unquam indigno famulo tuo Martyrij gratia misericorditer a te oblata

fuerit, me huic gratia non defuturum: sic, ut imposterum licere mihi nunquam velim, aut qua sese offerent moriendi pro te occasiones, declinare (nisi ita fieri ad maiorem tuam gloriam judicarem) aut jam inflicto mortis ictum non acceptare gaudenter. Tibi ergo Domine mi Iesu & sanguinem & corpus, & spiritum meum jam ab hac die gaudenter offero, ut pro te, si ita dones, moriar, qui pro me mori dignatus es. Fac ut sic vivam, si ita mori tandem me velis. Ita Domine, calicem tuum accipiam, & nomen tuum invocabo, Iesu, Iesu, Iesu.

Cum vero per sepe deinde mors illi à barbaris decreta, & dies etiam necando inditus esset, ipse decretoriam horam impavidus expectans, & interim eventus securus, inque animarum questum toto conatu intentus, meruit sæpius Christum Iesum videre



dere modò gloriosum, modò autem, & crebrius quidem, Cruci suffixum, aut eam bajulantem, quam ipsam in Patris humeros deponere se cupere ostendebat. Iterum Anno 1640. ostensa illi Crux ingentis molis est ex ea parte, quâ Hirocenles spectabat, quæ non uni ipsi, sed omnibus, quotquot ijs in oris elaborabant, Socijs prægravandis sat esset. Quâ videlicet aut ei per tam immanes cruciatus inferenda mors, aut in omnes universim Socios paulò post concitata calamitas signabatur. Id quod etiam portendere videbantur quàm plurimæ Cruces, in suis Sociorumque vestibus aliàs ipsi visæ: quarum admiratione captus: cùm nocte insequente, scribit ipse, de hac sua visione, *studerem in oratione me conformare Divina voluntati, & dicerem: Domine fiat voluntas tua: Domine quid me vis facere? audiivi interiùs mihi dici: tolle, lege. Manè igitur factò cepi in manus libellum aureum de imitatione Christi, & incidi in caput de Regia via S Crucis. Ex eo insecuta est in anima mea magna pax & quies, in omnibus casibus occurrentibus. Subjungit postea iterum: In Sacello Sanctæ MARIÆ dum preces fierent ante cenam, mihi visus sum videre maculas sanguineas in vestibus omnium nostrorum, & meis etiam, ita ut nemo exciperetur: quod me movit in admirationem.*

Porro quanto furore arderent dæmones mala his Crucibus designata ipsi inferre, & omni ratione illum de medio tollere, aliâ visione sibi à Deo demonstratum ita idem perscribit: *Sub Examen vespertinum conscientie, & Litanias B.V. mihi visus sum videre ingentem catervam demonum ad me venientium, ut me devorarent: sed nullus potuit mihi nocere. Et ij quidem qui præbant, similes erant equis inusitata magnitudinis, sed erant pilo crispo & ob longo tanquam hirci: caterorum figuram non memini; sed hoc scio, tot tamq. diversas fuisse eorum formas, adeoq. terribiles, ut nihil uspiam viderim simile. Duravit hac visio per spatium unius Miserere. Non memini me timuisse, sed jactâ meâ fiduciâ in DEUM, dixisse: facite quodcumq. permittet vobis DEUS; non enim capillum de capite meo avelleris, sine ejus nutu & imperio. Objectum etiam illi aliquando fuit mortis, quemadmodum pingi solet simulachrum, nudis ossibus, spicula in Patrem furibundo jactu emittere consilium. Sed cùm imperturbatus ille totum vulneri pedus offerret dicens: fiat voluntas DEI; inane telum & spectrum evanuit. Manè autem cognitum eventu est, quid visum portenderit. Pridie namq. perfidus quidam ex Hu-*

ronibus in pagum, ubi tum Pater diversabatur advenit, & convocato incolarum concilio, novem ferreas secures, pretiosum ijs terris donum, in munus obtulit, si in necem Patris consentirent. Sed rejeçtus tandem post longam deliberationis fluctuationem improbus unâ cum dono est. Deniq. creberrimis se Christi Domini, DEIPARÆ, S. Josephi, Sanctorumque visitationibus, orationis tempore recreatum, passim in adversarijs suis testatum reliquit; videlicet: *subito raptu avulsum se à se ipso, cum Christo Domino tant familiariter fuisse congressum, ut eum verba salutis loquentem audiret: evedum fuisse in complexum Dei, totum illi adhasisse, in corde Christi requievisse. Die 27. Maij, loquitur idem, An. 1640. S. Spiritus adventui sacro, tempore Examinis serotini mihi visus sum videre rosam pulcherrimam, quæ post spatium unius Miserere evanuit. Omniaq. visa mihi sunt ardere circa me ingenti igne: & tum sensi me interiùs inflam-mari ad ardentiorum amorem Dei.*

Fuit, cùm montem spectavit Sanctis undiq. sed maximè Virginibus coopertum, cujus in vertice Virginum Regina plena majestatis confederat. Interdum solo vestimentorum ejus, vel extremæ pallij fimbriæ conspectu, tam inusitatâ luce se offundi sentiebat, ut ferendo non esset, neq. attollere in Virginis faciem oculos auderet, nè opprimeretur ab ejus gloria. Quæ talia cùm penè ipsi essent quotidiana, occultissima tamen semper, præterquam Confessario & suis Præsidibus habuit, & tam profundæ remansit humilitatis, ut omnium se vilissimum ex animo reputans, omnibus se dictis & factis postponeret. Et licet, non ea tantum, quæ statum suum concernebant, sed ipsa adeò cordium arcana frequenter pervideret, eodem tamen auctore DEO percepit, quàm oporteret in omnibus ex Moderatorum pendere arbitrio. Nam dum meditando de vita Christi occulta, scribit ipse, *ruminare verba illa: & erat subditus illis: venit mihi in mentem rogare: Domine quid me vis facere, tum circa victum, austeritates, mores, naturam, tum circa tempus orationis? Responsum est mihi, quod olim Paulo: vade ad Ananiam, & ipse dicet tibi quid te oporteat facere. Statui igitur eo die, in posterum non meo consilio regere, neq. peculiarem Dei ductum expectare per visiones, sensus, & revelationes, sed me totum arbitrio Superioris permittere, tum circa ea quæ exteriora sunt, tum circa ea quæ interiora: neq. quidquam amplius facere aut aggredi, sine ejus prævio consilio. Ità autem suave sibi esse dicebat alieno ductu, non suo ferri,*



quàm infanti maternis gestari brachijs, foveri sinu, qui suo niti gradu, ut maximè velit, non queat. *Agnovi in me, ait idem, nulum esse talentum, tantum me pronum esse ad obedientiam. Visus sum mihi aptus ad januam custodiendam, triclinium parandum, faciendam culinam. Geram me in Societate ac si essem mendicus, per gratiam in eam admissus, & omnia mihi cogitabo fieri ex mera gratia.*

Et verò non tantum vilia hæc munia, quoties licuit, promptissimè executus est, sed etiam Sacerdotali gradu indignum se ratus, Fratrum numero apponi flagrantissimè expetijt: cum tamen animo vasto, rerum magnarum capaci, & dotibus ad gubernandum præclaris abundaret. Verum ad hæc ille in se animadvertenda nunquam oculos convertit, sed tanquam omnium mancipium in pedestribus itineribus, quæ sæpe 30. continuos dies extendebantur, gravissima onera subire humeris, & sociorum impedimenta quoad posset gestare: si aqua veherentur, diem totum remo insistere, primus in flumen, ubi necessitas posceret, desilire, postremus exire, rigentibus trementibusq; frigore membris. Manè comitibus adhuc consopitis surgere, cibum parare, noctem orando Deo, & quæ Regula Ordinis præscribit, exequendo impendere: dicere solitus, noctes homini eò concessas, ut cum D E O solus, dies, ut cum proximis, Dei & salutis eorum causâ ageret. His addebat flagellationes per diem binas & ternas, cilicia, jejunia, & quidquid pia crudelitas sanctis hominibus in seipso persuadet. Et cum his tamen omnibus sæpe querebundus cum Deo & Præsidibus expostulabat, Crucis Christi nullam particulam sibi obtingere, sic ut paulò ante mortem de se annotarit: *Timui meam reprobationem, eò quòd nimis suaviter hætenus egerit mecum D E U S. Tunc bene de mea salute sperabo, cum patiendi occasiones se dederint.* Ità cogebat eum sentire de se immensum, quo fruebatur, animi gaudium in asperis & duris rebus: quibus si exerceretur, tanto acquiescebat interiore gustu, ut lætitia cordis in os & vultum, & totum ipsius corpus redundaret. Quantam autem in omnes, etiam capitaliter sibi infensos præferret mansuetudinem, optimè explicuit Sociorum unus, ità de ipso testatus. *Duodecim omnino sunt anni, ex quo agere cum Patre Joanne familiaris cepi, ejusq; motus animi omnes observare, curiosus satis inspector. Vidi eum Superiorem, inferiorem, æqualem omnibus: nunc res temporales administrantem, tum multosum sæpe negotium: nunc missionibus va-*

*cantem, actuosum opus & difficile: cum Gallis, Barbaris, Christianis, Infidelibus: amicis, inimicis, impijs, blasphemis tractantem; maledictis, calumnijs, plagis, ac verberibus oppressum usque ad sanguinem: nunquam tamen nè semel quidem in eo levioris ira non modò commotionem deprehendi, sed nè indicia quidem: pacato semper animo & tranquillo subibat omnia: in silentio & patientia ut plurimum: si loquendi locus esset, in mansuetudine & lenitate verborum. Undus nimirum hoc lætitiæ & benignitatis oleo fuerat cælitus à Christo Domino, qui ei sacris Exercitijs An. 1634. occupato, spineâ redimitus coronâ apparuit, & amicâ voce pollicitus est: *habebû, inquit, deinceps unctiorem Spiritûs in verbis tuis.**

Simile quid iterum sibi factum A. 1640 testatur in hæc verba: *Die 30. Martij cum post Missam intus me collegissem, ut Christum in me loquentem audirem, mihi visus sum videre manum, nescio quo oleo cor meum linientem, & omnia interiora mea: ex qua visione summa animi mei pax & tranquillitas consecuta est. Paucos post dies hoc alterum adnotat. Aprilis die 11. cum in Residentia S. Josephi exorta fuisset seditio, in qua Petrus Boucher (is erat puer domesticus) vulneratus in brachio fuerat, & P. Chaumonot & ego vapulâsemus; omnesq; injurijs affecti, minis territi, & exire è vico jussi essemus ab Ondihoaborca (is erat impius Apostata) & alijs ejus vici ducibus: serò cum de ijs omnibus Deo gratias agerem, & licet animo inquietus pressusq; curis, tamen voluntatem meam divina conformare studerem; visus sum mihi videre Beatam Virginem, eo modo, quo depingitur, desolatam, & tribus ensibus in corde vulneratam, sensique interiùs quasi mihi diceretur: *Beatissimam Dei Matrem es si valde afflictâ fuisset, fuisse tamen semper cum Divina voluntate perfectissimè conformem: eamq; mihi exemplum esse debere in omnibus adversitatibus.* A. itidem 1640. sic scribit: *perspectis meis peccatis, ijsq; gravibus atq; innumeris, vidi D. JESUM divina misericordia brachia extendentem ad me benignè complectendum, præterita mihi condonantem, omnia oblivioni dantem, suâq; gratias in me excitantem, atque adeò me ad summam secum amicitiam vocantem, dicentemq; sicut dictum est de Paulo: *Vas electionis est iste, ut portet nomen meum in gentibus; ostendam illi, quanta oporteat eum pro nomine meo pati.* Itaq; gratias egi, obtuli me, & dixi: *fac me Domine virum secundum cor tuum: doce me quid me vis facere, nihil in posterum me separabit à charitate tua, non nuditas, non gladius, non mors, &c.* Hoc edem incensus zelo coram Deo exclamabat:**



*O* utinam barbari Canadenses converterentur, & non amplius DEum offenderent, sed eum ardentius amarent, etsi mihi subeunda essent omnia tormenta, qua captivi subire solent in his Regionibus! Paratum cor meum DEus! Domine JESU Christe Redemptor meus, tu me tuo sanguine & morte pretiosissimâ redemisti: ideo promittô me totâ vitâ meâ tibi servitutum in Societate JESU, in salutem animarum, & nulli alij, nisi uni tibi, aut propter te servitutum: id quod meo sanguine, & meâ manu subsignavi, paratum totam vitam meam tam libenter, quàm hanc guttam profundere. Rogatus à quodam Sociorum, an non ipsi durissimum futurum esset, si quando in hostium manus incideret, toto corpore vestibus spoliari, cogiq; sic planè nudum ingredi? abnuvit grave id sibi fore: ea enim, inquit, tum esset voluntas Dei: neq; tum mihi attenderê, sed uni Deo, cujus imperijs parerem. Percontanti rursus, an non flammâs horreret & tormenta ignium? omnino, inquit, horrerem maxime, si vires meas metirer, & naturâ imbecillitatem: neq; enim satîs par forem, vel musca unius morsui patienter ferendo. At spes mea in Deo est, Deiq; gratia, cujus auxilio adjutus, non magis perhorresco cruciatus ignium, quàm punctiorem aciculâ. Sic ille nimirum his duobus nitebatur præsidijs, sui diffidentiâ ipsius, Deique fiduciâ.

Neque tamen cùm ad excelsa aspiraret, levia aspernabatur: dicere solitus, in via virtutis nihil esse non excelsum, & cruce facile ascensum ad excelsa præbere. Paupertatis tantum in eo studium fuit, ut præter novi Testamenti volumen, Breviarium, libellum Thomæ Kempensis de imitatione Christi, librumq; unum quempiam de argumento virtutis, quem ex officio legeret, itémque coronam B. Virginis, quam quotidie recitabat, nihil admodum aliud quidpiam haberet, ac nè unam quidem imaginem, sacrumve nummum, quæ pueris aut alteri unquam dare posset. Quàm ea verò grata Deo atq; accepta inopia fuerit, sic intellexit: cùm A. 1637. videre sibi visus est ingentem plantitiem, triumphalibus passim fornicibus distinctam, numero infinitis, pulchritudine admirandis. In medio sita Regia miræ elegantîæ, in visâ ignotâq; materiâ, divinæ magis artis quàm humanæ opus; ipse mirari attonitus domum tam nobilem, & cùm vacuum cultoribus esse cerneret, magis etiam obstupescere. Sed illico intellexit, ijs paratas eas ades esse, qui tecto paupere atq; humili, fumosâq; casâ, ob Dei amorem contenti forent. Castimonia in eo, media in bar-

baria, ipsôque, ut dici potest, in Regno libidinis, adeo semper integra atque illæsa, quàm pupilla in oculo solet, fuit. Cùm remoto arbitris loco sœmina, quæ illi fortè in obvio fuit, haud obscuris ejus fidem verbis tentavit, ipse nullum contrâ verbum rependit, sed silentio pugnavit, & signo Crucis: cujus objectu dæmon, habitum ementitus mulieris & vocè, ex oculis devictus evanuit. Par corporis castitati conscientîæ puritas: cujus tanta innocentia fuit, ut annis ante mortem circiter 20. sic in adversarijs scriberet: *Non agnovi in me ullam affectionem ad peccatum veniale, ita ut delecter in aliquo peccato veniali committendo. Eligerem potius infernum, quàm vel minimum peccatum. Statui odisse quodcumq; peccatum odio implacabili, quia unicum est malum Dei, quia unicum est malum hominis, quia summè displicet Christo dilecto meo.* Et paulò post subdit, quod mirèrè; nè me Deus tanquam infructuosam arborem succideret, oravi, ut me dimitteret adhuc hoc anno, & promisi me meliores fructus allaturum. Dixit etiam aliquando uni Sociorum, nunquam abs se quasitam, ex quo inter Hurones esset (erat autem tunc anno jam undecimo) nè semel quidem in vescendo ciborum voluptatem. Sed nè Regulam quidem ullam Societatis, quantumvis minimam, violasse aliquando à quopiam notatus est: adeoq; cumulatè obligationi suæ, quâ scripto se obstrinxerat, satisfecit: *Disrumpar, inquit, potius, quàm ut voluntariè Regulam ullam infringam. Nullum commercium habendum mihi cum creaturis: nunquam quiescam, nunquam dicam satîs, quia gratia nunquam est otiosa; nam ubi gratia est, ibi operatur: si autem non operatur, gratia non est.* Atque alio in loco: *capit me, inquit, magna aversio rerum omnium creaturarum, qua tandem in morte deferenda sunt. Itâ quotidie me geram, quasi quotidie, imò singulis momentis moriturus. In Deo solo quiescit cor meum; & præter ipsum, nihil mihi sunt omnia, nisi propter ipsum.*

Socius tormentorum tanto Viro, & primo Huronum Apostolo, fuit P. Gabriel Lallemant Patricius Parisiensis, anno ætatis 20. sæculi 1630. Societatem complexus, vir quàm invalido corpore, tam robustâ virtute, tantôq; peccati odio, ut vel ad speciem ejus cohorresceret. Quo tempore Philosophiam in Gallijs, altero jam cursu explicuit, incredibili in Deum, & barbaros hosce charitate flagrans, enixè DEum per lachrymas & suspiria, Moderatores precibus & votis sollicitavit, ut extremum hunc in orbis angulum relegaretur, nihil reveritus tenerrimam sui



corporis constitutionem, ærumnarum infetam atq; intolerantem: ejus sui desiderij causas & motiva in hæc ipsa verba annotavit. Hoc ita volui Domine mi JESU, DEUS & Salvator meus: primo, ut respondeam obligationibus, quæ tibi obnoxius sum; nam si tu neglexisti delicias tuas, si gloriam tuam, si salutem & gaudia, & vitam tuam, ut me miserum peccatorem servares: nonne plusquam æquum est, eadem omnia à me deferri exemplo tuo, pro salute animarum, quas tu reputas tuas, quæ tuo tibi sanguine constiterunt, quas tu dilexisti usq; ad mortem; de quibus dixisti: quod uni ex minimis meis fecisti, mihi fecisti. Ad hoc: quando me grata vicissitudinis non impelleret impetus ad holocaustum meimetipsum tibi dedicandum; toto tamen id corde facerem, ex consideratione excellentiarum adorabilis Majestatis tuæ, & tuæ bonitatis infinitis modis infinitæ, quæ digna est, ut se homo immolet obsequio tuo, & sic fortunatè se perdat, ut fideliter illud exequatur, quod tuæ de se voluntatis esse judicaverit, easq; inspirationes peculiare, quas tibi complacuit illi immittere, ad majoris tuæ gloria incrementum. Præterea: Quoniam adeo miserabilis fui, ut tuam bonitatem toties offenderim, o mi JESU, par est à me tibi satisfieri per extraordinarias penas; ideoque me oportet coram te reliquâ meâ vitâ incedere corde humiliato & contrito, in malorum tolerantia, quæ tu pro me prior sustinuisti. Tum: debitor Parentibus meis sum, matri meæ, & fratribus, & eis debeo tuæ misericordia fructum conciliare. Mi DEUS, nè sinas ullum istius familia, quam tanto amore complexus es, coram te perire; & in eorum numero esse, qui te æternum blasphematuri sunt: sinq; pro eis ego victima. Quoniam ego in flagella paratus sum: hinc ure, hinc seca, ut in æternum parcas. Deinde: Ita mi JESU & amor meus, oportet sanguinè tuum, tam pro barbaris, quam pro nobis effusum, efficaciter eorum saluti applicari; & id ipsum est in quo gratia tuæ allaborare cupio, meq; pro ipsis immolare. Insuper: oportet adorari nomen tuum, Regnumque tuum per omnes Orbis nationes extendi: adeoq; me vitam impendere, ut è potestate Satana hostis tui pauperes hæc animas vindicem, quæ tibi tuo sanguine, tuæque vitâ constiterunt. Ad extremum: æquitati congruit, ut aliquis tandem amoris studio ducatur ad eam JESU Christo præstandam voluptatem, idq; vel cum centum millibus vita periculis, si cui tot vitæ essent, cumq; eorum omnium dispendio, quæ natura maxime suavia & jucunda sunt. Neminem autem unum unquam repereris, qui magis id suscipere, quam tute ipse tenearis. Age igitur anime mi, pereamus sanctè, ut hanc voluptatem pariamus sacro

cordi JESU Christi. Ipse dignus est, & tibi non est integrum omittere, nì velis ingratus ejus amorì & vivere, & mori. Ultimus Sociorum hoc ipso anno in Huroniam advenerat, eique nomen ab indigenis Atironta impositum est. Nec ampliùs quàm sextum in ea mensem versabatur, addiscendâ ante omnia perdifficili barbarorum linguâ occupatus, cum ipso in limine laborum palmam alijs in ea vinea veteranis cultoribus præripuit.

Menfe Martio A. 1649. Hiocenses irruptione in Huroniam factâ, oppidum S. Jgnatij invaserant, unum è quinq; Patrum Joannis & Gabrielis curæ creditis. Quod dum indigenæ strenuè aliquamdiu contra barbaros propugnant, Patres fugæ consilio, quâ facilè vitam salvare poterant, abjecto, alter baptizandis Catechumenis, alter Sacramentaliter absolvendis Neophytis strenuè incumbunt, solantur, & ad Fidei constantiam erigunt. Demum hoste præpollente, ipsi cum plerisque capiuntur die 16. Martij, & continuò ad nuditatem usq; despoliatis, unguis singulis aliquot evelluntur. Mox ingens verberum turbo sudibus & baculis, consequitur, ut nullam partem corporis integram, nè vultum quidem relinquerent. In qua dirissima procella P. Joannes ad patientiam omnes hortatus: Filij levemus, ait, oculos in celum hisce in doloribus nostris: meminerimus DEUM esse spectatorem, ac testem tolerantia nostra; breviquè eundem remuneratorem, & mercedem ipsam nostram magnam nimis. Cum hac Fide moriamur, expectemusque certi promissorum ejus expletionem. Vestri me magis quàm mei miseret: sed ferendum fortiter istud, quod reliqui est cruciatum; finientur illi saltè cum hac vitâ mortali: at gloria quæ nos excipiet, nullo unquam fine terminabitur. Cui vicissim illi, Pater, inquirunt, nostri spiritus mentesq; fixæ erunt in Cælo, dum corpora patientur in terra: DEUM ora pro nobis, nostri ut misereatur, ipsum invocabimus usq; ad mortem. Erant inter hostes Huronum aliquot, qui longè ipsis Hiocensibus efferatior (ut major plerumq; Apostatarum, præ ipsis infidelibus, est nequitia) Christi odio, libertate Patrum, etiam in captivitate Neophytos adhortantium, irritati, correptos Patres ad pallos deligârunt; quos illi, antequam adstringerentur, flexis genibus venerati, & veluti suæ instrumentum salutis amplexati, & osculati sunt. Mox barbari P. Joanni, quia liberrimè Christum prædicare pergebat, lapidibus os contuderunt, linguam insertis in fauces flammis ustulârunt, manum utramq; len-



lentâ præcisione amputârunt. P. Gabrieli acutæ sub unguis, & per totum corpus infixæ subulæ, & aculei ferrei: utriq; sub brachia & renes admotæ candentes secures, ignita collaria collo circumdata. Adhæc contexto piccis resinatisque corticibus cinctu, circumdedit medium utriq; corpus, eôq; incenso circum undiq; cremavêre.

Immanes hos cruciatus P. Gabriel fortissimo animo sustinuit, erectisq; identidem in Cælum oculis, DEum suspirans vocabat in opem; quâ illius pietate exasperati barbari, utrumq; oculum acutissimis suis unguibus stirpitibus evulserunt, & in eorum cavos orbes indidêre candentes prunas. At P. Joannes rupis instar immotus, silentio, perinde quasi sensus expers, tulit omnia, neque inter flammæ & ustulationes ullam edidit vocem; attonitis novitate spectaculi, ideôq; per multiplicata tormenta, quasi per vim insentienti exprimere dolorem vellent, brevior morte illum tollentibus barbaris. Ubi tamen post longam moram veluti ad se redijt, ingenti ardore denuo Christum prædicare occepit, donec barbari discerptis labris, nè loqui posset, nares etiam detruncârunt. Sub hæc ludibrio Sacri Baptismatis, aquâ fervente iterum iterumq; toti perfusi sunt, insultantibus blasphemæ barbaris, se illis baptismo suo gratiam ingentem præstare, sinè quo salus æterna nequeat obtineri: mererique gratiæ ab illis vicissitudinem, quod diris adeo mactarentur supplicijs, quibus ad tantò altiora cæli subscellia promoverentur. Igitur carnes utriusque ex feminibus, furis, brachijs, & ubicunq;

lethalis abesset ictus, frustatim per intervalla defecuerunt, & igne leviter tostas, ipsorum in obtutu vorârunt; plagas revulsarum carniû, nè sanguinis defluxu extinguerentur, admotis candentibus ferramentis exasperârunt. P. Joanni detracta pellis est, quæ calvam tegit, abscissi pedes, postquam carnibus funditus direptis, solis ossibus insistebat; altera mandibula bipertito securis ictu diffissa. P. Gabrieli nulla corporis pars, ab usq; capite ad calcem expers ustulationis fuit, auris læva securi violata, penetrabili usque ad cerebrum plagâ; lingua, nè DEum in vocaret, quem tamen unicè pro carnificibus suis exorabat, ingestis flammatis tædis ambusta. Denique ubi emori jam illos apparebat, dissectum pectus, & exceptus sanguis avidè ab illis adhuc calens hauktus est: cor etiamnum spirantibus evulsum. Sic è vita heroës invictissimi alter altero celerius discessêre, P. Joannes eodem die 16. Martij, cùm tres horas extortus ea tormenta pertulisset, P. Gabriel die insequenti, postquam horas omnino quindecim immanibus cruciamentis excarnificatus est. Dilapsos ad propria barbaros ubi constitit, residuæ partes corporum à nostris collectæ, humatæque à Socijs superstitionibus fuêre 21. Martij, magnâ omnium consolatione, & sanctâ invidiâ, utpote qui dirissimè disceptorum undiq; corporum aspectu neutiquam consternati, accendebantur quin potiùs consimilis aliquando victoriæ spe, quam laboribus suis unicum præmium anhelabant.

## P. CAROLUS GARNIER.

**H**Une etiam Christi pugilè Orbi dedit Gallia, nobili loco Parisijs satum, & in Convictorum ibidem Collegio ad omnem pietatem à Societatis Patribus educatum. Ubi tam intentâ inter Nobiles contubernales sui vixit custodiâ, ut nullam Parthenij Mariani legem violâsse notatus sit; solitus etiam pecuniam omnem, quæ à parentibus usibus suis submittebatur, inter vindictos in carceribus distribuere. Et jam tum zelo lucrandarum Cælo animarum plenus, libris perniciosi vel lascivi bellum movit: quos si venales proflare in officinis deprehenderet, suo ære coemptos tenebris damnabat & igni. In Societatem Iesu An. 1624. ætatis 19. susceptus est; magnam pri-

mò parentum reluctantiâ, quod inter proles maximè morigerus appareret, expertus; sed postmodum tam pronâ in DEum mentis inclinatione Societati permissus, ut Parens ipse Provinciæ Præposito illum stiterit, dicens: *Do tibi Pater filium meum, nullius unquam in parendo segnitia, neque ullius erga Parentum observantiâ irreverentia reum.* Vixit deinde in Gallijs discendo, tradendôq; varias disciplinas, usque ad annum 1636. quatuor ibidem vota professus, quibus magis jam obligatum se interpretans ad mortalium in salutis semitam adducendorum studium, summis votis Superiores suos perurfit, & multum diùq; obluantem parentem continuis tandem precibus inflexit, ut ad arduam illam novæ Franciæ expeditionem transire lice-





P Carolus Garnier Nobili prosapia Gallus Soc. IESV. ab Hiraqueis  
Gentilibus crudeliter pro Christo necatus, in Nova Francia. A. 1649  
7 Decembris.

C. Seceta, d.

M. Küßell f.

liceret. Quo in trajectu complures navi eadem vectos partim ab hæresi, partim à scelere veterno, & unum aliquem decennio in expiatum eripuit; quorum nonnulli fassi sunt, se vel ipsius solo aspectu, tam decorâ hilaritate, & modestâ jucunditate composito, felicitatis interioris indice, ad Fidem rectam fuisse pellectos.

Ad locum desideratum appulsus ab A. 1636. usq; ad 1649. ea apud Hurones egit, ea tulit, quæ facillè quisq; ex dictis hæcenus de Regionis & incolarum genio, in tam robustæ virtutis viro assequi poterit. Memor siquidem, quia sicut *Lex Domini immaculata est convertens animas*, ita immaculatum ejus promulgatorem esse debere, quotidianâ exomologesi conscientiam emundabat, & præsidij Cælestibus, per ferventissimum orationis

studium, quam omnium evagationum semper expertem habuit, muniebat. Nulla totius Novæ Franciæ fuit Colonia, nulla missio, quam ipse Apostolicis laboribus non excoluisset, maximo in quibusdam animarum profectu, in alijs nullo ferè conatibus suis respondente proventu: quod tamen semper æqui bonique consulens, eadem promptitudine has adibat, quâ ab illis Præsidum nutu avellebatur; sæpius relicta animarum cultione, jussus terræ, ac rusticis laboribus manus dare, aut jumentis vice onera diversa per montana æternis nivibus rigentia deportare. Quæ tamen solis alibi mancipijs imponi consueta munia, tantâ animi exequabatur alacritate, quali colendis agris, curandâ coquinâ, ferendis oneribus, Parisios Huroniâ commutasset; esto non semel inter altas nives



ves nocte non unâ errare, ac propè perire, contingeret, nullâ gnaritate locorum, per sylvas viâsque difficiles, & Hirocensium latrocinij intutas: à quibus ille in potestatem redigi identidem exoptabat, quò qualem-cunque, Christum illis suadendi, ac barbaram impietatem evellendi ansam nancisceretur. Nullum unquam inclementiore verbo vultûve perstrinxit, nec de ullo etiam malè merito sinistrè loqui auditus est: suorum in Evropa ità oblitus & incurius, ut imperijs Majorum urgeri debuerit, ut literis eorum per tot intervalla datis ad se, responderet.

Si quando ægros in loco lustrandi, curandive ex morbo facultas deesset, illis in humeros alacriter sublatis, ad locum opportunum per plures etiam levcas deportabat, ibiq; cælesti unda perfusos, dum vel revalescerent, vel Cælum peterent, incredibili charitate idem medicus & servus accurabat, ulcera tractabat, saniem expurgabat: tum præsertim, cùm latè fusa contagio illis Regionibus inhorrescens, sanguine etiam junctos à cognatorum accessu arceret. Quorum non-nemo deinde valetudini restitutus, sanctè testatus est, conspectum à se P. Carolum Angelo stipante, in forma pellucens juvenis comitatum, qui me, inquit, amicâ compellatione hortator accessit, & author fuit, ut P. Caroli monitis promptè parere, atq; illius ductum sequi conuiterer. Corpus interim ipse suum omnibus modis crudeliter accipere, nunquam deposito, nè noctibus quidem, ferratis cuspidibus asperato cilicio, in nuda humo vestitus quiescere; cibo perparco, & qui nec famem depelleret, uti, qui non alius ferè ipsi per 13. annos, quibus inter Hurones versatus est, adhiberi solebat, quàm granum Turcicum: quo tamen ipso per ultimum vitæ biennium abstinuit, contentus glandibus & amarâ quâdam radice in aqua coctâ, sinè sale aliòve condimento. Atq; huic ciborum fami longè majorem virtutum adjecit esuriem, quam in eo supra omnem fidem fuisse testatur missionis illius Neo-Francicæ Superior, dū scribit, in veritate se affirmare, quòd in illa tota 12. annorum intercapedine, quâ P. Caroli cor, ipso candidè illud aperiente, intentiùs introspectit, nè horâ vel unicâ, extra somni tempora, fuerit absque ardenti desiderio ad crescendum in via virtutis; atq; ad animarum lucra. Omnia reliqua illi vilia fuisse visa, & ipsum nihil: Cognatos, Amicos, Evropam, solatia, quietem: præter solum DEum, qui ipsi unicè erat omnia.

Verfabatur ultimo vitæ suæ anno, qui

erat sæculi 1649. in Missionè & oppido S. Joannis, quam ipse post aliquot alias, deductis eò secum Neophytis, fundaverat, ubi mortis obeundæ seu desiderio, seu præfagatione animo divinitus injectâ, duobus germanis suis, alteri sub Sacris Carmeli, alteri sub S. Francisci apud Capuccinos signis, Christo in Europa militantibus, supremas scripsit epistolas, in qua unum triû Fratrum (se cum illis computans) ajebat, à morte haud procul abesse. Quocirca deinceps alterum tantum studij addendum esse ardori animi, & contentioni precandi. Triduo ante felicem obitum à Superiore ad S. MARIE Residentiam invitatus ad se restaurandum in tanta ærumnarum mole, inter alia rescripsit: pati se quidem famem, at non usque ad mortem: & Dei benignitate fieri, ut nihil Spiritui, nihil corpori de suo vigore decedat. *Non timeo tantum famem, addit inter alia, quantum timerem, ut nè deserto isto meo grege inter famis ac periculorum bellicorum ærumnas, ubi nunc vel maximè illis deesse me æquum non est, desim occasione luculenta, quam mihi offert Deus, amittendi seu perdendi me pro illo: nève hæc ignavia reddâ illius me favore indignum. Si recuperandarum virium causâ id necessarium esse viderem, non omitterem ad S. MARIAM promptè proficisci, cùm sim paratus omnia prius, quam parendi pronitatem accurationemve deferere. Sed nihil præter obedientiæ vires ab hac me Cruce avellet, cui me Divina Bonitas affixit.*

Septima interim Decembris dies illuxit, postquam biduo antè revocatus ad Residentiam S. MARIE, nè uterque in famis ac belli discrimine periclitaretur, socius Pater Natalis Chabanel discesserat; cùm in oppidum S. Joannis non plus quàm sexcentis familiarum capitibus habitatum, Hirocenses improvisi incurrunt, primòq; insultu aggerem superant. Non alias dirius, aut magis infestâ hostilitate exitialis barbarorum pestilentia desævijt. Ignis penè citiùs oppidum totum involuit, quàm adesse hostem adversum est. Omnia cædibus, strage, direptionibus vastata, prostrata, funditus ad usq; interneccionem eruta. P. Carolus è Templo tum fortè prodibat, visâq; tempestate, eo demum die antea actorum vitæ annorum fructum longè optimum se capturum facillè pervidebat; ergo de suorum unicè salute anxius, omnes ad fugam tempestivam hortatur, & bene, fugientibus, precatur. Ipse Neophytis fugæ socium illum habere deposcentibus, heroico animo ad casum sibi sæpe provisum armatus, oves in faucibus invadentium, easque per-



perdentium luporum deferere noluit, ut in eorum numero computari mereretur, de quibus S. Augustinus Epist. 180. ad Honorat. Episc. ita scribit: *qui propterea patiuntur, quia fratres, qui eis ad Christianam salutem indigebant, deferere noluerunt, sine dubio suas animas pro Fratribus ponunt.* Hinc cum omnia crepitu flammarum, mapalium ruinis, matrum & parvulorum in flammis abjectorum ejulatu, cæde, sanguine miscerentur; Carolus sibi & omnibus præsens, per domos incendijs obvolutas, circuibat num quos supremæ opis indigos reperiret; & obvios quosque Sacramento penitentiae expiabat. Quosdam in medio incendiij globo, Cælestis aquæ injectu baptizavit, nullâ sui discriminis curâ vel attentione: ut nihil stuperent magis & laudarent deinde, qui rebus turbidis adfuere, quàm periculi tam præcipitis metu nihil animo turbatum, in gradum quidem concitatus intendisse, aut lentius è contrâ attenuisse, tanquam in oppido altissimâ quiete pacato incederet. Planè ut ei convenire videantur illa à S. Augustino ibidem adjecta: *qui clades hostiles ideo non fugit, cum possit effugere, nè deserat ministerium Christi, sine quo non possunt homines vel fieri, vel vivere Christiani, majorem charitatis invenit fructum, quàm qui non propter fratres, sed propter seipsum fugiens, atque comprehensus, non negat Christum, suscipitque Martyrium.*

Hæc inter domos & plateas, funeribus & bustis obseptas, inter saucios & moribundos Hurones, alios palpitantes in igne, alios in sanguine supremum spiritum ægrè trahentes, mirâ fortitudine charitatis & securitate fiduciæ, perinde ac si invincibilis hostibus foret, agentem Carolum, advertunt tandem & adoriuntur Hiroquæi, & triplici ex sclopo totidè globis in pectore, stomacho, coxendice exceptis, humi sternunt, prolapsam veste omni expoliant, & in sanguine natantem relinquant. Qui ubi prostratum similiter, non longè distantem Christianum Huronem, & vulneribus suis immorientem advertit, in genua, ut potest, se colligit, & quantumvis semel iterumq; virium imbecillitate collapsus, iterum tamen iterumq; connixus, ad suppetias moribundo ferendas ægerimè se protrahit, supremum absolutionis Sacramentalis donum illi collaturus. Hoc ceu vitæ præclarè actæ coronario opere perfundum, quidam iterum Hiroquæorum aggressus, impressâ in caput gemino ictu securi, dissiliente circum cerebro, confecit. Et licèt

Huroni etiam Carolum complexo vulnus inflixerit, ille tamen malo superstes hæc ipsa à compluribus relata, fideli deinde testimonio de Patre confirmavit. Acta sunt hæc A. 1649. in vigilia DEIparæ sinè labe conceptæ, cujus P. Carolus eximius per omnem vitam cultor, voto etiam speciali huic Mystério propugnando propagandoque se pridem obstrinxerat. Vix tam inmani patratâ clade lætantes Hiroquæi decesserant, cum postero die reversi ex alio, cum vicinis confecto bello, pagi incolæ viri, visâ Templi in cineribus jacentis, domorum, conjugum, parentum, liberorum clade, cum evitabile malum ampliùs non esset, solenni patriq; viris dolendi ritu, per dimidium diem humi, profundo absorpti silentio, nè sublati quidem in cælum oculis, miserabiliter, citra tamen lachrymas & suspiria, quæ apud illos effeminati doloris officia sunt, confedere. Neque inter cæsos alium ab alio dabatur discernere, omnibus largo sanguine coopertis. Reperit tamen inter promiscuos cadaverum acervos vix tandem ægrè à vicinis Socijs est P. Caroli corpus, & suo seorsim ab alijs sepulchro, loculo decenti compositum, honorificè tumulatum est.

Quid interim P. Natali Chabanel actum sit, qui & ipse cruentæ mortis haud expers fuisse creditur, juvat cognoscere. Biduo ante cladem cum aliquot Christianis à S. Joanne digressus, cum per S. Matthiæ missionem transiret, cuidam è Patribus dixit: *nescio equidem cur me revocet obedientia, sed vel non potero, vel si potero, revertar ad meam stationem.* Oportet perseveranter servire Deo usq; ad mortem. Iter porro per sylvam habentē dies defecit, & socijs somno occupatis, noctem precationi vigil dedit. Mediâ ferè nocte audivit confusos primùm clamores, mox claras tripudij & lætitiæ voces, quibus Hirocenses à patrata ad S. Joannem clade reduces bellica victoriæ acroamata, gentis more, inconditis gaudijs concinebant. Excitati à Patre socij nè & ipsi præda victoribus fierent, alij se aliò, ut securitatis suadebat occasio, in sylvæ intima & recessus abditos condidère: neque derelictus tum ab illis P. Natalis unquam deinceps comparuit, sive ab Hirocensibus interceptus, & crudeli carnificinâ sublatu occupaverit, sive alius quis supremus casus palabundum in ea solitudine opprefferit. Illud tamè postea de eo retulère comites; cum in illa fugæ necessitate, properationi tantæ impar, eos sequi non posset, resistentem eodem loco dixisse: *nihil interest me hic emori; hæc vita*  
exilis



*exilis quadam res est, verum bonum ac unicum est, vita illa vitalis, & felicitas Paradysi, quod mihi ab Hiroqueis auferri non potest. Magna etiam suspicio fuit, eum ab Hurone quodam Fidei apostata interemptum, qui eum se per flumen quoddam trajecisse, & ut Patrem peditem ab oneribus expediret, illius scripta, pileum, & integumentum pallij vicarium, à volente accepisse referebat. Verum alij cæsum omnino, non tantum è sanguinario apostatarum genio conjectabant, sed & indè conficiebant, quòd idem paulò antè jactabundus dicere sit auditus, fore haud multò pòst, ut suà manu è Sacerdotibus aliquis cadat.*

Cæterum P. Natalis Gallià itidem oriundus, anno ætatis 17. Societatem, & tredecim annis pòst missionem Huronicam obtinuit, eamq; Apostolicis septennij laboribus excoluit. In digressu ab Gallia ultimum vale Patri, cui spiritus arcana omnia pandebat, faciens, inter supremos amplexus dixit: *nunc demum omnino confido futurum me totum Dei!* id quod eà voce protulit, ut ea visa fuerit vox victimæ pro Christo immolandæ. Ipse autem Natalis eum hæcenus à natura exilis ferè & timidi animi se fuisset expertus, ab obtenta ea missione mirabatur se tam vivido imbutum spiritu, ut positis quantumvis exaggeratè ob oculos arduæ illius Provinciæ periculis, nihil percelleretur, sed ea exambiret potiùs. Uno ante obitum anno, suo in Societate Fratri in Galliam ità scripsit; *parum absuit, quin Reverentia vestra haberet unum fratrem Martyrem: sed Deus vult pro hac palestra virtutem melioris temperatura, quam mea sit. P. Gabriel Lallemand unus trium proximè interemptorum, commutaverat mecum stationem uno mense antè. Ego tanquam robustior missus eram ad unam longinquiore, & magis arduam missionem. Sed non ità fertilem palmarum sicut illa est, quâ meus me torpor indignum fecit. Erit ubi Deo ità visum, dum ego vicissim non desim interea facere me*

*Martyrem in umbra, & exercere in me imitamentum Martyrij sine sanguine. Hiroqueorum furor, qui omnia hic pessundat, faciet fortasse aliquando id, quod desideratur, per merita tot Sanctorum, quibuscum grandi meo solatio vivo magna in pace, in continuis vita periculis. Vestra Reverentia, & Patres in Provincia, mei obsecro meminerint ad altare, tanquam victimam ad Hiroqueorū ignem destinata, ut merear tot Sanctorum patrocinio in tam forti certamine victoriam.*

Tentari aliquando vehementiùs cæpit desiderio Galliæ repetendæ, tum quia ad linguas barbarorum perdiscendas parum felici erat memoriâ, ex quibus annorum quinque improbo labore vix tantum didicerat, ut animi sui sensa intelligenter posset exprimere, adeòq; longè utiliùs dotes animi sui in Patria impensurum sperare poterat: tum quia à barbarorum cibo, potu, domo fumi plena, moribus, incondito stridore, barbarie, insuperabilem naturæ abhorrentiam sentienti, nulla aliunde cælitus levamenta concedebantur, videbatùq; sibi Crucem nudam ferre, sinè delicijs Crucifixi. Sed ille tenebras has ab Inferno creari nihil dubitans, violentiâ naturæ maximâ, sequens votum, nunquam stationem Huronicam deferendi, edidit. *Domine JE SU Christe, qui me Apostolorum Sanctorum hujus vineæ Huronica adjutorem, licet indignissimum, admirabili dispositione tua paternæ providentiæ voluisti: ego Natalis Chabanel, impulsus desiderio serviendi Spiritui tuo Sancto, in promovenda Barbarorum Huronia ad tuam Fidem conversione, voveo coram Sanctissimo Sacramento pretiosi Corporis & Sanguinis tui, tabernaculo Dei cum hominibus, perpetuam stabilitatem in hac missione Huronica: omnia intelligendo juxta Societatis, & Superiorum ejus interpretationem & dispositionem. Obsecro te igitur, suscipe me in servum hujus missionis perpetuum; & dignum effice tam excelsæ Ministerio.*

*Amen. 20. die Junij 1647.*

## P. CORNELIUS BEUDIN.

**C**avelinga nobilis Flandriæ urbs Patrem Cornelium in lucem protulit, bonam, & ab infantia Virgini Matri mancipatam, sortitum animam, cui ante potitam puerili manu Aram quotidianus cultor adolvebatur ipse, diebus autem Sabbatinis omnes unâ domesticos eidem adorato-

res adducebat, qui Litanias Lauretanas tenerissimo affectu & voce præcinenti, non sinè pietatis quandoque lachrymis responderent. Ubi pueritiam scholis idoneam attigisse visus parentibus est, PP. Societatis in disciplinam traditus, in omni quidem virtute, sed puritatis potissimum cura eximius apparuit, dicere solitus; *nalle se cum brutis anima-*

A a a

libus





*P. Cornelius Beudin Belga Soc. IESV crudeliter ab Idololatriis Indis raptatus, et pro Christo strangulatus, apud Tarau-  
marenses in America A. 1650. 4. Junij.*  
C.S.d. M.K.f.

libus & scorpionibus, quam cum feminis habitare. Ab earum confortio ut in perpetuum, quam maximè se divelleret, Societatem candidatus, post Rhetoricam auditam, ex ambire magnis precibus instituit: cui pro candidatorio quasi munere, ad promerendum in eam aditum, inunctum à Superioribus est, infima literarum pueros docere. Quo in violentissimo officio cum raram promptitudinem & industriam suam abundè probavisset, in Tyrocinium admissus, ità deinde per omnem vitæ in Religione cursum egit, ut nullam Regulæ ullius vel semel neglectæ maculam contraxisse deprehensus sit. Post 12. annos in Belgio varias inter munerum occupationes laudabiliter exactos, in exoptatam tot apud Deum suspirijs, apud Moderatores precibus, Americam solvit An. 1647. hilari

ac læto animo proficisci jussus à Matrona quadam, virtute istic usque ad sanctimonie famam illustri, quippe qui certam illic Martyrij gloriam adipisceretur.

In Indiam post varia tempestuosi maris pericula, quibus aliquot navigia fluctibus hausta interierunt, cum Socijs 14. appulsus, Godinez appellatus deinceps est: & per brevem quiete Mexici ad reficiendas vires captâ, ut colligendis in Reductiones barbaris utilior evaderet, trimestri spatio omnem Cynaloanæ, Mexicanæ, ac Taxaumarensis linguæ artem, mirabili avidæ capacisque memoriæ gratiâ ità perdidicit, ut methodum etiam & leges brevi easdem perdiscendi compendio utilissimas, conscripserit. Mox industriam suam in tradendis ad Neophytos Christianæ Fidei rudimentis intra Collegium Tepozotlanum



glanum expertus, eundemq; suum zelum in aliquot Paraquariæ Reductionibus egregiè magno cum fructu periclitatus, ad novam ex integro fundandam & erigendam, inter barbaros Taraumarenſes, Reductionem, cum Socio Sacerdote miſſus eſt. Igitur magnâ animoſitate negotium aggreſſus, percuſſare montana Regionis, ſylvas excutere, penetrare barbarorum gregatim ſinè teſto, ſinè Rege, ſinè capite, per nemora vagantium latibula, delinire crepundijs animos, & benigno affatu ad humanum & commune contubernium hortari, Reductionis designare & moliri ad Papigochum flumen fundamenta: omnem in eam rem conferre induſtriam, muſicam etiam, cujus ad uſq; excellentiam voce, & omnis generis inſtrumentis peritus erat, adhibere artem; & quos muſicâ allegerat, Chriſtianæ vitæ præceptionibus ſtudioſè imbuere. Donec tandem non contemnendâ barbarorum manu, per omnes illos difficultatum & ærumnarum labores, quos alibi ſuprà memoravimus, collectâ, par alijs ferè vetuſtioribus Reductionibus nova ſtaret Colonia, mapalibus, Æde ſacrâ, & ingenti præ illius foribus Cruce conſpicua; reductis ad humanitatem, & Chriſtianæ Fidei per ſuſceptum Baptiſma profeſſionem, ampliùs quàm ſenis hominum millibus.

Hanc dum ille veluti proprium partum, maternâ prorsus curâ & charitate ad perfectionem expolire & educare, omnibus omnia factus conatur, ecce tibi ingrati & rebelles quidam filij triſtia in Patrem moliri, & inveterem ſe licentiam ejus interemptione reſtitutum ire. De quorum molitionibus tempeſtivè commonitus Pater, ſtationem tamen neutiquam deſerendam duxit, nè puſillus grex abſente ſe periret, & paucorum malitia in totius Reductionis perniciem redundaret. Ergo qui in atrocem ſeditionem coaluerunt, 4. Junij A. 1650. in vigilia Spiritûs Sancti in oppidum irruunt, & Patris mapale furibundi petunt, in quo cum aliquot Chriſtianis Pater rerum eventum tacitus, atque ad mortem animatus, & ſuos ad eandem animans, eosdémq; vim vi repellere prohibens, præſtolabatur. Quia verò aggreſſionem molientibus obſtruçtâ portâ aditus non patebat, ignem continuo arundineo illi ſtramineoque tugurio injiciunt: cujus fumo, & penetrantium ad intima flammarum violentiâ adaçti, foras inermes erumpunt, quos armata barbarorum ſævitia in veſtigio ſagittis & morte conſecit; mox ſecuturum filios Patrem, cui potiſſimùm crudelitas iminebat, haud paulò diriore mor-

te ſublatura. Vidit, quâ per ignem & undantem fumum licuit, jacentes in ſanguine charos filios Cornelius, & intrepido animo vicinæ jam æternitati feliciter imminens, è domo ſeſe in medium dedit. Tum verò ſublata in expectatam prædam barbarâ vociferatione, inter probra & convitia procaciter furentérq; ingeſta, quòd indigenas ab avito more ad ignotam Religionem averteret, funem ejus collo properè circumdant, & humili dejectum ad Templum truculenter raptant, tam rabido in obvia ſaxa allifu & jaçtatione, ut cruenta ubique ſanguinis non parçè effuſi manerent veſtigia. Ad Templum, ipſamq; adeò Aram protractum, verberibus immaniter excipiunt: ruſſumq; foras per atrium, cæmeterium, atque indè circumcirca religioſum illum locum iterum ac iterum raptatum, ad eam denique, cujus ab eo præforibus erectæ meminimus, Crucem, velut ad curſus ſui metam pertrahunt.

Hanc ille brachijs ſtringens, ut in complexu vivifici trophæi moreretur, dum ſacra Nomina in ſupremi agonis auxiliũ invocat, barbari ſune adducto, ac utrimq; toto viriũ conſiſu contorto, inter ſtrangulandum illi ſanguinem impetu erumpentem effundunt, & ſpiritum intercludunt. Neq; unâ morte parciùs necatũ obire contenti, gemino ſimul ac valido Indicæ clavæ icu capiti impacto, telis quoq; & lapidibus pro mortis auctario certatim conſciunt, inq; ſuo ſanguine natantem, omnibus ſpoliatum veſtibus nudum relinqvunt. Atq; indè in Patris tuguriolum Ædémq; ſacrâ procurrentes, quidquid Imaginum & ſacræ ſupelleſtilis fuit reliqvum, ſædè conſpurcant; ſamoſo etiâ è ſuis venefico ſacrificali veſte circumdato, & jocularibus in ea ſaltibus Deo Chriſtianorum inſultante. Dilapſis poſt hæc in montes ad cavernas ſuas homicidis, conquiſitũ Patris cadaver decentiſſimè à vicinarũ Reductionũ Socijs tumultatũ eſt; & funis cruentæ ſtrangulationis inſtrumentũ, argenteæ ciſtulæ, ad privatam devotionẽ, à pia Gubernatoris novæ Cantabriæ uxore, incluſus. Non longè poſt Taraumares ubi ſe ab illo æſtu ſanguinario collegere, dolore icu, veniam, pacẽ, & amicitiam cum Hiſpanis depecti, noſtros avidè receperunt; qui revocatis diſperſis percuſſo paſtore Neophytis, Templum iterum & ſacra, longè maximo Chriſtianorũ acceſſũ, inſtauraverunt. Bienio poſt reſoſſum corpus, integrũ illibatũq; repertum fuiſſe, teſtati ſunt qui viderunt, & ſignatâ etiam tum cruentâ ſemitâ illius ſanguine, per omne illud ſpatium, quo ab Ara è Templo ad uſq; Crucem raptatus fuerat.





P. Iacobus Basile, Italus Soc. IESV. ab Idololatriæ pro fide truncatus, et à Cruce suspensus, apud Papigochas Indas in America A. 1652. mense Martio.

C. Secreta. d.

M. K. f.

## P. JACOBUS BASILE.

**B**arium, nobilis Apuliæ in Italia Civitas, natalis fuit P. Jacobo, eumque liberaliter educatum. An. 1630. ætatis 21. Societati, hæc deniq; impensè id flagitantem An. 1642. Mexicanæ in occidentalibus Indijs Provinciæ dedit; ea puritatis integritate sæculi vitam emensum, ut Bernardini Senensis nomen ac laudem obtinuerit, solo aspectu & interventu licentiora æqualium colloquia componere solitus. Quà suâ felicitate ita exultavit, ut in ipso navigationis procinctu Hispali ad suos in Italiam scribens fateretur, suum animum nunquam ante, nunquam post initam Societatem, tantâ illiquefactæ in cor voluptatis dulcedine fuisse

perfusum, quantam tunc perferensceret. *Benedictus*, inquit inter alia, *DEus, qui mihi vires dedit & voluntatem, ut vocanti obtemperarem.* Versantem etiamnum in Patria, studijs Neapoli occupatum, cupida intueri coram in Sacra Religionis veste mater, desiderium suum literis illi aperuerat. Sed ei Jacobus Christi Cruci affixi simulachrum transmisit, & monuit, ut sui loco illum aspiceret, quoties filij videndi cupiditate flagraret. Sexaginta simul ab Hispania, duabus impositi navibus solvere Socij, in Philippinas 40. reliqui 20. inter quos etiam Jacobus, in Mexicum, omnes incredibili sanguinis pro Christo fundendi cupidine accensi. Probata primùm est illius Apostolica opera in excolenda Regionis



gionis illius quādam Provincia, longiùs latiusque toto Regno Neapolitano porrecta; in qua cum expectationi omnium etiam supra spem, & conatùs industriā, & proventùs ubertate respondisset, idoneus maximè iudicatus est, qui P. Cornelio Beudin, nuper odio Fidei cæso, in cultura Papigochorum Reductionis succenturiaretur. A cuius adhuc calente illic sanguine mentis vigore hauriens, dici vix potest quanto ardore, & gestientis animi impetu, caput difficillimæ Provinciæ devoverit. Inter alia Mexico scribens 20. Julij, sexto & quadragesimo ab obitu Cornelij die, se per 8. annos ad illos populos expeditionem petiisse, hesternò impetrasse, & post 5. dies eò moturum; tum addidit: *nescio quid præagit animus, & præ lætitia gestit.*

Præcipua post expertum animi ardorem, quæ illum arduæ missionis apud Moderatores candidatum fecit, causâ fuit, præclara emendatè ac disertè barbarorum idiomate loquendi, vernaculo quodam sapore condita peritia, ut Taraumarense, ac passim barbaros teneret admiratione suspensos. Indè instauratâ sensim, quæ post eadem Cornelij jacebat cum Templo, Fidei disciplinâ, totum zelum ad augendam ex deductis vagorum mortalium colonijs Reductionem impendit; quàm ubere & sæcundo successu, ex superiorum annorum gestis collige, quorum fructus ad Socios Cinaloënsis, quò eos ad referendas secum Deo gratias excitaret, perscribens, intra quinquennij spatium initiata sacris Baptismi aquis fuisse quindecim millia Ethnicorum ait: quos inter fuit anus 150. annos nata, quæ à Baptismate nè quartam quidem horæ partem ampliùs supervixit. At vix unquam fera illa levissimorum Barbarorum ingenia ità integrè mansuescunt, quin flagitiosa scelerum assuetudine in transversum acta, tædio disciplinæ Christianæ pristinam pessimarum cupiditatum libertatem suspirant. Magnam illorum vim suavi suâ eloquentiâ Christo jam pepererat, cum altero sudorum Apostolicorum vertente anno 1652. mense Martio, iterum inter inquieta Papigochorum ingenia celebratum senaculum, & conspiratio conflata est inter Ethnicos, & nonnullos à Fide apostatas, ut Basilii primum ceu malorum caput, deinde alij constantes in Religione Jndi Hispanique, in villa Aguilar è medio tollerentur.

Invitabatur ab Hispanis Pater ut sibi maturè fugâ consuleret; at ipse boni pastoris non esse dicens, ignobiliter fugiendo gregem desertum lupis rapacibus, & dispergen-

tibus in prædam relinquere, stationem deferere noluit. Igitur collectis in templū Fidelibus, ante omnia quæ Jndorū, quæ Hispanorū animos, sacrâ exomologesi expiare, & supremo vitæ actui parare aggressus, dū supremo fervore incurius sui operi insistit, repentinò se in eum locū Taraumares infudère, ac magnâ in utrosq; cæde grassati sunt. Pater arreptum ab Ara Crucifixum manu gerens, in medium profluit, suamque illis perfidiā & impietatem exprobrans, etiam atque etiam monet, nè à dæmone seducti impiè cæpta prosequantur: pèrque medios barbarorum, cuneos foras è templo prorumpens, dum constanter Christum ejusq; legem inculcare sanguinarijs pergit, illi audaciā & libertatem Dei servi indignati, eodem loci obtruncant, & ex eodem, in quo Dominus & Redemptor suus olim pependerit, crucis præforibus erectæ patibulo, truncum cadaver, velut in contumeliā defensæ ab illo Christi Crucis, suspendunt: omnibus qui adhuc supererant Christianis, eodem furoris tenore necatis, & post direptum sacrum apparatus, templis incensis. Corpus ejus seu casu, sive divinâ destinatione ibi conditum est, ubi P. Cornelius Beudin altero jam anno jacebat sepultus; eaque occasione integrum vividumque ejus cadaver, ut supra retulimus, deprehensum est.

Videtur autem Deus hunc suum occasum Patri prænosendum, ejusque ultimū sacrificantis ministro, dedisse. Etenim cum inter litandum eo ipso necis die Divinam Hostiam populo de more monstraturus elevarer, visus est cruentus circulus, qui eam orbiculatim circumdabat; eaque super Altari repositâ, eodem sanguine sacrificialis mappula cruentata comparuit. Testati etiam deinde communiter sunt omnes, qui neci Patris tam spectatores, quàm mortis aucthores intererant Jndi, intèrque illos tres Caciquij, singuli seorsim diversè ab alijs sigillatim in legitimo processu interrogati, quòd moriens Pater pulcherrimum infantem ( ità vernaculâ phrasi exprimentes) ore pepererit. *Vidimus, aiebant: hisce ipsis oculis quod è moriente Patre tener infans, niveo candore amabilis exierit, qui in media fumi instar nubecula; magno splendore circumdatus, inter duos alios comites infantes) Angelos fuisse crediderim, animam illius; vel certè JESUM Eucharisticum, paulò antè in Sacrificio sumptum, in Cælum stipantes) eòsque alijs insignes; quos inter alijs alijsque ascendebat in Cælum, donec tandem videri desijt.* Cujus spectaculi ad-



miratione perculsi barbari, & horrore quodam atq; arcanâ vi in terram prostrati sunt.

Atque hi ferè sunt magis hæcenus comperti, ad usq; Christi annum 1655. per quatuor Orbis plagas inclitorum è Societate. IESU pugilum de sanguinea morte trium-

phi; quos ità posteri eorundem legamus, ut ad æmulanda ipsorum charismata accendamus, neque unquam degeneremus à præcellis cogitationibus Fratrum nostrorum.

A M E N.



## PROTESTATIO.

**L**ECTOR, adverte in Elogijs virorum Illustrum, quos hoc libro complexus sum, nonnulla me obiter attingere, quæ sanctitatem illis videantur adscribere: perstringo nonnunquam aliqua ab ijs gesta, quæ cùm vires humanas superent, miracula videri possunt: præfagia futurorum, arcanorum manifestationes, revelationes, illustrationes, & si quæ sunt alia hujusmodi: beneficia item in miseros mortales eorum intercessione collata divinitus; demum nonnullis sanctimonia, vel Martyrij videor appellationem tribuere. Verùm hæc omnia ità meis lectoribus propono, ut nolim ab illis accipi tanquam ab Apostolica Sede examinata, atque approbata; sed tanquam, quæ à sola suorum Auctorum fide pondus obtineant, atq; adeò non aliter, quàm humanam historiam. Proinde Apostolicum S. Congregationis S.R. & Universalis Inquisitionis Decretum Anno 1625. editum, & Anno 1634. confirmatum, integre, atque inviolatè, juxta declarationem ejusdem Decreti à Sanctissimo D.N. D. URBANO Papa VIII. Anno 1631. factam, servari à me omnes intelligant: nec velle me, vel cultum, aut venerationem aliquam per hæc meas narrationes ulli arrogare; vel famam, & opinionem sanctitatis, aut Martyrij inducere, seu augere; nec quicquã existimationi adjungere, nullumq; gradum facere ad futuram aliquando ullius Beatificationem, aut miraculi probationem; sed omnia in eo statu à me relinqui, quem seclusâ hac meâ lucubratione obtinerent, non obstante quocunq; longissimi temporis cursu. Hoc tam sanctè profiteor, quàm decet eum, qui Sanctæ Sedis Apostolicæ obedientissimus haberi filius cupit, & ab ea in omni sua scriptione & actione dirigi.

MATHIAS TANNER S. J.



# NOMINA EORUM,

Qui pro DEI causa ex Societate JESU interfecti,  
hoc libro recensentur, ordine Alphabetico.

## EUROPA.

P. Alexander Briantus, Anglus.	pag. 14	Nicolaus Odoenus, Anglus.	p. 73
Andreas Martini, Franco.	p. 107	P. Otho Campensis, Holandus.	p. 45
P. Arnoldus à Boecop, Belga.	p. 92	P. Petrus Buzelinus, Belga.	p. 45
Blasius Schelling, Bavarus.	p. 105	P. Petrus Michael, Germanus.	p. 41
P. Briantus Cansfeldus, Anglus.	p. 120	P. Petrus Venustus, Helvetus.	p. 3
P. Christophorus Spotecus, Polonus.	p. 48	P. Petrus Wrichtus, Anglus.	p. 141
P. Curbertus Prescottus, Anglus.	p. 133	Philippus Nottin, Belga.	p. 109
Dominicus Colinus, Hibernus.	p. 55	P. Richardus Bradlaus, Anglus.	p. 124
P. Edmundus Arousmithaus, Anglus.	p. 99	P. Robertus Netervillius, Hibernus.	p. 136
P. Edmundus Campianus, Anglus.	p. 9	P. Robertus Southuvellus, Anglus.	p. 30
P. Edmundus Donatus, Hibernus.	p. 7	P. Rogerius Filcockius, Anglus.	p. 50
P. Eduardus Oldcornus, Anglus.	p. 60	P. Rudolphus Corbaeus, Hibernus.	p. 122
P. Emmanuel Fernandez, Afer.	p. 1	P. Stephanus Pongraz, Vngarus.	p. 88
Emmanuel Neri, Italus.	p. 58	P. Theodorus Riswig, Belga.	p. 98
Franciscus Pages, Anglus.	p. 52	P. Thomas Cottamus, Anglus.	p. 17
P. Gerardus Paefman, Belga.	p. 109	P. Thomas Garnetus, Anglus.	p. 79
P. Godefridus Thelen, Germanus.	p. 90	P. Thomas Holandus, Anglus.	p. 117
P. Guilielmus Boytonus, Hibernus.	p. 135	P. Thomas Mettamus, Anglus.	p. 20
Guilielmus Saltemochius, Gallus.	p. 25	Wenceslaus Trnolska, Moravus.	p. 112
P. Henricus Garnetus, Anglus.	p. 65	A F R I C A.	
P. Henricus Morfæus, Anglus.	p. 126	P. Abrahamus Georgius, Syrus.	p. 184
P. Henricus Walpolus, Anglus.	p. 37	Alexius Delgadus, Lusitanus.	p. 170
P. Hervæus Malvesius, Gallus.	p. 94	Alphonfus Fernandez, Lusitanus.	p. 174
P. Hieremias Fischer, Boëmus.	p. 146	Alphonfus Vaëna, Hispanus.	p. 170
P. Jacobus Salefsius, Gallus.	p. 22	Alvarus Mendez, Lusitanus.	p. 170
P. Ioannes Arnoldi, Westphalus.	p. 104	Andreas Gonzalez, Lusitanus.	p. 170
P. Ioannes Bathæus, Hibernus.	p. 138	P. Andreas Gualdanez, Hispanus.	p. 164
P. Ioannes Boddens, Belga.	p. 109	Andreas Pays, Lusitanus.	p. 177
P. Ioannes Cornelius, Anglus.	p. 28	Antonius Correa, Lusitanus.	p. 170
Ioannes Esto, Polonus.	p. 48	Antonius Fernandez, Lusit.	p. 170
P. Ioannes la Garde, Gallus.	p. 96	Antonius Suarez, Lusitan.	p. 170
P. Ioannes Grossus, Anglus.	p. 131	P. Apollinaris de Almeida, Lusit.	p. 197
P. Ioannes Lelezi, Vngarus.	p. 26	P. Benedictus de Castro, Lusit.	p. 170
P. Ioannes Meagh, Hibernus.	p. 112	P. Bernardus Nugueira, Lusit.	p. 205
P. Ioannes Ogilbeus, Scotus.	p. 82	P. Bernardus Pereira, Lusit.	p. 190
P. Ioannes Sandæus, Belga.	p. 95	P. Blasius Ribera, Lusit.	p. 170
P. Ioannes Vorthingtonus, Anglus.	p. 149	P. Brunus à S. Cruce, Italus.	p. 200
P. Jodocus Mayering, Westphalus.	p. 107	P. Didacus de Andrada, Lusit.	p. 170
P. Laurentius Everardi, Belga.	p. 45	Didacus Carvalius, Lusit.	p. 177
P. Laurentius Passokius, Silesius.	p. 115	Dominicus Fernandez, Lusit.	p. 170
P. Martinus Gutierrez Hispanus.	p. 5	Emmanuel Alvarus, Lusit.	p. 170
Martinus Ignatius, Silesius.	p. 112	Emmanuel Fernandez, Lusit.	p. 170
P. Martinus Laterna, Polonus.	p. 42	Emmanuel Paceccus, Lusit.	p. 170
P. Matthæus Cramerus, Boëmus.	p. 115	Emmanuel Rodriquez, Lusit.	p. 170
P. Matthæus Grimes, Gallus.	p. 139	Ferdinandus Alvarez, Lusit.	p. 175
P. Mathias Burnatius, Silesius.	p. 102	Ferdinandus Sanchez, Hispan.	p. 170
Mathias Vitriarius, Lithuanus.	p. 48	Franciscus Alvarus, Lusit.	p. 170
P. Melchior Grodecus, Silesius.	p. 88	Franciscus de Castro, Lusitan.	p. 174
Nicolaus Krziwozanziewicz, Lithuanus.	p. 48	P. Franciscus Macciadus, Lusit.	p. 190
		Franciscus Magallianez, Lusit.	p. 170
		Franciscus Paulus, Lusit.	p. 174
		Fran-	



# I N D E X

Franciscus Perez Godojus, Hisp.	pag. 170	P. Antonius Sociro, Lusitanus.	p. 384
P. Franciscus Ribeirus, Lusit.	p. 188	P. Antonius de Sousa, Lusitanus.	p. 364
P. Franciscus Rodriquez, Lusit.	p. 197	P. Antonius Vaseoncellus, Lusitanus.	p. 347
Gaspar Alvarez, Lusit.	p. 170	Augustinus Ota, Japon.	p. 287
Gaspar Goëz, Lusit.	p. 174	P. Balthasar de Torres, Hispanus.	p. 322
P. Gaspar Paës, Lusit.	p. 193	P. Bartholomæus Sanchez, Hispan.	p. 409
P. Gonzalus Cardosus, Lusit.	p. 179	P. Benedictus Fernandez, Lusitan.	p. 360
Gonsalvus Henriquez, Lusit.	p. 170	P. Bernardinus Peccius, Italus.	p. 330
P. Gonsalvus Sylveria, Lusit.	p. 156	P. Camillus Constantius, Italus.	p. 301
Gregorius Scribanus.	p. 170	P. Carolus Spinola, Bohemus.	p. 289
P. Hyacinthus Francisci, Italus.	p. 197	P. Christophorus Ferreira, Lusitanus.	p. 427
Jacobus Perez, Lusit.	p. 170	Consalvus Fusai, Japon.	p. 298
P. Ignatius Azebedius, Lusit.	p. 166	Damianus Fucaye, Japon.	p. 362
Ioannes Alvarus, Lusitanus.	p. 177	P. Didacus Carvalliis, Lusitanus.	p. 313
Ioannes Baëza, Hispan.	p. 170	P. Didacus de Morales, Hispanus.	p. 412
Ioannes Fernandez, Lusitanus Bracha-		P. Didacus Yuki, Japon.	p. 381
rensis.	p. 170	Dionysius Fugixima, Japon.	p. 305
Ioannes Fernandez, Lusit. Ulissipon.	p. 170	Dionysius Jamamoto, Japon.	p. 356
Ioannes à S. Martino, Hisp.	p. 170	P. Emmanuel Barretus, Lusitanus.	p. 275
Ioannes de Mayorgo, Hisp.	p. 170	P. Emmanuel Borges, Lusitanus.	p. 349
P. Ioannes Pereira, Lusit.	p. 193	Franciscus Aranea, Lusitanus.	p. 238
Ioannes Zaurus, Hisp.	p. 170	P. Franciscus Buldrinus, Italus.	p. 339
P. Ludovicus Cardeira, Lusit.	p. 200	P. Franciscus Carrion, Hispanus.	p. 251
Ludovicus Correa, Lusit.	p. 170	P. Franciscus Lopez, Lusitanus.	p. 229
Marcus Caldeira, Lusit.	p. 170	P. Franciscus Marquez, Japon.	p. 412
P. Mauritius Serpius, Lusit.	p. 181	Franciscus Martinez, Sina.	p. 269
Michael Aragonius, Hisp.	p. 174	P. Franciscus de Mendoza, Lusitan.	p. 407
Nicolaus Dinis, Lusit.	p. 170	P. Franciscus Pacieccus, Lusit.	p. 322
P. Petrus Diaz Lusit.	p. 174	P. Franciscus Paliola, Italus.	p. 424
Petrus Diaz, Lusit.	p. 177	P. Gaspar de Castro, Lusit.	p. 319
Petrus Fernandus Lusit.	p. 177	Gaspar Sandamatsu, Japon.	p. 322
Petrus Fonseca Lusit.	p. 170	P. Georgius Carvalhal, Lusit.	p. 255
Petrus Fontorus, Lusit.	p. 170	P. Georgius Fernandez, Lusit.	p. 232
Petrus Nunnez, Hisp.	p. 170	P. Gomez Damaralius, Lusitanus.	p. 332
Sancus Ioannes, Lusit.	p. 170	Patris Henriquez Socius anonymus.	p. 224
Simon Acofta	p. 170	P. Hieronymus de Angelis, Siculus.	p. 309
Simon Lopez, Lusit.	p. 170	P. Jacobus Giannonius, Italus.	p. 350
Stephanus Zurara, Cantaber.	p. 170	S. Jacobus Gifai, Japon.	p. 258. & 266
		P. Jacobus de Mesquita Lusitanus.	p. 272
		Jacobus Tacuscima, Japon.	p. 358
		P. Ignatius Fialho, Lusitanus.	p. 341
		Ignatius Kindo, Japon.	p. 349
		P. Joannes de Acofta, Lusit.	p. 362
		P. Ioannes Adamus, Siculus.	p. 364
		P. Ioannes Aresius, Sardus.	p. 423
		P. Ioannes de Baëza, Hisp.	p. 319
		P. Ioannes del Carpio, Hispan.	p. 379
		Ioannes Chungocu, Japon.	p. 298
		P. Ioannes de Fonseca, Lusitanus.	p. 276
		S. Ioannes de Goto, Japon.	p. 258. & 265
		Ioannes Kidera, Japon.	p. 350
		Ioannes Kifaku, Japon.	p. 322
		P. Ioan. Macciadus, Afer ex Insula Tertia.	p. 178
		P. Ioannes Metella, Lusitanus.	p. 277
		P. Ioannes Montiel, Calaber.	p. 430
		Joannes Yama, Japon.	p. 353
			p. Ioan.

## A S I A.

P. Egydius de Abreu, Lusit.	p. 286
P. Albertus Meczinsky, Polonus.	p. 412
P. Alexander Lopez, Hisp.	p. 430
P. Alphonsus de Castro, Lusit.	p. 226
P. Alphonsus Pacieccus, Hisp.	p. 238
P. Amarus Moureira, Lusitanus.	p. 406
Ambrosius Fernandez, Lusitanus.	p. 284
Andreas Saito, Japon.	p. 276
P. Antonius de Andrade, Lusitanus	p. 371
P. Antonius Capeccius, Italus.	p. 412
P. Antonius Criminalis, Italus.	p. 212
P. Antonius Critana, Hispanus.	p. 275
P. Antonius Franciscus, Lusitanus.	p. 238
P. Antonius Ifcida, Japon.	p. 336
Antonius Kiuni, Japon.	p. 298
P. Antonius Rubinus, Italus.	p. 414



# N O M I N U M.

## A M E R I C A.

P. Ioannes Zola, Italus.	p. 322	P. Alphonfus Rodriguez, Hispanus.	p. 479
P. Josephus Furlanettus, Italus.	p. 255	P. Antonius Bellavia, Siculus.	p. 493
Josephus Reomuy, Japon.	p. 349	P. Antonius Daniel, Gallus.	p. 531
P. Julianus Nacaura, Japon.	p. 364	P. Antonius Lopez, Hispan.	p. 455
P. Julius Margicus, Italus.	p. 334	P. Antonius Riparius, Italus.	p. 504
Leonardus Kimura, Japon.	p. 282	P. Bernardus de Cisneros, Hispan.	p. 470
Ludovicus Cafucy, Japon.	p. 356	P. Bernardus Reus, Hispan.	p. 487
Ludovicus Cavaia, Japon.	p. 298	P. Carolus Garnier, Gallus.	p. 539
P. Ludovicus Mendez.	p. 219	P. Christoph. de Mendoza, Peruanus.	p. 495
P. Ludovicus Pelingottus, Lusitanus.	p. 277	Christophorus Rotundus, Hisp.	p. 449
P. Mancius Firabajasci Japon.	p. 275	P. Cornelius Beudin, Belga.	p. 543
Mancius Mizogucci, Japon.	p. 275	P. Didacus de Alfaro, Peruanus.	p. 502
Mancius Taicicu, Japon.	p. 275	Didacus de Montalvan, Mexicanus.	p. 464
P. Marcellus Franciscus Mastrillus, Italus.	p. 386	P. Didacus de Oroasco, Hisp.	p. 470
Matthæus, Japon.	p. 364	P. Emmanuel Martinez, Lusit.	p. 489
P. Matthæus de Couros, Lusitanus.	p. 368	P. Ferdinandus Santaren, Hispanus.	p. 476
P. Matthæus Fernandez, Indus Cocinensis.	p. 330	P. Ferdinandus de Tovar, Hispan.	p. 467
Mathias Sanga, Japon.	p. 275	P. Francisc. Pint <sup>o</sup> , Afer ex Insula Tertia.	p. 460
P. Michaël Carvallius, Lusitanus.	p. 316	Fratres duo anonymi.	p. 440
Michaël Xumpo, Japon.	p. 298	Gabriel Gomez, Hisp.	p. 449
Michaël Nacascima, Japon.	p. 332	P. Gabriel Lalleman, Gallus.	p. 533
P. Michaël Pineda, Japon.	p. 355	Gabriel de Solis, Hisp.	p. 447
Michaël Tozo, Japon.	p. 322	P. Gaspar Oforius de Valderavano, Hisp.	p. 504
Nicolaus Keyan Fucunanga, Japon.	p. 345	P. Gundisalvus de Tapia, Hisp.	p. 451
P. Nunnus Riberius Lusitanus.	p. 217	P. Hieronymus de Moranta, Hisp.	p. 473
S. Paulus Miki, Japon.	p. 258. & 264	P. Horatius de Vecchi, Italus.	p. 464
Paulus Rioin, Japon.	p. 275	P. Iacobus Basile, Italus.	p. 546
P. Paulus Saito, Japon.	p. 360	P. Ioannes de Brebeuf, Gallus.	p. 533
Paulus Scinfuke, Japon.	p. 322	P. Ioannes del Castillio, Hispan.	p. 484
Petrus, Japon.	p. 364	P. Ioannes de Fonte, Hisp.	p. 473
P. Petrus Berna, Italus.	p. 238	Ioannes Mendez, Hisp.	p. 447
P. Petrus Cassui, Japon.	p. 404	P. Ioannes de Segura, Hisp.	p. 449
P. Petrus Mascarenia, Lusitan.	p. 233	Ioannes Sofa, Lusit.	p. 438
P. Petrus Navarrus, Italus.	p. 305	P. Ioannes de Valle, Hisp.	p. 470
Petrus Onizuccha, Japon.	p. 305	P. Isacac loquez, Gallus.	p. 510
Petrus Rinkei, Japon.	p. 322	P. Iulius Pasqualis, Italus.	p. 489
Petrus Sampo, Japon.	p. 298	P. Ludovicus de Alabes, Hisp.	p. 470
P. Petrus de Zamora, Hispan.	p. 406	P. Ludovicus de Quiros, Hisp.	p. 447
P. Rudolphus Aquaviva, Italus.	p. 238	P. Martinus de Aranda Valdivia, Chilenfis.	p. 464
Sacerdotes duo anonymi.	p. 222	Matthæus Fernandez, Hisp.	p. 508
P. Sebastianus Kimura Japon.	p. 289. & 298	P. Michaël de Vrra, Hisp.	p. 458
P. Sebastianus Vieira Lusitanus.	p. 375	P. Natalis Chabanel, Gallus.	p. 542
Quinq; Socij P. Sebast. Vieiræ, Japon.	p. 375	Petrus Correa, Lusit.	p. 438
Simon Jempo, Japon.	p. 309	P. Petrus de Espinosa, Hisp.	p. 498
P. Sixtus Tocuum, Japon.	p. 362	Petrus de Linarez, Hisp.	p. 449
P. Theodorus Mantels, Belga.	p. 257	P. Petrus Martinez, Hisp.	p. 443
Thomas Acafoxi, Japon.	p. 298	P. Petrus Romerus, Hisp.	p. 508
Thomas Nisciforus, Japon.	p. 343	P. Raphaël Ferrer, Hisp.	p. 462
Thomas Riocan, Japon.	p. 356	Renatus Goupil, Gallus.	p. 510
P. Thomas Tzugi, Japon.	p. 329	P. Rochus Gonzalez, Paraquariensis.	p. 479
Vincentius Alvarus, Lusitanus.	p. 267	Sanctius Savallius, Hisp.	p. 449
Vincentius Caunus, Japon.	p. 322		
P. Vincentius Damianus, Siculus,	p. 426		

Bbbb

E R R A.



## ERRATA ita corrige.

- Pag. 4. Columna 2. linea 12. *quarto Calendas Novembrius.* lege, *decimo quarto.*  
 Pag. 7. Col. 2. lin. 14. à fine. *proies.* lege *proles.* & lin. 9. à fine, *cujus,* lege *ejus.*  
 Pag. 11. Col. 2. lin. 3. à fine, *evadendas casses intentas.* lege *evadendos intentatos.*  
 Pag. 19. Col. 1. lin. 18. *nupe sdecim.* lege *unde speciem.*  
 Pag. 50. Col. 1. lin. 7. *ignito clavo,* lege *indito.* Et lin. 12. *operiri,* lege *opperiri.* Idē alibi corrige.  
 Pag. 62. Col. 2. lin. 25. *plurim.* lege *plurium.*  
 Pag. 86. Col. 2. lin. 32. *consuleritis.* lege *consuleretis.* Et lin. ultimā in. lege *ne.*  
 Pag. 114. Col. 1. lin. 2. *recepti.* lege *recipi.*  
 Pag. 122. Col. 1. lin. 12. à fine. *enitviri.* lege *enithit.*  
 Pag. 139. Col. 1. lin. 18. *suppellex.* lege *supellex.* Item pag. 173. Col. 1. lin. 34.  
 In Præfatione ad Asiaticam Societatem lin. 12. à fine *subj ngum.* lege *sub jugum.*  
 Pag. 219. Col. 1. lin. 22. à fine. *Sacerdos.* lege *Sacerdotes.*  
 Pag. 223. Col. 1. lin. 24. à fine *curat.* lege *curata.*  
 Pag. 290. Col. 1. lin. 5. à fine. *orationū.* lege *orationes.*  
 Pag. 291. Col. 1. lin. 31. *ea perscribenda.* lege *eas perscribendas.*  
 Pag. 293. Col. 1. lin. 13. *turbidins.* lege *turbine.*  
 Pag. 315. Col. 2. lin. 6. à fine. 24. *Febru.* lege 23.  
 Pag. 327. Col. 2. lin. 5. *novas.* lege *novus.*  
 Pag. 330. Col. 1. lin. 31. *sufflaminabat.* lege *sufflammabat.*  
 Pag. 333. Col. 2. lin. 5. *subjectus.* lege *subjectas.* & lin. 10. *confusum.* lege *confusam.*  
 Pag. 334. Col. 1. lin. ultimā. *domesti.* lege *domestici.*  
 Pag. 354. Col. 2. lin. 9. *subgeis.* lege *subegit.*  
 Pag. 367. Col. 2. lin. 42. 28. *Octob.* lege 26.  
 Pag. 373. Col. 2. lin. 27. *calamitantis.* lege *clamitantis.*  
 Pag. 382. Col. 2. lin. 3. *famosā.* lege *fumosā.*  
 Pag. 391. Col. 2. lin. antepen. *lapsus illi est totus annus.* lege *totus Martius Anni.*  
 Pag. 392. Col. 1. lin. 4. & lin. 21. *A. 1636.* lege. 1635.  
 Pag. 398. Col. 1. lin. 7. à fine. *voluitq. centum disciplinis.* lege *voritq. centum disciplinas.*  
 Pag. 400. Col. 2. lib. 4. *uno ē Japonibus.* lege *cum uno.*  
 Pag. 406. in titulo. *P. Andreas Moureira.* lege *P. Amarū.*  
 Pag. 472. Col. 1. lin. 12. *Purificata.* lege *Præsentata.*  
 Pag. 476. Col. 1. lin. 25. *Purificantis.* lege *Præsentata.*  
 Pag. 519. Col. 1. lin. 21. *supplicantibus.* lege *susplicantibus.*

Benevole Lector, hæc ferè sunt, quæ in decursu hujus operis sensum quodammodo immutare videbantur. Irreperunt præterea nonnulla, præsertim quæ Orthographiam concernunt; hæc apud te ipsum gratiosè excusa & emenda.





